

დავით

ქვეყნისთვის




ქვეყნისთვის

დავით



ქვეყნისთვის



Հ Հ Հ Պ

ՄԵՐԱՅԻՄՈՒՆԻՆԵՆ ԵՐԵՎԱՆ



ეს მოგონებები იწერება იმ მოსაზრებით, რომ რომელიმე მკვლევარმა ჩვენი წარსული ცხოვრების სურათის დასახატავად შეიძლება ამ სტრაქონებში იპოვოს გამოსადეგი რამ მასალა. თუ ეს ასე იქნა, მაშინ ამის დაწერაც გამართლებული იქნება და დამწერაც დიდად დაქაყოფილებული.

ნაშრომს კი ვუძღვნი მათ ხსოვნას, ვინც გული სიყვარულით გამოიბო, მასწავლა ადამიანის პატივისცემა და ნდობა. მოკლე მონაკონებში არაფერი შეფერადებული არ იქნება, მხოლოდ სინამდვილე, სინამდვილე, რომელსაც გადაუხრელიდ ვემსახურებოდი მთელი ჩემი მწერლობის განმავლობაში.

აპსტოლისაჲ

თ ა ვ ი პ ი რ ვ ე ლ ი

დედული, — შეძლებული იმერული აზნაურის ტიპიური ოჯახი. — სოფელი სიბონეთი. — მშობლები და მამობილი დათოკა გიორგაძე. — ნაყმევი სამონა ამოლტია.

დედული ჩემი არის პატარა სოფელი ხომული, რომელიც მდებარეობს ქუთაისიდან წყალტუბოსაკენ მიმავალ გზაზე. ქუთაისიდან ამ სოფლამდე ექვსი ვერსია. დედაჩემი, კესარია, იყო ხომულელი შეძლებული აზნაურის ნიკო ლოლობერიძის ერთადერთი ქალიშვილი. ბაბუაჩემი (დედის მამა) თავის შესახედაობით ქვემოიმერელი აზნაურის ტიპიური წარმომადგენელი იყო: მაღალი, წვრილი, პირხმელი, მუდამ ფაფანაკით თავზე, შავი ჩოხით, ხანჯლით შავ ქაპარზე, გადაკიდებულ ხმლით, გვერდზე ჩამოკიდებულ ნაქარგი ქისით, რომელშიც თუთუნის და მოკლე ჩიბუხის ეწყო. ამასთან დინჯი, დარბაისელი, განსხვავებული მოლაპარაკე, თუმცა ენა ებორძიკებოდა. შნოიანი კაცი იყო მოხუცებული, მაგრამ არ იცოდა წერა, არც კითხვა და არც ეხერხებოდა ქაღალდის ფულის დათვლა.

დიდ, ფართოდ გაშლილ ეზოს ერთ მხარეს იდგა დიდი ორსართულიანი სახლი. ქვედა სართული იყო ქვეითკირის, ზედა კი ფართო აივნისანი, ხის. მოშორებით იდგა დიდი, გრძელი, ისლით დახურული სამზარეულო, მის გვერდით საქონლის სადგომი, შემდეგ თავლა, სახარჯო სიმინდისათვის პატარა ხულა. ამას მიყვებოდა საქათმე, საბატე, საღორე; იქით თორნე, მარანი და სანადირო ძაღლების სახლი; განაპირას იდგა ორი ორსართულიანი ხულა, მუდამ სავსე სიმინდით, ღობით, პურით და ფეტვით; ეზოს შორეულ კუნძულში მოზრდილი შენობა — კამეჩების სადგომი. ეზოს გადაღმა, მოკრულ წაბლარში — სათხებო და ცხერის ფარები. აქაურობა პირდაპირ ბაზარს ჰგავდა. ყოველივე ამას, აქ მოთავსებულ ქონებას, რასაკვირველია, ბევრი მომვლელი ხელი ეჭირებოდა და ასეც იყო, — სამზარეულოში აუარებელი მოსამსახურე ხალხი ფუსფუსებდა და ტრიალობდა; ამათთან ტრიალობდნენ ორივე ოჯახის შვილებიც, ჩემი ბიძები. სხვანაირი მოხერხება და თავიანობა იყო საჭირო ოჯახის საქმის გასაძლოად და, რადგან ბებიაჩემი სუსტი ქალი იყო ჯანით, ეს დაკისრებული ჰქონდა ბიცოლაჩემს: მას ჰქონდა ჩაბარებული ოჯახის შინაურული საქმის ხელმძღვანელობა და იგიც საოცარი მოხერხებით და მარჯვედ უძღვებოდა მას. ჩემი, მოკლედ ლაპარაკს ჩვეული, უბრალოდ ჩაცმული, მოძრავი, იგი დილიდან შუადამედი საქნარში იყო ჩაბმული, თითქოს დაღალვა მისთვის არ არსებობდა. ოჯახის ყველაფერი საქმე მას ეკითხებოდა და მის დაუკითხავად არაფერი გაიცემოდა, არაფერი განათხოვრდებოდა.

ჩიქოვანის ქალმა იცის! — უამისოდ ვერავენ ხელს ვერ ახლებდა ოჯახის ქონებას. ქმარიც და მასლიც დიდი მორჩიდებით იყვნენ მასთან. ბაბუაჩემი განსხვავებული პატივისცემით ეპყრობოდა მას. ჩვენ, ბავშვებს, თან გვეშინოდა ბიცოლა ელისაბედის, თან გვიყვარდა ღრმა სიყვარულით; მან წერა-კითხვაც იცოდა და ყველა მის შვილს ნასწავლი ჰქონდათ წიგნი. ჩემმა ბიძებმა, როგორც უფროსმა, ისე უმცროსმა, წერა-კითხვა არ იცოდნენ. წერა-კითხვის ვარდა ბიცოლა თავის ქალიშვილებს ასწავლიდა მეოჯახეობას, მუდამ საქნარში ჰყავდა ისინი ჩაბმულა და იხმარებდა ოჯახის მოვლაში. მისი უფროსობა არ შეზღუდულა არც მაშინ, როცა მეორე ჩემმა ბიძამ ცოლი შეირთო, ლორთქიფანიძის ქალი; ახალი ოჯახის რძალი ხალისიანი, თავდაბალი, ტკბილ შემხედომი ადამიანი იყო; მასთან ყველა უფრო თამამად და გაბედულად იყო და ყველას ძლიერ უყვარდა. ამასაც დიდი მორიდება ჰქონდა უფროსი რძლის და მორჩილი, მიმყოლი ამხანაგი იყო მისი. წერილმანი საქმე ოჯახის უფროსის დაუკითხავად სწყდებოდა უმეტეს ნაწილად, ხოლო უფრო რთული კი მოხსენდებოდა ნების დასართავად.

საცხოვრებლად ბაბუას განსაკუთრებული კუნჭული ჰქონდა. ეს იყო ზედა სართულში ამყვან კიბის მახლობლად, დაბლა სართულის — პალატის ოთახი. პატარა ბუხრიან ოთახში ერთ კედელთან საწოლი იდგა, მეორე კედელს კი ჩაყოლებული ჰქონდა ვიწრო ჩამოსაჯდომი ტახტი; სინათლე შემოდინოდა პატარა, მალღად დატანებული ფანჯრიდან. ამ ოთახში ცხოვრობდა მოხუცებული და მის ნებადურთავად შიგ ვერაინი შევიდოდა. შვილებიც კი კარზე მიდგომით ელაპარაკებოდნენ მეტ შემთხვევაში. ამ ოთახში ჰქამდა სადილს მოხუცებული, რაზედაც უნდა შეკითხებოდნენ წინდაწინ. ვახშამსაც აქ გაშლიდნენ, ესეც მისი ნებადართვით. დაბალ ვიწრო სუფრას სადილ-ვახშამზე მოუსხდებოდნენ მხოლოდ უფროსები. ბავშვებს აქ აღგილი არ ჰქონდათ; მხოლოდ მე ვიყავი გამონაკლისი, — ყოველთვის ამათთან ვსადილ-ვახშამობდი ბაბუას მახლობლად მჯდომი, სადაც სინათლე იყო მხოლოდ ვახშამობისას; ინთებოდა ქონის სანთელი, რადგან მაშინ ნაეთი ხმარებაში არ იყო და ლამპა არ იცოდნენ. თუ მოსარიდებელი იქნებოდა ვინმე ვახშამზე, მოუკიდებდნენ ქონის სანთლის მაგივრად კარტოფილის სანთელს, სხვა დროს ოთახი ნათლებოდა ბუხარში ანთებული ცეცხლის ალით.

ზაფხულის დღეებში მოხუცებული მეტწილად გარეთ იყო. სახლის წინ, ყოფილი ტალავრის ქვეშ, იჯდა გაშლილი ჩოხით, ახალბის საყულო შეხსნილი, ტიტველა ფეხებზე ფოსტლებით; გვერდით ედვა ქისა თუთუნით და გრძელტარიანი ჩიბუხი. მოხუცებული იჯდა მარტოდ, სანამ ვისმეს არ მიიხმობდა. მე ყოველთვის მომიჩვენდა გვერდით, მემძახოდა „რუსო, რუსო“ და მესიყვარულებოდა. ჩემს ბიძებს ისეთი მორიდება ჰქონდათ მოხუცებულის, რომ თუ სუფრაზე არა, ისე მასთან არ დაჯდებოდნენ.

საყვარელი სამყოფი ჩემთვისაც და სხვა ბავშვებისათვის იყო სამზარეულო სახლი, სადაც, როგორც ვთქვი, აუარებელი ხალხი უუსფუსობდა. მიყვარდა აქ ყოფნა, აქ შუა ცეცხლის პირას მოყავანე ხალხში გარევა. რა ზღაპარა. რა არაქს. რა აშავეს. ზუმრობას არ გაიგონებდი ხოლმე! ვუჯექი მუხლებზე ხან ერთს, ხან მეორეს და ვუსმენდი ამათ გაუთავებელ ლაპარაკს. განსაკუთრებით დიდძალი ხალხი მოიყრიდა თავს სამზარეულოში, როცა ღვეზილებს აცხობდნენ ან დიდ ჰადის-ჰადს. ამ დღეს სოფლიდანაც ბევრი მოდიოდა. რადგან ღვეზილის გამოცხობას სხვანაირი ხელი ეჭირვებოდა. ღვეზილი — ეს დიდი ხაჭაპურია, ყველით და მოხარშული კვერცხებით გატენილი, არშინი, არშინზე მეტიც დიამეტრში, სამი-ოთხი გოჯა სისქით. ამის გამოსაცხობად კეთდებოდა თხელი ყავრისაგან ერთგვარი კალაპოტი, რომელსაც ჩადგამდნენ გაქიამებულ ნაკვერცხალ-

ში და ჩადებდნენ შიგ ვეება ხაჭაპურს; ცომს ზემოდან დააფენდნენ ნეშოს და წააყრიდნენ ნაკვერცხალს. ღვეზელის გამოცხობას განსხვავებული მოხერხება ეჭირებოდა და კარგი, გამოცდილი ხელი. გამომცხვარა ღვეზელი დიდი მოწიწებით გადაჰქონდათ საკუქნარო ოთახში შესანახად. ამგვარივე ამბავი იყო დიდ ჰადის-ჰადის გამოცხობაზეც. დიდ ღვეზელებთან და ჰადის-ჰადთან აცხობდნენ პატარებსაც და ამ პატარებს უხვად ატანდნენ სოფლიდან მომხმარებთ მოსულთ. გაცემა ყოველთვის დიდი იყო; მთხოვნელი მუდამ მრავალი იყო და უარით მთხოვნელის გაბრუნება ოჯახს არ ჩვეოდა, მაგრამ ამ დღეს უფრო უხვი გაცემა იყო ხოლმე. ეს დღეები სხვანაირად მიყვარდა, რადგან სამზარეულოში უფრო მეტი ხალხი ტრიალობდა, უფრო მეტი ჟრიაშული და სიცოცხლე იყო. მაშინ აქ უსათუოდ ვხედავდით ვინც სოფელში გვიყვარდა, რადგან ამ დღეს უსათუოდ იცოდნენ მოსვლა. ამათში, მახსოვს, განსხვავებით გვიყვარდა სიცოცხლით სავსე, მხიარული, ხალისიანი, ოხუნჯი თედორია პაპავა. მისი დანახვა არა თუ ჩვენ, ბავშვებს, გვგვრიდა სიამოვნებას. ბაბუაყი, როგორც მოჰკრავდა თედორიას თვალს, წამოიძახებდა:

— თედორიეს დამიძახეთ!

მიიხმობდა თედორიას, ესეც მოშორებით დაუდგებოდა წინ და თავისი ხალისიანი ენით ემუსაიფებოდა მოხუცებულს, რომელსაც როგორც ეტყობოდა, დიდად სიამოვნებდა მასთან ლაპარაკი.

განსხვავებულად მიყვარდა ბაბუას ოჯახში გაზრდილი გლეხი შოშიელა კინწრიაშვილი. ჯანით სუსტი, იგი ვერ ეწეოდა საჭირო მუშაობას და ღარიბი ოჯახის პატრონი იყო. ბაბუას ოჯახიდან დიდი ხელისწყობა ჰქონდა მას, მაგრამ იგი მაინც საწყლად იყო. დედაჩემი რომ მივიდოდა თავის სახლს — უსათუოდ შემოივლიდა ფანცხავეებს, პაპავეებს და შოშიელასათვის მიჰქონდა საჩუქრები; ყველას გვიყვარდა წყნარი შოშიელა, ყველას გვეცოდებოდა, მაგრამ დედაჩემს განსაკუთრებით, რადგან პატარაობისას ერთად იზრდებოდნენ. შოშიელას უფროსი ძმა სესელია, მოურავად ჰყავდა ბაბუაჩემს. კაცი ეშმაკი, გაიძვერა, მოქარგული ენით მოლაპარაკე, რისი წყალობითაც მოხუცებული ხელში ჰყავდა ჩაჭერალი; მისი რჩევის გამგონი და დამჯერი იყო ბაბუა. ვერც შვილები და ვერც რძლები ვერასეუბნებოდნენ მოხუცებულს ხათრით, რადგან იცოდნენ, რომ ეს საწყენად დაურჩებოდა მას; ცუდლუტი, მოხერხებული მოურავი კი ამით სარგებლობდა, სტყუებდა ბატონს რაც ეპრიანებოდა. ამ გამოწინაცინტავით დაბოლოს მან იყიდა წყალტუბოს მახლობლად მშვენიერი მადლობი ადგილი, ამართა ზედ სამი სახლი და გააჩაღა მდიდარი ოჯახი. მოხუცებაში იგი ისე ირჩებოდა, როგორც მისი ნაბა-

ტონარი — იჭდა გრძელტარიანი ჩიბუსით ხელში და იმსახურებდა შვილებსა და რძლებს. თავის ეშმაკობით მან ერთ დღეს წაჰკიდა ბაბუა და უმცროსი ბიძაჩემი, — უფროსი ამ დროს მკვდარი იყო. მოხუცებულ მამას გაეყო შვილი და ცალკე მოსახლეობა გაიწყო. მოხუცებული შეწუხდა შვილის გაშორებით, ჯავრს მიეცა და ჯავრმა მოტეხა და კიდევ გადაიტანა. გაიძვერა სესელიამ რამდენიმე ხნის შემდეგ მოიჩივა ბიძაჩემი თავისი მოხერხებული ქცევით და ისევ ახლობელი კაცი შეიქნა ორივე ოჯახში. ბიძაჩემმა, რასაკვირველია, ვერ მოახერხა ისეთი ოჯახის გამართვა, როგორც ჰქონდათ. ქველ ოჯახსაც უმძიმდებოდა თავის შენახვა, თუმცა ამისათვის ძლიერ მეცადინობდა ახალი პატრონი, სამსახურში მყოფი ჩემი ბიძა-შვილი. კიდევ ერთგვარად უძლებდა ახალ-ახალ მოთხოვნილებათ, სანამ ცოცხალი იყო დაუღალავი ოჯახის ნამდვილი მუშა — ბიცოლაჩემი; მისი სიკვდილის შემდეგ არავინ აღმოჩნდა მისებური მომქმედი, მოსაქნარე და შეძლებულმა, მდიდრად ნამყოფმა ოჯახმა იცვალა ფერი, ჩამოიქვეითა და უკან-უკან მისრიალებდა.



მეორე ბაბუაჩემი: სოფელ სიმონეთში მცხოვრები ღარიბი აზნაური იყო. ღარიბმა მაინც მოახერხა თავისი მრავალრიცხოვანი ოჯახის შენახვა, დაათხოვა ყველა ქალიშვილი და ორ უფროს ვაჟს ცოტაოდენი სწავლაც მიაღებინა ქუთაისში. მოხუცებულს ურჩებოდა უმცროსი ვაჟი სამსონი, მამაჩემი, — და რომ თავისი საკვდილის შემდეგ პატარას ჰყოლებოდა გულითადი მომვლელი-მზრუნველი, მან მიიწვია მეზობელი გლეხი დათიკა გიორგაძე თავისი ცოლით, მამობილად მოჰკიდა შვილს და მისი ბედ-იღბალი იმათ ჩააბარა. ამათაც სავსებით გაამართლეს მოხუცებულის იმედი და ნამდვილი დედამამობა გაუწიეს შვილობილს. ყოველნაირად უწყობდნენ ხელს ადრე ობლად დარჩენილს. შეაძლებინეს ესწავლა. ორკლასიანი სასწავლებელი გაათავებინეს ქუთაისში; დაეხმარნენ სამსახური ეშოვნა და კიდევ იშოვა — სამაზრო სამმართველოში შევიდა გადამწერად. იცოდა ლამაზი როგორც ქართული, ისე რუსული წერა. მუყაითი, მოხერხებული. კარგად გაუძღვა თავის სამსახურს, და ცოცხალმა, ლამაზმა, კოლეესკი რეგისტრატორის ჩინით დაჯილდოვებულმა ყმაწვილმა იმდენი მოახერხა, რომ თავი მოაწონა მდიდარ მებატონეს და შეირთო მისი ერთადერთი ქალიშვილი ცოლად. დედობილ-მამობილმა მცირე მიწის მქონებელ შვილობილს ცოლის მოყვანაზე საჩუქრად თავს გადააგდეს ოთხ ქცევამდე მიწა, სამოსახლო და საყანე; მზითვად აღებული ფულის ნაწილით აყიდვინეს კიდევ

ადგილი, აყიდვინეს სახლი, მოუტანეს და დაუდგეს ნაჩუქარ ადგილში; მოუწყვეს ხულა, ბელელი, სამზარეულო, საბძელი — ერთი სიტყვით ყველაფრით გაუმართეს ოჯახი.

ერთ დღეს მამობილმა ძროხა მოუყვანა დედაჩემს.

--- კესა, ძროხა არ გყავთ — ეს კაი მოდგმის ძროხაა, გყავდეთ ზქვენი; მოუარე და საქონელი მოიშენეთ, — უთხრა დათიკამ და დაულოცა ნაჩუქარი. ძროხა მართლაც მშვენიერი გამოდგა და შემდეგში დიდძალი საქონელი მოშენდა მისგან.

დღე არ გაივლიდა ისე, რომ მამობილს თვალი არ გადაეგლო შვილობილის ოჯახისათვის. მამაჩემი კი ქუთაისში განაგრძობდა სამსახურს. დათიკა იყო ჩვენი ოჯახის მეთვალყურე, მოჭამაგირეთა დამრიგებელი და ხელმძღვანელი. მასთან ერთად ხშირად ამაში მონაწილეობას ღებულობდა მისი უმცროსი ძმა ივანე, ესეც დათიკასავით კეთილი გულით განწყობილი ჩვენი ოჯახისადმი. უშვილო დათიკამ ნამდვილ შვილად მიიჩნია თავისი შვილობილი და სამაგალითო პატიოსნად აუსრულა ბაბუაჩემს იმედი, რომ უმცროსი შველი უპატრონოდ არ დარჩებოდა დათიკას ხელში. სიკვდილამდე იგი მომვლელი იყო ჩვენი ოჯახის. ეს დალოცვილი ბუნების ადამიანი მარტო ჩვენთან არ იყო ასეთი გულკეთილი, — იგი იყო ნამდვილი კაცთმოყვარე ადამიანი, რომ იტყვიან; მუდამ მზად იყო ყოველი გაჭირვებულის შესაწევად, და ამის გამო დიდი პატივისცემა ჰქონდა დამსახურებული სოფლელებისაგან; ყველას უყვარდა იგი და დიდ პატივს სცემდა მის ოჯახს. იგი ნამდვილი მშვენიება იყო სოფლისა; მშვენიერი იყო დათიკა გარეგნობითაც: მაღალი, ფართო მხარბეჭიანი, ტანწვრილი, სასიამოვნო სახით, მოგრძო გათეთრებული თმით. მოძრავი, რახიანი ხმით მოლაპარაკე, მხიარული ადამიანი, ქეიფის მოყვარული. გაკვირვებას ვარ ახლა, რომ გამახსენდება ის ვეებერთელა ხის კათხები, იგი რომ სცლიდა ხოლმე ერთი ალებიან ხელში. ჩხუბი არასოდეს არავის არ ახსოვს მისგან. არავის ახსოვდა, რომ იმ სუფრანზე, სადაც დათიკა იჯდა, აყალბაყალი მომხდარიყო, როგორი გადარეული სმაც უნდა ყოფილიყო.

— იალა! — დასძახებდა ის და თავის დიდ ბოხობს ჭერ მალა შეაგდებდა და მერე ძირს დააბერტყებდა. ყოველ კვირა-უქმე დღეს მათი დიდი სახლის ფართო აივანზე უსათუოდ მრავლად თავშეყრილი სტუმრები იყვნენ — სმაში და სიმღერაში გართულნი.

ქეიფიც უყვარდათ ორივე ძმებს და მუშაობაც. ორივენი სამაგალითო მუშები იყვნენ და ამიტომაც ოჯახიც ყველაფრით სავსე. რის გამო თავათაც კარგად ცხოვრობდნენ და შეძლება ჰქონდათ სავსებით გამოეჩინათ თავიანთი გულკეთილობა და ყოველი გაჭირ-

ვებულისათვის შესაწევად მზად ყოფნა. ამ დროს უფრო ნადით იცოდნენ ყანების დამუშავება და დათიკა მართლა სანახავი იყო ნადის თავში ჩამდგარი თოხით, მის გვერდით ყოველთვის მისი ძმა ივანე და მათი გუგუნე ნადურის თქმაში. ვიმეორებ, ქეიფიც იცოდნენ ორივე ძმებმა, მუშაობაც და ადამიანის მიხედვაც, რამაც შეაყვარა მათი თავი და მათი ოჯახი არა თუ მეზობლებს, სოფლის გადაღმაც. ამ ადამიანმა ისე გაატარა თავისი ხანგრძლივი სიცოცხლე — იგი მოკვდა ღრმა მოხუცებული — ისე რომ სასამართლოში ფეხი არ შეუღდამს არც მომჩინვად, არც მოწმედ, — გადამეტებით ეჭავრებოდა ყოველგვარი შფოთი და არევე-დარევეა. ერთხელ ბიძაჩემს და მამაჩემს დავა აუტყდათ. ბიძაჩემმა უთხრა დათიკას: მოწმედ უნდა დაგასახელოვო.

— შენს სულს დაენაცვლოს დათიკა გიორგაძე, რაც გნებაეს ის მიყავი და მაგას ნუ მიზამი — შეევედრა დათიკა. — დაანებეთ თავი საჩივარს, სასამართლოში სიარულს. ჩვენ მოვავგარებთ საქმეს, ჩვენ მოვსპობთ თქვენ შორის შფოთს და უსიამოვნობას!

ცოლიც თავისი შესაფერისი ჰყავდა დათიკას. მელანა ჩიხლაძის ქალი (როგორც მას უწოდებდნენ) დიდი პატივისცემით იხსენიებოდა სოფელში. დინჯი, დარბაისელი, იგი ცნობილი იყო როგორც ექიმი ქალი და მისი წამლებით მრავალი ხალხი სარგებლობდა და დიდი სახელი ჰქონდა მოხვეჭილი.

ჩვენს ახალ მოსახლეობას დიდი და ერთგული მეთვალყურე და მზრუნველი ჩვენს გადიაშიაც ჰყავდა. იგი დარჩა ბიძაჩემთან, არ მოშორდა ძველ სამოსანლოს. გურული ქალი იყო, ბაბუაჩემისაგან გურიში ნაყიდი. დროთა განმავლობაში იგი ისე შეეთვისა და შეუერთდა ახალ ოჯახს, რომ, როცა ერთხელ ძმები მოუვიდა გურიიდან და უთხრეს სამშობლოში დაბრუნება, მან მტკიცე უარი განაცხადა და არ მოშორდა თავის გაზრდილებს — ბიძაჩემს და მამაჩემს და ჩვენ — პატარებს. დღე არ გაივლიდა, რომ ჩვენი ახალი ოჯახი უნახავი დარჩენოდა. თუ რამე არ მოეწონებოდა, დედაჩემისათვის დარიგება მზად იყო და მისგან შეწყრომასაც არა ერთხელ ჰქონებოდა ადგილი. პატივისცემა და მოჩივება მისი ასეთი იყო, რომ როცა ბიძაჩემი ქუთაისში გადავიდა საცხოვრებლად, გადიას ხათრით სახლი ვერ გაყიდა სოფელში, გადიას უქირავა მოსამსახურე გოგო და ყველაფერი ისე დარჩა, როგორც წინათ. მოხუცებული (სანდომისა ერქვა სახელად) ჩვენ ყველას განსხვავებულად გვიყვარდა და მასაც ღრმად. სავსე გულით ვუყვარდით. ამ სიყვარულმა მოუსპო კიდევაც მას სიცოცხლე: — ბიძაჩემს მოუკვდა ოცი წლის ვაჟი; მშობლებზე არა ნაკლებ იჭავრა და იმწუხარა მან ყმაწვილის დაკარგვა, გაზრდილის გარდაცვალება და მოხუცებულმა მოკლე ხანში დალია სული.

ჩვენს ოჯახში ცხოვრობდა ჩვენთან შემოთვისებული მოხუცი. რომლის ხსოვნას დავიწყებას ვერ მივცემ. ეს იყო ჩვენი ნაყმევი — სიმონა ამოლტია. სიმონას ვაჟი არ ჰყოლია, ჰყავდა სამი ქალიშვილი, სამივე გათხოვილი იყო. ამაყმა მოხუცებულმა ვერ გასწლო ვერც ერთთან; მოვიდა ჩვენთან, დედაჩემს საზოგადოებრივად მიეღო ოჯახში და მიეცა მისთვის საცხოვრებელი ბინა. არც დედამ და არც მამამ უარი არ უთხრეს მოხუცებულს. მუშაობა აღარ შეეძლო სიმონას, მაგრამ ხეხილის მყნა კარგად რომ იცოდა — ამას არ იშლიდა და მთლად ეზო-გარემო აავსო დამყნა-დარგული ხეხალით. დიდი გამოცდილების, ფხიზელი გონების პატრონი, ჰკვირავი. მშვენიერი მოლაპარაკე, ყოველთვის სუფთად ჩაცმული — იგი უნებლიეთ მისდამი პატივისცემას იწვევდა. მას ჰქონდა მიჩენილი თავისი კუთხე; ზამთარში იჭდა ყალიონით პალატის ბუხრის პირას, მისგან ნაგულზე ადგილას, რომელსაც არავინ არ დაიკავებდა მისი ხათრით. სიმონამ აუარებელი ლექსი იცოდა, ზღაპრის შნოიანი მომყოლი იყო, იცოდა ათასი სხვადასხვა არაკი, ნათქვამები, ძველი ამბები; იცოდა ვახტანგ მეფის კანონების მრავალი მუხლი და შესაფერ ლაპარაკში მოჰყავდა ხოლმე. ყოველთვის, ბავშვობაშიც და მამინაც, როცა წამოვიზარდე, მიყვარდა მისი ლექსის თქმა, არაკის და ამბების მოსმენა. მისგან გაგონილი რამდენიმე ლექსი, — სოლოღას ლექსი, ივანე კავთელის და კუნძულელის, — ერთხელ კიდევ ჩავიწერე და შემდეგ გაზეთ „ივერიანი“ ვავგზავნე დასაბეჭდად. ოცდახუთი წელიწადი იცხოვრა მან ჩვენს ოჯახში, დიდ პატივისცემაში ყოფილმა დედაჩემისაგან. მოკვდა ღრმა მოხუცებული, ოთხმოცდაათი წლის, სიკვდილამდე რომელი წლის წინ დაბრმავებული.

დიდი ნაწვალები ჰყავდა საწყალი სიმონა ბაბუაჩემს. სამივე მისი ქალიშვილი გატანებული ჰყავდა მზითვად თავის ქალიშვილებსათვის. ვერ მოითმინა ამაყმა სიმონამ ასეთი შეუბრალებლობა და, რადგან ახლოს ვერ ეღიროსა შებრალებას, — გასწია მეფის მოადგილესთან საჩივრელად. იმდენი ახერხა მან, რომ ბორჯომში მყოფ ვორონცოვს ჩაუყარდა ფეხებში და მოუყვა თავის გამწარებას. ვორონცოვმა შეიბრალა სიმონა და ბრძანება გამოუგზავნა ქუთაისის გუბერნატორს სიმონასათვის დაებრუნებინათ მისი ქალიშვილები. ქალიშვილები კი დაუბრუნეს, მაგრამ უფროსები ძალიან შემოუწყარენ.

-- წამავლო ხელი, ბორჯომიდან დაბრუნებულს. — გამწარებული იტყოდა ხოლმე სიმონა, — წამავლო ხელი მაზრის უფროსმა. მიზანდარი იყო, და ციხეში შემავლო, — რავე შეაწუხე მეფის მო-

დგილეთ; შენისთანა კაცისაგან რას არ უნდა მოელოდეთ; ორ თვემ-
დი ვყავდი კარჩაკეტილში.

საჩივრის ასლი, გორონცოვს რომ მიართვა, სიპონას მუდამ თან
ჰქონდა და არაერთხელ გადუკითხვინებია ჩემთვის.

შემოთვისებული გვყავდა მამაჩემის შვილობილი ქალიშვილი
მართა, ჩვენთან მდგარ მოჯამაგირე გლახუა პაპიძის და; საოცარი
ტყბილი, მშვიდობიანი, მოსაქმე ადამიანი. და-ძმა უქონებო გლეხები
იყვნენ. მართა კარგა ხანს იყო შვილივით მიღებული ჩვენს ოჯახში
და როცა ჩვენებმა გაათხოვეს, იგი ხშირად მოდიოდა, როგორც თა-
ვის სახლს; ამგვარადვე სიკვდილამდე ჩვენთან კავშირი არ შეუწყვე-
ტია არც ძმას, როცა იგი დაესიძა მეზობელ გლეხს და მოჯამაგირე-
ობას გაანება თავი.

მოჯამაგირეებად გვყავდნენ ჩვენი მეზობლის, ლევანა გიორგაძის
შვილები. ექვსი ვაჟი ჰყავდა ამ ლევანას და ყველანი რიგრიგობით
ჩვენთან იდგნენ. — სიცოცხლით სავსე ბიჭები, მუყაითი მუშები,
ოჯახის ერთგულნი. დრომ გაიარა, ჟამმა, მაგრამ ჩვენი სიყვარუ-
ლიანი ურთიერთობა დღესაც არ დარღვეულა და მე, მათ ხელში გა-
ზრდილი, დღეს მოხუცი, ისინი ღრმად მოხუცებულები, მაგრამ კარ-
მაგები, ისევ თბილი სიყვარულით ვხვდებით მუდამ ერთმანეთს.

ჩვენს ახლოს მეზობლად ცხოვრობდა „საიქიოს ნამყოფი“ გლე-
ხი — ლევანა სირბილაძე — შესამჩნევი პიროვნება. ღარიბი, ნაკ-
ლები მუშა ლევანა, რომ იტყვიან, რიხიანი ყანახი იყო. ფაფანაკი თა-
ვზე, — ბოხობს არ იხურავდა, არც ყაბალახს იკეთებდა, — რამდენ-
იმე მედლით მაღალ მკერდზე, გვერდზე სათუთუნე ქისით, გრძე-
ლი ჯოხით ხელში, რიხიანი ხმით მოლაპარაკე — არ შეიძლებოდა,
რაც დიდი შეყრილობა ყოფილიყო, ის არ შეგემჩნიათ, მასზე ყუ-
რადღება არ მიგექციათ. უყვარდა ლაპარაკი და ლაპარაკობდა, რო-
გორც ნამდვილი ორატორი. მოხერხებული სიტყვის პატრონი იყო.
ბევრი ამბავი იცოდა ლევანამ. დიდი ნამყოფი გლეხი იყო. ხშირად
იტყოდა — დიდი ხნის სიცოცხლე მაქვსო, რადგან საიქიო მაქვს მო-
ნარებო. „საიქიოს ყოფნის“ ამბავი არაერთხელ მომიყოლინებია ლე-
ვანასათვის და მისგან ეს ნაამბობი თითქმის სიტყვასიტყვით შეტა-
ნილი მაქვს ჩემს მოთხრობა „მსხვერპლში“.

მრავალრიცხოვანი ოჯახი ჰყავდა ღარიბ ლევანას, მაგრამ იგი
გულს არ იტეხდა. არავითარ საზოგადო საქმეს არ აკლდებოდა. ქე-
იფიც კარგი იცოდა და კარგი მომღერალიც იყო. ვაჟი ერთი ჰყავდა
ლევანას; ოსმალეთთან ომის დროს მთავრობამ რომ ქართული დარუ-

უინები გამოიწვია, ლევანამ თავისი ერთგულები დასამტკიცებლად ეს ერთადერთი თავისი ვაჟი ომში გაგზავნა. ღარიბ ოჯახს თავი გამოჰქონდა ქალიშვილების წყალობით, განსაკუთრებით ორი უფროსის დახმარებით. სიცოცხლით სავსეთ ყველაფერი ემარჯვებოდათ, ხელსაქნარის მცოდნენი იყვნენ, ქსოვდნენ მშვენიერ ნოხებს, შალებს და ამგვარებს; წერა-კაზხვაც კარგად იცოდნენ და ლექსის გამოთქმაც, რასაც არაერთხელ უსიამოვნობაში გაუბამს ცქრილა ქალიშვილები. უფროსი და, ეკა, ჩემი გამზრდელი იყო. ახლაც მახსოვს მისგან ოსტატურად ნაამბობი ზღაპრები.

საზოგადოდ მეზობლები ძალიან შემოკრებილი ჰყავდა დედაჩემს, ჩვენი სახლის უკანა აივანზე ხშირად იცოდნენ მეზობლის ქალებმა თავმოყრა. მოდიოდნენ თავიანთ ხელსაქნარით და საღამომდი იყვნენ ხელსაქნარში და მუსაიფში გაბმულნი. ზაფხულობით კვირა-უქმე დღეს თითქმის ყველა მეზობელი გლეხები ჩვენს ეზოში იყვნენ თავშეყრილნი; დასხდებოდნენ ან ნიგვზის ჩრდილში ან კეინცხის ქვეშ და იყვნენ ერთ სიცილში, ოხუნჯობაში და ხან საქმიან ლაპარაკში. შობა-ახალწელიწადს დარბაზი სავსე იყო ხალხით, მეზობელ სტუმრებით. განსაკუთრებით მრავლად იყრიდნენ თავს ნათლილებას, — დედას ჰყავდა დიდძალი ნათლულები და ნათლიმამები, მრავლად მოდიოდნენ ძღვენით. რასაკვირველია, დედაც უხვდებოდა მათ შესაფერისად; მათთვის იშლებოდა უხვი სუფრა; იმართებოდა ტკბილი მოლხენა მთელი დღის განმავლობაში. ზამთრობით სადარბაზოს ბუხრის ცეცხლის პირად მრავლად ისხდნენ და შეეცქეოდნენ ჩაის, ეკლესიაზე წასვლამდი. ნაჩაიებს მათი თანხლებით დედაჩემი და მე მივდიოდით ეკლესიაზე. თავისი კეთილი გულის გამო, ადამიანის მოსიყვარულე გულის პატრონმა, დედამ, ახლო მეზობლების გარდა, სხვაც ბევრი მოკეთე, მოსიყვარულე და პატივისმცემელი მოუპოვა ჩვენს ოჯახს. მამაც, რომელიც სამსახურში იყო ქუთაისში, გულითადი მომხრე იყო, როცა ვინმე სოფლიდან საქმეზე მიმართავდა მას. ამან შეაყვარა ჩემი თავი ჩვენს მეზობლებს და ტკბილ სიყვარულში გამატარებინა ჩემი ბავშვობა. მე რომ ეზოდან ფეხს გადავადგამდი — სახლში პირდაპირ დატვირთული ვბრუნდებოდით ხოლმე მე და ჩვენსა გოგოდ მდგომი ელისაბედი: — არ იქნებოდა, რომ ჩემს დამნახველს ან ქოჩორა ვარიკა, ან ვაშლი, ბია, ჩურჩხელა, ტკბილიკვერი და ამგვარები არ ეჩუქნა. ამ სიყვარულიანობის წყალობით ჩემი გულიც ადამიანის სიყვარულს ეჩვეოდა და სწავლობდა.

პირველდაწყებითი სწავლა. — ქუთაისის სასწავლებელში. -- პირველი ქართული წიგნები. — რუსეთში გამგზავრება. კიევის სამხედრო გიმნაზიაში, — მოსკოვი. „ეპიშკა“. მეფე ალექსანდრე II-ს მოკლა. -- მოკლულ მკვლელს შენდირი. -- საქართველოში დაბრუნება.

პირველი სწავლა დედაჩემმა დამაწყებინა. შემდეგ, რაკი საკირო იყო რუსული ენის ცოდნა, მამაჩემმა მიმიყვანა ერთ რუსის ოჯახში რუსულის სასწავლებლად. ცოლ-ქმარი იყო და ჰყავდათ ჩემი ტოლი პატარა ქალიშვილი; კაცი „ლეკარი“ იყო, ექიმი; ცოლი გარუსებული ლეკის ქალი. ამის მამობილს, პოლკის კომანდირს, ლეკებთან ომის დროს აყრილ სოფელში ენახა ბავშვი. წამოიყვანა, ეშვილა და თავის ოჯახში გაეზარდა; შემდეგ მიეთხოვებინა ამ მკურნალისათვის, იაკობ ივანიჩ ივანოვისათვის.

კარგად მიმიღო ორივემ, დიდად მომეფერენ, მაგრამ მე მაინც ჩემი ვქენი -- მეორე დღეს დილით აღრე გაპარვას დავადექი და კარს კიდევაც გადავბიჯე ფეხი, მაგრამ კიბეზე მტაცეს ხელი და დამაბრუნეს მტირალი.

ვერაივთარმა მოფერებამ ვერა გააწყო-რა ჩემთან; ქალმა ქართული იცოდა და ქართულადაც მესიყვარულებოდა, მე მაინც მწარედ მოვთქვამდი; მოვიდა მამაჩემიც, მაგრამ ვერც ამან დამაწყნარა. დამაბრუნეს სოფელში რამდენიმე ხნით. მეორე ჩამოსვლაზე დედაც გამომყუა და როგორც იქნა დამამაგრეს ამ ახალ ოჯახში. ორივე ცოლ-ქმარი დიდი სიყვარულით მეპყრობოდნენ და სულ მოკლე ხანში მიმიჩვიეს. ოჯახის უფროსი ხალისიანი კაცი იყო; მუდამ გვათამაშებდა ბავშვებს და ისე შემიტყუეს, რომ ჩემი საკუთარი ოჯახი თითქმის დამავიწყებინეს. დიდი ამაგი დამდგეს ამ ივანოვმა და მისმა ცოლმა, ვარვარა ნაუმოვნამ — მათ სულ მოკლე ხანში შემასწავლეს ენაც, წერა და კითხვაც. დამაჩენდა ხოლმე იაკობ ივანიჩი საკითხავად და გვერდით მომჯდარი ხან მეხუმრებოდა, ხან მაღიანებდა და მაყვარებდა სწავლას. ამის გამო არასოდეს სწავლაზე დაჯდომიარ შემზარებია — ის კი არა, მეხალისებოდა კიდევ.

იმ ბინაზე, სადაც მამაჩემი იდგა, და სადაც მე ხანდახან მივდიოდი და ვრჩებოდი ხოლმე რამდენიმე დღე, ვხვდებოდი გიმნაზიის მოსწავლე ყმაწვილს, გვარად ჩიქოვანს. ლეჩხუმელი იყო. ამ ყმაწვილმა მშვენიერი ქართული კითხვა იცოდა და მახსოვს ერთხელ ძლიერ დამაინტერესა წანაკითხით — ეს იყო ილია ქავჭავაძის პოემა „კაკა“. ამან ისეთი შთაბეჭდილება მოახდინა ჩემზე, რომ როგორც კი

შეხვედებოდი ამ ყმაწვილს, არ მოვეშვებოდი, სანამ ან ისევე კაკოს ამბავს, ან სხვა რამეს არ წავაკითხებდი. გულდასაწყვეტად ის მქონდა, რომ საინტერესო ადგილას წყდებოდა კაკოს ამბავი და მისი გაცრქელება არ იყო.

როცა ერთრიგად მოემადგინე სწავლაში, მამაჩემმა მიმაბარა მრევლოვის მოსამზადებელ სასწავლებელში. აქ ამზადდებდნენ ბავშვებს გიმნაზიაში შესასვლელად. სასწავლებელი იყო ორგანყოფილებიანი. თვით სასწავლებლის გამგე, ანდრეი ივანიჩ მრევლოვი, მშვენიერი, ტკბილი, ბავშვების მოსიყვითელი იყო. ჩვენც ძლიერ გვიყვარდა იგი. მასწავლებლებში თავზარს გვცემდა სამღეროო სჯულის მასწავლებელი მღვდელი გვარად ზებედოვი. ვაი მოწაფეს, რომელსაც რაიმე შეეშლებოდა — მღვდელი აყვირებოდა, პოერეოდა ბრაზი და უმოწყალოდ უთსლამუნებდა სახაზავს გამოწვდილ ხელისგულზე. ხანდახან ბრაზმორეულს მარცხენა ხელით ეკავა მარჯვენა ხელის განიერი სახელო და ამ მარჯვენა ხელით ყურის ძირებს დაუსიებდა ცემით ხოლმე წინა პარტაზე მჯდომ მოწაფეებს განუჩივლად იმისა, დამნაშავე იყო ის, თუ არა. მცოდნეს და არმცოდნეს ერთნაირად ექცეოდა — ბრაზმორეულმა გარჩევა არ იცოდა. ჩემდა ზედად მე მოშორებით ვიჯექი და მოძღვრის სახაზავი და არც მისი მძლავრი მარჯვენა არ მიგემნია.

ერთ დღეს მამამ გამომიცხადა, რომ რუსეთში წასასვლელად გამოცდაზე უნდა წავყოლოდი. ყოველ წლობით მთავრობას მიჰყავდა თბილისის და ქუთაისის გუბერნიებიდან თავად-აზნაურთა ორმოც-ორმოცა ბავშვი სამხედრო სასწავლებელში, კორპუსებში. მიჰყავდათ ისინი იმ მიზნით, რომ გაერუსებინათ. და კიდევაც მიზანს აღწევდა, რადგან რუსეთში, სამშობლოს მოწყვეტილი ბავშვები, ივიწყებდნენ ქართულ ენას, ზნეს. ბრუნდებოდნენ ქართული გვარით, მაგრამ ერთიანად, თავიდან-ფეხებამდე გარუსებულნი. თავად-აზნაურობა დიდი ხალისით აძლევდა ბავშვებს მთავრობას, რადგან ის ზრდიდა თავის ხარჯზე და მშობლებს ანთავისუფლებდა ყოველი ხარჯისაგან.

მე კარგად ვიყავი მომზადებული და გამოცდაც კარგად დავიჭირე. ამასთანავე მამაჩემს ძლიერ ეხმარებოდა მამის უფროსი, რომელსაც მეტად უყვარდა მშრომელი, დაუღალავი, ცოცხალი მოზველე; ეხმარებოდა რომ მოვხვედრილიყავ რუსეთში გასაგზავნ ბავშვებში. მიზანს კიდევ მიადწიეს და ცხრა წლის ბავშვი, 1872 წლის კვირიკობისთვეში სხვებთან ერთად მეც გამამგზავრეს. თბილისიდან ჩამოყვანილ ბავშვებს მიგვამატეს ჩვენ, ქუთაისლები, და ორმოცდაათი ბავშვი ჩავვაბარეს წასაყვანად ვიღაც შეხნიერებულ მაიორს.

ჩაგვიყვანეს ფოთში, რომ ზღვით წავეყვანეთ რუსეთში. მე მამაჩემი არ მომშორებია, თან მიმყებოდა და მპირდებოდა სოხუმამდ მიგყვებოდა. ეწინააღმდეგებოდა ერთადერთი ვაჟიშვილის მოცილება. მაგრამ დასძლია თავს და ფოთში ჩამომშორდა ჩემთვის გაუგებრად. ჩვენი პარტია იმ წელიწადს იყო დანიშნული კიევის სამხედრო გიმნაზიისათვის. კორპუსი, ძველი, სალდათური კორპუსი, ის იყო მოშალეს, გადააკეთეს სხვანაირად — დაარქვეს სამხედრო გიმნაზია; ჩამოაცალეს ყოველი მხედრული, გარდა ტანისამოსის ფორმისა; სწავლა იყო რეალურ სასწავლებლის პროგრამის მიხედვით, შვიდკლასიანი, ახალი უცხო ენები, ნაცვლად ლათინურისა და ბერძნულისა. აღმზრდელები უმეტეს ნაწილად არასამხედრო პირები, „შტაცკები“ იყვნენ, უმადლეს სწავლამილებულნი. მასწავლებელთა შორის ბევრი იყო კიევის უნივერსიტეტის პროფესორიც. ეს იყო ცნობილი. ევრეთ წოდებული „ნილაუტინის სამხედრო გიმნაზია“.

როცა ჩვენ მიგვიყვანეს, დირექტორად იყო ახალგაზრდა კაცი, ოცდათორეპეტი წლის, გვარდის არტილერიის პოლკოვნიკი, აკადემიკადამთავრებული, გვარად იუშენოვი.

მაიორმა მიგვიყვანა გიმნაზიაში. აქ დანიშნული იყო ხელახალი გამოცდა. უზარმაზარ დარბაზში დაგვაყენეს და საწერი მოგვცეს. ორმოცდაორი ბავშვიდან დაგვტოვეს ოცდახუთი; სხვები გადააგზავნეს პროგნაზიებში. დარჩენილები გაგვანაწილეს განყოფილებებში და აღმზრდელებს ჩავებაბარეს. მე შემხვდა აღმზრდელად ვინმე მიხაილ სტეპანინი ესიკორსკი. ეს კაცი ნამდვილი მამა აღმოჩნდა მისაღმი მიბარებულ ბავშვებისათვის, განსაკუთრებით ჩვენთვის, ქართველებისათვის. არ ეიცო, თუ იმანე მეტი სიყვარულობა და გულთადი მოპყრობა შეიძლება. ის რომ გვეპყრობოდა და გვექცეოდა. ვეცოდებოდით შორიდან მოყვანილი ბავშვები და რომ არ მოგვეწყენოდა. ყოველდღე ნასადაღლევს ორ-ორი მივყავდით თავის ოჯახში და საღამომდი გვართობდა. ცოლქმარი იყო. შვილი არ ჰყოლიათ. და შვილებად ჩვენ ვყავდით. გულისფანცქალით ველოდებოდით, როცა მოვიდოდა წაყვანის დრო და ტკბილ მოფერებასიყვარულში ვასატარებელი დღე. მისი სიტყვა-დარიგება ჩვენთვის უძლიერესი კანონი იყო. ამას არღვევდა მხოლოდ ორი ბავშვი, ბეგთაბეგოვი და მიტკევიჩი — დაუწყნარებელი, გადარეული ცელქები. მოთმინებიდან გამოსულმა აღმზრდელმა გამოგვიცხადა. რომ განყოფილებას ეტოვებო და სხვაგან გადავდივარო. აღარ მოგვეკარა. ჩვენ ერთი დღე მოვითმინეთ, მეორე დღეს კი შეიქნა ერთი ტირილ-ჟივილი; გაკვეთილებს აღარავინ არ ამზადებდა; განყოფილება სრულიად აირია და ვერას გზით ვერ დააწყნარეს, სანამ

მესამე დღეს ისევ არ მოიყვანეს ესიკორსკი. გახარებული ბავშვები შემოვეხვიეთ გარშემო, კოცნით კინალამ მოგვალით და ცელქებს დაეძუქრეთ, თუ რომ არ დაწყნარდებოთ, ცემა-ტყეპით დაგაწყნარებთ-თქო.

სხვანაირად გვექცეოდა მეორე აღმზრდელი კურბატოვი. ამან ამოგვიჩინა და ყოველ დანახვაზე გვეძახოდა ტატარჩუკებს. თავდაპირველში გვეოცა ეს, მერე კი გვეწყინა. კურბატოვი თავისას არ იშლიდა და ძალზე გვაბრაზებდა ამ შემოძახილით; ვილაყამ თქვა, რომ ჩვენ რუსებზე უწინ გვაქვს მიღებული ქრისტიანობა — ტატარჩუკები საიდან ვიქნებითო. დავიწყეთ ამის გამოძიება. დავეკითხეთ უფროს კლასებში მყოფ ქართველებს — ამათ ამის შესახებ პასუხი ვერ მოგვცეს; ბავშვები არ დაწყნარდნენ და ერთ დღეს მაინც გავიგეთ, რომ ჩვენ, ქართველებს, გაცილებით ადრე მიგვიღია ქრისტიანობა რუსებზე. და რადგან კურბატოვი თავისას არ იშლიდა, ავდექით და მივედით ჩვენ აღმზრდელებთან და ვუჩიველეთ კურბატოვს. კურბატოვი მოგვაშორეს, მაგრამ ჩვენი მწუხარება სხვა რამ იყო. ეს იყო ის, რომ ვატყობდით ჩვენს თავს, თუ როგორ გვა ვიწყებდებოდა მშობლიური ენა და გვიძნელდებოდა ქართული ლაპარაკი. ამით შეწუხებულნი ამის ასაცილებლად მოვიყრიდით ხოლმე თავს ერთად და ხან ზღაპრების მოყოლით, ხან წაკითხვით ევარჯიშობდით. მაგრამ დროს თავისი მოჰქონდა და ჩვენ უფრო და უფრო გვიძნელდებოდა მშობლიურ ენაზე ლაპარაკი. წლის ბოლოს თითქმის გადავეჩვიეთ ქართულ ლაპარაკს. ამას ხელი შეუწყო იმნაც, რომ მეორე წელიწადს თითქმის გაგვანახევრეს — რადგან ბევრი გადაიყვანეს პროგიმნაზიებში, როგორც სუსტი მოსწავლენი, რამდენიმე კი აუად გახდა და გარდაიცვალა! მე ორი წლის განმავლობაში ძლიერ სუსტად ვიყავი, მაგრამ იღბლად გადავრჩიე სიკვდილს.

სამი წელიწადი ვიყავი ისე, რომ მშობლები არ მენახა. სამი წლის შემდეგ გაზაფხულზე მომივიდა ფული და ეგზამენების შემდეგ არდადაგებზე გამოვსწიე სახლისაკენ. ქართული უკვე დავიწყებული მქონდა. ორი კვირა ქუთაისში დავრჩიე და რადგან დედაჩემმა რუსული არ იცოდა და მე ქართული — ამიტომ წავიყვანე თარჯიმნად ჩემი თანატოლი ბიძაშვილი და წავედი სოფელში დედასთან.

სალამო იყო ჩვენ რომ მივედით. მთლად ეზო და აივანი საცხე იყო თავშეყრილი მენობლებით. სიხარულის ტირილით შემხვდა დედა. რომელაც მეტად დაავადმყოფებულიყო ჯავრისაგან ამ სამი წლის განმავლობაში. სათითაოდ გულში მიხუტებდნენ ქალები და

დედაჩემი მახსენებდა: ეს ბებია მელანაა, შენ გენაცვალე, ეს შიშა, ეს ელენე, ეს მარია, ეს დაჯია. ყველა თვალცრემლიანი სიყვარულით მეხვეოდა და მეალერსებოდა. დიდი გასაჭირი ადგა საწყალ ჩემს ბიძაშვილს: მრავლად თავშეყრილი კაცები იძლეოდნენ ათას კითხვას და ყველასათვის პასუხი იყო საჭირო. ერთმა იოხუნჯა: ბავშვს დასამუნჯებლად ბარემ აქვე დავამწყვდეველი ოთახში, რაღა რუსეთში აგზავნიდით, თქვე დალოცვილებო.

ამ ზაფხულში გვარიანად გავიხსენე ენა და როცა გავბრუნდი გიმნაზიაში, თან წავიღე პატარ-პატარა წიგნები. შემდეგ ყოველ წლებით საზაფხულო არდადეგებზე ვბრუნდებოდი სახლში, თანდათან უფრო ვახერხებდი ქართულ ლაპარაკს და ისე აღარ დამივიწყუნია, როგორც ზოგიერთ ჩემს ამხანაგს, რომელთა მშობლებს, რაღაც მიზეზის გამო, არ მიჰყავდათ შვილები გიმნაზიიდან. ამათ მშობლიური არა ახსოვდათ რა.

მეხუთე კლასში ვიყავი, მახსოვს, იმ დროს მასწავლებელმა, გვარად ბერენშლამმა, მკითხა: შეინტერესება თუ არა ქართული ისტორია და შემპირდა ამის შესახებ წიგნს, რომელიც მისი ფიქრით მის წიგნებს შორის უნდა ჰქონებოდა. ამასთანავე უცაბედად წავაწყდი ტოლის იმდროინდელ ენციკლოპედიურ სიტყვარში ცნობებს საქართველოს შესახებ. სიტყვარი შემდეგ ზელიდან არ გამიგდია, — რაც რამ იყო საქართველოს შესახებ ცალკე რვეულში ამოვიწერე და ამრიგად შევადგინე. ჩემთვის მოულოდნელად, საქართველოს მოკლე ისტორია. ეს ისტორია ერთ-ორ ამხანაგს ვაჩვენე, მაგრამ ისინი მაინცდამაინც ვერ დავაინტერესე. გულგრილად შეხვდნენ; მე კი აღმეძრა სურვილი უფრო მეტი რამ გამეგო ჩემი ქვეყნის შესახებ.

ერთ დრომდის ამის დამაკმაყოფილებელი არაეინ აღმოჩნდა. შემდეგ კი ბედმა გამიღიმა. ამ ხანებში კიევის უნივერსიტეტში სწავლობდა მხოლოდ ორი ქართველი სტუდენტი — ერთი საექიმო ფაკულტეტზე ხონელი პოლიკარპე ჩხიკვიშვილი, მეორე — ფარმაცევტი კოწია ლორთქიფანიძე. ამისათვის ეთხოვათ ვენახე გიმნაზიაში. ლორთქიფანიძემ მეც მნახა და კიევის სასულიერო აკადემიაში მოსწავლე სტუდენტებს: ნიკო ლომაურს, მიხეილ ილურიძეს და ივანე გაფრინდაშვილსაც (პოეტ ვალერიან გაფრინდაშვილის მამა) აცნობა სამხედრო გიმნაზიაში ჩემი ყოფნა. ერთ დღეს სამივე მოვიდა გიმნაზიაში ჩემ სანახავად. ჩემს სიხარულს საზღვარი არ ჰქონდა ამათ გაცნობის გამო. განსხვავებულად მომესიყვარულნენ და წასვლისას დამპირდნენ შემდეგ კვირისათვის აკადემიაში წაყვანას. დაპირება შეასრულეს და შემდეგ უკან გიმნაზიაში მომიყვანეს ისევ სამთავემ. ტკბილმა, ალერსიანმა ლაპარაკმა, ლომაურის დამახასიათებელი

თვისება რომ იყო, პირდაპირ მომხიბლა და შემაყვარა უზომოდ ეს ადამიანი. საოცარი შთაბეჭდილება მოახდინა აგრეთვე გატაცებით მოლაპარაკე ილურიძემ. მომიყვანეს გიმნაზიაში და თან წამოიღეს საკითხავად კვირეული გაზეთ „ივერიის“ მთელი წლის ნომრები, რომელშიაც იყო დაბეჭდილი ილიას „დემიტრი თავდადებული“. ლომაურმა ამიხსნა ეს პოემა, მომიყვა დემიტრის ისტორია და გახელენული სინარულით დაწტოვეს. იმ ღამეს არ დამძინებია; თავქვეშ მედვა გაზეთის ნომრები და ხვალისათვის წასაკითხი „დემიტრი თავდადებული“. მეძნელებოდა კითხვა, მაგრამ ჩემს თავს ძალას ვატანდი და ისე ვერეგოდი საკითხავს. მშველოდა და მიაღვილებდა საქმეს ის, რომ ჩემი კეთილისმყოფელნი მუდამ კვირას ჩემთან იყვნენ და მისხნიდნენ წაკითხულს. ხშირად მეც დაედოდი აკადემიაში და აქ თავის ოთახში ლომაური გვიკითხავდა თავის ახლად დაწერილ ლექსებს; ერთხელ მახსოვს თავისი ტკბილი ხმით წაგვიკითხა მოთხრობა „ალი“, რამაც აუწერელი სინარული გამოიწვია ჩვენში. ლომაურს არა თუ მისი ორი ამხანაგი ესიყვარულებოდა და პატივს სცემდა, არამედ დიდ პატივს სცემდნენ აკადემიის რუსი სტუდენტებიც.

შემდეგ წელიწადს ქართველ სტუდენტთა რიცხვმა იმატა აკადემიაში. მოვიდნენ გიორგი საძაგლიშვილი (კათალიკოსი კირიონი) და დავით ალადაშვილი (ეპისკოპოსი გიორგი). იმ ოთახში, სადაც საძაგლიშვილი იმყოფებოდა, მუდამ ყვირილი და ჩხუბი იყო. თურმე სტუდენტებს საძაგლიშვილი ედავებოდა ქართული კულტურის შესახებ — მაღლა აყენებდა მას; რუს სტუდენტებს კი ეს არ სჯეროდათ და უარსყოფდნენ. 1879-ში აკადემია დაასრულეს ლომაურმა, გაფრინდაშვილმა და ილურიძემ; ასე რომ კიევის უმაღლეს სასწავლებლებში იმ დროს იყო მხოლოდ ოთხი ქართველი სტუდენტი. 1880-ში მეც დავაშთაგრე სწავლა გიმნაზიაში და ვადავედი მოსკოვის სამხედრო სასწავლებელში.

კარგ დროს მოვხვდი ჩემდა იღბლად კიევის გიმნაზიაში; ყველაფერი ლიბერალურად იყო მომართული; სამხედრო მინისტრმა მილიუტინმა სულ გადაასხვიაფერა წინანდელი კორპუსები, სწავლა მაღლა დააყენა და კაზარმობა გამოდევნა. ჩვენი გიმნაზია განსაკუთრებით კარგად იყო დაყენებული. ახალგაზრდა დირექტორი უცოლშვილო, დიდად განვითარებული პიროვნება, მთელ თავის ძალ-ღონეს იმას ახმარდა, რომ სასწავლებელი კარგად დაეყენებინა. კარგი მაწავლებლები შეერჩია გიმნაზიისათვის; და ეს კიდევ მოახერხა. ჩვენი მასწავლებლები კიევის საუკეთესო პედაგოგები იყვნენ ინტელიგენციის მოწინავე ჯგუფიდან. ბევრი მათგანი პროფესორებიც იყვნენ.

უნივერსიტეტიდან, — მათი მოწვევაჲ კი მოახერხა გიმნაზიის გა-
გემ. ჩვენ ვიცოდით, რომ ესენი მოწინავე პარტიის წევრები იყ-
ვნენ, ვიცოდით, რომ ყოველი ახალი მასწავლებელი ამათი მიმარ-
თულებისა იყო, რადგან თუ გიმნაზიის პედაგოგიური საბჭოს თან-
ხმობა არ იქნებოდა, ისე არავის მიიღებდნენ მასწავლებლად ან-
აღმზრდელად. ამიტომ მოსწავლეთა და მასწავლებელთა შორის დი-
დი ნდობა და კეთილი განწყობილება სუფევდა. ბავშვებს გვასწავ-
ლიდნენ აგრეთვე მუსიკას, ლურჯლობას, წიგნის აკინძვას, ყდის
კეთებას, ხარატობას, ჩუქურთმას, ყოველ კლასს ჰქონდა თავისი სი-
მებიანი ორკესტრი — და ვუკრავდით სხვადასხვა ოპერებიდან. მას-
წავლებლად იყვნენ ორი პოლონელი მუსიკოსი, მამა და შვილი.
ბევრი მშვენიერი დამკვრელები ჩნდებოდა მოსწავლეთა შორის.

მოპყრობა ნამდვილი კეთილშობილური იყო. მოსწავლის არა-
ვითარ შეურაცხყოფას ადგილი არ ჰქონია; ყველაფერი მიმართული
იყო იმისკენ, რომ ბავშვს მიეღო ნამდვილი განვითარება. ამ გიმნა-
ზიებმა დიდხანს ვერ გასტანეს. ალექსანდრე მესამის მეფობის მე-
სამე წელიწადსვე ისევ გადააქეთეს ძველებურ ყაიდაზე, კორპუსე-
ბად; შემოიღეს სამხედრო წყობილება, არა მხედრობაში მოსამსა-
ხურეს ადგილი არ ჰქონდა, ბავშვები იყვნენ ეფრეიტორებო. უნ-
ტერ-ოფიცრები, ფელდფებლები და ამგვარები. თუთმეტი წელი-
წადი არსებობდა „მილუტინის სამხედრო გიმნაზიები“, მაგრამ თა-
ვისი კვალი ძლიერ დააჩინა რუსეთის სამხედრო ოლიგარქიამ ნემდ-
გენლობას. რაც მოწინავე და ლიბერალური შეხედულების ოფიც-
რობა იყო — ეს ამ გიმნაზიიდან გამოსულნი იყვნენ.

ამ ორმოცდაორ ბავშვში, ერთად რომ წაგვიყვანეს, გიმნაზიი-
მხოლოდ ექვსმა დავამთავრეთ. სამმა სრულიად ქართული. აღარ
იცოდა, ერთი ძლივს ახერხებდა და ლაპარაკი, რომ იტყვიან ჩი-
ქორთული, ორს შეგვეძლო. სწავლის გასაგრძელებლად მე მოსკოვის
სამხედრო სასწავლებელი ვირჩიე, რადგან პეტერბურგის ჰავის მე-
შინოდა. სამხედრო სასწავლებელში პირველ ხარისხით გიმნაზია
დამთავრებულნი ვიგზავნებოდით სახელმწიფო ხარჯით.

1880 წლის აგვისტოს დამლევს ჩვენ უკვე მოსკოვში ვიყავით.
ახლა კი იწყება სამხედრო სწავლა და სამსახურიც. მოსკოვის სამ-
ხედრო სასწავლებელი შედარებით კარგი იმითაც იყო, რომ აქ შე-
ნელებული დისციპლინა და სამხედრო მოთხოვნილება იყო. მაგრამ
მისვლის პირველ დღიდანვე ვიგრძენით განსხვავება გიმნაზიასთან
შედარებით და მეტად არ გვეკამნიკა, განსაკუთრებით ჩვენ, კიევე-
ლებს. სასწავლებლის სათავეში იდგა თავისი სასტროკობით განთქმუ-
ლი გენერალი სამობჯალოვი. ტანდაბალი, მომსხო, თავმალა აწეუ-

ლი. მოკუმული ტუჩებით — იგი მეტისმეტად არასასიამოვნო შთაბეჭდილებას ახდენდა თავის შეხედულებითაც და ამას აუარესებდა რაღაც უცნაურ კილოზე სიტყვების სროლა. ლაპარაკი გაბმული არ იცოდა და არც ეხერხებოდა. ჩვენი, კიეველების, დანახვაზე ნამეტანი გაიბზიკა და ზურგშემოქცევით უსიამოვნოდ ისროდა ნაწყვეტ-ნაწყვეტად შეკითხვის სიტყვებს. თურმე კიევის გიმნაზიაში ნამყოფნი ათვალისწინებული ჰყავდა, ძალზე ეზარებოდა, როგორც „ლაბერალები“; უწოდებდა „ოტრიცატელნაია როჟა“-ს და თავისი სასტიკი მოპყრობით ლამობდა მორჯულებას და მისებურად გამოსწორებას.

მეტად მძიმე შთაბეჭდილება მოახდინა სასწავლებელმა პირველ დღიდანვე და გულშეწუხებულმა ავიღე რვეული და გული ვიჭერე მიღებულ შთაბეჭდილებათა აღწერით. გულადუღებულმა ივავსე მოზრდილი რვეული და ვაპირებდი დროგამოშვებით მეწერა ჩვენი ცხოვრების მიმდინარეობის ამბავი. მაგრამ ერთ დღეს გამოგვიცხადეს, რომ რაც წიგნები და რვეულები გვაქვს, უნდა გვეჩვენებინა ენებართვის დასართველად გუნდის უფროსასათვის. ავიღე ჩემი რვეული და მიეუტანე ჩვენი გუნდის ვანყოფილების გამგე ოფიცერს; ეს მეტად რიგიანი ახალგაზრდა გვარდიის ოფიცერი კარგად მიყურებდა და თავადაც სანდო აღამიანი იყო. რამდენიმე დღის შემდეგ მან სიცილით მითხრა: — ეს რა გიწერიათ?.. გინდათ თავი დაიღუპოთ? მე იმ რვეულს თქვენ არ დაგიბრუნებთ არაფრისათვის; დაწყნარდით, დამშვიდდით და ისწავლეთ!..

სასწავლებლის მედიდური უფროსი არავის უყვარდა, სძულდათ კიდევ და თან ყველას ეშინოდა მისი. „ეპიშკა“, როგორც მას უძახოდნენ, ნამდვილი სულთამხუთავი იყო. ერთი მისი ღირსება ის იყო, რომ მასწავლებელს მოსწავლისათვის გამოცდაზე ცუდ ნიშანს არ დააწერინებდა და ისიც რატომ?

— ჩემი სასწავლებლის მოსწავლემ არ შეიძლება არაფერი იცოდეს!

როცა მოსწავლე კითხვაზე ვერ უპასუხებდა, ასე იტყოდა: — საჭიროა ისე კითხოთ, რომ მოსწავლემ შეიძლოს პასუხის მოცემას! ახირებული არსება იყო გადაყინული გენერალი. მე გული იმით ვიჭერე, რომ სამასხარო ლექსი გამოვუთქვი, ამ ლექსს ხმა შეურჩია ერთმა ჩვენმა ამხანაგმა და დიდად მოეწონათ. ამ ლექსს მღეროდნენ რამდენიმე წლის განმავლობაში. მეორე ამხანაგმა მთელი პიესა დასწერა „ეპიშკაზე“ და თვითონ „ეპიშკას“ მოხდენილად თავაშობდა. სასწავლებელში დიდი ალიაქოთი იყო ამ პიესის ხელში ჩასაგდებად. მაგრამ ვერ იპოვეს; ისე კი სასწავლებელი კარგად იყო დაყენებული; მასწავლებლები თვალსაჩინონი გვყავდა. მაგალითად,

ისტორიას გვიკითხავდა ცნობილი ისტორიკოსი კლიუჩევსკი, რომლის ლექციაზე აუდიტორიაში უსათუოდ იყო თვით გენერალი. ინსპექტორი და მორიგი ოფიცერი; ეს იმიტომ, რომ კლიუჩევსკის არაფერი წამოცდენოდა მსმენელთა წინაშე; მაგრამ პროფესორი შინც თავისებურად კითხულობდა ლექციას. მათემატიკას გვიკითხავდა ცნობილი პრეფეალსკი; რუსულ სიტყვიერებას — გილიაროვ-პლატონოვი; საეკლესიო ისტორიას — ივანოვ-პლატონოვი, ცნობილი ღვთისმეტყველების მაგისტრი. გილიაროვ-პლატონოვს და „ეპიშკას“ ჩხუბი მოუვიდათ; გენერალი გაჩავრდა იმაზე, რომ გილიაროვი თხზულებების საწერად იძლეოდა ისეთ თემებს, როგორიცაა პუგაჩოვი, სტენკა რაზინი და ამგვარებს. გენერალმა ამაში დაინახა არასასურველი მიმართულება და მოინდომა მისი ამოფხვრა.

— ჩტო ეტო ვსიო ბუნტოვშიჩი და ბუნტოვშიჩი! ხოროშიხ ლიუდეი ნეტ რაზვე? — გულისობდა იგი და გილიაროვი დაითხოვა სასწავლებლიდან.

1881 წლის 1 მარტს მოკლეს ალექსანდრე მეორე. ჩვენ ეს გავიგეთ მეორე დღეს დილას. ყოველთვის დილაობით ჩვენ ვდგებოდით, როგორც კი ბარაბანით ჩამოივლიდა სალდათი. ამ დილას რომ ბარაბანმა არ ჩამოიარა, ყველა გაგვოცა და მოკლე ხნის შემდეგ შექმნილ ფუსფუსიდან გავიგეთ, რომ პეტერბურგში ხელმწიფე მოეკლათ. სასწავლებლის კარები დილიდანვე ჩაკეტეს; არც არავის ქუჩაში უშვებდნენ, არც ქუჩიდან სასწავლებელში. რამდენიმე ხნის შემდეგ მოსწავლეებს თავი მოუყარეს დიდ დარბაზში. მოვიდა გენერალი და აცრემლებულმა გადმოგვცა შეფის მოკვლა და რიგრიგობით მივყავდით შინა ეკლესიაში ახალი მეფის წინაშე ფიცის მისაღებად. ერთ კვირაზე მეტი კარჩაკეტილში ვიყავით და სასწავლებლის გარეთაც ამ ხნის განმავლობაში არავის უშვებდნენ.

რამდენიმე თვის შემდეგ სასწავლებელს მოუვიდა მოკლული მეფის მუნდირი, რაიც დიდი მოწიწებით ჩამოატარეს გუნდებში და შემდეგ შეიტანეს ეკლესიაში შესანახად ამისათვის საგანგებოდ გაკეთებულ უშუებიან ყუთში. მალე ბრძანებაც გამოვიდა, რომ ნება ეძლევათ ოფიცრობას ბაკენბარდის მაგივრად მოეშვათ წვერი, რადგან ტახტზე ასული ალექსანდრე მესამე წვერს ატარებდა. ჩვენმა ეპიშკამაც, ნიშნად ერთგულებისა და კიდევ იმიტომ, რომ ამაღლის გენერალი იყო, მოუშვა წვერი, რის გამოც საოცარი სასაცილო შეხედულების შეიქნა უიმისოდაც უხეირო შეხედულობის პატრონი.

ორი წლის სულთამხუთავი რეჟიმის შემდეგ 1882 წლის აგვისტოს დავასრულე სამხედრო სასწავლებელი და გამოვსწიე სამსახურისათვის დანიშნულ ადგილს — ბათუმისკენ, რომელიც ამ დროს პორტო-ფრანკო იყო.

80-იანი წლის ბათუმი. — პორტო-ფრანკოს გაუქმება. — მიწებათ სპეკულაცია და ქალაქის სრდა. ბრძოლა მუხაჯირების წინააღმდეგ. — ბათუმის ინტელიგენცია. — ქართულ შაბიობთა პირველი ჩასვლა ბათუმში. — სანდრო ყაზბეგი.

1882 წ. სექტემბრის დამლევს პირველად ჩაველი ბათუმში. იქ იყო ის სამხედრო ნაწილი, რომელიც მე ავირჩიე სამსახურისათვის. ბათუმი მაშინ პორტო-ფრანკო იყო; პატარა ქალაქი, ოთხიათასი მცხოვრებით. ქალაქი, თუკი შეიძლებოდა მისი ქალაქად წოდება, მდებარეობდა ზღვის პირად; ზღვის პირადვე იყო ბაზარი, პატარა დაბალი ქოშაზები — ვითომ მაღაზიები; რამდენიმე ქუჩა, ვიწრო და მოუყირაწყლავი. ქალაქის გარშემო გაბნეული იყო ფაცხები, რომლებშიაც ცხოვრობდნენ აფხაზები და სოგან ზანგები. ახლა რომ რკინიგზა მიდის ქალაქში, ეს ისეთი მოშორებული ადგილი იყო, რომ მარტოდ აქ წასვლა საშიშარი და სარიდებელი იყო დღისით, საღამოთი კი პირდაპირ შეუძლებელი; გამბედავს არაფერი სიკეთე მოელოდა: ან გაძარცვავდნენ, ან დასჭრიდნენ, ანდა კლავდნენ. სადაც ასლა კათოლიკების ეკლესიაა, ის იყო განიერი ტბა სავსე გარეული ფრანკელებით და იქ დადიოდნენ სანადროოდ. ტბის გადაღმა დასავლეთისკენ იყო უდაბური ტყე. ზღვის პირზე ამართული იყო ორი დიდი ბატარეა — ბურუნტაბიე, რომელიც დღესაც ირეზობს, ოღონდ გადაკეთებული, და მეორე სარი-სუ, რომელიც ათხარის, როცა ნავთსადღურს დაუწყეს შენება. სარი-სუს მახლობლად, პორტო-ფრანკოს ხაზის გადაღმა, აშენებული იყო როტშილდის ნავთის ქარხნის შენობები. ქალაქის გარშემო ადგილები ჭაობებით იყო დაღარული, ძლიერ ნაკლებად იყო სოფლებიც და რაც იყო, ისიც პატარაში და მცხოვრებთა მცირე რიცხვით. მაშინ რკინიგზა არ იყო დამთავრებული და მისვლა-მოსვლა წარმოებდა ზღვით; ფოთთან დადიოდა კვირაში რამდენიმეჯერ პატარა გემები და გადაჰყავდა-გაძროშავდა მიმსვლელი და მომსვლელი. ეს მიმოსვლა გაძნელებული იყო იმითაც რომ, რაკი ბათუმი პორტო-ფრანკო იყო, ყოილი მგზავრის ბარგი ბათუმიდან გამგზავრების დროს უნდა გაეჩხრავათ საბაგოში და ხელმეორედ ფოთში მისვლისას. ეს იმისათვის. რომ კონტრაბანდით არ გაეტანათ რამე ბათუმიდან. ამ ნიდაგზე ბევრ არასასიამოვნო შემთხვევას ჰქონდა ადგილი. ბევრი სასაცილო ამბავი ხდებოდა. ნამეტურ ქალები აწარმოებდნენ კონტრაბანდისტობას; ბევრს იჭერდნენ, მაგრამ ბევრს ისე გაჰქონდა კონტრაბანდა, რომ საოცარი იყო მათი ამბავი.

1883 წლის ბოლოს რკინიგზის კეთებაც დამთავრდა და ბათუმი შეუერთდა თბილისს, 1885 წელს პორტო-ფრანკო გაუქმდა. რკინიგზის ნაპირებზე, ქალაქის მახლობლად, იწყეს ტყეების გაჩეხა და აგარაკების შენება. გზა მიდიოდა უდაბურ ტყეში, კენჭყ ადგილებში; ადგილები ციებიანი, ჯანმრთელობისათვის მავნე ჰაერიათი. მაგრამ ამას არ დაერიდა და არ შეუშინდა ზოგიერთი პირი და იწყეს აქ დასახლება. მიწა მუქთად იშოვებოდა, ხშირად არც კი იცოდნენ, თუ ვის ეკუთვნოდა ესა თუ ის ადგილი; მოწონებულ ადგილს კაფავდნენ და აწყობდნენ მოსახლეობას. განსაკუთრებით დიდი ადგილები შემოიფარგლეს ქუთაისის გიმნაზიის დირექტორმა სტოიანოვმა. სამსახურს ვადამდგარმა პოლკოვნიკ-ინჟინერმა სალაგოვმა. ბათუმის ნოტარიუსმა გერენშტეინმა, ექიმმა ოლინსკიმ. მილიონერმა სიბირიაკოვმა და სხვებმა. ამათ მუსაჯირებისაგან შეისყიდეს დიდძალი ადგილები; მოიდგეს ფეხი და ოცნებით გატაცებულნი. რომ გაშენებული აგარაკებით დიდ ფულს შეიქნდნენ, აუარებელ ფულს ყრიდნენ ამ ადგილებში. ნუხაჯირებს ეპასოდნენ იმათ, რომელნიც ტოვებდნენ თავიანთ საცხოვრებელ ადგილებს და მიიღებოდნენ დასასახლებლად ოსმალეთისაკენ. ბევრი ყალბი ნაყიდობა კეთდებოდა ამ მუსაჯირების სახელით, ბევრ უპატრონო ადგილს ახალი და უცხო პატრონი უჩინდებოდა; ბევრს აცდენდნენ ფულის შეტყუებით და ეშმაკურად ხელადან აცლადნენ სამოსასლოს. საოცარი თარეში იყო მიწების შესაქენად. ვინ არ იყო ამაში ჩაბმული! საუფლისწულო უწყებამაც ვერ მოითმინა და შეუდგა მიწების შექენას და მოკლე ხანში დიდძალი ადგილები შეიყიდა; დიდძალი ადგილები შეიყიდა ცნობილმა ჩაი: ვაჯარმა პოპოვმა, რომელმაც იწყო ჩაი პლანტაციების გაშენება და რამის მოყვანა. რამი --- ეს ჩინური პინჯარია, რომლისგანაც კვდება საუკეთესო ქაღალდი. ქაღალდის ფულისათვის ქაღალდს ამ რამისაგან ამზადებდნენ და დიდ სარგებლობას იძლეოდა. იყვნენ ისეთები, რომელნიც დაურიდებლად ითვისებდნენ მიწებს. გასაოცარი მოხერხებული პიროვნება ამგვარობაში იყო ვანშე მებაღე დალფონსი. ეს იყო პირველი პიონერი მოაგარაკე და მოაგარაკეთა წრის შემქმნელი. სადაც მან ჩადგა ფეხი, იმ ადგილიდან მერე ვერ ამოდენეს; ამინისტრაცია დიდი მოწინააღმდეგე იყო მისი, მაგრამ ვერას უშვრებოდა. გასაოცარი მოხერხებით მან პირველმა ჩადგა ფეხი ეგრეთწოდებულ „მწვანე კონცსში“. ბათუმის მახლობლად, გვირაბთან. მიიყვანა ფულიანი პირები; აყიდინა მიწები, შეადგინა მოაგარაკეთა ამსახაგობა. ჩაითარა გავლენიანი პირები, როგორიც იყო, მაგალითად, თავადი ბარიათინსკი, გენერალი პარაიკოში, ექიმი ტრიან-

დაფელიდისი და სხვები, პეტერბურგიდან და მოსკოვიდან. აუარებელი ფული ჩაიყარა ადგილების გასაწმენდად და ბაღებისათვის მიწების გასამზადებლად. ციება ძლიერ ხელს უშლიდა მომუშავეთ. მაგრამ საოცნებო მომავლის მომლოდინენი არ შინდებოდნენ და განაგრძობდნენ მუშაობას. ამ დაღფონსმა პირველმა შემოიღო მანდარინების გაშენება; ზრდიდა აგრეთვე ევროპულ მცენარეებს და მოკლე ხანში მთელი კონცხი მოპფინა მდიდარი მოაგარაკეებით. ახალგაზრდა, ლამაზი, მოხდენილი მოლაპარაკე, დაულალავი მუშა. მცოდნე თავისი საქმის, უცნაური მოხერხებული — იგი დიდი გავლენის მქონე იყო მოაგარაკეთა შორის. წვრილ მოაგარაკეთ არ კაღრულობდნენ და მოჰყავდათ მდიდარი პირები. დიდი ენერგია დინხარჯა ამ საქმეში, ბევრი რამ გააკეთეს დასახლებულებმა, დიდი მუშაობა იყო გაწეული და ამ მუშაობაში დალია სული მისმა ინციატორმა; ციებამ, რომელიც ვერას გზით ვერ დასძლიეს მოაგარაკეებმა, იმსხვერპლა დაღფონსი, მაშინ კიდევ ყმაწვილი კაცი. მისი სიკვდილის შემდეგ არავინ გამოჩნდა მისებური ენერგიის მქონე, მცოდნე და მოხერხებული კაცი და მოაგარაკეთა წარმოება ისე ველარ მიდიოდა, როგორც დაღფონსის სიცოცხლეში.

ციება მეტად მძლავრობდა მთელი ზღვის ნაპირზე. დიდად უშლიდა ხელს მოაგარაკეებს. მაგრამ იმათი რიცხვი არა თუ კლებულობდა—თანდათან იზრდებოდა და მთელი ზღვის ნაპირი, სოფელ მახინჯაურიდან დაწყებული თითქმის ქობულეთამდე, მოფენილი იყო აგარაკებით. ვინ და საიდან არ ეტანებოდა აქაურობას; ვინ არ ესახლებოდა და რა ოცნებას არ ეძლეოდა აქაური ცხოვრების მოწყობის შემდეგ! მთავრობა მათ ხელს არ უშლიდა დასახლებაში: ეტუობოდა ეს მისთვის სასურველაც იყო; ვინაიდან მისი მიზანი იყო ადგილობრივი მცხოვრებლები აეყარა და მათ ადგილას რუსთა მოსახლეობა გაეჩანა. ოცი ვერსის სიგრძეზე გაშენებულ აგარაკებში მხოლოდ ერთადერთი აგარაკი იყო ქართველს რომ ეკუთვნოდა — ეს იყო სევასტი ჭელიძის აგარაკი, ისიც პატარა აგარაკი; მოწადინებული იყვნენ ეს კაცი მისი აგარაკიდან გამოედევნათ, მაგრამ ისიც ჯიუტი და რკინა კაცი იყო და ვერ აჰყარეს.

ასეთი ამბავი იყო ბათუმის გარშემო. თვით ბათუმში კი უფრო ელი სპეკულიაცია იყო მიწების, რადგან პორტო-ფრანკოს არსებობა აშინებდათ ერთრიგად. მაგრამ აქაც ჩნდებოდნენ გაბედულები და იძენდნენ ადგილებს, განსაკუთრებით აფხაზებისაგან, რომლებიც სტოვებდნენ თავიანთ ფაცხებს და მიეშურებოდნენ ოსმალეთისაკენ საცხოვრებლად. ფაცხების მაგიერ ჩნდებოდა დიდი სახლები და პაწაწინა ქალაქი ნელ-ნელა იზრდებოდა.

როგორც ზემოთ ვთქვი, ბათუმი 1882 წელს მეტად პატარა ქალაქი იყო. მცხოვრებთა რიცხვი უდრიდა ოთხიათასს, ესეც სამხედრო ნაწილების მითვლით, სხვადასხვა ეროვნებით აქრელებული იქ ცხოვრობდნენ: ქართველი, რუსი, სომეხი, ბერძენი, თათარი, ოსმალთა, აფხაზი, რომელთა შორის იყო ბევრი ზანგი. აქაურობას განაგებდა გუბერნატორი, იმ დროს სახელგანთქმული ადმინისტრატორი გენერალი სმეკალოვი. ქალაქის უფროსი კი, გროდონაჩაღნიკი, ლევ ტოლსტოის ცოლისძმა ბერსი იყო, რომელსაც ცოლად ჰყავდა ერისთავის ქალი, შესანიშნავი ლამაზი.

ქალაქში არავითარი გასართობი არ მოიპოვებოდა; ერთადერთი კულტურული ადგილი იყო საზოგადო საკრებულო, სადაც თავს იყრიდა ხოლმე ერთი ნაწილი მოხელეთა ოჯახებისა. სასწავლებელი იყო ერთი: სამოქალაქო სასწავლებელი და ქართველთა შორის წერა-კითხვის გამავრცელებელი საზოგადოების ქართული სკოლა. ეს უკანასკნელი გახსნილი იყო ბათუმის შემოერთების მეორე წელსვე იმ მიზნით, რომ აქ თავი მოეყარათ და ესწავლებინათ ქართველი მუსულმანების ბავშვებისათვის. სკოლა იყო მოთავსებული პაწაწინა სახლში, მეტად ღარიბულად და საწყლად, თავის მიზანს დაშორებული, რადგან მუსულმან-ქართველები არ აბარებდნენ შვილებს, ვინაიდან ეშინოდათ შვილებს გაგვიქრისტიანებნო. თბილისის გამგეობა წერა-კითხვის გამავრცელებელი საზოგადოებისა ფულსაც ვერ ახარჯებდა საკმარისად სკოლას და მის შესანახავად ყოველ ღონეს ხმარობდა ბათუმის მცირერიცხოვანი ქართველი საზოგადოება. დიდ დახმარებას უწყევდა სკოლას ამ მხრივ ბათუმის პოლიცემისტრის დურმიშხან ჟურულის მეუღლე ქეთევანი. ეს უკანასკნელი არა თუ ამ სკოლას უწყობდა ხელს, იგი იყო ბათუმის ქართველი საზოგადოების თავმომყრელი და სულისჩამდგმელი. მისი ოჯახი იყო, სადაც თავს იყრიდნენ ქართველები; მას დიდი პატივისცემა ჰქონდა დამსახურებული ქართველობაშიც და გარეშეთა შორისაც. ბათუმში ჩამოსული ყოველი ინტელიგენტი ქართველი მოვალედ რაცხდა თავს ამ ოჯახში მისულიყო. ქართველ არტისტებს აქ დიდი ყურადღება ექცეოდათ და დიდად ხელი ეწყობოდათ. ქართული სკოლა, როგორც ვთქვი, ამ ოჯახის მზრუნველობით არსებობდა. რასაკვირველია, მეც, ახალგაზრდა ოფიცერი, მიმიყვანეს ჟურულის ოჯახში და გააცვენეს ჩემი თავი. ქეთევანმა პირველ გაცნობისთანავე მისაყუედურა, რომ ქართული ძლივს მეხერხებოდა და დედისებური დარიგება მომცა მშობლიური ენა შემესწავლა. რამდენიმე ხნა შემდეგ საქმეში ჩამაბა: იმართებოდა წარმოდგენა სკოლის სასარგებლოდ; იდგმებოდა გიორგი ერისთავის „გაყრა“

და მე დამაკისრეს გაბრიელის როლი. გულმოდგინედ შევუდექი როლის სწავლას, მაგრამ ჩემი ჩიქორთული ქართული მეტად მიჭირვებდა საქმეს. ამის დასაძლევად, ენის გასატეხად, ცალკე რეპეტიციები მქონდა ხოლმე; ჩამაჩენდა სავარძელში ქეთევანი და მათქმევიწინებდა როლს. ათჯერ-სუთმეტჯერ უნდა გამემეორნა ჩემი მონოლოგი: გაწვალებულნი ვიყავი ასეთი სწავლით, მაგრამ არა ნაკლებ გაწვალებული იყო ჩემი მასწავლებელი. რომელიც შემომძახებდა ხანდახან მოთმინებადაკარგული: „არ შეიძლება ასე, ყმაწვილო. უნდა ისწავლოთ ქართული, ქართველი ხართ!“ მეც ძალიან მოწადინებული ვიყავი მესწავლა ჩემი ენა, მეტად მწყდებოდა გული, მაგრამ წარმატებანი წელი ნაბიჯით შეედგაოდი. ამ მხადების დროს ერთ-ერთ რეპეტიციანე ავდიტყდა ოჯახის პატრონი და, როგორც პოლიცმეისტერმა, პეისის ცენსორობა მოინდომა. არ მოეწონა მოურავის ლექსი. ანდუყაფარს რომ ეუბნება მოსამართლეზე: ააი თუშნითა სუდსა-პალატას ხელით ვაქანებ.

„და სუდიასა, აი იმ კუქსასა,

სულ ვათამაშებ ლეკურ ბუქნასა“.

დაიჩინა — ეს ადგილი ამოშალეთო, ამის თქმის ნებას ვერ მოგცემთ, სამსახურიდან დამითხოვენო. დიდი შეტაკება მოუვცდათ ცოლ-ქმარს ამის თაობაზე; ქეთევანმა ჩააჩუმა შეშინებული პოლიცმეისტერი. ლექსი არ ამოშლილა.

იყო კიდევ ოჯახი, თავად იასე გურიელისა, სადაც ნახავდით ქართველოზას, მაგრამ ქართველ მწერალს, ქართველ არტისტს აქ ვერ შეხვდებოდით, როგორც ჟურნალისას. ჩემი ნაწილის უფროსთანაც იყრიდა დროგამოშვებით თავს ქართველოზა, მაგრამ არა ისე ხშირად, როგორც ჟურნალისას და გურიელისას. ჩემი ნაწილის უფროსი იყო პოლკოვნიკი ვეზირიშვილი; ცოლად ჰყავდა პოეტ ნიკოლოზ ბარათაშვილის და; უკანასკნელს არაფერში ეტყობოდა დიდებული ძმის ნათესაობა: თვით ვეზირიშვილი კი ახირებული ადამიანი იყო: თავის ნაწილს ისე უყურებდა, თითქოს იქ მისი ყმები იყვნენ. სამსახურის შესახებ არა იცოდა რა. უყვარდა პარადობა და რადგან ბათუმში არაფერი ვასართობი იყო, ყმაწვილი ქალები ჩააცივდებოდნენ ხოლმე ვეზირიშვილს გამოეყვანა ბათალიონი სავარჯიშოდ-სამარადოდ. ვეზირიშვილიც უსრულებდა მათ თხოვნას — გამოჰყავდა როტები და ამათ წინაშე ცერემონიულით არონინებდა წინ და უკან.

დღენედ მიმავალ ცხოვრებას ასიცოცხლებდნენ ხანდახან ქართველი არტისტები. ისინი ჩამოდრიოდნენ უფრო ზაფხულობით. მაშინ ბათუმში თეატრი არ იყო; წარმოდგენები იმართებოდა სამო-

ქალაქი სანჯაღუბლის ეზოში მდგარ ერთ პატარა შენობაში, სადაც იყო მოწყობილი სცენა. ასიოდე მაყურებელი თუ დაეტეოდა, მეტს ვერ იტევდა დარბაზი. სხვა უკეთესი ბანა წარმოდგენებისათვის არსად მოიძებნებოდა და ამით კმაყოფილდებოდა საზოგადოება. უკუბრუნდები გამოჩინდა იმისაგან ჰქონდა დასს, რომ ბინა და შესანახი მუქტი ჰქონდათ, რაშიც ძლიერ ეხმარებოდა ეურულის ოჯახი და პეტრე ლლონტის ოჯახი.

ამ დღის ერთ-ერთ ჩამოსვლისას მე გავეცანი ქართველ არტისტებს: მარიამ საფაროვა-აბაშიძისას, ქეთო ანდრონიკაშვილისას, ვასო აბაშიძეს. სანდრო ყაზბეგს და ლადო მესხიშვილს. მათი გაცნობის გაბო ჩემს სიხარულს საზღვარი არ ჰქონდა. ერთხელ სცენაზე კი ვამოვედი მათთან, როცა მოთამაშე დააქვდათ. დადგეს დავ. ერისთავის „სამშობლო“ და მათამაშეს გოგია დიაკვანი. ახლა წარმოვიდგენა რა გოგია ვიქნებოდი ქართულის უხეიროდ მოლაპარაკე. შიშით შეპყრობილი, სცენაზე გამოუცდელი ყმაწვილის სანდრო ყაზბეგი თამაშობდა სიმონ ლეონიძეს. მესამე მოქმედებაში გატაცებით რომ მიმართავდა მეტეხის ციხეში თავმოყრილ შეთქმულებს. მე შიშისაგან დაბნეულმა წამოვავლე ხელი ბაიბაღს და გავედი სცენაზე და სანდროს მივაჩხირე ბაიბაღი. გაოცებულმა სანდრომ სათქმელი არ შეწყვიტა, გამომართვა ბაიბაღი, გაიტანა გარეთ, მეც უკან გავეყვი დარცხვენილი, რომ ასე უღროო დროს შემოვიჭერა სცენაზე და ასეთი სიბრძოვე ჩავიდიხე. ეს იყო და ამის შემდეგ არტისტებთან აღარ გამოვსულვარ სცენაზე არასოდეს — ისე დამარცხვინა ამ შემთხვევამ. წარმოდგენებს ქართველი საზოგადოება დიდი ხალისით ესწრებოდა, რაც გასაკვირი არ იყო, რადგან თამაშობდნენ ისეთი მსახიობები, როგორც იყვნენ მარიამ საფაროვა-აბაშიძისა, ვასო აბაშიძე და ლადო მესხიშვილი. მესხიშვილს საოცარი ლამაზი, ტუბილი ხმა ჰქონდა—ბარიტონი—და მის სიძლიერას დიდ აღტაცებაში მოჰყავდა მსმენელი. მშვენიერი წკრიბა ხმა ჰქონდა საფაროვა-აბაშიძისასაც და როცა ამათთან ჩამოვიდოდა ხოლმე ნატო გაბუნიაც, მაშინ ესენი თამაშის გარდა საზოგადოებას სიბლავდნენ თავიანთი სიმღერებით. ძლიერ იზიდავდა საზოგადოებას აგრეთვე ქეთო ანდრონიკაშვილის ლეკური; ლეკურს ანდრონიკაშვილისა განსხვავებული მოხდენილობით ცეკვავდა. ხანჯლებით ლეკურის პირდაპირ გიჟური მოთამაშე იყო სანდრო ყაზბეგი. სცენაზე ნიჭიერი — მწყობრი თამაშით, საუცხოო ცეკვით, სიმღერით ქართველი მსახიობები იზიდავდნენ ქართველ საზოგადოებას თეატრში და სიბლავდნენ მაყურებელთ, რომელთა რიცხვი თანდათან

მატულობდა. ვის არ გამოადვიებდა ლამაზი, ცქრიალა, საუცხოო კი-
ლოზე მოლაპარაკე საფაროვა-აბაშიძისა, ან ნატოს თამაში-სიმლე-
რა, ვასოს უნიჭიერესი თამაში და კუპლეტები მესხიშვილის დანა-
ხეა და მოსმენა.. ერთი ამხანაგი მყავდა, ხანშესული ოფიცერი,
სემინარიელი, ვინმე ვანო იაკობიძე. ტანჯულ ცხოვრებას გავლილი
იგი მუდამ მოლუშული იყო, გაუცინარი. იყო ან სამსახურში, ან
თავის ოთახში ჩაკეტილი, — არავის ეკარებოდა. ერთადერთი მისი
„მეგობარი“, ერთადერთი დაახლოვებული არსება, რომელზედაც ის
თავის გულს იყოლიებდა, ეს იყო გოჭი. ერთხელ ჩავაცივდი და
იმდენად შევუჩნდი, რომ ოთახიდან გამოვიყვანე და წარმოდგენაზე
წავეყვანე. თამაშობდნენ სხვათა შორის ვოდევილს „ბნელ ოთახში“.
კარცერში ჩაგდებულ მოსწავლე ქალიშვილის როლს ასრულებდა სა-
ფაროვა-აბაშიძისა. რომ იტყვიან მკვდარს გააცოცხლებსო, სწორედ
ამდაგვარი იყო საფაროვას ქალის თამაში და მოლუშული, გაუცი-
ნარი ჩემი ვანო იაკობიძე კინალამ გადამერია. უსათუოდ მის სიცოც-
ხლეში იმდენი არ უტინია, რაც მან ამ სალამოს იტინა; გამხიარუ-
ლებულმა, ნასიამოვნებმა მთხოვა, რომ კიდევ წამეყვანა, როცა ასე-
თი წარმოდგენა იქნებოდა, და როგორც შემხედებოდა თუ არა,
ანითხითებული მოიგონებდა იმ „ეშმაკ, წყეულ“ მოთამაშე მსახი-
ობს, რომელიც ისე უცნაურად თამაშობდა და მღეროდა. მას ერთ-
ხანზე თავისი გოჭიც კი დაავიწყდა, გოჭი — რომელიც ერთადერთი
მისი გამართობი იყო.

როგორც ზემოთ ვთქვი, დასის ჩამოსვლისას გავიცანი მსახიო-
ბად მყოფი, ჩვენი სიამაყე, დიდი მწერალი სანდრო ყაზბეგი. მაღა-
ლი, გამზდარი, ბეჭებში ცოტათი მოხრილი, მოკლე ჩოხით. იგი ვერა-
ფერ კარგ შთაბეჭდილებას ახდენდა თავისი გარეგნობით; ამასთანა-
ვე თვალშიც კარგად ვერ იხედებოდა — ეს ერთ დროს თურმე
შნოიანი, ლამაზი, კოხტა ყმაწვილი, ამ ხანებში სულ გამოცვლილიყო.
არ დაიჯერებდით მისი მნახველი, რომ ეს იყო „ელგუჯას“ და
„მამის მკვლელის“ ავტორი, ლაპარაკიც კი შნოიანი არ იცოდა და
სიტყვის წარმოთქმა სრულიად არ ეხერხებოდა. მახსოვს, ერთხელ
ექიმ გიგო გაბაშვილის ოჯახში სუფრაზე საზოგადოებაში სიტყვა
წარმოთქვა, მაგრამ ისეთნაირად, რომ მისმა მოსიყვარულე ექიმმა
უთხრა:

— სანდრო თუ გიყვარდე შენებურად ჩუმიად წერე და ხმამაღლა
ლაპარაკს თავი დაანებე!

ალბათ ამ გარემოებამ, რომ გარეგნული შეხედულება არ შე-
ეფერებოდა მის მომხიბლავ ნაწერებს, იპოვა დამჭერნი, რომ სანდ-
რო არ იყო ავტორი, დამწერი იმ ნაწარმოებთა, რომლებმაც და-

ამშვენეს ქართული ლიტერატურა. ბევრი სიმწარე უნახავს სანდროს, ბევრთაგან დიდი მწუხარება შეხვედრია, ბევრს ცხარე ცრემლით უტირებია, და სიკვდილის შემდეგ ისიც კი დააბრალებს, რომ სხვისი ნაშრომი თავისი სახელით გამოაქვეყნაო. სანდროს ახლო მცნობისათვის სრულიად მიუღებელია ის აზრი, რომ მას არ შეეძლო ისეთი საუცხოო მოთხრობების დაწერა, როგორც არის „ელგუჯა“, „მამის მკვლელი“, „ხევისბერი გოჩა“, „მოძღვარი“ და სხვ. პირიქით, სანდროს ახლო მცნობი იუცხოვებს ამ აზრს, რადგან, როცა მაღალი ცეცხლით აინთებოდა სანდრო, იგი უცნაური სანახავი იყო და გატაცებული, აღელვებული მოლაპარაკე და ამ დროს მისი მნახველი და მსმენელი ჩახვდებოდა მის დაღ ნიქს. და ტალანტს. განსხვავებული ბუნების კაცი იყო და წერაც განსხვავებული იყო. მოვიყვან მისი „ელგუჯას“ დაწერის ამბავს. რაც თვით სანდროსაგან გამიგონია და რაც ამას წინათ დაადასტურა ასოთამწყობმა მოხუცმა რუსიშვილმა. „ელგუჯა“ თავდაპირველად თავდებოდა ახლანდელა პირველი თავის ბოლოში, ელგუჯას სიკვდილით. სტამბაში ასოთამწყობებმა განაცხადეს, რომ ფელეტონს არ ამოვაწყობთ, თუ გმირი ვაჟკაცის ელგუჯას ამბავი არ განაგრძო სანდრომო; ამისთანა ვაჟკაცს ასე ადრე არ მოვაკვლევინებთო. გაუგზავნეს რედაქციაში სანდროს მეტრანაპეი დიომიდე კილაძე და ორი ასოთამწყობი, სთხოვეს, რომ ელგუჯა არ მოეკლა და მისი ამბავი გაეგრძელებინა.

— „ელგუჯას ასე ადრე ვერ მოვაკვლევინებთო! მითხრესო, — გადმომცა სანდრომ. — თან მეტისმეტად მიამა ასეთი მომართვაო, — თქვა სანდრომ, — თან კი გასაჭირში მაგდებდაო. ცოტა ყოყმანის შემდეგ, რაკი არ მეშვებოდნენ, იქვე გადავაკეთე ფელეტონის ბოლო და ქვეშ მოვაწერე „გაგრძელება იქნება“. მძიმედ დაპირილი ელგუჯა წაიყვანეს მოსარჩენად ვითომც გადაღმა სოფელში. რამდენიმე დღის შემდეგ მოთხრობის გაგრძელებაც მზად მქონდა და პატარა მოთხრობის მაგიერ დიომიდე კილაძემ და სტამბის ასოთამწყობებმა დაძაწერინეს დიდი მოთხრობა“. — სიამოვნებით, სიცილით მითხრა ეს სანდრომ. და ეს მისი სიცილი, მისი შებედულება მშვენიერი რამ იყო ამ დროს. მე ჩემი თვალთ მინახავს, როგორ წერდა იგი თავის დრამას „ქეთევან დედოფალს“, როცა ბათუმის სასტუმრო „ევროპის“ ნომერში ცხოვრობდა. ბევრი უსამართლოდ ექცეოდა სანდროს და ხანდახან ცხარე ცრემლითაც ატირებდნენ მას. ერთხელ „დროებაში“ საოცარი ენით გალანძლა იგი, მიწასთან გაასწორა, რომ იტყვიან, როგორც პიროვნება, როგორც მწერალი.

ილია ხონელმა. ძლივს დავაწყნარეთ საწყალი სანდრო, როცა ტირილი აუვარდა ფელეტონის წაქითხვის შემდეგ.

— „ალბათ ვანო მაჩაბელი არ არის თბილისში, თორემ ის არ მისცემდა ნებას ამრიგად გაველანძღე ხონელს. დღეს მლანძღავენ, მიწასთან მასწორებენ ზოგიერთნი, მაგრამ მე მწამს, რომ მოვა ისეთი დრო, როცა ჩემს სახელს სხვანაირად ახსენებენ!“ — თქვა სანდრომ.

ეს იყო მისი ღრმა რწმენა და ამით ნუგეშობდა იგი.

ალტაცებულმა მისი მოთხოვნის „განკიცხული“-ს წაქითხვით მე მიეწერე წერილი და სანდროსაგან მივიღე მაგიერი, რომელშიც იგი მწერდა: ნეტავი შენისთანა თანამგრძნობი მომეტებულად მყავდესო; ბევრი ისე შექცევა, თითქოს არც კი ღირდეს ჩემი ნაწერის წაქითხვაო. რასაკვირველია, თბილისში ისეთებიც ჰყავდა სანდროს, რომლებიც დიდად აფასებდნენ და ხელს უწყობდნენ მას, ლატაკ ცხოვრებაში მყოფს. დიდად ემადლიერებოდა ვანო მაჩაბელს, დიდი სიყვარულით იხსენიებდა ილია ჭავჭავაძეს. ვანო მაჩაბელს დიდი ლაპარაკი მოუვიდა ხონელთან სანდროს გაზეთში გალანძღვისათვის. რის შემდეგ ხონელმა მიატოვა რედაქცია და შესწყვიტა გაზეთში მუშაობა. ილია ჭავჭავაძემ ხელის მოსამართავად სანდროს მისცა „ივერიაში“ დაბეჭდილი „განკიცხულის“ ამონაბეჭდი; ამგვარადვე მისცა რამდენიმე ასი ამონაბეჭდი „მოძღვარი“-სა. ეს მოთხოვნა უცნაურად უყვარდა სანდროს და განსხვავებული ადგევებით ალაპარაკდებოდა ხოლმე, როცა მოთხოვნების შესახებ სიტყვა ჩამოვარდებოდა. საყვარელმა ნაწარმოებმა დიდი მწუხარებაც გამოარონია სანდროს. ამონაბეჭდზე ილიამ ფასად მანეთი დააწერა.

— გერგებო! ეთქვა მას სანდროსათვის.

იონა მეუნარგიამ გაზეთში მოათავსა მოთხოვნის გარჩევა: წერდა, რომ ნაწარმოები სუსტიაო და უკიჟინებდა ავტორს, რომ ასეთი დიდი ფასი დაადო ასეთ სუსტ ნაწარმოებსო; და ვგონებ, ნათქვამიც ჰქონდა, რომ ეს მწერალს ალბათ სიხარბით მოსვლიაო. კარგად მახსოვს რა გამწარებული იყო ამ წერილით სანდრო; გულამომჭდარი ტიროდა ამის გახსენებაზე. ამის შესახებ მან მეუნარგიას საუცხოო საპასუხო წერილი მისწერა.

— რა უნდათ ჩემგან?.. — რა ვქენი ისეთი ცუდი, რომ ყოველგვარ სისაძაგლეს თავზე მახევევენ? — ამბობდა იგი გამწარებით.

გაგიჟებით უყვარდა სანდროს სცენა, მაგრამ, საუბედუროდ, ძლიერ სუსტი მსახიობი იყო. სამაგიეროდ ლეკურის გასაოცარი მოცეკვავე იყო. უცნაური, ლამაზი რამ იყო მისი თამაში ორი ხან-

ჯლით, მაყურებელს თან ხიბლავდა მისი სიძარღე, თან შიშს ჰგვრიდა.

— სანდრო, თუ კაცი ხარ, თავი გაანებე მაგ ხანჯლებით თამაშს. ფეხებს დაიკრი ერთ ღღეს და ეს იქნება! — ვეუბნებოდი ხოლმე, რაზეც იგი მხოლოდ სიამოვნებით იცინოდა.

მეტად შევიწროებულ ცხოვრებაში იყო საწყალი სანდრო. მაგრამ წერას თავს არ ანებებდა. დაბოლოს, დასნეულებული იგი მოათავსეს მიხეილის საავადმყოფოში. ამ დროს კიდევ გამოიცა მისი მოთხრობები სამ ტომად. გამოცემული წიგნები მიუტანეს ავადმყოფს, მან გადაშალა, დააჩერდა თავის პორტრეტს, მერე ამოხია იგი, წიგნის ფურცლებიც მიხი-მოხია და გადაყარა იქით. მოკვდა სანდრო ისე, რომ სიხარული არ უგრძენია როგორც მწერალს. მისი წიგნები საოცარი სისწრაფით ვრცელდებოდა და აყვარებდა ხალხს მის დამწერს.

თ ა ვ ი მ ი ო თ ხ ი

მთავარმართებელი დონდუკოვ-კორსაკოვი. — ბრძოლა დიმიტრი ყიფიანის წინააღმდეგ. — მეფე ალექსანდრე III-ს ჩამოსვლა საქართველოში. — თავად-ბნაურთა საბატო ყარაული. — აქირელი ყაჩაღების: მეველუდას და ილიასას სიკვდილით დასჯა.

წარსული საუკუნის ოთხმოციან წლებში გაუქმდა „ნამესტნიკობა“ და მეფის მოადგილის მაგიერ დაინიშნა მთავარმართებელი. კავკასიის პირველი მთავარმართებელი იყო თავადი დონდუკოვ-კორსაკოვი, ყოფილი ბულგარეთის კომისარი. ყოფილ მეფის მოადგილეს, მიხეილ ნიკოლოზისძეს, ბრალად სდებდნენ, რომ მან აუშვა კავკასიის მკვიდრნი და ვერ ატარებდა მტკიცედ რუსეთის პოლიტიკას.

დონდუკოვ-კორსაკოვი ამის გამოსასწორებლად დაინიშნა და მის მმართველობის დროს რუსული პოლიტიკა სასტიკად ტარდებოდა. ადგილობრივი მცხოვრებლები საშინლად იჩაგრებოდნენ ამ პოლიტიკით.

ერთ წელიწადს საქართველოში ჩამოვიდა ყოფილი მეფის მოადგილე, მიხეილ ნიკოლოზისძე. დაბინავებული იყო თავის მამულში ბორჯომში და დიდად ერიდებოდა იქიდან გასვლას, რადგან დონდუკოვს სწყინდა მისი აქ ყოფნა. ქალაქებიდან კი დეპუტატები მოდიოდნენ ბორჯომში და პატივებდნენ მთავარს. სხვათა შორის ქუთაისმაც გაგზავნა დეპუტატი და სთხოვა ქუთაისის სწვეოდა. დიდი

ყოყმანის შემდეგ მთავარმა თანხმობა განაცხადა და დანიშნულ დღეს კიდევ ეწვია ქუთაისს. ქალაქი დაუხვდა გულგამლილად და გადაწყვეტილი ჰქონდათ საზეიმო ნადიმზე გამოეთქვათ დიდი მთავრისათვის თავიანთი გულის წუხილი და გაეცნოთ მისთვის ქვეყნის მდგომარეობა მისი წასვლის შემდეგ. საზეიმო ნადიმზე წარჩინებულ პირთა შორის იყვნენ დიმიტრი ყიფიანი და ქალაქისთავი ლუკა ასათიანი. ამ უკანასკნელს დაავალეს სიტყვის თქმა და მისგან ეცი ეს ამბავი. თავის სიტყვაში ასათიანმა თამამად აღნიშნა ქვეყნის შეწუხება, ადგილობრივ მცხოვრებთა მოთხოვნილებათა მიმართ უყურადღებობა და არსებული უპატივცემლობა ხალხისადმი. თამამად ნათქვამმა სიტყვამ ერთი აურზაური გამოიწვია. საჩქაროდ მოითხოვეს ნათქვამი სიტყვის ტექსტი თბილისში და ასათიანი ძლივს გადაარჩინეს ქალაქისთავობიდან რომ არ გადაეყენებინათ. იმ დღიდან ამომიჩემარ, იტყოდა ასათიანი, ამომიჩემა დონდუკოვმა და დამიპირა კავკასიიდან გადასახლებაო; ხშირად საზეიმო წვეულებაზე დაცივნივთ ამბობდა ხოლმე დონდუკოვ-კორსაკოვი, რატომ ქუთაისის ქალაქისთავს არ პატივობთ სიტყვის წარმოსათქმელადო. ცუდი რაღაც მომელოდაო, ამბობდა ასათიანი, მაგრამ ამ დროს მოხდა სემინარიის რექტორის ჩუღეცკის მოკვლა ლალიაშვილისაგან, ეგზარხოს პავლესაგან ქართველი ხალხის დაწყევლა ამბიონიდან, რამაც გამოიწვია დიმიტრი ყიფიანის ეგზარხოსისადმი მიმართული წერილი. ატყდა ამ წერილზე დიდი ალიაქოთი. დონდუკოვმა ასათიანს თავი დაანება და თავისი გამძღავრებული რისხეა ყიფიანზე გადაიტანა; უფრო დიდი თევზი დავიჭირეო, — სიხარულით ამბობდა თურმე დონდუკოვი. თავად-აზნაურობის წინამძღოლად მყოფი ყიფიანი, პეტერბურგიდან ბრძანების მოსვლით, თანამდებობიდან გადაყენებულ იქნა და გაიგზავნა საცხოვრებლად სტავროპოლში, სადაც მოხუცებულს, სამოცდათხუთმეტი წლის ადამიანს შეუბრალებლად თავი გაუხეთქეს. რასაკვირველია, დანიშნული იყო გამოძიება, მაგრამ მკვლელი, რა თქმა უნდა, ვერ აღმოაჩინეს.

მოქვიფე მთავარმართებელი მუდამ მგზავრობაში იყო. დროს ატარებდა ქეიფსა და ლხინში. საგანგებო მატარებლებს დაჰყავდა უგრძნობლად მთვრალი მმართველი და გრძნობაში არმყოფი სადგურებზე დამხვედურ სხვადასხვა თხოვნებით დეპუტატებს ყველას პირდებოდა ნათხოვნის ასრულებას და დაკმაყოფილებას, თუმცა არც კი იცოდა ვინ სთხოვდა, რას სთხოვდა და არც ის, თუ რას პირდებოდა. ერთხელ, თურმე, სურამის სადგურზე დამხვედურ დეპუტაციას ვაგონის ფანჯრიდან გადმოსძახა:

— ბუდეტ ვამ პორტ, ბუდეტ! (გექნებათ ნავსადგურიო) და ჩა-

წვა ისევ, — თავი ისევ ფოთში ეგონა, საიდანაც მოდიოდა და სადაც საზეიმო სადილობამდე ნავსადგურის შესახებ ჰქონდა ლაპარაკი.

1888 წელს საქართველოში ჩამოვიდა ალექსანდრე მესამე. ღონდუკოვმა ყოველი ღონე იხმარა, რომ მეფის მოგზაურობა საარაყო რამ ყოფილიყო და კიდევ მიაღწია მიზანს. სხვათა შორის მან შეადგინა თბილისის გუბერნიის თავად-აზნაურთა ახალგაზრდობისაგან საპატიო ყარაული, საუცხოო რამ სანახავი; ამორჩეული იყვნენ უმწვენიერესი ყმაწვილები, საუცხოოდ გამოწყობილნი ქულაჯებში, საუცხოო ცხენებით და იარაღით. ეს საპატიო ყარაული მუდამ და ყველგან თან ახლდა მეფეს და დიდი შთაბეჭდილებაც მოახდინა მასზე. წყალობის ნიშნად ყველას მიეცა პრაპორშიკობა, რამაც მეტიმეტი აღტაცება გამოიწვია არა თუ გაბედნიერებულებში, არამედ მეფის ერთგულთა შორისაც. წინანდალში მეფის მოგზაურობამ თავის უცხო სანახავებით მოლოდინს გადააჭარბა. საარაყო რამ იყო მეფის გართობა საბადურის მთაზე, ისეთი რამ უნახავი, რომ ჩრდილოეთის ყინულიც გალხვა და ერთი ბეწო აკლდა, რომ ლეკური ეთამაშნა. წინანდალში ხომ მოხერხებულად შედგენილ გასართობებს დასასრული არ ჰქონდა.

აქ მოვიყვან ერთ უცნაურ ამბავს, ჩემს წინანდალში ყოფნის დროს რომ მიაშხეს ამას წინათ. დღევანდელ სახალხო მამულის ეზოში შესასვლელ ჰიშკრის წინ კედელი იყო აშენებული; არაფერს ეს კედელი არ იფარავდა. ვიკითხე, რა საჭირო იყო ასეთი უსარგებლო კედლის აშენება და მითხრეს, რომ, როცა ალექსანდრე მესამე მოდიოდაო, ამ ჰიშკრის პირდაპირ ერთი გლეხის ქოხი იდგაო და სასახლის აივნისაგან თვალში ეცემოდა აივანზე მყოფსაო. გლეხს შეაძლიეს ფული და წინადადება მისცეს, რომ აყრილიყო და თავისი ქოხი აქაურობისათვის მოეშორებინა, მაგრამ გლეხი ვერას გზით ვერ დაეყოლებინათ — აქ გავიზარდე. აქ უნდა მოგვედგო, — ამბობდა გლეხი. ვერ აპყარეს ვერც მუქარით და მამულის გამგემ ქოხს წინ კედელი აუშენა, რომ სასახლის აივანზე მოსეირნე მეფე-დედოფალს არ შეჩხირებოდათ თვალში ჩაფეხვილი გლეხის ქოხი. არ ვიცი, არის თუ არა ეს კედელი დღეს, ქოხი ჩემსობას კი უკვე აღარ იყო.

მეფე ქუთაისსაც ეწვია. ქუთაისის თავად-აზნაურობამაც გამოაწყო საპატიო ყარაული; ამის გამოსაწყობად ერთი შეხებთქება იყო; მსურველებში მოხუცნიც კი მრავლად გამოჩნდა; ყველას იტაცებდა პრაპორშიკობის შეძენის სურვილი. უკანასკნელ ქონებას ყიდიდნენ გამოსაწყობად, თავს არ იზოგავდნენ ხარჯისა-

თვის. მაგრამ დაბოლოს ბევრი იმედგაცრუებული დარჩა, რადგან ზოგს მისცეს პრაპორშიცობა, ზოგს კი მხოლოდ იუნკრობა. დიდი აღელვება და შეცილება იყო მანდილოსანთა შორისაც. მოხუცი კნენინები ეცილებოდნენ ერთმანეთს და ყოველ ღონეს ხმარობდნენ, რომ დედოფლის წინაშე ლეკურის მოთამაშეთა რიცხვში მოხვედრილიყვნენ. საქართველოდან მეფე მეტად ნასიამოვნები წავიდა. დონდუკოვიც ძლიერ გახარებული იყო, რომ ყველაფერმა ზედმიწევნით ხელი შეუწყო მეფის სასურველად მიღებას და მის უხიფათოდ მოგზაურობას. რუსეთში გაბრუნებული მეფე რომ გემით გაისტუმრა ბათომიდან დონდუკოვმა, მხიარულმა პირჯვარი გადისახა, მახლობლად მდგარ მღვდელს წაავლო ხელი და ხალისიანად მიმართა:

— აბა მამაო, გადავიხადოთ პარაკლისი, რომ ასე მშვიდობიანად ამგზავრა ღმერთმა იმპერატორი და შევევდროთ მას, რომ კვლავაც ასე კეთილად ამგზავროს! აბა წამობრძანდით ეკლესიაში — გადმოგვძახა იქ მდგომთ. პარაკლისი კი გადავიხადეთ, ღმერთს კი ეთხოვა მეფისათვის მშვიდობიანი მგზავრობა მიეცა, მაგრამ რამდენიმე დღის შემდეგ სადგურ ბორკაზე მეფის მატარებელი დაიმსხვრა და მეფე-დედოფალი ძლივს გადაარჩნენ სიკვდილს.

ვერ გაამართლა დონდუკოვმა მასზე დამყარებული იმედი — ვერ გამოდგა სასურველი მმართველი.

ან კი როგორ შეიძლებოდა ეს იმისთანა პიროვნებისაგან, როგორიც ის იყო. მომრავლდა არეულ-დარეულობა, უწყობა, ავაზაკობა და ყაჩაღობა.

დონდუკოვი გაიწვიეს და წესიერების დასამყარებლად პეტერბურგიდან გამოგზავნეს თავადი გოლიცინი, კაცი სასტიკი, თვითონება, დაუზოგველი, რომელსაც გადაწყვეტილი ჰქონდა მაგარი ხელით დაემორჩილებინა აქაურობა და რუსეთის სრული მონაშორჩილი გაეხადა ქვეყანა. მაღალი, მუცელგამოშვერილი, თავგადატვლებილი, ცისფერ თვალებით, მკაცრი კილოთი მოლაპარაკე შიშს ჰგვრიდა ყველას მის გარშემო მყოფთ. სახრჩობელები ყოველ ფეხის ნაბიჯზე იმართებოდა ხალხის შესაშინებლად, მაგრამ არა გამოდიოდა რა. მთავარმართველი გაბრაზებით ამრავლებდა სახრჩობელებს — ამით ფიქრობდა ქვეყნის დამშვიდებას და ხალხში წესიერების აღდგენას. წესიერება ამით უფრო ირღვეოდა და გოლიცინის სისასტიკეს საზღვარი არ ჰქონდა.

მოვიყვან აქ ერთ ამბავს, რაც პირადად გამიგონია თბილისის სამხედრო სასამართლოს თავმჯდომარის ამხანაგის გენერალ ივანენკოსაგან. ეს ივანენკო მეტად პატიოსანი კაცი იყო, იმდროინდელი ლიბერალი, თანამშრომლობდა ნიკო ნიკოლაძის „ნოვოე ობო-

ზრენიეში“. აი იმისი ნაამბობი: ელიზავეტპოლის გუბერნიაში (ახლანდელი განჯის) სხვებთან ერთად დათარეშობდა ბრბო. ყაჩად აბუზარ-ოღლის მეთაურობით. ვერას გზით ეს ბრბო ვერ მოსპო მთავრობამ. დაბოლოს იშოვეს ერთი გადავარდნილი, სახელად სალიხა, რომელსაც შეჰპირდნენ ყველაფრის პატიებას და დასაჩუქრებასაც, თუ ის მოჰკლავდა აბუზარას, ან ხელს შეუწყობდა მთავრობას მის მოსაკლავად. სალიხა დათანხმდა, შევიდა აბუზარას ბრბოში და ერთ დღეს აბუზარა დალატით მოჰკლა. ბრბოს შემადგენლობა დაიჭირეს და მათ შორის სალიხაც. საჩქარო ბრძანება გაიცა, რომ სამხედრო სასამართლოს განჯაში გაერჩია დაჭერილების საქმე. სასამართლო გაემგზავრა განჯაში. განჯის გუბერნატორს კირეევს დეპეშით ბრძანება მიეცა დაემზადებინა თერთმეტი სახარობელა დაჭერილ ყაჩაღთა ჩამოსახრობად. გოლიცინმა ეს წინდაწინ გადაწყვიტა და ეტევი არ ჰქონდა, რომ სასამართლოც ასე გადასწყვეტდა. ბრძანება, რასაკვირველია, აღსრულებულ იქნა, — კირეევმა დაამზადა თერთმეტი სახარობელა, მაგრამ საველე სასამართლომ ჩამოხრჩობა მხოლოდ ოთხ ყაჩაღს მიუსაჯა, მათ შორის სალიხასაც, — დანარჩენებს კი სხვადასხვა სასჯელი. გუბერნატორი კირეევი შიშისაგან ჰკუთხე აღარ იყო. იგი დიდი ხნიდან მეგობარი იყო გოლიცინის, კაცი რბილი; გოლიცინმა ის გადმოიყვანა რუსეთიდან განჯაში. მეგობარი იყო გოლიცინის, მაგრამ ძლიერ ეშინოდა მისი და მუდამ თან უბით ატარებდა სამსახურიდან გადადგომის თხოვნას; რბილ გენერალს არ შეეძლო სანტიკი მეგობრის ნების აღსრულება, რადგან განაჩენი ამის საშუალებას არ აძლევდა. რამდენიმეჯერ კიდევ შეეცადა გაენთავისუფლებინა თავი სამსახურისაგან, მაგრამ მკაცრი უფროსი თხოვნას უკან უბრუნებდა და ეუბნებოდა:

— სამსახურიდან გადადგომა კი არაა საჭირო, საჭიროა სამსახურის აღსრულება!

დამფრთხალმა კირეევმა ახლაც გაამზადა სამსახურიდან გადადგომის თხოვნა, — ამით ფიქრობდა გოლიცინის რისხვის აცდენას. სასამართლოს თავმჯდომარე თბილისში ჩასვლის მეორე დღესვე წარუდგა გოლიცინს საქმის მოსახსენებლად. გოლიცინმა უკვე იცოდა რომ ჩამოსახრობი მხოლოდ ოთხი ყაჩაღი იყო თერთმეტის მაგივრად.

— მივედით, — თქვა გენერალმა ივანენკომ, — მივეილო დამშვიდებულად, დაწყნარებულმა. დაგვაჯინა, დაჯდა და ხანმოკლე სიჩუმის შემდეგ დაიწყო: — თქვენ, ბატონებო, კანონის ხალხი ხართ, მაგრამ ნუ გავიწყდებათ, რომ მეც კანონის კაცი ვარ (იგა

სენატორი იყო), რომ მეც მესმის რაიმე კანონის და მსურს კანონიერება დაეამყარო ამ მხარეში; თქვენ კი ხელისშეწყობის მაგივრად, ხელს მიშლით. გიცხადებთ, რომ მე თქვენ ამის ნებას არ მოგცემთ და გაფრთხილებთ შემდეგისათვის. — იგი თანდათან ბრაზდებოდა: — მე მოველოდი თერთმეტ სახრჩობელას, თქვენ კი დამცინეთ და ოთხ კაცს მაძლევთ. ჩემი განზრახვები არ გადის თქვენთან. ტყუილია, მე ჩემსას ვიზამ, ჩემსას გავიყვანი — თითქმის ყვირილით დაათავა თავისი ჩვენდამი მომართვა გოლიცინმა, რომელმაც, ეტყობოდა, დავიწყებდას მისცა, რომ ჩვენ მოსამართლის სახელს ვატარებდით.

სასამართლოს განაჩენი წარედგინა მას დასამტკიცებლად. თავმჯდომარემ მოახსენა, რომ ჩამოსახრჩობ ოთხთა შორის არის სალიხა, რომელსაც მთავრობა შეჰპირდა ყველაფერის პატიებას. გოლიცინი მიუბრუნდა მოსამართლეს და წამოიყვირა:

— აბა სამი რჩება!.. მხოლოდ სამი?!.. სამასხროდ მიხდით საქმეს?!... ყველა ჩამოახრჩონი არ ვიცი მე თქვენნი დაპირება! — გაბრაზებით მოუსვა კალამი განაჩენს და ამრიგად სალიხაც სხვებთან ერთად, დასაჩუქრების ნაცვლად, ჩამოახრჩვეს.

ერთი კიდევ ამ მმართველის ნამოქმედარი ყაჩაღ მევლუდას საქმეში: მევლუდა იყო აჭარელი ყაჩაღი, რომლის ბრბოს დიდ გასაქირში ჰყავდა ჩაყენებული მთელი ადგილობრივი ადმინისტრაცია. მევლუდა, სიცოცხლით საესე ბიჭი, ერთ დროს მსახურობდა მილიციონერად და დიდ პატივისცემაში იყო. ტყუილად თუ სამართლიანად ერთ დღეს მას დაბრალდა ვილაც მოგზაურის გაძარცვაში მონაწილეობის მიღება და დაქვრილი იქნა. მევლუდა გამოძიების დროს გაიქცა, გადავარდა და წავიდა ყაჩაღად: მალე ამხანაგებიც იშოვა, შეადგინა ბრბო და მოსვენებას არ აძლევდა ადმინისტრაციას თავისი თამაში, გაბედული თარეშით. გოლიცინი გაბრაზებით გაიძახოდა:

— მომეცით, მევლუდა მომეცით, თორემ მთელ მხარეს ავიკლებო!

ერთ დღეს მთავრობამ მიაღწია თავის საწადელს — მევლუდა დაიჭირეს. მისი საქმე ბათუმში ირჩეოდა ერთი კვირის განმავლობაში. რადგან თარჯიმნები უხეირონი გამოდგენ, ამის გამო თარჯიმნებად სასამართლომ მოითხოვა სხვები და დაგვინშნეს მე და ერთი ვინმე პორუჩიკი პუჩინიანი; აქედან ვიცი ამ საქმის გარემოება.

სასამართლოს თავმჯდომარეს წინდაწინ ჰქონდა ნაბრძანები მევლუდასათვის ჩამოხრჩობა გადაეწყვიტათ. საქმის გარჩევა კი დამთავრდა სხვანაირად. მევლუდას დამცველმა, კაპიტანმა დუბროვსკიმ

მშვენიერი დასაცავი სიტყვა წარმოთქვა და მევლუდამაც ისეთი უკანასკნელი სიტყვით მიმართა სასამართლოს, ისეთი მძლავრი კილოთი და შინაარსით, რომ ვისაც ქართული ესმოდა (მევლუდა, როგორც აჭარელი, მშვენიერად ლაპარაკობდა ქართულს) გული აუღულა და ატირა. დამცველმა მთხოვა, რომ რაც შეიძლებოდა სიტყვასიტყვით გადამეცა ბრალდებულის ნათქვამი მოსამართლეთათვის. მეხსიერება კარგი მქონდა და მევლუდას ნათქვამი სავსებით. მისი კილოს დაცვით, გადვუთარგმნე მოსამართლეებს. ორ მათგანს (ლომინგს და არვანიტავის) აუჩუყდათ გული და თვალთავან ცრემლი წამოუვიდათ. მიუხედავად ყოველნაირი მეცადინეობისა თავმჯდომარის მხრივ, მევლუდას სასამართლომ ჩამოხრჩობის მაგიერ სამუდამო კატორღა მიუსაჯა. გოლიცინის შიშით აცახცახებულმა თავმჯდომარემ ვერას გზით განაჩენი ვერ შეაცვლევინა სასამართლოს წევრებს. ხალხი დიდად გახარებული დარჩა განაჩენით, გოლიცინი კი კინალამ ჰკუიდან შეიშალა და სასამართლოს განაჩენი გაგზავნა პეტერბურგში, უმაღლეს სამხედრო სასამართლოში და მოითხოვა, რომ განაჩენი საქმის ხელმეორედ გაურჩევლად შეეცვალათ. მოთხოვნა შეწყნარებულ იქნა: განაჩენი გადისერა და მევლუდას ჩამოხრჩობა მიესაჯა არც კასაცია, არც ახლად საქმის გარჩევა. ჩამოახრჩვეს მევლუდა! მოსამართლეებს გამოეცხადათ სასტიკი საყვედური, მკაცრმა მმართველმა თავისი ქნა. კარგა ხანს განაგრძობდა ამგვარად კანონიერების გამტკიცებას გოლიცინი, სანამ თავი არ გაუხეთქეს კოჯრის გზაზე და დაავადმყოფებული იძულებული არ გახადეს თავი დაენებებინა კავკასიისათვის და ისევ პეტერბურგში დაბრუნებულიყო.

დავიწყებას ვერ მივცემ მევლუდას ამხანაგის საწყალ ილიასა ბელაძის ამბავს, რასაც ადგილი ჰქონდა ისევ გოლიცინის მთავარმართებლობის დროს.

ილიასა იყო ახალგაზრდა აჭარელი; ოჯახში ოთხი ძმა იყო; ცხოვრობდნენ ერთგვარად, ძმურ სიყვარულში. ორი უფროსი — ცოლშვილიანები იყვნენ. მესამემაც ერთ დღეს გადასწყვიტა ცოლის შერთვა. საცოლოდ ამორჩეული ჰყავდა მისივე სოფლის მცხოვრები ქალიშვილი, მეტად ლამაზი და მშვენიერი გოგო. ძმებს, რომელთაც ეს ბიჭი განსხვავებულად უყვარდათ, დიდად გაუხარდათ მისი გზდაწყვეტილება და საქმის მოსაგვარებლად დატრიალდნენ. ქალის მამასაც უარი არ უთქვამს და საქმე ბოლოვდებოდა, მაგრამ ყმაწვილ ბიჭს განზრახვა ერთმა მისმა ამხანაგმა შეაცვლევინა. გაიგოთ თუ არა ამ უკანასკნელმა, რომ ილიასას ძმა ირთავს იმ გოგოსო, მოვიდა და შეევედრა, იმის შერთვა გადაეფიქრა და გოგო მისთვის და-

ეთმო, რადგან მას კარგა ხანია იგი ჰყავდა ამორჩეული საცოლედ და მისი დაშორება მისთვის სიკვდილი იქნებოდა. დიდი ხვეწნის შემდეგ ილიასას ძმამ შეისმინა ამხანაგის ვედრება, დასთმო თავისი განზრახვა და საშუალება მისცა ამხანაგს შეერთო სანატრელი არსება; დიდად უმძიმდა ილიასას ძმას ეს დათმობა; ერთხანზე მეტად დამწუხრებული იყო, მაგრამ რამდენიმე ხნის შემდეგ ყმაწვილის გული ისევ აივსო მეორე ქალიშვილისადმი სიყვარულის გრძნობით. გაიზარდა, დაყმაწვილქალდა დათმობილის, დაკარგული საცოლის უმცროსი და. ბიჭმა მოკერა თვალი გოგოს; იგი თუ სჯობდა, თორემ არაფრით ჩამოუვარდებოდა უფროს დას. ბიჭმა გადასწყვიტა ამის შერთვა, დატრიალდნენ ძმები საყვარელი ძმის სურვილის სისრულეში მოსაყვანად. ძნელი არ იყო ამის ასრულება, რადგან ბიჭს წუნს ვერავინ დასდებდა. საქმე ის იყო ბოლოვდებოდა, რომ ისევ ის ამხანაგი ჩაერიო. მან ისევ მიმართა ილიასას ძმას თავის განზრახვაზე — მეორე დის შერთვაზე — ხელი აეღო. გაკვირვებულმა ბიჭმა ჰკითხა თავის ამხანაგს მიზეზი — რატომ უშლიდა იგი ამ უმცროს დასთან დაქორწინებულს, მაგრამ, ხვეწნის გარდა დაშლის მიზეზი ვერ გაიგონა. მოლაც მიუგზავნა ილიასას ძმას, მაგრამ ამან აღარ შეისმინა უსაფუძვლო, გაუგებარი თხოვნა; უარი თქვა საცოლეს დათმობაზე და კიდევ შეირთო საყვარელი არსება.

ტკბილად, მხიარულად ცხოვრობდნენ დაქორწინებულნი და მთელი ოჯახი. მაგრამ ერთ დღეს, როცა ახლად დაქორწინებულ ილიასას ძმა სახლის თავზე ქარისაგან ანგრეულ კრამიტს ასწორებდა — გამოვარდა ტყვია და სიცოცხლით სავსე მშვენიერი ბიჭი, სასიკვდილოდ დაჭრილი, სასურავიდან ჩამოვარდა მიწაზე. ოჯახის მწუხარებას საზღვარი არ ჰქონია; ასე მოულოდნელად მოვლინებულმა საშინელმა უბედურებამ უკიდურესად გაამწარა ყველანი — ძმებს ერთმანეთი ძლიერ უყვარდათ, მაგრამ ეს უმცროსი რაღაც გამორჩევით ჰყავდათ ძმობაში და განსხვავებულად ესიყვარულებოდნენ. მოსაძებნი იყო მკვლელი. მთავრობამაც მსურვალე მონაწილეობა მიიღო და რამდენიმე ხნის შემდეგ კიდევ მიაგნეს მკვლელს, გაიგეს მისი ვინაობა. ეს იყო თექვსმეტი წლას ბიჭი ილიასას ძმის ქვისლის უმცროსი ძმა. დაკითხვაზე მან განაცხადა, რომ იგი ნადირობდა და მისი განასროლი ტყვია უცბად მოხვდა ილიასას ძმას. სამართალში მიცემულ ბიჭს მიესაჯა ორი წლის ციხე, მისი მცირეწლოვანების გამო.

უზომო მწუხარებამ შეიპყრო მთელი ოჯახი. საყვარელი ძმის ასე უმიზეზოდ დაკარგვა დღითი-დღე ამწარებდა ძმებს. მკვლელის დასჯას, მისი ციხეში გამომწყვდევას არაერთგვაროვნად დამამშვიდებელი

გავლენა არ ჰქონებია; ეს ვერ აწყნარებდა აღელვებულ გულს: მოსვენება ყოვლად შეუძლებელი იყო — სანამ მოკლული საყვარელი ძმის სისხლი არ აიღებოდა. ძმებისათვის და მეგობრებისათვის და მეზობლებისათვისაც აშკარა იყო, რომ ილიასას ძმა მოაკვლევინა მისმა ქვისღმა თავის ძმას. აქ უნდა აღებულყო სისხლი. ხალხური რწმენით მოკლულის სული, ჩიტად ქცეული, მუდამ მწუხარე საფლავს არ შორდება, სანამ სისხლი აუღებელია. ძმის სულის მოსვენება — ეს იყო ოჯახის დარდი და ყველაზე უფრო ეს დარდი არ ასვენებდა ილიასას, რომელსაც გადამეტებათ უყვარდა ასე უმიზეზოდ მოკლული ძმა. მოუსვენრობამ უფრო იმატა, როცა ციხიდან გამოვიდა მკვლეელი და თავისუფლად დადიოდა. ვეღარ მოითმინა ილიასამ და გამხეცებული ერთ დღეს ჩაუსაფრდა ძმის ქვისღს და მოჰკლა იგი. სისხლი აღებულ იყო; მისი ღრმა რწმენა, რომ ძმის სული აწი მოისვენებდა, დაკმაყოფილებული, მაგრამ მთავრობის კანონით სისხლის აღება ედრებოდა უბრალო მკვლელობას და სისხლის ამღები სასტიკად ისჯებოდა. ილიასა იძულებული იყო სახლ-კარს გაშორებოდა; ტყეს შეაფარა მან თავი. მთავრობამ ბრძანება გასცა დაეჭირათ იგი — წინააღმდეგ შემთხვევაში სოფელს ემუქრებოდა აყრას და განადგურებას. მუხტარმა (მამასახლისმა) გამოიყვანა სოფელი და გარს შემოერტყენ ტყეს, სადაც იმალებოდა ილიასა. ბიკი ვერ დაიჭირეს, შეტაკებაში მიძიმედ დაიჭრა რამდენიმე კაცი. ილიასა გადავარდა; ამ დღიდან იგი უკვე ყაჩაღი შეიქნა და მან მიმართა მევლუდას — შევიდა მის ბრბოში, გახდა მისი ამხანაგი. რამდენიმე წლის თარეშის შემდეგ მევლუდა დაიჭირეს, ჩამოახრჩვეს; ბრბო გაიბნა და ილიასაც მოკლე ხანში ჩაიგდო მთავრობამ ხელში. ყაჩაღის გასასამართლებლად ბათუმში დაინიშნა საველე სამხედრო სასამართლო მოსამართლე გენერალ ივანენკოს თავმჯდომარეობით. ეს ის ივანენკო იყო, რომელზეც ზემოთ მქონდა ნათქვამი. სასამართლოს წევრთა შორის მეც ვიყავი დანიშნული. ივანენკოს, რომელიც კარგად იყო გაცნობილი საქმესთან, და წევრებსაც გადაწყვეტილი გჰქონდა ყოველივე საშუალება გვეხმარა და ილიასა სიკვდილს გადაგვერჩინა. მოწმეთა შორის იყო ადგილობრივი მთავრობის წარმომადგენელი კაპიტანი ჯემალ-ბეგ ხიმშიაშვილი. ჩვენების ჩამორთმევის შემდეგ ივანენკომ კითხვა მისცა: შეეძლო თუ არა ილიასას დაჭერებულები იმით, რომ კანონმა დასაჯა მისი ძმის მკვლეელი და სისხლი არ ეძია? ჯემალ-ბეგმა თქვა: ხალხის რწმენით სისხლი უსათუოდ უნდა აღებულ იქნასო. ამგვარივე შეკითხვა მიეცა მეორე მოწმეს — ილიასას სოფლის მოლას: შეეძლო თუ არა ილიასას სისხლი არ აედო, რაკი მისი ძმის მკვლეელი მთავ-

რობის კანონმა დასაჯა. შეკითხვამ ეტყობოდა მოლა შეაწუხა; ერთხანაზე გაჩუქებული იდგა, მერე გადახედა ილიასას და მტკიცე გამოთქმით თქვა:

— არა, არ შეეძლო

— რატომ? — ისევ შეეკითხა თავმჯდომარე.

— იმიტომ რომ მთავრობის კანონი თავისთავად არი... ეს კი სულის საქმეა ვერ გადავა!..

ორივეს განცხადება ოქმში იქნა შეტანილი; ახალგაზრდა დამცველმა დაიხვია ხელზე ასეთი ჩვენებები და ცხარე სიტყვებში სახავედა ილიასას, როგორც მსხვერპლს ხალხური ღრმა რწმენისას, რომელსაც იგი ვერ გადააბიჯებდა, ვერ გადალახავდა, სანამ ისეთ განვითარებაში იმყოფებიან ის და მასი მოძმენი, როგორც დღეს არიან. დამცველი თხოულობდა სასჯელის შემცირებას.

სასამართლოს წევრთა თათბირის დროს ივანენკომაც ასეთი აზრი წარმოთქვა. მასაც ჩვენსავით სწადდა ილიასა სიკვდილს გადაერჩინა, მაგრამ აქ საჭირო იყო სხვანაირი მოქმედება.

— ამ საცოდავს, ბუნების შვილს, ჩვენი განაჩენით, რომელშიაც თუ არ იქნება მისი სიკვდილით დასჯა, ჩვენ ვერას გზით ვერ ვუშველით, — თქვა ივანენკომ, — მთავარმართებელს გაეაჭავრებთ მხოლოდ; გოლიცინი ისე მოიქცევა, როგორც მოიქცა მევლუდას შესახებ: განაჩენს გაგზავნის პეტერბურგში და გადაასწორებებს მისდა ნებისად ჩვენ მიერ გამოტანილ შეღავათიან განჩინებას. ჩვენ ილიასას მხოლოდ დაველუბაუთ. მე გთხოვთ გამოვიტანოთ სიკვდილით დასჯის განაჩენი და ამით მომეცით საშუალება ვიხსნა იგი უბედურებისაგან; გაძლევთ პატიოსან სიტყვას მივიღო ყოველივე ზომა, რომ გოლიცინი შევაჭერო, დავიყოლიო ამ საცოდავ ყმაწვილს აცდინოს სიკვდილი. მე დაწვრილებით, სავსებით დავუხატავ, გავაცნობ ილიასას საქმეს და იმედი მაქვს მივალბებინებ ჩვენს შუამდგომლობას — არც სულ მხეცია ის კაცი, — ოღონდ ნელა შევყვეთ, ნუ გაეაჭავრებთ!.. ეს ერთადერთი გზაა ილიასას გადასარჩენად!

ჩვენ დავთანხმდით; ივანენკომაც შეასრულა თავის დანაპირები, მაგრამ მხეცს სისხლი სწყუროდა და არაფერი შეისმინა. გოლიცინის ბრძანებით ბათუმის ოლქის უფროსმა ილიასა წაიყვანა აჭარაში; ქედში შეჰყარეს მრავლად ქალი, კაცი, ბავშვებიც კი და ილიასა საჯაროდ ჩამოახრჩევს.

— ასე დაისჯება ყოველი, რომელიც კანონს დაარღვევს და სამართალს გადააბიჯებს! იცოდეთ ეს! — გამოეცხადა ხალხს, რომელსაც გული უდუღდა, რომ მშვენიერი ბიჭი, უდანაშაულო, მართალი, ძალღვივით ჩამოაკიდეს.

დაკმაყოფილებული იქნა მხეცი კაცის კანონი, მხეცის სამართალი.

აქვე მინდა მოვიყვანო ერთი შემთხვევა, რომელსაც ადგილი ჰქონდა ამ ხანებში და რომელმაც კინაღამ სულ სხვა მიმდინარეობა მისცა ჩემს ცხოვრებას.

როგორც ორ წელიწადს სამხედრო სასწავლებელში ნამყოფს, მე უნდა შემსახურნა სამი წელიწადი, რის შემდეგ ვფიქრობდი სამხედრო სამსახურიდან გასვლას და სხვა დარგში მოწყობას; ვაპირებდი ჩემს გუნებაში საზღვარგარეთაც წასვლას. ამ სამ წელიწადში კი სინდისიერად ვასრულებდი სამსახურს. ერთი ამხანაგი მყავდა — ბესარიონ იოსელიანი; ის ზნირად მეტყოდა ხოლმე: რაზე იკლავ თავსო. არაფერი არ გამოვა, ტყუილად ღალავ შენს თავსო, დაიმახსოვრე ნათქვამიო: ნუნაიკა ლეეიტ, ა ზნაიკა ბეეიტ. ყველა იძახის ბესომ არაფერი იცისო და ქე ვარ ჩემთვის მოსვენებული, არაფერზე არ მსჯიანო; შენც ასე მოიქეციო, — მარიგებდა და მირჩევდა ჩემი ბესო, მაგრამ მე ვერ შევითვისე მისი დარიგება და ხალისიანად ვეკიდებოდი საქმეს. მალე თანამდებობაზეც დამნიშნეს — ჩამაბარეს თოფ-იარაღის შესაკეთებელი სახელოსნო. აქ სახალისო სამუშაოვარიც იყო და ის თხუთმეტი სალდათი მოხელე, სახელოსნოში რომ მუშაობდა, დიდად განირჩეოდა გუნდის სალდათებისგან. — ესენი იყვნენ გაცილებით მათზე უფრო განვითარებულინი. აქ საქნარის ხასიათის გამო ურთიერთობაც განსხვავებული იყო, უფრო სადა და ახლობლური. მე ძალიან გამიტაცა აქ მუშაობამ და ხშირად მეც ვმუშაობდი — ვეჩვეოდი სახელოსნოს მუშაობას. ნაწილის უფროსად ამ დროს გეყავდა მეფის ამაღლის პოლკოვნიკი კოლენკო, წმ. გიორგის ჯვრის კავალერი. სამნეო ნაწილის, ე. ი. ჩემი პირდაპირი, უახლოესი უფროსი კი მოხუცებული, დაღარიბებული, ერთ დროს მდიდარი მემამულე პოდპოლკოვნიკი გუკოვი, კაცი უხეიროდ ნატარებ ცხოვრებისაგან დაჩონჩვილი, გულმავიწყი, დაზარალებული. სრულად უმიზეზოდ ამიტყდა ეს კაცი და თავის შენიშვნებით მოსვენებას არ მაძლევდა. გამოუცდელი ყმაწვილი ისეთნაირად დამარიგა თუ როგორ მოქცეულიყავი ნაწილში თოფ-იარაღის საინსპექციოდ მოსულ ინსპექტორთან, რომ მეც სირცხვილში ჩამაგდო და ინსპექტორმა, ახალგაზრდა არტილერიის კაპიტანმა, მითხრა: — ეს უსათუოდ თქვენ გასწავლათ თქვენმა პოდპოლკოვნიკმა --- მიაფურთხეთ მას: გადმოდღლაზეულ პირისახეში თქვენ ნუ წუხზართ, ოღონდ ნუ აყვებით მაგათანა ოხრებს, გამოტყინებულ ბებრებს, მაგენი ჩვეული არიან ყოველ სისაძაგლესს — მე ვუსაყვედურე პოდპოლკოვნიკს მისი დარიგება, თუმცა მთლად არ გადამი-

ცია კაპიტანის სიტყვები. არ ვიცი ამის გამო, არ ვიცი სხვა რამ ეწყინა ჩემგან, როგორც ვთქვი, პირდაპირ გამბერა თავისი შენიშვნებით. მე ვითმენდი, ვითმენდი რაც გამეწყობოდა. ერთ დღეს კი მოთმინებაც დაიკარგა და უფროს-უმცროსობაც დამავიწყდა. მისმა ბრწყვულმა მომართვამ ისეთნაირად ამრია, რომ დამავიწყდა ყველაფერი და პოდპოლკოვნიკი გავლანძღე საჯაროდ, დაუზოგავედ. ჩემს აღელვებას საზღვარი არ ჰქონდა, ყველაფერი დამავიწყდა. აყვირებული კილამ ვეცი ხელით. მერე გავგრილდი და მივიქერი ნაწილის უფროსთან:

— პოდპოლკოვნიკი ისეთ რამეს აძლევს ნებას თავის თავს, რომ მე გონებაზე აღარ ვარ და არ ვიცი, რას არ ვუზამი — ვუთხარი გაჯავრებისაგან ათახთახებულმა.

— თქვენ ისე უყვირით უფროსს, რომ მე აღარ ვიცი რა ვქნა აქ! არ შეიძლება მაგრეი დაწყნარდით, — მიპასუხა პოლკოვნიკმა, ადგა და მითხრა გავყლოდი. წამიყვანა, შემომარონია კანცელარიის შორეული ნაწილები, გზადაგზა რას არ მელაპარაკებოდა, და ბოლოს გაჩერდა, მომაჩერდა და მითხრა: — ახლა ხომ დაწყნარდით? წადით სახელოსნოში, მაგრამ გახსოვდეთ, რომ უფროსს არ უყვირიან, ეს ყოველად დაუსვებელია!

დამშვიდებული, დაწყნარებული შევიდა. სახელოსნოში, მაგრამ საოცარი დანაშაულობა დისციპლინის წინაშე პასუხის საგებად წინ მქონდა. ჩემი მზრუნველი, კეთილი კაპიტანი სამსონ ნემსაძე, რომელთანაც ერთ ბინაზე ვიდექი, კილამ ჰკუდიდან შეიშალა, რომ გაიგო რაც მომივიდა. წუხნდნენ ყველანი, რადგან მომელოდა მძიმე სასჯელი. ორი დღის შემდეგ პოდპოლკოვნიკმა შეიტანა ჩემზე პატაკი, რომ გავლანძღე. მეტად ცუდი რამ მომელოდა.

მაგრამ ხიფათს გადავრჩი. ერთ დღეს ადიუტანტმა მიხმო და მომცა წასაკითხავად გადაშლილი სამხედრო დებულებათა ოცდამეოთხევი წიგნი, მუხლები 91, 92 და 93.

— პოლკოვნიკმა გიბრძანათ ეს მუხლები წაიკითხოთ და კარგად დაიმახსოვროთ! — მითხრა ადიუტანტმა. მოყვანილ მუხლებში ნათქვამი იყო, რომ პირდაპირი უფროსის გავლანძღვისათვის დამნაშავეს ერთმევა ღირსება, გამოირიცხება სამსახურიდან და მიეჩვენება ციხე ერთი წლიდან სამ წლამდე.

— წავიკითხე! — ვუთხარი.

— დაიხსომეთ კარგადო, სხვა არაფერი!

— გუკოვის პატაკი? — ვიკითხე.

— გუკოვს, — გამიხმო ადიუტანტმა გვერდზე. — გუკოვს პატაკი უკან უბრუნდება.

თურმე კოლენკოს დიდად ეწყინა ეს პატაკი და პოდპოლკოვნიკს პატაკიც უკან დაუბრუნა და თან შეუთვალა ადიუტანტის პირით: — სირცხვილია მოხუცებულმა ნამსახურმა გამოუცდელი ყმაწვილი მიიყვანო იმ ზომამდე, რომ გონება ეკარგებოდეს, ჰკუიდან იშლებოდეს და მოსაზრება აღარ ჰქონდეს, თუ რას ჩადის და ილუპავდეს თავს...

დამევალა ბოდში მომეხადა პოდპოლკოვნიკთან და ესეც ისე ვამიადვილეს, რომ უარი ამაზე არ მითქვამს. ამრიგად კეთილი ადამიანის მოქცევით გადავრჩი უბედურებას.

თ ა ვ ი მ ა ხ უ თ ი ა

ზათუმი ნავთის ქალაქი. — გალატაცებული გლეხობის სწრაფვა ბათუმისაკენ. — პირველი არტელები. — გიორგი წერეთელი. — „ზაბუგინის კომისია“.

1885 წელს გაუქმდა ბათუმის პორტო-ფრანკობა. ეს ისე მშვიდობიანად მოხდა, რომ არავითარი წინააღმდეგობა სხვა სახელმწიფოებს არ გაუწვევიათ. პორტო-ფრანკოს მოხსნით გარშემო მცხოვრებთათვის გაადვილდა ქალაქში მისვლა-მოსვლა. პორტო-ფრანკობის დროს ქალაქის გარშემო სადარაჯოები იყო; ყოველი გამვლელ-გამომვლელი იზბრიკებოდა და გატანილ ნავაჭრზე, რაც უნდა მცირე ყოფილიყო, ბაჟი უნდა გადაეხადა; აქ, რასაკვირველია, დარაჯებისაგან ათასი თვითნებობა და შევიწროება ხდებოდა; ერთი სიტყვით, სოფლელები, რომელნიც ქალაქს ვერ რჩებოდნენ, ძლიერ გაპირვებულნი იყვნენ. ამგვარივე გაპირვებაში იყვნენ შორიდან მოსულეები გაბრუნებისას — დაჩხრეკა, დაზვერვა, გასინჯვა ბარგისა ხშირად იწვევდა დიდ უსიამოვნებას და შევიწროებას. რაკი პორტო-ფრანკო მოიხსნა — ეს ყოველი შევიწროებაც მოისპო და გაადვილებული შეიქნა მიმოსვლა. მიმსვლელ-მომსვლელი გამრავლდა. უბაჟო საქონელი, კონტრაბანდად შემოტანილი, მაინც მრავალი იყო ქალაქში, საქონელი იაფი და კარგი ღირსების. ვაჭრობა დღითი-დღე მატულობდა, ქალაქში მოძრაობა თანდათან იზრდებოდა. ყველას ენაზე ეკერა ბათუმი, ბათუმი ყველასათვის საშოვარ ადგილად შეიქნა აღიარებული; ყოველი მხრიდან მორბოდნენ, რომ აქ ფეხი ჩაედგათ და ჯიბე გაესქელებინათ. სულ მოკლე ხანში დიიყიდა ცარიელი მიწები და გაშენდა ახალი ქალაქი. ძველო, ზღვის ნაპირას მიკუნჩხული შენობები საცოდავად გამოიყურებოდნენ თავიანთ ვიწრო, უშნო ქუჩებით ახლად გაყვანილ ფართო ქუჩების ნაპირებზე ახლად აღმართულ შენობებთან შედარებით. ქალაქი ღებულობდა

სულ სხვა სახეს და რომ მოეშორებინათ მისი დამაუშნოვებელი მინ-
გრეულ-მონგრეული ქოხები, რომელთაც წინანდულად მაღაზიებს.
უწოდებდნენ — ერთ ღამეს მისცეს ცეცხლი და ერთიანად გადა-
ბუგეს. მთელი ბაზარი გაიწმინდა, გაფართოვდა ზღვის ნაპირი. დამ-
შვენდა ქალაქი. ამ გალამაზების, ახლად აგებული ქალაქის გამშვე-
ნიერებისაკენ მიიმართა ქალაქის მმართველობის აზრი და მოქმედე-
ბა: ამან დაიპყრო ქალაქის გამგე — პოლიცია. ახლადდანიშნულ
პოლიცეისტიერად ვინმე პოდპოლკოვნიკი ვოზნესენსკი სწორედ სა-
სურველი პიროვნება აღმოჩნდა. დიდი ენერჯია დახარჯა მან ბათუ-
მის გალამაზებისათვის. ფოთიდან მან გადმოიყვანა ნასწავლი მეზა-
ლე გერმანელი ვინმე რესლერი, თავისი ხელობის ზედმიწევნით
მცოდნე მოხუცი. განიერი ქუჩების ნაპირები შეიმკო დარგული ქად-
რებით, ზღვის ნაპირად გაჩაღდა მუშაობა. შეუდგნენ ბულვარის
კეთებას ქვიშიანზე. ყველას ეცილებოდა ასეთი მუშაობის გამოწყო-
ბა. ეუცხოებოდათ სიბ ქვიშაზე რა ბულვარი უნდა გაშენდესო, მაგ-
რამ ვოზნესენსკი და მისი მუდამ გაყუჩებული ბებერი რესლერი
არხეინად განაგრძობდნენ გამოწყობილ საქმეს, — აყრიდნენ ქვიშას-
ურმებით მოზიდულ მიწას, იღებდნენ ორმოებს, რგავდნენ მცენარე-
ებს. არავის სჯეროდა თუ ამ მუშაობიდან რაიმე სახეირო გამოდნე-
ბოდა, მაგრამ რამდენიმე წლის გამუდმებული მუშაობის შემდეგ
დარწმუნდნენ, რომ საკეთილო საქმე იყო დაწყებული, — ზღვის ნა-
პირზე გადაიშალა ღამაზი ნორჩი ბულვარი, შემდეგში ბათუმის
მშვენიებად ქცეული. გამარჯვებული პოლიცეისტიერი მხიარულად
იყო და ჩააჩუმა ყველა, ვინც ამბობდა, რომ ბულვარის კეთება მის-
გან გამოგონილი იყო მხოლოდ მისი ცარიელი ჯიბის გასასქვლებ-
ლად. მოხერხებულმა პოლიციელმა იცოდა სხვა გზა ჯიბის გასავ-
სებად. ბულვარზე დანახარჯი იმას ვერას უწილადებდა იმდენს. მან
სხვა საშუალებას მიმართა: განიზრახა სხვებისავეთ ღამაზი სახლის
აშენება; ამისათვის მან მიმართა მსხვილ მოვაჭრეებს და მოიჭარად-
რეებს ესესხებინათ მისთვის საშენი მასალა — ცემენტი, რკინა, ხის
მასალა. მასალა მოგროვდა აუარებელი, იმდენი რომ შესაძლებელი
შეიქნა მისგან გაშენებულ ღამაზ ბულვარის პირას აღმართულიყო
ვეებერთელა ორსართულიანი ღამაზი შენობა.

ამ ხანებში ნამდვილი ცხელება იყო სახლების შენებაში. ყოველ
მხრიდან ეშურებოდნენ, რომ ბათუმში სახლი აეშენებინათ. ქალაქს
ჰყავდა არქიტექტორად ვილაც ნათრევი კარცევი, თავგაპყდილი რუ-
საპეტი, რომ იტყვიან, მოძულე ყოველივე ადგილობრივის. ის იწვევდა
რუსეთიდან ფულიან კაცებს ბათუმში რუსობის გასაძლიერებლად და
ამას არც კი მაღავდა, უტიფრად ყვიროდა. გაძლიერებით ეტანე-

ბოლა ქალაქს ართვინის მდიდარი სომხობაც. ამათ შეიძინეს დიდძალი ადგილები ქალაქში, განსაკუთრებით სანჯაყ-ბეგ აბაშიძეებისაგან. აბაშიძეები შევიწროვებულ მდგომარეობაში იმყოფებოდნენ. ცხოვრების საშუალების მოსაპოვებლად მუქთად ყიდდნენ თავიანთ ქონებას. მთავრობამ მხოლოდ უფროს ძმას — ხუსეინ-ბეგს შეხედა მოწყალე თვალთ, მას ებოძა, როგორც გვარდიის წარმომადგენელს, მაიორობა, მშრალი მაიორობა, ე. ი. პქონდა უფლება ეტარებინა მაიორის საბეჭურები და სხვა არაფერი. გულდაწყვეტილი იგი ერთხელ აიყარა და გადაიხვეწა ოსმალეთში იმ იმედით, რომ ერთმორწმუნე ხალხში გაჭირვებისაგან თავს დაიფარავდა, მაგრამ იმედი არ გაუმართლდა და ისევ სამშობლოს მოაშურა.

მოკლე ხანში ქალაქი ისე გაშენდა, ისე გადიდდა, რომ თვით მთავრობამ აღძრა საკითხი ქალაქში თვითმართველობის შემოღების შესახებ. ქუთაისის გუბერნატორის გენერალ გერშელმანის წარდგენით 1888 წელს წინანდელი პოლიციის მართვა ქალაქისა გაუქმებულ იქნა და შემოღებულ იქნა ქალაქის თვითმართველობა იმ განსხვავებით, რომ პირველი ქალაქისთავი უნდა ყოფილიყო მთავრობის მიერ დანიშნული პირი და არა არჩეული. ასეთ პირად მთავრობამ დანიშნა ვინმე თბილისიდან გვარად გავრონსკი, „პრიკაზის“ ყოფილი გამგე. ეს მოხელე თბილისელი იყო, ქართული კარგად იცოდა და აქაურობასაც კარგად იცნობდა. ურიგო კაცი არ იყო, მაგრამ თავიდან ფეხებამდე მოხელე, ტიპიური, მოუდრეკელი მოხელე. რამდენიმე თვის მუშაობის შემდეგ მოხდა არჩევნებიც. არჩეულ ხმოსნების შემადგენლობა მეტად ჭრელი იყო, რუსის, სომეხი, ბერძენი და მცირეოდენი ქართველობა. ქალაქის გამგეობის წევრებად არჩეულ იქნენ რუსები; შემდეგ ერთმა მათგანმა უარი განაცხადა და მის მაგიერ აირჩიეს სომეხი. დიდი გაჭირვებით და დავიდარებით გამგეობის მდივნად გაყვანილ იქნა ქართველი კაცი — ივანე მესხი, ძმა სერგეი მესხის. ამის გაყვანა იღბლად მოხერხდა და შემდეგისათვის მეტად დიდმნიშვნელოვანი, სასარგებლო შეიქნა. იგი წინათ ქუთაისის ქალაქის თვითმართველობის წევრი იყო და კარგად იცოდა საქმის გაძლოლა. მოხერხებული, ქალაქის საქმეების მცოდნე, ცოცხალი, მომქმედი — იგი სული და გული შეიქნა ახლად შემოღებულ თვითმართველობისა.

ქალაქი თანდათან წარმატებაში შედიოდა; გულდასაწყვეტი მხოლოდ ის იყო, რომ თვითმართველობაში მეტად მკრთალად იყვნენ წარმოდგენილნი ადგილობრივი მცხოვრებნი. უმრავლესობა მოსულთაგანი ფულიანი პირები იყვნენ, შემოხიზნულნი უფრო ჯიბის გასასქელებლად, მეტად ყრუ და უთავაზონი ადგილობრივ მკვიდრთა

და მათ მოთხოვნილებათა მიმართ. მკვიდრთა ინტერესები სრულიად წაყრუებული იქნა. განსაკუთრებით ეს ხდებოდა, როცა გავრონსკი გადადგა და მის ადგილზე დაინიშნა ვინმე კაიანდრა. ეს იყო ყოფილი მოსამართლე, ლიბერალი, განვითარებული, ენამახვილი, დაულალავი მუშა, მცოდნე პიროვნება, მაგრამ ამასთანავე მეტისმეტი შოვინისტი, რომელსაც არავითარი პატივისცემა არ ჰქონდა სხვა ეროვნებისადმი, განსაკუთრებით ქართველობისადმი. მას ვერ წარმოედგინა, თუ ქართველ კაცს რაიმეს გაკეთება შეეძლო ან მუშაობის უნარი ჰქონდა. ქართველს ისე უყურებდა, როგორც უნიჰო, უგონო არსებას. მე კარგად ვიცნობდი მას და ერთხელ შევთავაზე წერაკითხვის საზოგადოების სკოლის სასარგებლოდ გამართულ საღამოს ბილეთი.

— ხუთი მანეთია თქვენზე, ალექსი ივანიჩ, — ვუთხარი, — სკოლის სასარგებლოდ... უფასო სკოლაა ღარიბი ბავშვებისათვის.

— რაზე იკლავთ თავს... ტყუილა წვალობთ... არაფერი არ გამოგივათ! — გაიცინა მან.

— მოიტათ ხუთი მანეთი, — მიუხუტე, — თქვენი უიმედობა ჩვენდამი ისევ თქვენთან დარჩეს და რაც იქნება, იმას შემდეგ დაინახავთ.

ის აზრი, რომ ქართველობა არაფრის შემძლე იყო და გონებით სუსტი, თითქმის საერთო აზრი. იყო იმ ხანებში. ეს ყოველმხრიდან გვესმოდა და თვით ჩვენებურობაც ეთვისებოდა და ერწმუნებოდა ამ აზრს. ყოველ ფეხის გადადგმაზე ისმოდა ხოლმე: ჩვენ არ შეგვიძლია, ჩვენ არ ვიცით, ჩვენ რას მოვახერხებთ, რას გავაკეთებთ. ამასობაში კი ცხოვრება მოძრაობდა და დულდა. საზოგადოდ ამ ხანებში შესამჩნევი გამოცოცხლება ემჩნეოდა ჩვენს ცხოვრებას, მიუხედავად 1881 წლიდან დაწყებული რეაქციისა და სასტიკი რეჟიმისა. თელსაჩინოდ იზრდებოდა პერიოდულ გამოცემათა გამოსვლა და წიგნის გავრცელება. ათასამდე აწევდა ტირაჟი გაზეთ „ივერიისა“. თანდათან ვრცელდებოდა „კვალი“ და ეფინებოდა სოფლადაც კი; ბროშურები, ფურცლები, სხვადასხვა წიგნაკები არაჩვეულებრივი რიცხვით გამოდიოდა და ვრცელდებოდა, მკითხველთა რიცხვიც საოცრად იზრდებოდა და მატულობდა. ყველგან გვხვდებოდა გამოცოცხლებული ახალგაზრდობა, აღელვებული, მოძრავი, ათასი საკითხებით დაინტერესებული; ამათ დიდი სიცოცხლე შეჰქონდათ თავიანთ სოფლებში, საიდანაც ხალხს იწვევდნენ ქალაქებისკენ, ქარხნებისკენ უმჯობესი ცხოვრების მოსაპოვებლად, ყრუდ ყოფნისაგან თავის დასალწევად და სინათლეზე გამოსასვლელად. ყველას ენაზე ეკერა ქადაგება „ქარხნის ქვაბში ამოხარშვის საჭირო-

ების“ შესახებ, მიწისაგან გაშორება. ამ ქადაგებამ თითქმის შუაზე გაჰყო ხალხი — ერთნი მიწასთან განშორებაში ხედავდნენ ხსნას, მეორენი კი ირწმუნებოდნენ, რომ მიწასთან დაშორება და ჩვენი დაღუპვა ერთი იქნებოდა. ცხარე კამათი, დაუსრულებელი კამათი ამაზე ჰქონდა პრესაში ახალმოსულს (ილია ჭავჭავაძეს) და ნოე ჟორდანიას. მთელი ქართველობა გატაცებული იყო ამათი პოლემიკით და ყოველ მათ სიტყვას გაფაციცებით ყურს უგდებდა.

ცხოვრების მიერ შექმნილი პირობები ხელს უწყობდა მიწასთან გაშორების ქადაგებას და სოფლებიდან აუარებელი ხალხი მოდიოდა ქალაქებისკენ უკეთესი ცხოვრების მოსაძებნად. ყველაზე უფრო ეს, სოფლის შემოსევა განიცადა ბათუმმა, რადგან არსად არ ჰქონდა გასაყალი მუშა-ხელს, როგორც აქაურ ქარხნებში; ქუთაისის, ოზურგეთის, სენაკის, ზუგდიდის მაზრებიდან აუარებელი ხალხი მოდიოდა ზოგი მხოლოდ სამუშაოდ, ზოგი კი სამუდამო დასახლების განზრახვით. ამას მოსდევდა წვრილი ვაჭრობაც. ქალაქში კი უხვდებოდათ შორეული ქვეყნებიდან მოსულები და მათ შორის იმართებოდა მეტოქეობა და ქიშპობა. მთავრობა იმის ცდაში იყო, რომ რაც შეიძლება მეტი გადმოესახლებინა შიდა რუსეთიდან და დაებინავებინა, მკვიდრნი აეყარნა და სხვაგან გადაეგდო, აქაურობას მოეშორებინა. ბათუმის ოლქის უფროსმა სლავოჩინსკიმ ამ მიზნით გამოიწერა და ჩამოიყვანა მოზრდილი პარტია გადმოსახლებულთა და დააბინავა ბათუმის მაზლობლად ქოროხის გაღმა ეგრეთ წოდებულ თხილნარში. გადმოსახლებულებს მიეცა ფული, პური, საშენი მასალა და გაიმართა გეარიანი სოფელი. მოსულები შეუდგნენ ხვნა-თესვას, მაგრამ ამათ სიმინდის მოყვანა არ იცოდნენ, პური კი ნესტიან ადგილას ჩაღმა და არ ამოვიდა; ამასთანავე დაერიოთ ციება და მოკლე დროში თითქმის განახევრდა ხალხი; გადაჩენილებმა მოკურცხლეს და გაიფანტნენ. მეორე წელიწადს თხილნარი ისევ დაცარიელდა და აუარებელმა ხარჭებმა ტყუილ-უბრალოდ ჩაიარა.

ამაზე უარესი ამბავი უნდა დატრიალებულიყო სოფელ ბორჩხას გადაღმა მდებარე მურღულის ხეობაში. ეს ხეობა მეტად მდიდარი და ღონიერი ნაწილი იყო ოლქის; აქაურები კარგად კმაყოფილად ცხოვრობდნენ; ჰქონდათ ჩინებულად აგებული და მოწყობილი სახლები, ჰყავდათ საკმაო საქონელი, მოსდიოდათ საკმაოდ სიმინდი, ზოგ ადგილას პურიც; ხილი — ვაშლი და მსხალი — აუარებელი; ჰავა მშვენიერი, ერთი სიტყვით, მეტად მოსაწონი კუთხე ყოველი მხრივ. აი ეს ხეობა ამოირჩია მთავრობამ შიდა რუსეთიდან გადმოსახლებულთა დასასახლებლად და ამის აღსრულებისათვის სულ

მარტივი საშუალება უნდა ეხმარათ. მცხოვრებლები უნდა გამოეყვანათ მათი სახლებიდან, მათ უნდა დაეტოვებინათ თავიანთი საცხოვრებელი სახლებით, ისე როგორც იყო, უნდა გაშორებოდნენ ხეობას და გადასახლებულიყვნენ სხვაგან, სადაც ამოირჩევიდნენ დასაბინავებელ ადგილს. მიტოვებულ სახლებში კი უნდა დაებინავებინათ გადმოსახლებულთა ოჯახები. გეგმა შემუშავებული იყო და გამოგზავნილი სისრულეში მოსაყვანად. ისინი მეტად ავიანებდნენ განკარგულების გამოცხადებასაც. ადგილობრივი მმართველობა შიშობდა, რომ განკარგულების გამოცხადებას მოჰყვებოდა არეულობა, რომ მურღულელები ასე ადვილად არ დატოვებდნენ თავიანთ სახლ-კარს, არ აიყრებოდნენ და არ გადიკარებოდნენ ვინ იცის სად. საჭმე იმ მდგომარეობამდე მივიდა, რომ უმაღლესი მთავრობის განკარგულების გამოცხადებაც კი აშინებდა ადგილობრივ მოხელეობას. დიდი ყოყმანის შემდეგ ამის გამოცხადება დააკისრეს ისევე ქართველ მოხელეს, ტყის გამგეს ალექსანდრე აბაზაძეს. ამან მტკიცე უარი განაცხადა ამაზე — ამისთანა შეუწყნარებელი განკარგულების სისრულეში მოყვანას თავს არ შეეკლავო. მურღულელებმაც ყური მოჰკრეს, რომ მათ გადასახლებას უპირებდა მთავრობა ასეთი უცნაური სახით და აღელდნენ. ხალხი მზადებას შეუდგა — როგორც ერთი ამდგარიყო და სასტიკი წინააღმდეგობა გაეწია განკარგულების სისრულეში მოყვანისათვის. მეტად გამწარდნენ ყველანი და შეიარაღებას შეუდგნენ, რომ სათანადოდ შეხვედროდნენ მთავრობის ბრძანების ასასრულებლად მოსულ პირთ. ერთი ფეხის გადადგმა გამოიწვევდა, ყოველ ეპვს გარეშე, საშინელ სისხლის ღვრას, დაუსრულებელს, დაუთავებელს; იქნებოდა აუარებელი მსხვერპლი, შედეგი კი არაფერი: გადმოსახლებულები ამ მთიან ადგილებში ვერც მოეწყობოდნენ და ამოიქლიტებოდნენ გაბრაზებულ მკვიდრთა ხელით. როგორც იქნა, ეს უცნაური და ყოველად შეუწყნარებელი განკარგულების სისრულეში მოყვანა ჭერ გადაიდო და შემდეგ გაუქმებულიც იქნა. მაგრამ აბაზაძეს მაინც არ ეპატია მისი წინააღმდეგობა და რამდენიმე ხნის შემდეგ, სულ უბრალო მიზეზის გამო, სამსახურიდან დაითხოვეს.

ამდგვარ უცნაური შემავიწროებელი განკარგულებების ქვეშ იყო ქართველობა და სომხობა თვით ბათუმშიაც. მაგალითად, ბათუმის განაპირა უბანში, ეგრეთ წოდებულ გოროდოკში, არარუსს ნება არ ჰქონდა ეყიდნა ადგილი და სახლი აეშენებინა. სოფლიდან აყრილს, ჭალაქს შემოხიზნულს, ერთადერთი ადგილი ჰქონდა დასაბინავებლად, ეს იყო როტშილდის ქარხნის გადაღმა, მდინარე ბარცხანას ნაპირზე. ამ დათმობაში გადაცდა მთავრობა, თორემ აქ არავის

გააკაჰანებდა — არ ეგონა თუ აქ თავს მოიყრიდა ერთგვარი ელემენტი, რომელიც 905-ში ერთ ალიაქოთს აუტეხავდა, გამოაცხადებდა თავის ნებას უჩინარი „ბარცხანის გუბერნატორის“ სახელით და თავისი ნების და ბრძანების ქვეშ მოიქცევედა ბათუმსაც და მის მთავრობასაც.

მეტად მტრულად უხვდებოდა სოფლიდან ჩამოსულთ არტელე-ბში თავშეყრილი შორი ქვეყნიდან გადმონიზნული ხალხი. საბაჟოში რომ გადმომტვირთავ-დამტვირთავი არტელი მუშაობდა — ამ არტელში შესვლა ყოვლად შეუძლებელი იყო; ღებულობდნენ მხოლოდ შიდა რუსეთიდან მოსულებს. ამგვარად იყო სხვაგანაც, ყოველ სამუშაოზე. გამწარებულმა ჩვენებურებმა ერთ დღეს გადაწყვიტეს ცალკე მუშათა არტელის დაარსება. მოიყარა რამდენიმე ასმა კაცმა თავი, შეადგინეს ამხანაგობა, გამოიმუშავეს წესდება და წარუდგინეს მთავრობას დასამტკიცებლად. დიდი ვაჭირების შემდეგ წესდება დამტკიცებულ იქნა. ამ ამხანაგობის მეთაურად მოწვეული იყო ცნობილი მწერალი გიორგი წერეთელი. გიორგი ამ ხანებში მეტად ხელვიწროდ იყო და ამ ამხანაგობამ ერთრიგად ხელი მოუშარათა და თან საშუალება მისცა განეახლებინა თავისი დაუღალავე მუშაობა. იგი ამოძრავდა თავისებურად და ამხანაგობაში თავმოყრილი ხალხი მკიდროდ შეაკავშირა და შეაერთა. პირდაპირი საქმის გარეშეთ იგი ებაასებოდა ხოლმე ამხანაგობის წევრებს ათასნაირ საქმეებზე, სხვადასხვა საკითხებზე — ერთი სიტყვით მან იშოვა სასურველი აუდიტორია და გახარებული მოგვიყვებოდა ხოლმე ამის შესახებ, თუ რაზე ესაუბრებოდა და რას უქადაგებდა მუშებს. ამათ გარეთაც იგი არ ჰკარგავდა შემთხვევას თავისი აზრების გასავრცელებლად და ამას ისე ჩადიოდა, რომ ჩვენ შიშში ვიყავით, რომ იგი არ გაბმულიყო რაიმე დავიდარაბაში. ერთ დღეს მან გაიგო, რომ ბათუმში ჩამოსულიყო კათალიკოსის არჩევნებზე ერევანში მიმავალი, იმ ხანებში დიდი სახელის მქონე, ახალგაზრდა ეპისკოპოზი ხორენ ნარბეი. ეპისკოპოზი არავის ღებულობდა, რუსის მთავრობის რადი ჰქონდა, მაგრამ გიორგიმ იმოდენა იხერხა, რომ ხორენმა მიიღო სასტუმრო „იმპერიალში“. როგორც მისგან დაბრუნებულმა გიორგიმ გვიაშბო, ის ესაუბრა გავლენიან ეპისკოპოზს სომხებისა და ქართველების მდგომარეობის შესახებ რუს მეფეთა ხელში და ისეთი აზრები და წინადადებები გადაუშალა მას, რომ შეშინებული ეპისკოპოზი მეორე დღესვე გაქრა ბათუმიდან, დამფრთხალი, რომ მთავრობას არ გაეგო, თუ რა ხასიათის საუბარი ჰქონდა მასთან გიორგის.

— გლახაკი, შშიშარა ბერი ყოფილა! — სიცილით ამბობდა გიორგი. — კარიერისტი, სხვა არაფერი!

მეორედ კიდევ იშოვა შემთხვევა გიორგიმ საჯაროდ ექადაგნა ქართველობისა და სომხობის შეკავშირებაზე, ძმურ სამოქმედოდ გამზადებაზე ყველას წინააღმდეგ, ვინც ამ ორი ხალხის დაჩაგვრას მონდომებდა. ეს შემთხვევა მიეცა მდიდარი სომეხ ქველმოქმედის ვინმე სანასარიანის ოსმალეთიდან ბათუმში ჩამოსვენების გამო. გიორგის სიტყვამ ძალზე ააღელვა მრავალი დამსწრე საზოგადოება და ღრმა შთაბეჭდილება მოახდინა. გასაოცარი იყო იგი, როცა მოჰყვებოდა თუ როგორი პროპაგანდა უნდა გაეწია ქართველობას. მაგალითად, საჩუქნოება უნდა შეეცვალა: მართლმადიდებლობა კათოლიკობაზე, რათა ამით ცოტაოდნად მაინც თავი დაეხსნია რუსეთის მთავრობის პოლიტიკისაგან, ყოველმხრივი თვითმპყრობელობისაგან. მას სჯეროდა ამის შესაძლებლობა და მზადაც იყო ამ მხრივ მუშაობის გამოსაწყობად. ამავე დროს იგი წერდა თავის ახალ ნაწარმოებს „პირველი ნაბიჯი“. ერთ საღამოს მან მოიტანა დამთავრებული ნაწერი, დაგვაჩინა გრიგოლ ვოლსკი და მე და დამწყობ კითხვა. ეს იყო უბეში წარბას ცხოვრების აღწერა. გიორგი მეტად ცუდად კითხულობდა, ისე ცუდად, რომ მოსმენის მოთმინება დაგვეკარგა და ვოლსკიმ უთხრა სიცილით:

— გიორგი, თუ გიყვარდე, თავი დაანებე კითხვას... შენ ისე ცუდად კითხულობ, რომ დიდებულ ნაწარმოებსაც შეაზარებ კაცს. ეტყობა კარგი რამ გაქვს დაწერილი, მაგრამ შენებურად წაკითხულს ყოველივე ღირსება ეკარგება. როცა დაიბეჭდება, უფრო მეტი სიამოვნებით წაიკითხავთ!

გიორგის ძლიერ უყვარდა ვოლსკი, არ სწყენია მისი მეგობრული სიტყვა და კითხვა შესწყვიტა.

სამწუხაროდ, გიორგი დიდხანს არ დარჩენილა ბათუმში; იგი ისევ დაბრუნდა თბილისში და მისგან შეკავშირებულმა ამხანაგობამაც მალე სული დალია, რადგან საჭირო ხელმძღვანელი ვერ იშოვა გიორგის მაგივრად.

იმის გასაცნობად, თუ რას წარმოადგენდა იმ ხანებში ბათუმი. თუ როგორ გაიზარდა იგი, რამ შექმნა იგი მნიშვნელოვან ცენტრად. რომელსაც ეტანებოდა ბუნებრივად ჩვენებურობა და შორებულებიც. ამის გასაცნობად საკმაო მასალებს იძლევა ჩემი წერილი, რომელიც მქონდა დაბეჭდილი გაზეთ „ცნობის ფურცელში“. წერილი წარმოადგენს ამონაკრებს იმ მოხსენებიდან, რომელიც წარუდგინა მთავრობას ცალკე წიგნად საგანგებოდ ბათუმის საკითხის შესასწავლად დანიშნულმა კომისიამ, ეგრეთ წოდებულ „ზაბუგინის კომისიამ“. ეს მოხსენება მე ბედნიერად შემთხვევით ჩამივიარდა ხელში და ვისარგებლე მასში მოყვანილი ძვირფასი ცნობით.

ამ მოკლე დროში ბათუმში დაფუძნდება ეგრეთ წოდებული ნავთის ქალაქი, რომელიც სრულიად შესცვლის ქალაქის აღმოსავლეთ მხარეს. საქონლის დღევანდელი სადგური სრულიად მოიშლება და აქ ნავთის ქალაქი გაშენდება. რკინიგზა ბარცხანიდან მიხაილოვის ქვეითა ბატალიონის ყაზარმების წინ გაივლის და კახაბერის მთის ძირისკენ გაემართება. აქ გაშენდება მგზავრთა და საქონლის სადგურები.

ყოველივე ეს შემდეგ გარემოებათ გამოიწვიეს: ბათუმის სანავთო ქარხნები დღეს თითქმის შიგ ქალაქშია მოქცეული; აქვე ციხის სიმაგრეების წინ, წამოჭიმულია ვეება რეზერვუარები და ყუთების საკეთებელ ხის მასალის დიდძალი საწყობები. სამხედრო უწყებას ასეთი მეზობლობა, — ამდენი ნავთისა და ხე-ტყისა, — მუდამ საშიშრად და მოუხერხებლად მიაჩნდა და ამის შესახებ კიდევაც აღძრა საქმე უმაღლესი მთავრობის წინაშე, რათა ასეთი საშიშარი მეზობელი მოეშორებინათ სიმაგრეებისათვის და სხვაგან გადაეტანათ.

ამ შუამდგომლობას მოჰყვა 1891 წელს 11 ივლისს, უმაღლესად დამტკიცებული სახელმწიფო საბჭოს დადგენილება, რომლის ძალით მოზრდილი ახალი რეზერვუარების აგება აიკრძალა და ქარხნის პატრონებს სამი წლის ვადა ეძლეოდათ ამ ხანში ან მოეწყათ თავიანთი ქარხნები თანახმად ახალი კანონისა, ან და ისინი ქალაქს გარეთ გაეტანათ.

ქარხნების პატრონებსაც და ქალაქსაც მეხივით დაეცა თავს ეს განკარგულება. პირველთათვის ყოვლად შეუძლებელი იყო აესრულებინათ ახალი მოთხოვნილება ქარხნების მოწყობაში; აყრა, ქალაქის გარეთ გატანა, ახალ ადგილას ქარხნის მოწყობა — ეს საქმეზე ხელის აღებას უდრიდა, უდრიდა სრულიად დამხობას; ქალაქი კი ქარხნების მოშორებით დიდძალ, მის მასულდგმულებელ, შემოსავალს ჰკარგავდა; ჰკარგავდა ყოველ წლივ 150000 მანეთამდის. ამიტომაც ქალაქის თვითმართველობამ თავი გამოიღო და ნავთის ქარხნების პატრონებთან ერთად მიმართა უმაღლეს მთავრობას, რომ იგი შესულიყო ქალაქის და ქარხნების პატრონების მდგომარეობაშიაც და შეეცავალა დადგენილება.

თავის თხოვნაში ქალაქი სწერდა — ყოვლად შეუძლებელია ეს განკარგულება ასრულდეს ეკონომიურისა, ტოპოგრაფიულისა, იურიდიულისა და სამხედრო მიზეზთა გამო, რომელთა აცილება თავიდან ყოვლად მოუხერხებელია; ქალაქს დასჭირდება გამორკვევა

ასეთ ახლართულ-აბურღული საქმეებისა, როგორც არის ადგილ-მამულეების საქმე. ამიტომ არ შეიძლება იმ დასკვნამდე არ მივიდეთ, რომ ახალი კანონის სისრულეში მოყვანის დაქალაქება ბათუმის ნავ-სადგურიდან ნავთის გატანის აკრძალვის თანასწორი იქნება, რაც არ უნდა ეთანხმებოდეს მთავრობის განზრახვას, რადგან ბათუმის ნავსადგური მისგანვე აშენებულა საგანგებოდ ნავთის საჭიროება-თა მიხედვით. მაგრამ თუ გადატანა ქარხნებისა ასეთი ძნელი და მოუხერხებელი საქმეა, მათი დატოვება იმ სახით, როგორც ახლანა, არ შეიძლება; ამიტომ საჭიროა მოინახოს ისეთი გზა, რომ მრეწვე-ლობას არ აზარალოს, არ შეზღუდოს იგი და ქალაქიც უზრუნველ იყვეს ცეცხლისაგან. ამისათვის სრულიად საკმაოა დაწესდეს ცალკე უბანი, რომელსაც უნდა დაერქვას „ნავთის ქალაქი“. ქალაქის თვით-მართველობამ იმ ადგილის საზღვარიც აღნიშნა, სადაც უნდა დაარ-სდეს ეს „ნავთის ქალაქი“ — ადგილი, რომელზეც მოთავსებული იყო ნავთის ქარხნები და რკინიგზის საქონლის სადგური.

ქალაქის თვითმართველობის თხოვნა შეწყყნარებულ იქნა. უმაღ-ლესად დაინიშნა კომისია ბათუმში ნავთის ქალაქის დასაარსებლად. ამ მთავარმა კომისიამ დააარსა მცირე კომისია ზაბუგინის თავმჯდო-მარეობით და გამოგზავნა ბათუმში ადგილობრავ საქმის გამოსარ-კვევად და საჭირო მასალის შესაკრებლად. მცირე კომისიას დავალებ-ული ჰქონდა: 1) შეედგინა გეგმა ნავთის ქალაქისა, 2) გაცნობოდა გაზიდვის არსებულ წესს; გამოირკვა ბათუმის ნავსადგურის მნიშ-ვნელობა საერთოდ ვაჭრობაში, ნავთის მრეწველობის გარეთ, საჭი-როებანი ამ ვაჭრობისა და რა საშუალებანი შეუწყობდნენ ხელს მას და სასურველ წარმატებას მისცემდნენ ისე, რომ ნავთის გაზიდ-ვას არა ვნებოდა რა, 3) ამოერჩია ადგილი ნავთის რეზერვუარების გადასატანად და 4) ცნობაში მოეყვანა თუ რა ხარჯს ითხოვს ამ ახა-ლი რეზერვუარების აგება ახალ ადგილას.

მცირე კომისია ჩამოვიდა ბათუმში 1899 წელს იანვარში, ადგი-ლობრივ გაეცნო საკითხს და ყოველივე მოგროვილი მასალა თავისი მოსაზრებანი დაიბეჭდა ვეება წიგნად და თავის თავმჯდომარის ხე-ლით წარუდგინა მთავარ კომისიას. მოგროვილი მასალა მეტად სა-ინტერესოა განსაკუთრებით ჩვენთვის, რადგან იმაში იხატება ბათუ-მი, რომელსაც მეტად დიდი მნიშვნელობა აქვს ჩვენს ცხოვრებაში.

ახლა იმაზე, თუ რა მდგომარეობაში ნახა მცირე კომისიამ ნავ-თის ქარხნები ბათუმში, რა ადგილი მოუნახა მან ქალაქის გასაშო-რებლად და რარიგად უნდა მოწყობილიყო შემდეგში ბათუმის ნავ-თის ქარხნები. ცნობები ქარხნების მდგომარეობისა შეეხება 1899 წელიწადს.

ბათუმის ნავთის ქარხნები მოთავსებული იყო აღმოსავლეთ მხარეზე და თითქმის უერთდებოდა ქალაქს. სივრცე ამ ადგილების, რომელზეც აგებული იყო ქარხნები, 105 დესეტინაზე მეტი იყო; ადგილი სწორი, ოდნავად დაქანებული ზღვისაკენ, დასერილი მრავალი ვიწრო და განიერი თხრილებით და მოფენილი ქარხნებში შესავალი რკინიგზის შტოებით.

ამ სივრცეზე მცირე კომისიას დაუხვდა ნავთის 11 ქარხანა და ნავთის გასაგზავნი თუნუქის ყუთებისა და კასრების 9 სახელოსნო. ქარხნები და სახელოსნოები ეკუთვნოდნენ: ხაზინას — 1, უცხოელებს — 8, სომხებს — 6; დანარჩენი სხვადასხვა პირებს, რომელთა შორის, რასაკვირველია, არც ერთი ქართველი არ ერიდა. მიწების ფასი ამ რაიონში დღითი დღე იზრდებოდა: 1899 წელს ოთხკუთხი საყენი მიწა ფასობდა რვა მანეთიდან თხუთმეტ მანეთამდე; საიჯარო — ოთხკუთხი საყენი — ორმანეთ-ნახევრამდე ჯდიოდა წლიურად. შემდეგში ეს ფასები გაორკეცდა, რადგან საიჯარო მიწის შოვნაც ძნელი შეიქნა; გასაყიდი კი სრულიად აღარ მოიძებნებოდა.

ნავთის ქარხნები მოწყობილი იყო ექსპორტის საჭიროებათა მიხედვით: — ნავთი იგზავნებოდა გემებში გადასხმით და ყუთებით; ამის გამო ქარხნებიც ორნაირი იყო: ყუთებით მგზავნელი და გემებით მგზავნელი. ნავთის მინერალური ნარჩომიც ამგვარადვე იგზავნებოდა. გასაზიდავად მომზადებული ნავთი ინახებოდა დროებით, გაგზავნამდის, რეზერვუარებში, უზარმაზარ ქვაბებში, რომელშიაც თავსდებოდა 25000—30000 ფუთამდე ნავთი. 1899 წელს ამ რეზერვუარების რიცხვი იყო 172, რომელშიაც შეიძლებოდა 14 მილიონი ფუთი ნავთის მოთავსება.

ბაქოდან ცასტერნებით მიღებული ნავთის გადასადებად გემებზე შექარხნეებს მოწყობილი ჰქონდათ ნავთის გადამღები საქაჩავი მანქანები. ამ საქაჩავი მანქანებით მიღებული ნავთი გადაჰქონდათ რეზერვუარებში და შემდეგ გემში, როცა უკანასკნელი მოვიდოდა. ეს საქაჩავი მანქანები სხვადასხვა სიდიდისა და ძალისა იყო. იყო საქაჩველი, რომელიც ექვსგოჯიანი მილით ერთი საათის განმავლობაში რეზერვუარში გადაქაჩავდა 9000 ფუთამდე ნავთს, ხოლო ქარხნიდან გადაქაჩავდა ნავსადგურში გემზე ერთ საათში 8000 ფუთ ნავთს. ზოგიერთ ქარხანას ჰქონდა ისეთი ძლიერი საქაჩავები, რომ მათი შემწეობით რვაგოჯიანი მილით 12000 ფუთი ნავთი ჩაისხმებოდა რეზერვუარში ერთი საათის განმავლობაში და ამავე დროს განმავლობაში ამგვარივე მილით გადაიქაჩებოდა ქარხნიდან გემზე 10000 ფუთი. ამიერკავკასიის რკინიგზის საქაჩავი მანქანა ისეთი

მძლავრი იყო, რომ ერთი საათის განმავლობაში 18000 ფუთი ნავთის გადაქაჩვა შეეძლო ნავსადგურში.

ნავთის სადენი მიღები რკინისა იყო, მილი მიღზე მიჭახრაკე-ბული; მიღები სხვადასხვა ზომისა. მიღები გაყვანილია ნავსადგურში და მიწაში ჩაფლული ისე, რომ მათი თავები ჩანდა მხოლოდ გემის მისადგომ ნაპირებზე; ამ თავებზე მიაჭახრაკებდნენ რეზინის ან სპილენძის მიღებს, ან შლანგებს, როგორც ამას უწოდებდნენ; ამ შლანგების ბოლოებს გემში ჩაყოფდნენ და ამით ასხამდნენ ნავთს გემში.

გემები სხვადასხვა სიდიდისა და ზომისა იყო. ყველაზე უდიდესი გემები ეკუთვნოდა „სამუელ სამუელსონის და ამხ.“ ფირმას. ამ კომპანიას ჰქონდა ისეთი გემები, რომელთაც ერთბაშად მიჰქონდათ გემში ჩასხმული 527000 ფუთი ნავთი. ამ გემებს ბათუმიდან ნავთი გაჰქონდათ შორეულ აღმოსავლეთში. გემებს ჰქონდათ სამსართულიანი ბაქანი, რის გამო შიგ ჩასხმულ ნავთს მზის მცხუნავი სხივები არ ხვდებოდა. სამანქანო განყოფილება და გემზე მოსამსახურეთა სადგომები განცალკევებული იყო. გემებზე იყო ამოსაქაჩავი პომპები, რომლებითაც შეიძლებოდა 20000 ფუთი ნავთის ამოსხმა: გემიდან ერთი საათის განმავლობაში.

ნავთის გამტან გემთა რიცხვი 1899 წელს იყო ოთხმოცამდე და ყველაში ერთად ეტეოდა 17000000 ფუთამდი.

გარდა ამისა ნავთი იგზავნებოდა თუნუქის ყუთებითა და კასრებით; უკანასკნელით ნავთის მინერალური ზეთები. ამ ჰურჭელის დასამზადებლად ქარხნებთან მოწყობილი იყო ცალკე სახელოსნოები თუნუქისა, ხის ყუთების და კასრების. ყუთებით ნავთი მიდიოდა განსაკუთრებით შორეულ აღმოსავლეთის ქვეყნებში, სადაც, საურმე ვზების უქონლობის გამო, წვრილ ვზებზე და მთის საცალფეხო ბილიკებით, შეიძლებოდა მხოლოდ ტვირთად გადატანა საქონლისა, ისიც პატარ-პატარა პარტიებით.

თუნუქის თითო ყუთში ისხმებოდა მხოლოდ 36 გირვანქა ნავთი. ორი ასეთი ყუთი თავსდებოდა ხის ერთ ყუთში და ისე იგზავნებოდა ბათუმიდან. ამგვარი ვაზიდვა, ე. ი. ყუთებით, ითხოვდა ჰურჭლის საკეთებლად სხვადასხვა მასალას და ამ მასალის დიდძალ დამზადებას: აი რა მასალა იყო საჭირო ამ ყუთების გასაკეთებლად:

1) ხის მასალა, ფიცრები ნაძვისა. ორი მესამედი ამ მასალის: მოდიოდა ავსტრიიდან. აგრეთვე ხერსონიდან და ნოვოროსიიდან; შემდეგ დიდძალი ფიცრები მოჰქონდათ აფხაზეთიდან, კოლორის მიდამოებიდან; 2) თეთრი თუნუქი — მოჰქონდათ ინგლისიდან; 3) ლურსმანი — პეტერბურგიდან და რიგიდან; 4) კალა — ინგლისიდან და სა-

ფრანგეთიდან; 5) სინა (ყუთების ხელისათვის) — პეტერბურგადან და რიგიდან; 6) ცინკი ფურცლებად — რუსეთიდან; 7) ტყვია — ისპანიიდან და საფრანგეთიდან; 8) პრობკა — რუსეთიდან; 9) წითელი სპილენძი — რუსეთიდან და საფრანგეთიდან; 10) მარალის სიმკვავე — რუსეთიდან.

ყოველდღიურად კეთდებოდა 38 100 ხის და 76 200 თუნუქის ყუთი. ამას უნდებოდა ფიცარი 477 კუბიკური მეტრი, 5533 ფუთი თუნუქი, 3171 ფუთი კალა, 4756 ფუთი ტყვია, 2061 გირვანქა მარალის სიმკვავე, 2821 გირვანქა სინა, 15240 გირ. ლურსმანი. ეს საშუალო მუშაობის დროს, ხოლო როცა გაძლიერებული მუშაობა იყო, მაშინ მეტი მასალა იხარჯებოდა.

განუწყვეტლივი მუშაობის გამო ქარხნებში ინახებოდა დიდძალი საქარო მასალა. მცარე კომისიის მიერ შეკრებილი ცნობებით, საერთოდ ყველა ქარხანაში მუდამ ინახებოდა: 1020114 ფუთი თუნუქი, 8888 ფუთი კალა, 13334 ფუთი ტყვია, სიმკვავენი — 2893 ფუთი, 19444 ფუთი სინა, 55661 ფუთი ლურსმანი და 66675 კუბიკური მეტრი ფიცარი; ამ უკანასკნელი მასალის დამზადება შემოდგომაზე მატულობდა და აღიოდა 126350 კუბიკ. მეტრამდე.

ამგვარი შეგროვება 200 რეზერვუარისა 20 მილიონი ფუთი ნავთით, ამოდენი ხის მასალათა ერთად ვიწრო ადგილზე, ქალაქის გვერდით და ციხის სიმაგრეების წინ, რასაკვირველია, ყოველთვის საშიში იყო, რის გამო სამხედრო უწყებამ აღძრა საქმე ამ საშიშარი მეზობლობის გაშორების შესახებ. კომისია თავიდანვე გაცნო იმას, თუ რამდენად მართლა საშიშარი იყო ქალაქისათვის და ცახს სიმაგრეებისათვის ქარხნის არსებული მდგომარეობა და მდებარეობა. კომისიის აზრით, არსებით საშიშროებას წარმოადგენდა მხოლოდ უბრალო კეროსანის შეგროვება, როგორც ადვილად ასაფეთქებელისა და ხის მასალის დიდძალი საწყობები. კომისიამ საქაროდ სცნო ნავთის ქალაქის სულ სხვაგვარად მოწყობა და მოწყობა. საქმეს გააადვილებდა ქარხნების გადატანა და ძველ ადგილას რეზერვუარების აგება და ხის მასალის საწყობების გამართვა, მაგრამ კომისიამ ეს შეუძლებლად დაინახა შემდეგი მოსაზრებით: აყრა ქარხნებისა და მათი გადატანა ახალ ადგილას მოითხოვდა მილიონებს ხაზინისაგან, რადგან ხაზინას ფიქრად ჰქონდა ნავთის რეზერვუარები თავის განკარგულებაში ჰქონებოდა. ამასთან, კიდევაც რომ არ დარიდებოდნენ მილიონებთან ხარჯებს, საფიქრებელი იყო იმ ბაზრების შერჩენა, რომელთაც რუსეთს მოუპოვებია. აყრა-გადატანა, რასაკვირველია, ვაჭრობას შეაფერხებდა, ბაზარზე რუსეთის ნავთის

ადგილს ამერიკის ნავთი დაიკავებდა და შემდეგ ამ დაკარგული ბაზრების დაბრუნება საეკვო იქნებოდა. ამგვარი შემთხვევა კიდევაც მოუვიდა რუსეთის ნავთს; ეს იყო 1895 — 1896 წ. ზამთარში, როცა ამიერკავკასიის რკინიგზა გაფუჭდა და რამდენიმე თვით მიმოსვლა შეწყდა; ამ მცირე ხნის დაბრკოლებამაც ბევრი ბაზარი დააკარგვინა რუსეთის ნავთს და ეს დანაკლისი არ ყოფილა დაფარული.

ქარხნების მოშორებით გადატანა უსათუოდ მოითხოვდა ნავთის ფასის აწევას და ეს მხოლოდ უპირატესობას მისცემდა ამერიკის ნავთს; ყუთებით გზავნა კი სრულიად უნდა მოსპობილიყო, რადგან ყუთების საკეთებელი სახელოსნოების ახალ ადგილას მომართვა მოითხოვდა ახალ გაუმჯობესებულ მანქანა-იარაღებს, ახალ ხელსაწყოს და ეს კი მეტად დიდ ხარჯს მოითხოვდა. თუ ყუთებით გაზიდულა ნავთი უფრო ძვირად არ იყიდებოდა, ეს ამიტომ, რომ ყუთების საკეთებელი სახელოსნოების მოწყობაზე გაწეული ხარჯები უკვე ამოღებული ჰქონდათ მეპატრონეებს.

ნავთის გაზიდვას დიდი მნიშვნელობა ჰქონდა სახელმწიფო ვაჭრობისათვის; ამიტომ საჭირო იყო მისი ხელის შეწყობა და დათმობა მისდა სასარგებლოდ ზოგიერთი ინტერესისა. ეს აზრი გამოთქვა მცირე კომისიამ. კომისიის აზრით, რადგან ნამდვილ საშიშარ საგანს მხოლოდ ჩვეულებრივი კეროსინი წარმოადგენდა, ამიტომ საკმარისად უნდა ყოფილიყო ცნობილი, საშიშროების ასაცილებლად, შიგ ქარხნებში მხოლოდ სახარჯო ნავთის დაგროვება, დანარჩენი კი ქალაქგარეთ და ციხის სიმაგრეების დაშორებით ყოფილიყო შენახული. ამისათვის ახლადაგებულ რეზერვუარებში გადატანა დანარჩენ ნავთულობათა, განსაკუთრებით ნავთის მინერალურა ზეთებისა, არც იმდენად საჭირო იყო და მასთან მეტად ძნელი და რთული შესასრულებელი და გარდამეტებული ხარჯების მომთხოვი საქმე იქნებოდა. მაგალითად, მცირე კომისიის გამოანგარიშებით ნავთის მინერალური ზეთების რეზერვუარები რომ ახალ ადგილას გადაეტანათ (მაგ. 20 ვერსის სიშორეზე) და მათთვის საჭირო ახალი მიღება გაეყვანათ ნავსადგურამდე — მარტო ეს უკანასკნელი 3500000 მანეთი დაჯდებოდა.

ყოვლად შეუძლებლად სცნო კომისიამ ყუთების საკეთებელი ხინ მასალის გადატანაც იმ მოსაზრებით, რომ ნავსადგურიდან ამ მასალის გადატანა, იქიდან საჭიროების მახედვით ქარხნებშივე მოტანა მათი, ზედმეტ ხარჯს მოითხოვდა და ნავთის ფასებზეც გავლენას იქონიებდა.

ყოველივე ამის გამო მცირე კომისიამ შემდეგი დაასკვნა: ყვე-

ლა ხისა და თუნუქის ყუთების და კასრების ქარხანა-სახელოსნოები, ნავთის ზეთების და ნავთიანა ნაშთების მსხმელ-შქაჩავა საღვურები დატოვებულ იქნან ძველ ადგილებზე. ხის მასალის საწყობებიც დატოვებულ იქნან ქარხნებთან, ისე რომ 1891 წ. კანონი მათ არ უნდა შეეხებოდა; ქარხნებისათვის საჭიროს გარდა, ნავთი უნდა გატანილი ყოფილიყო ქალაქგარეთ, სიმაგრეების დაშორებით, რისთვისაც მოხერხებულ ადგილას უნდა აგებულიყო ახალი რეზერვუარები და მოწყობილიყო ამ სათადარიგო ნავთის გადაქაჩვა, საჭიროებისამებრ ქარხნებზე, ნავთიან ქალაქში.

რაკი ამ დასკვნაზე შეიწერდა კომისია, ამასთანავე შეუდგა იმ მოხერხებული ადგილების გამოძებნას, სადაც შეიძლებოდა ნავთის ახალი რეზერვუარების აგება. კომისიამ დაათვალიერა მთელი ბათუმის მიდამოები. ამ ადგილების აღწერაში ბევრი რამ საინტერესო ცნობებია.

1) ადგილები მდ. ჭოროხის ნაპირებზე და ართვინის გზატკეცილის დაყოფება. მდ. ჭოროხისა და ართვინის გზატკეცილის მარჯვენა მხარეს მდებარე დაბალი ადგილები, რომელზეც წყალდიდობის დროს მდ. ჭოროხი გადივლის ხოლმე, სრულიად უვარგისად იყო ცნობილი. გზატკეცილას მარცხნივ მდებარე ადგილებში, რეზერვუარების ასაგებად გამოდგება ადგილი, სახელწოდებით ხელვაჩაურა, ბათუმიდან 7 ვერსით დაშორებული. სივრცე ამ ადგილისა უდრის 57 დესეტინას. მაშინ იგი წარმოადგენდა გაერთიანებულ საყანეებს; თითოეული დესეტინა იძლეოდა 150 — 200 ფუთამდე სრმინდს. ამ ციებთან და ჭოროხან ადგილას არავინ ცხოვრობდა. აქა-იქ მხოლოდ ფაცხები იყო, სადაც ქურთები ბინადრობდნენ ზამთრობით. ხელვაჩაურის მიწები შეადგუნდა 48 კაცის საკუთრებას; მესაკუთრებმა განაცხადეს, რომ თუ ამ ადგილებს ჩამოართმევდნენ, — თითო დესეტინაზე 600 — 1200 მანეთამდე მოვიტხოვთო.

2) ბარცხანის ხეობა. აქაურობა მთა-გორიანი ადგილებია და გამოუსადეგრად იქნა ცნობილი წსენებული მიწისათვის.

3) ყოროლის წყლის ქალები. ამ ქალებში ბევრ ადგილას შეიძლებოდა ნავთის რეზერვუარების აგება, მაგრამ კომისიამ მოუხერხებლად სცნო ეს და აი რატომ: ბათუმის ზრდასთან ერთად აქ, ამ ქალებში და ხეობაში, თანდათან მრავლდებოდა აგარაკები, ასე რომ მიწის ფასი დესეტინაზე 600 — 800 მანეთამდე აღიზდა; მცხოვრებლებმა კი განაცხადეს, რომ თუ მიწებს ჩამოართმევდნენ, დესეტინაზე 2400 — 4800 მანეთამდე მოითხოვდნენ. ის ადგილი, სადაც შეიძლებოდა რეზერვუარების აგება, ერთი უმშვენიერესი ადგილი-

თაგანი იყო თავისი მღებარეობით და სანიტარული პირობებთან, მოფენილი მრავალი აგარაკებით; ამ აგარაკების პატრონებს დიდძალი ფული ჰქონდათ ჩაყრილი მიწის დამუშავებისათვის, ათასნაირი ძვირფასი ნაშენისათვის; აქ მოყავდათ საუცხოო ხარისხის ხილი, ზრდიდნენ ძვირფას ტროპიკულ მცენარეებს; გაშენებული იყო პოპოვის ჩაის პლანტაციები სალიბაურში და კაპრეშუშში. ნავთის რეზერვუარების აგება მათ მახლობლად საზარალოდ იმოქმედებდა; ნავთის ორთქლით გაჟღენთილი ჰაერი მეტისმეტად ავნებდა ამ ნაზ მცენარეების კვირტებს და ფოთლებს და ძირითადაც შეცვლიდა ცხოვრების პირობებს ამ ადგილებში, რომელიც მეცნოურებმა იცვინეს საუკეთესო კლიმატიურ კუთხედ შავი ზღვის მთელ ნაპირზე.

განსაკუთრებით დიდი ზარალი მიეცემოდა ნავთის სიახლოვისაგან პოპოვის ჩაის პლანტაციებს, რომელსაც ეკავა სალიბაურში და კაპრეშუშში ორასზე მეტი დესეტინა. პოპოვს აუარებელი ფული ჰქონდა ჩაყრილი ამ ადგილების დასამუშავებლად და გასაწმენდ-და-საწრობად; აგებული ჰქონდა მრავალი შენობა, გაყვანილი ჰქონდა მშვენიერი მოკენჭილი გზები მთების კალთებზე; სალიბაურში ჰქონდა ჩაის ქარხანა; შენობებზე დახარჯული ჰქონდა 200000 მანეთამდე; მამულებს გაწმენდა-გაუმჯობესებზე—მილიონზე მეტი. პლანტაციებზე მოსამსახურეთა წლიური ხარჯი იყო — 13500 მანეთი. ყოველდღიურად აქ მუშაობდა 200-მდე ქალი და კაცი. როცა მთელ მამულში მოთავდებოდა ჩაის ბუჩქების დარგვა — ყოველწლიურად მოიწეოდა 400000-დე გირვანქა ჩაი. ჩაი ძლიერ კარგი თვისებისა კეთდებოდა, კარგი ფერისა, გემოსი, სურნელოვანი და არაფრით ჩამოუვარდებოდა საშუალო ხარისხის ჩინეთის ჩაის. მანეთად რომ გაეყიდნა გირვანქა, წლიური შემოსავალი პოპოვს ამ მამულებიდან იქნებოდა 400000 მანეთამდე. კომისიის მიერ შეკრებილი ცნობების მიხედვით, ჩაის მოსაყვანად გამოსადეგი ადგილები, თუ ყველა დამუშავებული იქნებოდა, მოიწეოდა 500000 ფუთამდე ჩაი. ე. ი. მესამედ ნაწილს იმისას, რაც მთელ რუსეთში იხარჯებოდა და რის საფასური აღწევდა 10 — 15 მილიონ მან.

ყოველ ამის გამო კომისიამ შეუძლებლად სცნო ყოროლის წყლის ქალებში და ხეობაში ნავთის რეზერვუარების აგება.

4) მახინჯაური. აქაურობაც მოფენილი იყო აგარაკებით. ზოგიერთ მოავარაკეს გაშენებული ჰქონდა ძვირფასი მცენარეულობა მანღარინის და ლიმონის; აქ იყო საგანგებო ჯიშის ატამი, ვაშლი,

მსხალი, ბალი, ლედვი და სხვა. მიწის ფასი ერთობ დიდი იყო. აყრა ამოღენა მოაგარაკეებისა და გაოხრება ამოღენი ნამუშევრებისა დიდ ცოდვად იქნა აღიარებული კომისიისაგან.

ნ) ჩაქვის არემარე. აქაც შეუძლებლად სცნო კომისიამ რეზერვუარების აგება. საუფლისწულო უწყებას ჰქონდა შექმნილი აქ 12500 დესეტანა და ზედ გაშენებული იყო ჩინურ-იაპონური მცენარეულობა. 1899 წლამდრ ადგილების დამუშავებისათვის დახარჯული იყო 800000 მანეთამდე. მთავარი საქმე — აქაც ჩაის ბუჩქის გაშენება იყო. ჩაის გარდა გაშენებული იყო ჩინური ჰინჭარი, ბამბუკი, მანდარინი, ფორთოხალი და სხვა ძვირფასი მცენარეულობა; იქვე მახლობლად იყო ძვირფასად მოვლილი მამულები სტოიანოვისა, სოლოვცოვის, ვუჩინოს, ვერუს და პოპოვის.

ო) სადგურ ქობულეთის არემარე. აქ კომისიამ ორი ადგილი პონახა ისეთი, სადაც შეიძლებოდა ნავთის რეზერვუარების აგება; ერთი — სადგურის პირდაპირ, მეორე — დიდი მერე. აქ არსად არ იყო არც აგარაკი, არც ნაშენობა რამე და ადგილებიც სწორი.

კომისიის აზრით განზრახული რეზერვუარები უსათუოდ ხაზანის ზელში უნდა ყოფილიყო, რადგან ეს მოწყობილობა ნაწილი იქნებოდა იმ ნავთის მილისა, რომელიც გამართული იყო ხაშურიდან ბათუმამდე.

უნდა აგებულიყო იმდენი რეზერვუარი, რომ შიგ დატეულიყო 1000000 ფუთი ჩვეულებრივი ნავთი. თითოეულ რეზერვუარში 200000 ფუთი; შესაძლებელი ყოფილიყო ქარხნებსა და ნავსადგურში თითო საათში 50000 ფუთა ნავთის გალაქაჩვა ამ რეზერვუარებიდან. ამასთანავე კომისიამ გამოიანგარიშა, რომ ამ რეზერვუარების შენახვა-მოწყობას 50 ქვაბით ქობულეთში მოუნდებოდა 2 მილიონი მანეთი; ყოროლის წყლის ქალებში — 1600000 მან. კომისიის გამონგარიშებით ყოველ ფუთ ნავთზე ფასი 0,16 კაპიკით აიწვედა.

რეზერვუარებიდან ნავთის ქარხნებზე მისაწვდენად უნდა მოწყობილიყო ცალკე საერთო გამანაწილებელი სადგური, რომელიც თავის დროზე ქარხნების მოთხოვნილებისამებრ მიაწვდიდა ქარხნებს იაყ და ნავსადგურშიც საჭირო ნავთს.

ყოველივე ზემოხსენებულ განზრახვათა აღსრულება მოითხოვდა არსებული ნავთის ქალაქის გაფართოებას, რისთვისაც საჭირო ხდე-

ბოდა რკინიგზის საქონლის სადგურის სხვა ადგილას გადატანა. ეს სადგური სახალხო სადგურთან ერთად უნდა გადაეტანათ კახაბერის მთებზე ძირში. ამ სადგურის გადატანა ჯდება 2 მილიონ მანეთამდე.

რადგან ნავთის წარმოება ამ დროს თანდათან იზრდებოდა და გასაზიდავი ნავთი ბათუმისაკენ მოდიოდა, კომისიამ საჭიროდ სცნო ამთავითვე შექმნილი ყოფილყო ყველა ის ადგილი, რომელზედაც შენდებოდა გაიშლებოდა ახალი ნავთის ქალაქი. ეს ადგილები სანჯაყბეგ აბაშიძეებს ეკუთვნოდა, მაგრამ მთავრობამ სახელმწიფო კუთვნილებად გამოაცხადა, რადგან ამ ადგილებზე ეწადა ქალაქს გაშლამატება. ამიტომ, კომისიის მოსაზრებით, ზოგერთი ნაკვეთი შეიძლებოდა დათმობოდა მოსახლეობა, მაგრამ ამისათვის საჭირო იყო მთავარმართველის ნებართვა.

ნავთის ქალაქი დაყოფილი იქნებოდა უბნებად; შიგ გაყვანილი მოკირწყლული ქუჩები; განათება ყველგან ელექტრონის; ქუჩებისაკენ მოქცეული შენობების კედლები აგებული ცეცხლის გამძლე მასალისაგან; შენობები ერთი და ორსართულიანებიც, მაგრამ უკანასკნელი არა უმაღლეს ექვსი საყენისა; სახლები ხისაც შეიძლებოდა; სახლების სახურავები კი უსათუოდ ან თუნუქისა, ან კრამიტისა. იმ შენობებს, სადაც ცეცხლი უნდა გაჩაღებულიყო, მზად უნდა ჰქონებოდა ცეცხლას გასაცალკეებლად რკინის ფურცლები.

ყოველ ქარხანას, ცეცხლის საქრობლად ეზოში უნდა ჰქონებოდა ოთხ-ოთხი წყლის ონკანი.

ყოველ სახელოსნოს უნდა ჰყოლოდა დაჭირავებული საიმედო მეთვალყურე, ფხიზელი პიროვნება, ასაკით არანაკლებ 21 წლისა; მის მოვალეობას შეადგენდა სახელოსნოში წესრიგის დაცვა. ყოველ მსხმელ-მჭაჩველ სადგურსა და ქარხანაზე — დამისყარაულები არა ნაკლებ ორისა, რომელნიც მორიგეობით იდარაჯებდნენ. ყოველივე ეს ექვემდებარებოდა და ამისათვის მეთვალყურეობა ევალებოდა ბათუმის ციხის კომენდანტს; მასვე უნდა მიეცა ნავთის ქალაქში ყოველივე შენობის აგების ნებართვა; დანარჩენში მეთვალყურეობა და ზედამხედველობა ევალებოდა საქარხნო ინსპექციას და პოლიციას.

კანონის ყოველსავე მოთხოვნილების სისრულეში მოსაყვანად ნავთის ქალაქში ქარხნის პატრონებს ვადად ეძლეოდათ სამი წელიწადი ნავთის ქალაქის გეგმის დამტკიცების დღიდან.

პირველი ქართული საღამო „ნინოზა“. — ბათუმი ქალიქისთავს ირჩევს. —
საარჩევნო ბრძოლა. — გრიგოლ ვოლსკი და ივანე მესხი: — დუელი შეკრახული
განეთის რედაქტორთან.

ასეთი იყო ბათუმი იმ სანებში და ადვილი გასაგებია რატომ იზი-
დავდა იგი ყოველი მხრიდან სავუშაოსა და ფულის მაძიებელ ხალხს.
ფულიანი ხალხი განსაკუთრებული ხალისით ეტანებოდა აქაურო-
ბას; არაფერს ზოგადა, რომ აქ ფეხი მოემგვრებინა, საქმე გაეჩა-
ლებინა და თავისი კაპიტალი დაეტრიალებინა. ამგვარი მოსაქმნარე-
ვით სავსე იყო ბათუმი და მათი რიცხვი დღით-დღე მატულობ-
და. დაბალი მუშა, რასაკვირველია, დიდ გასაქირში იყო, მაგრამ
მშველელი და დაშხმარე არ ჩანდა. ქარსნები სავსე იყო მუშებით.
რომლებიც საცოდავ პირობებში იყვნენ, მეტიანმეტად იჩაგრებოდ-
ნენ. ნამეტურ ჩაგვრას განიცდიდნენ ქართველი მუშები, რომლებიც
ახლად გამოდიოდნენ თავიანთ სოფლებიდან და ახლად ეჩვეოდნენ
მათთვის უჩვეულ მუშაობას. საჭირო იყო განოწინილიყო ისეთი
ხელი, რომელიც ასე თუ ისე, თუ არ ააშორებდა ჩაგვრას, ერთგვა-
რად მაინც შეუშუბუჭებდა ცხოვრების პირობების სიმძიმეს და
ტანჯვა-ბრძოლას.

და ასეც მოხდა.

ბედმა ბათუმში ჩამოაგდო რკინიგზაში მოსამსახურე ექიმა გრი-
გოლ ვოლსკი.

გრიგოლ ვოლსკიმ და მასთან ივანე მესხმა, სერგეი მესხის ძმან,
დიდი ამაგი დასდეს ბათუმს და დიდი სამსახური გაუწიეს ქართვე-
ლობას და ბათუმას მცხოვრებთ.

მეთის მთავრობა ჩაგრავედა და ათასნაირად ავიწროებდა მკვიდრთ.
სომხობა ფულიანი ელემენტი იყო და მთავრობას ემხრობოდა,
ბერძენი განზე იდგა. სამართლიანობის აღდგენა და წინააღმდეგობის
გაწევა მჩაგვრელთა წინაშე წილად ხედა ქართველობას და მან კიდევ
იკისრა ეს, რასაც ასრულებდა გულწრფელად და თავგამოდებით.

სათავეში იდგნენ, როგორც ვთქვი, გრიგოლ ვოლსკი და ივანე მე-
სხი. ვოლსკის მამა იყო პოლონელი, დედა კი ქართველი — კეჟერაძის
ქალი. მამა ადრე მოუკვდა, დედა ცოცხალი ბუნების, გონებაგახსნი-
ლა ადამიანი იყო თურმე. ვოლსკი განსხვავებულა სიყვარულით
იხსენებდა დედამისს. სწავლა ქუთაისის გიმნაზიაში დაასრულა და
შემდეგ რუსეთში, საექიმო ფაკულტეტზე. ყმაწვილობიდან წერდა

ქართულად ლექსებს უმწიფარიძის ფსევდონიმით. ლექსებმა ყურადღება მიიქციეს და უნწიფარიძე საყვარელ პოეტად იყო ცნობილი. ამასთანავე მან მშვენიერად იცოდა ქართული და რუსული და ითვლებოდა საუკეთესო ნათარგმნელად რუსულიდან ქართულად და ქართულიდან რუსულად. ღრმად საკითხი, ცოდნით აღჭურვილი, მშვენიერი მოლაპარაკე, ოსუნჯი — იგი სასიამოვნო მოსაუბრე იყო ყოველ შეკრებილობაში, ყოველ საზოგადოებაში. იდეალისტი, გულკეთილი, ღრმად მგრძნობიერი, ხალისიანი იგი ძლიერ ადვილად ინადავდა ყოველ შემხდურს; ზებრძოლი ხასიათის მქონე, იგი გაბედული და შეუდრეკელი იყო ბრძოლაში. როცა მან სავსებით დაინახა ყოველივე უსამართლობა და უკუღმართობა, რაც გამეფებული იყო გარშემო, გადასწყვიტა ყოველი ღონე ელონა, რომ ბათუმში ცხოვრების პირობები სხვაგვარ ნიადაგზე დაეყენებინა. ამისათვის საჭირო იყო ქალაქის თვითმართველობის ხელში ჩაგდება და საზოგადო ასპარეზზე გამოყვანა ისეთი პირობისა, რომელნიც მგლურ ხასიათს დაშორებული იყვნენ. მან, ეგანე მესხთან ერთად, შეადგინა მთელი გეგმა იმისა, თუ რა გზით მიშველებოდნენ იმ ხალხს, რომელსაც ესროდა სოფელი ქალაქიბაკენ, რა ღონით გაეადვილებინათ ახალ ადგილას, ახალი ცხოვრების გამოწყობა. ფულიანები ყოველ ღონეს ხმარობდნენ თავისებურად გამოეყენებინათ უსადსრო ხალხი. ამის გასანელებლად ვოლსკი და მესხი იმდენს ეცადნენ, რომ გახსნეს თითქმის მბოლოდ ქართველებისაგან შემდგარი საურთიერთო საკრედიტო საზოგადოება. დიდად აითვალწუნა ეს საზოგადოება თბილისის კომერციული ბანკის ბათუმის განყოფილებამ, მაგრამ დაუღალავემ მეცადინეობამ თავისი გაიტანა და დაარსებული საკრედიტო საზოგადოება წარმატებაში შეკყავდათ ხელმძღვანელებს, ნდობას კმოულობდა და თავის მიზანს ნელ-ნელა აღწევდა — აწვდიდა კრედიტს უსაშვალო ხალხს. საზოგადოების თავმჯდომარედ არჩეული იყო მდიდარი, განათლებული, განვითარებული ებრაელი შპოლიანსკა. ამის მიმხრობამ დიდი სარგებლობა მოუტანა საკრედიტო საზოგადოებას; საქმის მცოდნემ, გავლენიანმა ებრაელმა, წახალისებულმა იმ პატივისცემით, რომლითაც ეგებებოდნენ მას ქართველები, მკვიდრ ნიადაგზე დააყენა ბანკი.

მეტად საჭირო იყო ჩამოსახლებულთათვის სასწავლებლის გახსნა მათი შვილებისათვის; სასწავლებელი უფასო, ვინაიდან პატრონები უსადსრონი იყვნენ უმეტეს წილად. ბათუმში არსებობდა წერა-კითხვის საზოგადოების სკოლა, მაგრამ იგი მეტად ღარიბი იყო და მოუწყობელი, ძლივს ღაფავდა სულს. მას ინახავდა წერა-კითხვის სა-

პოვედრება და ხანდახან აღგიღობრივ იმართებოდა სკოლის სასაზრ-
ველოდ წარმოდგენა. მაგრამ აქედან ისე ცოტა შემოდინოდა სასწავ-
ლებლებს, რომ ერთ მასწავლებელსაც ძლიერდევობით ისტუმრებდა.
ამის დასაძლევად და სკოლის გასაღონიერებლად ვოლსკიმ და მესხმა
ვადაწყვიტეს ყოველწლიურად თოთხმეტი იანვარს, ნინოობას, სასწავ-
ლებლის სასარგებლოდ განსხვავებული საღამო გაემართათ. პირვე-
ლი საღამო არაჩვეულებრივი რამ იყო პათუქისათვის. თითქმის სამი
თვე დასჭირდა მის მოწყობას, მაგრამ შრომას ტყუილა არ ჩაუვლია
და საღამო დიდებულად ჩატარდა. ვეებერთელა საზოგადო საკრებუ-
ლოს დარბაზი ზღაპრულად იყო მორთული; ელექტრონი, რაც მა-
შინ იშვიათი იყო, — უხვად ანათებდა მთელ საკრებულოს; საკონცე-
რტო განყოფილება, რომელიც წინ უძღოდა საღამოს, შესამჩნევად
იყო შემდგარი თბილისიდან მოწვეული ძალებით; ცალკე იყო მო-
წყობილი აზიური დარბაზი, სადაც უკრავდა თარს განთქმული მეთა-
რე აბდულ-ბალი თავისი ამხანაგებით. საღამოზე მოწვეული იყო
საყვარელი მგოსანი აკაკი წერეთელი, რომელსაც საღვურზე დაუ-
ხედა მთლად ქართველობა და რომელიც გამოჩნდა თუ არა ვაგონის
კარებში, აუარებელმა ხალხმა აღტაცებით შესძახა მქუხარე ვაშა და
დიდის ამბით მიაცილა ეტლამდის. აკაკიმ საღამოზე წაიკითხა თავისი
ლექსები და, რაღა თქმა უნდა, დიდად აღაფრთოვანა ხალხით გაჰე-
დილი დარბაზი. ლამაზი, შნოიანი, წარმოსადეგი პოეტი, თავისი
ტკბილი ხმით, მომღიმარი სახით, მომხიბლავი შეხედულებით მარ-
თლა და საყვარელი იყო და თავი მოგვაწონა როგორც ჩვენ, ისე
უცხოელებსაც, რომლებიც მრავლად დაესწრნენ საღამოს.

საღამომ დიდი ფული შემოიტანა — სამი ათასზე მეტი, — და დი-
დი შთაბეჭდილებაც დასტოვა. თოთხმეტი იანვრის საღამო, ნინოობა,
მაცოცხლებელ წყაროდ შეიქნა სასწავლებლისათვის — გაჭირვები-
დან გამოიყვანა და ფეხი მოამაგრებინა. მაგრამ ამაზე არ შეაჩერეს
საქმე და სასწავლებლისათვის საკუთარა შენობის აგებას შეეჭიდნენ.
ამისათვის თბილისიდან დაიბარეს წერა-კითხვის საზოგადოების თავ-
მჯდომარის ამხანაგი ნიკო ცხვედაძე. ენერგიით სავსე ნიკო ჩამოვიდა
ბათუმში, მოუყარა სკოლას ეზოში ქართველობას თავი და მისებუ-
რი, მხურვალე სიტყვით მიმართა ყრილობას, რომ შესდგომოდნენ
სასწავლებლისა და მასწავლებელთათვის შენობის აგებას. კეთილი
განზრახვით მიმართული სიტყვა კეთილად დამთავრდა. ყველამ აღუ-
თქვა დახმარება ამ საქმეში წერა-კითხვის საზოგადოებას, ვინ ფუ-
ლით, ვინ საშენი მასალით, ვინ პირადი მუშაობით. საქმე ისე გაჩაღდა,
რომ მეორე წელაწადს სასწავლებელს უკვე მზად ჰქონდა სამაგალი-

თო დიდი შენობა, მშვენივრად მოწყობილი და ცალკე ბინები მასწავლებლებისათვის. სასწავლებელს შეეძლო დაეტია ორასამდე მოსწავლე და მალე კიდევ მიღწია ამ რიცხვამდე მოსწავლეთა რაოდენობამ. სასწავლებელი მშვენივრად იყო დაყენებული და დიდ სიმპათიას იწვევდა ხალხში. სწავლა ისე ჩინებულად იყო დაყენებული, რომ შემდეგში მეოთხე განყოფილებიდან ყოველ წლებით ათი-თორმეტი ყმაწვილი გადადიოდა აქაური შემზადებით ბათუმის გიმნაზიაში. ამ სასწავლებლის ფეხზე დაყენებაში, მისი მატერიალურად მოლონიერებაში დიდი მუყაითობა და შემწეობა აღმოუჩინეს ვოლსკას და მესხის ექვთიმე ბერძენიშვილმა და ნიკო საბაევმა. ორივე უანგაროდ, გულწრფელად და სიყვარულით ეკიდებოდა სასწავლებლის საქმეს.

შრომას უნაყოფოდ არ ჩაუვლია — ბათუმის წერა-კითხვის სკოლამ დიდძალი შეგნებული ახალგაზრდობა მისცა ხალხს.

• •

1895 წელს უნდა მომხდარიყო ქალაქის არჩევნები ახალი საქალაქო დებულების საფუძველზე. ამ აქტეკენ იყო საჭირო მუშაობის გამოწყობა, რომ ქალაქის მმართველობისათვის ჩამოეშორებინათ ქრელი ხალხი და ჩამდგარიყვნენ ისეთები, რომელთაც გული ეწოდათ აქაურობისათვის და დაჩაგრული ხალხისათვის. ასეთ დაჩაგრულ ნაწილს კი სწორედ ქართველობა შეადგენდა, რომელსაც ყველგან გზას უღობავდნენ და უკან აყენებდნენ, რომელიც მეტისმეტ უბატივეცემულობაში იყო.

კაიანდრა, ქალაქისათვის თანამდებობის აღმასრულებელი, რომელიც ქართველებს დაურიდებლად „გოლოვოტიკებს“ ეძახოდა, დარწმუნებული იყო, რომ არჩევნები მის და მისი მომხრეების სასარგებლოდ დამთავრდებოდა. სომეხები კი ფიქრობდნენ თავისი კაცის გაყვანას ქალაქისთავად — და ამისათვის კიდევაც ჩამოაყვანეს ბათუმში სამსახურიდან გადამდგარი გენერალი ვილაც ბებუთოვი და დიდის ამბით ასეირნებდნენ, ბულვარში ხალხისათვის დასანახავად. მისი კანდიდატურის სიძლიერე ისე შეთვისებული ჰქონდათ, რომ ბათუმში ცნობილი დელი (გივი) მაიორი ტერ-ასატუროვი დაუფარავად ხმამაღლა ამბობდა:

— ბათუმში ქალაქისთავი ან სომეხი, ან ქართველი უნდა იქნეს; მაგრამ ქართველებს ამისათვის კაცი არ მოგეძებნებათ და, შეილებო,

არც უნარი გაქვთ საამისო; ამიტომ ჩვენ, სომხებს, გვრჩება სათავეში
ჩადგომა. ამაზე უკეთეს კაცს თქვენ ვერ იშოვითო!

თავხედურად გაიძახოდა ამას, რადგან ყველანი თამამად წიხლავ-
ღნენ ჩეენებს.

ამას ბოლო უნდა მოღებოდა და ვოლსკიმ კიდევ მოულო.

იგი შეუდგა გაცხარებულ მუშაობას, რომ მომავალი არჩევნებით
ქალაქის თვითმართველობაში რაც შეიძლებოდა მეტი ქართველობა
ყოფილყო არჩეული, ხოლო გარეშეთაგან საუკეთესო პირები. მუ-
შაობა ამისათვის უნდა წარმოებულყო დაფარულად, გაუხმაურებ-
ლად; საჭირო იყო საქმის დაჭერა თავიდან მხოლოდ სანდო პირებ-
თან; ჯერ ამათი შეჯგუფება, შემდეგ ნელ-ნელა გაშლა, მომხრეთა
სიფრთხილით მონახვა, რომ არ გახმაურებულყო განზრახვა. საჭი-
რო იყო შეჭერება, რომ გამარჯვება მიღწეული იქნებოდა. ამას დიდი
მეცადინეობა ეჭირვებოდა, რადგან ქართველობაში ის აზრი ტრია-
ლებდა, რომ ჩვენ უღონონა ვართ, უძლურნი და მომუშავე ძალებს
მოკლებულნი.

უიმედობა, თავის თავის უნდობლობა ძალზე გამჭდარიყო ქარ-
თველობაში. ამის გაქარწყლებისათვის საჭირო იყო ყოველი ღონე
ეხმარათ. ფეხის თათოვეულ ნაბიჯზე გესმოდა შიშის ხმა, რომ უარეს
მდგომარეობაში არ ჩავვარდეთო, რომ უფრო არ ვადავიმტეროთ
სხვებში, რაკი ვაგვიგებენ თუ რა მინნები დაგვისახავსო. ამგვარი ში-
ში მძლავრად ისმოდა თავიდან, მაგრამ ვოლსკის და მესხის მოხერხე-
ბული მოქმედება და სიტყვა თანდათან მეტ და მეტ მომხრეებს პაო-
ულობდა და თანამგრძობთა რიცხვი იზრდებოდა. აქ მთელი შეთქ-
მულება, ნამდვილი შეთქმულება წარმოებდა.

როცა თანამოაზრეთა საკმაო რიცხვი შეიქმნა, გადაწყვეტილება
მიიღეს შემოეერთებინათ ბერძენთა ამომრჩეველები. დიდის მოხერხე-
ბით მიაღწიეს იმას. ჯერ მოლაპარაკება ჩამოაგდეს გავლენიან ბერ-
ძენთა ამომრჩეველთან იანკო ბენლისთან. დიდი სიფრთხილე იყო
საჭირო მასთან მოლაპარაკების დროს. მახსოვს რარვიგად ღელავდნენ
ვოლსკი და მესხი იმ საღამოს, როცა ბენლისის მოსვლას უცდიდნენ
მელიტონ ლორთქიფანიძის ბანაზე. ღამე იყო, როცა ბენლისი მოვი-
და. მოლაპარაკება გაგრძელდა რამდენიმე საათს. ნიშნები კარგი იყო.
რამდენაჲე დღის შემდეგ ბენლისა ისევ უნდა მოსულიყო და თან
პოეყვანა ორი-სამი თავისი ამხანაგო. ასეც მოხდა. დანაშნულ დღეს
ისევ საიდუმლო მოლაპარაკება ვარბაკეტოში, ნაპალევად. ასეთი
კრებები დამლაშობით ხშირად იმართებოდა, საქმე სასურველადაც
დამთავრდა. ბერძნები არჩევნებში შეუერთდნენ ჩეენებს იმ პირო-

ბით, რომ ქართველი ამომრბელები გაიყვანდნენ ხუთ ბერძენ-ბმოსანს. სააღუპლოდ ქართველთა მეთაობა წარმოეცა მადლითა. არჩევნების დღეს იმედიათაღ შეპყრობდნენ და ეს იმედიც ბრწყინვალედ აღსრულდა.

გოგისკის და მესხის მიერ გამოწყობილმა არჩევნებმა განმარცხა. ამორბელ სმოსანთა უმეტესობას ქართველები შეაყვებდნენ; ბერძენებისაგან დასახლებულნი ყველანი ამორბელ ესყენ. კაიანდრა გულშეწყობილი დაემხო თავის ყფთს და სასოწარკვეთილები დადღვდებდა:

-- ეს პატრივისცემა დავიმსახურე ჩემი მუშაობით! ასე გადამიხადეს სამაგერო ჩემი მუშაობისათვის?!

საარჩევნო დარბაზში თვალსაჩინო აღვიდას სავარძელზე მოთავსებული იყო და არჩევნების მსვლელობას უყურებდა განგებ ამ შემთხვევისათვის თბილისიდან ჩამოყვანილი ილია ჭავჭავაძე.

ბრწყინვალე გამარჯვებამ დიდი აღტაცება გამოიწვია ქართველობაში.

ახლა საჭირო იყო ქალაქისათვის თანამდებობისათვის შესაფერისი კანდიდატის გამოხსნა. სამწუხაროდ, ამ საკითხმა დიდი განხეთქილება გამოიწვია ისევ ქართველ ხმოსნებში. ზოგნი ამ აზრის იყენენ, რომ ქალაქისთავად უსათუოდ რუსი უნდა ყოფილიყო, რომ მთავრობას გული მოეგოთ, ზოგნი კი იმ აზრს დაადგენენ, რომ რაკი ქართველობა ჩადგა თვითმართველობის სათავეში, ქალაქისთავად უსათუოდ ქართველი უნდა ყოფილიყო, ერთგული აღმსრულებელი დასახული მიზნებისა, გამოცდილი, საქმის მცოდნე; ისეთი პირი, რომელსაც შეეძირს ქართველობის მდგომარეობა და ერთგულად გაუძღვებოდა საზოგადო ასპარეზზე ახლად გამოსულ, გამოუცდელ ხმოსნებს. ასეთ პირად დასახლებულ იქნა ქუთაისის ყოფილი ქალაქისთავი, იმ ხანად გუბერნიის სამართველოს წევრად მყოფი, ლუკა ასათიანი. შექმნილმა უთანხმოებამ სავინციობოდ გახადა ამ კანდიდატის გამარჯვება, მაგრამ ამ კანდიდატურის მომხრენი არ ეშვებოდნენ მის სახელს, რადგან მასში ხედავდნენ გამოცდილ კაცს, სამაგალითო მუშაკს და ისეთ ხელმძღვანელობის გამწევის შემძლეს, როგორც ეჭირებოდათ. მისმა მომხრეებმა თავი მოიყარეს მელიტონ ლორთქიფანიძისას, შეადგინეს მისადმი მიმართვა, რომელსაც ხელი მოაწერა ოცდაერთმა კაცმა და გამაგზავნეს ამ მიმართვით მასთან ქუთაისში.

როცა მე გადავეცი ბათუმელების თხოვნა ასათიანს, მისი პირველი შეკითხვა იყო:

... რად უნდოდათ ჩემსთანა დადლიდი, მოქანცული მუშა...
საქმიანო ახალგაზრდა ძალა, რომელსაც უნდა შეძლოს დაძლევა იმ
დასჯი სავსესა, რომლისთვისაც სული მოუკიდნიათ თქვენსას.

მე ვუთხარი, რომ წინაშეთუღლებს გათვალისწინებულად, აწონილ-
დაწონილი აქვთ ყველაფერი და დასპეკიებით, სრული დანაშაულებით
მოკმართავენ, რათა თქვენი ცოდნით გამოცდილებითა და შრომით
მიემდგომოთ ახალ მოდერნიზებს.

— თუკი მადგვარ საიმედო პირად ვაზ მინსეული, მადლობას მე-
ტი მე რა შეთქმის და სულთ და გულთ ვიმუშაებ, რამდენადაც
ჩემი ძალ-ღონე შემიძლებს.

მე არ დავუმაღე არაფერი; ვუთხარი, რომ არიან სხვა კანდიდა-
ტებიც და რომ შესაძლებელია ერთი ან ორი კენჭით გავიდეს მხო-
ლოდ, მაგრამ ამას ნუ ითაკილებ-თქო.

ჩამოვბრუნდი ბათუმში და ასათიანის თანხმობა ჩამოვიტანე მისი
კანდიდატურა წამოეყენებინათ ქალაქისთავად.

ცხარე ბრძოლა შეიქმნა ამ არჩევნებზე, კენჭის ყრამ აუარებელი
ხალხი მიიწიდა ქალაქის თვითმართველობის დარბაზში.

ასათიანი გავიდა ერთი კენჭით. ორა სხვა კანდიდატი გაშეებუ-
ლი იქნა.

ასათიანის არჩევას ქართველობა დიდის ალტაცებით მიეგება; მო-
წინააღმდეგენი მეტად გაბრაზდნენ და მშაპალა იმუქრებოდნენ
შემდეგ არჩევნებში სამაგიეროს გადახდას.

გუბერნატორმა შალიკოვმა, რომელიც კარგად იცნობდა ასათიანს
და დიდად აფასებდა, დაუყოვნებლივ დაამტკიცა არჩევნება.

განახლებულ ქალაქის თვითმართველობაში სხვა ყაიდაზე გაჩა-
ღდა მუშაობა. საქალაქო საქმეების მცოდნე, მუყაითა, მუშაობაში
დაულალავი ახალი ქალაქისთავი თავდაუზოგველად მუშაობდა; მას-
თან მუშაობდნენ ვოლსკი და მესხი, — პირველი როგორც გამგეო-
ბის წევრი, მეორე როგორც მდივანი. მეორე წევრად იყო არჩეული
ი. ივანოვი, გარუსებული ლეკი.

აქ უნდა მოვიყვანო რამდენიმე ცნობა ასათიანის შესახებ, რად-
გან იგი შესამჩნევი პიროვნება იყო იმ დროს. იგი იყო სოფელ ქვი-
ტირიდან, ქუთაისის ახლო მდებარე პატარა სოფლიდან. სწავლა მიი-
ღო ქუთაისის ოთხკლასიან სასწავლებელში; გიმნაზია იმ დროს არ
იყო ქუთაისში; სასწავლებლის გათავების შემდეგ იგი შევიდა სამსა-
ხურში, მაგრამ მის ჯამაგირს მისი „მფარველი“ უფროსი იჭიბებდა
და გამწარებულმა ყმაწვილმა მიატოვა ქუთაისი და გასწია ერევნი-
საკენ. აქ იგი შევიდა გუბერნიის სამართველობაში, სადაც უცნაურ-

ამბები ხდებოდა: მოხელეებს უმსგავსო საქციელმა მთავრობის ყურადღებაც კი მიიქცია და დანიშნა გამოძიება იმის გამოსარკვევად, თუ ვინ რას ჩადიოდა სამართველოში. გამოძიებამ აღმოაჩინა საშინელი უკანონობა, უსამართლობა მცხოვრებთა მიმართ, საოცარი შექრთამეობა და ამგვარები. გამოძიებამ აღნიშნა, რომ ერთადერთი მოხელე ასათიანი არის ყოველი ბრალდებისაგან თავისუფალი, წმიდა და უანგარო მოსამსახურე. ამან ყურადღება მიაქცევინა მთავრობას ასათიანისათვის და იგი მალე გადმოყვანილ იქნა ქუთაისში ოლქის სასამართლოს წევრად. შემდეგ არჩეულ იქნა ქალაქისთავად და ირჩეოდა მულამ, სანამ მასზე გულნაწყენმა კალისტრატე ჩიკვაძემ, რომელმაც ერთ დროს ააფრიალა დროშა ვითომ წვრილი აზნაურობის ინტერესების დასაცავად, იერიში არ მიიტანა ქალაქის თვითმართველობაზე, ისე როგორც ადგილობრივ სათავადაზნაურო ბანკზე. ქუთაისის გუბერნატორმა შალიკოვმა ასათიანი მიიწვია მრჩეველთა საგუბერნიო სამართველოში და ამ თანამდებობაზე იყო, სანამ ბათუმელებმა არ ამოირჩიეს ქალაქისთავად.

დიდი ცოდნის, დიდი გამოცდილების მქონე, მშვენიერი სიტყვის პატრონი, დინჯი, წარმოსადგევი გარეგნობით, იგი ყოველთვის და ყოველგან დიდ შთაბეჭდილებას სტოვებდა.

განსაკუთრებით მტრულად შეხვდნენ მას ბათუმში პირველ დღიდანვე. ბათუმში არსებული რუსული მონარქისტული გაზეთი, საზაზღარი გაზეთი „ჩერნომორსკი ვესტნიკი“, ყოველდღე უშვერად ილანძღებოდა და ტალახს ისროდა. გათაქსირებული რედაქტორი პალმა არას ერიდებოდა ასათიანს და ვოლსკის შეურაცხყოფისათვის. ასათიანს მან დაარქვა ლუკერია (გადააკეთა ლუკა) და უწერდა საოხუნჯო ლექსებს, არაკებს და ამგვარებს. ასათიანი ხმას არ სცემდა, იგი მუშაობაში იყო ჩართული, ხოლო ვოლსკი, რომელსაც პალმა ვერ გაუტოლდებოდა ოხუნჯობაში, ხშირად ასეთ რამეს იოხუნჯებდა პალმზე საზოგადოებაში, რომ განაგონით პალმა გულზე სკდებოდა. საოცარი ტაპის კაცი იყო ეს პალმა. ქართველები რომ შეეკამა, ეს იყო მისი წადილი. სანამ ჩამოეთესლებოდა ბათუმში, ის ცხოვრობდა თბილისში, თამაშობდა. თანგრეტვაში კომიკურ როლებს და კორესპონდენციებს ათავსებდა სუგორინის „ნოქოე ვრემიაში“ „ნატერჩანის“ ფსევდონიმით. ეს კორესპონდენციები პირდაპირი დაბეზლება იყო ადგილობრივი მცხოვრებლებისა, დაურიადებელი, უსინდისო და უნამუსო. შეგარბმულს ყველა სძულდა

პონარქისტი რუსის გარეშე და, როგორც ეტყობოდა, მთავრობაც ზელს უწყობდა ასეთ მოღვაწეობაში.

ამგვარი მტრულა თვალით უყურებდა აგრეთვე ქართველობას მედიდური გამგე როტშილდის სანავთო ქარხნისა ინჟინერი ზრდილოვსკი, ტომით პოლონელი. ამაყი, მიუქარებელი, იგი გაუგებარი მიზეზით ირიდებდა ქართველობას და ამცირებდა მას. მისი ქარხნის სამართველოს კარები მაგრად დახშული იყო ქართველი მოსამსახურისათვის. იყო ქკუიანი, კარგი მოლაპარაკე, მას დიდი გავლენა ჰქონდა საზოგადოებაში და ქალაქის გამგეობაში, სადაც ის ხმოსნად იყო. მედიდურს ვერავენ წინააღმდეგობას ვერ უბედავდა და ისიც დიქტატორობდა. რასაკვირველია, მას საწყენად დარჩა ქართველობის გამარჯვება არჩევნებში და თავიდანვე ყოველ შემთხვევას ეძებდა, რომ დაემცირებინა ქალაქის ახალ მეთაურთა მოქმედება. უსათუოდ საჭირო იყო ამ პირის ალაგმვა, მისი მძლავრობის შერყევა. ვოლსკიმ იშოვა ამისათვის შემთხვევა. ერთ კრებაზე ზრდილოვსკიმ თავისებური მპევრმეტყველური სიტყვით გააქიაქა, აღარ მახსოვს რაღაც განკარგულება ქალაქის გამგეობის მიერ მიღებული, და თავისი სიტყვა ასე დაათავა:

— შიოი სერდცე კროვიუ ობლივაეტსა, კოგდა ესპომინაიუ ეტო რასპორიაენიე!

ვოლსკიმ აცალა სიტყვის დათავება, შემდეგ შეუდგა პასუხის გაყემას და თავისი მოხდენილი პასუხი უცნაურად დაასრულა:

— ია ნე ზნაიუ ობლივაეტსია ლი ვაშე სერდცე კროვიუ, ნო ჩტო ონო ობლივაეტსია როტშილდოვსკოიუ ნეფტიუ, ეტო ხოროშო ზნაიუ!

ეს უცნაურობა იყო, ეს დიდი გაბედულობა იყო. ზრდილოვსკის ვინ გაუბედავდა ამგვარ შეურაცხყოფ სიტყვას, ვინ შეკადრებდა ამისთანა სიტყვით მიმართვას! ეს ჩამოთრევა იყო ამ მძლავრი დიქტატორისა იმ სიმაღლიდან, საიდანაც გულდილად დასჩერებოდა ქვევით; დარწმუნებული, რომ ყველანი მის წინაშე თრთიან და ძაგძავობენ. ვოლსკიმ ჩამოათრია იგი ამ სიმაღლიდან და ყველას დაანახვა, რომ ამ ამაყი, მედიდური კაცის შესებაც შეიძლება, გაბედულად აქმა და რომ იგი არც ისე საშიშარია, როგორც წარმოდგენილც და პინწეული ჰყავდათ.

ამგვარ მძლავრთა ჩამოქვეითებაში დიდა მარჯვე და მოხერხებუ-
ლი იყო ვოლსკი. ზრდილოვსკისადმი მოტყვევამ ხომ მთელი ქალაქი
ალაპარაკა, ყველას უკვირდა ვოლსკის გაბედულება და თან აცნო-
უნენ მიხლალ სიტყვანე. არანაკლება მნიშვნელოვანი იყო მცირე შე-

მთხევრაც. მომსდარა აზრეკნებთა ველმოსულმა სომეხთა ეპიტების კომერციული ბანკის გამგეობან ქართველ ეპიტებს დაუპირა ბანკიდან ფულის გატანის საშუალებების მოსპობა. რასაკვირველია, ეს საიდუმლო განკარგულება იყო. ვოლსკიმ ვრცელი, დალაგებული, მამხილებილი წერილი მისწერა ალ. მანთაშევს, კომერციული ბანკის სრულ გამგეს. მისწერა ბანკის ბათუმის განყოფილების მოქმედება და შრალს შას. მანთაშევს, სდებდა, რომ ნებას აქლგდა იგი ამგვარო მოქმედებოსათვის. რაც უეჭველად გამოაწვევდა მეტისმეტ გამწვავებას ქართველებსა და სომხებს შორის. აშკარად მონაყოლმა, დაუფარად ედგამოაშკარაებებამ თავისი გაღლენა იქონია. მანთაშევმა წერილი მისწერა, რომელშიც იგი იწმუშებოდა, რომ მას არ გაუცია ასეთი განკარგულება და რომ იგი მოსურსება ორ მეზობელ ერთა შორის კეთილგანწყობილებსა. რანდენიმე დღის შემდეგ თავითონ ჩამოვიდა ბათუმში, ინახულა ვოლსკი და ბანგრძლივი ლაპარაკის შემდეგ განკარგულებაც მოახდინა, რომ ბანკის განყოფილებას გაეძლიერებინა ქართველ მსესხებელთათვის კრედიტი.

საკვირველი მკალავი ახალი გამგეობისა იყო ხმოსანი ვინმე გრიელსკი. ერთ დროს იგი ქუთაისის ოლქის საბაქოს მდივანი იყო, მერე კი ბათუმის ნოტარიუსი. მოუსვენარი, მოძრავი, ენამახვილი, ბოროტი, საოცარი კომბინატორი, ათასნაირ ახლათორთებულ საქმეებში ჩაბმული — იგი მეფისტოფელის როლს თამაშობდა ქალაქის საბჭოში. ბევრი უთმინეს, ბევრი უცნაური მისი სიტყვა და მოქმედება წაიყრუეს, მაგრამ ვერაფრით ვერ მოდრიკეს ეს აღამიანი, სანამ მოთმინებიდან გამოსულმა ხმოსანმა ნიკო დუმბაძემ ერთ კრებაზე არ მონათლა ის თავისი მარჯვენით.

ხმოსანი გვ. ბოგოსლოვსკია ზრდილოვსკიან კვალზე მიდიოდა და დაუცხრომლად ეკანკლავებოდა ჩვენებს. ვერავითარმა შეჭერებამ ეს კაცი ვერ დააწყნარა, სანამ ხმოსანმა მის ნაკაშიძემ, გაბრაზებულმა მისი ჩაცვიებით, ჯოხი არ უთავაზა მას გამგეობის კიბეზე.

ასეთი მოქმედებისათვის იძულებულნი იყვნენ მიემართნათ, რომ რამე რიგად დაეწყნარებინათ ეს უმგვანონი. არ იყო საქმეური ასეთი მოქმედება, მართალია, მაგრამ გზაც მეტა არ იყო.

ქართველებისადმი სიძულვილი არ ცხრებოდა და არ ნელდებოდა; გასაოცარი სისტემატურობით ამას აწარმოებდა შავრაზმული გაზეთი „ჩერნომორსკი ვესტნიკი“ და მისი ურცხვი რედაქტორი პალმი.

1896 წელს ზამთარში გარდაიცვალა ყველასაგან დიდად პატივცემული და საყვარელი მოღვაწე გაბრიელ ეპისკოპოზი. ზამთარი იყო სასტიკი, დიდთოვლიანი, ისე რომ ყოველივე მისვლა-მოსვლა:

დევროს და მოიხპო. თვეზე მეტი ესვენა გაბრძეული ქუთაისის სობორო-
ში, რადგან გელათში მისი წასვენება ყოველად შეუძლებელი იყო და
სოფლებიდანაც ხალხი აბოზოდა, რომ გასვენება გაუაღლოთ იმ დრო-
მდე, სანამ გზები არ გაიხსნებოდა და ხალხს მიეცემოდა საშუალება
დასწრებოდა საყვარელი მოძღვარის გასვენებას. თვესწევრის შემ-
დეკ სწავლებელი გასდა მიცვალებულის წასვენება გელათის მონას-
ტერში. გასვენებამდე დასასწრებლად ყოველი მარბიდან აუარებელი
ხალხი მიიპარებოდა ქუთაისისაკენ რკინიგზითაც და სასოფლო გზე-
ბითაც. გელათის საღვურთან სოფლებიდან ჩამოსული სღვა ხალხი
სოფელ-სოფელ ჯარბიებით იდგა მიხდომში. საღვურზე საგანგებო
მეტარებლები ერთი მეორეზე მოდიოდა ხალხით ავსილი. პირველმა
მეტარებელმა მოასვენა მიცვალებული. თბილისიდან წინა დღით ჩა-
ნოვადნენ ილია ჰავეკვაძე, ვანო მაჩაბელი, აკაკი და მრავალი წარჩი-
სებული მოღვაწეები. მწირველი იყო თბილისიდან ჩამოსული ეგზარ-
ხოსი ვლადიმერი, ცნობილი ქართველთა მოძულე. მან ერთი მეტად
არასასიამოვნო ინციდენტი გამოიწვია გასვენებაზე. როცა სიტყვებს
ამბობდნენ, ჯერი მიდგა ქუთაისის სომეხთა ეკლესიის დეკანოზ ტერ-
დავითზე. მას უნდა ეთქვა სიტყვა. დეკანოზმა კიდეც დაიწყო და მოა-
სწრო მხოლოდ წარმოთქმა ორიოდ სიტყვისა, როცა საკურთხევე-
ლიდან გამოსულმა ეპისკოპოზმა დადიანმა შეაჩერა იგი.

— მოითმინეთ, მამაო, — უთხრა მან ტერ-დავითს. — ეგზარხოს-
მა გთხოვთ სანამ ის არ გავა ეკლესიიდან, კათედრაზე არ ახვიდეთ.
ის ასლავე გავა!

დეკანოზმა იმ წამს მიატოვა კათედრა და გაეშურა კარებსაკენ.
ამ დროს ეგზარხოსიც გამოვიდა საკურთხეველიდან და მეორე კარე-
ბისკენ წავიდა. ეკლესიაში შეიქნა ერთი ყაყანი, ატყდა ყიჟინა, ყვი-
როდნენ ყოველმხრიდან:

— თქვას ტერ-დავითმა სიტყვა, თქვას სიტყვა! ნურავინ უშლით!
ეგ არ შეიძლება!

გულმოსულმა ხალხმა მიაყვირა ეპისკოპოზს, რომ მას ნება არა
აქვს ასე ირჩებოდეს. ეპისკოპოზი დაიბნა. გაეკიდნენ ტერ-დავითს,
სთხოვეს დაბრუნებულიყო და წარმოეთქვა თავისი სიტყვა, მაგრამ
მან უარი განაცხადა და თქვა:

— მე ვერავინ დამიშლის წესიერი პატივი ვცე დიდებულ მიცვა-
ლებულს და მომავალ კვირას მე ჩემს ეკლესიაში ჩემი მრევლით
მუხლს მოვადრეკ მის წინაშე!

მან კიდეცაც საცხებით და შვენებით აასრულა თავისი სიტყვა.
პირველ კვირასვე.

ამ ინციდენტმა დიდი აღლვება გამოიწვია საზოგადოებაში, მაგრამ რა უნდა ექნათ ძლიერ ეგზარხოსისათვის. მისი საქციელი პირდაპირ შეურაცხყოფა იყო დიდებული მოღვაწისა.

ეპისკოპოზი გაბრიელი მეტად დაშორებული იყო ისეთ თვისებებს, რომელიც გამოიჩინა სარწმუნოების უმაღლესმა წარმომადგენელმა. იგი უყვარდა ხალხს მისი კლერიკალური მიმართულების გამო კი არა, არამედ იმიტომ, რომ იგი იყო ნამდვილი გულწრფელი საზოგადოებრავე მოღვაწე, მებრძოლი ბერა, რომელსაც არც ერთ თავის ქადაგებაში ეშმაკი არ უხსენებია, რომელიც თავის მიმართვაში ხალხისადმი არკვევდა ცხოვრების პირობებს და ქადაგებდა მაღალი ზნეობის პრინციპებს. გაბრიელი იყო რომ ქუთაისის მთავარ-ანგელოზის ტაძარში ქადაგებდა მხურვალე სიტყვებით ბატონყმობის წინააღმდეგ. ამ ქადაგებამ გამოიწვია განრისხება ერთი მდიდარი აზნაურისა, გვარად კანდელაკის, რომელმაც წამოიძახა:

— ამ ლეკურით გავათავებ აქვე ამ ჩვენს დამლუპველს! და გავარდა ეკლესიიდან და ხმალზე ხელწავლებული უდაჩაჯებდა ეპისკოპოზის გამოსვლას. გაბრიელს უთხრეს ეკლესიაში მოეთმინა, არ გამოსულიყო — კანდელაკი მოკვლას გიპირებსო; ამის გაგონებაზე იგი გავიდა ეკლესიიდან და გაბედულად, უშიშრად ჩაუარა კანდელაკს. გაბრიელის მოსაკლავად გამზადებული კანდელაკი სახტად ღარჩა, ხელი ხმალზე შერჩა.

ხალხს ღრმად უყვარდა გაბრიელი, ტკბილი მოუბარი, უბრალო, თავმდაბალი, მისი კეთილისმყოფელი, მისი დამცველი და ქომბგი. ყველამ ზედმიწევნით იცოდა, რა სასტიკი პასუხი გასცა მან საოლქო განათლების მზრუნველს ცნობილ იანოესკის, რა გაბედულად გადმოუშალა მისი ანტიპედაგოგიური მიმართულება, რომელიც მას შემოპქონდა ჩვენს სასწავლებელში ერის გადაგვარების წადილით. ყველამ კარგად იცოდა რა წინააღმდეგობას უწევდა გაბრიელი უმაღლეს სასულიერო მთავრობას, რომელიც რყვნიდა ქართველ ეკლესიას და მის მსახურებს. ამიტომ იყო, რომ მთელი საქართველო შეინძრა მისი სიკვდილის გაგონებაზე და განსხვავებული გრძნობით მიიბარა მიწას.

გათახსირებულმა, ვუჭყიანმა ვაზეთმა „ჩერონომოსკი ვესტნიკმა“ ვერც ახლა შესძლო დაეძალა თავისი გათახსირებულობა და ყოვლად უმგვანო, ყოვლად შეუწყნარებელი წერილი მოათავსა თავის წიგნულზე ამ განჯეშების შესახებ. წერილი იყო კორესპონდენტის სახისა, როგორც შემდეგ გამოირკვა, დაწერილი ქუთაისის გიმნაზიის მასწავლებლის ვინმე იურკეესკის მიერ. სასაცილოდ იყო ავდებულა

ხალხის მგლოვიარობა, გასვენების მსვლელობა, მონაწილენი. დაბო-
ლოს დამწერი ირწმუნებოდა, რომ შეთქმულება იყო გამზადებული
ამ დღესათვის, მაგრამ ფხიზლად ყოფილმა მთავრობამ დროზე გაი-
გო ყველაფერი და მიიღო საჭირო ზომები, რომ არაფერი გაეხდნა-
თო და ვერ გახდეს. ერთი სიტყვით, წერილი ყოვლად საზიზღარი,
ურცხვი, მახინჯი.

ბატალიონის კანცელარიაში ვიყავი, ეს წერილი რომ წავიკითხე.
ძლივს დავათავე წაკითხვა, მივეარდი გადამწერთა ოთახში ტელე-
ფონს.

— ცენტრალური... ჩერნომორსკი ვესტნიკის რედაქცია... რედა-
ქტორი პალში... პალში ხართ?!... რა სინდისმა მოგცათ ნება ისეთი
უმგვანო წერილი მოგეთავსებინათ გაზეთში, როგორც არის დღეს
გაბრიელ ეპისკოპოსის გასვენების შესახებ?!... თქვენ არ იშლით
კლოუნობას და გირჩევნიათ დაუბრუნდეთ ჯამბაზობას, როგორც
იყავით აქამდის! თქვენისთანა გათახსირებულ, ყოვლად გაფუჭებულ
კაცს რა ხელი აქვს რედაქტორობასთან... თქვე სინდისგარეცხილო!

ტელეფონი დაიკეტა. აღელვებულ ლაპარაკზე ჩემს გარშემო მო-
გროვდნენ მრავლად კანცელარიაში მყოფი ოფიცრები და მეკითხე-
ბოდნენ, თუ რამ გამაჯავრა ასე მძლავრად. მე ვანიშნე გაზეთის წე-
რილი და თითქმის ყველანი იმ აზრის იყვნენ, რომ პალში არა თუ
გასალანძლავია — პირდაპირ საცემი, შეუბრალებლად საცემი.

ცოტახნის შემდეგ ქუჩაში შემხვდა პოდპოლკოვნიკი დუმბაძე.

— რა ამბავი იყო კანცელარიაში?.. მე ახლა ციხის უფროსთან ვი-
ყავი და პალშმა ტელეფონით შესჩივლა, რომ თქვენი კანცელარიიდან
მაგანებნო!

მე ვუთხარი ყველაფერი.

— მეც ასე ვიფიქრე, რომ ზენ იქნებოდი! მართლა საზიზღარი
წერილია! ციხის უფროსმა დამავალა გამეგო ამბავი და მეცნობებია
მისთვის, რაც მოხდა!

მეორე დღეს გაზეთში მოთავსებული იყო პატარა წერილი, თუ
როგორ გაილანძლა გაზეთის რედაქტორი: წერილის ავტორი ურიგოდ
იხსენიებდა გამლანძღველს. ჩემი გვარი არ იყო ნახსენები.

— რას აპირობ ახლა? — მკითხა დუმბაძემ წერილი რომ წა-
კითხა.

— პალშს პასუხი უნდა ვაგებიო!

— ამოირჩიე შენი სეკუნდანტები — მითხრა დუმბაძემ.

— რჩეულოვი და ლისოვსკი — ვუთხარი.

მოკლე ხანში ეს ორი ოფიცერი, მუნდირებში გამოწყობილნი,

პიედიანტს პალმთან და გამოუცხადეს, რომ მე ქიწვევ მას დუელში
და პასუხს ითხოვენ მისგან.

პალმი იძროლებდა თავს, მაგრამ მიგზავნილებმა მოსაზრევის
კატეგორიული პასუხი და ვაღა მისცეს ორმოცდარვა საათი.

სალამის ცნობა მივიღე, რომ ციხის უფროსი მიმარებდა. ჩავეცი
მუნდიჩი და წაველ. ციხას უფროსმა თავის კაბინეტში მიმწვია.
დუმბაძე უკვე იქ იყო. ციხის უფროსმა დაპინაპა რამუნდირით, დი-
მილით შემომძახა:

— რად გინდოდათ ეგ საპარადო მუნდირი? მე დაგიბარეთ ისე-
უბრალოდ მოსულიყავით... გამაგებინეთ, რა მოგივიდათ თქვენ და
პალმს? ეს ორი დღეა მოსვენება არ მაქვს მისგან, თქვენი დიდი მო-
მჩივანია ის!

— თქვენო აღმატებულებავ, ვთხოვთ ხუთი, ათი წუთი დამით-
მეთ, რომ დაწვრილებით გაგაცნოთ საქმე და მაშინ შეგეძლება
დადლოთ თქვენი მსჯავრი.

— დიდი სიამოვნებით! — მომიგო მან.

მე გადმოვუშალე დაუფარავად, თუ რა უმსგავსო საქციელს აღ-
განა მრავალნი ქართველების მოძულენი, რა შეუწყნარებელია მა-
თი მოქმედება ჩვენდამი, რომ ამგვარი მოქმედებით მსოლოდ გვა-
ლიზიანებენ და ერთმანეთში შტრობა იბადება, არასასურველი გან-
წყობილება მყარდება; რომ გული გექცევა, როგორ უპატივემუ-
ლოდ გვეპყრობიან, რომ არ ერიდებიან ხალხის თავმოყვარეობის
შელახვას და დამცირებას, რომ თამამად ამაში ირჯებიან ისეთი პი-
რებიც კი, როგორც არის ზნედაცემული პალმი, რომელმაც არ
დაინდო ხალხისაგან სათაყვანებლად მიჩნეული მიცვალებული და
ისე ბინძურად შეეხო მასაც და მის მათაყვანებელ ხალხს და რომ ასე-
თი პირები არა თუ გასალანდღავია, არამედ გასაქრობი და მოსას-
პობი.

— მე წინააღმდეგი ვარ სისხლის დაღვრისა, მაგრამ პალმის
სისხლს კი სიამოვნებით დავეღვრი, თუ ბედი ამაში შემეწია — დავა-
თავე ჩემი სიტყვა.

გენერალმა გაიცინა და სიცილით წამოიძახა:

— ბელურა ჩიტი კი არ არის პალმი.. (დუმბაძეს ეთქვა გენერა-
ლისთვის, რომ მე კარგი მსროლელი ვიყავი და ვითომ გაფრენილ
ბელურას არ ვაცილებდი ტყვიას).— ეშმაკებმა წაიღოს მისი თავი ის
ისეთი შეშინებულია, რომ ორჯერ იყო ჩემთან და სული შემეწუხა:
რა ვქნაო, მე იარაღის ხმარება არ ვიცნო და რამეტიგად დამიფარე-
თო. მეტად გამხდალებულია, ისე, რომ შემეცოდა კიდევ. ვურჩიე

ბოდიში მოიხადოს თქვენთან და ისიც სიპარულით დათანხმდა. მცდე-
ბუნით დაკმაყოფილდეთ მისგან ბოდიშის მოხდით ოფიცირების თან-
დასწრებით და ამით გაათავოთ საქმე. სვალ შუადღესზე იგი მოვა
დაქვეყნს საკრებულოში და ბოდიშს მოიხდის. იმედი მაქვს. ამის წი-
ნააღმდეგი არ იქნებით.

მეორე დღეს, საკრებულოს დარბაზში თავშეყრილი ოფიცრობის
წინაშე პალმმა ჩემთან ბოდიში მოიხადა და აღმითქვა, რომ განეთქონ
თვალსაჩინო ადგილას მოათავსებდა საბოდიშო წერილს.

ეს წერილი უკვე აწყობილი იყო, რომ საქმეში ჩაერივნენ ახალი
პირები. გაიგეს თუ არა რომ პალმი დუელში იყო გამოწვეულა, რომ
მან ბოდიში მოიხადა და ბოდიშა განეთქონ უნდა დაებეჭდა, მივარ-
დნენ პალმთან, გააკიცხეს იგი და მოითხოვეს, რომ განეთქონ თავისა
ბოდიში არ მოეთავსებინა. პალმმა, ამთგან შემაგრებულმა, ბოდიში
აღარ დაებეჭდა. განსაკუთრებით ცხარობდა გენერალი კლიუჩევსკი,
ციხის არტილერიის უფროსი, გაჯავრებული ქართველებზე იმის გა-
მო, რომ იგი ხმოსნად არ ამოირჩიეს ქალაქის თვითმართველობაში.
აგი ყვიროდა, რომ კლდიაშვილი ქართველებმა განგებ მიუხიეს
პალმს, რომ იგი ასრულებს მხოლოდ ქართველების დავალებას, კა-
ცხავდა ციხის უფროსს, რომ მან ქართველების მხარე დაიჭირა
პალმის წინააღმდეგ. ატყდა საშინელი აურზაური, მთელი ბათუმი
მხოლოდ ამაზე ლაპარაკობდა და ერთმანეთს ედავებოდნენ. პალმის
მომხრეებმა მოინდომეს პალმისათვის გაემართათ ოვაციები და ამი-
სათვის საგანგებო ბანკეტი მოეწყოთ. მოწინააღმდეგეებმა გამოაცხა-
დეს, რომ ისინი მეტ გრანდიოზულ ბანკეტს გამიმართავდნენ მე-
არევის საზღვარი არ ეღებოდა. შავრაზმელი რუსობა მეტად მომდუ-
რავი გახდა ციხის უფროსის, რომ მან მე არ დამსაჯა და პალმი არ
გამართლა. ამ მდურებამ ისე შეაშინა ციხის უფროსი, რომ მან პირი
იბრუნა, მე დამიწყო მტყუნება და ერთ დღეს. ციხის შტაბის უფრო-
სის პირით შემომითვალა ორი თვის შევებულება ამელო და ბათუმს
გავშორებოდი, სანამ იქაურობა დამშვიდდებოდა და მიივიწყებდა
ინციდენტს; მე უარი განვაცხადე შევებულებაში წასვლაზე, რადგან
ეს მიღებული იქნებოდა, როგორც გაქცევა მტრის წინაშე. მე ვუ-
თხარი შტაბის უფროსს, რომ მას გადაეცა გენერლისათვის ჩემი უა-
რი მის წინადადებაზე და ყური არ ეთხოვა მის მომდურავთათვის.

— რაც უნდა ის მიყოს, — ვუთხარი, — მე კი ჩემით ბათუმიდან
ფეხს არ გადავდგამ!

კიდევ ასე მოვიქეცი. ბათუმიდან მე ფეხი არ მომცვლია. გენე-
რალმა კლიუჩევსკიმ თბილისშიაც კი ვისწერა, რომ ციხის უფროსი

აძლიერებს რუსების მოწინააღმდეგეთა ელემენტებს და იძულებული გახდა ციხის უფროსი წასულიყო თბილისში და თავი გაემართლებინა ამგვარ ბრალდებაში. რამდენიმე ხნის შემდეგ კლიუჩევსკიც უცნაური ავადმყოფობით ავად გახდა — თავის ქალის გაგანიერებით — და სულიც დალია. ყაყანიც შესწყდა და მიწყნარდა.

თ ა ვ ი მ ი შ ვ ი დ ი

იმერეთის თავადაზნაურთა გამგზავრება მოსკოვში მეფე ალექსანდრე III-ს გვირგვინის კურთხევაზე. — თავადაზნაურთა იმედების გაცრუება და ოცნება უკან დაბრუნებაზე. — ეგნატე ნინოშვილის უკანასკნელი დღეები. — ბუკანისტი ნურიის ბაზარიში. — საშა წულუკიძე. — ახალი ქალაქისთვის არჩევნები.

მიუხედავად იმ ხელის შემშლელობისა, იმ წინააღმდეგობისა, რომელსაც ეწეოდნენ ჩვენი ხმოსნების მიმართ, ასათიანისა, ვოლსკის და მესხის მეთაურობით ხმოსნებმა დიდი ენერჯია და მოსაქნარეობა გამოიჩინეს. ქალაქის თვითმაროველობაში გაჩაღდა სალი, არაჩვეულებრივი მუშაობა. გამოჩნდა ბევრი ნიჭიერი მოღვაწე, მოსაქნარე და საზოგადო ინტერესით გამსჭვალული. სულ მოკლე ხანში დამთავრდა ბათუმის გიმნაზიის გახსნის საქმე, აგებულ იქნა მისთვის ჭერ დროებითი, შემდეგ დიდებული, მუდმივი ორსართულიანი შენობა. მშვენიერი შენობა აიგო აგრეთვე საქალაქო სასწავლებლისათვის. აშენდა ქალაქის გასანათებლად საკუთარი ელექტრონული სადგური; გაიხსნა ასოც საწოლიანი საავადმყოფო, რომლისათვისაც აგებულ იქნა სამაგალითოდ მოწყობილი შენობები; გაიხსნა რამდენიმე დაბალი სკოლა ცალ-ცალკე ყოველ ეროვნებისათვის; დაწესდა ლომბარდი, გაიხსნა ქალთა გიმნაზია; განახლდა ბათუმის გარშემო მდებარე ჭაობების დაშრობისთვის საჭირო მუშაობა ქალაქის გასაჯანსაღებლად; ააგო ნურიის მოედანზე მშვენიერი შენობა დახურული ბაზრისათვის; გაკეთდა ასფალტის ტროტუარები ზღვისკენ მიმავალ ქუჩებზე; შეუდგნენ ქალაქის გამგეობისათვის შენობის აგებას, ამ შენობის, რომელიც დღეს ამშვენებს ბათუმს. ერთა სიტყვით, ეს ოთხი წელიწადი მართლა რომ სამაგალითო და საარაყო მუშაობაში ჩატარდა. ყველაფერი კეთდებოდა ფიცხლად და ხალისიანად.

გიმნაზიის გახსნისათვის ბათუმში წინაღვე ბევრს მეცადინეობდნენ, მაგრამ ვერას გზით თავი ვერ მოაბეს. ასათიანმა კი სულ მოკლე ხანში მოახერხა მისი გახსნა ყოფილი მეფისნაცვლის მიხეილნიკოლაევიჩის დახმარებით, რომელიც მას დიდ პატივს სცემდა. ამ

საქმის მოსაგვარებლად ასათიანი წავიდა პეტერბურგში, სადაც ამასათვისაც და სხვა მრავალი საქმისათვისაც ნებართვანი და ფული იშოვა. გახარებული ის იყო უკან ვბრუნდებოდით, მითხრა მან, როცა ჩემთან მოვიდა გულშეწუხებული გიორგი ზდანოვიჩი, რომელმაც შემომჩივლა, რომ ნახევარი წელიწადია თითქმის რაც აქ ვარ შავი ქვის საქმეზე და ვერაფერი გავაწყეო და ვერც ვბრუნდები ხელცარიელი და არც არა გამოდის რა ჩემი აქ ყოფნით. კაცი ვერ ვიშოვე, რომ მიხეილ ნიკოლაევიჩს მივეუგზავნო — უიმისოდ კი საქმე არ კეთდებაო.

საქმე იმაში იყო, რომ ზდანოვიჩი ცდილობდა რათა შავი ქვის გადასაზიდავი ფასი რკინიგზით რამდენიმე კაპიკით შეემცირებინათ, დაეკლოთ იმ ათ კაპიკზე, რასაც მთავრობა ახდევინებდა ყოველ ფუთზე, და ამით შეძლება მისცემოდათ მწარმოებლებს გაეფართოვებინათ წარმოება. როგორც ამბობდნენ, ასეთი დიდი ტარიფი დაწესებული იყო მიხეილ ნიკოლაევიჩის ხათრით, რომელსაც მარიუპოლის მამულში ჰქონდა შავი ქვა, მაგრამ დაბალი ხარისხის და მოიჭარადრეთა ხელის შესაწყობად კიათურის შავ ქვასთან კონკურენციის გასაადვილებლად უკანასკნელზე დიდი გადასაზიდი ტარიფი შემოიღეს.

ზდანოვიჩმა სთხოვა ასათიანს ეშუამდგომლა ამ საქმეში მიხეილ ნიკოლაევიჩთან. ასათიანმა არ უთხრა უარი ზდანოვიჩს. ინახულა მიხეილ ნიკოლაევიჩი და დიდი მოხერხებული სიტყვით, რომ მას არ წყენოდა რამე, მოუყვა კიათურის შავი ქვის მრეწველთა დიდ გაჰირვებაზე მაღალი ტარიფის გამო, მრეწველობის დალუქვის შესაძლებლობაზე ახლო მომავალში, თუ რომ გადასაზიდი ტარიფი დაკლებული არ იქნებოდა.

საუბარი იყო საუზმობის დროს, რომელზედაც ასათიანი მიპატიებელი იყო.

— ლუკა ნიკოლაევიჩ, თქვენც შავი ქვის მრეწველი გახდით? — უთხრა სიცილით ასათიანს მიხეილ ნიკოლაევიჩმა.

— არა, მაგრამ მეც მანტერესებს ეს ჩვენი ქვეყნის მოლონიერებული წარმოება და ამიტომ ვიკისრე თქვენს წინაშე შუამდგომლობა და გაწუხებთ თხოვნით, თქვენი გავლენიანი სიტყვით დაეხმაროთ კიათურლებს — ვუთხარი მეო.

— ვიცი, მე მებრალიან იმ მაღალ ტარიფს, რომ ჩემი შავი ქვა ნიკოპოლში და მარიუპოლში უფრო გავასალო, მაგრამ ეს მართალი არ არის. მე მოიჭარადრეები მყავს, გრძელვადიანი მოიჭარადრენი და

სულაც არ ვერევი ამ საქმეში, მერწმუნეთ! თქვენ თხოვნას კი, ლუკა ნიკოლაევიჩი, ავასრულებ, უსათუოდ ავასრულებ!

საუზმის შემდეგ მან წერილი მისწერა ვიდაც ტრუბეცკოის და ერთი კვირას შემდეგ ჭიათურიდან შავი ქვის გადასაზიდის ტარიფს მოუქლეს სამი კაპაიკი.

— ზღანოვიჩის სიხარულს საზღვარი არ ქონდაო და ნიშნად მაღლობისა მომიტანა საჩუქრად მარქსის „კაპიტალის“ ორი ტომი, რაც ჩემი ხნის კაცისათვის ძნელი დასაძლევია იყო, მაგრამ ძლიერ მესიამოვნაო, — სიცილით დაათავა მან თავისი მონაყოლი.

ჩამოსვლისთანავე ასათიანი დაუყოვნებლივ შეუდგა გიმნაზიისათვის დროებითი შენობის აგებას. ზოგიერთი დაჟინებით მოითხოვდა, რომ მთავარ შენობასთან უსათუოდ აშენებულყო პანსიონი და გიმნაზიასაც სანატორიული ხასიათი ვითომ უნდა მისცემოდა. ეს იყო ხრიკი, რომ გარედან მოეყარათ ბავშვები, ადგილობრივნი კი სასწავლებლის კარს გარეთ დაეტოვებინათ. განზრახვა აშკარა იყო, მაგრამ მიუხედავად და ცხარე კამათის შემდეგ გადაწყვიტეს რომ გიმნაზიასთან არავითარი პანსიონი არ მოეწყობოთ.

უცნაურ პირობებში მოხდა ქალაქის გიმნაზიის გახსნა. ქალაქის საბჭომ დაადგინა გიმნაზიის გახსნა და ნებართვა ითხოვა ოლქის მზრუნველისაგან. გაგზავნილ შუამდგომლობაზე ქალაქისთავმა საიდუმლო პასუხი მიიღო მზრუნველ იანოვსკისაგან. იგი იწერებოდა, რომ არ არის სასურველი გიმნაზიის გახსნა, რადგან იგი მხოლოდ გამძრავლებს ინტელიგენტი ქალების რიცხვს, რაც სასურველი არ არის, მით უფრო რომ გიმნაზია უსათუოდ აივსება მზარეულების, პარიკმახერების, მეეტლეთა, თერძების და მათი მსგავსი ხალხის შვილებითო.

ეს უცნაური მონაწერი ასათიანმა, ვოლსკიმ და მესხმა გააცენეს რამდენიმე ხმოსანს. ამათ შორის იყო პოდპოლკოვნიკი ნიკო დუმბაძეც. მან დაიჟინა წერილის გამოქვეყნება, თუ მზრუნველი უარს იტყვოდა განმეორებულ შუამდგომლობაზე გიმნაზიის გახსნის შესახებ და როცა ქალაქის საბჭოს მეორედაც უარი მოუვიდა მზრუნველისაგან, დუმბაძე შეუჩინდა „ჩერნომორსკი ვესტნიკის“ რედაქტორს და იმდენი ახერხა, რომ ზემოთ მოყვანილი საიდუმლო წერილი დაბეჭდვინა გაზეთში. საოცარი შთაბეჭდილება მოახდინა ამ წერილის გამოაშკარავებამ, მეტისმეტი უკმაყოფილება გამოიწვია მისმა შინაარსმა. უსიამოვნო შთაბეჭდილების გასაქარწყლებლად იანოვსკიმ ნება დართო ქალაქს გაეხსნა ქალების გიმნაზია. საბჭომ ამის მოგვარება მიანდო ვოლსკის და დუმბაძეს, რომელნიც დაულა-

ლავი ენერგიით შეუდგნენ საქმეს და ნახევარი წლის თავზე გახსნეს გიმნაზია და მისთვის ააგეს მშვენიერი შენობა.

სამწუხაროდ, ამ სასწავლებლის გამგედ მოწვეული მანდილოსანი ურიგო საქციელს დაადგა თავიდანვე. ყველას გასაკვირვებლად იგი არჩედა ბავშვებს ეროვნებით და ნამეტნავად ეკერძებოდა რუს მოზღვეებს. ეს მეტად აშკარა იყო და დიდ უკმაყოფილებას იწვევდა საზოგადოებაში. ბრძოლა ამგვარ პირებთან მეტად ძნელი იყო, რადგან მათ მთარველობდა მთავრობა, მათ მოქმედებაში არ ხედავდა ბოროტმოქმედებასა და უსამართლობას.

მეტად მძიმე პირობებში იყვნენ მოქცეული ახალი საზოგადოების მოღვაწეები და დიდი მოთმინება იყო საჭირო, რომ მუშაობას არ გადაცდნოდნენ და წვრილმანებში არ გაბმულიყვნენ.

მე ხშირად ვიყავი ასათიანთან. როცა საღამოობით თავისუფალი იყო ხოლმე, შემომითვლიდა მივსულიყავი მასთან. მეც მეტის სიამოვნებით მივიჩქაროდი მასთან, რადგან მეტად მიყვარდა მისი მუსაიფის მოსმენა, მისი ენამახვილიანი ლაპარაკი და ჩვენი ცხოვრების დამახასიათებელი ამბებინ მოყოლა. სხვათა შორის მახსოვს მისი მონაყოლი იმის შესახებ, თუ როგორ გაემართნენ ჩვენი წარჩინებული წოდების წარმომადგენელნი ალექსანდრე მესამის გვირგვინის კურთხევაზე. საოცარ სურათს ხატავდა ასათიანი ამათ შესახებ.

მთავარმართებლის საამებლად ქუთაისის გუბერნიის მარშალმა ნესტორ წერეთელმა მრავალი თავადი და აზნაური გაიტყუა მოსკოვისკენ დაპირებით, რომ თუ ბრწყინვალედ წარუდგებინათ ხელმწიფეს, უსათუოდ დიდად დაგვასაჩუქრებსო და დაგვაწინაურებსო. მრავალმა თავად-აზნაურმა დაიჯერა მარშალის სიტყვა. თავი არ დაზოგეს, მიყიდ-მოყიდეს რაც რამ ჰქონდათ, გამოეწყვნენ, მოირთვენ და გაყვნენ საუცხოო ამალით თავის მარშალს. მოსკოვში მართლდაც ყურადღება მიაქციეს მათ ჩასვლისთანავე, მაგრამ მალე გვარიანი გაპირებებაც ეწვია უშეტესობას, — ფული შემოაკლდა, დაპირებული დახმარება კი არსაიდან იყო; სასესხებელიც არსად იშოვებოდა. აუტანელ გასაპირში ჩავარდნენ. გამწარებულნი დაეძებდნენ ნესტორ წერეთელს, მაგრამ ეს უკანასკნელი თავის საქმიეებს იკეთებდა; ათასში ერთხელ თუ ნახავდა ვინმე; ამ ნახვითაც არა გამოდიოდა რა ცარიელი დაიმედების მეტი. ამასობაში ბევრმა გაყიდა წამოყვანილი ცხენი, უნაგირები და ამგვარები, ოღონდ რამერიგად თავი შეენახათ. დაბოლოს ერთმანეთში აუტყდათ დაუსრულებელი სამღურავეები, ჩხუბი და დავიდარობა. ვინ იცის რითი გათავდებოდა ეს მღვთაპირება, რომ ცოტა მეტ ხანს გაგრძელებულიყო. მეფის გვირგვინის

კურთხევა ისე გათავდა, რომ ბევრს ამთავანს არც კი გაუგია. არც ამათთვის ვისმეს ყურადღება მიუქცევია. საზრუნავი შეიქნა სახსრის შოვნა შინ დასაბრუნებლად. წყალობისა და „გაკეთებაზე“ ყოველი იმედი გაქრა. ერთადერთი საჩუქარი მარშალმა მიიღო — უმაღლესი საჩუქარი: ჩარიცხული იქნა მეფის ამაღაში და ებოძა ნება გენერალის საბეჭურებზე ეტარებინა მეფის ვერცხლის ვენზელი. ეს იყო და ეს. ძლივს ჩამოაწიეს სახლამდი საცოდავად მოტყუებულებმა. მათ ჩამოიტანეს მხოლოდ გამწარება და ერთმანეთში ატეხილი უსიამოვნება.

ასათიანი გვირგვინის კურთხევაზე მიწვეული იყო როგორც საგუბერნიო ქალაქისთავა.

განზრახული იყო ბათუმში ელექტრონის განათების შემოღება და ამისათვის სადგურის აშენება. ასათიანმა მოლაპარაკება გამართა ამის თაობაზე სხვადასხვა პირებთან და ბოლოს ქალაქის საბჭოს წარუდგინა მოხსენება. ამ მოხსენებამ დიდი შთაბეჭდილება მოახდინა ხმონებზეც და გარეშე „მაყურებლებზეც. გაოცებულნი იყვნენ ყველანი იმისაგან, თუ როგორ შესძლო ამ მოხუცებულმა ადამიანმა არასპეციალისტმა ასეთი მოხსენების წარდგენა და იმ პასუხების მიცემა, რომელსაც ის აძლევდა მრავალ შემეიფხვრებულს. რასაკვირველია. მოხსენება სავსებით მრცხვნილი იქნა და საქმის შესრულებასაც მოკლე ხანში შეუდგნენ. ერთ უახლოეს საღამოს მასთან მყოფმა ვერ მოვიტომინე არ გამომეთქვა ჩემი განცვიფრება და სხვათა სიამოვნებაც მისი მოხსენებისაგან გამოწვეული. მოხუცებულმა გაიღიმა და თქვა: — ამ მოხუცებულობაში ძალაუნებურად შემანაწავლეს ფიზიკის ერთი განყოფილება. შემდეგ ეს სახელმძღვანელოები გულდასმით გადავიკითხე და ღღეს თითქმის ელექტროტექნიკი გავხდიო, — სიცილით დაათავა მან.

ამგვარი მომუშავე იყო ეს ადამიანი ყოველ საქმეში და ამიტომაც იყო რომ ყოველ მის ნაკეთებს მაგარი ფესვები ჰქონდა და მტკიცე ნაშენობა.

იგი მთელი თავისი სინდისით ამართლებდა იმ იმედს, რომელიც მასზე იყო დამყარებული და როგორც ხალხის მოყვარული ადამიანი ვალდებულად რაცხდა თავისი მუშაობით მალლა დაეყენებინა ქართველი მოღვაწის პრესტიჟი.

ამგვარივე მიმართულებების იყო მეორე მოღვაწეც — ვოლსკი. სათავეში მას ჰქონდა წამძღვარებული, რომ ყოველი ქართველი მოღვაწე, ყოველგვარ საყვედურს გარეშე უნდა ყოფილიყო, ყოველ მიკერძობას დაშორებული — უნდა ყოფილიყო სამართლიანი და.

რადგან ამ სამართლიანობას ვერ ხედავდა წინანდელ ქალაქის მე-
თაურებში, კიდევ იმიტომ ყოველივე ღონე იხმარა და შეიჭრა თვით-
მართველობაში, შეიყვანა თან ბევრი ახალი ჭერ გამოუცდელი ძალა
და შემდეგ გამოცდილებაც მისცა და სამართლიანობის გზაზეც დაა-
ყენა.

გატაცებული საზოგადო საქმეებით, იგი თითქმის არ გრძნობდა
ვალაღვას. მხოლოდ კვირა დილა იყო რომ ჩაიკეტებოდა ოთახში და
არავის არ მიიღებდა. ამ დროს მართო ჩვენ ახლობლები ვიყავით,—
ან მე, ან ალექსანდრე აბაზაძე, ან ექიმო კონდრატი მხეიძე. აქვე
იყო ჩვენი საყვარელი ალექსანდრე ლორთქიფანიძე, გამოძმობელი,
უფროსი ძმა მწერალ ნიკო ლორთქიფანიძის. ლაპარაკი მხოლოდ
ლიტერატურულ თემაზე იყო; ქალაქის საქმეებზე და სადავო საქმეე-
ბზე საუბარი დაუშვებელი იყო.

— დასვენება მინდა! უსათუოდ დასვენება! — ამბობდა ვოლსკი.
და თვითონ ლიტერატორი-პოეტი, იგი სულდგმულობდა ლიტერა-
ტურით. მან ზედმიწევნით იცოდა ქართული ლიტერატურა და
უცხოურიც. ყოველი მისი საუბარი ამ დროს ლექციასავით იყო და
ჩვენც დიდი სიამოვნებით ვუსმენდით. ზედმიწევნით მცოდნე ქარ-
თული ენისა, იგი ხშირად ჩაუჭდებოდა „ივერიის“, „კვალის“ ნომ-
რებს და ასწორებდა ხმარებულ ენას; ამ შენიშვნებით ავსებულ
ფურცლებს უგზავნიდა ილია ქავჭავაძეს და გიორგი წერეთელს.
ორივენი დიდად აფასებდნენ ამ შენიშვნებს და სთხოვდნენ გრა-
ვოლს ხშირხშირად მიეწოდებინა ამგვარები.

თვითონ უაღრესად გულწრფელი, გულახდილი გაურბოდა ყოვე-
ლივე თაღლითს და ხრიკიანს. გულკეთილს — ქვეყნისათვის სიკეთე
სურდა. ნაზი და მგრძნობიერი, იგი ღრმად გრძნობდა ადამიანის
ტანჯვას და მწუხარებას.

ერთხელ ქუჩაში შემხვდა, თავისებურად მიჩაკუნობდა (ფეხი
ჰქონდა წამხდარი და კოჭლობდა) აჩქარებული. მითხრა, რომ ნინო-
შვილი ჩამოიყვანეს ძლიერ ავადმყოფი და შემოეთვალა მისთვის
ენახა ავადმყოფი. მითხრა წამოდით, მაგრამ მე საქმე მქონდა და
ვეღარ წავყვივი.

— ხვალ წავადეთ! ხვალ ვინახულები! — ვუთხარი.

მეორე დღეს მიველ ვოლსკისთან ნინოშვილთან წასასვლელად.

— რა კარგი ქენი რომ არ წამოდი ნინოშვილის სანახავად, გული
მომიკვდა მისი ნახვით. ახალგაზრდა კაცი უკანასკნელ დღეშია. თვი-
თონაც გრძნობს ამას და ცხარე ცრემლით ტირის. მიშველეთო!..
რითი უშველოს კაცმა — ჭლები მორეულია მთელი სიძლიერით. ვინ

ოხერი არ დააკვდებოდა ზედ, რომ გადარჩენა შესაძლებელი ყოფილიყო. ტირის, რომ ბევრი რამ მირჩება განზრახული დაუმთავრებელი, დაუბოლოვებელი... სიკვდილი კი არა, მუშაობა მწაღია, მუშაობა!.. და ამას ისეთნაირად ამბობს რომ გული მოგეხარება! ბევრი ვამშვიდე, მაგრამ ვერ დავამშვიდე ვერას გზით!

ვოლსკიმ გადადო საქმეები გვერდზე და გავეშურეთ სასტუმროსაკენ, სადაც იწვა ნინოშვილი. მივედით სასტუმროში, მაგრამ ნინოშვილი იქ აღარ დაგვიხვდა, უკანასკნელი მატარებლით იგი წაეყვანათ ბათუმიდან სოფელ ჩიბათში, რადგან აღარავითარი იმედი აღარ იყო მისი სიცოცხლის გაგრძელებისა.

შეწუხებულნი უკან გამოვბრუნდით.

— დაილუპა ყმაწვილი კაცი... დაილუპა ნიჭი, საჭირო ნიჭი! — განსხვავებული სიმწარით ამბობდა გრიგოლი.

მისმა მგრძნობიერმა გულმა ღრმად განიცადა საწყალი ეგნატეს ტანჯვა და უზომოდ შეწუხებული ხშირად იგონებდა სიკვდილის წინ მის გაწამებას.

განსხვავებული კეთილი გულის პატრონმა, საოცარი რისხვით მისვლა იცოდა უსაქიერლო ადამიანთან. აქ ის პირდაპირ გადარეულივით იყო. მასი გაბედული, უშიშარი მიმართვა საესე იყო ხოლმე გამანადგურებელი სიტყვებით. არ იცოდა დარიდება, რაც უნდა პიროვნება ყოფილიყო, უმაღლესი, უმდაბლესი — ამ დროს გარჩევა არ ჰქონდა. გველენიანობით, თავისი სიდიადით მას ვერავინ შეაშინებდა და ვერ ჩააჩუმებდა. სიტყვა ბასრი, ენამახვილი იგი მშვენიერი რამ იყო რისხვის წუთებში. უყვარდათ ეს ლამაზი, თავზარდამცემი რისხვა მისი, როცა იგი აცამტვერებდა რომელიმე მაღალ საფეხურზე მყოფ ზვიად პიროვნებას.

აღელვებულ, მოუსვენარ ცხოვრებაში მყოფი მოსვენებას იგი პოულობდა ახლო ამხანაგებში და განსაკუთრებით ბათუმის საბაჟოს მონელის პეტრე ღლონტის ოჯახში. ეს ოჯახი განსხვავებულად უყვარდა ვოლსკის; გვიყვარდა ჩვენც, დანარჩენებს, რადგან ოჯახის პატრონები, როგორც პეტრე, ისე მეუღლე, მაკრანე, საყვარელი ადამიანები იყვნენ თავიანთი ხასიათის გამო. კვირა დღეს და ყოველ საღამოს აქ იყრიდა თავს ბათუმის მრავალი ახალგაზრდობა, აქ ეცნობოდნენ ერთმანეთს, აქ ენაცვლებოდნენ აზრებში, აქ იმართებოდა ხშირად გაცხარებული მსჯელობა ჩვენი საქმეების შესახებ.

ოჯახის პატრონი, საოცარი ხალისიანი ადამიანი, მეტად უყვარდა ყველას; ამგვარივე პატივისცემით და სიყვარულით შემოსილი იყო პეტრეს მეუღლე — მაკრინე. ქეთევან ეურულის წასვლის შემდეგ

მაკრინე ლლონტისას ჰქონდა მიკუთვნილი ყოველივე საზოგადო საქმეებში მეთაურობა, მავალითად: როგორც წერა-კითხვის სკოლის სასარგებლოდ საღამოების გამართვა, ჩამოსულ ქართული თეატრის არტისტების ხელისშეწყობა, სხვადასხვა საქველმოქმედო წარმოდგენების მოწყობა და სხვა. იყვნენ სხვა ოჯახებიც ამგვარ საზოგადო მუშაობაში ჩაბმული, როგორც მაგალითად, გრიგოლ ელიავასა. სეფე მხეიძის, მიხეილ ნაკაშიძის, ივანე მესხის ოჯახები. მრავალი საქმის აღმსრულებელი იყო ექვთიმე ბერძენიშვილი (ქართული სკოლის ამშენებელი), ნიკო საბაევი, ივანე კაკაბაძე, სარდიონ ქუთათელიძე, გერასიმე სანაძე, მიხეილ ბეთანელი — ადამიანი საოცარი ცოცხალი ბუნების, დაუღალავი მომუშავე, ამერიკაში რამდენიმე წელიწადს ნამყოფი, ინგლისური ენის მშვენივრად მცოდნე. ბეთანელია აღმოაჩინა ახალციხის მახლობლად, თავის სოფელში, ინფუნორატი და, სანამ ცოცხალი იყო, დიდი მუშაობაც ჰქონდა გაჩაღებული მისი გასაღებისათვის.

ეს პირები, ეს ოჯახები, ეხვივნენ ვოლსკის გარშემო და ყოველ-ნაირად ხელს უწყობდნენ მოღვაწეობაში.

ამათ გარდა გეჭონდა ერთი ბინა, სადაც მხოლოდ მამაკაცები იყრიდნენ თავს და საზოგადო საქმეების შესახებ მსჯელობაში იყვნენ. ეს იყო ბათუმის ოლქის უფროსის თანაშემწის პელიტონ ლორთქიფანიძის ოჯახი. ყმაწვილობისას ლორთქიფანიძე გეოგრაფიის მასწავლებლად იყო ერთ სამაზრო სასწავლებელში. რუს-რუსალეთის ომის შემდეგ მიატრია მასწავლებლობა და შევიდა ადმინისტრაციაში, ბათუმის ოლქის უფროსის თანამდებობაზე. დარბაისელმა, თავაზიანმა, ხალისიანმა ადამიანმა მრავალი პატივისმცემელი მოაპოვა. საღამოობით მისას ვის არ ნახავდი! დიდად უყვარდათ ადგილობრივ მცხოვრებლებსაც და მის გარშემო იყრიდნენ თავს. აქ ნახავდი მაშინ სიცოცხლით საფხე გულ-ალა კაიკაციშვილს, დიდი-ალა ნიქარაძეს, რომლებმაც შეისმინეს და თავიანთი ვაჟები თბილისში გაგზავნეს სათავადაზნაურო გიმნაზიაში სასწავლებლად, როცა სხვები ამას გაურბოდნენ იმის შიშით, რომ შვილები გაგვიქრისტიანდებიანო. ამათ შვილებს კოწია მუხრანელი ზრდიდა თავის ხარჯზე. ორივემ დაამთავრეს გიმნაზია და ოდესღაც უნივერსიტეტში შევიდნენ. საუბედუროდ გულ-ალას შვილი, საოცარი ნიჭის პატრონი ყმაწვილი, ავად გახდა და მოკვდა ოდესამდე; ნიქარაძემ კი გაათავა უნივერსიტეტი და ოდესაც მოღვაწეობს ბათუმში.

ხშირი სტუმრები იყვნენ ტუფან-ბეგ შარვაშიძე — აქარელი, ახმედ-ბეგ ბეჟანიძე, ფერად-ბეგ ბეჟანიძე, სულეიმან-ბეგ ბეჟანიძე,

ანაქალ-ბეგ აბაშიძე, ჰუსეინ ეფენდი ქათამაძე, ძმები ხიმშიაშვილები და მრავალი სხვა. ამათ მოჰქონდათ აქ თავისი მწუხარებაც და დალბინებაც, აქ ეძიებდნენ დარიგებას და გზის ჩვენებას თავიანთ გასაჭირში ლორთქიფანიძისა და ვოლსკისაგან, გასაჭირში, რომელიც მძლავრად ჰქონდათ გარემორტყმული. ხანდახან მოდიოდა აქარელი ალი-ალა სირაძე, უკვე შეხნიერებული კაცი, მაგრამ ჰარამაგი. იგი განთქმული იყო თავისი ენამახვილობით მთელ აქარაში; იყო გასაოცარი მოქართულე, მშვენიერი მოლაპარაკე და საოცარი სიტყვა-მოსწრებელი.

აქარის გლეხობაც ხშირად მოდიოდა ლორთქიფანიძესთან შემოწმებისა და დარიგების მისაღებად. ხუმრობით საქართველოს კონსულს ვეძახდით მას და საკონსულოს მის სახლს. არ ვიცი დასმენილი იყო თუ რა როლს თამაშობდა მისი სახლი თუ სხვა რაღე იყო, ოღონდ სრულიად უმიზეზოდ ერთ დღეს მთავარმართებელმა ვოლიცინმა სამსახურიდან გადადგომის ქალაღი შეატანინა და დაითხოვა სამსახურიდან. ვოლიცინის დროს ტენდენცია იყო, რომ რუსობა ყოფილიყო მხოლოდ ადმინისტრაციაში და, ალბათ, ეხეც როგორც ქართველი მოხვდა გაძევებაში, მით უფრო რომ დიდი გავლენა ჰქონდა აქარლებზე.

ახლოვდებოდა ქალაქის ახალი არჩევნები. ბევრი რამ გაკეთდა როგორც ზემოთ აღვნიშნე ამ წლებში; ხმონებმა დიდი უნარიანობა გამოიჩინეს და დაამტკიცეს, რომ მათ შეუძლიათ სასარგებლო მუშაობა-მოღვაწეობა, მაგრამ მდგომარეობა მაინც სამძიმო იყო და საშიშარი. რუსი მოხელეები და სომხის ბურჟუაზია შეერხებულნი ძალ-ღონით ეწინააღმდეგებოდნენ ქართველობას და მისი დაცემა სულით და გულით სწადდათ. ეს აშკარა, ნათელი იყო ყველასთვის, მაგრამ ისევ ჩვენში იყო ისეთი მიმდინარეობა, რომ მდგომარეობას საშიშრად ხდიდა, იმ მიმდინარეობის გამარჯვებით შესაძლებელი იყო ქართველებს ისე დაჰკარგოდათ ინიციატივა, საზოგადო საქმეების ხელმძღვანელობა, სათავეში მოქცევა და ისევ დაჩაგრულ ელემენტად გამხდარიყვნენ, როგორც წინათ იყო.

1894 წელს ნინოშვილის საფლავზე, მისი გასვენების დღეს, წაკითხული იყო დეკლარაცია იმ პარტიის, რომელსაც შემდეგ დაერქვა სახელად მესამე დასი. დეკლარაცია დაიბეჭდა „კვალში“ და დიდი შთაბეჭდილება მოახდინა საზოგადოებაში. დაახლოებით ამავედროს რამ დაისტამბა აგრეთვე ქართულ პრესაში: — ეს იყო გ. მიაიშვილის წერილი მიმართული საზოგადო მოღვაწეებისადმი, დაბეჭდილი ჟურნალ „ივერიაში“. წერილმა დიდი შთაბეჭდილება მოახ-

დინა, მაგრამ მკითხველთა წრე იმ ხანებში მეტად ვიწრო იყო და ამიტომ ფართო გავრცელება არ ჰქონია ამ შესანიშნავ წერილს, რომელიც წარმოადგენდა საოცრად შედგენილ პროგრამას ჩვენი ეკონომიური ცხოვრების განსავითარებლად.

რამდენიმე ხნის შემდეგ, მსგავსმა დეკლარაციამ კი აუარებელი მსმენელი .იპოვა, იგი შეიჭრა ხალხში, არ დარჩენილა მხოლოდ ინტელიგენციის კუთვნილებად, მოიპოვა მრავალი მსმენელი ახლად გაღვივებულ წრეებში და დიდ გავლენას ახდენდა მათზე.

ბათუმის ქუჩებში ყოველ ფეხის ნაბიჯზე შეხედებოდი სხვანაირი სიმარდით მოსიარულეს, გატაცებულ კილოზე მოლაპარაკე ყმაწვილობას „კვალით“ ხელში.

ნურთის ბაზარზე ვაჭრობდა ერთი ბუკინისტი, სპირიდონ ქელიძე. ჰქონდა მაღაზია ავსილი ძველი და ახალი წიგნებით, წიგნაკებით, ფურცლებით, გაზეთებით. იგი იყო ნამდვილი ჩვენებური შოველი, ერკმან-შატრაანის „ერთი გლეხის ისტორიის“ გმირი. დაჰქონდა წიგნები, წიგნაკები სხვა ქალაქებში, სოფლებში; ხან ჰყიდდა, ხან ისე ავრცელებდა-არიგებდა. შესმენილი, საკმაოდ განვითარებული, ენამეტყველი — იგი საოცარი ენერჯის პატრონი იყო, ამასთან გულკეთილი და მოსიყვარულე ადამიანი. ახალგაზრდა, თავისი ტყბილი სიტყვით და მოქცევით, ხიბლავდა ახალგაზრდობას, რომელიც მხოლოდ მოდიოდა მის მაღაზიაში და ხშირად მართავდა საერთო საუბარს-დაობას ამა თუ იმ საგანზე.

მე ძლიერ მიყვარდა ამ მაღაზიაში სიარული — მიყვარდა მისი პატრონი და მიყვარდა მოსმენა იმ გაცხარებული დაობისა, რომელიც იქ იმართებოდა ყმაწვილებს შორის.

მახსოვს ერთხელ ერთმა ყმაწვილმა გატაცებით წამოიძახა: მე მარქსისტი ვარ და ვერავითარი ძალა მას ვერ ჩამომამორებს!.. დავიბადე ღარიბ ოჯახში, ვიზრდებოდი სიღარიბე-სიღატაკეში, გაჭირვებაში ვსწავლობდი, სიღარიბის და სისაწყლის მეტს გარშემო ვერას ვხედავდი... და ახლა თვალი გავახილე... მოითმინე, მოითმინე, მოთმინებითა შენითა პოებდე სასუფეველსაო... რომ შოკვლები, იქ, საიქიოს, ზეცაში, მოგზღვევა საშაგიერო ბედნიერებაო... ვინ იცის იმ საიქიოს, ზეცას რა ამბავია — ვის უნახავს, ვის მოუტანია იქაური ამბავი?! ტყუილი დაიმედება, თავის მოტყუებაა... მარქსმა კი სამოთხე ზეციდან დედამიწაზე ჩამომიტანა, აქ გამაჩინა, აქ მომცა ჩემს სიცოცხლეში... პროლეტარებო ყველა ქვეყნისა, შეერთდით!.. მიგვაგნებია გზა და ყველა რომ შევერთდებით, ყველა გაჭირვებულები სამოთხეს აქ გავაჩინო, სიცოცხლეში. სიკვდილის შემდეგ კი

არა! ამისთანა მქადაგებელს ჩამოვშორდები? — არასოდეს, არაფრის. გულისათვის მე არ ვიცი ვინ ვარ ახლა — ქართველი ვარ, რუსი, სომეხი თუ სხვა ვინმე — არც მინდა ვიცოდე; მე ვარ პროლეტარი — პროლეტარებო ყველა ქვეყნისა, შეერთდით! აქ არის, ამაშია ჩვენი ხსნა.

ერთხელ ვოლსკის მოუტანეს ერთი ყმაწვილის ნაწარმოები, ხელნაწერი, წასაკითხავად და თავისი აზრის გამოსათქმელად. ნაწარმოები წარმოადგენდა პატარა მოთხრობას სათაურით „ის“. ავტორი იყო, სახელი არ მახსოვს, გვარად კალანდაძე. მოთხრობას წამძღვარებული ჰქონდა წინასიტყვაობა, რომელშიაც ავტორი ამბობდა, რომ დღევანდელი ცხოვრება ეწინააღმდეგება კაცობრიობის ერებად დაყოფას, სპობს იმ მრავალ ენათ, რომელზედაც ლაპარაკობენ ეს ერები, რაც ხელს უშლის შეერთებას, აშორებს ადამიანს ადამიანისაგან და ამის მაგიერ შემოაქვს ახალი ენა ხმარებაში — ესპერანტო. რომელიც მისცემს საშუალებას ერთმანეთის დაახლოებაში და გაგებაში. ჩემს მოთხრობას საუბედუროდ ვწერ ჯერ ქართულადო, რადგან ესპერანტოს ცოდნა ჯერ არ არის იმდენად გავრცელებული და შემოდებულო და ჯერჯერობით არც მე მემარჯვება მისი ხმარებო: მომავალი კი მისიაო. ჩემი მოთხრობის გმირს სახელად ვარქმევ „ის“.

რადგან პეტრე რომ დამერქვა — ეს იქნებოდა ქართველი, პიოტრ რომ დამერქვა, იქნებოდა რუსი, პიერ — იქნებოდა ფრანგი, „ის“ კი საერთო იქნებოდა. აგრეთვე მოთხრობა უნდა აშენებული იყოს ისეთ მოვლენაზე, რაც ყველასთვის საერთოაო. მაგალითად, ამ ნაწარმოებში — შიმშილზე. შიმშილი ყველას ერთგვარად აწუხებს და ყველასათვის უბედურებაა ერთნაირად. ამიტომ ამ მოთხრობაში იგი იქნება მთავარი ლერძიო. სად იმყოფება ჩვენი გმირი? — ეს ზღვაა, ზღვის ნაპირი, რადგან ზღვა დიდებულია და მძლავრიო. ამ შესავალის, განმარტების შემდეგ იწყებოდა თვით მოთხრობა. „ის“ იწვა ზღვის ნაპირას შიმშილისაგან მეტისმეტად შეწუხებული და ღონემიხდილი; ეძლეოდა სხვადასხვა ფიქრებს. შემდეგ ბრუნდებოდა საღამოს თავის ბინაზე და მიქანცული ეშვებოდა თავის ხმელ საწოლზე; ოთახში სინათლე შემოდოდა გარეთ ქუჩაში ანთებულ ელექტრონის ლამპიონიდან. ბეერი ებორჯა „ის“-მა თავის ხმელ ლოჯინზე შიმშილისაგან ძალმიღუღმა და თავისი სიცოცხლე დაათავა მით, რითაც თავდება საერთოდ ყველას სიცოცხლე — სიკვდილით. დილას იგი მოკვდა.

მოთხრობა იყო პატარა, მოკლე, დაწერილი პრეტენზიით; იგი უნდა ყოფილიყო დამწყები ახალი ლიტერატურის და ლიტერატურული ფორმის მაგალითი.

მე დიდად მონდომებული ვიყავი შეშენახა ეს ნაწარმოები სამახსოვროდ; მინდოდა მეთხოვა იგი ავტორისათვის, მაგრამ ელსკიმ იგი სასაცილოდ აცდლო, ბევრი იოხუნჯა და ჩემდა გაუგებრად დაუბრუნა ავტორს.

ზოგიერთნი კი მათებურად გაგებულ კოსმოპოლიტიზმის მიხედვით აშენებდნენ თავიანთ ოჯახებს. როტშვილდის ქარხნის ერთმა მუშამ, გერონტი ც-იამ, რომელმაც რუსული ენა იმდენად იცოდა, რომ ძლივს ორ სიტყვას თუ გადააბამდა ერთმანეთს, უკუაგდო თავისი ეროვნება და მოიწადინა კოსმოპოლიტური ოჯახის შექმნა. მისი აზრით ამისათვის საჭირო იყო მხოლოდ სხვა ეროვნების ქალის შერთვა და კიდევ ასე მოიქცა: შეირთო ქალი, რომელმაც ერთი სიტყვა ქართული არ იცოდა.

მოვდივარ ერთხელ თეატრიდან სახლში. ღამეა.

— დავითო თუ არ მიგეჩქარებათ, თქვენთან საქმე მაქვს!

შევჩერდი, მივიხედე — გერონტია.

— არ მიმეჩქარება, — მივუგე. — რა ამბავია, ჩემო გერონტი?

ახალგაზრდა მუშა პათიოსანი და გულწრფელი ადამიანი იყო, კარგად ვიცოდი მისი წადილი სინათლეზე გამოსულიყო, თავისი შეგნება რაც შეიძლებოდა გაეფართოებინა. მე ხშირად ვხვდებოდი მას და მიყვარდა ყოველთვის მასთან მუსაიაფი. აღელვებულ კალოზე მისმა მომართვამ გამაკვირვა.

— რა ამბავია, გერონტი? — მეგობრულად შევეკითხე.

— თქვენი დარიგება მინდა, თქვენი რჩევა მჭირია, ძვირფასო დავით, რარჩად მოვიქცე, რა გზას დავადგე იმ გაჭირვების ასაცილებლად, მე რომ ჩავვარდი ჩემი დარჯახებით... ვიცო რომ თქვენ გულათ მომეკიდებით და ამიტომ მოგმართავთ. ოჯახს მოვეკიდე, მეგონა ვაგებდნიერდებოდი... ამას ისე გეუბნებათ, როგორც მოსიყვარულე უფროს ძმას, მამას. შევცდი, გადავცდი — მე ისევ ჩვენიანი ვინმე უნდა მომეყვანა. ახლა ვხვდები, რომ ის უცხო ქალი და მე არ უნდა შევყრილიყავით. უნდა მეფიქრა, რომ სახეირო არაფერი გამოვიდოდა და აკი არ გამოვიდა. ნამეტანი ევირიეთ, ერთმანეთის არაფერი გვესმის, იმას ნამეტურ ჩემი; სწყინს როცა ჩემთან მოსული ამხანაგები ქართულად დაიწყებენ ლაპარაკს, უპატივცემოდ ექცევა ჩვენს წარჩინებულ ხელმძღვანელებს, ნუ დადიანო, არ მესიამოვნება მათი შეხედვაო — ერთი სიტყვით ყველაფერი ჩვენი შეიძულა უცნაურად და გული მიკვდება. ცეცხლი მეკიდება ამას რომ ვხედავ... ვევედრები, ვეხვეწები, ვაჭერებ რაც შემიძლია, ნუ ადგიხარ ამგვარ გზას-თქვა, მაგრამ არაფერი ეწყობა... რა ვქნა აღარ

ვიცი!.. პირდაპირ ჯოჯოხეთია ჩვენი ცხოვრება, მივედი იმ აზრამდე, რომ გაშორება სჯობია-თქო... მაგრამ თან მრცხვენია, თან არ ვიცი რავე მოვახერხო... არა და, დავიტანჯე კაცი... რას ვფიქრობდი და რას შევეყარე?! რაიმე გზაზე დამაყენე... მირჩიე რამე. დავით, თქვენი ჭირიმიე!.. სხვას კი ვერ გავუძახებ ამგვარ ჩემს ტანჯვას... თქვენთან მოვიქეცი, ვიცი რომ გულთან ახლოს მიიტანთ ამ ჩემს მწუხარებას და დამეხმარებით რამე გზით გამოვიღე ამ უბედურებიდან...

ვერავითარმა საშუალებამ ვერ გასჭრა, რომ მშვიდობიანობა დამყარებულყო ცოლ-ქმარს შორის და ამგვარად აშენებული „კოსმოპოლიტური ოჯახი“ დაინგრა. გათვისდნენ, დაშორდნენ ერთმანეთს. შემდეგში გერონტი არა ერთხელ ციხეში ჯდომით დასწულდა, გაძევებულ იქნა რუსეთში, დაქვლედა და მშვიდობა უღრო სიკვდილში ნახა.

ამგვარი სახეები, როგორც „ის“-ის ავტორია და გერონტი. მრავლად გვხვდებოდა და თანდათან მატულობდა; ხელმძღვანელი პირები მთავრობის შიშით გაბედულად ვერ ხელმძღვანელობდნენ. ეროვნული საკითხის უკუგდებას, უარყოფას მთავრობა არ კრძალავდა, არ ეწინააღმდეგებოდა. ეს იმიტომ რომ აქ მძლავრობდა გაქარუსებელი პოლიტიკა, მთავრობა ამაში ხედავდა ეროვნების გაქარწყლებისათვის თავისი მუშაობის გაადვილებას, თუმცა ეროვნების უარყოფელთა ქადაგება მიმართული იყო ამ გზით მთავრობის დასამხობად.

ყოველ შემთხვევაში მდგომარეობა სამძიმო და საშიშარი ხდებოდა. ახლოვდებოდა ქალაქის ახალი არჩევნები და ყოველ თითო კენჭს, ყოველ თითო ამომრჩეველს დიდი მნიშვნელობა ჰქონდა -- ძვირფასი იყო ერთი კენჭიც. ის სამართლიანობა, ის საქმიანობა, რომელიც დამყარდა ქალაქის საქმეებში ქართველების სათავეში მოქცევის შემდეგ, ძნელი დასაკარგავი იყო, რადგან ვერაინ ვერ ემსახურებოდა ხალხს ისეთი მაღალი იდეურობით, როგორც ქართველთაგან წამოყენებული მოღვაწენი. იმართებოდა კერძო ოჯახებში მოლაპარაკება ახალი არჩევნების შესახებ, ხშირი იყო შედეგება შესამე დასეღთა და ფედერალიზტებთა შორის. არჩევნებში გამარჯვებისათვის საჭირო იყო გაერთიანება ქართველობისა და ამ გაერთიანების დანახვით ჩვენი მომხრე ბერძენ ამომრჩეველთა შენარჩუნება.

ორი კვირა ვირბინე იმისათვის, რომ შემეჭვრებინა და თავი მოკეყარა ჩვენებური მეთაურებისათვის მოლაპარაკებლად. როგორც იქნა დავიყოლიე და გავმართეთ პატარა კონფერენცია.

ერთ საღამოს ქალაქის სამართველოში, მდივნის ოთახში, თავი

მოიყარეს მოწვეულმა პირებმა; აქ იყო გრიგოლ ვოლსკი, ივანე მესხი, საშა წულუკიძე და სხვები. მომხსენებლად ყოფნა მე შემხვდა. მდგომარეობის აწერის დროს აღვნიშნე, რომ ის დავა, რომელიც ატეხილია ჩვენს პარტიებს შორის ეროვნული საკითხის გარშემო, შესაძლებელია საზარალო იქნეს — ქართველობას ხელიდან გამოეცალოს ქალაქის საქმეების ხელმძღვანელობა, რაც არასასურველია. რადგან ქართველებმა თვალსაჩინოდ დაამტკიცეს თავისი საქმიანობა, თავისი სამართლიანობა ყველასთან და რომ არჩევნებში დამარცხება იქნებოდა ისევ ძველი უწესობების და უსამართლობის დამყარება; ამის ანაცილიტლად საჭიროა, ვამბობდი, შეთანხმებული მოქმედება, გამონახვა საერთო პლატფორმის. ჩხეიძემ თავის გრძელ სიტყვაში თქვა, რომ ეროვნული მიდგომით არ შეიძლება მოქმედებაო, ჩვენ დღეს უფრო დიდი საქმე გვიწევს — ეს არის თვითმპყრობელობის დაცემა სასტიკი ბრძოლით, რომლისათვისაც უნდა ყველა შევერთოდეთ; შემდეგ როცა მიზანი მიღწეული იქნება. თვითმპყრობელობა დაძლეული, მაშინ ეროვნულ საკითხსაც შევეუდგებით და შეიძლება ეროვნული ინტერესებითაც ვიხელმძღვანელოთ. როცა საშა წულუკიძემ აიღო სიტყვა, მან წარმოთქვა, რომ ეს დღევანდელი ჩვენი ლაპარაკი უქმიაო, ჩვენ ვერ შევთანხმდებითო, რადგან სხვადასხვა პოლუსზე ვდგავართო. ამ განცხადებამ გამოიწვია ცხარე ლაპარაკი, გახურებული დავა, ისე რომ, იძულებული ვიყავით კრება შეგვეწყვიტა და დაეშლილიყავით. მეორე დღეს შევხვდი საშას და ვუსაყვედურე:

— რატომ იხმარე, საშა, ის პოლუსები და მოლაპარაკება ჩაშალე... გამოიწვიე გაწინააღმდეგობა ბაასი..

— სულ ერთი იყო, — გაიცინა მან, — პოლუსების ხსენებით თუ არა, სხვა რამეთი ჩაიშლებოდა ჩვენი კონფერენცია... არაფერი არ გამოვიდოდა!

მოპოვებული მდგომარეობის შესანარჩუნებლად დიდი მუშაობა წარმოებდა. ზოგიერთნი დიდ ხერხიანობას იჩენდნენ. დიდი ხრიკიანი გეგმით შემოიპირა ერთ დღეს ერთ-ერთი მოლაპარაკების დროს ხმოსანი ნიკო დუმბაძე. მან წამოაყენა საჭიროება გაზეთ „ჩერნომორსკი ვესტნიკის“ რედაქტორის პალმის ხმოსნად გაყვანისა. ყველას ეუცხოვა ასეთი წინადადების წამოყენება, მაგრამ დუმბაძემ დიდი დაობის შემდეგ თავისი გაიტანა—მისი აზრით, ეს იყო ერთადერთი გზა მოსპობილყო ყოველად შეუწყნარებელი, საზიზღარო, დაურიღებელი იერიშები, რომელიც თითქმის ყოველ დღე მოჰქონდა გაზეთს თავის ფურცელზე ქალაქის მეთაურებზე.

შიში არჩევნების წაგებისა დაბოლოს უქმი გამოდგა. არჩევნებ-
მა ბრწყინვალედ ჩაიარა, ჩვენ მიერ წამოყენებული ყველა კანდი-
დატი ხმის დიდი უმეტესობით გავიდა. რამდენიმე ხნის შემდეგ ქა-
ლაქისთავის ყოფილ არჩევნებზე ქალაქისთავად ხელახლა არჩეულ
იქნა ასათიანი; ოცდათექვსმეტ ხმაში მან მიიღო მხოლოდ სამი შავი.
საბჭოს დარბაზში მყოფმა დამსწრე ხალხმა დიდი ოვაცია გაუმარ-
თა ღირსეულ მოღვაწეს, რომელმაც მშვენიერი მოკლე სიტყვით
გადაუხადა ყველას მადლობა:

— ჩემს მოხუცებულობას მხოლოდ შრომა დაამშვენებს. — თქვა
მან, — შრომა სინდისიერი და სასარგებლო და გაძლევეთ პატიოსან
სიტყვას, რაც ძალა და ღონე მაქვს გიძღვნათ ასეთი შრომა.

პატიოსანი და სინდისიერი შრომა იყო დამყარებული, მაგრამ
სინდისდაკარგულ პალმს რა მოარჯულებდაი ხანმოკლე მიჩულების
შემდეგ „ჩერნომორსკი ვესტნიკ“-მა ისევ წამოიწყო თავისებური
ლანძღვა-გინება, უსაფუძვლო კილვა ქალაქის თვითმართველობისა
და მისი ხელშეწყობისა. პალმს ეკითხებოდნენ, რატომ საბჭოში
იგი ხმას არ იღებს, რატომ ასე უკუღმართად აშუქებს ქალაქის საქ-
მეებს, როცა სინამდვილე იცის როგორც ხმოსანმა, პალმი ცუდლუ-
ტურად თავს არიდებდა და ამბობდა: ეს გაზეთის საქმეაო, გაზეთის
შეხედულება არის და განაგრძობდა ბინძური წერალების წერას.
როცა ვერაფრით ვერ მოღრიკეს ეს გზაბნეული მკლაბნავე, ხმოსან-
თა უმრავლესობამ გადაწყვიტა მისი საბჭოში გაკიცხვა, როგორც
რედაქტორ-ხმოსნის. ამის შესახებ განცხადება შეიტანა ერთმა ხმო-
სანმა, რომელმაც დაწვრილებით გააშუქა თუ როგორ უსინდისოდ
ამახინჯებდა გაზეთი ფაქტებს, აწვდიდა მკითხველებს გადასხვაფე-
რებულ და გაუკუღმართებულ ამბებს ქალაქის საქმეების შესახებ
და ცრუ ცნობებს ავრცელებდა ზოგიერთ მოღვაწეებზე. ეს განცხა-
დება შეტანილი იქნა საბჭოსაგან გასარჩევ საქმეთა სიაში. როცა
სხდომაზე მივიდნენ ამ განცხადებაზე, პალმი წამოდგა და თავმჯდო-
მარეს, ასათიანს, მიმართა:

— რამდენადაც ვიცა, საქალაქო დებულება არ იძლევა ნებას
ვინმე გაკიცხოს საბჭომ, მით უფრო ხმოსანი და მიკვირს, რატომ
გინებებიათ უკანონობის გზაზე დადგომა?

— მეტი არა გაქვთ სათქმელი? — შეეკითხა ასათიანი.

— სრულიად არაფერია — უპასუხა პალმმა.

— თანახმად უმრავლესობის განცხადებისა, მე ვუყრი კენჭს
გამოეცხადოს გაკიცხვა თუ არა ხმოსანი პალმს მისი მოქმედებისა-
თვის, როგორც რედაქტორს და როგორც ხმოსანს. ყუთი.. თეთრი—

წინადადება მიღებულია, ე. ი. გამოცეხადოს გაკიცხვა; შავი — წინადადება უარყოფილია.

ყუთთან დგას თავმჯდომარე; დარბაზში კრინტი ხმა არ ისმის; პალმი ზის და იღიმება. გათავდა კენჭის ყრა.

— გამოცეხა... გაკიცხვა ხმოსან პალმს მისი მოქმედებისათვის... ერთი, ორი, სამი... ათი... თხუთმეტი... ოცი... ოცდახუთი! — ასათიანმა გამოწეული ყუთის უჭრა გადაატრიალა.

— არ გამოცეხადოს გაკიცხვა!.. ერთი, ორი, სამი... ხუთი... ათი! ამრიგად მიღებულია, გამოცეხადოს ხმოსან პალმს, რედაქტორს „ჩერნომორსკი ვესტნიკი“-სას, საბჭოსაგან გაკიცხვა მისი უმართებულო მოქმედებისათვის! — დინჯად წარმოთქვა თავმჯდომარემ.

— რომელი კანონის უფლებითი? — წამოიძახა ფეხზე წამოკრილმა პალმმა.

— ნუ წუხნდებით! — შეუტია შემალღებული კილოთი ასათიანმა. — ნუ წუხნდებით!.. კანონი თავის ადგილას იქნება მოყვანილი!

მთელმა დარბაზმა იგრიალა, მხიარულ სიცილს დასასრული არ ჰქონია. იმ ადგილას, სადაც მე ვიჯექი, ჩამოიარა თავის კაბინეტში მიმავალმა ასათიანმა და ერთი წუთით შეჩერდა ჩვენთან:

— კანონს ეძებს!.. ეს დღი ხომ მირტყმული აქვს... თუნდაც რომ დაარღვიონ გადაწყვეტილება — დღა მანც დარჩება! — წარმოთქვა მან. მოხუცებული საოცარი აღელვებული იყო, ასეთი აღელვებული იგი მე არასდროს არ მინახავს.

ამ გაკიცხვამ თითქმის ხმოსანთა რიცხვიდან გამოაკლო პალმი; იგი აღარ ესწრებოდა სხდომებს და განაგრძობდა თავისებურად გაზეთში უხეირო წერას. ყველაზე მეტად ამოჩემებული ჰყავდა, რასაკვირველია, ასათიანი, ვოლსკი და მესხი.

ასათიანი დიდხანს აღარ შერჩა ხელში სალანძღავ მასალად. ერთი წლის შემდეგ, დილას რომ ემზადებოდა სამსახურში წასასვლელად, იგი უეცრად გარდაიქცეალა.

მოულოდნელმა სიკვდილმა დიდად შეაწუხა მთელი ქალაქი და აუარებელმა ხალხმა მიაცილა პატიოსანი მოხუცი მოღვაწის კუბო სადგურაში, საიდანაც წაასვენეს ქუთაისში.

სამწუხარო იყო ისეთი პიროვნების დაკარგვა როგორც იყო ასათიანი და ამ მწუხარებას აორკეცებდა ისიც, რომ მოსაძებნი იყო ისეთი პიროვნება, რომ შესაძლებელი ყოფილიყო მისი ქალაქისთვის დასახელება და გაყვანა. საჭირო იყო ეს პიროვნება ყოფილიყო დიდი შრომის უნარიანი, ჩვენთვის სანდო და ისეთიც, რომელსაც მთავრობა მიიღებდა და დაამტკიცებდა თანამდებობაზე. დიდი ძე-

ზნის შემდეგ, ილია კავკავადის რჩევით, შეჩერდნენ ივანე ანდრონიკაშვილზე. ილიამ ურჩია ივანე მესხს და მიხეილ ბეთანელს, რომლებიც თბილისში იყვნენ გამოგზავნილნი მოსალაპარაკებლად, ანდრონიკაშვილზე შეჩერებულიყვნენ და დაამედა, რომ იგი სასურველი კანდიდატი იქნებოდა ბათუმის ქალაქისთავის თანამდებობისათვის. ანდრონიკაშვილი, სპეციალობით აგრონომი, ახალგაზრდა, შრომის მოყვარე და ენერგიული პიროვნება იყო ილიას სრუტყვით და მთავრობაც წინააღმდეგი არ იქნებოდა მისი, რადგან იგი იმხანად სახელმწიფო სამსახურში იმყოფებოდა.

სანამ ეს კანდიდატი მოიძებნებოდა, ქალაქისთავის მოადგილეობას ასრულებდა ამას წინათ გაშავებული საბჭოს წევრი ივანოვი, რომელიც მთავრობამ ჩააყენა და დატოვა თავის წინანდელ თანამდებობაზე. თავის წინანდელ მეგობრებს სრულიად ჩამოშორდა ივანოვი და მთავრობის ყურმოჭრილი მონა გახდა და ახლა იმასაც ფიქრობდა, რომ ქალაქისთავად ყოფილიყო დანიშნული მთავრობის მიერ; ამიტომ მოწინააღმდეგეებთან ერთად ის ლებულობდა ყოველდონეს, რომ ქალაქისთავის არჩევნები ორთვეჯერ ჩაშლილიყო, რის შემდეგ იგი დაინიშნებოდა ქალაქისთავად.

ბევრი ითმინეს ხმოსნებმა მათგან გაშავებულნი, მაგრამ მთავრობისაგან დაძალებული ივანოვის უკანონოდ ჯდომა ქალაქს შეთაურის სავარძელში. მოთმინებასაც ბოლო მოეღო.

ალარ მახსოვს კარგად რის შესახებ იყო საქმეთა სიაში შეტანილი საკითხი, სერიოზული საკითხი კი იყო მახსოვს, — როგორც მივიდა ჭერი, რომ ამ საკითხის გარჩევას შესდგომოდა საბჭო, ივანოვმა, თავმჯდომარედ ყოფილმა, აიხსნა ჭაჭვი და სხდომა დახურულად გამოაცხადა. გაოცებას საზღვარი არ ჰქონდა; ასეთი საქციელი პირდაპირ გასალახანებას წარმოადგენდა დაწესებულებისას. მეტისმეტად უხერხული მდგომარეობა შეიქმნა. ზოგიერთი ხმოსნები წამოდგნენ და საბჭოს დარბაზიდან გასვლას აპირებდნენ, ზოგნი კი, სახტად დარჩენილნი, ისხდნენ ისევ თავიანთ ადგილებზე გაოცებულნი, გაკვირვებულნი.

ამ დროს საბჭოს მდივანმა, ივანე მესხმა, ჩაუარა ვოლსკის და ჩაულაპარაკა:

— ჩამოიკიდე ჭაჭვი... განაგრძე სხდომა!

— ბატონებო! — გაისმა ვოლსკის ხმა, — ბატონებო, გთხოვთ: არ აიშალოთ... სხდომა გრძელდება! გრძელდება სხდომა!.. — და ჩამოიკიდა თავმჯდომარის ჭაჭვი.

ამან უარესად დააფრთხო ხმოსნები; ზოგიერთნი პირდაპირ გა-

შეშდნენ, არ იცოდნენ რა ექნათ — გაყოლოდნენ ვოლსკის, თუ როგორ მოქცეულიყვნენ. წუთიერი ყოყმანის შემდეგ რამდენიმე ხმოსნის გარდა, ყველამ დაიკავა თავისი ადგილი და სხდომა განაგრძეს, დაათავეს.

ასეთი მოქცევა ვოლსკის მიერ შეიქნა „ჩერნომორსკი ვესტნიკ“-ის ყოველდღიურ სალაპარაკოდ, როგორც ნიმუში და მაჩვენებელი, თუ რა კანონის მოწინააღმდეგენი არიან ვოლსკი და მისი მიმყოლი ხმოსნები.

ვოლსკის მოქმედება დაფუძნებული იყო იმაზე, რომ ივანოვი წევრობაზე გაწავებული იყო. მას აძალებდა მხოლოდ მთავრობა და ქალაქისთავის გარდაცვალების შემდეგ სათავეში ყოფნა ეკუთვნოდა უსათუოდ ამორჩეულ პირს, როგორც იყო იგი, ვოლსკი.

გაზეთის წერილებმა მიიქციეს გუბერნატორის ყურადღება და ქუთაისიდან შეკითხვა შეკითხვაზე მოდიოდა. დაინიშნა გამოძიება, ატყდა ერთი ალიაქოთი. გახარებული მოწინააღმდეგენი გაიძახოდნენ, რომ ზემოაღნიშნულ სხდომაზე დარჩენილი ყველა ხმოსანი მოხსნილი იქნებაო, ხოლო ვოლსკი და მისი ამყოლი ხმოსნები პასუხისგებაში მიცემულნიო. ბევრი შეშინებული ამტყუნებდა ვოლსკის მის მოქმედებაში. მაგრამ იგი მტკიცედ იღვა თავის პოზიციასზე, თავისებურად იცინოდა და ამბობდა: „ნახავთ თუ ჩვენი გამარჯვებით არ დათავდეს ეს აურზაური“.

მან გასწია ერთ დღეს თბილისში და იმდენი ახერხა, რომ ინახულა მეფის მოადგილის თანაშემწე გენერალი მალამა. მალამა ერთგვარად მოიღობერალებდა. საუბარი მასთან დათავდა ვოლსკის გამართლებით, რაც მალამამ წერილობით აცნობა ქუთაისის გუბერნატორს. ვოლსკის მოეხიბლა გენერალი და გამარჯვებული დაბრუნდა. ივანოვი გამტყუნებული დარჩა, მაგრამ თანამდებობას არ მოაშორეს...

ამ აყალმაყალში, როგორც ვთქვი, ქალაქისთავის კანდიდატიც მოინახა და მოხდა არჩევნები.

ანდრონიკაშვილი ამორჩეული იქნა. მაგრამ ქუთაისის გუბერნატორმა იმ დეპუტაციას, რომელიც წარუდგა და სთხოვა. არჩეულის დამტკიცება, უთხრა რომ თქვენი ამორჩეულის საწინააღმდეგო არა შექვს რაო, ოღონდ სუსტი ცენზი აქვსო და სანამ არ მოუნახავთ სხვა ცენზს, მანამდი არ დავამტკიცებო. ცენზის მოსანახავად დეპუტაციამ დრო ითხოვა გუბერნატორისაგან და ისიც შეპირდა, რომ სანამ არ მონახავთ ახალ ცენზს, მანამდი ხელშეორე არჩევნებს არ დავაძალებთო. დეპუტაცია ჩამოვიდა ბათუმში, ჩამოიტანა ერთჯა-

გვარად დამამშვიდებელი ამბავი, მაგრამ რამდენიმე დღის შემდეგ მოვიდა მოწერილობა: დაუყოვნებლივ მოეხდინათ ქალაქისთავის არჩევნები. ამ ბრძანებამ, ამ „დაუყოვნებლივ“ არჩევნების დანიშვნამ, თავზარი დასცა ყველას. ეს პირდაპირ იმ განზრახვით იყო ნაბრძანები, რომ ანდრონიკაშვილი ვერ გაეყვანათ ქალაქისთავად. რამდენიმე დღეში გუბერნატორისა და ბათუმის მოწინააღმდეგეების აზრით ახალ ცენზს ვითომ ვერ მოუნახავდნენ ანდრონიკაშვილს, იგი არჩევნებში ვერ მოხვდებოდა და მთავრობასაც ვერას უსაყვედურებდნენ. ასე ფიქრობდნენ მოწინააღმდეგენი და იმედიახალ იყვნენ, რომ თავიანთ განზრახვას გაიტანდნენ.

ანდრონიკაშვილის კანდიდატურის წამომყენებლებიც დატრიალდნენ; ივანე მესხმა თვალის დახამხამებაში გამოსძებნა საჭირო ცენზი. ოღონდ გასაჭირი ის იყო, რომ ვისგანაც ცენზას მიღება შეიძლებოდა, იგი იმ დროს ბათუმში არ იყო, იმყოფებოდა აბაშის მაგლობლად სოფელში და სოფლიდან უნდა ჩასულიყო ფოთში და იქაურ მომჩივებელ-მოსამართლეს უნდა დაემტკიცებინა ცენზის გადმოცემა და გადმოცემული ცენზი ჩამოეტანა ბათუმში. ეს უნდა ვაკეთებულყო უსათუოდ სამ დღეში, თორემ საქმე წაგებული იქნებოდა.

ამორჩეული იქნა მხნე ახალგაზრდა კაცი ჩიქოვანი, აბაშაში და იქიდან სოფელში გასაგზავნად. მას უნდა ჩაეყვანა ცენზის მიმცემა პირი ფოთში, ფოთში დაუხედებოდნენ ჩხეიძე და ფოთელი ათანასე ზოშტარია, რომლებიც გააცნობდნენ საქმის ვითარებას მოპრიგებელ-მოსამართლეს და ვით ყიფიანს და ერთ წუთსაც არ გააჩერებდა გავზავნილებს.

ყველას თავთავისი ინსტრუქცია მისცა სტრატეგმა ივანე მესხმა, რომელიც უცაბედად ავიდა გაგვიხდა ამ დროს და ლოგინში მწოლიარე, მწარე შეწუხებულ, საქმეს არიგვბდა, თუ ვის რა და როგორ გაეკეთებინა.

გაემგზავრენ დასაქმებულები. აბაშაში გაგზავნილი ჩიქოვანი ცხენის ქიანჭიანით მიიქრა სოფელში; აუხსნა იქ მყოფ ჯიანს მისვლის პირობები და ორთავენი დაუყოვნებლივ გაემართნენ ფოთისაკენ. ბათუმელები გულისფანცქალით მოველოდით დეპეშას ფოთიდან მესამე დღეს; დანიშნულია ქალაქის საბჭოს კრება და საქმეთა სიაში შეტანილია ქალაქისთავის არჩევა; თუ არ შესდგებოდა არჩევნები—მთავრობა დანიშნავდა ვისაც მოიპრიანებდა.

საბჭოს დარბაზი სავსეა ხალხით; ხმოსნები უკლებლივ ყველანი არიან. დაიწყო სხდომა. მატარებელი, რომლითაც უნდა ჩამოსუ-

ლიყვნენ ფოთში გაგზავნილები, მოგვიანოდ მოდის ბათუმში. დეპე-
შა მოვიდა — მოვდივართო. საჭირო იყო სხდომის რამერიგად გა-
კრძელება. ჯერი მივიდა არჩევნების მოხდენაზე. რამდენიმე ხმო-
სანმა მოითხოვა სხდომის შეწყვეტა, რომ სანამ არჩევნებს შეუღ-
ვებოდნენ, ხმოსნებს მოელაპარაკათ ერთმანეთში.

— შევწყვიტოთ სხდომა, მოილაპარაკონ რაკი ეს საჭიროა! —
წამოიძახა დაცივნით ამ დღეს გამოცხადებულმა პალმმა, რომელიც
მხიარულად იყო, რადგან მისი შეხედულებით ანდრონიკაშვილის
არჩევა წაგებული იყო.

სხდომა დროებით შეწყდა. ეს იყო ხერხი, რომ გაგზავნილებს
კრებისათვის ჩამოესწროთ. ქალაქის სამართველოდან რკინიგზის
სადგურამდი ცოცხალი ტელეგრაფი იყო გაბმულა.

დარბაზში შეიქნა მხიარული მოძრაობა, — მატარებელი მოვიდა,
ჩხეიძე ჩამოვიდა და მოაქვს ცენზი!.. მალე თვითონ ჩხეიძეც გაჩნდა
საბჭოს დარბაზში. ივანე მესხმა ჩაიბარა მოტანილი საბუთები, ხელად
შეიტანეს სალაროში რაც ფული იყო საურვოზე შესატანი და თამა-
შად მოითხოვეს სხდომის გახსნა, რამაც მეტად გააკვირვა მოწინააღმ-
დეგენი. გაიგვს ყველაფერი და მხიარულად ყოფნა მოეშალათ. შეუ-
ღვნენ არჩევნებს.

— გათხოვთ დასახელოთ კანდიდატები! — თქვა თავმჯდომარემ.

— ივანე ზაქარიას-ძე ანდრონიკაშვილი! — წამოიძახა რამდენი-
მე ხმოსანმა.

— აქვს სათანადო ცენზი? — ვერ მოითმინა პალმმა.

— ყველაფერი წესიერად აქვს! — მიუგო ივანე მესხმა.

შეუღვნენ კენჭის ყრას.

ანდრონიკაშვილი არჩეული იქნა ხმის დიდი უმეტესობით. სი-
ხარულს საზღვარი არ ჰქონდა. არჩეული, მთავრობისაგანაც სულ
მოკლე ხანში იქნა დამტკიცებული.

ასეთ დამძიმებულ პარობებში უხდებოდათ მუშაობა, მაგრამ
პაინც ენერგიულად მუშაობდნენ.

ასათინის მემკვიდრე სასურველი მუშაჯი გამოდგა: მან სავსე-
ბით გაამართლა ილიას რეკომენდაცია და დადბანს იყო ბათუმის
ქალაქის მეთაურად.

მუდმივმა დელეგამ; დავიდარაბამ დაბოლოს მოსტეხა ვოლსკი
და სრულიად აუშალა ნერვები, რის გამო იძულებული შეიქნა ბა-
თუმს გაშორებოდა. იგი გადავიდა თბილისში, ქართულ გიმნაზიაში
იწყო მასწავლებლობა, მაგრამ უღმობელმა სიკვდილმა მალე გა-
მოსალმა წუთისოფელს — რაღაც მიზეზით მოეწამლა სისხლი და

გარდაიცვალა რამდენიმე დღის შემდეგ. ბათუმელებმა თბილისიდან იგი ჩამოასვენეს ბათუმში და აქ დიდი პატივისცემით დაასაფლავეს ქართული ეკლესიის შესავალ კარებთან.

თ ა მ ი მ ი რ მ ი

სამხედრო სამახურის პირველი წლები. — მუშაობა ქარისკაცთა შორის. — ზარბაზნის მოყვარული პოლკოვნიკი. — შეუღლაშიანთა პარადი. — ლექციები ოფიცერთა საკრებულოში. — ქართველ ქარისკაცთა მდგომარეობა. — „ვინ ეტყვის მის, სად არის მისი საშობლო?“ — როტმილდის ქარხნის მუშების გამოსვლა. — ლამე „პერესილნი პუნქტზე“. — მუშების დახოცვა ანთაძის გუნდის მიერ.

ყმაწვილი, თანამდებობაზე დანიშნული, მეტი ხალისით მოვეცილე ჩემს საქმეს. მახალისებდა ის, რომ „მარშიროვკას“ და სალდათებს მიბრუნ-მობრუნებას ვიყავი დაშორებული. ჩემს სახელოვნოში, რომელიც მე მეზარა, სალდათების შემადგენლობაც განსხვავებული იყო. ესენი იყვნენ ქარხნებში, იქვეში ნამუშევარი ახალგაზრდობა, ზეინკლები, თოფ-იარაღის კეთების მცოდნე ხალხი. იყვნენ ღურგლებიც — ესენიც სხვა ცხოვრებას ნანახი და ნაჩვევი. აქ მუშაობა ძალაუვნებურად გვაერთებდა ყველას, ურთიერთობაში შემოქპონდა უფრო ახლობლობა, სადაობა და შემქმნელობა. მეც აყვევი ამათ მუშაობაში, შევიკერე ლურჯი ხალათი და ნელ-ნელა ვეჩვეოდი ზეინკლურ მუშაობას. ყმაწვილს მენახისებოდა მუშაობა, ჩემ ხელქვეით სალდათებს კი უხაროდათ, რომ მე მათთან ამხანაგურად მეჭირა თავი — მუშაობაშიაც და ლაპარაკშიაც. ამით წახალისებულნი მოხელე სალდათები იმდაგვარად მუშაობდნენ, რომ სახელოსნო სამაგალითოდ მოეწყო.

— ჩენი სახელოსნო ძალიან გამოიცვალა! — ღიმილით ამბობდნენ სალდათები.

გამოიცვალა, მართალია, მაგრამ თანდაყოლილი სენი მაინც ძნელი დასაძლევი იყო. სახელოსნოში ხელოსან-სალდათების ჯგუფის უფროსად მყავდა ახალგაზრდა ზეინკალი სალდათი ეურავლიოვი; საოცარი კარგი მუშა, საქმის მცოდნე, დაულალავი, მშვიდობიანი, მაგრამ უბედური მსმელი. შაბათს ნასადილევიდან ორშაბათს დილამდის ეურავლიოვი აღარ არსებობდა ამქვეყნად; ნულა იკითხავდი მის ამბავს, იგი ამ დროს ყოველთვის უგრძნობი მთვრალი იყო. ერთხელ, ორხელ უთხარი რომ აშორებოდა ამისთანა სამარცხენო

საქციელს. ისიც გაჩუმებული ისმენდა ხოლმე ჩემს დარიგებას, ერთ სიტყვასაც არ იტყოდა, მაგრამ დადგებოდა თუ არა შობათი, ისევ უგრძობელი მთვრალი იყო. პირდაპირ აშკარა იყო, რომ საცოდავი ვერ ერეოდა თავის ჩვეულებას და მისი აცილება თავიდან მისთვის ყოველად შეუძლებელი იყო. მეცოდებოდა საწყალი და რომ რამე არ ჩაედინა ამ დროს, დავალებული მყავდა მეორე სალდათი-ხელოსანი, მისი ამხანაგი გუდონიკი, თვალყური ედევნებინა ჟურაფლიოენათვის და სახელოსნოდან არსად გაეშვა, — რამე ხიფათს არ გადაყროდა მთვრალი კაცი.

ერთ დღეს, შავი ორშაბათი იყო, სახელოსნოში მოსულმა ვერ დავინახე ჟურავლიოვი. ვიკითხე და მითხრეს რომ ეს არის ახლა აქ იყო. უცაბედად ფანჯარაში გავიხედე და რა დავინახე, — ჩემი ჟურავლიოვი დგას ქუჩის მეორე ნაპარას, ბანცალობს, ეტყობა ძალზე მთვრალია. გავაქციე სალდათები და შემოვავყვანიე სახელოსნოში; ვუთხარი ახლავე დაეწვინათ და ყური ეგდოთ არ გაპარულიყო.

— ვაშე ბლაგაროდიე, ზა ჩტო ვი მენია არესტოვივაეტე? სეგოდნა პრაშჩონი დენ... ვი მნე დოლენა პროსტიტ, ინაჩე ია ვამ ტოჟე ნე პროშჩუ პუსტიტე მენია, — ალაპარაკდა ჩემი ჟურავლიოვი. ყველას შეგვსკდა სიცილი. ის ისევ გაიძახოდა:

— ნიკომუ ნე პროშჩუ, ნიკომუ ი ვამ ნე პროშჩუ, ვაშე ბლაგაროდიე, ნე პროშჩუ — იყვირა, როცა საწოლ ოთახში ეუბრძანე შეეყენათ და კარი გამოეკეტნათ.

მეორე დღეს გამოფხიზლებული ჟურავლიოვი თავჩაღუნული, გამწარებულად მუშაობდა, მისალმებაზე აწია თავი და მომღიმარს რომ შემომხედა, დარტყვნილმა ისევ ჩაღუნა თავი და გაცხარებით მოუსვა ქლიბი საქლიბავს. საცოდავს ერცხვინებოდა თავისი უზნეო ჩვეულებას, მაგრამ იგი ისე ჰქონდა შეთვისებული, რომ ვერასგზით ვერ სძლევედა და ამ მშვენიერ მუშას პირდაპირ ანადგურებდა. სამი წელიწადი ვინახე იგი, სანამ სამსახურის ვადას გაათავებდა, და როცა სამსახურგათავებული სახლში მიდიოდა, თვალაცრემლებულა გამომეთხოვა, მადლობა მითხრა და გულმხურვალედ დამლოცა.

მეორე მჭედელი, რეშეტნიკოვი, კი დამედუჰა სრულიად მოულოდნელად. დევის მსგავსი მოყვანილობით, ხალისიანი, მშვენიერ მუშა-სალდათი, იგიც არაყის მონა იყო; ყოველთვის ვაფრთხილებდი, რეშეტნიკოვ, არ დაითვრე — უბედურებაში არ გაგზვიოს იშოხერმა არაყმა; რეშეტნიკოვიც, მაგარი ნებისყოფის ადამიანი, ითმენდა, ცოტ-ცოტას სვამდა, მაგრამ ერთ დღეს, საწყალი, გადასცდა და დაითრო ისე, რომ ერთი უბედურება ატეხა. მისცეს პასუ-

ხისგებაში. სასამართლომ არ აპატია მორიგი ოფიცრის გალანძლვა და მიუსაჯეს დისციპლინალურ ბატალიონში ორი წლით გაგზავნა. ეს საშინელი სასჯელი იყო.

— არაფერია... ავიტან... იქიდანაც ბრუნდებიან ადამიანები! — ამბობდა დაწუხებულა რეშეტნიკოვი.

ორი წლის შემდეგ, სასჯელმოხდილი, იგი დაბრუნდა, მოვიდა ჩემთან. თავდაპირველში ვერც კი ვიცანი ისე იყო სახითაც გამოცვლილი. შემეცოდა შემთხვევის მსხვერპლი და გულითად მუსაიფში გავებით.

— ოჰ, რა უბედურება გამოვიარე, რა უბედურება გამოვიარე, ვაშე ბლაგოროდიე! რა ვნახე, რა გამოვცადე! დაწყევლილმა არაყმა მიყო ყველაფერი! ფიცი დავდევი აღარ მივექარო! ჩემი მაგარი ჯანით ავიტანე ბატალიონის სასტიკობა, თორემ სხვებსავეთ მეც სულ დაეიღუპებოდი. ოჰ, რა გამოვცადე, რა გამოვცადე, ვაშე ბლაგოროდიე! — და ამას ამბობდა ისეთი კილოთი, რომ გული მიღულდა.

ცოტა ხნის შემდეგ სამსახურის ვადაც გაუთავდა საცოდავს და სრულად გამოცვლილი, ცხოვრების ხალისს დაკარგული, დაუბრუნდა თავის ოჯახს.

უღმბელი სასტიკობა მრავლად სპობდა ამ ცხოვრების სიხალისეს და ასახიჩრებდა ადამიანს.

ერთხელ ბანაკად ვიდექი ზაფხულზე ზღვის ნაპირას. საღამოს მეცადინეობით დაღლილი სალდათები, ნავახშმევს მიყრილი იყვნენ კარებში. მაგრამ ფელდფებელმა ჩამოიარა ახლად გაცემული ბრძანებით როტებში, მივიდა თავის მეორე როტაში და ბრძანება გამოუცხადა. ერთი კარავიდან შენიშვნა მოესმა. ასწია კარავის ფარდა და შეუწყრა შემნიშვნელს, — იგი მისი თანასოფლელი, მისი გულათადი მეგობარი — ამხანაგი იყო.

— უბირაისა კ ჩორტუ ს ტვომ პრიკაზომ! — და ჩვეულებსაშებრ დედა შეაგინა.

— დურაკ! — მიაძახა ფელდფებელმა და მოითხოვა ბრძანებას შესრულებას ახლავე შესდგომოდნენ, ჩამოუშვა ფარდა.

უეცრად მეორე კარავთან ოფიცერი დაუხვდა.

— შენ დედას გაგინებენ და ვითომ არაფერიაო, ხმასაც არ იღებ? რა ფელდფებელი ხარ აბა?! — შეუტია სახტად დარჩენილს მორიგე ოფიცერმა. — მე ყველაფერი გავაგონე! ახლავე მომიყვანე ის შენი შაგინებელი!

შედგა საქმე: ეფრეიტორმა, აღარ მახსოვს მისი გვარი, წინააღმდეგობა განაცხადა გაცემული ბრძანების ასრულებაზე და უშვერი სიტყვით გალანძღა მორიგე ფელდფებელი, სამსახურის ასრულებას დროსო...

ყოველი ღონე ვიხმარეთ რამდენიმე ოფიცერმა ეფრეიტორ-უბედურებას გადაგვეჩინა; ვამტკიცებდით, რომ აქ ამხანაგურ-ლაპარაკა იყო, რომ ასე ფორმალურად საქმე არ დაიყენებოდა. მაგრამ ვერავითარმე ხერხმა ვერ გასჭრა და ეფრეიტორი სასამართლოს ქვეშ მოყვა, რომელმაც მიუსაჯა დისციპლინალური ბატალიონი: ფელდფებელს კი ჩამოერთვა ფელდფებელობა. რადგან მაშინვე არ მიაღო გამლანძღელის წინააღმდეგ საქირო ზომა და ამით გამააშკარავა თავისი სისუსტე.

ამგვარი ფორმალისმის გამო, ამ უღმობელი სასტიკობის გამო. ბევრი არა თუ უბრალო, უნწვო ჯარისკაცი ჩივრებოდა, მახინჯდებოდა და იღუპებოდა—ოფიცრობაც მრავლად იყო ამათ რიცხვში.

ჩვენთან მსახურობდა ერთი იაკობიძე, ვანო. ზემოთ მყავს ის ნახსენები ერთ ადგილას. ღარიბი ოჯახის შვილი, დაბადებიდანვე გაჭირვებაში მყოფი, გაჭირვებით იმოდენი იწვალა, რომ სემინარიის ორიოდე კლასი გაიარა, შემდეგ უსაღსრობის გამო ჯარში შევიდა მოხალისედ „ეოლნოპრედელიაუშჩად“; დიდი წვალეზს შეჰდევ გამოცდა ჩააბარა საიუნკრო სასწავლებელში და მიღებული იქნა კიდევ. დიდი გაწვალებით, როგორც იქნა დასძლია სწავლა და დაასრულა სასწავლებელი პოდპრაპორშჩიკის ღირსებით.

პირველი მისი შეხვედრა ახალ უფროსთან არა თუ ვერ იყო ხალისიანი — იგი მისი გულის მომკვლელი იყო. ნაწილის უფროსს არ მოეწონა მის ნაწილში დანიშნული საოფიცრო კანდიდატი არც ლაპარაკით — ცუდად ლაპარაკობდა რუსულს, — არც შეხედულობით; იყო შავი, მოკაკული ცხვირით გამხდარ პირისახეზე, წვრილი თვალებით. — ძალიან გულუხვია ჩვენი მთავრობა, რომ არავისთვის არ იშურებს სამ გირვანქა პურსს (საღდათის ყოველდღიური ულუფა), — დაურიდებლად მიახალა პოლკოვნიკმა იაკობიძეს, როცა იგი მას წარუდგა. გამოეცხადა. თვით ეს პოლკოვნიკი ვერაფერი შერალი შესახედავი იყო, მაგრამ შეეძლო დაუსჯელად დაეჩაგრა ადამიანი და არ დაერიდა ამას; გაშრა იაკობიძე; ნაჩვევ ტანჯვასთან ეს შეურაცხყოფაც აიტანა, ხმა არ ამოიღო, პასუხი არ გასცა იყვი უფროსს, მაგრამ გულში კი ჩაიმარხა ეს ყოველად შეუწყნარებელი დაუმსახურებელი მოქცევა მისი პიროვნებისადმი. შეუდგა უხალისო სამსახურს უხალისოდ მყოფი, ცხოვრებისაგან გატანჯული. იგი

ახალ ადგილასაც გატანჯულად ცხოვრობდა თავის მცირე ჯამაჯიროთ, რომლითაც არჩენდა თავის მოხუცებულ დედასაც. გულჩათხრობალი, იგი ვერავის უახლოვდებოდა და ზედმეტი პუნქტუალისტი სამსახურის ასრულებაში, მეტად აბეზრებდა თავს სალდათებს. ოფიცრებთანაც ვერ ჰქონდა კარგი განწყობილება — სამსახურის გულმოდგინე აღმსრულებელი ხშირად უსიამოვნებას იწვევდა ამხანაგებში და სალაპარაკოდ ხდიდა უბრალო რამესაც. ამგვარი უსიამოვნო ლაპარაკი ხშირი იყო მისა და მისი გუნდის უფროსის შორის; ეს უკანასკნელი ძალზე ჭკუათხელი აღამიან აყო; სამსახურის არა ესმოდა რა, თავი კი დიდ მცოდნედ მოჰქონდა, დარიგებას დარიგებაზე ხარჯავდა მარჯვნივ და მარცხნავ, თან ყოველთვის ხელჭვევითთან მეტად სასტიკი და ყოველივე სხვისი შეცდომის შეუწყნარებელი გამსჯელი აყო. რასაკვირველია, იაკობიძე და მისი კაპიტანი პროტოსოვი ვერ მორიდდებოდნენ და მუდამ ჩხუბში იყვნენ. ოფიცრობაშიც იგი ისე ცხოვრობდა, როგორც წინათ — განმარტობულად, არავის არ ეკარებოდა; ყაზარმა, სამსახური და თავისი ბინა — ერთი პატარა ოთახი. თუ სალდათი სალამს არ მისცემდა (ხელს ქედის კოზიროკთან არ მიიღებდა), ერთ აღიაქოთს ასტეხავდა ხოლმე; ამ ნიჟარაგზე და იმის გამოც, რომ სალდათებს ესასტიკებოდა, მრავალი უსიამოვნობა ხდებოდა ამ აღამიანს. და ბოლოს საქმე იქამდე მივიდა, რომ ერთმა გუნდის უფროსმა დიდი საყვედური მიართვა იაკობიძეს. მოუვიდათ დიდი ლაპარაკი, რომელიც დასრულდა იმით, რომ გუნდის უფროსმა უთხრა საოფიცრო სასამართლოში განეაცხადებ შენს ყოველივე საქციელსო.

— შეგარცხვინე თუ ასე არ ქნაო! — მიაძახა იაკობიძემ. შედგა საქმე. იაკობიძე საოფიცრო სასამართლოს მისცეს. სასამართლომ საქმის გარჩევის შემდეგ გამოუტანა განაჩენად ჩაგონება (კანონით „ვნუშენიე“). აღელვებულმა იაკობიძემ ვერ შეიკავა თავი და მოსამართლეს მიაძახა:

— ესაა თქვენი სამართალი?! — და პირისახეში მიაფურთხა თავმჯდომარეს.

თავმჯდომარე სახტად დარჩა; წვერები იქით-აქეთ გაიფანტნენ.

შეატყობინეს ნაწილის უფროსს მომხდარი ამბავი. იაკობიძე დარკავეს, ჩამოართვეს იარაღი და დაატუსაღეს. შედგა ახალი საქმე: საოფიცრო სასამართლოს თავმჯდომარის მოქმედებით შეურაცხყოფა სასამართლოს წესის აღსრულების დროს.

საწყალ იაკობიძეს, თავის სიცოცხლეში გაუხარებელს; სასტიკი სასჯელი მოელოდა. გამომძიებელი იყო თავიდან ფეხებამდინ ფორ-

შალისტი მოხელე, მაგრამ რაღაც ბედად ამ გამოძიებაში გასაოცარა გრძნობიერება გამოიჩინა. მას ერთობ გაეხარდა, როცა მე ჩვენების ჩამორთმევის დროს განვაცხადე, რომ ააკობიძე არანორმალური პიროვნებაა, რომ ამაში ბრალი ედებათ იმ გარემოებათ, რომელშიაც მიმდინარეობდა მისი ცხოვრება; აუწერე მისი ნატანჯი ცხოვრება, არ გამომიტოვებია ის შეურაცხყოფა, რომელიც მას მიაყენა ნაწილში გამოცხადებისას ნაწილის უფროსმა, ვუამბე მისი გულჩათხრობილობა, ცხოვრებისაგან გამოწვეული ყველასთან უნდობლობა და ჩანერგილი აზრი, რომ ყველა ემტერება და დასცინის და ამგვარი ბევრი რამ, რაც ვიცოდი მისი ცხოვრების შესახებ. ვიმეორებ, ბედად გამომძიებელმა ამდაგვარი ჩვენებანი ხელზე დაიხვია და გამოძიება ისე წაიყვანა, რომ იაკობიძე ფსიქიატრიულ საავადმყოფოში მოაქციეს შესამოწმებლად და იქ დაკითხვის შემდეგ მხოლოდ სამსახურიდან დაითხოვეს, როგორც ავადმყოფი და მცირე პენსიაც დაენიშნა.

ასეთი სამწუხარო სურათები იშლებოდა ცხოვრებაში გამოსვლის პირველი დღეებიდან, მაგრამ ახალგაზრდული ენერჯია არ მალა-ტობდა და იმედოვნობას არ ვკარგავდი და ვმუშაობდი გატაცებით.

ერთობ ვამახარა იმ შემთხვევებში, რომ სამოსწავლო ჯგუფში („უჩებნაია კომანდა“) დამნიშნეს თოფ-იარაღის მასწავლებლად. ჯგუფში თავშეყრილნი იყვნენ წერა-კითხვის მცოდნე ახალგაზრდა ჯარისკაცები და ამათი მეცადინეობით კვირაში ორჯერ-სამჯერ საგრძნობი სარგებლობის მოტანა შეიძლებოდა მათ განსავეითარებლად. შეიძლებოდა მხოლოდ მშრალად შეგვესწავლებია ჯარისკაცებისათვის თოფის ნაწილების სახელები, თოფის დაშლა, აწყობა, მოვლა, მაგრამ ეს იქნებოდა მხოლოდ სინდისის დაწყნარება. სამსახურის აღსრულებაში საჭირო იყო მიდგომა სამუშაოსთან ისე, რომ სარგებლობა მოეტანა ამ შრომას. მეც ამ გზას დავადექი.

ბედად წინა ხანებში მე შევიძინე ახლად გამოსული თარგმანი ტეილორის „ანტროპოლოგია“. წიგნის თავში მოყვანილმა პირველყოფილი ცხოვრების აღწერამ, იარაღების—საოჯახო და სანადირო-საბრძოლველი იარაღის აღწერა მშვენიერ მასალას იძლეოდა შემედგინა ერთნაირი პროგრამა, გავეცნო ჯარისკაცებისათვის თუ როგორი იყო პირველყოფილი ადამიანის ცხოვრება, როგორ საზრდოობდა იგი, რას ხმარობდა თავისთავის შესანახად — ერთი სიტყვით, გავეცნო მათთვის პირველყოფილი კულტურა და მისი განვითარება შემდეგ. გეგმა შევადგინე რამდენიმე ხნის მუშაობის შემ-

დღე ისეთი, რომ იარაღის განვითარებას გადავაბი ადამიანის გან-
ვითარების ისტორია.

ამ გვეგმით შევუღეჭი მეცადინეობას. პირველი გაკვეთილიდანვე
ჩგუფში მოსწავლეებს აშკარად ეტყობოდათ, რომ მონაყოლით მე-
ტად დაინტერესდნენ და გაფაცაცებით ყურს მიგდებდნენ. მეც მე-
ტად შემახალისა ამან და ამ გაკვეთილებიანათვის საგანგებოდ ვემზა-
დებოდი, ვარჩევდი ყოველ სიტყვას, რომ რაც შეიძლებოდა მარტი-
ვად და მსმენელთა გასაგები ენით გადამეცა მისაწვდენი ცნობები.

მეშინოდა არ აეკრძალათ ჩემთვის ამგვარი გაკვეთილების მი-
ცემა, მაგრამ ბედად ჩგუფის გამგე ოფიცერი დაეაჭერე ამგვარი
ცნობების სარგებლობაში და მას არათფერი წინააღმდეგობა არ გაუ-
წევია ჩემთვის.

ისმენდნენ ლექციებს დიდი ყურადღებით, მეც ვატყობდი, რომ
დიდად დაინტერესდნენ და მოკლე ხანში ჩვენ შორის გაიბა ერთ-
გვარა ურთიერთობა, ჯარისკაცები ხალისით მხვდებოდნენ, დაახ-
ლოებულად შესაუბრებოდნენ. ამან გამააცოცხლა და დიდი ხა-
ლისით მივდიოდი ხოლმე ჩემს გაკვეთილებზე.

ყმაწვილს მახალისებდა, რომ ინტერესი აღეუძარი ჩემს მსმენე-
ლებს და მახაროდა, რომ სარგებლობა მომქონდა. ასეთი მდგომა-
რეობა ენერგიას მმატებდა და გამზადებული ვიყავი შემრომნა და
მემაცადინა დაუსვენებლად.

ამგვარი განწყობილება ხანდახან სადავიდარაბო საქმესაც გა-
მიჩენდა ხოლმე.

ნაწილის უფროსად გვეყავდა ახალგაზრდა პოლკოვნიკი, გარუ-
სებული სერბიელი, გუსართა პოლკში ნამსახური ოფიცერი — კაცი
თავისებური, მეტად ახირებული პიროვნება. მისი ძმა იაპონიაში
ელჩად იყო, ცოლად ეორონცოვ-დაშკოვის გაზრდილი ქალი ჰყავ-
და. ამის წყალობით ბევრი რამ მისი ახირება შერჩენია ხოლმე. მაგ-
რამ ერთ დღეს რომ ეანდარმი გააროზგენინა თავის ჯარისკაცებს —
ეს აღარ აპატიეს და პოლკიდან გამორაცხეს; ამას ზედ დაერთო
ისიც, რომ მან გუსარის მენტიკი (ერთგვარი სამკაული, ბოხჩასავით
კისერზე ჩამოსაკიდებელი), როცა გუსარების ფორმა გააუქმა აღექ-
სანდრე მესამემ, მან ზემით დაასაფლავა და გამოეთხოვა. იგი გა-
მორიცხეს გვარდიიდან და გადაიყვანეს ქვევითა პოლკში. შემდეგ
რამდენიმე წლისა ცალკე ნაწილი მისცეს ჩვენი და ჩვენთან განა-
გრძობდა თავის ახირებულ მოქმედებას.

ერთ დღეს მიმიხმო და გამომიციხადა:

— აბა, ძვირფასო პორუჩიკო, ერთი პატარა ზარბაზანი უნდა მიშოვოთ. თქვენ აქ გყავთ ნაცნობები მუსულმან ქართველებში, იმათ აქვთ მორჩილი ზარბაზანი, აი რამაზანის დროს რომ ისერიან ხოლმე — მოელაპარაკეთ, ეგება დამითმონ და საკმაო ფულს მივცემ. ზარბაზანი მინდა იმსათვის, რომ საღამოს ზორი ზეიმით იყოს ხოლმე.

მე ვუთხარი, რომ ზარბაზანს არ გაყიდიან-თქო, რადგან მაგიერს ვერ შეიძენენ და ის კი ძლიერ სჭირიათ რამაზანის (მარხულობის) დროს ნაშნის მისაცემად, საღამოობით საქმლას ჭამის დროის აღსანიშნავად.

— აბა არტილერიის უფროსთან გამიგეთ, შეიძლება იმათ ჰქონდეთ მორჩილი ზარბაზანი.

არტილერიის უფროსმა ბევრი იცინა, როცა მივედი მასთან და გადავეცი შევიჩის (ჩვენი პოლკოვნიკის გვარი იყო) დანაბარები.

-- ჯერ ეს, რომ მორჩილი ზარბაზანი მე არ მაქვს და კიდევ რომ ჰქონდეს, სათამაშოდ როგორ მივცემ იმ თქვენს ახირებულ უფროსს. ზარბაზანს! -- მითხრა მან.

— მაშ მილის ნაპერი უნდა ვიშოვოთ და უნდა გავაკეთოთ პატარა ზარბაზანი როტშილდის ქარხანაში უსათუოდ იშოვება ასეთი ნაპერი და მიშოვეთ უსათუოდ. ზარბაზანი უნდა გავაკეთოთ.. თქვენ უნდა მომიწყუთ ხელი — სხვა ვერაფერს მომიხერხებს ამას, უსათუოდ ზარბაზანი უნდა გავაკეთოთ და საღამოობით ვბრიგოთ ხოლმე და შემდეგ საღამოს „ზორი“ მოჰყვება მუსიკით უსათუოდ უნდა გამიკეთოთ ჩვენს სახელოსნოში თუ ოსტატმა ვერ გამიკეთა — სამსახურიდან დავითხოვ, იცოდეთ, ასე გამოუცხადეთ — არ მეშვებოდა შევიჩი.

მოხუცი „მასტერი“ ძლიერ შეწუხდა და შემეხვეწა დაეხმარებოდი და რამე გზით გასაჭირიდან გამომეყვანა.

— მილის ნაპერს კი ვიშოვი, მაგრამ რარიგად მოეაწყოს სასროლად — ეს აღარ ვიცი.. მიშველეთ — მეზვეწებოდა შეშინებულნი.

რომ თავიდან ამეცილებინა ასეთი ახირების შესრულება, პოლკოვნიკს ვუთხარი, რომ მილის ნაპერის გარდა საჭიროა სპილენძი, მისი გადადნობა, რომ შემდეგ მისი უკანა ნაწილი მოექაზრაკოს მილს, რომ გადასადნობად ტიგელებია საჭირო, რაც ბათუმში არ იშოვება -- ერთი სიტყვით გავუძნელე საქმე, მაგრამ იგი თავისას არ იშლიდა; მოგვყარა სპილენძი — საბერველ დასაფრები გადაარჩია და უვარგისნი დაამტკრევეინა, გამოიწერა ორი ტიგელი პეტერბურგიდან და მომიყარა ყველა ეს სახელოსნოში. — ა, რაც მითხა-

რით ყველაფერი გაქვთ ახლა და აწი თქვენ იცითი უსათუოდ უნდა გამიკეთოთ ზარბაზნისი უსათუოდ!

რალა გზა იყო მეტა — ავიღე არტილერიის სახელმძღვანელო და დიდი წვალეების შემდეგ შევადგინეთ ზარბაზნის გეგმა. მოკლე ხანში სასურველი ზარბაზანი მზად იყო. ტყვიის მაგივრად პრობკით იტენებოდა; დავამზადეთ ვაზნები, დავამაგრეთ პატარა ხის ნამორ-ზე და ერთ საღამოს გამოვიტანეთ ეზოში და გავსინჯეთ ჩვენი ზარ-ბაზანი. იგრიალა ჩვენმა ნახელოვნებმა, იგრიალა ისეთნაირი სიმ-ძლავრით, რომ ჭერ შეგვეშინდა ყველას და შემდეგ შეუკავებელს სიცილი აგვიტყდა.

ქუჩაში და ახლო-მახლო მცხოვრებთ ეგონათ, რომ სახელოს-ნოში აფეთქება მოხდაო; მორბოდნენ შეშინებულნი; სახელოსნოს წინ მოხუცი გენერალი ცხოვრობდა — კაცი გამოგზავნა გასაგებად უბედურება ხომ არ მომხდარა რამეო. როცა შეგროვილმა ხალხმა გაიგო რაშიც იყო საქმე და ნახა ჩვენი ზარბაზანი, დაიწყეს სიცილი. ხრიალში წამოგვადგა თავზე პოლკოვნიკი.

— რატომ უჩემოდ გაისროლეთ პირველად! — მითხრა მან, — მაგრამ არაფერის.. აბა ერთი კიდეც ვბრიგოთი ერთი კიდეც იგრიალა ხელახლა ზარბაზანმა.

— ერთი კიდეც! — წამოიძახა გახარებულმა შევიჩმა და როცა ასრულდა მისი სურვილი, მეცა და ჭერ მე გადამეხვია და შემომ-ძახა:

— ძვირფასო პორუჩიკო! ყოჩაღ, ყოჩაღ!
მერე მოეხვია „მასტერს“:

— ახლა კი შევრიგდეთ მე და თქვენი — მიიძახა მას. — აბა ერთხელ კიდეც გავისროლოთ და შევინახოთ ჩვენი ზარბაზანი!

იგრიალა მესამედ ზარბაზანმა. შევიჩის სიხარულს საზღვარი არ ჰქონდა. მოგროვდა აუარებელი ხალხი, ერთი ხითხითი-სიცილია; ყველას სწადია თვალი შეაელოს უცნაურ მანქანას.

— დღეისთვის კმარა! კმარა! — შესძახა შევიჩმა ხალხს. — მალე ზეიმი იქნება (პარადი), მობრძანდით მაშინ!

მახლობელ დღეებში ხელმწიფის დღეობა იყო. ნაწილის ადიუ-ტანტისაგან წერილი მივიღე, რომ სამართველოში გამეგზავნა ზარ-ბაზანი და თერთმეტი ვაზნა. როცა მოედანზე საზოგადო ზეიმი (პარადი) დასრულდა, შევიჩმა მისი ნაწილის ერთი გუნდი წაიყვანა და დააყენა სამართველოს წინ. უბრძანა ადიუტანტს გამოეტანა ზარბაზანი, გუნდს თოფები საღმის მისაცემად დააკავებინა და შეი-

ქმნა სროლა. თერთმეტჯერ გასროლის შემდეგ აუარებელი ხალხი. შეგროვდა; შევიჩი სამართელოს კიბეზე იღვა და სიამოვნებდა.

გაეარდა უკანასკნელი ვაზნა.

— შემდეგამდი — შესძახა პოლკოვნიკმა ხალხს. — დღეს კმარა, მიბრძანდით!

ამგვარად ერთობოდა და სხვასაც ართობდა ეს ახირებული პოლკოვნიკი და თავის ახირებაში ზომას ზედმეტად რომ გადადიოდა, ამას ყურადღებას არაეინ არ აქცევდა.

ალექსანდრე მესამე ჩამოდიოდა საქართველოში. ბათუმში უნდა დასწრებოდა სობორის ბალავრის კურთხევას. ამისათვის საგანგებო ზეიმი იყო დანიშნული. ჩემი ნაწილიდან ერთი გუნდი იღებდა მონაწილეობას ამ ზეიმში. რომ განსხვავებული იერი მიეცა ჯარისკაცებისათვის, შევიჩმა გუნდებისათვის შეაკერვინა განსხვავებული ქუდები და გასაოცარი განიერი შარვლები; გამოიწერა პეტერბურგიდან ულვაშები; ეს ულვაშები მანქანით მაგრდებოდა ცხვირში; საჭირო იყო შეჩვევა მის სატარებლად, რადგან მანქანა ულიტინებდა ცხვირის ნესტოებს და სანამ არ შეეჩვეოდა კაცი, დიდხანს ვერ იგუებდა მას. ამიტომ ამ ულვაშებს უკეთებდნენ ჯარისკაცებს და აჩვევდნენ ტარებას. მთელი დღეები გადიოდა იმაში, რომ ჯარისკაცს ცხვირში დაუმარებდნენ ამ ულვაშს და იგი თითო საათობით დადიოდა ამ გაკეთებულ ულვაშით. ზეიმის დღეს ასეთ გამოწყობილ გუნდს საოცარი შეხედულობა ჰქონდა და ყველა გარეშეს აკვირვებდა. მეფემაც მიაქცია ყურადღება და ღიმილით თქვა:

— რა ყოჩაღებს მოუყრიათ თავი ამ ნაწილში!

კარგი რომ ხელი არ შეუხია რომელიმე ულვაშინისათვის, თორემ მთელი ეს ბუტაფორია თავზე დაატყდებოდა მის მომწყობს.

ამას არ დაჯერდა ახირებული პოლკოვნიკი და დაიჭინა რომ, როცა მეფე ალექსანდროვის ბალიდან, სადაც მას უნდა დაერგო ნაძვის ხეები, გამოვიდოდა და იქვე მყოფ ჩვენს საზაფხულო ბანაკში შემოაღვამდა ფეხს — უნდა შეხედროდნენ იმ სათამაშო ზარბაზნის სროლით. ეს, რასაკვირველია, მასხრობას დაემსგავსებოდა და ერთი უბედურება მოხდებოდა. ურჩიეს შევიჩის ასეთი განკარგულება მოეხსნა, მაგრამ იგი თავისაზე იღვა. უბედურების ასარიდებლად აცნობეს ვისთვისაც საჭირო იყო, რომ მეფე ჩვენი ბანაკისაკენ არ გაეტარებინათ, თორემ სკანდალი მოხდებოდა. ცნობა მიღებული იქნა და მეფე სხვა გზით გაიყვანეს ბალიდან. შევიჩი დარჩა ცარიელზე დიდად გულდაწყვეტილი, რომ არ ეღიროსა მისებური ზეიმით მიეღო მეფე.

ამ ორ წელიწად-ნახევრის განმავლობაში იგი რომ ჩვენს ნაწილს უფროსობდა, სულ ამგვარ ახირებულ ამბებში იყო; შემდეგ როცა ისევ პეტერბურგში გადაიყვანეს, იქაც განაგრძობდა ამგვარად მოქმედებას — არ იშლიდა, რადგან მფარველად ჰყავდა იმ დროს მძლეოთა-მძლე გრაფი ეორონცოვ-დაშკოვი, რომლის გაზრდილი ცოლად ჰყავდა მას.

შევიჩის შემდეგ მოგვივიდა ნაწილის უფროსად გვარდიის პავლოვსკის რაზმიდან ახალგაზრდა პოლკოვნიკი, მეფის ამაღლაში ჩარიცხული. ეს სულ იმას ფიქრობდა რა მოემოქმედა ისეთი, რომ ყურადღება მიექციათ მისთვის და მალე ცალკე უდიდესი ნაწილი მიეღო.

— რამე ისეთი უნდა მოვაწყოთ, რომ გავაკვიროთ ჩვენი უფროსები — მითხრა მან ერთხელ. — თქვენ მირჩიეთ!

— სალდათების კლუბი მოაწყვეთ! — ვუთხარი.

— კლუბი? — გაკვირვებით თქვა. — კლუბი კლუბი კი არა და საჩაიე კი... საჩაიე კარგი იქნება! — ცოტა ჩაფიქრების შემდეგ თქვა მან.

— საჩაიე იყოს! შიგ იქნება ყველაფერი, რაც ჯარისკაცს სჭირია იაფ ფასებში, იქნება კაპიციანი ჩაი-შაქარი, ცხელი წყალი უფასოდ, სათამაშო შაშკები და ამგვარები. ხანდახან გუნდი იმღერებს, ვინმე წაიკითხავს, შესდგება კონცერტის მავგარი რამ... ეს ძალიან კარგი იქნება და ჯარისკაცებზედაც კარგად იმოქმედებს, კარგ გავლენას მოახდენს. მოახდინეთ განკარგულება და ასეთი კარგი რამ სულ მოკლე ხანში მოეწყობა! — ვუთხარი.

— თქვენ უნდა მიიღოთ ეს თქვენს თავზე!.. თქვენ უნდა მოგანდოთ ამის სისრულეში მოყვანა! — მითხრა პოლკოვნიკმა.

— დიდი სიამოვნებით! — მივუგე.

მე თვალწინ მესატებოდა ისეთი რამე მოწყობილიყო, რომ ჯარისკაცი კაზარმულ ცხოვრებას ცოტაოდნად მაინც დაშორებულიყო. შევეუდექი მუშაობას და მოკლე ხანში მოვაგვარე საქმე. მოვაწყვე სავაჭრო, რომელშიც იშოვებოდა ბაზართან შედარებით დაკლებულ ფაბრიკებში ყოველგვარი მასალა, კაპიციანი ჩაი-შაქარი, სხვადასხვა სათამაშოები და გასართობება. ჯარისკაცების აღტაცებას საზღვარი არ ჰქონდა, საჩაიე მუდამ სავსე იყო ხალხით; ჯარისკაცი აქ სულ სხვანაირად გრძნობდა თავს, სულ სხვა იერი ეძლეოდა. მეც შიტაცებდა ამას რომ ვხედავდი და ვცდილობდი რაც შემეძლო საჩაიე კლუბს დამემსგავსებინა. ახლა მე მქონდა ჩემი სახელოსნო, სამოსწავლო გუნდი და ეს პატარა კლუბი, სადაც ჯარისკაცს სხვანაირად ვხედებოდი, სხვანაირად ვუდგებოდი და შიტაცებდა ის,

რომ ჭარისკაცებს ჩემთან სულ სხვანაირად ეჭირათ თავი, არ გამა-
რბოდნენ და ხალისიანად მესაუბრებოდნენ ხოლმე. ამხანაგ ოფიც-
რებშიც ვიშოვე ორიოდე თანამგრძნობი, რომელთაც სწადლათ ცო-
ტაოდნად მაინც გაეცოცხლებინათ იმდროინდელი კაზარმული მძიმე
ცხოვრება.

ამ მუშაობაში ვიყავი ვართული, რომ ჩემდა გასაოცებლად გა-
დამეკიდა ერთი ახლად გადმოყვანილი ოფიცერი და ჩემზე გულ-
მოსულმა პატაკი შეიტანა, რომ მე პოლიტიკურად არასაიმედო პირი
ვარ და რუსსა მოძულე. საქმე გამოძიებაში ჩაეარდა. ნაწილის უფ-
როსი საოცრად აღელდა. მას ის აწუხებდა, რომ თუ დამიმტკიცდე-
ბოდა ბრალდება — მას შენიშენას მისცემდნენ, თუ როგორ ვერ
შენიშნა თავის ხელქვეითს ამგვარი რამ და საწინააღმდეგო ზომა არ
მიიღო; ამით მისი წინსვლა დაბრკოლდებოდა. პატაკის მიმცემი ერ-
თი ნერვებაშლილი თავმადგარი პიროვნება იყო. იგი ხელში ჩაიგდო
მასთან ერთად ჩვენს ნაწილში რუსეთიდან გადმოყვანილმა ახალ-
გაზრდა ოფიცერმა, რომლის ადგილი უფრო მონასტერი იყო, ვიდრე
სამხედრო ნაწილი. ეს იყო ცნობილი იოანე კრონშტადელის მო-
წაფე, პობედონოსცევის მათაყვანებელი, გულმხურვალე მლოცვე-
ლი; სახითაც უცნაურად ჰგავდა პობედონოსცევს. იყო გამსჭვალული
რუსის ბატონობის იდეით და სძულდა ყოველი არარუსი. აი მან
განაზრანა ნერვებაშლილი ოფიცერი შეეტანა ჩემზე პატაკი; დაარ-
წმუნა, რომ მე ცუდი გავლენა მაქვს ჭარისკაცებზე, რომ ფიცს ვლა-
ლატობ, რომ საჭიროა ჩემი გაძევება სამსახურიდან. გამოსაძიებ-
ლად გამოგზავნეს პოლკის უფროსი პოლკოვნიკი კრივოშინი.
მთლად ამხანაგობამ ჩემდა სასარგებლოდ მისცა ჩვენება. ჩვენმა
პოლკოვნიკმა მიმინმო და შემეხვეწა არ გადამეტანა საქმე სასა-
მართლოში ცრუ დაბრალებისათვის.

— თქვენ ყველამ გაგამართლათ.. მშვენივრად დაგახასიათათ
ყველა თანამოსამსახურებმა. თქვენ გამართლებული იქნებით, რა
თქმა უნდა, — ჩემთვის კი კარგი არ იქნება რომ უჩივლოთ და მოი-
თხოვოთ ხეოსტოვის (პატაკის შემტანი) დასჯა. გთხოვთ დაანებოთ
თავი. ნუღარ გამოეკიდებით!.. შეიქნება ერთი მიწერ-მოწერა... ყვე-
ლაზე მეტად მე მევენება!

კარაიერისტი პოლკოვნიკი ისეთი საცოდავი იყო ამ დროს, რომ
მე შემეცოდა და სიტყვა მივეცი, რომ ჩემს დამბეზღებელს არ ვუ-
ჩივლებ-თქო.

მესამე წელაწადზე ამ კარაიერისტს აუსრულდა მისი სურვილი —
მას მისცეს მთავარი გუნდა და ჩვენ დაგვინიშნეს საიუნკრო სასწავ-

ლებლიდან პოლკოვნიკი ვინმე ტროიცი, კაცი უფრო პედაგოგი-
ვიდრე სამხედრო პიროვნება. იგი თითქმის ყურადღებას არ აქცევ-
და ჯარისკაცს, ახლოს იდგა ოფიცრობასთან, მაგრამ ოფიცრობა
გაურბოდა, რადგან ხედავდა, რომ იგი ეშმაკი ადამიანი იყო და
ყველასთან თაღლითობდა. მას უფრო აინტერესებდა სამხედრო
კლუბი, წარმოდგენები კლუბში რომ იმართებოდა ოფიცრების შიერ
და ლექციები. წარმოდგენების ხელმძღვანელობა მე მქონდა მონ-
დობილი და მოკლე ხანში რიგიანი დასიც შევადგინე ოფიცერთა და
მათ ცოლებს შორის. ოფიცერთა კლუბიდან წარმოდგენების მარ-
თვა რამდენიმე ოფიცერმა გადაეიტანეთ კაზარმაშიც. პოლკოვნიკი
ხალისიანად შეხვდა ჩვენს განზრახვას და ხელი მოგვიწყო ამაში.
ვიწყეთ დროგამოშვებით კაზარმაში ჯარისკაცთაგან შემდგარ და-
სის მიერ წარმოდგენების მართვა. საჩაიეს ახლა ეს გასართობიკ
მიემატა. ჯარისკაცები ძლიერ შეხალისდნენ ამ წარმოდგენებით და
ერთი წარმოდგენა რომ დათავდებოდა, იხვეწებოდნენ მალე შემ-
დეგი გაგვემართა. ჩვენც, რაც გაგვეწყობოდა, ეუსრულებდით ნატ-
ვრას რაკი ვხედავდით, რომ ამას კაზარმაში გამოცოცხლება შე-
ქონდა.

პოლკოვნიკმა იცოდა თუ რა შრომა მხვდებოდა მე, მაგრამ თუ
მამატებდა საშრომს, თორემ არ მაკლებდა. ახლა ლექციას წაქათხვა
დამაკისრა ოფიცერთა საკრებულოში. ენერგია მქონდა და ხალი-
სი — წინადადება სიამოვნებით მივიღე. იმ ხანებში იბეჭდებოდა
ბლიოხის წერილები „მომავალი ომი“. ეს „მომავალი ომი“ ავიღე
რეფერატის საგნად; მოვუყარე ყველა წერილს თავი და მუყათით
მუშაობის შემდეგ შევადგინე მოხსენება. მოხსენებაში იყო მოყვა-
ნილი სამხედრო ტექნიკის განვითარების ამბავი, რას მოითხოვდა
ეს ტექნიკა, ე. ი. რარიგად უნდა გაზრდილიყო ჯარების შემადგენ-
ლობა, ამის გადასაყვანი, საკვები ხარჯები, მილიონიანი ჯარების შე-
ნახვა, მოვლა; შეტაკების დროს მსხვერპლთა გადიდება და ამგვ-
არები. რა გავლენას იქონიებდა მომავალი ომი მოჩხუბარ მხარეების
ეკონომიურ მდგომარეობაზე. სურათი გამოვიდა მეტად მძიმე, შავ-
ბნელი. შევეშხადე რაც გამეწყობოდა რიგიანად შემესრულებინა
ჩემი მოხსენება. მოხსენებამ დიდი შთაბეჭდილება მოახდინა მრავ-
ლად შეგროვილ ოფიცრობაზე. როცა მოხსენება დავათავე, პოლ-
კოვნიკი მოვიდა ჩემთან და ღიმილით მითხრა:

— მაგგვარ სურათებს ნულა მოუყვებით ოფიცრობას. გამხნე-
ვების მაგიერად ისინი შიშს მიეცემიან! ეს გაზვიადებული ნახატია!
მძიმე შთაბეჭდილების გასაქარწყლებლად ტროიციმ მოიწვი-

ერთი საპიორის კაპიტანი და მას გააკეთებინა მოხსენება სათაურით — „ნე ტაჲ სტრაშენ ჩორტ კაჲ ეგო მალიუიუტ“. მომხსენებელი ტყუილ ოცნებად სახავდა სამხედრო ტექნიკის განვითარებას და უსაფუძვლოდ თვლიდა მასზე აშენებულ მომავალი ომის საშიშროებას. სინამდვილემ მალე დაანახვა ყველას, სად იყო სიშართლე!

ამ ხანებში მოხდა ის ახალი განკარგულება, რომლის ძალით ქართველი ჯარისკაცები უნდა აერიათ რუსებში. წინათ სამსახურში გაყვანილი ქართველები მსახურობდნენ ქართულ რაზმებში. ასეთი წესი მოიშალა და ყველა სამსახურში გაყვანილნი ერთმანეთში აურიეს — ეროვნებას აღარ უყურებდნენ.

ჩვენს ნაწილში ამ ახალი წესის გამო მოვიდა ერთი პარტია ოზურგეთის მაზრიდან. ჯარისკაცებად გამოწვეული ახალგაზრდები ერთი-მეორეს სჯობნიდნენ შესედულობით. რუსულის მცოდნენი მათ შორის ნაკლებად ერივნენ. დაანაწილეს გუნდებში და ჩააბარეს სასწავლად ეგრეთ წოდებულ „ღიაღკებს“. პირველ ხანებში თითქოს ყველაფერი კარგად იყო; ორი თვის შემდეგ კი არასასიამოვნო ამბავი მოხდა. ერთ დილას თითქმის ყველამ მიატოვა ნაწილი და გაიპარნენ. შეიქნა ერთი გამოძიება, გამოკითხვა, რატომ მოხდა ასეთი რამ, მიწერ-მოწერა. ერთი კვირის შემდეგ ყველანი უკლებლივ დაბრუნდნენ, დაინიშნა გამოძიება იმის გამოსარკვევად, თუ რამ აიძულა ისინი ასეთ მოქმედებაზე და ასე თავშეყრილად. გამოძიება მომანდევს მე.

მოვუყარე ყველას თავი და სათითაოდ დაეკითხე გაქცევის მიზეზი. ყველა იმას ჩიოდა, რომ ენის უცოდინარობის გამო მეტისმეტად უმძიმდათ სწავლა-მეცადინობა და უკიდურესად წვალობდნენ.

— ბატონო! — მითხრა გამწარებით ერთმა მათგანმა, გვარად მუხაშარიამ. — ბატონო, რუსული არ ვიცი, არ მესმის არაფერი. დამიდგება წინ ჩემი ღიაღკა საველიევი, რაღაცას მეუბნება, რაღაცას, ალბათ, მასწავლის, მე კი არაფერი მესმის, ვდგევარ გაშტერებული, გაყერყერებული, ჩემს გულს ვასკდები, ისიც იღლება და გაჯავრებული მიყვირის და მიძახის: ღურაკი ღურაკი ღურაკი რატომ ვარ? რუსული რომ არ ვიცი, იმიტომ? აბა ქართულად დამელაპარაკოს, მაშინ გავიგებთ, ვინაა უფრო ღურაკი, მე თუ ის! ველარ გავუძელ ამდენ გინებას. ქართულად მელაპარაკოს და ჩემს ღურაკობას მაშინ გავიგებს! გაიტყვევი კი არა, ვინ იცის, რას იფიქრებ კაცი!

ეს ისეთი გამწარებით წარმოთქვა ამ ბიჭმა, ისეთი გაცხარებით, რომ თან შემეცოდა, თან უნებურად მეცინებოდა და სიცილით ვუთხარი:

მ. დ. კლდიაშვილი.

— ახლა დაწყნარდა, მუხაშარია! სხეულივეი აწი ველარ გაგიბედ-
დავს ღურაყის დაძანებას. იმას კარგად გაჯორავენ, გარწმუნებ!

— დათვია, ბატონო, დათვია! კიდევ კაი, რომ დედა არ შემოუგი-
ნებია, თორემ იქვე გაეთათებდი, ჩემს თავს გაეწირავდი. გვიშველეთ
რამე, ბატონო! ნუ დაგვლუპავთ! — წამოიძახა მუხაშარიამ.

— კი, კი! ნუ გეშინია!.. შენ ფირცხალაიშვალო, შენ რა გაგა-
ჭირდა? — შევეკითხე მეორეს.

— ბატონო, რუსული არ მესმის; ჩამაყენებენ მწკრივში, რალა-
ცას მიბრძანებენ, ვერ ვასრულებ და მაგინებენ. დიადკამ თოფით
დამაყენა, მოვიდა გუნდის უფროსი, დამიწყო ლაპარაკი, რალაცას
მიწყრებოდა ვატყობდი; ვიდრეკი გაყერყეჩებული, მერე მოვინდომე
მენიშნა, რომ არაფერი მესმის მასი ნათქვამიდან და მარცხენა ხელ-
ში რომ თოფი მეკავა, ჩაშვებულა მარჯვენა ხელი გაუქნიე — მიწ-
დოდა მენაშნა, რომ არაფერი მესმის-თქვა. გაჯავრდა, ამოყვირდა,
რატომ ინბრევიო და ხმას კი არ იღებო და ნაკაზანიაში ჩამაგლო. ეს
პირველად არ ყოფილა!.. რა ვქნა აღარ ვიცო... მინდა მალე ვისწაე-
ლო რუსული, მარა რომ ვერ ვერევი!.. ნამეტანი გამიჭირდა და გაქ-
ცევა დავაპირე! სანამ რუსულს ვისწავლიდე, სულს ამომახდენენ
და გამათავებენ! — შეწუხებით მითხრა ფირცხალაიშვილმა.

— ნუ გეშინია, პარმენა! აწი, იმედია, ისე აღარ შეწუხდებით...
მაგრამ თქვენც მეცადინი იყავით... თავი არ შეიარცხვინოთ, სხვებს
არ ჩამორჩეთ! ნუ შეშინდებით! — ვამხნევებდი უსომოდ შეწუხე-
ბულ ახალგაზრდებს.

გაქცეულებს მოენდომებინათ მთავრობასთან მიხვლა თხოვნით,
რომ ქართულ ნაწილში გადაეყვანათ ისინი, მაგრამ მშობლებს გა-
დაეთქმევიანებინათ ეს განხრახვა და ერჩიათ ისე დაბრუნებულიყ-
ვნენ და ყოველივე გაჭირვება მოეთმინათ, რაც იმ ოთხ წელიწადს
სამსახურში შეხვდებოდათ.

დაწვრილებით სიტყვითაც მოვეუყევი პოლკოვნიკს, რაც მოვის-
მინე და წერილობითაც წარვუდგინე. ბედად პოლკოვნიკი შევაჯერე
და არც ერთი გაქცეულთაგანი, უკან დაბრუნებული, არ დაუსჯია
და გუნდის უფროსებს უბრძანა სხვანაირად მოპყრობოდნენ მათ და
ყოველი ზომა მიეღოთ მათთვის სამსახურის სიმძიმე შეემსუბუქე-
ბინათ.

შემდეგ წელში მოგვივიდა ახალგაზრდობის პარტია სამურზაყა-
ნოდან და ართვინის ოლქიდან. სამურზაყანოელები ნამდვილი უბე-
ღურები იყვნენ. მათ არც ქართული ესმოდათ, არც რუსული,
მეგრელები ჩვენ არ გვყავდა და საოცარ გაჭირვებაში ვიყავით უფ-

როსებიც და ხელქვეითებიც. პირდაპირ საწვალელები რამ იყო ჩვენთვისაც და იმათთვისაც. საფიქრებელი იყო, რომ ამ წვალეებიდან გადასარჩენად თუ ყველანი არა, მეტი ნაწილი არჩევდა გაქცევას და ამიტომ ყოველგვარ ზომას ვლებულობდით მდგომარეობა შემსუბუქებულისყო და გაქცევის აზრი მომსპარეყო მათ შორის.

მახსოვს, ერთი ამთავანი, გვარად ქორთუა, საოცარა მოხდენილი შეხედულობის ბიჭი, საოცარი მეცადინი, მაგრამ დიდ გაჭირვებაში იყო — არაფერი არ ესმოდა, რასაც ველაპარაკებოდით.

— მე, გლახა, გლახა — გულდაწყვეტით მითხრა მან ერთხელ, როცა ორივე დავიღალეთ მეცადინეობის გაუგებრობით.

— არა, არა, შენ კარგი... ჭგირი კოჩი, ჭგირი — ხალისიანად ვუთხარი.

— არა, გლახა — და მან მანიშნა ხელის ქნევით, რომ წუხდა თავის გაუგებრობას.

ამგვარ წვალეებაში გაიარა წელიწადმა. წლის ბოლოს რამდენიმედ ქართულიც შეისწავლეს და ცოტაოდნად რუსულიც. მათ გასამხნევებლად და შესახალისებლად რისკუნდაც წავედით — ვთხოვეთ ნაწილის უფროსს ესენი შევებულებაში გაეშვათ. საშიშარი იყო, რომ თუ ყველა არა, რამდენიმე არ დაბრუნდებოდა და სახლში დარჩებოდა. ჩამოვართვით პატიოსანი სიტყვა, რომ უკლებლივ ყველა დაბრუნდებოდნენ დანიშნულ დღეს და გამოცხადდებოდნენ სამსახურში. გახარებულებმა პატიოსანი სიტყვა მოგვეცეს, ოღონდ კი ჩვენი სახლ-კარი დაგვანახვეთო რამდენიმე დღით და სამსახურს შევაკვდებითო. წავიდნენ ყველანი, დაყვეს ორი კვირა თავიანთ სახლებში და დანიშნულ ვადაზე ორი დღის გადაცილებით ჩამოვიდნენ ყველანი. იმ ორმა დღემ გვაფიქრებინა, რომ წასულებმა თავიანთი სიტყვა დაივიწყეს და გადაიფიქრეს დაბრუნება, — შეეწუხდით, მაგრამ როცა ორი დღის შემდეგ ყველანი დავინახეთ, ძლიერ გაგვეხარდა. დაგვიანების მიზეზი ის ყოფილიყო, რომ ოქუშში გემს გამოესწრო მათთვის და რომ მოცემული სიტყვა აესრულებინათ, ოქუშიდან ფეხით წამოსულიყვნენ ყულევაძის (ჩედუტკალე) და აქ ემოვით ფილუგა და მით მოვიდნენ ბათუმში.

ხელის შეწყობამ ისე გაატარებია მათ სამსახური, რომ არც ერთი არ გაქცეულა და ოთხი წლის შემდეგ, ისე გამოაცვალნენ, რომ კაცი ვეღარ იცნობდა, ვისაც პირველ მოსვლაზე ენახა.

— ჩვენი დედ-მამა ტირიოდნენ, როცა აქეთ მოვდიოდით, მაგრამ ახლა მეტისმეტად. უხარიათ ჩვენ გადასხვაფერებულად რომ ვვხვდავენ. მხეცები ვიყავით, ახლა კი კაცები ვბრუნდებით სახლში

თქვენს წყალობით... ბევრმა შეგვიბრალეთ, მოგვიარეთ და კაცს დაგვამსგავსეთ. ჩვენ და ჩვენი მშობლები თქვენს სადღეგრძელოს სმავში ვართ და მუდამ ვიქნებით! — გვითხრა ერთმა იმათგანმა, აბაშიამ, გამოთხოვებისას, როცა სამსახურგათავებულები მიდიოდნენ სახლში. ყველამ ჩინებული ქართული იცოდა უკვე, განსაკუთრებით აბაშიამ. რუსულიც საკმაოდ ეხერხებოდათ. ქორთუამ რუსული ვერ დასძლია, მაგრამ ქართული გვარიანად შეისწავლა.

— ხომ გითხარი, ბიჭო, ჭიკრი კოჩი იქნები-თქვა! — ვუთხარი.

— კილამ გავიქეცი, ბატონო, კილამ... და წავედებოდი კაცი! იცოცხლეთ, ბატონო! — მხიარულად შემოგვძახა ქორთუამ.

სამი წლის შემდეგ ნაწილის უფროსი გამოგვიცვალეს. ახალი უფროსი იყო მეტის კარზე საყარაულო გუნდში ნამსახური, ქარაველი თავადიშვილი ვ-ძე, ახალგაზრდა პოლკოვნიკი. ქართულს გაპირვებით ლაპარაკობდა. ისიც თუ გასაპირი მიადგებოდა მაშინ წამოისროლიდა ორიოდე სიტყვას. იგი იყო კორპუსში გაზრდილი. თითქმის გარუსებული, თითქმის გადაგვარებული; ცოცხალი კაცი, შიკის მოყვარული. სამსახურისათვის თავს დიდად არ იწუხებდა, იყო გართული ნაცნობებში, რომელნიც მრავლად შეიძინა მოსვლისთანავე.

— აბა ერთი კარგი წარმოდგენა და შემდეგ კარგი მხიარული საღამო! — მეტყოდა ხოლმე, რადგან საკრებულოში წარმოდგენების მართვა ჩემს ხელთ იყო, ჩემს ხელმძღვანელობას იყვნენ შეჩვეულნი. საღამო მთავრდებოდა ვახშმით, რომელზედაც ვ-ძეს მუდამ აუარებელი ნაცნობობა ჰყავდა ხოლმე მოპატივებული. თვითონაც ერთობოდა და სხვათაც აართობდა.

ერთხელ მითხრა მოხსენება წამეკითხა ოფიცერთა საკრებულოში. არ მიუარებია და რამდენიმე დღის მოსაზრების შემდეგ გადაწყვიტე მოხსენების საგნად ამელო იაპონიის ისტორია და იმდროინდელი მდგომარეობა.

იაპონიას იმ დროს ძლიერ ნაკლებად თუ ვინმე იცნობდა; მასზე მეტად ბუნდოვანი წარმოდგენა ჰქონდათ, ის კი უკვე მოძრაობას იწყებდა და ქვეყნის სალაპარაკოდ ხდებოდა. მოგუჟყარე აუარებელ მასალას თავი და შევადგინე მოხსენება: იაპონიის გეოგრაფიული მდგომარეობა ეთნოგრაფიული ცნობები, მოკლე ისტორიული ცხოვრების აღწერა. იმდღეინდელი მდგომარეობა და ბოლოს სამხედრო წყობილება და ჯარების შესახებ ცნობები.

მოხსენება მსმენელთაგან დიდი ინტერესით იყო მოსმენილი, მხოლოდ ვ-ძეს არ ესამოგნა; ამას აშკარად ვატყობდი, თუმცა ჩემ-

თვის ეს არ უთქვამს. არაფრად ჩამიგდია ეს უკმაყოფილება; მე მიხაროდა, რომ მსმენელები დაეინტერესე და ამ მოხსენებაში ავშორდი აბლაუბდა შეტაკების აღწერას, როგორც ეს ჩვეულებად ჰქონდათ ხოლმე ოფიცერთა საკრებულოში მოხსენების საგნად.

არ მიმიქცევია ვ-ძის უკმაყოფილოდ დარჩენისათვის ყურადღება და შევეცადე ჩემს შემდეგ მომხსენებელი ოფიცერი ამეყოლებინა და წაეკითხა კორეის შესახებ მოხსენება.

— რა ჯანდაბაა ეს კორეა, დათიკო?! რა უნდა წაეკითხო — არც კი ვიცი სადაა ეს დალუპული ქვეყანა! — მითხრა ჩემმა აჰსანაგმა.

— მე შეგიდგენ მოხსენებას, ოღონდ შენ წაიკითხე კარგად... რა ვინდა მეტი!

— კარგი, თუკი შენ შემიდგენ, კარგი!

მოვნახე მასალები და შევეუდგინე მოხსენება. მსმენელებმა ესეც ინტერესით მოისმინეს, მხოლოდ ვ-ძეს ისევ არ მოეწონა. უკმაყოფილო დარჩა და მომხსენებელს უთხრა:

— მაგისტანა თუ-ებს თავი გაანებეთ! აქ სამხედრო საკრებულოა და სამხედრო პირები ვერცერთ თავს... რა ჩვენი საქმეა კორეა და ამგვარები! — უთხრა მან მომხსენებელს.

მე იქვე ვიდგე და ვთქვი:

— რატომ არ უნდა ვილაპარაკოთ კორეაზე?.. მთელი ქვეყანა ახლა იაპონიაზე და კორეაზე ლაპარაკობს!

— ილაპარაკონ! ჩვენ კი სამხედრო პირები ვართ და სამხედრო მოქმედებაზე უნდა ვლაპარაკობდეთ!

— საზოგადო ცოდნაც გვჭირია! მარტო მხედრები ხომ არავართ! — ვთქვი.

პოლკოვნიკმა ერთი სხვანაირად გამოიხედა ჩემკენ და შემომიტია:

— კმარა! გთხოვთ ამგვარ ლაპარაკს თავი ანებოთ! — სატყუა მოკრილად წარმოთქვა და გაგვშორდა.

შემდეგი მოხსენება დაველა ერთ პორუჩიკს, რომელმაც ალლო აულო მოთხოვნილებას და წაიკითხა მოხსენება, თუ როგორ დაეცა ღამით მტრის ერთი გუნდი ჩვენი გუნდის ნახევარს და როგორ მამაცურად ამ უკანასკნელმა ბნელ ღამეში მოიგერია მრავალრიცხოვანი მტერი და გაფანტა იგი დიდი ზარალით.

ნაწილის უფროსმა, როცა მომხსენებელმა გაათავა თავისი მოხსენება, დიდი მადლობა გადაუხადა და დემონსტრაციულად ხელი ჩამოართვა.

ზოგიერთებს გვესმოდა რას ნიშნავდა ეს და ვას საწინააღმდეგოდ იყო მომართული ასეთი მოქმედება.

არაფრად ჩამიგდია ასეთი მიხვეული გზით ჩემი გაკიცხვა; მეცინებოდა კიდევ. მე კარგად ვიცოდი, რომ ზოგიერთებს მეტად არ მოსწონდათ ჩემი აზრები, ჩემი შეხედულება სამხედრო სამსახურის შესახებ, რასაც მე არ ვმალავდა; გულახსნილად, თამამად ვლაპარაკობდი. არ ვიშლიდი ამას, რადგან ნათლად ვხედავდი, რომ გავლენა მქონდა ბევრ ჩემს თანამოსამსახურეზე, განსაკუთრებით ახალგაზრდა ოფიცრებზე, რომელთა შორის ბევრი პატივისმცემლება მყავდა. თვით ჩემს გუნდში (ამ დროს მე უკვე გუნდს ვმეთაურობდი) იღბლად საოცარი თვისების ოფიცრები მოხვდნენ. ერთი რუსი იყო, სიცოცხლით სავსე, საქმის მცოდნე, ფხიზელი გონების პატრონი, სალდათის მოყვარული; მეორე გარუსებული გერმანელი — საოცარი გულკეთილი პიროვნება, დაუღალავი მოსაქმნარე, მონარქისტული გრძნობით გამსჭვალული, მაგრამ ყურადღებით გვასმენდა და გულდადებით გვეკამათებოდა ხშირად; მესამე სომეხი, თბილისიდან კამოევა. ეს იყო ჩემი შესაიღუმლე, ჩემი ნამდვილი ძმა; მისი ნამდვილი მეგობრული ახლობლობით ბევრი შემხვედური გამწარება დამიძლევია და გადამიტანია. მე ვიცოდი, რომ სტიოპას (ასე ვეძახოდით) უზომოდ ვუყვარდი და ჩემთვის თავს გაიმეტებდა, თუკი ამას გარემოება მოითხოვდა. იმ პირობებში, მე რომ ვიყავი, ისეთი მეგობარი უძვირფასესი იყო. ლიტერატურის გრატაციებით მოყვარული, პოლიტიკური აღელვებისაგან გამოწვეული აზრების მონაწილე; ახალი წიგნი, ახალი რამ მოვლენა, — გულახსნილად, გულადად თავისი აზრის გადაშლა — ყოველ ამაში დაუშორებელი იყო ჩემთან ჩემი სტიოპა; გადამეტებულ ერთგვარ გრატაცებაში გაუნელებივარ და მომდგარ გაჭირვებაში გაუუმხნევებივარ. ცხრაას ხუთში იგი მუდამ თან დამყვებოდა, არ მშორდებოდა, მუდამ მაფრთხილებდა, რომ რაიმე ხიფათი არ მომდებოდა და არ ჩავვარდნოდი ხელში სამტროდ გამზადებულ პირებს. მახსოვს ერთხელ რამდენიმე ჯარისკაცმა გამაჩერა და ლაპარაკი გააბა მიწის შესახებ; მეკითხებოდნენ — როგორ იქნება მიწის საქმეო. ესენი რუსები იყვნენ. აქედან სხვა საკითხებზე გადავიდნენ. ლაპარაკის დროს ჯარისკაცები თანდათან მატულობდნენ, მოგროვდა დიდძალი ჯგუფი. კითხვასკითხვაზე იძლეოდნენ. მეც, შეხალისებული, ვაძლევდი შესაფერის პასუხს. ერთ შეკითხვაზე საქაროდ გამიხდა ინგლისის ისტორიიდან მაგალითის მოყვანა, თუ როგორ მოკვეთეს თავი კაროლ კარლ მეო-

რეს. გატაცებით მოლაპარაკეს ვილაცამ სერთუქის კალთა დამიწია. მოვიხედე, სტიოპა კაპოევი დგას ჩემს უკან.

— რას ამბობ, დათიკო! აერიდე! — ქართულად წამჩურჩულა მან.

— რა გაუფრთხილებელი ხარ! — რამდენიმე ხნის შემდეგ მეუბნებოდა იგი. — დაგაბეზლებენ და ერა უბედურებაში გაგხვევენ! ნუ შევბიძგავს; რამდენი ოხერია, შენ გულწრფელად ელაპარაკები და ის კი არ დაგზოგავს და დაგლუპავს!

ქვირთასია ამნაირი ამხანაგის გვერდით ყოლა, განსაკუთრებით იმ გაწამაწიის დროს, რომელშიაც მე ვიყავი ცხრაას ხუთში და ექვსში, რაზედაც ქვევით მექნება ლაპარაკი.

მეოთხე ოფიცერი უკრაინელი იყო; ყმაწვილი, ნამდვილი დევი მოყვანილობით, თხაზელი, გულწრფელი ადამიანი. ბედმა ამათ შემყარა და ჩვენი მუშაობა გუნდში სულ განსხვავებული იყო, ვიდრე სხვა გუნდებში; მოქცევაც ჭარისკაცებთან განსხვავებული იყო; ჩვენი გუნდის ჭარისკაცი ადვილად გამოირჩეოდა; ოფიცერთანაც უფრო თამამი მოლაპარაკე, უფრო ხალისიანი და მხიარული. დასჯა ნოვსპეტ — უბრალო შენიშვნა საკმარისი იყო მიგვეცა, რომ შეცდომა არ გამეორებულაიყო.

— ანგელოზები... შეუმცდარი ანგელოზები გყლიათ! — ღიმილით მითხრა ერთხელ ნაწილის უფროსმა, როცა გადაშალა საჯარო მოწიგნი და ვერ ნახა ჩაწერილი დასჯილი ჭარისკაცა.

სწავლა, წვრთნა ჭარისკაცების, განსაკუთრებით ახალ მიღებულ ჭარისკაცებისა, ისე გვქონდა მოწყობილი, რომ სულ მოკლე დროში უკვე შეთვისებული ჰქონდათ საჭირო ცოდნა და ეს ისეთი გზით, რომ სრულად არ ღალატებდა მას და არ ბეზრდებოდა. ზოგიერთები ჩვენს გუნდს ეძახდნენ „რევოლუციონურ როტას“.

ასეთი იყო თუ ისეთი, ჩვენი სინდისი დაკმაყოფილებული იყო მით, რომ ჩვენი გუნდის ჭარისკაცები კარგად განსწავლულ იყვნენ, კარგად გრძნობდნენ თავს, აყვნენ მაცადინნი და ჩვენზე დანდობილნი.

ზოგიერთებს არ მოსწონდათ ჩვენ მიერ საქმის ასე დაყენება. მაგრამ ამას უურადლებას არ ვაქცევდით. ნაწილის უფროსი არც მიშლიდა ანუ მუშაობას, არც მიქებდა. მითმენდა, მაგრამ იმ მოსსენების შემდეგ, იმ შენაშენის შემდეგ. ველარ მოითმინა და ვითომ იშოვა დრო ჩემ გასაკლავად.

გუნდების გამოცდა იყო დანიშნული. ჯერა მოვიდა ჩემს გუნდზე. ჭარისკაცები ხალისიანად იყვნენ. დარწმუნებული იყვნენ, რომ ყვე-

ლაფერი კარგად იქნებოდა შესრულებული; და ასედაც მოხდა: მწყობრად, შეუშლელად, ლაზათიანად ტარდებოდა ყოველი ვარჯიშობა. დაბოლოს პატარა აღლუმი — იერიშის მიტანა გუნდით. ეს ისე მკვირიცხლად, ისეთი სიცოცხლით იყო შესრულებული, რომ მიწა შეხედვას არა სჯობდა რა.

შეხალისებული გუნდი, ყიჟინიან „ურასა“ ძახილათ შეჩერდა და ნაშნულ ადგილას და მწყობრში ჩავაყენე პოლკოვნიკის მისაღებად.

— ყოჩაღები ხართ, ძმებო! — შესძახა მან ჭარისკაცებს. — ყოჩაღები ხართ და კიდევ უკეთესი იქნებით, როცა თქვენი გუნდის უფროსი გამოიცილება და სამხედრო საქმეში გაიწაფება!

წამოიხროლა ეს სიტყვები, მიიღვა ქუდთან ხელი და გასწია მოშორებით მდგარ შემდეგ გუნდთან.

გაოცებულმა თვალი გავაყოლე მიშაეალს. ერთხანს ვაშტერებულ ვიდექი ერთ ადგილას, მერე გამოვერკვიე და გუნდს თავისუფლება მივეცი.

მწყობრში მდგომი ოფიცრები გარს შემომეხევივნენ. ხმას არც ერთი არ იღებდა.

— ბრიყვი! — წამოვიძახე უნებლიეთ.

— რა სისულელე წამოიხროლა!.. უყურე სად გიკბინა! — გულდაწყვეტით თქვა ერთმა.

გამშრალი, ხმაამოუღებლად ვიდექი.

— მაგ სისულელეს ვანანიებო არაფერია! — ვუთხარი ოფიცრებს. ჭარისკაცებსაც აშკარად ეტყობოდათ უკმაყოფილება, რომ პოლკოვნიკმა ასე ბრიყვულად, მადლობეს მაგიერ, შეურაცხყოფა მომავენა.

მეორე დღეს დილით ჩავეცი მუნდირი და ნაწილის სამართველოში მივედი. აღიუტანტს ვუთხარი მოეხსენებინა პოლკოვნიკისათვის, რომ მისი ნახვა მინდა.

— რა გნებავთ? — შემეკითხა პოლკოვნიკი მის კაბინეტში რომ შევედი.

— მინდა გავიგო ვის უნდა გადაეაბარო ჩემი გუნდი! — ვუპასუხე.

— როგორ თუ გადააბაროთ გუნდი? — გაკვირვებით შემეკითხა იგი.

— დიახ, ვის უნდა გადაეაბარო ჩემი გუნდი... იმიტომ რომ სანამ თქვენ იქნებით ჩვენი ნაწილის უფროსად, მე გუნდს არ ვემეტაურები!

— ეს რას ნიშნავს?.. ნაწილის უფროსი მე ვარ და მე ვიცი ვინ უნდა იყოს გუნდის უფროსი.. სამსახურს მე ვანჯარგულებ!

— სამსახურს თქვენ ანჯარგულებთ — ეგ თქვენი უფლებაა, მაგრამ ჩემს თავმოყვარეობას მე ვუვლი და თქვენ არ შეუტრაცხავოფინებთ მას! მე ჩემს სამსახურს ვყიდი და თავმოყვარეობას კი არა!

— ვინ მოგაყენათ მერე შეუტრაცხოფა?.. ვინ შეეხზო თქვენს თავმოყვარეობას? — გაკვირვებით წამოიძახა მან.

— თქვენ! და ეს თქვენ ისე გეადვილებათ, რომ არც კი აძლევთ ანგარიშს თქვენს სიტყვებს!.. და სწორედ ამიტომაც საჭირო თქვენ-კან შორს ყოფნა! — კუშტად მივუგე.

— როდის, სად შეევეხე მე თქვენს თავმოყვარეობას?

— აღარც კი გახსოვთ... თქვენ გუშინ გუნდის გამოცდის შემდეგ ჯარისკაცებს მიმართეთ: თქვენ ყოჩაღები ხართ და კიდეც უკეთესებია იქნებით, როცა თქვენი გუნდის უფროსი გამოიცდება და სამხედრო საქმეში გაიწვრთნება... ეს შეუტრაცხოფა არ არის?! თუ ჯარისკაცები საქებარი იყვნენ — მათი გამწრთენელი და ხელმძღვანელი ასე გასაკილავია? ვინ გახადა გუნდი საქებარი?

— რას ამბობთ, რას ლაპარაკობთ?! — წამოიძახა მან. — როდის აყო ამისთანა რამე?

— საქმეც ისაა, რომ აღარც გახსოვთ. ამიტომ უნდა გერიღებოდეთ ხელქვეითი!.. კაცს შეუტრაცხოფა მიაყენეთ, არხეინად მიტრიალდით და გაშორდით და იქვე დავიწყებას მიეცით, რაც ჩიილინეთ!.. მე კი მოსვენება აღარა მაქვს... იმ წუთებიდან ვლელავ, ვლელავ იმიტომ, რომ სრულიად უსაფუძვლოდ, უსამართლოდ მოინდომეთ ჩემი თავმოყვარეობის შელახვა იმ ანგარიშით, რომ ეგ შეგვრჩებოდათ. თქვენ გინდოდათ ჩემი დამცარება ჩემი ჯარისკაცებას წინაშე, მაგრამ მიზანს ვერ მიაღწიეთ... დიახ, სრულიადაც ვერ მიაღწიეთ — ამიტომ, რომ ჩემი გუნდის ჯარისკაცები მე თქვენზე უფრო კარგად მიცნობენ. თქვენ მხოლოდ თქვენი თავი შეუტრაცხავით მათ წინაშე. მე ვიცი რამ გაიძულათ ასე მოქცეულიყავით ჩემს მიმართ! თქვენ არ მოგწონთ კლდიაშვილი, მისი შეხედულება სამხედრო სამსახურზე, საზოგადოდ მისი აზრები, რომელსაც იგი არ მალავს და გულახდილად ლაპარაკობს, არ მოგწონთ მისი მოქმედება, ამაში მხარს გაძლევთ რამდენიმე პირი და თქვენ მოინდომეთ ჩემი მორჯულება მით, რომ შეუტრაცხოფას მაყენებთ! თუ ოფიცრისათვის შეუფერებელ რამეს ან ვამბობ, ან ვმოქმედობ, — რატომ არ მომიხმეთ და არ მომელაპარაკეთ? ამას წინათ მე თქვენ პატაკი წარ-

მოგიდგინეთ, მორიგე მებარაბანემ ჩერნიავესკიმ მორიგე ოფიცერს თუთუნის როგორ მოპარა. თქვენ პატაკის წაკითხვაზე თქვით, — ეს მე გადმომცეს, — რა გუნდის უფროსია ამისთანა პატაკებს რომ იწერებაო! პატაკი უკან დააბრუნეთ, არც კი მოინდომეთ გაგეგოთ, თუ რატომ დაიწერა ის პატაკი; დაკმაყოფილდით ჩემი ავად ხსენებით. ავად მომიხსენეთ პირი, რომელსაც არც კი იცნობდით კარგად — მე კა როგორ მოვექეცი თქვენს პიროვნებას? მე შეეკრიბე გუნდი. გამოვიყვანე ჩერნიავესკი და ვუთხარი:

— უმადლე ბედს, რომ ჩვენი ნაწილის უფროსი გულკეთილი კაცია, შეგიბრალო და ისე არ დაგსაჯა, როგორც ღირსი იყავი. მაგრამ იცოდეთ, ეს იყოს პირველი და უკანასკნელი შენი შეცდომა! მე გასხავთ როგორც გულკეთილ შემბრალებ ადამიანს, თქვენ კი სინამდვილეში სულ სხვა ხართ... თქვენ ადამიანს ზერელებდებოდათ. ვინ უფრო მალა დგას ჩვენ შორის? — გაცხარებით მივაძახე. — თქვენ არად მიგაჩნიათ ადამიანის თავმოყვარეობის შელახვა. ამას მე გეუბნებით, ბევრს კი გულში აქვს ჩამარხული თქვენგან მიყენებული შეურაცხყოფა!.. მე ვერ გავჩუმებულვარ, ვერ ჩამიმარხავს გულში... თქვენ უნდა გერიდოს თავმოყვარე კაცი... ამიტომ მოვედგავიგო, ვის უნდა გადავეცე ჩემი გუნდი, რომ თქვენთან დაშორებით ვიქნე!

ეს ასეთი გაცხარებით წარმოვეთქვი, ისეთი გულწრფელი მღელვარებით, რომ ვ-ძის სიტყვა არ შეუწყვეტინებია ჩემთვის, დამაცალა და, როცა უკანასკნელი სიტყვა წამოვიძახე, იგი გამოექანა ჩემკენ, გადამეხვია და აღელვებულმა მითხრა:

— დავიდ სამსონიჩი, მაპატიეთ, ძვირფასო!.. ჩემს გამოუცდლობას მიაწერეთ... დაივიწყეთ! პატიოსან სიტყვას გაძლეეთ, არა თუ თქვენ, არც სხვა ვინმე ჩემგან უკადრის სიტყვას არ გაიგონებს! დაივიწყეთ, ძვირფასო!.. დაივიწყეთ! მართალი ხართ, ვერ გიცნობდით!

ჩემი თანამოსამსახურე მეგობარი ოფიცრები გაფაციცებით ელოდნენ გაგოთ, თუ რითი დათავდა ჩემი და ვ-ძის ლაპარაკი. მე დაწვრილებით გადავეცი ყველაფერი და სიტყვა ჩამოვართვი, რომ არაფისთვის ეთქვათ ამის შესახებ.

მე არ მინდა სხვებთან ვიდლებასწაულო ჩემი გამარჯვება... არ მინდა შევლახო ვ-ძის თავმოყვარეობა, რომ ბოდისში მოიხადა ჩემთან! ეს მის კეთილ ადამიანობას ამტკიცებს, მის გამოფხიზლებას და ეგ საკმარისად უნდა ჩაითვალოს.

მართლაც, ვ-ძემ აასრულა თავისი სიტყვა. რაც ხანს ის ნაწილას

უფროსად იყო, არც ერთ ოფიცერს და არც ჯარისკაცს მისგან შეუ-
რაცხმყოფელი სიტყვა არ გაუგონია, ცუდად ხსენება არავის სმენია.

გუნდში ისევ განვაგრძობდით ჩვენს მუშაობას ჩვენი სისტემით.
ემართავდით დიდ უქმეებზე წარმოდგენას, ხან საღამოს კონცერ-
ტული განყოფილებით, რომელშიაც მონაწილეობას მხოლოდ ჯა-
რისკაცები ღებულობდნენ; — ვინ თავისებურად ვიოლინოზე უკ-
რავდა, ვინ მღეროდა, ვინ ამბობდა მოკლე ამბებს, ლექსებს და ამ-
გვარებს; კონცერტული განყოფილებას შემდეგ კი ცეკვა. ცეკვა-
დნენ ჯარისკაცები ოფიცერების ცოლებთან და ქალიშვილებთან, რო-
მელნიც ბლომად ესწრებოდნენ ამ საღამოებს, ოფიცრები ცეკვა-
დნენ ჯარისკაცების ცოლებთან; ვინც ამაში მონაწილეობას არ ღე-
ბულობდა, მათთვის იყო: ჩაი, პური, თხილა, მზესუმზირაა მარცვა-
ლი (სემინია), ძეხვი, ყველი და ამგვარები. ჯარისკაცს ვერ იცნობ-
დით ამ საღამოებზე, ისეთნაირად სხვაფერდებოდა. მთელი ნაწი-
ლის ჯარისკაცები გაფაციცებდით მოელოდნენ, როდის გაიმართებაო
მესამე გუნდში საღამო; ჩვენი გუნდის ჯარისკაცებს თავი მოქონ-
დათ, რომ ამგვარი რამეები მხოლოდ ჩვენს გუნდში იმართებოდა და
ეწყობოდა, ეს ამყარებდა განსხვავებულ ურთიერთობას ოფიცრებ-
სა და ჯარისკაცებს შორის. მახსოვს ერთხელ ერთი ახალგაზრდა ჯა-
რისკაცი (ნალივაიკო), ტლანქი ბიჭი, ვერ ახერხებდა მეცადინეო-
ბას და ატირდა.

— რა გატირებს, ბიჭო? — მიაძახა მისმა მწვრთნელმა უკრაინ-
ელმა ოფიცერმა.

— რას ტირი, ბიჭო? — შევეკითხე მეც, მტირალი რომ დაენახე
ნალივაიკო. — რა გატირებს?

— ვერ ვახერხებ ვარჯიშობას... პორუჩიკსაც ვაწუხებ, ჩემი თა-
ვისაც მრცხენია — თქვა მან აცრემლებულმა და ეს ისეთი კილო-
თი, რომ გაგვაცინა კიდევ.

— ნუ გეშინია, ნუ, ნალივაიკო... ნუ სწუხარ. აი აბა, თუ არ
დასძლიო! ტირილა რას მოგენმარება!

გავეხუმრეთ საწყალს, მოვაწმენდინეთ ცრემლები და მანაც თავ-
გამოდებით განაგრძო მეცადინეობა. შემდეგში, როცა იგი გავა-
ჯიშდა და გვარიანი ჯარისკაცი გახდა, ხანდახან გავახსენებდით, თუ
როგორ ქვითინებდა იგი თავის უხეშობაზე და თვითონაც გულია-
ნად აცინოდა ამაზე.

ჩვენ მივალწიეთ იმას, რომ ჩვენი ჯარისკაცები სრული ნდობით
იყვნენ ჩვენთან და არ გვერიდებოდნენ.

აღდგომა ღამე იყო. წარვა გათავდა და ნაწილის უფროსმა ვ-ქემ

მიგვაპატიეთა გასახსნილებლად თავის სახლში. ყველა თავშეყრელად მივდივართ.

— ბატონო! — მესმის ჩემს უკან ხმა. — ბატონო, მოპითმინეთ! — მეუბნება ჩემი გუნდის ჯარისკაცი კვაჭაძე.

— რა ამბავია, კვაჭაძე? — შევეკითხე გაკვირვებული.

— ბატონო, გამიშვით სახლში..

— ბიჭო, შენ არ მოხვდი გასაშვებში, ამას წინათ იყავი შვებულებაში... რაც რიცხვი ნაბრძანები იყო, წავიდნენ ყველა!

— გთხოვთ, ბატონო! გაქცევაზე ვარ, გეფიცებით! ჩემი პატარა ბიჭი ხვალინდელ კაი დღეს რომ არ ჩავიხუტო, მოგკვდები კაცო! გამიშვით! — უცნაურად აღელვებულმა წამოიძახა მან. — გამახარებოთ ოჯახი... ველარ ვისვენებ... გეფიცებით, გევიქცევი, ისეთ გუნებაზე ვარ! ნუ გამაქცევთ, გამიშვით, თქვენი ჭირიმე! ერთი საათი მაქვს დრო. მატარებელზე მივასწრებ!

— სხვებს ეწყინებათ, ბიჭო... იმათაც სურთ წასვლა.

— არ ეწყინებათ... მე მოველაპარაკე მიშველეთ და მერე თავს შევაკლავ სამსახურს!

— კარგი, კარგი, დაწყნარდი! აგერ ვთხოვ ნაწილის უფროსს და თუ გაგიშვა...

მივედი პოლკოვნიკთან, ვთხოვე გაეშვა ესეც რამდენიმე დღით შვებულებაში, ეუთხარი რომ ბიჭი ისეა არეული, რომ ეს არის გადირევა, თუ უარი მიიღო-თქვა. დათანხმდა.

— გასწი, მაგრამ სამი დღის იქით აქ უნდა იყო! — ეუთხარი.

— თქვენი თავი მიცოცხლა ღმერთმა! — შემომძახა გახარებულმა კვაჭაძემ. — თქვენ გაუთენეთ აღდგომა ჩემს ოჯახს და ჩემს ცოლ-შვილს!.. მივასწრებ მატარებელს! — წამოიძახა და კოხტა, სიცოცხლით სავსე ბიჭი გაქრა ღამის სიბნელეში.

ერთი გურული ახალგაზრდა მოხვდა ჩემს გუნდში, სურბელი პარმენა კეკელიძე; კოჭლობს, ცალ ფეხს ვერ აღგამს ქუსლით მიწაზე. დამწვარი მაქვს ფეხიო და იმის შემდეგ გაფუჭებულიაო, ველარ ეხმარობ ფეხსო, — მითხრა შეკითხვაზე. — კომისიამ გამსინჯაო, მაგრამ სამსახურისაგან არ გამანთავისუფლესო, მიმიღესო... — კომა_სიებში ხშირად უყურადღებოდ სტოვებდნენ ავადმყოფობას, ეს ვიცოდი, და ვიფიქრე, შეიძლება ეს კეკელიძეც ერთი ასეთი უყურადღებობის მსხვერპლთაგანია და ამიტომ რამდენიმე დღის შემდეგ მივიყვანე ჩემს მეგობარ ექიმთან.

— პიოტრ მიხაილოვიჩ, შენი ჭირიმე, გულდასმით გაუსინჯე ამ

ბიქს ფეხი. შეიძლება კომისია შეცდა და შეცლომით იცნო სავარგისად.

ექიმმა ვასინჯა, დიდხანს უტრიალა იქით-აქეთ; გაიცინა.

— ტყუა!.. არაფერი ნაკლი არ აქვს! იგონებს! — სიცილით შითხრა.

— ბიჭო, კეკელიძე, ფეხი კარგად გქონია — მიეუბრუნდი კეკელიძეს. — დაადგი გაბედულად ფეხი!

ბიჭი გაშტერებული იყო.

— გესმის... ექიმში ამბობს, რომ შენს ფეხს არაფერი ნაკლი არა აქვს... გესმის თუ არა?

— მტკივა, ბატონო!.. დამწვარი მაქვს! — სიტყვა გაწყვეტით წააპარაკა.

— მოსცხეთ ერთი კარგად და ნახავთ თუ არ გაუაროს ტკივილი! — სიცილით თქვა ექიმმა.

ბიჭი ატირდა კიდევ. რამდენიმე დღის შემდეგ ისევ მივიყვანე მეორე ჩემს კარგ ამხანაგ ექიმთან.

— თუ გიყვარდე, ერთი გულდასმით გაუსინჯე ამ ბიქს ფეხი... ირწმუნება, რომ წამხდარი აქვს ქუსლი და ფეხს მიწაზე კარგად ვერ ადგამს, ამის გამო... უნახე, შენი ჰიროსი, შეიძლება მართალი იყოს! ფეხი სალი აღმოჩნდა.

— ა, ბიჭო, ეს ახლა მესამე ექიმში ამბობს, რომ ფეხი კარგად გაქვს... ცუდლუტობ და ის არის! არ გაგვიყვარა არაფერი — არ გაგანთავისუფლებენ!.. ტყვილა იწვალე თავს! დაადგი ფეხი კარგად! — შევეუბრე.

ბიჭმა ისევ იწყო ტირილი.

— მაგ ტირილით ვერაფერს ეწევი, გეუბნები სწორად იარე და ცუდლუტობას თავი დაანებე!

— მტკივა, ბატონო!.. მტკივა! — წაილაპარაკა ისევ აცრემლებულმა.

— გასწი გუნდში!.. ყველა გეუბნება, რომ არაფერი არ გიჭირს, რომ იგონებს!.. შენ შენსას არ იშლი? იყავი ეგრე... აგერ შენ ამხანაგებთან გეუბნები: როგორც გინდა ისე იყავი... მე დღეიდან ისე გიყურებ, თითქოს არც კი იყო ჩემს გუნდში... მე სინდისიან ბიჭებთან მაქვს საქმე და ცუდლუტებს ზიზლით ვუყურებ!

ვერ გავასწორებდი ფეხი კეკელიძეს. ერთ დღეს მითხრეს, რომ ნათესავეები მოუვიდა და ჩემი ნახვა უნდათ. მოვიდნენ — ერთი ძმა და მეორე ბიძა. მოკლე წუწუნის შემდეგ ბიძამ ამოიღო უბიდან დაკეცილი ქალაღი და გამომიწოდა. გავშალე, წავეიკითხე — მეზობ-

— კეკელიძე! — მივაძახე. მან გადაასწორა ისარი, გაუშვა ართქლმავალი და მოირბინა ჩემთან.

— კეკელიძე, ძალიან მარჯად დახტიხარ!.. მოგირჩა ფეხი? — სიცილით მივმართე. იგი იღვა ჩემ წინ, მომჩერებოდა ხმაამოუღებლად.

— რამ გავისწორა, ბიჭო, ფეხი? მთელი ოთხი წელიწადი კოჭლობდი და ახლა რარიგად დახტიხარ, ა?! — განუმეორე.

— უპ, ბატონო! ნულა გამახსენებთო!.. თქვენთან ისეთი შერცხვენილი ვარ, რომ ყოველთვის გერიღებოდით, თქვენი შეხვედრა სიკვდილად მიმაჩნდა — მე რომ თქვენთან საქმე მომივიდა, რარიგად უნდა დაგნახებოდით... ჩემი ცოდვა მიეცა იმათ, ვინც მე მაშინ იმ გზაზე დამაყენა!.. მეც დამაგლახავეს და ყველას ჩემი თავი შეაძლებინეს! — შეწუხებით წარმოთქვა კეკელიძემ.

— აბა იგონებდი... ხომ?

— დამარიგეს ჩემიანებმა, განთავისუფლდებიო. არაფერი გამოვიდა... შემრცხვა და ვამჯობინე შერცხვენილად დარჩენას ყველაფერი ამეტანა და სასაცილოდ არ გამეხადა ჩემი თავი. ოთხი წელიწადი დაგლახაკავებული დავდიოდი ამის გამო! ჩემი ცოდვა მიეცათ ჩემს დამრიგებლებს!.. ბრიყვეულად აყყევი და კარგად გადამხდა ამისათვის. აწი კა აღარ მომივა ამისთანა რამე... ცუდლუტობით საქმე არ გაიტანება... თქვენთან ვერ მოვბედე სირცხვილით მოსვლა ბოდიშის მოსახდელად... გაგაწვალეთ ყველა ჩემი უსაქციელობით... თქვენ კიდევ შემინახეთ, თორემ სხვას რომ ჩავვარდნოდი ხელში, ვინ იცის რა მომივიდოდა!.. მაპატიე, ბატონო!..

ვუპმენდი მის შეწუხებულ სიტყვებს და ვიციხნოდი.

— მაშ ახლა რკინიგზაში მსახურობ?

— კარგადაც მიყურებენ! — მსიარულად თქვა მან. — თქვენთან შევირცხვინე ოლონდ თავი!..

— იცოცხლე, პარმენა! ნურც მაგ შენს თავმოყვარეობას. ნურც შენს სინდისიანობას ნუ დაკარგავ! იყავ კარგად! — გულხალისიანად შევძახე და გავშორდი.

აქამდი ჩვენ მოგვდიოდა ნაწილის უფროსებად ახალგაზრდა პოლკოვნიკები, უმეტეს შემთხვევაში გვარდიიდან; რჩებოდნენ ორსამ წელიწადს და შემდეგ გადადიოდნენ უფრო დიდ ნაწილებში. ახლა კი მოგვავიდა შეხნიერებულა პოლკოვნიკი, ნამდვილი წარმომადგენელი იმ ჯურის ოფიცრობისა, რომელთ ეძახდნენ „ღრმა ფეხოსანებს“ (გლუბოკაია პეხოტა) — ეს ჯური იყო დამყარებული სასტიკ ფორმალისმზე და გარეშე სამსახურისა არა სწამდათ რა. ამას ზედ ემატებოდა კიდევ ის, რომ ახალი ნაწილის უფროსი იყო ჩუ-

ხონელი, არარუსი, და ყოველნაირად მეცადინეობდა დაეფარა ეს მისი არარუსობა. თავი მოჰქონდა იმით, რომ ხელმწიფის მასწავლებელი იყო თოფის ვარჯიშობაში მისი ტახტის მემკვიდრედ ყოფნის დროს; როგორც შემდეგში გავიგეთ, მისი მასწავლებლობა იმაში გამოიხატა თურმე, რომ ერთხელ სადღაც საზაფხულო ბანაკში თოფი გაუსწორა ყმაწვილ მემკვიდრეს სროლის დროს. ამას თვლიდა მასწავლებლობად და ამ შემთხვევას უბედნიერეს წამად თავის სიცოცხლისას. ხანშესული, ბეჩავი ფიზიკურად, უფრო კი გონებრივად. მას სწამდა მხოლოდ რუსობა და ყოველი არარუსი მხედველობაში მისაღები არ იყო და არ უნდა არსებულებოდა. მას დიდად ეოცა, როცა მის წინ მყოფ ჩვენი ნაწილის უფროსის პოლკოვნიკის გამოსათხოვარ ვახშამზე მრავალჯამიერი დასძახეს; მას უთხრეს, აუხსნეს, რომ ეს ასეთი ჩვეულებაა ადგილობრივ მცხოვრებლებში.

— ჩვენ რუსეთის ქვეშევრდომნი ვართ და რუსეთის ჩვეულებებს უნდა მივსდევდეთ! — უკმაყოფილოდ წამოისროლა მან, მაგრამ ამით ის გამოიწვია, რომ სიმღერა უფრო ხშიანი შეიქნა და დაუსრულებელი.

რაც დრო გადიოდა, ეს „ღრმა ფეხოსანი“ თანდათან იჩენდა თავის ობსკურანტობას; ეხებოდა ათასნაირ საკითხებს, სჭირდა ყველას სამხედრო თვალსაზრისის მიხედვით. ეხებოდა ლიტერატურასაც, რასაკვირველია, თავისებურად, თავისი საზომით. მაგალითად, ტურგენევი ძლიერ ეჭავრებოდა — სულ სიყვარულზე წერსო, ამბობდა, რყვნის ახალგაზრდობასო და ამიტომაც ნებას არ აძლევდა, უკრძალავდა თავის ქალიშვილს, მეშვიდე კლასის მოწაფეს, ეკითხნა ტურგენევი.

როგორც იქნა დავითანხმეთ ის ჩვენს სამხედრო საკრებულოში გამართულიყო გოგოლის დღესასწაული, რამაც დიდებულად ჩაიარა; მაგრამ მტკიცე უარი მივიღე, როცა ვუთხარი, რომ გვეწადა ეუკოვსკის დღესასწაულიც გავეშარათა.

— ეუკოვსკი?.. ეუკოვსკი მაინცდამაინც არაფერი მწერალი იყო და რუსეთისათვის ბოროტების მეტი არა მოუტანია რა მის მოღვაწეობას... მან აღზარდა ალექსანდრე მეორე, შეათვისებინა მაზარალებელი აზრები. მისი წყალობით წამოიზარდნენ ისეთი პირები, რომლებმაც არ დაინდვეს განსვენებული კეთილი მეფე; მისი გავლენის ქვეშ მიეცა თავისუფლება ფინლანდიას, ახლა რომ გვიძნელებს საქმეს; კინაღამ პოლონეთიც დაეკარგეთ... ეს ყველაფერი ეუკოვსკის გავლენისაგან მომხდარი ამბავია და მისი საპაციენსაცემო დღესასწაული კი არა, დასაგმობი კრებებია საჭირო!.. მისი ლიბე-

რალობის ნათესისაგან ჯერ კიდევ კაი ხანს ვიქნებით შეწუხებულნი: არა, არა... დავიწყებას მიეცით მისი სახელი, მისი ხსენება!..

როგორც ზემოთ ვთქვით, ქალიშვილს უკრძალავდა ტურგენევის კითხვას — არ გაირყვნესო, თვითონ კი იმდენად გარყვნილი იყო, რომ სახლში, ცოლის გვერდით, მისგან დაჩაგრულ, საწყალი არსების გვერდით, გუვერნანტკას სახით ჰყავდა მეორე ქალი, ვითომ შეთვისებული ღარიბი ქვრივი, რომლის შვილი საოცარი მსგავსება იყო მისი. სასტიკი დესპოტი იყო თავის ოჯახში და ხმის ამოღებას ვერავენ ბედავდა მასთან. ეს ყველაფერი გამოაშკარავდა შემდეგში და ამიტომაც ასე ვყვები ამის შესახებ; ვყვები ამასთანავე იმიტომ, რომ დავიწყებას ვერ ვაძლევ, თუ რა ტიპის ხელში ვიყავით მოქცეული და ვისგან გვხვდებოდა ხელმძღვანელობა და კონტროლი. და რა კონტროლი მერე?!.

ახალგაზრდა ოფიცერმა, გვარად ნეიმანმა, შეირთო ცოლი. რამდენიმე ხნის შემდეგ გაუჩნდათ შვილი. პოლკოვნიკმა (გვარი მისი იყო მერტენგერენ) გამოიანგარიშა, თუ როდის დაიწერა ნეიმანმა ჯვარი, როდის დაიბადა ბავშვი და გამოარკვია, რომ ნეიმანს კავშირი ჰქონია საცოლესთან ჯვარის დაწერამდე. მერტენგერენმა წინადადება მისცა ნეიმანს სამსახურიდან გასულიყო, რადგან მან შებღალაო ზნეობა. გვეოცა ასეთი საქციელი ნაწილს უფროსისა და ნეიმანს ვუთხარი, სამსახურიდან დათხოვნის განცხადება არ შეეტანა არასგზით. ასეთი ანგარიშები, ასეთი ჩარევა ინტიმურ ცხოვრებაში, დასჯა — ეს რაღაც უცნაური რამ იყო! ჩვენ მოვთხოვეთ ნეიმანს უყურადღებოდ დაეტოვებინა პოლკოვნიკის მოთხოვნა, რადგან ეს უკვე ყველას გვეხებოდა — უმგვანო ბრძანების აღსრულება იქნებოდა დაკანონება მერტენგერენის შეუწყნარებელი თვალსაზრისისა. თავდაპირველად მაგრაჯ იღვა ნეიმანი. შემდეგ კი შეშინდა და იმდენად დაფრთხა, რომ როცა პოლკოვნიკმა უბრძანა სახელმწიფო ბინა დაეცალა, რადგან მისი ცოლის ყოფნა სხვა ოფიცერების ოჯახებთან სათაკილოაო, — იგი აიბარგა და გადავიდა ახალ ბინაზე. ამას არ დაჯერდა უფროსი და ნეიმანი ოფიცერთა სასამართლოს პასუხის ქვეშ მოაქცია, ესე იგი უნდა ვაგვეგდო ნეიმანი სამსახურიდან. პოლკოვნიკმა მიიწვია სასამართლოს თავმჯდომარე და დარიგება მისცა; აქან გადაკვრით გვაცნობა ჩვენ, სასამართლოს წევრებს, რომ პოლკოვნიკს სურს ნეიმანი გაძევებულ იქნას, როგორც ზნეობადაკარგული პიროვნებაო. სამმა წევრმა წინააღმდეგობა გამოვთქვით და თან პოლკოვნიკის გაკიცხვა ვიწყეთ ისე, რომ თავმჯდომარე იხვეწებოდა: როგორც გინდათ განაჩენი გამოიტანეთ, ოღონდ

შეწყვიტეთ ლაპარაკი პოლკოვნიკის წინააღმდეგო. სამმა ორის წინააღმდეგ გავამართლეთ ნეიმანი. მეტიმეტე გაჯავრებული იყო პოლკოვნიკი ამ განაჩენით და ამის შემდეგ ისე ეპყრობოდა საწყალ ახალგაზრდა ოფიცერს, რომ იძულებული გახდა ჩვენი ნაწილი მიეტოვებინა და სხვაგან გადასულიყო.

ერთმა ოფიცერმა რამდენიმე ინდაური შეიძინა და ეზოში გაუშვა. პოლკოვნიკმა ოფიცერს უბრძანა მამალი ინდაური დაეკლა, რადგან დედალს ეფაფხურებო, ამას უყურებენ ჩემი ქალიშვილები და ცუდი გავლენა აქვთ მათზედო.

ასეთი იყო ეს ჩვენი მეთაური, ჩვენი მწვრთნელი, ჩვენი ხელმძღვანელი, რომელაც ღალატებდა, რომ ყოველივე ხელისუფლება ღვთისაგან არის დაწესებული, რომ მეფე დედამიწაზე ღვთისაგან დაყენებულია, ყოველივე უფლება მინიჭებული აქვს უფლისაგან, ხოლო მეფისაგან ეს უფლება გადადის ყოველ იმაზე, ვისაც მეფე აღკურავს ამა თუ იმ უფლებით. ამ ფილოსოფიას ხშირად ქადაგებდა იგი და გულმოდგინედ უნერგავდა ყველა თავის ხელქვეითს. მისი სიტყვიდან გამოდიოდა, რომ იგიც იყო ღვთაებრიობის მონაწილე, რადგან იყო ხელისუფლების წარმომადგენელი.

მართლმადიდებლობა და რუსი — ამის გარეშე არაფერი არ უნდა ყოფილიყო რუსეთის სახელმწიფოში.

ერთხელ, რაღაც პარაკლისის შემდეგ, მღვდელმა მოინდომა ნაკურთხი წყლის სხურებით ჩამოვლა გუნდებისა. მანდორში ვდგავართ. გუნდებში ებრაელებიც და მუსულმანებიც არიან. ვუბრძანეთ ჩვენ-ჩვენ გუნდებში მწკრივიდან გასულიყვნენ ისინი და უკან დამდგარიყვნენ, რათა აგვერიდებინა წყლის სხურებას. პოლკოვნიკმა დაინახა ეს და იყვირა — ჩამდგარიყვნენ მწკრივში, თავიანთ ადგილას.

— ისინი ებრაელები და მუსულმანები არიან, — ვუთხარით.

— მერე რა?.. რა ნება აქვთ. ერთიღონ წმინდა წყლის სხურებას? ვთხოვეთ თხიზლად უყუროთ საქმესი — მწყრალად გადმოგვძახა, ჩააყენა ყველა მწკრივში და მღვდელმაც გულმოდგინედ ასხურა „წმინდა წყალი“ და აჩრიდა სამთხვევად ჯვარს ებრაელებსაც და მუსულმანებსაც.

გასაოცარი გულმოდგინებით უნერგავდა ყველას, რომ რუსეთის იმპერიაში ყველა რუსია და რუსი უნდა იყოს.

არ დამავიწყდება, რაც ამ პოლკოვნიკმა ჩაიდინა ერთხელ ახალმოყვანილი ჯარისკაცების ოთხი თვის სწავლის დამთავრების გამოცდაზე.

ოთხთვიანი სწავლის დამთავრებული ახალგაზრდა ჯარისკაცები ვუნდ-გუნდებად გვყავდა დაყენებული მინდორში. გამომცდელი, ეგზამენატორი — პოლკოვნიკია, რასაკვირველია.

მივიდა პირველი გუნდის ახალ ჯარისკაცებთან. თოფის ვარჯიშობას შემდეგ მისცა სხვადასხვა კითხვები. დაბოლოს ჰკითხა:

— ვინ ხარ შენ?

ებრაელმა მიუგო: — ებრაელიო.

პოლკოვნიკი გაჭავრდა და მიაყვირა: — დურაქ!.. კაკოი ტამ ევრეი?! აბა, შენ, ვინ ხარ შენ?

შეეკითხა მეორე ებრაელს. ეს მიუხვდა პოლკოვნიკს და ხმამაღლა, თამამად შესძახა:

— რუსი!

— რასაკვირველია რუსი!.. რუსი... ეს კარგად უნდა იცოდე, რომ რუსი ხარ!

ახლა გადავიდა მეორე გუნდის ახალგაზრდების გამოსაცდელად. რამდენიმე კითხვის შემდეგ ისევ შეეკითხა ერთ ჯარისკაცს:

— ვინ ხარ შენ?

მწკრივის მეორე რიგში იდგა ჯარისკაცი როსტომაშვილი.

— ვინ ხარ შენ? — გადაუძახა მას პოლკოვნიკმა.

— როსტომაშვილი!

— დურაქ! მე გეკითხები, შენ ვინ ხარ? გესმის თუ არა? — მიაყვირა პოლკოვნიკმა.

ჯარისკაცი გაშრა შიშისაგან.

— მე შენ გეკითხები, ვინ ხარ შენ?

— არმიანინი! — მიუგო გაუბედავად როსტომაშვილმა.

— კაკოი ტამ არმიანინი?! გდე ტვოია როდინა, დურაქ?

ბიჭი დაიბნა, ხმას ველარ იღებდა. პოლკოვნიკმა მძლავრად მიაყვირა:

— ია ტებია სპრაშივაიუ, დურაქა — გდე ტვოია როდინა? სლი-შიმ ტი?.. გდე ტვოია როდინა?

— გორი — წაილულლულა როსტომაშვილმა.

— კაკოი ტამ გორი? ია ტებია სპრაშივაიუ, გდე ტვოია როდინა? — არ ეშვებოდა გაჭავრებული პოლკოვნიკი. — ნუ!

როსტომაშვილმა მიაშტერა თვალები პოლკოვნიკს და „ნუს“ შეძახებაზე წამოიძახა:

— არმენია!

— არმენია?! — იყვირა პოლკოვნიკმა — არმენია?! კაკოი ტამ არმენია!.. ეტო ჩტო ტაკოე, კაპიტან უსპენსკი (როსტომაშვილის გუნდის უფროსი იყო), გესმით რას ამბობს ეს თქვენი ჯარისკაცი?!

ვინ ასწავლა მას ეს არმენია? სად გამოჩნდა ამან არმენია? ეტო ჩტო-
ზა ნოვოსტ! გლე ტვოია როდინა, დურაკ, გლე?!

დამფრთხალა როსტრომაშვილი იდგა გამტერებული, გამშრალი.

— ვინ ეტყვის მას, სად არის მისი სამშობლო, ვინ არის იგი?

— მე შემიძლია! — მოისმა ხმა და პირველი გუნდის ახალგაზრ-
დებიდან წამოიჭრა შევევრემანი ჭარისკაცები.

— ჩუ!.. სკაჟი ემუ! — პოლკოვნიკმა უკმაყოფილებით მიაპყრო
თვალი, ეტყობოდა არ ესიამოვნა, რომ მის წინ ებრაელი იდგა. — აბა
უთხარი! — კუშტად უბრძანა პოლკოვნიკმა.

— მისი სამშობლო რუსეთია და იგიც რუსია! — თქვა ებრაელმა.

— რასაკვირველია! — წამოიძახა პოლკოვნიკმა. — რასაკვირვე-
ლია!

— შენი სამშობლო რუსეთია და შენ, დურაკო, რუსი ხარ,
რუსი! კმ, არმენია! უყურეთ ერთი.. შენ შეიძლება მამა გყავდეს
სომეხი, დედაც სომეხი იყოს, მაგრამ შენ რუსი ხარ... დიახ, რუსა,
რუსი.. არმენია!.. კაპიტან უსპენსკი, აწი აღარ გავიგონო ასეთი სი-
სულელე!.. ეს ვაჟბატონი კი დასაჯეთ, რომ გადაივიწყოს მისი არმე-
ნია!.. ია ტეზე პოკაჟუ არმენიუ!

გამოსაცდელ ჭარისკაცებს დაუარეს ოფიცრებმა და გააფრთხი-
ლეს, რომ პოლკოვნიკის შეკითხვაზე, თუ სად არის სამშობლო, ანდა
ვინ ხარ — ეპასუხნათ: რუსეთი და რუსი ვარო.

მეხუთე გუნდის ახალ ჭარისკაცებში მოქვეუღიყვნენ რამდენი-
მე ყირგიზი და ბაშკირი:— ამოხუსკული პირისახის ძელები, წვრილი
მოჭუტული თვალები.

— ვინ ხარ შენ? — მიმართა ერთს ამათგანს პოლკოვნიკმა.

— რუსი! — იყო პასუხი.

— რასაკვირველია! — კმაყოფილებით წამოიძახა პოლკოვნიკმა.

— შენ? — შეეკითხა მეორეს.

— რუსი! — ძლივს წარმოთქვა შეშინებულმა ყირგიზმა.

— რა ასე გაუბედავად ამბობ, თითქოს გერცხვინება... უნდა გი-
ხაროდეს, რომ რუსეთში ხარ და რუსი ხარ!..

ასეთი შეკითხვით მიმართა დანარჩენებსაც და რა მიიღო მათგან
პასუხად, რომ რუსები ვართო, პოლკოვნიკი კმაყოფილი დარჩა და
გუნდის უფროსს უთხრა: — ეტყობა გიმატადინიათ და საკმაოდ შე-
იცინავისებიათ მათთვის მათი ვინაობაო. უკმაყოფილო დარჩა მხოლოდ
იმით, რომ ჭარისკაცები ვერ უგებდნენ შეკითხვაზე, თუ საიდან
წარმოსდგება მეფის ხელსუფლება და მეფისათვის მინიჭებულ
ღვთაებრივი ძალა თანდათანობით როგორ გადმოდის მის მიერ დაყე-

ანებულ ყველა მოხელეზე. ეს თავისი გულსწუხილი პექტორაფზე დაბეჭდილ ბრძანებაშიაც გამოთქვა და ავალეზდა გუნდის უფროსებს ეს ნაკლი გაესწორებინათ — ღრმად შეეთვისებინათ ჭარისკაცებისათვის მეფის ღვთაებრიობა, მისი ხელისუფლების ღვთაებრიობა და აქედან თვითეული მოხელის უფლების ღვთაებრიობაც.

ეს ბრძანება ისეთი გამოვიდა, რომ უფროსმა გენერალმა როცა იგი წაიკითხა, მოიწერა, რომ ბრძანება არ გავრცელებულიყო ნაწილის გარეთ; მისი მოსპობა ამ გონიერმა გენერალმა (გვიარად სოკოლოესკი) ვერ უბრძანა, რადგან ადვილად შეიძლებოდა დაბრალეზოდა არაკეთილსაიმედობა.

რუსობას უნერგავდა გულმოდგინედ ოლქის მზრუნველიც ზავადსკი (პოლონელი), ცნობილ იანოვსკის ნაცვალი. ასეთ ენციდენტს ჰქონდა ადგილი ბათუმში მისი ჩამოსვლის დროს. ბათუმის საქალაქო სასწავლებლის ერთ-ერთ კლასში მან მოიხმო მოწაფე და შეეკითხა:

— ვინ ხარ შენ?

— აქარელი — მიუგო მოსწავლემ.

— აქარელი, აქარელი... სხვა არაფერი?

ბავშვი დაიბნა.

— თათარი — თქვა მან გაჩუმების შემდეგ.

— თათარს აქ რა უნდა? — მოღუშვით წარმოთქვა ზავადსკიმ.

— მუსულმანი ქართველი! — გაასწორა მოწაფემ.

— შენ არ გცოდნია შენი ვინაობა!.. მოიტა ხელი

მოწაფემ ხელი გაუბეჯავად გაუჩერა. ზავადსკიმ ჩაჰკიდა ხელი, ვადაუბრუნა აღმა ხელისგული და ზედ დაადო მარჯვენა ხელის მაჩვენებელი თითი. ბავშვი გაშტერებით მისჩერებოდა.

— გაიმეორე ჩემთან: მე ვარ რუსი!.. მე ვარ რუსი!.. რუსი რუსი — და ბავშვი რომ თრთოლვით იმეორებდა: მე ვარ რუსიო, ზავადსკი ხელისგულზე უკაკუნებდა თავის მაჩვენებელ თითს.

— ახლა ხომ გაიგე ვინცა ხარ?!. დაიმანსოვრე კარგად და სხვა-საუც გააგებიე!.. — ჩასძახა მან შეშინებულ ბავშვს.

ამ გზით „აქლიერებდნენ“ მეფის რუსეთს, მაგრამ ცხოვრება თავისას შვეებოდა.

ბათუმი, საოცარი სისწრაფით გაზრდილი, დუღდა და გადმოდიოდა, რომ იტყვიან. მის მცხოვრებთა თითქმის ნახევარს შეადგენდნენ ქარხნის მუშები. აუარებელი მუშა იყო როტშილდის ქარხანაში, შემდეგ მანთაშევის ქარხანაში. ცხოვრობდნენ ისინი ქალაქში, ბევრი ეგრეთ წოდებულ გოროდოკში, უმეტესობა როტშილდის ქარხნის ვადალმა — ბარცხანაში. აქ თითქმის მხოლოდ ქართველობა იყო,

სოფლებიდან აყრილი და ბათუმს შემოხიზნული ელემენტი. აქ ზოგ-
მა იყიდა, ზოგმა იჯარით აიღო მიწა და გამართეს მოსახლეობა. ბარ-
ცხანა იმდენად გაიზარდა, რომ მთავრობამ აქაურებს მამასახლისიც
ამოარჩევია და სამართველოც დააწესა.

თავშეყრილმა მუშებმა ხელ-ხელა 'ერთგვარი ორგანიზაციის' შე-
მოღება იწყეს. ხელშეღვეანელები ამისათვის ბათუმში ბლოკად მოი-
პოვებოდნენ — მესამე დასელები დღით დღე აძლიერებდნენ თავი-
ანთ მუშაობას. აქ მათ ჰყავდათ უფროსი ხელმძღვანელები, როგორც
იყო საშა წულუკიძე და წერა-კითხვის გამავრცელებელი სკოლის მა-
სწავლებლად მყოფი რამიშვილი. ხშირად მოდიოდა ფილაპე მახა-
რაძე.

ამათ იმდენი ახერხეს, რომ ქალაქში გახსნეს საჯარო ბიბლიოთეკა-
სამკითხველო, რომელსაც მოუგროვეს მრავალი წიგნი და უწერდ-
ნენ ჟურნალ-გაზეთებს. სამკითხველო ნურიაში იყო და მუდამ სავსე
იყო მკითხველით. სამკითხველოს გარდა, დიდი მეცადინეობის შემ-
დეგ. გაიხსნა საკვირაო სკოლა ბარცხანაში. აქ როტშილდის ქარხანას
მუშების სასადილოსათვის ჰქონდა აგებული ფიცრული და აქ გაიმარ-
თა საკვირაო სკოლა. რა თქმა უნდა, ეს მოგვარდა დიდი მეცადინეო-
ბის და გაჭირვების შემდეგ. სკოლის პასუხისმგებელ გამგედ იყო
მღვდელი სიმონ თოთიბაძე. როგორც იქნა, მთავრობა დათანხმდა
თოთიბაძის გამგებლობაზე, დართო ნება იმ აზრით, რომ მღვდელი
უფრო საიმედო იქნებოდა. თოთიბაძე ახალგაზრდა იყო. გულწრფე-
ლი, განვითარებული, მოწინავე აზროვნების მქონე პიროვნება. ამ
თვისებებმა ბევრი სიმწარე გამოაცდევინეს მას, მაგრამ იგი მუდამ
მაგრად იდგა თავის პოზიციებზე და ამიტომაც დიდი პატივისცემა
ჰქონდა დამსახურებული, ნამეტურ ქართველობაში. მისი პასუხის-
მგებლობის ქვეშ გახსნილი საკვირაო სკოლა მან დაუქვემდებარა იმ
პირებს, რომელთა იმედი ჰქონდა და ესენიც განაგებდნენ სკოლას.
სკოლაში აუარებელი ხალხი დადიოდა. სწავლის გათავების შემდეგ
მართებოდა ერთგვარი საუბრები. რამდენიმეჯერ ვყოფილვარ ამ
სკოლაში და ყოველთვის გაცხებული ვრჩებოდი, როცა ვხედავდი რა
ხალისით, რა გატაცებით ეკიდებოდა, ევლებოდა ამ სკოლას ეს ხალ-
ხი, რომელიც საღამომდი ქარხანაში მუშაობდა, საღამოს კი, დაუს-
ვენებელი, მორბოდა სკოლაში. საკვირაო ერქვა სკოლას, მაგრამ
მეცადინეობა კვირა დღეების გარდაც იყო.

უთანხმოება ქარხნების, ნამეტურ როტშილდის, მმართველთა და
მუშებს შორის წინათაც ხდებოდა ხოლმე, მაგრამ ამ ხანებში უფრო
ხშირი ხდებოდა და უფრო ღონიერი, უფრო მქალაქრი. მუშებს
ჰყავდათ დამრიგებელნი, ხელმძღვანელები და ამიტომ ახერხებდნენ

უფრო შეკავშირებულ მოქმედებას, საერთო მოთხოვნების გამოცხადებას.

მუშების დასაშინებლად როტშვილის ქარხნის მთავარმა მმართველოვამ გამოაცხადა, რომ ქარხანა გადატანილი იქნება ბათუმიდან ფიუმეში (ავსტრიაში). ამან, რასაკვირველია, დიდი მღელვარება გამოიწვია არა თუ მარტო მუშებში, ბათუმის მცხოვრებლებს შორისაც. საზღვარგარეთიდან ჩამოსულ ფირმის წარმომადგენელთან მივიდა მუშების დეპუტაცია. ფირმის წარმომადგენელი (არ უნდა ვცდებოდეთ მგონი — როტშვილის სიძე ევრუსი) აცხადებდა: ამ ბოლო ხანებში ისე ირჩებოდა მუშები, რომ ქარხანას აღარ შეუძლია თავი მოუაროს ყოველივეს და ამიტომ იძულებული ხდებაო ქარხანა ან სხვაგადა, საზღვარგარეთ, გალაიტანოს ან და სულ დაბუროს იგი, თუ მუშები განაგრძობენ მათგან დაწყებულ მოქმედებას.

მოკლე ხნით ქარხნის მმართველობა და მუშები მორიდდნენ, მაგრამ მალე ისევ ატყდა უკმაყოფილება. ამჯერად მუშები ისე ორგანიზებულად ამოქმედდნენ, რომ ცხადი იყო, მათ შესანიშნავი ხელმძღვანელი ჰყავდათ. წინათ ყოფილი ქარხნის მმართველი, ინჟინერი ზროდლოვსკი, კაცი მოხერხებული, აღარ იყო — გარდაიცვალა; მის ადგილზე ჩამდგარი ქარხნის ახალი დირექტორი ვანშეიდტი ვერ იყო შესაფერისი თავის ადგილისათვის. მუშებისაგან წარდგენილ მოთხოვნებიდან მან არ მიაქცია ჯეროვანი ყურადღება; მუშებმა შეწყვიტეს მუშაობა. ვანშეიდტმა განცხადება გამოაკრა, რომ დანიშნულ დღეს ვინც სამუშაოზე არ გამოცხადდება დათხოვნილი იქნებაო. ჩაერია ბათუმის გუბერნატორი. მან მოითხოვა აღმინისტრაციისაგან იმ მუშებზე სიის გადაცემა, რომლებმაც ქარხნის მმართველს წარუდგინეს მოთხოვნილება და შეთავაზებდნენ გაუიცვას. სანამ ეს არ იქნებოდა სისრულეში მოყვანილი, ეკრძალებოდათ ქარხანაში მუშაობის დაწყება. რამდენიმე დღის უწყმანის შემდეგ, ამ ჩარევით შეშინებულმა ქარხნის მმართველმა, დაასახელა რამდენიმე მუშა, რომლებიც გუბერნატორმა დაუყოვნებლივ დაპატიჟრა და მოათავსა ბათუმის ციხეში; დანარჩენებს ებრძანათ მუშაობას შესდგომოდნენ. ამან გაამწვავა, გაართულა მდგომარეობა. მუშებმა არა თუ უკან წაიღეს თავიანთი წინანდელი მოთხოვნები, უარესად აღელდნენ მათი წარმომადგენლების დაქერის გამო და ახლა ზედ დაუმატეს დაკავებული, დატუხალბებული მუშები დაუყოვნებლივ გაენთავისუფლებინათ. აღმინისტრაციამ მოთხოვნილებას ყურადღება არ მიაქცია. მუშები აღელდნენ. აღელვებულებმა გასწიეს ციხისკენ, სადაც ისტდნენ მათი ამხანაგები. რამდენიმე ასი კაცი მიიჭრა ციხის კარებთან და აღელვებით მოითხოვეს დატუხალბეულებს გამოშვება.

მოკლულმა ადმინისტრაციის წარმომადგენელმა განუცხადა მუშებს, რომ ეგ შეუძლებელიაო.

— აბა, ჩვენც... ყველა ჩვენც დავგაკავეთ... ერთიანად! — იყვირა ხალხმა.

ციხის კარებთან აუარებელმა ხალხმა მოიყარა თავი. ვერავითარი მუქარით ვერ გაფანტეს, ვერ აიძულეს ხალხი დაშლილიყო. აცნობეს გუბერნატორს. მოვიდა გუბერნატორი დრიაგინი და როცა მუშებმა წინაძახეს დატუსაღებულნი გამოუშვითო, მან უარით უპასუხა და თან დაემუქრა სასტიკი ზომების მიღებას. მუშები უფრო აღელდნენ; ადგილიდან არ იძროდნენ. მაშინ გუბერნატორმა მოითხოვა ჭარი.

მოვიდა მორიგი გუნდი ჭარისკაცებსა. გუნდის უფროსი იყო კანტანი ესტატე ანთაძე. მუშები ისევ თავიანთ ადგილებზე იდგნენ, ახმაურებულნი. გენერალი დრიაგინი კიდევ იმუქრებოდა, რომ ძალას იხმარდა ხალხის გასაფანტავად. მაგრამ უქმი რჩებოდა მისი ბძანება. ამის შემდეგ მან განაკრულება გასცა: გუნდი მუშებს გარს შემორტყმოდა და ყველა დაეტუსაღებინა.

ოთხასზე მეტი დატუსაღებული მუშა, ჭარისკაცებით გარს შემორტყმული, წაიყვანეს ეგრეთ წოდებულ პერესილნი პუნქტში. აქ იყო მრავალი ყაზარმა და ამ ყაზარმებში შეყარეს დაკავებული მუშები, როგორც ზევით ვთქვი, რიცხვით ოთხას კაცზე მეტი.

ამ ხანებში, ყოველთვის, ყოველდღე, ინიწნებოდა თითო გუნდი საენიცობო შემთხვევისათვის. ამ დღეს ჩვენი ნაწილიდან უნდა ყოფილიყო მორიგი გუნდი და სწორედ ჩემი გუნდი იყო მორიგედ. ნაშუადღევს გამოგვიცხადეს მზად ვყოფილიყავით. საღამოს ბრძანება მოგვივიდა: პერესილნი პუნქტზე უნდა გამოგვეცვალა იქ ყოფილი გუნდი და საყარაულოში ჩავმდგარიყავით.

გამოვიყვანე გუნდი და გამოვუცხადე მიღებული ბრძანება.

— იმედია ყოველ ხიფათს გადავრჩებით და ბედნიერად დავბრუნდებით, ძმებო!.. — მივმართე ჭარისკაცებს. — მარჯვით, წინ!..

უკვე კარგად დასაღამოვებულა. წინ მივდივართ სამი ოფიცერი ხმა გაქმნილინი. არ ისმის ლაპარაკი არც ჭარისკაცებში. ეტყობა, რომ ყველას აწუხებებს ფიქრი: შესაძლებელია ცუდი რამ შეგვემთხეას, ცუდი რამ მოხდეს.

არასასიამოვნო საქმეზე მივდიოდით, ამას ყველანი ვგრძნობდით და გულდამძიმებულნი, გარინდულნი მივბიძგებდით.

მივედით პუნქტზე. აქ დაგვხვდა ციხის შტაბის უფროსი პოლკოვნიკი ლევინი.

— დავიდ სამსონიჩი! გამოცვალეთ ახლავე ანთაძის გუნდი... მე ვიცი, რომ ამალამ დაკავებულები ღობეზე გადახტომით თავიანთ სახ-

ლებში გაიპარებიან, მაგრამ დარწმუნებული ვარ დილას უკვე აქ იქნებიან. გაეცით ბრძანება, რომ თოფი არ ესროლონ, როცა შენიშნავენ ღობეზე გადახტომას... თუ რაღაც სალაპარაკო გახდეს მუშებთან, აი აგერ მათი წარმომადგენელი, კატენკო, მოიხმეთ და სხვებთან ერთად მოილაპარაკეთ. გთხოვთ მეტის თავაზიანობით მოექცეთ აღელვებულ ხალხს. ცოტა რამ კმარა, რომ უბედურება მოხდეს ამდენ ხალხში!... კატენკო! — მიუბრუნდა იგი იქვე მდგარ მალალ, განიერ ხსარბეჭიან მუშას, — კატენკო, თქვენ იცით, როგორ თავდაპირველად აქნებთ! აბა, ასე! იმედი მაქვს ყველაფერი მშვიდობიანად იქნება! — აქვა და გაგვშორდა. ლევინი გენერალური შტაბის პოლკოვნიკი იყო, ახალგაზრდა, მეტად რიგიანი პიროვნება.

დამავიწყდა მეთქვა, რომ როცა ციხესთან მოსული მუშები დააკავეს და პუნქტზე წამოიყვანეს, ციხიდან გამოიყვანეს დააკავებული მუშებზე წარმომადგენლებიც და ისინიც მოიყვანეს პუნქტზე.

ყაზარმების ეზოში ფუსფუსობდა აუარებელი მუშა; ყაყანებდნენ, ისმოდა გაცხარებული ლაპარაკი, ზოგან სიმღერაც.

შემოვიარე ეზო. განვუშვებოდა ყარაულად ჩაყენებულ ჯარისკაცებს ბრძანება — თოფი არ ეხმარათ არავის წინააღმდეგ და შევედი საყარაულო ოთახში. აქ უკვე ცეცხლი გაეჩაღებინათ, რადგან ციოდა; მარტის პირველი დღეები იყო; მიუფრქვი ცეცხლს; საუბარი არ ბერსდებოდა; ხანდახან ერთ-ერთი თუ წამოიძახებდა ხოლმე — ოჰ, მშვიდობიანად გავბრუნდებოდეთ აქედან ერთი! — და ისევ სიჩუმე.

ლამემ მშვიდობიანად ჩაიარა. გათენდა. გამოვედი საყარაულო ოთახიდან; ეზოში წყლის მილებთან მუშები პირს იბანენ.

— ოჰ, ანთელავა!.. გამარჯობა! როგორაა საქმე?.. ბიჭები ხომ არ გაპარულან? — ეს ანთელავა ახალგაზრდა განვითარებული მუშა იყო, მწიფი, წარმოსადეგი ვაჟკაცი. იგი ერთ-ერთი წარმომადგენელთაგანი იყო მუშებისა და დიდი გავლენა ჰქონდა მუშებში. მას მე წინათაც ვიცნობდი.

— ყველა აქ არის!.. რაღაც გეიპარებიან!.. ვინც ღამე სახლში გაათია, უკვე დაბრუნდა! — ღიმილით მომიგო მან. — რა გვაქვს გასაქცევი?.. რას უნდა გავქცეთ? ბატონო, იმათ ვინც აქ ღამე გაათია, ჩიი არ დაუღუპია და ხომ მოგხსენებათ, მუშა დაჩვეულია დილით ჩიი უნდა დალიოს. გთხოვენ უბრძანოთ ჩიი მისცენ!

პოლიციამ, რომელსაც დაეალელებული ჰქონდა დილაადრიაანად ჩიი მიეცა დაკავებულუბისათვის, ნამეტანი დაავიანა და ძლივს, როგორც აქნა, ჩაჩენების შემდეგ, დააკაყოფილეს მუშები.

იქნებოდა მეთაე საათი, როცა პუნქტზე მოვიდა გუბერნატორი,

გენერალი ღრიაგინი. მან დაიარა ეზო, შემდეგ მოუყარა თავი მუშებს და შეეკითხა, ხომ არაფერი გინდათო.

— გაგიშვით! — მოისმა რამდენიმე ხმა.

გენერალმა ამაზე არა თქვა რა და თავისით განაგრძო:

— სადილად თქვენ მეოთხედი გირვანქა ხორცი გერგებათ, მაგრამ მე ეუბრძანე ნახევარ-ნახევარი გირვანქა მოგცენ... პური ორი გირვანქის მაგიერ — სამი მოგეცემაო!

შეიქნა ერთი სიცილი.

— ანთ გვაწყნარებს ვითომ? — მოხსმოდა, — არ გვინდა თქვენს წყალობა ხორცი... სახლში გაგიშვით!.. მუშაობა გვინდა!

გენერალი ისევ სადილის წესაზე განკარგულების გაცემაში იყო, რომ პოლიციელმა მოიჩინა და მოახსენა გუბერნატორს — როტშვილდის ქარხნიდან მუშები მოდიან პუნქტისკენ.

— შეჩერდით! — უყვირა გენერალმა მოსულებს, როცა ისინი მოახლოვდნენ. მოწინავეები შეჩერდნენ და უკან მომდევნო ხალხს გადასძახეს შეჩერებულაყვენ. შეწყდა სიმღერა.

— რა გინდათ? — მიმართა მოწინავეებს გუბერნატორმა.

— განთავისუფლეთ დაკავებული ჩვენი ამხანაგები... თუ არა დეჩვენც შეგვეყარეთ მათთან ამ ყაზარმებზე! მიუჯო შაფროხიანმა მუშამ, გოგბერძემ (სახელი არ მახსოვს), რომელიც მოუძლოდა მოსულებს.

— თქვენ რისთვის უნდა დაგაყოთ?.. ტყვილა მოგიყრით თავი, გირჩევიანთ დაიშალოთ! — უთხრა ღრიაგინმა.

— ჩვენ აქედან ფეხს არ მოვიცვლით, სანამ ჩვენი ამხანაგები დამწყვდეულნი იქნებიან — იყვირეს მოწინავეებმა. — ჩვენ უნდა მოგვისმინოთ! — შეიქნა ყიჟინა.

— ილაპარაკეთ რუსულად! — თქვა გუბერნატორმა.

— რუსული არ ვიცით!.. — წამოიძახეს რამდენიმემ.

— ხომ გესმით რუსული! — უთხრა გენერალმა.

— ტვინი გვერყევა... სად ვეძიო მე რუსული სიტყვები ჩემი ცეცხლის გამოსათქმელად! — უცნაური ხმით წამოიძახა წინ წამომდგარმა მალალმა მუშამ — იმ დროს სახელგანთქმული მოქიდავე გლდანე-ლის ქმამ.

გუბერნატორმა თარჯიმნად მიიწვია მის გვერდით მდგომი პოლიციის ბოქაული. ზალხმა იყვირა არ გვინდაო; გუბერნატორმა მეორე პოლიციელი მიიხპო, მაგრამ ამაზედაც იყვირეს არ გვინდაო.

გოგბერძემ წამავლო ხელი, წამაყენა გუბერნატორის წინ და წამოიძახა: — ეს იქნეს თარჯიმნად!.. ეს იქნეს! მაგან გვითარგმნოს!

— იყო, იყო! — იყვირეს მოწინავეებმა. შევეუდექი თარჯიმნობას. მუშები ჩიოდნენ თავიანთ ცუდ მდგომარეობაზე ქარხანაში, რომ

ხმის ამოღებისათვის დაიჭირეს და ციხეში ჩააგდეს მათი წარმომადგენლები და, ალბათ, ქარხნიდანაც გააძევებენო, რომ ამას ვერ შეუძლებიან ამხანაგები და თხოულობენ გაანთავისუფლონ დაქვრივები. გუბერნატორმა უპასუხა, რომ მას არ შეუძლია გამოუწვას დაკავებულები, რადგან მან უმაღლეს მთავრობას მოახსენა ყველაფერი და თბილისიდან ელის განკარგულებას. დრიაგინმა მოითხოვა დაშლილიყვენ და დაპირდა მათ, რომ მოსულ განკარგულებას დროზე შეატყობინებდა. მუშებმა მიუგეს ამაზე, რომ აქვე მოუცლიან განკარგულების მოსვლას თბილისიდან.

— აქ წეიძლება უწყისობა მოხდეს რამე! — თქვა გუბერნატორმა.

— ჩვენ აქ უწყისობის მოახდენად არ მოვალუვართ!.. ჩვენ აქ უიარაღოდ ვართ! გაგვსინჯონ თუ რამე იარაღი გვაქვს!.. ჩვენ აქედან ფეხს არ მოვიცვლით, სანამ ჩვენი ამხანაგები დამწყვედეულნი იქნებიან! — გაიძახოდნენ მუშები.

— თქვენო აღმატებულება, ნამეტანი ბევრი ხალხია მოგროვილი... ეგებ ბრძანოთ კიდევ ერთი გუნდი ჯარისკაცებისა გამოვიწვიოთ! — ხმადაბლა წაულაპარაჟა გუბერნატორის პოლიციის ბოქაულმა.

— გამოიწვიეთ საჩქაროდ! — უბრძანა გუბერნატორმა.

მე კარგად მესმოდა მათი ლაპარაკი, რადგან გუბერნატორის გვერდით ვიდექი.

ელექტრონის სადგურის გადასახვევი ყაზარმებთან გატენილი იყო ხალხით. ყაზარმების ზედა სართულიდან გადმოძღვარი იყვნენ დაქვრივი მუშები. ბევრი მათგანი ღობეზე გადმომჭდარი იყო, ისპოდა საოჯარი ხმაურობა, ყაყანი, ყვირილი.

უცაად ხმაურობამ შესამჩნევად იმატა. ელექტრონის გადასახვევიდან ადესას ქუჩაზე გამოჩნდა ახლად გამოწვეული გუნდი, რომელიც მოიყვანა ანთაქემ. ამ უკანასკნელის დანახვაზე ეზოში მუშებმა შექმნეს ყვირილი. საოცარი ყვირილი მოისმა ჩვენს უკანაც. დაიწყო არევა.

— დაწყნარდით! — მიმართეს წინ მდგომმა მუშებმა, მაგრამ ერთი თვალის დახანხამებაში ყველაფერი აირია. შეიქნა წარმოუდგენელი ყიყინი, ყვირილი; ეძგერენ მარჯვნივ ფიცრის ღობეს; სეტყვა-სავით ეფინება ფიცრების ნამტვრევები, მიწის კოლბოხები, წვრილი კენკები.

მე გავშორდი გუბერნატორს და მივაშურე ჩემს გუნდს, რომელიც ეზოში იდგა. გავჩერდი ჰიშკართან. პირდაპირ ჯოჯობეთი შეიქნა. რა მოხდა? რამ გამოიწვია ეს? არაფერი იცის.

უეცრად გავარდა რევოლვერი. ერთი... ორი... სამი ეს შარვაში-
ის ეზოდან იყო. კიდევ ერთი და გავარდა თოფი; უეცრად არც სა-
ვალდებულო სიგნალი და იგრილა ზალპმა.

— პომენშე კროვოპროლიტია — მხოლოდ ეს წამოეძახა გუბერ-
ნატორს, რომელიც ანთაძის გუნდთან იდგა. — პომენშე კროვოპრო-
ლიტია! — იმის მაგიერად, რომ სიგნალის მიცემა ებრძანებინა და
არა უსიგნალოდ დაეწყო სროლა.

საზარელი კივილა, წივილი.. აირია ყველაფერის გარბიან, დაცა-
რიელდა აქაურობა. ქუჩა კი მოფენილია დაჭრილებით, მომაკვდავე-
ბით. სისხლში გლიან დევი ახალგაზრდები, ზოგი უძრავად, ზოგი
აიკვდილს ებრძვის; გულშემზარავი კვნესა დაჭრილებს.

მე მივიღე ბრძანება ქუჩა შემეკრა, რომ ამ დროს აქ გარეშე
არავინ ყოფილიყო. ერთ-ერთ ოფიცერს (სლივინსკის) ვუბრძანე
ეზოდან გამოეყვანა ჭარისკაცები და ქუჩაში დაეყენებინა, თავში და
ბოლოში. როცა ამან ჭიშკარს გადმოაბიჯა, გამოვიდა ქუჩაში, უეც-
რად შედგა, იძრო ჭიბიდან ცხვირსახოცი და აცრემლებულ თვალებ-
ზე მიიფარა. სანახაობა სწორედ საზარელი რამ იყო.

მოიყვანეს ეტლები და დროგები მკედარ-დაჭრილების წასაღებად.
სისხლით მოთხვრილ ადგილებს აყრიდნენ მიწას; ეტლების ბორბლე-
ბით იზილებოდა ეს ადგილები და საზარელი რამ სანახავი იყო ეს
ვესისხლიანებული მიწის ცომები.

გულადუღებულნი, თვალცრემლიანი ვუყვებოდი ჩემს გარშემო
შეყრილ ჭკუფს, თუ როგორ მოულოდნელად მოხდა ასეთი საშინე-
ლი ამბავი.

— ახლა ტირი? პატროსანი კაცი რომ ყოფილიყავი აქ არ იქნე-
ბოდი — მომესმა უკანოდან. ამის მთქმელი ვილაც დედაკაცი იყო.
ადულდა გული უარესად.

— შეგაჩვენა გამჩენმა! — მივაყვირე. — მხეცო! შეუბრალებე-
ლო! გესმის შენ შენი სიტყვებია?!

გაგონილმა სიტყვებმა რეტი დამასხა... ჩემი გუნდიდან ერთი
ჭყვია არ გავარდნილა, ათრთოლებული, გონებადაბნეული, თვალ-
ცრემლიანი ვიმეორებდი: — შეუბრალებელო!.. შეუბრალებელო!

— ხმა! ვეს ეუბნები მაგას, სულელო!.. გაჭრი აქედან! — შეუ-
ტიეს დედაკაცს. დედაკაცი გაჭრა, მე კი დაჩაგრული მისი სიტყვე-
ბით, ვიდექი გაშტერებული.

— დაწყნარდით, დავით!.. ნუ მიიღებთ გულთან ახლოს... არ იცის
ეს ეუბნება მაგისთანა სიტყვებს! — მაშშვიდებდნენ ჩემთან მდგომ-
ნი. მაგრამ გული ვადამეტებთ დულდა მწარე სიტყვების გაგონებით.
დიახ, რა მინდოდა მე ამ რიგებში? რატომ ვხდები მოწმე ამგვა-

რი საშინელები, ამ საზიზღრობისა! ო, რა ტანჯვა გამოვიარე. გარეტიანებული დავდიოდი მთელი საღამო; მიჩლუნგებული გონება აღარ მუშაობდა.

საღამოს თავი მოიყარა პუნქტზე მთელმა ადმინისტრაციამ — გუბერნატორმა, მისმა თანაშემწემ, ქარხნის დირექტორმა, ოლქის უფროსმა. ჩვენი ნაწილს უფროსი პოლკოვნიკი მოვიდა და კიდევ რამდენიმე სხვა.

მუშები ყაზარმებში ისხდნენ, ხმაგაკმენდილნი, გარინდებულნი. თავმოყრილი უფროსობა დილაძე პუნქტზე იყო. ეშინოდათ მუშები არ გამოსულიყვნენ. მეც მეშინოდა ახალ უბედურებაში არ გაეხვიათ მუშები და ფხიზლად ვიყავი. ღამემ წყნარად გაიარა. დილასაც, აგრეთვე სიწყნარე იყო. მუშები გადაწერეს და გაუშვეს.

ნაწილის უფროსმა მითხრა გუნდი ყაზარმაში წამეყვანა.

— სიმღერით — დაუმატა მან.

— ეგ შეუძლებელი იქნება! — მივაძახე გაცელებულმა.

— ბრძანება გაქვთ მიღებული... უნდა შეასრულოთ! — მოკლედ მომიპირა მან და გამშორდა.

ვაცნობე უმცროს ოფიცერს მიღებული ბრძანება და დაუუმატე, რომ სიმღერით გუნდს არ წავიყვან და თუ რომელიმე მათგანი თანახმაა ბრძანებისა, გაჰყვას გუნდს. ორივემ უარი განაცხადა.

სწორედ ამ ლაპარაკში რომ ვიყავით, ცხენით მოგვიახლოვდა ციხის უფროსი, კომენდანტი, გენერალი სოკოლოვსკი.

— თქვენო აღმატებულბავ, ნაწილის უფროსი პოლკოვნიკი მერტენგერნი გვაიძულებს გუნდი ყაზარმაში უსათუოდ სიმღერით წავიყვანოთ — ვუთხარი აღელვებულმა.

— როგორ თუ სიმღერით?! რა დროს სიმღერაა?.. რა სასიხარულო საქმე?.. ოხდა, რომ ქუჩებში სიმღერით იაროთ?.. ხომ არ შეშლილა! არაფერი მაგდობვარი არ იქნეს!

გუნდი გავუშვი. მე კი მივედი პოლკოვნიკთან და ვუთხარი:

— გუნდი წავიდა, კომენდანტმა აკრძალა სიმღერა.

— საევირეელია! — უკმაყოფილოდ წაილაპარაკა მან.

დამქანცული, ნერვებაშლილი მივედი შინ. დამწუხრებულნი შემხვდნენ ხმაამოუღებლად.

თვალი მინდვას ოდესის ქუჩა მოფენილი შეტაკების მსხვერპლით... ყურში მიწივა დედაკაცის სიტყვები...

ულონოდ დავეგდე ბედის მსწყევარი, რომ ამ წრეში მომაქცია.

მეორე დღეს მოხსენება წარვადგინე იმის შესახებ, თუ რა შეხვედა გუნდს მორიგეობის დროს. ნაწილის უფროსმა დამიბარა და, როცა მივედი, მითხრა, რომ ჩემს მოხსენებაში ბევრი რამ არ არის შეტანი-

ლი, მაგალითად, არ არის აღნიშნული თუ რამდენი ჯარსკაცი დაიჭრა...

— დაჭრილი არავინ ყოფილა — ვუთხარი.

— როგორ არ იქნებოდა.. უსათუოდ იქნებოდა გაიგეთ გვარები და ჩაწერეთ!

— არავინაა დაჭრილი, მე კარგად ვიცი! — მივუგე.

— ეგ არ შეიძლება.. გამოიკითხეთ ხელახლა!.. არც ის გაქვთ მოხსენებული, რომ მე მოვედი პუნქტზე და დარიგება მიიღეთ ჩემგან.

— თქვენ მოხვედით, როცა უკვე ყველაფერი გათავებული იყო.

— საქმე იმაში კი არ არის თუ როდის მოვედი, — წყენით წამოიძახა პოლკოვნიკმა, — მოვედი როცა შემეძლო.. ნუ გავიწყდებათ, რომ ეს შემთხვევა სასამართლოში იქნება გარჩეული და თქვენი მოქმედება გამორკვეული იქნება დაწვრილებით... ყოველ თქვენს მოქმედებაში პასუხს მოგთხოვენ, თუ რამდენად შეასრულეთ ყველაფერი ტაქტიკური მხრით!..

ეს პირდაპირ წაშება იყო.

— მე ავად ვარ და გთხოვთ გამანთავისუფლოთ! — ვუთხარი და წამოვდექი.

— წაიღეთ ეს მოხსენება და როგორც გითხარით, ისე შეავსეთ და ახალი წარმოადგინეთ! — მითხრა.

წამოვიღე მოხსენება; ახალი დავწერე — მიუხედავად მხოლოდ, რომ საღამოს პოლკოვნიკი მოვიდა — თქო. სხვა არაფერი. პოლკოვნიკი ძლიერ გაჭაერებულ იყო, როგორც მერე გადმომცა ადიუტანტმა, და გაჭაერებით წამოეძახნა:

— მოსთხოვენ ანგარიშს მის მოქმედებაში... ნახავს!..

ერთი კვირა ვეგდე ნერვებაშლილი. როტმილდის ქაჩნიდან ჩემს ბინაზე მოვიდა ერთი მუშათაგანი — მოსე ბაბილოძე, ჩემი ამბის გასაგებად — გვითხრეს ავად არისო და ამხანაგებმა დამავეალეს მენახეთ და თქვენი ამბავი გაეგო.

მახლობელ დღეებში, როცა ავდექი, შევხვდი ნიკ. იმნაძეს, ანთაძის გუნდის ოფიცერს. ლამაზი კაცი ახლა უცნაური სანახავე იყო — სახე გამოცვლილი. უცნაურად გამოიყურებოდნენ მისი ახლა ჩავარდნილი თვალები. წინათ ხალისიანი მოლაპარაკე, ახლა შეწუხებით ამბობდა სიტყვებს.

— რას ერჩიან საწყალ ესტატეს? (ანთაძის სახელია) — მითხრა მან. — სადაც დაინახავენ ქუჩაში, უყვირიან, ლანძღავენ, აგინებენ! მე ვასროლიე... როცა სროლა დაგვიწყეს. — მე გადავძახე მას — ესტატე, ხომ ხელაე ტყვია დაგვიშინეს, ნება მომეცი ვესროლო...

კან, შეშინებულმა, ნება დამართო, ისროლეო. და შეიქნა ის უბედურება, რაც მოხდა... დასწყევლოს ღმერთმა, ბედი არ მქონია კიდევ კარგი, რომ ბევრმა ზევით ისროლა, თორემ წინ რომ ესროლათ, პაშის იქნებოდა ამბავი..

— ესტატე! — მივმართე ერთხელ ანთაძეს, — ამბობენ ვითომც ანას ჯვარზე წარგადგინეს, მართალია?

ანთაძემ თავი გააქნია და მწუხარებით მომიგო:

— დასწყევლოს ღმერთმა!.. რა ჯანდაბალ მინდა ანას ჯვარი იქნება თუ სხვა!.. ნეტავი ჩემი მოსუცებულობა არ გამწარებელიყო და ამ უბედურებაში არ ჩავევარდნილიყავი, მე რომ ჩავევარდი.. მაღლობა ღმერთს, ასეთი იღბალის კაცი ვყოფილვარ!

ოხურგეთში სახლი ჰქონდა მას — ერთ დღეს ცეცხლი მისცეს და დაუწვეს. გულწრფელად სწუხდა იგი თავის გამწარებულ შობუცებულობას; მწუხარებამ გულის გაგანიერება გამოიწვია და, თავის ბედის მოტირალი, გამოათხოვა ამ სოფელს.

თ ა ვ ი მ ი ც ხ რ ა

პეტერბურგის მსროლელთა სკოლაში. — ფარული კრება ბასეინის ქუჩაზე. — დაბრუნება ბათუმში. — პირველი საეკირო სკოლა. — მოქმედები გურიის გლეხების რევოლუციური მოძრაობიდან. — რატშილის ჭარხნის მუშათა დრამატული დასი.

ამ მნიშვნელოვანი შემთხვევის გამო წარმოებულმა საგანგებო გამოძიებამ მრავალი მუშა დასვა საბრალმდებლო სკამზე. ეს ამბავი მოხდა 1902-ის მარტში; რამდენიმე თვის შემდეგ დანიშნული იყო საქმის გარჩევა. მუშების დამცველებად გამოდიოდნენ რუსეთის საზღვრეთსო ვეჟილები, რიცხვით თორმეტი, იმ დროს ცნობილი ვეჟილის მურავიოვის მეთაურობით. მოწმეთა რიცხვში მეც ვიყავი.

დანიშნულ დღეს საქმე არ გარჩეულა, რადგან ვეჟილებმა თავი ვერ მოიყარეს და ითხოვეს საქმის გარჩევის გადადება. სასამართლომ შეიწყარა თხოვნა. საქმის გარჩევა გადაიდვა.

იანვარში მე მივლინებული ვიყავი პეტერბურგში, ეგრეთ წოდებულ მსროლელთა სკოლაში (ოფიცერსკაია სტრელკოვაია სკოლა) ათი თვით. ამ სკოლაში იგზავნებოდნენ ამორჩეული კაპიტნები; სკოლაში სხვადასხვა ნაწილებიდან ყოველ წლობით იყრიდა თავს ას სამოცი კაპიტანი. სწავლის საგანი იყო ტოპოგრაფია, ტაქტიკა, სროლის თეორია და პრაქტიკა. სკოლა მოთავსებული იყო ორანიენბაუმში. გზად პეტერბურგისკენ მოსკოვში დავრჩი ორი დღით.

უნდა მენახა აქ მყოფი პროფესორი ალექსანდრე ხახანაშვილი და მინდოდა დაესწრებოდი სამხატვრო თეატრში გორკის პიესის წარმოდგენას „ფსკერზე“ (ნა დნე), რომელიც ის იყო დაიდგა და რომელმაც მთელი რუსეთი აახმაურა. მივადექით მე და ჩემი ერთი ამხანაგი თეატრის სალაროს. მომადწოდეს გორკისავე „მეშჩანეზზე“ ბილეთი; მითხრეს, „ფსკერზე“ არ არისო.

— ღმერთო ჩემო! სამიათასი ვერსი გამოვიარე, და სულ ბმის ოცნებაში ვიყავი, რომ ვნახავდი ამ პიესას... — და ეს, ალბათ, ისე სხევანიარად ამოსკდა გულიდან, რომ მოლარე ქალმა გაიცინა და შემეკითხა:

— საიდან მოდიხართ?

— მე ბათუმიდან და ეს ჩემი ამხანაგი ტაშკენტიდან! ხვალ უსათუოდ პეტერბურგში უნდა წავიდეთ.. გვიშველეთ რამენიარად! მოლარე ქალმა გაიცინა:

— მაქვს ორი ბილეთი ჩემი ნაცნობებისათვის გადადებული... იმათ შემდეგ მოვაწყობ... ინებეთ! — და გადმომადგინა ორი ბილეთი. ჩვენს სიხარულს საზღვარი არ ჰქონდა; მხურვალე მადლობა ვუთხარით მოლარეს. მე ვავეწეურე წარმოდგენამდე ხახანაშვილის სანახავეად. ის ცხოვრობდა ჩერნიშევის გადასახვევში. ავიდ იყო; სიხარულით შემომეგება; განიერი ოთახის კედლებზე თაროები სავსე იყო წიგნებით; მაგიდებზედაც მრავლად ეწყო წიგნები. — ეს ნაბღვილი ბიბლიოთეკა იყო. სასიამოვნო საუბრის შემდეგ, როცა წასკლა დავაპირე, ხახანაშვილმა მითხრა: ხვალ უნივერსიტეტში აქტია დილაპაო, მონაწილეობას იღებენ აკადემიკოსი ვესელოვსკი, ბობორიკინი, ზლატოვრატსკი, კორში და სხვები; მატარებლის წასვლამდე მოასწრებთო, უსათუოდ დაესწართო და გადმომცა შესასვლელი ბარათი. საღამოს სამხატვრო თეატრში ვიყავი „ფსკერზე“. შთაბეჭდილების აღწერას ავერიდები, რადგან ეს სორს გადამავდებდა — ვიტყვი მხოლოდ: მთელი წარმოდგენა ისე გავატარე, თითქოს სიხმარში ვიყავი. მუორე დღეს დანიშნულ დროს უკვე უნივერსიტეტის დიდ დარბაზში ვიყავი, სადაც დამხვდა ხახანაშვილი.

აქტიც გათავდა და მეც სადგურისაკენ გავეშურე ორიენზაუმში წასასვლელად.

სკოლაში, სადაც უნდა მივსულიყავი, წარსულ წლებში სასტიკი დისციპლინა იყო დამყარებული; ჩემსობას სკოლის უფროსად იყო გენერალი ბრილვეიჩი, კაცი მეტად რივიანი. წესად იყო, რომ კავკასიიდან მოსული კაპიტნები უნდა წარდგომოდნენ ყოფილ მეფის მოადგილეს მიხაილ ნიკოლაევიჩს. ერთ დღეს ბრილვეიჩმა წავგიყვანა მის სასახლეში. მიხაილ ნიკოლაევიჩმა მხიარულად მივგილო, ჩა-

მოგვიარა და ყველას გვესაუბრა. სხვათა შორის მე მკითხია, ვინაა აქვენი ნაწილის უფროსიო.

— პოლკოვნიკი მერტენგრენი — მიუხედავად.

— ჩუხონეც! — ერთნაირ კალოზე წამოიძახა მან.

— არა, რუსია! — ვთქვი.

— კმ! — ჩაიციხა მიხაილ ნიკოლაევიჩმა.

ეს ლაპარაკი მივწერე ბათუმში ადელტანტს (მეტად კარგი ოფიცერი იყო); ადელტანტმა წაუკითხა მერტენგრენს მისი ჩუხონეცობა. წყენოდა (მეც ეს მინდოდა) და ეთქვა:

— საკვირველია მე მიცნობდა მთავარი!

ამ ხანებში დიდი ამბები ჰქონდა მღვდელ გრიგორი პეტროვს; მისი საჩარო ლექციები აუარებელ ხალხს იზიდავდა პეტერბურგში; ეს ის პეტროვი იყო, რომელმაც ანაფორა გაიხადა და სახელმწიფო საბჭოს წევრად იყო, შემდეგ კი გაძევებულ იქნა რუსეთიდან. ორანიგნაუმიდან მუდამ დავდიოდით პეტერბურგში ამგვარ ლექციებზე მე და კიდევ სამი ქართველი, სკოლაში რომ ვიყავით. ამ ლექციებზე ხშირად საოცარი დაუჩინებლობით ფულეებს კრებდნენ ახალგაზრდა ქალები და ვაჟები „ცნობილი მიზნისათვის“ (დღია იმვესტრიო ცელი), როგორც ისინი ამბობდნენ.

ჩემი მისვლის რამდენიმე დღის შემდეგ პეტერბურგში, საზოგადოების „პალმას“ დარბაზში ქართული წარმოდგენა იყო გამოცხადებული. რასაკვირველია, მე გავეშინე აქეთ. დიდი დარბაზი სავსე იყო ხალხით. აქ თავი მოეყარა პეტერბურგის ქართულ კოლონიას. წარმოდგენამ ჩინებულად ჩაიარა. აქ შევხვდი ბევრ ნაცნობს და მრავალი ახალი გავიცანი, რომლებსაც შემდეგში ძლიერ დავეუახლოვდი. ამათში იყო ერთი ახალგაზრდა ქართველი ტექნიკი — გრიგოლ რევიშვილი, რომლის ბინაზე თავს იყრიდა ხშირად ქართველობა, — როგორც მაგალითად ივანე ჯავახიშვილი, ექიმი ობუხოვის საავადმყოფოსი, დღეს ქართული უნივერსიტეტის პროფესორი სპირიდონ ვირსალაძე, გურგენიჩის გიმნაზიის მასწავლებელი ბიქტორ კანდელაკი, სიმონ ჟორჯოლაძე, ნიკო თავდგირიძე; ხანდახან მოდიოდა ლუარსაბ ანდრონიკაშვილი, მაშინ ახალგაზრდა ვეჭილი; ის იყო ჩვენი ინფორმატორი მთავრობის შესახებ, პლევეს შესახებ, რომლის წინაშე ამ დროს თრთოდა მთელი რუსეთი.

ერთ საღამოს კიკო თავდგირიძემ, — მაშინ იგი ოზურგეთის ქალაქისთავი იყო და პეტერბურგში იყო მოსული ნებართვა გამოერთანა ნატანებიდან ოზურგეთამდე რკინიგზის გამოყვანაზე, — მითხრა: პრიატ-დოცენტი ივანე ჯავახიშვილი ავად არის და წავიდეთ ვნახოთო. მე არ ვიცნობდი მაშინ ჯავახიშვილს, მაგრამ დაუუჩერე

ნიკოს, რომ მას იამებოდა ჩვენი ნახვა და წავედით მასთან. იგი მართლაც ავადმყოფი დაგვიხვდა, მაგრამ ზეზე იყო. პატარა ოთახი, რომელშიც იგი ცხოვრობდა, სასიამოვნო შთაბეჭდილებას ახდენდა. სასიამოვნო იყო ჩვენი მასპინძლის ტკბილი საუბარი. მალე მან მიივიწყა თავისი ავადმყოფობა და გაგვაცნო თავისი უკანასკნელი ნაშრომი გიორგი მთაწმინდელის შესახებ. მოხიბლული ახალგაზრდა მეცნიერით, კარგა ხანს დავრჩი ჩავახიშვილთან. შემდეგში ხშირად ვხვდებოდი მას რევიშვილთან და კვირა დღეებში გამოვდიოდით ხოლმე სასეირნოდ ნევის პროსპექტზე და ვსიამოვნობდი მის ლაპარაკს რომ ყურს ვუგდებდი. თავისებური, ტკბილი ენით იგი ამ დროს ყვებოდა სინას მთაზე მოგზაურობის ამბავს, იმ მდიდარ ქართულ მანუსკრიპტებზე იქ რომ აღმოჩნდა. ჩემს სიცოცხლეში არ დამავიწყდება ეს ტკბილი წამები, რომლებმაც ღრმა სიყვარულით გამსჭვალეს ჩემი გული ძვირფას ივანესადმი; უნებლიეთ გიზიდავდა მისი სინაზე, მისი გულწრფელი სიტყვა, აზრი. ალბათ, ამ თვისებამ გამოც იყო, რომ შემდეგში შეძლო მან უდიდესი საქმის მოგვარება — ქართული უნივერსიტეტის დაარსება, რამაც საქართველო დააწმენდა და თვით ივანე ჩავახიშვილი საერთო სიყვარულით შემოსა.

სკოლაში ქალაქი მომივიდა — მიბარებდნენ ბათუმში, მარტში მომზადარ ჯარსა და მუშებს შორის შეტაკების გამო სასამართლოში. სკოლიდან მიწერეს, რომ მე ვერ გამოვცხადდები საქმის გარჩევაზე სამსახურის გამო. მაგივრად მე ვუამბე და დაწვრილებით გადავეცი ამ საქმის შესახებ ყველაფერი, რაც ვიცოდი, ბათუმში მიმავალ ლუარსაბ ანდრონიკაშვილს, რომელიც მუშების დამცველ ვეჭილებს შორის იყო. რამდენიმე ხნის შემდეგ ანდრონიკაშვილი დაბრუნდა პეტერბურგში დიდად გახარებული. საქმე მოიგეს, მუშები გაამართლეს. მუშებმა, როგორც ალტაცებით ამბობდა ანდრონიკაშვილი, საოცარი სიმტკიცე და გონიერება გამოიჩინეს საქმის გარჩევის დროს, ისინი ყველას აკვირვებდნენ თავიანთი მოსწრებული, გონივრული პასუხებით და როცა გაანთავისუფლეს, მეორე დღესვე ბაირადით წინ და სიმღერით შემოიარეს ქალაქის ქუჩები. ჩვენ ვურჩევდითო არ გამოსულიყვნენ. რომ ახალი შეტაკება არ მოსვლოდათ ჯართანო, მაგრამ ვერ გადავათქმევინეთო, — მუშები ამბობდნენო, ჩვენი გამარჯვება ყველას უნდა გავაგებინოთ და ისიც გავაგებინოთ მთავრობას, რომ ჩვენ მხნედ ვართ და არავითარ შიშს არ განვიცდითო. აღმინისტრაცია ახლა ერიდებოდა ყოველ წინააღმდეგობას და ხელი არ შეუშლია დემონსტრაციისათვის. ვეჭილების პატივსაცემად გამართულ ბანკეტზე დასასრული არ ჰქონია მუშებისაგან თქმულ მხურვალე სიტყვებს.

ბათუმიდან დაბრუნებულ ანდრონიკაშვილს დაევალა მოხსენება გაეკეთებინა ბათუმის შეტაკების წესახებ და აგრეთვე გურიის ამბების შესახებ; გურიაში იმ ხანებში დიდი მოძრაობა წარმოებდა. ეს მოძრაობა მეტად აინტერესებდა რუსეთის მოწინავე საზოგადოებას; ლევ ტოლსტოიმ ამის გასაცნობად თბილისიდან დაიბარა ცნობილი პოლიტიკური მოღვაწე მიშო ყიფიანი, რომელმაც კარგი ხანი დაჰყო ტოლსტოისთან იასნაია პოლიანაში. მიშო ყიფიანის გარდა გურაის მოძრაობის შესახებ ინფორმაციას აძლევდა ტოლსტოის აგრეთვე ტოლსტოის ცნობილი მიმდევარი ილია ნაკაშიძე.

როგორც ვთქვი, ანდრონიკაშვილს დაევალა მოხსენება მოწინავე ჟურნალისტების, ლიტერატორების და პოლიტიკური მოღვაწეების წარმომადგენლების წინაშე. კრება იყო საიდუმლო, ბასიენის ქუჩაზე ჟურნალ „პრავეს“-ს რედაქტორ პოლინოვის ბინაზე. კრებაზე დასწრება შეიძლებოდა საგანგებო რეკომენდაციით. ანდრონიკაშვილს ნება დართეს, როგორც მომხსენებელს, მიეყვანა ხუთი კაცი და ამ ხუთში მოეხვდით ივანე ჯავახიშვილი, მე და ჟუქიკო გელოვანი (იმ დროს პეტერბურგის უნივერსიტეტის სტუდენტი). სამი დიდი ოთახი სავსე იყო ხალხით. ანდრონიკაშვილის მოხსენება ისეთი შინაარსიანი და ვრცელი იყო, რომ საკირო აღარ შეიქნა რაიმეს დამატება და მეორე მოხსენების გაკეთება. მისმა ნაამბობმა ბათუმში მომხდარ გამოსვლებზე და გურიის უკანასკნელ ამბებზე დიდი შთაბეჭდილება მოახდინა მსმენელებზე. გიორგი ზდანოვიჩმა, რომელიც დაესწრო ამ კრებას, და რომელსაც განსხვავებული პატრუნიცემით მიეგებნენ, როცა იგი შემოვიდა, სთხოვეს დაემატებინა რამე გურიის ამბებიდან. ზდანოვიჩმა თქვა, რომ ანდრონიკაშვილის მოხსენება ისეთი იყო, რომ დასამატებელი აღარა რჩება რაო. კრება თავდებოდა, როცა ანდრონიკაშვილმა საზოგადოებას მიმართა:

— ბატონებო ჩვენ შორის იმყოფება პირი, რომელიც იმ ობედურ დღეს, ბათუმში რომ ჰქონდა ადგილი, თავისი გუნდით პუნქტზე იყო, მაგრამ ერთი ტყვია არ გაუსროლია და რომლის შესახებ აღტაცებით გველაპარაკებოდნენ ვეჭილებს ბათუმის მუშები... ეგერ ზძანდება ის პირი!

გავშრი, თავს რეტი დამესხა. გარშემო ტაშისცემა, ხმაურობა. ზეზე წამომდგარი თავს ვუკრავ, მაგრამ აუწერელ მდგომარეობაში ვიმყოფები. გავჩუმდე, არა ვთქვა რა — ეს ნიშნავს იმას, რომ შევიდფერე ნათქვამი, ეგ თავისთავის რაღაც გმირად გამოსახვას დამსგავსებოდა. ყოვლად შეუძლებელი იყო ხმა არ ამომეღო! საკირო იყო მოხდენილი, შესაფერისი სიტყვა, მაგრამ მოდი და ილაპარაკე ამ წარჩინებულ წრეში ისე, რომ შერცხვენილი არ დარჩე!..

ქართული ანდაზაა — გაჭირვება მაჩვენე, გაქცევას დაგანახებო. გაჭირვებაში მყოფმა მოვეუქირე მუხრუჭი ჩემს ტვინს და, ჩემდღ იღბლად, სანამ ტაშისცემა შეწყდებოდა, შევადგინე საპასუხო სიტყვა.

გულწრფელად ვთქვი, რომ მე არავითარი გმირობა არ ვამომიჩინია, რომ მე ბედისაგან შებრალებული აღმოვჩნდი, ბედნიერი იმითავე შედარებით, რომლებიც უნებურად ხდებიან საშინელი დამნაშავენი ხალხის წინაშე, რომ ბედმა ამარიდა საშინელებას და არ გამიხადა სატირლად ჩემი ცხოვრება, რაც ბევრს ხვდება ამ ხანში სამხედრო სამსახურში ყოფნის გამო. მოკლედ ავწერე, თუ როგორი განწყობილებით მივედიოდით პუნქტს, რა საშინელება გადაიშალა ჩვენ თვალწინ და რა მადლობელი ვართ ბედის, რომ გადაგვარჩინა ხიფათს და ჩვენი ბედი საწყევლად არ გაგვიხადა, როგორც ეს დღეს ხვდება ბევრ სამხედრო პირს.

ჩემმა გულწრფელმა თქმამ მეტი მხურვალე ტაში გამოიწვია. როცა აიშალენ, ჩემთან მოვიდა იმ დროს ცნობილი ახალგაზრდა გეპილი ვოლკენშტეინი და მიუთხრა, რომ მე მართალი არა ვარ, როცა ვამბობ, რომ ბევრია სამხედრო წრეში ისეთი პირი, რომელიც უნებურად ჩადის საზარელ დანაშაულობას ხალხის წინაშე და იტანება თავისი მდგომარეობისაგან. მე მოვეუყვანე მრავალი ამის მაგალითი; ისიც ერთრიგად მეთანხმებოდა და ამბობდა: ეს არაა საკმარისი, ამას უფრო ძლიერი და ფართო ხასიათი უნდა ჰქონდეს. მეკითხებოდნენ ჩვენი ჯარისკაცების სულიერ განწყობილებაზე, მათ მდგომარეობაზე, თუ როგორ ვზრდით მათ, როგორ ვუხსნით დღევანდელ ამბებს და ამგვარები.

რამდენიმე დღის შემდეგ ანდრონიკაშვილმა მიუთხრა, რომ ჩემს ახლოს თურმე მსხდარან ცნობილი პუბლიცისტები ანენსკი და პროკოპოვიჩი და ორივეს დიდი აღტაცება გამოეთქვათ ჩემი ნათქვამის გამო. ბედი ახლაც შემეწია — ამ კრებაზე ჩემი ყოფნა გაუგებელი დარჩა, თორემ. რასაკვირველია, კარგად მომცხებდნენ.

პეტერბურგში ჩემი ყოფნის დროს გარდაიცვალა ვილიეს კლინიკაში მოთავსებული ავადმყოფი ახალგაზრდა ჩვენი მგოსანი გრაფა აბაშიძე. საწყალი, უკანასკნელ დღეებში ვეღარ ცნობილობდა თურმე ვერავის, როგორც ეს გვითხრა ექიმმა ვირსალაძემ, რომელიც ხშირად ნახულობდა აბაშიძეს. მთელად ქართველობამ მოვიყარეთ თავი გასვენებაზე; მიცვალებული დასაფლავებული იქნა ვოლკოვის სასაფლაოზე, ეგრეთ წოდებულ ლიტერატორთა კიბეზე (ლიტერატორსკიე მოსტკი) ბელინსკის და პისარევის საფლავის მახლობლად.

ამ დროს უკვე მოხშირდა სხვადასხვა პოლიტიკური შემთხვევები და სკოლაში გამოგვიცხადეს ავრილებოდით პეტერბურგში ღმირად სიარულს, რომ არ გადავყროდით რაიმე უწყესობას.

არც სკოლაში იყო სრული სიწყინარე — აქაც ვმჩნეოდა ერთგვარი აღელვება. ეს აღელვება განსაკუთრებით თვალსაჩინო გახდა მას შემდეგ, როცა სკოლის ლექტორმა, გენერალური შტაბის პოდპოლკოვნიკმა ვინმე რუბეცმა, სკოლაში მოხსენება გააკეთა რუსეთ-ჩინეთის ომის შესახებ. რუბეცმა გაბედულად გადაშალა უხადრუჯობა სამხედრო მეთაურების, მათი უნიჭობა და ცუდლტობა, სრული უცილობა სამხედრო საქმის გაძლოლაში. ბევრი აცინა აუდიტორია რუბეცმა, როცა მოპყვა ერთი გენერლის შესახებ (დამავიწყდა მისი გვარი). იმ გენერალზე თურმე მოინდომა ჭილდოს მიღება და გამოყო თავისი ჭარის ერთი ნაწილი, მისცა დისლოკაცია და გაგზავნა საბრძოლველად. გაგზავნილი ნაწილი გაემართა დანიშნული გზით; მეხუთე დღეზე უნდა მისდგომოდა ჩინელების გამაგრებულ ქალაქს და აეღო იგი. რაზმმა იარაერთი დღე, ორი... ოთხი, ხუთი; მოწინავე მზვერავეებიდან არავითარი ცნობა არ არის; მეექვსე, მეშვიდე დღემ გაიარა — გამაგრებული ქალაქი არსად ჩანს. გენერალმა კი გაგზავნისას აუწყერა რაზმს ეს სიმაგრე, მისი აღების მნიშვნელობა და რადიდებით შეიმოსებოდა რაზმი მისი აღებით. მერვე დღემაც გაიარა — ასაღები ქალაქი მაინც არ ჩანს. გაგზავნეს — გაძლიერებული მზვერავეები — მოვიდა ამბავი, რომ არქანდ ქალაქი არ არის ამ მხარეზე, არის მხოლოდ ერთი პატარა სოფელი, ისიც თითქმის დაცარიელებული. შეშინებული მცხოვრებნი გახიზნულიყვნენ. სოფელში დაეტოვებინათ მოხუცებულები, რომლებსაც სიარული აღარ შეეძლოთ. რაზმის უფროსმა გადაწყვიტა ამ სოფლის აღება, შეეცა შიგ თავის რაზმით და თათბირის შემდეგ იმის შესახებ, თუ რა მოხსენება გაეგზავნათ გენერლისათვის — უკანასკნელს უპირინეს მოხსენება, რომ ავიღეთ „სიმაგრე“ (სახელი არ უწოდებიათ, რომ არ შეერცხვინათ თავიანთი უფროსი), ჩვენი მხრით არავინ დაჰრილა, ტყვეები მრავლად გყავსო... ასეთი მაგალითები არა ერთი და ორი იყო; ყველა ცუდლტობდა, ტყუილებში იყო გაბმული. ამჟარა ყო ჩვენი სუსტი ორგანიზაციო, და წარმოიდგინეთ რა დღე დავადგება, როცა ძლიერ მტერს შევეყრებით, ეს ღმერთმა იცისო. ამ მოხსენებამ ერთი ალიაქოთი ატეხა — ზოგი აღტაცებაში იყო ამ კრიტიკით, ზოგი კი შეურაცხყოფად თვლიდა ნათქვამს; საქმე იმ ზომამდე მივიდა, რომ სამხედრო სამინისტრომ რუბეცს მოთხოვა მოხსენების წარდგენა და გაბედული მოხსენებელი ძლივს გადაჩა ხიფათს.

რამდენიმე ხნის შემდეგ სკოლაში მოხსენებით გამოვიდა გენერალური აკადემიის პროფესორი გენერალი მიშლავესკი. ესეც ეხებოდა რუსეთ-ჩინეთის ომის წარმოებას და თავისი მახვილი სიტყვით, ბასრი ენით, ისეთ სურათებს შლიდა, რომ მთელი აუდიტორია გაოცებაში იყო. ეს მოხსენება იყო პირდაპირ დამსხვრევა, განადგურება იმ სამხედრო პირებისა, რომელთაც საზოგადოებაში გმირების სახელი ჰქონდათ, — ლინევიჩი, სტესელი, ანისიმოვი. მიშლავესკი ამბობდა: ასე იმიტომ ვლაპარაკობ, რომ გული მეწვისო, რომ ამათ მიაფურთხეს ყოველ ცოდნას, და გამოიჩინეს საოცარი თვითნებობა და თავიანთი ველურობა, რის წყალობით ტყუილ უბრალოდ განუზომელი მსხვერპლი შეეწირა სახელმწიფოსაგანო.

ამ მოხსენებამაც გამოიწვია ერთგვარი აღელვება. ზოგიერთნი ამგვარ კილოს ხსნიდნენ მით, რომ მიშლავესკი პოლონელი იყო, სძაგდა რუსეთი და ეს სიძულვილი უნებლიეთ ამგვარად ალაპარაკებო, ამცირებინებს რუსეთის საუკეთესო შვილებსო.

ავგიტოს დაჰლეეს სკოლაში სწავლა დაეამთავრეთ და სექტემბრის პირველ რიცხვებში პეტერგოვში წაგვიყვანეს — ხელმწიფეს უნდა წარედგომოდით. ჩაგვაყენეს რიგში. მოვიდა ხელმწიფე ალექსანდრიიდან (მეფის სააგარაკო ადგილი იყო). ახლდა მცირე აპალა; ამათ შორის იყო სამხედრო მინისტრი კუროპატკინი. ხელმწიფე იყო უბრალო სერთუკით; ხელში ეჭირა უბრალო ქუდი; შუა ტანისაზე ცოტათი დაბალი, ქერათმიანი, მისი ცისფერი თვალები მორიდებულვით გამოიყურებოდნენ.

ხელმწიფე ყველას ერთ და იგივე კითხვას აძლევდა: რამდენი წელიწადი მსახურობთ, რამდენი წელიწადი გუნდს უფროსობთ. რამდენი წელიწადია რაც კაპიტანობა მიიღეთ. მეტი არაფერი. ბოლოს ეს, ალბათ, მასაც მოსწყინდა და მიანება თავი გამოკითხვას, მხოლოდ ერთ კაპიტანს, რომელსაც წმ. გიორგის სალდათის ჭვარი ეკიდა გულზე. მიმართა და შეეკითხა, როდის მიიღო მან ეს ჭვარი და დაპრილი თუ არის. კაპიტანმა (გვარად ვინმე ჟიგმონტი იყო) მიუგო, რომ რუს-ოსმალეთის ომში დავიჭერიო.

— გაწუხებთ ჭრილობა? — ჰკითხა ხელმწიფემ.

— როცა ავლელდები, მაშინ მაწუხებს... აი ახლა რომ მაქვს ბედნიერება და მესაუბრება თქვენი უდიდებულესობა, ვლელავ და ჭრილობაც მაწუხებს! — მიუგო კაპიტანმა.

— წარადგინეთ პოდპოლკოვნიკობაზე! — მიუბრუნდა ხელმწიფე კუროპატკინს.

— ეს როგორც განსაკუთრებული თქვენი წყალობა? — შეეკით-

ხა ხელმწიფეს კუროპატკინი, რომელსაც ეტყობოდა არ მოეწონა კაპიტანის სიტყვა.

— ჰო, როგორც განსაკუთრებული წყალობა — წაილაპარაკა ხელმწიფემ და გაშორდა კაპიტანს.

მიგვიწვიეს ოქროს დარბაზში გაშლილ საუბმეზე. კიბეზე რომ ჩავდიოდით, დავინახეთ, — ხელმწიფე ჩამქდარიყო ეტლში და ალექსანდრიაში წავიდა. ბევრს გვეოცა, რომ ხელმწიფემ არ ინება დარბაზში შემოსვლა და მისგან გამართულ საუბმეზე მისი ჭარის წარმომადგენლების საღლეგრძელს წარმოთქმა.

ხელმწიფის განსაკუთრებული წყალობით გახარებული კაპიტან ჟიგმონტს მალე ყურები ჩამოაყრევინა კუროპატკინმა. ამ უკანასკნელთან მივიდა კაპიტანი გასაგებად, თუ როდის იქნებოდა მისი პოლპოლკოვნიკობის შესახებ უმალღეაი ბრძანება. კუროპატკინმა იფრინა კაპიტანი და ისეთი სიტყვებით გამოაგლო თავის კაბინეტიდან, რომ სულ დაავიწყებინა ყოველივე მეფის განსაკუთრებულ წყალობაზე ფიქრი. საწყალმა ჟიგმონტმა მეფის განსაკუთრებული წყალობა შემდეგ წელიწადს მიიღო მანჯურიის — იაპონელების ტყვეების სახით და მოკლულთა სიაში აღინიშნა, რომ კაპიტანი ჟიგმონტი გმირულად დაიღუპა.

ბათუმში რომ დავბრუნდი, გარეგნულად თითქოს მშვიდლოპიანობა იყო, ნამდვილად კი ჩემი, მიმალული მღელვარება იყო და მზადება. გურიის ამბები ყველას ენაზე ეკრა. სხვანაირ ფუსფუსს შემამჩნევდა დაკვირვებული კაცი.

ერთხელ ქალაქიდან მოვდიოდი ყაზარმაში. ნობელის ქარხანა რომ გავიარე, წამთმეწია ერთი ახალგაზრდა — ვიქტორ ფარცხალაძე. მას კარგად ვიცნობდი. იგი მსახურობდა როტშილდის ქარხანაში და თან მასწავლებლობდა მუშებში.

— მოგილოცავთ მწეიდობით ჩამობრუნებას, ბატონო დავით! — ხალისიანად მომეგება იგი. — რა კაი ადგილს შეგხვდით! — მითხრა მან ცოტა ხნის შემდეგ. — ერთ რამეს განახებთ, რაც უსათუოდ თქვენთვის საინტერესო იქნება. წამობძანდით..

გადაუუხვიეთ გზას. გავიარეთ დუქნები და შევედით ერთ მივარდნილ ოთახში. ოთახი სავსეა მაგიდებით, რომელთან სხედან ყმაწვილი ბიჭები, რიცხვით კარგა ბლომად: ყველას წიგნები და რვეულები უდევთ წინ, ხელში ზოგს ფანქარი, ზოგს კალმისტარი.

— განაგრძე, — უთხრა ფარცხალაძემ ზეზე მდგარ ახალგაზრდას, რომელიც, ალბათ, ასწავლიდა დანარჩენებს. — დავით, აქეთ მობრძანდი!

გააღო კარი და მეორე ოთახში შემიყვანა. ათი-თორმეტი წლის

ბავშვები სხედან მაგალებთან, წიგნები უღევთ და რვეულები; თავს ადგიათ ახალგაზრდა კაცი.

— ეს ჩვენი სკოლაა — ღიმილით მითხრა ფარცხალაძემ. — წინა ოთახში რომ არიან, ისინი შეიძლება მალე დაგვეპირდნენ, ესენი კი შემდეგში გამოგვადგებიან — გაიცინა მან. — უნდა მოვემზადოთ... მზად უნდა ვიყვეთ!

— რომ მოგაგნონ აქ? — ვკითხე.

— ვერავინ მოგვაგნებს! ჯაშუში ვერ შემოგვეპარება! — აქ უნიშობლად ვართ. განგებ აქ გამოვარჩიეთ ბინა. არავის არ მოუვა ახრად, თუ აქ ამგვარი რამ არის და ჩვენ წიგნსაც ვასწავლით და ვუხსნით მდგომარეობას... ვამზადებთ! — სიცილით თქვა ფარცხალაძემ.

მზადება შესამჩნევი იყო, საყოველთაო, თავგამოღებულში. საერთო სიყვარული ჰქონდა დამსახურებული როტმილდის ქარხნის მუშას ს-იას. ორი წლის წინათ მან გაათავა სამხედრო სამსახური და ქარხნის მუშებში მოექცა. ლამაზი, წარმოსადგეა, მხიარული, საამხანაგო ყმაწვილი — იგი ყველას უყვარდა. მშვენიერ მოლექურეს აღტაცებაში მოყავდა მაყურებელი, როცა თავისუფალ დროს ბარცხანის მინდორზე მუშები და ახლო-მახლო მცხოვრებნი თავს მოიყრიდნენ ხოლმე. მოლაპარაკეე ჩინებული იყო ს-ია. იმ მანდრის ახლოს, სადაც თავს იყრიდნენ ქარხნის მუშები, იყო არტილერიის ოფიცრებას საცხოვრებელი სახლი. აქაურებიც მოდიოდნენ ლეჟურის მოცეკვავეთა საყურებლად. ერთი ქალიშვილი, რუსი ოფიცრის ბ-ვის და, მოხიბლული ს-იას ცეკვით, გაეცნო მას და გაიტაცა; ახალგაზრდა მუშამ მოხიბლა ახალგაზრდა ქალი. საქმე იქამდის მივიდა, რომ ს-იამ, ქალიშვილს რომ არიდებოდა, გამოიცვალა ბინა და მინდორზე აღარ ჩნდებოდა. ერთ დღეს ს-იას ახალ ბინას მიაგნო ქალის ძმამ. მან უთხრა ს-იას, რომ მისი და უკანასკნელ დღეშია, სიკვდილსედა მიმდგარა. დაავადებულთა მისი სიყვარულით; იგი ევედრებოდა ს-იას არ გაეწირა ყმაწვილი ქალი და ეხსნა იგი სიკვდილისაგან — შეერთო იგი. ს-ია უარზე იყო. უარის მიწეზი ის იყო, რომ იგი არ აპირებდა ოჯახს მოკიდებოდა, რადგან ემზადება სხვა მოქმედებისათვის და არაფრის გულისათვის არ ჩამოშორდება თავის ამხანაგებს — დაოჯახიანება კი შეპოროკავს მას, ხელს შეუტრავს და მომავალ ბრძოლაში მონაწილეობის მიღებას ააცდენს. ოფიცერი პატიოსანი სიტყვას აძლევდა, რომ ოღონდ მან შეიერთოს მისი და. ამით სიკვდილს გადაარჩინოს იგი, და არც ის, არც ცოლი, არც მათი მოხუცებული დედა ხელის შემშლელნი არ იქნებოდნენ მის მოქმედებაში; თუ ეს ასე არ იქნებოდა, მას ნება ეძლეოდა მიეტოვებინა ქალი. ბ-ვის მიერ პატიოსანი სიტყვის მიცე-

მის შემდეგ რამდენიმე ამხანაგის წინაშე, ს-ია დათანხმდა; შეერთო დადებული პირობით. ს-იასაც უყვარდა, როგორც მითხრეს, ქალი-შვილი, მხოლოდ ფრთხილობდა, რომ თავისი განზრახვების ხელის შემშლელი არ აღმოჩენილიყო.

პარტიის მეთაურებმა გადაწყვიტეს იარაღის შექმნა. ს-ქარო იყო ამისთვის ფული; რამე გზით იგი უნდა მონახულიყო. ყმაწვილმა მუშამ გოგითქემ (სახელი დამავიწყდა), წინადადება მისცა მეთაურებს, რომ იგი თავდასხმას მოახდენდა როტშილდის ქაზინოს მეთაურებზე, როცა ის გამოიტანდა ხაზინიდან ფულს. თავვამეტე-ული ყმაწვილის წინადადება მიღებული იქნა; მოეწყო თავდასხმა გაბედული; ბლომად ფული გამოგლიჯა გოგითქემ მეთაურებს, გადასცა ღანიშნულ პირს და თვითონ იმდენი ახერხა, რომ ცოცხალი დარჩა და გაიქცა.

გაქცეული გოგითქემ გადავარდა გურიაში, აქედან უნდა გაეპარებინათ იგი საზღვარგარეთ, რომ აღმინისტრაციას არ ჩავარდნოდა როგორმე ხელში. ამაზე ზრუნვა იკისრა ბათუმის მილიციის მსახურმა პრაპორშჩიკმა ლევან გურიელმა, გოგითქემს ახლო ამხანაგმა ბავშვობიდან. ეს ერთგვარი ტიპი იყო და ამიტომ შეეჩერდები მასზე. ლევანი შვილი იყო გურიაში ცნობილი დიდი მემამულის, გვარდიის პოლკოვნიკის, თუმცა გვარდიაში მას არ უმსახურნია, იასე გურიელისა. ეს ის იასე გურიელი იყო, რომლის შესახებ შემდეგი ოპუნქობა იყო გავრცელებული: რუს-ოსმალეთის ომის დროს ადგილდნენ ადგილობრივ მცხოვრებლებთან დრუჟინებს. ერთ-ერთი დრუჟინისათვის ქუთაისის გუბერნატორი მალაფევეი დაეძებდა უფროსს. უსახელებდნენ ორს: თავად დ. ე-ს და თავად იასე გურიელს. მალაფევემა ჰკითხა მასთან თარჯიმნად მყოფ დავით ჯაფარიძეს, რომელი სჯობია ამ ორში. ჯაფარიძე საოცარი მწარე ენის პატრონი იყო. — თქვენო აღმატებულებავ, იასე გურიელი ხუთი წუთით თუ იქნება დ. ე-ზე უფრო ჰკვიანის! — მიუგო ჯაფარიძემ. გუბერნატორი გაკვირდა ამ პასუხით.

— დიახ! — განმარტა ჯაფარიძემ. — როცა გამოელაპარაკებით დ. ე-ს, იქვე შეატყობთ და იტყვით ღურაკიაო; როცა იასე გურიელს გამოელაპარაკებით, ხუთ წუთს კიდევ ყოყმანში იქნებით უწოდოთ მასაც ღურაკი თუ არა, ხუთი წუთის შემდეგ კი იმაზედაც იტყვით რომ ღურაკია!

დრუჟინა გურიელს ჩაბარდა. ომის შემდეგ იგი ბათუმში ცხოვრობდა; ჰქონდა გამლილი ოჯახი, ყველა თავს აქ იყრიდა და ჩვენ, ახალგაზრდებს, აქ თავისი კუთხე გვქონდა, სადაც ვატარებდით დროს სახითაც და ხასიათითაც თავადის მშვენიერ გერებთან. პირ-

ველი ცოლისაგან გურიელს ჰყავდა ორი ვაჟი, რომლებსაც დედინაცვალს არაფრად წყალობდა, სასწავლებელს ამორებდა და უძეკროსი სოფლად ჰყავდა თავმინებებული. როცა ყმაწვილი წამოიბარდა, მამამ საჭიროდ დაინახა გზაზე დაეყენებია და რადგან იგი უსწავლელი იყო და სიძარღის გარდა არა გააჩნდა რა, სამსახურში შეიყვანა ადმინისტრაციამ — უბრალო ჩაფრად. ყმაწვილი უნდა გაწაფულიყო პოლიციურ საქმეში და ამით მოეპოვა დაწინაურება ცხოვრებაში. ყმაწვილს წაფავდნენ, ესე იგი რყვნიდნენ, და ჩაქურაში გამოწყობილი, იარაღში ჩამჯდარი შნოიანი ყმაწვილი ყაღალას გვეცოდებოდა რომ ვხედავდით თუ როგორ იხიბლებოდა თავის... სამსახურით და როგორ ელოდა წარჩინებას. ამ მიზნის მისაღწევად ახალგაზრდა გურიელი არავითარ მოქმედებას არ ერიდებოდა. ოზურგეთიდან ის ბათუმში გადმოიყვანეს. აქ უფრო ფართო ასპარეზი იყო სამოქმედოდ და თავის გამოსაჩენად დაწინაურებისათვის. ადმინისტრაციის გულმოდგინე მსახური ურიადნიკის ჩინით დაჯილდოებული, გადამეტებულ მეცადინეობაში იყო პრაპორშჩიკობა ღირსებოდა. ამასთანავე ყოველნაირად მეცადინი იყო ქარხნის მუშებთან კარგი განწყობილება ჰქონოდა. ბევრი წინააღმდეგი იყო მასთან დაახლოებისა, ბევრი კი ურიცხვად მას და აფრთხილებდნენ, რომ თუ რაიმე ცუდლუტობაში დაიჭერდნენ, არ დაზოგავდნენ და წუთისოდ ეღს გამოასალმებდნენ.

აი ამ ლევანმა მიიღო თავის თავზე გოგითძის საზღვარგარეთ გაპარება. ენდვენ მას, რადგან იცოდნენ, რომ გურიელი და გოგითძე ბავშვობიდან თანშეზრდილნი იყვნენ, ძველი ამხანაგები. გოგითძე მიენდო გურიელს. ერთი გლეხის ოჯახში ღამის გასათევად მისულ გოგითძეს თავს დაესხა პოლიცია, გაანადგურეს სახლი და გოგითძეც მოჰკლეს. გურიელს დაბრაალდა ღალატი და საქმე ისე დატრიალდა, რომ იძულებული შეიქნენ გამოძიება დაენიშნათ. გოგითძის გამწარებული დედა აღარ ზოგავდა გურიელს — მან გამოააშკარავა, რომ ლევანი შეპირდა მის შვილს გაპარებას, მაგრამ შემდეგ უღალატა, რადგან მისი მოკვლით წარმატებას მოელოდა ისიც და მისი მამაც. ლევან გურიელი უარყოფდა ამას; იგი ამბობდა, რომ გურიაში იმ დროს არც კი ყოფილა, რომ გოგითძესთან არავითარი კავშირი არ ჰქონია და, როგორც იცის, გოგითძე შემთხვევით მოჰკლეს — ეძებდნენ ყაჩაღ დარჩიას და წააწყდნენ გოგითძესო. გურიელი სასამართლოს ქვეშ მოექცა, სასამართლომ თუმცა გაამართლა იგი, მაგრამ საზახურიდან მაინც დაითხოვეს. დიდი წვალების შემდეგ მან ისევ შერგო თავი ბათუმის მილიციაში და თავგადადებით ცდილობდა დაე-

მტკიცებინა უფროსებისათვის თავისი ერთგულება. ბევრი რამ მუშების საწინააღმდეგო ბრალდებოდა მას; მისდა საუბედუროდ წარჩინებაც მისცეს — მილიციის პრაპორშჩიკობა, რაც ამტკიცებდა სიმართლეს იმ ბრალდებებში, რომ მისი მოწყობილი იყო გოგითქეზე თავდასხმა. გათავდა ლევანის ამბავი იმით, რომ ცხრასსუთის ერთ ზამთრის დღეს, მარხილით მიმავალს, ესროლეს თოფი ხალხით სავსე ქუჩაში და იქვე გააცხებინეს სული. მკვლარი წაიღეს ქალაქის საავადმყოფოში. რამდენიმე დღის შემდეგ მისმა დედინაცვალმა მონღომა მისი გასვენება. მუშებმა განაცხადეს, რომ გურიელის კვბოს ქუჩაში არ გაატარებენ და აღმინისტრაციამ დიდი თათბირის შემდეგ გადაწყვიტა ღამით გამოსვენება საავადმყოფოდან, დიდი სამხედრო ექსკორტით.

როტმილდის ქარზნის მუშებმა გადაწყვიტეს დრამატული დასი შეედგინათ მუშებისაგან და კიდევაც სისრულეში მოიყვანეს ეს განზრახვა. მათ სურდათ ერთგვარი პიესები მიეწვდინათ მუშებისათვის. თავდაპირველში ხელმძღვანელად მიწვეული ნეს. კალანდარიშვილი ვერ გაუძღვა საჭიროებისდაგვარად საქმეს და მომმართეს მე მეკლარა ამ საქმის ხელმძღვანელობა. ამ მომართვამ დიდად გამახარა და თავგამოდებულად შეუდევქი მუშაობას. საჭირო იყო ყოველმხრივი გაცნობა პიესის, მასში ასახული პიროვნებების გავება, გათვალისწინება — და ეს იწვევდა ერთგვარ მსჯელობას, ერთგვარ ბაასს მეტად საინტერესოს და საგულსხმეიეროს. ამგვარი მზადება ისე იტაცებდა მოთამაშეთ, რომ გვიან ღამემდღი რჩებოდნენ რეპეტიციებზე. მუშაპარტისტებში ბევრი საინტერესო პირები აღმოჩნდნენ, როგორც იყვნენ: მოსე წეროძე, ჟღენტი, სურგულაძე, ჩხენკელი და სხვ. პიესებს თვითონ ირჩევდნენ. დაიდგა სხვათა შორის იბსენის „ხალხის მტერი“, ანუ „დოქტორი შტოკმანი“, „ციმბირელი“ ცაგარლის. მისივე „ქართველი დედა“, „ქოხში“ ივ. გომართლის და სხვ...

თ ა ვ ი მ ი ა თ ი

რუსეთ-იაპონიის ომი და პარაკლისი. — „პარცხანის გუბერნატორი“. მეზღვაურ ოფიცრის განზრახვა. — გუბერნატორი სტაროსელსკი. — საბა კლდიაშვილის გასვენება. — მღელვარება ბათუმის მოსწავლეთა შორის და ჯარისკაცთა აჯანყებები. — ღაღესტანში გადასახლება. — გენერალ გრიბუნოვის მოკვლა აქსენ ჭოჩიაშვილის მიერ.

დაიწყო იაპონიასთან ომი. პარაკლისები პარაკლისებს სცვლიდა. ნაწილს უფროსს გამოვეყავდით ამ პარაკლისებზე ყველა უკლებლივ და მღელვლთან ერთად ჯარისკაცებს აგალობებდა: „სნამი ბოგ,

რა ზემოთ იაზიცი, პოკორიანიტეს, იაკო სნამი ბოგ“. ზოგიერთებზე
 ეს საოცრად მოქმედებდა. ერთი ახალგაზრდა ოფიცერი (გვარად
 სტეფანოვი), მახსოვს, გიჟივით გვარწმუნებდა, რომ ზემოთ მოყვა-
 ნილ ფსალმუნის დროს გაწლილი ბაიჩალი აშრიალდაო უეცრად
 და ეს ნიშანიო, რომ ღმერთმა შეისმინა ჩვენი და გვანიშნა, რომ გა-
 მარჯვება ჩვენიო. ეს მან უამბო ნაწილის უფროსს და ამ უკანას-
 კნელმა დაავალა სტეფანოვს ეს ცხადება გაეგებინებია საზოგადოები-
 სათვის გაზეთის საშუალებით. ოფიცერმა მოათავსა „ჩერნომორსკი
 ვესტნიკ“-ში წერილი; აღნიშნა, რასაკვირველია, ეს ცხადება ოა ისე
 გამოვიდა, თითქოს ჩვენს პოლკოვნიკს ეცნო ბტერზე მომავალი უეც-
 რელი გამარჯვების ამბავი. პოლკოვნიკი თავს გვიყრიდა ოფიცრობას
 და მთელი საათით გვესაუბრებოდა, რომ გამარჯვება უეჭველია ჩვე-
 ნია, საჭიროა მხოლოდ ერთსულოვნება და რწმენა, რომ ჩვენ გავიმა-
 რჯებთო. როგორც შემდეგ შევიტყუეთ, ის იმეორებდა ჩვენ წინაშე
 გაზეთ „ნოვოე ვრემიადან“ ამონაკითხს და გვებრავდა სუეორინის
 და მენშვიკოვის წერილებით. ორიოდე ათასი მანეთი ჰქონდა მოგრო-
 ვილი ოფიცრობას იმ მიზნით, რომ ავადმყოფ ამხანაგისათვის დახმა-
 რება გაეწიათ. პოლკოვნიკი შეუჩნდა ოფიცრებს, სიტყვით მიმართა
 და მთლად ეს ფული გადაეგზავნა სუეორინს, რომელიც აგროვებდა
 თანხას ახალი გემების ასაშენებლად. მაგრამ მის ენთუზიაზმსაც
 ფრთები ეკვეციბოდა იმ დამარცხებებით, რაც მეფის რუსეთის ჯარს
 ხედებოდა იაპონელებისაგან. მე მოპლიოდა ცალკე „რუსკაია ვედო-
 მოსტი“, რომელშიაც თავსდებოდა შესანიშნავი წერილები მიხაილო-
 ვსკის (მოსკოველი სტატისტიკოსი იყო) ომის მიმდინარეობის შესა-
 ზებ. ამ წერილებში ნათლად იშლებოდა რუსეთის ჯარის მოუწყობ-
 ლობა. უფროსების უვარვისობა და ამგვარები. ამ წერილებს ხმამალ-
 ლა გკითხულობდით ხოლმე ოფიცრებში და ამის მოსმენა ერთგვარ
 განწყობილებას იწვევდა მათში. წინათ რომ აღმაეცრად უყურებდ-
 ნენ ამ გაზეთს, ახლა ათიოდემ კიდევაც გამოიწერა. ეს არაფრად ეპი-
 ტნავა პოლკოვნიკს, გამოთქვა თავისი გაკვირვება, აკრძალვით კი არ
 აუკრძალავს ამ გაზეთის ტრიალი ოფიცრობაში.

ნაწილის უფროსი ავად გახდა. ნაწილი მე ჩამბარდა, როგორც უფ-
 როს ოფიცერს. ეს არ იყო სასიამოვნო. რადგან ადვილად შესაძლე-
 ბელი იყო თავზე მოეხვიათ ისეთი რამ, რისიც მთელი არსებით წინა-
 აღმდეგი ვიყავი. წაგებული ომის შემდეგ მეტი და მეტი მღელვარება
 ემჩნეოდა ყველგან — ჯარშიაც და მცხოვრებლებშიაც. საიდუმლო
 განკარგულება განკარგულებაზე მოდიოდა; მთავრობა ყოველთვის
 ჯარის იმედით იყო და ყოველი დღისათვის ინიშნებოდა: მორიგი სა-
 დაარაჯო გუნდი, რომელიც დაბარებისთანავე უნდა გაჩენილიყო ნაბ-

რძანებ ადგილზე. ყოველ წამს მზად უნდა ვყოფილიყავი, რომ მომ-
ბოცდნენ გუნდს.

მანსოვს ერთხელ, უკვე შესაღამოებული იყო, ჩვენი ნაწილიდან
მართხოვეს გუნდი. გუნდი წასასვლელად გაემზადა, — უნდა დამ-
დვარიყო მანთაშევის ქარხნის ქვემო ხილზე, ეგრეთ წოდებულ მანთა-
შევის გადასასვლელთან. აქ მუდამ ორონტრიული იყო, მუდამ ხალხი
ფუსფუსებდა — ერთი სიტყვით სახიფათო ადგილი იყო. ცოტა რამ
კმარეყო, რომ უბედურება მომზდარიყო. გუნდი უნდა წაეყვანა ოფი-
ცერს (გუსაკოვი იყო გვარად), რომელიც ორი წლის წინად ანთაძის
გუნდში იყო, მუშებთან რომ შეტაკება მოუხდა; ახლა ეს გუსაკოვი
კვენთან იყო გადმოსული. გამოვედი გუნდთან და მივმართე დარიგე-
ბით; ვარიგებდი, რომ ყოველგვრე მათ წინააღმდეგ ნათქვამ სიტყვას
არ აყოლოდნენ, დაეთმოთ თუ ვინმე მოქმედებითაც განიზრახადა
მათთან შებმა-შეტაკებას, ზედმეტი მოთმინება გამოეჩინათ ემტომ,
რომ აღელვებულ ხალხს, ალბათ, რაღაც აწუხებს ისე, იმ წომამდე,
რომ თავს ივიწყებს და უიარაღო შეიარაღებულს აღარ ერიდება —
ესე იგი სიკვდილზე მიდის თავის გაპირვების გამო. ეს გარემოება გა-
ვალებთ თქვენ, რომ მეტიანეტი დამთმენი იყვეთ და განწარეულ
ხალხს მეტი გამწარება არ მიაყენოთ...

გავენხმე განზე ოფიცერი და გუთხარი:

— ივან მინაილოვიჩი ხომ გახსოვთ რა განწარება გამოცადეთ
პერესილნი პუნქტზე? ყველაფერი აიტანეთ, ოღონდ ხიფათს ამოწ-
დით!

— იმედით იყავით!.. მშვიდობით დავბრუნდებით — მომიგო მან.
საღამოდან დილამდინ გუნდი გადასასვლელზე იდგა და არა შესვე-
დრია რა გარშემო მოფუსფუსე აუარებელ ხალხთან.

რამდენიმე ხნის შემდეგ ქარხნიდან სამი მუშა მოვიდა ჩემთან.
მათ მითხრეს, რომ მუშებმა გაიგეს თუ რა დარიგება მიეცა გუნდს,
როცა იგი იგზავნებოდა გადასასვლელზე და ამასთანავე დიდ მად-
ლობას უთვლიდნენ გუნდს, რომლისაგან ერთი უკადრისი სიტყვა
არავის გაუგონია, თუმცა ამისათვის ზოგი საბაბს აძლევდნენ.

ჯარისკაცებს და მუშებს შორის ეტყობოდა კავშირი იყო გაბ-
მული; ამაში ნათლად დარწმუნდებოდა კაცი მათი მონაყოლიდან.
ამასთანავე თავს ამოყოფდნენ ხოლმე „ერთგული“ ჯარისკაცები,
რომლებსაც ჰყავდათ შეთაურებად ჩვენივე ოფიცრები, ნამდვილი
შოვინისტები, ერთი ამ ტიპის ოფიცერი იყო მეხუთე გუნდის უფ-
როსი, გვარად ანდრეევი, საოცარი შავრაზმელი; მას ზურგს უმაგ-
რებდა ნაწილის უფროსი და ანდრეევიც თავის გუნდში თავს უყრი-
და ერთგვარ „ერთგულ“ ჯარისკაცებს. ეს უკანასკნელები ჯაშუ-

შობდნენ, ჩუმად ხულიგნობდნენ იმ იმედით, რომ ჭაშუშობისათვის ყველაფერს აპატიებდნენ. მეხუთე გუნდი პირდაპირ ბუდე იყო ამ გარყვნილი ჭარისკაცების. კარგად იცოდნენ ჩემი მათდამი გახწყობილება, მე არ ვმალავდი ამას, მაგრამ იმედინად იყვნენ ნაწილის უფროსის მხრივ და თავხედურად ირჩებოდნენ ხშირად. ნაწილის უფროსი ავად გახდა, ჰოსპიტალში იწვა, ნაწილის მოთავედ მე ვიყავი, მაგრამ მათი თავხედობა მაინც იჩენდა თავს — გათამამებული იყვნენ და იმედი ჰქონდათ, რომ მათი „ერთგულებისათვის“ ყველაფერი ეპატიებოდათ.

ერთმა ამ თავხედთაგანმა საოცარი საქმე ჩაიდინა.

იმის შემდეგ, რაც მე ჩავდექი ნაწილის უფროსის ადგილას, ნაწილში ერთგვარი მშვიდობიანობა ჩამოვარდა. ციხის კომენდანტმა ერთხელ კიდევ მითხრა — თქვენი უფროსობა მოუხდა ნაწილს, ალბათ, თქვენი პოლკოვნიკი ვერ ირჩებოდა საჭიროებისამებრ.

მაგრამ მეხუთე როტაში ველარ მოათმინა ფელდფებელის ადგილზე მყოფმა უნტერ-ოფიცერმა თავისი ხულიგნობა რომ არ გამოეჩინა. ახლად გამოწვეულ ჭარისკაცს, გვარად ჩაიკას, ცოლი მოუვიდა სოფლიდან (რუსეთიდან). ჩაიკა საწყალი მხდალი ახალგაზრდა იყო; ცოლი — ლამაზი ქალი. ჩაიკა ავადებული ჰყავდათ გუნდში და როცა მისი ლამაზი ცოლი დაინახეს — უფრო ოუმასხრდნენ; გაეცენენ ქალს და აეტროლიალენ. ქალი ხშირად მოდიოდა ქმრის სანახაუდ, სალდათეჰი განგებ გვიანობამდე არ ატყობინებდნენ ჩაიკას ცოლის მოსვლას, და ელაზნანდარებოდნენ ხოლმე. გუნდის უფროს უნტერ-ოფიცერს, ფელდფებელის თანამდებობის აღმსრულებელ რიბაკოვსაც მოეწონა ქალი და ჩაიკას ნებას აძლევდა ცოლი ყაზარმაში მიეღო ხოლმე; მერე თავის ოთახშიაც პატყობდა და ერთ დღეს, როცა რიბაკოვმა ოთახიდან ყველა გამოიკვია, კარი ჩაუკეტა ქალს... რამდენიმე ხნის შემდეგ ატირებული ქალი გამოვიდა ოთახიდან და ყველამ გაიგო რაც ჩაიდინა რიბაკოვმა. შეიქნა ერთი სიცილი, სტვენა, ყვირილი: მიხვდა ჩაიკაც რაც მის თავზე ამბავი იყო; ვონებადაკარგული გავარდა შეშის საწყობისაკენ და თავის ჩამოზრნობა დააპირა. იგი კიდევ გამოესალმებოდა ამ სოფელს, რომ არ მისწრებოდნენ და არ ჩამოესნანათ ბაწრიდან. მაცნობეს ეს ამბავი, დაეწინე გამოძიება და გამოძიებამ გამოარკვია ის, რაც ზემოთ მოვიყვანე. გამოძიება გავუგზავნე ციხის უფროსს, გენერალს, რომელსაც ჩვენი ნაწილი ექვემდებარებოდა და ვთხოვე, რომ რიბაკოვისათვის ჩამოერთმიათ მისი უნტერ-ოფიცრობა. გენერალმა ჩამოართვა უნტერ-ოფიცრობა და დაატუსაღა. გუნდის უფროსი კი გულმოდგინედ ექოპაგებოდა თავის „ერთგულს“, მაგრამ არა გაუ-

ვიდა რა. მე მამბრალებდა, რომ სლევნისო „ერთგულ“ ჯარისკაცებს, როგორც არის რიბაკოვიო. განზე ზუტბუტებდა გუნდის უფროსი და უცდიდა პოლკოვნიკის გამოსვლას პოსპიტლიდან. პოლკოვნიკს პოსპიტალში შეატყობინეს, რომ მე ესლევნი „ერთგულეებს“ და რომ ტყუილაუბრალოდ დავსაჯე რიბაკოვი. როცა პოლკოვნიკი გამოეწერა პოსპიტლიდან, მისაყუედურა, რომ ისეთი კარგი კაცი დავსაჯე, როგორც რიბაკოვი, რაღაც უბრალოდ შეცდომისათვის, თუკი ადგილი ჰქონდა შეცდომასაო. რამდენიმე თვის შემდეგ პოლკოვნიკმა რაღაც უბრალოდ შემთხვევა იშოვა და ჩემ შესარცხვენად იმდენს შეეცადა, რომ რიბაკოვს დაუბრუნა უნტერ-ოფიცრობა. მახსოვს ამან დიდი ლაპარაკი გამოიწვია როგორც ოფიცრებში, ისე ჯარისკაცებში.

მონასტერი ირეოდა.

გენერალი მადლობას მეუბნებოდა, ნაწილის უფროსი კი გულპყრალად იყო ჩემზე, მამბრალებდა, რომ ისე არ ვიქცეოდი, როგორც საჭირო იყო სამხედრო პირისათვის. ხანდახან დარიგებასაც მაძლევდა, თუ როგორ უნდა დამეჭირა თავი.

—თქვენ ხშირად რჩებით ჩემს მაგიერ,— მითხრა მან ერთხელ,— და უნდა გახსოვდეთ, რომ მაშინ თქვენ გაქვთ ნაწილის უფროსის კველა უფლებანი. თქვენ უფროსი ხართ და ნებას არ უნდა აძლევდეთ ოფიცრებს მოგმართონ სახელით და მამის სახელით. მათ ასე უნდა მოგმართონ: „გოსპოდინ კაპიტან“. თქვენ ამ დროს უკვე მათი ამხანაგი არა ხართ — ეს უნდა შეაგნებინოთ მათ, ამასია დისციპლინა და ამ დისციპლინას უნდა იცავდეთ მტკიცედ! დაჰიჯრეთ გამოცდილ მეომარს!

— მაპატიეთ, მე ვერ ავასრულე თქვენს რჩევას. რარიგად ვუბრაქანო, რომ დღეს დამიძახონ „გოსპოდინ კაპიტან“, ხელ დავდ სამსონინ? მაპატიეთ და მაგას ვერ ვიზამ! — და პოლკოვნიკის გასაჯავრებლად დავუმატე: — არა თუ არ დავუშლი მათ, რომ სახელით და მამის სახელით მომმართონ, არამედ მექებება კიდევც, როცა მხოლოდ სახელით მომმართავენ!

— უცნაური კაცი ხართ! — თავის ქნევით თქვა პოლკოვნიკმა. — წააგებთ მაგით, დაიმახსოვრეთ ჩემი სიტყვა!

დიდად საწყინარი ჰქონდა, როცა მისი ავადმყოფობის დროს ერთმა ოფიცრმა, რომელმაც ნაჩუმათევად, რაღვან ოცდარვა წლის არ იყო და ფული ვერ წარმოადგინა (უნდა წარმოედგინა ხუთი ათასი მანეთი — ასეთი იყო კანონი), ცოლი შეირთო და მხოლოდ იმის შემდეგ, როცა შეუსრულდა ოცდარვა წელიწადი, განცხადება შეიტანა ნება დაერთოთ დაქორწინებისათვის. ამ ოფიცრს უპირებდა

პასუხისგებაში მიცემას როგორც კანონის დამრღვევს და ისეთ პირს, რომელმაც შეირთო თუმცა საბუთით აზნაურის ქალი, მაგრამ საეპვო აზნაურის. ერთი სიტყვით ყმაწვილი ოფიცერი, რომელიც რაღაც მიზეზის გამო არ მოსწონდა, გააბა ერთ დავიდარაბაში. დატანჯა საწყალი ახალგაზრდები. ვისარგებლე პოლკოვნიკის ავადმყოფობით, შეეუჩნდი ცინის უფროსს, გენერალს, და ისე შევაჯერე იგი, რომ მან დააკანონა ამ ოფიცრის დაქორწინება. პოლკოვნიკი დღედად უკმაყოფილო დარჩა ჩემით და მისაყვედურა, არ უნდა გექნათ — დოლინინი (ოფიცრის გვარია) ვერ არის რიგიანი ოფიცერიო. მე არ ვიცი რაში ატყობდა იგი ურიგობას. მხოლოდ ჩემს მიმართ დოლინინმა მართლა და ურიგობა გამოიჩინა: რამდენიმე თვის შემდეგ, არეულობის დროს, იგი იყო ერთი იმ ხუთ-ექვს ოფიცერში შორას, რომლებიც მხარს უჭერდნენ ჩემს წინააღმდეგ პოლკოვნიკს და ამოწმებდნენ, რომ მე პრობაგანდას ვეწეოდი ოფიცრებსა და ჯარისკაცებში. ამით მდგომარეობას იკეთებდა საწყალი მის გუნებაში, მაგრამ შემდეგში ეს ამბავი საბოლოოდ გაუხდა ჩემთან.

როგორც ზემოთ ვთქვი, ქვეყანა ირეოდა, ირეოდა დღე-ღღღზე უფრო და უფრო. ხალხის დაპატიმრება უფრო და უფრო გაზიარდა, მაგრამ მუშებს ეს არ აშინებდა, თითქმის უფრო ათამამებდა კიდევ. ქუთაისში ლადო მესხიშვილმა დადგა მონტის პიესა „კაი გრაჟი“. პიესამ დიდი აღტაცება გამოიწვია საზოგადოებაში. ბათუმის მუშებმა საგანგებოდ მიიწვიეს ლადო თავისი დასით, რომ ეთამაშნა ეს პიესა ბათუმის მუშების წინაშე. საკვირველი იყო, როგორ გამოაპარეს ცენზურას ეს რევოლუციური ნაწარმოები. მახსოვს კი წარმოდგენა ბათუმში ლადოს დასის მიერ. ეგრედწოდებული „რკინის თეატრი“ გაქედლილი იყო ხალხით. ყოველი ცხარე სიტყვა კაი გრაჟისა, რომელსაც ასრულებდა ლადო მისებური ნიჭიერებით. იწვევდა ტაშისცემას და გრიალს. აღტაცება თანდათან მატულობდა და წარმოდგენის დასასრულს უმწვერვალეს წერტილამდე მავიდა. მღელვარე ხალხმა თეატრშივე დასძახა მარსელიოზა. ხალხი გუგუნით გამოვიდა თეატრიდან და რკინიგზის ლიანდაგით გაემართა ბარცხანასა და გოროდოკისაკენ. გადმოქართულებულ მარსელიოზის სიტყვები მკაფიოდ ისმოდა ღამეში.

მე და ორი ჩემი ამხანაგი ოფიცრები (ჯაყელი და კაშოვევი) გამოვედით რა თეატრიდან, ჩავჯექით მარხილში, ზამთარი იყო, და გავსწოთ ჩვენი ბინისკენ. ვილაცამ თვალი მოგვკრა, შეგვნიშნა, რომ ოფიცრები ვიყავით, და მოგვაყვირა:

— მეფის მონები!.. ოპრიჩნიკები!

ამას აყენენ სხვები და შეიქნა ერთი ყვირილი, სტვენა, ლანძღვა-

გინება ჩვენ მიმართ. საძაგელ მღვთმარეობაში ჩავეარდით. მივატანეთ ამ ყიჟინში ელექტრონის ფარნამდი. სინათლეზე კარგად გაგვარჩიეს და გაისმა ხმები: გაჩუმდით, გაჩუმდით, კლდიაშვილია... ჯაყელი... იმღერეთ.

შეწყდა შემოძახება, სტვენა და მალე მარხილმაც უკან მოიტოვა რევოლუციური სიმღერებით მიმავალი ხალხი. რამდენიმე დღის შემდეგ ჩემთან მოვიდა როტშილდის ქარხნიდან სამი მუშა — მუშა მოსე ბაბილოძის მეტაურობით და გადმომცეს, რომ ღამეში ვერ გავარჩიეს ვინ მოდიოდით მარხილით და შეუფერებელი სიტყვებით მოგმართესო.

— ნუ გეწყინებათ, — ამბობდნენ ისინი. — ასეთი შემთხვევა უნებურად შეგზვდებათ, თორემ ჩვენ ვიცი ვის პატივისცემით უნდა ვხვდებოდეთ და ვის სიცოცხლე გავუმწაროთ.

მღელვარება თანდათან მატულობდა, გახშირდა დაპატიმრება და დატუსაღება მუშებსა და ჯარისკაცებს შორის.

ერთ დღეს ბათუმის ქუჩები მოიფინა განცხადებით და ბრძანებით: „გამოცხადდა ახალი მბრძანებელი — ბარცხანის გუბერნატორი“, როგორც იგი უწოდებდა თავის თავს. მთავრობის გუბერნატორი სრულიად დაჩრდილა ახლად გამოჩენილმა „ბარცხანის გუბერნატორმა“; ამის ბრძანებებს გაცილებით მეტი ძალა ჰქონდა ყველა ბათუმელის თვალში, ვიდრე მთავრობის გუბერნატორს. ქალაქის ცხოვრების ხელმძღვანელი, განმკარგულებელი, ნამდვილი მმართველი შეიქნა ეს „ბარცხანის გუბერნატორი“, რომელსაც მთავრობა გამწარებით დაეძებდა, რომლის ვინაობის ვაგებას თავგადადებით მეცადინობდა, მაგრამ მშრალზე რჩებოდა. ვერავენ გაიგო ვინ იყო ეს ახალი გუბერნატორი, საიდან გაჩნდა, ვინ იყო მასთან მომუშავე, არავენ იცოდა მისი ვინაობა, მაგრამ ყველა მისი ბრძანების აღმასრულებელი, მისი სიტყვის მორჩილი, გამგონი და გამყოლი იყო. საოცარი გავლენა ჰქონდა ყოველ მის ბრძანებას; მას ემორჩილებოდა მთელი ქალაქი, მისი შიშის ქვეშ იყვნენ თვით მთავრობის წარმომადგენლებიც. „ბარცხანის გუბერნატორი“ უჩინარი, მაგრამ ნამდვილი დიქტატორი იყო და ეს დიქტატორობა მას შერჩა კარგა ხანს — იმ დრომდე, სანამ რეაქციამ არ გაიმარჯვა.

მთელი ქალაქის ადმინისტრაცია შიშის ქვეშ იმყოფებოდა; ყველანი არეულობის მოლოდინში იყვნენ. მთავრობა გახურებულ მუშაობაში იყო, რომ მაგრად დახვედროდა ამგვარ ხალხს, გაფაციცებით დაეძებდა საშუალებას, რომლითაც შეიძლებოდა ხალხის დაწყნარება, დამორჩილება. არეულობის მოლოდინის შიშმა განსაკუთრებით იმატა თებერვლის დღეებში. ცხრამეტი თებერვალი, ძველი

სტილით, გლუხთა განთავისუფლების დღე იყო და ამ დღეს ყოველ-
თვის დღესასწაულობდნენ. ახლა იმის შიში შეიქნა, რომ ამ დღეს
მუშების გამოსვლა მოხდებოდა. ამისი შიში ჰქონდათ და მთავრო-
ბის წარმომადგენელნი თათბირს თათბირზე მართავდნენ. ერთ თათ-
ბირს, რომელიც ციხე-სიმაგრის უფროსმა მოიწვია, მეც დავესწარი,
რადგან ნაწილის უფროსი ისევე ავად იყო და მე ვასრულებდი ნაწი-
ლის უფროსობას. ასე რომ, მათლა უნებურად, ისეთი არასასიამოვნო
პიროვნება, როგორც მე ვიყავი ბევრი მათგანისთაჲ მოწმე
გავხდი მათი თათბირისა. საკითხი იყო დასმული იმის შესახებ, თუ
რა ზომები მიეღოთ ცხრამეტი თებერვლის მოსალოდნელ გამოსვლის
წინააღმდეგ. განსხვავებული აღელვებით ლაპარაკობდა ერთი ინჟი-
ნერი პოლკოვნიკი, იგი გამოთქვამდა ცხარე სიტყვებით თავის მწუ-
ხარებას, რომ ყოველ ნაბიჯზე ქუჩაში ხვდებოდა ისინი, ვინც ამ
არეულობისათვის იყვნენ გამზადებულნი და რომ ისინი დადიოდ-
ნენ თავისუფლად, თამამად, უშიშრად, მომლოდინენი ხელსაყრელ
წამისა, და რომ მედიდურად გამოიყურებიანო, რადგან კანონი სა-
შუალებას არ იძლევა დააპატიმრონ ისინიო.

— იგი მიღის ამ ქუჩაში თქვენ თვალწინ... ის გეჩხირებათ თვალ-
ში თავის ცისფერკაობებიანი ბლუზით, ერთგვარი ქუდით თავზე,
ხანდახან ნაბადმოხურულიც. ვიცი რა ვაებატონი ბრძანდება, რა
ფიქრებს ატარებს თავში, რა განზრახვებით არის აღვისილი. ვიცი,
ფუყურებ და გულზე ვსკდები, რომ კანონი ნებას არ იძლევა სტაყო
ხელი და გულის საჭერად მოეპყრა. ეს სისუსტეა ჩვენი და იგი ათამა-
მებს მათ. ისინი დაგვიცინიან მოურიდებლად; ჩვენ კი ვეთავაზებით,
როცა აქ საჭიროა სასტიკი ზომების მიღება, რომ მოვსპოთ ამისთანა
საზიზღრება და თავიდან ავიცილოთ მოსალოდნელი აღრევა და
უწყსრცობა!

ლაპარაკი ჩამოვარდა, რომ დაჰკერილთა რიცხვი ნამეტნავად იზრ-
დებაო და დასატევი აღვილი თითქმის აღარ არისო. ეს საკითხი წა-
მოაყენა გუბერნატორმა, გენერალმა დრიაგინმა.

— რამდენიმე დღის შემდეგ ჩვენ უცნაურ გაპირვებაში ჩავეარ-
დებით, დასაპატიმრებელი ბლომად იქნება, მათი მოსათავსებელი
აღვილი კი არ გვექნება, — თქვა მან. — ამ ბოლო დროს დაპატიმრე-
ბულნი ბურუნტაბიეში (სიმაგრე ზღვის პირას) მოვათავსეთ... ახლა
აქაც გაივსო ამაზე უნდა ვიფიქროთ!

— მე მგონია აქ მაინცდამაინც დიდი თავსატეხი საქმე არ არის...
სულ უბრალო საშუალებით მოვიშორებთ ამ არასასურველ ელე-
მენტს თავიდან და ახლებისათვისაც აღვილი გვექნება! — თქვა ნაე-
სადგურის უფროსმა ზღვის კაპიტანმა.

— ესე იგი? — შეეკითხა გუბერნატორი.

— გადმომეცით თქვენი ტუსალები მე, გადმოიყვანეთ ერთ-ერთ პარკასზე, პარკასს გავიყვანთ შუა ზღვაში და თქვენ თავისუფალნი აქნებით იმ არაპზადებისაგან — განმარტა ნავსადგურის უფროსმა.

ნათქვამმა, ეტყობოდა, ყველა გააოცა. ჩამოვარდა უხერხულს აიხუმე.

— ჩვენ აქ მგონი სერიოზულად ვლაპარაკობთ! — თქვა დრიაგინმა.

— მეც სერიოზულად ვლაპარაკობ — წაილაპარაკა მეზღვაურმა.

— არა, ამგვარ წინადადებას, მგონია, აქ არ მიიღებენ! ასეთი რამ შეუძლებელია.. — თქვა დრიაგინმა.

— თქვენი ნებაა!.. მე კი მგონია ეს შესაძლებელიცაა და აღვილად მოსახერხებელიც. — არ წყნარდებოდა მეზღვაური. — რა საჭიროა ცერემონიები?! ვისთან?! ჩაიძირება ერთი დამპალი ბარკასი და თან ჩაიტანს ყველას ისე, რომ ვერაფერ ვერ გაიგებს იმათ შესახებ!

ეს ნამდვილი ამბავია. ამ მხეცურმა წინადადებამ ამგვარ შეკრებლობაზედაც მძიმე შთაბეჭდილება მოახდინა და მხეცი მეზღვაურის წინადადება უარყოფილ იქნა.

ამგვარ მხეცურ წინადადებას ხშირად იძლეოდნენ სხვადასხვა პირები.

გუბერნატორად ახლად დანიშნულ გენერალ პარკაუს მიერ მოწვეულ კრებაზე (ამ კრებას მე არ დავსწრებივარ) ჟანდარმის როტმისტრმა როენოვმა წინადადება შეიტანა: ხალხის შესაშინებლად წითელი მამალი ავაფრინოთო. ეს ისე უტიფრად წამოისროლა როტმისტრმაო, მითხრა ამის გადმომცემმა, კრებაზე მყოფმა პორუჩიკმა ჩეჩელაშვილმა, რომ თავი ვერ შევიკავეო და როტმისტრის ნათქვამს დაუერთო: — დავიწყოთ ალექსანდროვის ბალიდან!

ესე იგი პირველად ცეცხლი უნდა გაჩენოდა გუბერნატორის სახლს! ის იყო პირველი სახლი ალექსანდროვის ბალთან. ჩეჩელაშვილს, რასაკვირველია, მიუხედავად გადაკრულად ნათქვამს და შესწყვიტეს თურმე ლაპარაკი „წითელ მამალზე“. ჩეჩელაშვილს მამინ არ ანანებოეს მისი ზითამამე, მაგრამ შემდეგ კი გაუხსენეს და დაუწყეს დევნა.

ნავსადგურის უფროსის რჩევა სულ მივიწყებას არ მისცემია. ერთ დღეს ჩემთან მოვიდა ჩემი ამხანაგი ოფიცერი, გვარად ევანგელიდი. საოცარი აღლევებული იყო. მან მითხრა, რომ მიმხმეს ციხის შტაბში და იქიდან გამგზავნეს გუბერნატორთან ბრძანების მისაღებადო. ბრძანება მისცა გუბერნატორმა: ბურუნტაბიდან გამოე-

ყვანა დატუსაღებულუბა და გადაყევანა ნავსადგურის უფროსისაგან ნაჩვენებ ბარკასზე. ბარკასი ღამით უნდა გაეყვანა ზღვაში და ღამით ჩაეძირა ზედ მყოფ ხალხთან ერთად. ევანგელიდნი მითხრა, პირდაპირ გადავირიე ასეთი ბრძანების ასრულებას რომ მაკისრებდნენო; ჯერ შევეკითხე, რატომ მე ამოვირჩიეს ამისთანა საქმის შესასრულებლად, მერე პირდაპირ გამოვუცხადე, რომ არაფრის გულისათვის ამგვარ ბრძანებას არ შევასრულებო და თუ ვინმე სხვა გამოჩნდა ამის შემსრულებელი, მე გამოვასრულებ ამას და ქვეყანას გავაგებინებო. ძლიერ შეწუხდნენ თურმე, რომ შეცდნენ ამ ოფიცერში და ის არ აღმოჩნდა ისეთი პირი, როგორც მათ ეგონათ და ესაჭიროებოდათ. ბურუნტაბიეს ტუსაღები საზარელ სიკვდილს გადაარჩინენ; ევანგელიდი გამოისტუმრეს, — მხოლოდ უბრძანეს, რომ არ გაეხმაურებინა ეს ამბავი. მაგრამ მან მაინც ვერ დასძლია თავი, რომ ჩემთვის არ გაეგებინებია.

— ვიცი, რაღაცას დამმართებენ ჩემი ურჩობისათვის, მაგრამ ჩემი სინდისი წმინდა მექნება.. რომელმა ჩემმა საქციელმა დაამუღდათ, რომ მე შევასრულებდი ასეთ საზიზღარ საქმეს, მიკვირს!.. რაც უნდათ ის მიყონ — აღელვებით დაასრულა მან თავისი ამბავი.

არ აბატიეს ევანგელიდის მისგან ბრძანებებს შეუსრულებლობა. მოკლე ხანში იგი ბათუმიდან გადაიყვანეს მაიკოპისკენ ერთ-ერთ ყაზახთა პლასტუნების ბატალიონში, სადაც, ათას უბედურებაში გაზვეული, ძლივს გადაარჩა ცოცხალი.

ცხრაშეტი თებერვლის, გლეხთა განთავისუფლების, დღისათვის არეულობის მოლოდინში დიდ მზადებაში იყო ქალაქის უფროსობა. არეულობები დაიწყო. სამხედრო მთავრობა ყოველდღიურად ნიშნავდა განსაკუთრებულ მორიგე უფროს ოფიცერს და თითო კვირაობით აცხადებდა, თუ რომელ დღეს რომელი ნაწილიდან რომელი ოფიცერი ინიშნებოდა მორიგედ. წინა გაწერილობით მე ძალიან დამორბეული ვიყავი თვრამეტსა და ცხრაშეტი თებერვლის მორიგეობას, ესე იგი ერთიგად ამორბეული ვიქნებოდი თუ მართლა რამე გამოსვლა იქნებოდა. მაგრამ ერთ საღამოს მოსულ ბრძანებაში ახალი, შეცვლილა მორიგეთა გაწერილობა იყო და ამ შეცვლილი გაწერილობით მე ვინიშნებოდი მორიგედ თვრამეტი თებერვლის თორმეტი საათიდან ცხრაშეტი თებერვლის თორმეტი საათამდის, ესე იგი თუ გამოსვლა-არეულობა მოხდებოდა, მე უნდა გავხვეულიყავი ცეცხლში. ეს პირდაპირ განზრახ შედგენილი გაწერილობა იყო. ეჭვი არ უნდოდა, რომ თუ რამე მოხდებოდა, მე უნდა დამტეხოდა თავზე. ამჟამად იყო, რომ მე მაგდებდნენ განსაცდელში. მე და ჩემი-

პედი — ვთქვი და არც კი შეგვიტახებია შტაბში, თუ რატომ შეცვალეს წინანდელი გაწერილობა.

ჩაღვქვი მორიგედ. თერამეტს მშვიდობიანობაა; ცხრამეტს დილიდან ტელეფონები ამუშავდა — კითხულობენ ყოველ წამს, ხომ არაფერი ცნობაა საიდანმეო სრული სიწყნარეა და მშვიდობიანობა. ახლოვდება თორმეტი საათი — გამოცვლის დრო. უკვე თორმეტი... თორმეტს გადაცილდა, მაგრამ ჩემი შეშველელი არსად არის... ტელეფონი აწიწიკდა. ეპ, გაწყრა ღმერთი!..

— შტაბიდან... ცნობა მიღებული ალექსანდროვის ბაღში ხალხი გროვდება, მღეროან რევოლუციურ სიმღერებს... მიიღეთ ზომა... ვაფანტეთ დაუყოვნებლივ... ყაზახებს მოგაშველებთ!

ვიხმე ჩემს განკარგულებაში მყოფი ყაზახი, ვუბრძანე გამოეყვანა ცხენი, შევკვქვი, ყაზახს ვუთხარი მოშორებით გამომყოლოდა და გავსწიქ ალექსანდროვის ბაღისაკენ. მივდივარ და თან ფიქრს ვემართო... მათ შორის ბევრი ჩემი კარგი ნაცნობი იქნება... მაგრამ ჩემი ხატრისათვის ხომ არ დაიშლებიან და გაიფანტებიან — თავს არ იზოგავენ და ხატრს რა ადგილი შეიძლება ჰქონდეს! რაც იქნება, ის იქნება... ოღონდ სამარცხვინო მოქმედებას ავცდები!

მივდივარ, კაცის ნასახი არსად ჩანს ქუჩაში. ცხენის ფეხის ხმა უსიამურად გირტყამს ყურში. გადაუხვებე მეორე ქუჩაზე... აგერ ალექსანდროვის ბაღი... სიწყნარე, სიჩუმე, არ ისმის სიმღერა... მივდივარ ბაღის დაყოლებას... ბაღში კაცი არ ჩანს... ჩავიარე ბაღი. ციხის მახლობლად ვარ. ციხის კარებთან დგას ათიოდე კაცი. სხვაგან არსად ჩანს სულიერი. წავედი ამ ჭგუფისკენ. კარებთან მდგომნი ჩემსკენ წამოვიდნენ.

— ოპ, კერკეეია რა ამბავია? — ეს როტშილდის ქარხნის მუშა იყო.

— მშვიდობა ბატონო.. ხუთმაბათია დღეს, ნახვის დღე... ამხანაგების სანახავად ვიყავით, — მომიგო მან. — თქვენ რამ გაგსარჯათ, დავით? — მომღიმარე სახით მომმართა კერკეეიამ.

— ცნობა მისვლია შტაბს, ბაღში აუარებელი ხალხია თავშეყრილი და რევოლუციურ სიმღერებს მღერიანო.

— არა, ბატონო, დღეს არავინ გამოვა, თავს ტყვილა არავინ შეაკლავს... ყველამ ვიცით, რომ დღეისათვის დიდი მზადება აქვს პთავრობას... თუ რამე გადავწყვიტეთ, უფრო მოსახერხებელ დროს ამოვარჩევთ... დღეს არაფერი იქნება — გაიცინა კერკეეიამ.

გამოვბრუნდი და ის იყო ბაღის ყურესთან მივედი, ვაზნესენსკის

ქუჩით მოქრის ჩვენსკენ ცხენოსან ყაზახთა ჯგუფი, მოქრის მტვერში გახვეული. დამინახეს და ერთბაშად შეჩერდნენ.

— თქვენს განქარგულებაში — მომახსენა ურიადნიკმა.

— არა ხართ საჭირო!.. გაბრუნდით უკან ყაზარჩაში — ვუთხარა და იქვე გავაბრუნე ჯგუფი. დაბრუნებისას ქუჩაში ისევ არაფერი შემხვედრია. შიშს მიცემულნი მცხოვრებნი შეყუთებულყოფნენ თავიანთ ბინებში და ეშინოდით გარეთ გამოსვლა. გვარჩინი დაგვიანებით ჩემი შემცველი მორიგეც გამოჩნდა. ეს იყო არტილერიის პოდპოლკოვნიკი, კიეველი გიმნაზიელი, ე. ი. ჩემი ნამახანაგარი.

— პეტრ დანილიჩ, კარგად დააგვიანე გამოცვლა!.. ყველა შეგაშინათ ღღევიანდელმა ღღემ და მე გამწირეთ ვითომ?!. არაფერია, ზედი ჩემი მწყალობელი!

— შტაბში შემაჩერეს... მერე პრძანება შენ გაღმოგცეს და მეც აღარ ვიჩქარე! — მომიგო მან დარცხვენილად.

ყველა შიშქვეშ იყო; შიშიც ვრცელდებოდა და მატულობდა, რადგან არეულობა იზრდებოდა და იზრდებოდა. გურიის ამბებს დასარული არ უჩანდა; იქაურობა ცეცხლო ჰქონდა მოკიდებული. აქაური ამბები ყველგან ეფინებოდა. მთავრობამ შეისმინა მშვიდობიანობის მომხრეთა რჩევა და გურიაში გაგზავნა მეფის მოადგილის თანაშემწე სულთან კრიმგირეი. სულთან კრიმგირეი დადიოდა სოფლიდან სოფელს და ეკითხებოდა ხალხს, თუ რა აწუხებდა მას, რას თხოულობდა, რა აღელვებდა. გურულები გულანდილად უყვებოდნენ კრიმგირეის ყველაფერს და ესეც დიდის ყურადღებით უსმენდა მოლაპარაკეთ. მთავრობა აქ ისე შორს წავიდა, რომ ნებაც კი ღისცა ყველაფერი ნათქვამი გაზეთებში დაბეჭდილიყო. კრიმგირეის თან დაყვებოდნენ გაზეთების საგანგებო კორესპონდენტები; ამათში ყრია ისეთი პირიც, როგორც იყო ცნობილი საზოგადო მოღვაწე მწერალი ილიკო ნაკაშიძე, რომელიც ხელმძღვანელობდა კრიმგირეის და აგნებინებდა მდგომარეობას. მთავრობა, ეტყობა, ცდილობდა მშვიდობიანი გზით მოესპო არეულობა.

სხვა ხასიათის იყო იმავე ხანებში მოგზაურობა მეფის მოადგილის მეორე თანაშემწისა, გენერალ შალამასი და კავკასიის სამხედრო საოლქო შტაბის გენერალ გრიაზნოვისა. ესენი დადიოდნენ სამხედრო ნაწილებში, ელაპარაკებოდნენ ოფიცრებს და ჯარისკაცებს.

ზაფხული იყო, მალამა და გრიაზნოვი ბათუმში რომ ჩამოვიდნენ. ჩვენი ნაწილი ბანაკად იდგა ზღვის ნაპირზე. მივიდნენ ბანაკში ახრივე გენერლები — მალამა და გრიაზნოვი; მალამა, როგორც ყაზახთა გენერალი, ჩოხაშა იყო გამოწყობილი; მშვიდობიანი სახის.

გამომეტყველებით, ქალაჩა, იგი განზე დგებოდა თითქმის და ლაპარაკსაც, სიტყვას, უთმობდა გრიანზოვს.

გრიანზოვი დიდი შოვინისტი იყო. მეფის რუსეთის გადაღმა მას არა სწამდა რა. რუსეთის ერთმა მძლავრმა წრემ ამოარჩია იგი და გამოგზავნა თბილისში, რომ სუსტ-რბილი ვორონცოვის გვერდით ყოფილიყო მაგარი, მკაცრი, შეუდრეკელი პირი — მეფის პოლიტიკის მძლავრი გამძღოლი.

მაღალი, სასტიკი გამომეტყველების სახით, მკვეთრი სიტყვებით მოლაპარაკე იგი შეხედულობითაც სასტიკი იყო. გვარდიის გუსარი, გენერალური შტაბის გენერალი, მედიდური; როცა გულაპარაკებოდათ უსათუოდ იგრძნობდით, რომ იგი თქვენ არაფრად არ გაგდებდათ და მოწყალებად უნდა მიგეღოთ, რომ მისგან არ ისრისებოდით.

დაგვაყენეს ჭგუფებად: ოფიცრები ცალკე, ცალ-ცალკე ფვლფვებლები, უნტერ-ოფიცრები და ჯარისკაცები. მაღამა განზე გადგა; ჭგუფებს ელაპარაკებოდა მხოლოდ გრიანზოვი.

— იცით, რასაკვირველია, ბატონებო, — მოგემართა მან. — რაც ხდება ამ უკანასკნელ ხანებში. მე დავივალა გრაფმა მენახეთ და გადმომეცა მისი ღრმა რწმენა, რომ თითოეული თქვენგანი მტკიცედ შეასრულებს თავის მოვალეობას და აასრულებს წმინდად მიღებულ ფიცს. მეც დარწმუნებული ვარ ამაში და, ვფიქრობ, ნება მქნება თქვენგან გადავკე გრაფს თქვენი თანხმობა და შეუქრეკელი გადაწყვეტილება თავგადადებით ემსახუროთ უკანასკნელ წუთამდე მეფეს და სამშობლოს!

ხმა არავის ამოუღია. გენერალმა ჩამოუარა ყველა ჭგუფს და ესაუბრა ცალ-ცალკე. მაღამა ისევ განმარტობით იდგა; როცა გრიანზოვმა გაათავა ჯარისკაცებთან ლაპარაკი, იგი მივიდა მაღამასთან; გენერლები ჩასხდნენ ეტლში და წავიდნენ ბანაკიდან; ჩვენ კარგა ხანს ვიდევით ხმა გაკმენდილნი — ვგრძნობდით, რომ რაღაც მოახლოებული უბედურების წინაშე ვიდევით, ეტყობოდა რაღაც განსხვავებული მზადება იყო.

ამ ზაფხულში ხშირ-ხშირად დავდიოდი ბათომიდან სოფლად, სადაც მყავდა ცოლ-შვილი. სოფლელი მეზობლები მთხოვდნენ ხშირად მეელო და მეცნობებია მათთვის ნამდვილი ამბები იმის შესახებ, რაც გარშემო ხდებოდა. მეც ხათრს არ ვუტეხდი მეზობლობას და სოფელში ამოჯვლისას დალაგებით ვუყვებოდი ხოლმე რაც ხდებოდა ჩვენს გარშემო. ხალხს უცნაურად ღელავდა. „ერთობა“ ისმოდა ყოველ ფეხის ნაბიჯზე; ყველა „ერთობა“-ში უნდა შესულიყო, „ერთობა“-სათვის ფიცი უნდა მიეღო; ვინც „ერთობა“-ს განზე უდგებოდა, იგი სასტიკად იდევნებოდა. სოფლად მამასახლი-

სი თითქმის განზე იყო მიტოვებული, შეტი ძალა და გავლენა ჰქონდათ ახლად ამორჩეულ ასისტანტებს და ათასთავეებს. ხშირად იმართებოდა მიტინგები — მრავალრიცხოვანი მიტინგები დღისით; ამ მიტინგებზე ხალხს ელაპარაკებოდნენ მოსული „მქადაგებლები“, როგორც ამათ ეძახდნენ.

ერთხელ სოფელში ყოფნის დროს, წერილი მომივიდა, მატყობინებდნენ: ხეალ სათემო მინდორზე სკოლასთან დიდი მიტინგი იქნება და, რასაკვირველია, თქვენთვის იგი საინტერესო იქნება და იქედია დაესწრებითო, — მწერდნენ მიტინგის მომწყობნი. მეორე დღეს დილიდან სოფელი ამოძრავდა. ჩემი სახლის აივნისაგან ვუშხერდი როგორ მიეშურებოდნენ ქალები, კაცები და ბავშვებიც მიტინგისათვის დანიშნულ ადგილისკენ. როცა მეც მივედი, დიდი მინდორი სავსე იყო ხალხით. ელოდნენ სვირიდან „მქადაგებლებს“. „მქადაგებლებმა“ დაიგვიანეს მოსვლა, მაგრამ ეს აუარებელი ხალხი მოთმინებით უცდიდა მათ. კარგა ხნის დაგვიანების შემდეგ გაჩნდნენ ესენიც. მოსულმა ყმაწვილ-კაცებმა დაიკავეს ადგილი სასწავლებლის აივანზე. ხალხი მოქუჩდა აივნის წინ და დასდნენ მიწაზე. ჩამოვარდა სიჩუმე; ყველა სმენად იყო ქცეული. დაიწყო მიტინგი. ლაპარაკობდა ყმაწვილი კაცი; ლაპარაკის კილო თავიდან გაცხარებული იყო; „მქადაგებელი“ მოუთხრობდა იმ უსამართლობაზე, რომლითაც ტანჯავდა მთავრობა ხალხს, იმ შევიწროებაზე, რომელშიაც იმყოფებოდა ხალხი, მთავრობის სისასტიკეზე, ხალხის უუფლებობაზე, მთავრობის შეუბრალებლობაზე და ყოველ ამისაგან ხალხის ეკონომიურად დაცემაზე და გაღარიბებაზე. სამწუხაროდ, ხშირად იხმარებოდა ხალხისათვის გაუგებარი სიტყვები, რაც სმენად გადაქცეულ ხალხს, აშკარად ეტყობოდა, უმძიმებდა ნათქვამის სრულად გაგებას. მიუხედავად ამისა, ადგილიდან არავინ. დაძრულა სანამ „მქადაგებლებმა“ თვიანთი სათქმელი არ დაასრულეს და მახლობელ სოფლისაკენ პირი არ ქნეს, რომ მეორე დღეს იქაც ექადაგნათ.

ამ ხანებში ქუთაისის გუბერნატორად იყო ცნობილი სტაროსელსკი. იგი იყო აგრონომი, ზესტაფონის მახლობლად საქარის სანერგის გამგე. მას ჰქონდა მინდობილი ფილოქსერასთან ბრძოლის წარმოება, რასაც იგი აწარმოებდა დაუღალავად, ცოდნით და გულწრფელად, რას გამო დიდად ხელი შეუწყო განადგურებულ მევენახეობას აღორძინებას. მასთან მუშაობდა დიდძალი ხალხი, გარს შემოხვეული ჰყავდა ახალგაზრდობა, რომელიც მუშაობაში განვითარების გარდა, ვითარდებოდა გონებრივადაც, რადგან აქ მრავალი შეგნებული ახალგაზრდობა იყო, ერთგვარ მიმართულებით გატაცე-

ბულნი. ამ ახალგაზრდებიდან შემდეგში მრავალმა ისახელა თავი საზოგადო ასპარეზზე მოღვაწეობით. სტაროსელსკის ოცნობდა ხალხი და დიდ პატივსაც სცემდა მას. მთავრობამაც, ალბათ, ამიტომ დანიშნა იგი ამ ვაჭირების ხანაში გუბერნატორად. სტაროსელსკიც ხალხის სასარგებლოდ ხმარობდა თავის უფლებებს. იგი მუდამ დადიოდა სოფლებში, ესაუბრებოდა მცხოვრებლებს, ესენიც გულლიად ესაუბრებოდნენ და პირველად მოზდა, რომ აღმინისტრაციისა და ხალხი ასე სადად, ასე დაახლოებულად და გულგახსნილად, ნდობით ერთმანეთს ელაპარაკებოდა.

— უნდა ვესტუმრო სტაროსელსკის, — მითხრა ერთხელ ჩემმა პეზობულმა მკედელმა ილიამ. — უნდა ვესტუმრო... ვიცი, ისე მიმიღებს თითქოს თავის ძმას!

ძვირფასი ის იყო, რომ ეს კაცი გულწრფელად ემსახურებოდა ხალხს და მის სასიკეთოდ იყო განწყობილი. თანაშემწედ ჰყავდა ალექსანდრე ყიფშიძე, კაცი დიდად განვითარებული, ზედმიწევნით, პცოდნე ქართველი ხალხისა, ენერგიით სავსე მოწინავე მოღვაწე. ამათთან იყო საგანგებო მინდობილობათა მოხელედ პეტრე ყიფიანი. პეტრეს, ყმაწვილობისას, როცა სწავლას ათავენდა, თბილისის რეალურ სასწავლებელში შემოეტყუება სასწავლებლის დირექტორი, იმ დროს თავის ხულიგნობით ცნობილი ლილოვი. ყიფიანი, რასაკვირველია, გამოაგდეს სასწავლებლიდან უფლებაახდილი. სადმე რომ დაესრულებინა სწავლა, მან გასწია საფრანგეთში და რამდენიმე წლის შემდეგ დაბრუნდა სამშობლოში როგორც ნასწავლი აგრონომი. ცოცხალი, დიდი ენერგიის პატრონი, თნიციატივიანი, იგი შეიქნა სასურველი საზოგადო მოღვაწე პიროვნება.

სტაროსელსკიმ, ყიფშიძემ და ყიფიანმა დიდი ვალი დასდევს თავიანთი მუშაობით საერთო არეულობის დროს. ამათი მუშაობის წყალობით ხალხის გულისთქმის გამოთქმას თავისუფლება ეძლეოდა. სტაროსელსკის და ყიფშიძის დროს ხალხის საოცარ აღელვების დროს, ხალხი არ დაზარალებულა, არ დარბეულა და არ წამებულა. სულ სხვა სურათს წარმოადგენდა აღმოსავლეთი საქართველო, რომელსაც არ ეღირსა სტაროსელსკისთანა მმართველი-მეთაური. აქ საშინელი შეჯახება იყო ხალხის და მის მოწინააღმდეგე ელემენტებს შორის.

იმ საოცარ არეულობას, რომელიც სუფევდა თბილისის გუბერნიაში, ზედ დაერთო საშინელი გადაკიდება სომხებსა და თათრებს შორის. ბაქოს ქლეტამ მთელი ქვეყანა აალაპარაკა და შეაძრწუნა. ასეთი ამბის გამეორება მოსალოდნელი შეიქნა თბილისშიაც. უბედურების ასარიდებლად ქართველობა ჩადგა შუაში და ყოველგვარ

ზომას ღებულობდა ამ ორ ერს შუა შეტაკება არ მომხდარიყო. შედგა ქართველებისაგან მოღარაჯე რაზმი სამასი კაციანი.

ამგვარივე საშიში მღვდმარეობა შეიქნა ბათუმშიაც. აქაც მოსალოდნელი იყო სომხებსა და მუსულმანებს შორის შეჯახება. ამის ასაცდენად გაიმართა მოსალაპარაკებელი მიტინგი აზიზიეს მეჩეთის გალავანში; რამდენიმე დღის შემდეგ ამგვარივე მიტინგი — სომხების ეკლესიის გალავანში. ხალხი მოაწყდა აუარებელი. ეკლესიის ეზო ვერ იტევდა მოსულთ; ეკლესიის გარშემო ქუჩები გაჰყვდილი იყო ხალხით. ეკლესიის ეზოში ამართული იყო ტრიბუნა; მოლაპარაკე სომეხთაგანს ცვლიდა მოლაპარაკე მუსულმანი. ხალხი სმენად იყო გადაქცეული. უეცრად შეიქნა განაპირზე ჩოჩქოლი, ყვირილი, ხმაურობა, რომელიც თანდათან მძლავრდებოდა. გაისმა საშინელი კივილ-წივილი; აიძრა ეს ზღვა ხალხი, — ერთმანეთს ეხეთქებიან, გარბიან, ერთმანეთს სრისავენ. ნამდვილი ქლეტაა, საზარელი ყვირილი. დაცარიელებულ ქუჩაში გამოჩნდა ოფიცერი და მასთან სასროლად მომარჯვებული თოფებით რამდენიმე ჯარისკაცი.

— რაზაიდის, ჰელოოჩი რაზაიდის, ატო ბუდუ სტრელიატ! — ყვიროდა ოფიცერი და იწეოდა ეკლესიისკენ. შეიქნა სროლა, საბედნიეროდ, მალა; დამფრთხალი ხალხი ერთმანეთს ეხეთქება შიშისაგან გონებადაკარგული. ჯოჯოხეთია ნამდვილი.

ბატარეია ბურუნ-ტაბიზე გაისროლეს ზარბაზანი; იგრილა მეორედ, შესამედ; ზარბაზნები ახმაურდნენ მთებზე; ეს ნიშანი იყო, — ჯარებს ეცნობებოდა, რომ ქალაქში არეულობა დაიწყო და გამოსულიყო დანიშნული ადგილების დასაკავებლად. ცხენოსანი კაზაკები დაქროდნენ ქუჩებში. ნავსადგურთან ატყდა სროლა. როგორც შემდეგ გამოირკვა, აქ მოკლულ იქნა თერთმეტი ქალი და მამაკაცი.

როცა ცოტა მიწყნარდა, გამოვედი იმ სახლიდან, სადაც ეკლესიის პირდაპირ შევაფარე თავი, და გავეშურე გოროდოკისკენ ჩემს ბინაზე. ქუჩაში, რასაკვირველია, ჯარისკაცების მეტი არაფერ არის; მხოლოდ აგერ-ეგერ სახლის ჰიშკართან მომდგარი შეშინებული მცხოვრები აკანკალებული კითხულობდა:

— სახლებს ხომ არ დაუშენენ ზარბაზნებს?

მთელმა დღემ წარმოუდგენელ შიშინობაში განვლო. ეს მოახდინა არდავანის პოლკის კაპიტანმა, გვარად აუსტრინმა, მთვრალმა. მას არ მოეწონა ეს ეკლესიის გალავანში ხალხის შეკრება, მონიდომ მისი გაფანტვა; რაღაც ეშმაკად შეხვდა მისი გუნდის ჯარისკაცები, გაიყოლა ესენი და შეიქრა ხალხში ყვირილით:

— რასხოდის სეოლოჩი! ატო ბუდუ სტრელიატ! — და ატეხა საზარელი ამბავი.

რამდენიმე ოფიცერმა განაცხადა თავისი აღშფოთება აუსტრიის მოქმედების წინააღმდეგ, მაგრამ უფროაზობამ აუსტრიის არაფერი შეახვედრა, გამცხადებლებს კი საყვედური გამოეცხადათ.

რუსეთიდან საზარელი ამბები მოდიოდა; განსაკუთრებით საზარელი ამბები იყო ებრაელების დარბევის შესახებ, რასაც აღვილი ჰქონდა რუსეთის მრავალ ქალაქში. აბობოქრებული ბრბო შავრაზმელების ხელმძღვანელობით უმოწყალოდ ელეტდა, შეუბრალებლად აცამტვერებდა ებრაელობას, არ ზოგავდა არაფრით. ეს ქლეტა წარმოებდა, როგორც შემდეგში გამოირკვა, მთავრობის ნებადართვით და ხელშეწყობით. ებრაელების ამგვარი ქლეტა მოხდა ოდესაში, რალაც განსხვავებული მხეცური — უდანაშაულო ხალხის სრესა. ის ამბავი, რაც იქ ქუჩაში ხდებოდა, თურმე პირდაპირ ზღაპრული რამ იყო. სისხლი იღვრებოდა ყოველ ფეხის ნაბიჯზე; ქუჩები მოფენილი იყო, თურმე, უამრავი მსხვერპლით. დაიღუპა უთვალავი ხალხი, მათ შორის ახალგაზრდა მეცნიერი, ოდესის უნივერსიტეტის ლაბორანტი ალექსანდრე (საბა) კლდიაშვილი. ხალხის ქლეტის დამნახველს ვერ მოეთმინა სახლში ყოფნა და საცოდავთა მისაშველებლად გამოსულყო ქუჩაში და ისიც გამოასალმეს წუთისოფელს. დაიღუპა ახალგაზრდა მეცნიერი, საოცარი გრძნობიერი ადამიანი, ყველასთვის საყვარელი პიროვნება. ნიქიერი, გატაცებული მეცნიერებით, იგი განსხვავებულ მუშაობაში იყო ჩამბული ქართველ სახელოვან მეცნიერებთან, ოდესის პროფესორებთან პეტრე მელიქიშვილთან და ვასილ პეტრიაშვილთან. წინა თვეებში საბა მივლნებაში იყო გერმანიაში; იქიდან დაბრუნებულმა, პარტიული დავალებით, მან მოიარა საქართველო. ერთ საღამოს სრულიად მოულოდნელად იგი გაჩნდა ჩემს ოჯახში. ჩემს სიხარულს საზღვარი არ ჰქონდა; მასთან იყო ახალგაზრდა სტუდენტი ვასილ ბერეჟიანი. საქმიანი ლაპარაკის შემდეგ პატარა სუფრა გაუშვალე და წინ დავალაგეთ სხვადასხვა ხილი, ღვინო და ფელაქუში; ვუთხარი, რომ ეს ყველაფერი სიმონეთიდანაა ჩამოტანილი-თქო, შენი საყვარელი სიმონეთიდან-თქო. იგი განსხვავებულად შეეხალისა მოტანილს, მით უფრო, რომ ყველაფერი სიმონეთიდან იყო. მას გასაოცრად უყვარდა თავისი სამშობლო სოფელი და სიმონეთელებსაც განსხვავებულად უყვარდათ მისი ოჯახი, გრიგოლ კლდიაშვილის და ეფრო ყაფიანის ქალის ოჯახი. ამათ შესახებ ქვევით მექნება სიტყვა, აქ კი მხოლოდ საცოდავ საბას შესახებ. ლამაზი, შნოიანი, იგი სულითაც ლამაზი და საყვარელი არსება იყო; მისი გული აღვსილი იყო ადამიანისადმი სიყვარულით; მისი კეთილი არსება მხოლოდ იმაზე ზრუნავდა, რომ კეთილი ეთესა თავის გარშემო. მოწაფეობის დროს და შემდე-

ვაც, როცა მეცნიერულ მუშაობაში ჩაება, იგი, სოფელში ჩამოსვლისას, მართავედა საჯარო ლექციებს, წარმოდგენებს, გასართობებს სოფლელებისათვის და ყოველგვარად მაცადინობდა სინათლე შეეტანა მათში.

მხეცის მიერ ნასროლი ტყვია შუბლში მოხვდა დარბეულთა საშველად გამოსულს. მისმა დაღუპვამ დიდი მწუხარება გამოიწვია საზოგადოებაში. უნივერსიტეტმა მისი ნეშტი გადმოგზავნა საქართველოში განსასვენებლად.

ბათუმი დიდად ემზადებოდა მოკლულის ცხედრის მისაღებად. დილა იყო, როცა გემი მოადგა ნაპირს. გემიდან გადმოასვენეს მიცვალებული. მახლობლების გარდა აქ არავის უშვებდნენ, მაგრამ, რაღაც ხეჩხით, ერთ ქარისკაცს მაინც მოეხერხებინა და მოიქრა კუბოსთან. კარგად მახსოვს მისი აღელვებული სახე, მისი აკანკალებული, ათრთოლებული ხმა, რომლითაც მან მიმართა მიცვალებულს:

— ძვირფასო ადამიანო, შენ ჩვენთვის გასწორე შენი სიცოცხლე, შენი მეცნიერება, შენი ყველაფერი, ჩვენი საცოდავი ხალხის მისაშველებლად გამოხედდი... შენც იგი გხვდა, რაც ჩვენებს და ჩვენ არასოდეს არ დავივიწყებთ შენს ჩვენდამი გულკეთილობას, შენს სახელს, ჩვენთვის ძვირფას შენს სახელს! გმადლობთ, გმადლობთ, ძვირფასო ადამიანო! შეჩვენება შენს მკვლელებს, მტარვალებს! მწარედ აქვითინებული იგი გაშორდა კუბოს.

იგი იყო ებრაელი ჯარისკაცი.

გემის სადგომიდან კუბო გადაასვენეს აზიზიეს მოედანზე, სადაც იყო მომზადებული საგანგებო ადგილი. მოედანი სავსე იყო ხალხით; წესიერებას იკავდნენ ამ შემთხვევისათვის ამორჩეული პირები. შეშალელებულზე დასვენებულ კუბოსთან ამართული იყო მაღალი ტრიბუნა ორატორებისათვის. მთავრობა არ ერეოდა და ნებაც დართო გასვენება დამკრძალავ კომიტეტს ისე მოეწყო, როგორც სურდა ასეთი საქციელი მთავრობისა მეტად მნიშვნელოვანიც იყო და ამცდენიც უბედურებისა, რაც უსათუოდ მოხდებოდა წინააღმდეგ შემთხვევაში: ეს ზღვა ხალხი ისეთ გუნებაზე იყო, რომ საკმარისი იქნებოდა ცოტა რამ, რომ თავი გაემეტებინა. დეპუტაციები ბაიროლებით ცვლიდნენ დეპუტაციებს კუბოსთან და დგებოდნენ რიგში.

მთავარი ხელმძღვანელი იყო ვეჟილი დინინი, ებრაელი. ბათუმის მთელი ებრაელობა მოვიდა აზიზიეს მოედანზე მიცვალებულის პატივსაცემად და მათ ხმამაღლა ტირილს დასასრული არ ჰქონდა, როცა ტრიბუნაზე ასულმა რაბინმა დავით ზილბერმისტრმა მიმართა თავის მხურვალე სიტყვით მიცვალებულს.

მრავალი ორატორი ამშვენებდა თავის მხურვალე, გაბედული, ლამაზი სიტყვით ტრიბუნას. განსაკუთრებით კარგები იყვნენ: სიმონ ზღვიანი, სერგიოჟა ქავთარაძე, მკურნალი, ფეოდოროვი.

სიტყვების დასრულების შემდეგ მიცვალებული წაასვენეს სადგურზე ქუთაისში დასაკრძალავად. ზღვა ხალხი მიჰყვებოდა კუბოს გასაოცარი წესრიგით; პროცესიას წინ მიუძღოდნენ ცხენოსნები ასლან ბეგ აბაშიძის მეთაურობით; კუბოს მოჰყვებოდა გუნდი მარსელიოზას და სხვა რევოლუციური სიმღერებით.

ხალხით გატენილ ქუჩებში პროცესია გაჭირვებით მიიწეოდა წინ.

— გზა მიეცი... მიცვალებულის ნათესავებია, ნუ ჩამოაშორებთ! — დაიძახა ვილაყამ, როცა დაგვინახა, რომ კუბოს ჩამოგვაცილებს.

— რა დროს ნათესაობაა.. ეს მიცვალებული ყველას გვეკუთვნის... ყველაისა — წამოიძახა პასუხად ჩვენ წინ მიმავალმა, მაგრამ მაინც თავაზიანად მოგვემართა მიბრძანდითო.

სადგურის კარებთან ამალგებულზე დასვენებულ კუბოს კვლავ რიგრიგობით და სიმღერით ჩაუარა მრავალმა დეპუტატებმა დროშებით, რის შემდეგ კუბო შეასვენეს ვაგონში. მატარებელი საღამოს გადიოდა ქუთაისისკენ. მე მივბრუნდი სახლში და მოვეშხადე მიცვალებულის გასაყოლად. ჩვენი ნაწილის მეორე შტაბ-ოფიცერს შევეუთვალე, რომ ქუთაისში მივდივარ—თქო. ნაწილის უფროსი თავისებურად თავის ბინაში იყო შეყუჟული, ვითომ როგორც ავადმყოფი, ნამდვილად კი დამფრთხალი, შეშინებული ყოველ წამში არეულობის მოლოდინით.

ჩემს შზადებაში მოსამსახურე ჯარისკაცმა ბრძანება შემოიტანა — ნაწილის უფროსი ჯარს თავს უყრიდა ყაზარმების გვერდით მინდორზე. გავკვირდი, მაგრამ მივხვდი, რომ ეს შიშის, გადამეტებული შიშის, ბრალი იყო: არეულობა შესაძლებელიაო, მღელვარე ჯარებმაც შეიძლება მონაწილეობა მიიღოსო და რომ ჯარისკაცები ყაზარმებიდან არ გასულიყვნენ საშველად, მოიგონა ნაწილის გამოყვანა მთელი შემადგენლობით.

მოკლე ხანში ნაწილი სრულად თავშეყრილი იღვა თოფებით; ოფიცრობაც სრულად აქვე იყო. გამოჩნდა თავის ბინიდან მომავალი, ჯოხზე დაბჯენილი ნაწილის უფროსი. ავადმყოფი კაცის ხმით იგი მიესალმა ჯარს და შემდეგ მოიახლოვა გუნდები და მიმართა სიტყვით:

„მტერი არ ცხრებო, — ამბობდა იგი, — თამაშდება და დაურიდებელი ხდებაო; ხალხი ივიწყებს ყოველივე წესიერებას, მორჩილებას; აღარ ახსოვს აღარც ღმერთი, აღარც მეფე, აღარც სამშობ-

ლო; მტრებს შეცდომაში შეჰყავს მშვიდობის მოყვარული ხალხი, აწინებს, ემუქრება და თქვენ მზად უნდა იყვეთ რისხვიანი წინააღმდეგობა გაუწიოთ ამ მოღალატეებს და არ დაინდოთ ისინიო⁴.

სიტყვა იყო გრძელი, დაუსრულებელი; აგონებდა ჯაჯს მიღებულ ფიცს მეფისა და სამშობლოს წინაშე, აფრთხილებდა, რომ ღმერთი პასუხს მოსთხოვს ყველა ჩვენთაგანს, თუ როგორ ვიყავით მისგან დაყენებული მირონცხებულის წინაშე, რომ მეფის ღალატისათვის უფალი საწინელ სასჯელს მისცემს ყველას, მაგრამ თქვენისთანა კარგები, რასაკვირველია, ამგვარ რამეს აცდება, მტერს არ აყვება და ცუდ საქმეს აერიღებო.

— მჯერა, დარწმუნებული ვარ, არ გამიმწარებთ ჩემს მოხუცებულობას! იქნებით მტკიცედ მიღებულ ფიცზე, მედგრად შეზღუდებით სამტროდ აეარდნით, თუნდაც ესენი ნათესავეები და ახლობლებიც იყვნენ. არ წაიწყებინდოთ თქვენი სული!.. გამიგონეთ მოხუცებულ, გამოცდილ აღამიანს! ავადმყოფი იმისათვის ავდექი დღეს, რომ გავაფრთხილოთ, გავახსენოთ თქვენი მოვალეობა და გარიდოთ უბედურებას. თქვენმა სიყვარულმა ამაყენა მწოლიარე ავადმყოფი, თქვენზე ზრუნვამ დამავიწყა ჩემი თავი და იმედი მაქვს შეასმენთ, საყვარელო შვილებო, ჩემს სიტყვებს!.. რა ვქნა, ამჟამად შეტი არ შემძლია... ავად ვარ... — თქვა ეს, დაეყრდნო ჯოხს და აქვითინდა.

ეს, რასაკვირველია, ერთგვარი შთაბეჭდილების მოსახლენად ნაზმარა ფანდი იყო.

ცოტა ხნის შემდეგ აცრემლებული პოლკოვნიკი გასწორდა წელში და წამოიძახა:

— შვილებო, მოვიგონოთ ჩვენი წმინდა ბაირალი და ერთხელ კიდევ შევფიცოთ, რომ მას არ ვუღალატებთ სისხლის უკანასკნელ წვეთამდე! პორუჩიკ ივანჩენკო! — მიმართა ადიუტანტს, — წაიყვანეთ მუსიკანტები და გამოიტანეთ ბაირალი!

ბაირალი მის ბინაზე ინახებოდა ყარაულის ქვეშ. მოიტანეს მუხიკით ბაირალი და გაშალეს, რაც საგანგებო შემთხვევაში ხდებოდა ხოლმე.

პოლკოვნიკი მოყვა თუ რა საუნჯე აქვს ნაწილს დამსახურებულის. რომ ეს წმინდა გიორგის ბაირალი, უმაღლესი ჯილდო, წინაპრების სისხლით შექმნილია, უნდა შევინახოთ ჩვენი სისხლით და არ გავათელინოთ იგი გონებადაკარგულ მტერს, მით უფრო საზიზღარს და სიძაგელს, რომ იგი შინაურია. დიდხანს იქაქანა ამგვარად პოლკოვნიკმა და ბოლოს წამოიძახა:

— შეეფიცოთ და ვემთხვიოთ! ყველამ ვემთხვიოთ!.. ადიუტან-ტო, ჩამოატარეთ ბაირალი, რომ ყველამ შეიძლოს მთხვევა!

მებაირალემ ასწია ბაირალი და ადიუტანტის თანხლებით დაიწყო ჩამორება პირველი გუნდიდან. ვინ პირველად დახვდა და მოწიწებით ეამბორებოდა ბაირალს, ვინ გაუხმრევლად იდგა, გაშეშებული, ზოგნი თავს უკან სწევდნენ, რომ არიდებოდნენ ბაირალს.

ოფიცრობა ცალკე ჯგუფად ვიდევქით. ამ კომედიას რომ ვხედავდით, გულზე ვსკდებოდით და გულის ფანჯრალთ ველოდებოდით იმ წამს, როცა ჩვენც მოგვყენებდნენ სამთხვევად ბაირალს და თავზე ამ დროს დაგვადებოდა პოლკოვნიკიაც. იღბლად პოლკოვნიკი მოშორებით დაგვრჩა და მებაირალემაც, გამოცდილმა პოლპორუნიკმა იაკინთე ხომერიკმა, ოსტატურად ჩაგვიარა ბაირალით, ისე რომ აგვაშორა უსიამოვნებას.

როგორც იქნა დასრულდა ეს საზიზღარი კომედია. იმ წამს გავსწიე სადგურისაკენ, რადგან მატარებლის გასვლის დრო აღლოვდებოდა. დამით გასულ მატარებელს უკვე ჩაქვიდან უხვდებოდა ხალხი ყოველ სადგურზე; ყოველ სადგურზე დეპუტაცია, სიტყვა—გმობა დღევანდელი დღის და იმედი სინათლისანი დღის გათენების მოახლოებებსა.

გათენებული იყო, სამტრედიისში რომ მივედით. სადგური გატენილი იყო ხალხით. გამოცხადდა მრავალი დეპუტაცია თავისი ორატორებით, მოვიდა სამღვდლოებაც და მოკლე პანაშენი გადაიხადა. რადგან მოლაპარაკეთა რიცხვი მეტად დიდი იყო, იძულებული შეიქნენ მატარებელი მეტ ხანს გაეჩერებინათ. გულმხურვალე სიტყვებთან ერთად გარშემო ისმოდა რევოლუციური სიმღერები. სადგურის გარშემო მიდამო პირდაპირ გუგუნებდა.

ქუთაისში გუბერნატორმა სტაროსელსკიმ განკარგულება გასცა ქუჩაში არ გამოსულიყვნენ არც კაზაკები (ამათი უფროსი კი გამოსვლას აპირებდა, თურმე პროცესიის დასაშლელად) და არც ფეხოსანი ქარი. სტაროსელსკისთან საგანგებო მოხელედ მყოფ პეტრე ყიფიანი სადგურზე დაგვიხვდა და შეგვატყობინა, რომ სტაროსელსკისაგან ბრძანებაა გაცემული პროცესიას ხელი არავინ შეუშალოს და არ ეწინააღმდეგოსო.

დიდი ვაჭირვებით, ხალხის სიმრავლის გამო, როგორც იქნა მივალწიეთ სობოროს მოედანს. სობოროს კარებთან გაკეთებულ შემალლებულზე დაასვენეს მიცვალებული.

გულმხურვალე მოლაპარაკეთა დასასრული არ ჰქონდა.

როგორც იქნა დათავდა ორატორთა რიგი და რევოლუციური სიმღერებით მიცვალებული შემოატარეს ბულვარს და დაკრძალეს

მთავარანგელოზის ეკლესიის გალავანში. ზღვა ხალხი გაიბნა ქუჩებში და ჩამობინდებულში კიდევ დიდხანს გაისმოდა რევოლუციური სიმღერების ხმა და გუგუნო.

• • •

ყველგან მღელვარება, ყველგან არეუ-ღარევა. მოუსვენარია, აღშფოთებულია დიდი და პატარა.

ხათუმის ქალთა გიმნაზიაშიც ატყდა ერთი ამბავი; მოსწავლე ქალიშვილები დაიყვანენ ჯგუფებად; მოითხოვენ მასწავლებელი ქალის გაძევებას. შემდეგ მოთხოვნაილებები წარუდგინეს გიმნაზიის გამგე ქალს. პროტესტანტებს მხარი მისცეს სხვებჟაუ და გიმნაზიის რეჟიმი ძირიან-ფესვიანად შეაცვლევინეს შეშინებულ გამგეს.

ვაჟთა გიმნაზიაში უფრო ადრე იყო დაწყებული მღელვარება. გიმნაზიის გამგედ იყო ვინმე ვინოგრაღოვი, კარგი პედაგოგი, არა ურავო აღამიანი, მაგრამ ბავშვებთან მოქცევაში მშრალი, ცივი კაცი. მოსწავლეებმა საოცრად შეიძულეს იგი.

მასწავლებელთა შორისაც აღმოჩნდა ბევრი ისეთი, რომ მოსწავლეთა უმრავლესობა ველარ ეგუებოდა.

გიმნაზიაში დამყარდა არასასიამოვნო მდგომარეობა.

მე გიმნაზიასთან არსებულ მშობელთა კომიტეტში ვიყავი; ყოველდღე უფროსი კლასის მოწაფეები მოდიოდნენ საჩივრებით და სამღურავებით დირექტორზე და მასწავლებლებზე. მერვე კლასელი ჭინორია და ორი მისი ამხანაგი გიმნაზიიდან გოროლოკამდის (სადაც ჩემი ბინა იყო) ღამით გამომყვინენ და მეტრისმეტად აღელვებულნი მაჭერებდნენ როგორც დარექტორის გადაყენების საჭიროებაში, ისე ზოგიერთ მასწავლებელთა სრულიად მოხსნის საჭიროებაში.

იძულებულნი გავბდით მოგვეწვია მოსწავლეთა მშობლები და მოგველაპარაკნა შექმნილ მდგომარეობაზე.

თავმეყრილ მშობელთა ერთი ნაწილი კრებაზე გამოთქვამდა იმ აზრს, რომ საჭირო იყო სასტიკი ზომების მიღება ურრ მოწაფეთა მიმართ, რომელნიც ხელს უშლიან სწავლის მოსურნე ამხანაგებს. აცხადებდნენ, რომ ყოველივე დათმობა მხოლოდ, ცუდ შედეგს მოიტანდა, სხვა არაფერი სიკეთე იქნებაო. ზოგნი კი ვამტიციებდით იმის საჭიროებას, რომ თავი უნდა მოგვეყარა უფროსი კლასის მოწაფეებისათვის და გაგვეგო თუ რა აწუხებდა მათ, რა აღელვებდა და აშფოთებდა, მოგვესმინა მათი სამღურავი მასწავლებელთა მიმართ და იმის მიხედვით გვემოქმედნა შემდეგში. ამ წინადადებას მრავალი

მომხრე მოიპოვა და მეორე დღისათვის მოწვეულ იქნა უფროს კლასანთა კრება.

კრება გაიმართა სააქტო დარბაზში. სასწავლებლის ხელმძღვანელებისაგან არაინ დაგვისწრია — ვიყავით მხოლოდ მშობელთა კომიტეტის წევრები, თორმეტ-თოთხმეტი კაცი.

ჩვენს შეკითხვა-წინადადებაზე, რათა გაეცნოთ ჩვენთვის თავიანთი სათქმელი, ზოგმა სრულიად უარყო ყოველივე სამდღრავი მასწავლებელთა მიმართ, ზოგმა კი სხვადასხვა შემთხვევებზე მოიყვანა უფროსების ცუდად მოპყრობის შესახებ; გაეზნენ წერილობით, — მათი ნათქვამი ვერ ახდენდა საჭირო შთაბეჭდილებას; როგორც ეტყობოდა, ამას თვითონ მოსწავლეებიც გრძობდნენ და გაწეარდნენ.

მაშინ წამოვარდა ერთი შავგვრემანი ყმაწვილი და საბჭოების ნება მოითხოვა.

— რა საჭიროა აქ ამდენი წერილობების მოყვანა! — აღელვებით დაიწყო მან. — გუუბნებით, ჩვენი მოთმინება აივსო... შეისმინეთ ჩვენი — გუუბნებით, გთხოვთ, მოგვაშორეთ ვინოგრაფი... აქ ამბობენ, რომ კარგი პედაგოგიაო... შეიძლება, მაგრამ ჩვენ ვღარ შეგვიძლია კიდევ ვუყუროთ მის სახეს, მის გაქვავებულ სახეს, რომელზედაც არასოდეს ღიმილი, უბრალო ღიმილი არ დაგვინახავს, ვეღარ ვუძლებთ მისი მშრალი დარიგების მოსმენას; ეს გონებასთან კი არ მდის, თავში კვერივით გვირტყამს; თქვენ, ჩვენს მშობელთა გწადიათ, რომ ჩვენ აქ ვისწავლოთ; ჩვენ გვინდა ვისწავლოთ, გვინდა ვიმეცადინოთ, მაგრამ მასთან სწავლა არ შეგვიძლია. არა; თუ ჩვენი სიკეთე გასურთ, შეისმინეთ ჩვენი თხოვნა, თორემ ვაგვიყვანათ იმ ზომამდე, რომ ერთ დღეს სრულიად დაგკარგავთ მოთმინებას და ჩვენდა უნებურად ვეცემით ჩვენს ამადელკებელს და კლასის ტახით ჩავათრევთ კიბეზე!

— ნამდვილია, ნამდვილია, ასე მოხდება! — იყვირა მოსწავლეთა უმეტესობამ, — ასე ვინამთ, ასე ვინამთ! — ყვიროდნენ ძალზე აღელვებული ბავშვები.

ლაპარაკის გაგრძელება ყოვლად შეუძლებელი იყო და აღარც იყო საჭირო ამ ნათქვამის შემდეგ. კრება დასრულდა.

თათბირის შემდეგ, მეორე დღეს, მივუგზავნეთ დირექტორს კომიტეტის ორი წევრი და ვთხოვეთ შეეტანა მზრუნველთა თხოვნა სხვაგან ვადაყვანის შესახებ. დირექტორმა შეისმინა ნათქვამი და მოკლე ხანში გაშორდა სასწავლებელს. ის გადაიყვანეს სტავროპოლში. მასთან ერთად სხვადასხვა ადგილას გადაიყვანეს რამდენიმე მასწავლებელიც; ზოგი თავის ნებითაც გაშორდა აქაურობას შე-

ზინებულნი იმ განწყობილებით, რომელიც დამყარდა მოსწავლეთა და მასწავლებელთა შორის.

იფეთქა ჩვენს ნაწილშიაც.

შუა დღე იყო — ჯარისკაცების სადილობის დრო იყო. მე ჩემს პინაზე ვიყავი. ოთახში შემოეარდა მოსამსახურე ჯარისკაცი და აღელვებით მითხრა:

— ბატონო, ყაზარმებში არეულობაა... გადააქციეს სადილი გიხმოებენ, მობრძანდით!

გავსწიე იმწამს. პატარა ხილია ყაზარმებთან გადასასვლელი. ხილთან რამდენიმე ოფიცერი დგას.

— დავიდ სამსონი, თქვენ თუ დააწყნარებთ ამ ხალხს, თორემ შეტად არასასიამოვნო ამბავია! — მომმართა ერთმა ამათთაგანმა, ვუნდის უფროსმა.

— რაშია საქმე?.. რამ გამოიწვია? — ვკითხე.

— რა ვიცი!.. სადილი გადაღვარეს, ღვრიან, ივინებიან. არავინ არ მიიკარეს... გადაირიენ პირდაპირ! — მომიგო მან.

მივედი ყაზარმებთან. ჯარისკაცები ყაზარმებშია არიან გამოუფიქრილი. ისმის აღელვებული, ხმამალალი ლაპარაკი. ყვირიან. ისმის კინება. უცნაური ალიაქოთია.

შევედი ჯარისკაცებში.

— რა ამბავია? რა მოგივიდათ?.. რაშია საქმე? — მივდივარ და ვეკითხები.

პასუხს არავინ იძლევა. ყაზარმაშიც ეგერ-აგერ ნაქცევნი სადილი ჩანს. სამზარეულოს წინ ტბა დგას გადაღვრილი ბორშის. შევედი სამზარეულოში — დგანან შიშშიცემული მზარეული ჯარისკაცები.

— რა ამბავია? რამ გამოიწვია ეს ამბავი? — შევეკითხე.

— მშვენიერი ბორშის იყო... რატომ ასე ყველამ დაიწუნა, არ შესმის! — მომიგო უფროსმა მზარეულმა.

— მშვენიერი იყო, დარიგების წინ მე გავსინჯე. — მითხრა მორივე ოფიცერმა, რომელიც ჩემთან დადიოდა.

გარედან ისევე ხმამალა ლაპარაკი ისმის, ყვირილი, კინება.

გამოვედი სამზარეულოდან, შევდექი სამზარეულოს შემადლებელ კაბეზე და გადავძახე ჯარისკაცებს მოახლოვებულიყვნენ.

თავდაპირველად მხოლოდ რამდენიმემ ასრულა ბრძანება, მერე სხვორც იქნა ყველამ მოიყარა თავი სამზარეულოს წინ.

როცა შეწყდა ყაყანი და დაწყნარდნენ, შევეკითხე:

— რაშია საქმე?.. რატომ გადაღვარეთ სადილი?.. რამ ავადღვარა?.. თქვით, ნუ გშენიათ, აქ დასჯაზე არაა საქმე, მე გამაგებებთ რაშია საქმე!

ცოტ-ცოტათი, ჯერ ფრთხილად, შემდეგ თამამად, იწყეს ლაპარაკი. თავში დაიწყეს, რომ საკმეღლი უვარჯისია, მარტო წყალი, ხორცი მკლე, ძარღვი. მერე გადავიდნენ იმაზე, რომ გუნდებში მეტისმეტი სასტიკობაა, რომ პირუტყვებივით გვექცევიანო, უსამართლოდ, სულ მცირე შეცდომისათვის გესჯიანო, ცუდად გვეპყრობიანო და შემხედვარე არავენ არისო. დიდი, გრძელი ლაპარაკის შემდეგ ისევ კითხვა მივეცი:

— რას მოითხოვთ ყოველ ამის გამოსასწორებლად?

— გვეყვდეს გუნდებში ამორჩეული კაცები, რომლებიც თვალს ადევნებენ ჩვენს ცხოვრებას, ჩვენს ყოფას... ისინი ჩვენი ამორჩეულნი იქნებიან და უფროსებმა თავისუფლება უნდა მისცენ მათ მოქმედებაში. ჩვენ კარგ, სანდო ამხანაგებს ამოვირჩევთ!

ამას მოითხოვდნენ დაჟინებით და მე აღუუთქვი მათ, რომ ეს მიღებული იქნება ნაწილის უფროსისაგანაც. გადაწყვიტეს ყოველ გუნდში ორ-ორი ასეთი რწმუნებული ამოერჩიათ.

გრძელი ყაყანის შემდეგ ჯარისკაცები თანდათან დაცხრნენ და ღამშვიდნენ.

— ეს ისე იქნება, როგორც გითხარით, მაგრამ მშვირები რომ ჩივებით, რას შვრებით ახლა? — სიცილით მივმართე კრებას. — ახალ დადილს რითი გაგიკეთებენ?

— არაფერია, ვიქნებით ასე ვახშმოვამდის. — მოისმა ხმები იქით-აქედან.

— აბა, ასე იყოს: ახლა მოგეცემათ ჩაი, საღამოს კი ვახშამი! — გადავძახე სიცილით. — ახლა კი დაიშალენით!

— ძალიან კარგი.. ძალიან კარგი! — იყვირეს ჯარისკაცებმა და მხიარულ გუნებაზე დაძღვარნი, ხმაურობით გაიჟანტნენ ყაზარებებში.

რამდენიმე ჯარისკაცი დამედევნა ჩემი ბინისაკენ მიმავალს და მითხრეს, რომ რწმუნებულებს დღესვე ამოვირჩევთ გუნდებშიო. ერთი ამათვანი იყო მესროპოვი, გორელი.

— თავი არ შეირცხვინოთ, ბიჭო! ამოარჩიეთ ისეთები, რომ მართლა ღირდნენ. უხეიროები არ შემოგეპარონ! — ვუთხარი მას.

— არა ბატონო, როგორ გეკადრებათ! არც ჩვენ შევირცხვენთ თავს და არც თქვენზე ცუდს რასმე ვააქმევინებთ ვინმეს. — მომიგო მან.

არაფრად მოეწონათ რწმუნებულებდის არჩევის ამბავი ზოგიერთ გუნდის უფროსებს, რომლებიც მოშორებით იღვნენ და მელოდებოდნენ გაეგოთ. რითი გავათავე ლაპარაკი ჯარისკაცებთან.

დიდად იწყინა ნაწილის უფროსმა. რომელიც ისევ თავის ბ-

ნაში იყო შეყუჟული თავმოავადმყოფებული. დიდად იწყინა როცა გაიგო, თუ რითი გავათავე მოლაპარაკება გამოსულ ჯარისკაცებთან. მისი სიტყვით, მე უნდა მიმეღო. სასტაჟი ზომები და უსათუოდ აღმომიჩინა არეულობის თავები. თავის ოთახში ის დიდგულზე იყო.

— ეს დათმობაა!.. დათმობით არაფერი ხეირი გამოვა, დამიჯერეთ! — გაჯავრებით თქვა მან, მაგრამ ჩემგან მიცემული რწმუნებულების არჩევის ნება არ მოშალა, დაამტკიცა.

ჩემზე უკმაყოფილოდ დარჩენილმა, წინათაც უკმაყოფილოდ მყოფმა ჩემი მოქმედებით, მან მოუყარა თავი ჩემს „ცოდებებს“. — რომ მე რევოლუციურ გასვენებას არ ავერიდე, რომ მე რბილად მოვექეცი ჯარისკაცებს, როცა იმათ არეულობის მსგავსი მოქმედება გამოიჩინეს, რომ მე ცუდ მაგალითებს ვუჩვენებ ხელქვეითებს: და ამგვარები — თავი მოუყარა და საოლქო სამხედრო შტაბში გაგზავნა. მას სწაღდა მე გამოვეყვანე დამნაშავედ ყოველ უწყობაში, რაც ნაწილში ხდებოდა, ხოლო თვისი თავი ამით დაეფარა ყოველ პასუხისგებისაგან. ეს ყველაფერი მე შემდეგ გავიგე.

საოლქო სამხედრო შტაბის უფროსმა გენერალმა გრიანოვმა ბრძანება გასცა სამი დღის განმავლობაში გაგზავნილი ვყოფილიყავი დალესტანში უდაბურ ადგილას, დეშლაგარში მდგომ საჰურის პოლკში. ბრძანების გამოგზავნა შეაგვიანდა — არსენა ჯორჯიაშვილის ნასროლმა ყუმბარამ ბარიათიფსკის ქუჩაზე სული გააცხებინა გრიანოვს.

მაგრამ ამაზე ქვევით.

არეულობა თვით საოლქო სამხედრო შტაბში მზადდებოდა. შტაბის უფროსი გენერალი გრიანოვი ვერ ურიგდებოდა იმ დარბილების პოლიტიკას რომელსაც ადგა ვორონცოვი. მან გადასწყვიტა „რბილი“ მმართველის ჩამოშორება და „საჭირო“ ზომების მიღება. ყოველივე გამოსვლების ჩასაქრობად, მისი გეგმით, სათავეში უნდა მოქცეულიყვნენ ერთგვარი აზრით გამსკვალული სამხედრო პირები, სანდონი და შეუღრეკელნი. ამგვარი ჩგუფი კიდევ შედგა და მისმა წევრებმა იწყეს მიმოსვლა ყველა სამხედრო ნაწილებში იმ მიზნით, რომ ჯარის ნაწილების უფროსებისათვის გაეცნოთ მათ მიერ შემუშავებული გეგმა. ყოველ ქალაქში უნდა შემდგარიყო საოლქო შტაბის მთავარი კომიტეტის ქვეკომიტეტი:

ამგვარი მიზნით ბათუმშიაც ჩამოვიდა თბილისიდან რამდენიმე პირი და გამართეს მთელი გარნიზონის ოფიცრებს: ოფიციალური კრება. გრიანოვი აღარ ერიდებოდა ვორონცოვს.

ამ კრებაზე მე არ წავსულვარ — წინდაწინ ვიცოდი რაღაც სანიშნრობა იქნებოდა და კიდევაც ასეთი რამ იყო, როგორც მერე

ვადმომცეს. ამ კრებაზე იმ აზრს გამოთქვამდნენ, რომ საჭიროა სას-
ტიკი ზომების მიღება, ხალხის შეშინება, შეუბრალებელი საშუალებ-
ებსა ზილევა, ნამდვილი ძალის გამოჩენა. ყაყანი, უთავბოლო ყვი-
რილი ჰქონდათ, თავაშვებულად იცინებოდნენ. ეს კრება უშედე-
გოდ ჩატარებულა. ქვეკომიტეტი ვერ იქნა ამორჩეული, გადაიდო
შემდეგი კრებისათვის, რომელიც მოკლე ხანში უნდა მომზადრი-
ყო. ასეც მოხდა.

შემდეგი კრების თავჯდომარედ იყო საოლქო არტილერიის
უფროსი, გენერალი რეშეტინი (პისარევის სკოლის ამხანაგი), თბი-
ლისიდან ბათუმში გამოგზავნილი ვორონცოვის მიერ. რეშეტინი
მოწინააღმდეგე იყო გრიანოვის პარტიისა, მისი გეგმის, მისი გან-
ზრახვებისა.

ამ ადამიანის შესახებ რამდენიმე სიტყვა მინდა ვთქვა. მაღალი,
განიერ მხარბეჭიანი და გრძელი ჭალარა წვერით, მძიმედ მოსი-
რულე. იგი ნამდვილი დათვი იყო შეხედულებით, მაგრამ ამ და-
თვში საკვირველი ადამიანი იყო შიშალული. ბათუმში ჩამოსვლისას
მან განსხვავებული დახმარება გაუწია ფოსტა-ტელეგრაფის მო-
სამსახურეებს, იმ დროს მომხდარი გაფიცვისათვის დაქერილთ.
პეტერბურგში გაგზავნა მან შუამდგომლობა და გარდა ორისა ყველა
გაანთავისუფლებია; ის ორი კაცი იარაღით გამოსულიყო და თითო
წლას ციხით გადაარჩინა.

რეშეტინს ჰყავდა და, რომელიც მსახურობდა ბათუმის ქალაქის
კავკეობაში. ამ ქალის საშუალებით, მისმა ახლო ნაცნობმა სოციალ-
რევოლუციონერმა ვინმე კახანოვსკიმ ერთ საღამოს მოუყვანა რე-
შეტინს ორი რევოლუციონერი. ამ უქანასკნელებთან შეხვედრა
ასურვა თვით რეშეტინმა.

— ჩემი ახალი ნაცნობები მშვენიერი ახალგაზრდები აღმოჩნ-
დნენ, — მითხრა რეშეტინმა თბილისში. — დიდხანს ვისაუბრეთ,
ვიდავეთ; ერთი მათგანი მაინც მეტად გონებიანი იყო, ფხიზელი
და საკმაოდ განვითარებული. დიდ მეგობრებად დავმორდით ერთ-
მანეთს და წასვლისას უფრო ცხარედ მოლაპარაკეს ვუთხარი: ძვირ-
უასო ანტონ, ოლონდ მახვილს ერიდე... მახვილის ამღები მახვი-
ლითვე დაილუქება-თქო... ძლევა გონებით უნდა და ძლევაც უმე-
ველია-თქო... საუბედუროდ ასეთ ახალგაზრდობას სდევნიან იმის
შავივრად, რომ მოუსმინონ მათ.

ეს რეშეტინი იყო მეორე კრების თავჯდომარე. სამხედრო საკ-
რებულოს დარბაზი სავსე იყო თავშეყრილი ოფიცრებით. იყვნენ,
რასაკვირველია, თბილისის კომიტეტიდან, შტაბიდან, გრიანოვის
პარტიიდან გამოგზავნილი წევრები. ლაპარაკი იყო უმთავრესად

იმ აუტანელი მდგომარეობის შესახებ, რომელშიაც სამხედრო წესილი იყო ჩაგვარდნილი ამ არეულობის დროს; ჩიოვდნენ, რომ რბილად მოქცევამ სანხედრო ნაწილებიც გამბედაობას ჩამოაშორა. ჩონ სამხედრო პირის პრესტიჟი ეცემა ასეთი დარბილებული პოლიტიკის გამო, რომ ბევრი ოფიცერი ირჩება ისე, როგორც არ შეფერის სანხედრო მოსამსახურეს; რომ საქირთა სანხედრო ნაწილების სიმტკიცე დავანახოთ ხალხს და ყოველგვარი საშუალება ვიხმაროთ შექმნილი უწყესობის ჩააქრობად და მოსასპობად. ამას ლაპარაკობდა ყველა. თითოეული ოფიცრის სიტყვა გრძელი და ხშირად დაუთავებელი იყო. თავმჯდომარე მოთმინებით იყო, სიტყვას არაფერს ყვეტანებდა; დაბოლოს ამოიღო მან საათი, დახედა და თქვა:

— სადილობის დროა, შეგვიძლია დავიშალოთ... გვეყოფა რაც ვილაპარაკეთ! — და წაშორდა.

ეს პირდაპირი დაცინვა იყო, მაგრამ ვინ რას გაბედავდა — თავმჯდომარე გენერალ-ლეიტენანტი იყო! არავითარი არჩევნები, არავითარი კომიტეტი. ბათუმს არც შემდეგში ჰყოლია სანხედრო კომიტეტი — გრიანოვის მომხრეთა კომიტეტი.

არეულობა დღითი დღე იზრდებოდა, ვრცელდებოდა. ყოველმხრიდან საოცარია ამბები ისმოდა, ხალხი „ერთობა“-ს ემხრობოდა. გამოსვლები დღითი დღე მატულობდა, გურია ნამდვილ აჯანყებაში იყო გახვეული. ოზურგეთის მახლობლად ნასაკირალთან ჯართან ბრძოლამ ქვეყანა ალაპარაკა და გააოცა.

სამხედრო ნაწილშიც ხშირი შეიქნა უწყესობა, მაგრამ ეს გამოსვლები ისეთი უოჩრგანიზაციო იყო, ისე შეუკავშირებელი, რომ მთავრობა აღვიღალ ერეოდა და იმორჩილებდა გამოსულთ. ძალიან ბევრი იყო მსხვერპლი.

ბათუმში ყოველ ფეხის ნაბიჯზე ლაპარაკი ისმოდა საერთო გამოსვლის საქირთებაზე; გატაცებულნი ამტკიცებდნენ, რომ ყველაფერი მომზადებულია, რომ ჯარი გამოსულთა მხარეზე გადმოვაო, როგორც კი აჯანყება დაიწყებაო. ეს პირდაპირ თავის ნოტყუება იყო. ყაზახებში არავითარი სისტემატური მუშაობა არ ყოფილა; იყო მხოლოდ ჯგუფები, მათი თანამგრძობნი, მაგრამ ერთსულოვნება არ იყო. პირიქით, რუს ჯარისკაცებისთვის ოფიცრები ცდილობდნენ ჩაეგონებიათ, რომ რევოლუციის მომხრეთ რუსეთის დამხობა სწადიათო, ამისათვის მეცადინეობენ ყველა არარუსები და კავშირდებიანო! ასეთ აგიტაციას დიდი დაჯერება ჰქონდა და რუს და არარუს ჯარისკაცებს შორის ძლიერი განხეთქილება სუფევდა. გადამტერებულებივით იყვნენ.

ერთ დღეს გოროდოკიდან ეტლით მიმავალ პოლიცემისტერის.

თანაშემწის ნობელის ქარხანასთან თავს დაესხნენ, თოფი ესრო-
ლეს. თანაშემწის მხლებლებმა თოფებითვე უპასუხეს და ჩასაფრე-
ბულები გააქციეს, ესროდნენ და თან უყვიროდნენ საყარაულოდან
ყასარწაში მიმავალ ჭარისკაცებს ესროლათ გაქცეულებისათვის.
ეს ჭარისკაცები ჩვენი ნაწილიდან იყვნენ. ისინი ჩაწვნენ თბილისში.
ოთხი იყვნენ; უფროსი იყო ეფრეიტორი მინა წერეთელაშვილი.
გორელი, ქარხნა მუშად ყოფილი. მას ნება არ მიუცია თოფი
ესროლათ გაქცეულებისათვის. ერთმა ამათგანმა, მხდალმა ჭარის-
კაცმა, გაამხილა წერეთელაშვილი და ისიც თავის გუნდის უფროს-
თან კი არა, — მეხუთე გუნდის უფროსთან; ამ შავრანმელ ოფი-
ცერთან დაასმინა, რომ წერეთელაშვილმა აგვიკრძალა სროლა.
თორემ გაქცეულებს მოვკლავდითო. შეიქნა გამოძიება. წერეთე-
ლაშვილი მოვიდა ჩემთან და მთხოვა მიშველყო. ბედად გამოძიება
მიენდო მეტად რივიან ოფიცერს.

— ისაყ არტემიჩი — მივმართე ამ ოფიცერს. — იცოდე, გამო-
ძიება ისე წაიყვანე, წერეთელაშვილს არაფერი მოეღოს! მშვენიე-
რი ბიჭი არ დაიღუპოს!

ასედაც იქნა: წარდგენილმა გამოძიებამ ბრალდებას გადაარჩინა
წერეთელაშვილი, მაგრამ მაინც გამოუწახეს შეცდომა და მცირე
სასჯელი დაადევს.

ამგვარი მაგალითები მრავლად ხდებოდა და ამიტომაც რაც შე-
მძლო ვაფრთხილებდი, ჭარების შემოერთების იმედი გამოასვლ-
ბდა დროს ნუ გაქვთ-თქო, ნუ იყრუებთ თავს, რომ ისინი მოგეზმ-
რებიან და თქვენთან იმოქმედებენ-თქო.

— ჩვენთან იქნებიან... ეს ასე იქნება, უსათუოდ! საპიორები
მზად არიან, მანიორები დაძახებას ელიან... სხვებიც! დაყოვნება
აღარ შეიძლება... ყველგან ცეცხლია მოკიდებული!.. ეს გადაუღე-
ბელია! — გაცხარებით ისმოდა ყოველ ნაბიჯზე.

ბათუმი უცნაურად დელავდა.

სალამო ჟამია. გორაკიდან მოვდივარ ქალაქში. როცა დაე-
ცილდი ეგრეთ წოდებულ მანთაშევს გადასასვლელს, დავინახე, რძე
ზედა ქუჩიდან ეტლი-ლინეიკა მოდის; ლინეიკაზე მჭდომთ თარნები
უკავიათ ხელში. ერთი მათგანი ქალაქისთვის ანდრონიკაშვილის
მეუღლეა, თეთრ ხალათში, წითელი ჭერით გულზე.

— ლიდია ნიკოლაეენა, რა ამბავია? — ვკითხე გაოცებულმა.

— ნულა კითხულობთ!.. უბედურებაა.. კახაკებს დაუჭრიათ
ხალხი და მიუყრ-მოუყრიათ. რამდენიმე მკვდარი მოვნახეთ, ვეძებ.
კიდევ უბედურებაა, — მითხრა აღელვებულმა მანდილოსანმა; —

ეჭვებ კიდევ ვნახოთ საღმე ან მკვდარი, ან დაქრილი — და ლინეი-
კით მყოფნი განაგრძობდნენ ძებნას ქუჩაში.

გაოცებულმა ჩქარი ნაბიჯით გავწიე წინ, რკინიგზის სადგური-
საკენ. ელექტრონის სადგურის იქით შევხვდი ქალაქისთავს ანდრო-
ნიკაშვილს, რომელსაც რამდენიმე ხმოსანი ახლდა. ესენი გამოსუ-
ლიყვნენ ქუჩებში, რაკი გაეგოთ კაზაკების მიერ ჩადენილი მხეცუ-
რი მოქმედების ამბავი და ახლა მიდიოდნენ ქალაქის გამგეობაში,
სადაც უკვე აუარებელი ხალხი იყო თავმოყრილი. შიგნით შენობა-
ში ხალხი აღარ ეტეოდა; კიბეზე, გარეთ ქუჩაში მოზღვავებულია
ხალხი, ვაკლა არ შეიძლება.

მეტისმეტი მღელვარებაა; საბჭოს დარბაზში ორატორი ორა-
ტორს ეკლნის. მეტი ნაწილი გადაუღებელ გამოსვლას მოითხოვს,
ბრძოლას. უეჭველი გამარჯვება სწამთ.

ზოგი კი თავის შეკავებას არჩევს, რომ უფრო შეკავშირდნენ,
შემაგრდნენ. კრების თავმჯდომარე ჩხეიძე ყოყმანობს გამოსვლის
საკითხში. მაგრამ ტრამუნაზე აღის ფეოდოროვი და მისი მხურვალე
სიტყვის ქვეშ კრება ერთსულოვანი ხდება; მისმა სიტყვამ გაიტა-
ცა ხალხი.

ფეოდოროვი იმ ახლო ხანებში ჩამოვიდა ბათუმში რუსეთიდან;
ახალგაზრდა, მჭევრმეტყველი, ცეცხლიანი სიტყვით მოლაპარაკე,
პირველი გამოსვლისთანავე მან ღრმა შთაბეჭდილება მოახდინა ბა-
თუმელეებზე; ფეოდოროვი ილაპარაკებდა — ამის გაგონება უყრიდა
თავს თვალის დახამხამებაში აუარებელ ხალხს.

ამ საღამოსაც მისი სიტყვა გადამწყვეტი შეიქნა — ზვალ გამოს-
ვლაა. კრება ხმაურობით იშლება, — მიიქჩარიან; ზვალისათვის უნ-
და მოემზადონ.

უნდა შეატყობინონ მინიორებს, როგორც ჯარებში მოწინავე და
უფრო შეგნებულ ნაწილს, მიღებულა გადაწყვეტილება, რომ ისინი
შემოუერთდნენ გამოსულ ხალხს.

მაგრამ მინიორებთან მიასწრო არდაგანის პოლკის კაპიტანმა პე-
პინმა. იგი რამდენიმე ჯარისკაცის თანხლებით მოულოდნელად შეი-
ჭრა მინიორებსა ყაზარმაში და რიხით მოითხოვა გაეცათ ისინი,
ვინც აღელვებდა მინიორთა გუნდს.

თავხედობამ გაიმარჯვა; კაპიტანს ხელში მისცეს რამდენიმე მი-
ნიორი, — როგორც აჯანყების მქადაგებლები. პეპინმა ესენი დაატუ-
სადა დ. წაიყვანა. გუნდში განსხვავებული ყარაული დააყენეს.
უნიჭო კაპიტანი პოლკოვნიკობას ეძებდა და იშოვა კიდევც.

დილა უთენიიდან დაიწყო ქუჩებში მოძრაობა. აყეთებდნენ ბა-
რეკადებს; ქრიდნენ ტელეგრაფის ბოძებს.

ნალხი გარს შემოერთყა ალექსანდროვის ბალთან ლაბინის პოლკის კაზაკთა ასეულის ყაზარმას; ჩაეკეტეს ყაზარმაში ასეული.

ბრძანება მოვიდა გყოფილიყავით ჩვენს ბინაზე ახალი ბრძანების მიღებადის.

დილას ადრე ჩემთან შემოვიდა ნაწილის ფერშალი შონია, შეიპარალებული.

— წუხელ გამოსვლა გადაწყდა... მივდივარ! მოვედი გამოგეთხოვრით! მშვიდობით გვენახოს ერთმანეთი! — გატრიალდა და დაეშვა კიბეზე.

გაიარა რამდენიმე ხანმა. ვილაცამ კარებზე დარეკა. მოსამსახურემ კარი გაუღო.

— ვიქტორ! — შევძახე გაოცებულმა შემოსულ ყმაწვილს. — საიდან? რაობით?.. როგორ შემოგიშვეს ეზოში?

— ამხანაგებმა გამომგზავნეს, ნაგანის ტყვიებს შეპირებიანართი! — მომიგო ფარცხალაძემ.

— კი მარა, რატომ აქამდის არ შემოშითვალეს!.. დღეს? ეს წინდაუხედაობაა, შენ გენაცვალე!.. შემოსვლით რალაცნაირად შემოდი, მარა ვასვლა არ გინდა?.. შერე ტყვიებით ჯიბეში — ვიქტორ, ეს ტყუილად თავის დაღუპვაა შენიც და ჩემიც!.. ეს რატომ ვერ მოიფიქრეთ, თქვე დალოცვილებო... ა, ამ შვიდ ტყვიას მოგცემ. პეტი არ მაქვს. ამითაც რომ ხელი წაგავლონ, იცი რა იქნება დღეს? ყმაწვილი იღვა გაშეშებული; ახლა ხვდებოდა რა საფრთხეში იყო მოქცეული. საჭირო იყო მისი უვნებელად გაპარვა.

— ვასილ! — დავეუძახე ჩემს მოსამსახურე რუს ჯარისკაცს, — ეს ყმაწვილი უნდა გააპარო ისე, რომ არავინ დაინახოს!.. თუ ეზოს უკანა კარი, ბარცხანაზე რომ გადის, დია — გაატარე იმ კარში, ზორემ რამერიგად გადაახტუნე კედელზე. არავინ დაინახოს. გესმის?

— მესმის! ახლავე! წამობრძანდი! — მიუბრუნდა იგი ვიქტორს.

— მშვიდობით! მართლა ეგ ჰკუთხნურად ვერ მოგვივიდა — შაილაპარაკა მან და გაჰყვა ჯარისკაცს.

გულისფანტქალოთ ველოდებოდი ვასილის დაბრუნებას.

— გავაპარე! ბედზე პატარა კარი გაღებული იყო! არავინ დაუნახავართი კარგა გავაპარე! — მხიარულად შემოვარდა ოთახში ვასილი.

— ყოჩაღ, იცოცხლე! — მივამახე გულზე მოშვებულმა.

გულღამშვიდება კი შორს იყო. ქალაქი არეულობაში იყო. გზოკულებმა ხელთ ჩაიგდეს ქალაქი. ყაზარმაში ჩაეკტილმა კაზაკების ასეულმა თეთრი ბაირადი გამოაფინა. მოლაპარაკება გაიმართა.

კახაეებს, ალბათ, ეგონათ, რომ სამხედრო ნაწილებმაც მიიღეს მონაწილეობა გამოსვლაში და ამიტომ მორჩილება გამოუცხადეს. სამი დღე ქალაქი გამოსულთა ხელში იყო.

მთავრობამ აჯანყების ჩაქრობა გადასწყვიტა. ისარგებლეს შინ მიმავალ, სამშაპურ-გათავეებულ ჯარისკაცებით; მათ გამოუცხადეს, რომ როგორც კი ჩააქრობენ არეულობას და ხალხს დააწყნარებენ — სახლშიაც მაშინ გაგამგზავრებთო. ჯარისკაცებმა გაიგონეს რა ეს, და ისიც, რომ ადგილობრივნი (ტუზემცები) რუსეთის სამტროდ გამოდიან, გამოეფინენ ქუჩებში და დაერივნენ გამოსულებს. შეიქნა სასტიკი შეჯახება. ჯარისკაცებისაგან აღარავის დაზოგვა აღარ ჰქონდა. არ ვიცი რამდენად მართალი იყო, ამბობდნენ ოცდაათამდის იყო მკვდარიო.

გამოსულებს სძლიეს, გაჟვანტეს. აჯანყება ჩაქრეს.

შეიქნა ჭერა, დატუსაღება. ღამით ბულვარის ახლოს, გიმნაზიის მახლობლად, მოჰკლეს ციხეში მოსათავსებლად წაყვანილი ვექილი დინინი, ვითომ გაქცევას აპირებდაო.

რამდენიმე დღის შემდეგ ჩამოვიდა თბილისიდან გრიზნოვის მიერ გამოგზავნილი დამსჯელი რაზმიც.

არეულობის ჩასაქრობად გამოგზავნა ეს რაზმი გრიზნოვში. რაზმი სადგურ წიფასთან გადმოვიდა მატარებლიდან და გამოჰყვარკინიგზის ლიანდაგს. რკინიგზის მარჯვენე და მარცხნივ ყველაფერი შეუბრალებლად ნადგურდებოდა, ცეცხლს ეძლეოდა, იწოდა, იღუპებოდა; არავის დაზოგვა არ იყო; გზაში შემხდური, უდანაშაულო ხალხი გაურჩევლად, გაუკითხავად იხვრიტებოდა. საშინელება რამ იყო ამ რაზმის მსვლელობა; საზღაპრო — მისი მოქმედება.

თავზარდაცემული სოფლები ზოგან უხედებოდა რაზმს შემოსილი ღვდლით, საეკლესიო ბაირალეებით, ხატებით; მუხლდაჩოქვილი ევედრებოდნენ შებრალებას, შეწყნარებას; მწარე ცრემლთა შეტიროდნენ, ეფიცებოდნენ სრულ მორჩილებას, მაგრამ ყოველივე ამას იყო — არც გამგონი, არც შემბრალებელი არავინ იყო.

ცეცხლი, ნგრევა, სიკვდილი ყოველ ფეხის გადადგამზე. ზღაპრული შეუბრალებლობა, ქვეყნის აწიოკება.

რჩი დღის შემდეგ ჩემი თვალთ ვნახე, თბილისისაკენ მიმავალმა, ყველა ეს გადაშფვარი, გადათუთქული ადგილები, მინგრეულ-მონგრეული, დაქცეული შენობები, მომსპარი ერთიანად მონახლეობა, ვნახე და აცრემლებული, გულადუღებული შეგვურები — დი ამ საშინელ სანახაობას ვაგონის ფანჯრიდან.

გაზეთ „ცნობის ფურცელი“-ს სურათებიან დამატებაში არის ეს საზარელი, საშინელი სანახავი სურათები აღბეჭდილი.

ერთმა პოლკოვნიკმა, კიკნაძემ, ჯარისკაცებს მიჰართა გადამეტებული სისასტიკისაგან თავი შეეკავათ. კიკნაძეს უჩივლეს, საყვედური გამოუცხადეს და რაზმს დააშორეს, უკან თბილისში გაგზავნეს.

ქობულეთიდან დეპუტაცია ჩამოვიდა — ჩვენ არა დაგვიშავებია რაო, ნუ გააოხრებებთ ჩვენს თავს, ჩვენს საცხოვრებელსო. გენერალმა რეშეტიმმა მოიარა ქობულეთი, შეპირდა ქობულეთელებს, რომ იგი აცნობებს რაზმის უფროსს ქობულეთელებს არაფერი ავნონ. მაგრამ დამსჯელი რაზმის მტარვალ გამგეზთან, გამხეცებულ ალიხანოვთან, ვის რა გაუვიდოდა; მით უფრო მისგან დაგემილ მის ხელქვეით თანამშრომლებთან.

ქუთაისში მან დაატყვევა სტაროსელსკი და ყიფშიძე; ორივე ყარაულს ქვეშ გაგზავნა თბილისში, როგორც არეულობის ხელს შემწყობნი.

რაზმმა თავისებური მოქმედებით ჩამოაწია ბათუმამდე, ქობულეთის მიდამოც მისრესილ-მოხრესილი შეიქნა, მიუხედავად რეშეტიმის შუამდგომლობისა.

ბათუმში ჩამოსულ ძღვეამოსილ რაზმს დიდი პარტიისცემით შეეგება ადგილობრივი ადმინისტრაცია. გამართულ საზეიმო სადილზე (შე არ დავსწრებივარ, მაგრამ ვიცი რაც იყო დამსწრესაგან) დიდი ქება, შესხმა მშვიდობიანობის დამყარებელთა, დიდება და მადლობა. გამარჯვებულებიც დიდად იქებდნენ თავს: მოუთხრობდნენ გადახდილ საქმეთა შესახებ.

ერთმა ქართველმა პოლკოვნიკმა სადილზე სიტყვა წარმოთქვა ერთგულებაზე და ფიცის შესრულებაზე.

— მე ჩემი საკუთარი სოფელიც კი არ დამიზოგავს! — თქვა მან თავმოწონებით.

ერთგულ მოსამსახურეს საკადრისი პააუხი გასცა რეშეტიმმა, უამისოდაც გულდაწყვეტილმა, რომ მისი თხოვნა არ შეიწყნარეს. გადაბუგეს ქობულეთი და პირშავად დაარჩინეს მცხოვრებლებთან...

— პოლკოვნიკო, აჯობებდა ჩუმად ყოფილიყავით და არაფერი გეტქვით; ვერაფერი სანაქებო საქმე შეასრულეთ; ვანდალებს ემსგავსებით და პირადად თქვენ ორკეცი ვანდალობა გამოიჩინეთ! ვის წავადით? ვის ზოცავდით? თქვენიანებს, თქვენს ნათესავეებს?

დარცხვენილმა ხმა გაკმინდა, პააუხი ვერ გასცა გენერალს. გრიანოვი არ ჯერდებოდა იმას, რაც მან მოიმოქმედა დასავლეთ საქართველოს დასასჯელად; მას ჰქონდა შედგენილი უფრო

საშინელი გეგმა მთელი კავკასიის მცხოვრებთა შესაშინებლად და თავზარდასაცემად. რომ დაევიწყებინა ყველასათვის, ყოველივე სურვილი აჯანყებინა შესახებ.

თუ როგორ გავიგე ეს გეგმა, ამაზე ქვევით.

ამ გეგმით უნდა შემდგარიყო განსაკუთრებული რაზმი, ოცი-ათასი კაზაკისაგან. თავისი არტილერიით, ტყვიისმფრქვევლებით; რაზმს უნდა მოეელო მთლად აზიერკავკასია და ნება ეძლეოდა თუ სადმე რამე უწესოებას შეამჩნევდა, შეუბრალებლად მოპყრობოდა მცხოვრებლებს; რაზმს უნდა შეეპყრო მცხოვრებლები, ეძლეოდა სრული უფლება დაწვის, დახვრეტის და ჩამოხრჩობის.

ქვეყანა საბოლოოდ უნდა განადგურებულიყო, და კიდევაც განადგურდებოდა, მაგრამ გრიანოვს არ დასცალდა.

არსენა ჯორჯიაშვილის მადლიანი მარჯვენით ნასროლმა ყუმბარამ სული გააცხებინა მტარვალს თბილისში ბარიათინსკის ქუჩაზე; მოსპო მისი ცოლი, მისი ბრახი, მისი მხეცური აზრების შემქმნელი ტვინი ქუჩის მტვერში ამოთითხნა.

— დედაე ნუ სტირი, მამეე ნუ სჩივი,
მე მოვიშორე ქვეყანას პირი“.

ათქმევიანებს ჯორჯიაშვილს ხალხი, მისგან შეთხზულ იმავე დღეებში სასიმღერო ლექსს, რომელსაც მღეროდა დიდი და პატარა ყველგან.

ჯორჯიაშვილმა იხსნა ქვეყანა საშინელებისაგან. თავგანწირული, სიცოცხლით სავსე ახალგაზრდა—დიღებულები გმირთა-გმირია—ქვეყნისათვის თავდადებულები.

უმაღლესი გმირთა-გმირი იყო იგი იმ წამსაც, როცა ხეს მიყრდნობილმა ხალხის მელეტელ პოლიციელებს შესძახა:

— ეხსენით ხალხს... მე მოვკალი მტარვალი, მე!

ჯორჯიაშვილმა მოსპო მტარვალი, ქვეყანა გადაარჩინა უბედურებას; ჯორჯიაშვილისაგან გადუხდელად დავალებულია ჩვენი ქვეყანა, დავალებული ვარ პარადად მეც; მისი წყალობით, ვთვლი მე, შემრჩა სიცოცხლე; მისით მოვატანე დღემდე ცოცხალმა.

როცა გრიანოვმა ცნობა მიიღო ჩემზე, რომ მე რევოლუციურ გაყენებას (ალექსანდრე კლდიაშვილის გაყენებას) გავყევი, ბრძანება გასცა სამი დღის განმავლობაში გაგზავნილი ვყოფილიყავი დაღესტანში, უდაბურ ადგილას, დეშლაგარში მდგარ სამურის პოლკში. ჯორჯიაშვილმა მოჰკლა გრიანოვი, აირია ყველაფერი, ჩაიკეტა რკინიგზა, აიბნა მისეგლა-მოსეგლა, ურთიერთობა. ამან ორი თვით დააგვიანა ბრძანების მიღება ჩვენს ნაწილში. ჯორჯიაშვილს

გრიანოვი რომ არ მოეკლა, მე გავიგზავნებოდი დალესტანში და პოლკში მივიდოდი სწორედ იმ დროს, როცა იქ საზარელი ამბავი მოხდა: აჯანყდნენ ჯარისკაცები, შეესიენ პოლკის საკრებულოა, მოფუნეს იქაურობა, მოკლეს ცხრა ოფიცერი, პოლკის უფროსი, გამოიტანეს პოლკის ბაირალი და დაწინაურეს. უეჭველია, მეც მოგზავდებოდი ამ მოკლულთა რიცხვში — ვინ მიცნობდა ახალ მისულს, რა გადამარჩენდა, და თუ ამ დალუპვას გადავჩინ სადღაც მივარდნილ დემლაგარში, ეს სწორედ ჯორჯიაშვილის წყალობით მოხდა.

„დედაც ნუ სტირი, მამაც ნუ სჩივი,
მე მოვაშორე ქვეყანას ჰირო“.

დედის ცრემლი არ მინახავს, ჩვენთვის თავდადებულის მამის ცრემლი კი ვნახე.

სასახლეში ვიყავი ფილიპე მახარაძის სანახავად. ქუთაისის მახარა განიცდიდა საშინელ შიმშილს მოუსავლობის გამო. ჩვენმა თემმა მთხოვა მიმემართნა თბილისში ფილიპე მახარაძისათვის. რომელიც დამშვეულთა შემწე კომიტეტის თავმჯდომარე იყო. კომიტეტის ხელში ყოფილი სიმინდი უკვე განაწილებული იყო, მაგრამ მახარაძემ გვისაშველა და თემს დაენიშნა ორასი ფუთი ღერძილი, ამასთანავე სხვა შეღავათები მიეცა.

ამ საქმეზე მისულს სასახლის დერეფანში მომესმა, რომ ვიღამაც აბსენა ჯორჯიაშვილი. შევჩერდი. მივიხედ-მოვიხედე — ჩემს მახლობლად დგას ტანმორჩილი მოხუცი, ჩოხა-ახალოხიანა; მის გვერდით დგას მაღალი, წარმოსადეგი ახალგაზრდა.

— ვინაა აქ ჯორჯიაშვილი? — ვკითხე მაღალ ახალგაზრდას.

— ეს გახლავთ! — მიმითითა მან მოხუცებულზე.

— არსენასი რა არი? — შევეკითხე.

— მამაა... მახარაძის ჰყავს დაბარებული.

მოხუცი იდგა გაყუჩებული.

— ნეტავ თუ სადმე ინახება არსენას სურათი. საინტერესოა მისი ნახვა! — მივმართე ახალგაზრდას.

— აგერ მაქვს! — თქვა მან და უზიდან ამოიღო პატარა წიგნაკი, გახსნა, გამოიღო სურათი და გამომიწვდინა.

...ყმაწვილი, მოკლედ გაკრეჭილი თმა, პაწია უღვაშები, სასიამოვნო სახის ვაჟკაცი...

ახალგაზრდას კაცმა, რკინიგზაში მოსამსახურემ, გვარად კაპანაძემ, რომელიც სიძე იყო ჯორჯიაშვილის, მიაბო შემდეგ: არსენა პატარა იყო, როცა უფროსმა სიძემ წამოიყვანა სოფლიდან თბილისში. აქ მიაბარა რკინიგზის სასწავლებელში და შემდეგ სამსა-

ხურშიაც შეიყვანა. საოცარი ცოცხალი და ნიჟიერი ყმაწვილი იყო. ყველაფერი ეინტერესებოდაო, კარგად შესმენილი ყმაწვილი იყო...

სურათი გადავეცი; მოხუცმა გამოართვა სიძეს იგი, დააჩერდა, უყურა, უყურა და ათრთოლებული ხმით წაილაპარაკა:

— ჩემო ბიჭო! — და მხურვალედ ეამბოროა.
მოხუცს თვალებიდან ცრემლი ჩამოდიოდა.

თ ა ვ ი მ ი თ ი რ თ მ ი ტ ი

რევოლუცია მარცხდება. — ძველი ანგარიშების გასწორებისათვის ხელსაყრელი დრო დაღება. — ოფიცრობის უკანასკნელი წლები. — სამხედრო საწინააღმდეგო დისტრიბუცია. — მისმა ბრწყინვალეობამ გრაფმა ეორონცოვ-დაშკოვმა დროულად დაინახა თქვენი წასვლა სამხედრო სამსახურიდან.

რევოლუცია მარცხდებოდა. არეულობა არ ისპობოდა, შესამჩნევად ნელდებოდა კი. რუსეთში მომძლავრდა მთაბრუნება; დამსჯელი რაზმები დათარეშობდნენ ყველგან და თავზარს სცემდნენ მცხოვრებთ.

აჯანყებული გეში „პატიომკინი“ იძულებული იყო რუმინეთში შეეფარებინა თავი. მეზღვაურ ლეიტენანტის შმიდტის მიერ ცეცხლიანი სიტყვებით წარმოთქმული ფიცი ჩაქრა და გაბედული მეზღვაური დატუსაღებული და დახვრეტილი იქნა. ამგვარადვე ილუპებოდნენ ყველგან.

მთაბრუნება იმარჯვებდა.

გრიანოვის მოკვლის დღიდან ჩაკეტილი რკინიგზა, მოშლილი მისვლა-მოსვლა, ორი თვის შემდეგ ისევ აიხსნა. მოაღწია სადღაც გაჩერებულმა ბრძანებამ ჩემი დაღესტანში გაგზავნის შესახებ. სამი დღის განმავლობაში უნდა გაემგზავრებულიყავი დეშლაგარში. ამ ბრძანების მიღებამდისაც არ მისვენებდა ჩვენი ნაწილის უფროსი:

ერთხელ დამიბარა და მითხრა: — ცნობაა მიღებული, რომ გორაკოვზე მოდიან მუშებო და მე გგზავნიდა არტილერიის პოლკოვნიკ ბაუმანთან იმ მიზნით, რომ დაეხმარებოდნენ მუშებთან შეტაკების დროს.

მივედი ბაუმანთან.

— ჩტო ზა ჩეპუხა! — წამოიძახა მან, — საიდან გამოიგონა თქვენმა პოლკოვნიკმა ასეთი ამბავი დაბრუნდი გენაცვალე, დათიკო, დაბრუნდი შენს სახლში!

მიბრუნებულმა პოლკოვნიკს ვუთხარი ბაუმანის გაკვირვება. მან უკმაყოფილოდ გააქნია თავი და წაიღუდუნა:

— ეხი.. ეხი..

ალბათ, გული წყდებოდა, რომ მუშები მართლა არ მოდიოდნენ კოროლოკზე და მათთან შეტაკებაში არ ვიღუპებოდი.

ერთი დღიდან უცნაური ცვლილება შევამჩნიე ჩემს თანამოსამსახურე ოფიცერებს ჩემთან მოქცევაში. ამხანაგური ურთიერთობა, რამდენიმეს გამოკლებით, ოფიციალური ურთიერთობით შეიცვალა. დღისით ჩვეულებას წინააღმდეგ, ჩემთან ლაპარაკს ერიდებოდნენ. მხოლოდ სამსახურის გამო თუ მომმართავდნენ. საღამოობით თუ შემებმებოდა რომელიმე ლაპარაკში, როცა ბნელში დავდიოდი ჩემი ბინის მახლობლად. ამ გარემოებით გაკვირვებულნი, შევეკითხე ამის შესახებ ჩემს ახლო მეგობრებს.

თურმე ნაწილის უფროსს ებრძანებინა ოფიცერებისათვის თავის შოკრა, წინადადება მიეცა ეთქვათ თუ ვინ რა იცოდა ჩემ საწინააღმდეგოდ და დავალებინა, რომ ჩემთვის ბოიკოტი გამოეცხადებინათ. რამდენიმე ოფიცერს განეცხადებია რომ მე ვქადაგობდი სოციალისტურ იდეებს, რომ ვათამამებდი ჯარისკაცებს — ეს რამდენიმეს; უმეტესობას უარი ეთქვა ბოიკოტის გამოცხადებაზე, მაგრამ ნაწილის უფროსის წინაშე შიშის გამო მორიდებით იყვნენ ჩემთან.

გრიანოვის ბრძანების მოსვლისთანავე ჩამაბარეს მოწერილობა სამ დღეში მოგმზადებულიყავ წასასვლელად. სამწუხარო ის იყო, რომ ამგვარი არეულობის დროს სადღაც უდაბურ ადგილას ვიკარგებოდი, უკან მრჩებოდა ცოლი ოთხი ბავშვით.

ნაწილის უფროსმა აისრულა სურვილი — მომიშორა თავიდან, გადამაგდო უდაბურ დეშლაგარში.

მესამე დღე იყო, როცა სამმართველოდან გამოსულს ნაწილის უფროსი შემხვდა ეტლით მიმავალი. გააჩერა ეტლი.

— მიდიხართ? — გადმომძახა.

— მივდივარ.

— ქაღალდები ჩაიბარეთ?

— ჩავიბარე.

— ჰო, მინდა ორიოდ სიტყვა გითხრათ: ფრთხილად იყავით ახალ ადგილას. ცოლ-შვილის პატრონი ხართ, თავი შეიკავეთ; იქ არ გაპატიებენ ისე როგორც აქ... ფრთხილად იყავით, მიიღეთ ეს ჩემი კეთილი დარიგება!

— მე სრულიად არ ვსაჭიროებ თქვენს დარიგებას და არც გავყვები თქვენს რჩევას! — ვუპასუხე ჩემს „კეთილ დარიგებელს“.

— გაგახსენდებათ ჩემი ნათქვამი, გაგახსენდებათ, როცა გამწარდებით, მაგრამ გვიან იქნება... საკვირველი ხალხი ხართ... რაც რუსეთმა სიკეთე გიყოთ თქვენ, ტუზემცებს, მაინც გძულთ რუსეთი, გძულთ! ამით ვერას გაიტანთ! — შემომძახა მან.

— ჩვენ გძულს გლახა, საძაგელი რუსი... კარგი ჩვენთვისაც; კარგია ჩვენ ვიცით გარჩევა და ვარჩევთ, დიახ! — მივუგე.

— არა, თქვენ ყველა გძულთ, ყველა!

— სჯობია შეწყვიტოთ ლაპარაკი — შევეუტიე. — ვნანობ, რომ გამოგელაპარაკეთ... კარგა რას გაიგონებს კაცი თქვენგანს — მიუახალე, მივიღევი ქუდთან ხელი და გავშორდი „კეთილ დაპრიგებელს“.

ახლა ჩემი სურვილი იყო როგორმე არ გამემარჯვებინა ჩემზე მტრად გადაკიდებულნი, ავშორებოდი უდაბურ ადგილას გადაკარგვას. გადაწყვეტიე ამისათვის გავჩერებულიყავი თბილისში და შემეგლო საოლქო სამხედრო შტაბში. შტაბის უფროსად იყო დროებით გენერალი ბერხმანი, მეტად რიგიანი პიროვნება.

— ვიგზავნები სამურის პოლკში. პოლკში შეიდი შტაბ-ოფიცერი, შე მერვე ვიქნები. რა მიზეზია? — მიემართე ბერხმანს.

— პოდპოლკოვნიკი კლდიაშვილი? — და გენერალი მომაჩერდა..

— დიახ!

— არ დაგიმალავთ, რაც თქვენს შესახებ აქ ამბავია... მობრძანდით, დავსხდეთ აგურ. — გენერალი დაჯდა და მეც გვერდით დამსვა.

— თქვენ შესახებ შტაბში იმდენი ცნობაა მოსული და ისეთნაირი, რომ ბოლო დროს მათ რწმენაც ეკარგებათ. ცნობაა, რომ თქვენ რევოლუციაში ღებულობდით მონაწილეობას, რომ რევოლუციურ გასვენებას არ აერიდეთ, რომ ჯარისკაცებთან სხეანაირად ირჯებით, რომ მათ სურვილზე დადიხართ, ცუდ მაგალითს აძლევთ უპირობო ოფიცრებს!

გენერალმა გულახდილად გადმომიშალა ყველაფერი, რაც ჩემს შესახებ მიუწერია შტაბში ჩემი ნაწილის უფროსს.

— ერთი სიტყვით, თქვენ გადასაყვანი კი არა, ჩამოსახრჩობი კაცი ხართ! — ღიმილით გაათავა ბერხმანი.

— და მისი დასმენის გამო უნდა დავიკარგო?

— რატომ უნდა დავიკარგოთ?

— აბა რა ვქნა, რომ გამარჯვება ისეთ პიროვნებას არ რჩებოდეს, როგორიც არის ჩემი ნაწილის უფროსი? — აღელვებით მივმართე ბერხმანს.

— მე გაცემულ ბრძანებას ვერ მოვშლი, გასწავლით კი გზას, რომ თქვენ საქმეს შემოუჯაროთ... ინახულეთ გენერალი რეშეტინი;

ის იყო თქვენთან ბათუმში, იცის კარგად ბათუმის ამბები, ალბათ, თქვენს შესახებაც ექნება გაგონილი. შეიძლება დაგეხმაროთ და მოაშლევინოს ბრძანება... ინახულეთ გენერალი! — გულითადი რჩევა მომცა ბერხმანმა.

გავეშურე რეშეტინისაკენ. მიველ — მითხრეს სახლში არ არის, წასულია კაკეაში. ორი-სამი დღის შემდეგ ჩამოვაო. გამოვბრუნდი ბერხმანთან.

— რეშეტინი კაკეაში ყოფილა... სამი დღის შემდეგ ჩამოვიდა... მე კი ამდენი ვადა არა მაქვს თბილისში დავრჩე... რა იქნა? — მივმართე შეწუხებით.

— დარჩით. ნებს გაძლევთ დარჩეთ, სანამ არ გამოიკეთებთ თქვენ საქმეს! — ტკბილად მითხრა ბერხმანმა.

მოულოდნელად მიჩნდებოდა დამხმარე ადამიანი.

სამი დღის შემდეგ რეშეტინიც ჩამოვიდა. მივედი. თავის სამმართველოში იყო. ჩაჯდა სავარძელში მაგიდასთან. მე წინ დამსვა.

— რაშია საქმე? — ჩაილაპარაკა თავის გრძელ კალარა წვერებში და ჩაღუნა თავი.

გაღმოვეშალე ჩვენი ნაწილის ცხოვრების სურათი, პოლკოვნიკის ყველა უმსგავსო მოქმედება ოფიცრებთან და ჯარისკაცებთან, მისი გამრყენელი გავლენა ნაწილის შემადგენლობაზე -- ერთი სიტყვით ის უცნაური ატმოსფერო, რომელიც ნაწილს ეხვია მისი წყალობით და ბოლოს ეთხოვე დახმარება, რომ იმ უსინდისო ადამიანს არ გაემარჯვნა ჩემზე.

ვლაპარაკობ, ვლაპარაკობ გაცხარებით — ის კი, ვისაც ველაპარაკებდი, ზის გაუნძრევლად, მსხვილი თავი მაგიდაზე გაწვილილ ხელებზე უდევს. ხმა არ ეღებ, არც შემოუხედავს ჩემთვის. განვაგრძობ სიტყვას და თან გულს ვასკლები, ჩემს თავს ვესაყვედურები: რად მოველ ამ დათვთან, ყრუ დათვთან, რომელსაც ვერაფერი ჩემი ვერ შეგვასმინე... ამან უფრო გამწარებულ კილოზე ავალაპარაკა.

თავი გაინძრა, აიმართა და ორი დიდრონი თვალი მომაპყრა.

— პოდპოლკოვნიკი ბევრი რამ, რაც თქვენ მომიყვებით, მე ბათუმში, ჩემს იქ ყოფნის დროს, გაგონილი მქონდა. თქვენ ხშირად გახსენებდნენ ჩემთან; მაკვირვებდა ეს და ერთხელ კიდევაც ვუთხარი თქვენ ავად მანსენებელს—ავად გინსენიებდნენ და იმათში თქვენი ნაწილის უფროსიც ერია — ვუთხარი, მაკვირვებთ, რომ ამ შტაბ-ოფიცრზე მუდამ ასე მელაპარაკებით და ასე იხსენიებთ, — რაღაც სხვანაირი პიროვნება უნდა იყოს ასეთ ყურადღებას რომ იქცევს ის ან ვირი უნდა იყოს, არ დაგიმალავთ ვინმარე ეს სიტყვა, ან ვი-

რი უნდა იყოს და ვირულად უნდა დაიღუპოს, ან და არც ისე საუგებელი კაცია, როგორც თქვენი სიტყვებიდან გამოდის-თქო. ვატყობდი, რაღაც თაღლითობა იყო და არ დამიბარებოხარ ამიტომაც. ახლა კი ვრწმუნდები, რომ ვირი ის თქვენი ნაწილის უფროსი ყოფილა!

გულზე მომეშვა.

— მოხარული ვარ, რომ შემოიარეთ ჩემთან; დაგეხმარებით, მაგრამ ჭერ მჭირია რამდენიმე ცნობა. მივიწერები ბათუმში, ციხის შტაბის უფროსს პოლკოვნიკ მდივანს მივწერ. პატიოსანი კაცია, მართალს შემომითვლის და ამის შემდეგ გეტყვით ჩემს პასუხს. თუ წინააღმდეგი არ იქნებით, ასე ვიზამ.

— დიდად გამაღობთ! ვთხოვთ წერილი მე გამატანოთ ბათუმში. მე წაველ და ორ დღეში დავბრუნდები პასუხიანად... უკრო მალე იქნება... თუ ეს შესაძლებელია. მატარებელი საღამოს მიდის.

— რატომაც არა... კარგი, შემოიარეთ სამ საათზე და წერილი მზად იქნება. კარგი!

სამ საათზე ისევ რეშეტინთან ვიყავი მის ბინაზე. ჩამაბარა მდივანთან მინაწერი წერილი და გამომყვა წინა ოთახში. ვიცვამ პალტოს. რეშეტინმა გამომართვა პალტო და ჩამაცვა. ეს კარგ ნიშნად მივიღე; ალბათ, გენერალს სწადია ჩემი დახმარება. ასე არ მომეკეცოდა სხვანაირად რომ მივეღე.

გავსწიე გახარებულმა. ხვალ მე გავჩნდები ბათუმში, დამინახავს ჩემი ნაწილის უფროსი და შეშფოთდება — დალესტანის მაგიერ მე ისევ ბათუმში ეს მისთვის ჩასაფიქრებელი რამ იქნებოდა.

დილას ეტლით რომ ჩავუარე ყაზარმებს, ჩემს ბინაზე მისასვლელად (ჩვენი ბინები ყაზარმების იქით დიდ შენობაში იყო), დამინახეს თუ არა, ჯარისკაცები გამოეფინენ ყაზარმებიდან და გაოცებულნი გაიძახოდნენ:

— პოდპოლკოვნიკი დაბრუნდა, პოდპოლკოვნიკი დაბრუნდა! შევედი სახლში. გაოცება. მკვდარი რომ გაცოცხლებულიყო, ისეთი ამბავია. ვუამბე შინაურებს ყველაფერი, დავისვენე ცოტა ხნით და წავედი მდივანთან წერილით. ესეც გაოცდა ჩემი დანახვით. მეორე დღეს მერ ისევ თბილისისაკენ ვქენი პირი საპასუხო წერილით ხელში. მდივნის წერილი წაიკითხა რეშეტინმა და ტკბილად მითხრა:

— ძალიან კარგი ძალიან კარგი! ერთი კვირის შემდეგ შემოიარეთ არტილერიის სამმართველოში... მნახეთ, საქმეს მოვაგვარებთ... ნუ შეწუხდებით. გენერალ ბერხმანს მე ვნახავ და ვეტყვი მეტ ხანს დაგტოვონ თბილისში.

ჩემი სიხარული უზომო იყო; ეს კაცი პირდაპირ ჩემი გამაცოცხლებელი შეიქნა. აფრენილი, იმედიანი, დავებუნდი. ბინად ვიყავი ჩემს ნათესავთან, არქიტექტორ სიმონ კლდიაშვილთან, ქართული უნივერსიტეტის ამშენებელთან. ჩემი სიხარული, რომ შემწე გამოვიჩინა, სავსებით გაიზიარეს აქ. მოხუცი, ტკბილი დედისმაგვარი ჩემთვის, ბიცოლაჩემი ეფრო კლდიაშვილისა თავისებური ალერსიანი სიტყვით მაიმედებდა, რომ ჩემი მტრები ჩემზე ვერ გაიმარჯვებდნენ. ვუსშენდი მის იმედიან სიტყვას და მეც იმედიანი ვხდებოდი.

— მხნედ იყავ, შვილო, მხნედ! მართალ კაცს მისი სიმართლე არ დაეკარგება. საზიზღრებმა როგორ უნდა გაიმარჯვონ! არ მოასწრებთ გამჩენი!

საზიზღრების დამარცხების მოლოდინში იყო გამწვარებული საყვარელი შვილის, მისი „ბიქის“, მისი ძვირფასი საბას დამკარაველი მოხუცი. დაიმედებული, რომ საზიზღრები დამარცხდებოდნენ, რომ გამარჯვება მოახლოებულია და უეჭველი, იგი სძლევდა თავის უსაზღვრო მწუხარებას და ამხნევებდა ყველას თავის გარშემო.

შეწუხებული, ხშირად ისევე შავი ფიქრებით გარეტებული, აქ, ამ ოჯახში, ვიციწყებდი მწუხარებას და ყოველ უსიამოვნებას. მწუხარება კი მღლიდა, თეთქეავდა ჩემს ნერვებს.

ბავშვობიდანვე ვუყვარდი ბიცოლა ეფროს, მის მრავალ შვილებს შორის მეც მქონდა სასიყვარულო კუნძული.

შესამჩნევი ქართველი ქალი იყო ბიცოლა ეფრო. იგი იყო ქვიშხეთელი ყიფიანის ქალი, დიმიტრი ყიფიანის მახლობელი ნათესავი. ბავშვობიდან მახსოვს, მას ეხვივნენ გარშემო ყოველი კუთხის ქალები, მის ოჯახში თავს იყრიდნენ სოფლელი-ქალიშვილები, მისგან სწავლობდნენ წერა-კითხვას, ხელსაქნარს, განსაკუთრებით ხალიჩების ქსოვას, რამაც ბევრი გლეხის ოჯახი ფეხზე წაქოყენა. მთელი სოფელი მისი მოსიყვარულე იყო, მისგანაც შეყვარებული და ეს სიყვარული, საკეთილოდ გამზადებულობა, მან თავის შვილებსაც ჩაუნერგა ღრმად. ქუთაისში იგი ახლო მონაწილეობასღებულობდა ქართულ სცენისმოყვარეთა წრეში, ჩინებული შემსრულებელი იყო ხნიერი ქალების როლსა; თარგმნიდა რუსულიდან. წერდა პატარ-პატარა წერილებს. მისმა ოჯახმა დაზარდა დღევანდელი სახელმწიფო უნივერსიტეტის ამშენებელი არქიტექტორი: სიმონ კლდიაშვილი, მისი ქალიშვილი იყო მარიამ ძნელაძისა, პირველი ქართველი მომღერალი, კონსერვატორია დასრულებული ქალი, რომელსაც დიდი ღვაწლი მიუძღვის ქართული მუსიკის განვითარების საქმეში. მისი შვილი იყო ტრადიკულად დაღუპული

ახალგაზრდა მეცნიერი, დიდი ძვირის მძლეველი ქიმიკოსი, ოდესსა უნივერსიტეტის ლაბორანტი ალექსანდრე კლდიაშვილი. მოხუცებულობაშიც ეფროს არ დაჰკარგვია სიფხიზლე, საზოგადოებრივი ინტერესი, იმედინობა უკეთესი მომავლისა, მისით მხნეველებოდა ამ ოჯახში მყოფი.

ღის მაგვარი იყო ძმაც, მიშო ყიფიანი, ერთ დროს ცნობილი საზოგადო მოღვაწე, ახალგაზრდობისას ციმპირში წამყოფი პოლიტიკური მოღვაწეობისათვის. ის ხშირად დადიოდა თავის დის ოჯახში, რომელიც მას განსხვავებით უყვარდა და რომელსაც იგიც ამგვარივე გრძნობით უპასუხებდა.

ხშირად მოდიოდა აქ მაშინ ახალგაზრდა, ახლად გამოსული სამუსიკო ასპარეზზე, დღეს ჩვენი სასიქადლო, საყვარელი კომპოზიტორი, ზაქარია ფალიაშვილი. ფალიაშვილი, ცხოველიც და მაშო ძნელადისა ამზადებდნენ ქართულად როსინის ოპერას „სევილიელი დღალქი“.

აქ ყოფნამ შემადგებია ამეტანა ის მწუხარება, რომელიც მე მაღვა ჩემი მდგომარეობის გამოურკვევლობის გამო.

საქმე ჰიანურდებოდა, მოელოდნენ შტაბის ახლად დანიშნულ უფროსს გენერალ შატილოვის ჩამოსვლას პეტერბურგიდან.

ერთ დღეს რეშეტინმა დამიბარა საოლქო შტაბში. მივედი. ოთახში ვზივართ რეშეტინი, ინჟინერ-პოლკოვნიკი დუმპაძე და მე. გაიღო კარი და ოთახში შემოვიდა კობტა, შუა ტანის, ყუბანის კაზაკთა გენერალი. გენერლები დიდი საღმით მიესალმნენ ერთმანეთს.

— რა ქენით თქვენი რაზმის საქმეზე, თქვენო აღმატებულე-ბავ? — შეეკითხა რეშეტინი.

— იმთავითვე უარი ვთქვი მის შედგენაზე და დღესაც უარს ვამბობ... ვისაც უნდათ იმას დაავალონ, მონახონ სხვა ვინმე; მე ამგვარ ეჭსადიციას სათავეში არ ჩავუდგები და არ შემოვივლი ამიერკავკასიას. ვითხოვე სამსახურიდან გაშინთავისუფლონ — არ მითხოვენ; ახლა მინდა ვითხოვო პეტერბურგში მაინც გამიშვან, შევებულეა მომკენ. ერთი იქ გავაგებინებ მაინც თუ რა ხდება აქ! — თქვა კაზაკთა გენერალმა.

— კარგს იზამთ, ძალიან კარგს იზამთ! — უთხრა რეშეტინმა. — აქ კიდევ გეგმებს მისდევენ და რა სიკეთეს გამოელიან, არ ვიცის რამდენიმე წუთის შემდეგ კაზაკი გენერალი გავიდა ოთახიდან. შევეკითხე რეშეტინს, თუ ვინ იყო ის.

— გენერალი ვიშესლავეცკია! ყუბანის კაზაკთა დივიზიის უფ-

როსი. მშენიერი კაცია, — მომიგო რეშეტინმა და მოგვიყვა იმ ექსპედიციას შესახებ, გენერალმა რომ ახსენა.

ამიერკავკასიის შესაძრწუნებლად, შესაშინებლად, მთავრობის ძლიერების დასანახავად და ყოველგვარი არეულობის ჩააქრობად გრიანოვის შემუშავებული გეგმით უნდა შემდგარიყო ექსპედიცია ოცი ათასი კაზაკისაგან თავისი არტილერიით და ტყვიისმფრქვეველებით; ექსპედიციას უნდა მიმოეღო მთლად ამიერკავკასია და აღმოეფხვრა დაუზოგველად ყოველივე უჩინოს სურვილი მცხოვრებლებში; ექსპედიციის უფროსს სრული ნება ეძლეოდა დაწვას, დახვრეტის, ჩამოსწრობის, ყოველნაირად დასჯის, სადაც და როგორც საჭიროდ დაინახავდა. ექსპედიციას ყოველგვარი საშუალებით უნდა დაეწყინარებოდა ქვეყანა. ექსპედიციის უფროსად გრიანოვი ნიშნავდა გენერალ ვიშესლავეცკის, მაგრამ ამან უარი უთხრა.

— გენერალი შეტად რიგიანი კაცია, რომ ამგვარი რამე მზეცური საქმე იკისროს, — თქვა რეშეტინმა.

გრიანოვი არ ეშვებოდა, აძალებდა, მაგრამ ბედმა არ დააცალა მისი გეგმის შესრულება — ჯორჯიაშიცლმა მოუსპო სიცოცხლე და იხსნა ქვეყანა აოხრებისაგან.

ცოტა ხნის შემდეგ შატლოვიც ჩამოვიდა თბილისში. რეშეტინმა მითხრა გამოცხადებულიყავ მასთან და ის შეტყობდა თავის გადაწყვეტილებას. გამოვეცხადე. შატლოვმა მითხრა, რომ მან იცის ყველაფერი ჩემს შესახებ რეშეტინისაგან და რომ თანახმად ჩემი სურვილისა გადაყვანილი ვიქნები სოხუმის პოლკში. ორ დღეში უნდა მივსულიყავი შტაბში განკარგულების მისაღებად.

ორი დღის შემდეგ შტაბში მისულს მოარიგე გენერალმა კნიაჟევიჩმა მითხრა:

— თქვენ ითხოვეთ სოხუმში გადაყვანა, შტაბის უფროსი თანახმა იყო, მაგრამ მერე გამოცვალა თავისი გადაწყვეტილება, — თქვენ დაბრუნდებით ისევ თქვენს ნაწილში... ეგ იმიტომ, რომ აცოდნენო, ამბობს გენერალი, რომ კაცის ბედით თამაში დაუშვებელიაო!

მივიღე ახალი მოწერილობა. გამარჯვებისაგან სიხარულით აფრენილი დაჯბრუნდი ბინაზე. აქაც გახარება და მეორე დღესვე გვეშურე ბათუმისაკენ.

ჩვენი ნაწილის უფროსი, პოლკოვნიკი, აღარ დამხვდა. იგი, როგორც ორმოცდათვრამეტი წლის შესრულებული, დათხოვნილი იყო სამსახურიდან. ასეთი იყო კანონი. მის მაგიერ იყო ახლად დანიშნული პოლკოვნიკი ტუნებერგი, თბილისის საიუნკრო სასწავლებ-

ლის გუნდის უფროსი, პიროვნება, როგორც თბილისში მითხრეს, მეტად რიგიანი და შესვენილი.

ბათუმში ჩასვლისთანავე გამოვეცხადე და ეუთხარი:

— პოლკოვნიკო, თქვენ, რასაკვირველია, გაგებული გაქვთ ყველაფერი ჩემს შესახებ. მე ისევ დამაბრუნეს უკან. მაგრამ უნდა მოგახსენოთ, რომ მე იგივე ვარ, რაც აქამდე ვიყავი. მე ისევ იმ აზრზე ვარ, რომ ჭერ მოქალაქე ვარ და მერე სამხედრო პირი; უაღრესად მონიტორეუე ვარ, რაც დღეს ჩვენს ცხოვრებაში ხდება, თვალს ვადევნებ, ვაძლევ ანგარიშს და ვმსჯელობ გულახდილად, დაუმაღავად. ჭარისკაცებთან და ხელქვეითთან როგორც წინათ ვიყავი, ისე ვაქნები შემდეგშიაც. თუ თქვენ შეგიძლიათ ამგვარი შტაბ-ოფიცერი ივლით თქვენთან, მეც თქვენი შრომის მონაწილე ვიქნები, პატიოსანი მონაწილე, თუ არა და მითხარით და მე არ შეგაწუხებთ ჩემი აქ ყოფნით. შეიძლება სულაც გავეშორდე სამხედრო სამსახურს. შრომა არ მეზარება, საშრომს ყოველთვის ვეშოვი.

— დავიდ სამსონიჩი ასეა თუ არ ვცდები, დავიდ სამსონიჩი, — გრძნობით მითხრა ტუნებერგმა. — მიიღეთ ჩემგან მადლობა, რომ ასე გულახდილად, ანეთი ნდობით მოხვედით ჩემთან. ამას მე დიდად ვაფასებ და სიტყვას გაძლევთ მეც გიპასუხებთ ამისთანავე ნდობით და დაიმედებული ვარ ჩვენ კარგად, ამხანაგურად ვიმსახურებთ. მე გაგებული მაქვს ყველაფერი და პატიოსან სიტყვას გაძლევთ, ამ ჩვენი ბაასის შემდეგ რომ ვინმემ მოიწადინოს თქვენს შესახებ ჩემი გაცნობიერება და ცუდად მოგიხსენიოს, ასეთ პირს მე დაურიღებლად კარებზე მივუთითებ. პატიოსან სიტყვას გაძლევთ!

რამდენიმე დღის შემდეგ უნდა გავბრუნებულიყავ თბილისში და გენერალ ბერხმანისაგან მოწმობა ამელო, რომ მან დამართო ნება დავრჩენილიყავ თბილისში ჩემი საქმის თაობაზე.

— დაწყნარდით?! — მხიარულად შემეკითხა ბერხმანი, როცა მივედი მასთან შტაბში. — ხომ აღარ ღელავთ? რაზე ჩამოსულხართ?

— თქვენი მოწმობა მჭირია, რომ თქვენ ნება დამართეთ თბილისში დავრჩენილიყავ.

— დიდი სიამოვნებით! წავიდეთ ჩემს კაბინეტში — გაეშურა თავის კაბინეტისაკენ. მეც გავყევი.

— აბა მითხარით, მიკარნახეთ რაგვარი მოწმობა გჭირიათ და მეც დავწერო — თქვა და მოუჭდა მაგიდას. — დაბრძანდით!

საჭირო მოწმობა მალე დანიწერა, მოაწერა ხელი, დაკრა ბეჭედი და გამომიწოდა.

— სხვა არაფერი?

— გმადლობთ, არაფერი!

— აბა ახლა მომიყევით რად შემოგიკიდეს ისე დაუზოგველად ცეცხლი?

ამასაც დაწვრილებით ვუამბე ყოფილი ჩემი უფროსის ამბავი, ჩვენი ყოფა-ცხოვრება მის ხელში, ჩემი ურთიერთობა მასთან, ოფიცრებთან, ჯარისკაცებთან, საზოგადოებასთან. სხვათა შორის ვუთხარი: მისაყვედურებდა-თქო, რომ გადამეტებულ ყურადღებას ვაქცევ რაც ხდება საზოგადოებაში, ვუამბე, როგორ მარიგებდა, რომ მხოლოდ სამსახური უნდა მახსოვდეს და რაც სამსახურს გარეშე ხდება, ეს მხოლოდ უფროსების საქმეაო.

— ვოტ ტაკ-ტაკი — წამოიძახა ბერხმანმა. — სამსახური როგორ დამავიწყებდა? უბრალოდ ყველაფერსა შორის ვარ ჩემი ქვეყნიდან, სამსახურში გართული ვარ, მაგრამ ჩემი გული დულს იმის გამო, რასაც ბალტიის მხარეს დღეს აყენებს მილერ-ზაკომელსკი (ბერხმანი ბალტიის მხრიდან იყო). მოსვენებას მოკლებული ვარ იქაური ამბებით!

გამოთხოვებისას მადლობა ვუთხარი იმ დახმარებისათვის, რომელიც მან გამიწია. გენერალმა ტკბილად მომიგო:

— მადლობა? რისთვის? მე მხოლოდ რჩევა მოგეცით, რომ ეხედავდი თქვენს დიდ მწუხარებას და ამ რჩევამ კეთილი ნაყოფი მოიტანა თავისთავად; და თუ მადლობაზე მივა საქმე, თქვენი მადლობა იმით იქნება გადახდილი, რომ როცა შეგხვდებით ვინმე აი, ისე შეწუხებული. როგორც თქვენ იყავით, მიხედეთ, ნუ წაუყრუებთ, დაეხმარეთ როგორც შეიძლოთ. აი, ეს იქნება თქვენი ჩემთან მადლობა — და ეს ისე უნოიანად, ისე ლამაზად წარმოთქვა ამ კაცმა, რომ ალტაცებაში მომიყვანა და შეეძახე:

— ეს ისეთი ძვირფასი სიტყვებია, რომ მათ გაგონებაზე ორკეც მადლობას მოგახსენებთ... ორკეც მადლობას!

გულგაღონიერებული ჩამოვედი ბათუმში, მეღირსა ერთგვარად. მოსვენება, მაგრამ საუბედუროდ მოკლე ხნით. ნაწილის უფროსი ტუნებერგი მოულოდნელად გახდა ავად და ნახევარი წლის ჩვენთან ყოფნის შემდეგ გარდაიცვალა. მისი ნაცვალის ახალგაზრდა კაცი, კარიერისტი, ჰკუამოკლე, მხოლოდ იმაზე ფიქრობდა, თუ რითი მოეწონებინა თავი უფროსებისათვის და ქალაქის მცველი რაზმის გამგებლად ყოფილიყო, რომ ამ თანამდებობის აღსრულებისათვის დღიური ფულით თავისი ჯამაგირი გაეორკეცებინა. თუმცა მთავრობა ისედაც უხვად აგზავნიდა ჯარისკაცებისათვის საკითხავად სხვადასხვა ბროშურებს, ეს ახალი პოლკოვნიკი თავის გულმოდგინებით თავის მხრივ იწერდა კიდევ ამგვარ ფურცლებს და ბროშურებს, არიგებდა გუნდებში და ავალებდა ოფიცრებს ეკითხნათ ჯარისკაცებისათვის და შეეთვისებინათ მათთვის ამ ბროშურებში გა-

ტარებული აზრები. მაგრამ რა შედეგი ჰქონდა ამგვარ მუშაობას! ბროშურებში ისეთი აზრები ტარდებოდა, განსაკუთრებით მიწის შესახებ, რომ ჭარისკაცებს თუ აღიზიანებდა უფრო, თორემ არ ამშვიდებდა და არ აწყენარებდა. ამ აზრებმა ჩამწერგველთა მდგომარეობაც მეტად ცუდი იყო.

— დავით სამსონიჩ, მე მეტი აღარ შემიძლია! — მეუბნებოდა გამწარებით ერთი ყმაწვილი ოფიცერი. — მეტი აღარ შემიძლია! იმ ბროშურებით მე ჭარისკაცებთან აღარ მივალ, არ მივალ არაფრის გულსათვის! რომ დავიწყებ კითხვას და კითხვის დროს გადავაღლებ თვალს ჭარისკაცებს იმის გასაგებად, თუ რა შთაბეჭდილებას ახდენს წინაკითხი მსმენელზე, თითქმის ყველას სახეზე ღიმილს ვხედავ. გულში ეცინებათ, იკავებენ სიცილს; მოგჩერებიან ისეთი თვალით, თითქოს დაგცინიან. ვგრძნობ, მასხარად ამიგდებენ, რომ არ ეშინოდეთ და შეეძლოთ თავისუფლად გამოთქვან თავიანთი აზრი. არა! რაც უნდა მიყონ, ამ ბროშურებით ჭარისკაცებს ახლო არ გავეკარები, არა! ეს საძაგლობაა, სხვა არაფერი! პირდაპირ ვახელებთ ჭარისკაცებს!

თვითონ უფროსი ისეთი იყო, რომ ჭარისკაცებთან ორ სიტყვას ვერ გადააბამდა სათქმელად. არც იცოდა რა სამსახურისა; იყო კარიერისტი, მულამ იმის ფიქრში, თუ რა გზით წაეწია წინ. თან მხდალიც იყო. რეაქცია ძლიერდებოდა — ესეც რეაქციონერობდა. ბედად გონი აკლდა, თორემ უბედურების დამტეხი რამ იქნებოდა.

ზაფხულის საღამოა; ბანაკად ვართ ზღვის ნაპირზე, ქალაქის განაპირად. ვზივარ ჩემს კარავში, ემუშაობ. კარავში შემოვიდა ოფიცერი, მესამე გუნდის უფროსი.

— დათიკო, კომანდირი გზმობილობს... მალე, მალე!

— რა ამბავია?

— ეშმაკმა იცის, რა ამბავია! ჭარისკაცებში არეულობა... რაღაც ცუდი ამბავია... მალე, მალე! — მეუბნებოდა გაფაცივებული ოთიკირა. — ეგერ ზის საკრებულოს აივანზე!.. იცოცხლე ის შეშინებული!

შევედი საკრებულოში. აივანზე; გაზეთით ხელში, აკიდებულ ლამპართან ზის პოლკოვნიკი. მოკუნტულია.

— რა ამბავია, ვლადიმერ ივანიჩი! — ვკითხე.

— შორაგე ოფიცერმა ეს არის მომახსენა, რომ ბანაკში ჭარისკაცებში რაღაც უწყისობაა. მუსიკანტები უკრავდნენ, დარევიან, გაუფანტავთ... რაღაც ამბავია... დავიდ სამსონიჩ, გამიგეთ რა არის... რაზე აღელდნენ! თქვენ აქ ძველი ოფიცერი ხართ, თქვენ

ვაგიგონებენს — პოლკოვნიკი ეტყობოდა გვარიანად იყო შეშინებული.

გავედი ბანაკში, ისმის ყაყანი, გულმოსული ლაპარაკი.

— რა ამბავია! — შევეკითხე პირველ შემხდურ ჯგუფს.

ხმას არავინ იღებს. განუძნდნენ.

— თქვით, რა ამბავია? — ვიმეორებ. ისევ სიჩუმე. იქით კი ისევ ყაყანი, ისევ გულმოსული ლაპარაკი.

მივდივარ კარვებში. ჩემი მიახლოებისას ყაყანი წყდება, ხმას არავინ იღებს. შორიახლოდან კი ისევ ხმამალალი, გულმოსული ლაპარაკი ისმის.

— არ გრცხვენიათ?! — ვიყვირე მეც. — რაღაც გინდათ თქვათ და ვერც ამბობთ! ალბათ, მტყუანი ხართ, აბა რამ გაგაჩუმათ!

ჩემს გვერდით მორიგე ოფიცერი იდგა.

— წადით თქვენთვის. — ვუთხარი მას. ვიფიქრე ამასთან არ უნდათ ილაპარაკონ. მორიგე გამშორდა.

— თქვით... გამაგებინეთ რამ აგრიათ?.. რა მოხდა ისეთი? აქ დასახელად ხომ არ მოვსულვარ, მინდა ვაგიგო რა მოხდა, რატომ გაფანტეთ მუსიკანტები და აყვირდით?

— ტუსაღები კი არა ვართ, ჯარისკაცები ვართ! — წამოიძახა ერთმა.

— ტუსაღები არა ვართ!.. არ ვართ ტუსაღები! --- იყვირეს აქეთ-იქიდან. — თუ ტუსაღები ვართ, გამოგვიცხადონ!

— რის ტუსაღები? რა ტუსაღები?.. ვინ დაგატუსაღათ? — ვეკითხები გაკვირებულნი.

გამორკვეა, რომ ნაწილის უფროსს განკარგულება გაეცა ბანაკის გარშემო დაეყენებინათ ყოველ ორმოცდაათ ფეხის ნაბიჯზე ყარაული, რომ არავინ შესულიყო ბანაკში და ვერც ვინმე ნებადაურთველად გასულიყო. ყარაულები დააყენეს და ჯარისკაცების ვასართობად, ბრძანების თანახმად, გამოეყვანათ ორკესტრი მინდორზე. ჯარისკაცები ამაზე აღელდნენ, აყვირდნენ, გაფანტეს მუსიკანტები და იმუქრებოდნენ ყარაულების ძალით მოხსნას.

— ბატონო, მოახსენევენეთ ყარაულები, თორემ ჩვენ ცუდ ამბავს დავატრიალებთ! გფიცავთ, თავს გაეიმეტებთ და ჩვენსას კი ვიზამთ! --- მითხრა ერთმა ჯგუფმა. ესენი იყვნენ გორელი ჯარისკაცები მეტწილად.

— კარგი, კარგი! დაწყნარდით, დაშვიდდით! აქ რაღაც გაუგებრობაა! ამასაც გავაგებ და ყარაულებს მოვახსენებებ. ტუსაღები ვართო... რამ გაფიქრებინათ ეს? დაწყნარდით!

გაგბრუნდი საკრებულოში. გზაში მორიგე ოფიცერმა მითხრა,

რომ მან სალამოს მიიღო ბრძანება ყარაულებით ბანაჯის შემოვლებ-
ბის შესახებ და იქიდანვე მომლოდინე იყო არეულობისა და კიდეც
ასე მოხდაო.

— რა გაიგეთ? — შემომეგება პოლკოვნიკი, როცა დამინახა.

მოვუყუევი, რომ მისგან გაცემულმა ბრძანებამ, ყარაულების ჩა-
ყენების შესახებ ბანაჯის გარშემო, გამოიწვია უკმაყოფილება და
აღელვება თვით ბანაჯში.

— ნამეტანი წყინთი უნდა მოიხსნას უსათუოდ! — ვუთხარი.

— აბა როგორ ვქნათ, რას გაიგებ ვინ მოდის, ვინ ელაპარაკება
და რას ელაპარაკება ჯარისკაცებს?.. ხომ იცით, რამდენი არასა-
სურველი პირები დასრიალებენ... ვინ იცის რას არ ავრცელებენ,
რას არ ელაპარაკებიან აბა რარვიად ვარიდოთ ამით ჯარისკაცები?

— ამით არა გამოვა რა; უნდა მოიხსნას ყარაული, თუ არ გინ-
დათ მეტი აღელვება შექმნათ.

— კარგი, უბრძანეთ მორიგ ოფიცერს მოხსნას... მარა... აბა
როგორ იქნება.. როგორ იქნება! — აბნეულად ალაპარაკდა შეში-
ნებული და თან გაცემულ უგუნური ბრძანების უკან წაღებით დარ-
ცხვენილი პოლკოვნიკი.

მეტად აბნეული იყო ეს ახალი ტიპის კარიერისტი. თავისი თა-
ვის-მეტი თითქოს არა ახსოვდა რა და თავის წარმატების მეტი არა
აწუხებდა რა. ქვეყანა რომ ცეცხლმოკიდებული იყო, როცა ყველა
დაინტერესებული იყო სათათბიროს წევრების არჩევნების წარ-
მოებით, რომ ქვეყანა ემზადებოდა სათათბიროს შეკრებისათვის
და მთავრობისათვის იქ თავისი რისხვის დაცემას აპირებდა — ეს
ყოველივე დიდ ყურადღებას არ იქცევდა მასში. სამაგიეროდ აღ-
ტაცებაში მოდიოდა გურიაში მოქმედ ხერსონის პოლკის პოლკოვ-
ნიკი კრილოვის მოქმედებით.

— ყოჩალი კაცი! გაბედული, მტკიცე!.. კაცი იმგვარი უნდა! —
ამბობდა მის გარშემო თავმოყრილ ეგრეთ წოდებულ „პარტი-
პრავოვავო პორიადკა“-ს მომხრეთა ოფიცერებში.

— მაგვარი კაცი ყოველ საქმეს გაიტანს!

კრილოვი თავის პოლკით, ხერსონის პოლკით, გამოგზავნილი
იყო კიევიდან გურიის დასაწყნარებლად. გურიას ვერა-რას უხერ-
ხებდა ადგილობრივი ადმინისტრაცია და მიუსიეს კრილოვის პოლ-
კი. კრილოვი დიდი რიხით ჩამოვიდა გემით ბათუმში; აქ განსხვა-
ვებულად მიღებულ იქნა, როგორც მხსნელი პირი. ჩვენმა პოლ-
კოვნიკმა ვითომ ისარგებლა კარგი შემთხვევით და მოინდომა თა-
ვისი საქმის გაკეთება: სთხოვა კრილოვს ერთი ჭგუფი მისი პოლკის
ჯარისკაცებისა იმ მიზნით, რომ შემოხვეოდა ბარცხანას ღამით და

ჩხრეკა მოეხდინა. მისი აზრით ახალმოსულები უფრო სანდონი იყვნენ და ჩხრეკაში არავის დაინდობდნენ. კრილოვმა ათხოვა ჯარისკაცები; შემოერთებულნი ღამით ბარცხანას, ატეხეს ალიაქოთი,— შედეგი კი არაფერია; უთავბოლოდ დაწყებული საქმე უთავბოლოდ გათავდა.

კრილოვი ცეცხლითა და მახვილით შევიდა გურიაში. ეს ტანმორჩილი, თხელი, შავგვრემანი კაცი, საოცარი სასტიკი იყო. არავითარი დაზოგვა, არავითარი შებრალება მან არ იცოდა. მისი შეხედულებით, აქ მტერი იყო და მტრულად უნდა მოქცეოდა. მრუდი, მართალი, უდანაშაულო — ყველა ერთია, ერთი აზრისანი არიან, გარჩევა საჭირო არაა... იქ ღმერთი გაარჩევდა ბრალიანს და უბრალოს; კრილოვი კი წვადა, ცეცხლს აძლევდა, სიკვდილს აფენდა მარჯვნივ და მარცხნივ. საკმარისი იყო ჯაშუშის უბრალო ცნობა, რომ დასმენილის სახლ-კარს წაესმებოდა ფისი, ზედ დაესმებოდა ნავთი და ავარდნილ ალში, მწარე ცრემლებით ხმამალა მოტირალ პატრონთა ბღავილში, იფერფლებოდა შენობა, იწოდა საზრდო, იღუპებოდა საქონელი, ნიავედებოდა მთელი ქონება.

წარმოუდგენელი სასტიკობა! ეს ხომ განუშორებელი თვისებაა თვითმპყრობელი ხელისუფლების მალიარებლისა!
უნაყოფო სასტიკობა!

კრილოვის სასტიკობამაც უნაყოფოდ ჩაიარა. მან ვერ მოდრიკა, როგორც ის ფიქრობდა, გურია. ნერვებაშლილი, მოქანცული, მოღალღული იგი იძულებული გახდა მიეტოვებინა თავისი პოლკი, გურია და გაბრუნებულყო კიევში. შეშინებული, რომ არ მოეკლათ, ნამალევად ჩამოიყვანეს ბათუმში და ნამალევად, ღამით, არა ნავსადგურიდან, არამედ ბათუმის ბულვარიდან ნავით მიაყენეს ზღვაში გაჩერებულ გემს, ჩასვეს და გაისტუმრეს საიდანაც იყო მოსული.

ასეთ პიროვნებას მოჰყავდა ალტაცებაში ჩვენი პოლკოვნიკი. მოკლე ხნის შემდეგ მას ბედი ეწია: მოწონებული შეიქნა და წინ წაიწია, მიიღო უფრო დიდი ნაწილი და მოგვმორდა, მაგრამ მე კი დავიდარაბას გადამიკიდა.

ჩვეულებისამებრ ოფიცრობამ მას გაუმართა გამოსამშვიდობებელი ვახშამი. ვახშამზე იყო აგრეთვე ახლად დანიშნული ნაწილის უფროსი, კიშინიოვიდან გადმოყვანილი, კიშინიოვში ებრაელების საზარელ დარბევაში მონაწილეობის მიმღები, შესახედავად ნამდვილი აბრაგი, ახმახი, სახე ნაყვავილები, ბრიალა თვალებით, როხროხა, რაღაც მოუსვენრობით შეპყრობილი.

ვახშამი უფერულად გრძელდებოდა, უხალისოდ. მიმავალმა

პოლკოვნიკმა მოიკატუნა თავი და ბოდისით მიმართა იქ მყოფთ
ამ შეცდომებისათვის, მას რომ მოსვლია უნებლიეთ, ზოგი გამო-
უცდელიობის გამო, ზოგჯერ გამოურკვეველობის გამო.

— ყოველთვის კი ვცდილობდი კეთილი გულით მემუშავნა, კე-
თილი გულით მიედგომოდი ყველას! — დაასრულა მან თავისი
სიტყვა.

ჩამაცივდნენ პასუხი მიმეცა. არ ვიყავი კარგად და არც მინდო-
და ლაპარაკი, უარზე ვიდექი, მაგრამ არ მომეშვნენ, არ მომცეს სა-
შველი. წამოდექი და მოკლე სიტყვით მივმართე. სხვათა შორის
ეტყვი, რომ ჩვენმა ყოფილმა უფროსმა აღიარა, რომ უშეცდომო
არ ყოფილა მისი უფროსობა, რასაც ასე იშვიათად აღიარებენ
ხოლმე საუბედუროდ და როგორც თქვა, იგი იყო მოწადინებული
კეთილად ემოქმედა და რომ სხვადასხვა მიზეზის გამო შეცდომა
უნებლიეთ ხდებოდაო. კეთილი გულით მოქმედება მართლა და
მშვენიერია და მხსნელია მრავალ შეცდომათაგან, მაპატივებელი
შეცოდებისაც.

— თქვენ გეჭნებათ საქმე უფრო მეტ შემადგენლობასთან, უფ-
რო მეტ ხელქვეითებთან. გაშალეთ ეს კეთილი გული, თქვენ რომ
გრძნობთ თქვენს არსებაში, გაშალეთ ფართოდ და ამით თქვენც
გაგვიადვილებთ მდგომარეობა და თქვენი ხელქვეითებიც დამშვი-
დებული და მადლობელი იქნებიან. თქვენი ნახსენები კეთილი გუ-
ლის სადღეგრძელო იყოს!

ეს იყო შაბლონური, უფერული სიტყვა.

ახალი უფროსი გადაწეულია საჯდომის ზურგზე, მომჩერებია
ღიმილით, ნაყვავილებიანი ფართო სახით, აქნევს თავს — რალაც
საყვედურს მანიშნებს; მიმავალი ყოფილი უფროსი გეითხვია, ჩა-
ლუნა თავი, უკმაყოფილოა, ეტყობა.

რა ითქვა საამისო?! ჯანდაბას! როგორც უნდათ ისე მიიღონ
ჩემი ნათქვამი!

მეორე დღეს ახალი უფროსი მხმობილობს ნაწილის სამართვე-
ლოში. შევედი მასთან კაბინეტში.

— ნუ ბატიუშკა, რა ქენით ეს წუხელი? — წამომდგარია, დგას
ზეზე. — მოკალით კაცი! — მომახალა.

— რაობით? — შევეკითხე.

— მოკალით... თქვენი სიტყვით მოკალით!

— არ მესმის!

— მოკალით, გეუბნებით! — ახროხინდა ახმახი. — განა ვერ
შეამჩნიეთ რანაირად იმოქმედა მასზე თქვენმა მიმართვამ? სახლში
რომ მივედი, ძლივს დავაწყნარე, ძლივს დავამშვიდე... მგონი არც

სძინებია, ისე გაატარა ღამე. ამის მიზეზი თქვენ ხართ, დიახ თქვენ!

-- მაკვირვებს თქვენი ნათქვამი... სულ არ მესმის... საიდან რა გამოგყავთ... რა ითქვა საამისო?

— კი, კაცი დაპატიჟეთ პატივსაცემად; ის მოგენდოთ, მოვიდა და თქვენ კი იმის მაგივრად, რომ გექოთ ეს ადამიანი, რომელიც უკანასკნელად იყო თქვენს საზოგადოებაში, ქების მაგივრად მოყვეით შეცდომების ხსენებას, შეეხეთ მის კეთილ გულს, ისე რომ დაცინვად უნდა მიეღო... უსათუოდ დაცინვად, დიახ!

— გასაოცარი! ეგ გინდათ მასალად ჩემს შესახებ? — მკვახედ გავაწყვეტინე სიტყვა. — აქ წინათ ქსელი იბმებოდა ჩემს წინააღმდეგ. როგორც გნებავთ ისე განმარტეთ ჩემი ნათქვამი, ნება თქვენია მე ამაზე არც ავს გეტყვი, არც კარგს, დიახ!

— იმიტომ რომ სათქმელი არა გაქვთ რა. თქვენ გეტყობოდათ აპირებდით მეც შემხებოდით, იმ კეთილი გულის გაშლას რომ ასწავლიდით, აპირებდით ჩემთვისაც მოგეცათ ღარიგება...

— გულთმისანი ყოფილხართ, — დაცინვით მოვუპერი.

-- კი... აპირებდით, მაგრამ ვერ გაბედეთ!

... ცდებით, რომ მდომებოდა, კიდევაც გეტყოდით!

— ვერ გაბედეთ! — ჭინიანად წამოიძახა მან.

— მეტად ცდებით!.. რით დამაკარგვინეთ გამბედაობა? — მკვახედ ვესროლე მეც.

... არა, თქვენ უცნაური ადამიანი ყოფილხართ მართლა! — წამოიძახა მან.

ჩანს, წინდაწინ გაცნობია ჩემს თავს.

— თქვენ ცუდ მაგალითს აძლევთ უმცროს ოფიცრებს. ეს შტაბ-ოფიცერს არ შეშვენის; სამსახურის წინაშე ვალდებული ვარ აღვნიშნო თქვენი წუხანდელი საქციელი ბრძანებაში, გამოგიცხადოთ ამჟამად სასტიკი საყვედური და გაგაფრთხილოთ შემდეგისათვის. ამით მეც ჩემს ვალდებულებას ავასრულებ და იმ მშვენიერ ადამიანსაც, თქვენგან შეუურაცხყოფილს, დავაწყნარებ და დავაკმაყოფილებ!

— როგორც გნებავდეთ, ვინ გყავთ დამშლელი!

— არ გეწყინოთ!

— სრულებითაც არა! როგორც გეხასიათებოდესთ! ჩემთვის სულ ერთია! — აგდებულად ვუთხარი.

მეორე დღეს ვინახულე ციხის შტაბის უფროსი პოლკოვნიკი მდივანი.

— ნუ იჩაზდელალ ვას პო პერვომუ ეე ზნაკომსტვე ვაშ ივანიცი — სიცილით შემხვდა მდივანი. — მაგრამ მოგიხდება, რომ

ვერს ისწავლე ამ ხალხთან როგორ უნდა დაიჭირო თავი რა გალაპარაკებს, დაანებე თავი ხომ ხედავ რა ხალხია!

— რა ვთქვი? გავიმეორე მისი ბრიყვეული სიტყვები, მეტი არაფერი. ეს ახალი ვაჟბატონი შემზადებული ყოფილა ჩემს შესახებ ჟუკოვსკისაგან და ამისგანაც არაფერი გამოიკვირდება. გულნაწყენია ჩემზე, რომ ოფიცრობა ჩემს სიტყვას უფრო მისდევდა, ვიდრე მისას, რომ ხშირად იძულებულს ვხდიდი უკან წაელო ან შეეცვალა თავისი ბრიყვეული ბრძანება-განკარგულებანი. გულმოსულია, რომ ამასწინათ ოფიცრობა ჩემს წინააღმდეგ საწადელში არ გაყვა აშკარად; არჩევნები იყო ოფიცერი.თა საზოგადოების სასამართლოს წევრების. წინდაუხედავად გამოვიდა შეკრებილ ოფიცრობაში რაღაც წერილით, თუ როგორი პირი უნდა ირჩეოდეს სასამართლოს წევრად; მის გუნებაში ოფიცრებს დირექტივა მისცა თუ ვინ ამოერჩიათ; ყველამ თითქმის ისე მიიღო მისი გამოსვლა, რომ მას არ უნდოდა მე რომ არჩეული ვყოფილიყავი სასამართლოს წევრად, როგორც ყოველთვის ვირჩეოდი, და არც სასამართლოს თავმჯდომარედ, მაგრამ მის ჯინაზე ბარათებით მეტძალი ხმა მივიღე; ჩასვეს ჯორი ტალახში — წვერადაც ამომირჩიეს ჩვეულებისამებრ და სასამართლოს თავმჯდომარედაც. დარჩა შერცხვენილი, ჩემზე გაჯავრებული. კეთილი გულით მივიღიოდი ყველასთანო კეთილი გული!.. ამ ახალ პოლკოვნიკს კი ამთავითვე ეტყობა რაც პერსონა ბრძანდება დაშინება მომინდომა!

— იყავი, ადამიანო, შენთვის! ნუ ებმები მაგათთან ლაპარაკში... სამსახური და გათავდა!.. გარწმუნებ, არ დაგვზოგავენ. ერიდე, გირჩეე!

— სულ როგორ მოვერიდები არაფერია. გაუძღვებ როგორმე ამისთანა ოხრებსაც! — წამოვიძახე.

— შეგაძლებიოს! — სიცილით მითხრა ჩემმა მოსაუბრემ.

ორიოდე დღის შემდეგ შევხვდი ჩემზე გულნაწყენ ჟუკოვსკის. ვერ მოვითმინე და შევეკითხე:

— რა გეწყინათ იმ საღამოს ისეთი, რომ, როგორც, პოლკოვნიკი ივანიცკი ამბობს, თქვენ უსაზღვროდ აღელდით და მთელი ღამე აღელვებდით გამო არც თქვენ მოგისვენიათ და არც ის მოასვენეთ?

— არაფერი — მომიგო მან.

— აბა ივანიცკიმ რომ ბრძანებაში გამჭიმა, რალა იყო?

— ეგ არ ვიცი მე... ეს მან იცის გამეცინა.

— ეს მან იცის ჩემდა თავად კი გეტყვით, რომ იმედი მქონდა ჩემთან სხვანაირად იქნებოდა, ვიდრე იყავით. ხშირად ისე გამო-

ღიოდა, თითქოს ნაწილის უფროსი თქვენ იყავით და არა მე; ხან-
ღახან ოფიცირისათვის სასაყვედურო სიტყვა ვერ მიტყვამს, რომ
თქვენ არ გამოსარჩლებოდით ხოლმე და მფარველობა არ გაგეწოთ!

— კეთილი, მაგრამ ამით მე ხელს გიშლიდით ნაწილის მართვაში
და ოფიცრებთან კეთილი განწყობილების დამყარებაში, თუ გეხმა-
რებოდით? თქვენ რომ ბიკოვსკი ოფიცერთა საზოგადოების სასა-
მართლოს ქვეშ მოაქციეთ სულ უმნიშვნელო საქმის გამო და შემ-
დეგ მოსვენებას არ აძლევდით ახალგაზრდა ოფიცერს, გულს უჩა-
ვრავდით, არ უნდა ამომელო ხმა? როგორც თქვენს თანამემწეს,
არ უნდა მეთქვა თქვენთვის, რომ მეტს შურებით, რომ თქვენი მო-
პყრობით ყმაწვილს ხასიათს უფუჭებდით? ეს და სხვა ამგვარები
სასაყვედუროა?

— მე თვითონ გამაკვირვა ივანიცის ბრძანებამ! არ უნდა დაე-
წერა ისეთი ბრძანება... ეგ ნამეტანი ქნა!

— თქვენს დასაკმაყოფილებლად იყო — სიცილით ვუთხარი.
ივანიცე ამ ბრძანების შემდეგაც ისე იყო ჩემთან, თითქოს არა-
ფერი უსინდისობა ჩაედინოს. მე ვხედავდი რა ადამიანთან მქონდა
საქმე და განშორებით მეჭირა თავი, — სამსახური, სხვა არაფერი.
ის კი, როცა შემხვდებოდა, ისე მომექცეოდა, რომ გარეშე შემხე-
ღვარე იფიქრებდა, თითქოს ჩემი დიდი პატივისმცემელი ყოფილი-
ყო. მეტწილად ცდილობდა შევყოლოდი პოლიტიკურ ლაპარაკში.

— დავით სამსონიჩი გარწმუნებთ, პასუხისმგებელი სამინისტროა
საჭირო... ისიც კადეტებისაგან შემდგარი სხვაფერ ხსნა არ არის!
თქვენ როგორ ფიქრობთ?

ივანიცე და პასუხისმგებელი სამინისტრო, თუნდაც კადეტე-
ბისაგან შემდგარი ეს წმინდა წყლის პროვოკაცია იყო. წაუყურუე-
კრინტი არ დაეძარი.

— რატომ გაჩუმებულხართ? რატომ თქვენც არ იტყვიან თქვენს
ხარს? მიიღეთ მონაწილეობა ლაპარაკში!

— არაა საჭირო, — მივუგე. — აკი ლაპარაკობთ!

— როგორ არაა საჭირო? — არ მეშვება.

— იმიტომ რომ არ ვიცი რანაირად იქნება მიღებული ჩემი ნა-
თქვამი... როგორ გადაკეთდება იგი....

გაშტერდა და გაკვირვებით მომაშტერა თავისი ბრალა თვალე-
ბი. მიმიხვდა რასაც ვეუბნებოდი.

— გასაოცარი კაცი ხართ, უნდა გითხრათ! — წაილაპარაკა მან
ისე, რომ ეტყობოდა უხერხულად გრძნობდა თავს.

უფრო მეტი თავაზიანი შეიქნა ჩემთან, მაგრამ მეც არ ვყვებო-

დი საკენჯზე; კიშინიოვის პოგრომშიკი რას დამზოგაედა, რომ ხელთ ვეგდე!

წესი იყო ყოველ წლობით კომისიებს შეედგინათ ოფიცრების ატესტატები. კომისია დგებოდა ნაწილის უფროსებასა და გენერლებისაგან. დადგა ეს დღეც. კომისიაში მონაწილე მეც ვხდებოდი, როგორც ოფიცერთა საზოგადოების სასამართლოს თავმჯდომარე; მე უნდა მიმეცა ატესტაცია ჩვენი ნაწილის ოფიცრებისათვის; ჩემი ატესტაცია კი უნდა წარედგინა ნაწილის უფროსს.

დანიშნულ დღეს შეიკრება კომისია. მე და ჩვენი ნაწილის უფროსი ერთად მივედით; გზაში იგი ოხუნჯობდა, იცინოდა, დაცინოდა ზოგიერთ ჩვენს ოფიცრს; ჩემთან განსხვავებულ მგობრულ კილოზე ლაპარაკობდა. კომისიაში მე მივეცი საჭირო ატესტაცია, რასაკვირველია, არც ერთისათვის არა საზარალო და გამოვედი, რადგან ნაწილის უფროსს ჩემი ატესტაცია თავისუფლად წარედგინა.

კომისიის შემდეგ ივანიკი კიდევ უფრო თავაზიანი და ენატებილი შეიქნა ჩემთან. ვატყობდი მშვენივრად, რომ ეს გულწრფელი მოქცევა არ იყო; იმდენად ამის ეშმაკობა და ცუდლუტობა არ მაწუხებდა, რამდენადაც ის, რომ ავად გავხდი — მისუსტა ჩემმანერვებმა. ახლა მხოლოდ იმაზე ვფიქრობდი, როგორმე ჯანი შემენახა და ნერვების აშლა არ მომრეოდა.

ციხე-სიმაგრის უფროსად გადმოიყვანეს გენერალი ალფტანი — ფინლანდიელი ტომით, ახალგაზრდა გენერალი, კარიერისტი, რომელმაც პირველ მოსვლისთანავე გამოგვიცხადა, რომ ვინც რამეთი შეცოდა ცხრაას ხუთში, ყველამ აუცილებლად უნდა მოინანიოს თავისი შეცოდებაო. მას სწადდა სხვანაირი ელფერი მიეცა ციხე-სიმაგრისათვის, სხვანაირად აემუშაებინა იქ მდგარი ჯარი... სხვანაირი ვარჯიშობა, მეცადინეობა, ხშირი მანევრები... ერთ ამ მანევრებიდან შინ დაბრუნებულს სამართველოდან მომიტანეს კონვერტი. გავხსენი, წავიკითხე:

„პოლპოლკოვნიკუ კლდიაშვილი. ეგო სიატელსტეო გრაფ ვორონცოვ-დაშკოვ ნაშოლ სეოვერემენიმ ჩტობი ვი პოდალი ოტსტაკუ“.

კეთილი. მაღლობა ომერთს, რომ ამით ვრჩები... მეორე დღესე შევიტანიე სამსახურიდან გადადგომის განცხადება. ნაწილის უფროსმა აქაც არ მიატოვა თავისი თაღლითობა. შემიხმო თავის კაბინეტში და დიდი მწუხარებით მომმართა, რომ იგი მეტად შეწუხებულია ამგვარი მოწერალობით, რომ მას აოცებს სამსახურიდან დათხოვნა ისეთი თვალსაჩინო შტაბ-ოფიცრის, როგორიც ვითომც ვი-

ყავი მე, რომ ჩვენმა უფროსებმა არ იციანო სწორი დაფასება მოსამსახურის.

— თქვენი დათხოვნა! ეს ისეთი შეცდომაა, რომ პირდაპირ ვი-
რევი, ჩემს თავს არ ვუჭერებ!.. ვერასგზით ვერ გამიგია რა მიზე-
ზით, რა მიზეზით... ვერ გამიგია ვის უნდა ექნა ეს!.. ეჭვი კი მაქვს...
თქვენ ნამეტანს ენდობით პოლკოვნიკ მდივანს; მეტს რამეს ეტყო-
დით და იმანაც ისარგებლა თქვენი გულახდილობით... კი, ძალიან
ეჭვი მაქვს, რომ ეს მისი ნამოქმედარია!

გამეცინა. მდივანზე აქვს ეჭვი! ჩემს უზომო ქებაშია წუხს-
გადამეტებით ჩემს დათხოვნას! ამტყუნებს უფროსებს! ეს ყოველი-
ვე ისეთი ტლანქი საქციელი იყო, რომ ააშკარავებდა ამ ყოველად ზნე-
დაკარგული პიროვნების ცულლუტობას.

— უსათუოდ აქ მდივანი ურევია! — გაიმეორა მან.

— არა, მდივანი აქ არაფერ შუაშია!

— რა მინდობა იცით კაცის, დავით სამსონის! ეს გლუპავთ
თქვენი!

— მე ვიცი ვინც არის აქ მიზეზი!

— ვინ? მე ხომ არა? ეგებ ჩემზე გქონდეთ ეჭვი?

— მე არც კი მაინტერესებს ვინ რა მოიმოქმედა ჩემს წინააღმ-
დეგ! მე მაინტერესებს დღეს ჩემი ჭანმრთელობა, თორემ იმის სრუ-
ლიად არ მეშინია, რომ ამ სამსახურს ვტოვებ. მუშაობა ვიცი, არ
მეზარება და თავს კარგად გავიტან. მე კიდევ მოვისვენებ!

მის გუნებაში მატყუებდა. აშკარა იყო, რომ აქ მისი ნამოქმედა-
რი იყო და შემდეგში კიდევაც დანამდვილებით გავიგე ეს. მე
რომ საატესტაციო კომისიიდან გამოვედი, ამ ვაუბატონმა წარად-
გინა ჩემი ატესტაცია, ატესტაცია ძლიერ კარგი, როგორც მოსამსახუ-
რის. ამას ვერ გადაუხვევდა, რადგან მუდამ ასეთი ატესტაცია მქონ-
და, მაგრამ ქვეშ მიეწერა: „ნე მოგუ რუჩატსია ჩტო ეტოტ შტაბ-
ოფიცერ ვსლუჩაე ნაროდნოგო დვიჟენია ოსტანეტსია ვ ნაშიხ რია-
დახ“, ესე იგი პოლიტიკურად არასანდო პირად აღმნიშნა და მეც და-
მითხოვეს სამსახურიდან.

ამის წინათ შემოწმებული იყო ჩემი ჭანმრთელობა, ექიმებმა
იცენეს საჭიროდ ჩემი გაგზავნა წინაკავკასიის მინერალურ წყლებ-
ზე. ზაფხულზე ვიყავ წყლებზე — ეს უკანასკნელი წყალობა იყო
მთავრობისაგან ჩემზე მოღებული. აგვისტოს ჩამოვედი ბათუმში. ან
თვის დამლევს ჩვენი ნაწილის წლიური დღესასწაულს იყო; ჩვეუ-

ლებრივ დიდი წვეულება, დიდი ნადიმი, დიდი ქეიფი. გვარიანად შემთვრალეზულმა ნაწილის უთროსმა მიგდო ხელში.

— როგორ გუნებაზე ხარა? — მეკითხება ღიმილით.

— მშვენიერზე! — მიუხედავად.

— არ იქნებით მშვენიერ გუნებაზე, ტყუილია!

— გარწმუნებთ. მშვენიერ გუნებაზე ვარ! —

— მშვენიერ გუნებაზე მაშინ იქნებოდით, ჩემთვის რომ მოგე-
მართნათ და მდივნისათვის თავი დაგენებებინათ. მდივანმა ვერ გი-
შეველათ, მე კი გიშველიდით!

— თქვენთან მე არასოდეს არ მოვიდოდი შეველას სათხოვნე-
ლად!

— არ მოხვიდოდით? ვითომ რაო?

— რაო და თქვენისთანა პიროვნებას მე არაფრის გულისათვის
არ მივმართავ დახმარებისათვის!

— ხო, ხო, ხო, არ მიმართავდით?! კიდევაც გზა გიჩვენეს!

— გიხაროდით! მეც არ ვწუხვარ სრულიად!

— წუხართ, მარა მალავთ! წუხართ, როგორ არ წუხართი ვიცი
რომ წუხართ!

— გარწმუნებთ, რომ არაა მიხარია კიდევ, რომ თქვენისთანა
პიროვნებას ვშორდები, თქვენისთანა პიროვნებასთან აღარ შექნება
საქმე!

— ოჰო! თქვენ ძალიან სიტყვებს ისვრით! ფრთხილად იყა-
ვით! — წამოიძახა ივანიკი. ღვინისაგან გაწითლებული მისი გა-
დატყვეპერებული სახე უფრო წამოინთო და გადმოქაჩა თვალები.

— ფრთხილად იყავით!

— შეაშინეთ ვინც შეგიშინებიათ! ან რას გელაპარაკებით, ან და
თქვენ რაში გჭირდებათ ჩემთან ლაპარაკი — კარგს თქვენს შესახებ
ვერაფერს ვერ გაიგონებთ! ეს მგონი თქვენ უკვე იცით!

— კარგად მიცვნიხართ და იმიტომაც გაგაძევეთ! დიხს! გაგაძე-
ვეთ... ხა, ხა, ხა! — გაღიხარხარა ჩემმა მოსაუბრემ.

— იმასაც ვნახავ თქვენ როგორ გაათავებთ! — ეუთხარე და
გავშორდი.

მე თითქმის ვუწინასწარმეტყველე მას. რამდენიმე თვის შემდეგ
იგი გადაიყვანეს ყარსში, იქ გაება რალაცა საზიზლარ საქმეში, მგო-
ნი ფულის გაფლანგვაში, პასუხისგებაში იქნა მიცემული, სამსახუ-
რიდან დაითხოვეს და მალე სული გააცხო.

რამდენიმე თვის შემდეგ ბრძანებაც მოვიდა პეტერბურგიდან
ჩემი სამსახურიდან დათხოვნის შესახებ.

სამწუხარო ის იყო მხოლოდ, რომ ჩანმრთელობა ძლიერ შემერყა. შფოთში, შეუწელებელ აღლევაში გატარებულმა წლებმა თავისი ქნეს — მომტენეს, ავაღმყოფი გამხადეს. მივატოვე ბათუმი, სადაც ოცდაექვსი წელიწადი გავატარე და საცხოვრებლად გადავედი ქუთაისში, რომლის მახლობლად ჩემი სამშობლო სოფელია, სიმონეთი.

თავი მეთორმეტი

ქუთაისი. მეშობა ქალაქის თვითმართელობაში. — ქუთაისის სახალხო უნივერსიტეტი. — აკაკი წერეთლის იუბილე. — ვაჟა-ფშაველა იმერეთში. — გუბერნატორ სლოვაჩინსკის ერობა. — შიმშილი იმერეთის სოფლებში.

ქუთაისში გადმოსვლისას საქარო იყო იმ პენსიის გარდა, რომელიც მე დამენიშნა, მეშოვა კიდევ რაიმე სამსახური. ბედად, ქალაქის თვითმართელობაში გაიხსნა ადგილი. ჩემმა კეთილისმყოფელმა კოტე ბაქრაძემ გადასწყვიტა, სხვებთან ერთად, რომ ადგილზე მე ვყოფილიყავი მიწვეული. ქალაქისთავად ამ დროს იყო ქუთაისში ცნობილი ვეჭილი დავით ლორთქიფანიძე. მას თურმე ღიდად უქეს ჩემი თავი.

— ვინ დავით კლდიაშვილია? — ეკითხა ლორთქიფანიძეს.

— მწერალი! — მიეგო კოტე ბაქრაძეს.

— შეუძლია კი წერა? მე არ ვიცნობ, არც ვისმესგან გამიგონია! — ეთქვა ლორთქიფანიძეს.

კოტე ბაქრაძე გაცებით იტყოდა ხოლმე ამას და ახასიათებდა ჩვენს მოღვაწეებს, რომელთაც არა გაეგებოდათ რა ჩვენი ლიტერატურის შესახებ.

ჩემი დანიშვნა მეტად გახნელდა; ლორთქიფანიძე უარზე იყო, არ ვიცი ვინ არისო. კოტე ბაქრაძემ, რომელიც გამგეობის წევრი იყო, იშოვა დრო, როცა დავით ლორთქიფანიძე ავად გახდა და მის მაგიერ ბრძანება დააწერინა საქმის მწარმოებელს ჩემი დანიშვნის შესახებ. ლორთქიფანიძე დიდი მეგობარი და პატივისმცემელი იყო ბაქრაძისა და საყვედურის მეტი არა უთხრა რა. მეც შეერჩი ადგილზე ბაქრაძის ამგვარი მოქცევის გამო.

დაიწყო მოღუნებული ცხოვრება. თან ჩემი ავადმყოფობისაგან შეწუხებული. თან ახალი უჩვეულო სამსახურთან დაახლოება —

ამაში მიმღ, იწარებოდა ცხოვრება. როცა კარგად ვიყავი — თეატრ: და ხანდახან ლექციებზე სიარული.

ლექციები რუსულ ენაზე იკითხებოდა. ვადაგვარების გზაზე და- მდგარ ინტელიგენციას ვერ წარმოედგინა, თუ ქართულ ენაზე შესა- ძლებელი იქნებოდა ლექციების კითხვა.

საჯაროდ ქართულ ლაპარაკს ათასში ერთი თუ გაბედავდა. მრავალი ღრმად იყო დარწმუნებული, რომ ქართულ ენაზე სამეცნიერო შრომის დაწერა, ლექციების გადმოცემა და სიტყვის წარმოთქმაც შეუძლებელიაო. ჩვეულებად იყო ბოდნიშის მოხდა: — ქართული არ მენებრხება, ნება მიბოძეთ რუსულად ვილაპარაკო.

დღეს ეს ზღაპრად გვეჩვენება. ასე კი იყო; დღეს ზღაპრად გვეჩვენება, როცა ჩვენ გვაქვს მშვენიერი უნივერსიტეტი, სამაგალი- თო მეცნიერ-მუშაკებით სავსე; გუშინ კი გვეცინებოდა, როცა ივანე ჯავახიშვილი სიტყვას ჩამოგვიგდებდა ქართულ უნივერსიტეტზე; მისგან რომ უნივერსიტეტის გეგმა მუშაედებოდა, ფანტაზიად მიგვაჩნდა და თვით ჯავახიშვილს ფანტაზიორს ვეძახოდით. თავისი თავის არა გვჯეროდა, თავისი რწმენა გვეკარგებოდა. ნიკო ცხველადიძე რომ ახლანდელი სახელმწიფო უნივერსიტეტის შენობა დაიწყო, მრავალი მკილაევი გამოუჩნდა: — გიჟიაო, ამბობდნენ ნიკოლოზ ზებედეც-ძეზე, ხიფათს ვადაგვკიდებს, ფულს ტყუილად მიახარჯავს და ვილაყას ტყუილუბრალოდ ჩაუვარდება ხელში ამოდენა შენობაო. „ფანტაზიორი“, საქმის ფანტიკოსი კი გაჯიუტებით გაიძახო- და: მოვათავებთ, მოვათავებთ და უნივერსიტეტსაც მოვათავსებთ: შიგ! გამოგვადგებაო, ჩვენ გამოგვადგებაო! და აკი გამართლდა ფან- ტაზია... რწმენა ჰქონდა მას ქართველი ხალხის ცხოველყოფელო- ბისა; ამან შეაძლებინა დიდებული საქმე გაეკეთებინა. და მისი ოც- ნებაც განხორციელდა იმის შემდეგ, როცა რევოლუციამ გაიმარჯვა და შრომელი ხალხი სახელმწიფოს სათავეში ჩაუდგა.

მანსოვს მეორე ფანტიკოსმა იაკობ გოგებაშვილმა უურნალ „ივერიაში“ დაბეჭდა წერილი სათაურით — „რანი ვიყავით გუშინ“. წერილში აღწერილი იყო საქართველოს კულტურული სახე XVIII საუკუნეში. „ფანტაზიას ეძლევაო, ნამეტანს აპარბებსო, — ისმოდა მკითხველთა შორის. — მაგვარი რამ რომ გვქონებოდა, წარჩინე- ბული ხალხი ვიქნებოდითო; ვინ გვადირსა ჩვენ მაგვარი კულტურ- რაო...“ არ გვწამდა ჩვენი თავის, არ გვჯეროდა ჩვენი შემძლებლო- ბის. იაკობს კი ეს რწმენა ღრმად ჰქონდა გამჭლარი და ამიტომ შე- სძლო იმ დიადი მოღვაწეობის გაწევა, მან რომ გასწვია იანოვსკის, ზავადსკის, ლევიცკის და ამათ გვარის ხანაში.

ერთი ამ ფანტიკოსთაგანი, რასაკვირველია უფრო მცირე მას-

ქტებით ამათთან შედარებით, გეყავდა ქუთაისში სახალხო უნივერსიტეტის ინიციატორი, ქუთაისში ქართული გიმნაზიის მასწავლებელი ალექსანდრე გარსევანიშვილი. ქართული გიმნაზია თავის გამგედან — დაუფიწყარ იოსებ ოცხელიდან დაწყებული უკანასკნელ მასწავლებლამდე — შეგროვება იყო ერთგვარი ფანატიკოსებისა, ერთგვარი იდეით გატაცებულებით, რომელნიც განსხვავებული ვატაცებით მუშაობდნენ მომავალი თაობის აღსაზრდელად. ერთი ამთგანი იყო გარსევანიშვილიც. მან თავგადადებით განიზრახა ქუთაისში სახალხო უნივერსიტეტის დაარსება. ვინც გაითვალისწინებს ამ დროს, გაკვირვებას მიეცემა უნებლიეთ, თუ როგორ, რა შეუდრეკელი დაჟინებით უნდა ყოფილიყო გამსჭვალული ამის შემსრულებელი ადამიანი. მე დღესაც მიკვირს, როგორ გამოსტყუა გარსევანიშვილმა მთავრობას სახალხო უნივერსიტეტის გახსნის ნებაჩაუვა; როგორ შიოპოვა საშუალება ფართო მასასთან მისასვლელად! მთავრობა ალბათ ფიქრობდა — არაფერი გამოვაო და ნებასაც ამიტომ რთავდა. თუ ასე იყო, შეცდა ძალზე, მეტად. თავდაპირველად ჩვენ ძლიერ გვეჩქვებოდა ამ საქმის მოგვარება, მატერიალური საშუალება კიდეც მოიძებნებოდა უნივერსიტეტის მოწყობისათვის — ღიმილით, უნდო ღიმილით წვლილის გამოღებაზე უარს არავინ ამბობდა, — მაგრამ საქირო იყო ლექტორთა, ქართულ ენაზე ლექციათა ჯგუფის შედგენა. როგორც მოგახსენებდით, საზოგადოდ ეძნელებოდათ საჩაროდ ქართული ენით გამოსვლა, — სხვადასხვა საგნების კითხვა ხომ უარესი საძნელო გასაბედავი უნდა ყოფილიყო. ასედაც იყო, მაგრამ გარსევანიშვილმა არ მოუსვენა ლექტორებად განზრახულ მისაწვევ პირებს, აღანთო ისინი და... შესაძლებელი გახდა ქუთაისში გახსნილიყო სახალხო უნივერსიტეტი.

დიდებული დღე იყო ის კვირა, როცა ეს უნივერსიტეტი გაიხსნა ქალაქის თეატრში. ხალხი მოაწყდა უამრავი. ლექციებზე დასწრება ბილეთებით — შაური, ორი შაური და აბაზი. დარბაზმა ვერ დაიტია მოზღვავებული ხალხი. უმეტესობა. ნოქრობა, დაბალი მოსამსახურენი და მოხელეები იყვნენ. უნივერსიტეტის გამგეობის თავმჯდომარემ, ცნობილმა ვეჟილმა მოსე ქიქოძემ და მისმა მოადგილემ, საქმის ინიციატორმა ალექსანდრე გარსევანიშვილმა მხურვალედ მიულოცეს დასსწრე საზოგადოებას ასეთა დაწესებულების შექმნა. როგორიც სახალხო უნივერსიტეტი.

უნივერსიტეტის საქმე ძლიერ კარგად მოეწყო. შედგა ღონიერი ჯგუფი ლექტორთა. მშვენიერი ლექტორები გამოდგნენ, მშვენიერი ქართულით მოლაპარაკენი, ქართულის კარგად მცოდნენი. ლექციები იმართებოდა რეგულარულად ყოველ კვირას შუადღისას. ლექცი-

ების კითხვა თავდებოდა მუსიკალური განყოფილებით, რასაც მეტად კარგად აწყობდა გარსევანიშვილი, თვითონ მუსიკის მცოდნე და მუსიკოსი — ვიოლინოზე უკრავდა.

ამ სახალხო უნივერსიტეტმა დიდი სიმპათია მოიპოვა საზოგადოებაში, და რა თქმა უნდა, დიდი სასარგებლო რამ იყო, როგორც მასებში განვითარების შემტანი. აქ იკითხებოდა ლექციები პოლიტიკური ეკონომიიდან, კულტურის განვითარების ისტორიიდან, პიენენაზე, საზოგადო ლიტერატურიდან და ამგვარები. მან კარგა ხანს იარსება. მისი მუშაობა შეწყდა ომის დაწყებისას.

განსხვავებული ინიციატივის შქონე იყო აგრეთვე ჩვენი ძვირფასი ნიკო ნიკოლაძის და, ეკატერინე ნიკოლაძე. საყურადღებოა და არ დასაფიქსარი ის შრომა, რომელიც მას გაუწევია ქუთაისში კულტურული მუშაობის გასაშლელად. მე პირდაპირ მავიწყდებოდა ჩემი ავადმყოფობაც, მოღალაც, როცა პატივცემული კატო შეგვატყობინებდა, რომ განზრახულია ამა და ამ დროისათვის ბავშვთა დილაო და გვიწვევდა სამუშაოდ. რა სასიამოვნო სანახავს წარმოადგენდა სიცოცხლით სავსე ბავშვების თავშეყრილობა, მათი ყიჟინი, მზიარულება, ხალისიანობა! რა აღტაცებით ემზადებოდნენ მომავალი დღისათვის! ლექსების კითხვა, მუსიკა, წარმოდგენა საბავშვო პიესებისა — ეს ისეთნაირად იტაცებდა ბავშვებს, რომ დაღალვას არ გრძნობდი მათთან მუშაობაში, მათი გაწრთვნის დროს. უნდა ენახა ადამიანს რა ენერგიით მუშაობდა პატივცემული კატო ამ ბავშვების გასაწაფავად, რა სიყვარულით ეპყრობოდა ამ გიჟ ნორჩობას. მისი წახალისებული ქუთათური მანდილოსნები მხურვალე შემწეობას აძლევდნენ მას ამ მუშაობაში. მასთან იყენენ ყოველთვის მარიამ ვარდოსანიძე, მელანია გველესიანისა, ელენე ხელთუფლიშვილი, მარიამ ლორთქიფანიძისა და განსაკუთრებით ექიმ ჩარკვიანის მეუღლე, იადვიგა კონსტანტინეს ასული ჩარკვიანისა. ეს უკანასკნელი ხელმძღვანელობდა მუსიკალურ განყოფილებას და მერე რარიგად! ბავშვებიც და ჩვენც, მომწყობნი, აღტაცებაში მოვდიოდით მისი მაცურებელნი. იგი იყო ტოპით პოლონელი, მშვენიერ ქართულით მოლაპარაკე, მუსიკის დიდი მცოდნე და გამოცდილი მასწავლებელი. მისი აქ მუშაობა მძლავრად იტაცებდა ბავშვებს და კქონდა დიდი აღმზრდელობითი მნიშვნელობა. ასეთი დილა ყოველთვის ზედმიწევნით კარგად ტარდებოდა, მაგრამ ამათში განსხვავებული იყო დილა საბავშვო უურნალ „ჭეჭილის“ ოცდაათი წლის თავის არსებობის აღსანიშნავად. ეს იყო საუცხოო გრძნობით და ღრმა სიყვარულით მიგებება მოზარდი თაობისაგან მასზე მზრუნავ, მათ საკეთილო მომავლისათვის მომუშავე გამომცემლობისა და მი-

სი თანამშრომლების მიმართ. ანასტასია თუმანიშვილი-წერეთლისა: ამ დღეს ღირსეულად იქნა სიყვარულით დაჯილდოებული მისი ყურნალის ნორჩი მკითხველებისაგან.

ქართველობამ, დიდმა და პატარამ, იცის თავისი მოამაგის დაფასება, ყველასი თუ არა, ზოგიერთის მაინც. ასეთი რამ იყო ის დღეები, როცა ქართველობა დღესასწაულობდა თავისი საყვარელი აკაკის მოღვაწეობის ორმოცდაათი წლის შესრულებას. თბილისი საგანგებოდ მიეგება ამ დღეს დიდებულ მგოსანს; ახლა ქუთაისი შეუდგა მზადებას პოეტის დღესასწაულისათვის; ქუთაისი ებირებოდა განსხვავებულად მიგებებოდა თავის მოჭირნახულეს და ამიტომაც აღრიანად შეუდგა მზადებას. დღესასწაულის მომწყობი კომიტეტის თავმჯდომარედ ამორჩეული იქნა მოსე ქიქოძე; მის ამხანაგად, ჩემდა საბედნიეროდ, მე. კომიტეტში მონაწილეობას ლებულობდნენ მრავალი მანდილოსნები და მამაკაცები. ყველა გულით მონდომებული იყო, რომ დღესასწაული ბრწყინვალედ ჩატარებულიყო და ყოფილიყო ნამდვილი და სათანადო იმ სიყვარულისა, რომელსაც გულში ატარებდა დიდებული მგოსნისადმი ყოველი ქართველი; და ამის გამო დღესასწაულმაც ბრწყინვალედ ჩაიარა.

პირველად აკაკი ათას რეაას ფთხმოცში ენახე. ამ წელიწადს კიევში გავათავე გიმნაზია, არდადეგებზე სახლში ვიყავი და აგვისტოში ისევ ვბრუნდებოდი კიევში, რომ იქიდან წავსულიყავი მოსკოვში სამხედრო სასწავლებელში. რიონის სადგურზე ჩემი თავი ჩააბარეს ვინმე ანდრია კაპანაძეს, თბილისში მიმავალს. ეს ანდრია კაპანაძე იყო აკაკის დიდი პატივისმცემელი და მეგობარი, რომელიც აკაკისთან ერთად იმ დროს ეფათურებოდა აკაკის მიერ ჰიათურაში აღმოჩენილ შავიქვის მოწესრიგების საქმეს. კაპანაძე, საოცარი ტკბილი ადამიანი, გზაში უმეტეს წილად, აკაკის შესახებ ლაპარაკობდა; ეტყობოდა ნათლად, რომ მას აკაკი უსაზღვროდ უყვარდა. ამიტომაც იყო, რომ ხელს უმართავდა თავისი შეძლებით, თავისი ქონებით. ქუთაისში აკაკი უნდა ჩამოსულიყო საჩხერიდან. მაგრამ არ ჩამოსულა და კაპანაძე თბილისში გაბრუნდა. მე თავის სახლში მიმიყვანა, ალექსანდროვის ბაღის პირდაპირ (აქვე იყო მისი სახელოსნო. თერძი იყო). მეორე დღეს საღამოს აკაკიც ჩამოვიდა. მე გულისფანქვალთ შევეყურებდი მალალ, რაღაც განსხვავებული ტკბილი ხმით მოლაპარაკე ადამიანს. თვითონ კაპანაძე, მისი მეუღლე, მოსამსახურეც, ყველანი განსხვავებული პატივისცემით ეპყრობოდნენ მას. აკაკი მეტად ხალისიანად იყო და ხალისიანად ელაპარაკებოდა ყველას. ჩემს სიხარულს საზღვარი არ ჰქონდა მისი დანახვით; მე უკვე კარგად ვიცნობდი მის ლექსებს. სხვებთან ერთად მეც გამომელა-

პარაკა, მკითხა თუ სად ვსწავლობ, საით მივდივარ... მე ვუთხარი, რომ კიევში ვსწავლობდი და ახლა მოსკოვში მივდივარ სამხედრო სასწავლებელში.

— გარუსების დასათავებლად?! — მხიარული სიცილით მითხრა აკაკიმ.

— არა, მე არ გავრუსდები! — მივუგე.

— ვნახოთ... ვნახოთ! — ისევ სიცილით მითხრა მან.

შემდეგ აკაკის ხშირად ვხვდებოდი ბათუმში.

აკაკის დღესასწაულის მოწყობისათვის თავს როგორ დავიზოგავდი. მუშაობა მართლაც სამძიმო იყო, თავის გასართმევი. ყოველი დაწესებულება, ყოველი ჯგუფი მოწადინებული იყო შესაფერიხად გამოსულიყო დიდებული ადამიანის წინაშე და შესაფერიხად, შნოიანად გამოესახა თავისი ის პატივისცემა და სიყვარული საყვარელი მგონისადმი, რომელიც გულში უღვივოდათ. თითქმის ყოველ საღამოს იმართებოდა ამა თუ იმ ჯგუფის კრება გამოსარკვევად, თუ რა სახით უნდა მიეღო ამა თუ იმ ჯგუფს მონაწილეობა. აღმინისტრაციამ ხელი არ შეგვიშალა ამ კრებების ნებადართვაში; შევატყობინებდით მხოლოდ, რომ კრება იქნება ამა და ამ დღეს, ამა და ამ ადგილას. კრებები მუდამ სანტიერესო იყო: აქ გაისმოდა ერთგვარი სიტყვა, იხატებოდა ის გულწრფელი, ღრმა სიყვარული, რომელსაც ხალხი ატარებდა საყვარელი მგონის მიმართ თავის გულში. მახსოვს ნოქართა ერთი ჯგუფის კრებაზე რამდენიმე ნოქარი ცხარე საყვედურით გამოვიდა, რომ განზრახვა არისო საზეიმო ეტლში აკაკის ქალები ჩაუჭინონო; ჩვენ პროტესტს ვაცხადებთ ამგვარ სანახაობაზე და მგონის დამამცირებლად მიგვაჩნია ამგვარი რამ თანხლებათ. — ავუხსენით მათ, რომ ეს ქალები გამოსაჩვენ მუზებს და საჭირო შეიქნა იმის განმარტებაც, თუ რა არის მუზა. პროტესტანტებმა თქვეს, რომ ჩვენ არ ვიცოდით ამ მუზებზე არაფერიო, გვწადდა ჩვენი წარმოდგენა მგონის ზნეობაზე არ შელახულიყო!

სადღესასწაულოდ დანიშნული დღე ახლოვდებოდა. რამდენიმე დღით ადრე აკაკიც ჩამოვიდა ქუთაისში.

საოცარ სურათს წარმოადგენდა ქალაქის გამგეობის დიდი დარბაზი დღესასწაულის წინა საღამოს. იქ იყო დანიშნული ადგილი, სადაც უნდა გამოცხადებულიყვნენ მომლოცველნი. ვეება დარბაზი აივსო დელეგატებით; ვისგან არ იყო, საიდან არ იყო წარმომადგენელი ძლივს, როგორც იქნა. წესრიგი შევიტანეთ დელეგატთა სიის შედგენაში.

მეორე დღეს ის ქუჩები, რომლით უნდა გაეტარებინათ მგოსანი თეატრამდი, დილიდანვე გაქვდილი იყო ხალხით. თითქმის შუადღე იყო, როცა საგანგებოდ მორთული ეტლით აკაკი წამოიყვანეს სობოროსაკენ. ლანდო, მგოსნის წამოსაყვანად, თავაზიანად გუბერნატორმა გამოგვიგზავნა; მეეტლედ იყო ქუთაისში ცნობილი მეეტლე, ამხანად მოხუცი, მელია, ის მელია, რომელსაც მამია გურიელმა უთხრა ერთხელ: „შენ რომ ელი მელიაო, ძალზე შემომელიაო“. მოხუცმა მეეტლემ მტკიცედ გამოგვიცხანდა, რომ აკაკი დღეს მე უნდა ეატარო და რომ ამას ვერავეს დაეუთმობო. ერთიანად თეთრში გამოწყობილი, ეტლში თეთრი ცხენებით თეთრი მოწყობილობით, თავისი გრძელი, თეთრი წვერით — მელია და მისი ეტლი მშვენიერი სანახავი იყო. ეტლის საფეხურებზე იდგნენ ქალაქისთავი დავით ლორთქიფანიძე და საიუბილეო კომიტეტის თავმჯდომარე მოსე ქიქოძე. ქუჩების ნაპირები ხალხით იყო შემოსილი; ფანჯრები, აივნები, სახურავები სავსე იყო ხალხით. ხმაური, მისალმება, ვაშის ძიბილი, ყვავილების სროლა შეუწყვეტელი. აქ იყო მოტანილი გულწრფელი, ღრმა სიყვარული მოხუცი მგოსნისადმი. ამგვარივე გულწრფელი, უადრესი სიყვარულობით იყო გაჟღენთილი ყოველი სიტყვა, რომლით დელეგატები მიმართავდნენ საყვარელ მგოსანს. მრავალი მშვენივრად ნათქვამი სიტყვა იყო, მაგრამ ამათში რაღაც განსხვავებული რამ იყო, ბალდათელმა გლეხმა რომ მიმართა. მაღალი, განიერ მხარბეჭიანი, შუახნის, სასიამოვნო კილოზე მოლაპარაკემ აკაკის უთხრა:

— წიგნის უცოდინარი კაცი გახლავარ, ბატონო, მიწის მუშა. ბავშვები კი დამიდიან სასწავლებელში. სამუშევრიდან დაღლილი რომ ებრუნდები სახლში, ხანდახან ბავშვები იქვე წიგნს კითხულობენ ხოლმე ხმამალა; ხშირად კაი რაღაც მომესმება, გულს იამება და როცა მიკითხავს ბავშვებისათვის თუ რა წაიკითხეს ისე კარგი რომ იყო, პასუხად მიმიღია, — აკაკის ლექსიაო. ტკბილია ის თქვენი ნათქვამი, გულს ხვდება ძალიან; გლოცაუთ საწყალი ხალხი თქვენი კაი თქმისათვის და გისურვებთ ხანგრძლივ სიცოცხლეს, არც შემდეგ შეგძულებოდეს ჩვენისთანა საწყალი ხალხი!

ეს ისეთი მშვენებით თქვა ამ კაცმა, რომ აკაკი უცნაურად ააღელვა, თვალები ცრემლებით აუვსო; ადელეგებულმა მხურვალედ გადაეხვია და გადაკოცნა იგი.

მეორე დღეს მე და ივანე პურადაშვილმა ვინასულეთ აკაკი. იგი პეტლად კარგ გუნებაზე იყო და კიდევ კარგ გუნებაზე დადგა, როცა ვადავეციით თეატრიდან შემოსული ათასი მანეთი.

— გარწმუნებთ, აქედან ხვალ ჩემს ჭიბეში ბევრი აღარაფერი დარჩება! — თქვა მან. — ვალები უნდა გადავიხადო.

ქუთაისმა სათანადოდ სცა პატივი თავის ძვირფას მგოსანს.

რამდენიმე ხნის შემდეგ ქუთაისის საზოგადოებას შეძლება მიეცეს ისიამოვნებინა მეორე დიდებული მგოსნის პირადი გაცნობით და მისგან წარმოთქმული მისალმებით დამტკბარიყო. ეს იყო ვაჟა-ფშაველას პირველი სტუმრობა დასავლეთ საქართველოში.

დასავლეთ საქართველოში ერთ ხანად ძლიერ ნაკლებად იცნობდნენ ვაჟას. ერთხელ ბათუმში ექიმ გრიგოლ ელიაევს ოჯახში საგანგებოდ საღამო გავმართეთ, ვაჟა რომ გაგვეცნო საზოგადოებისათვის. წაკითხული იყო ვაჟას „გოგოთურ და აფშინა“. პოემამ ვერ მოახდინა დიდი შთაბეჭდილება. უმეტესობას ეუცხოვებოდა მისი ენა. რამდენიმე წლის შემდეგ ქუთაისის თეატრში აუარებელი ხალხის წინაშე წაკითხულ იქნა ლექცია ვაჟას შემოქმედების შესახებ და განსაკუთრებით „გველის მჭამელის“ შესახებ. ლექციამ დიდი შთაბეჭდილება მოახდინა მსმენელებზე. ბევრს უკვირდა და კითხულობდნენ — ხომ არ აზვიადებს ლექტორი ასეთ შემოქმედად რომ სახავს ვაჟასო? ამის შემდეგ ბ. კრი დაინტერესდა და შეუდგა ვაჟას პოეზიის გაცნობას.

დიდებული მგოსანი კი დაფლეთილი ჩოხით მიწას ხნავდა მთაში და თითო კაპიკს ღებულობდა თითო სტრიქონში — ამასაც არა ყოველთვის.

ქუთაისში ყოველ წლობით იმართებოდა საღამო ილია ჭავჭავაძის დაბადების დღეს. ერთხელ საღამოს გამმართველმა კომიტეტმა გადაწყვიტა, საღამოს მონაწილეთა შორის მოეწვია ვაჟაც და ამით საზოგადოებისათვის გაეცნო იგი. საკითხი დაისვა — რარიგად მოქცეულიყო კომიტეტი, რადგანაც ვაჟას რიგიანი ჩოხა-ახალუხი არ აქვსო და ჩამოფლეთილი როგორ დავანახოთ საზოგადოებასო. გადაწყდა ასი მანეთი გაგზავნოდა ვაჟას, რომ შეეკერა ახალი ჩოხა-ახალუხი და ესე ჩამოსულიყო.

დანიშნულ დღეს ვაჟა ეწვია ქუთაისს და გამოწყობილი მივიდა პეტრე ყიფიანთან.

— ძალიან გამოჩინტულხარ ვაჟას ჭირიმე! ახლა კი ვაჩვენებთ შენს თავს ქუთაისს! — მისებური ხარხარით შესვდა პეტრე ყიფიანი ვაჟას. ვაჟა კი ოღნავ იღიმებოდა.

საღამოზე სული ამოართვეს პოეტს იმდენი ლექსი ათქმევინეს. ვაჟაც თავზიანად ლექსს ლექსზე ამბობდა და აღტაცებაში ჰოჰყავდა ხალხით გატენილი თეატრის დარბაზი. საღამოს შემდეგ გაამარ-

თა ვაჟას საპატივსაცემო ბანკეტი, რომელსაც აუარებელი ხალხი დაესწრო. ყველა ქება-დიდებას ასხამდა ვაჟას, მაგრამ ვერასწავით ვერ ააღლევს იგი. მადლობას უძღენიდა მის მადიდებელთ და იყო ისე თავდაპყრილი, ყუჩი, განდიდებას აშორებული ვაჟა, რაც მას ამშვენებდა და საყვარელ ადამიანად ხდიდა.

მეორე დღეს მრავალრიცხოვანმა საზოგადოებამ ვაჟას ქუთაისში ყოფნის სამახსოვროდ გადაიღო სურათი. საღამოს მივაცილეთ სადგურამდი და გავისტუმრეთ თბილისში. სადგურისაკენ მიმავალმა, სხვათა შორის, მითხრა:

— ახირებული ადამიანია ეს ჩვენი აკაკი! დამიწერა „ენას გიწუნებ, ფშაველო“. კაცო, მე ამ ჩემი ენით მომწონს თავი, თორენ სხვა რა არის ჩემს ლექსებში და პოემებში თუ ენაც დასაწუნია. მაშ აღარაფერი ყოფილა და ბარემც ასე თქვი პირდაპირ და ის იქნება! უცნაური კბენა იცის ხოლმე! — ამას საოცარი გულისტკივილით ამბობდა დიდებული ვაჟა.

საოცარი იყო ეს ადამიანი: იმდენი ქება-დიდება, მოწონება ესმოდა, მაგრამ იგი ისევ უბრალო, თავდაბალი ვაჟა იყო; საყვარელი ვაჟა, გაჭირვებაში მყოფი, ვაჟაკურად მებრძოლი ამ გაჭირვებასთან, რომელშიაც კიდევაც დალია თავისი კურთხეული სული.



ამ ხანებში ქუთაისის გუბერნატორად იყო გენერალი სლოვოჩინსკი, ტომით პოლონელი, რუსეთის თვითმპყრობელობის თავდადებული მოსამსახურე, პიროვნება, რომელსაც მხოლოდ თავისი თავი ახსოვდა, უაღრესად კარიერისტი: ვერაფერი საქები სახელი ჰქონდა დამსახურებული ერეკნის გუბერნიაში ყოფნის დროს, სადაც სდევნიდა სომხებს; ვერაფერი სახელი ჰქონდა დამსახურებული ბათუმის ოლქის მმართველად ყოფნის დროს. როცა სასტიკად ეპყრობოდა მუსულმან ქართველებს; ამით იზოგა მან გუბერნატორობა და გენერლობაც. ქუთაისის გუბერნატორობის დროს იგი უფრო ეშმაკურად იქცეოდა. აქ უფრო თავაზიანი იყო ვითომ, რასაკვირველია, გარეგნულად. მეცადინი იყო კარგ განწყობილებაში ყოფილიყო აქაურ ინტელინგეციასთან, მოწადინებული იყო, ვითომ მასთან ერთად ემუშავნა გუბერნიის საკეთილდღეოდ. რასაკვირველია, ეს თქლითობა იყო -- ყველამ ეს კარგად იცოდა. ერთი ამ თაღლითობათა რიგიდან შესანიშნავი იყო მისი განზრახვა: ერობის შემოსაღებად საკითხის აღჭვრა. დიდი რიხით შეუდგა გუბერნიის სამმართველო ყრილობის მოწყობას, რათა ერობის შემოღების საკითხი სავსებით ამოწურული ყოფილიყო და მჭიდრო ნიადაგზე და-

ყენებული, რომ უმაღლეს მთავრობას უქველად მიეღო და დაემტკიცებინა გუბერნატორის შუამდგომლობა-წარდგენა. გუბერნიის სამმართველოს დარბაზი ძლივს იტევდა სათათბიროდ მოწვეულთ; პრავლად იყვნენ მოწვეული მაზრებიდან ადგილობრივი მცხოვრებნი. არ ვიცი რა მოსაზრებებით, სხვებთა შორის მეც ვიყავი მიწვეული; სლოვოჩინსკის თვითონ ეთქვა, რომ მეც ვყოფილიყავი მიწვეული; იგი მიცნობდა კარგად ბათუმიდან. გაკვირვებული ვიყავი ამ მიწვევით, მაგრამ ძლიერ გამეხარდა, რადგან შემთხვევა მეძლეოდა ახლო დამენახა ყრილობა და მომესმინა იქ ნალაპარაკები.

როგორც ვთქვი, გუბერნიის დარბაზი ძლივს იტევდა ყველა მოწვეულთ, რომელნიც უსხდნენ გრძელ მაგიდას, რომელზედაც ეწყო ქალაქი და თანქრები. კრება გახსნა თვითონ სლოვოჩინსკიმ მოკლე სიტყვით, რომელშიც იგი იმედს გამოთქვამდა, რომ ეს მუშაობა უნაყოფოდ არ ჩაივლიდა, რომ იგი ამისათვის მიიღებდა ყოველნაირ საშუალებას უმაღლეს მთავრობასთან. კრებები იმართებოდა ყოველ საღამოს ერთი კვირის განმავლობაში. თავმჯდომარეობდა ყოველთვის თვითონ სლოვოჩინსკი. წარმოთქმული იყო მრავალი სიტყვა ერობის შემოღების საჭიროების შესახებ; დასურათებული იყო გუბერნიის მდგომარეობა, სოფლის უმწეო მდგომარეობა და ამგვარები. განსაკუთრებული ყურადღება მიიქცია ზუგდიდის მაზრის უფროსის, კაპიტან ლავროვის მოხსენებამ. ეს ლავროვი წინათ, რუსეთში ყოფნის დროს, მუშაობდა თურქე ერობაში და საერობო საქმეებს კარგად გაეცნობილი იყო. ჩვენები გულით არ ეკიდებოდნენ მაინცდამაინც ამ ყრილობას, რადგან თითქმის არავინ სწამდა, რომ რაიმე ხეირი გამოყოლოდა, რაიმე იოტის ოდენა ცვლილება შეეტანა ცხოვრებაში. ყველას ეს მოსატყუებელ რამედ მიაჩნდა და ბოლოს ეს მართალიც გამოდგა. გათავდა ყრილობა და მოკლე ხნის შემდეგ სრულ დავიწყებამს მიეცა ქუთაისის გუბერნატორის განზრახვა ერობის შემოღების შესახებ.

ეს იყო მხოლოდ მორიგი მოტყუება დასანახავად, რომ ჩვენზე ფიქრობენ, ჩვენთვის ზრუნავენ და სწადიათ საზოგადოების სურვილის გაგონება და დაკმაყოფილება.

თუ ერობის შემოღებამ ჩაილულას წყალი დალია, სამაგიეროდ სლოვოჩინსკიმ დააკმაყოფილა საზოგადოება იმითი, რომ არ გადაეღობა, ხელი არ შეუშალა ქუთაისში ქართული გაზეთის გამოსვლას.

რაც ერთ დროს ცნობილი, ქუთაისში გამოძვალა „შრომა“ დაიხურა, მას შემდეგ ქუთაისის არ ღირსებია თავისი გაზეთი. „შრომა“ ქალაქი იყო ხრიკიანი გზით მოსპობილი: გააუქმეს მისი ცენზურა ქუთაისში; გაზეთი უნდა გატარებულიყო უსათუოდ თბილისის ცენ-

ზურაში. თბილისელი ცენზურისაგან ამოშლილი ადგილების შევსება ყოვლად მოუხერხებელი ხდებოდა; გაზეთი წესიერად ვეღარ გამოდიოდა; ხან დაგვიანებით, ხან ნაკუწ-ნაკუწად; გაზეთის გამოცემა ყოვლად აუტანელ მძიმე პირობებში მოექცა, რის გამო იძულებული იყვნენ სრულიად შეეჩერებინათ იგი. „მთავრობას იგი არ აუკრძალავს, არ მოუსპია; იგი თავისი ნებით შეჩერდა“ — მთავრობას უმანკოდ გამოჰყავდა თავი. ამის შემდეგ ქუთაისს ქართული გაზეთი არ ღირსებია, როგორც ვთქვი. ახლა კი მიეცა ხსნა. ქუთაისის ინტელიგენციის ერთმა წევრმა მოიპოვა საღსარი და შეუდგა გაზეთის გამოცემას. გაზეთს ერქვა „კოლხიდა“. გაზეთმა მრავალი თანამშრომელი შეიძინა. ბევრი გამოცდილი ლიტერატორი და ამის გამო მრავალი მკითხველიც. გაზეთს საკმაო გავრცელება ჰქონდა და კარგა ხანსაც იარსება.

ქალაქის გამგეობაში სამი წლის სამსახურის შემდეგ გადავედი შავიქვის მრეწველთა საბჭოში. აქაური მუშაობა სრულიად სხვა ხასიათისა იყო. ვიყავი საქმის მწარმოებლად — ჩაფლული ძველ და ახალ ქალაქებში. მაგრამ ამას არად ვაგდებდი. საბჭოში ყოფნა უკვე იმითი იყო კარგი, რომ საბჭოს შემადგენლობა იყო პირველხარისხოვანი ჩვენი საზოგადო მოღვაწეებისაგან. თავმჯდომარედ იყო გიორგი ზდანოვიჩი, მისი მოადგილე — კიტა აბაშიძე. ზდანოვიჩის ავტორიტეტი აქ უსაზღვრო იყო. ყველანი ღრმა პატივისცემით იყვნენ გამსჭვალულნი მისდამი. მან ეს კარგად იცოდა, მაგრამ თავდაპირილი იყო და ყველას სადად და სრული კეთილი განწყობილებით ეპყრობოდა. მას უკიდურესად უყვარდა ის საქმე, რომლის სათავეში იდგა და გატაცებით მუშაობდა. ოცნებობდა ჭიათურა გადაექცია სამაგალითო საჩვენებელ პუნქტად, როგორც სამრეწველო ადგილი და როგორც მომავალი ქალაქი. მისი მუყაითობით იმ მოგებინს თანხიდან, რომელიც საბჭოს ჰქონდა, მოწყობილი იყო სასწავლებლები, მშვენიერი საავადმყოფო, საფერშლო პუნქტები; ოცდახუთი ათასი მანეთი ყოველწლიურად გადადებულ იყო მოსწავლეთა სტიპენდიებისათვის; დიდძალი ფული იხარჯებოდა გზების კეთებაზე, წყალსადენისათვის და ელექტრონით დაბის განათებისათვის. აქ შემოღებული იყო მუშათა დამზღვევი საღარო: საღაროს პირობების გასაცნობად დაიბეჭდა ცალკე წიგნაკი მუშებს შორის დასარიგებლად. მე მხვდებოდა ჭიათურაში ხანდახან სიარული საბჭოს მდივნის მაგიერ და მქონია შემთხვევა ახლო მენახა ზდანოვიჩის მუშაობა ჭიათურაში. მშვენიერი სანახავი იყო იგი მუშების წარმომადგენელთა შორის, მისი მუსაიფი მათთან, მუსაიფი გულწრფელი მათთვის მზრუნველი ადამიანისა. თავდაპირილი, მშვიდობი-

ანი. რისხვა იყო, როცა ააღელვებდნენ; ამ დროს იგი ნამდვილი მკვევრმეტყველი იყო, ენამახვილი, შეუბრალებელი, შემმუსკრელი, ამაღელვებელი. საერთოდ კი დინჯი, აუჩქარებელი, გამჭირიანი გონების პატრონი, დიდად განვითარებული. ფიცხი იყო, მაგრამ მის კეთილ გულს რომ იცნობდნენ საბჭოს თანამშრომელი, ამ სიტუაციის დროს ჩადენილ გადამეტებას არად თვლიდნენ, მით უფრო, რომ დაწყნარებული იგი თვითონ ესწრაფოდა ჩადენილი შეცდომის გამოსწორებას. იგი სიყვარულით იყო შემოსილი იმ წრეში, რომელშიც მოხვდებოდა. მიშო ყიფიანმა მითხრა, რომ ციმბირში ყოფნის დროს ჩვენ და პოლონელ ციმბირელებს ჩხუბი მოგვდიოდა იმის შესახებ, თუ ვის ეკუთვნის ზღანოვიჩიო: პოლონელები თავგამოდებით აცხადებდნენ, რომ ზღანოვიჩი მათია, პოლონელი; ჩვენ ქართველები, გაცხარებით ვედავებოდით, რომ ზღანოვიჩი ჩვენია, ქართველია, ქართველი დედის შვილიო. ცოცხალი ბუნების პატრონი. იგი სტუდენტობის დროს მკიდროდ იყო ჩაბმული მოძრაობაში, თავგამეტებული მუშაკი იყო მთავრობის მოწინააღმდეგე წრეებში. როცა იგი დაიჭირეს ამ მუშაობისათვის, დაამწყვდიეს პეტროპავლოვკაში, დედამისი მივიდა პეტერბურგში და მოიწადინა მისი განთავისუფლება. ზღანოვიჩმა დედამისს, რომელიც ღრმად უყვარდა, გამოუცხადა, რომ სამიღღემჩიოდ დამკარგავო თუ შენ ვისმეს სთხოვ ჩემს განთავისუფლებას და ჩამომამოკრებ ჩემს ამხანაგებსო. გულდამწყურებული დედა იძულებული იყო დამორჩილებოდა მტკიცე განცხადებას და გულდამწვარი გამობრუნებულყო სახლში. რუსეთის მოწინავე წრეში დიდი სახელი და პატივისცემა ჰქონდა მას შექმნილი. ცხრაას სამში, პეტერბურგში, ბასეინის ქუჩაზე საიდუმლო კრება იყო პოლენოვის ბინაზე, და როგორც ზემოთ აღვნიშნე, ლუარსაბ ანდრონიკაშვილი მოხსენებას აკეთებდა ბათუმის მუშების გასამართლების შესახებ, რომელთაც ცხრაას ორში მოუხდათ ჯართან სისხლიანი შეტაკება; მოხსენებას დაესწრნენ მოწინავე ლიტერატორები, ვეკილობა, ყურნალისტები, საზოგადო მოღვაწეები. იმ დროს ზღანოვიჩი პეტერბურგში იყო ახალი ჩამოსული. კრებაზე იგი მოგვიანებით მოვიდა. თვალწინ მიდგას ის რომ შემოიყვანეს დარბაზში და მოათავსეს იქ, სადაც უწარჩინებულესნი ისხდნენ.

მის კაბინეტში ვის არ ნახავდით მოსალაპარაკებლად მოსულს! სხვათა შორის, მახსოვს, ქუთაისში მას ესტუმრა სათათბიროს წევრი ცნობილი დეპუტატი შინგარიოვი, რომელიც კრავივით დაყვებოდა ზღანოვიჩს და ეცნობოდა აქაურობას. მახსოვს მის კაბინეტში მოუსვენრად რომ მიდი-მოდიოდა კერენსკი. სხვათა შორის, კერენ-

კისთან ლაპარაკი გაიმართა საქართველოს რუსეთთან დამოკიდებულების შესახებ; კერენსკიმ ისეთნაირი განწყობილება გამოააშკარავა საქართველოსადმი, რომ ზღანოვიჩს გული მოუვიდა და მკაცრად უთხრა კერენსკის:

— ალექსანდრ ფეოდოროვიჩ, თუ თქვენ ამგვარი შეხედულებებისა ხართ საქართველოზე, უმჯობესი იყო აქ ფეხი არ დაგედგათ!

კერენსკიმ ჩაღუნა თავი, ააპარპალა თავისი ბეცი თვალების ქუთუთოთები და ბოდიშის მაგვარი სიტყვებით ალაპარაკდა.

ღვეი კაცი მოკლე ხანში წააქცია ავადმყოფობამ. გულის გაგანიერებას დაერთო ტვინის ნერვების დაავადება, მოეშალა ლაპარაკის უნარი. 1917-ში თვითმპყრობელობის დათრგუნვის მეორე დღეს, აუარებელი ხალხისაგან შემდგარი პროცესია მიადგა მის სახლს მისალოცავად; მას გააგებინეს რაც მოხდა. ფანჯარასთან მომდგარი ავადმყოფი აღელდა, თვალები აევისო ცრემლებით და გული წაუვიდა. ჩამდენიმე ხნის შემდეგ კიდევ გამოეთხოვა წუთისოფელს.

ამგვარივე დაუვიწყარი და შესანიშნავი პიროვნება იყო კიტა აბაშიძე. ძვირად მინახავს ისეთი სულით მაღალი, ნაზი გრძნობით აღვსილი, ადამიანის მოყვარული, თავდადებული მუშაკი საზოგადო ასპარეზზე. როგორიც იყო კიტა. განსხვავებული გულწრფელი ყოველ თავის სიტყვაში; თავის მოქმედებაში. ახლოს უნდა მისულიყავით მასთან. რომ გაგეგოთ და გაგეცნოთ მისი განსხვავებული ბუნება, მისი ღრმა, ნაზი გრძნობიერება.

იშვიათი გულწრფელი. ღრმა გრძნობის მქონე ადამიანი იყო, იგი. ამასთანავე თავდაბალი.

— კიტა, რა კარგი იყავი, სიტყვას რომ ამბობდი! — ვეტყოდით სოლმე. იგი, სიამოვნების ღიმილით სახეზე, გვიბასუხებდა: — მათამამებო, მასულელებო! რა საქებარია!.. ძლივს მოვუყარე თავი ორიოდ სიტყვას!

კიტა მეტად ლამაზი იყო მის მიერ წარმოთქმულ სიტყვაში, რომელით მან მიმართა მრავლად შეკრებილ საზოგადოებას კაფე „სამოთხეში“, როცა პირველად აქ გამოვიდნენ დემონსტრაციით ახალგაზრდა დამწყები პოეტები. ბევრს არ მოეწონა ახალგაზრდობის მედიდური დეკლარაცია, ლექსები მათ მიერ წაკითხული. შეიქნა კამათი, შემდეგ ცხარე დაობა და ბოლოს თავშეუყავებელი მიმართვა ზოგიერთ დამსწრეთაგან. ამ აღელვებულ საზოგადოებაში საოცარი ლამაზი იყო კიტას მიერ ნათქვამი სიტყვა, მის მიერ სიმპათიის გამოსახვა ახალი ძალებისადმი. მან დაამშვიდა აღელვებული შეკრებილობა და საყურადღებოდ გახადა ამ ახალგაზრდათა მი-

სწრაფება და სურვილი. მას ღრმად ახარებდა ახალი ძალების გამოჩენა, გამოსვლა და ამუშავება.

დაუღალავი მუშა, იგი თავის თავზე იმდენს არ ფიქრობდა, რამდენსაც საზოგადო საქმეზე. თავის დაზოგვა მუშაობაში მისთვის უცნობი რამ იყო, სრულიად არ ეგუებოდა მის ბუნებას.

ამ თავდაუზოგველობამ, შეუწყვეტელმა მუშაობამ, თავისი ქნა — უდროოდ მოუსპო სიცოცხლის დღენი ჯერ კიდევ ახალგაზრდას, ენერგიით სავსეს, ცოდნით აღჭურვილ თვალსაჩინო მოღვაწეს.



ცხრაას თორმეტში ქუთაისის მაზრის ზემო მხარეში საშინელი შიმშილობა განიცადა ხალხმა. ასეთი გამწარება ხალხისა ჯერ არასოდეს არ მენახა. მოუსავლობით გაჭირვებაში ჩაეარდნილი ხალხი დარბოდა-დაწრიალობდა ტომრით ილიის ქვეშ, რომ ეგებ სადმე სიმინდის მარცვალი ეშოვა. წარმოუდგენელი საცოდაობა ტრიალებდა.

ერთ დილას ჩემი ბინის კარებთან აუარებელი ხალხი მოზღვავდა ტომრებით.

— გვიშველე, ბატონო, გვიშველე ღვთის გულისათვის — გამწარებით შემომძახეს, როცა მათთან გავედი. — ვიხოცებით! — ესენი სულ ჩენი სოფლელები იყვნენ. მათმა საცოდაობამ გული ამიდულა. წინადადება მივეცი ამოეჩრჩიათ რამდენიმე კაცი, რომელთაც მე წავიყვანდი მაზრის უფროსთან, რომ მას ეზრუნა ამათთვის დაარსებულ დამშეულთა დამხმარე კომიტეტში. წავედით მაზრის უფროსთან სამაზრო სამმართველოში; დანარჩენებმა ვერ მოითმინეს და უკან გამოგვეყვნენ.

მაზრის უფროსს ეწყინა ჩენი მისვლა-მიმართვა, და დაინახა რა მრავალრიცხოვანი ხალხი, უკმაყოფილოდ მითხრა:

— რას მომასიეთ ეს ხალხი! რას გამოელიან?!

მეწყინა ასეთი უგულოდ მიღება, ასეთი გულცივობა ამ გაჭირვებულ ხალხისადმი და გაჩაგრებით მიეუგე:

— როგორ თუ მოგასიეთ! ამათ ჯერ სამათხოვროთ არ უვლიათ. მათხოვრობას ჩვეული არ არიან, მაგრამ დღევანდელმა გამწარებამ ტომრები ამოაღლია ვებიანათ. თუ თქვენ არ გინდათ დაინახოთ და მიეშველოთ მათ, რაც თქვენს მოვალეობას შეადგენს, აღარ შეგაწუხებთ და მივიქცევით სხვაგან.

— რა გნებავთ ჩემგან? — სულ სხვა კილოთი მომმართა მან ამის შემდეგ.

— მიეშველოთ ამ გაქვარებაში მყოფ ხალხს! — სიტყვამოკრით მივუხვე.

— მობრძანდით! — და თავის კაბინეტში შემეყვანა. სულ მოკლე ხანში მოეწყო საქმე: წინადადება მიეცა ერთ მომრიგებელ მოსამართლეს გამგზავრებულიყო ჩვენს სოფელში, შეედგინა დაწვეულთა სია და საჩქაროდ წარმოედგინა იგი, რომ დროზე მიწვდენოდა სოფელს საჭირო სურსათი. რომ მომრიგებელ შუამავალს არ გადაედო წასვლა სოფელში, მე გავსწიე მასთან. სოფლიდან ჩამოსული ხალხი უკან დამედევნა. შუამავალი კიდევ შიშში ჩავაგდეთ ჩვენს დანახვაზე. თავახიანი კაცი აღმოჩნდა. მეორე დღეს დილით სოფლისკენ გავეშურეთ. აწერილობით საჭირო იყო სულ უკანასკნელი თვრამეტი ათასი ფუთი სიმინდი შეტანილიყო სოფელში. დამშვეულთა დამხმარე კომიტეტმა წინადადება მოგვცა რამდენიმედ შეგვემცილებინა ეს რაოდენობა; ხელმეორედ მოგვიხდა სოფელში წასვლა. დაეყენეთ თოთხმეტ ათას ფუთამდე, რაც საგუბერნიო სამართველოს მრჩევლის კოტე გოცირიძის შემწეობით ორი კვირის შემდეგ მიეცა სოფელს.

პეტერბურგიდან დამშვეულთა შესაწევად მოვიდა ათი ათასი მანეთი, რითაც ნაყიდი იყო სენაკის მაზრაში დიდძალი პარტია სიმინდისა. რიგდებოდა იგი ქუთაისში. საზარელი სურათი იშლებოდა თბილისის ქუჩაზე, სადაც მოწყობილი იყო დამრიგებელი პუნქტი. ქუჩა გაქედილი იყო სოფლიდან ჩამოსული ხალხით; დედაკაცები, მამაკაცები, ყველა ესენი დაღონებული, დაღვრემილი სახის გამოშეტყველებით იდგნენ, ისხდნენ, მწარედ შესჩიოდნენ ერთმანეთს თავიანთ მწარე მდგომარეობას; ხშირი იყო ტირილი, თითო პეშვი სიმინდი დიდ რამედ მიაჩნდათ. მახსოვს, ერთხელ, როცა სიმინდის პარტია გამოილია, გამოუცხადეს მომდგარ ხალხს, რომ სიმინდი დღეს აღარ იქნებაო. იატაკზე მხოლოდ მტვერი ეყარა; ხალხი ვერ შეეაჭვრეთ; იძულებული ვიყავით კარები გაგვეღო და საწყობში შეგვეშვა ხალხი. შემოხეთქილი ხალხი ეცა ამ მტვერს, ათრთოლებული ხელებით ხვეტდა ამ მტვერს, რადგან მასში იქა-აქ მოინახებოდა სიმინდის მარცვალი და გაფაციცებით ყრიდა ტომარაში; შეიქნა ყვირილი, შეცილება, ჰიდილი — ისე ასწმინდეს იატაკი, თითქოს ცოცხით გაეხვეტათ. ისმოდა საზარელი ტირილი დედაკაცებისა, რომელნიც ხელცარიელნი უნდა გაბრუნებულიყვნენ უკან სახლში.

ეს იყო საზარელი დღეები, უკიდურესი გაჭირვების დღეები, თითქოს დასაწყისი იმ ზედმეტი გამწარებისა, რომელიც ელოდებოდა წლინახევრის შემდეგ საშინელი ომის სახით.

თ ა ვ ი მ ი ც ა მ ი ტ ე

მსოფლიო ომი. ჭარში გაწვევა. — აკაეთს სიკვდილი. ბაასი ვაგონში. — ოსმალეთის ფრონტზე. ლახისტანის განადგურებული სოფლები. — გენერალი „მილერ-ზაჩაროვსკი“ დიდ გულადობას იჩენს. — პირობითი ლაზები. — „ჭერ ეს კლდეები მოასწორეთ!“ — თებერლის რევოლუცია.

ცხრაას თოთხმეტი წელი მეტად აღელვებით მიმდინარეობდა; ყველა რალაც უბედურების მოლოდინში იყო და უბედურებით დათავდა კიდევ. სარაევოში ავსტრიის კრონ-პრინცის ფერდინანდის და მისი მეუღლის მოკვლის შემდეგ დიდი ხანი არ გასულა, რომ იფეთქა საერთო ომმა. საომრად ხვეტავდნენ ყველას—ჭარისკაცებს ორმოცდასამ წლამდი, ოფიცრობას—ორმოცდათოთხმეტ წლამდის. მეც, როგორც არა ორმოცდათოთხმეტი წლისას, მხვდა სამსახურის განახლება. ის იყო მძივე ავადმყოფობა გამოვლიარე, ისე რომ ჩემი ზეზე ადგომის იმედი ეჭიმებოდა დაკარგული კქონდათ. გამოვედი საავადმყოფოდან თუ არა, მესამე დღეს უწყება მომივიდა სამსახურში გამოცხადებულიყავ. ვინიშნებოდი სათადარიგოთა დრუჟინის უფროსად, რომელიც უნდა შეკრებილიყო ახალ სენაკში. ახალმა ნაავადმყოფოებმა გაესწიე დანიშნულ ადგილისკენ. რამდენიმე დღის შემდეგ იწყეს მოსვლა საომრად გამოწვეულებმა. ჩემი დრუჟინა სდგებოდა ნახევრად ქართველებისაგან (სენაკის, ზუგდიდის მაზრებისა, სამურზაყანოს და სოხუმის ოლქისა) ნახევრად რუსებისაგან — ყუბანის ოლქიდან. დღითი დღე დრუჟინა იზრდებოდა: მოდიოდნენ ჭარისკაცები, მათი ჩასაცმელ-დასახურავი, საომარი მოწყობილობა, საზიდები, ცხენები. მუშაობა გაუთავებელი. ოფიცერთა შემადგენლობიდან მხოლოდ ოთხი გამოცხადდა. თბილისიდან კი მუდამდღე ახალი ბრძანებები, სასტიკი დასჯით მუქარის, თუ დაუყოვნებლივ შესრულებული არ იქნება ბრძანება სათანადოდ და საჩქაროდ. ერთი ამგვარი დეპეშის მიღების შემდეგ ვრცელი საბასუხო დეპეშა გაუფგზავნე გენერალ მიშლაევსკის, დეპეშა, რომლითაც ვაცნობებდი საშინელ გაჭირვებას დრუჟინის მოწყობის საქმეში, ვაცნობებდი. ყოველ დაბრკოლებას დრუჟინის საქმეში, რაც მხვდებოდა საქმის წესიერად წასაყვანად. სამხედრო უფროსებმა, რომელთაც გავაცანი ჩემი დეპეშა, მითხრეს, რომ მე პასუხისგება-

ში ვიქნებოდი მიცემული და მიმედ დავისჯებოდი ამგვარი მინაწერისათვის, მაგრამ ეს არ გამართლდა. წინააღმდეგ — ყოველი ჩემი მოთხოვნა დაუყოვნებლივ შესრულებული და დაკმაყოფილებული იყო.

ნახევარი წელიწადი თითქმის ვიდექით ახალ-სენაკში. ცხრაას თხუთმეტის დასაწყისში სამწუხარო ამბავი მოეფინა საქართველოს — მიიცვალა დიდებული აკაკი. მეც მომეცა საშუალება დაესწრობოდი დიდებული მგოსნის ჩასვენებას თბილისში. სადგურ შორაპნიდან დანიშნული იყო საგანგებო მატარებელი. სადგურებზე აუარებელი ხალხი ხვდებოდა მიცვალებულს, ყველგან ღრმა მწუხარება, გულითადი პატივისცემა.

მატარებელში ამ შემთხვევამ თავი მოუყარა მრავალ ჩვენს საზოგადო მოღვაწეს. ჩამოვარდა სიტყვა ომის მიმდინარეობის შესახებ. აქედან მალე სიტყვა გადავიდა საკითხზე, თუ რის მომლოდინე უნდა ყოფილიყო საქართველო, რა ბედი ეწეოდა ამა თუ იმ მხარეს გამარჯვება-დამარცხებისაგან. გაიმართა ნამდვილი თათბირი. მონაწილეობას ღებულობდნენ ნიკო ნიკოლაძე, ნიკო თავდგირიძე, გიორგი ლასხიშვილი, კიტა აბაშიძე და ბევრი კიდევ სხვა. ნიკო ნიკოლაძე გამოთქვამდა იმ აზრს, რომ ჩვენი მდგომარეობა უნუგეშოა; ეს გაიმარჯვებს თუ ის, ჩვენ მაინც უყურადღებოდ ვიქნებით დატოვებული. რადგან ჩვენ არ გვაქვს არაფერი ისეთი, რომ ჩვენი დავაინტერესოს რომელიმე მხარე, ხოლო ჩვენი ლამაზი თვალებისთვის თავს არავენ გამოიდებსო. უმეტესობა ამ აზრს ემხრობოდა და გამოთქვამდა უნუგეშობას. მსჯელობაში მონაწილეობას ღებულობდნენ თითქმის ყველა მაშინდელი პარტიების მთავარი წარმომადგენლები. ვაგონი გატენილი იყო ხალხით, რომელიც გაფაციცებით ყურს უგდებდა ისეთ არაჩვეულებრივ შეკრებილებზე ნათქვამს. მოულოდნელად გამართული თათბირი გაგრძელდა თითქმის თბილისამდე. ეს იყო პირველი მშვიდობიანი თათბირი პარტიათა წარმომადგენლებისა მწვავე საკითხზე — რა მოელის საქართველოს ომის შემდეგ. რისი იმედით და ვისი იმედით უნდა ყოფილიყო იგი.

სალამო იყო, მიცვალებული მგოსანი რომ ქაშვეთის ეკლესიაში მივასვენეთ. მეორე დღეს უამრავი დეპუტაციების და ხალხის თანდასწრებით ცხედარი გამოასვენეს დასაქრძალავად მთაწმინდაზე. ცრეკნას მოედანზე ამართული იყო ტრიბუნა სიტყვის წარმომტმელთათვის. პირველი სიტყვა აქ წარმოთქვა ნიკო ნიკოლაძემ. რომელმაც თქვა, რომ დღევანდელი ჩვენი მდგომარეობა დაბეჭიბებოთ მოითხოვს შეიქნას შტაბი, რომელიც განაგებს და უხელ-

მძლევანელებს ამ გართულებულ მდგომარეობაში მყოფ ერს, როგორშიც დღეს ჩვენ ვართო.

დაკრძალვიდან სენაქში დაბრუნებულმა რამდენიმე დღის შემდეგ ბრძანება მივიღე, ჩემი ნაწილით გაემგზავრებულიყავი ბათუმში გენერალ ლიახოვის განკარგულებაში. ბათუმში ჩასვლის ორი დღის შემდეგ გაგვამგზავრეს ფრონტზე ართვინისაკენ. საღამო იყო ბორჩხას რომ მივაწიეთ, სადაც შტაბი იყო ქოროხს გადმოღმა მოქმედი ჯარების. ამ ჯარების უფროსი იყო ვინმე გენერალი მილერი. გამოვეცხადე თუ არა, იქვე მისგან ბრძანება მივიღე — ჩემი ნაწილის გუნდები გამეგზავნა დანიშნულ ადგილებზე: მიუხედავად იმისა, რომ ღამდებოდა, გენერალი დაჟინებით, მუქარით მოითხოვდა, რომ დაუყოვნებლივ წასულიყვნენ დანიშნულ ადგილებზე; ეს ადგილები კი უდაბურ ტყეებში იყო, მთებში. ორ გუნდს მაინც ნამეტანი ცუდი გზა ხედებოდა, როგორც ეს მეორე დღეს ვნახეთ; გენერლის ბრძანებას გადაუხვიეთ. გაეშორდით შტაბს და დავბანაკდით; რომ ასე არ გვექნა, ღამეში მივადგებოდით წყალს და ბნელში უსათუოდ მოწინავეთაგან რამდენიმე კაცი გადაგვივარდებოდა წყალში და დაგვეღუპებოდა. დღისით საშიშარი სავალი გზა იყო, ღამეში ვინ იცის რა შეგვემთხვეოდა. ჯარების უფროსი გენერალი მეტისმეტი ახირებული პიროვნება იყო. მტერი ძლიერ შორს იყო, მაგრამ გენერალი ისე იქაჩებოდა, თითქო გაცხარებულ ბრძოლაში ყოფილიყო.

მან ზარბაზნებით ჩაიარა ბათუმიდან ბორჩხამდინ და გახიზნულ მცხოვრებთა მიტოვებულ სახლებს ამსხვრევდა და ანადგურებდა ყუმბარით. „ძღვევაჰოსილიმა“ ამ დაცარიელებულ მხარეში — მიაღწია ბორჩხას. ლიახოვს კი წარუდგინა ვრცელი მოხსენება თავისი მოქმედების შესახებ და ითხოვა მისი გეარისტვის, როგორც ჭილდო, მიემატებინათ „ზაჩოროხსკი“, მიეთვისებინა გვარად „მილერი-ზაჩოროხსკი“, მსგავსად — პასკევიჩ-ერევანსკი, დიბიჩ-ზაბაიკალსკი და ამგვარებისა. წმინდა მასხრობა იქნებოდა ასეთი თხოვნის დაკმაყოფილება და გენერალი მშრალზე დარჩა.

საოცარ სანახაობას წარმოადგენდა ეს მხარე აჭარის წყლიდან დაწყებული. უკან დახევისას ოსმალებს თან გაერეკათ მცხოვრებნი და სრულიად დაცარიელებინათ აქაური სოფლები. საზარელ სანახაობას წარმოადგენდნენ ეს ჩაყრუებული, ჩადუმებული, გადამწვარი სოფლები. შეიხედავდი დანგრევას და ცეცხლს გადარჩენილ სახლში: აყრილი იატაკი, მიღეწილი კედლები, ყრია ძონძები, ტანისამოსის ნაფლეთები, ბევრგან დამტვრეული აკვნები, ეზოში კარებ-ჩამოგლეჯილი ბედლები, გარშემო მიბნეულ-მობნეული სიმინდის

მარცვალი, ლობიო; იქვე თუთუნის საშრობები, გამოტანილი გასაშრობად ჩამოკიდებულ თუთუნის ფოთლებით. თუთუნი წალბებულია უამრავი, მაგრამ მაინც კიდევ ბევრია დარჩენილი. არავითარი ჭაჭანება აღამიანის. ეგერ-აგერ ისმოდა მხოლოდ ძაღლის ღმუილი, საზარელი ღმუილი, გულის მომკვლელი. შეწუხებული ამ სანახაობით უნებლიეთ ეკითხებოდი შენს თავს: სადაა ეს ამოდენა გარეკილი ხალხი, სად ყრია? უპატრონოდ არიან ეს საცოდავი დედაკაცები. მამაკაცები, მოხუცებულები, აკვნებიდან ამოყვანილი ბავშვები!

ამ სურათის მნახველს ღრმად შეგეზარებოდა ომი, სავსებით წარმოგიდგებოდა მისი საშინელება, მისგან აღამიანის წარმოუდგენელი გამხეცება.

სწორ ადგილას ნაჩვევი ყუბანის ოლქიდან მორეკილი ჭარისკაცები პირდაპირ ტიროდნენ ამ მთა-გორებზე ხეტიალით. მათში არავითარი სიხალისე, ომისათვის განწყობილება. ერთმა უფროსმა უნტერ-ოფიცერმა დაუფარავად მითხრა:

— რაა, თქვენო მაღალკეთილშობილებავ, მიგვათრევთ და მიგვათრევთ წინ, მტერს გვაახლოებთ.

— აბა რისთვის ხარ გამოწვეული? — შევეკითხე. — შენ უნტერ-ოფიცერი ხარ, მაგალითს უნდა აჩვენებდე, შენ კი ტირი. არ გრცხვენია?! შეხედე, აი ეგერ გაბუნია თავისი სურვილით მიდის მზვერავებთან. შენზე უფრო ახალგაზრდა არის გაბუნია!

— ჩანს, გაბუნიას თავისი სიცოცხლე არად მიაჩნია! — წამოიძახა ზუბაკოვმა.

პორტ-არტურში ნამყოფი ერთი მშვენიერი ჭარისკაცი ამბობდა: — ასე გათავდება თუ ისე ეს ომი, ჩვენ მაინც არაფერი გვეშველება!

— როგორ? — შევეკითხე.

— ბატონო, მე პორტარტურელი ვარ, რა არ გამოვიარე იმ დასაქცევში; მოვაწიე სახლამდის გაჭირვებით; შვილები წამომეზარდნენ, არ მინდოდა უსწავლელნი დამერჩინა; მივიყვანე სოფლის სასწავლებელში — არ მიიღეს, უარი მითხრეს, ადგილი არ არისო; ისევ მე გავიჭირე საქმე და ძლივს ცოტაოდენი წერა-კითხვა შევასწავლე. არავინ არ მომხედა. ახლაც ასე იქნება. ჩვენთვის არაფერი სიკეთე იქნება, არაფერი!

— ნუ მისცემთ ნებას ასე გექცეოდნენ თქვენი ბრალია!

— მაინც, მაინც!.. ჩვენი ბრალია!

მუდამ ისმოდა წუწუნი, რომ საჭიროა უფრო ახალგაზრდები გამოგზავნონ და ხნიერები შეიცვალონ, რომ ხნიერებს არ შეუძლიათ ერთნაირად ახალგაზრდებთან გასწიონ სამსახური. ჭარების დასახე-

დავად მოსულ გენერალს გადაეცემა ხნიერი ჯარისკაცების თხოვნა, რომ მას მოესმინა მათი სათხოვარი. გენერალი ურიგო კაცი არ იყო, გამოელაპარაკა ჯარისკაცებს და შეპირდა, რომ მოახსენებდა მათ თხოვნას ბათუმში გენერალ ლიახოვს. გენერალმა კი მოახსენა ლიახოვს, მაგრამ მან მეტად იწყინა ასეთი განცხადება და საყვედური გამოეთქვა ჩემზე: სათანადო გავლენა ვერ მოუხდენია, რომ ასეთ განწყობილებას ადგილი არ ჰქონებოდა ჯარისკაცებშიო. თითქოს მე მძლეთა მძლე ვიყავ!

ჩვენი პირდაპირი უფროსი გენერალი „ზაჩორობსკი“ დიდი გულადობის გამოჩენას ეპირებოდა და უცნაურად ფაფხურობდა. მტრის ხაზი დაშორებული იყო სულ უკანასკნელი სამოცი ვერსით. ჩვენსა და მათ შორის ისეთი მთები, უფსკრულები და ჩაჩეხილი ადგილები იყო, რომ ადამიანი ძლივს წარმოიდგენს. შტაბი ძანსულში იყო, ჩაყარდნილ ადგილას. გენერალი შეფთავდა, რომ ფანჯრებიდან სინათლე არ ყოფილიყო, მტერს არ დაენახა ჩვენი იქ ყოფნა, — ეს სამოცი ვერსიდან. გენერლის ჭინაზე, მის გასახელებლად, ხან იქ, ხან ა! ჩამოხსნიდნენ ხოლმე ფარდებს და ცოტა ხნით გაანათებდნენ — გენერალი ირეოდა და არბენინებდა ჯარისკაცებს სინათლე ჩაქროთ. ეს ერთგვარ გასართობ საგნად გადაგვექცა და ბავშვებივით ვერთობოდით გენერლის გახელებით.

ვიყავით ჩამჯდარი ამ უდაბურ ადგილებში. წინ ვერც ჩვენ წავიწვედით, ვერც მტერი წამოიწედა ჩვენსკენ. თითქმის ყოველ დღე, უთენისას, უნდა შევემჯდარიყავი ცხენზე და ცხენოსანი ჯარისკაცის თანხლებით უნდა შემომეველო გუნდები. დავბრუნდებოდი დაღამებულზე. დაღლილს დამხვდებოდა აუცილებელი მიწერ-მოწერის ქაღალდები. გადასულ შუალამემდი ამას უნდებოდა ხან-მოკლე დასვენება და უთენიას — ისევ ცხენი და გუნდებში გამგზავრება.

ჯარისკაცები, რამდენადაც შეიძლებოდა, კმაყოფილი მყავდა: გენერალი კი ყოვლად შეჩვენებული არსება იყო და რაც დრო გადიოდა, მეტი საჩხუბარი რამ ჩნდებოდა მასთან. ჩემი დაურიღებელი სიტყვა არაფრად მოსწონდა და, ეტყობოდა, ჩემი მოშორება უნდოდა. იშოვა ვითომ მის გუნებაში რაღაც მიზეზი და ლიახოვს დაანიშნინა ჩემი ნაწილის გამოკვლევა. გამოკვლევამ აღმოაჩინა, რომ ნაწილი ჩინებულად იყო შენახული; ჯარისკაცებმა განაცხადეს სრული კმაყოფილება ჩემს შესახებ. გენერალს ჩაუვარდა კოვზი ნაცარში, მაგრამ იგი მაინც არ წყნარდებოდა და ბოლოს მაინც თავისი ქნა. ჩემი ნაწილის ორი ჯარისკაცი ინჟინერთან მუშაობის დროს მოჭრილ ხის ჰვეშ მოყვა, ეს ამბავი მიზეზად გამოიყენეს —

დრუჟინაში წესრიგი არ არისო. ჩამომართვეს ნაწილი და თბალის-
ში გაქვზავენეს. ჩემთვის ეს ცუდი არ იყო. რამდენიმე თვის შემდეგ
ჩემი ყოფილი დრუჟინა ტრაპეზუნისკენ გადაისროლეს და ბაი-
ბურთთან დრუჟინაც ძლიერ მიღუწეს და მოჰკლეს ჩემი ნაცვალნი
დრუჟინის უფროსი, მისი აღიუტანტი და სხვა. ბელი მფარავდა,
აღბათ.

თბილისში თვე-ნახევარი ვიყავი. საქმე გავიჩინე საერობო კავ-
შირში -- მომანდევს შექმედვინა საერობო კავშირის მოქმედების
ისტორია კავკასიის ფრონტზე. ჩემი მუშაობა დიდხანს არ გავრძე-
ლებულა, რადგან ლიახოვმა ბათუმიდან დამიბარა და ბათუმ-ტრაპი-
ზონის სატრანსპორტო ხაზზე პირონიტში კომენდანტად დამნიშნა.
პირონიტი ლაზისტანშია, ხოფას გადალჰა, ბათუმიდან ოთხმოცი
ვერსის სიშორეზე, პატარა სოფელი, მშვენიერი მდებარეობა. სანამ
პირონიტში ჩავიდოდი, უნდა გამოვცხადებოდი ჩვენი ხაზის გენე-
რალს. რომელიც რიზეში იმყოფებოდა; გვარად იგი პოპოვი იყო;
ეს გენერალი დაურიდებელი მძარცველი აღმოჩნდა. საქმე იმ ზო-
ბამდე მიიყვანა, რომ ერთ დღეს ლიახოვმა მისი სახლი გააჩხრეკია და
ბრძანებაში შეუბრალებლად გამოამზეურა მისი მძარცველობის ამ-
ბავი.

რიზეში წასვლა გვიხდებოდა ტვირთის გადამტანი გემით.

ერთხელ ბათუმში შემხედურმა მღვდელმა ხუნდაძემ მიჩნია მე-
ორე დღეს წავსულიყავი მშვენიერი ჰოსპიტალური გემით „პორტუ-
გალით“. ეს საუცხოო გემი საფრანგეთმა გამოუგზავნა რუსეთს.
მე არ გადავდევი წასვლა და ამის წყალობით უბედურებასაც გა-
დავიჩნე. მეორე დღეს წამოსულ „პორტუგალს“ რიზეს მახლობლად
მოეწია გერმანელი წყალქვეშა ნავი. გემზე მყოფებმა შენიშნეს
წყალქვეშა და არხეინად დასჩერებოდნენ; უეცრად ერთი ივრიალა,
გემი შეანძრია და გადაიხარა. გემი წყალქვეშამ ააფეთქა. გემზე
მყოფთ ასტეხეს ყვირილი, ვაება. მრავალი, განსაკუთრებით ქალე-
ბი, ჩაყვა გემს. მრავალი გადაეშვა ზღვაში.

— მე გადავეშვი ჩემი ანაფორიანად წყალში. ჩემ წინ მეზღვა-
ური მიცურავდა, ესტაცე ფეხში ხელი და მაგრად ჩავეჰიდე... ვფიქ-
რობ, თუ ეს გადაჩნა, მეც გადავჩნები... ბატიუშკა, გამიშვი ხელიო,
დევილუპებით ორივეო... ამხანაგურად მაინც დევილუპებითქო, გავუ-
მასხრე ამ გამწარების წუთში მის გასამხნეველად. ამ დროს, ჩვენს
იღბლად, ნავმა დაგვიანხა და წყლიდან ამოგვიყვანა... — კარგი
ქენი, რომ ჩვენთან არ წამოდი — მომიყვა დახრჩობას გადარჩე-
ნილი მღვდელი.

ბედი აქაც შემეწია, თორემ მღვდლის რჩევას რომ ავეოლოდი და „პორტუგალით“ წამოვსულიყავი, ალბათ, დავიღუპებოდი.

ბათუმიდან პირონიტში ზღვით წასვლას ვარჩიე ცხენით წასვლა. გადავიარეთ დანგრეული, მიყრუებული სარფა, მაკრიალი, ლიმანა; გადავიკლდით ჩვენს საზღვარს, ჩავედით მშვენიერ სოფელ აბუისლაში, რომელშიც აქა-იქ თავის ადგილს შერჩენილიყვნენ მცხოვრებლები. გავიარეთ ორთა ხოფა, ხოფა, სადაც ნაკლები ნგრევა ემჩნეოდა. მცხოვრებნიც, ეტყობოდა, ისე არ გარეკილიყვნენ თავიანთ საცხოვრებლიდან, როგორც ეს წინა სოფლებში იყო. ხოფაში — ბლომად დუქნები სხეადასხვა საეპროებით. ეს საბაზრო დაბა იმ არემარეში. აქედან პირონიტი ექვს ვერსზეა.

სალამო ჟამი იყო პირონიტში რომ მივედით. ჩემი მოგზაურობა სუსხიან სიცივეში ზღვის ნაპირზე ძვირად დამიჯდა. მეორე დღესვე ავად გავხდი და ისე, რომ იძულებული იყვნენ ბათუმში გემით ჩავეყვანეთ საავადმყოფოში მოსათავსებლად. თვეზე მეტი გაჰირგებულნი ავადმყოფი ვიყავი. ბელმა მიმატანებია ჩემს ძვირფას მეგობარ ექიმთან კონდრატი მხეიძესთან, რომელმაც თავისი ძმური მოვლით სიცოცხლე დამიბრუნა და გადამცა სამხედრო საავადმყოფოში ექიმ ალექსანდრე ქუთათელაძეს, რომელმაც მეტად დიდი ამაგი დამლო ჩემს საბოლოო გამოჯანსაღებაში.

წელიწად-ნახევარი დაეყავი პირონიტში. აქ აუარებელი ჩვენებურობა იყო — მუშა ხალხი გზების გაყვანაზე მომუშავენი; აქვე იყვნენ წვრილი ვაჭრებიც. მოკლე ხანში ადგილობრივი მცხოვრებნიც გაეციან — აქაური ლაზები.

მახსოვდა ზაქარია ჭიჭინაძისაგან გაზეთში მოთავსებული ცნობა, რომ სოფელ აბუისლაში განზრახვა ჰქონებოდათ მცხოვრებლებს ქართული სკოლა დაეარსებინათ და ამას მეთაურობდა აბუისლელი მცხოვრები ჰასან ჰუსეინ აშივ-ოღლი. მოვიკითხე ჩემს ნაცნობ ლაზებში ეს აშივ-ოღლი, მითხრეს არის ამისთანაო და შემპირდნენ მოგიყვანათ.

ერთ დღეს მაცნობეს, რომ თქვენგან დაბარებული კაცია აბუისლიდანო. ვუთხარი შემოეყვანათ.

შემოვიდა შუახნის, ლაზურად გამოწყობილი, მოკლე წვერით, სასიამოვნო სახის კაცი. ეს იყო ჰასან ჰუსეინ აშივ-ოღლი.

— დაბრძანდით ქართული თუ იცით?

არ ცოდნია.

ბედად ჩემთან იმ დროს იყო მეგრულის მცოდნე პირი და თარჯიმნად დავაყენე. ჩემმა სტუმარმა მიაშბო, რომ მართლაც მათ, აბუისლელებმა, გადასწყვიტეს ქართული სკოლის გახსნა, ქართულის

სწავლა, რადგან ქართველები ვართო, ვიცითო. შეუგროვებით შეიდასი მანეთი და სტამბოლში გაუგზავნიათ კაცი, რომ ნებართვა აეღო სკოლის გასახსნელად; საქმე ახლა შეფერხდა, რადგან ომი ატყდაო და ამისათვის აღარავის სცალიაო.

ქართული აქ საკმაოდ გავრცელებულია; შეხედებით ქართული ენის ისეთ მცოდნეს, რომ პირდაპირ გაცოდებით. ჩემი ბინის მახლობლად ცხოვრობდა მოხუცებული ვინმე მუსტაფა ბეჭირ-ოღლი; იგი ამბობდა, რომ ნამდვილი მისი გვარი ბეჭირ-ოღლი კი არ არის — ჩხეიძეაო. მუსტაფა ისეთნაირად ლაპარაკობდა ქართულს, ისეთი ლამაზი გამოთქმით, რომ ხშირად განგებ ავალაპარაკებდით, რომ მისი მშვენიერი ქართული მოგვესმინა.

განსხვავებული სიამოვნება გამომაცდევინა ერთ დღეს ჩემთან ვიზით მოსულმა სოფელ ფალარგეთის მცხოვრებმა ჰასან დაირ-ოღლი. ეს იყო უკვე შეხნიერებული კაცი. მაღალი, მოხდენილი, მეტად ლამაზი სახის, დარბაისელი; საოცარი შროიანი ყოველ მის შიხრა-მოხრაში; მისი ქართული ლაპარაკი გასაოცარი რამ იყო — ეს ნამდვილი მუსიკა იყო. ამასთანავე ენამახვილი, სიტყვა მოსწრებელი. დიდად გამახარა ამ მოხუცის გაცნობამ. რაც შემეძლო პატივი ვეცი მასაც, მის მხლებლებსაც და ვთხოვე არ დავევიწყებინე. ჩვენ კარგი მეგობრები შევიქენით. იგი ნამყოფი იყო გურიისში; დიდად პატივსაცემი იყო ერისთავებში და ნაჯაშიძეებში. საზოგადოდ, აქაურებმა კარგად იცოდნენ ქართული. რადგან ხშირი მისვლა-მოსვლა აქეთ დასავლეთ საქართველოში როგორც მოვაჭრეებს, დურგლებს, მწესურნიებს. ენა მათი იგივე მეგრულია.

ბათუმში ჩასვლისას მოველაპარაკე საქველმოქმედო საზოგადოების წარმომადგენლებს, რომ მოველოთ ლაზისტანის სოფლები და საზოგადოების თბილისელმა მთავარმა გამგეობამ კიდევ გამოგზავნა კონსტანტინე კობახიძე იმ დავალებით, რომ მიეარ-მოეარა სოფლები და გამოერკვია მცხოვრებთა მიმართულება. კობახიძე ჩამოვიდა ჩემთან პირონიტში და აქედან მიდი-მოდიოდა სოფლებში. დიდად კმაყოფილი ბრუნდებოდა იგი ხოლმე და აღტაცებით ჰყვებოდა ლაზებთან ნალაპარაკევის შესახებ. ზოგ სოფელში ასეთ რამესაც ჰქონია ადგილი: სახლში, სადაც კრება იყო, შუაზე ჩამოკიდებდნენ საფარებლებს, რომ ქალებსაც, საფარებელს ამოფარებულთ, მისცემოდათ საშუალება მოესმინათ კობახიძის სიტყვა. კობახიძე უყვებოდა თუ ვინ იყვნენ ლაზები, აცნობდა მათ ისტორიულ ცხოვრებას და ამგვარებს. ყველგან დიდ ინტერესს იწვევდა ეს ვაცნობიერება ხალხში.

ერთხელ მაცნობეს ვიღაც თქვენ გკითხულობსო; გამოვედი ოთა-

ხიდან; ჩემს წინ იოსებ ყიფშიძეა — მოგზაურის ტანისამოსში; ზურგზე პატარა ჩანთა, ხელში კოლოფი.

— იოსები — მივაძახე გაკვირვებულმა. — იოსებ, საიდან, რამ გადმოგადგო აქ?!

იგი მოვიდა სოფელ ვიწყედან ფეხით—პატოსია სამგზავრო ტვირთის მზიდავის თანხლებით. იგი მოგზაურობდა ლაზისტანში ჭანურ-მეგრულის შესწავლის მიზნით. მთხოვა მომეხმო ადგილობრივი მცხოვრებნი, რომ მათგან ჩაეწერა ხალხური ლექსები, ზღაპრები და თხზულებანი. მოვიხმე თავდაპირველად მოხუცი მუსტაფა. მუსტაფას ხან ჭართულად, ხან მეგრულად გამოელაპარაკა; გულიანი მუსაიფი გააბეს, მაგრამ როცა იოსებმა იწყო წერა, მუსტაფა რალაც შიშს მიეცა, ჩაჩუმდა და ითხოვა განთავისუფლება — ავად შევიქენიო. მოხუცებულს შიში შეეპარა არაფერ სახიფათოში გეებათ და ვერას გზით წინანდელ ხალისზე ვერ მოვიყვანეთ. გავსწიეთ ზღვის ნაპირზე დუქნებისაკენ: აქ გამოვატანიე მაგიდა, დავაჯინე იოსები, შემოუსხდნენ ლაზები და გაიმართა საუბარი. ლაზები გაკვირვებას იყვენენ ყიფშიძის ლაზური კილოკავების ზედმიწევნათ ცოდნით; თქვენ პირონიტელები. ასე ხმარობთ ამ სიტყვას, არხავებმა ასე იციანო, ვიწყები ასე ამბობენო, სოფლები კი ამგვარად გამოთქვამენო. — თავშეყრილი ხალხი ისე დააჩრქერესა, ისე ჩაიყოლა, შეახალისა, რომ პირდაპირ საყურებელი რამ სურათი იყო: — გატაცებული მეცნიერი ამოძრავებულ ხალხს შორის. მეორე დღეს ყიფშიძე შეეაჯინე ცხენზე, გავაყოლე კაცი და გავამგზავრე, როგორც მას უნდოდა, ხოფაში, კვლევის გასაგრძელებლად; თან წერილი გავუგზავნე ჩემს კარგ მეგობრებს კელენჯო-დლებს და ომერიახაკ-ოღლის, რომ ხელი შეეწყოთ იოსებისათვის. ხოფაში და მის მიდამოებში ყიფშიძე ერთი კვირა დარჩა, გაფაციცებული მუშაობდა და დიდი პატივისცემა მოეპოვა მცხოვრებლებში.

საუბედუროდ, ასეთი კარგი შემთხვევა იშვიათი იყო. უფრო ვხედავდა საძაგლობას და საზიზღრობას: ნამეტურ როცა დაიწყეს ბრიყვული საქმე — ბათუმ-ტრაპეზუნდის რკინიგზის გაყვანა ზღვის ნაპირად. იქამდის აკვდებოდნენ ფართო საავტომობილო გზის გაყვანას ტრაპეზუნდამდი; როგორც იყო გაიყვანეს კიდეც, მაგრამ გზა რამდენიმე ადგილას შეაგდეს ისეთ მწვერვალებზე, რომ ნოემბრიდან გაუკვალავი თოვლი ეყრებოდა და გზა იკეტებოდა. გამოჩნდა, ალბათ, არასრული ჭკუის პატრონი კაცი, როგორც მისი პროტექტორი მთავარი ნიკოლაი ნიკოლაევიჩი, რომელმაც წარმოადგინა რკინიგზის გაყვანის გეგმა ტრაპეზუნდში სულ მოკლე ხანში. ეს იყო

ვინმე პოლკოვნიკი ვერდერევესკი, ინჟინერი და მესანგრეთა ოფიცერი. რუსეთის დასავლეთ ფრონტზე იმ ხანებში მან გააყვანა რკინიგზა თექვსმეტი ვერსის სიგრძეზე რამდენიმე დღის განმავლობაში (რასაკვირველია, სწორ ადგილზე); ამით ისე მოიხიბლა მთავარსარდალი ნიკოლაი ნიკოლაევიჩი, რომ სხვა ინჟინერს აღარ იყარებდა გზების თაობაზე ვერდერევესკის გარდა. ახლა კავკასიის ფრონტზე გადმოსულ მთავარს ამ ინჟინერმა გეგმა წარუდგინა ბათუმ-ტრაპეზუნდის რკინიგზის გაყვანის შესახებ ერთი წლის განმავლობაში. გიჟმა გიჟი მონახა — გაიჩარხა საქმე. გეგმა მიღებულ იქნა; ვერდერევესკი მათრახით ხელში შეუდგა რკინიგზის შეიებას. ერთი თვალის დახამხამებაში გახურდა მუშაობა; ბათუმიდან ტრაპეზუნდამდე ერთბაშად მიაფინეს აუარებელი სამუშაო მასალა, მომუშავე ხელი, მოყარეს უამრავი ტექნიკები, ინჟინრები, მოსამსახურეები — უმრავლესობა იყო გადმოყვანილი ჩრდილო-რუსეთიდან, მურმანის რკინიგზაზე ნამუშევრები. გაცოცხლდა ზღვის ნაპირა ადგილები მიმსვლელ-მომსვლელი მოტორებით, ბარკებით, რომლებითაც გადაჰქონდათ აუარებელი საშენი მასალა, სურსათი. ხალხი ქიანჭველასავით ფუსფუსებდა, გაცხარებული მუშაობა იყო, მაგრამ... მაგრამ მხოლოდ სწორ ადგილებზე. სალი კლდეები ბევრ ადგილას დიდ მანძილზე ამაყად იდგნენ. რა შეარყევდა მათ? რა მანქანა შეამტკრევედა მათ სიმაგრეს? რა ძალა გაასწორებდა ამ სალ კლდეებს? ეს იყო ნამდვილი შანტაჟი, კლასიკური შანტაჟი, ზღაპარი; ვისაც არ უნახავს, მისთვის ძნელად წარმოსადგენია, დაუჭერებელი ამბავია, რამაც შთანთქა, რამდენად ვიცია, ოთხმოც მილიონამდის ბათუმ-ტრაპეზუნდის რკინიგზა, ზღვის ნაპირებზე, ერთი წლის განმავლობაში აშენებული უვიცისაგან, ცოდნის მაგიერ მათრახით ხელში!..

სწორდებოდა ყველგან სწორი ადგილები, იჭრებოდა ასწლოვანი ხეები, ინგრეოდა სახლები სულ ტყუილუბრალოდ. პირონტში დარაჯები მყავდა დაყენებული, რომ ხელი არ ეხლოთ იმ მშვენიერი ცაცხვებისათვის, ზღვის პირას რომ მშვენებით ამართულიყვნენ.

— ჩერ ეს კლდეები მოასწორეთა — ვეუბნებოდი და ეუთითებდი იმ სალ კლდეებზე, მარჯვნივ და მარცხნივ რომ ეშვებოდნენ ზღვაში.

ეს გაგიყება იყო, ნამდვილი გაგიყება დასამხობლად გამზადებული წესწყობილების მონათა. ყველაფერი იმხობოდა, ინგრეოდა ყოველდღე. ყოველი მხრიდან — დამარცხების, გახრწნის ამბები. რყევა, რღვევა — დღითი დღე.

პარონიტიდან წამოსული ქუთაისში ვიყავი რამდენიმე დღით. უჩვეულო მოუსვენრობა ემჩნეოდა ყოველ ფეხის გადადგმაზე. პეტერბურგიდან არეულ-დარეული ამბები მოდიოდა. ათასი ხმები, ჩუმი ლაპარაკი; ერთგვარი შიშთანობა. ახალი ამბების გასაგებად ყოველ დილას მივეშურებოდით შავი ქვის მრეწველთა საბჭოსაკენ. აქ მუდამ იყვნენ თავმოყრილი ჩვენი მოწინავე პირები; ისმოდა გაუბედავი გადმოცემა ახალი, ჩუმიდ მოსული ამბებისა; ეს ახალი ამბები თანდათან მრავლდებოდა. ერთხელ შეწყდა ყოველგვარი ამბების მოსვლა; აღარაფერი ისმოდა თითქმის სამი დღის განმავლობაში. პეტერბურგი გაჩუმებული შეიქნა. ჩვენც ახალი ამბავის მომლოდინენი, ხშირად გაჩუმებულნი ვისხედით საბჭოში.

— რაღაც ამბავია პეტერბურგში! — გაისმოდა ამ სიჩუმეში.

— უსათუოდ! — წაილაპარაკებდა მეორე.

დილაა. ვზივართ საბჭოში კიტას გარშემო ახალი ამბის მოლოდინში. მძიმე სიჩუმეა.

უცებ გაიღო კარი და ოთახში შემოვარდა აღელვებული ქუთაისის ქალაქისთავი ილიკო ჩიქოვანი. ხელში ქალღი უჭირავს; აღელვებული მივარდა კიტას, გადაეხვია და გადაკოცნა.

ყველანი წამოვცვივდით.

— რა ამბავია, ილიკო, რა არი?

— წაიკითხე! — ამბობს აღელვებული ჩიქოვანი, რომელმაც კიტა აპაშიძეს გადასცა დეპეშა, რომელიც ხელში ჰქონდა. დეპეშა იყო ნიკოლოზის გადადგომის და დროებითი მთავრობის სახელმწიფო სათავეში ჩადგომის შესახებ.

— ვაშა! ვაშა! — გაისმა ოთახში. ერთი თვალის დახამხამებაში ოთახი აივსო საბჭოს მოსამსახურეებით.

— ვაშა! ნიკოლოზი აღარ არის! მოისპო თვითმპყრობელობა! — ისმის ყოველი მხრიდან, მაგრამ სიხარულს რაღაც გაუბედაობა ახლავს.

— როგორ მოვიქცეთ ახლა? — თქვა ჩიქოვანმა.

— წავიდეთ ქალაქის სამმართველოში და იქ გამოაცხადე მიღებული დეპეშა! — უთხრეს ჩიქოვანს და ყველანი აღელვებულნი გაემართნენ ქალაქის სამმართველოსაკენ. მიღებულმა ამბავმა თვალის დახამხამებაში შემოიარა მთელი ქალაქი, ეცნობა ყველას.

სიხარული, ერთმანეთის მილოცვა, ყვირილი, ყიფინი, სიმღერა, ქუჩებში აუარებელი ხალხი, აღელვებული, ზმაურიანი ლაპარაკი.

— მოვესწართ, მოვესწართ გაუმარჯოს თავისუფლებას! ვაშა ვაშა!

მარსელიოზა, ინტერნაციონალი, ბაირაღები.

ბულვარი აივსო ხალხით. ესტრადაზე გროვა აღელვებული ორატორებისა: მხურვალე სიტყვები — პასუხად მძლავრი ტაში.

— ძირს თვითმპყრობელობა! გაუმარჯოს თავისუფლებას! — ისმის შეუწყვეტლივ ყველგან, ყოველ ფეხის გადადგმაზე.

თ ა ვ ი მ ე თ ო თ ხ მ ე ბ ი

პირველი მოთხრობა. — „თავი დაანებე, სისულელეა“. . . პირველი სტრიქონი ყოველთვის ტონის მომცემი იყო. — თანამშრომლობა ეურნალ „მომამბეში“. — „იჩინეს ბედნიერება“ და ლაღო მუსხიშვილი. — „ლიტერატურული გზა ბედნიერად გაუღო გზად მიმანია“.

ლიტერატურულ გზაზე განცდილის შესახებ ცოტაოდენი რამ უნდა დავუმატო.

წერა ძალიან ადრე დავიწყე. მეორე კლასში ვიყავი მოთხრობა რომ დავწერე რუსულად, რადგან ქართული დავიწყებულმ მქონდა. რამ დამაწერია, სრულიად აღარ მახსოვს. მახსოვს კი, რომ მოთხრობის გმირი სისხლში ცურავდა, მარჯვნივ და მარცხნივ ჰკლავდა ყოველ შემხვდურს. ნაწარმოები ხელში ჩაუვარდა აღმზრდელს (კლასის დამრიგებელს), რომელმაც წაიკითხა და სიცილით მითხრა:

— ძალიან გეტყობა აზიელობა! ამდენი სისხლის დაღვრა გაგიგონია?! დაანებე თავი, სისულელეა!

შევისმინე აღმზრდელის დარიგება და მივატოვე წერა. სამაგიეროდ თავი მივეცი კითხვას. აღმზრდელიც ისეთი გვეყავდა, რომელსაც დიდად უყვარდა ლიტერატურა და ჩვენც გვაყვარებდა და გვაცნობდა მას. ხშირად დავყავდი თეატრში — იმ დროს კიევში მშვენიერი ოპერა იყო ყოველ წლებით. რუსული მწერლობის გაცნობიდან ინტერესი დამებადა ქართული მწერლობისადმი და, თუ-

მცა გაჭირვებით, ძლივს ვკითხულობდი ქართულს, მაგრამ ქართულ წიგნს არ ვეშვებოდი. საქმე გამიადვილდა ნიკო ლომოურის და მისი ამხანაგების გაცნობის შემდეგ. ამათი წყალობით მუდამ მქონდა ქართული წიგნები და მათგან ვეცნობოდი ქართულ მწერლობას და ისტორიას.

მოსკოვში, სამხედრო სასწავლებელში ყოფნის დროს, გიმნაზიის გათავების შემდეგ, გადავთარგმნე ლომოურის მოთხრობა „ალი“. მივიტანე ჟურნალ „რუსკი ვესტნიკ“-ის რედაქციაში. რედაქციამ რამდენიმე ხნის შემდეგ გამომიცხადა, რომ თარგმანი არ დაიბეჭდებო, რადგან მოთხრობა მეტად დაუჭერებელ ამბავს მოგვითხრობსო. დარჩა დაუბეჭდავი თარგმანი.

სასწავლებელში ცხოვრება დიდ მასალას იძლეოდა და ამის გამო რამდენიმე ამხანაგის თანამშრომლობით ვცემდი პატარა ჟურნალს, რომელსაც ბლომად ჰყავდა მკითხველი. რუსეთიდან დაბრუნებული შევუდექი ქართულის შესწავლას. ამაში დიდად ხელი შემიწყო იმ გარემოებამ, რომლის შესახებ უკვე მქონდა ლაპარაკი. ბათუმში დამხვდა ისეთი ოჯახი, როგორც იყო დურმიშხან და ქეთევან ჟურნალის ოჯახი; დავეახლოვდი აგრეთვე ბათუმში ხშირად ჩამომავალ ჩვენს არტისტებს. თან ვინაფებოდი წერაში — ვთარგმნიდი ხან გერმანულიდან, ხან ფრანგულიდან. პირველი თარგმანია ჩემი სახელი და გვარით ხელმოწერილი, დაიბეჭდა ვასო აბაშიძის ჟურნალ „თეატრში“ 1885 წელს.

წადილი დიდი მქონდა ჩვენი ცხოვრებიდან რაიმე დამეწერა, მაგრამ ვერ ვბედავდი.

ერთხელ გრაგოლ ვოლსკიმ მე და ალექსანდრე აბაზაძეს გვითხრა, ყოველ შაბათობით ერთმანეთისათვის წაგვეკითხნა, რასაც დავწერდით. ერთ ამისთანა შაბათს მეც მივიტანე ერთი პატარა სურათი. შევუდექი კითხვას: ვამჩნევ, რომ ჩემი ნაწერი ვერავითარ შთაბეჭდილებას ვერ ახდენს. შევჩერდი.

— დათიკო! — მითხრა ღიმილით ვოლსკიმ. — შენ კორესპონდენტისაა წერ თუ მოთხრობას? — მეგობრული სიცილით გაიცინა.

უეცრად დავკეცი რვეული და უბეში ვიტუცე.

— რას შეები, კაცო? წაიკითხე, განაგრძე! — შემომძახა ორ-

ვემ, მაგრამ მე უარზე ვიყავი. ნაწარმოები წავიღე და მაგრად ჩაეკეტე.

გაიარა თითქმის ორმა წელიწადმა და ამ უშნო, კორესპონდენციის მაგვარ ნაწერიდან გამოკეთდა ორი მოთხრობა: „შერისხვა“ და „მსხვერპლი“.

„მსხვერპლის“ შესახებ ეჭურნალ „მომამბის“ რედაქტორ ალექსანდრე ჭყონიასაგან ბარათი მომივიდა: მოთხრობისათვის დიდ მადლობას მითვლიდა და თან იმასაც მწერდა, რომ აწერილი სურათი მეტად შავ-ბნელიაო, მძიმე შთაბეჭდილებას ტოვებსო და ამასთანავე უმატებდა: ნუთუ მართლა ასეთი სიბნელით არის მოცული სოფლის ცხოვრებაო; საჭიროა უფრო შენელება სურათის. ეს რჩევა მიუღებელი დარჩა ჩემგან; ის კი არა, ვნანობდი რომ ბევრი რამ გამომჩინა აჩქარების გამო.

წაქეზებულმა, რომ ნაშრომები კარგად იქნა მიღებული, შევეუდექი მესამე მოთხრობის წერას — „სოლომან მორბელაძე“-ს. მოთხრობა დაიწერა სულ მოკლე ხანში და ისეთი გატაცებით, რომ თვითონ გაკვირვებას ვიყავი, რომ ასე იოლად მოვერჩე და მალე დავამთავრე. სამაგიეროდ მეტად დიდი გასაკვირი მომაცენა შემდეგმა მოთხრობამ, „წრფელი გული“ რომა აქვს სათაურად ჩამოყალიბებულ, ჩამოსხმულ მოთხრობას ვერ მოვუნახებ პირველი სტრიქონი. ჩემთვის ეს პირველი სტრიქონი ყოველთვის ტონის მომცემი იყო; ამ პირველი სტრიქონიდან, ასე ვთქვათ, გაჩნდებოდა მოთხრობა. იგი ტონს აძლევდა მოთხრობას. დიდხანს ვარჩევდი თუ როგორ დამეწყო, რა სიტყვებით შევდგომოდი წერას, — საჭეროს ვერ ვნახულობდნი. ერთხელ მე და გრიგოლ ვოლსკი ბათუმის ბულვარში ვართ; ზღვის ნაპირას ვსივართ. ვოლსკიმ თქვა, — ერთი ჩენი კარგი ნაცნობისას წავიდეთო; დავეთანხმე; გამოვდივართ ბულვარიდან; გზაში ჩემი მოთხრობა გამახსენდა, ჩემი გმირები ალაპარაკდნენ; ვოლსკი რაღაცას მეუბნება — მე არ მესმის. უცებ ჩემ თვალწინ, თითქოს ჩამოფარებული ფარდა გადაიწია და ჩემი მოთხრობა, თავიდან ბოლომდე, ერთ წუთში გადამეშალა... დასაწყისი აგერ არის, ნაძვბარი დასაწყისი, რომელსაც გაყვა, გაყვა რაღაც გატაცებით სიტყვა, წინადადება, სურათი... სურათები ბოლომდე...

— მე არ მოვდივარ, გრიშა — ვუთხარი და გავეშურე ბანაკისაკენ, სადაც ამხანად ვიყავი.

— რა იყო, რა მოგივიდა? — მეკითხება გაკვირებული ვოლსკი, მე კი აჩქარებული ნაბიჯით მივდივარ; მივედი ბანაკში, შევედი ჩემს კარავში, ჩამოვუშვი შესავალი ქალთა, გადმოვიღე ქაღალდი და გატაცებით ვიწყე წერა, წერა გაცხარებული.

ეს მუშაობა კი არა, უმაღლესი სიამოვნება იყო.

ამგვარივე გატაცებით ნაწერია „სამანიშვილის დედინაცვალი“. ამ მოთხრობას ბედი ეწია ჩემი ძვირფასი მეგობრის ექიმ კონდრატი მხეიძის წყალობით. კონდრატი მხეიძე, ალექსანდრე შატილოვი და ალექსანდრე ლორთქიფანიძე (მწერალ ნიკო ლორთქიფანიძის უფროსი ძმა) იყვნენ ის პირები, რომელთაც ვუყვებოდი ყოველი განზრახული მოთხრობის შინაარსს, სურათებს, დეტალებს. უანხვავებელი ხალისით შეფუდგებოდა ხოლმე მათ მომართვას.

— აბა, მოყევი! — მაქეზებდნენ ისინი და მეც მოვყვებოდი. მოთხრობა ამ მოყოლაში შენდებოდა იოლად, ხალისიანად.

„მრამბე“-ს რედაქტორი ალექსანდრე ჭყონია წერილს წერილზე მიგზავნიდა ჟურნალისთვის უსათუოდ რამე გამომიგზავნეო. იმხანად მქონდა პატარა ნაწყვეტი, რაც „სამანიშვილის დედინაცვალია“ — პლატონის სიზმარი. უთხარი მხეიძეს: როგორ მიჩვენე, გაუფგზავნეო თუ არა ეს პატარა „სიზმარი?..“

— ნუ სულელობ! — შემომიტია მან. — შენ ისეთი რამ გვიამბე, რომ თუ არ აჩქარდები, მშვენიერი მოთხრობა იქნება არ გაგზავნეო, იცოდე!

დაუუჯერე მეგობარს და მოკლე ხანში პატარა სიზმრის მაგივრად დაიწერა მოზრდილი მოთხრობა. კვანძი, ძარღვი მოთხრობის მოცემულია იმ საუბრებით, რომელიც მქონდა ხოლმე ჩემს სიმამართან — პავლე მაქავარიანთან. ჩემთვის ძვირფასი პიროვნება იყო იგი. კარგი შეძლების კაცი, გამოცდილი, შეგნებული, ცხოვრებაში ჩახედული, ჭკვიანი, ენამახვილი. იგი საყვარელი ადამიანი იყო თავის კუთხეში. მისი ოჯახი მუდამ სავსე იყო სტუმრებით; მოხუცი, ახალგაზრდა ყმაწვილები თავს იყრიდნენ მის ოჯახში. ვის არ ნახავდი აქ, რას არ გაიგონებდი ცხოვრების გასაცნობად საკმარისი იყო აქ მოქცეულიყავი რამდენიმე ხნით. გლახობა დიდ პატივს ცემ-

და მას და მის ოჯახს, რომელიც ყოველი გაქირვებულის გამკითხავი იყო. დამხმარე და დამრიგებელი. თვით ოჯახის უფროსი ცოლშვილიანად გაბპული იყვნენ მუშაობაში, რაც საშუალებას აძლევდა კმაყოფილი ცხოვრებისათვის. მიყვარდა აქ ყოფნა, მიყვარდა მოხუცთან საუბარი, მიყვარდა და მაინტერესებდა მას ოჯახში მოსიარულეთა თვალის დევნება. აქ შემეწყვა ხელი ჩემს ლიტერატურულ მუშაობაში.

— ვერა ხარ კარგი კაცი. ამ მოთხრობაზე უნდა მიგეწერა: „მოთხრობა დავით კლდიაშვილის და პავლე მაჭავარიანის!“ ხუმრობით მეუბნებოდა მოთხრობით ნასიამოვნები მოხუცი.

მოთხრობამ დიდი სიხარული და აღტაცება გამოიწვია „შობაბეს“-ს რედაქციაშიც. ჰყონიამ ვრცელი წერილი გამომიგზავნა განსხვავებული სიტბოთი დაწერილი, სიხარულით, რჩევით. დარჩევით სავსე. ბედს ვერ დავემდურები — ჩემს ნაშრომებს მუდამ ხვდებოდა ასეთი თბილი მიღება, რაც მე მხდოდა მეტ ფხიზელ მომუშავედ.

როცა „სამანიშვილის დედინაცვალი“-ს ბეჭდვა დასრულდა ქურნალში, პეტრე უმიკაშვილი შემხვდა ბათუმის ბულვარში; მასთან იყო არტურ ლეისტრი.

— მე შენ ხმას არ გცემ! — შემომიტია პეტრემ. — რიგიანი კაცი მეგონე, თურმე კი ზარმაცა, ამჩატებული, უხეირო ვოფილხარ.

— რატომ, ბატონო პეტრე, რატომ? — შევეკითხე.

— რატომ და იმიტომ, რომ ასე მალე დაათავე სამანიშვილის მოგზაურობა!.. გადმოვიყვანდი ქართლში, იქიდან კახეთში — რასურათი იქნებოდა, რა იქნებოდა, შენ კი ასე მალე მონახევე დედინაცვალი!

— არ ვიცნობ ქართლსა და კახეთს!

— გაიცნობდი, გაიცნობდი, შე ზარმაცო, ზარმაცო დათოქო! — თან წყრებოდა, თან ხითხითობდა გულიანად. — შენი ჰირიმე, რა ლაზათიანად გაქვს დაწერილი! — და შეუჩერებელი სიცლიდა მოუყვა ჩვენს საერთო ძვირფას მეგობარს ლეისტრს მოთხრობის შინაარსი.

— ნუ ჩქარობ, თუ გიყვარდე! ყურს ნუ უვდებ ქურნალს... გან-

ქარებენ, ახალ-ახალი მასალა სჭირიათ და გიშლიან მეშაობას! თუ გიყვარდე ნუ აჩქარდები ხოლმე... შენ რომ სურათი მომეცი, იმას ეპირვება დამუშავება, შიგ არა გაქვს შეტანილი ზოგიერთი რამ, მე რომ მიაშვებ; თუ გიყვარდე ნუ აჩქარდები!

ეს იყო სურათი „მრევლში“... მთელი ერთი წელიწადი ჰქონდა იგი გაუგზავნელი და ამ ხანში შესამჩნევად გადამუშავდა.

ვიმეორებ — ბედი მწყალობდა. სიყვარულიანი, თბილი, ენერჯის გამაღვიძებელი სიტყვა ზედმეტადაც მხედებოდა. კიტა აბაშიძე, ივ. გომართელი, ილ. ნაკაშიძე, ხომლელი (აკაკის კრებულში); საშა წულუკიძე („ნოვოე ობოზრენიეში“), თავიანთი თანაგრძნობით პირდაპირ მაქვებდნენ და მიწვევდნენ სამუშაოდ.

ამგვარივე მოსიყვარულე პირები შეხვდა სცენაზე ჩემს პატარა პიესებსაც. პირველად თბილისში დაიდგა „ირინეს ბედნიერება“. პიესა, რომ იტყვიან, ჩაფლავდა. ჩაფლავდა უცნაურად; თბილისელები სრულიად ვერ მიუღდგნენ პიესას; ვყურობ და ვკვირობ — ჩემი სახეები სად გაქრნენ, სად გადასხვაფერდნენ?!. გათავდა წარმოდგენა ულაზათოდ, უშნოდ. ვწუხვარ.

— დათიკო, ნუ შეწუხდები! — მითხრა წარმოდგენაზე მყოფმა, ქუთაისიდან ჩამოსულმა ლადო მესხიშვილმა, შეწუხებული რომ დამინახა. — ნუ შეწუხდები, მე ვაჩვენებ როგორ უნდა ითმამაშებოდეს ეგ პიესა; ამ დღეებში დაგბრუნდები ქუთაისში, ერთ თვეში მიიღებ დეპეშას, და უსათუოდ ამოდი და დაესწარი წარმოდგენას. ახლა ნუ სწუხარი — თბილად, სიყვარულიანად მანუგეშა ლადომ.

მეორე დღეს „თბილისის ლისტოკ“-ში რეცენზენტმა პირდაპირ ბლღვირი ამადინა.

გაებრუნდი ბათუმში გულდაჩაგრული, ლადოს დანაპირებით შემავარებული.

არ გაუვლია თვეს, ლადოსგან დეპეშა მივიღე — პიესა მიდისო და ამოდით. გავეშურე ქუთაისისკენ გულაძგერებული. დილით რეპეტიციაა.

— დათიკო, დაჯექ და უყურე; მერე მითხარი თუ რამ აკლდეს! — მითხრა ლადომ.

დაიწყო რეპეტიცია. ყველა ხალისიანადაა; ხალისიანად იწყება; აბესალოს თამაშობს შალვა დადიანი — ჩინებულია; აგერ შემო-
ჟაფხურდა ფილიპე — ვასო ბალანჩივაძე, ჩემი ფილიპე, ნამდვი-
ლი ფილიპე; ჩემს სიხარულს საზღვარი აღარ აქვს; როდამიშვი-
ლი — გოორგი თუთბერიძე, ირინე — გვეტაძის ქალი. სიხარული-
საგან გაბრუებული ვარ.

-- გაქვს რამე სათქმელი? — ღიმილით მითხრა ლადომ, პირ-
ველი მოქმედების რეპეტიცია რომ დათავდა.

— არაფერი, შენ გენაცვალე! — მივუგე.

— ასე ჩქნება მეორეც ახლა წადი სახლში, დაისვენე და დრო-
ზე მოდი. დღეს ჩვენ გავიმარჯვებთ! — ხალისიანად წამოიძახა ლა-
დომ.

მივედი სახლში, ძლივს სადილი ვკამე — ვლელავ, შიშში ვარ.
აღვლევბულს ძილი ისე მომრევია ნასადილევს, რომ ძლივს გამა-
ღვიძეს. მივდივარ თეატრში — თითქოს ეგზამენზე მიმავალი ვყო-
ფილიყავი.

ლადომ დამარონია სცენა, მორთულობა მანახა და მითხრა:

— მე ვიცი და შენმა პიესამ!.. მე აგერ ვიქნები, შენ ლოჟიდან
უყურე!

აიხადა ფარდა. იმის აწერას, თუ როგორ დაიწყო პიესა, რო-
გორ მიდიოდა, როგორ ჩატარდა, ამას არ მოყვები, — ეს იყო
გრძლად გაბმული სიხარულის წუთები. დაუეწყარი წუთები. ახ-
მაურებული, აგუგუნებული ხალხი გამოეფინა თეატრის დარბაზი-
დან; ბნელ ქუჩებში ისმოდა მხიარული ლაპარაკი, სიცილი, ხით-
ხითი. მივდივარ სადგურისაკენ, რადგან უნდა გავბრუნებულიყავი
ბათუმში, მივდივარ და გარშემო მესმის, — რაც გულს სიხარუ-
ლით აესებს.

ქვირფასმა ლადომ მაჩუქა ის დაუეწყარი წუთები. ერთ კვრ-
რაზე ვასო ბალანჩივაძე მიწვეული იქნა თბილისში და თავისი თა-
მაშით აღტაცებაში მოიყვანა საზოგადოება და პიესას სიცოცხლე
დაუბრუნა.

„ღარისპანის გასაჭირი“-ც ბედნიერი გახდა. ღარისპანმა იპოვა
თავისი მოსიყვარულე, განსხვავებული მოსიყვარულე გამომსახვე-
ლი — ვალერიან შალიკაშვილი.

დარისპანო კაროუნას დაათრევდა, მე კი ორივეს; მინდოდა რიგიანი რამ ყოფილიყო. ნატო გაბუნიაძემ მთხოვა პიესა მის საბუნეფისოდ. შევეთავაზე „დარისპანის გასაჰირი“. პიესა წაკითხული იქნა პართენ გოთუასას, მოწონებულიც. მაგრამ ნატომ არ დადგა, არ მოეწონა მართა. ამით ისარგებლა შალიკაშვილმა და თავის ბუნეფისზე დარისპანის როლით გამოვიდა. ეს იყო ნამდვილი სიყვარულიანი დრამა, სიყვარულიანი მხატვრობა. ავტორის გადუხდელი დაჭილდოვება. ასეთივე შეღავათიანი მიღება შეხვდა „უბედურება“-საც, შალიკაშვილის და კონს. ანდრონიკაშვილის მხრივ.

ეს სიტბო, ეს სიყვარულიანობა თან ახლდა ჩემს ლიტერატურულ შრომას, არასოდეს არ დაკლებია იგი და ამიტომაც ჩემი გავლილი ლიტერატურული გზა ბედნიერად გავლილ გზად მიმაჩნია.

1925 წ.

საქართველოს საგარეო ურთიერთობების მინისტრის სამსახურის სამსახურის



შ ერ ი ს ხ ვ ა

კვირა დღე იყო. ის-იყო სოფლის ეკლესიაზე წირვაც გათავდა. სალოცავად მოსული ხალხი ეკლესიის გალავანში გაიფანტა, ჭგუფ-ჭგუფად დაიყო და შეიქნა ჩვეულებრივი სჯა-მუსაიფი სოფლელებს შორის. ერთ ადგილას რამდენიმე კაცი გულმოდგინებით ყურს უგდებდა რაღაც მხიარულ ამბავს, რომელსაც მოუთხრობდა ახალგაზრდა გლეხი.

— შე კაცო, შენ ერთობ მუსაიფში ხარ და კაცია საგუნაშვილმა ეს არის წმინდა გიორგიზე გადაგცა — უთხრა მოამბეს ხანში შესულმა გლეხმა, რომელიც ის-იყო მიუახლოვდა მხიარულად მოლაპარაკე ჭგუფს.

— რას ამბობ, გიორგი? — მიაძახეს აქეთ-იქიდან.

— მართალს ამბობ, კაცო? — თავზარდაცემულმა წაილულლულა იმან, ვისაც მიუტანეს ხატზე გადაცემის არასასიამოვნო ამბავი.

— მართალს გეუბნები, შვილო, მა რა, გეხუმრები?.. რა სახუმაროა, შენ თვითონ თქვი — მიუგო გიორგიმ.

ანდრია, ახალგაზრდა გლეხი, ეკლესიისაკენ გაიქცა და ერთ წამში კარებთან გაჩნდა. თითქმის იმავე დროს გამოჩნდა კაციაც, რომელიც ხელზე ბოხოხის ბერტყით ეკლესიიდან გამოდიოდა.

— ხატზე ვადამეცი, მართლა, კაცია? -- შესძახა ანდრიამ.

— მა რა გეგონა?! — უპასუხა კაციამ.

— რა დაგიშავე, კაცია? ეს გამაგებინე, რა დაგიშავე, რომ ასე ამომიჩემე... რომ აღარაფრით მზოგავ?.. თქვი მაინც, შე კაი კაცო... ამ ხალხს მაინც კარგად გააგებინე... ამათ გაჰსაჭონ, თუ რამეშე მტყუანი ვარ შენთან!

— მაგათზე უკეთეს მოსამართლეს მიგეცი... ღმერთს, თვითონ ღმერთს და მასთან მყოფ წმინდანს გასცემ, შვილოსა, პასუხს!.. მე რაღას მედუღლუნები.. ბევრი გეხვეწეთ, შენც და სხვასაც, მარა

არაფერი საქმე გამეწყო თქვენთან... შენ არ ააგულიანე სხვები?...
ორი ტკველა მიწა მქონდა, იმასაც აღარ მიყენებთ!.. მე, ჩემო ვე-
ბატონო, ჩემს თავს არავის დავაჩაგვრინებ... რა გზითაც იქნება, ჩე-
მზე მოღერებულ ხელს მისივე პატრონს მოვახვედრებ... შენ ჩემ-
თან აწი აღარაფერი სალაპარაკო აღარა გაქვს... წმ. გიორგის გაეცი
პასუხი!..

— შენ გგონია, წმ. გიორგი მარტო შენს სიტყვაზე გეიარს?—
გულმოსულად უთხრა ანდრია.

— მაგასაც შენი თვალებითვე დეინახავ!.. --- და ამ სიტყვისთა-
ნავე კაცამ კიდევ დაიბერტყა ქული ხელზე, დაიხურა თავზე და
მალაღი. მსხვილი ჯოხით ზელში, გარშემო მოვროვილ ხალხს გაშო-
რდა.

მოსუცებული კაცია დარწმუნებული იყო, რომ ანდრიას თავზე
ღვთის რისხვას მოიყვანდა... მისი სახის გამომეტყველება, რომე-
ლიც ისე აშკარად, ნათლად ეუბნებოდათ, რომ ამ კაცის დამორჩი-
ლება ადვილი არ არისო, რომ ის თავის შეურაცხყოფას არავის
შეარჩენს, ვინც უნდა იყოსო, — მისი სახის გამომეტყველება ახლა
თითქოს გუბნებოდათ: ექვი არა მაქვს, რომ წმინდა გიორგი დასჯის
ანდრიასო. ამიტომ ისე დინჯად გაბრუნდა ის მოშორებით. საფლა-
ვის ქვაზე მჯდარი გლეხებისკენ.

ყაბალახმოგლეჯილი ანდრია კი ისევ იმავე ადგილას, ეკლესიის
კარებთან, იდგა და გარს შემოხვეულ გლეხებს ცხარედ შესჩიოდა:

--- ჩემგან რა უნდა, რომ ვერ გავიგე?! მე რას მერჩის, რას ჩა-
მცივებია, — ეს რომ ვიცოდე, სხვა არაფერი მინდა!.. ჩემ გარდა
სხვა რამდენია, რომ არ მოაშლევენეს ის ამოსაგდები გზა... რაღა
მე ამომარჩია წმ. გიორგიზე გადასაცემად?!

— ეგ არ ვიცი კარგად, შენ რა ბრალს გდებს კაცია და უსამარ-
თლოდ რომ ირჯებით მთელი კუთხე, ეს კი ცხადია! — წამოიძახა
ერთმა გლეხმა.

— რატომ, შე კაცო? უსამართლოდ რით ვირჯებით? — მიამა-
ხეს აქეთ-იქედან.

— რატომ არ ანებებთ მაგ კაცს მის ადგილს?... მე არ მოვკვდე,
მეც არავის მოვუთმენდი, მაგისთანა რამე რომ ექნათ ჩემთვის...
რას მეუბნები?! მე და ჩემმა ღმერთმა, ერთი-ორი კაცი მაინც შე-
მომაკვდებოდა იქვე!.. ბიჭო, უწინ გზა სადაც გქონიათ, იმაზე იარ-
ეთ... აბა, კაცს ადგილი ველარ გაუშვია, ადგილი ველარ დაუსვენე-
ბია! — ცხარობდა გლეხი.

— სადაა ეს ძველი გზა, აბა რას ამბობ, კირილე? მე პატარა
ვიყავი, რომ იმაზე აღარავინ დადიოდა... ახლა ყანაშია შეტანილი!..
ვიღ განახევებს თვალით და, ამასთანავე ის ძველი გზა სულ აღარ
248

ვარგა. არ გინახავს თუ? — სხაპასხუპით და გაჭავრებით თქვა ანდრია.

— ამიტომ კაცია ძალით ართმევთ ადგილს? კარგია შენმა გაზღამ! — მიაძახა კირილემ.

— ძალით ვინ ართმევს, შე კაცო! მაგას რატომ კადრულობ? — მოისმა ზოგიერთების ხმა.

— ძალითაა, აბა რა, ვინ შეეხვეწა? თავიდან ძალის დატანება პროუნდომეთ... კაცი გაახელეთ და ახლა აღარ უნდა თავი დუგაჯანებინოსთ! ასე მოგექცეოდათ, აბა რავე გეგონათ? — არ წყნარდებოდა კირილე.

— შე დალოცვილო, საქმე სასამართლოში იყო და იქაც გადასწყვიტეს აგრე, რომ გზა კაციას ადგილზე დარჩენილიყო... ჭიუჭია მაგ დალოცვილი, სხვა არაფერი! — წამოიძახა ერთმა მოხუცებულმა გლეხმა.

— მე კი მაინც ჩემსას ვიტყვი. — რატომ ამომიღო თვალში? მე, მე რად გადამცა ხატზე? გასაკვირველია, ღმერთმანი! — მხრების აწევით თქვა ანდრია.

— ეჰ, შენც კიდევს!.. რა გაწუხებს?! მაგნაირ უსაფუძვლო გადაცემას ძალაც არა აქვს! — თანაგრძნობით უთხრა ანდრიას ერთმა აქ მოყოფთაგანმა.

— დიახ, ეგ მართალია, ბერიკო, მაგრამ მაინც გეწყინება, რაზე უნდა წაგაყენოს ხატთან ტყუილებრალოდ კაცმა? — მიუგო მას ანდრია.

საქმე იმაში იყო, რომ კარგა ხანმა გაიარა მას აქეთ, რაც კაცია საგუნაშვილმა ერთი თავისი საყანე ადგილი შესასვენებლად გაუშვა და აღარ დაუმუშავებია, ლობეც აღარ გაუყოლებია მის გარშემო, — ადგილი მოლალული იყო, თითქმის არაფერს იძლეოდა. სოფლებზე ამ შემთხვევით ისარგებლეს და შესვენებულ ადგილზე სიარული დაიწყეს, რადგანაც ამ ახალი გზით ერთობ ემარჯებოდათ სიარული მახლობლად მდებარე ბაზრიან დაბაში და საყანეებზედაც. ძველი გზა, რომელიც სრულიად წამხდარი იყო, მიივიწყეს და მის შეკეთებას აღარავინ დაეძებდა. ამით ისარგებლეს იმ ძველი გზის მახლობლად საყანე ადგილების პატრონებმა და მოსპეს გზა. ეგ იმათთვის მეტად საჭირო იყო, რადგანაც გაფუჭებული გზის თინარჩი ნაპირები ნელ-ნელა ინგრეოდა და ამით ფუჭდებოდა საყანეებიც. დროთა განმავლობაში ეს ძველი გზა ყველამ დაივიწყა, მით უფრო, რომ კაციას ადგილზე სიარულის დამშლელი არავინ იყო. კაცია, თავის მხრივ, დარწმუნებული იყო, რომ, როცა კი მოინდომებდა, ყოველთვის შეპკრავდა თავის ადგილს. მაგრამ ბოლოს სულ

სხვა გამოდგა. როცა კაცია ერთ დღეს მოინდომა გაშვებული საყანის შემოღობვა, მეზობლებმა მოითხოვეს ერთი ნაწილი გზად დაეტოვებინა. კაცია ავარდ-დავარდა ამაზე, ყური არავის ათხოვა, ღობვა დაიწყო, მაგრამ ღობე ისევ მოურღვიეს. კაციამ დაიწყო მუქარა, მოკვლავ ვისმე იმ ჩემ ადგილზედაო, მაგრამ მაინც არავინ შეეპუა, მით უფრო რომ ყველასათვის ეგ იყო ერთადერთი გზა. საქმე სოფლის სასამართლომდის მივიდა. მოსამართლენი მოვიდნენ, დათვალიერეს ის ადგილი, სადაც ძველი გზა მიდიოდა, ეს ახალი სადაო გზაც და გადასწყვიტეს: რადგანაც ძველი გზა მეტისმეტად გაფუჭებულია და მისი შეკეთება ყოველად შეუძლებელია, ამის გამო კაციას ადგილს უნდა ჩამოსჭროდა ერთი ნაწილი ახალი გზისთვის. კაციასთან ერთად ერთმეოდა ცოტა მიწა მის მეზობელ ერთ გლებსაც. ეს უკანასკნელი ადვილად დაითანხმეს, კაცია კი ვერაფრით ვერ დააწყნარეს, ვერ ჩააგონეს, რომ უნდა დაეთმო ის ცოტაოდენი მიწა სოფლისათვის.

— ღვთით, არაფერი გიჭირს, სხვა ადგილებიც გაქვს. ბევრი-ბევრი, ორი ბათმანი მოვიდეს ამ ჩამონაჭერზე... უნდა დაუთმო სოფელს, აბა რა ქნას სოფელმა? — ეუბნებოდნენ კაციას.

— ძველ გზაზე იარონ!

— რომ აღარ შეიძლება იმ გზით სიარული, შე კაცო, განა შენ თვითონ არ იცი?..

— მერე მე რა?.. სადაც გინდათ, იქ გააკეთეთ ახალი გზა... მე კი ჩემსას არავის დავანებებ... დაეუთმო სოფელს ჩემი ადგილი და მე მშიერი დავრჩე?.. — გაჯავრებით ამბობდა კაცია.

— შე კაცო, აქამდის ასე იოლად რჩებოდი ამ ადგილით, ახლა დაგამძიმებს და მშიერს დაგარჩენს ორი ტკველა მიწის ჩამოჭრა? მერე საზოგადოებისათვის!.. — უთხრა ანდრეამ, რომელიც სოფლის ერთი მოსამართლეთაგანი იყო.

— საზოგადოებისათვის კი არა, ის კიდევ!.. მითქვამს — არ დაგიტოვებ... მორჩა, გათავდა... სოფელი ფეხებზე მკიდია! -- გაჯავრებით წამოიძახა კაციამ.

— სასამართლოს განაჩენი რომ შესდგა, მეტი რა გზა გაქვს არ დაუმორჩილდე!.. — უთხრა მეორე მოსამართლემ, რომელიც მოთმანებიდან გამოიყვანა კაციას ჭიუტობამ.

— გლახა ანთამოზა გგონივართ მე, რომ თქვენს წინაშე იმასავით თავს მოვიბრი?.. დიხს!.. მირი სულში ვიჩივლებ... თუ საჭირო იქნება, ოკრუტინ სულშიაც გიახლებით... იმას ნუ იფაქრებთ, რომ თქვენ ჩემი თავი დაგაჯაბნებით!

— ტყუილად გაიჩვიე, ჩემო კაცია. ამ საქმეს სხვაგან არსად.

არ მიიღებენ გასარჩევად. არც მცროსი სული და არც ოკრუენი, — უთხრა ანდრიამ.

— თუ არ მიიღებენ, მე სხვა გზასაც მოვნახავ, სადაც პასუხს აგებო თქვენი უსამართლობისათვის... კი მიგაცემივით პასუხს, სადაც იქნება.. ნამეტურ შენ, ვაებატონო! შენ რომ დიდი მოქალაქე ბრძანდები — მიუბრუნდა კაცია ანდრიას: — შენ შეგაწევ ჩემს დაჯანბნებას, გგონია?.. მოგიკვდეს მაშინ კაცია, შენი წიხლი დამკარი... კაცია არ ვიქნები, თუ შენი დაბადების დღე შენვე არ გაწყველინე! — ყვიროდა ძალზე გაჯავრებული კაცია. — ახლა კი, რაც გინდათ, ის ქენით! — და განრისხებულმა კაციამ ჩქარი ნაბიჯით თავის სახლისკენ გასწია.

— რა უნდა ელაპარაკო ამისთანა კაცს? — მხრების აწევით თქვა ანდრიამ და თან თვალები გააყოლა კაციას, რომელიც კიდევ მოჩანდა ორღობეში მიმავალი.

კაციამ აასრულა თავისი სიტყვა. აღარც თავი დაიზოგა, აღარც თავის მოხუცებულობას მოერიდა, — ბევრი იწანწალა, ორიოდ ადვოკატთანაც იყო ძღვენით, მაგრამ ვერაფერი ვერა გააწყო რა. ანდრიას სიტყვა მართალი გამოდგა და ეს უფრო გულს უკლავდა მოხუცებულს.

აენტო კაცია. ის ჰგავდა მხეცს, რომელიც არა ღონისძიებას არ დაერიდებოდა, ოღონდ კი რითიმე თავისი ჯავრი ამოეყარა, განსაკუთრებით იმ გაიძვერა, მოტიკტიკე ანდრიაზე, რომელიც თავი და ბოლო იყო სოფლის მოსამართლეებს შორის. კაციას ერთი გზა და რჩა თავის შემავიწროვებელთა მოთავის დასასჯელად და კიდევაც გადასწყვიტა, მიემართნა ხატისათვის. გადაწყვეტილება აღსრულებაში მოიყვანა და კიდევაც ჩაუგდო ხატს ხელში, — გადასცა წმ. გიორგის ხატზე ანდრია. სადღა წაუვიდოდა წმ. გიორგის ანდრია? ექვი არ უნდოდა, წმ. გიორგი უსათუოდ დასჯიდა ანდრიასაც და მასთან მის უკუღმართ მოსამართლე ამხანაგებსაც. — ეს მტკიცედ სწამდა კაციას.

ამ დღიდან კაცია გულდამშვიდებული ელოდა წმ. გიორგისაგან ანდრიას და მის ამყოლთა საჯაროდ დასჯას.

— დამაცათ. შვილებო. ისევ თქვენვე შემეხვეწებით ადგილი ჩავიბარო, როცა ჩემი გამჩენი შავს დღეს დაგაყენებსო.. ველარსად იჩივლებო!.. აბა ვნახოთ!.. ღმერთიც დაივიწყეთ?! ვითომ იმას ამა სოფლის აღარათფერი ეყურება?! ჰაი გიდი, რანაირი ხალხი იზღებო?! — ხშირად იმეორებდა კაცია.

დრო და ხანი გადიოდა, მაგრამ წმინდანის რისხვის ნიშნები კი

არსად ჩანდა. კაცის მოუთმენლობა დაეტყო. ნეტა რად ატარებს წმ. გიორგი ამდენს ხანს უვნებლად ანდრიას და არაფრით არ იჩენს იმაზე თავის საწაულს?! ამ მოუთმენლობას ის უფრო უმატებდა, რომ ამ ბოლო დროს ანდრიასაც მეტი რალაც მხიარულება ემჩნეოდა, იგი უფრო გათამამდა და, როგორც სხვები ეუბნებოდნენ კაცის, ვითომ არაფრად აგდებდა კაცისაგან ხატზე გადაცემას. პირველ ხანებში, მართალია, ანდრია შეშინდა, თუმცა თავისი სიმართლის იმედი ჰქონდა; ორჯერ ძღვენიც მიართვა წმინდანს, მაგრამ მერე, როცა გაიარა ხანმა და იმის ცხოვრებაში ისეთი არა მომხდარა რა, დაიმედდა და სრულიად მიივიწყა, რომ კაცისაგან გადაცემა ბული იყო.

კაცია სულ ერთიანად აამღვრია ანდრიას ამგვარმა უღარდელმა ყოფაქცევამ. ახლა ის გუნებაში წმ. გიორგისაც ემდუროდა შეგვიანებისათვის. ბერმა კაცმა იმ ზომამდისაც მიაღწია, რომ ხმამალა დაუწყო წმინდანს მღურება.

— განა დღესავით ნათელი საქმე არაა!... გამოძიება ეპირვება კიდევ თუ?!

— რატომ ხარ. შე უბედურო, მაგდენად უგუნური, რომ წმ. გიორგის უსწორებ სამართალს?! სულწასულობაა ეგ, მეტი არაფერი... გაჩუმდი, შენთვის იყავი... წმ. გიორგიმ, — ვენაცვალე მის ძლიერებას! --- შენზე უკეთ იცის, როგორ უნდა მოაქცეს, ან ვინ როდის დასაჯოს... — შეუტია კაცის მისმა ცოლმა, მოხუცებულმა დოღომ.

— როდემდის ვუყურო?... ვერა ხედავ, გათამამდა და გამხიარულდა მტერი?... მაშ, სიავკაცე და ავაზაკობა ჯობნებია სიმართლეს?! საიდან გაიგოს კაცმა, რომელი სჯობია, თუ წმინდანიც ყურს არ მიაქცევს შევიწროებული ადამიანის თხოვნას და თავის დროზე არ დასჯის კაცის შემაწუხებელს?... რას მეუბნები შენი — ამბობდა გულმოსული კაცია.

— გაჩუმდი-მეთქი, გაჩუმდი, ნუ ჩერჩეტობ უთავბოლოდ! ვის უჯავრდები, შე შეჩვენებულო? ვის ასწავლი, ვის არიგებ ქუქას?... სრულიად შეიშალე, შე უბედურო, ამ ბოლო დროს... აღარაფრის გაგება აღარა გაქვს!..

— მომშორდი, დედაკაცო, თავიდან — მიაყვირა კაციამ დოღოს და ფეხზე წამოვარდა: — მე შენზე უკეთ ვიცი ჩემი საქმე... როდის იყო ჩემთვის საჭირო დედაკაცის დარიგება? — მოჰკიდა ჯოხს ხელი და ეზოდან გავიდა.

მოხუცებული კაცია ახლა ანდრიასთან ერთად წმ. გიორგისაც ემდუროდა და ამ სამღურავს ხმამალა წარმოსთქვამდა ხოლმე.

ეკლესიაში რომ იდგა, ხშირად თვალმოუშორებლად და საყვედურით მისჩერებოდა წმ. გიორგის ხატს, თითქოს უნდოდა ამით გაეგებინებინა წმინდანისათვის: „ნუთუ დაგავიწყდა, რასაც გთხოვდიო?!“

ვერაფერ საქმეს ხელს ველარ ჰკიდებდა, აღარაფერი აღარ ახსოვდა კაცის იმის მეტი, რომ ის დაექაღნა ანდრიას, წმინდანის შემწვობით ჯავრს ამოვიყრიო, მაგრამ ვერც ეს აასრულა და თვით წმინდანმაც არავითარი ყურადღება არ მიაქცია მას.

დიდმა მარხვამ გაიარა. კაცია, რომელიც ყოველ წელიწადს ეზიარებოდა ხოლმე ამ დროს, წელს არ ზიარებულა. გათენდა აღდგომაც, მაგრამ იმის გულს ამ სამხიარულო დღესაც არ გაუხარია.

აპრილის მშვენიერი დილა იყო, აღდგომის მეორე დღე. ეკლესიაზე მრავალი ხალხი იყო თავმოყრილი. ჩვეულებისამებრ, დღეს ხატებით უნდა შემოველოთ ეკლესიისათვის და მერე მღვდელს ხალხი უნდა დაელოცნა. წირვა გათავდა. ეკლესიიდან ხალხმა გამოსვლა იწყო.

— ყველა ხატებს გავყვეთ, ყველა — დაიძახა ვილაცამ.

— უთუოდ, უთუოდ!.. აბა რისთვის მოსულხართ... სეირს უყუროთ თუ? — დაუმატა მეორემ.

— უტიეთ, ყმაწვილებო, გზა მიეცით!.. რატომ იცით კარებში გაჩერება! — მიაყვია ერთმა მოხუცებულმა გლეხმა რამდენსამე კაცს, რომელნიც ეკლესიის კარებთან შეჩერდნენ და ერთმანეთს დღესასწაულს ულოცავდნენ. — ვერ ხედავთ, ხატებს მოასვენებენ?

მართლაც, კარებში გამოჩნდა ხატებით ხელში რამდენიმე გლეხი, მათ უკან მოჰყვებოდა შემოსილი მღვდელი სასხურით მარჯვენა ხელში და ჯვრით მარცხენაში. მღვდელი თან ჯვარს სახავდა ხალხს და თან წმიდა აიაზმის წყალს ასხურებდა.

— ნუ გაჩერებულხართ, ყველა ხატებს გამოჰყვეთ... ეკლესიას შემოვუაროთ! კარილე, პეტრე, ვის უყურებთ?.. ეკლესიას შემოუარეთ! — უძახოდა მღვდელი ხალხს.

— კირიე-ლეი-სონი კირიე-ლეი-სონი — გაიძახოდა იმდენი ხალხი და წყნარის ნაბიჯით მიჰყვებოდა უკან ხატებს. უკვე სამჯერ შემოუარეს ეკლესიას და შემდეგ ხატები გალავანში გაიტანეს და იქ დაასვენეს.

ხალხი გარს შემოეხვია მღვდელს. ამ უკანასკნელმა რამდენიმე ლოცვა წაიკითხა და ხალხს უბრძანა ხატების წინ მუხლთ მოიყარეთო.

— წმიდაო გიორგი — მიმართა მღვდელმა წმ. გიორგის ხატს, რომლის სახელიც ერქვა ამ ეკლესიას: — წმიდაო გიორგი! ყველა ესენი შენი ყმები არიან, შენი მშოსავნი. შენს მფარველობის ქვეშ

მყოფნი, შენი მავედრებელნი და გეხვეწებიან მუხლმოდრეკილნი, რათა შეისმინო მათი ვედრება, ნუ მოაკლებ ამათ ნუგეშისცემას, წყალობას შენსას, განაშორე ყოველივე ბოროტი, განძლიერე ამათში კეთილი, დათრგუნე ავი და შთანერგე შიში და სასოება რათა აღიღონ სახელი შენი, ჩვენო მფარველო, ჩვენო სასოებავე, ჩვენო ბატონო უკუნითი უკუნისამდე!..

— ამინ, ამინ! — ისმოდა ყოველი მხრიდან.

ჯერ კიდევ არა ჰქონდა მღვდელს გათავებული ვედრების სიტყვა, რომ მოშორებოთ მდგარი კაცია საგუნაშვილი წამოიჭრა წინ, მისწი-მოსწია დაჩოქილი ხალხი და ერთ წამს წმ. გიორგის ხატთან გაჩნდა.

— ესმის ახლა ვითომ მაგას რამე?.. ძალი ვიყავი მე, ჩემი რომ ირაფერი შეისმინა მაგან?! — საშინელი ხმით წამოიძახა აცახცახებულმა ბებერმა კაცმა.

ეს ისე სწრაფად, ერთი თვალის დახამხამებაში მოხდა, რომ ვერაფერს მოასწრო მოხუცებულის შეჩერება. მღვდელი გაფითრებული, გონებადაკარგულივით მისჩერებოდა განრისხებულ მოხუცს.

— რას ამბობ, შე შეჩვენებულო? — მიაძახეს აქეთ-იქიდან კაციას. ვილაცამ ხელიც ჰკრა; კაცია წაბარბაცდა, მაგრამ არ წაქცეულა.

— კაცია, გაგიჟდი?

— ჰკუაზე შეიშალე? — უყვიროდნენ გარშემო.

— რა ქნა ამ შეჩვენებულმა!.. უმაგალითო საქმე არ ჩაიდინა?! — ამბობდნენ გოცებულები მაყურებელნი.

— რაო, რა თქვა? — კითხულობდნენ მოშორებით მდგომნი.

— წმ. გიორგის ხატი ჰგმო!.. — იყო პასუხი.

— კაცია საგუნაშვილმა ხატი ჰგმო!.. კაციამ ხატი ჰგმო! — ისმოდა ყველგან და ამ ამბავმა ელვასავით შემოირბინა იქაურობა.

— რატომ ქნა მაგ შეჩვენებულმა ეგ ამბავი? — კითხულობდნენ ზოგიერთნი.

— ანდრია ჰურაშვილი ჰყავდა გადაცემული და რატომ წმ. გიორგიმ არ დასაჯაო!

— ვაი, გაგიჟებულა, ნამდვილ გაგიჟებულა ეგ უბედური! — ამბობდნენ და ყველას თვალი მიქცეული ჰქონდა ამ საკვირველი მოხუცისაკენ, რომელიც დინჯად, მაღალი ჯოხით ხელში, გალავნის კიშკრისაკენ მიდიოდა.

უეცრად ქალის საშინელმა კივილმა შესძრა იქაურობა.

— მომკალით!.. მომკალით!.. რა ღღეს შევესწარი?.. მომკალით!.. ვაიმე, ვაიმე!.. რაღა ვარ ცოცხალი, მე წაწყმენდილი!! — კიოდა

მოხუცებული დედაკაცი, რომელიც მორბოდა იმ მხრიდან, სადაც ქალები იდგნენ ცალკე. ეს იყო კაციას ცოლი დოდო.

— სადაა, სად, ის შეჩვენებული?.. სად არის?.. თვალით დამანახეთ ერთი! — სასოწარკვეთილებით გაიძახოდა დოდო.

— ეგერ მიდის, დედავ, აი, ეგერ ჭიშკართან — მიუთითეს კაციასზე.

დოდოს თითქოს დაეინწყა თავისი მოხუცებულობა და, რაც ძალა და ღონე ჰქონდა, გაექანა კაციასაკენ.

— სად მიხვალ?.. სად ჯანდაბაში მიყავხარ ეშმაკს, შე წყეულო?! სად მიეთრევი... სად მიეთრევი. შე სამიწვევ?! — მიჩბოდა და თან კიოდა დოდო.

ის-იყო კაციამ გალავნის ჭიშკრის კარი გააღო, რომ მას ქორივით დაეტაკა ცოლი, ჩააფრინდა ჩოხის კალთაში და უკან დასწია.

— სად ეშმაკებში მიხვალ?.. სად ჯანდაბაში მიხვალ?.. ახლავე დაბრუნდი!.. დაბრუნდი-მეთქი და ხატს შესთხოვე გაპატიოს!.. გესმის ჩემი თუ არა?.. — შესაზარი ხმით მიაყვირა კაციას დოდომ.

— ჩქით!.. მომშორდი — ყრულ წაილაპარაკა კაციამ და სცადა ჩოხის კალთა გაეთავისუფლებინა დოდოს ხელიდან.

— თავს გაგიხეთქ! დაბრუნდი, თვარა თავს გაგიხეთქ!.. დაბრუნდი, გეუბნები!.. ახლავე ბოდიში მოიხადე, შავდღეზე გაჩენილო!.. გესმის ჩემი თუ არა შენ? — და დოდომ ერთი მძლავრად გამოსწია კაციას ჩოხის კალთა.

მოხუცებული კინალამ წაიქცა, მაგრამ თავი შეიმაგრა, გულმოსულმა მოიქნია ჯოხი, რომელიც ისე მძიმედ მოხვდა დოდოს ხელებზე, რომ კინალამ მაჯები დასწყვიტა. ქალმა სიმწარისაგან დაიკივლა და ჩოხის კალთები ხელიდან გაუშვა.

— მომკალი, შე წყეულო!.. მომკალი — დაიკენესა . დოდომ. ღვარივით გადმონადენმა ცრემლებმა თვალები აუვსო. გარეტიანებული მისჩერებოდა სახლისაკენ მიმავალ თავის უბედურ ქმარს. მერე უცბად მოტრიალდა, ჩქარი ნაბიჯით წამოვიდა ეკლესიისაკენ, მივიდა მღვდელთან, რომელიც ხალხს ელაპარაკებოდა, და ფეხებში ჩაუვარდა:

— მიშველე, შენ მიშველე, მამაო!.. მიშველე, შენი მუხლის ქირიმე, ჩემო მოძღვარო!.. ვაიმე, ვაიმე!.. მიშველე, შენ დაგენაცვლე, ჩემო ბატონო!.. — მწარე ჭვითინით მოსთქვამდა პირქვე დამხობალი მოხუცებული დედაკაცი: — მიშუამდგომლე წმინდანთან!.. გადამერიკა კაცი!.. ვაიმე... ვაიმე!..

— ადექ, შეილო, ადექ!.. ნუ გეშინია, შეილო — მოხუცებული მღვდელი ძლივს იმაგრებდა ცრემლებს, ამ დედაკაცის უსაზღვრო

მწუხარებას რომ ხედავდა. -- ნუ გეშინია... წმ. გიორგი ყურადღე-
ბასაც არ მიაქცევს მაგის უგუნურობით ჩადენილ საქციელს... ოღონდ
ილოცე. შეილო, ევედრე და სულგრძელი წმინდანი შეუნდობს, თუ
შენი ქმარი შეიგნებს თავის ცოდვას... შედი, შეილო, ეკლესიაში:
წმ. გიორგის დაუჩოქე და ევედრე... ნუ გეშინია, ღმერთი მოწყალეა.
და სულგრძელი!..

მღვდელმა გადასახა ჯვარჯღედაკას; დოდო ხელზე ემთხვია.
მერე შევიდა ეკლესიაში და იქ, წმ. გიორგის ხატის წინ მუხლმოდ-
რეკილი, დიდხანს ევედრებოდა ცხარე ცრემლით მტირალი, რათა
შეენდო ყოვლად მოწყალე წმინდანს ქმრისათვის უგუნურობით ჩა-
დენილი საზარელი საქციელი.

მღვდელი კი ისევ ხალხს ელაპარაკებოდა:

... ერთობ უცნაური ხასიათისა ვართ... ბუზს არ გადავიფრენთ.
ხანდახან თავზე... გულისწყრომას ზომ საზღვარი არა აქვს ხშირად...
თუ რამ დავიჯინეთ, იმის გადათქმას სიკვდილს ვარჩევთ, თუნდაც
რომ მტყუანიც ვიყვეთ... უთუოდ ჩვენს ნებაზე უნდა იქნეს ყველა-
ფერი და თუ ისე არ იქნა, საშუალებასაც აღარ გავარჩევთ, ოღონდ
კი სურვილი ავისრულოთ... დათმენა რა არის...—ხშირად არც კი გვი-
ნდა ვიცოდეთ. და აი, სადამდის მიეყავართ ამნაირ ჩვენს ხასიათს...
თვით ღმერთსაც კი ვებრძვივით... კაცო წმინდანს ებრძვის, რატომ ჩემს
ნებაზე არ გაიარეო, რატომ ჩემი ნება არ აასრულებო... ამაზე მეტი
შეიძლება?! აი, სადამდის მიეყავართ ჩვენს გულფიცხობას... აი, სა-
დამდის მიდის ჩვენი უგუნურობა გულისწყრომაში.. დამშვიდდით.
შეილებო, ისწავლეთ მოთმინება, რომ გულფიცხობაში ჩადენილი
საქციელი შესანანებლად ისევ თქვენვე არ დაგირჩეთ!..

იმ სამახსოვრო დღიდან საქვარველად გამოიცვალა კაცია. ძვი-
რად უნახავთ. რომ ვისმეს დალაპარაკებოდა. თავის ოჯახშიაც ცალ-
კე ყოფნას ცდილობდა ყოველთვის. ხანდახან, დოდო რომ მასთან
ლაპარაკს დააპირებდა. კაცია წამოდგებოდა, აიღებდა ჯოხს და სად-
ღაც მიეშურებოდა. ბოლოს უწყინარ შეშლილს დაემსგავსა.

მოტყდა, უცნაურად მალე მოტყდა, სრულიად დაბერდა და მოი-
კუმშა ამას წინათ წარმოსადეგი კაცია. ზედვე ეტყობოდა, რომ იგი
სწუხდა, სწუხდა გადამეტებით, მაგრამ ხმას არ იღებდა.

ერთხელ ისე მეტისმეტად შეწუხდა, რომ მთელი ოჯახი ფეხზე
დადგა.

— არიქა, ბიჭო გიორგი, მღვდელთან.. მალე! --- შეპყვირა დო-
დომ თავის ვაჟს.

— არ მინდა, არა!.. — ძლივს წამოიღულულა კაციამ, რომე-
ლიც საზარლად კვნესოდა ტახტზე მწოლიარე.

— მალე, შვილო, მალე!.. უზიარებელი არ მოკვდეს ეს შავდღეზე გაჩენილი!.. ღმერთო დიდებულო, მოხედე შენი მოწყალე თვალით!.. — და დროდ რომ ავადმყოფთან ფუსფუსებდა, გიორგი მღვდელთან მივბოდა თავმოძულებით.

• ცოტა ხანს იქით კაციას მღვდელი ადგა თავზე.

— რას შერები, კაცია?.. როგორ ხარ? — ჰკითხა მღვდელმა.

კაციამ ჭერ ხმა არ გასცა, მერე გადმოხედა, მიაპყრო თვალები, დიდხანს უყურა. ხელი გამოართვა, წამოიწია. ემთხვია ხელზე. მერე უცბად ისევ დაწვა, კედლისაკენ ქნა პირი და ვეება დეკაკი ბავშვივით ატირდა სიტყვის უთქმელად. ამ მწარე, საცოდავად მოთქმამ მღვდელს გული აუჩვილა; ცრემლებით თვალებზე ის გულმხურვალედ ლოცულობდა და თან ნუგეშს აძლევდა საცოდავ მოხუცებულს.

კაცია ეზიარა.

რამდენიმე დღის შემდეგ მოხუცებული მოკვდა საშინელ ტანჯვაში. საწყალი ბერიკაცი თავის გულს შემოასკდა; გულფიცხობამ ამ ზომამდის მიიყვანა, რომ უმაგალითო საქციელი ჩადენინა და ამ ჩადენილი საქციელის მოგონება, რომლის გასწორებაც მის თვალში შეუძლებელი იყო, წარმოუთქმელად აწუხებდა, სტანჯავდა, სტანჯავდა მუდამ, ყოველ ჟამს, ყოველ წუთს, ისე რომ ბოლოს ბერიკაცს ძალ-ღონეც გამოეღა და სულიც დალია.

— ვერ ვიტყვებთ, — ამბობდნენ მეზობლები: — ღმერთს ვაწყენინებთ, რომ მისი მგმობელი ვიტყვით! — და ამიტომაც მიცვალებულ კაციას სასაფლაოზე მხოლოდ ცოლ-შვილი მიჰყვა და ესენიც მხოლოდ იმის უბედურ დღეზე გაჩენას დასტიროდნენ.

მ ს ხ მ მ რ კ ლ ი

ახალგაზრდა, ლამაზი მარინე პარასკევობაზე ისტუმრებდა თავის ქმარს ნიკას.

— არ დაგავიწყდეს, — ეუბნებოდა იგი ქმარს: — ეს საჩოხე შალი ხუთ მანეთ ნაკლებ არ გაყიდო; ამ გაროზში თუ მოგცენ ორ მანეთ-ნახევარი გაყიდე, თუ არა და ისევ სახლში მოიტანე... ეს ოთხი წიწილი სამ-სამ შაურად... ამ გაროზში რომ ფულს მოგცემენ, იმითი ერთი კაი ბალდადი მიყიდე და მომიტანე...

— ბალდადის ყიდვისა მე არაფერი ვიცი, — მიუგო ნიკამ.

— ნაცნობი ვინმე შეგხედება, შე კაცო, შეიხვევარწე და გაყიდვი-ებს... მარა კარგი იქნეს კი!

— რა ფერის გინდა?

— თეთრი იქნეს... თუ გინდა ცისფერი... ფოჩვიანი თუ იშოვო, ძალიან კარგი იქნება... ორ მანეთ-ნახევრად კარგ ბალდადს იშოვი.

— ფულები აღარ გეტევათ ზანდუკებში? — თქვა ამ ლაპარაკის დროს სახლში შემოსულმა მაღალი ტანის, ცოტათი წელში მოხრილმა მოხუცებულმა დედაკაცმა: — ფული არ გეტევათ ზანდუკებში?

— სახლში მოსატანი ფულისათვის, ბატონო, საჩოხე შალს ვატან და ოთხ ახალ ქათამს... ბალდადს მარტო გაროზის ფაღი მიყიდის... ყველას ახურავს თითო ბალდადი, მე კი უბრალო თავსაფრით დავდივარ ეკლესიაზე... მარტო მრცხვენია! — თავდაბლად უპასუხა მარინემ მოხუცებულ დედამთილს.

— ათასჯერ მითქვამს შენთვის... სხვისი წამხედურობა შენი საქმე არ არის, არა... ჩვენ არ გვარგებს, ქალბატონო, არ გვარგებს... რომ ვერ ჩავაგონე!.. შენ, ვაჟბატონო, ბაზრობა რომ გათავდება, მაშინ წადი, შენმა სიცოცხლემ, — მაუბრუნდა ფეფენა ნიკას: — რას გაჩერებულხარ?... გასწი შენთვის და დროზე პოდი სახლში... ფული თელათ მოიტანე!..

ნიკამ, დედის ბრძანებაზე, სიტყვაშეუბრუნებლად, მოხვია ხელი რაც წასადები იყო და საჩქაროდ კარში გავიდა. მარინე კი გულამღვრეული მისჩერებოდა, თვალს არ აშორებდა ფეფენას.

— გეუბნები, პრანკვა-გრეხას თავი დაანებე-თქვა!.. რაღა დროს შენი კოპწიობაა... ვის ეპრანკები, მითხარი ერთი? ქმარი გყავს, იმას მოაწონე შენი თავი... ამ სხვებზე რომ თვალი მიგიბრბის...

— ვის სხვას ვეპრანკები, ბატონო?.. ვის ვეპრანკები, მითხარით მაინც, რომ ყოველდღე ამას მეუბნებიან?..

— მუსაიფი გამაბმევიე ახლა მაგაზე!.. — შეუტია მოხუცებულმა.

— აბა, რა ვქნა, ღმერთმანი? ასე ტყუილაუბრალოდ შეწამებამ გული მომიკლა!..

— ტყუილაუბრალოდ? ჰმ! ტყუილაუბრალოდ?.. მე გული მომეხარჩა, ჩემო ქალბატონო, შენ რომ გიყურებ... გესმის, შენ რომ გიყურებ, გული მომეხარჩა!..

— რა ვქენი მაგისთანა? რა დავაშავე? — ცხარედ წარმოსთქვა ქალმა: — მითხარით მაინც, რა დავაშავე?

— ეგ თქვენი ახალი განათლება არ. მინდა მე, არა; არა-მეთქი, გეიგონე ჩემი... ნუ იცი ყოველ კაცთან შენებურად ლაქლაქი, დორიდებლად ყბედობა, არ შეგფერის ეგ ცუნდრუკი და კისკასი... არა, არა... მე ვიცი, რა ბოლო მოჰყვება მაგისთანა თავისუფლებას...

— მე აღარავის ვცემ ხმას... ყველას ჩამოვეთხოვე... სულ მუნჯად კი ვერ გადავიქცევი, რა ვქნა!

— ყველას ჩამოვეთხოვე, ყველას ჩამოვეთხოვე... ხმას აღარავის ცემ?.. აბა, ეს გლახაკი, გაქუცული აზნოუშვილი დავითი რას დაწანწალობს ჩემს სახლში? რა უნდა კარუგდელაქეს ჩემს ოჯახში?.. მანამდის როდის ყოფილა იგი ამ ჩემ მიდამოზე მოსიარულე?.. ასე ჩამოვეთხოვე ყველას?..

— ბატონო, მე ვერ ვეტყვი ვერაფერს იმ აღამიანს... თქვენ უფროსი ბრძანდებით... თუ გწყინთ მისი აქ მოსვლა, თქვენ დეითხოვეთ და ის იქნება... მე რა ბრალი უნდა მედებოდეს... — მარინეს ხმაში შეკავებული ცრემლები ეტყობოდა.

— მე დეითხოვო?.. თუ შენ, თუ შენ, შენ უნდა დაანახო, რომ ტყვილა დაგდევს უკან?.. გამიფრთხილებინარ, იცოდე, რომ რამე სირცხვილი მაქამო, ოჯახი გამიხადო ქვეყნის სალაპკრაკოდ, სამასხაროდ ასაგდებად, იცოდე, ან შენ და ან მე!.. არაფრით არ დაგზოგავ, ცოცხალი ვერ გადამირჩები, იცოდე! — და ამ სიტყვებთან ფეფენამ ისეთნაირად გადახედა მარინეს, რომ ეს უკანასკნელი აქედანვე უნდა დარწმუნებულიყო: ეს, თავისინება მოხუცებული დე-

დაკაცი ერთ გუნებაზე მართლა და არ დაზოგავდა მას არაფრით.

— ოჯახს უყურე... ოჯახზე გქონდეს უფრო თვალი, გირჩევნია... თვარა, შენისთანა განათლებული ქალი ერთი კდ არ გვინახავს შერცხვენილი და თავსლადლასხმული თავისი გაუფრთხილებლობის წყალობით! — წაილაპარაკა ფეფენამ და რძალს მოშორდა.

რა პასუხი მიეცა ამაზე მარინეს? რა მიეგო ამ სიტყვებზე? ან როგორ მოახერხებდა რაიმე პასუხი მიეგო, როცა ტანი მთლად უცახცახებდა აღელვებულს და ყელში ცრემლები უჭირებდნენ... რა-რიგად გაჰქილა, ტალანში ამოსრისა მისი თავმოყვარეობა, მისი ნამუსიანობა და სიყმაწვილე ამ უსინდისო დედაბერმა?! მერე რისთვის? მხოლოდ ექვისათვის... ჰმ, ერთი ამ მოხუცებულის ფეხქვეშ მოთელვა, მისი ჩაწიხლა — მაგრამ ეს აზრი, ეს სურვილი წარეცხა თვალებიდან ერთბაშად ნაკადულივით გადმოყრაალებულმა ცრემლებმა.

ამ ცრემლების სიმწვავემ თითქოს გამოაფხიზლა მარინე — კაბის სახელოთი მოიწმინდა თვალები, მიტრიალდა და გავარდა კარში; დაეშვა. ეზოს ქვემოთ მდებარე ვენახისკენ, გადახტა ვენახის ბოლოში ღობეზე და შარაგზით მიჰქროდა და თან იძახდა: „რა ვქნა, რა ვუყო ამ დედაბერს?.. ღმერთო, რა ცეცხლში ჩავეარდე?!“

მან მიარბინა თავისი ქმრის ბიძისას.

— ბიძია, ბიძია ჩემო, თავი უნდა მოვიკლა — ძლივს ამბობდა აღელვებული მარინე.

— რა იყო? რა ამბავია, შე ქალო? — ერთხმად შეჰკითხეს ორთავე ცოლ-ქმარმა, ონისიმემ და სოფიომ, მარინეს შეხედულობით გაკვირვებულებმა.

— ბიძია, ან ჩემი თავი უნდა მოვიკლა, ანა-და ის დედაბერი, ის მართლა კუდიანი, არაწმინდა, ის უნდა მოვკლა... მეტი გზა არ მაქვს... გამიჰირდა, სიცოცხლე გამიჰირდა მისგან!

— რა დაგემართათ, რა მოგივიდათ? — ისევ კითხულობდნენ მოხუცებულები. — დაჭექი, შვილო, და ისე გვიამბე! — უთხრა სოფიომ.

— ყველაფერს ვითმენდი, ყოველ იმის სიბილწეს ვუძლებდი... შეხედავდა, მეგონა, რომ არა ვარ ოჯახზე ორგულად... რომ ცული არაფერი მჭირს... რა არ ამიტანია სიტყვის უთქმელად... მეგონა, მცდის-თქვა... ვცდილობდი რამერიგად მისი ოხერი გული მომეგო... მარა არაფერი, არაფერი მე მასთან არ გამივიდა... აკაცს ხმას ნუ გაცემო, კარგად ნუ იცვამო... ძონძებში რავა გამოვეხვიო, როცა, დვითთ, ვშოულობ, ვხელსაქნარობ... ქმარს — ის უიმისოდაც სულელია — ქმარს მიხელებს, რას არ ეუბნება, აგულიანებს... დღეს რე-

ები არ გამაგონა?!. რა არ მითხრა?!. რა არ შემწამა?!. რატომ იქვე არ მოგვედღი!.. რა ექვები შემოაქვს ჩემზე?.. ღმერთო, ღმერთო, რატომ ვარ ცოცხალი ამის შემდეგ?! — და მარინემ დაწვრილებით უამბო ონისიმეს და სოფიოს დედამთილთან ნალაპარაკევი.

— ბიძა, ბიძა! — საყვედურით უთხრა მან ონისიმეს: — ბიძა, შენ ჩამაგლე ამ გენიაში!.. რატომ მოიკიდე ჩემი ცოდვა?.. რაზე ათხოვე ჩემი თავი მაგ ოხრებს! — მარინე მწარედ მოსთქვამდა.

ისაც საკმარისი იყო ონისიმესათვის, რასაც მოჰყვა მარინე და ამ საყვედურმა, ამ საყვედურის ცხარე სიტყვებმა ხომ მოხუცებული მისი გულის მონად გახადეს.

თოფნაკრავივით წამოვარდა ზეზე და წამოიძახა:

— მერე ის შენი სულელი ქმარი, ის სულელი ბიჭი... — გაჭავერებული კაცი სიტყვებს ძლივს ახერხებდა.

— დედამისს რას გაუბედავს... კაცია?! — ქვითინებდა მარინე.

— დალაზვრათ ჩემმა გამჩენმა!.. სული მიცხონდა, მე იმათ შავი ღლე მივაყენო!.. შეჩვენებულს... იმ კულიან დედაკაცს!.. შეხედეთ ერთი!.. — ყვიროდა ონისიმე.

— მოითმინე, კიდევ მოითმინე, შვილო, — ალერსით და ტკბილად ეუბნებოდა სოფიო და თან ეხვეოდა: — კიდევ მოითმინე, შვილო... სულ ასე კი არ იქნება... ისიც დარწმუნდება, შეხედავს, რომ ცდება... ტყვილა გიჯავრდება... კი, შვილო, მოთმინება ჯობია!..

— მოთმინება კი არა!.. ორსავე დედა-შვილს სულს ამოვბდი... თუ ადამიანის დაფასება არ იციან მაგ შეჩვენებულებმა! მე ოვეხელ თვალებს, თუ კაცი ვარ; შენ, ბიძიკო, — მიმართა ონისიმემ მარინეს: — შენ სულ ნუ წახდები... შიშს ნუ მიეცემი... მე ვიცი და იმათ... მე ახლავე წავალ იმ წყეულთან, — წამოიძახა ერთბაშად ონისიმემ: — ახლავე წავალ!.. მომე, ქალო, ღვედი!

— კაია, თუ ღმერთი გწამს, კაია, ონისიმე!.. ნუ აცერცეტლები, — უთხრა ქმარს სოფიომ. — რა დროს ფეფენასთან ლაპარაკია ახლა... გვაცალე... დაწყნარდეს ის ადამიანიც... ახლა რომ მიხვიდე მასთან, უარესად გაახელებ, მეტი რა იქნება... მერეც შეხედები და ეტყვი ტკბილად, სიტყვამოფიქრებით... უკეთესიც იქნება, თუ შენ სულ არ გაცემ ამაზე ხმას... ისევ მე მოველაპარაკები... მე ვიცი მასთან ლაპარაკი.

თუმცა ონისიმე ძალიან იწვედა რძალთან საჩხუბრად, მაგრამ სოფიომ იმდენი მრახერხა, რომ ბოლოს ეს სურვილი გადაათქმევინა ქმარს, მერე მარინეს მიაქცია თავისი ყურადღება და თავისი ტკბილი ხმით, მოხერხებული სიტყვით, შაქრიანი ენით სრულიად დაამ-

შვიდა, დააწყნარა, გული გაუკეთა, ათასი იმედი გაუღვიძა და ისე გაისტუმრა რამდენიმე ხნის შემდეგ.

— გეუბნებოდი, ნუ ერევი-თქვა იმ შენი ძმისწულის ქალის თხოვაში, ბოლოს შეგარცხვენ და სამწუხაროდ დაგირჩება-თქვა, და ხომ გამართლდა ჩემი სიტყვა!.. წინდაწინ ვიცი, რომ ასეთი ამბავი იქნებოდა... და ამიტომ მეშინოდა ყოველთვის... — საყვედურით ეუბნებოდა სოფრო ქმარს, როცა მარინე წავიდა.

— სიკეთე მინდოდა, სიკეთე, დედაკაცო, მაგ შეჩვენებულები-სათვის... ვაუწყრა მაგათ ჩემი გამჩენი!.. კაცი არ ვიქნები, თუ მე მაგენი რაჯულზე არ მოვაქციო!.. კაცი არ ვიქნები!.. მაგ წუნკლიან, არაწმინდა დედაბერს ასე რაღა შევარცხვენებ ჩემს თავს!

— კაი, კაი, კაია, დაწყნარდი — შეუტია ქმარს სოფიომ. — — ვის ახსენებ მაგრე... ვის ექადნები, შე უბედურო, გავიწყდება?

— მისი კუდიანობის შენისთანა დედაკაცებს ეშინოდეს... მე სულაც არ მეშინიან მისი!.. მის კუდიანობას ჩემზე გასავალი არა აქვს! — გაცხარებით წამოიძახა ონისიმემ.

— შენისთანებს გამოუცდიათ მისი ძალ-ლონე... დიდგულზე ხარ, ზურგს უკან რომ ლაპარაკობი ვითომდა ვერ გეიგებს... რასაკვირველია, ამ იმედით იყავი!.. ონისიმე, თუ ღმერთი გწამს, თუ შენი ოჯახი გებრალდება, დაჩუმდი... ნუ იხსენებ ცუდად იმ შენს რძალს... არ ივარგებს... — თითქმის სვეწნით უთხრა სოფიომ.

— აბა, ფეხქვეშ გვევალალო, ა?.. რას მეუბნები, დედაკაცო კუდიანს, არაწმინდას ასე რაღა დავუმორჩილდები, ღმერთო მომკალი!..

— ჩუ თქვა, ჩუ, შე უბედურო რომ არაფერი ეყურება ამ კაცს, კაცის სიტყვა რომ არ ეყურება!.. რა გუნებაზე ხარ დღეს?.. აქამდის ყოველთვის მის ცუდ ხსენებას ერიდებოდი... დღეს რა ამბავია, რა ამბავია ეს?..

— რა ამბავია და ის, რომ გული მომიკლა იმ ბოვშის საყვედურმა... მართალია, სულ მართალია!.. მე ჩავგადე იგი მაგათ ხელში... მე რომ არა, ნიკას ვინ ოხერი მისცემდა ქალს!.. არ შემართლება საყვედური?.. რაღა არ გავცეცხლდები, შე ქალო!

მოხუცებული არ წყნარდებოდა; მშობარა სოფიო თავს იკლავდა მისი მყურებელი და აქედანვე ხედავდა ათას უბედურებას, ფეფენასაგან მათ თავზე მოვლენილს. ტიროდა ქალი და წუწუნებდა ქმრის ჭიუტობის გამო, მაგრამ ის კი მაინც მზახებოდა, რომ ონისიმეს ფეფენასთან წასვლა გადაათქმევინა.

გაიარა რამდენიმე დღემ.

ნაშუადღევი იყო. ონისიმემ თავის ეზოდან თვალი მოჰკრა გზად მიმავალ ფეფენას. იგი მიდიოდა ქვევით ყანის დასახედავად.

— მომითმინე, მომითმინე! — გადმოსძახა ონისიმე რძალს, —
საქმე მაქვს შენთან..

ფეფენა შეჩერდა.

— ახლა მოგელაპარაკები შენდა საკადრისად! — გაბედულად
წამოვიდა ონისიმე, მაგრამ რაღაცად უმტყუნა ამ გაბედულებამ, რო-
ცა იგი მიუახლოვდა ამ მაღალი ტანის დედაკაცს, რომელიც ჯოხზე
დაბჯენილი იდგა შარავნაზე. ფეფენას მოხვეულ შალქვეშ, რომლის
ერთი ყურით ყბა კჭონდა ამოკრული, უჩანდა მხოლოდ ცხვირი და
ქაცრად გამოშხირალი თვალები. ამ ცოტათი წელში მოსრილ დე-
დაკაცში რაღაც ძალა იყო დამალული, ამას გრძობდა ყოველი ძდა-
მიანი მისი დანახვისთანავე. მისი შეხედულება გაგრძობინებდათ,
რომ იგი სხვა დედაკაცს არ წააგავდა, რომ მასში სულ სხვანაირი ხა-
სიათი იყო დაფარული; მისი კუშტი გამოხედულება სხვანაირად მო-
ქმედებდა ყველაზე, ვინც მას მიუახლოვდებოდა. ამას ზედ ერთვოდა
მისი განმარტოებულად ყოფნა, შეზობლებთან მიუკარებლობა და
ყოველივე ეს იყო მიზეზი, რომ სოფლად კუდიანობას სწამებდნენ,—
ყველას მისი ეშინოდა და ყველა მას ერიდებოდა.

ეს იყო მიზეზი იმისა, რომ თუმცა დიდგულად წამოვიდა ონისი-
მე რძლისაკენ, მაგრამ გაბედულებამ უღალატა და წყნარად უთხრა:

— რა ხანია შენი ნახვა მინდოდა!

ფეფენა ხმაგაკმენდილი იდგა, მისჩერებოდა მაზღს, თითქოს
ეუბნებოდა თვალებით: „რაზე გამაჩერე, თქვი ბარემო!..“

ონისიმეს შერცხვა თავისთავის, რომ წინათ ისე იქაჩებოდა და
ახლა კი სულ სხვანაირ კილოზე დაიწყო ლაპარაკი და მოხუცებუ-
ლმა კაცმა თავგამეტებულად სცადა, თავის წინაშე მიანც. დაემტყი-
ცებინა, რომ მას მართლაც სულ არ ეშინოდა კუდიანი ფეფენასი.

— რატომ ხარ ასეთი ავები! — დაიწყო მან: — რატომ ხარ
ასეთი ავები, რომ აღამიანი ვერ გიგუებიათ!..

ფეფენამ თვალები მიამტერა.

— რა ამბავია? — კუშტად წამოისროლა მან.

— მარინესთან ანგელოზი ქალი აღამიანმა ვერ იგუოს?! აღარ
ვიცი... აღარ ვიცი!.. რომ არაა ცუდი ქალი... რატომ გემართებათ
ასეთი საქმე?.. მიკვირს ღმერთმანი... ნამეტანი მიკვირს... და
მწყინს!..

— ჰე! — ჩაიციხა ფეფენამ: — აღუკანტობა დეიწყე?.. საქმე
გამოგლევი, გეტყობა... აღუკანტობა რა შენი საკადრისი ხელობაა!..

— აღუკანტი ვარ თუ რაცხა ვარ, მე საქმეზე გელაპარაკები, რძა-
ლო! ეგ ბოვში მე ვათხოვიე შენს შვილს... მისმა ქერისუფალმა

მე ჩამაბარა მისი თავი და მარინეს ამბავი ყოველთვის მეკითხება, შე ქალო!

— რა გინდა მერე?

— ცუდად ეპყრობით, გეუბნებით!

— მიჩივია?

— კი არ გიჩივია, მე თავათ ვხედავ და პირში გეუბნები.. ურიგო ქალი იყოს, მესმის, და რომ არაა ურიგო, რატომ?.. რატომ?

— ონისიმე, ხომ იცი, რა გაჭირვება გამომივლია მე შენი ძმის ოჯახში... ყმაწვილი ქალი დავჭერივდი და გამოუცდელს ოჯახი მე დამაწვა კისერზე... რა ოჯახი? სარჩო რომ არ მოდიოდა!.. ვინ იყო ჩემი შემფარე, მშველელი?.. ყანას მე ვხნავდი, მე ვწმენდდი, მე ვიწვევდი... თან ბოვმსაც ვზრდიდი... შემეწე ვინ მყოლებია? ყველაფერი მე ვიყავი, მე. მარტოხელა ქალი!.. ვის უნახავს ჩემოდენი გასაჭირი?.. ვის გამოუცდია, რაც შე გამოვცადე?.. მეზობლობას ჩამოვრჩი — ჩემს საქნარს უუნდებოდი და ზოგიერთს კეუათხელს ჰგონია, ვითომ მე აღამიანი მძულს და იმიტომ არ ვეკარები არავის!.. მარა სხვის უგუნურ სიტყვას არ ავეყოლივარ ჩემს დღეში... ოჯახი კი ფეხზე დავაყენე... ჩემი თავი ნამუსიანად შემინახავს... ჩირქი ოჯახისათვის არ მიმიცხია და რომ ამდენი ტანჯვა-წვალებით შემონახულ ოჯახს ვინმემ თავსლაფი დაასხას, ქვეყნის სასაცილოდ გამიხადოს, მის სისხლს დალევს ფეფენა, იცოდე! მის სისხლს დალევს ფეფენა — და აღელვებული მოხუცი დედაკაცი თავის გრძელ ჯოხს ურტყამდა მიწას.

— ეგ აგრე უნდა იყვეს... მაგაში მართალი ხარ, ფეფენა! მაგრამ მარინემ გაფიქრებია მაგისთანა რამე?!. შე ქალო, შენი რძალი ყმაწვილი ქალაა, რა ვუყოთ, რომ ჩაცმა-დანურვა ეხალისებოდეს... ეგ რა საშიშარი უნდა იყვეს?..

— რა საშიშარია?!. რა მისი საქმეა პრანჭვა-გრეხა, თუ ცუდი რამ გულში არ ჰქონდეს!.. მე, ჩემო ბატონო, ხამის ლურჯი კაბითაც კარგად გამიტარებია ჩემი წუთისოფელი!

— მე და შენი დრო სხვა იყო, ფეფენა, ახლა სხვა დროა...

— ეგ არის, რომ სხვა დრო დადგა!.. ახლანდელი ქალები?!. ძველი სინიღისიანობა გაქჭრა... ყველა ამჩატდა... უტიფარნი შეიქნენ. მორიდებასაც გადაეჩვივნენ... აღარაფრის რცხვენიათ... გათამამდნენ... რატომაც არ გათამამდებიან, როცა შენისთანა გულკეთილი კაცები, — დაცინვით წარმოსთქვა ფეფენამ, — ამართლებენ, დასტურს აძლევენ და მათი საქციელის მოწონებაში ბრძანდებიან. ქვეყანა კი გვირყვანა შენი წყალობით, ჩემდა გულის სახეთქად, ერთი ამისთანა მეც ჩამომივარდა ოჯახში და სიცოცხლე გამიმწარა!..

რად უნდოდა ჩემს გლახაკს ლამაზი გოგო... ძროხასავით რომ დარ-
ბის სუყველგან და იმის ფიქრშია, თუ ვის მოაწონოს თავისთავი!

— ტყუილია, სულ ტყუილია შენგან მისი ავად ხსენება, ფეფენა,
ღამიჭერე!

— ტყუილია, დიახ, ტყუილია!.. კვი გახრეკილი დავით კარლგდე-
ლაძე ვინ შემომითრია სახლში?.. როდის იყო ის ჩემს ოჯახში მარინეს
პოყვანამდის, ახლა რომ ძაღლივით დაწანწალობს?! წინათ ისიც
ვი არ იცოდა, მქონდა სახლი თუ არა!.. გოგოს დასდევს და მაგასაც
ღიდად მიაჩნია ეს!.. შენი წყალობით მომდის მე ეგ, შენ გადამკიდე
უტიფარ სულიერს, შენ, ვაჟბატონო!.. და შენ მარიგებ თავის ნე-
ბაზე მივეუწვია სენდისდაკარგული წყეული გომბიო, რომ საპაგლო-
ბა ჩაიდინოს და ქვეყანაში ოჯახი შემიგინოს?!

— ფეფენა, ნუ ხარ აჩქარებული ქალი!.. ნუ ხარ ასეთი უსამა-
რთლო, და გულფიცხოვამ საცოდანობა არ გაქნევიანოს!

— აბა, ვუყურო, გულგრილად ვუმბირო ყველაფერს, რაც ჩემი
თვალეების წინ ხდება... არა?.. სირტხვილს რომ მაქმევენ, მერე გა-
მოვეკიდო საქმის გამოკეთებას?.. მაშინ გვიან იქნება, ჩემო ბატო-
ნო. მე თვალი მაქვს და ჰკუა თავში ჯერ არ გამოშლაყებია, ზოგი-
ერთივითო.. შენი რჩევა ჩემთვის უსარგებლოა, თავს ნუ იწუხებ
ნუ, ნუ იწუხები და შენთვის კი ეგ მითქვამს: კმარა, კმარა, რაც სი-
კეთე დამმართე, და შენი ჰკუთი ჩემი ოჯახის საქმეებში ნუ ეჩრები,
აცოდე, დამითხოვიხარ... დამითხოვიხარ, იცოდე... და კარგად დეი-
მახსოვრე ეს, გესმის?

ეს უკანასკნელი სიტყვები ისეთი დამუქრებით და თან ზიზლით
წარმოსთქვა დედაკაცმა, რომ ამის გამგონე ონისიმე სულ სხვა კა-
ცად გარდაქმნა. ახლა დაავიწყდა მას ფეფენას კულიანობაც, მისი
ძლიერებაც და მხოლოდ თავისი წყენა, თავისი თავმოყვარეობის
შელახვა, თავისი შეურაცხყოფადა ედგა თვალწინ და ეს იყო მიზეზი,
რომ მან, გაცეცხლებულმა, უცნაური ხმით მიაყვირა ფეფენას:

— თუ ეგრეა, ჩემიც დეიმახსოვრე!.. ჩემს მოხუცებულობას
ვფიცავ, მარინეს რომ ცუდი რამე შეამთხვიო, ვერც დედა და ვერც
შვილი ცოცხალი ვერ გადამირჩებით! ცოცხალი ვერ გადამირჩებით,
აცოდეთ! ჰაი, თქვენი რჯული, გაგიწყრათ ჩემი გამჩენი ცოცხლები
ვერ გადამირჩებით, იცოდეთ!

ათრთოლებული ონისიმე უცბათ მიტრიალდა და თავისი სახლი-
სკენ წავიდა. მაგრამ ერთი კიდევ მოტრიალდა და გადასძახა რძალს:

— კარგად დეიმახსოვრე ჩემი სიტყვა... ცოცხლები ვერ გადამი-
რჩებით, თქვე შეჩვენებულებო!..

— რა ქალი მოვაყვანიე მაგ დაწყევლილს და რას მეუბნებიან,

შეხედოს კაცმა ერთი? კაცი არ ვიქნები, თუ შენისთანა ურჯულო და არაწმინდა რჩულზე არ მოვიყვანო.. შეჩვენებულები, შეხედეთ, შეხედეთ ერთი!

ფეფენა კი ერთ ხანს ისევ თავის ადგილას იდგა და მისჩერებოდა გაჯავრებული, გაწიწმაცებული, მიმავალ მაზლს, მერე თავის გზას დაადგა და ქვევითკენ წავიდა ყანის დასახედავად.

სოფიო, მშიშარა სოფიო, შიშმა აიტანა, რაკი ყური მოჰკრა რძალ-მაზლის ლაპარაკს... მან კარში გამოსვლაც ვერ გაბედა საწყალმა, ვიდრე ფეფენამ არ ჩაიარა; სოფიომ გააღო სახლის კარი და ქმარს საყვედურით მიმართა:

— ვიცოდი. წინდაწინ ვიცოდი... რომ ასე გათავდებოდა შენი მასთან მუსაიფი.. ღმერთო, მომკალი, ღმერთო, მომკალი.. გამოტვინდი, შე უბედურო, გამოჩერჩეტდი, შე საწყალო?! გებევწი, გემუდარე ნუ შეებმები-თქვა ლაპარაკში... არა, არ დეიჭერა, არ დეიჭერა ადამიანის სატყვია ღმერთო, ღმერთო! — გაიძახოდა მწუხარედ სოფიო.

— მაშ რა მექნა, ერთი შენც?.. მოთმინებიდან გამომიყვანა იმ წყეულმა, იმისთანები მითხრა... მკვდარი ხომ არა ვარ... რარიგად მომეოთმინა?.. მკვდარიც არ მოუთმენდა, მე რომ იმან მითხრა!

— უნდა მოგეთმინა, უნდა მოგეთმინა.. ვის ებრძვი, ვის, შე უბედურო? რატომ არ ერიდები, შე უბედურო, რატომ არ ერიდები? ვინ გიშველის, ვინ დაგიფარავს, შენზე ჯავრის ამოყრა რომ მოინდომოს?

— ვერაფერს მიზამს! — დაჟინებით წამოიძახა ონისიმე.

— დიახ, დიახ, მაგ იმედით იყავი, მაგ იმედით იყავი!..

ქმრის ამგვარი ჭიუტობა გულს უკლავდა საწყალ სოფიოს.

— ეჰ, ერთა შენც კიდევ! — გაჯავრებით თქვა მოხუცებულმა კაცმა: — რასაც მიზამს, ქნას და ის იქნება!.. წავალ ახლა, მუხლზე მოვეხვევი, შენი მეშინია და მაპატივე-თქვა, თუ რაღა გგონია?

— ვაი ჩემი ბრალი შენს ხელში... არ ვიცი შენი ჭიუტი ხასიათის ამბავი თუ?.. ისევ მე უნდა დავაშოშმინო რამე გზით... ისევ მე უნდა დავაწყნარო!.. ვაი ჩემი ბრალი შენს ხელში, ყოველთვის გულისხმეთქაში ვარ შენი წყალობით... — სასოწარკვეთილებით წარმოთქვა მშიშარა დედაკაცმა.

ფეფენამ დახედა ყანას და ახლა უკანდაბრუნებული იმავე გზით, სახლისაკენ მოდიოდა. თავჩალუნული, ნელი ნაბიჯით მომავალი, ჯობზე დაყრდომით, იგი ათას ფიქრებში იყო წასული... რამდენი მწუხარება. რამდენი უსიამოვნება შეხვდა ამ ბოლო დროს!.. ახლაც, ამ ერთი საათის წინ რა ლაპარაკი მოუხდა?!. რარიგად გაუწყალდა გაუ-

უგემურდა მოხუცებულობა ამ გლახა გომბიას გამოისობით? რა-
რიგად მოუშხამა სიცოცხლე ამ უხერიო გოგომ! რა უყოს, რარიგად
აიციდინოს თავიდან განსაცდელი, აიციდინოს ქვეყანაში თავისმო-
კრა?.. განსაცდელი მოელის, უსათუოდ მოელის, ამაში დარწმუნე-
ბულია ფეფენა... რარიგად უჭირავს თავი იმ შეჩვენებულს! ვის გა-
უგონია გათხოვილი ქალის კისკისი, გაუთავებელი სიძლერა, (იეკვა-
თამაში ისე, როგორც მან იცის? გაგონილა ისე თამამად, მოურიდე-
ბლად, თავისუფლად ლაპარაკი, მან რომ კაცებთან ლაპარაკი იცის?..
რას ჰგავს, რავა შეპფერის ქმრიან ქალს, მან რომ მოკმაზვა-გამო-
პრანჭვა იცის?!. ეს გახრევილი აზნოუშვილიც რომ შემოუთრია
სახლში.. ალბათ იმედს აძლევს, იმედს! აბა, რაზე დასდევს ეს შე-
ჩვენებული ასე მოუცილებლად... ამ უნაპუსოს კი უხარია, რასა-
კვირველია, უხარია, რომ აზნოუშვილი უკან დამდევსო.. უჭკუო,
გამოტვივებული ონისიმიე კიდევ ამართლებს და... ხმა არ გასცეთო..
დიახ, სწორედ ეგრე იზამს ფეფენა! სულ თავისუფლად ამყოფებს,
სანამ თავზე ლაფს არ დაასხამენს.. სულს ამოხდის, თავის ხელით
წაახრჩობს ფეფენა, ვინც მის წვა-დაგვით შენახულ ოჯახს რამე
ჩირქს მოსცხებს, ცუდ სახელს დაუგდებს..

ცალკე ამ ფიქრებში გართული. ცალკე დაღლილი, ნელა მომა-
ვალი ფეფენა ის-იყო ვიწრო ორღობიდან ფართო გზაზე გამოვიდა,
რომ რაღაც ხმა მოესმა, რომელმაც მოხუცებული ქალი ფიქრები-
დან გამოიყვანა. მან ასწია თავი და გაიხედა იქით, საიდანაც ხმა მო-
ესმა.

გათითრებული ფეფენა თითქოს მიეკრა იმ ადგილს, სადაც იდ-
გა.

ეს მარინე იყო, ჩაფი ეღვა მხარზე და მორბოდა ზევეთკენ. ფე-
ფენამ ადვილად იცნო: მას ელაპარაკებოდა ღობეზე მომდგარი და-
ვით კარუგდელაძე, რომელმაც ახლა მარინეს უკან მიამახა:

— კვირას მოვალ, უსათუოდ გეწვევი... კაი მასპინძელი თუ და-
მიხვდები!

მარინე ისევ მირბოდა და დავითიც ღობეს მოშორდა.

სისხლი თავში აუეარდა მოხუცებულ ფეფენას ამ სურათის და-
ნახვაზე. ახლაც ტყვილად ეწამება იგი მარინეს, ახლაც სცდება თა-
ვის ეჭვში? იმ ზომამდის იყო გააფთრებული, რომ მოსაზრების ძა-
ლაც კი დაკარგა ნახულის მოულოდნელობით. თავდაპირველად ვერ
მოისაზრა რა ექნა, რარიგად მოქცეულიყო, მერე კი ისევ გონზე
მოვიდა, მოშორდა იმ ადგილს, სადაც გაქვავებულივით იდგა, მიირ-
ბინა ღობესთან, სადაც დავითი იყო გადმოწოლილი, ერთი თვალის

დახამხამებაში ახტა ლობეზე და ყანაში გადახტა, მიაველ-მოაველო ყანას თვალი და რომ ვერავენ ვერ დაინახა, ხმამალლა დაიძახა:

— სად ქვესკნელში ჩამძვრალხარ?... შე წუწკო, უსინდისო, შენ! — მერე, ვითომც რაღაც გაახსენდა, გამოტრიალდა, ისევ გადმოხტა ლობეზე და შარაგზით ზევეითკენ ძუნძულით წავიდა.

ცოტა ხნის შემდეგ იგი დავით კარუგდელაძის ეზოში იყო. დავითის ცოლი, ნატალია, რომელიც აივანზე იჯდა ხელსაქნარით ზელში, კიბესთან შეეგება მას.

— მობძანდი, მობძანდი, ჩემო ფეფენა! რას მივაწერო, რომ გავახსენე... სულ დაგვივიწყე, შე ქალო!

ფეფენა ავიდა დაბალი კიბით აივანზე ჯოსით ხელში.

— კესარია, გოგო! სკამი მოართვი ფეფენას! — დაუძახა ნატალიამ მოსამსახურეს.

— დასაჯდომად კი არ მოვსულვარ! — მკვახედ წამოიძახა ფეფენამ.

ნატალიამ იცოდა ამ დედაკაცის ხასიათი, მაგრამ ამ სიტყვის კილომ მაინც გააკვირვა იგი.

— რა იყო, შე ქალო! რა ამბავია?... ხომ არავის უწყენიებია შენთვის? — ჰკითხა ნატალიამ, მაგრამ იქვე დაატანა: — მარა შენ ვინ გაგიბედავს, გაწყენიოს რამე.

— შენს ქმარს ჩემი ოჯახის თავსლათის დასხმა მოუნდომებია... — ძლივს წამოიძახა მეტისმეტად აღელვებულმა ფეფენამ.

— რას ამბობ, ფეფენა, რას ამბობ?... მაგ როგორ იქნება?

— გეუბნები, მართალი ყოფილა! — უკმეხად მიაძახა ფეფენამ: — იცოდე, მეც ისე გევიმეტებ, როგორც იმას ვყავჯარ გამეტებულნი.. გოგო სულელია... იმას არაფერი ესმის... უხარია, აზნოუშვილი უკან დამდევსო!.. აზნოუშვილს გარყვნილობის მეტი რა ახსოვს?... ჩამომათხოვე, ნატალია, შენი ქმარი!.. ნუ დასდევს ჩემს შეჩვენებულ რძალს... ქვეყნის თვალში სასაცილოდ ნუ მხდის, თვარა არ ვიცი, არ ვიცი, რას მაქნევიანებს, რას გამაბედვიანებს შენი ქმრის გარყვნილობა! რაც არ გეკადრებათ, ნუ კადრულობთ... კეთილშობილებს გეძახიან!

აზრდაბნეულივით მისჩერებოდა ნატალია ამ გაათრებულ მოხუცებულ დედაკაცს და საშინელ ძალას ატანდა თავისთავს მოთმინება არ დაჰკარგოდა და ბოლომდის მოესმინა, რაც იქნებოდა ამ უცნაური დედაკაცის უზრდელი ლაპარაკი.

— ვეტყვი, ყველაფერს ვეტყვი დავითს და შენ და ის ერთმანეთში მოილაპარაკებთ... მე რა უნდა ვქნა? — უთხრა ნატალიამ და ამით უნდოდა ბოლო მოეღო ამ უცნაური ბაასისათვის.

— ჩემთან იმას არაფერი სალაპარაკო არა აქვს! რაც სათქმელი მქონდა, გითხარი, და აწი თქვენ იციან!.. მშვიდობით ბრძანდებოდე! — წამოიძახა ფეფენამ და თავიც არ დაუკრავს, მიტრიალდა და უცბად ჩაიარა კიბე.

— სად მიიქარი, შე ქალო?.. დაჯექი, დაწყნარდი, შე ქალო, და ისე წადი! — უთხრა ნატალიამ ფეფენას დასაშოშმინებლად, მაგრამ იმას არც კი მოუხედავს, მხოლოდ წაილაპარაკა:

— საქმე კი არ გამოძლევი თქვენსავით... თქვენთან ვილაყლავო! — ფეფენამ ისე ხმამაღლა თქვა ეს, რომ ნატალიამ გარკვევით გაიგონა. ერთი ბეწო დააკლდა, კინაღამ ბიქს უბრძანა: — ეს პილწი დედაბერი კისრისტეხით ეზოს გარეთ გააგდევო.

სალამოზე შინდაბრუნებულ დავითს ყველაფერი უამბო ნატალიამ, რაც ფეფენასაგან გადაჰხდა.

— რა სულელები არიან ოჯახდაქცეულები! — წამოიძახა დავითმა, როცა ნატალიამ გაათავა ეს ამბავი: — თუკი ქალს ხმა გეცეცი, უსათუოდ რამე უნდა შეგწამონ... რა ჩემ ფეხებად მანდა მწვირინი ყახახის გომბიო, როცა ლამაზი ცოლი შინ მიზის. ხვალვე აეუხსნი ყველაფერს იმ დედაბერს!.. შენ კი ყოჩაღად მოქცეულხარ, რომ მოგიფიქრია და სასლიდან არ გაგიძუნძულებია... პილწია ის ობერი!

— მოვერიდე, მა რა მექნა?! მთელი ქვეყანა კუდიანობას სწამობს... რომ რამე შეგაშთხვიოს, რალას იზამ?.. თუ ღმერთი გწამს, ხვალ უსათუოდ მიდი და რამერიგად დაამშვიდე, დააწყნარე ის უხეირო... ნამეტანი გაანჩხლებულია!

— უსათუოდ, უსათუოდ ვნახავ ხვალ და დავაშოშმინებ, — თქვა დავითმა, — გეტყობა ძალიან შეუშინებინარ, — სიცილით უთხრა მან ცოლს.

დავით კარუგდელაძისაგან ფეფენამ პირდაპირ თავისი სახლისაკენ გასწია.

უკვე საღამო იყო, როცა ფეფენამ თავის ეზოში ფეხი შედგა.

მარინე ვახშის კეთებას შესდგომოდა; ცეცხლზე ჭადებისათვის კეცები შეელაგებანა, პატარა ჭოთნათ ლობიო მიედგა და თვითონ თაროსთან ცომს ზელავდა ჭადისათვის. ბაზრობიდან დაბრუნებული ნიკა ცეცხლის მოშორებით იჯდა, გაყუჩებული, პატარა დაბალ სკამზე და ყალიონს შეეჭეცოდა. კარი გაიღო და ფეფენა შემოვიდა სახლში.

— შენისთანა გომბიოს თავზე ლაფი რავა დავასხმევინო? თავზე ლაფი რავა დავასხმევინო, ღმერთო მომკალი?! — შემოსვლისთანავე დასჭექა მან. — შენისთანა გომბიომ რავა გამინადოს ჩემი ოჯახი

ქვეყნის სასაცილოდ? რას გადმოგიყვლიპინებია მაგ დასათესები თვალები? შენ, შენ, შენ გეუბნები, შე... შე სასიკვდილე! — მიაყვირა ფეფენამ მარინეს, როცა ამან თვალები მიაშტერა მოქაქანე დედამთილს. — რაზე მომითრიე ეს ჩემი სისხლისმსმელი, ჩემი მკვლელი, შე სულელო, შე უტვინო, უტვინო? — მიუბრუნდა მერე შვილს.

— რა იყო, დედა?.. რა იყო, პა? — იკითხა გაუბედავად ნიკამ.

— შენი თვალების დაბნელება, შენი თვალების დაფსება, შეილო.. ათასჯერ მითხრობია შენთვის, ნუ ხარ ლენჩი-თქვა, ნუ ხარ დაგლახაკავებული-თქვა! შეგხედოს შენმა ოხერმა ცოლმა, რომ ქმარი ყავხარა.. არ გაგავონა დამბადებელმა არაფერი, ჩემი დარიგება შენ ვერ გეიგონე! იმართმაც კაი საქმე გემართება...

მარინემ ცომის ზელას თავი დაანება და ხელებწაკაპიწებული, გაშტერებული იქვე თაროსთან იდგა და გაოცებით ყურს უგდებდა ამ ლაპარაკს.

ნიკამ ერთი თვალით გადახედა მას და ისევ შეეკითხა დედას: — რა ქნა მაგ შეჩვენებულმა? პა, რა ქნა, რა?

ოპ, რა საზიზლარი რამ იყო ამ წამში მარინესათვის ეს დედის ყურმოპკრილი მონა შვილი.

— რა ქნა? ჰკითხე, ჰკითხე... თვითონ მოგახსენებს... მაგას ხომ არაფრის რცხენია!.. შარაგზაში რომ ძროხა დედაკაცი საარშიყოდ გამოდგება, იმას რიდასი რცხენია?.. სულ დაივიწყე, შე შეჩვენებულლო, სიარცხვილი? სინდისი აღარ შეგრაჩა ცოტაოდენი მაინც მაგ შენს გარყვნილობაში?.. ისიც აღარ იფიქრე, რომ ამ შარაგზაში ვინმე დაგინახავდათ?.. თუ აღარც კი ერიდები ვისმეს?.. პა? ამ ზომამდის მივიდა შენი თავხედობა და უნამუსობა?.. პში რასაკვირველია, ამ ღვთის გლახას წუწკი აზნოუშვილი დავით სჯობია!.. რასაკვირველია, რასაკვირველია მარა მე რას მიპირობ?.. შე დამივიწყე, რომ ცოცხალი ვარ?.. შე გარყვნილო, შე უტიფარო! — ყვიროდა ბრაზმორეული ფეფენა, რომელიც თავს ვერ იკავებდა თავის გულისწყრომის გამოთქმაში და ამასობაში უფრო და უფრო ხელდებოდა.

მარინემ ჯერ დრო მისცა ამ დედაკაცს ამოესვარა ტალახში მისი ნამუსი, მერე კი სცადა თავის გამართლება; ცდილობდა აეხსნა, თუ რარიგად შეხვდა მას დავითი, ეფიცებოდა, რომ მას, მარინეს, დავითისათვის ერთი სიტყვაც არ უთქვამს, ხმაც არ გაუტია. მაგრამ ყოველივე ეს ამაო იყო... ფეფენას აღარაფერი ეყურებოდა ამგვარები, მხოლოდ მარინეს ხმა უფრო ახელებდა, უფრო ბრაზს უმატებდა და ბოლოს იმ ზომამდის მივიდა, რომ არავითარ სიტყვას აღარ ერიდებოდა; სიტყვა ერთიმეორეზე უფრო მწარე, ექვი ყოვლად საზიზლა-

რი, სარწმუნოდ აღიარებული, უახგარიშოდ, უზომოდ ეყრებოდა თავზე ყმაწვილ ქალს.

ბოლოს მარინესაც უღალატა მოთმინებამ და, რაც ძალა ჰქონდა, განწირულებით შეჰყვირა გაათფარებულ დედაბერს:

— გაჩუმდი.. გაჩუმდი.. კმარა!.. — და ცხარე ცრემლები შადრევანივით წამოსკდა თვალებიდან. მთელი სხეული უცახცახებდა მას.

— ვის უბედავ შენ მაგას, პა? ვის უბედავ?.. — წამოვარდა ნიკა და მარინესაკენ წაიწია.

— ღეთის გლახა! ღეთის გლახა! — ზიზღით მიაძახა მარინემ ქმარს. — ღეთის გლახა!.. იქით, ახლო არ მომეკარო!

— შეხედე, შეხედე ამ გარყენილს!.. შეხედე ამ არაწმინდას! — მიაყვირა ფეფენამ და ამანაც მარინესაკენ მიიწია.

— არაწმინდა რომ არ იყვე, კუდიანიც არ იქნებოდლი — გაღმოსძახა მარინემ.

— გარყენილო, როსკიპო, სხვას აბა რას იტყვი... როსკიპო, როსკიპო! — იწავლა ფეფენამ, მოიქნია ჯოხი და ის იყო თავში უნდა დაერტყა მარინესათვის, რომ ამ უკანასკნელმა ვეფხივით ისკუპა თავის ადგილიდან, თვალის ერთ დახამხამებაში დაეძგერა მოხუცებულ დედაკაცს, ღონივრად მოიქნია იგი და მძლავრად მიწაზე დაახეთქა.

ეს ისე სწრაფად მოხდა, რომ ნიკა სრულიად დაიბნა თავდაპირველად, მერე უცბად წამოაეღო ხელი პატარა სამფეხიან სკამს და მარინეს ესროლა, მაგრამ სკამი ასცდა მარინეს და მძიმედ მოხვდა კედელს.

მარინემ ერთი-ორჯელ ჩაჰკრა წიხლი ფეფენას და კარში გავარდა.

— სად მიხვალ?.. სად მიხვალ, შე შეჩვენებულო?.. გაჩერდი, თვარა ეს არის მოგკალი!.. — ყვირილით გასდია უკან ნიკამ.

მარინემ ერთ წამში გადაირბინა ეზო, გადახტა ღობეზე და ბნელ ღამეში სირბილით გასწია ორღობეში.

— მიშველეთ, მიშველეთ! — ყვირილით მივარდა მარინე ონი-სიმესას. — ბიძია, მიშველეთ, თვარა მომკლეს!..

შეშინებული ქალბობა გარეთ გამოცვივდა ამ ყვირილზე და, გაოცებულნი მარინეს შეხედულებით, ეკითხებოდნენ, თუ რა ამბავი მოხდა.

ძლივს მოასწრო მარინემ ორიოდ, სიტყვის წარმოთქმა, რომ ეზოში ნიკამაც შემოირბინა.

— აქ არი, ბიძია, მარინე? — დაიძახა მან.

— შენ ხარ, ბიჭო, ნიკა? — შეეკითხა ონისიმე.

— ჰო, მე ვარ, ბიძია, მე! მარინე თქვენთან არი?

— ბიჭო, რა ღმერთი გიწყრებათ, რა ავი ზნე გივლით! აღარ გრცხვენიათ მაინც?

— მაგას უწყრება ჩემი გამჩენა, მაგას!.. მაგ უსინდისოს, გარყენილს! ბიძია, დედაჩემი გაძილასა მაგან, დედაჩემი! რაღა არ მოეკლა მაგ?.. ნუ გყავთ მაგი სახლში... გამოაგდეთ... კარში გამოაგდეთ!

— შენმა სოცოცხლემ! — გამოსძახა მარინემ სახლიდან.

— აბა სხვაგან სად წავიდოდა?.. უკეთეს თავშესაფარს სად მოინახვლა?.. მარია ძალიან შემცდარი ბრძანდები — მოისმა ღამის სიზნელები ფეფენას ხმა: — მად არის, ბიჭო, ხომ?

— კი, დედა, აქ არის, აქ! — მიუგო ნიკამ.

— არ გრცხვენია, ბატონო ონისიმე, არ გრცხვენია ახლა?.. აქ გამოძიყვანე მაგ შეჩვენებული!.. — ფეფენა სახლის წინ გაღმოსურულში შემოვიდა, სადაც სხვები იყვნენ.

— ორივე დედა-შვალი თავიდან მომშორდით, დამითხოვისართ ამ ჩემი სახლიდან... ამ ჩემს ეზოში არ გნახოთ არც ერთი... ახლავე გამეცალეთ!.. თქვენთან ლაპარაკის თავი არა მაქვს მე! — შეუტია გაჯავრებით ონისიმემ.

— შენთან სალაპარაკოდ კი არ მოვსულვარ, ვაებატონო... გოგო გამოაგდე გარეთ, გეუბნები... გესმის? — წყრომით შესძახა ფეფენამ მაზლს.

— ონისიმე, კაცო... გვიგონე ჩემი. ნუ იკიდებ ზენი ოჯახის საცოდაობას... ნუ ახელებ მაგას... გაატანე მაგ ბოვში! — ხმადაბლა წაულაპარაკა სოფიომ ქმარს.

— მაგის მეშინია, თუ რაღა გონია მაგას!.. ახლავე გავაძუნძულებ ეზოს გადაღმა, თუ კაცი ვარი — წამოიძახა ონისიმემ და წინ წაიწია, მაგრამ სოფიომ წააგლო უცბად ხელი ახალუხის კალთაში და უკან დასწია.

— მოჰკიდე, ბიჭო, მამაშენს ხელი, ფეხი არსად გადაადგმევენო! — უთხრა მან იქვე მდგარ შვილს და თვითონ კი სახლში შევიდა.

— მარინე, შვილო, წაჰყევი... წაჰყევი, ჩემო ბიცოლა, ნუ გეიმეტებ ბიძიაშენის ოჯახს, შენი ჰირი შეეყაროს შენს ბიცოლას... ამოგვწყვეტს, ამოგებუგავს... აღარ დაგვინდობს... ათას უბედურებას შეგყურის მაგ შავდღეზე გაჩენილი... ნუ მოიკიდებ ჩვენს ცოდვას... შენთვისაც აჯობებს, რომ წაჰყევი, შენ ნუ მომიკვდები! — ხვეწნა დაუწყო სოფიომ მარინეს.

— ბიცოლა, მომკლავენ! მომკლავენ, ბიცოლა! არ იცი შენ მაგათი ამბავი... ღმერთმანი, მომკლავენ!.. ბიცოლა, ნუ მოაკვლევინებ

მაგათ ჩემს თავს... ბიცოლა, შენ დაგენაცვლე, შენი სულის ჭირამე, დამიფარე მაგათ ხელიდან, მაპატივე მომკლავენ, მომკლავენ, მაგ ურჯულოები! — მოსთქვამდა მარინე.

— ნუ გეშინია, შეილო... მე შეგარიგებ ფეფენასთან... მე დო-
ვუჩოქებ და ისე შენეხეწები, გაპატიოს, დედა-შეილობა... ოღონდ
ახლა წაპყევი... ოღონდ მაგას ჩვენზე ნუ გაახვლებ... მე შეგარიგებ...
ნუ ტირი, შენი სულის ჭირიმე... კაია, ნუ ტირის.. — და თვალ-
ცრემლიანი სოფიო გულში იხუტებდა მტირალ მარინეს და თავსა
და პირს უკოცნიდა.

— როდემდის უნდა ვიყურავო ამ ღამეში? — წამოიძახა ფე-
ფენამ: — უმაგისოდ მე აქედან ფეხს არ მოვიცვლო.

— გიახლებათ, ბატონო, გიახლებათ, შენი ჭირიმე! — დაიძახა
სახლიდან სოფიომ; გადმოხურულში გამოვიდა, მარინე გამოიყვანა
თან და ფეფენას წაუყენა წინ.

— ჩემო ბატონო, შენი ჭირიმე, შენ გენაცვალე... აპატიე მაგ
უბედურს მისი უგუნურობა, — დაუწყო ხეწვნა სოფიომ ფეფენას:
— ნუ დასჯი შენი სულგრძელობისათვის!

— ხელი მოჰკიდე, ბიჭო! — უბრძანა ფეფენამ ნიკას: — არსად
გაგაქცეს კიდევ.. წამობრძანდი, ქალბატონო!

სოფიოს სიტყვები კი ვითომ არც კი გაეგონოს, ისე წაუყრუა
ფეფენამ მას. ნიკამ ჩაავლო მარინეს მკლავში ხელი და ეზოდან გა-
იყვანა.

მტირალი მარინე დასაკლავი პირუტყვივით შიშვებოდა ქმარს.

— აი დაგწყეველა ჩემმა გამჩენმა.. არაწმინდა რალაც გაუჩენი-
ხარ ღმერთს! — მიძახა ონისიმემ ფეფენას.

— გაგიხმა მაგ ენა.. — შეუტია სოფიომ და ესევ ფეფენას გაპ-
ყვა ხეწნით, რომ მას ეპატივებინა მარინესათვის მისი დანაშაუ-
ლობა.

ამ დღიდან სრულიად მიიკარგა მარინე; სოფლად მოსაარულე
იგი არავის უნახავს. სოფლელები ლაპარაკობდნენ, რომ ქმარმა და
დედამთილმა, როცა ონისიმესაგან სახლში მიიყვანეს, გალახესო,
დედამთილი სახლს გარეთ არსად უშეებსო, ეზონიაც არ ახედებსო.

მეზობლობაში რძალ-დედამთილის უცნაურად გადაკიდებას და
ყოველგვარ უთანხმოებას იმით ხსნიდნენ, რომ ფეფენას არ შეეძლო
ეგუებინა თავის მახლობლად იმისთანა ქალი, რომელიც მისი კუ-
დიანობის მონაწილე არ გახდებოდა და იგი, ვითომც, ცდილობდა,
ყოველ ღონეს ხმარობდა, არა საშუალებას არ ზოგავდა, ოღონდ კი
მარინე თავისი ხელქვეითი გაეხადა, გაეკუდიანებინა. ეს ყველას
უტყუარ საბუთად, კეშმარტებად მიაჩნდა და, როცა ფეფენას ოჯახ-

ში წინანდელი უთანხმოების ამბავი აღარ ისმოდა მეტად, ყველამ დაამტყიცა, რომ ფეფენამ თავის საწადელს მიიღწია: მარინე დაიმორჩილა და კუდიანობაში გარიაო.

— გული ამოსჭამა, — ამბობდნენ, — და ყველაფრის ხალისი დაუქარგა; როგორც თვითონ არის, იმისთანა გახადაო!

ამაში უფრო რწმუნდებოდნენ მით, რომ მნახველები მარინეს ველარ სცნობდნენ, — სრულიად ველარ სცნობდნენ მასში უწინდელ მარინეს. ახლანდელი მარინე თავისი დედამთილივით ერიდებოდა ყველას, ძვირად ვისმე გამოელაპარაკებოდა; აღარავისი ნახვა, შეხვედრა მას აღარ ეხალისებოდა წინანდებურად. საწყალს ყველაზე გული გაუტყდა; ონისიმემაც, ვისიც ყველაზე დიდი იმედი ჰქონდა, ვერ დაიფარა იგი ფეფენას ხელისაგან; მას გადახდა ყოველივე თავისი და ახლა აღარავინ ესაჭიროებოდა მომხმარებელს. აშკარად დაინახა, რომ ფეფენას წინააღმდეგი ვერავინ გამოიჩინა, რომ ფეფენა ყველაზე ძლიერი ყოფილა, რომ მასთან ბრძოლა ამოაიქნებოდა და დაემორჩილა, ეყმო სულიან-ხორციანად. მარინეს მაყურებელნი კი ამნაირ მდგომარეობას მის გაკუდიანებას აწერდნენ.

ფეფენასთან ერთად ახლა მარინესაც დაუწყეს რიდება. ახლა მასი შიშით მიემატათ მეზობლებს.

ამ ბოლო დროს ლაპარაკი ისმოდა, რომ ამა და ამ კაცს მთლად საჭონელი ავად გაუხდა, ამას წვრილფეხობა აღარ ეზრდებოდა, ამას ეს ცუდი საქმე შეემთხვაო, და ეჭვი მარინეზე მიჰქონდათ... მისი გაკუდიანების შემდეგ მომრავლდა სოფლად ყოველივე უბედურებაო... ახლა ბავშვებსაც კი აშინებდნენ მარინეს სახელით და საქმე იმ ზომამდის მივიდა, რომ, როდესაც მარინეს ერთხელ ვიღაც ბავშვი შეხვდა, ამ უკანასკნელმა შექმნა შიშისაგან საშინელი ყვირილი და გულგადატრიალებულმა ძლივს მიიღწია ცოცხალმა სახლამდის.

ერთი მოხუცებული დედაკაცი, რომელსაც ფეფენასთვის უარი ვერ ეთქვა და სიმიანდის სარჩევში მოსახმარებლად სახლში წაჰყოლოდა და მათთან ვახშამიც ეჭამა, ყველას არწმუნებდა, რომ, გამოვცილდი თუ არა ფეფენას სახლს, პირის საშინელი აყროლება ვიგრძენიო... გულგახეთქილ მოხუცებულს ვერას გზით ვერ მოეშორებინა ეს საძაგელი სუნი პირიდან და უზომოდ შეწუხებულს თავშალის ყურით მაგრად აეკრა ცხვირპირი; მთლად ჭალაბობა გაეკვირვებინა თავისი ჰმის ამოუღებლობით, ეგონათ თურმე, ავად თუ არისო... თუთრად გაეთენებინა ის ლამე და ალიონზე მაკრინე-მკითხავთან წასულიყო... მაკრინეს ეთქვა — ქალაღდიდან ამოეკითხა, — რომ ეგ ამბავი მარინეს საქმეაო, ფეფენას რად მოეხმარაო... ხანდახან თურმე კუდიანობაში ეჯიბრება კიდევაცო... მაკრინეს

ამასთანავე შენალოცი მარლი მიეცა ამ დედაკაცისათვის და მარლის პირში ხშირ-ხშირად გამოვლებით განთავისუფლებულიყო საზარელი მდგომარეობისაგან. ვინ იქნებოდა იმისთანა, რომ არ დაეჭვებინა ეს ამბავი, როდესაც ამას ამბობდა ის, ვისაც ყოველთვის შემოხსენებული თავს გადაჰხდომოდა...

მარინე ნამდვილ კუდიანად იყო ცნობილი.

— წადი, კაცო, წადი, მეტი გზა აღარ არის... წადი და მაგ უბედურის ჰირისუფალს შეატყობინე მათი შვილის ამბავი... — ეუბნებოდა ონისიმეს სოფიო.

— მრცხვენია, ქალო, მრცხვენია, გესმის.. რა პირით დევნახო მარკოზას?.. რარიგად მოუყუვე მისი შვილის გაბოროტიანება? — ამბობდა მწუხარებით სახსე ონისიმე: — სიტყვა მივეცი პატროსანი. თქვენი შვილის მეთვალყურე ვიქნები-თქვა, მე ვუპატრონებ, თუ რამე გასაჭირი შეხვდა-თქვა... წადი ახლა და ასეთ ამბებს მოუყევი! პოემკედარიყავ არ დავეძებდი, და ამისთანა სირცხვილში კი არ ჩავვარდნილიყავი.. რაზე გევერიე, მე ოხერი, მაგათ საქმეში... მარამისწულია ის გლახაკი და შემეცოდა... ქალს ვინ მიცემდა, თუ მე არ მეთავებია?.. რა მეგონა, თუ ამისთანა რამეს ნახავდა ჩემი თვალები!..

— ბელი ჰქონებია, ალბათ, მაგ საცოდავს მაგისთანა, აბა რაეა?.. ყოვლისფერი ღვთისაგანა... ვენაცვალე მის ძლიერებას! — ვითომდა სანუგეშოდ უთხრა ქმარს სოფიომ.

— აბა, სხვაფერ რაეა იქნება! — ეთანხმებოდა მოსუცებული ონისიმე: — სხვაფერ აბა რაეა იქნება? რაც აღამიანს უწეოია, ვინ ააცდენს თავის წერას?!. აბა, წავალ ხვალ მარკოზასთან... — ცოტა ხნის სიჩუმის შემდეგ თქვა ონისიმემ.

— წადი, წადი!.. ეგებ იმათ მაინც უსაშუალონ რამე... უთხარი. რომ ჩვენ სრულიად აღარ გვეკარება, თორემ რამე საშვალებას ვიხმარდი-თქვა... ჩვენს სიტყვას სულ არ იკარებს-თქვა... არ დაავიწყდეთ, მათ მახლობლად საიქიოს ნამყოფი კაცი რომ არის — გამოტეხა შენაძლება ახლად გაკუდიანებულების — იმას სთხოვონ, ეგებ წამოყვეს და გამოტეხოს, კუდიანობიდან ეგებ რამეფერად ფეხი ამოადგმევინოს იმ დალოცვილმა... სულს არ წააწყმედიანებენ მაინც უბედურს და შავდღეზე გაჩენილს!

ონისიმე ფოცხვერადემ უამბო მარკოზა ხმელაძეს მისი შვილის ამბავი და ამან სიძე-მძახალზე დამუქრებით გამოსწია წითურეთისკენ შვილთან. მარინეს დედა, მოხუცებული ესმა, ვერაფრით ვერ დააკავეს სახლში; შორი გზა ჰქონდა გამოსავლელი, მაგრამ რაკი წამოსვლა თქვა, ვერას გზით ვერ გადაათქმევიანეს; შვილის ნახვის

სურვილმა, როცა მისი ამბავი გაიგო, ყოველი შორ გზაში მოსალო-
დნელი გაკვირვება არაარად ჩაადგებინა. უბედური მშობლები მივი-
დნენ საიქიოს ნამყოფ ვასილ კარიკაქესთან და შემწეობა შესთხო-
ვეს; ამასაც არავისათვის არასოდეს უარი არ უთქვამს, როცა მის
შემწეობას ვინმე საჭიროებდა, და არც ამათ უთხრა; მათთან ერთად
გასწია წითურეთში.

მიწურული ზემოდგომის გრილი დღია იყო. მზე დიდი სინის ამო-
სული არ იყო. მტვრიანი გზით მიმავალნი ჯერჯერობით მხნედ მი-
დიოდნენ და დაღლილობას ვერ გრძნობდნენ. ვასილი და მარკოზა
წინ მიუძღოლნენ, ესმა და ონისიმე კი მათ მისდევდნენ. გზადაგზა
ლაპარაკის მოყვარულმა მარკოზამ უნებო თავისი ათასგვარი თავგა-
დასავალი ვასილს, და ეს უკანასკნელი ისე წახალისდა, რომ თვითო-
ნაც მოჰყვა იმის ამბავს, თუ როგორ მოიარა საიქიო.

— კურის თავზე, ცხონებულ მამაჩემს, — ასე დაიწყო ვასილმა
თავისი ამბავი: — ერთი ბეელი, დაბერებული მუხა ჰქონდა. ცხონე-
ბულმა ამ მუხის მობელვა მითხრა ერთხელ. ხეზე ჩემი აწვლა და
ჩემს ხელში ნაჯახის დამძიმება ერთი იყო... ეს კარგად მახსოვს...
ყური არ ვათხოვე ამას, დავუწყე შტოებს ჰრა... ერთი შტო მოვჰქერ,
ჩამოვადდე, მეორე მოვჰქერ, ჩამოვადდე; მესამე შტოს რომ მოვუქ-
ნიე ნაჯახი, ვერ მოვახვედრე, ორჯელ-სამჯელ დავაცილე... გული
მომივიდა, ნუთუ ასე მომედალა ხელი-თქვა, ერთი ღონიერად მოვი-
ქნიე — მოხვდა შტოს, მართალია, ჩემი ნაჯახი, მარა არ გაჰრა, სულ არ
მიეკარა რკინა ხეს.. თურმე რას მოსჭრი?!. ჩვენ აბა რა ვიცოდით,
მერე გევიგეთ... თურმე ამ მუხაზე ანგელოზებს ჩვეულებად ჰქონი-
ათ ჩამოფრენა... მერე მივხვდით ამას ჩვენ... მე კი უფრო მომივიდა
გული, რომ შტოს ვერაფერი მოვუხერხე... ზედ გადამჯდარმა, რაც
ღონე მქონდა, კიდევ მოვიქნიე ნაჯახი... ახლაც ვერაფერს დაგაკლებ-
თქვა თუ, გუნებაში ვთქვი?! შენს მტერს, მე რომ დამემართა. უც-
ბად თვალებში წამომიბნელდა, წინ რალაც შავად წამომეფარა, აზრი
დამეკარგა და ხიდან ჩამოვარდნილს ძლივს დამყოლია სული მიწა-
ზე... ცოცხალ-მკვდარი მნახეს თურმე მუხის ქვეშ და წამიღეს სახლ-
ში... ისეთი ავად შევიქენი, ისეთი, რომ ჩემს მორჩენას ადამიანი
ალარ ფიქრობდა თურმე... რა არ ექნა მამაჩემს! რა საშვალეა არ
ეხმარა: ჯერ განატეხი თურმე გაატანია დედაკაცებს, მერე ცხრა გა-
მოცდილ ქალს ცხრა-ცხრა სანთლით ხელში თითოს ცხრა-ცხრა
ლოცვა ათქმევინა იმ მუხასთან, წმ. გიორგის ხატისთვის ჩემი ზომა
წმინდა სანთელი მიერთმია, მაგრამ არ მეშველა და არ მეშველა

მანც არაფერი. ისევ ისე უიმედოდ ვარ თურმე... ერთ დღეს მოგ-
 ძვედარვარ კიდევაც... შეექნათ თურმე ერთი ტირილი, კივილი...
 ჩემს გასვენებაზე დღიწყეს ლაპარაკი... მე არაფერი არ მესმის... ამა-
 სობაში მე ზეცაში დაფრინავარ... ჩემი სული, რასაკვირველია...
 ქვეყნად მარტო ჩემი ლეში იღვა ტახტზედ... სული კი მალა-მალ-
 ლა მიფრინავს... ზვიდან დაჩერებუვარ დედამიწას... ბურთივით პა-
 ტარა მოჩანს... უცბად ჩემს თვალწინ გვიშალა იმისთანა თვალუწ-
 ვდენელი ამწვანებული მინდორი, იმისთანა, რომ მის ნახვას არაფე-
 რი ჯობია... მინდორია იმისთანა, კიდე არა აქვს... მთელი წელიწადი
 რომ იარო, გარს ვერ შემოუვლი... მუხლებამდეა მწვანე, აბრეშუმში-
 ვით ბალახი... არის გაბნეული ამ ტრიალ მინდორზე უთვალავი
 ცხვარი და ბალახს წიწქნიან... სულ, სადაც მიიხედავ, მარტო ცხვა-
 რია... აგერ ერთია, აგერ ორი ერთად, სამ-სამი, ხანდახან ოთხ-ოთ-
 ხიც... დადიან და ჭამენ ამ მშვენიერ ბალახს... წვრილი გზა შემხვდა
 ერთი... დავადექი ამ გზას. ვიარე, ვიარე და ერთ წყაროსთან მივე-
 დი... წყალია იმისთანა, რომ მკვდარს გააცოცხლებს მისი ერთი წვე-
 თი... წყაროსთან კაცია, წვეს... დამიძახა. — სადაური ხარო, მკით-
 ხა. მე მოვახსენე, რომ ამა და ამ სოფლიდან ვარ-თქვა, ამ და ამ
 კაცის შეილი-თქვა. „აბა, შენი აქ მოსვლა აღრეა... შენ ისევ დედა-
 მიწაზე უნდა დაბრუნდეთ... გაჰყევი ამ გზას, არსად გადაუხვიო,
 ბოლოში სიმონა კიკაბიძეს შეხვდებიო, მიხვალ იმასთან და ის გას-
 წვლის გზას, დედამიწაზე რომ ჩახვიდეთ... მითხრა: თუ გალობა რა-
 მე გეიგონო, დეიჩოქე და ისე იყავი, სანამ გალობის ხმა არ შეწყ-
 ყდებო...“ გამიხარდა, სიმონა კიკაბიძეს ნახავო, რომ მითხრა..
 გავსწიე ნაჩვენები გზით... ვიარე, ვიარე ამ მინდვრით... სულ ცხვრით
 იყო სავსე იქაურობა... ბევრი ვიარე. ერთ ადგილას შემხვდა სიმონ-
 ა... ზის და მასთან რამოდენიმე ჩვენი სოფლის მიცვალეებულებიც
 არიან... მუსაიფობენ... დამინახეს, გეხარდათ, ამბავი მკითხეს... მე-
 რე მე ვკითხე: ეს რა ადგილია-თქვა? მიპასუხეს, რომ სამოთხეაო,
 და წყაროსთან რომ კაცი იწვა, ანგელოზი ყოფილიყო თურმე... რა-
 საც ცხვრებს ხედავო, ცხონებულთა სულიაო... ანგელოზი უყურებს
 მათ. არა დააკლდეთ რაო. რომ ვლაპარაკობთ ასე, მოასმა იმისთანა
 მშვენიერი გალობა, რომ მთელ სიცოცხლეში მისი ყურება რაღა მო-
 ეწყინება ადამიანს!.. ყველამ მუხლი მოვიყარეთ... სიმონამ მითხრა,
 ანგელოზთა გალობაო. ღმერთს აღიდებენო... ბევრი ვილაპარაკეთ,
 ბევრი ჩვენებური ვნახე, ვინც იქ იყო... სიმონამ მითხრა, რომ მა-
 მიშენის ლოცვა ძალიან წაუდგომიაო, ღმერთს შენზე მოწყალება
 მოუღია და აქ ნულარ იგვიანებო... როგორც გითხრა ანგელოზმა,
 დედამიწაზე მალე დაბრუნდით... ყველას გამოვეთხოვე, სიმონამ გზა

მასწავლა და ჩემი სული სწორედ იმ დროს დაუბრუნდა ჩემს ლეშს. როცა ვასვენებას ის-იყო მიპირობდნენ. ყველა გაშტერდა, გაცოცხლებული ჯომ მნახეს!.. რა სიხარული, რა ამბავი, კაცი რაღა გამოთქვამს ერთ თვეზე სრულიად გამოვკეთდი და მას აქეთია, ღვთის შექმენით, ფიხილი არ წამომტკენია ტყვილა.. ასეთი მოწყალება: მოიღო ჩემს თავზე ჩემმა გამჩენმა, ვენაცვალე მის ღიღებას! — და ვასილმა პირჯვარი გადაისახა. — ის ძალაც მომანიჭა, რომ ბოროტი ადამიანის გამობრუნებაც ადვილი გახადა ჩემთვის.

— ვენაცვალე ღვთაებას... არ ყვევართ მოძულებული კიდეც და შენისთანა კაცებს გვალისებს ხანდახან ჩვენდა ვასამხნევებლად. — მარკოზამ პირჯვარი გადაისახა ამ სიტყვაზე.

— სწორედ, სწორედ! — დაეთანხმა ონისიმე.

— შენ დიდი ხნის სიცოცხლე გექნება დანიშნული ღვთიდან, — მიმართა მარკოზაჲ ვასილს. — შენისთანა კაცები ღიღხანს ძლებენ და ძალიან მაგრებიც არიან. მე ვიცი რამოდენიმე მაგალითი... ცხონებული მაშიჩემისაგანაც გამიგონია ასე.

— კი, კი, მართალია! — ემოწმებოდა ონისიმე.

— ასე იტყვიან, მართალია, — თქვა ვასილმა: — მარა ყველაფერი ღვთის ნებაა... რავარც იმას ნებავეს, ისე იქნება... ისე იქნება! — რასაკვირველია! რასაკვირველია! — ერთხმად წამოიძახეს ონისიმემ და მარკოზამ.

ესმა კი ხმას არ იღებდა; იგი სმენად იყო გადაქცეული და ამ უცნაური კაცის უცნაურ ამბავს ყურს უგდებდა.

საღამო იყო, როდესაც ჩვენი მგზავრები ონისიმესას მივიდნენ.

— სოფიო, ქალო, ეი!.. კარი გააღე და სტუმრებს გამოხედე, — დაიძახა ონისიმემ, თავის ეზოში რომ შეიყვანა ვასილი, მარკოზა და ესმა.

სახლის კარი გაიღო, სოფიო გამოვიდა; დიდის თავაზით შეეგება სტუმრებს და სახლში მიიწვია.

— მობრძანდით, თქვენი ჰირიმე, მობრძანდით... დაღალული ბრძანდებით... კაი გზა გაქვთ გამოვლილი... ღმერთო, მომკალი, თქვენ რამ შეგაძლებინათ ამათთან სიარული. ჩემო ბატონო? — მიუბრუნდა იგი ესმას.

— გამწარებამ, ჩემო ბატონო, გამწარებამ, ჩემო ანგელოზო! — ნაღვლიანად წარმოსთქვა დაღლილობისაგან ძლივს ფეხზემდგომმა ესმამ.

— დასწყევლოს ღმერთმა ეშმაკი და მისი მონაწილეც!.. მარა ღმერთი მოწყალეა, იმის იმედით ვინუგეშოთ, ჩემო ბატონო! — ამოხვრით და თანაგრძნობით უთხრა სოფიომ; მერე უცბად ლაპარაკის

კილო შესცვალა, ვასილზე თვალით ანიშნა და ხმადაბლა ჰკითხა ეს-
მას: — ეს არის, ბატონო, საიქიოს რომ ბრძანდებოდა?..

— კი, შენი ჰქირიმე! — მიუგო ესმამ.

— აბა ღმერთი ჩვენსკენ ყოფილა, — იმედიანად და ხალისით
თქვა სოფიომ: — აწი აღარაფერი გვიჭირს!

— დედაკაცო! — წამოიძახა ონისიმემ ცოტა ხნის შემდეგ: —
ბატონი ვასილი დაღლილია და მოსვენება ეჭირვება... აბა, თუ გაქვს
რამე, დროით მოგვიტანე და ის იქნება...

— ნამდვილი კაცი ხარ, მე და ჩემმა ღმერთმა. მაგაზე უკეთესი
არაფერი იქნება! — სიცილით თქვა მარკოზამ.

— ხელად სუფრა, ბიჭო! — მიაძახა შვილს ონისიმემ: — გო-
გო, შენ რას გაყუჩებულხარ მანდ ყურეში?.. დედაშენს ხელი მოუ-
წყვე!..

ერთ წამში სუფრა მზად იყო.

მადაზე მოსულმა მარკოზამ ვეღარ მოითმინა და წამოიძახა:

— მადლიანი დედაკაცის ჰქირიმე!.. მე და ჩემმა ღმერთმა!

— ნეტაეი შენი.. ყოველთვის რომ კარგ გუნებაზე ხარ! — უკმა-
ყოფილოდ შეუტია ესმამ.

— აბა ვიტყვო ახლა, დედაკაცო, თუ?.. ცოდვა არ იქნება, მას-
პინძლის ამისთანა სუფრას მოღუშული რომ შემოგუსხდეთ!.. აგრე
არაა, ბატონო? — მიმართა მარკოზამ სოფიოს, რომელიც სუფრას
აკრიალებდა.

— კი, ჩემო ბატონო, კი, შენი ჰქირიმე, მართალს ბრძანებთ!.. ---
ტკბილად მიუგო მან.

— ნუ გეშინია, იმ კუდიან დედაკაცთან ანგარიშის გასწორებას
კიდევ მოვესწრებით!.. სად წამივა? ხვალ ალიონზე დავეცემი თაე-
ზე ორივე დედა-შვილს და შავ ღღეს დავაყენებ... როგორც კაცი!
ახლა კი ამ ვახშამს შეგეჭკეთ... ტკბილი ღვინო დავლიოთ... მასპინ-
ძელს სუფრას ნუ დავუწუნებთ... ნურც ბატონ ვასილს მოვაწყენთ!..
არა, მძახალო, ჰა? — იძახოდა მარკოზა.

— კი, ჩემო მარკოზა, კი, ჩემო მარკოზა! — ამხნევებდა ონი-
სიმე.

— შენთან ნურას უკაცრავად, ჩემო ბატონო, შენი ჰქირიმე, —
მიუბრუნდა ვასილს მარკოზა: — თუ რამ უზრდელობა შემნიშნო.
მაპატივე... შენ სულ სხვა კაცი ხარ!..

— მოილხინე, ჩემო მარკოზა, მოილხინე, — დინჯად მიუგო ვა-
სილმა: — მე რაში მერიდები, შე კაცო!

— იცოცხლე, კაცი ბრძანდები და კაცი... შესემნილი და ღვთის-
გან დაჭილდოებული... აბა, ონისიმე, ვასილს ღვინო მიართვი! —

და მარკოზა ისე გამხიარულდა, რომ გეგონებოდით, სრულიად და-
ავიწყდა, თუ რამ მოიყვანა იგი ონისიმეს ოჯახში. ესმას თუმცა ძა-
ლიან სწყინდა ქმრის ამნაირი უსაქციელობა, მაგრამ ვერაფერი
გააწყობდა მარკოზასთან, რომელიც ყოველ მის თხოვნაზე, რომ დაწ-
ყნარებელიყო, პასუხად უგებდა:

— ნუ გეშინია, ვერსად ვერ წაგვივა ის კუდიანი შენი მძახალი,
ვერსად ვერ წაგვივა! ბვალ გაჩვენებ მის სეირს!..

დილა აღრჩანი იყო, მარკოზა რომ მეორე დღეს სიძისას გადა-
ვიდა.

— გამარჯვება შენი! — უთხრა მარკოზამ ნიკას, რომელიც სახ-
ლის წინ რაღაცას თლიდა წალდით.

— ღმერთმა! თქვენი თავი მიცოცხლოს!.. საიდან, ბატონო, რო-
დის მობრძანდით?.. ღამე გივლიათ!.. მიეგება ნიკა სიმამრს.

—... მარინე შინ არი?

—... სახლში გახლავს, აბა სად იქნება?

— აჟად ხომ აღარაა?

— არა, აჰ!

— ჩვენთვის არ უნდა შეგეტყობინებია, ბიჭო, შენი ცოლის
აჟად ყოფნა?

—... ისე აჟად რომ არ ყოფილა...

— ჰეი, შეილო! — სიტყვა გააწყვეტინა მარკოზამ: — ქვეყანაზე
კაცს რა დეემალეება?!. მარგალიტით ქალი მოგეცი და ვაგლახად
ვერ შეგალახვიანებ მის თავს, იცოდეს!..

— შენთვის რაღაც ენა მოუტანიათ ჩვენზე... ათასი მტერი
გვეყავს... — გაუბედავად დაიწყო ნიკამ.

— ეს თქვენი სიგლახით, თვარა ჩემ შვილზე მტრობას კაცი არ
ჩაივლებს გულში მიდღემჩი...

— ვის ელაპარაკები, ბიჭო? — მოისმა სახლიდან ფეფენას ხმა
და ამასთანავე მოხუცებულმა დედაკაცმა კარში გამოიხედა; დაი-
ნახა მარკოზა და შესძახა — უიჰე!.. თქვენ ბრძანებულხართი სახლში
შემობრძანდით, ბატონო, სახლში შემობრძანდით! შე სულელი, ამ-
დენ ხანს ვერ გამაგებზე?

მარკოზა შევიდა სახლში, ფეფენას ჩამოართვა ხელი და დაკვი-
რვებული თვალი აავლ-ჩაავლო მარინეს, რომელიც ის-იყო მიეგება
მას; მერე მოჰკიდა ხელი და გვერდით მოისევა.

მარკოზა მისჩერებოდა შვილს და თვალს არ უჯერებდა. ნუთუ
ეს მისი სიცოცხლით სავსე. ცქვიტი, მხიარული, პარსავსე, ღამა-
ში მარინეა, რომელიც ნიკას გამოატანა?!. ეს სახეჩაყვითლებული,
გამხდარი. თვალუმბიმქრალი ქალი მარინეა?.. მაშ მართალი ყოფილა,

„აუღ მართალი ყოფილა, ეკვი რაღა საჭიროა, მართალი ყოფილა, რაც ონისიმემ უამბო.. საწყალმა მარკოზამ კიდევ ერთხელ თვალი გადაავლო შვილს, უფრო მიიკრა გულზე; გულმა აღარ მოუთმინა მოხუცებულს და შვილს ჰკითხა:

— რამ გამოგცვალა ეგრე უცნაურად, შვილო? ავად ხომ არა ხარ?

— არა, ბატონო!.. წყნარად მიუგო მარინემ.

— კარგად რომ არ ხარ, არ გეტყობა თუ?.. მე ჯერ თვალები არ ამბმია!.. — წყრომით წარმოსთქვა მარკოზამ.

მარინე შიშმა აიტანა ამ სიტყვებზე; წინდაწინვე ჰგრძნობდა იგი, რომ აქ მშვიდობიანად არ გათავდებოდა საქმე... მამამისი სულ სხვანაირ ხასიათზე იყო... ოჰ, ღმერთო, ისევე ხელახლად აყალმაყალა, უსიამოვნება, გულისხეთქვა... ისევ მოეშალა ეგრე ძვირად მოპოვებული მყუდროება, მშვიდობიანობა!.. მან თითქოს მოიწადინა გაქცეოდა ყოველ ამ უბედურებას, სადმე გადაკარგულიყო. ფეხზე წამოდგა და წასვლა დააპირა. მარკოზამ ხელი წაავლო.

— სად მიხვალ?.. დაჯექ. ჩემთან იყავ! — უთხრა მან და მარინე ისევ გვერდით მოისვა.

ფეფენა უცბად მიხვდა, რომ მარკოზა უბრალოდ მოსული არ იყო, უეპველად ჩხუბი ასტყდებოდა მძახლებს შორის, და მან მოინდომა დაესწრო მარკოზასათვის, თავისი სათქმელი ეთქვა და ამით ამ კაცისათვის უსიამოვნო საგანზე ხმის ამოღების საშუალება მოეპოვა.

— მე ძალიან ვემდურე. — დაიწყო ფეფენამ, — ძალიან ვემდურე შენ შვილს, რომ ერთ დროს სულ არ მიიკარა ჩემი სიტყვა, ვერაფერი ვერ ჩაევაგონე და ბევრი უსიამოვნება გამომარონია... ბევრი მწუხარება მომყენა... — და მან უამბო თითქმის ყველაფერი, რაც მათ შორის მოხდა.

მარკოზამ აცალა ფეფენას მისი სათქმელის დათავება.

— ახლა ქე მიხვდა თავის შეცდომას, — დაათავა თავისი სიტყვა ფეფენამ, — და ქე შეეკიდება ოჯახს!..

მარკოზა წამოდგა და მარინეც წამოაყენა.

— ამისთანა ქალი აწი ველარ არგებს თქვენისთანა ოჯახს!.. მე მიმყავს ჩემი შვილი! — გადაწყვეტით წარმოსთქვა მარკოზამ.

— რაღა მიგყავს?.. რას ბრძანებ! — შეეკითხა გაოცებული ფეფენა.

— მიმყავს!.. ისევე ჩემს სახლში მყავდეს... მე თქვენზე უკეთ მოვუვლი, თუ თქვენ ვერ დააფასეთ! — და მარკოზამ უფრო მაგრა ჩაავლო მარინეს ხელი. — წამოდი ჩემთან!

— ღმერთო, მომკალი!.. ეს რა მესმის?!.. შე სულელო, ხმას ვერ

ამოიღებ, ხახა რომ გაგიღია? — შეუტია ფეფენამ ნიკას: — არ გეყურება. ცოლს გართმევენ!

ნიკა ისევ გაუნძრევლად იდგა.

— წამო, შვილო! — მარკოზამ მარინე კარისაკენ გასწია.

— მამა, მამა, შენი ჭირიმე! — ხვეწნით ეუბნებოდა მარინე მამამისს და თან ცდილობდა მარკოზას ხელიდან გაეთავისუფლებინა თავისი ხელი.

— წამო, გეუბნები, ნუ სულელობ!

— მამა, მამა, შენი სულის ჭირიმე! — თვალცრემლიანი ემუდარებოდა ყმაწვილი ქალი.

— ლმერთო, რა დღეს მევესწარი?! — წამოიძახა ფეფენამ. — რა დღეს მევესწარა?!

— რატომ კადრულობთ მაგისთანა საქმეს, ბატონო?.. არ გეკადრებთ! — წინ გადაუდგა, გზა გადაუღობა მარკოზას ნიკამ.

— იქით, შე მართლა ქალაჩუნა! — მარკოზამ ღონივრად მოიქნია ნიკა და განზე მიივლო, მოსწია მარინეს მძლავრად და ძალით გაითრია ეზოში, თუმცა ყმაწვილი ქალი ტირილობდა და გაიძახოდა:

— მამა, ჩემო მამა, შენ სულს დავენაცვლე... გამიშვი... გამიშვი. შენი ჭირიმე, ჩემო მამა... მომკლავენ, მამა! ვაიმე, ვაიმე! — მოსტყვამდა და უძალიანდებოდა მარინე.

— კმარა!.. გაჩუმდი! — წყრომით შესძახა მარკოზამ. — კმარა... გაჩუმდი! ვინ მოგკლავს?.. ხელსაც ვერავინ შეგახებს... ამოვარდა მაგათი რჯული, ნუ ზღუქუნობ! — და მარკოზამ გაიყოლა მარინე.

ონისიმესას სახლის აივანზე უკვე თავი მოეყარა ბლომა საზოგადოებას, რომელიც შესდგებოდა მარტო დედაკაცებისაგან.

ვასილ კარიკაძე ეზოში ნიგვზის ქვეშ იჯდა და ონისიმეს ელაპარაკებოდა. ჭიშკარი გაიღო; ეზოში შემოვიდა მარკოზა და თან მარინე შემოიყვანა. დაინახა თუ არა ესმამ შვილი, გამოქანდა, მივარდა მას, მოჰკიდა ბეჭებში ხელი და ცოტათი უკან დაახევინა, რომ კარგად შეეხებდა მისთვის. უყურა, უყურა ესმამ საცოდავ შვილს, პირისახემ ძაგძაგი დაუწყო და ერთბაშად თვალებიდან ცხარე ცრემლების ნაკადული წამოუვიდა მოხუცებულ ქალს.

— შვილო!.. შვილო!.. ვაი შენს დედას!.. ვაი შენს დედას, შვილო! — ძლივს შესძლო ეთქვა. ცრემლი მოერია და ხმა ჩაუწყდა მას. ესმამ გულში ჩაიკრა მარინე.

— კარგი... გეყოფა, დედაკაცი!

მარკოზამ ქალებისაკენ წაიყვანა მარინე. უკანასკნელმა თვალი გადაავლო შეკრებილებას, ძლივს შესამჩნევად თავი დაუქრა და

ბოძთან ჩაჯდა. „რას ნიშნავდა ეს, რისთვის მოუყრია ამათ თავი?“ ფიქრობდა მარინე და ხანდახან გაუბედავად გამოიხედავდა თვალებზე ჩამოწეული თავსაფრის ქვეშიდან.

— შეგაწუხებთ, ბატონებო, შეგაწუხებთ, — მიმართა დედაკაცებს მარკოზამ: — მაგრამ დღემდის არ მცოდნია, თუ ჩემს თავზე ამისთანა უბედურება ტრიალობდა... ცუდი ამბავი შეგვემთხვა... მოგვიტყვეთ... რა ვქნათ... ყველაფერი ღვთის ნებაა... ყოველივე სიკეთე მისცეს ღმერთმა ბატონ ვასილს, ეს ღვთისნიერი აღამიანი გაისარჯა, ინება ჩვენთან წამობძანება... თუ ჩემ შვილს მართლა რამე კავშირი აქვს ეშმაკთან, ეხლავე გაგვაგებიებს ეს ღვთისნიერი კაცი...

მარინემ ამ სიტყვების გაგონებაზე ერთი კი ახედა თავის მამას და მერე უფრო ჩაღუნა თავი და თავსაფარიც ჩამოიწია ისე, რომ სულ ერთიანად პირისახე დამალა.

— ამიერიდან თქვენ მაწუხებელისაგანაც თავისუფალი იქნებით და ჩვენც თქვენგან სამღურავს ავცდებით... — დაათვა სიტყვა მარკოზამ.

— მადლობელი ვართ, მადლობელი ვართ.. ღმერთმა დღეგრძელობა მოგცეთ! — მოისმა აქეთ-იქიდან.

— სინდისიერი კაცი ბრძანებულხარ... შვილის კაი პატრონი... ღმერთმა გიწინამძღვროს! — უთხრა ერთმა მოხუცებულმა დედაკაცმა.

— აბა, ბატონო ვასილ, ყოველისფერი მზადაა, შენი კირიმე... დროს ნუ დაჯარგავთ... შევეუდგეთ საქმეს!.. — თავდაბლად უთხრა მარკოზამ ვასილს.

ეს უკანასკნელი წამოდგა და ქალებისაკენ წამოვიდა. მთელი საზოგადოება ფეხზე წამოდგა მის მისვლაზე და პატივისცემით თავი დაუქრეს. ვასილმაც თავის მხრივ დინჯად თავი დაუქრა ყველას საერთოდ და მიმართა:

— დაბძანდით, დაბძანდით! — და თვითონაც მარინეს მახლობლად დაჯდა სკამზე.

მარინე მუშმისავით იჯდა, მიჰყუდებოდა ბოძს და თავი დაეხარა. პირისახე სრულიად არ უჩანდა თავსაფრის ქვეშ, ისე დაბლა ჰქონდა თავი ჩამოწეული. იგი უფრო მკვდარს ჰგავდა, ვიდრე ცოცხალს. მარინეს ზურგს უკან მოიკრუნჩხა დედამისი, ესმა, რომლის ღროგამოშვებით სასოწარკვეთილებით წამოძახება: „შვილო, შვილო... რა დღეს შეესწრო შენი ოხერი დედა!..“ და ამასთანავე გულში მუშტების ცემა მაყურებლებს გულს უთუთქავდა.

— ბიძიკო, — დაიწყო ტკბილი ხმით ვასილმა: — შენ გაბრა-

ლ. კი, ვითომ ქრისტესათვის გელატნოს და ეშმაკებს მიჰკერძო-
ლე... ვითომ მავნებლობასთან და ბოროტთან კავშირი შეგეკრას და
ამის დასამტკიცებლად შენზე ბევრ რამეს. ამბობენ შენი აქამდე
საყვარელი მეზობლები და ამხანაგები... — ვასილმა უთხრა ყოვე-
ლივე ის, რაშიაც ბრალსა 'სდებენ მარინეს, და ჰკითხა: — მართა-
ლია თუ არა ეს?

მარინემ პასუხი არ გასცა.

ვასილმა ისევ განუმეორა თავისი კითხვა, მაგრამ პასუხი მაინც
ვერ მიიღო.

— არ გესმის, რომ გკითხავენ? — მიაძახა მარკოზამ.

მარინე მაინც არ იღებდა ხმას... გაქვავებული უმოძრაოდ იჯდა.

— მიეცი, შვილო, პასუხი, პასუხი გაეცი, შვილო! — მბარზე
ხელის დადებით შეეხვეწა ესმა: — პასუხი გაეცი, შვილო!

— არ იცი, ბოშო, ვინ გკითხავს?.. უბრალო კაცი ხომ არ გე-
ლაპარაკება... ანგელოზთან ნამუსაიფები კაცი ხმას გცემს და შენ რა
ღმერთი გიწყობა?! — გაცხარდა მარკოზა.

— მე უშენოდაც კი მიგიხვდები, — ისევ მიმართა სიტყვა ვასი-
ლმა ყმაწვილ ქალს: — უშენოდაც კი მიგიხვდები ყოველ შენს
საქმეს, მარა შენთვის ჯობია, რომ თვითონ შენით აღიარო ყოველი-
ვე შენი ამბავი... ყველაფერში გამოგვიტყუდი და ღმერთი, ჩვენი
შემქმნელი და მწყალობელი, გაპატივებს შენს შეცდომას, მოგიტე-
ვებს შენს დანაშაულობას... არა და, თუ არ გამოტყუდები, იცოდე, სა-
უკუნო წვალება მოგელის ჯოჯოხეთში... ყოველ წვალებაზე უფრო
შეტი... ამაში დამერწმუნე მე, რომ მართალს გეუბნები... თუკი
გამოტყუდები, როგორც გითხარი, ღმერთი შეგინდობს შენს შეცდო-
მილებას და სულსაც არ წაიწყმედ, ეშმაკს არ დააპატრონებ მასზე...
სარ კუდიანი, თუ არა? გაქვს მათთან რამე კავშირი? — კიდევ ჩაჰ-
კითხა ვასილმა.

სიჩუმეში მოისმოდა შეკავებული ტირილის ხმა.

— გაქვს კავშირი თუ არა კუდიანობასთან? — არ ეშვებოდა ვა-
სილი.

— მაქვს! — ძლივს გასაგონი ხმით თქვა მარინემ.

საშინელმა, გულგამგმირავმა კვილმა შესძრა იქაურობა.

— უიმე, უიმე! — სასოწარკვეთილებით წამოიკივლა ესმამ და
თავზე ხელები დაიშინა.

— ქალო, გაჩუმდი, გაჩუმდი!.. არ გესმის შენ, ეი! გაჩუმდი.
გეუბნები! — შეუტია ცოლს მარკოზამ მარინეს სიტყვისაგან გამ-
შრალმა.

ქალებმა ერთმანეთს გადახედეს.

— ვინ შეგაცდინა? ვინ გაგაჩვია კუდიანებთან? — ჰკითხავდა ვასილი.

მარინე ისევ გაყუჩდა და პასუხი არ მისცა. მარკოზას ვული მოუვიდა და წყრომით უთხრა, რომ ამგვარი ჭიუტობით ვასილს აწუხებო. ამის შემდეგ ვასილმა ისევ გაუძეოდა თავისი კითხვა და მარინემაც ურულ მიაუგო:

— ჩემმა დედამთილმა!

ქალემა ისევ შეინძრნენ, ერთმანეთს გადაბედ-გადმოხედეს. ესმა კი ისევ მუწეტებს ირტყანდა გულში; ქმრის შიშით ხმამაღლა ტირილს ვერ ჰხედავდა საცოდავი მოხუცებული დედაკაცი.

— აბა, ახლა მოგვიყვი, როგორ შეგაჩვია კუდიანობას შენმა დედამთილმა?.. თავიდან მოყვი: რას გიშვრებოდა, რას გეუბნებოდა ან გპირდებოდა რამეს? ჰო?

მარინემ ჭერ ხმა არ ამოიღო, მერე თითქოს იფიქრა, რომ მაინც არ მომეშვებიანო, ვიდრე დაწვრილებით არ ვიტყვი ჩემს ამბავსო, და მოჰყვა ყველაფერს. მთელი საზოგადოება სმენად გადაიქცა; ზოგიერთი ქალები წამოდგნენ და მარინესკენ გამოიწიეს, რომ უკეთესად გაეგონათ მისი ლაპარაკი.

სიჩუმემ დაიპყრო იქაურობა და ამ სიჩუმეში ძლივს ისმოდა ადრევებული, მისუსტებული მარინეს ხმა, რომელიც ზშირად უწყდებოდა მოლაპარაკეს.

მარინემ უამბო, თუ როგორ გალახეს იგი დედამთილმა და ქმარმა, ონისიმესაგან რომ სახლში მიიყვანეს, რის შემდეგაც ავად გახდა... როგორ უმოწყალოდ სდევნიდა მას ფეფენა, მოსვენებას არ აძლევდა; როგორ აუკრძალა ჭერ სახლიდან ეზოში გამოსვლა, მერე ეზოს გადაღმა გადაბიჯება; უშლიდა სხვებთან ლაპარაკს; რომ ყველგან სდევნიდა მას და ვერსად ვერ დაეფარა მისგან თავი.

— ერთხელ ვენახში დავემალე, დავწვი ბულოს ძირში... მიმძინებოდა, — მოუყვა მარინე, — უეცრად რაღაც შავი უშველებელი დამეტაკა, გამომადვიდა, წამავლო ხელი და ცაში ამიყვანა ისე მალდა, რომ თავბრუ დამესხა. დაბლა რომ გადმოვიხედე... „დამნებდიო, — მითხრა იმან, — და ჩემი ნება აასრულეო, თორემ ახლავე აქედან ხელს გაგიშვებ და მიწას დაგახეთქებო“. შემეშინდა, ავკანკალდი... ვუთხარი, კი, ბატონო-თქვა. „აბა გახსოვდეს ეგ შენი სიტყვა... მე ხუმრობა არ ვიციო“... ჩავაჩერდი, ვინ მელაპარაკებოდა, მინდოდა შემეტყო... იმ შავ მოჩვენებაში ჩემი დედამთილი ვიცანი... მე უფრო შემეშინდა კიდევ და ხვეწნა დაუწყე — ოღონდ ნუ მომკლავ და შენი მორჩილი ვიქნები-თქვა... არც ხმას გავცემ. ვისმე უშენოდ, არც არსად წავალ შენდა დაუკითხავად-თქვა... ოღონდ მიწა-

ზე დამიშვი-თქვა... ისევ თვალეზე წამომეფარა რაღაცა, გონება დამეკარგა... აზრზე რომ მოვედი, ისევ იმ ადგილას ვიწევი, სადაც მიმძინებოდა...

— კიდეც?

— ნიგოზზე შემომესწრო...

— ჰმ!

— ნიგოზს ვხალავდი... უეცრად თვალეზე წამომეფარა შავად... რეტი დამესხა, მეგონა, გადმოვარდი ეს არი-თქვა... ბრკყალები ჩა-ნასო კაბაში... მალლა... სულ მალლა ამიყვანა... გადმოგავდებო... აქედან გისვრიო... ნიგოზის წვეროზე წამოეცობიო, თუ არ შემოში-დექიო... კუდიანი გახდიო... შემეშინდა, სული შემიხუთდა... შორ-ჩილი ვიქნები-თქვა, ვუთხარი... ნუ მომკლავ-თქვა, შევებევრწე...

— ვინ იყო? ვინ გელაპარაკებოდა მაგრე? იცანი?

— ვიცანი! -- ღრმად ამოიხვნეშა მარინე.

— ვინ იცანა?

— სული მეხუთება!.. დედა, მიშველე!.. ოჰ! მიშველე, დედა! — ატირდა მარინე, დედისკენ პირი ქნა და ღონემიხდილი კისერზე ჩა-მოეკიდა.

— ნუ გეშინია, შვილო, ნუ გეშინია, შენ დაგენაცვლოს შენი დე-და რა იყო, შვილო? რა დაგემართა, შვილო, შვილო?! — შექნა ყვირილი ესმამ, შვილის უსიცოცხლო სახე რომ დაინახა, როცა მას პირზე თავსაფარი ახადა.

— ვინ შეიცანი, ვინ? — არ ეშვებოდა მაინც ვასილი, რომელიც ყურში ჩასძახოდა გრძნობდაკარგულ ქალს.

— დედამთილი — ძლივს გასაგონი ხმით თქვა და მკვდარივით, ხელებ და კისერმოსხლეტილი მიილუშა ესმას კალთაში.

— შვილო, მარინე, შვილო! — დასწიოდა მას საცოდავად ესმა: — რატომ შენი დედა უწინ არ მოგიკვდა, სანამ ამას დეინახავდა მისი დასაფსები თვალეები!.. შვილო, შვილო! — მწარედ მოსთქვამდა მო-ხუცებული დედა.

მარკოზა გაშტერებული, გალენჩებული იდგა განზე და უცნაურ ძალას ატანდა თავისთვის, რომ ამ საზოგადოებაში ტირილი არ წას-კდომოდა.

— სახლში შეიყვანეთ... — დაიძახა და ფეხზე წამოდგა ვასი-ლი: — შეიყვანეთ სახლში და დაწვინეთ ქვეშაგებში...

ვასილი ქალებს მოშორდა და ონისიმესა და მარკოზას თანხლე-ბით ისევ ეზოში გავიდა. გრძნობამიხდილი მარინე სახლში შეიტა-ნეს, დააწვინეს ტახტზე და საბანი წაახურეს... დედაკაცები იქვე

ფუსფუსებდნენ... ვინ ესმას ანუგეშებდა და ამხნევებდა... ვინ რა ჩჩეკას იძლეოდა მარინეს გრძნობაზე მოსაყვანად.

— ახლა კი წმინდად გეიწმინდა! — ამბობდა ერთი დედაკაცი.

— ძალიან საქმე ქნა იმ დალოცვილმა აღამიანმა! — ამბობდა მეორე.

— ღვთის კაცია. შე დალოცვილო... ვიგინდარა ვინმე ხომ არ არის!

— რასაკვირველია, რასაკვირველია.. მარა ამ უბედურს დიდი ბნის სიცოცხლე კი აღარ აქვს... — გადაუფუჩუნა ერთმა დედაკაცმა მეორეს.

— შე ქალო, სული რომ არ წააწყმედინეს, ის აღარ კმარა? — ზმადებლა მიუგო მეორემ: — გამოტეხილს რაღა აცოცხლებს?.. არ გამოეტეხათ, უარესი ცოდვა იქნებოდა... იცოცხლებდა კი, მარა რაღა სიცოცხლე იქნებოდა მისი... ბოლოს ხომ წაწყმედილი იქნებოდა მაინც...

ეს საზოგადო აზრი იყო, რომ გამოტეხილი დიდხანს ვერ იცოცხლებდა და ამაში დარწმუნებულნი წავიდ-წამოვიდნენ დედაკაცები. ამათაც მადლობა უთხრეს, როგორც ვასილ კარიკაძეს, ისე მარკოზას, რომ მათ სოფელს ამისთანა სამადლო საქმე უქნეს—გაკუდიანებული ქალი მოაშორეს სოფელს. მეორე დღეს ვასილიც წავიდა თავის სოფელში ონისიმეს ვაჟიშვილის თანხლებით. მარკოზა ბევრი ეხვეწა მას, მიეღო მისგან ორიოდე მანეთი გასამრჯელო, მაგრამ ვასილმა არაფრის გულისათვის არა ქნა.

— ღმერთს ჩემთვის ეს ძალა ფულის საბოჭავად კი არ მოუნიჭებია, შე კაცო! — უთხრა მან მარკოზას.

— ვეცდები სხვანაირად გემსახურო და ეს დავალება კაცურად გადაგიხადო, ჩემო ბატონო! — მიუგო მოხუცებულმა გლეხმა.

ამ წამებამ, მთელი საზოგადოების წინაშე წამებამ, სულ დაათავა უიშისოდაც მისუსტებული მარინე. იგი მესამე დღესაც არ ამდგარა ზეზე, ისევე ავადმყოფი იწვა. უბედური დედამისი თვალდათვალ უყურებდა, როგორ ესალმებოდა მისი საწყალი, მრავალტანჯული შვილი ამ წუთისოფელს. ესალმებოდა, აბა რისი მომასწავებელი იყო მისი ასე საცოდავად მოქცევა?! და ესმა თავს დასტიროდა მარინეს... მარკოზა კი ხანდახან მივიდოდა ავადმყოფთან, ჩაპკითხავდა: „რაღა ხარ, შვილო?“ და პასუხის მაგივრად რომ გაიგონებდა გაუგებარ სიტყვებს. მიმქრალი ხმით წარმოთქმულს, უცბად მოშორდებოდა და ცალკე, ნაჩუმათებად ჰყრიდა ცრემლებს.

სოფიო და ონისიმე ნუგეშს აძლევდნენ ვითომ მოხუცებულებს, მაგრამ თვითონაც ხედავდნენ, რომ სანუგეშო აქ არა იყო რა.

ერთ დღეს მარინემ უცნაურად დაიჯინა სახლში, დედამთილთან, წასვლა იქ დასაწოლად. მარკოზამ ძლივს, ისიც წყრომით გადაათქმევინა ეს სურვილი. „ფეფენას ნურათფერს აწყენინებთო,“ — ეხვეწებოდა მომაკვდავი შშობლებს.

ფეფენას არათფერი გაუგვა იმისი, თუ რა მოხდა ონისიმესას, რაჩიგად საპოლოოდ დამტკიცდა მისი კუდიანობა და მისგან რძლის გაკუდიანება. ვინ იქნებოდა იმისთანა, რომ ყოველი ეს ეამბნა ფეფენასათვის, რომლის, წინაშეც უფრო იმატა შიმში მეზობლების გულში. გამოტეხაზე დამსწრენი მაინც ერთობ შიშში ჩავარდნენ — ფეფენამ არ გაგვიგოს იქ ყოფნა და არ გადაგვეკიდოსო.

ფეფენამ ის იცოდა მხოლოდ, რომ მარკოზამ მარინე ონისიმესას მიიყვანა და რომ ახლა იგი ავადმყოფი იწვა მისი მანლის სახლში. ერთ დღეს აღარ მოუთმინა გულმა მოხუცებულ დედაკაცს და გადასწყვიტა გადასულიყო ონისიმესას, რძლის ამბავიც გაეგო და მის შშობლებთანაც მოელაპარაკნა, რომ ასე წართმევა ქალისა არავის უნახავს და გაუგონია, მით უფრო, რომ ფეფენა ამ ბოლო დროს სრულიად კმაყოფილი იყო მარინესი. მართლაც, როცა მარინემ სრულიად გამოიცვალა ხასიათი, მისი სიტყვის გამგონი და დამჭერი შეიქნა. მიივიწყა უწინდელი ცმუკვა-ცერცებობა, სულ სახლში იჯდა, და მოხუცებულმა ქალმა, მისი აზრით, თავიდან აიცილა თავზე წამოწეული უბედურება, — ახლა ფეფენას აღარავითარი განსაცდელის მოლოდინი არ აწუხებდა. მან სრულიად გამოიცვალა გული რძალზე. ამიტომაც იყო, რომ გადასწყვიტა ავადმყოფი მარინეს ნახვა... ეგებ ამ უცნაური ხასიათის პატრონის გულის სიღრმეში რძლის სიყვარულმაც გაიღვიძა... ვინ იცის!

— აჰა!.. კაი დაგემართოს! მაგაზე უკეთეს ვერას იზამდი!.. — რაღაც უცნაურ კილოზე წამოიძაბა მარკოზამ, როცა ნიკას თანხლებით ეზოში შემოსულ ფეფენას თვალი მოჰკრა.

— სახლში არ შემოუშვა მაგ სულწაწყმედილი, მაგ! — გაჯავრებით თქვა ესმამ.

— ვინ არი, დედა? — იკითხა ავადმყოფმა.

— წყეული შენი დედამთილი. შვილი!.. მარკოზა, კაცო, სახლში არ შემოუშვა, იცოდე, თვარა ამწამსვე ყანყარტოში ვეცემი!

— მატალე, დედაკაცო!.. შენ შენთვის იყავი! ეს მინდოდა, რომ სადმე ხელში ჩამეგდო მაგისი ოჯახი და ღმერთი მიგზავნის კიდევაც! — ბოროტად წარმოსთქვა მარკოზამ, მივარდა: ვერას, აჩქარებით გამოქეჭა ცეცხლი, გადააბნია ნაცარი და ზევით ამოაგდო კერაში ნაგდები ნალი. მერე ისევ ნაკვერცხლები წააყარა რკინას, მი-

ტრიალდა და ფეფენას შეეგება კარებთან. არც სოფიო და არც ონისიმე შინ არ იყვნენ.

— მობძანდი, მძახალო, მობძანდი!.. აქამდინაც კი უნდა გენახა, შე ქალო, შენი ავადმყოფი რძალი! — დაცინვით უთხრა მარკოზამ: — შენ, ბიჭო, არ გეკადრებოდა ცოლის ამბავი გაგეგო?

— შე დალოცვილო, — მიმართა ფეფენამ მარკოზას: — შენ იმისთანა საქმე გვიყავი!.. გზედავდი სხვანაირ გუნებაზე იყავი და აღარაფერი გითხარი... მე ვაქვი, ჯერ ესე იყოს, კაცი დამშვიდდება, დაწყნარდება... შვილიც ეტყვის...

— შვილმა ვერაფერი კაი მითხრა! — წამოიძახა მარკოზამ.

— მამა, მამა! — მოისმა ავადმყოფის ხმა.

— იმიტომ ვიცდიდი ამ სამ დღეს, — თავისას ამბობდა ფეფენა: — რითია ავად? რამ გახადა ასე უცბად ამნაირად? — და ფეფენა ავადმყოფთან მივიდა.

— ნამდვილი ამბავი გინდა, რასაკვირველია, გვიგო, ხომ? — ისევე სხვანაირად ჩაპკოთხა მარკოზამ ფეფენას.

— დედა, დედა... უთხარი მამას... — ძლივს გააგონა დედას მარინემ.

— შენ კი, ბიჭო, გარეთ გადი! — დაუძახა ნიკას მარკოზამ: — შენი გასაგონი არ არის ეს ჩვენი ლაპარაკი!..

ნიკა ცხვარავით კარში გავიდა. მარკოზამ უცბად მიხურა კარი და გადარაზა სარაზავით, გამოტრიალდა, წინ წამოუდგა წელში გამართულ, დონჩშემოყრილ ფეფენას და შეჰყვირა:

— შენმა კუდიანობამ უყო მაგას ეგ!.. შენმა კუდიანობამ! — დაიყვირა, რაც ხმა ჰქონდა, მარკოზამ: — ვითომ და არ იცოდე?! იმისათვის მოდი, რომ მაგის წვალეების ყურებით დამტკბარიყავი? მარა სად წამიხვალ ახლა, სად წამიხვალ!.. — უყვიროდა მარკოზა გაფითრებულ მოხუცებულ ქალს, რომელიც გრძნობადაკარგულივით მისჩერებოდა ამ გამხეცებულ კაცს. — ვერსად ვერ წამიხვალ, ვერსად!.. გესმის თუ არა? — ყვიროდა ასევე მარკოზა.

— ხომ არ გადარეულხარი — შეუტაა გაოცებულმა ფეფენამ: — ხომ არ გადარეულხარ... ახლავე კარი გამიღეთ!.. — და მან კარებისაკენ მიიწია, მაგრამ მარკოზამ ხელი სტაცა და უკან დაახევინა.

— სად მიხვალ? სად წამიხვალ?

— გამიშვი, გეუბნები!.. ხელი გამიშვი! ბიჭო, ნიკა, კარი გააღე ახლავე... გესმის, ბიჭო!

— ვერ გავალე, დედა, ვერა! — მოისმა ნიკას ხმა.

— რატომ ტანჯავ, რაზე აწვალე, შე შეჩვენებულო?.. აღარ

გეყო მაგის წამება, ვერ გაძენი? შე წყეულო, სული რომ არ წაგა-
წყემედიანე, ხორცს რას ერჩი, მითხარი? — და მარკოზა რაც ძალა
და ღონე ჰქონდა მოხუცებულს ხან იქიდან წაპკრავდა მუჯღუგუნს,
ხან აქედან. ფეფენა კი ამ სიტყვებით გაკვირებული იძახდა: —
„რეებს ამბობ, შე უგონო, რას სულელობ?“ — და თან საზარლად
ყვიროდა, მაგრამ მარკოზამ ყურიც არ ათხოვა ამას, მოჰხვია ხელე-
ბი ფეფენას, მიათრია ბაგასთან, მოხსნა ბაგაზე ჩამოკიდებული ხა-
რის დასაბმელი ბაწარი, ესმას დახმარებით შეპკრა მოხუცებული
დედაკაცი და გადაბაწრული მიწაზე დააგდო.

— მიშველეთ, მიშველეთ! — შესაზარი ხმით გაპკიოდა ფეფენა.

— მოიტა აქ ნალი — გადასძახა მარკოზამ ცოლს; თვითონ კი
ფეფენას თავს დაადგა და ნიშნის მოგებით ეუბნებოდა: — სად წა-
მინვალ ახლა, სად წამიხვალ, შე კუდიანო.. ახლავე დაგიკარგავ მაგ
შენს ძალას.. ახლავე მოგარჯულებ მე შენი.. მალე, დედაკაცი
ესმამ გამოჩხრიკა ცეცხლი, გამოიღო საკეციით გავარავარებულა
ნალი და მარკოზასაქენ წაიღო.

— მამა! მამა!.. რას შობი?.. რას შობი, მამა — წამოვარდა ამის
დანახვაზე ლოგინიდან მარინე: — მამა, შენი ჭირიმე... მე მომკალი,
მე!.. ნუ შობი მაგას!.. დედა, იქით! — დაიწვილა მან და ესმას ხე-
ლიდან გააგდებინა საკეციც და ნალიც.

— ახლავე მორჩები, შვილო, გვატალე! — წამოიძახა ესმამ.

— მამა, ნუ მკლავ, ნუ მკლავ, მამა — და ღონემიხდილი კისერ-
ზე ჩამოეკიდა მარკოზას.

— მაცალე! მაცალე, გეუბნები — გაჭავრებით მიაძახა მარკო-
ზამ: — დოუდალავი რავა გადამირჩება მაგ შეჩვენებული
ყვირილისაგან ხმაჩახრინწებული ფეფენა ისევე შეველას ითხოვდა.
კარებთან კაცების ხმა მოისმა, ეს ნიკამ შეჰყარა მეზობლები.

— მარკოზა, კარი გააღე, კარი გააღე, მარკოზა! — იძახოდნენ
და თან კარს აწვებოდნენ.

— მაცალე, ბოშო, მაცალე! წვიყვანე ეს სულელი იქით! — მია-
ყვარა მარკოზამ ესმას და თან ისე ღონივრად შეინძრა, რომ მარი-
ნესაგან თავი გაითავისუფლა, მაგრამ მარინემ თავი ველარ შეიმაგრა
და მიწას დაასკდა მძიმედ.

განთავისუფლებულმა მარკოზამ უცბად დაავლო ხელი საკეცეს,
აიღო მით მხურვალე ნალი და მიიტანა იგი ფეფენასთან, რომელსაც
შიშისაგან ხმა დაპკარგოდა და გველივით კლაკვნა დაეწყო.

— ხედავ ამას, ხედავ?! — ყვიროდა მარკოზა — ხედავ ამას?
აი, შენი რჯული, შენი რჯული — და გამხეცებულმა მარკოზამ გა-
ხურებული რკინა თეძოზე მიადო ფეფენას.

სახლში მყარალი, ნამწვავი ჰინჰის სუნნი დადგა. ამ დროს კარიც ჩამოგლიჯეს და სახლში შემოცვივნულმა გლეხებმა ცოცხალ-მკვდარ ფეფენას მოაშორეს მარკოზა, შემოხსნეს ქალს ბაწარი და გარეთ გაიყვანეს ჰაერზე.

საშინელმა კივილმა შესძრა იქაურობა. ესმა, რომელიც მიწაზე დაცემულ მარინესთან ფუსფუსებდა, საზარლად ღრიალებდა:

— შეილო, მარინე!.. მარინე!.. მიშველეთ... ვინ ხართ ქრისტიანი, მიშველეთ... კვდება, კვდება!.. მარინე, შეილო — ყვიროდა საცოდავად დედაკაცი.

— ჰა, მოკვდა?! — იყვირა მარკოზამ და მარინეს მივარდა: — მარინე, შეილო მარინე!.. — და რა შეხედა მიწაზე უსულოდ მდებარე შეილს, მოხუცებულმა ღონიერად ასწია საყვარელი გვამი, გულში ჩაიხუტა და თან გულსაკლავად გასძახა:

— შეილო გაწვალებულო შეილო!.. მარინე, შენი ჰირიმეი ვაიმე, ვაიმე, ვაიმე! — და მარკოზა გაცივებულ ჰირისახეს უკოცნიდა მიცვალებულს.

სოლომან მორბელაძე

— პატარა ხანს მოითმინეთ, ბატონო, და სოლომანიც გიახლებათ საცა არს!

— დამაგვიანდება... დღიურ ველარ მივალ სახლში... უმთვარო ღამეები გახლავთ... გზაში გამიჭირდება... თვითონ იცით, რა გზებია, მერე ჩვენსკენ... მე გიახლებით და ამის მთხოვნელი ვიქნები, თქვენვე მოახსენოთ სოლომანს ყველაფერი... გაქარევა რომ არ მადგეს, ღმერთმანი, არც კი შეგაწუხებდით... თქვენი იმედით ვიქნები, ჩემო ბატონო... მშვიდობით ბრძანდებოდეთ! — თქვა ეს კარგა მოხუცებულმა, მაღალი ტანის კაცმა, ხელი ჩამოართვა ქალს, რომელსაც ელაპარაკებოდა და კიბეზე ჩამოსვლა დააპირა. სწორედ ამ დროს ქალმა წამოიძახა:

— ჰე, ბატონო, სოლომანიც ეგერ მოდის!

მართლაც, ღია კიშკარში შემოიჭირითა მოჩაქჩაქე ჯორით მამაკაცმა, რომელსაც თავზე პატარა ქუდი ეხურა და მხარზე ყაბალახი ჰქონდა გადაგდებული.

ეს იყო აზნაური სოლომან მორბელაძე.

— შენ არ დამენახე, პლატონ, და სხვა არაფერი მინდოდა — შესძახა სოლომანმა მოხუცებულს, როცა ჯორიდან ჩამოხტა და შეგებებულ პატარა ბიჭს გადასცა მადლიანი პირუტყვი.

— რა კაა გუნებაზე ვიყავი მერე... უღვთო კაცო ყოფილხარ, პლატონ ჩემო, ღმერთმანი! — და სოლომანმა გულიანად გადახარხარა და ხელი ჩამოართვა პლატონს.

— მალე, მალე გაგოსტუმრებ... მალე მოვიშორებ თავიდან შენს ვალს... ცოტა ფეხის გადადგმა შემეზარა, თვარა ფულს ვერ ვიშოვიდი მე?! მართლა, ისე დაგლახაკებული კი არა ვარ, ზოგიერთი აზნოუშვილი რომ გინახავს... უფულობას რომ შეუშინებია, ცხვი-

რები ჩამოუშვიათ და არ იციან, რა ქნანი ცოტა კიდევ მომთმინე და თელათ დაგიბრუნებ იმ შენს ფულს...

— რა ვქნა, მე ერთი გაჭირვებული კაცი ვარ... შენოდენი მე აღარც სიარული შემიძლია, აღარც სხვა რამე საქმე... რაცხა ეშმაკად შეილი შევიყვანე სასწავლებელში, ქე ვნანობ ახლა, ნამეტანი ხარჯი უნდება... ბოვშიც ტირის და იხვეწება, სასწავლებლიდან არ გაიყვანო... სწავლის ფული მაქვს შესატანი და ამისათვის მოვედო შენთან... რომ არ შეგაწუხო, მეტი გზა არა მაქვს... ვადაც ქეა გადასული, შენ რომ ფულების დაბრუნებას შემპირდი... ბოვს გამომიგდებენ და ნუ ჩადგები ჩემს ცოლვაში...

— ჩემს შეილს, ჩემო პლატონ, უშველებელი კალამი უქირავს ხელში... ისე მშვენივრად ურტყამს მიწას, რომ მოგეწონება, რომ უყურო... არ ეკადრება, მართალია, თოხი აზნოუშვილს, მარა მეტი გზა არაა, თვითონაც იცი

— ქე ამხელ მერე შენს სიგლახეს? — დაატანა სოლომანის ცოლმა ეფროსინემ, რომელიც წედან ესაუბრებოდა მოხუცებულს.

— რა ვუყოთ... დრომ ასე მოიტანა.. აბა, პლატონ ჩემო, ერთი თვე მაღროვე კიდევ და მერე მე ვიცი და ჩემმა კაცობამი..

— ერთი თვე?.. — ჩაფიქრდა პლატონი: — ბატონი ბრძანდები, — თქვა მან ცოტა ხნის შემდეგ. — მეტი ხნით გადადება კი აღარ შემაძლია, სოლომანი

— არა, არა, პლატონ, შერცხვენილი დამიძახე, თუ ერთ თვეს გადავაცილო, ის შენი ფული არ ჩაგაბარო.. მაგის გულისთვის დავრბივარ აგერ ერთი თვეა... მაშელობა მაქვს გამოწყობილი და, იცოცხლე, კაი ასაღებიც მქონდესი ევილებ და იშწამსვე ჩემი ხელით მოგიტან... ცოლ-შვილს გეფიცები...

— აბა, იმედი მაქვს, სოლომანი

— პატიოსან სიტყვას გაძღვე... როგორც ევილებ სავაშვლოს, იშწამსვე შენთან გამოვწვევი.. და რომ ევილებ, ეკვი არ უნდა..

— აბა, ისე მივდივარ ახლა, თითქოს ჯიბეში მეგულებოდეს ის ფულები... მშვიდობით ბრძანდებოდეთი.. — და პლატონმა წასვლა დააპირა.

— გული რომ გაგიკეთე, იმიტომ მტოვებ, შე კაცო? ი ეფროსინე! — დაიძახა სოლომანმა.

— რა იყო? — იკითხა ეფროსინემ, რომელაც პალატიდან გამოვიდა, სადაც ჯორის დასახედავად იყო წასული.

— ხელად ერთი საუზმე მოგვართვი, თუ ქალი ხარ!

— აჰ, შენ არ მომიკვდე, მე დაჩხენა არ შემეძლოს... უსათუოდ ახლავე უნდა წავიდე! — გაიწია პლატონმა.

— შენ არ მომიკვდე, მე შენ არ გაგიშვაი.. ბიჭო — დაიძახა სოლომანმა: — პლატონის ცხენს უნაგარი მოხადე!

— შენ არ მომიკვდე, შენ, სოლომან, მე დარჩენა არ შემეძლოსი.. — და პლატონი უკან-უკან იხევდა, სოლომანის ხელებიდან თავის ხელს განთავისუფლებას ცდილობდა. — სახლში მაქვს დაბარებული, უსათუოდ მოვალ ამალამ-თქვა, და რომ არ მივიდე, ჭაერით მოკვდებიან... გამიშვი, შენი ჭირამე... შემომაღაძღება... მერე ველარ ვივლი!

— დაგაწვენ, დაგახურავ, დაგაძინებ... დილით აღრე აღგები და წახვალ, შე კაცო!.. — არ ეშვებოდა სოლომანი.

— მოითმინეთ, ბატონო! — შეეპატიჟა ეფროსინეც.

— მადლობელი ვარ, ჩემო ბატონო... მეტად მადლობელი ვარ, მარა ნურას უკაცრავად... სწორედ რომ არ შემძლია... მომეტევით, ნუ მიძრახავთ ჩემს უზრდელობას... მშვიდობით ბრძანდებოდეთი..

— კაია, შე დალოცვილი.. — მანც არ ეშვებოდა სოლომანი.

— ნულარ აწუხებ მეტს... თუკი ასე ეჩქარება — მიძარა კმარს ეფროსინემ.

— ღმერთმანი, ერთობ მოგალხენდი, იმისთანა გუნებაზედ ვარ, მარა, თუ ჩემთან არ გესიამოვნება ერთი სტაქანი ღვინის დაღვევა, ღმერთმა მშვიდობის გზა მოგცეს, ჩემო ბატონო!

— მაგას რატომ ამბობ, კაცო?!. დრო არა მაქვს, თვარა ამდენი ხვეწნით რავა შეგაწუხებდი.. მადლობელი ვარ... მადლობელი ვარ!.. მშვიდობით ბრძანდებოდეთი..

პლატონმა ხელი ჩამოართვა ეფროსინეს, მერე სოლომანი გაიბო გვერდზე და ხმამალა უთხრა:

— სოლომან, მომკლავ, თუ ამ ერთ თვეში არ მომეცი..

— პატიოსანი სიტყვა მოგეცი და სხვა ახლა რითი დაგაჭერო უფრო.. გეუბნები, გათავებული მამშვლობა მაქვს, ერთი ექვსი თუმანი მერგება და ის იქნება!

— შენი ჭირამე, შენი, ჩემო სოლომანი.. თუ გინდ გეჩუქნოს, ისე ჩავთვლი..

— ლაპარაკი აღარ უნდა მაგას!

— მშვიდობით, შენი ჭირამე! აბა. შენ რეც, სოლომანი — ველარ მოითმინა, კიდეც ერთხელ არ შეხვეწნოდა სოლომანს. შემდეგ მოხსნა ბროწეულთან მიბმული თავისი ძალზე გამხდარი ცხენი, შეჭდა ზედ და, რომ ცხენის სიძაბუნე არ შეენიშვინებინა, ორიოდ წყებლი გადაჰკრა; მაგრამ ღონემიხდილმა, მშიერმა პირუტყვმა ისევ ზანტად გადაადგა ფეხები და მხოლოდ კუდი მიუჩნ-მოიქნია, თითქოს:

ამით ის უნდოდა ეთქვა, რომ ცემა-ტყეპას დიდი ხანია შეჩვეული ვარ და ეგ ვერ ამაჩქარებსო.

სოლომანმა ჭიშკრამდი მიაცილა პლატონი და, როცა სახლს მიუახლოვდა უკან გამობრუნებული, აივნის დასტანდაზე გადმოწოლილ ეფროსინეს შესძახა:

— არ მომკლა ამ უხეირომ თავისი გაუთავებელი ხვეწნით!.. სული ამომართვა კინალამ ოჯახდაქცეულმა!..

— სხვანაირი გულისაა მაგ დალოცვილი, თვარა მაგის ადგილას სხვა ხვეწნას კი არა, პრისტავით მოგადგებოდა კარზე!.. უსათუოდ გიჩივლებდა — მიუგო ეფროსინემ.

— მიჩივლოს და, კაცი არ ვიქნები, ორი იმოდენი, რაც მმართვებს, ზედ არ დაუხარჯვინო, სანამ ამოიგებს... ისე იცოცხლა სოლომანმა... ისევ სამტკბილობით თუ რამეს გამომრჩება, თვარა საჩივრით და პრისტავებათ ბევრს ვერაფერს მოიგებს!..

სოლომანი აივანზე ავიდა და ნამგზავრი, დაღლილი, დასაჯდომად გაყოლებულ აივნის ფიციარზე გაწვა.

— რატომ ხარ ასე წინდაუხედავი, შე უბედურო?! — წყენით უთხრა ეფროსინემ.

— რა იყო, შე ქალო? ცუდი რა ვქენი?

— აბა, რომ ეპატიებოდრი იმ კაცს, მისატანად რა გეგულუბოდა სახლში?! ნეტავი შენ კუდაბზიკობა არ გპირდეს და სხვა არა მინდა რა!.. რომ დარჩენილიყო, რას აპირობდი?!

— ერთი-ორი შეპატიებებით რავე დარჩებოდა, შე ქალო!.. გადამთიელი ხომ არ არი, ჩვენებური ჩვეულება არ იცოდეს... შევეპატიე, ვალი მოვიხადე... ისე ხომ ვერ გაეუშობდი, ასე არ მეთქვა... იმას შეგეშინდა, რომ არაფერი გვაქვს?!. თუ არ გვაქვს — გვექნება, გვექნება!.. იმისთანა ტყაცინა წითელ-წითელ თუმნიანებს მოგიტან, რომ თვალები აგიპრელოს... ექვსს ერთად... როგორც კაცი!.. ორ თუმანს პლატონს გადევუგდებ, იმას თავიდან მოვიშორებ... ოთხი თუმანი დაგვრჩება, ნახევარ წელიწადს ქე გვეყოფა და მერე კიდე გავასაღებ საღმე ერთ გვრიტს და იქიდანაც ხელის ჭუჭყი შემოგვივა!.. შენ დარდი ნუ გაქვს... გული არ გეიტებო, მხიარულად იყავი... ჯერ ხომ არაფერი წამიხდენა?..

— შენ სულ ასე იძახი და საქმით კი კაი ხანია ვერაფერი დევი-ნახეთი!.. მარტო წანწალს უნდები, სხვა არაფერი გამოდის ამ შენი ახალი მაშელობიდან!..

— რატომ არა, შე ქალო?.. ყოლიფერი გათავებულა...!

— გაათავეთ მოლაპარაკება?

— რასაკვირველია!

— რაზე შეათანხმე?

— ბესარიონმა უნდა მისცეს ქაიხოსროს ორმოცი თუმანი ფულად, ოცი თუმნის ვექსილი და ოცი თუმნის ბარგიი..

— სად შეუძლია მერე ბესარიონს მაგდენის მიცემა?.. სადა აქვს მაგის შეძლება იმ უბედურს?.. რა დრო მოვიდა, შენი კირიმე!.. — მწუხარებით წარმოსთქვა ეფროსინემ.

— უნდა იშოვოს, მეტი რა გზა აქვს!.. უშვითო ქალს ვინ მოჰკიდებს ხელს?! იშოვის... ნაშოვნიც აქვს... გამოსტყუებს ვისმე, ცოტა ადგილსაც გაჰყიდის და შეაგროვებს... ამას ლაპარაკი არ უნდა, და ამასთან ერთი დროით რომ ვახშამს მაქმევედ და დამაძინებდე, ძალიან დაგიმადლი, იმიტომ რომ ხეალ დილით ბესარიონთან უნდა გავსწიო. ჭვარისწერის დღე უნდა დავანიშნებო...

— თუ ღმერთი გწამს, მალე გადაარჩი მაგ საქმეს... ტყვილა წანწალს ნუ უნდები...

— მაგ წანწალით ვმოულობ, შე დალოცვილო, ორიოდ გროშს... საქმის გათავება მეც ძალიან მეჩქარება, იმიტომ რომ ქე მეშინია, არ ჩამეშალოს... ბესარიონის შეცილი ყელში დანას იყრის, ბევრ მზითვეს აძლევთო და, თუ ვინმე გამოუჩნდა ნაკლები მზითვით წამყვანი, ქე გაატანენ იმ ქალს და მე დავერჩები პირდაღებული... ამის შიში რომ მაქვს, იმიტომ დავწანწალობ იქით-აქეთ... მონდომებული ვარ სულდაუთქმელად გავათავებო საქმე!..

— არ ვიცა, არ ვიცა, რომ ბესარიონმა იმდენი ხარჯის გაწევა შეიძლოს! — ეჭვით თქვა ეფროსინემ.

— მეტი რა ღონე აქვს!.. ოღონდ კუქის გასაძლომი მიშოვე დროით და დანარჩენი მე ვიცო.

ეფროსინე წამოდგა და ქმრის თხოვნის ასასრულებლად წავიდა. სოლომანმა, ვიწრო საჯდომ ფიქარზე გულადმა გაშხლართულმა, მალე ხერინი ამოუშვა.

შუა დღე აქნებოდა, სოლომანი რომ აზნაურ ბესარიონ საქარაძისას მივიდა მეორე დღეს.

პატარა დაბალკედლებიან სახლის აივანზე მოშვებული ჩოხით, ჩიბუხით ხელში მოსიარულე ბესარიონმა როგორც კი დაინახა სოლომანი, ხმამაღლა გადმოიძახა:

— გიგოია, ბიჭო, გიგოია!

დაძახებაზე ოდის გვერდზე მდგარ სამზარეულო სახლიდან გამოვიდა პატარა ბიჭი.

— ჯორი ჩამოართვი, ბიჭო! — უბრძანა ბესარიონმა.

სოლომანმა მისცა ჯორი პატარა ბიჭს, ჩამოუშვა ჩოხის აკეცილი კალთები, გაიბერტყა მტვერი, გადაელაპარაკა ბიჭს: — აბა, ბე-

ქი, შენ იცი, ჯორს კარგად მიჰმეი, — დაბალი კიბე ცქვიტად აირბინა და ავიდა აივანზე.

— დილა მშვიდობის, სოლომან ჩემო — შეეგება ბესარიონი.

— ღმერთმა შენი თავი მიცოცხლოს, ჩემო ბატონო — მიუგო სოლომანმა და ჯორისკენ გადმოიხედა.

ამ უკანასკნელს მალლა აელირა თავი და პატარა გიგოიას უძალიანდებოდა, ფეხს არ იცვლიდა ადგილიდან, თუმცა საწყალი ბიჭი, რაც ძალია და ღონე ჰქონდა, ლაგამში ექაჩებოდა.

— ჩიშ, ჩიშ! შე ეშმაკის კერძო — გადმოსძახა სოლომანმა. — გასაძლომად მიჰყევხარ, შე უბედურო ჩიშ, ჩიშ!

ჯორმა თითქოს გაიგო პატრონის სიტყვა, გაჰყვა ბიჰს.

— მაგ საწყალს ჰგონია, სახლშია რომ ტყვილა თავჩამოკრულა აბია, აქაც ისე დამემართებაო, და თავის გუნებაში ისევე გარეთ, წმინდა პაერზე ყოფნას რჩეობს — სიცილით თქვა სოლომანმა.

— სწორედ კარგი ჯორი გყავს, სოლომან, შე და ჩემმა ღმერთმა! — უთხრა ბესარიონმა და თავისი გრძელი უღვაშები გადაისწორა.

— შე დალოცვილო, პატრონი აქე, პატრონი, თვარა ჯორს ქება-ვინების რა ესმის — გადგხარხარა სოლომანმა.

— პატრონი ხომ არი და არი... მაგას რაღა ლაპარაკი უნდა!

— ყოჩალი, ყოჩალი, ბესარიონ ჩემო!

და სოლომანი ის იყო დაეპირა მოჰყოლოდა ქაიხოსრო ქათამაძისაგან შემოთვლილ ამბავს, რომ აივანზე გამოვიდა ორი ქალი. წინ მომავალი მალალი ტანისა, გამხდარ პარისახეზე ბაღდაღათ თავმოხვეულა, იყო ბესარიონის ცოლი პელაგია; ამას რომ მოჰყევბოდა მალალი შეთვალწარბა, ლამაზი პირისახის ყმაწვილი ქალიშვილი, თავშიშველა, წელზე გადაგდებული ორი გრძელი ნაწნავით — იყო ბესარიონის ასული ელპიტე, რომელსაც ურიგებდა სოლომანი ქაიხოსრო ქათამაძის შვილს. ყმაწვილი ქალი დედის შემდეგ მორცხვად მივიდა სოლომანთან, ჩამოართვა ხელი და ისევე დედას ამოეფარა.

— დაბრძანდით, ბატონო — თავაზიანათ შეეპატიჟა პელაგია სტუმარს.

— გახლავართ, ჩემო ბატონო — და როცა ქალები დასხდნენ, თვითონაც ჩამოჯდა მოშორებით გრძელ ფიცარზე, რომელიც სკამის მაგივრობას სწევდა.

— ხომ მშვიდობით ბრძანდებით, ბატონო? — მოიკითხა სოლომანმა პელაგია.

— გახლავართ, შენი ჰირიმე!.. — უპასუხა მან: — თქვენ, ბატონო?

— გმადლობთ... გახლავართ, ძე!

— კაი დაგემართოსთი — წაილაპარაკა პელაგიამ...

ცოტა ხნათ სიჩუმე ჩამოვარდა.

— ნამეტანი სიცხე დეიკავა... ერთობ შეგვაწუხა სიცხემ აქეთ... — დაიწყო პელაგიამ.

— ჩვენც, ბატონო, ჩვენც!

— შარშან არ ყოფილა ამ დროს ამისთანა სიცხე... უფრო გრილა იყო... წვიმებიც იყო... ახლა კი...

— კი, ბატონო, კი... წრეულს წვიმა სულ არ ყოფილა თითქმის... დეიწვა ქვეყანა, თქვენი მტერი დეიწვასი... უგუნებოდ ამბობდა სოლომანი და ბესარიონმაც შეამჩნია, რომ ეს ყოვლად უმნიშვნელო ლაპარაკი აწუხებდა სოლომანს. ამასთანავე თვითონაც ერქვარებოდა მალე გაეგო, თუ რა ამბავი მოუტანა მაშვალმა, მაგრამ ელპიტეს აქ ყოფნა უშლიდა. ამიტომ მოინდომა, ქალიშვილი თავიდან მოეშორებინა.

— რა დროს შარშანდელ ამინდზე მუსაიფია, შე ქალო — უთხრა ბესარიონმა ცოლს. — მაგ კაცი ნამგზავრია და, რაღა ლაპარაკი უნდა, მშვიერია... შეეცადეთ, დროზე იქნეს სადილი... შიმშილით ნუ მოკლავთ მაგ კაცს... წადი, შვილო ელპიტე, დააჩქარე, მალე დაგვაჩინე სუფრაზე.

ელპიტე მამის სიტყვაზე წამოდგა და წასვლა დააპირა.

— მეც ახლავე მოვალ, შვილო — დაატანა სიტყვა პელაგიამ, — მანამდარს შენ მიხედე, შვილო!

— კი, ბატონო! — თქვა ყმაწვილმა ქალმა და ბრძანების ასასრულებლად წავიდა.

აივანზე დარჩნენ ბესარიონი, პელაგია და სოლომანი. სოლომანსაც ეს უნდოდა. შევიდა თუ არა ოთახში ელპიტე, მარდად წამოვარდა თავის ადგილიდან, მაიწია ცოლ-ქმრისკენ და ხმადაშვებით. რომ სხვას არავის გაეგონა მისი სიტყვა, დაიწყო:

— საჭმე ისე მოვყარე, როგორც თქვენ გსურდათ... — და სოლომანმა თავმომწონედ გადახედა ჯერ ცოლს, მერე ქმარს. — ქაიხოსრო, თქვენი სამძახლო, თანახმაა მიიღოს ოცი თუმნის ვექსილი, ასე რომ ხელზე მისაცემი გექნებათ ორმოცი თუმანი და ოცი თუმნას ბარგი... ბარგი უნდა შეფასებული იქნეს ორი კაცისაგან... ვექსილი სამი წლის ვადით... მგონია, რომ ამაზე უკეთესი პირობები შეუძლებელია.. მართალი უნდა თქვას კაცმა, ქაიხოსრო ერთობ პატიოსნურად მოგეპყროთ... ღმერთმანი! იმას რომ შვილი ჰყავს, თქვე დალოცვილებო, იმისთანა ყმაწვილები ასთუმნიან ქალებს არ ჯერდებიან... მარა, ერთი რომ თქვენი ქალი მოსწონთ მამა-შვილს და ამასთან მეც ისე შევეუჩდი, ისე შევეუჩდი, რომ საშველი აღარ მა-

ვეცი, არც სხვაგან გოვეუშვი და არც არაინ მივაკარე მაშვლად მისულიყო, და დვეითანხმე ყორიფელზედ კიდევაც... ორასი მანეთის ვექსილს რომ აძლევთ, ჩასათვალავიც არ არი... იმიტომ, რომ სამი წლის განმავლობაში უფრო შეთვისდებით, დაუახლოვდებით ერთმანეთს, უფრო დამოყვრდებით — ერთი სამი წლით კიდევ გადროვებს, მერე კიდევ გამოაცვლევინებთ ვექსილს და ერთ დღეს შეიძლება კიდევაც ამ ვექსილს ჩაილულის წყალი დაალევინოთ!.. რავა დვეიჭერო, შვილმა გიჩივლოსთი.. მძახალმა ამასობაში ეგებ ფეხებიც ქე გაკიშოსთი.. — და აქ სოლომანმა გულიანად გადინახახარა.

— არა, შენი კირიმე, მაგას რატომ იფიქრებთ, — იწყინა სოლომანის რჩევა პელაგიათ. — ჩემ შვილს მე რასაც თვითონ შევპირდი, უკლებლად უნდა ჩავებარო დანიშნულ დროზე... შვილს რავა მოვატყუებთ..

— რასაკვირველია, რასაკვირველია! — დაატანა სიტყვა ბესარიონმა. — რაც გადაწყვეტილი იქნება, მე ჩემს შვილს უსათუოდ უნდა მივცე!.. მოტყუება რაში მეჭირვება..

— სიტყვას მოჰყვა, თვარა მეც კარგად ვიცი, რომ თქვენ ამგვარ რამეს არ იკადრებთ... — სიცილით თქვა სოლომანმა, თუმცა გუნებაში დარწმუნებული იყო, რომ ბესარიონი ყოველ ღონისძიებას იხმარდა ვექსილის ტყუილად შერჩენისათვის. — სიტყვას მოჰყვა, თვარა ან მე რავა გირჩევთ მაგისთანა საქმეს? მე არ გამლანძლავს შენი სიძე, ის ოცი თუმანი რომ დვეეკარგოს? რამდენს შემომიკურთხებს! ჩემი თავის მტერი ხომ არ ვარ, თქვე დალოცვილებო!.. არც ამ ხელობაზე ვიღებ ხელს... ამით ვშროლობ ცოტ-ცოტას, თითო-ოროლა გროშს... და, ნამეტანი ტყუილები რომ შემომგერიოს, ვინდა მენდობა!.. ის კი არა, ამას გეხვეწებით, რომ, თუ ღმერთი გწამთ, ბარგი ისე გამოაწყვეთ, რომ ლაპარაკი არაფერი იქნეს, ოც თუმანზე მეტად თუ არა, ნაკლებ არ შეაფასონ... თუმცა შემფასებლებსაც, ვინც იქნება სულ ერთია, თითო-ოროლა კაპიკს ვარგებთ და ჩვენს ნებაზე შეაფასებენ, მარა მინც ქაიხოსროსთან გაფრთხილებული უნდა აყვეთ... ცოტა ანგარაშის მოყვარული კაცი... კარგ მოყვარეს კი შოულობთ, როგორც კაცი!.. სწორედ კარგ მოყვარეს შოულობთ. მერე სულ იაფად. ყმაწვილია იმისთანა, რომ ქება აღარ უნდა, თყითონვე იცით... მართალია, აზნოუშვილი არ არის, მაგრამ სასულიერო წოდების კაცია, და დღევანდელ მღვდლებს უზრუნველი ლუკმა რომ აქვთ, ბევრ თავადიშვილს არა აქვს... ამას ყველა ვხედავთ... ეპისკოპოსს მოუწერია იმ ყმაწვილისათვის, თქვენი სასიძოსათვის, და აჩქარებს — მალე ცოლი შეირთეო, კურთხევა მინდა შენიო. საცხა კარგ, დიდ მრევლიან ეკლესიაზე ამწესებს და

თან პირდება, შენს სოფელში გადაგიყვან ამ მოკლე ხანშიო... ერთი სიტყვით, ბედი ჰქონებია თქვენს ქალს.

— კ, რასაკვირველია, ყველაფერი ასე სასიამოვნოა, სოლომან ჩემო, მარა... — და ბესარიონმა სიტყვა გააგრძელა.

— რა მარა, აპ? — ეუცხოვა სოლომანს ეს სხვანაირ კილოზე ნათქვამი სიტყვა; იგი სრულიად სხვას მოელოდა ბესარიონისაგან.

— რა მარა, რა? — ჩააცვიდა სოლომანი ბესარიონს, მაგრამ პასუხი ვეღარ მიიღო, იმიტომ რომ ამ დროს აივანზე გამოვიდა ელპიტე და მოახსენა:

— მზად გახლავსთ, ბატონო, სადილი!

— ახლავე, შეილო, ახლავე მოვალთ!.. აბა წამობრძანდი, სოლომანი! — უთხრა ბესარიონმა სოლომანს.

— მობრძანდით, ბატონო! — მიიპატიჟა თავცხ მხრივ პელაგიაშვილი.

— გიხსენებთ, ბატონო! — თქვა სოლომანმა და ასევე ბესარიონს მიუბრუნდა: — რაია, რა? რატომ თქვი შენ ისე სხვანაირად: მარაო?

— მერე, შე კაცო, მერე... ნასადილევს უფრო კარგად და თავისუფლად მოვილაპარაკებთ... ახლა სადილი ვჭამოთ!..

— ბატონი ბრძანდები! — უკმაყოფილოდ თქვა სოლომანმა, რომელსაც ამ „მარამ“ გული ატკინა, თავზარი დასცა... ვაი თუ ბესარიონმა რაიმე გადღეიქრა და ამდენამდი მოყვანილი საქმე, თითქმის გათავებული, ხელახლად სახლაფორთო და საწანწალო გამიხადოსო? ამ შიშმა იმდენად შეიპყრო სოლომანი, რომ მადა დაუკარგა, ხალისი მოუსპო და ცუდ გუნებაზე დააყენა. სადილმა მეტად უგემურად ჩაიარა: სამაშვლოს დაკარგვის შიშმა მოუსვენრობაში ჩააგდო სოლომანი.

სადილიც გათავდა, სტუმარს ხელსაბანი წყალი მოართვეს და ზალიდან პატარა ოთახში შეიწვიეს მოსასვენებლად. პატარა დაბალ ოთახში, რომლის ჭერს კაცი ადვილად შესწვდებოდა ხელით, უკვე მზად იყო ერთ კედელთან გაყოლებულ ტახტზე მუთაქა და ბალიში სოლომანისათვის.

— აბა, სოლომან, მოცხვენე! — უთხრა ბესარიონმა, რომელიც სოლომანს შემოაკყვა ოთახში.

— სწორედ არ დამეძინება, უნდა გითხრა, ბესარიონ ჩემო!..

— რატომ, შე კაცო?.. არ იცი ნასადილევს ძილი, თუ?

— ძილი კი არა... შენ იმისთანა მითხარი ერთი სატყუა, რომ გამაშტერე და ის არი... ბესარიონ, სწორედ იმისათვის ვარ მოსული, რომ საქმე დაეაბოლოვოთ... შორს გადაღება აღარ შეიძლება... ეს კაცი თანახმაა იმაზე, რაც შენ თქვი. ახლა ჯვრისწერის დღე უნდა

დაგვინიშნო... დაგვიანება აღარ შეიძლება იმიტომ რომ, როგორც გითხარი, ეპისკოპოზი აჩქარებს იმ ყმაწვილს — კურთხევა უნდა მისი... რასაც დამაბარებ, რა დღესაც დამინიშნავ, ქაიხოსროს უნდა გავაგებო და იმ დღისათვის ისიც მოემზადება...

ბესარიონმა მარჯვენა ხელით გაიწვორა თავისი გრძელი უღვაშები, ჩამოჯდა ტახტზე და გაქიანურებით თქვა:

— ჯერ ერთი რამ საქმე გვაქვს... აჩქარებით, შე კაცო, ქალაქი არ აწეხდება!

— რა საქმე? — გაოცებით იკათხა სოლომანმა. — მე ყველაფერი გათავებული მგონია!

— მიჭირს, სოლომან, მიჭირს, ძალიან მიჭირს, ვერ წარმოადგენ... ბევრი ფულის შოვნა მიჭირდება... მერე ვაჟიც ერთობ ამიხირდა: ბევრს აძლევთ, ჩვენზე აღარ ფიქრობო.

— რაღა დროს მაგაზე ლაპარაკია, ბესარიონ?! — წამოვარდა სოლომანი. — რაღა დროს მაგაზე ლაპარაკია?!

— რა ვქნა, სოლომან... სხვა შვილებიც მყავს... ყოველი კაპიცი მილიონია ჩემთვის... სად ვიშოვო, მანეთი კი არა აბაზი, ერთი აბაზი?.. მინდოდა ადგილი გამეყიდა და მით გამესტუმრებია ქალიშვილი, მარა ცალკე შვილი მკლავს, მარჯვენა გვიყიდო, ცარიელზე გვტოვებო, ცალკე ისიც მაწუხებს, რომ მუქთად უნდათ ჩაიგდონ ხელში მშვენიერი მიწა, რაკი შემატყვეს, რომ ფული მქირდება... ასე რომ თელად იმ ფულს ვერ მოვუყარე თავი და, როგორც ვატყობ, ვერსად ვიშოვი. იმედი მქონდა ვიშოვიდი, მარა ტყუილი იმედი გამომიღდა...

— რას აპირობ მერე? რას, რას აპირობ? — ეკითხებოდა გაფაციცებული სოლომანი.

— უარი უნდა ვუთხრა მაგ საქმეზე, თუ რომ...

— თუ რომ რაი?.. თუ რომ რაი?..

— თუ რომ არ დამიკლო...

— თუ რომ არ დაგიკლო? — კინაღამ იყვირა სოლომანმა. — თუ რომ არ დაგიკლო?!

— ჰო! — წყნარად თქვა ბესარიონმა.

— როგორც კაცი, შენ, ბესარიონ, შენ თვითონ თქვი, მოხერხდება ახლა მაგ?.. მოხერხდება ახლა მაგ?

— რატომ არა? — ისევ დამშვიდებით მიუგო ბესარიონმა.

— შენ არ მომიკვდე!.. მე არ მოგიკვდე!.. ცოლ-შვილი არ დამეხოცოს!.. ყოვლად შეუძლებელია... ყოვლად შეუძლებელია!..

— შენ თუ მოინდომებ...

— რას მეუბნები მაგას?! რარიგად მოვიწოდო, რარიგად? რარიგად მოვიწოდო?.. შენგან არ მიკვირს ახლა მაგ! — გაცხარებით

ისროდა სოლომანი. — ქაიხოსროსთან წამომცდეს მაგისტანა რამე და სახლიდან არ გამომაგდებს, თვალებს არ დამათხრევენებს? გამლანძღავს, გამათხზავს, მიწასთან გამასწორებს ის კაცი, ამას ლაპარაკი არ უნდა. მე ვერ ვეტყვი მაგას, და თუ ვისმე პირით შოუთვლით, ნება შენა! ჰმ, ახირებულია, შენ ნუ მომიკვდე! იმ კაცმა გამომგზავნა ჯვრისწერის დღის დასანიშნავად, საქმე გათავებული ჰგონია და ახლა მივიღე და ის ვუთხრა, ბესარიონი ქალს არ მისცემს შენს შვილს, თუ კიდევ ასი მანეთი არ დოუკელი-თქვა! რას მეუბნები, მომკლავს ის კაცი და ის იქნება!

— რა ვქნა, სოლომან, რა ვქნა? რაც არ შემიძლია, არ შემიძლია და არ შემაძლია!

— რაღაზედ მარბენიებდი, შე დალოცვილო, ამდენ ხანს? მუცელში ნადველი ჩამეჭკა, გული გამისივდა ამდენი წანწალით, თავი გამისკდა გაუთავებელი ლაპარაკით, ჯორი მოვკალი ამასა და იმას შუა და ახლა მეუბნები, არ შემიძლიაო? პატროსან კაცთან შეგყარე, საქმე სულ შენდა სასარგებლოდ მოვიყვანე, იმდენი ვეცადე... სიძედ იმასთან კაცი მოგიყვანე, რომ სიტყვა თქვას ერთი — ათას მანეთს დიდა სიხარულით მისცემენ, ამისთანა კაცი სულ იფიქრად გიშოვე ჩემი მეცადინეობით, ჩემი რჩევით და ჩაგონებით. კაცი სხვა არ მივაკარე, სხვაგან არსად წასულიყო ქალის საძებრად, და ახლა...

— მადლობელი ვარ შენ, სოლომან, მეტისმეტად მადლობელი ვარ! ჩემს დღეში რაღა დავივიწყებ, რაც შენ ჩემი ოჯახისათვის იშრომე!

— განათლებული ყმაწვილი, მდიდარი ოჯახი... ხვალ ჩინებული ღვდელი იქნება... უზრუნველი ცხოვრება, გამოუღეველი ლუკმაპური... ჰმ, ეს გაშოვნისე ორმოცი თუმნით! ორმოცი თუმნით იმიტომ, რომ ვექსილი რა ჩასათვალავია? ფული ხომ არ გხდება, და სამ წელიწადს შიგნით რა იქნება, ვინ იცის! და ახლა კიდევ დაკლებაზე ლაპარაკობ? არ შემიძლია წინეთ მაინც გეთქვა! ღმერთო მომკალი, ეს რა ამბავი მომივიდა! რა პირით შეგხედო ახლა იმ კაცს? რა ვუთხრა, რითი ვიმართლო თავი? სამარეს მითხარი, ბესარიონ, სამარეს მითხარი და ცოცხალს მაგდებ შიგ, იცოდე... ვინა მენდობა აწი? ჩემს სიტყვას ვილა დეიჯერებს!

სოლომანი გულშეწუხებული უღონოდ დაეშვა ტახტზე და სასოწარკვეთილებით სავსე თვალები ბესარიონს მიაპყრო.

— ძმობას ვფიცავარ, მეც ვნანობ. რატომ შეგვები მაგ საქმეს, მარა რა ვქნა? უზომოდ ვწუხვარ, რომ თავი ვერ მოვაბი ჩემთვის მაგისტანა სასარგებლო საქმეს...

— მეტი გზა არ არი, საცხა იქნება, უნდა იშოვო ის ფულიც, რაც გაკლია, — რამდენიმე ხნის სიჩუმის შემდეგ თქვა. სოლომან-ვა: — უნდა იშოვო, სადაც უქნება, რამეფერად! რაძღენი გაკლია?

— ასი მანეთი! — მიუგო ბესარიონმა.

— ასი მანეთის გულისათვის კარგავ ახლა იმისთანა სასიძოს? ასი მანეთის გულისათვის? — წამოხტა სოლომანი.

— თითქოს შენ თვითონ არ იცოდე, რა ძნელი საშოვარია ასი მანეთი კი არა, ასი კაპიკიც. რომ ჩამომკიდო, გროშ-კაპიკს იმაზე მეტს, რაც ახლა ხელზე მაქვს, გროშ-კაპიკს ვერსად ვიშოვი! ღმერთი მოწამეა, გულთ მინდა იმ ყმაწვილის სიძობა, მარა არც ის შემიძლია, ერთ შვილს გადავყვე და დანარჩენი მოვიმღუროო. რა ვქნა, აღარ ვიცი, ღმერთმანი! ნამეტან გლახა დროში ვცხოვრობთ. მე რომ მარტო მიჭირდეს, არაფერი, და ყველას, ყველას რომ გვიჭირა, სად უნდა წვევიდეთ, ვისთან მივიდეთ, ვის შევეხვეწოთ მოხმარება? ვინ ოხერი, ასს კი არა, ორას მანეთსაც რამეს ვეტყუდი, რომ რამე გამეწყობოდეს, რამე გამაჩნდეს სხვას ხომ არ ვაძლევ — შვილს მიაქვს, მარა, რომ არ გექნება, რა უნდა მისცე? მეგონა, სადმე ვიშოვიდი, რამეს დავაგირავებდი, მარა დასაგირავებელიც რომ აღარაფერი მირჩება! ახლა მოწყალეობასავით ვთხოვ, შემაწიოს ასი მანეთი. მამასაც და შვილსაც ვთხოვ ამას. თუ მიზამენ წყალობას, საუკუნოდ მოსამსახურე ვიქნები მათი, თუ არა და, უნდა დავეანებო თავი. ხელი უნდა ვვიღო მაგათ მოყვრობაზე!

— შე არ მოგკედე, ბესარიონ, შენ ასე იაფად ვერსად ვერ იშოვო საძედ მისთანა ყმაწვილი.

— მაგ მეც ქე ვიცი, მარა რას იზამ კაცი?!

— რომ იცი, თავი არ უნდა დეიზოგო. ასი მანეთისთვის შვილს კაცი რავე დოუკარგავს ბედს?!. შენგან მიკვირს ეგ ამბავი, თვარა სხვისგან არ გამიკვირდება. შენ რომ გიცნობ, იმიტომ მიკვირს და შართალი გითხრა, ექვეიც შებადება, სხვა რამ მიზეზი არ იყოს აჟ... ყოყმანი რომ დაგაწყებია! — ცოტა ხნის გაჩუმების შემდეგ უთხრა ბესარიონს სოლომანმა. — ბესარიონ, შენს ცოლ-შვილს გაფიცებ, იმ შენ საყვარელ ქალიშვილს გაფიცებ, რომლის გაბედნიერებას ასე ძწარედ ეჩქარები, ხომ არავინ შემოგძლევია ამ დღეებში? გაფიცებ იმ შენს შვილს, მართალი მითხარი!

— რაღაზე დაგიმალო!

— შემოგეძლია?

— კი!

— იმწამსვე მივხვდი! ვინაა?

— არის ერთი ყმაწვილი.

— ქაიხოსროს შვილს ჯობია?

— ჯობნით სწორედ ვერ ჯობია... მარა...

— რაღა მარა, რაღა მარა, შე კაცო? რას გთხოვს? მართალი თქვი, თუ კაცი ხარ!

— სამას მანათს ხელზე და დანარჩენს ისე, როგორც ქაიხოსრო.

— ას მანეთშია განსხვავება, ას მანეთში და ასი მანეთის გული-სათვის ცელი განათლებულ ყმაწვილს ვილაც სოფლის ყრულაში? კაი, თუ ღმერთი გწამს, კაია; გაშტერებული ვარ, შენგან რომ ამის-თანა რაჟე მესმას... ჩემს თავს ვფიცავარ... ას მანეთს ვერ იმეტებ, ვერ იმეტებ და ეგ არი, სხვა არაფერი! — ცხარობდა სოლომანი.

— არ მაქვს, ღვიჯერე, შე ქრისტიანო, არ მაქვს, არა!.. ამიტო-მაც უფრო გლახას ვჯერდები... აბა, რა ვქნა?

— ნება შენია, ჩემო ბატონო, ნება შენია! როგორც გიჯობს, ისე მოიქეცი, რასაკვირველია რა გეწყობა... მე სიკეთე მინდოდა შენ-თვის, ღმერთმა იცის, თვარა სხვა ინტერესი მე მაინცდამაინც იმის-თანა არც კი მჭონებია. სამაშვლოს აღებაზე თუ იტყვის კაცი, მე აქ, შენთან, ზარალშიაც ვარ. შემეძლო ის ყმაწვილი სხვაგან წამე-ყვანა, სხვა ქალი მეჩვენებია, სადაც ას თუმანზე არც ალაპარაკებ-დნენ. ჩემი პირდაპირი სარგებლობა იქნებოდა — ასი მანეთი მერ-გებოდა სამაშვალო. მარა შენი გულისათვის მევიყვანე აქ... ჩემდა პირად მე დიდი სიამოვნებით სამაშვალოს დაკლებაზე თანახმა ვარ, მარა აქედან ვიცი, რომ ქაიხოსრო არაფრის გულისათვის მა-გას არ იზამს... მერე, როგორც გითხარი, მე ვერ ვეტყვი მშითვის დაკლების თაობაზე ერთ სიტყვასაც... მადლობა ღმერთს! არ მეგონა თუ ამ ოჯახში მე ასე შერცხვენილი დავრჩებოდი... ვერც იმას წარმოვიდგენდი, თუ რომ ასე ერთი ფიორის გულისათვის შვილს ბედს დაუკარგავდით! რა გაეწყობა მე კი არა, ჩემზე უკეთესებს მო-სვლიათ ამნაირი შემთხვევა. ალბათ, შევმცდარავარ, ვერ მიმიგნია, სად არი იმ ყმაწვილის ბედი.

იმით უფრო გულნატკენმა, რომ ასე მოულოდნელად ეცლებო-და ხელიდან სამაშვლო ექვის თუმანი, მწუხარე სოლომანმა რამ-დენჯერმე გაიარ-გამოიარა ოთახში, მერე მივიდა ფანჯარასთან და გაყუჩებულმა ეზოში დაიწყო ცქერა. ბესარიონი ხმაამოუღებლად იჯდა ტახტზე.

— მაშვალი ვინ დაგიდის? — ღიმილით იკითხა სოლომანმა, ისე რომ თავი არ მოუბრუნებია ბესარიონისკენ.

ამ უკანასკნელმა ვერც კი მოასწრო პასუხის მიცემა, რომ სო-ლომანი მოტრიალდა და დაიძახა:

— ძალღი ხსენებაზე! თავს მოვიჭრი, თუ მე ახლა ამაში ვცდე-

ბოლდი.. სიკოია გლახაკი დეეთრევა მაგაზეი ხომ მივხვდი, ხომ მივხვდი? როგორც კაცი, მითხარი, მივხვდი თუ არა? ხომ? ე, რავე მოათრევს თავის რაშს... აი, გაგისკდა თავი, შენი ცარიელი თავი!

— სიკოიას სიტყვას რავე ავეყვები, შე კაცო! — მიუგო ბესარიონმა.

— თავი მომჭერი, თუ ის მაშვლად არ დაგიდიოდეს აბა, რა უნდა მაგას შენთან, რას მოეთრევა! — ცხარობდა სოლომანი.

— კაცი კაცთან მივა-მოვა, რა ვუყოთ!

— არა, არა... მაგით მე ვერ მომატყუებ, ბესარიონ ჩემო. ღმერთმა მშვიდობა მოგცეთ და ამას კი არ მოველოდი, რომ შენთან სიკოიას რჩევას და სიტყვას ჩემს რჩევაზე და სიტყვაზე მეტი პატივი ექნებოდა... კაცი აღარ ვყოფილვარ, ღმერთო მომკალი, და ის არი! ბოლოს არ ინანო, ეგ მითქვამს, ბოლოს არ ინანო! ახლა კი მშვიდობით ბრძანდებოდეთ! — და მეტად გაწიწმატებულმა სოლომანმა ქუდსა და ყაბალახს წამოავლო ხელი: — მშვიდობით ბრძანდებოდეთ!

— რა იყო, შე კაცო? რა მოგივიდა? — წამოვარდა ბესარიონი.

— არაფერი... მოლაპარაკებას არ დაგიშლი და ისაა! — დაცინვით წარმოთქვა სოლომანმა და ზალაში გავიდა.

— სოლომან, მომითმინე!

— ახლავე შინ უნდა წავიდე... უბძანე ჭორი გამომიყვანონ.

— სოლომან, მომითმინე! — ეხვეწებოდა ბესარიონა.

— სწორედ არ შემიძლია და ტყვილა მაკავებ!

— ახლა ასე გულმოდგულად შენი წასვლა... ღმერთმანი, სიკვდილია ჩემთვის... არ დევეძებ იმ ოხრიშვილს!

— რატომ, რატომ! — დაცინვით თქვა სოლომანმა.

— მომითმინე, სოლომან... ვილაპარაკოთ... ეგებ რამე საშვალე-ბა მოვიგონოთ... საქმეს ვუშველოთ... უშენოდ მე ვერაფერს მოვახერხებ იმაზე მეტს, რაც ექენი!

— შენ არ მომიკვდე, მე ერთ წამსაც აქანა დადგომა არ შემეძლოს! სალაპარაკო რაღა გვაქვს? კმ, მადლობა ღმერთს ჰქონდეს, კაცი ყველაფერს შეესწრები! — მწარედ ჩაიციხა სოლომანმა და აივანზე გავიდა.

— ევხვეწები და აღარ მოგვიცადა სოლომანმა! — უთხრა ბესარიონმა პელაგიას, რომელიც აივანზე ემუსაიფებოდა ახლად მოსულ სტუმარს, გამხდარი პირისახის კაცს, რომელსაც ისე ჰქონდა გაბურძენული თმა და წვერი, გეგონებოდათ, ამ კაცს საეარცხელი იშვიოთად სჭერია ხელშიო. ეს იყო ის სიკოია, რომლის დანახვამ ასე თოფის წამალავით ააფეთქა სოლომანი. მეტად ღარიბი აზნაური. იგიც სხვა ზოგიერთივით, დადიოდა მაშვლად აქა-იქ და ამით შოულობ-

და თითო-ორი მანათს და ასე გაქონდა წლაღან-წლაღმდე თავს
ოასაკვირველია, დიდი გაჭირვებით.

სოლომანმა ცივად ჩამოართვა ხელი სიკოიას და მერე პელაგიას
თან მივიდა გამოსამშვიდობებლად.

— რატომ ასე მალე მიბძანდებით, ბატონო? მოგვიცადეთ ამ-
ჯამ! — უთხრა პელაგიამ.

— საჭირო საქმე მაქვს, ოჯახში უნდა გიახლოთ უსათუოდ...
გმადლობთ... მშვიდობით ბძანდებოდეთ!

სოლომანი გამოეთხოვა ყველას და გაწიწმატებული სულ ჩაქ-
ნაქით მიარბენინებდა თავის პატარა ჯორს.

ბესარიონი თვალს ადევნებდა და თავის გუნებში ამბობდა: „სად
წამახვალ... სამაშვლოს ასე ადვილად რავე დაკარგავ? არ ვიცი, რა
კაცო პძანდები? კარგ დროს არ მოეთრია ეს გლახა სიკოია!..
დარწმუნებულია, რომ მაშვლად დამიღის... თავს გეიტებს და სამაშ-
ვლოს არ დაკარგავ. ვიცი, ჩემო სოლომან!“

— გაათავეთ, ბესარიონ, ქათამაძესთან მოლაპარაკება? — იკითხ-
ავ სიკოიამ.

— რას გაათავებ, ყმაწვილო! მომკლეს, მომკლეს, ინდენს ჭიჭყი-
ნობენ თითო კაპიჭყე... --- მიუგო ბესარიონმა. — რაღაც ჰკონიათ
ეს ყმაწვილი და ცოტას კი აღარ ჰერდებიან იმათ გუნებაში... ჰერ
ამის მადლობაც მითხრან, რომ ქალს ვაძლევ. ფულს და ქალს რავე
მივცემ ქათამაძეს! კაი ფულით კაი გვარიშვილის კაცს ვიშოვი... ქა-
თამაძეს არ ჩოუყარო ასასიანები!

ამასობაში სოლომანი გულამღერეული მიჩაქჩაქებდა აღმართ-
დაღმართებში თავის ჯორს და წამდაუწუმ დეზებს სცემდა საწყალ
ბარუტყვებს, რომელსაც სრულიად ვერ გაეგო, რა დაეშავებინა ასე-
თი თავის პატრონისათვის. სოლომანი დღემდე კარგად ეპყრობოდა
ჯორს და დღეს კი ტყუილუბრალოდ ამდენი ცემა-ტყეპა მიაცენა.
კაკვირებული, თან შეშინებული და დამფრთხალი ჯორი მირბოდა
და, მისდა უნებურად, ხან კოლბოხებს წაპკრავდა ფეხს, ხან ქვეს და
წაიფორხილებდა ამის გამო, რასაკვირველია, ახლა ამიტომ აგინებ-
და და ლანძღავდა პატრონი. არც გასამტყუნარი იყო სოლომანი,
რომ ასე უღიერად ეპყრობოდა ჯორს. განა სოლომანს შეეძლო
გულგრილად აეტანა ამდენი ხნის ნახლადფორთები საქმის ჩაფუშვა?
კაცმა ამდენი იწანწალა, იღავიდარაბა, ძაღლის ყბა გამოიბა იმდენი
ლაპარაკით, ხან ერთი შეიჯერია, ხან მეორე, ათასნაირი ტყუილების
თქმა დასჭირდა, ერთი სიტყვით, ყოველივე დაითმინა, რაც ამისთა-
ნობაში მაშვალს თავისიტებს დაატყდებდა ხოლმე, და როცა ყოველი-
ვე ეს თავს გადახდა და კაცმა იფიქრა, ახლა კი მეშველა, საქმეს

აიგი გამოვაბი, სამაჰანკლოს ჯიბეში ჩავიჩხრიალებო, როცა დასვე-
 ზებას აპირობდა, წარმოიდგინეთ, ამ დროს იგებს, რომ ეს ამდენი
 შრომა ტყუილი ყოფილა, უქმი, უსარგებლო, საქმე ხელახლა და-
 საწყები და გასარიგებელი... ჯანა შეიძლება გულგრილად აიტანოს
 ამისთანა ამბავი ადამიანმა? ჯანა შეიძლება, რომ ამ ყოფაში იმის-
 თანა ცეცხლი არ მოეტიდოს, რომ ჯორი კი არა, თავისი თავიც და-
 ვიწყებანოს? ასეთი თუ სოლომანის მდგომარეობაც. ჰმ, ასი მანე-
 თის გულისათვის ბესარიონთან ერთად ეცლება სამაშელო ექვსი
 თუმანიც, რომელიც თითქმის ჯიბეში ეგულებოდა საწყალ ღარიბ
 აზნაურს, რომელმაც თავის ღირსებასაც და წოდებასაც კი აღარ მი-
 ზედა, ოღონდ ის ოხერი ორიოდ გროში ეშოვნა... იკარგება წვა-
 ლებით, ოფლით ნაშოვნი სამაშელო და ამასთან იკარგება დროც.
 კაცდა ხომ კაცი... სადმე სხვაგან შეეძლო მაშელობა გაეწყო და ახ-
 ლა უკვე აღებული ექნებოდა გასამრჩელო.. და სოლომანს საშინ-
 ლად გული მოსდიოდა იმ კულაბზიკა აზნაურებზე, რომლებსაც არა-
 ჟერი გააჩნიათ და მაინც თავის გვაროვნებას და წინანდელ ამყო-
 ბას არ ივიწყებენ. რომლებთანაც ამის გამო ადამიანი ვერავითარ
 საბეჭითო საქმეს ვერ დაიკავებს, რომ ათასნაირ ტყუილებში არ გაე-
 ზვიო... ქაიხოსრო ქათამაძეს როგორ დაიყოლიებდა ასი მანეთის და-
 ღლებზე! ქაიხოსრო უიმესოდაც თავს იკლავდა, რომ შვილის ხათ-
 რით ასე ნაკლებიანი მსითვით მოჰყავდა რძალი, როცა მის შვილზე
 ნაკლები ვაჟები ასთუმნიან ქალებსაც წუნობენ. დაეკარგა, წმინდად
 დაეკარგა სოლომანს მიაი სამაშელო ექვსი თუმანი და მერე ვინ
 წაადებს სუთ თუმანს? სიკო, სიკოია გლახაკი! ეს უფრო უწყალებ-
 და გულს უდიდლო მაშეალს... რომ ვინმე გამოჩნდეს მერამე, თუ
 ვინდ გლახაკი, ოღონდ კი ნაკლები ითხოვოს მზითვი, ბესარიონი
 იმ მესამეს გაატანს თავის ქალიშვილს... იმას ერთი დარდი აქვს:
 გასათხოვარი ქალი თავიდან მოიშოროს და, რაც შეიძლება, უფრო
 იოლად გამოვიდეს. ამ გლახაკმა სიკოიამ გამოუძებნა სადღაც ვილა-
 ცა ოხერი და სიძედ ურიგებს... რაღა ლაპარაკი უნდა, რომ ბესა-
 რიონი ამ უკანასკნელს მისცემს ქალს და ასი მანეთი ხელში შერ-
 ჩება! სიკოიასაგან ემართება ანლა ეს! რა კაცისაგან?! ვინაა იმის-
 თანა, რომ ცოლის თხოვას აპირებს? სად გამოაწყოს ახლა ახალი
 მაშელობა — ეს სოლომანისთანა აზნაურისათვის ფულის შოვნის
 თითქმის ერთადერთი წყარო, ერთადერთი საშუალება? სოლომა-
 ნის გული ათასნაირად ტრიალებდა და ტოკავდა... მისი ტვინი გა-
 დამეტებულ მუშაობაში იყო, მტკიცე საბუთებს ეძებდა, რომ იქ-
 ნება დაეაჯერო როგორმე ქაიხოსრო და დაეაკლებინო ათი თუმა-
 ნიო. მაგრამ მოსაზრების ძალას ის სიკოია უსუსტებდა, რომელიც

თვალწინ ედგა, რომელიც სოლომანს მოსვენებას არ აძლევდა, გულს უმღვრევდა და გონებას უჩლუნგებდა.

— მეც დამეკარგოს, მარა არც იმას გავატანი — გადაწყვეტით წამოიძახა სოლომანმა და ამასთანავე ერთი ისე ღონივრად გადაჰკრა მათრახი ყოვლად უდანაშაულო ჯორს, რომ უიმისოდაც დამფრთხალმა პირუტყვემა სრულიად გონება დაჰკარგა, გაფრინდა, რაც ღონე ჰქონდა, და თან თავისი აღელვებულა მხედარაიე გაიტაცა.

ეფროსინემ პირველ დანახვისთანავე შეატყო ქმარს აღელვება და როცა გაიგო როგორც იყო საქმე, საყვედურით უთხრა:

— წინდაწინვე ვიცოდა, რომ მაგ მაშვლობიდან არაფერი ხეირი არ გამოვიდოდა! სად აქვს ბესარიონს იმდენი შეძლება, რვასი მანეთი ერთ შვილს მისცეს მზითვად?

— თუ არა აქვს, მოვაძებნენბი ასე ადვილად რაღა წამივა ხელდანი

— ახლა კაი მიზეზი მაინც გაქვს და, თუ ღმერთი გწამს, თავი დაანებე მაგ საქმეს!

— შენც არ მომიკვდე! — გაცხარებით წამოიძახა სოლომანმა. — ასე ადვილად მომიშორაებს ბესარიონი?! მერე ყველა ამიგდებს, ვისაც რაღა იამება, ისე მოინდომებს ათამაშებას ისე სოლომანმა იცოცხლოს, როგორც მე არაფერს საშვალებას არ დევერიდო ბესარიონთან ჩემი ტყვილა დაცდენისათვის. ნახავს აგერ, თუ იმან ქალიშვილი გაათხოვოს სიკიოას დახმარებით. ღმერთო, მომკალი, სიკოიაზე გასაცვლელი კაცი შევიქენიო.. ამასაც ნახავენ — სოლომანს ეტყობოდა, რომ ბესარიონს არაფრით არ დაზოგავდა თავის ჯაერის ამოსაყრელად.

გარეთ ძალღმა დაიყუფა.

— ვინ ოხერია ამ დროს? კაცს მოსვენებას არ აღირსებენი — გაანჩხლებით თქვა სოლომანმა.

ძალღმა უფრო მოუხშირა ყუფა.

— ვილაც არი, მართლა. გახედე ერთი — უთხრა ეფროსინემ. სოლომანი უკმაყოფილოდ წამოდგა, გავიდა აივანზე და დაიძახა:

— რომელი ხარ მად?

— მე ვარ, სოლომან... გამომხედე, შენი კირიმე! — მოისმა ხმა. ღამის სიბნელეში ყოვლად შეუძლებელი იყო კაცს კაცი დაენახა.

— ვინ შენ?.. სახლში შემოდი, მაგ ბნელში რომ გაჩერებულსარი — გაჯავრებით დაუძახა სოლომანმა. — მწა, გაჩუმი, შე მგლის არჩივო! — მიიძახა მან ძალღს.

— აქვთ გამომხედე, თუ კაცა ხარ! — მოისმა ისევე ხმა.

სოლომანი, რომელმაც დაკვირვებით ყური დაუგდო ამ ხმას, გაშტერებული დარჩა. ნუთუ მართლა ბესარიონის ხმაა ეს ხმა? რა უნდა ბესარიონს ამ დროს, ამ ღამეში, აქ, ამ სიშორეს? ხმა კი ბესარიონისაა, ნამდვილ შისი ხმაა.

სოლომანმა ჩაიბრინა ეზოში და იქითკენ გაეშურა, საიდანაც ხმა მოისმოდა.

— ბესარიონი ხარ?

— შე ვარ, სოლომან, მე...

— რა ამბავია? რას მივაწერო შენი ამ დროს მოსვლა? — ეკითხებოდა გაოცებული მასპინძელი.

— მეტისმეტი გულფიცხი კაცი ხარ, შე დალოცვილო... შურდულივით გამოექანე, სიტყვაც აღარ მაცალე მეტქვა. უმიზეზოდ თოფის წამალივით აფეთქდი. მეტი გზა აღარ დამირჩა, უკან უნდა გამოგვიდებოდი.

სოლომანმა გულიანად გადიხარხარა.

— შენ ქე გეცინება და მე საქმე მიხდება, შე კაცო!

— სახლში მობძანდი, ბესარიონ!

— არა, არა... აქ გვიჩვენია — მიუგო ბესარიონმა.

— სახლში მობძანდი... არავინ არ მყავს... მე და ჩემი ცოლი ვართ მარტო.

— არა, არა... აქ გეტყვი იმ ორ სიტყვას, რაც სათქმელი მაქვს, შენთან კი უკაცრავად ვარ!

— აივანზე მაინც ავიდეთ...

— გთხოვ, აქედან ნურსად წამიყვან... მშვენიერ ადგილას ვართ აქეთ მობძანდი — ბესარიონმა უფრო შიგნით გაიწია ეზოსკენ, თან სოლომანიც გაჰყვა და ცხენიც გვერდით ამოიყვანა. — აქ ვერავინ შეგვხვდებას, სტუმარიც რომ მოგივიდეს... ჰო, იცი რისთვის მოვედი ახლა მე შენთან?

— სწორედ აღარ ვიცი! — მიუგო სოლომანმა.

— ნუ დამლუპავ კაცს, სოლომან... შენი ცოლ-შვილის გულისათვის, ნუ დამლუპავ! ყურმოჭრილი მოსამსახურე გამხადე შენი... და შენს შემწობას ნუ მომიშლი... შემეწიე, აგრემც შენც ღმერთი შეგეწივა!

— ბესარიონ ჩემო, მე ამ დილასაც გელაპარაკებოდი...

— კი, კი... ჩემი სიკეთე რომ გსურდა, იმიტომ გეისარჯე... ჩემს სიგლახეში მე ვარ, მარტო მე ვარ დამნაშავე. ყველაფერი ჩემი ოხერი ხელმოკლეობით შემართება... მარა ჩემს შვილს გაბრალებ, ჩემს საწყალ ელპიტეს, ოხერი მამის ხელში რომაა ჩავარდნილი... თუ გინდ მომაკვდავი მყოლებოდეს და გამოგებრუნებოს, ისე ჩავ-

თელი, თუ იმდენად შემეწევი, რომ იმ ყმაწვილს, ქაიხოსროს შეიღს, ჩემს ელპიტეს არ დააშორებ... შენს ხელშია ყოლიფერი, სოლომანი..

— ბესარიონ ჩემო, ახლა შენ თვითონ თქვი... ჭკვიანი კაცი ხარ... შემიძლია ქაიხოსროსთან გავებლო მაგის თქმა?..

-- შემიბრალებ... კაცი შემიბრალებ... კაცი; კაცი!.. მწარე გულით მონდომებული ვიყავი, ყველგან ვეძიე, მარა თელათ ვერ მოევუარე ფულს თავი... ამას გებეწვებით და გეპულარებით, ჭკეყანაში ნუ გამომაჰყენებთ, ნუ შემარცხვენთ... ქალს ნუ შიშობებთ... შეკერთხეულის შევილო, არ იცი, რა დრო მოგვესწრო. რა საცოდავობაში ვართ ერთიანად ჩავარდნილი? ყველას, თელათ აზნაურობას რა გასაჰკირის დღე გვადგია, რა შავი დღე შემოგვესწრო?.. სამშითვო ფული კი არა, ლუკმა პურის ძლივდღივს ვმოულობთ, წლიური სარჩო სანახევროდ აღარა გვაქვს... ამასთან იმისთანა უღმერთობაც შემოვიდა, რომ სანამ ფულათ ჯაბას არ გაუტყნა, ქალს აღარაგინ თხოულობს... სად იშოვოს ჩემსთანა აზნაუშვილმა ხუთასი და ექვსასი მანეთი.. კაი, გავყადე მიწა, შევივიწროვე საქმე, ერთი მოვიშორე, როგორც იქნა, შეორეს და მესამეს რაღა უყოს კაცმა? ფიქრობ, ფიქრობ, მარა არაფერი გამოდის... ქალი კი ხანში შედის და, თუ დროზე ვერ უჩვენე გზა, შემოგაბერდება ხელში და შერე ხელსაც არაგინ მოჰკიდებს... დაგედვა შეილის ცოდვა... ღმერთს ვფიცავარ, იმისთანა გარემოებაში ვართ, რომ ისევ ის ჯობაა, კაცი ოჯახს ჯომ არ მოეკიდო!.. ღმერთს ვფიცავარ... აბა, რინიარია ასლა ჩემი მდგომარეობა? კაციც ხომ უარესი შეიქმნა, რომ ერთმანეთის შებრალება აღარ იციან... ბიჭო, თუ კაი კაცი ვარ, სამოყვროდ გინდებვარ, რაღაზე მძარცვავ და მგლეჯავ?.. ამაზე მეტი უკუღმართობა იქნება? ღმერთმანი, ცოდვაც არაა. რომ ამისთანაშიც კაციც მოატყუო, თუკი რამე გაგეწყობა...

— შენ ხომ არ ამირობ მაგ გზას დაადგე? — სიცილით უთხრა სოლომანი.

— არაფერი ცოდვა არ იქნება, ის ღრჯო კაცა, ქაიხოსრო, რომ მოეატყუო... მარა ჩემს სასიძოს კი ამას არ ვუზამ არაფრის გულისთვის.

— ბესარიონ, შენ რაღაც გაქვს ნაფიქრები... ისე გატყობ... მე თელი ხვალინდელი დღე თავი უნდა ვიტებო, რამე გზა გამოვნახო, ქაიხოსროს რომ შემოვუარო... თელი გზაც, შენგან რომ წამოვედი, ამაზე ფიქრს მოვანდომე, მარა ჭერ ვერაფერი დაუაწყვე. ვაი სიკოს ტყავს, სულ იმან ამიროია ეს საქმე, თუ არა შენ ას მანეთს კო

იშოვილი, სადაც აქნებოდა... სადმე თქნება ფეხს კი წავაკრევინენ.
იმ გლახაკს!..

--სოლომან, სიკოიას თავი დაანებე, ყური მიგდე აგერ!

— პო!

---შენ არ მომიკვდე. იმ შვილს გეფიცები, უფრო დამიჯერებ.
ნენ არაფერი დაგაკლდეს... თუ არ შეგემატოს... ჩემს სიტყვას თუ
შენ დეიჯერებ და დაადგები!

---რაი, რა? --- მოუთმენლად შესძახა სოლომანმა.

— ჩემსას მინდოდა შეთქვა ეგ შენთვის, მარა არ დამაცალე.
გამომეჭეცო... ამ დამეში წამომიყვასე ამასათვის...

---თქვი, თქვი, შე კაი კაცო! — აჩქარებდა სოლომანი. — ხელს
წამივიდა ეს არი...

— შენ თვითონ კარგად იცი, რომ ამ ჩემს სასიძოს ძალიან მოსა
წონს ჩემი ელზატი. — ღაწყო ბესარიონმა.

— მართალია...

— იმასაც ამბობს თურმე, რომ სხვა ქალს არ შევირთავო. თუ
არა ჩემს ელზატეს... ეს იმისთანა სარწმუნო კაცმა მოიხრა, რომ არ
შემიძლია არ დაეუჯერო... მერე კიდევ იმ ყმაწვილის ნათესავიცაა...
შხითვეს რას დავეძებო, ასე ამბობს თურმე... მე ქალი მინდო, თვა-
რა... ჩემი სამყოფი სარჩო ყოველთვის მექნებო...

---მართალი გითხრა, ჩემთანაც ქე უთქვამს მავ...

პოდა, მერე, შე კაცო, თუკი საქმე ასეა, ქაიხოსროს ნუ
გადამატანთ!

— მე ვერ მიგიხვდი კიდევ, რისი თქმა გინდა! — უთხრა სოლო-
მანმა.

რა მინდა და შენ რომ იმ ყმაწვილს მოელაპარაკო...

---რა?

---უთხრა, რომ ასე-ასეა შენი სასიძომაროს საქმე... ფული ვე-
ლარ იშოვა-თქვა... მიწა-წყალს ჩალის ფასში ნუ გააყიდვინებ-თქვა...
სამღვდელოდ ემზადები-თქვა და პირველი სამადლო საქმე იქნეს
ეგა-თქვა... თუ ერთი ასი მანეთი არ მოუკელი, იძულებული იქნება-
თქვა, ქალი ხზვას მისცეს... ისიც უთხარი, რომ მთხოვნელებიც
ჰყავს-თქვა... რაკი ისე გულით უნდა ჩემი შვილი, რაე დევიჯერო,
ასე ცოტასთვის უარი თქვას... მერე კიდევ შენებურად რომ მოუ-
ყვები, ის ყმაწვილი, დარწმუნებული ვარ, თანახმა გაგიხდება...

---ყმაწვილი კი გაგვიხდება თანახმა, მაგრამ საქმე ქაიხოსროა, —
წამოიძახა სოლომანმა.

— ის ყმაწვილი თუ თანახმა გახდა ამ ასი მანეთის მოკლებისა,
მეტი აღარაფერი გვინდა...

— ყმაწვილს ვინ ჰკითხავს, ბატონო! — მოუთმენლად წამოიძახა ისევ სოლომანმა.

— ბატონო, შენ გეიგონე ჯერ ჩემი... და მერე თქვი, თუ ვცდები... ყმაწვილი თუ თანახმა გაგვიხდა, ქაიხოსროს ნურაფერს ეტყვი შენ... მომიყვანე ის ჩემს სახლში იმ აზრით, რომ რაც პირობა გვქონია, ვითომ იმას ვაძლევ... სამზითვო ფულის ჩაბარების დროს კი შეიტყობს, რომ სამასი მანეთის მეტს არ ვაძლევ...

— თავს მოიკლავს... ერთ უბედურებას გვიზამს! — წამოიძახა სოლომანმა.

— ეგ მეც ვიცი, მარა შენ უნდა დაარიგო ყმაწვილი, რომ მამას იქვე ხალხში თხოვოს, რაც იქნება, იმით დაკმაყოფილდეს... ვინც იქ დაგესწრებათ, ყველა შემოეხვევით და თხოვთ ქაიხოსროს და, რავე დევიჯერო, ყველას ხათრი არ გაგიწიოსთ. მით უფრო, რომ ეტყვით, მალე მიიღებთ-თქვა... ყმაწვილი ყოჩაღად უნდა იქნეს, ამას გეხვეწები, დაარიგო იგი კარგად... თუ ასე მომეხმარები, ერთი სიტყვით, შენს ყურმოკრილ ყმად გამხდის... ცოლ-შვილს ვფაცავარ.

სოლომანმა სიტყვა აცალა ბესარიონს, მერე კი ღიმილით უთხრა:

— ეგ კაი დაგემართოს, შენთვის, შეიძლება, კარგი იქნეს, მარა რა...

— ვითომ ქაიხოსრო სამაშვლოს აღარ მოგცემს?

— ჰო!

— შე კაცო, უიმისოდაც ხომ გეკარგება და, თუ ასე მოიქცევი, ჩემი სიძე ამდენად უმადური რავე აქნება, რომ შენი ხვედრი, რაც შენ წესით გერგება — ხუთი თუმანი დაგიკარგოს... მაგაში მე ვაქნები სწორედ თავდები... ამას გარდა, ჩემი მხრივ, როგორც კაცი, იმ თუმანს, რომელიც გაკლდება, მე მოგართმევ ჩემი ჯიბიდან... როგორც პატიოსანი კაცი!

— კარგი... ბატონი ბძანდები! — ცოტა მოფიქრების შემდეგ თქვა სოლომანმა... — მაგას კი ეგრე გავაწყობ, თუ შენ, ბესარიონ, შენი მხრივ არ მომატყუებ...

— ღმერთმა თავი დამიხოს მაშინ... ცოლ-შვილი გამიწყვიტოს!..

— აბა, კარგი... გახსოვდეს ეს შენი სიტყვა!

— უპატიოსნო, შერცხვენილი კაცი დამიძახე, თუ შენ რამე დავაკარგვი!

— გენდობი, მეტი გზა არა მაქვს... თუ მომატყუე და, სიკოიას ჯავრი მაინც აღარ ჩამყვება, რომ შენი შვილის სამაშვლო იმას აღარ ექნება წაღებულნი...

— აბა, ასე, ჩემო სოლომან...

— კი, ბატონო!

— ამ სამ დღეში მოგელი და იმ ყმაწვილის აზრსაც გაამაგებინებ, შენი სულის ჭირიმე...

— კი, კი.

— შენს სულს დავენაცვლე... შენ თუ მოანდომე, ყველაფერი იქნება, რაღა თქმა უნდა... ახლა ისე წავალ სახლში, თუ გინდ ფრთები მქონდეს შემოსხმული...

— ახლა რავა წახვალ სახლში, რას ამბობ, ბესარიონ?

— კი, შენი ჭირიმე, კი...

— გადირია ჩემი მტერი!.. ამ ღამეში სიარული!.. მოსვენე და ხვალ დილაადრიაანად წაბანდები და ის იქნება...

— არა, არა, სოლომან ჩემო!

— რა მიზეზია, რატომ ახლა?

— მართალა გითხრა, არ მინდა ვინმემ გეიგოს, თუ მე შენთან ვიყავი... არაფერი არ მიჭირს... ცხენი კაი მყავს... თვალს არ მაკლია... მეტი რა მინდა... მშვიდობით, შენი ჭირიმე, და აბა, შენებურად მომიკვარახჭინე ეგ საქმე და მერე მე და ჩემმა ნამუსმა ვიცით...

— შიში ნუ გაქვს... დაიმედებული იყავი!.. ოღონდ შენი მხრით შენი სიტყვა არ დეივიწყო!..

ბესარიონი გამოემშვიდობა სოლომანს, მოაჯდა ცხენს და ისე გააქროლა იმ უმთვარო, ბნელ ღამეში, რომ მხოლოდ ცხენის ფეხის ტყაპა-ტყუბი ისმოდა.

— ეფროსინე! — მხიარულად შესძახა სოლომანმა ცოლს, სახლში რომ შევიდა: — ღმერთი ისევ ჩვენსკენ არი... ან კი რავა დოუკარგავდა საწყალ კაცს მის ნაშრომ-ნადაგ-ნაწვალებს... წარმოიდგანე, ბესარიონ საქარაძე იყო ახლა ჩემთან! — და სოლომანი მოუყვა, თუ რა ლაპარაკი ჰქონდათ და რა გეგმები დააწყევს. — მეც მაგას მოვიფიქრებდი, რასაკვირველია, მარა ისე ვიყავი გაცეცხლებული, რომ ნამეტანი... რა ეშმაკი კაცია ბესარიონაც... ისიც გეიგო, ესეც და ახლა უნდა, რომ ორივე ყმაწვილი შეაჯიბროს... რა ოხერი რამაა... მარა იმათ ყველას თავი უტეხიათ... მე ჩემი არ დამეკარგოს და!..

იმედმოცემული, გამხიარულებული სოლომანი მადიანად შეექცა თავის ღარიბულ ვახშამს. და სიამოვნებით გადაჰკრა ორიოდ სტაქანი წყლიანი ღვინო.

მეორე დღეს სოლომანმა გასწია ქაიხოსრო ქათამაძისას.

ქაიხოსრო ქათამაძე იყო სასულიერო წოდების კაცის შვილი. თვითონ მღვდლობა არ დეეძია, სამაგიეროდ უფროსი შვილი ნიკო სამღვდლოდ გამოზარდა და ახლა, სემენარიაში კურსდარსებულ-

ლისათვის, ცოლის შერთვას ეჩქარებოდა, რადგანაც ეპისკოპოსს მისი მღვდლად კურთხევა უნდოდა. ნასწავლი ვაჟით თავმოწონე ქაიხოსრო ქალების დიდ გამორჩევაში იყო თავისი შვილისათვის: ლამაზიც, დიდმზითვიანიც და კაი გვარიშვილიც უნდა ყოფილიყო უსათუოდ მისი შვილის საცოლო. ბევრ აზნაურს ენატრებოდა ეშოვა სიძედ სამღვდელოდ გამზადებული ყმაწვილი ქათამაძე; ბევრმა დაივიწყა ამისათვის თავისი გვარიც და წინანდელი წარჩინებულება, მაგრამ ბევრა არ გახდა ღერსი ქაიხოსროს ყურადღებისა. ბედმა, ისიც სოლომანის წყალობით, ბესარიონ საქარაძეს გაუღიმა. მაგრამ ამ უკანასკნელს წელი სწყდებოდა იმდენი მზითვის მიცემით. რასაკვირველია, სხვა შემთხვევაში ანდენი პატავი არ დაედებოდა ნიკო ქათამაძეს. მღვდლად საკურთხი რომ არ ყოფილიყო, მღვდელს ცოტაოდენი ჯამაგირიც აქვს. ცოტა შემოსავალიც თავის შრომებიდან და ამით უფრო უზრუნველყოფილია, ვიდრე უმეტესი ნაწილი სრულიად გაღარიბებული, გადატყვებული, დაცემული ჩვენებური აზნაურებისა. ბესარიონიც ამ უკანასკნელებს ეკუთვნოდა და აღარც თავის აზნაურულ სიამაყეს დაეძებდა. აღარც თავის კარგ გვარიშვილობას, ოღონდ რაიმე გზით ქალიშვილი ისეთი კაცისათვის მიეცა, რომელსაც ლუკმა-პური მაინც საჭებარი არა ჰქონოდა. ქაიხოსრო კიდევ გულდაწყვეტილივით იყო, რომ მისმა შვილმა ახი აუღიანა ვერ აღო. მაგრამ შვილის ხათრით აღარაფერს ამბობდა; იცოდა: რომ ნიკოს მეტად მოსწონდა საქარაძის ლამაზი ქალიშვილი; თან ესეც ამშვილებდა, რომ გამრჩელ დაუზარებელ ქაიხოსროს, თავისდაგვარად, კარგი მოწყობილი, შეძლებული ოჯახი ჰქონდა.

სოლომანის მისვლისთანავე ქაიხოსრომ იცითხა, რას შვრება ბესარიონი, მზადაა თუ არაო. სოლომანი თავის მოქარგული ენით მოუყვა, თუ რა მზადებაშია ბესარიონი და რა სიხარულით მოელის ქალიშვილის გაბედნიერების დღეს, და ამიტომ, მისდა ნებისად, ჯერ მზად არაა და მალე კი ყველაფერი თავმოყრილა ექნებაო. ქაიხოსრომ ვერც ახლა მოითმინა, რომ სოლომანისათვის საყვედური არ ეთქვა: შენ შემაცდინე და ასე მცირე მზითვიანი ქალი ათხოვი ნიკოსაო. სოლომანმა კარგად იცოდა ქაიხოსროს ხასიათი და თავი მოუქონა:

— შე დალოცვილო... ქალი კაი ვუშოვე, კაი ოჯახისა... და ფული თქვენოდენი ვისა აქვს!.. რაღათ გინდათ, ერთ საცოდავ აზნაურ-შვილს თელი საცხოვრებელი რო წაართვათ?! მოგცემსთ კი, მარადთვის მოცემული თქვენ რომ თქვენი ბევრი გაქვთ, რაღათ გესაქიროებათ მეტი?

ქაიხოსრომ სიამოვნებით გადინახარა ამ ქებაზე და სოლომანს უთხრა:

... მელა ხარ, მელა, სოლომან ჩემო!

სოლომანის ქებაშესხმით ნასიამოვნები ქაიხოსრო შეათასედ მოკცეა, რანაირად მოაწონდათ უფროსებს სემინარიაში მისი შვილი, რას კვირდებოდა ახლა ეპისკოპოსი, — ერთი სიტყვით, მოხუცებულ კაცს მეტისმეტად მისწონდა თავისი შვილი. სოლომანმა დიდი მოთმინებით მოისმინა ვაუთავებელი ტრახანა მოხუცებულს კაცი-სა და მერე, როცა მოხერხებული დრო იშოვა, თავის საქმეს შეუდგა: მოუყვა ნიკოს საქმის გარემოებას და ყმაწვილს ძალზე აუძგერა ველი თავის ნაამბობით:

— უსათუოდ უნდა დაუკლო იმ კაცს ასე მანეთი: თვარა ბესარიონი სხვას მისცემს ქალსა; ასე მანეთის გულსათვის რავე დააკარგავს ყმაწვილი კაცი იმისთანა საცოლოს, როგორც საქარაძის ქალი! მე არ მოგვედღე შენ ის არ იფიქრო, მარტო ჩემი ინტერესი მაღაპარაკებდეს... მაშინ უსანდისო დამიძახე... მე ის მინდა, რომ კი ყმაწვილს, როგორც შენ ხარ, ჩვენი ქვეყნისთვის სასარგებლო, რასაკერაველია, შეგხედეს კი ქალიც... ჩემი უპირველესი სარგებლობა ის იქნება, რომ მოყვარედ შემეძინება ერთი კი ოჯახი... და ღმერთმა ყოველ ჩემიანს მისცეს იმისთანა კი საოჯახო ქალი, როგორც ელპიტეა... ლამაზი, მშვენიერი, წყნარი, თავდაბალი, ქვიანი, მორჩილი ყველასი, ერთი სიტყვით, რაც კი საქირთა საოჯახო ქალისათვის... ყმაწვილი დააკარგავს ასე მანეთის გულსათვის ამისთანა ქალს? არა მგონია! — დაატანა სოლომანმა და თავას ლაპარაკით იმ ზომამდის მიიყვანა ყმაწვილი კაცი, რომ, პირიქით, ის ეხვეწებოდა და ემუდარებოდა. შემწეობა აღმოშიინე, დამეხმარე, საქმე არ ჩაიშალოსო.

ნიკო თანახმა იყო სოლომანის ყოველი წინადადებისა, ყოველან მისის რჩევისა. გამარჯვებული მაშვალი ახლა მხიარულად მიიჩაქჩაქებდა საღამოზე ჯორს თავის სახლისაკენ და ერთხელაც არ უთქვამს წყრომის სიტყვა თავის დაუღალავი ამხანაგისათვის.

კვირიკობისთვის დამღვეი იყო. ბესარიონ საქარაძის პატარა ეზოში ბლომად მოეყარა ხალხს თავი; ბევრი კიდევ თანდათან ემატებოდა. ეზოს ერთ კუთხეში გაკეთებულ ფანჩატურის ქვეშ სუფრება იყო გაწყობილი, გრძელი ფიცრის სასხლომებით აქეთ-იქიდან საღამოეამდებოდა. სასიძო თავის მაყრიონით უკვე კი ხნის მოსული იყო.

მორთულ-მოკაზმული დედოფალი, ეკლესიაში წასასვლელად ჯვრისდასაწერად მომზადებული, ჯერჯერობით ქალებით სავსე პა-

ტარა ოთახში იჭდა მორცხვად თავდახრალი. დედამისი პელაგია მოუსვენრად იყო, ხანდახან შემოირბენდა ოთახში და ისევ მალე სადღაო გაქრებოდა. ყველას რაღაც აღშფოთება და უკმაყოფილოდ ყოფნა ეტყობოდა. ხანდახან თუ გადუფუფუნებდნენ ერთიმეორეს ორიოდ სიტყვას და მერე ისევ მალე შესწყვეტდნენ ლაპარაკს და თავის ქნევით დედოფლისაკენ ახედებოდნენ. ეტყობოდა, რაღაც უსაამოვნო ამბავი უნდა ყოფილიყო, რომ ასე მწუხარედ იყო მთელი ეს საზოგადოება.

მართლაც, სამწუხარო ამბავი იყო. ქაიხოსრო ქათამაძე წასვლას აპირებდა შვილიან-შაყრებიანად და იძახდა, რომ ერთ წამსაც არ დაეცდო, თუ ბესარიონი სრულად ოთხას მანეთს არ ჩამაბარებს ზელშიო. ბევრს ეხვეწნენ, ათასნაირად აშართლებდნენ ბესარიონს: მოატყუა ერთმა კაცმა, გუშინ უნდა მოეტანა ასი მანეთიო. ბევრი ამისთანები უთხრეს, მაგრამ მოხუცებული ვერაფრით ვერ დაამშვიდეს და ვერ დაიყოლაეს.

— ბატონო, იყოს ეგ ასი მანეთი ბესარიონზე... მერე მოგვცემს, ბომ არ დეიჯარგება?.. უსაამოვნობას ნუ მივაყენებთ ამ მთელ საზოგადოებას — უთხრა სსიძომ მამას.

— შენ, შვილო, ჭერ ქვეყნის ამბავი არაფერი იცი.. შენს გამოზდაში რომ მე ფული დავხარჯე, ტყვილა ნაშოვარი კი არ მქონებია... შენისთანა ყმაწვილს ის მზითევი ეკადრება, ბესარიონი რომ შენ შეგპირდა?.. იმასაც აკლებს კიდევ!.. არ მოგიკვდეს ქაიხოსრო, მე ეგ არაფრის გულისათვის არ ვქნა, შენ ჭვარი არ დაგაწერიო! — თითქმის ყვიროდა გაწიწმატებული ქაიხოსრო.

— გთხოვ, მამა... — დაიწყო ნიკომ.

— ტყვილა მთხოვ!

— ბატონო, თუ არა აქვს ზელზე... ჩამოახრჩობ იმ კაცს თუ? — უკმაყოფილოდ უთხრა შვილმა.

— თუ არა აქვს და... — ქაიხოსრო ერთი მიტრიალდა და, როცა თვალი მოჰკრა ერთს თავის მომყოლს, გადასძახა: — მზათაა, პავლე, ცხენები?.. ახლავე გამოგვიყვანე და ჩვენებს შეატყობიე, რომ მივიღივართი..

— მამა, ეგ ყოვლად შეუძლებელია! — მიიძახა შვილმა.

— ტყვილად აფაქრა ბესარიონ საქარაძემ ჩემი გაცუცურაკება... სულ ტყვილად! — წამოიძახა ქაიხოსრომ და რამდენიმე ნაბიჯი გადადგა.

ბევრს ეხვეწნენ იქით-აქედან ქაიხოსროს, არ დალუპო საწყალი ბესარიონიო, მაგრამ ის მაინც თავისას არ იშლიდა.

— ბატონო ქაიხოსრო! — მივიდა ქაიხოსროსთან სრულიად თმა-

გათეთრებული, ზორბა ტანისა და დარბაისელი შეხედულების აზნაური და მიმავალს გზა გადუღობა: — ბატონო ქაიხოსრო, პატიოსანი კაცი ბძანდები და პატიოსან საზოგადოებაში იმყოფები... იმედია, რომ ჩვენს საერთო თხოვნას ცოტაოდენს პატივს მიანიც დასდებთ და თქვენისთანა შეძლებული კაცი ასე ცოტასათვის არ ინებებ არც შენი შეილის სასოწარკვეთილებაში ჩავდებას და არც შენგან სამოყვროდ ამორჩეული ოჯახის უსაზომო მწუხარებაში დატოვებას... ყმაწვილ ქალსაც, რომელსაც არავითარი დანაშაული თქვენს წინაშე არ მიუძღვის, რომელიც განმზადებულია თქვენი უპირობო ლესი მონა-მოსამსახურე გახდეს, ამ ყმაწვილ ქალს, დარწმუნებული ვარ, იმდენად არ გვიმეტებთ, რომ ის ბედი, ღმერთმა რომ დოუნინშნა, მოაცილოთ ასე და ამით სასტიკად დასაჯოთ, გული მოუქლათ... ამის მთხოვნელი ვართ, რომ უმანყო არსებას ნუ დასჯით და იმედია, რომ ისიც არ დაივიწყებს თქვენგან მის შებრალებას და სამიღღემჩიოდ თქვენი მადლობელი იქნება... და ჩვენც მასთან ერთად, რასაკვირველია!

მოხუცებული აზნაური გაჩუმდა. გაჩუმებული იდგა ქაიხოსროც. ნიკო მოჰკიდა ხელი მამას, მეორე ოთახისკენ წაიყვანა და თან შეკრებილებას მიმართა:

— ახლავე გიახლებით, ნურას უკაცრავად!.. მამა, მე და შენ გვეყრებით, იცოდე, თუ ის პატიოსანი მოხუცი კაცი გააწბილე ახლა — უთხრა ქაიხოსროს შეილმა და ამის შემდეგ ორივე მამაშვალი უკან შემობრუნდნენ...

— მე თანახმა ვარ, ბატონო, — მიუბრუნდა ქაიხოსრო მონხუცებულ აზნაურს. — თანახმა ვარ, ჩემს შეილს ჭვარის დაწერის ნება მიეცე... თქვენი პატივისცემისათვის... მაგრამ ამასთან ერთი პირობა უნდა დავდვა და ის პირობა უსათუოდ უნდა ასრულდეს...

ნიკო გაშტერებით მიატკერდა მამას. ყმაწვილს, ცხოვრებაში გამოუცდელს, რცხვენოდა მეტისმეტად და შეწუხებული იყო მამის უცნაური ქცევით.

ქაიხოსრომ წინადადება მისცა ბესარიონს: თუ რომ ჭვარისწერ ფულს, ესე იგი სამ თუმანს მომცემ, შეილს ჭვარისწერის ნებას მიეცემო. დიდიხნის ძებნის შემდეგ ბესარიონი მზარეულებში მოძებნეს და უთხრეს, რომ ეს სამი თუმანი რამეფრად ეშოვა და ახლავე მიეცა ქაიხოსროსათვის. ბესარიონი ყველას ეფიცებოდა, რომ გროში კაპიცი არ გამაჩნიაო, და ქაიხოსროს რაც ნებავეს, ის ქნასო. დიდი დავიდარებით, თითქმის ძალდატანებით, როგორც იქნა, ბესარიონს მოატანინეს, ალბათ, წინდაწინ, სავინაცობოდ, მომარაგებული ფუ-

ლი. ჩაბარეს დანარჩენ ფულებთან ეს სამი თუმანიც ქაიხოსროს და. ამდენი უბედურებისა და გაწვალების შემდეგ, როგორც იქნა ნეფე-დედოფალი ეკლესიაში წაიყვანეს.

რამდენიმე საათის შემდეგ ბესარიონის ფანჯატურის ქვეშ მხიარული საზოგადოება გულუხვი მასპინძლის ხუფრას გარს შემოსხდომოდა და „მრავალ-ჟამიერ“-ს და ათას სხვა სიმღერას ბოლო არა ჰქონდა. ახალგაზრდა ნეფე-დედოფალს ულოცავდნენ ბედნიერებას და უნატრიდნენ სასურველ მომავალს.

ამ საერთო მხიარულებაში მხოლოდ სოლომანი ვერ იყო იმისთანა გუნებაზე, როგორც შეეფერებოდა ისეთ მაშვალს, რომელმაც თავისი საქმე ბოლომდის მიიყვანა. სოლომანის ამნაირ მდგომარეობის მიზეზი იყო ქაიხოსროს ცივად დახვედრა, როცა სოლომანმა შეილის გაბედნიერება მიულოცა. ამასთან ერთად სხვა საქმეც იყო, რაც ერთობ გულს უწვავდა სოლომანს.

ჯვრისწერის შემდეგ, ეკლესიიდან რომ ხალხი დაბრუნდა, სოლომანი მივიდა ბესარიონთან, მიულოცა შეილის გაბედნიერება და უთხრა:

-- იმედია, ბესარიონ, შენა სიტყვა გახსოვს და აასრულებ კიდევაც. როგორც ვინდოდა, ისე მოგიწყვე საქმე!

-- ეგ კი, მადლობელი ვარ, მაგრამ პირშავად კი უნდა დავრჩე შენთან! — მიუგო ბესარიონმა.

-- რავე? -- გაოცებით შეეკითხა სოლომანი.

უქანასკნელი გროში წამართვა იმ უხეირო ქაიხოსრომ და აღა მოკცე. ძმონ... გროშ-კაპეიკი არ გამაჩნია, სოლომანი!

-- შესუმრები თუ მართალს მეუბნები? — კიდევ შეეკითხა სოლომანი.

მართალს გეუბნები... რა დროს ხუმრობაა? --- მიუგო ბესარიონმა.

-- ფუი, მავისთანა პატიოსნებასაც რა ვუთხრა! — წამოიძახა სოლომანმა: — ბესარიონ, არ შეგრჩება, იცოდე, ეგ მოტყუება! -- დაეჭაუნა სოლომანი და გაბრაზებით გაშორდა ბესარიონს.

— რას მიზამ? — წაილაპარაკა მან, მერე სამზარეულო სახლში შევიდა და ბიჰს უბრძანა: — დაკლული ხარის ტყავი კარგად შეინახეთ, როგორც მაშვლის კუთვნილება!..

გონებაამღვრეული სოლომანი ხალხში გაერია, სუფრასაც მიუჭდა, მაგრამ არაფერი მხიარულება მის გულს არ მიჰკარებია. ბესარიონმა ხომ მოატყუა, არაფერი მასცა და ქაიხოსრომაც ვაი თუ ამისთანა რამ საქმე დამართოს! მით უფრო ჰქონდა ამისი დარდი, რომ თავის თვალთ უყურა, რა ამბავი დააწია ამას წინათ ქაიხოს-

რომ ქალის ოჯახს. მთელი ღამე არ დასძინებია სოლომანს და იყო ერთ მოუსვენრობაში. მეორე დღეს, როცა დაინახა ეზოში მოსიარულე ქაიხოსრო, მივიდა და, პირველის მისალმების შემდეგ, უთხრა:

— იმედია, ქაიხოსრო, რადგანაც მე აწი აღარაფერი საჭირო ვარ თქვენთვის, აღარ დამაყოფნებთ და დროზე სახლში გავიშვებთ...

— მე არ გაკავებ, ჩემო ძმაო! — ცივად უთხრა ქაიხოსრომ.

— კი, მარა, რაც მერგება, ნულარ დამიკავებ... ჩემი გასაპრჯელო...

— ბესარიონს მოთხოვე...

— ბესარიონი რაში მომცემს?..

— იმასთან ერთად რომ ეშმაკობდით!..

— ღმერთო, მომკალი!.. მაგ შეკადრება მე თქვენგან?..

— კარგი, მაცალე... რამდენზე გაგვარიგე მე და ბესარიონი!.. ოთხასი მანეთი უნდა მოეცა ხომ?

— კი

— რა მომცა მერე?

— ეგ შენი და მისი საქმეა!.. მე რას დავეძებ?!

— აბა, მე ბესარიონზე გადმომიპირებია შენი სამაშველო. რაც იმას შერჩა ჩემთვის მოსაცემი ფულიდან, აქედან მოგცეს შენი გასამრჯელო... რამდენი გერგება?

— ექვსი თუმანი.

— ბესარიონს ჩემი შვიდი თუმანი აქვს... მინდი და ჩემ მაგიერ უთხარი, იმ ფულიდან გაგისტუმროს.

— კაი, ბატონო, მე საბუმროდ კი არ მოვსულვარ შენთან... საქმეს გელაპარაკები — გაჯავრებით წარმოსთქვა სოლომანმა.

— სრულიადაც არ გეხუმრებ... ნამდვალს გელაპარაკები მეც! — მიუგო ქაიხოსრომ.

— აბა, შენ არაფერს მომცემ?

— არაფერს. ვითხარი, ბესარიონი მოგცემს.

— ნუ შეები მაგ საქმეს, ქაიხოსრო! — და სოლომანმა ცალი თვალით დაუწყო ყურება ქაიხოსროს.

— მე ვითხარი და ისაა... ტყვილა იწუხებ თავს! — უპასუხა მან.

— მაშ მიკარგავ გასამრჯელოს? — შეეკითხა სოლომანი.

— თუ ბესარიონმა არაფერი მოგცა, დაგკარგვია და ისაა!

— რატომ ახლა?

— სწორ გზას დავადგებოდი... ცუდლუტობას დეერიდებოდი და ასე არ გაგიხდებოდა საქმე!.. ჩემი რა ბრალია?.. შენს თავს დააბრალე!.. — თქვა ქაიხოსრომ და სოლომანს მოშორდა.

გაწიწმატებულმა მაშვალმა თვალი გააყოლა მიმავალ მოხუცებულს, თავი გააქნია და გულში მუშტის ჩარტყმით წაილაპარაკა:

— მართლა ჩემს თავს უნდა დავაბრალო... თქვენისთანა მულრეგებთან და წუნკლებთან რომ საქმეში შევებოი.. სად წამიხვალთ? ისე რავე მოვეკედები... ერთ დღეს თქვენი ჭავრი არ ამოვიყარო!

მან ისევ ბესარიონთან გასწია და უთხრა, რომ ქაიხოსრომ შენზე გადმოიტანა სამაშვლოს მოცემა იმ ფულებიდან, რომელიც პირობით უნდა მიგეცა და ახლა კი შეგერჩაო. ბესარიონმა, რასაკვირველია, ამაზე უარი უთხრა.

— მე ის კაცი დამჭერდა სამას ოცდაათ მანათს... წვილო, ჩეიბარა ეს ფული, მორჩა და გათავდა.. მე მისთვის მისაცემი არაფერი დამრჩენია... სამაშვლო იმ კაცმა უნდა მოგცეს იმ ფულიდან, რომელიც ჩემგან მიუღია, — უთხრა ბესარიონმა.

ხელახლა ავარდა და დავარდა სოლომანი, მაგრამ არაფერი გამოვიდა, ვერც ერთისაგან, ვერც მეორისაგან გროში კაპუიკი ვერ იშოვა. ეს აყო, რომ ბესარიონმა უთხრა: „ხარის ტყავზე ბიქს მარილი წავაყრევი და შენს ზვირჯინში უთხარი ჩასდვას“. ხარის ტყავს რას დაეძებდა, როცა ასე უკულმართად ფულები ეკარგებოდა... აბილილებული, ჭავრისაგან გონებადაკარგული უკანასკნელ იმედთან გაიქცა, სიძესთან, თავის გარემოებას მოუყვა და უთხრა:

— შენგან უნდა მივიღო, ნიკო, ჩემი სამაშვლო... მეტი გზა არაა... ცოდვა ვარ... ამდენი ვირბინე, ვიწანწალე... თქვენთვის არც ჩემი თავა დამაზოგავს, არც ცხენი, არც ჭორი... რას შემართლებით? რაც დაწესებულა, იმას რატომ არ მაძლევთ?.. შენი სიმამრია და იმას გინდ მოუტყუებია კაცი — გინდ სული უცხონებია... მამაშენს კაპიკს ხელიდან ვერ გააგდებინებ.. თქვენ საქმე გეიკეთეთ ჩემით, ჩემი მეცადინეობით, ყველა კმაყოფილა ბრძანდებათ, და მე კი ასე უნდა დავღრატინობდე?.. რაც სამართლით მერგება, იმაზედაც უარს მეუბნებიან... ნიკო, შენ მაინც ნუ ჩადგები ჩემს ცოდვაში... ყმაწვილი ხარ... განათლებული. ამ სოფლის მხეცებს კიდევ მიეტევებათ და შენთვის სირცხვილი იქნება... შენ მაინც მომეცი ჩემი სამაშვლო ფული!

— სოლომან, ძმობას გეფიცები, მე დიდი სიამოვნებით... — დანიწყო ნიკომ.

— ღმერთო, მომკალი! — აღარ აცალა, სიტყვა გააწყვეტინა სოლომანმა. — რავე, შენც უარის თქმას მიპირებ?

— მომითმინე... ყური დამიგდე, შე კაცო!

— ჰო!

— თელათ ჩემი ცოლის საშხითვო ფული მამაჩემმა ჩეიბარა და

მას აქვს ჯიბეში... ასე რომ მე, ღმერთს ვფიცავ, ერთი ხუთმანეთიანა მაქვს, მეტი არა.

— ღმერთო, მომკალი.. — წამოიძახა სოლომანმა. — აბა, აღარც შენ მაძლეე?

— საიდან მოგცე, რაც არა მაქვს, შენი ჭირიმე? მერე ვეცლები. მაშაჩემს შევხვებები.

— მაგისთანა იმედით გამყოფათ ჩემმა გამჩენმა ყველა! როდის მერე, როცა მოვალე ხვალ კარზე მომადგება? რითი გვეისტუნრო ის კაცი?

— რაც მაქვს, იმას მოგცემ და მეტი რა ვქნა ახლა? — შეწყესებით უთხრა ნიკომ.

— მოიტანე, ბატონო, მაგ მაინც მოიტანე... თვარა მაგიც დეკარგულა შეიქნება ჩემთვის! გასაროზგავი ვარ, აშნაირ კაცებთან რომ შევება, მარა გვიანლა... მე კი ჩემი დამეპართა, მარა ღმერთი მოწყალეა, ერთ ღღეს იქნება, ჩვენსკენაც გადმოიხედავს მზე! ჯერეთ არ დამმართნია ამისთანა საქმე, მარა... კმ... პატროსან სიტყვას ვენდვე... მშიერ კაცს სად აქვს ღონე, თავის პატროსან სიტყვას გაჰყვეს... მე სულელმა, ეს რაღა ვერ ვიფიქრე ამ დაწყველილ ხელობაში მაინც რა არ შეგემთხვევა, რა? შოვუშვა ხელა? წაწაწა და ათასგვარ უსიამოვნებას გადარჩები კაცი კი, მარა ეს ოხერი გროში რომ გვირდება, სად უნდა იშოვო? რითი უნდა იშოვო? — გამწარებით ამბობდა სოლომანი.

— სოლომან, ენდე ჩემს ყმაწვილკაცობას, არ დაგიკარგავ მენს გასამრჯელოს... ერთ ღღეს იქნება, გაგისწორდები... მეღვას ვალად ეგ შენი სამსახური!

— ვალად გედვას? კუჭი მიხმება, ყმაწვილო, კუჭი მიხმება! ახლა მინდა საქმელი... ვალად გედვას?.. მაგის იმედი რას მომეწყველება, როცა ეს არი ვკვდები კაცი? კაი, კაი, ბატონო, კმარა, რაც თქვენს გადამკიდეს მე მემართება, გულს მაინც ნულარ მიხეთქაუთ... მიბოძე, თუ რამე გაქვს მაგ პორტმანში!.. და სოლომანი ჩაჩერდა. ნიკომ რომ ჯიბიდან პორტმანი ამოიღო.

პორტმანში აღმოჩნდა ექვსი მანეთი და ორი აბაზი. სოლომანმა ეს ფული ერთიანად გამოართვა ყმაწვილ ქათამაძეს, ჩაიღო ჯიბეში და მოშორდა ყმაწვილს ისე, რომ, რასაკვირველია, მადლობაც არ უთქვამს მისთვის. ცოტა ხანს შემდეგ შეაკაზმინა ბიჭს ჯორი, გადაჰკიდა ხურჯინი, რომლის ერთ თვალში ხარის ტყავი იდო და მეორეში — მშრალად მოხარშული ხორცი და პურები; გადააყვანინა ჭიშკარ გადამმა, მოაჯდა ზედ და სულ ჭენებით მიარბენენებდა ოღროზოღრო გზაში საწყალ პირუტყვს და თან თავისთავს ღან-

ძლავდა, აგანებდა, რომ ასე სულელურად ენდო ბესარიონს, ასე მოტყუებდა. მაგრამ უბედურს სისხლი უფრო ემღვრეოდა, ჯავრი უფრო ემატებოდა, როცა თვალწინ მისი მოვალე პლატონის სახე წარმოუდგებოდა, ანდა ცოლი გაახსენდებოდა... რარიგად იქადროდა ამ უკანასკნელთან, თუმნიანებს მოგიტანო, და ახლა რას მიუტანს? ვაი სირცხვილო! მხოლოდ ექვს მანეთს და ერთ ხარის ტყავს! კმ, ხარის ტყავი რა საგანძურია? სირცხვილს კიდევ გადაარჩება, მაგრამ პლატონის ვალის გასასტუმრებელი ფული სადაა, სად? სად იშოვოს ეს ოხერ-ტიელი?

— ღმერთმა დასწყევლოს, ღმერთმა! — თავისთვის ლაპარაკობდა სასოწარკვეთილებაში მყოფი უიღბლო მამული. — ღმერთმა დასწყევლოს ამნაირი გაძალღებული ცხოვრებაც!.. მშვიერ, გალატაკებულ კაცს რავა უნდა ენდო კაცი?! პატიოსნებაც დავიწყებული აქვს და სვინდისიც. ცოდვათაც აღარ მიაჩნია, თუკი რამე წაგლლიტა, წაგაფტქვანა, მოგატყუა, გაგაცუცურაქა! ყველაფერი დავიწყებული აქვს ამ ოხერი გაფშიკებული კუჭის გამოისობით... დასწყევლა ღმერთმა ხელმოკლე აზნაურის უსაშველო, გაძალღებული ცხოვრება! რითი გამოაქვთ თავი, მეტი გზა რომ აღარ აქვთ? ტყუილი, ტყუილი, ყოველ ნაბიჯზე ტყუილი და უპირულობა! რა გამოვიდა ორი თვის ჩემი წანწალიდან? მოვატყუეთ, მომატყუეს და ერთი მოტყუებული ხვალ ან ზეგ კარზე მომადგება კიდევ. საშველი თუ მაინც მოგვეცემა როდისმე, რომ კაცური ცხოვრება გვეღირსოს... ღმერთო, ღმერთო! — სასოწარკვეთილებით წამოიძახა უკანასკნელი სიტყვები საბრალო სოლომანმა და მისი გული თითქმის სიბრაღულით აივსო ყოველი ღვთის გაჩენილისა და დაჩაგრულისადმი; ამით რიცხვში, რასაკვირველია, თავისი ჯორისადმიც, რომელიც თუმცა ბევრს ვერაფერს სიამოვნებას ხედავდა ღარიბი პატრონის ხელში, მაგრამ მაინც ყოველთვის მისი მორჩილი, ერთგული მოსამსახურე, ხანდახან ამხანაგიც იყო და რომელიც აგერ ახლაც თავდაუზოგველად მიაქროლებდა სახლისკენ თავის ნაღვლიანს, შავ-უკუღმა ფიქრებში წასულს ბატონსა.

წრფელი გული

როცა ბაბომ წერილი გაუგზავნა თავის ძმად მიჩნეულ გიგო სალაძეს, იგი უკვე თავას გულის პატრონი აღარ იყო.

მოკლე წერილში მხოლოდ ეს ეწერა: „თუ ძმა ხარ ჩემი, და ცოტათი გებრალება შენი ბაბო, ახლავე ჩამოდი. შენი და ბაბო გარაყანიძისა“.

თავას დღეში ვერ წარმოიდგენდა ბაბო, თუ ოდესმე მის თავზე იმგვარი ამბავი დატრიალდებოდა, რომ გულში შეეპარებოდა და გაბატონდებოდა ისეთი გრძნობა, რომელიც მის დამონებას მოინდომებდა და რომლის დამჩაგვრელი ძალის გაძლიერებას დღიდან-დღე ცხადად ამჩნევდა ყმაწვილი ქალი.

რარიგად მოხდა ეს?

საეჭვო აქ აღარა იყო-რა. მისი გული სხვისთვის სცემდა; წინათ დაწყნარებული, დამშვიდებული, ახლა სხვისთვის ტოკავდა, ღელავდა, შფოთავდა. როცა ეს ღელვა და შფოთვა გაძლიერდა, მეტად მწვავე შეიქნა, ყმაწვილი ქალის გონებაც აღშფოთდა, თითქოს გამოფხიზლდა რაღაც საშიშროების მოახლოების წინაშე.

არავითარი რამ ამგვარი მდგომარეობა ანუ მისი მსგავსი ჯერ არ გამოეცადა; არასოდეს ასეთი მტანჯავი მოუსვენრობა არ განეცადა თავის სიცოცხლეში... დღემდე თავისუფალს, უღარდელს, თავის გულწრფელობით ყოველ თავის მოქმედებაში გაბედულს, დღეს დაეკარგა ეს გაბედულება, თავისუფლება საქციელში და დღეს დამნაშავესავით მორიდებულია ქმართანაც, ნათესავეთანაც, მახლობელთანაც და თითქმის ყოველ ადამიანთან, რომელსაც კი თავის მახლობლად ხედავდა.

რარიგად შეიპარა მის გულში ეს საზარელი, ეს უცნაური გრძნობა? როდის? რა იყო ამის მიზეზი? როგორ მოუვიდა ასეთი გაუფრთხილებლობა, რომ ასე ქურდულად, თვისდა უნებურად ეს-

ტუმრა ეს უსიამოვნო სტუმარი, რომელიც ასე შეუბრალებლად ეკიდება, ასე მაგრად ხევს ხელს, უკარგავს ძალას, ართმევს ნებას და მიჰყავს სადღაც, მიაქროლებს სადღაც განსაცდელის ნაპირად? და აი, შემკრთალმა, შეშინებულმა ბაბომ, მოსაზრების ღონეს მოკლებულმა, სხვა ვერა მოიფიქრა—რა თავის გასაჭირში, რომ წერილი მისწერა ძმად მიღებულს, დღეს მოშორებით მყოფ-გიგო სალაძეს. მისწერა წერილი და უნდოდა, რაც შეიძლება მალე, მოშველებოდა. მოვა ის ჩემი პატიოსანი მეგობარი კაცი და იმას გამოვუტყუდები, გავუმხელ ჩემს უბედურებას, ვეტყვი აღსარებას და ვთხოვ შევლას, შემწობას ამ უღმობელი, დამჩაგვრელი, ჩემზე გაბატონებული გრძნობის ასაშორებლად, მისი ბრკველებიდან თავის დასახწვევად.

მეწერით მისწერა კი, მაგრამ ცოტა ხანს შემდეგ მეტად შეინანა თავისი საქციელი, თავისთავს ამტყუნებდა აჩქარებისათვის. რა ეთქვა? როგორ მოჰყოლოდა, რა სიტყვებით გამოეთქვა თავისი სამწუხარო ამბავი? რა ენით ეამბნა თავისი სირცხვილი, თავისი სიგლახე? — ხომ დაგვარგე იმწუთშივე მისი სიყვარული, მისი თანაგრძნობა, მისი ძმური გული? ხომ დაგვარგე ამასთანავე ყველასაგან ის პატევისცემა, რა პატივისცემითაც ყოველი ნაცნობი მეგობრობდაო!

ყმაწვილ ბაბოს მართლაც განსაკუთრებული სახელი ჰქონდა დამსახურებული იმ საზოგადოებაში, რომელშიაც ცხოვრობდა. ყოვლად შეუძლებელი იყო, რომ პირველი გაცნობისთანავე თქვენი გული არ მიეზიდა, არ მოეხიბლა ამ თვალტანადს, ლამაზს, სიცოცხლით სავსე, მკვირცხლ, მხიარული ხასიათის, ენამახვილ, ცქრიალა ყმაწვილ ქალს; შეუძლებელი იყო აღტაცებაში არ მოეყვანეთ მის გულკეთილობასა და გულწრფელობას და ამ პირველ გაცნობისთანავე არ ცდილიყავით მასთან უფრო დაახლოებას, მაგრამ რანაირ დაახლოებას? ამ ქალის წინაშე ყოვლად შეუძლებელი იყო თქვენს გულში გაეკლო იმ გრძნობას, იმ სურვილს, რომლის გაღვიძება სასიკაღლოდ მიაჩნია მანდილოსანთა უმეტეს ნაწილს. ყმაწვილ ქალს ბუნებითვე თანდაყოლილი ჰქონდა ის თავმოყვარეობა, რომელიც გამსჭვალთა ყოველისავე ფიქრისა, თავში გაელეგებული აზრისაც კი, არა თუ გამოქვეყნებული საქციელისა; ეს ის თავმოყვარეობაა, რომელიც დედაბოძია პატიოსნებისა, სინდისიერებისა, სიკეთისა, საფუძველია თავისთავის იმედისა. ეს თავმოყვარეობა იყო, რომ ბაბოს თავისუფლებას აძლევდა ყოველ მოქმედებაში, ყოველ მის საქციელში, ყოველგან და ყველასთან. ამ თვისების პატრონის წინაშე თქვენც იმასავით შორს იყავით ყოველსავე გრძნობაზე, ბინძურ

აზრზე, იმასავით თქვენც თავისუფალი იყავით ყოველ ამისთანა ზრახვისაგან და თქვენი გული გრძნობდა, თუ რა აღვილად შესაძლებელი ყოფილა პლატონიური სიყვარული, სიყვარული სულისა, სათნობისა, და აღტაცებული გული გეუბნებოდათ ამ სიყვარულის სიტკბოებასაც.

ის საზოგადოება, რომელიც თავს იყრიდა გარაყანიძის ოჯახში, სწორედ ამნაირი პატივისცემით და სიყვარულით იყო გამსჭვალული ბაბოსადმი; ყოველი კაციც და ქალიც ამ ოჯახს ეტანებოდა, რადგანაც ყველამ იცოდა, რომ იქ რაღაც სხვანაირი ურთიერთობა იყო დამყარებული თავშეყრილი საზოგადოების წევრთა შორის, რომ იქ განსხვავებული იყო ყოველივე სიტყვაც, მოქმედებაც, ხუმრობაც და ოხუნჯობაც.

იმ საამურ ოჯახში, საცა ისე ხშირი იყო მხიარულება, დაუცხრომელი ხითხითი, გაუთავებელი ოხუნჯობა, მახვილსიტყვათა სროლა, სადაც ყოველივე ისე სასიამოვნოდ იყო მოწყობილი, სრულიად მოულოდნელად, გაუგებრად, ქურდულად, ნაპარეყად, თითქოს ჯიბრზე, ფეხი შედგა იმ გრძნობამ, რომელსაც სიყვარულს ეძახიან და რომლის ნამდვილი სახელი კი მხოლოდ ვნებაა.

ექვი არ იყო, რომ ბაბოს გული ვლადო ბრელიშვილისთვის ფრთხილდებდა, მისთვის მოუსვენრობდა... ამის დანახვაზე კი არა, მარტოოდენ სახელის გაგონებაზე უცნაური, ჯერ გამოუცდელი აღშფოთება შეიპყრობდა ხოლმე ბაბოს. რა ხანია ეს ყმაწვილი კაცი მის ოჯახში დადის, რა ხანია იცნობს? აქამდე ძმასავით უყურებდა, კეთილ მეგობართა შორის სახავედა და ახლა კი... ახლა კი? ნუთუ სიყვარული იყო ეს გრძნობა? რასაკვირველია, არა... იგი მხოლოდ ვნებათა ღელვა იყო, სხვა არაფერი, და ეგ უკლავდა, უთუთქავდა გულს საწყალ ბაბოს. აზიტომაც იყო, რომ ეს გრძნობა სამარცხვინოდაც მიიმჩნია... სიყვარული პატროსანი გრძნობაა, გამბედავია, უშიშარი, ამას კი თავისი გრძნობა ეთაკილება, გამბედაობას, თავისუფლებას უკარგავს, შიშით ავსებს მის არსებას; ეს გრძნობა ჩასჩურჩულებს — ერიდე მაგ ყმაწვილ კაცსაო, აიძულებს, ქურდულად იგემე ის სიამოვნება, რომლის გამოცდაც გინდაო, და თანვე რაღაც საშიშარ ბოლოსაც უქადის, დიდ სიმწარეს ჰპირდება.

ქალი ახლა ერთ შიშშია, ერთ კრთომაში, რომ არავინ გაუგოს, არავინ მიუხედეს, არავინ ამოიკითხოს მის თვალეში, რაც მის გულში ჩოჩქოლია, და ამის გამო გამბედაობამიხდილი ველარ უსწორებს სხვებს თვალს, არიდებს სახეს, რომ სახეზე არ შემამჩნიოს ვინმემ, რა უბედურებაშია ცა ვარ ჩავარდნილიო.

უიმისოდაც აღშფოთებულმა თავის მდგომარეობით, საწყალმა

ქალმა აჩქარებით ახალი საშფოთავი და საწუხებელი გაუჩინა თავის თავს გაგზავნილი წერილით. სადაც იყო, გიგოც, რასაკვირველია, გაჩნდებოდა, და ბაბო მოუსვენრად იჯდა ფანჯარასთან ყოველ დილას და გულის ძვერით ათვალიერებდა ყოველ გამვლელ-გამომვლელ ეტლს.

წერილის გაგზავნის მეოთხე დღეს, მატარებლით ჩამოსულმა გიგომ ეტლი გააჩერა გარაყანიძის სახლის კარწინ.

ბაბომ ფანჯრიდან დაინახა საშველად მოწვეული ძმობილის დადარდინებული სახე და უნებურად გაეცინა.

„რა ვუთხრა ახლა?“ გაიფიქრა მან და მომღიმარა სახათ შეეგება ამ წარმოსადეგ, ვაჟკაცური შეხედულების ყმაწვილ კაცს, რომელმაც მხურვალედ აკოცა ზელზე და, პირველი მისალმების შემდეგ, დადარდინებული სახის მეტყველებით მიაცქერდა ქალს ხმა-ამოუღებლად, თითქოს ეკითხებოდა, რა ამბავია, რას ნიშნავს შენი მონაწერი, ჩემი ასე საჩქაროდ დაბარებო? მას ეგონა, რაღაც უსიამოვნო ამბავს გავიგონებ ამ ყმაწვილი ქალისგანაო და დაჯავრიანებული სახის გამომეტყველებით მისჩერებოდა, ბაბო კი ამგვარად გიგოს დანახვაზე უნებურმა სიცილმა აიტაცა. გაკვირვებულმა ყმაწვილმა კაცმა ეს სიცილი ჯერ იმის ნიშნად მიიღო, რომ ბაბომ უთუოდ მიხუმრა, როგორც არა ერთხელ უხუმრიაო, და წაილაპარაკა გულდამშვიდებით:

— მე კი რაღაც ამბავი მეგონა!

— ხა, ხა, ხა! — გადინახარხარა ბაბომ და ამ უდარდელმა კისკისმა და სიცილმა სრულიად გაუფანტა გიგოს ყოველივე ეჭვი, რომ ვითომ სამწუხარო და უსიამოვნო რამ ამბავი ყოფილიყო ქალის თავს.

— არა გრცხენიან, გიგო, ამდენხანს რომ დაგვეკარგე?.. ხომ ჩამოგაჩანჩალეთ?! ჰა?.. ხა, ხა, ხა! — გადაიკისკისა ისევ ბაბომ.

— მე სულელმა ვგ რატომ ვერ მოვისაზრე, რომ შენი წერილი მართლა ჩემდა ჩამოსაჩანჩალებლად უნდა ყოფილიყო მოწერილი... მივატოვე მუშაობა, საქმე და გამოვსწიე საჩქაროდ. რა ვიცი, რა არ ვიფიქრე შენი ეშმაკური წერილის გამო!

— რა, რა იფიქრე, რა წარმოიდგინე, მითხარი, თუ ძმა ხარ?

გიგო მოჰყვა და დაწვრილებით უამბო ყოველივე, რაც წარმოიდგინა, რაც იფიქრა; ბაბო კი გაფაციცებით ყურს უგდებდა და იცინოდა, რაკი ხედავდა, რომ გიგო სრულიად ვერაფერს ვერ მიხვედრილიყო, ლობე-ყორეს მოსდებოდა. დამნაშავე ბავშვივით, რომლის დანაშაულს ჯერ ვერ მიმხვდარან, და რომელსაც იმედი კი არა აქვს, რომ ბოლოს მაინც ვერ გაუგებენ ჩანადენს, და ამიტომაც

ცდილობს ამთავითვე მოულობს გული თავის გამკიცხველს, მიიმხროს, მოანადიროს, რისთვისაც სხეანაირად ევლება თავს, ექუც-ქუცება, უცინის, ეალერსება, — ისე ბაბოც, უცნაური შიშით შეპყრობილი, უნებურად იცინოდა, კისკისობდა, გიგო კი ვერ ამჩნევდა იმის სიცილას ნაძალადეობას. პირაქით, გიგო ამ გარემოებამ სრულიად დაამშვიდა, დააწყნარა, გაამხიარულა და მალე ისეთ სასიამოვნო მუსაიფში გაება ბაბოსთან, რომ თითქმის სულ დაავიწყდა მწუხარება.

ამათ მუსაიფში დრომ ისე მალე გააარა, რომ ვერც კი შენიშნეს, სადილობა როგორ მოახლოებულყო. ერთი ამბით შემოვიდნენ სახლში სამსახურიდან დაბრუნებული სარდიონ გარაყანიძე და მასთან რამდენიმე ყმაწვილი კაცაც. ყველანი დიდი სიხარულათ მიეგებნენ გიგოს და წამსვე გაიმართა ერთი ყაყანი, ოხუნჯობა და სიცილ-ხარხარი.

რარიგად რცხვენოდა ყმაწვილ ქალს, გიგოს გვერდით რომ ვლადო ბრელიშვილსაც ხედავდა! ამ ყმაწვილმა კაცმა არც კი იცოდა, რომ ტანჯვის მიზეზად იყო შექმნილი და ამიტომ წინანდებურად თავისუფლად გრძნობდა თავს, თამამად იქცეოდა და გაბედული იყო ყოველ სიტყვა-მოქმედებაში.

დღეს ბაბომაც სძლია თავის შემაწუხებელ გრძნობას და წინანდებური მხიარულებითა და უდარდლობით შეუერთდა შეხალისებულ პატარა საზოგადოებას. დღეს მასთვის ამ საშიშრად შექმნილმა არსებამაც დაჰკარგა თავისი საშიშროება, მის გულს შეება მისცა, ისევე დაუბრუნა წინანდელი თავისუფლება და ამით გამხნეებულ, გახარებული, აღტაცებული ბაბო იცინოდა, კისკისებდა და თავის ენამახვალობით აღტაცებაში მოჰყავდა ყველანი; მის ოხუნჯობას დასასრული არ ჰქონდა. ახლა ისე ის წინანდელი ბაბო იყო, ყველასათვის საყვარელი და ყველას დაჰმურად მოსიყვარულე.

უცებ თითქოს ვიღამაც იწყინა მისი ასეთი მხიარულებათ, ბაბო შეკრთა და დაღონდა... გამხიარულებული ქალი უცერად ჩაჩუმდა, გაყუჩდა. შემკრთალი და გულშეხუთული ქურდულად იმზირებოდა აქეთ-იქით. ყმაწვილმა ქალმა ყველას თვალი გადაავლო, აბა, ხომ არა შემამჩნიეს-რაო... ყველანი მხიარულ ლაპარაკში იყვნენ გართულნი და, ეტყობოდათ, არავის არ შეუმჩნევია, რომ იგი ნამეტანს ეხუმრებოდა ბრელიშვილს, რომ კარგ გუნებაზე ყოფნით თავდავიწყებამდე მისული სხეებზე მეტად იმის შესახებ ოხუნჯობდა.

სარდიონიც მეტად მხიარულად იყო და ერთხელაც არ გადუხედნია თავის ცოლისაკენ, მაგრამ ბაბო მაინც ისევე მწუხარებაში ჩავარდა, მისი გული მაინც სევდით აივსო, მაინც თითქოს დამნა-

შვედ მიაჩნდა თავისი თავი, რაკი ასე ნებდებოდა ამ რაღაც უცნაურად მასზე გაბატონებულ გრძნობას. ქალი ამ წუხილში იყო ახლა წასული და სხვა აღარაფერი ეყურებოდა, აღარაფერი ახსოვდა.

ყველამ შეამჩნია ამ ერთი წუთის წინათ მეტად მხიარულ გუნებაზე მყოფს ასეთი ცვლილება და გაკვირვებით ეკითხებოდნენ ამის მიზეზს.

— არაფერი... ღმერთმანი, არაფერია! — ჰფიცავდა ბაბო. — გარწმუნებთ, ისევ კარგ გუნებაზე ვარ... საწყენი რა უნდა შემხედლოდა?! .

— კი, მაგრამ ასე ერთბაშად გაყუჩება?

— ბატონო, თავი დაანებეთ! — ჩაერია სარდიონი. — განა არ იცით მაგისი ამბავი, რა უსაქციელოა?! . რაღას ეკითხებით, თუ ღმერთი გწამთ!

ბაბომ არაფერი თქვა ქმრის სიტყვებზე, ოღონდ ერთი კი გადახედა საყვედურით. სამაგიეროდ, სხვებმა საოხუნჯო საგნად აიღეს სარდიონის ნათქვამი და დაუსრულებელი ხუმრობისათვის მასალა გაიჩინეს. ამის გამო სადილი ისევ ერთი სიცილითა და მხიარულებით გათავდა. თვით ბაბომაც გადაივიწყა ისევ თავისი მწუხარება და. ხალისიანი, შეუერთდა საზოგადო მხარულებას.

სტუმრებმა წასვლა-წამოსვლა დაიწყეს.

— გავიაროთ! — ფაკვრით უთხრა ბაბომ გიგოს.

— ბატონი ბძანდები! — მიუგო გიგომ.

— უთხარი ვლადოსაც... თუ სცალიანი — დაატანა ბაბომ და ჯერ კიდევ სიტყვა არ ჰქონდა დათავებული, რომ ისევ გადათქმა მოინდომა, უკან წაღება უნდოდა ნათქვამისა და ამისთვის უცბად ხელი გაიწვდინა, უნდოდა გიგო შეეჩერებინა; მაგრამ გიგო კიდევ მივიდა ვლადოსთან, კიდევ გადასცა ბაბოს სურვილი და უკან დაბრუნებულმა ვლადოსთან ერთად მისი თანხმობა მოახსენა.

— დიდი სიამოვნებით... თუკი ინებებთ! — თავაზიანად ეუბნებოდა ყმაწვილი კაცი. — დიდი სიამოვნებით!

მაგრამ ბაბოსათვის ახლა ეს თანხმობა სრულიად აღარ იყო სასიამოვნო. ახლა ქალი თავის თავს უჯავრდებოდა, უწყრებოდა ამ საქციელისათვის, თუმცა ეს სრულიად მისდა უნებურად მოხდა თითქმის... რა სისულელე იყო ჩემას მხრივ ამ კაცის აქ დატოვება და სასიეროდ მოწვევა... რა წინდაუხედველობაა?! იმის მაგივრად, რომ ვერიდებოდე, უფრო ვუახლოვდები, უფრო თამამად ვეკიდები. განა ეგ იყო ჩემთვის საჭირო ამხანად?! არა, ეგ ჩემდა უნებურად მოხდა... ვიღამაც ძალად მათქმევინა მისი სახელი... ვი-

ლამაც შემაკლანა, ვილამაც მიბრძანა მაგ სიტყვების თქმა, — ფიქრობდა გულში ბაბო და, რაკი მიხვდა, რომ ეგ სათქმელი არ იყო, რაკა იგრძნო ესა, ნაძალადევი ღიმილით ცდილობდა გადაეთქვა სასეირნოდ წასვლაც, სახლიდან ფეხის გადადგმაც, მაგრამ გულის სიღრმეში თითქოს მაინც ნანობდა ამ უარზე დადგომას და, ყოყმანში მყოფი, სავარძელში ჩაჯდა და ქანობა დაიწყო, თითქოს ამით უნდოდა დაევიწყა თავისი გულის უცნაური მდგომარეობა.

— თუ მივდივართ, რაღას ზიხარ, შე ქალო? — უთხრა გიგომ, როცა ყველანი წავიდნენ და ოთახში სარდიონი და ბრელიშვილიღა დარჩნენ.

— უკაცრავად ვარ, გიგო... — დაიწყო ღიმილით ბაბომ.

— გადათქვი თუ?..

— რალაც არ შემძლია...

— მით უფრო მოსახდენი იქნება ეგ გავლა თქვენთვის... და მერე კიდევ, სარდიონი ნასადილევის ხერინს რომ ამოუშვებს, უარესად ავად გახდებით... თქვენ ნუ მომიკვლებით, არიდება გჭირიათ! — თქვა ბრელიშვილმა.

ამაზე ყველას გულაანად გაეცანა.

— ბიჭო, ასე უნდა იმასხრო შენი წუთისოფელი, შე უბედურო?.. — უთხრა ვლადოს სიცილით სარდიონმა.

— აბა, შენ რომ „სტოლონაჩაღნიკობამ“ წარბები შეგიკრა, ყველა მაგას ხომ ვერ ველირსებით... „სერიოზნობა“ თქვენი საქმეა და ჩვენ, წერილფეხობამ, თუ სულ არ ვიცინეთ, ამას სიჭკვიანეში ჩამოგვართმევენ და ვინღა გვაღირსებს წარმატებას... შენს სტოლს გაფიცებ, თქვი, ასე არაა?!

ბაბო და გიგო იცინოდნენ ბრელიშვილის სიტყვებზე; იცინოდა სარდიონიც, რომელმაც სიტყვა გააწყვეტინა და ცოლსა და გიგოს მიმართა:

— თუ მიხვალთ, წადით და ის იქნება, რაღას უყურებთ!.. ამას თუ შეაჩერდით... ხომ ხედავთ, მოხსნა ბოხჩას თავი — ხვალამღის ილაქლაქებს ასე!..

— აღექი, აღექა!.. წავიდეთ! — უთხრა გაგომ ბაბოს. — ნუ გეზარება!..

— ჩვენი ნებით წავიდეთ, ბატონო, ისევე სჯობია! — და ცალი თვალთ სარდიონისკენ ანიშნა ბრელიშვილმა.

ბაბომ ამაზე ერთი გაღიხარხარა, წამოდგა და თავის ოთახისკენ გასწია.

რამდენამე ხნის შემდეგ სამივე ბაღისკენ მიდიოდნენ. ბრელიშვილმა თავის ცოცხალი ენით მეტად გაამხიარულა ბაბოც და გი-

გოც. მცენარეებით მდიდარი ბალი მეტად სასიამოვნო სამყოფი იყო, და ეს უფრო ხალისსა კმატებდა მოსეირნეთ; გიგო სიცილით ეკითხებოდა განგებ ბაბოს უცხო მცენარეების სახელებს და, რადგანაც ბაბო ხშირად სცდებოდა, ერთ მცენარეს მეორის სახელს უწოდებდა, ბრელიშვილმა უთხრა გიგოს:

— შე დალოცვილო, მაგდენი რუმ ესწავლა, ბარბალოს სოფლის „ზავედენიას“ მეტს ვერ გაათავებდა?

— ქ—ისის „ზავედენიაშიც“ ხომ იყო? — სიცილით თქვა გიგომ.

— იყო იყო, მარა კი არ დააცალეს... მასწავლებლებს, და ნამეტურ „კლასნი დამებს“, შეეშინდათ, გულმოდგინებაში თავს გაიტეხსო, ცოდვა მოგვედებო და პირველი კლასიდანვე დაითხოვეს... იმ ოხრებმა, ასე შეუშალეს ხელი, და იქიდანაა, რომ ახლა ყველაფერი ეშლება... ვერც მაგ ყვავილების სახელებს იტყვის სწორად — არც შეუძლია, რომ არ შეეშალოს...

ბაბო ამაზე თავშეუქავებლად იცინოდა; იცინოდა გიგოც. ბაბო ისევ წინანდელი გიჟი, ხითხითა, სიცოცხლით სავსე, საყვარელი ბაბო შეიქნა. მისი გული, ყოველ ცუდ გრძნობას დაშორებული, ძმური სიყვარულით იყო აღვსილი ამ ერთი საათის წინათ მისთვის საშიშარი, მოსარიდებელი კაცისადმი.

— მოდით, ნავში ჩავედეთ! — წამოიძახა ბაბომ და ტბისაკენ გაიქცა, რომლის ნაპირზე რამდენიმე ნავი იყო დაბმული.

— ბაბო, დაიცადე, ქალო! ნუ მირბინხარ!.. — უძახოდა გიგო, რომელიც გამოეკიდა ქალს. — ამისთანა გადარეული ადამიანი, ნეტავ, თუ იყვეს კიდევ სადმე!..

ყმაწვილმა კაცებმა ახსნეს ნავი, რომელშიაც უკვე ჩამხტარიყო ბაბო და ნიჩაბი ეკავა ხელში.

— მე ნიჩაბზე ვჯდები, გიგო... შენც ნიჩაბი აიღე!..

ნავი წყალში შეაცურეს. ვლადო საჭესთან დაჯდა.

— აბა, გიგო! — წამოიძახა მხიარულად ბაბომ და თვალებზე ჩამოიფხატა თავისი ფართო ქუდი, რომ მზის სხივებისათვის აერიდებინა თვალები და რაც ღონე ჰქონდა, მოუსვა წყალს ნიჩაბი.

— ბრავო, ბრავო! — მიიძახა ვლადომ. — ბრავო, მე და ჩემმა ღმერთმა!.. გიგო, მარჯვედ იყავი, არ ვაჯობოს, კაცო!

— ხა, ხა, ხა! — გადიესკისა ბაბომ. — ხა, ხა, ხა! ვაჯობებ... მაინც ვაჯობებ!

ნავი წავიდა შურდულივით, მსუბუქად მისრიალებდა წყალში.

— ვაი, ვაი! — იკვილა უეცრად ბაბომ და ეს კვიცილო მისივე ხმამალალმა სიცილმა შესცვალა.

— ხა, ხა, ხა! ეგ იყო, რომ უნდა ვეჯობნა?! ხა, ხა, ხა! — გადი-

ხარხარა გიგომ და მასთან ბრელიშვილმაც, როცა დაინახეს, რა გავალეებით ექადებოდა დაღლილი ბაბო ხელიდან გაეარდნილ ნიჩაბს, რომელიც ნავს ამოკვეროდა სიგრძეზე და რომლის წყლიდან ამოღებასაც ცდილობდა.

— გაუმარჯოს მჯობნს, მჯობნს გაუმარჯოს! — დასცინოდნენ ყმაწვილები ბაბოს, რომელსაც თვითონაც ეცინებოდა ამ თავის დამარცხებაზე.

გიგომ ამოძლო წყლიდან ნიჩაბი.

— აბა, ახლა ჯიბრზე ნულარ იქნება საქმე, ისე ვიმუშაოთ! — ღიმილით უთხრა მან ბაბოს და ნიჩაბი მისცა.

ნავი ისევე გაეცურა, ისევე გაქანებული მისრიალებდა წყალში, როცა ორთვე ნიჩაბს დაავლო გიგომ თავისი ღონიერი ხელები.

სალამო ეამი იყო, როცა სამივენი, ამ სეირნობით მეტად კმაყოფილნი, ნასიამოვნებნი სახლში დაბრუნდნენ. მათმა ხალისიანობამ შინ დარჩენილი სარდიონიც აიყოლია და მეტად კარგ გუნებაზე მყოფნი, საამურად მუსაიფობდნენ. ბაბო სწორედ ბედნიერი იყო ამ სალამოს: ისევე თავისუფალი, უღარდელი ბაბო იყო. ერთხელაც არ უჩენია თავი მის მაწუხებელ, მჩაგრავ, დამაღონებელ გრძნობას. ქალს დაუბრუნდა თითქოს ისევე მისი წინანდელი გამბედაობა. ყმაწვილს, ბრელიშვილს, ისევე თამამად შეჰყურებდა, ისევე გაბედვით უმზერდა, ელაპარაკებოდა, თითქოს მისდამი არასოდეს არავითარი სხვა აზრი, სხვა გრძნობა არ ჰქონია გულში, გარდა ამხანაგობისა და ძმობისა. ამის მიზეზად, ამ ბედნიერების მომნიჭებლად იგი სახავდა თავის ძვირფას გიგოს, იმ ძვირფას კაცს, რომლის იმედმა არ უმტყუნა, რომლას მხოლოდ ახლო ყოფნამ ასე საკეთილოდ შესცვალა მისი გუნება, რომლის შეხედვამ დაუბრუნა ყოველივე ღირსებანი, გაამხნევა, გააღონიერა და სამარცხვინო მდგომარეობას დააშორა. ასე ეგონა, რომ ეს არის ახლა გადევრჩი ყოველ განსაცდელსაო, ამშორდა ყოველივე უბედურება და დამცირებაო. და ასე იმედიანად რომ შეიქნა, ეს რწმენა რომ დაეზადა, ამიტომაც ეს კაცი, უამისოდაც მისთვის საყვარელი, ღრმად პატივისცემად მიიჩნეული, ძმად დასახული, დღეს კიდევ უფრო შეუყვარდა, უფრო ძვირფასი, უფრო კეთილი, პატიოსანი, ძმაზე კიდევ უფრო ძმა გაუხდა. აღტაცებული ყმაწვილი ქალი უსაზღვროდ ბედნიერი იყო, მადლიერი. ოჰ, რა ბედნიერად მიაჩნდა ამჟამად თავისი თავი! ოჰ, რა კარგი იყო სიცოცხლე მის თვალში!.. რა ნეტარებას გრძნობდა ყოველი მწუხარებისაგან განთავისუფლებული გული ასე აღტაცებული ფიქრობდა გულში გიგოს შესახებ: „ძვირფასო, ძვირ-

ფასო ძმაო!.. შენით ვარ ისევ ბედნიერი.. შენით ვარ ისევ ადამიანი!..“

ამ გატაცებაში რომ იყო, ამ ნეტარებით გარეტიანებულ, გარუებულ დროს მსვლელობას რომ ვერ ამჩნევდა, უეცრად, თითქოს შორაღდან მოესმა ვიღაცის ნათქვამი:

— აწი კი დროა, თქვენც მოგასვენოთ!.. მშვიდობით ბრძანდებოდეთ!

ბაბო ამ სიტყვებმა თითქოს გამოაფხიზლა... მან ახლად გამოღვიძებულის მსგავსად მიიხედ-მოიხედა, თითქოს რაღაცის გაგებას ცდილობს და, როცა დაინახა, რომ ბრელიშვილი ზეზე წამომდგარა, ქული ხელში უჭირავს და წასვლას აპირებს, ბაბოს გულში რაღაც ჩასწყდა, რაღაც მძიმე ლოდი დააწვა ზედ, მოკუმშა ეგ გული და თითქოს იმის მოწყვეტას ცდილობდა.

„მიდის?!“ გაუბრძინა ქალს თავში. ანგარიშმოუცემლად გაუწოდა ხელი და გაშტერებული თვალი გააყოლა მიმავალ ყმაწვილს, რომელიც რამდენიმე წამის შემდეგ ოთახიდანაც გავიდა... გაპქრა და თითქოს... თითქოს სამუდამოდ განშორდა...

— ბაბო, გეტყობა ძალიან დაგღალა სეირნობამ და გირჩევ, მოისვენო... აწი დროც არის! — ბუნდოვნად ესმის ქალს ქმრის სიტყვები.

— დაიძლებოდა, აბა-რა მოუვიდოდა რაც მაგან ნაეში ამბავი დააწია! — დაატანა გიგომაიც.

— დაწვი, დაწვი, თუ ღმერთი გწამს! — არ ეშვებოდა სარდიონი. — ხვალ კარგად იქნები!

მართლაც მოღალღული, მოქანცული, დასუსტებული ბაბო, შეწუხებული წავიდა თავის საწოლ ოთახში, მაგრამ არა მოსასვენებლად, დასამშვიდებლად... მისი აღტაცება ამო იყო? აბა, მისი იმედი, ახლა კი გავთავისუფლდით, ფუჭი გამოდგა? მისი გულის ბატონი, შეუბრალებელი ბატონი ისევ ბატონობს, ისევ მბრძანებლობს? ღმერთო, მამ ხსნა არ არის, საშველი არსაიდან მომეცემა! გიგოც ტყუილი იმედი ყოფილა! აბა რიდასთვის ჩამოვიყვანე, რად მინდოდა ეგ კაცი? იმიტომ რომ დამენახებინა ჩემი უსაქციელობა, ჩემი შერცხვენა და უნამუსობა? განა სხვები არა კმარან ამისათვის, რომ მოწმედ ესეც მოვიწვიო?! — ასე ფიქრობდა უიმედობით შეპყრობილი ბაბო და ამ უსაშუალოებაში, ამ უიმედობაში ეს კაცი, მისი ახლო ყოფნა, დახმარების მაგივრად, უფრო აწუხებდა, სტანჯავდა. ამ გაწამაწიაში მყოფის სურვილი ახლა ის იყო, რომ ეს კაცი განშორებოდა, ამ კაცის თვალი ჰერიდებინა, იმას არ ეყუტებინა მისთვის. ბედნიერება მისთვის ის იქნებოდა, რომ ხვალვე წასულაყო იგი და მის თვალთა მზერა აეცილებინა... ეგონა კი, რომ

ისევ მოვიპოვე ჩემი გული, მოვიპოვე კმაყოფილება, სიმშვიდე გულისა და თავისუფლება — და რა მალე კი გაუჭრა ყოველივე ეს საწყალს!

ამ ბრძოლით მოღლილი, დღღვისაგან მისუსტებული, მიიღულშა, რაღაც ბურუსში გაეხვია, ჩაჩუმდა, ბურანში წავიდა, მაგრამ ამ ტანჯვით ძილმორეულს ძილშიაც გულა მოუსვენრად უცემდა, ძალზე ძვერდა და, საშინელ სიზმრებში ჩავარდნილს, ძილშიაც სრული დამშვიდება არ ეღირსა.

მეორე დღეს ბაბო რომ ადგა, სარდინი უკვე სამსახურში იყო წასული. ბაბოს მოაგონდა წუხანდელი ამბავი და ერთ წყვეტებაში ჩავარდა: ვაი თუ გიგომ შენიშნა ყოველივე, ვაი თუ მიმახვდა ჩემს ამბავსაო? ამ დარდით შეპყრობილი ქალი ვერ ბედავდა ოთახიდან გასვლას, რცხვენოდა და ეშინოდა კიდეც გიგოს შეხვედრისა. როგორც იყო, გააღო ბოლოს საწოლი ოთახის კარი, გამოვიდა სააადილო ოთახში, იქიდან ზალაში გავიდა და მხოლოდ იქ დაინახა გიგო, რომელიც ტახტზე იჯდა, კედელს მისწოლოდა და რაღაც წიგნს კითხულობდა.

— დიდხანს გეძინა, ბაბო! — მხიარულად შეეგება იგი ფეხზე წამოდგომით. — ჩანს, მართლა ძალიან დაღლილი იყავი ახლა ხომ კარგადა ხარ?

— კარგადა ვარ! — მიუგო ბაბომ.

ამ კაცის ხალისიანად შეგებებამ, მისი სახის გამომეტყველებამ ქალს გამბედაობა დაუბრუნა, გული დაუშვინდა და სიტყვის თქმის ღონე მისცა, მაგრამ მაინც რცხვენოდა, მაინც უხერხულად გრძნობდა თავს, მაინც დამნაშავესავით იყო და ისე შეჰყურებდა, თითქოს გუნებაში ამბობდა: „რომ იცოდე, რაც ჩემს გულში ამბავია, ვაი რომ ეგრე ამხანაგურად, ეგრე ძმურად აღარ მომეპყრობი!“

— ბაბო, წაკითხული გაქვს შენ ეს რომანი? — შეეკითხა გიგო ამ დროს და ანაშნა წიგნი, რომელაც ხელში ეკავა.

— რა არი ეგა?

— ბურჟეს რომანია „სიცრუენი“, — „Les mensonges!“

— არა, ჯერ არ წამიკითხავს.

— აბა, მოდი, მე წაგიკითხავ, იმ პირობით, თუ არ დაგეძინება... ვერ წარმოიდგენ, რა მშვენიერებაა!

ბაბო დაეთანხმა, იფიქრა, რომ ის წიგნის კითხვაში იქნება, მე უფრო თავისუფლად ვიქნები, თვალეშა მზერას აღარ დამეწყებსო. გიგოს მოხდენილმა კითხვამ და თვით წიგნის შინაარსმა ინტერესი გაუღვიძა ბაბოს და ქალი სმენად გადაიქცა.

— შენ კი ხელაჯ არ მოგიკიდნია ამისთანა თხზულებისათვის, თუმცა ვილატას შემოუტანია აგერ და სტოლზე დაუგდია.. — ღიმილით უთხრა გიგომ, როცა შენიშნა თავის მსმენელს გახალისება.

ბაბომ მხოლოდ გაიღიმა და გიგომ ისევ განაგრძო კითხვა. ამ დილას არავენ მოსულა სტუმართაგანი და ამიტომაც კითხვისათვის ხელი არავის შეუშლია.

გიგო გატაცებით კითხულობდა და ტახტზე უმოძრაოდ კედელს მიწოლილი ბაბო, ეტყობოდა, ერთანად შეპყრობილი იყო გავონილით, ეტყობოდა, რომ ძლიერ მოქმედებდა მის გრძნობა-გონებაზე ყოველივე, რაც ესმოდა. გიგო სიამოვნებით გადაჰხედავდა ხოლმე ბაბოს და, თვითონაც თხზულებით გატაცებული, უფრო გატაცებით კითხულობდა, რაკი ხედავდა, რომ ბაბოც დიდი ყურადღებით უსმენდა. აღელვებული, წყრომათ აღსავეს, უცნაურის, რაღაც უბედურების მომასწავებელის ხმით შეუდგა გიგო იმ იდგილის კითხვას, სადაც ყმაწვილი რენე უკვე დარწმუნდა, რომ სუზანა გარყვნილიაო, და მიდის მასთან განრისხებული, გაცეცხლებული. მცირე ლაპარაკის შემდეგ, თავდავიწყებული წაავლებს ამ მისი სიყვარულის უღირს ქალს თმაში ხელს და შეუბრალებლად ცხვირპირს დაახლევიანებს ბებერი საყვარლის სურათზე.

გატაცებით კითხულობდა გიგო და იმას კი ვერ ხედავდა, რომ მის წინ მჯდარი ბაბო თვალებგაფართოვებული, შეშინებულივით, შემკრთალივით მისჩერებოდა აღელვებული, აწრიალებული, მოუსვენრობით შეპყრობილი. გიგო ვერ ამჩნევდა ამას და, თათქოს ჯიბრზე, უმატებდა კითხვის განგრძობით ტანჯვას.

რას კითხულობდა გიგო ამის შემდეგ, რითი დათავდა ის ამბჯი, საწყალ ბაბოს არც კი გაუგონია, ისეთ მდგომარეობაში ჩააგდო წაკითხულმა. შიშით დამფრთხალი ქალი მხოლოდ თავას გულში ამბობდა გიგოს შემხედვარე:

„რენე!.. აი, რენე!“

და როცა გიგომ წიგნი მაგიდაზე დასდვა, კითხვა რომ გაათავა და მიმართა ქალს კმაყოფილებით: — ხომ კარგა რომანია? — ბაბომ გონებადაუტანებლივ მიუგო აღელვებისაგან მისუსტებული ხმით:

— კარგი!.. კარგი

— აი, ქალბატონებო, თქვენი ამბავი — ღიმილით დაატანა გიგომ, რაზედაც ბაბომ მხოლოდ ძალდატანებით გაიცინა.

— ჰმ, თქვენი ამბავი... თქვენი ამბავი! — თავისთავად გაიმეორა გუნებაში ბაბომ.

ეს კაცი ახლა სწორედ საშიშარი შეიქნა მისთვის, დიახ, საშიშარი.

„რენე... რენე!“ უნებლიეთ აგონდებოდა ბაბოს, როცა შეხედავდა გიგოს, როცა მოესმოდა მისი ხმა.

ამისთანა კაცს ეტყოდა ახლა ბაბო თავის გასაჭირს? ამას გამოუტყდებოდა ბაბო, რომ ასეთსა და ასეთს უბედურებაში ვარო? რასაკვირველია, არა. პირიქით, დამალვას ცდილობდა, მისგან შორს ყოფნას, მას თვალთახედვასაგან დაშორებას. საშიშარი და სარიდალი შეიქნა მისთვის ახლა ყოველი ნაცნობი, ყოველი ამხანაგი, ყოველი მისი წინანდელი პატივისმცემელი, რომელთაც სრული უფლება მიეცემათ, თუკი გაიგებენ მის ამბავს, ისე მოეპყრან, როგორც ის შეუბრალებელი რენე სუზანას მოეპყრო მისი უპატიოსნობის გაგებისთანავე. განმარტობაში მყოფს ამასობაში მისი მაწუხებელი გრძნობა დღე-დღეზე უფრო უძლიერდებოდა, უფრო ეზრდებოდა ეს გრძნობა. თანდათან უფრო იმორჩილებდა ქალს და, მისდა სამწუხაროდ, ტანჯვასთან ერთად რაღაც უცნაურ სიამოვნებასაც აგრძნობინებდა.

თუმცა ყმაწვილი ქალი მედგრად ებრძოდა თავის გრძნობას, მისი გონება უარს ამბობდა მისგან მონიჭებულ სიამოვნებაზე, მაგრამ ყოველივე ამას შეიქნა. ყოველი წინააღმდეგობა ფუჭი იყო: მისი გული მაინც ბრელიშვილისათვის სცემდა, მისი გრძნობა მაინც მისკენ მიფრინავდა, ქალის არსება მთლად მისთვის შფოთავდა და ლელავდა, მაინც მისით უხალისდებოდა ეგ გატანჯული სიცოცხლე. იმის მხერით, შეხედვით, ახლოს ყოფნით ეძლეოდა მის ცხოვრებას ფასი, მისით გრძნობდა ბედნიერებას, იგი ანიჭებდა ნეტარებას. და რაც უფრო ნათლად ხედავდა ამას, ამჩნევდა თავის თავს, მით უფრო სასოწარკვეთილებას ეძლეოდა: რცხვენოდა, უპატიოსნოდ მიაჩნდა ამნაირი თავისი მდგომარეობა, ამნაირი გულისთქმა. უფრო ისა ჰკლავდა, ისა წვაავდა და დაგავდა, რომ ყოველ ღონეს ხმარობდა თავის დამლუპველისათვის არ შეეხედნა, გარნა მისი თვალები მაინც მისკენ იმზირებოდნენ, მაინც მასზე უშტერდებოდნენ, იმას ვერა შორდებოდნენ და ამას აღვილად შეეძლო გამოეაშკარავენინა მისი გულის ამბავი. ამ შიშით იგი იძულებული შეიქნა მალვით, ქურდულად დაეკმაყოფილებინა თავისი გულის წადილი, ნამალევად დაეტკბო გრძნობა, დაემშვიდებინა გული, მოეკლა სურვილი თავის მომზიბელელის ცქერით. მაგრამ საშინელება ის იყო, რომ ზომიერება ეკარგებოდა, მოსაზრებულ გაფრთხილებას ვერ ახორციელებდა. და ამნაირად დამონებულს რომ ხედავდა თავის თავს, ასეთ უღონობას რომ ატყობდა, რომ ხედავდა ცხადად, ჩემნებაზე ველარ ვიქცევი, ჩემს თავს ველარ ვიკავებ, ჩემი არსება ველარ დამიმორჩილებიაო, უფრო სუსტდებოდა სულით, უფრო

უიმედობას ეძლეოდა და თან უფრო ყურმოჭრილი მონა ხდებოდა თავისი გულისთქმისა. ყოველივე ეს ვაება მეტად ასუსტებდა, მაგრამ ძლეულს, მოღალულს, მოქანცულს წინააღმდეგობითა და ბრძოლით რაღა ექნა, რა გზას დასდგომოდა?

ბაბო ნამდვილ ავადმყოფს დაემსგავსა. მოწყვეტილი, მჩვრად გადაქცეული იწვა ხოლმე მთელი დღეობით ჩაცმული თავის ოთახში და მარტობას არჩევდა. დიდი გამოცდილება და დაკვირვება არ იყო საჭირო, რომ კაცს შეემჩნია მისი უცნაურად გამოცვლა. გარაყანიძის ოჯახში უჩვევი სიჩუმე და სიწყნარე ჩამოვარდა.

წასასვლელად გამზადებულმა გიგომ ამის გამო გადასდო წასვლა.

— სარდიონ, ბაბო არ ამხელს, თორემ ძლიერ ავად უნდა იყვეს... საჭიროა დროზე ზომა მიიღო — უთხრა გიგომ სარდიონს.

— განა მე კი ვერა ვხედავ, ჩემო ძმავო! — მიუგო მწუხარებით სარდიონმა. — განა ვერ ვხედავ, მაგრამ რა ვქნა, რა ვუყო? ვებზეწები, ვემუდარები, მითხარი, რა გტკივა, ექიმს მოვიყვან, გნახავს, რამე საშუალებას აღმოგიჩენს-მეთქი -- რომ არაფერს შვრება, რომ არაფერს ნდომულობს?! ველარ ვცნობილობ, ისე გაჯიუტებულია, გაუზნეურებულია რა ვქნა, ღმერთმანი, აღარ ვიცი!.. — და შეწუხებულმა კაცმა ღრმად ამოიოხრა და ჩაჩუმდა.

— უსათუოდ უნდა ანახვო ექიმს, უსათუოდ, სარდიონ! — მტკიცედ მიმართა ცოტა ხნის სიჩუმის შემდეგ გიგომ. — უსათუოდ! მაგას რას ეკითხები, თუ ღმერთი გწამს!

— მაინც მაგრე უნდა ვქნა, მეტი გზა არ არის! — წარმოსთქვა სარდიონმა.

მოწვეულმა ექიმმა ნერვების მოშლას მიაწერა ბაბოს ისეთი მდგომარეობა და ურჩია ქალაქიდან სადმე სოფლად, კარგ წმინდა პაერზე წასვლა რამდენიმე ხნით.

როცა სარდიონმა უთხრა წასასვლელად შემზადებულიყო, ბაბო უარზე დადგა. არწმუნებდა ქმარსაც და გიგოსაც, კარვად ვარო. სრულიად ავად არა ვარო, არსად წასვლა არ მესაჭიროება, ეგ მხოლოდ ექიმის სიჩერჩეტეაო.

მთელ საზოგადოებას სალაპარაკოდ გაუხდა ბაბოს ავადმყოფობის ამბავი. ყველა — კაცი და ქალი — მის ამბავს კითხულობდა თანაგრძნობითა და ყოველდღე მრავალი მნახველი მოსდიოდა. ამათი დაღონებული სახის გამომეტყველება, მათი შეწუხება, გადამეტებული თანაგრძნობა და ნუგეში მხოლოდ უფრო აჯავრებდა უამისოდაც შეწუხებულ ბაბოს, რომელიც ათასწილად უფრო მადლობელი იქნებოდა, რომ მისი მარტოდ, მყუდროდ ყოფნა არ დაერღვიათ, მიეცათ თავისუფლება თავის გულთან ემუსაიფნა, ელაპა-

რაცნა, მისი ცემა-ტოკვისათვის ყური ეგდო. მისი სიამოვნება აზლა
ეს მარტოდ ყოფნა იყო დილიდან საღამომდის, რომ ტანტზე წამო-
წვებოდა რბილ მუთაქებში, ან გაყურებულა, თავბურქვნილი რომ
ქანაობდა სავარძელში ხმაამოუღებლად და ამასობაში მისი მისუს-
ტებული გონება რაღაც ბურუსით იყო გარემოცული და ამ ბუ-
რუსში მკრთალად, ბუნდოვნად ეხატებოდა იმისი სახე, ვისიც მო-
შორება თან სწადდა და თან ეძნელებოდა კიდევ.

სხვებთან ისიც შოდიოდა მის სანახავად, მის კარგად ყოფნის
ამბის გასაგებად და თანაგრძნობით ეკაზხებოდა. გულუბრყვილოდ,
რაცი არა იცოდა რა, თუ როგორ იყო მისგან გატანჯული ილაშინი.
გულაძგერებულს, მთრთოლავს, აკანკალებულ ქალს სული ეხუთე-
ბოდა, ენა უშრებოდა. სისხლი თავში უვარდებოდა, საფეთქლებშიც
სცემდა კვერივით და გაბრუებულს პარის გაღებინა ეშინოდა, ეში-
ნოდა, რომ მისდა უნებურად ენას არ წარმოეთქვა, წამოეთარტარა,
რაც ამბავი იყო მის თავს, არ გაეცა პასუხის მაგივრად სხვა, მისი
სიკვდილი, მისი შეჩვენება არ გამოეთქვა. ამ გაწამაწიაში, რა მიუ-
გო, რა უთხრა, რა უპასუხა, ან თუ მისცა რამ პასუხი, აღარაფერი
იცოდა, აღარაფერი ახსოვდა. მისი სურვილი მხოლოდ აა იყო, რომ
განშორებოდა ეს მისი მტანჯავი, მისი მაწამებელი, განშორებოდა
და მით შვება მიეცა...

ყმაწვილი, თითქოს მიუხვდა სურვილს, წამოდგა, რაღაც უთხრა,
თავი დაუკრა და ოთახიდან გავიდა. ორი ნახიჯი ძლივს გადადგა
ბაბომ მისდა გასაცილებლად, რომ, ყმაწვილი კაცის გასვლისთანა-
ვე, ერთბაშად მიტრიალდა და ტყვიანაკრავივით მძიმედ დავარდა
ტანტზე, ჩაემხო მუთაქებში და ბალაშებში; გულამომჯდარი მტი-
რალი ქალი თავს ურტყამდა მუთაქებსა და ტანტს გამწარებით.

შინდაბრუნებულ სარდონსა და გიგოს ბაბო საწოლში მწოლა-
რე დაუხვდათ.

— სარდონ, გირჩევ, ნუ აგვიანებ ექიმის რჩევის შესრულებას!
უსათუოდ წადით სადმე, სადაც ის კაცი გირჩევთ... ერთ-ორი თვის
გულისთვის სამი დღემჩიოდ თავს ნუ იმეტებ... ვერ ხედავ, ქალი
აღარაა სრულიად! — გაცხარებით და მწუხარებით ამბობდა გიგო.

— რასაკვირველია, უნდა ავასრულო ექიმის რჩევა. რასაკვირვე-
ლია! — დაბნევით უპასუხებდა სარდონი. — მეტი არაფერი მეშვე-
ლება... აგერ ვითხოვ „ოტპუსკა“, ჩემს საქმეებს გადავცემ და წა-
ვალ... აბა რა ვქნა!

გარაყანიძის ოჯახის ყოველა ნაცნობი მეტად შეწუხებული იყო
ბაბოს ასე უცნაური ყოფით. ყველგან და ყველას აკვირებდა მისი
მდგომარეობა, მისი ასე მოულოდნელად ავად გახდომა. ყველანი

მიზეზს კითხულობდნენ, მიზეზს ეძებდნენ — თუ რისგან იყო, რამ ჩააგდო ასეთს ყოფილა?

— მაინც რას მიაწერა, რა დაასახელა ნერვების ამშლელ მიზეზად ბესტავაძემ? — ეკითხებოდნენ გიგოს ბულვარში, როცა გარაყანიძიანთ ნაცნობებმა გაიგეს, რომ სარდიონი იმ დღეებში ცოლიანად მიდიოდა №-დან.

— საიდან გაიგოს, რითი მიხვდეს მაგას? — უპასუხებდა გიგო. — განა შეიძლება, რომ დანამდვილებით თქვას, ეს ან ეს გარემოებაა მიზეზიო?!

— შე უკეთესი ექიმი ვყოფილვარ, თუ კაცი ვარ, იმ ბესტავაძეზე... ქალი ბრელიშვილისათვის კვდება და ესენი, ნერვების ამშლაო... სისულელე ამაზე მეტი იქნება?!

გიგომ მიიხედა იქით, საიდანაც ეს სიტყვები მოესმა. ამისი შთქმელი მაღალი ტანისა, მოკლედ შეკრეკილ-წვერებიანი, სათვალეებოთ მოგრძო ცხვირზე, შუახნის კაცი იყო, მოშორებით იდგა რამდენიმე კაცს შორის და ამ სიტყვების თქმასთან ერთად იღრიკებოდა და გესლიანად იცინოდა. ეგ იყო ცნობილი თავისი დაურიდებელი სიტყვა-პასუხით გრიგოლ გამცემლიძე.

— ღმერთმანა მართალს ვამბობ! — ხითხითით დაათავა მან თავისი სიტყვა!

გიგო თოფის წამალივით აენტო. მზად იყო ჯოხი დაეფშენა ამ საზიზღარი კაცის ზურგზე. მაგრამ თავსა სძლია და მეტად აღელვებულმა ხმამაღლა წამოიძახა:

— რა საკვირველი თვისება დაპყვება ზოგიერთ ადამიანს დაბადებიდანვე... თუ ვისმეზე საძაგლობა არა თქვა, თავისი სისაძაგლე ვისმეზე არ გამოიჩინა, უამსოდ სიცოცხლე სიცოცხლედ არ შიანია!..

გამცემლიძე, რასაკვირველია, მიუხედა გაგონებისთანავე, რომ სალაძის სიტყვა მას შეეხებოდა.

— ჩემზე არის თქვენი წყრომა მომართული, ყმაწვილო? თქვენ ნუ მომიკვდებით, ტყუილად, სულ ტყუილაუბრალოდ! — წამოიწია მან გაგოსკენ და დაცინვით უთხრა ეს სიტყვები.

გიგო ჩაჩუმდა, პასუხი არ მისცა და რამდენიმე წუთის შემდეგ სხვა ყმაწვილებთან ერთად კიდევ მოშორდა იქ მყოფთ. გიგო მოეჩადა ამ კაცთან ლაპარაკს, რომ უარესი რამ არ შემთხვეოდა და საზოგადოება არ აელაპარაკებინა გამცემლიძის სიტყვების გამო.

გიგო მეტად გაბრაზებული იყო და გაცხარებით ლაპარაკობდა თავის ამხანაგებთან გამცემლიძეზე:

— რა ჯინი სჭირთ მაგ შეჩვენებულებს ყოველისავე პატიოსანი

ადამიანისა, რა შხამი აქვთ მომზადებული ყოველი რიგიანად და... კეთილად მიჩნეულისათვის, რომ უსათუოდ უნდა წაბილწონ, ტა-
ლახში ამოსვარონ? სულით და გულით მონდომილი არიან ჩამოაცა-
ლონ ყოველივე ღირსება, ყოველივე კარგი თვისება, დაუკარგონ
პატივისცემა და ამისათვის არავითარ საშუალებას არ ერიდებიან,
არაფერ საზიზღრობას არ თაკილობენ. — და უფრო. ვასაკვირველი
რს არის, რომ საზოგადოება არ ერიდება ამგვარ კაცებს, მიღებუ-
ლიცა ჰყავთ ყველგან და გათამამებულიც.

თუმცა ასე ხსნიდა. გამცემლადის ნათქვამს, მაგრამ გულში კი,
უნებურად, ერთხელ-ორჯერ გაურბინა აზრმა: „ვინ თუ ამ საქმე-
ლა კაცმა მართალი თქვაო“.

და თუმცა გიგო მეტად შორს იყო ამნაირი რამ დაეჭვებინა
ბაბოს შესახებ, მაგრამ, რაც ხანი მიდიოდა, უფრო ხშირად უკვირ-
დებოდა ამ სიტყვებს. „ვინ თუ ეგ მართალი იყო? — გამტერებით
იმეორებდა გუნებაში და იმწამსვე ხმამაღლა წამოიძახებდა ხოლმე
ამ ეკვიანობისათვის გაჯავრებული: — „არა, არა, ეგ, რასაკვირ-
ველია, ტყუილია... ცილისწამებაა მხოლოდ!.. ბაბო ამისთანა ამ-
ბავში?! კმ, მამ ქვეყანაზე პატიოსნება აღარ ყოფილა!.. მამ კაცს
კაცისა არაფერი არ უნდა გწამდეს, არაფერი არ უნდა გჯეროდეს!..
რასაკვირველია, ტყუილია, მხოლოდ ცილისწამებაა, სხვა არაფე-
რი...“, ეუბნებოდა თავისთავს გიგო, მაგრამ ამასთანავე, მისდა უნე-
ბურად, მისდა წინააღმდეგ, ეს ცილისწამებად მიღებული სიტყვაც
ბოლოს მასზე უგავლენოდ არ დარჩენილა; მან მაინც ეკვის თვა-
ლით შეახედვინა ბაბოსათვის, იძულებული გახდა თვალი ედევნე-
ბინა მისთვის, დროებით ნდობა დაუკარგა ყმაწვილ ქალისა და ამას
ისიც მოჰყვა, რომ ამ კაცს გულიც კი შეუტევალა და წყრომით აუფ-
სო იმ შემთხვევისათვის, თუ ბაბო მართლა უპატიოსნებაში იყო
გარეული, თუ იგი მისი პატივისცემისა და სიყვარულის ღირსი არ
აღმოჩნდებოდა.

— ოჰ, მაშინ არ ვიცი, რას არ ჩავიდენ! — წყრომით წამოიძა-
ხებდა ხოლმე გიგო.

ამ ეჭვისა და წყვეტებაში მყოფს კიდევ დაეკარგა, თუ სრულიად
არა, შესამჩნევად მაინც შეუმცირდა, ბაბოს სიყვარული და თანა-
გრძნობა. ახლა ავი უფრო თავისთვის ზრუნავდა. ეშინოდა, თვისი
რწმენა ხელიდან არ გამოსცლოდა და არ დარწმუნებულიყო, რომ
ყმაწვილივით ვენდობოდი ადამიანთაო, და რომ ასე ადვილად არ
დაეკარგა ეს რწმენა, ეს ნდობა ადამიანისა მხოლოდ ვიდაც საქაგ-
ლისა და ავი კაცის მიერ ნათქვამი ლიტონი სიტყვის წყალობით,

მან გადასწყვეტა ყველაფერი დაწვრალებით, დანამდვილებით გბე-
გო, ყოველაფეში თავად დარწმუნებულიყო.

სწორედ ამ განზრახვით აღევნებდა ახლა გიგო, თვალს ბაბოს და
ბრელაშვილს, ამისათვის სმარობდა ათასნაირ ღონისძიებას და სხვა-
დასსხვა ხერხს იგონებდა, მაგრამ მან მაინც ვერაფერი გამოარკვია.

ერთ საღამოს შენდაბრუნებულ გიგოს მხოლოდ ბაბო დაუხვდა
სასტუმრო ოთახში, რომელსაც, ოდნავ ანათებდა ჩაწეული ლამპის
სინათლე. სიბნელით მოცულ ოთახში ბაბო ტანტზე წამოწოლილი-
ყო. გიგოს დანახვაზე მან წამოიწია და დამძიმებული ხმით ჰკიბახა:

— სად ხარ, გიგო, ამდენი ხანი?

გიგომ ცივად უბახუხა, რომ საქმე მქონდაო, და სკამზე ჩამოჯდა
ლამპის მანლობლად.

ლაპარაკი რაღაც არ ხერხდებოდა. ბაბო წამოდგა და საქანე-
ბელ სავარძელში ქანაობა დაიწყო; გაყუჩებული ჯერ გიგოს მისჩი-
რებოდა, მერე კი თითქოს რაღაცამ გაიტაცაო, ვადიგლო სავარძლის
სახურგეზე თავი, და რაღაც შორს მამხერალივით, გამტერებული
იშხარებოდა ამ ჩამობნელებულ ოთახში... მისი აზრები, მისი გო-
ნება თითქოს რაღაცას ეძებდა, შეიძლება კიდეცა არჩევდა, ხელაჯ-
და და სტკებოდა რიდაცის მხერით.

იქაურობა მყუდროებას მოეცვა... ოთახში სრული დუმილი იყო
დამყარებული. ამ დუმილს მხოლოდ ხანდახან თუ დაარღვევდა ქუ-
ჩიდან შემოვარდნილი მიმავალ-მომავალი ეტლების რახარხები.

გიგო ნელი ნაბიჯით. ნახებზე აქეთ-იქით დადიოდა გაჩუქებული.

უეცრად რაღაც ბოროტმა სურვილმა გაურბინა გულში, უცბად
მიტრიალდა ბაბოსაკენ, თითქოს რაღაც დავიწყებული სათქმელი გა-
ასსენდა, და მიმართა:

— მართლა, ბრელაშვილი რომ საღდაც გადაჰყავთ თურმე! დღეს
შითხრეს ბულეარში.

— აჰ?! გადაჰყავთ?! — უცნაურის ხმით წაილაპარაკა ამ სიტყვე-
ბის გაგონებაზე წელში გამართულმა ბაბომ, თან მეტი აღლევები-
საგან ფეხზედაც წამოდგა, მაგრამ გიგოს მიჩერებულ თვალებს რომ
შეხვდა, უცბად მოვიდა გონს, გაისწორა კაბა, ვითომ ამისათვის წა-
მოედექიო და ისევ ჩაჯდა სავარძელში; ჩაჯდა კი არა, უჯრო ჩი-
ქეცა.

„ჰჰმ.. რასაკვირველია! რასაკვირველია, ამათ შორის ერთი რომ
ამბავია! — ზინლით წაილაპარაკა გულში გიგომ. — განა არ ეტ-
ყობა?!“

მაშ რა იყო ეს აღშფოთება, თითქმის წამოძახილი, „გადა-
ჰყავთ?“ დაიჭირა, დაიჭირა, გაუგო! მაგას აწი ეჭვი აღარ უნდოდა.

ამ გამოსაცდელად ნათქვამმა სიტყვამ საბოლოოდ გამოააშკარავა მისთვის ამ ქალბატონის გულის ამბავი... ნათლად, ცხადად!

ბაბოც მიხვდა, რომ დაიჭირეს, რომ მახეში გააბეს საცოდავი ჩიტუნია, შესაბრაღისი, უღონო ფრინველი; ისეთი შემკრთალებით, ისეთი შეშინებული თვალებით მისჩერებოდა თავის მონადირეს, რომ გამარჯვებულს შერცხვა, შეენანა თავისი საქციელი, თავისი შეუბრალებლობა და თავისი მსხვერპლს საცოდავი შეხედულებით შეწუხებულმა ისეთ კილოზე დაუწყო ლაპარაკი, ისეთი შერჩეული სიტყვებით დაუწყო მუსაიფი, თითქოს ამით უნდოდა დაემშვიდებინა თავზარდაცემული ტყვე, დაეწყნარებინა მისგან შეშინებული გულის ძეგრა.

თავბრუდასხმული ბაბო ძლივს იჭდა სავარძელში, სირცხვილი-საგან გამშრალი. ცდილობდა გიგოს თვალებში ამოეკითხა თავისი განაჩენი, თავისი სასჯელი. არც კი ესმოდა, რას ლაპარაკობდა მის წინ მდგარი, ამას წინათ კიდევ მისი მოსიყვარულე ადამიანი. მზად იყო ემწამსვე ბოლო მოეღო თავის აწ შერცხვენელ სიცოცხლისათვის, მაგრამ ღონე, ღონე სად იყო? ძალა რომ აღარ აქვს, რა ქნას, რა მოახერხოს?! ღმერთო, რას უნდა ფიქრობდეს ეს კაცა ჩენზე? რას იფიქრებენ ამასთან სხვებიც? ყველა, სულ მთლად ჩემი ნაცნობები, ჩემი მოკეთეობა?! ღმერთო, რა დღეს შევესწარი! ღმერთო, რა ამბავია ეს ჩემს თავს! — ფიქრობს გულში გაშტერებული, სავარძელში უმოძრაოდ მოკუმშული ბაბო და რაღაც ბურანი ებვევა, თვალთ უბნელდება, გონება ერთმევა და უცნაური, წყნარი და ტკბილი უგრძნობლობა ავსებს მის არსებას.

რა ტკბილ, საამურ ძილში იყო წასული მისი გონება! რა კარგად ჯგრძნობდა თავს ამ უარარაობაში ჩავარდნილი და რა ნწუხარებით აცესო მისი არსება, როცა მისი გონება ისევ გამოფხიზლდა, როცა მის ფიქრებს შემოეცალა გარშემოხვეული ბურანი.

მის წინ მოჩვენებასავეთ იდგა ბრელიშვილი და რაღაცას ეუბნებოდა ღიმილით.

ძარღვებში სისხლი შედგა ერთბაშად და იმ წამსვე საშინელი სიჩქარით დატრიალდა მთელ მის სხეულში.

— მადლობა ღმერთს, რომ უკეთ ბრძანდებითი თქვენი ეგრე ყოფნა სწორედ ძალიან დაეტყო ჩვენს საზოგადოებას, ბატონო ბაბო! პასუხის შაგიერ ბაბომ გაიღიმა მხოლოდ და გიგოს მიაპყრო თვალები. გიგო კი გაჭავრებით მისჩერებოდა მოლაპარაკე ბრელიშვილს, რომელიც ახლა სძულდა, ეზიზღებოდა იმდენად, რამდენად წინათ უყვარდა. გიგოს ახლა ორივე სძაგდა, მათი მზერა გულს უმღვრევ-

და, უცნაურად აქეზებდა, რომ მათი საწყენი რამ ეთქვა, მათთვის შეურაცხყოფა მიეყენებოდა.

ბრელიშვილის ყოველი სიტყვა სზვანაირად შიილო გიგომ. მას გგონა, რომ თვალთმაქცობსო, ეს კაცი ატყუებს ქალსაო, თვალებს უხვევს და ამიტომ ელაპარაკება ასე მორიდებით, ვითომ და აქ არაფერია პატარისცემის მეტიო.

„საძაგლები... საძაგლები“ ამბობდა გიგო გულში.

ბრელიშვილი მეტად გააკვირვა გიგოს ამრეზალობამ ამ საღამოს; ისეთ ყოფაში ეჩვენა, რომ კითხვაც გაუბედა იმისი, თუ რათა ხარ მაგრე იგუზნებაზედო. ბაბო კი ერთ სატანჯველში იყო ჩაგარდნილი. კიდევაც უნდოდა ერთხელ კიდევ მაინც დამტკბარიყო ამ კაცის მზერით, ესიამოვნა მისი ყურებით და თან მოწადინებულ იცო, რომ ეს სურვილი გულიდან ამოეფხვრა, ამოეგლიჯა ძირიანად; მაგრამ მისი ეს ცდა უნაყოფოდ რჩებოდა. მის წინ გიგო იდგა. ერთის გულით მადლობელი იყო მისი, მაგრამ მეორეთი ამას ფიქრობდა: რას მომჩერებია ეს შეუბრალებელი კაცი... რას მალევენებს თვალს? რა უნდა ჩემგან?

„ღმერთო ჩემო, ხომ მიღის, ხომ მშორდება, შეიძლება, სამიღღემჩოდ... შეიძლება საუკუნოდ?... ეგებ ვერასოდეს აწი ველარ დაეინახო... თვალის ველარ მოკერა რაღად მიშლის მის ყურებას... რაზე მიწყრება, თითქოს მეუბნება, ნუ შესტყერიო! მე თვითონ ვიცი, რომ ეგ სიცუდეა ჩემი, სიგლახე, უპატაროსნება... მაგრამ ერთხელ, მხოლოდ ერთხელ გადავავლებ თვალს და მერე აღარ... აი, ერთხელ კიდევ და მეტს აღარ შევხედავ... აღარ მივაჩერდება. ერთხელ კიდევ, ეს უკანასკნელად და მერე აღარ... აღარი...“

ასე ებრძვის თავისთავს უბედური ბაბო და მისი გონება, მისი აზრი, მისი გამცემი თვალეა ბრელიშვილისკენ მირბიან, მასზე ასვენებენ, მისით დატკობას ეტანებიან. მხნეობადაკარგული ქალი გრძნობას სათამაშოდ შეიქნა და მისდა უნებურად შერჩენილი უღონო მოსაზრება კიდევ მაინც ატყობინებს, რარიგად შეუბრალებლად ითელეა ამ მორეული გრძნობათა ღელვისაგან და, აი, ეს ფიქრი, ეს შეგნება ჰკლავდა, ცეცხლს უკიდებდა.

ბრელიშვილი ცოტა ხნის შემდეგ ადგა, გამოეთხოვა ბაბოს, გიგოს და წასვლა დააპირა. მასთან ერთად წასვლა მოინდომეს სხვა სტუმრებმაც, რომელნიც ბრელიშვილთან მოსულიყვნენ ბაბოს სადახავად.

გამოეთხოვა თუ არა ბრელიშვილს, გიგო ისევ სავარძელში ჩაჯდა წარბეშეკრული. ბაბო კი ადგა, გაედევნა უღონო ნაბიჯით ბრელიშვილს, გაჰყვა წინა ოთახში, იქიდან აავეანზე და არ შემობრუნე-

ბულა, სანამ მიმავალთ კიბე არ ჩაიარეს და გაუნათებელ ქუჩაში ღამის წყვილიადმა არ მიმალა წასულნი. თუმცა ქალი ველარ არჩევდა ბრელიშვილს, ველარ ხედავდა სიბნელეში, მაგრამ მისი აზრი და გონება მაინც იმას მიჰყვებოდა უკან. ასე იღვრა ბაბო კიბის თავზე რამდენსამე ხანს გაშტერებულივით, და ზალაში დაბრუნებულმა გიგოს რომ თვალი მოჰკრა, მხოლოდ მაშინ გამოფხაზლდა და მიხვდა, რა უსაქციელობა ჩაიდინა, რა რიგად გაიმტყუნა ამ კაცის წინაშე თავისი თავი.

ერთი კი გადახედა სავარძელში ჩამჯდარს წარბებშეკრულ გიგოს და იმწამსვე იგრძნო, იმწამსვე შეატყო, რა წყრომით იყო აღესილი ამ კაცის გული. ბაბო შიშმა აიტანა.

ქალმა ხმა არ ამოიღო. მივიდა ტახტთან და ზედ ზანტად ჩამოჯდა, სულგანაბული; გიგომ კი გაჯავრებული კილოთი დაიწყო ლაპარაკი: ამათთანა მაწანწალებსაგან არის, რომ ათასნაირი საქაველობა ხდება, ოჯახები ილანძღებაო, უკმაყოფილება და შფოთი-დავიდარაბაა ცოლ-ქმართა შორისო, რომ სინიდის სუსტი ქალები ათასნაირ სამარცხენო და შესაჩვენებელ საქციელს ადგანანო და სხვა ამგვარები.

ბაბოსთვის ეს, რასაკვირველია, ნამეტანიც იყო. უამისოდაც დიდ გასაჰირში იყო და ამ სიტყვების გაგონებამ ხომ სულ მიწასთან გაასწორა... გაფაციცებულმა, დამფთხალმა და აქანკალებულმა, სიტყვა გააწყვეტინა გიგოს და შესაბრალისი ხმით უთხრა:

— გიგო, შენი ჭირამე... არ გეწყინოს... არ შემძლია... უნდა მივეგდო... უკაცრავად, შენ გენაცვალე!

გიგომ გაუწოდა გამოსამშვიდობებლად ხელი და ქალი ტორტმანით გაეშურა თავისი საწოლი ოთახისაკენ.

ოჰ რა უშნო და რა შესაბრალისი ეჩვენა ახლა გიგოს ეს ზღაპრით მიმავალი ქალი. ეს იყო მისი საყვარელი, სათაყვანებელი, სამაგალითო ბაბო?! ამას აღმერთებდა?! რამ მოჰკლა, რამ დააღონა, რამ მოკრუნჩხა ასე საცოდავად? ვნებათაღელევამ, გამრყვენელმა გულის წადილმა, უსინდისობამ, თავმოყვარეობის, ნამდვილი თავმოყვარეობის უქონლობამ, განა?!

და გიგოს სულითა და გულით ეზიზღებოდა ახლა, სძაგდა ეს ვნებამორეული ქალი, ვნების შეხებით გასვრილი, გატალახიანიებული. ამასთან სძაგდა მისი უქკუო ქმარი, რომელიც, მისი აზრით, მონაწილე იყო ცოლის უსაქციელობისა.

— სულელი, ჩერჩეტა... უგუნურა პირუტყვი, რომლის ტყავი ქალამნადაც სახმარებელი არაა... ნუთუ არ იცის, რაც ამბავია მის თავზე?.. თუ იცის, ხმას რატომ არ იღებს, რატომაა დამუნჯებული,

თითქოს სათქმელი არაფერი ჰქონდეს ამ შერცხვენილ ქალთან... მაგრამ რა მოეთხოვებათ?! ყველა საძაგლობაშია გახვეული, ყველა გიჟუტუტებულია, უზნეო, ბრიყვი, გარყვნილი!.. რა მოეთხოვება მათ?! მათთან ყოფნით თვითონაც გაირყვნები, გაისვრები... სხვას რას დაგმართებენ! შორს, შორს!.. კისერიც მოუტეხნიათ!

და გიგო მოუსვენრად დადიოდა თავის ოთახში და ის იყო გადაწყვიტა: ახლავე: ამ ღამესვე მიეტოვებინა ეს ოჯახი და თავის ბარგი-ბარხანით ხვალინდელ მატარებლამდის ერთ-ერთ მახლობელ ამხანაგთან გადასულიყო და ეს ღამე იქ გაეთია.

კარი გაღო და ოთახში შემოვიდა სარდიონი. იგი შეწუხებული უნდა ყოფილიყო.

— გიგო! — თქვა მან ხანმოკლე სიჩუმის შემდეგ. — გიგო, ბაბო ერთობ ავდაა... რა ვქნა, კაცო?.. გადამეტებული ავადმყოფია.

— ახლა აგეხილა, ჩემო ძმაო, თვალები? რასაკვირველია, ავადაა! — გაჯავრებით მიუგო გიგომ.

— რა ვქნა... რა ვუყო. ღმერთმანი!.. გონება მეყარგება!

— რაც გითხრეს. რაც გარჩიეს და როგორც დაგარიგეს, ისე მოიქეცი!.. რაღა ყოყმანი და ვაი-უვი გეპირვება კიდევ! ხომ გითხრეს წადიო... ეგ ქალი აქედან წაიყვანეო...

— ეგ კი... აგერ ხვალ-ზეგ სულ მზად ვიქნები და წავალ... მაგრამ... არ ვცი, არ ვცი! — თავის გაქნევით წარმოსთქვა სარდიონმა.

— რა არ იცი?

— ვაი თუ ვერ გადურჩეს ამ ავადმყოფობას... მეტად ცუდადაა მოქცეული. გიგო ჩემო!

— ეგ ღმერთმა იცის... და შენ შენი საქნარი აპარულე!

სარდიონის ყოველი სიტყვა, იმის ხმის გაგონებაც კი გულს უმღვრევდა, ჯავრს ჰგვრიდა გიგოს და ამიტომაც ასე კუშტად და უგუნებოდ ელაპარაკებოდა. სარდიონმაც შეატყო, გუნებაზე არ არისო, ჩაჩუმდა და მზერა დაუწყო შუა ოთახში გამოთრეულ გიგოს გახსნილ ჩემოდანს.

— მიემზადები თუ? — გაუბედავად შეეკითხა გიგოს.

— ჰო!

— ერთად წავიდეთ ბარემაც... გზა ხომ ერთხანაზე საერთო გვექნება.

— მე ამალაჰვე უნდა წავიდე!

— ამალამეუ? — მიაშტერა გაკვირვებით თვალები სარდიონმა.

— ამალამეუ... გოცირიძეს შევპირდი, ბესარიონს, მოვალ-თქვა... იქ მიცდიან.

— ჰო, მე მეგონა, თუ ეგ ჩემოდანიც იქ მიგქონდა..

გიგო მიხვდა თავის განზრახვის უადგილობას, დახურა გაშლილი ჩემოდანი, მისწია კედლისაკენ, ამოდო საათი, დახედა. წამოავლო ხელი პალტოს და ქუდს და სარდიონს მიმართა:

— ამაღამ ველარ მოვალ, ნულარ მიცდით! — გამოეთხოვა და კარებისკენ გასწია.

გაალო თუ არა კარი, გიგომ განცვიფრებით წამოიძახა:

— ბაბო?!

სარდიონი მივიარდა კარებს, შალწამოხურული ბაბო გაქვავებულ-ლივით იდგა კარებს უკან ატუზული.

— რა გინდა აქ, რაზე ამდგარხარ? — შეეკითხა ცოლს გაოცებული სარდიონი.

— შენ გეტბდის.. — ძლივს წარმოსთქვა ბაბომ ნელი ხმით.

— რა გინდა, რა იყო? — ჰკითხა კვლავ სარდიონმა.

— რა ენდომებოდა, რა უნდა ყოფილიყო? მოსაყურებლად თუ აყო მოსული, უნდოდა გაეგო, ჩემზე ხომ არ ლაპარაკობენო, და, თუ ლაპარაკობენ, რას ლაპარაკობენო. — გაიფიქრა გიგომ და წუთი აღარც კი შეიცადა, წავიდა. ამ კაცს დაეკარგა ყოველივე სიბრაღე-ლი ამ ქალისადმი.

მივიდა გოცირიძისას, თავის გულითაღ ამხანაგთან. და ამ დავიანებული სტუმრობით გაკვირებულ მეგობარს გულახდით მოუყვა ყველაფერი, უამბო დღუმალავად და დაწვრილებათ ბაბოს ამბავი. გიგომ იცოდა, რა კაცს ელაპარაკებოდა და ამიტომაც შეეძლო თავის გულის საჭეროდ გამოეთქვა ყოველივე თავისი მწუხარება და ნაღველი.

— შენ ერთობ ცხარობ, ჩემო გიგო! და ბევრი რამ გავიწყდება ამასობაში, რისი მახსოვრობა, მხედველობაში მიღება ეგრე აღარ შეგახედვინებდა ამ შემთხვევისათვის.. — უთხრა ბესარიონმა გიგოს.

გიგო შეჩერდა და მერე უცებ დაატანა:

— რას ვივიწყებ?

— იმას, რომ ბაბოც ასეთავე ქალია, როგორც სხვა, ჩემო გიგო!.. — იღმილით თქვა ბესარიონმა.

გიგოს რაღაც უნდოდა ეთქვა, მაგრამ ბესარიონმა დაასწრო:

— მეც მათქმევინე, შენ ხომ იმდენი ილაპარაკე!.. ჰო, იმას გეუბნები, შენ გავიწყდება, რომ ეგ ჩვენი ბაბოც ქალია და მერე კიდევ ამასთან ქართველი ქალი...

— ჰოდა მაგიტომ უფრო მერევა ბრაზი — ველარ მოითმინა გიგომ.

— ჩემი აზრით, ჩვენ არა გვაქვს უფლება, არა გვაქვს საფუძველი მკაცრად ვსინჯოთ ყოველი მათი საქციელი, ყოველ მოქმედებაში პასუხისმგებლად გავხადოთ... რატომ? იმიტომ რომ ისინი ისევე ბუნების შვილნი არიან, მათი აზრი, გონება ისეთი მარტივია ჭერჭერობით, მთლად მათი არსება ისე ცოტახეა დაშორებული პირვანდელ მდგომარეობას, მათი სულიერი მდგომარეობა, არსება ისეთი მონაა მხოლოდ გრძნობიერებისა, რომ, ღმერთმანი, ცოდვია, თუ უსამართლობა არა, მათდამა სასტიკად მოპყრობა, მათ შეცდომათა მკაცრად განსჯა, განკითხვა. ჩვენზე უფრო განვითარებულ საზოგადოებათ საჩივლულად და გულსაწყვეტად აქეთ თავიანთ ქალების მდგომარეობა, მათი დაქვეითებული, უკანამორჩენილი პიროვნება, მათი ფუჭი, უშინაარსო ცხოვრება. მაშ ჩვენ ქალებზე რაღა გვეთქმის, რაღა უნდა უუკიეთნოთ ამის მცოდნეთა?! რა ადგილი უნდა ჰქონდეს მათზე ჩვენს წყრომას?! რას თხოვ, ან რად თხოვ იმას, რისიც აღსრულებისათვის მას ჯერ ღონე არ შეუძენია? რა ქნას თავის გრძნობათა მონამ, მხოლოდ დღიური ცხოვრების ვიწრო ფარგალში მოქცეულმა, უზენაესი იდეებით გონებაგაუბრწყინებელმა, რომლისათვის სრულიად უცნობია და გაუგებარი იმ იდეათა სიტკბოება და სიამოვნება, როცა მისი მდიდარი ბუნება დულს, დელავს, არ ასვენებს, ამოძრავებს, სიცოცხლის ნიშანს ითხოვს მისგან; არ სჯერდება ერთფეროვნებას, ერთგვაროვნებას, მიუყჩებას. რასაკვირველია, ყოველ ამის დასაკმაყოფილებლად რომაა გამზადებული, ეტანება უფრო იმას, რაც ადვილია, რაც მისთვის ხელმისაწვდომია, ეძლევა ვნებათაღელვას, თავის გაუგებრობით ამ დაბალ გრძნობას სიყვარულის სახელს უწოდებს და ამით იმართლებს თავს; იმას კი ვერ მამხედარა, თუ რარიგად მიეღარება ამ თავის ალელვებაში იმ პირვანდელ დედაკაცებს, რომელნიც ნადირებივით ტყვედ დარბოდნენ მამაკაცებთან ერთად და პირუტყვებივით იკმაყოფილებდნენ თავიანთ ეინს... რა ქნან? ეგებ ხშირად გულის სიღრმეში კიდევ ერცხვინებოდეთ, კიდევ ეწინააღმდეგებოდნენ თავიანთ დამამდამლებელ, შეურაცხყოფელ გრძნობათა ღელვას, მაგრამ, მათდა საუბედუროდ, ჯერ გამარჯვება მათთვის შეუძლებელია, მიუწვდომელია!

— მაშ, აბა, ვუყუროთ სეირს მხოლოდ?! — შესძახა გიგომ. — სეირს ვუყუროთ... ხმა არ ამოიღოს კაცმა?

— თქმით თქვი, რაც გნებავს, შე კაცო... მაგას კი არ გეუბნები... მე იმისი თქმა მინდა, რომ წყრომით და გაჯაერებით ადამიანის

ბუნება არ შეიცვლება და ნება არა გვაქვს მოვიტხოვოთ. ისეთი რაჲ, რაც ერთნაირ განვითარებაში მყოფ ადამიანს არ შეუთვისებია.

— არა, ბესარიონ, არა... ათიათასჯერ არა! — მოუთმენლობით შესძანა გიგომ თავის მეგობარს. — ათიათასჯერ არა! შენ ცდება, შენა და არა მე! მეტად შემცდარი ხარ მაგ მსჯელობაში.. რა შუაშია აქ განვითარება, გამოფხიზლებული გონება და ამგვარები?.. აქ ზნეობაა მხოლოდ საჭირო, მხოლოდ ზნეობა!.. ყოველ ადამიანს შართებს იყოს ზნეობიანი და პატიოსანი, კქონდეს თავმოყვარეობა, არა გარეგნული, არამედ ის თავმოყვარეობა, რომელიც გვაშორებს და გვარიღებს ყოველ სამარცხვინო, სააუგებელ და უღირს საქციელ-მოქმედებას. თუ ეს თავმოყვარეობა აქვს კაცს, თუ იგი ღრმად და ღონივრად არის ჩანერგილი ადამიანის ბუნებაში, იგი ყოველ შემთხვევაში გამარჯვებული იქნება; რაგინდ განსაცდელში ჩაეარდეს, მძლეველი დარჩება უსათუოდ!.. მე ამნაირ თავმოყვარეობას ვამჩნევდი იმ შეჩვენებულ გომბიოს და ამიტომ მიყვარდა, ამიტომ ვეთაყვანებოდი... ამიტომ მწამდა მისი ქალობა და სმამალა ვიძახდი, რომ ამ თვალებით სწორედ სასიქადულოა ქართველი ქალი-თქო და ახლა კი მოტყუებული ვრჩები, გატრუებული ამ ჩემს რწმენაში. ასე მგონია ახლა, რომ სხვებიც უსათუოდ ამისთანები იქნებიან-მეთქი და გული მიკვდება; მიკვდება გული იმიტომ, რომ კაცის ნდობა მეკარგება, მეცლება ხელიდან ვისი წყალობით, მერე?.. ვისი მიზეზით? შემძლია აწი ვისიმე რამე კეთილსახიერება დაეიჭერო?.. რისთვის ჩაიღინა ოხერმა ეს საძაგლობა? რა აკლდა, რას ეძებდა?.. რა უნდა კიდევ: ქმარი მოყვარული, ურიცხვი კეთილისმყოფელი, ყოველი ნაცნობი და მახლობელი მოსიყვარულე და გულითადი პატივისმცემელი, სიყვარული, წმინდა პატიოსანი სიყვარული ყოველგან და ყველასაგან — რაღა გინდა? რაღას პირუტყვობ? ყველას ფეხა ჰკრა და სიბინძურეში ჰყოფს თავს, სიოხრეში!.. ვისთვის, რისთვის. მერე?! კაცო, გადამრევი როგორ არაა ეგ, თუ კაცს სისხლი გიდგია ძარღვებში, კაცის გამაგიჟებელი როგორ არაა ეგ და მიწასთან გასასწორებელი ყოველ ამნაირ მოქმედების ჩამდენი?! შეჩვენებულა, ოხერი, უწმინდური!.. მე კი ქალი მეგონა, პატიოსანი, ღირსეული!.. ვის ვაღმერთებდი, ვის ვადიდებდი, ღმერთო ჩემო?! — და ცეცხლმოკიდებული გიგო თითქმის დარბოდა ოთანში განცვიფრებული ბესარიონის წინაშე.

— აბა, მართალს გეტყვი ამასაც, გიგო, რომ შენ ჯერ კიდევ არა გაქვს ნება, თუნდ შენი აზრი მართალაც იყოს, აგრე მოიხსენიო ბაბო — უთხრა ბესარიონმა.

— რატომ? — შეჩერდა გიგო.

— იმიტომ, რომ შენ ჯერ არც კი იცი რითი გათავდება ის ბრძოლა, რომელიც ბაბოს თავის გულისთქმასთან აქვს გამართული... სრულიად დაუმორჩილდა თავის ვნებას, არა აქვს არავითარი ხსნა? დათავდა ბრძოლა ბაბოს დამარცხებით?.. ეგ განა იცი შენა?

ამ სიტყვებშია გიგო გააქვავა; ხმაგაკმენდილი მისჩერებოდა თავის მოსაუბრეს და ისეთრიგად შესცქეროდა, თითქოს ამ სიტყვებშია ფრთები ჩამოაყრევინაო, თითქოს ძალა და ღონე წაართვაო. ბესარიონი კი განაგრძობდა:

— განა შეგიძლია წმინდანობა მოსთხოვო ქალს, ბაბო იქნება იგი თუ ნინო, ანუ სხვა რომელიმე?.. შეგიძლია მოსთხოვო, რომ მისი არსება სულ განსხვავებული იყოს? ისიც ხომ ქალია, ისიც ხომ ადამიანია, მის ძარღვებშიც ხომ სისხლი სდის, გული უძგერს, — იგი მომლოდინე უნდა იყოს ყოველი ადამიანის თავზე მოსახდენი და შესაძლებელი შემთხვევისა.. მაგას რატომ იტყვი, რომ ბაბოს გული ვნებათაღელვით არ უნდა ატოკებულყო? რატომ მისა გული ბრელიშვილისათვის არ უნდა ამგერებულყო? განა ბაბო ადამიანი არაა, ქალი არაა? სამარცხვინო დასაწყისი კი არაა, სრულიადაც არა. დამამდაბლებელი მისი ცუდად დაბოლოებაა, ცუდად დათავება. და ამიტომაც შენც მოვალე ხარ ჯერ უყურო, თვალი ადევნო, თუ გასურს და გაიგო, ვინ დარჩება ამ ბრძოლაში გამარჯვებული... ვინ იქნება შერცხვენილი და ვინ საქებარის არა ვარ ამაში მაინც მართალი, გიგო ჩემო? — გაღიმებით შეეკითხა ბესარიონი, რომელიც კარგად ამჩნევდა, რომ გიგო მიხვედრილი იყო თავის აჩქარებას. — ვარ თუ არა მართალი? — გახუმვორა ბესარიონმა.

— კი, კი!.. — მიუგო დაწყენარებით გიგომ: — მართალი ხარ სწორედ!

— მაღლობა ღმერთს! — გაიცინა ბესარიონმა. — ახლა მაინც დაწყენარლები!

— პირიქით, შენ უფრო მომიმატე და გამიძლიერე მწუხარება!..

— როგორ?

— შე წასვლას ვაპირებდი ხვალ და ახლა უნდა დავრჩე, სანამ გარაყანიძენი არ წავლენ... ჩემთვის ეგ მეტად საინტერესოა კი არა, თითქმის სასიცოცხლო ამბავია... ამ ამბის ასე თუ ისე დათავებაზედაა, ძმობას გეფიცები, დამოკიდებული ერთ-ერთი ჩემი რწმენა, ჩემი წარმოდგენა, რომლის დაკარგვა, რომლის შერყევეაც ჩემთვის სიკვდილის მსგავსი იქნება!

ბესარიონმა გაიღიმა და ამის შემხედვარე გიგომ დაატანა:

— შენ გეცნება, მე კი, ამხანაგობას გეფიცები, მართალს ვამბობი.. შენ ვერ წარმოიდგენ, რაგვარი ძმური სიყვარულით მიყვარდა ის ქალი და რარიგად მეძნელება ამ გრძნობის დაკარგვა... მით უფრო, რომ მისით პატივს ვცემდი და რწმენა მქონდა საზოგადოდად ყოველი ქალისადმი კი, კი, მე აჩქარდი და მალე გადავწყვიტე ის, რაც ჯერ არ უნდა გადავწყვიტა.. ისევ უნდა მივიღე იმ საცოდავთან, იმ უბედურთან... თუმცა ვერ წარმოიდგენ, რარიგად მეძნელება მისი დანახვა, მისი შეხედვა.. ხვალ მაინც ვეღარ მივალ, გული არ მძლევს ნებას! ზეგ წავალ და ვნახოთ... ვნახოთ, რითი გათავლება ეს გაწამაწია!

ბაბო კი ამავე დროს ერთ ვაებაში იყო ჩავარდნილი. მას თვალწინ ედგა და არ შორდებოდა შემწყყრალი და განრისხებული სახე გიგოსი, როცა მან კარებთან მიატოვა ხმაგაუცემლად. მისთვის ცხადი და თვალსაჩინო იყო, რარიგად შეიცვალა მათი ურთიერთობა, მათი მეგობრობა. და ბაბო ცრემლად იღვრებოდა ამაზე. თუ გიგო-მაც შეიძულა, სხვა რაღას შეიბრალებს, სხვისგან რაღა პატივებას უნდა მოელოდეს?! რისთვის მხვდა წილად ამდენი ტანჯვა, ასეთი წამება? — ფიქრობდა გულში ბაბო. — რა დავაშავე, რა ჯაერი სჭირდა ამ რხერ-ტიალ გულს ჩემი, რომ ასეთ უბედურებაში გამხვდია, ასე მომიშხამა სიცოცხლე?!

მოუთმენლად ელოდებოდა ბაბო დილიდანვე გიგოს დაბრუნებას, მის დანახვას... ეგებ არც ისე მიწყრებოდეს, როგორც მეჩვენაო... მაგრამ გიგო არსად იყო. და რაც ხანი გადიოდა, მით უფრო გული უწყუხდებოდა ყმაწვილ ქალს, უამისოლად შეწყუხებულ-გამწარებულს.

დასაღამოვდა და გიგო კი მაინც არ ჩანდა.

„მაშ შემიძულა... თვალთ დასანახავადაც ვეჭაერები... დაეკარგა ჩემი სიყვარული... ღმერთო ჩემო! — თვალცრემლიანი მოსთქვამდა თავის გულში ბაბო. — რა ვქნა? რა ვქნა... რა ვქნა?!“ — მიიფარებდა ხელებს თვალებზე, ჩაემხობოდა ბალიშებში და აფრქვევდა მღუღარებას. ამავე დროს კი თვალწინ თითქოს ჯიბრზე ის ეხატებოდა, ვისგანაც ამდენი ტანჯვა-გაწვალება შეემთხვა... ამ სინათლეს ამორებულ თვალებში ბრელიშვილის სახე ელანდებოდა და გამწარებული, მისდა ასარიდებლად, წამოვარდებოდა, ადგალს გამოინაცვლებდა. გაურბოდა და იგი მაინც არ ეშვებოდა, მაინც უკან დასდევდა, მაინც არ შორდებოდა, არ აძლევდა მოსვენებას. ამასობაში ბაბოს გული კი ამ გადამეტებული წამებით, ამ შეუსვენებელი წიწკნ-გლეჯით ძლივსღა ჰფეთქავდა, ძლივსღა სცემდა მოღლილი.

ის ღამე დღეზე უარესი შეიქნა ბაბოსათვის. მის თვალს სრულიად
შილი არ მიჰკარებია; ჩუმაღ, სარდიონის ნამალევაღ, შფოთავდა და
შეტად გადამეტებულ მოუსვენრობაში იყო ჩავარდნილი. გათენდა
თუ არა, წამოვარდა და, გადადგა სახლიდან სარდიონმა ფეხი თუ
არა, ბაბო მიუჯდა სასტუმრო ოთახში ფანჯარას და ქუჩაში დაიწყო
ყურება. მერე წამოდგა, შევიდა გიგოს ოთახში, დაათვალიერა, ჩე-
მოდანი თუ იყო კიდევ თავის ადგილს, გამობრუნდა და ისევ ფან-
ჯარას მიუჯდა.

გულჩათუთქული ამოა ლოდინით, გამწარებული ძვირფასი კაცის
სიყვარულის და პატივისცემის დაკარგვით, რომელთანაც ერთად
ეკარგებოდა სხვების ამგვარი გრძობა-შეთვისება, ყმაწვილი ქალი
წამოვარდებოდა, დაეჯემოდა ტახტზე, ჩააფრინდებოდა კბილებით
ხან მუთაქას, ხან ბალიშს და დაიწყებდა გულამოჯდომით ქვითინს...
და თვალწინ კი იქვე ბრელიშვილის სახე... მისი თვალები, ლამაზა
წვერ-ულვაში... კიდევ წამოვარდა, ისევ მივარდა ფანჯარას... ისევ
იყურება ცრემლმორეული თვალებით... არავინ... არავინი ყველას
სძაგს, ყველასაგან მიტოვებულია და ისევ მოთქმა, ისევ გულამო-
ჯდარი ტირილი. უეცრივ თვალი მოჰკრა კედელზე, რომ სხვა ფო-
ტოგრაფიულ სურათებთან დაკიდებულთა ბრელიშვილის პორტრე-
ტიც. ჯერ მიაჩერდა, მერე უეცრად ჩამოჰკლიჯა კედლიდან, მიიჩ-
ბინა მაგიდასთან, გამოსწია ყუთი, გადაშალ-გადმოშალა აკანკალე-
ბული ხელით ქაღალდები და შიგ ჩამალა ეს სურათი...

— რენე!.. რენე! — უნებლიედ ამბობდა მისი ტუჩები და შეძ-
რწუნებულს აგონდებოდა გიგოსაგან წაკითხული ამბავი.

თითქმის დაიმედებულთ, რომ აცილებული ჰქონდა ახლა რო-
მელიმე თავის მეგობარ-მოკეთისაგან იმგვარი ამბავი, როგორც იმ
რომანში სუზანას დაუწია რენემ, იგი ისევ მივიდა ფანჯარასთან და
ისევ დაიწყო ყურება. იყურა, იყურა... დიდხანს იყურა, და რაკი
მოლოდინით მოიღალა, მოთმინება დაეკარგა, სასოწარკვეთილი და-
ვარდა ტახტზე, მერე ისევ წამოდგა, გადარეულივით გაექანა თავის
ოთახისაკენ, იგლეჯდა თმას და სულ შემოიხნია გულზე კაბა, თან
გამწარებით ურტყამდა თავს თავის სატუალეტო მაგიდას, აქვითი-
ნებულთ.

— ბაბო! — მოესმა შორიდან ხმა. — ბაბო!

— ვლადო! — გაურბინა თავში ბაბოს და, რომ გაეჭრო ეს გაგო-
ნება, ეს ხმა, უფრო მეტის გამწარებით დაუშინა თავი მაგიდას.

— ბაბო! არ გესმის? ბაბო, ბაბო! — მოდის ხმა.

— არა... არა.. — ამბობს ბაბო და ჰგრძნობს, რომ გონება ეკარ-

ვება. — არა! — ეუბნება იგი ამ ძახილს. გაფაციცებული ქალი წა-
მოჯდა საწოლზე და აცახცახებული დაკეტილ კარებს მისჩერებია,
საიდანაც ხმა ესმოდა.

— ბაბო, გააღე კარი, გეუბნები! არ გესმის? — მოესმა ისევ
ბრძანება და ამან, ამ კილოთი ნათქვამმა, ამ ბრძანებამ სრულიად
წაართვა უკანასკნელი მოსაზრება, გონება, წამოაყენა ფეხზე, წა-
მოიყვანა კარებისაკენ, მიიყვანა იქ, ძალად გადაატრიალებინა გა-
საღები და ათრთოლებულმა, აცახცახებულმა, თვალებჩამობნეულ-
ბულმა ძლივს გასაგონის ხმით წაილაპარაკა:

— ვლადო!.. — და მოსხლეტილი, გონებაწასული იატაკზე და-
ვარდებოდა, რომ გაღებულ კარებში შემოსწრებულ გიგოს ხელი
არ ეტაცნა მისთვის.

— ბაბო... რა გეპარტება?! ბაბო, რა იყო, ქალო?! — ჩასძახა გი-
გომ, მაგრამ ბაბოს აღარაფერი ესმოდა, აღარაფერი ეყურებოდა.

გულწასული ქალი გიგომ იქვე მდგარ სავარძელზე დაასვენა,
ძივარდა მაგიდას, აიღო წყალი და პირზე შეასხურა.

— ბაბო, გამოიხედე, ქალო!.. ეს მე ვარ, მე, გიგო ვარ!.. რა იყო,
რა მოგივიდა?

ბაბომ გამოახილა თვალები... მიაჩერდა გიგოს... უყურა, უყუ-
რა, და გიგოს ტკბილი ლაპარაკი რომ ჩაესმა, ისევ ტირილი მოუ-
ვიდა, ისევ ცრემლები წამოსკდა.

— ბაბო, შენი ჭირიძე, გაჩუმდი... დაწყნარდი, დამშვიდდი!

მაგრამ, დამშვიდების მაგიერ იგი უფრო გულამოჯდომით სტი-
როდა. მერე, თითქოს რაც ძალა შერჩენია, შემოიკრიბაო, ჩაუყარ-
და ფეხებში გიგოს და ხმამაღლა შესძახა საშინელის ხმით:

— მიშველე, შე უღმერთო... მიშველეთ, თქვე შეუბრალებლე-
ბო!.. გიგო, მომაშორე, მომაშორე!.. ამომგლიჯე ეს ოხერი გული!..
ღმერთო, ღმერთო!.. რად მიძულებთ... რად გინდათ შემაჩვენოთ?..
რა ვქნა, რა ვქნა მე? მომკალით ბარემაც... გამათავეთ... შემიბრა-
ლეთ, თქვე უღმერთებო!.. მომკალით... მომკალით მაინც!..

გულაჩვილებული გიგო რას ეუბნებოდა, რას ელაპარაკებოდა,
თვითონ არ ესმოდა. ცდილობდა ამ საცოდავენს დამშვიდებას, მაგ-
რამ აღარც სიტყვა ეხერხებოდა, აღარც მოსაზრება ემორჩილებო-
და. ამ მდგომარეობაში რომ ნახა, ისევ ხელახლად შეუყვარდა ეს
არსება, ისევ ძვირფასი შეიქმნა; ამ მისმა წამებამ აპატივებინა ყო-
ველივე მისი შეცოდება, გამოასყიდვინა ყოველივე დანაშაული, და
გიგო დატკბობით, ალერსით შესცქეროდა ღონემიხდილ ყმაწვილ

ქალს, მძიმედ მსუნთქავს, თვალბდახუჭულს, გულამომჭდარს, თმა-
გაწიწილს, სახეგაცრეცილს.

შესამე დღეს მატარებელი მიაქროლებდა სარდიონსაც, ბაბო-
საც და გიგოსაც №-დან. კუთხეში მიმჭდარ ბაბოს აზრი და გონება
ისევ, მისდა უნებურად, მიტოვებულ ადგილებში დაჰფრინავდა და
გიგოს ახლოს ყოფნის გამო და აგრეთვე მატარებლის გრიალის მი-
ზეზით მხოლოდ რაოდენადმე იბნეოდა ეს მოგონებანი და გამონა-
ტულებანი. „მისი სახე“ მაინც კიდევ არ შორდება, ისევ თვალწინ
უდგას. ქალი იგონებს, რა თავდაპირილი, რა თანაგრძნობით გამოეთ-
ხოვა ის ყმაწვილი კაცი სადგურზე და უნატრა, ისევ მალე კარგად-
მყოფი დაბრუნებულიყოთ.

— იმას არაფრის ექვი არა აქვს აღებული, არაფერი იცის.. ნამ-
დვილად ასეა! — იმედინადა და ნუგეშით ამბობს გულში ბაბო. —
და ღმერთმა ნურც გააგებინოს როდისმე! — მისი გული ისევ დაცა-
რელებულივითაა, ისეა, თითქოს რალაც აკლიაო, რალაცა ენატრე-
ბაო, მაგრამ აქ გიგო. თავის ხალასიანი სიტყვა-პასუხით, აქ გზაში
ნახული ნაცნობების სიხარული მის დანახვაზე, ამათთან ლაპარაკი,
მუსაიფი, — ყოველივე ეს ნელ-ნელა ამორებდა წაშსულს და მა-
ლამოდ ედებოდა, ესალბუნებოდა მის გულს.

რამდენიმე საათის მგზავრობის შემდეგ გიგო გამოეთხოვა თავის
მეგობართ, რადგანაც თავის სოფელში უნდა წასულიყო და ცოლ-
ქმარს პირობა მისცა, რომ, თუ დროს იშოვიდა, უსათუოდ ნახავდა
ამ მოკლე ხანში.

მაგრამ მთელმა ერთმა წელიწადმა გაიარა და სალამეს გარაყა-
ნიძეების ნახვისათვის დრო არ შეხვდა. სარდიონისაგან ორჯერ-სამ-
ჯერ მოუვიდა წერილი და აქედან იცოდა, რომ ბაბო უკეთ იყო. ახ-
ლა უკანასკნელი წერილით კი სარდიონი ატყობინებდა, რომ ბაბო
სრულიად გამოკეთდა და ისევ ის ბაბოა, როგორიც სხვიმის გინა-
ხავსო. გარაყანიძეები №-ში იყვნენ. ბრელიშვილიც იქ იყო და ამი-
ტომ ამ უკანასკნელი წერილის წაკითხვამ, ამ მოხსენებულ გარემოე-
ბასთან, მეტად დააინტერესა სალამე და გადასწყვიტა უსათუოდ
№-ში წასულიყო, ბაბო ენახა და ისიც გაეგო, რაგვარი თვისებია
იყო ამ ქალის კარგად ყოფნა და მისი გულის დამშვიდება, დაწყინ-
არება: გაიმარჯვა, სძლია ბრძოლაში თუ დაუმორჩილდა და სამარ-
ცხენოდ მოუტრიადა თავის დამდაბლებას, თავის დაცემას? ეს აინ-
ტერესებდა, ამის გაგება მოუთმენლად ეჩქარებოდა გიგოს და ამი-
ტომ მალე გაექანა №-კენ.

მოულოდნელად გაჩენილი გარაყანიძისას, იგი უკეთეს დროს

სწორედ ვერ შეურჩევდა ბაბოს სანახაყად; მის მისვლის დღეს სარდიონს წვეულება ჰქონდა და დიდი საზოგადოება ჰყავდა თავშეყრილი.

გიგოს მისვლამ კიდევ უფრო გაამხიარულა კარგ გუნებაზე მყოფნი ბაბო და სარდიონი.

რა ნახეს მისმა თვალებმა? ბაბო, ამასწინათ საბრალო ბაბო, დღეს ისევ მართლა სულ წინანდელი ბაბო იყო. წინანდელი ამბისა არა ეტყობოდარა. ისევ სიცოცხლით სავსე, ხიზიხიზი, მოკისკისე, ენამახვილი, ღარღიმანდი, სიტყვამოსწრებული, ლამაზი, კონტა — ყველასათვის საყვარელი ბაბო.. მასთან რა უნდოდა სევდასა და მწუხარებას? ყველასთან ასწრებდა სიტყვის თქმასაც, ხუმრობასაც, ყველას თავს დასტრიალებდა და თვითონ ხალისიანი, სხვებაც ახალისებდა და ამხიარულებდა.

აქვე იყო, სხვებთან ერთად, ვლადო ბრელიშვილიც, რომლის მხიარულებას ბოლო არ ჰქონდა და რომელიც აცინებდა იქ მყოფთათვის დაუსრულებელი ოხუნჯობით. ბაბოს ისე ეკავა თავი მასთან, თითქოს მის შესახებ არაეითარი მწარე მოგონება არ ჰქონიაო. ბაბო იმასთან სრულიად თამამად იყო, თამამად ელაპარაკებოდა და ეხუმრებოდა.

„რის მიზეზია ეგა?“ ეკითხებოდა გუნებაში თავისთავს ყოველ ამით გაკვირვებული გიგო.

ბაბომ ორჯერ-სამჯერ შეასწრო თვალი გიგოს და შეამჩნია ეს გაკვირვება. ქალმა არაფერი უთხრა, ოღონდ გაუღიმებდა ბოლმე, თითქოს აცნობებდა, — გატყობ, რის გაგებაც გწადიანო. ერთხელ, ბრელიშვილთან ლაპარაკის შემდეგ, ბაბომ გვერდზე გაუარა გიგოს სიცილით.

კარგა გვიან იყო. ნადიმი რომ გათავდა და სტუმრები დაიშალნენ. სარდიონი დაღალული, ოთახში წამოწვა კმაყოფილი; ბედნიერი ბაბოს გული სავსე იყო სიამოვნებით. მოცინარი, მიუახლოვდა გიგოს. მათ მეტი ოთახში არავინ იყო.

— მე დღეს გაკვირვებ, გიგო? — სიცილით მიჰპართა მან სალაძეს.

— ის რაღა იყო, გვერდით ჩამიარე და დამცინე? — ხუმრობით უთხრა გიგომ.

— ის რომ, შეგატყვე, მომჩერებოდი! ხა, ხა, ხა — გაიცინა ბაბომ. — გიკვირს... გიკვირს, ასე რომ მხედავ... არა?

— მართალი გითხრა, მიკვირს! — მიუგო გიგომ.

— და, აი, ახლა, ამ წამში... მე რომ ისევ ბედნიერად ვგრძნობ

ჩემ თავს. აქვე მინდა მადლობა შემოგწირო... არა, მადლობა ცოტაა, ძმავო!.. და, როგორც ძმას, გულებნები... უნდა გითხრა, რომ არავითარი სამარცხვინო დანაშაული არ მიმიძღვის, ამითა ვარ ბედნიერი, ამითა ვარ ცოცხალი... და ეგ შენით, თქვენით, ვასიც სიყვარული შე მუდამ მახსოვდა... თქვენმა სიყვარულის მოგონებამ გადამარჩინა საშინელებას!.. თქვენ მომეცით ძალა, ღონე და, აი, დღეს შე ისევ სულელი, გიჟი, გადარეული, მაგრამ შეურცხვენელი ბაბო ვარ... შენი, საყვარელო ძმავო, შენი მადლობელი ვარ და ვიქნები კვლავაც. საკვდილამდე!

ერუანტელმა დაუარა ტანში ამის გამგონს გიგოს, მისი გული ამოვარდნას ლამობდა. იგი მხურვალედ დაეწაფა ხელზე მის წინ წამდგარ მშვენიერებას, გააწყვეტინა მას სიტყვა და აღტაცებულმა შესძახა:

— არა, ბაბო... მე, მე გმადლობ, მე, მე!.. ჩვენ ყველანი ვმადლობთ!.. შენით იყო ყოველივე. არც მე, არც სხვა აქ არაფერ შუაში ვართ... მე მწამდა, რწმენა მქონდა აღიარებული, რომ ყოველივე ქალი, თუკი ნამდვილი, კემშარატი თავმოყვარეობითა აღჭურვილი, თუ მას ღრმად აქვს ჩანერგილი პატიოსნება, სინდისი, გამარჯვებულა იქნებოდა ყოველ მდაბალ, უღირს გრძნობაზე; რომ მის გულს ვერ დაიმონაებდა უხვირო, ფუჭი, დროებითი გამართობელი ვნებათაღლევა; რომ პატიოსანი ადამიანი არ გადაალახვიანებდა თავისთავს და არ დაჰკარგავდა თავის პირნათლობას წუთიერ გატაცებისათვის!.. ამ ღირსების არსებობა ჩვენს ქალებში სანეტარო რწმენად მქონდა და მაგალითად შენ გხედავდი. ამიტომ უყვარდი ყოველ შენ მცნობს, ამიტომ გცემდა პატივს ყველა და დღეიდან კიდევ უფრო ძვირფასა ხარ, უფრო სასიქადულო! შენ რომ გიყურებ ახლა, დღეიდან უფრო მდინდირდება ჩემი რწმენა... ჩემი გული უფრო მეტას იმედით და რწმენით, პატივისცემით ივსება ქალისადმი... შენ მომეცი ამისი მტკიცე საბუთი, მაგალითი! მადლობას შე გწირავ... მე ვარ შენი მადლიერი, შენით დაჯილდოვებული და გაბედნიერებული, ჩემო ძვირფასო ბაბო!..

და ამის მოქმელმა აღტაცებულმა ყმაწვილმა კაცმა ისევ მხურვალედ, ნიშნად მადლობისა, აკოცა ხელზე სიხარულით ცას დაწეულ ბაბოს.

სამანიშვილის დედინაცვალი

ბეკინა სამანიშვილი, რასაკვირველია, ღარიბი აზნაური იყო, გვერდინი ღარიბი. აბა, რა სიმდიდრეს მოასწავებდა ის ოცდაათი ურემი სიმინდი, ორმოცი ჩაფი ღვინო და ათაოდე ბათიანი ლობიო, მის პამულს რომ შემოჰქონდა და რითაც თავს ირჩენდა წლიდან-წლადის ბეკინას ოჯახში. მაგრამ ბეკინას კი თავისი თავი მდიდრებში მოჰქონდა და ვინ იქნებოდა, რომ თავის სიღარიბეზე ერთი სატყუა წამოეცდევინებინა ბეკინასთვის? როგორც იმერეთში ამბობენ, ერთობ გადაპრანჭული იყო ჩვენი ბეკინა.

როცა შინაურობაშიაც ლაპარაკს გააბამდა ბეკინა თავის გამოუღეველ სარჩოზე, ღონაერ ლუკმაზე. მისი ერთადერთი ცოლშვილიანი ვაჟიშვილი პლატონი, თუმცა ტრახახობად მიაჩნდა მოხუცებული მამის ასეთი სიტყვა, მაინც არას ეუბნებოდა საწინააღმდეგოს და მხოლოდ პირჯვრის გამოსახვით იტყოდა ხოლმე:

— ამაზედაც გმადლობ, უფალო! ამაზედაც გმადლობ, უფალო!

ამ წამოძახილით პლატონი თავის გულითად მადლობას უცხადებდა ზეციერ მამას, რომ შემცირებელი არავენ გაუჩინა მას ღარიბ ლუკმაში. თავის ცოტაზედაც კმაყოფილი, ამ თავის მცირედი-თაც ბედნეერა, იგი გულმოდგინებით ურტყამდა თოხს მიწას და ოჯახში სრული კმაყოფილება სუფევდა.

თუ რამ საწყენად ჰქონდა ამ ოჯახს, ეს იყო პლატონის ცოლის მეღანოს ხშირი შვილოსნობა. ყოველ საოჯახო საქმეში მარჯვე მეღანომ შვილოსნობაშიაც არ დააგდო თავისი სიმარჯვე და სულ მოკლე ხანში ოთხი შვილი შესძინა ოჯახს. ხშირად უხუმრია ამაზე რძლისათვის, ბეკინას და უთქვამს ღიმილით:

— შე ქალო, ზოგ საქმეში სიმარჯვე მარგებელი კი არა, მავნებელიცაა... ე შენი ქმარა შეიბრაღე. შე კარგო ქალო! — და ამასთან ბეკინა გულიანად გადიხარხარებდა ხოლმე.

— არაფერია... შიშს გულში ნუ შოუშობ... ღმერთი მოწყალეა, თავის გაჩენილს უმოწყალოდ არ დააგდებს, ვენაცვალე მის ძლიერებას, ყორიფელი მისი ნებაა. ალბათ, სურს, რომ სამანიშვილები მოამრავლოს. მასაც ქვეყნად მხოლოდ რჩეულები უნდა რომ ჰყავდეს! ხა, ხა, ხა!..

არც პლატონს ჰქონდა სასიამოვნოდ, რასაკვირველია, ბევრი შვილი, მაგრამ რას იზამდა, მხოლოდ თავს გააქნევდა, როცა მათთვის გადააელებდა ხოლმე.

ამ გარემოების გარდა სხვებზე სწორედ ბედნიერად სთვლიდნენ სამანიშვილები თავიანთ თავს. დროებამ ასე მოიტანა, რომ მათი მცირე ქონებაც კი სიმდიდრედ ითვლებოდა, და მის მქონებელს არა თუ აკმაყოფილებდა, არამედ ბედნიერად აგრძნობინებდა თავისთავს და მადლობას წარმოათქმევინებდა უფლისადმი.

რა შესაშურებელი უნდა ყოფილიყო ასე ცოტაზე დაჰყარებულ კმაყოფილება და ბედნიერება?! რა საბარბიელო უნდა ყოფილიყო კაცის მოუთხოვნელობით მოპოვებული გულის სიმშვიდე? მაგრამ ბედნიერება, რაგვარიც უნდა იყოს, ვის შერჩენია ბოლომდის, რომ სამანიშვილისას ფეხი მოედგა მკვიდროდ? ან კა რა საფიქრებელი იყო, რომ ასე ცოტათი შემოტყუებული ბედნიერება ისევ ცოტა მიზეზითვე ხელადან არ გამოეცლებოდათ, სუსტ საფუძველზე დამყარებული კმაყოფილება არ მოესპობოდათ!.. უბედურების დასაწყისად ბედმა მოუსპო დღე საწყალ მარკას, ბეკინას ცოლს.

დედის სიკვდილი თავისთავადაც მწარე იყო შველისათვის, რომ სხვაფერიც სამწუხარო არ ყოფილიყო. ბეკინა მეტად ჰარმაგი მოხუცებული იყო და ამის გამო საშიშარა იყო, უცნაურა სურვილი მეორე ცოლის შერთვისა გულში არ გავლებოდა. დედინაცვლის დანახვის შიში და დედინაცვალთან „თან-მომყოლისა“ თავზარსა სცემდა აქამდის გულდამშვიდებით მცხოვრებელ აზნაურს. აი, მაშინ იქნებოდა სწორედ „ძმა ძმისთვისო — შავი დღისთვისო“.

ცოლმაც და ქმარმაც გააორკეცეს მოხუცებული მამას პატივისცემა და მოვლა; ორავენი გაფაციცებით თავს დასტრიალებდნენ დაქვრივებულ ბეკინას და თავგამოღებით ემსახურებოდნენ, თვალში შეჰყურებდნენ, რომ ყოველ მის სურვილსა და საწადელს მისგან გამოთქმამდის მიმხვდარიყვნენ და იმწაჰსვე აესრულებინათ. ერთი სიტყვით, პლატონიც და მელანოც დღედაღამ იმის მეცადინეობაში იყვნენ, რომ მოხუცებულის გული მოეგოთ და თავიანთი თავი შეეყვარებინათ, რაც შეიძლებოდა, მეტად. ამაში კიდევაც

მიღწიეს თავის წადილს. ბეკინა დიდად აფასებდა რძალ-შვილისა-
გან ყურადღებას, მეტად მადლიერი იყო მათი და გულაჩვილებუ-
ლი, კიდევაც იტყოდა ხოლმე მათთანაც და სხვებთანაც:

— ეჰ, ერთი ჩემს მარიკასაც დასცლოდა ამისთანა ყოფნა, ამათ-
თანა ღვთისნიერი შვილების მზერა! ჰეი, ჰეი! — თან ამოიხრებდა
ხოლმე ამ სიტყვებთან ერთად ბეკინა.

ამის გამგონ ცოლ-ქმარს იმედი ეძლეოდა, რომ ბეკინა მეტად
დაშორებული უნდა ყოფილიყო რაიმე მათ საწყენ საქციელს და
ბოლოს კიდევ სრულიად გული დაამშვიდეს. მაგრამ ბეკინას ამ კმა-
ყოფილებასა და განცხრომაში, შვილებს საყვარულთან ერთად,
სხვადასხვანაირი ნატვრაც გულში ეპარებოდა და დროთა განმე-
ლობაში ეჯინებოდა... იმ სასიამოვნო მდგომარეობაში, მას რომ
ელძისა, უფრო სიამოვნებით, უფრო ტკბილად იგრძნობდა თავის-
თავს, თავისი შესაფერისი ამხანაგიც რომ ჰყოლოდა ვინმე... ასე ფიქ-
რობდა გუნებაში ბეკინა და ეს აზრი, შემდეგ სურვილად გადაქცეუ-
ლი, ბოლოს აუცილებელ წადილად გადაექცა; მის გუნებაში, ასე რომ
მოაგვაროს, ბედნიერთა უბედნიერესი კაცა იქნებოდა. მისი აზრით
ეგ მისი წადილი მის მოსიყვარულე შვილებს არც კი უნდა სწყე-
ნოდათ.

— განა ჩემს კარგად ყოფნაზე არ მეცადინებენ?! რასაკვირვე-
ლია, არ ეწყინებათ! — აჯერებდა თავისთავს ბეკინა. — ან კი რაზე
უნდა ეწყინოთ?.. ცუდი მამა ვიყავი მათთვის თუ?.. საცხოვრებელი
არა აქვთ ჩემგან ჩაბარებული თუ? სულ მათ ხომ ვერ შევწირავ
ჩემს თავს, თუმცა, ღმერთთა მოწამე, რარიგად მაგენი მე მიყვარან...
არც ეწყინებათ, არა... არ შეაძლება, რომ ეწყინოთ!.. მე რომ იმათ
ვუყვარვარ!..

ასე ფიქრობდა ბეკინა და იმით გაათავა, რომ ერთ დღეს კაცი
მიუგზავნა შვილს და გამოუცხადა თავისი სურვილი ცოლის თხო-
ვისა.

ადვილა წარმოსადგენია, რარიგად მოხვდებოდა პლატონის გულს
ამის გაგონება.

— მღუპავ, მამა? — მივიდა იგი ბეკინასთან. — მღუპავ? დანას
მიყრი ყელში?.. რატომ მიმეტებ, შენი ჰირიმე?! — ძლივს წარმოს-
თქვა პლატონმა და, ხმაჩაწყვეტილმა, უნუგეშოდ ხელები გაშალა.

— გღუპავ?! რათა, შვილო, რათა?.. შენისთანა შვილი უნდა
ღალუპოს მამამ?!

— აბა რაა?.. — და ისევ სიტყვა გაუშრა პლატონს.

— კარგი, თუ გიყვარღე. კარგი! — მხიარულად შესძახა ბეკი-

ნამ. — შე კარგო კაცო. მე ერთი პებრუხუნა მოვათრო, შენ რატონ უნდა დაიღუპო, შვილო?! რა დაგღუპავს, თუ გიყვარდე?

— შვილი გეყოლებო...

— ხა, ხა, ხა! — გადიხარხარა ბეკინამ და სიტყვა გააწყვეტინა პლატონს. — შვილი გეყოლებო... ხა, ხა, ხა!.. რაღა დროს ჩემი შვილია; შე კაცო!.. ხა, ხა, ხა!

— მამა... შენ აუ მომიკვდები, სიკვდილის მსგავს საქმეს მაპირებ!..

— ერთი შენ! დაჯინებულად ლაპარაკობ დღეს, პლატონ!.. დედაბერმა რაღა უნდა შეგაშინოს, შე გლახაკო?! ასე რატომ უნდა შეწუხდე?! ეგ შენი შიში, მამაშვილობაჰ, სრულიად უსაფუძვლოა... რამე გვენებათ კი არა, თუ დამიჯერებ, სასარგებლოც იქნება; საწყალ მელანოს ცოტა შეღავათი მაინც მიეცემა, თვარა აღარაა ქალი!.. უჭირს ერთ ადამიანს, თელი ოჯახი კისერზე აწევს!..

— ბატონო, მელანოს ჯაფას რას დევეძებ, შენ ნუ...

— რატომ რას დევეძებ?! — გააწყვეტინა სიტყვა ბეკინამ. — რატომ არ დევეძებ... ისიც შვილი არაა ჩემი?

— ბატონო, შენ სხეებრ შეგვიბრალე და ჩვენს ჯაფას ნუ კითხულობ, ნუ დარდობ... ღმერთს ჯაფისათვის ვყავართ გაჩენილი!.. — ეუბნებოდა პლატონი. — მამა, შენი ჭირამე, გადათქვი ცოლის თხოვა და რა გინდა ჩემგან!..

— ნუ ხარ ჭინიანი, შვილო!.. — შეუტია ბეკინამ. — მარტო შენს თავზე კი არ უნდა იფიქრო ადამიანმა!

პლატონს ეწყინა ეს უკანასკნელა სიტყვა მამისაგან და კუშტად უთხრა:

— ბატონო, დროც კი აღარაა შენი ცოლის თხოვის!

ბეკინამ ქორივით გადახედა შვილს და წელში გაიმართა.

— ერიპაა! — შესძახა მან, — ერიპა რა დავარდნილი მე მნახე?! თქვენისთანა ახალგაზრდებს კიდევ ერთ ათს ერთად ვაჯობებ ჭანი-თაც, სიმართელითაც, შეხედულობითაც და ვაჟკაცობითაც!.. არა, შვილო, მაგი სულ ტყვილაა, სულ ტყვილია!.. რაში შემატყვე დაძახუნება!.. კმ!.. — და ბეკინამ მარჯვენა ხელით შეიბერტყა თავისი გრძელი, გაქალაქავებული წვერი და მერე თავმოწონებით გადიგრიხა ლამაზი უღვაშები. — არა, შვილო! — მიუახლოვდა ბეკინა შვილს და მხარზე ხელი დაადო. — არა, შვილო, მაგისთანა ლაპარაკს თავი დაანებე... ღმერთმა ისე ჩემი სული შეიყვაროს, რავარც მე თქვენ მიყვარდეთ და მან იცოდეს, თუ მე თქვენთვის ცუდი რამე გულში მედოს... არც იფიქროთ, რომ ჩემგნით თქვენ, რამე დასაკლ-

სი კი არა, უბრალო წყენაც შეგხედეთ!.. მაგრამ ნურც თქვენ გაჩინდებით, შვილებო!.. ღმერთმა იციას და ყველაც ხედავს, რომ არა გიჟირთ-რა: მიწაც საკმაოდ გაქვთ, თუ სხვაზე მეტი არა. წყალიც, სახლიც, კარიც... ტყეც და ველიც!.. (ეს კი მეტა წამოსცდა ბეკინას... ტყე სრულიად არა ჰქონებია). სამწუხარო რა გაქვთ?! ღმერთი უფრო მეტ მოწყალებას მოგცემსო, უფრო გიწინამძღვრებთ, თუ მეც მომხედეთ, შემინახავთ და ჩემი უკანასკნელი დღეების გამწარებას არ ინდომებთ... რა ვქნა, შვილო, მეც კაცი ვარ. მეც ადამიანი ვარ!.. მყოლებოდა დედაშენი ცოცხალი, ჰეი, შვილო, ჩემისთანა ბედნიერი ქვეყანაზე კაცი არ იქნებოდა!.. მაგრამ რას იზამ... უფალმა ასე ინება და დღეს ნუ ამიტყდებით, ნუ აწეშლებით. თქვენ რომ კარგებხართ, სხვას, გარეშეს ნუ ათქმევინებთ, მოხუცებული მამა შეაწუხებსო... ისე მოპეჭეცით, როგორც ქე ხართ, კაი, მშობლის მოსიყვარულე შვილები... ღმერთი დაგიფასებთ და ამისათვის კიდევ დაგაჯილდოვებთ, ყოველ განსაცდელს აგარიდებთ!... კარგის — ღმერთიც კარგი მოწყალობელია, შვილო!.. ნუ მეწინააღმდეგების გარწმუნებ, პატიოსან სიტყვას გაძღვე, თქვენ არაფერი დაგიშავდეთ, არ წაგიხდეთ, ერთი ხნიერა დედაკაცი მე სახლში შემოვიყვანო... ცოტახანს ვიცხოვრებთ ტკბილად, სიამოვნებით ერთად და მერე ღმერთმა კეთილად მოგანხაროთ ეს ოჯახიც, ეს სახლიც, ეს კარიც... ყველაფერი, რაც რამ გაგვაჩნია, შვილო.

— ბატონო, შვილი რომ გეყოლოს, შვილი... მაშინ? — დაატანა პლატონმა.

— შენ დღეს კაცი ვერ გელაპარაკება, შვილო, მხარი ისთე გაქვს მოქცეული! -- წყენით უთხრა ბეკინამ... — თუ კაცის სიტყვას არ გაიგონებ, აბა რაღა მოგიხერხო?! მეტა დაჭერება მე არ შემიძლია და ღმერთმა მშვიდობა მოგცეს! ჩინიანი კაცი გარეშეც სასიამოვნო არაა, თვარა შვილი რა!

II

ვერ გადაათქმევინა პლატონმა ბეკინას მისი სურველი და ამან მეტად აუშლვრია გული. სხვაც მიუგზავნა მამას ამის თაობაზე, მაგრამ ბეკინა გაჩიურებაში ართმევდა შვილს მის საქციელს და არ იშლიდა თავის განზრახულებას. თვითონ დარწმუნებული იყო და ყველას არწმუნებდა, რომ მისგან დედაკაცს შვილი არ მიეცემოდა. რომ ღმერთი მის მოსიყვარულე შვილებს არა თუ დააკლებდა რასმე, შემატებდა კიდევ უსათუოდ. პლატონი ამ შემატებაზე ძალიან

უარს ამბობდა, ოღონდ კი თავისი, რაც ხელში ეჭირა, მტკიცედ ჰკავებოდა; მაგრამ ბეკინა თავისას იმეორებდა და შეურყეველად იღგა თავის სატყუაზე.

ერთი სიტყვით, ამ მხრივ საქმე წაგებული იყო გამოუბრუნებლად. საჭირო იყო ისეთი რამ ხერხის ხმარება, რომ ბეკინას გულის წადილის ასრულებასთან, პლატონი იმედიანად ყოფილიყო, რომ თავის მიწის ორიოდე ნაფლეთი უკლებლად შერჩენოდა და დღესაც მის გასაძღომად ძლივს საკმარისი ლუკმა ორად არ გაჰყოფოდა.

— დევილუპე... წმინდად დევილუპე! — იძახოდა პლატონი. — წმინდად დევილუპე, თუ რამე არ ვისაშველე, რამე არ ვილონე!..

გამწარებული ყმაწვილი კაცის გულში ცეცხლი ტრიალებდა, მისი ტვინი წისქვილის ბორბალივით მოუსვენრად ბრუნავდა, რომ რამე ხერხი მოეგონა, „ძმურად“ არ გაჰყოფოდა მისი „სიძლიდრე“. რომ ახლანდელ მწირ ლუკმაზე შეჩვეულ კუქს უფრო დამცირებულ ლუკმაზე შეჩვევა არ დასჭირებოდა.

— იფიქრე, ქალო, იფიქრე, ეგებ შენც მოიგონო რამე... ე ოხერი თავი აღარ მუშაობს!.. ბრუ მესხმის მხოლოდ... — გამწარებით ეტყოდა ხოლმე პლატონი ცოლს.

— შე რა უნდა მოვიგონო, რა უნდა გირჩიო?! — მოწყენით მიუგებდა ქმარს მელანო.

— რა მოვიგონო?!. ჰმ!.. სხვას რას გეიგონებს თქვენგან კაცი! — გულმოსულა წაილაპარაკებდა პლატონი და ისევ თავის ფიქრებში გაეხვეოდა გაყუჩებული.

ქართული ანდაზა: გაკირვება მაჩვენე და გაქცევას განახეებო. პლატონ სამანიშვილი ქართველი კაცი იყო და ამასთან აზნაურა.

— მამა — მივიდა რამდენიმე დღის შემდეგ იგი ბეკინასთან. — მამა, რაკა ინებე ცოლის შერთვა და აღარ იშლა, ნება შენია, აწი რალა მეთქმის... შენი ნებაა... მაგრამ ერთი სათხოვარი მაქვს და ამანე არ გამაწბილებ, იმედი... უარს არ მეტყვი!

პლატონს ეტყობოდა, რომ წინანდელ ცუდ გუნებაზე აღარ იყო.

— რა იყო, შვილო?.. ერთის მაგიერ ორი მითხარა!

— მომანდე ეგ საქმე შე... შე ამოგირჩევ ქალს!

ბეკინა გაკვირვებით მიაჩერდა შვილს.

— ღმერთმანია... მაშვალს თავი დაანებე და საშენო ქალს შე მოგინახავ! შენ ნუ მომიკვლები!

— შე კაცო, უწინ თავს იკლავდი, ნებას არ მაძლევიდი და ახლა მაშვლათაც კი მიდგები! — ღიმილით მიმართა ბეკინამ შვილს და

უნდობლად დაუწყო ცქერა. — რას მივაწეროთ ახლა ეგ, პლატონ?.. — გარცინა ბეკინამ.

— რას უნდა მიაწეროთ?

— მაინც, მაინც!.. მამაშვილობას, გამაგებიე, თუ გიყვარდი — ჩაცივებით უთხრა დაინტერესებულმა ბეკინამ.

— ბატონო, თქვენი გულის წადილი ხომ აგისრულდებათ და

— კი, მარა მაინც!.. მამაშვილობას, მითხარი! ჰაი შენს ცოლ-შვილს გაფიცებს!.. რა მოიგონე ახლა შენ?

— არაფერი, შენ არ მომიკვდი, იმისთანა, რომ შენი საწყენი იქნეს...

— ჰოი

— ქალს მოგინახავ იმისთანას, რომ არც შენი დასაწყენებელი იქნება და არც ჩემთვის საშიშარი...

— ჰო, ჰო! — აჩქარებდა გახალისებული ბეკინა. — ჰოი

— ახალგაზრდა ყმაწვილი ქალი, რასაკვირველია, შენი საქმე არაა.

— რასაკვირველია, მარა არც უკბილო დედაბერი ივარგებს, შეკაცო! — გაიცინა ბეკინამ.

— უკბილო დედაბერი ვის რად უნდა ასე, ხნიერა დედაკაცი რომ იქნეს... მარა ისეთი, არავინ დაგვიცინოს...

— ჰო, ჰო! — ეთანხმებოდა ბეკინა.

— ქვრივი...

— მაგასაც არა უჭირს რა..

— ქვრივი... ორნაქმარები!

ამ უკანასკნელ სიტყვაზე პლატონიც შეჩერდა, მამას შეხედა და ბეკინაც მიაშტერდა გაკვირვებით შვილს.

— ჰო, ორნაქმარები!.. — გაიმეორა სიტყვა გაგრძელებით პლატონმა. — რა უნდა უჭირდეს?.. შენ არ მომიკვდი, არაფერი!

— რას ცუდლუტობ, შე კა კაცო!?. — თვალი თვალში გაუყარა ბეკინამ. — რას ცუდლუტობ, ვაჟბატონო?

— შენ არ მომიკვდი, შენთან ბე არ ვცუდლუტობდე და არც გატყუებდე... შენ სრულიად წაგებული არ იქნები, დედის სული არ წამიწყდეს!.. ის კი არა, მოგებული დარჩები... მე მხედება მეტი შრომა, თვარა შენ ქვეც დამიბადლე მერე!.. ვიამება, ბატონო, ახლა რომ შენმა ცოლმა ბავშვს კვყვირილით გამოგიჰქექოს ყურები?

— ეჰ... შენ კიდევ შენსას მოჰყვები!..

— ვინ იცის, ბატონო, ვინ იცის ის არ ჯობია, რომ უფრო დაამედებულად იქნება ადამიანი?!

— ორნაქმარები დედაკაცი რაღა იმედაა?

— რა იმეღია და აი, მოგახსენებ... შენ ცოლი გინდა. მე კი მინდა, რომ მამულის გამყოფელი არ დეინახოს ჩემმა თვალებმა... თვითონ ამბობ, ყმაწვილი ქალი არ მინდაო... მოგინახვ სწორედ რაგინ ქალს, რომ ვერაჟინ დაგვცინოს, შენ ნუ მომიკვდები. ორნაქმარებს იმიტომ გეუბნები, რომ ქვრივებში ამოვარჩევ, გამოვნახავ იმისთანას, რომ ორ ქმარს ჰყოლოდეს და არც ერთთან შვილი არ მოუცემოდეს... ორივე ქმარს ხელში რომ უშვილო დარჩენილიყოს... ამისთანა დედაკაცი სწორედ საიმედო იქნება შვილის უყოლობაზე... თუ ორ ქმართან შვილი არ მიცემია, შენთან რაღა ღმერთი გაუწყრება... ამრიგად, შენც მოსვენებული იქნები, მეც იმედინად ვიქნები და ვიცხოვრებთ ისე, რავარც გვიცხოვრია... ამ ჩვენს წუთისოფელს ჩვენს წესზე ამგვარადვე გავატარებთ და ჩვენს მერმე რაც იქნება, ის ღმერთმა იცის და ჩვენმა მომავალმა.. ესაა ჩემი თხოვნა... შენ არაფერი გაკლდება და ჩემთვის კი ისეთი საქმე იქნება, თუგინდ ჩემი მამულის ნახევარი ხელახლა შემეძინოს... მაინც ამით თუ შევინარჩუნებ, თვარა სხვა რა ძალა მაქვს, რა ღონე შემეწევს? იმიტომ გთხოვ, მომანდო ეგ საქმე, მაშვალს თავი დანებო... შრომა მე შემხვდება, მართალია, მარა რაღა დევერიდები? უხეირო ქალს არ შემოვიყვან ოჯახში, ამაში პატიოსან სიტყვას გაძღვე!

ბეკინამ აცალა შვილს ეთქვა თავისი სათქმელი და ყურადღებოთ მოისმინა მისი სიტყვა. მას ჯახლა კიდევაც ეცინებოდა პლატონის ნალაპარაკებზე და უკვირდა, ეს რა მოიგონა ამ კაცმაო. შვილის თხოვნაზე კიდევაც თანახმა გახდა ბოლოს, თუმცა ესეც კი დაატანა:

— ნება შენი იყოს, პლატონ ჩემო, მაგრამ ახლა შენ მიჩქარი სიკვდილს, შვილო, და ეს არის! — სიცალით უთხრა მან.

— რავა, ბატონო?

— ი წყუელმა მეც რომ გამაყოლოს წინანდლებს, რას მიპირებ მაშინ? ა?... ხა, ხა, ხა! ავა სანდობია მაგისთანა მთვარეზე დაბადებული დედაკაცი!..

— შენისთანა ღონიერ ადამიანს ის ვერაფერს გიზამს. შენ არ მომიკვდე!..

— კარგი, კარგი, შვილო! — იამა ბეკინას შვილის სიტყვა. — კარგაა, შვილო... ასე ქენი, მარა საქმეს შორს ნუ გადადებ, თვარა...

— არა, ბატონო, ამ დღებშივე შეეუდგები... რაღაზე გავაჟიანურო... საქნარი მოლეული ჯობია!..

— ჰო, ჰო, რასაკვირველია, რასაკვირველია!.. მარა გახსოვდეს, შვილო, უხეირო ვინმეს არ შემეყარო... თორემ სირცხვილს გაჰმევე-

პლატონ, მიგატოვებ ქალს და სხვას მე თვითონ ამოვიჩრჩევს.. მამა-
შვილობას გეფიცები! — ღამილით უთხრა ბეკინამ.

— ბატონო, მაგ რა საკადრისია რატომ ეიზამ მაგ საქმეს?.. —
მიუგო პლატონმა. — ამაზე მეტად არ გჯერათ ჩემი?!

— ჰო და აბა ჰე!.. აბა ჰე!.. აწი შენ იცი, მე თანახმა ვარ...
ოღონდ არ დააგვიანო, ესეც გახსოვდეს!.. მეტ რაღას მომთხოვ კი-
ღვე, შეილო, — ყველაფერი შენს ნებაზედაა და ეგ არის!.. აწი მაინც
ვერაფერში მისაყვედურებ, შეილო!

სასაყვედურო კი ჰქონდა პლატონს, მაგრამ რა გამოვიდოდა მას-
ზე სიტყვის განახლებით? ისიც კარგი იყო მხსთვას, რომ მამა ამ
უქანასკნელ თხოვნაზე დაიყოლია და ამით იმედი ეძლეოდა, გან-
საცდელი თავიდან აეცილებინა. ახლა საჭირო იყო მხოლოდ ნაფიქ-
რი საქმის ასრულება; საჭირო იყო მოენახა მისი მხსნელი ორნაქ-
მარევი, უშვილო ქალი, რომ ქმრებთან სამ-სამი წელსწადი მაინც
ნაყოფი ყოფილიყო, რომ არც ბებერი ყოფილიყო მაინცდამაინც
და არც მახინჯი; განსაკუთრებით უშვილობაზე საიმედო ყოფილიყო.

საქმე არც ისე ადვილი იყო, რომ უცბად თავი მოპმოდა და
ამიტომაც პლატონი იმდღესვე შეუდგა მას, რა დღესაც მამამისმა
ამაზე მზრუნველობის ნება ღართო. წყალწაღებული ხავსს ეჭიდე-
ბოდაო, ასე იყო პლატონის საქმეც.

ღატრიალდნენ ორივე ცოლ-ქმარი. დღედაღამ მხოლოდ იმით
იყვნენ გართულნი, რომ ეგებ თავიანთ ნაცნობებში მოეგონათ რო-
მელიმე უშვილო ქვრივი დედაკაცი, მათი სასურველი, მათთვის სა-
ნატრელი, სადღეინაცვლოდ გამოსადეგი არსება.

— არქიპო ქვაშავაძის ნაცოლები... უშვილო არ იყო?! გათხოვ-
და მერე... ქმარსაც ბარე ხუთი წელსწადი ჰყავდა... ნეტავი თუ
ცოცხალი ჰყავს ის მგორე ქმარი?.. ა, არ იცი, მელანო?

— რაჲა არა... მარა იმას, შე კაცო, პირველი ქმრის ხელშიაც კი
ჰყავდა ერთი შვილი!.. — მიუგო მელანომ.

— შვილი სად ჰყავდა? შენ არ მომიკვდე! ნატალიას შვილი სად
ჰყოლია?

— ჰყავდა, შვილებს გეფიცები... შენ ნუ მომიკვდები გავწყუდე-
ბა, თვარა შვილი რაჲა არ ჰყავდა... დიდხანს კი იყო უშვილო!

— ოჰ, აბა ეგ მახსოვდა მე!.. და გაჩუმებული პლატონი ახლა
სხვებს იგონებდა და იხსენებდა.

— გოჯასპირ ხასიშვილის ნაცოლები? საწირეთელი ხასიშვილის!
კი იცნობ შენ იმას. ჰო, ჰოი ის, მგონია, ასე მაგონდება, ვითომც
ხასიშვილმა ქვრივი ითხოვა... უშვილო იყო მაშინაც!..

— აჰ! გოჯასპირ ხასიშვილმა ქერივი კი არ შეირთო, შე კაცო... დედ-მამის სახლიდან წეიყვანა და ქერივად მას დარჩა... უშვილოა კი... მარა რაი, ჩვენთვის ის არაფერი გამოსადეგია: ერთ ქმრის ნაყოლია, — წუწუნით გაათავა სიტყვა მელანომ.

ბევრს ეწვალნენ ამრიგად ცოლიც და ქმარიც. მაგრამ შესაფერი ვერ გამოიხატეს.

— ჩემ დასთან წავალ... ეგებ დარკომ მიმასწავლოს სადმე და ქეც ამომარჩევიოს... ა, რას იტყვი, მელანო? — დაეკითხა პლატონი ცოლს, რაკი ხედავდა, რომ მისი მეცადანეობით არაფერი გამოდიოდა.

— ძალიან კარგს იხამი.. ღმერთმანოი.. — მიუგო მელანომ. — ძალიან კარგს იხამი.. უნდა მიიკითხ-მოიკითხო, აბა რაღა ექნება!

— წავალ... ხვალვე წავალი — ამოიხრა პლატონმა. — ეგებ ცხენი გამოვართვა ვისმე და წავალ... თუ დევიგვიანე, მაგ დალოცვილი მე აღარც კი მომიცდის და თავისას იხამს!.. ჰეი, ჰეი — ნაღვლიანად წამოიძახა მან და მეზობლებში წავიდა ცხენის სათხოვრად.

III

დილა იყო აღრიანი, მეორე დღეს რომ პლატონმა ძალზე გამხდარი, ზურგდაშევებული ცხენი გადმოიყვანა ეზოში, მიაბა სამზარეულო სახლის გვერდით მდგარ კვინცხასთან და კმაზა დაუწყო.

— ამაზე შეჯდომა რაფა შეგიძლია! — უთხრა მელანომ.

პლატონმა რომ ცხენს უნაგირი შეადგა, ცხენმა სულ კანკალი დაიწყო.

— აბა, ფეხით ვის მივადგე, შე ქალო?!

— კი, მარა სულ არ მოგჯება ამ საცოდავს ზურგი?

— ფეხ-ფეხა მიყვები, ბატონო, ფეხ-ფეხა მიყვები!.. სირცხვილისათვის მიმყავს, თვარა რა.. შენ ეგ მოსართავი მომეცი და ამის ჯავრი ნუ გაქვს!..

— აი, ამოგივარდა პატრონი — მიაძახა პლატონმა, მოსართავს რომ ხელი მოჰკიდა. — მეიტა, მელანო, ჩხანკი იქნება რამე... ენა არ ქონებია აბზინდს... მეიტა მალე, თუ ქალი ხარ!

დაამაგრა მოსართავი ჩხინკით პლატონმა, დაიხურა ქუდი, გადიგლო ბეჭებზე ყაბალახი, მოხსნა თავისი თეძოვებამობუსკული რაში და თითქმის წაათრია უგულოდ მიმყოლი ცხენი ჰიშკრისკენ.

სწორედ ამავე დროს აივანზე გამოვიდა ახალუხის ამარა ბეკინაც და, რა დაინახა მიმავალი შვილი, გადასძახა:

— მიხვალ, პლატონ?

— მიდივარ, ბატონო, მივდივარ... რა ვარც მხედავთ! — მიუგო პლატონმა.

— აბა, ჰე, შენ იცი.. ღმერთმა კეთილად გამგზავროს! — მიატანა სიტყვა ბეკინამ.

პლატონმა გადაიარა ეზო, გავიდა კიშკარში და მალე, ორღობეში მიმავალი, გზის აქეთ-იქით მიმყოლ ხეებში მიიმალა.

— ე ბედაური ვის გამოარაუვა, მელანო ჩემო? — მიმართა ბეკინამ კიშკარიდან უკან გამობრუნებულ რძალს.

— პავლია ღომიაშვილს, ბატონო!

— არ დოუვარდეს გზაში, შე ქალო! — გაიცანა მოხუცებულმა.

— სხვის შესახედავად წეიყვანა, ბატონო... სასირცხვილ-სანამუხლოდ, თვარა სხვებზე რას არგია!

— არაფერია... არაფერია... პლატონი მარჯვე კაცია... მოხერბებულია, იმას არაფერი გოუჭირდება! — ჩაიცინა ბეკინამ და იქით დაიწყო ცქერა, საითაც ის იყო პლატონი გზას დაადგა.

გულჯავრიანი პლატონი ერთხანად გაუძღვა თავის განრეკილ ცხენს, მაგრამ ბოლოს მოთმინება დაეკარგა განუწყვეტლად აღვირის ქაჩვითა და შეძახებით.

— შენც ჯინაზე მიდგები, შე ოხერო? — გააჩერა მან ცხენი და გულმოსული მოაჯდა ზურგზე, გადაჰკრა წვეპლა და ფერდებგამობზეკილი ცხენი აძუნძულდა. — შენ მაინც მოგერევი, სხვასთან თუ ვერაფერი გვაწყვე!.. კადევ დამადგები ჯინაზე?! — და მან შეუბრალებლად გადუქირა და გადუქირა წენელი, მაგრამ პლატონის გასაჯავრებლად და თითქოს მისი დაქადნების გასამტყუნებლად ამ განრეკილმა პირუტყვმა მალე იძულებული გაჰხადა მხედარი ხელახლა ჩამოეჭვეითებინა. ამგვარის დაჯახებით ყველასაგან გულდამწვარმა პლატონმა გაიგდო წინ ეს განრეკილი პირუტყვი და, უკან ფხვდაფხვ მიმყოლი, გრძელი წეპლის ცემით მიერეკებოდა ჯახრაც ცხენს.

ნახევარზე მეტი გზა გაიარა პლატონმა თავისუფლად ისე, რომ მიმავალ-მომავალი კაცი არ შეხვედრია; ასე თავისუფლად მიმავალი იგი თავის ფიქრებში იყო გართული, თავის მგზავრობის აზრის აღსრულებით იყო გაბრუნებული. უეცრივ ცხენის ფეხის ხმა მოესმა პლატონს; მიიხედა უკან და უკმაყოფილებით პირი ისევ გამოიბრუნა, — ვიდაც ხანში შესული კაცი მოათოხარიკებდა მაღალ ცხენს.

— ჰეი, თქვენი, თქვენი.. — თავისთვის წაიდუღუნა პლატონ-

მა. მას ახლა ყოველი მოხუცებული კაცის დანახვა ეჭავრებოდა თავის მამის გამო.

— გამარჯობა, ყმაწვილო — შესძახა წამოწეულმა ცხენოსანმა.

— ღმერთმა გაგიმარჯოთ, ბატონო — მიუგო პლატონმა და დარცხვენით შეაჩერა თავისი ცხენი.

პლატონმა ახლა იცნო, ვინც იყო ეს ჩასუქებული, წვერებმოპარსული, კაზიროკ-ქუდიანი, ქოლგით იღლიის ქვეშ, წითური სახის კაცი და იმიტომაც დაატანა თავის პასუხს: „ბატონო“; იგი იყო იმ კუთხეში ცნობილი, სახელის მქონე აზნაური ივანე გვერდევანიძე, სოფლის ადვოკატი.

— სად მიხვალთ, ყმაწვილო? — შეეკითხა გვერდევანიძე პლატონს.

— აგერ ვიხლებით, ბატონო, მალაშენში — და პლატონი შეჯდა ცხენზე.

— კაი დაგემართოთ აბა მგზავრები ვყოფილვართ ამ ერთ ხანაში..

ეწყინა ეს პლატონს. ათასწილად ერჩია მარტოდ. თავისუფლად მგზავრობა, მაგრამ ახლა მეტი გზა აღარ ჰქონდა, ხათრს სომ არ გაუტეხავდა ამ მოსახათრებელ კაცს, უნდა ერბენინა თავისი გაძეალტყავებული ცხენი გვერდევანიძის თონჯარიკთან.

— რა ხანია მოვდივარ და ერთი კაცი არ შემხვთომია, რომ ხმა გაშეცა ვისთვისმე... მოვდივარ ასე მუნჯად! — თქვა გვერდევანიძემ.

— სად ბრძანებულხართ აქეთ, ბატონო? — რომ ხმა ამოეღო, შეეკითხა პლატონი.

— ქვედურეთში ვიყავი... ბრეგაძეები არიან, აზნოუშვილები... შენი მტერი იქნა დამსალი და დაგლახაკავებულნი, ისინი დამსილი არაან... და, რაეარც იცით, ახლანდელი ჩენი აზნოუშვილების ამბავი, გაყოფა უნდათ, მაგრამ გასაყოფი რომ აღარათფერიას ერთა მეორეს წაგლეჯაზეა გამაცადინებული, რამე ხერხით უნდა მეტი რამ ირგოს, ერთმანეთს აღარათფერს ანებებენ და ჰიჰყინობენ, დავიღარაბობენ, ჩხუბობენ დილიდან საღამომდინ, ჰკლავენ ერთმანეთს...

— ცუდი დრო მოვიდა, ბატონო, ერთობ ცუდი დრო.. ხალხიც მომრავლდა... ჩხუბით თუ გაიწმინდება ცოტაზე მაინც ქვეყანა, თვარა... მაგრამ ეგ თქვენ. უკეთ მოგეხსენებათ, რასაკვირველია! — შენიშნა თავის მხრივ პლატონმა.

— შეიძლება, შეიძლება! — დაატანა გვერდევანიძემ. — ჰო და იმას ვამბობდი, ამ ბრეგაძეებმა მთხოვეს მათში ჩამოვვარდნილიყავი და რამე რიგად გამერიგებინა ისინი... ხელის მოსაკიდებელი საქმე

არაა, არც გავერევიდი, მართალი გითხრა, ნამეტანი შეუსვენელი და დაუჭერებელი ხალხია, მაგრამ უარი ვეღარ ვუთხარი, უფრო იმიტომ, რომ ჩემი ნათესავი ქალია იმ ოჯახში... დედინაცვალია ამ ბრეგაძეების და მათ ჩხუბში და უწესრიგობაში საწყალი ქვრივი დედაკაციც ნამეტანი შევიწროვებაში ჰყავთ... სიცოცხლე გოუმწარეს უბედურს!..

— თუ შეილი ჰყავდა მინც ამ დედინაცვლობაში? — წამოსცდა პლატონს სრულიად უნებურად.

— აჰ! შეილი არც უწინდელ ქმრის ხელში ყოლია და არც ამ მეორე ქმრის ხელში უბედური, უშვილო, ერთი საწყალი დედაკაცია. იმბტომაც უფრო მებრალება... გერები ოუტყდნენ, იი ისე. როგორც იცი ღარიბი ოჯახის ამბავი... დედინაცვლის შენახვა კი არა, თავისი თავი ძლივს გამოაქვთ წლიდან-წლამდინს!.. მამის ხელში ქე იყო ისე ერთგვარი ოჯახი და ახლა სამად გასაყოფი რომ შეიქმნა, ამ დედინაცვლსაც თავისა წილი საქვრივო გამოსაყოფი შეექმნა, — არც ერთს აღარაფერი ურჩება და, რასაკვირველია, კიჭყინობენ, ერთმანეთს ედავებოან, ერთიმეორეს ხელიდან გლეჯენ, თუ რამ ხელში ხედათ...

ასე ლაპარაკობდა გვერდევანიძე, მაგრამ მისი სიტყვები პლატონას ერთ ყურში რომ შედიოდა, მეორე ყურში გადიოდა; მძაი ყურადღება სრულიად იმან დაიპყრო, რაც ამ კაცისაგან იმ ქვრივ-გაწვალებულ დედინაცვალზე გააგონა. ეს სწორედ ძვირფასი რან გასაგონი გაიგონა პლატონმა.

— ქვედურეთში... ბრეგაძეებისას! — იმეორებდა პლატონი, თითქოს ეშინოდა არ დაეიწყებოდა უშვილო დედაკაცი. — არც პირველი ქმრის ხელში ყოლია შეილიო, არც მეორის ხელში! რომელია ბრეგაძეა ნეტავი?

ამ მოულოდნელად გასახარელი ამბის გაგებით აფრენილ პლატონს ერთმა ისეთმა სურვილმა წამოუარა — უფრო დაწვრილებით გამოეკითხა ყოველივე გარემოება ნახსენები უშვილო ქვრივისა, — რომ კინაღამ ის იყო კიდევაც გააბა ლაპარაკი, მაგრამ დროზე გონს მოვიდა, დროზე მიხვდა ამის უადგილობას და ენა ჩაიკვნითა. აჰ კაცთან ისე ვაგლახალ ლაპარაკი საფრთხილო იყო, მინა აზრით. გვერდევანიძეს შეეძლო ერთ უხერხულად დაცდენილ სიტყვაზე მიხვდომოდა, რაც გუნებაში ედვა და ამიტომ პლატონი ამხანად დაკმაყოფილდა გაგონილით. ჩაიმარხა გულში მისი სიტყვა და თავმოძულებით მიაჩინდრიკებდა ენაგადმოგდებულ ცხენს. სქენად გა-

დაქცეულია. ეგებ ამ დალოცვილ კაცს კიდევ დასცდენოდა მისთვის გამოსადეგი რამ სიტყვა.

— ასე კარგია ჭკვიანი კაცის ორიოდ სიტყვაც! — გუნებაში ხალისიანად ამბობდა ძუნძულით მიმყოლი პლატონი. — ყოველთვის სასარგებლო რამეს გვიგონებ, მიხვდები!..

გვერდევანიძე კი თავის სიტყვას განაგრძობდა:

— ასეთია, ჩემო ბიძა, ეს ჩვენი მდგომარეობა და რას იზან! გაჭირვების დრო შემოგვესწრო და მეცადინეობა გვჭირია, ძალიან გაფრთხილება გეშარტებს ამ გაჭირვებასთან. ი დალოცვილი ღმერთიც თავის მოწყალებას ჩვენზე ძველებური წესით გვიცხადებს: ხალხს ამრავლებს, ყოველ ოჯახს შვილებით ავსებს... მაღლიანს თითო ოროლა შვილი ღვებო, ამით მაგიერათ სარჩო მიემატებია, ის არ აჯობებდა, შენი ჭირიშე? ა? — გაიცინა მან.

— შაინც, შაინც, ბატონო... ნამდვილი სიტყვა გახლავსთ, რასაც ბრძანებთ! — ამოიოხრა პლატონმა. — მართალი ბრძანებაა!.. თქვენისთანა კაცს რა უჭირს და ჩვენს ამბავს კაცი ნულარ კითხულობს. ბატონო, თვარა თქვენ ჩემზე უკეთ მოგეხსენებათ!.. ნამეტან უსაშუალობაში ვართ ჩავარდნილი და გასაკვირველია, რომ კიდევ ასე ხალისიანათ ვართ, არაფრად ვაგდებთ ყველაფერს, არხეინად ვართ და იმას კი აღარა ვფიქრობთ, თუ რა მოგველის წინ... რას გვიპრობს მამა ზეციერი!.. მარა თავს თუ არ მივექაღეთ, გული თუ არ შევიმაგრეთ, სულ წავსდებით, ბატონო, სულ ერთიანად და ის იქნება! — მკვერმეტყველობამ გაიტაცა პლატონიც თავის ენაწყლიანი მოსაუბრის შემყურე.

ტკბილად მიმუსაიფობდნენ ჩვენი მგზავრები და ამ ლაპარაკში პლატონისათვის დროც შეუმჩნევლად გადიოდა და გზაც ერთობ მოკლდებოდა. კიდევ დიდი სიამოვნებით ივლიდა ამ კაცთან იგი, რომ უცერად თავისი გადასახვევი გზა არ დაენახა. პლატონმა შეაჩერა ცხენი და თავდაბლად მიმართა გვერდევანიძეს:

— მშვიდობით ბრძანდებოდეთ, ბატონო!

— ოჰ! აჭეთ მიდის თქვენი გზა?

— დაახ, ბატონო!.. ნურას უკაცრავად... გვახლებოდით ერთ ხანს კიდევ, რომ საჭირო საქმე არ მქონდეს სწორედ... —

— რატომ, რატომ, შე კაცო!.. იცოცხლეთ, აწი მეც მალე მივილ სახლში... მშვიდობით!

— მშვიდობით ბრძანდებოდეთ! ისე ფეხს რავა მოუკრავს ადამიანს ღმერთი, რომ არავინ შეგხვდეთ კიდევ! — საამებლად გაა-

ყოლა გვერდევანიძეს სიტყვა პლატონმა და მერე თავის გზაზე გა-
ლაუხვია.

— ასე კარგია კიი კაცის შეხვთომია — ამბობდა გუნებაში პლა-
ტონი. — პა, ქვედურეთში, ბრეგაძეებისას... სამი ძმა ყოფილა... გა-
მოვიკითხა და, თუ რიგიანი ვანმეა... გვერდევანიძის ნათესავია, მარა
ეგებ ვინმე ოხერი გვარაშვილის იყვენ... ყველაფერს გევიგებ... ეს
ხომ გულში მეყოლება, თუ დარიკომ სხვასთან ვინათანმე არ მიმას-
წავლა... გევიგებ ამბავს და, თუ ღეთის რისხვა არაა, კიდევაც ვა-
ვათავებ საჭმეს... კი, კი, ასე ვინამ, ასე ვინამ — ხმაძალა წამოი-
ძახა პლატონმა და ამ წამოძახებასთან — ალბათ, პირუტყვემა სხვა
რამ იფიქრა — ცხენიც ვაჩერდა. პლატონმა ერთი-ორი „აჩუტ“ მია-
ძახა, ქუსლიც შემოარტყა ფერდის ძვლებზე, წკებლაც გაღუქპარა.
მაგრამ ცხენი ისევ იმავე ადგილას იდგა, ფეხსაც არ იცვლიდა.

პლატონი იძულებული შეიჭმნა ჩამომხტარიყო. დანახა მჭელა-
ვი, არაქათამოღვდლა, ერთიანად გაოფლიანებული ცხენი, რომელ-
საც აბურძგენილი ბალანი საცოდავ შეზღუდულებას აძლევდა და მსგ-
დარმა თავში ზღლი წემოიყრა:

— ეს მუდრეგი რაღა მოსახმარი იქნება აწი? სულ ერთიანად
გაღატყავლი ექნება ამ უპატრონოს ზურგით... აჩუ! — მიაძახა გულ-
მოსეღმა და თან წოხიც გადაჰკრა.

შედაცამოციებული ცხენი მისუსტებული, ამიგძივებული ნა-
ბი, ერთ აბოლიდა ქვებიან ზრგზე და რაც შეეძლო, რაც ღონე ჰქონ-
და პერანული, მიჩანსალებდა და ცდილობდა, უკან ჩამოეტოვებინა
თავისი ჩამოჭევიანებული მხედარი, რომ მტკივნა ზურგზე არ შეს-
კუბებოდა ზღასლად. რამდენსამე მანძილზე კიდევაც აფსრულდა
წადილი გასაპირში ჩაეარნოლ პირუტყვეს, მაგრამ პოლოს პლატონს
მანც დაეწია, გაჩერა და მარდად მოახტა ზურგზე. ამ კაცმა თავის
თავმოყვარეობას დაცვა ამჯობინა მის შებრალებას და სიმის კიშ-
კრამლის ამხედრებული მივიდა.

აქ პლატონი ჩამოხტა ცხენიდან, გააღო კიშკარი და ეზოში შე-
ვიდა.

IV

ეზოს კარებში ყმაწვილი ქალი გულზე ახუტებული ბავშვით
თავზე ადგა ეღებს, რომელიც პოსტანს რაგვადდა. ქალი მობრუნდა,
რაც ეღებსმა ანიშნა სტუპრის ეზოში შემოსვლა, მიაჩერდა მის და,
რა იცნო თავისი ძმა პლატონი, უცნაუ ჩამოხტა მიწაზე ბავშვი,

გაისწორა თავსაფარი და ერთის ძახილით, სიხარულით აფრენილი გამოეჯანა ძმისკენ. ბავშვმა შექნა ღრიალი, აბლაღდა მეორე იქვე მყოფი უფროსი გოგოც, მაგრამ დარიკოს მათი აღარაფერი ეყურებოდა.

— შენი ჰირიმე... შენ დაგენაცვლოს შენი და დარიკო.. რა დღე გამითენდა ეს?.. უიმე, უიმე!.. — მოქაქანობდა დარიკო და და-ძმა მსურვალედ გადაეხვივნენ ერთმანეთს.

— მობრძანდი, შენი ჰირიმე!.. მობრძანდი! — მიუძღოდა აფუსფუსებული დარიკო ძმას სახლისაკენ. — მალაქია!.. მალაქია!.. ჩემო მალაქია, გადადექი და მანდღედან კირილეს მიაძახე... შენი ჰირიმე... თავი დაანებე მაგას!..

გლებმა მატოვია სამუშაო, გაიქცა წინ და რაც ხმა ჰქონდა, დაიწყო ყვირილი:

— კირილე... ბატონო კირილე!.. კირილე, უ — უ!..

— რაზე აბრუნებ, დარიკო ჩემო! წავიდეს!.. — უთხრა პლატონმა დას.

— ეს-ესაა ცხენზე შეჯდა, რაღაცა საქმე მაქვსო და წავიდა, გამიქრა ხელიდან... ვერ დავამაგრე სახლში... დაყანყალობს ასე ტყუილუბრალოდ!.. რა მოეუხერხო, აღარ ვიცი... გამიჭირდა საქმე!..

ბავშვები კი ისევ ღრიალებდნენ ბოსტანთან; ერთი მიწაზე ფართხალებდა და გოჭივით ჭყვიროდა.

— გოგო, ნინოია!.. წადი, გოგო, ბავშვებს მიხედე... გააჩუმე გასაწყვეტლები — სახლში შეიძახა დარიკომ და რიკულებთან გაყოლებულ ფიცარზე მჯდარ პლატონთან თვითონაც ჩამოჯდა. მალაქია კი ისევ თავმოძულებით უყვიროდა კირილეს.

— რას შეგებით, ძმაო, ხომ კარგად ხართ? — წუწუნით იკითხა დარიკომ.

— მადლობელი ვარ... ვართ ისე, რავარც იცი... — მიუგო პლატონმა.

— ჩემი რძალი ხომ კარგათაა, შენი ჰირიმე?.. ბავშვები?..

— არიან, ღვთის მადლოთ...

— მამა?.. ვაი მისი გაძალღებული სიცოცხლე! — ამოიხვნეშა დარიკომ. — რა ვქნა, ძმაო, ვეღარ მივხედე მე უბედურმა ამ გაჭირვების, გამწარების ხანს... რა ვქნა მარტოდ ვწრიალობ ამ ოჯახში, ერთი საათით ვერ მიმიტოვებია... ვისზე დავტოვო, შენი ჰირიმე?.. და ამასობაში, ვეღარც მე გნახეთ და თქვენგანაც დავიწყებულა შევიქნენი, ძმაო!.. წუხს კიდევ უბედური? ან კი რა გაახარებს მის

გულს, დედიჩემის დამკარგველს.. ხომ არ ავადმყოფობს მაინც, შენ დაგენაცვლე?

— ავადმყოფობას რა უნდა მასთან?.. ავად კი არა... კვი.. — გაიფრუტუნა პლატონმა.

— ჩემი მომდღურავე კი იქნება და მემართლება კიდევაც. — ისევ ამოიოხრა დარიკომ.

— ტყვილა წუხარ მაგას, ჩემო დარიკო... ჩვენ აღარავის ვახსოვართ, ჩემო დაო!

დარიკომ გაკვირვებული სახის მეტყველებით გადახედა ძმას. მისი სიტყვა მეტად ეუცნაურა და ვერ მიუხვდა, რას ნიშნავდა იგი.

— მამაშენი რომ მწუხარეა, ისე ყოველი ჩვენი კეთილი შეაწუხოს ღმერთმა!.. რას ამბობ, მწუხარე კი არა, საქორწილოდ ვმზადება ის კაცი! — გაიცინა პლატონმა.

— რა ხუმრობა იცი, პლატონ! — იწყინა დარიკომ.

... შენ არ მომკვდე, არ გეხუმრებოდე!..

დარიკო გაშტერდა.

— იმას აღარც დედაშენი ახსოვს, აღარც მეკლარი და აღარც ცოცხალი ვინმე!..

— პლატონ, პლატონ! ძმაო!..

— აგერ ნახავი.. საქმე გადაწყვეტილია!

— რა არი ახლა, პლატონ? გადავირევი ეს არის!.. ტყვილია... ძლიერს სიტყვას ამბობდა შეწუხებული ქალი, რომელსაც ხუმრობა ეგონა ძმის ნათქვამი.

— ცოლ-შვილს გეფიცები!.. ქალს თხოულობს... რა მეხუმრება, კაცი გულზე ესკდება!

— უიმე, უიმე! — იყვირა დარიკომ და გამწარებული ლოყაზე ხელს ირტყამდა. — უიმე! უიმე!.. ეს რა გეიგონა ჩემმა ყურებმა!..

— რა გაეწყობა! — ამოიოხრა პლატონმა.

— ასე მალე დასავეწყებელი ქალი იყო საწყალი ღედაჩემი?.. ღმერთო, მომკალი... ღმერთო, მომკალის რატომ მიაწია მაგ უბედურმა ამ დღემდის, მაგისთანა საქმეს რომ შევბა?!. ვინ უნდა შემოათრიოს დედიჩემის მაგიერ მაგ ჰკუადაკარგულმა, ვინ? — მოთქმით ამბობდა დარიკო.

უკანასკნელი მისი სიტყვა პლატონს აღარ გაუგონია და პასუხი არ მიუცია მასზე, იმით რომ ეზოში შემოჭირითდა თავისი ლამაზი, წაბლისფერი ცხენით კირილე და ერთი ყიფინით მიმართა ცოლისძმას:

— პლატონს, პლატონს ვახლავართ!.. პლატონს ვახლავართ! და-

რიკო, კედელს ნახშირი, ნახშირი კედელს!.. ასე უნდა, შე პატიო-სანო კაცო, მოყვრის მივიწყება?.. აი, შენ კი რა გითხრა.. შემოსა-შვები ხარ სახლში? ძალიანაც შემცდარა ეგ შენი დაია, თვარა მე რომ ვყოფილიყავი, არაფრის გულისათვის არ შემოგიშვებდი, ფეხ-საც არ შემოგადგმევიინებდი ხა, ხა, ხა!.. — და მაღალი ტანის კოხ-ტად ჩაცმული შნოიანი ახალგაზრდა კაცი გრძნობით მიეგება თავის-ცოლისძმას.

— რავა მშვიდობით, პლატონ ჩემო?

— მადლობელი გახლავართ... ვართ ისე...

— ჩემი სიმაჟრა როგორ არი... ჩემი ძვირფასი ბეკინა? ხომ ყო-ჩალათაა კიდევ?

— სხვაგან რომ დაყილობ, იქაც მივიდოდი, ვნახავდი და სა-კითხავი აღარ გექნებოდა — უთხრა მოწყუნით დარაკომ ქმარს.

— მიესულიყავი!.. სადაც მგლოვიარობაა, იქ რა მიმწყევანსი მა-ინც რომ აღარაფერი გეშველათ, თქვე დალოცვილებო — მიუბრუნ-და კირილე ცოლისძმას. — გაგიგონია ამდენს ხანს მგლოვიარობა?

— შენ არ იცი, თვარა კაი ხანია გათავებული გვაქვს, — მიუგო-ლიმილით პლატონმა.

— ქეიფის მუტა რომ არაფერი გაგონდება, ნეტავი შენ, შე უბე-დურო! — წაულაპარაკა დარიკომ.

— ჩვენ გახლავარ მიმინაშვილები! — წამოიძახა კირილემ და წამოიჭიმა ფეხზე ამდგარი. — მიმინოს შვილები... მიმინოს!.. ჩვენ-თან რა უნდა მწუხარებას... ჩვენს თავს არავის არ დავატყვევებ-ნებთ... გვაროვნობით ვართ ასე... სადაც სიამეა და მოლხენა, იქ ჩვენც ვართ, ასე მოგედგამს გვაროვნობით!.. აბა, შენი ჰირიშე, ორიო-დე დღე ვიცოცხლო, გული მწუხარებით ვეივსო, მოლხენა დავა-ლო და ისე წავაყრევირო ზედ მიწა? შენც არ მომიკედე... მა-გაზე მეტი სისულელე იქნება? კაცი მუდამ მხიარული უნდა იყვნ და სხვასაც იამება შენი შეხედვა! აბა, ასე უნდა, შენ რომ ხარ? ძმა მოგივიდა და ასე მოწყენილი ხარ, არა გრცბენია? — და კირილემ გულიანად გადინარხარა. — მართლა, რანაირი ხარ, დარიკო ჩემო... შე ქალო, ძმის მოსვლა გეწყინა თუ?

— რა ცუდი ამბავი მოკუტანე მერე! — ლიმილით თქვა პლა-ტონმა და დარიკოს გადახედა.

— კო!

— ქორწილში პატრონა...

— არიქა, მიწეღე, პლატონი ვინ, ვინ, თუ ლმერთი ვწამს?

— მამა მაგისი!

— აჲ.. მამა მაგისი?

— ჰო, ქალს თხოულობს შენი სიმაგრი და შენ იცი, კირილე, რავე მოუღებენ!

— ხუმრობ თუ პართალს ამბობ, პლატონ? — გაკვირვებით შეეკითხა კირილე.

— შენ ნუ მოჰიკვდებო. მართალს ვამბობ.

— ხა, ხა, ხა, ხა, — გაღიხარხარა კირილემ. — ხა, ხა, ხა, ხა!.. აი და ბეკინა!.. აი და შენი ჰირიმე!.. შენ გენაცვალე შენს ლამაზ წვერებში ხა, ხა, ხა! შერცხვენიალი ვიყვე, თუ სანაქვზოდ არ მოვუღბინო... შერცხვენილი ვიყვე!.. იმისთანა მაყრულით მივეყვები, რომ აქოურობას გაგაყრუებ, ტყე და ველს შევძრავ!.. როდისთვის აპირობთ, ა, როდისთვის?

— ჯერ, შე კაცო, ქალაი მოსანახი!

— ქალის მეტი რაა დედამიწაზე!.. რაღას აგვიანებთ?.. მაშვალი ვინა გყავთ?

— მე ვარი — მიუგო პლატონმა.

კირილე ერთა შეჩერდა და მტრე გაღიხარხარა თავისი რისიანი სიცილით.

— შენ ხარ მაშვალი? თუ ძმა ხარი ხა, ხა, ხა!

— მე ვარ, მე, ჩემო იმარ. რას იზამი კაცი სიკვდილანდის ყველაფერს უნდა მოელოდეს, თუ სიქაჩლესო... ანდაზებიც კი დამავიწყდა ამ უცნოურობაში...

— შენ რავე მაშვლობ მერე? შენს საწინააღმდეგო საქმეში უწყობ ხელს?

— აბა, რა უნდა გნა, მეტი გნა რომ არ გექნება, ჩემო საყვარელო ძმარო? ბევრი ვებეწე. ბევრი ვეწინააღმდეგე. მარა არაფერი გამეწყო. ვერაფერი შევასმინე! კარგი შვილი ხარო და ღმერთი არ ჩაგაგდებს ვასაქირშიო, ყოველ უბედურებას აგაშორებსო, დოუჭინია და ვინ იცის, მის სიტყვაზედ იტნება თუ არა, ასე მოწყალეობით გაღმომხედოს ღმერთმა, — ვცებ დაჭილღოვების მაგობრად, კადეც მიწყობოდეს, რასეღ ინახე მაგისთანა გამსუნავებულ კაცნარო, — და ამის გაგებაში ვითომ მე დაუპირე ჩემის მეცადინეობით ავიცილო თავიდან მოახლოებულ უბედურებას... ისე თვალეში უბრმავდებათ მაგ უსჯიროებს, არ უნდათ შებედონ, რომ ერთი ქალის მონაშენს არ ყოფნის ოჯახის ქონება, ორი ქალისას რა უნდა უყოს!

... პლატონი მასხრულას კილოთი დაწვრილებით მოუყვა ცოლ-

ქმარს თავისი მდგომარეობის ამბავს და იმას, თუ რამ აფიქრებინათ თავის დედინაცვლის მოსაყვანად მამას მაშველად დასდგომოდა.

დარჩო ხმაგაკმენდილი იჯდა, მწუხარებისაგან კრიჭა შეკრული; კირილე კი ერთობ გამხიარულდა, მისმა სიცილმა იქაურობა გააყრუა.

— ეგ ყველაფერი ძალიან მოგისაზრებია... მარა რომ ეყოლოს, კაცო, შეილი... ხა, ხა, ხა!.. შეილი რომ ეყოლოს? სეირი არ იქნება? რას იზამ მაშინ, პლატონ? ხა, ხა, ხა — ხარხარებდა კირილე.

— რავე ეყოლება... ორ კაცთან ქალი უშვილო ყოფილიყვეს, ემამაჩემი რაღა განსხვავებულ კაცად უნდა გამოჩნდეს ვითომ?!

— კი, მარა ეს მითხარო, ვთქვათ, ეყოლა ახლა, რას იზამ მაშინ, ა? — არ ეშვებოდა კირილე.

— რა ვიცი, რას ვიზამ... ახლა რავე ვითხრა? რა ვიცი, რომ გავმწარდები, რას შეტყვის გუნება...

— მაინც, მაინც?..

— რა არი ახლა ასეთი სულელური ჩაცხვება?! — შეუტია კირილეს დარჩომ.

— რაც მერე იქნება, ის ღმერთმა იცის, — დაუბრუნდა გაწყვეტილ სიტყვას პლატონი. — რაც შემდეგ იქნება, ის ღმერთმა იცის და ახლა უნდა გამოგიტყდეთ, იმისთვის მოვედი თქვენთან, რომ შემწეობა მომცეთ ამ ჩემი გაჭირვების დღეს...

— ღმერთი კი რამეს შემადლებიებდეს და შენ, ძმაო!.. — წუწუნით თქვა დარჩომ.

— კი, ბატონო, თუკი რამეში გამოგადგები — დაატანა კირილემაც.

— ჩემს კუთხეში არავინაა იმისთანა დაწყევლილი სულიერი, მე რომ მჭირია და ეგება აქ, თქვენსკენ იყვეს ვინმე...

— ვინ უნდა იყვეს... — ჩაფიქრდა დარჩომ.

— შენ ათას ადგილას მიდი-მოდინხარ, კირილე... ეგებ იცოდე სადმე?..

— ხა, ხა, ხა! — გაღიხარხარა კირილემ. — განა დედაბრების ამბების შესატყობად დავდივარ, კაცო?! ქალებს რას დავეძებ, მე ქეთფისათვის დავდივარ, შე კაცო!.. უშვილო დედაბრები ღმერთსაც მოძულეებული ჰყავს, მე მათ რას დავეძებ!..

— ვერავინ გეიხსენე, დარჩომ? — მიუბრუნდა დას პლატონი.

— ვერა, ძმაო... ვერა... აქ არც კი უნდა იყვეს მაგისთანა ვინმე...

— აბა სხვაგან საძებრად გამხდომია საქმე! — თქვა პლატონმა.

— მეც შენთან ვარ მიძებნელი, როგორც კაცი! — წამოიძახა კირილემ. — ძმობას გეფიცები!.. არაფრის გულისათვის არ დავშორ-

დები... ვძებნოთ, პლატონ, ვძებნოთ! ხა, ხა, ხა ჩემს დღეში ამგვარ უცხო საქმეზე არ მივლია და აქედან ვიცი, რომ ბევრი გასართობი ამბები მოგველის! რამდენ დედაბერს სანატრელად გავუხდით უშიშროდ ყოფნას... ხა, ხა, ხა ერთი ჩხუბი და ცილობა უნდა აეუტეხოთ ერთმანეთში საწყალ დედაბრებს, უსათუოდ! არ შეიძლება უამისობა!..

— რა სისულელეა ახლა მაგ? ეგებ შენი წაყოლა სულაც არავის უნდოდეს!.. ძალაზე ხარ თუ? — მიმართა დარიკომ.

— ძალაზე ვარ... თუ მაგისი მამაა ბეკინა, მეც მამად მერგება... სიმაჟრია ის კაცი... არ უნდა გვეისარჯო მისთვის?!

— არავენ არ გთხოვს!

— აბა რაზედაა ეს კაცი მოსული?.. თვითონ არ თქვა, შემეწიეთო? ეგ გადაწყვეტილი საქმეა, რომ მე პლატონთან წამსვლელი ვარ სადღეინაცვლოს საძებრათ... ხა, ხა, ხა ეს გათავებული საქმეა, ჩემო დარეჯან, ამაზე ნულარ შეწუხდები... ნუ გეწყინება და უმჯობესია ვახშამზე დაგვიტრიალდე, შენ ნუ მომიკვდები... კი, ჩემო დარეჯან... შენებურად, ისე, გულუხვად!

— ეგ არაფერი შენი სასწავლებელი საქმეა... შენ შენს საქციელს აზრი დაატანო, ის გირჩევნია!.. — წყენით მოუგო დარიკომ: და ზეზე წამოდგა.

— ე, აკი არ გამიგულისდა? — მიაძახა კირილემ. — აკი არ გამიგულისდა? კაი, მამაშენი ნუ მოგიკვდება, კაი თუ გიყვარდე... წაყოლას ვერ გადავთქვამ და სხვა რამე თუ უხეირო სიტყვა მითქვამს, ბოდიში მომიტხოვია, შე ქალო... მეტი რა გქნა? ბოდიში მომიტხოვია. წაყოლით კი, რომ მომკლა, მაინც უნდა წავეყვე, რომ... არ ვიცი, არ ვიცი, რაც არ უნდა მიქნა... შენ რას იტყვი, პლატონ?

— შენი ნებაა... — მიუგო მან, თუმცა გუნებაში ძალიან სწყინდა კირილეს დაჯინება.

მან კარგად იცოდა კირილეს ხასიათი და მასთან მგზავრობა. ისიც ამნაირ საქმეზე, მეტად საფრთხილო იყო. რასაკვირველია, იგო სასეირნოდ მიდიოდა, როგორც თვითონ თქვა, და ამასთან ყველგან ტყუილუბრალოდ მუდამ ჩხუბის ამტეხი კირილე სწორედ ხელშემშლელად თუ წაპყვებოდა, თორემ საქმეში შემწოდ არა. პლატონს არ ეგონა, თუ ასე აიყინებდა მასთან მგზავრობას მისი სიძე. თორემ ასე არ დაიწყებდა ლაპარაკს.

— შენი ნებაა! — უთხრა პლატონმა, — მარა ეგებ ბევრი სიარულიც არ დაგვკირდეს... ავერ გზაში, ივანე გვერდევანიძე რომაა, იმას შევხვდით და ისე, ლაპარაკში მოკვდა თვითონ ქველურეთშიო,

ბრეგაძეებისას, ყოფილა ერთი დედაკაცი, იმისთანა, მე რომ ვე-
ძებ... სამნი ძმანი ყოფილან ის ბრეგაძეები... ხომ არაფერი გაგიგო-
ნია, დარიკო, მათ შესახებ?.. ეგებ იცნობდნე კიდეც, ა?..

— ბრეგაძეები... ქვედურეთში... არა, ძმაო, არა, არ ვიცი!

— ისე, სიტყვას მოპყვა... ძალიან აქო გვერდევანიძემ.

— მივიდეთ და ვნახოთ მერე!.. — წამოიძახა კირილემ.

— ასე ხამათ რაჟა მჭვიდნე... წერ ამბავი უნდა გევიგო... ეგებ
უშვილო იყოს, მარა ქაქს გავდეს, რა ოხრად მინდა მაშინ! — თქვა
პლატონმა...

— ეკლესიაზე მივიდეთ კვირა დღეს. მივიკითხ-მოვიკითხოთ,
შევხედოთ...

— არა, არა. მაგრე არ შეიძლება...

— რადგანაც აგრეა, ჩემო ძმაო, შენ მაგის მამიდასთან მიდი...
ჯკრთხე სალომეს და სწორ ამბავს ის გეტყვის იმ ქალის შესახებ...
ქვედურეთი მათგან შორს არ არის და უსათუოდ ეცოდინება იმის
ამბავი, შენ რომ ქალს ამბობ, — უჩრია პლატონს დარიკომ. — თუ
არა და, შეიძლება თავად იმას ეგულებოდეს ვინმე მაგვარი.

— ბრავო, ბრავო! — შეპყვირა კირილემ. — ბრავო, დარიკო! აი
და ყოჩაღ, ქალო, ეგ ნამდვილი რჩევაა, შენ ნუ მომიკვდები!

— მაინც ასე ვიზან, — დასთანხმდა პლატონი.

— აბა, მივიდიართ ხეალვე მამიდაჩემთან! — წამოიძახა კირი-
ლემ. — ხვალ! არა, პლატონ?

— ხეალვე უნდა წავიდეთ.

— შენ არსად წამსვლელი არა ხარ! — შეუტია ცოლმა კირილეს.

— თუ გიყვარდნე, მაგახე ნუღარაფერს მეტყვი. მგში საჭმე მე
უკეთ ვიცი... შენ შენს საჭმეს მოუარე!

დარიკომ რაღაც წაილაპარაკა გულმოსულმა და ვანშნის გან-
კარგულების მიხატემაღ წავიდა.

— და თუ გინდა, პლატონ, — დაიწყო კირილემ სიცილით, —
აგერ ახლოს ერთი კაი აწნაურნიშვილი მოკვდა და ზეგ ასვენებენ...
ბომ იცი, სატირალნი რამდენი ქვრივი დედაკაცია მონსვლელი... მო-
ვიდეთ იქ, დავდგები ისეთ ადგილას, რომ ერთი შეხნიერებული
დედაკაცი ვერ გამოჰმარება შეუნიშნველი... ყველას ამბავს ვი-
კითხავ... ეგებ იქაც ვნახოთ შენი ორნამენტები უშვილო... ეგ უცრო
ადგილიც იქნება და საჩქაროც... ა, რას იტყვი შენ?

— შე კაცო, ასე გამოსაქვეყნებლად ვ არ მინდა ეგ საჭმე! —
ღიმილით მიუგო პლატონმა.

— აბა, მამიდაჩემ სალომესთან გავსწიოთ, რაგარც დარიკომ

ვერჩია... ძალიან კარგი ეს საქმე ასე გვაქვს დაწყობილი ხომ და ახლა მე წავალ და ბიჭს მოვაველებიებ შენი ცხენისათვის... შენ კი ცოტა მოისვენე, ნამგზავრიც ხარ და მერე ვახშმისათვისაც ცოტა შემაგრება დაგჭირდება, რომ ქეიფიანად შევუდგეთ აქედანვე საქმეს, ხა, ხა, ხა! — გაღისარხარა კირილემ, შეიყვანა ოთახში პლატონი და თვითონ კი დაბლა ეზოში ჩავიდა.

— ჰეი, ჰეი, ნეტავი შენისთანა ხასიათის მქონე კაცსი — უნებურად წამოიძახა ოთახში მარტოვ დარჩენილმა პლატონმა. — ყველაფერი ჩალად უღირს... თავის ქეიფს მისდევს... ან კი რა უჭირს? ჯერ კიდევ ეყოფა მამის დანატოვარი... ჩემისთანამ იკითხოს, ჰეი! — ამოიოხრა პლატონმა, შეისწავა ქამარი, გაიხსნა ჩოხა და მიწვა იქვე კედელთან მდგარ ტახტზე.

შებინდებული იყო, კირილემ პლატონი რომ გამოადგინა.

— ადგი, ადგი, პლატონსი შენ ნუ მომიკვლები. იმისთანა ვახშამს ვეიმზადებს დარიკო, რომ შენი მოწონებული.. მართლა, კაცო, რამ შეგაჯინა იმისთანა ბედღურზე, შენ რომ მოგიყვანია?

— ჰო! — შიამურდა პლატონი სიძეს.

— შენ არ მომიკვდე. იმან ჰიშკამდინაც ვეღარ მიგიყვანოს შენ, ისეა!.. — გაღისარხარა კირილემ.

— ზურგი ეწნება გაფუჭებული! — დაღონებით წაილაპარაკა პლატონმა.

— აქვს და აგრე?! სულ ერთიანად გადაშვლებილი აქვს!

— იმ ამოსაგდებ გვერდევანიძის ნაწყალობებია მაგი ამბავი! ამოგდო მისი ოჯახი ჩენმა გამიწენმა... მაინც ამოსაგდებია, რაც ის პორტუგებს სთესავს!.. რა მეშველება ახლა? — შეწუხებით წარმოსთქვა პლატონმა. — ახალი ჭირი არ ევითებე?!

— არაფერია, არაფერი! — ხალისიანად შესძახა კირილემ. — ვულმადრად იყავი! ცხენს ვერ გიმოვი, თუ?

— ამას რა ეწყობ?

— მაგ დავტოვოთ... ეგერ მესობელი ყანახი მყავს, წამალი აცის იმისთანა, რომ სამ დღეში მოურჩენს ზურგს... ჩვენ წვეიღეთ და, რომ დავბრუნდებით, ცხენს გამოკეთებულს დაგვახვედრებს დარიკო. არაფერია!.. აბა, წვეიღეთ და ერთი ორიოდ სადღეგრძელო დაელიოთ შებრაწულ გოჭზე... ღმერთსაც შემწობა ვთხოვოთ და ასე ვავატაროთ ეს დრო!.. სამწუხარო ჩოჩოხეთშიაც არ მოგვაკლდება და აქ მაინც მოლხენით ვიყევთ, შე კაცო!..

ცოტა ხნის შემდეგ სამივე ვახშმის სუფრას მიუსხდნენ. განხი-

რულებული კირილე ათასნაირ სადღეგრძელოებს იგონებდა და ჩა-
ციებით აძალებდა ცოლიძმას ღვინოს.

— ნუ აწუხებ, კირილე! — ეუბნებოდა დარიკო, მაგრამ კირილე
თავისას მაინც არ იშლიდა.

— აბა, რათ მინდა ოჯახი, თუ ჩემთან მოსული კაცი, მერე კ-
დევ რა კაცი, ცოლიძმა, ქორწილში რომ მპატიეობს, არ დავათვრე,
არ დავალევე რჯულზე.. რომ ასე არ ვუქნა, მასთან რომ მივალ.
ალარც მე დამალევიანებს და წყალნასევამს გამომისტუმრებს... რაზე
ეუმტრო ჩემ თავს? რატომ ვქნა ეგ? ხა, ხა, ხა! სულელი ვარ? თუ
გაყვარდე, ერთბაშად გამოცალე ეგ ყანწი... საღედინაცვლოს სად-
ღეგრძელოა!.. ემაგრე!.. მაგრე!.. შენი ჰირიმე, ბეზ კაპლი, ბეზ! —
ხარხარებდა კირილე კადევ ღიღხანს.

V

მეორე დღეს მხიარულ გუნებაზე მყოფნი სიძე და ცოლისძმა
თავის გზას გაუდგნენ. კირილე მაინც მეტად ხალისიანად იყო, რად-
განაც ბევრ რასმე გასართობს გამოელოდა ამ მოგზაურობიდან: მისი
წარმოდგენით, ერთი დავიდარაბა უნდა ატეხილიყო უშვილო, ქერივ
დედაბრებს შორის, რაკი ყურს მოჰკრავდნენ მათი მოგზაურობის
მიზანს. გაფრთხილებაც საჭიროდ მიაჩნდა, რომ ვინმეს არ შემოე-
ტყუებინა მათთვის შვილებამოწყვეტილი დედაბერი შვილის უყო-
ლის მაგივრად. ყოველივე ამან, კირილეს ცოცხალი ენით გამო-
თქმულმა, ბევრი აცინა პლატონიც და ბოლოს ესეც ხუმრობის გუ-
ნებაზე დააყენა.

ასე სიცილით და ხალისიანად მიემგზავრებოდნენ ორივენი, რომ
უეცრად კირილემ ხელი შუბლზე შემოირტყა, შეაჩერა ცხენი და
წამოიძახა:

— აუიჰ!..

— რა იყო? — შეეკითხა პლატონი შეშინებით. — რა იყო, კი-
რილე?

— არაფერი, არაფერი! გაეწიოთ ჩვენთვის!..

— რაღაც გაგახსენდა, ვაი თუ რაიმე საჭირო საქმე გქონდა?

— არაფერია, კაცო, არაფერია! წამო... დაჰკარი მაგ ცხენს!

— თუ საიდუმლო არაა, მითხარი, თუ ძმა ხარ!.. შენ არ მომიკ-
ვდე, შენ არ დაგაბრკოლო.

პლატონს იმედი მიეცა, ეგებ რაიმე მიზეზით განთავსუფლებუ-

ლიყო თანამგზავრისაგან და ამით ჩუმაღ და დაუბრკოლებლად ეკეთებია თავისი საქმე.

— შენ არ მომიკვდე, ჩემი გულისათვის მე შენ არ შეგიშალო ხელი — არ ეშვებრდა იგი კირილეს.

— კაცო, რა უნდა იყოს, მივალ თუ არ მივალ, შაფათაძის ქორწილს ამით არც შეემატება რამე, არც არა დააკლდება... წამო, კაცო, წამო!

— ქორწილში ხარ დაპატივებული?

— წამო, კაცო!.. შაფათაძის ქორწილი რა სახსენებელია... ისე წამომცდა, რომ გამახსენდა..

— როდისაა?

— ამაღამ.

— თუ ძმა ხარ, ჩემი გულისათვის იმ კაცს ნუ მოინდურებ... დაპატივებული ჰყავხარ და არ მიხვდი? რატომ უნდა აწყენინო?.. მაშიდაშენამდი გზას მეც კარგად გვეიგნებ... პირველად ხომ არ მივდივარ იქითკენ? თუ ძმა ხარ, კირილე, ნუ დაკარგავ მზიარულობას.

— გითხარი, რომ არაფრის გულისათვის არ დაგშორდები-თქვა და გათავებულია, შენთან უნდა ვიარო... ქორწილებს რაღას დავეტებ!

— აბა, მე უკან ვბრუნდები და ხვალ წავალ სალომესთან, — თქვა პლატონმა და ცხენი მოაბრუნა.

— შენ არ მომიკვდე... დარიკო არ მომიკვდეს... სახლში რავე გაგაბრუნებ? — გამოეკიდა კირილე და ჩოხის კალთაში წააელო ხელი.

— რატომ შერები ამ საქმეს, კირილე? გაგაბრუნდები და შენ სახლში დავიციდი... ჩემი საქმე ისეთია, გინდა დღეს მივსულვარ სალომესთან, გინდა ხვალ... სულ ერთია მე შენ გეტყვი, არაფერ მიგვასწროს და წეიყვანოს, ჩვენ რომ ქალს ვეძებთ.

— რა იცი... შეიძლება შენსავით სხვაც ვინმე დაწრიალებდეს და თავქუდმოგლეჯილი ეტებდეს უშვილო დედაბერს!.. — სიცილით თქვა კირილემ. — ხა, ხა, ხა!.. წამოდი, კაცო!

— სწორედ აღარ მოვიღივარი — გადაწყვეტით თქვა პლატონმა.

— ბიჭო გინდა რომ დარიკომ სახლში აღარ შემიშვას?.. შენ რომ მიბრუნებული დაგინახოს, რა დღეს დამითენებს ის ქალი, ამას აღარ კითხულობ?

— არაფერს არ ვათქმევინებ!

— შენ რავე დაგისწრებს ჩემს აწიოკებაზე!

— აბა, ვიყოთ ასე გაჩერებული ამ შარაში და ის იქნება! —

კოტა არ იყოს უკმაყოფილობით წარმოთქვა პლატონმა და ცხენს აღვირი მიუშვა.

კირილე გაჩუმდა. არ იცოდა, რაღა ექნა და ჩაფიქრებული იყო მცირე ხანს. ამ კაცის უკანგაბრუნება შიშს ჰგვრიდა დარიკოს მხრივ. თან გულთ ქორწილშიაც უნდოდა წასვლა. რა ექნა, აღარ იცოდა; ამის გამო გადამეტებულ გასაჭირში გრძნობდა თავისთავს. მაგრამ ასეთი მდგომარეობა მხოლოდ რამდენიმე წუთს გაგრძელდა: კირილეს გამჭირიანება გონებამ უცბად იპოვა მხსნელი გზა.

— პლატონ, რადგანაც ასეა ჩვენა საქმე, რომ შენ მამიდაჩემთან აღარ მიღისარ და ვერც მე გაგიშვებ უკან სახლში, ერთ რამეს ვეტყვი და, თუ ძმა ხარ, უარს ნუ მეტყვი!

— პო!

— არც ერთს გული აღარ დაგეწყდება...

— თქვი, კაცო!

— მოდი ორივე ამაღამ შეფათაძისას მივიდეთ!

— შეფათაძისასა?! — გაიკვირვა პლატონმა.

— პო! და ამაღამ იქ ვაქნებით, ხვალ კი წავალთ სალომესთან.

— რას ამბობ, კირილე!.. გადირია ჩემი მტერის კაცს არ ვიცნობ, არ მიცნობს... ქორწილში მივიღე უცნობი კაცი?!

— რა გიჭირს?..

— ტყვილი არაა ახლა მაგ?! — და პლატონმა ისევ მიაბრუნა ცხენი და წებულა დაჰკრა, მაგრამ კირილემ უცბად უტაცა ხელი აღვირში და გააჩერა ცხენი.

— პლატონ, თუ ჩემი სიყვარული გაქვს... თუ ჩემი ძმობისა რაზე გწამს, ახლა გევიგებ ამას... გაფიცებ შენს ცოლ-შვილს, შეფათაძისას უნდა წამოხვიდე!..

— გასაკვირველი საქმეა. შენ ნუ მომიკვდები!.. რას იტყვის ის ადამიანი, ამისთანა ღღეს უცხო კაცი კარზე მიუდგე? — გაჯავრებით წარმოთქვა პლატონმა. — რას იფიქრებს, პე?!

— იტყვის, რომ კვი კაცი ყოფილარ, — სიცალით დაატანა კირილემ. — სხვას რას იტყვის?! შეფათაძის წვევას მივიღებ, მივალ, თან კარგ. პატროსან აწნოღშვილს, მასზედ გამოჩენილს, მივუყვან და იმას მიწყენს?! რაღა გეკადრება!.. ვწყენება კი არა, თავზე შეპოგევლება! შე კაცო, შენთან რომ მოვიდე, უცხო კაცი მომიყვებს, პემი კეთილი, საწყენად დავიჩქება?.. ა, მითხარი, თუ ძმა ხარ?.. კარში გამომაგლებ? ა?

— იმე!

— პოდა ეგ არის!.. მეტე მე მასპინძელს ვეტყვი, მიზებს გავა-

გებინებ — საქმე გვაქვს, უსათუოდ ხვალ აღრიანად წამავალი ვართქვა, ძალიან საჭირო საქმეზე-თქვა და ასე, ისე... ერთი სიტყვით, ჩემებურად... შენი პარტივისცემაც მინდოდა-თქვა და ამასთან დაშორებაც არ შემეძლო-თქვა და ამისთანები... ნახავ აგერ, როგორც მადლობელი დაგიჩვენებს.. რა განაღვლებს, კაცო, მასპინძლის მეტს ხომ არავის ეცოდინება, დაპარტიებულუ ხარ თუ არა. მასპინძელთან კი, გეუბნები, მე ვიცი..

საშველი აღარ მისცა. კირილემ და პლატონი იძულებული გახდა დათანხმებოდა შაფათაძისას წასვლაზე. სურვილასრულებულც კირილე ძალიან ჭეიფს და დროსგატარებას ჰპირდებოდა ქორწილში, სადაც, მისი სიტყვით, დიდძალ საზოგადოებას ექნებოდა თავი მოყრილი თავმომწონე მასპინძლისაგან.

— ტანისამოსაც რომ არ მაცვია... ასე რაეა ივარგებს? — თავის გაქნევით თქვა პლატონმა, რომელსაც ძალიან უძნელდებოდა უცნობ კაცისას აწნაირ დროს დაუპარტიებლად მისვლა. — აღარ ვიცი, ღმერთმანი... ვინ რას არ იტყვის!

— ერთა შენც კადვე! — მიანახა კირილემ, — მე რა, შენზე უკეთ მაცვია, თუ!.. ნეტავი ნახევაა იქ მყოფი ჩვენსავით უწნებოლეს გამოწყობილი! რას აშობი?

ასლა ყოველივე ამნაირი ლაპარაკი სრულიად ამო იყო, რადგანაც გზა შაფათაძისკენ ეჭირათ. მეზარეულს ნელ-ნელა მიჰყავდათ ცხენები, რომ მაინცდამაინც ადრე არ მისვლიყვნენ, სხვა სტუმრისათვის არ მიესწროთ.

სადამოვდებოდა, როცა შაფათაძის ეზოში ჩაიღინენ. აქ უკვე ბლომად ზოგჯერათ თავი დაპარტიებულთ. აიგაშუე ქალები დამსხდარიყვნენ. მოსამსახურენი იქით-აქეთ დარბოლენ წესრიგის გამგებლთა ძანღზე.

ეზოში სტუმრები მიღა-მოდიოდნენ. ისმოდა მხიარულა სიცილი, ხიხინი. ღობეს კაყოლება ცხენები იყვნენ მიბზულნა სარებზე. კირილემაც და პლატონმაც აქვე მიაბეს ცხენები. კირილე იწმამსვე ნაცნობებში გაერია, აქეთ-იქით გავარდა-გამოვარდა, ყველას დაენახვა, ყველა ნახა: მოძებნა ხანში შესული მასპინძელი, მიულოცა ქალიშვილის გაბეჯინებება და იქვე მოუყვა პლატონის შესახებაც. მოსტყუებულა ძალიან კმაყოფილი ღარჩა, მადლობაც უთბრა კირილეს, თან რომ აწვია ისეთი ოქანაშვილი, როგორაც მისი ცოლისამა იყო: პლატონს კი — კადრებისათვის. თხოვა და იმდღი გამოსთქვა, რომ მოღბენით დაამშვენებდნენ მის ოქახს ამ ბედნიერდღეს. ამნაირმა მიღებამ დაავიწყებინა პლატონს თავისი უწერხუ-

ლი მდგომარეობა. ცოტა ხნის შემდეგ იგი შეუერთდა საზოგადო
აფუცფუცებულებას, თავისუფლად გრძნობდა თავს და მზად იყო
მოსალხენად.

შორიდან მოისმა ზურნის ხმა, ხალხი შეინძრა. ზურნის ხმა თან-
დათან ახლოვდებოდა. გახშირდა სროლა დამბაჩებისა და რევოლ-
ვერებისა. აივანი სულ ერთიანად მოიფინა ქალებით; მთლად მი-
დამო თითქოს გაცოცხლდა, ამოძრავდა; ზურნის ხმა თანდათან
უფრო მკაფიოდ მოდიოდა; ისმოდა მომყოლთა ძახილი: „ჰაი“,
„ჰაი“ და რამდენიმე ხნის შემდეგ ჩიტოვით შემოფრინდა იარაღში
ჩამჭდარი, თავზე უკან მოქცეული კობტა ქუდით ყმაწვილი, რო-
მელმაც დაძახებდასთან: „მეფე მოდის!.. მახარობელი ვარ!“-ო, ერთი-
ორჯელ ჩამოუჭრა თავისი აქაფებული ცხენით აივანს, შემდეგ ქო-
რივით ეძგერა კიბეზე თასით მდგარ ყმაწვილს, სწვდა თასში და
წართმეული თასით გავარდა ისევ ეზოდან მოახლოებულ მაყრიონ-
თან შესაერთებლად. ეს იყო მახარობელი.

— ბრავო, ბრავო! — ჰყვიროდა მისი სიმარდით აღტაცებული
ხალხი და ამ ხმაურობას შეუერთდა მოსულთა ქრიამული, თოფების
ხათქა-ხუთქი, ცხენების თქარა-თქური და მათრახებუ ტყლაშუნი
მათდა შესახურებლად.

სიძე მოვიდა თავისი მაყრიონით.

პლატონს სრულიად გადაავიწყდა თავისი საძებარი უშვილო და
ორნაქმარები სადედინაცვლო, მამა ბეკინაც, ყოველივე დარდება
და გაშლილი გულით ამ საზოგადო ხალხისიანობას მისცა თავი. ახლა
მოწყურებული კაცივით უნდოდა მხოლოდ გული ეჭერა და დღე-
ვანდელ გასართობს დასწაფებოდა. სხვებთან ერთად იგი ცხენით
წაჰყვა დედოფალს ეკლესიამდის და იქიდან ყურთწამლები მაყრუ-
ლით გამოჰყვა ახლად ჯვარდაწერილებს. გრძელ ფანჩატურში მთე-
ლი ღამე მისი სიმღერა არ შეწყვეტილა. მოხუცებულმა შაფათაძემ
განსაკუთრებული მადლობაც უძღვნა პლატონს მოლხენისათვის.

საზოგადოება დიდ მხიარულებაში იყო, ცეკვა-თამაშს ბოლო არ
უჩანდა, თუმცა ქალები თითქმის სულ ერთიანად წავეიდ-წამოვიდ-
ნენ მოსასვენებლად. გათენებას აღარაფერი აკლდა. ღვინის სმაში
შეჯიბრებული ყმაწვილკაცობა კი ჯერ ადგომას არც კი აპირებდა.
ზურნის მოლლილი, მისუსტებული ხმა ისევ ეფინებოდა აქაურო-
ბას ამ ღამეში, სხვადასხვა სიმღერებთან შენაცვლებით.

თუმცა ძალზე მთვრალი იყო პლატონი, მაგრამ თვალი მინც
ეჭირა კირილესაკენ, რომელიც დაჩემებით სკლიდა ყანწს ყანწზე.
ცოტა ხნის წინათ იმ კუთხეში, სადაც კირალე იჯდა, რალაც ლაპა-

რაკი ატყდა, მაგრამ ისევ მალე მოსპეს. კირილე ისეთნაირად გა-
პროიყურებოდა და ცმატურობდა, თითქოს რაღაც სამიზეზოს ეძებ-
და, რომ ჩხუბი აეტეხა, ჩვეულებებისამებრ. პლატონმა შეატყო ეს.
და რამდენადაც მოეხერხებოდა, მისკენ ახლოს მარწია.

— ძალიან შემეცდარი ხართ — წამოვარდა კირილე და ნამალე-
ვად გადადგმული ვეებერთელა ღვინიანი სტაქანი წინ დაუდგა იმ
ყმაწვილს, რომელმაც მოპარვა მოიხლომა ღვინისა. — ძალიან შე-
ცდარი ხართ!

— მე დავლიე და გადავედი... შემეცდარი თქვენ ბრძანდებით —
მოუგო ყმაწვილმა.

— ეგ გაკლიათ და ახლავე უნდა გამოცალოთ! — გულმოსულო-
ბით მიაძახა კირილემ.

— ხელმეორედ რაზე დავლევ!..

— დალიე!.. მე მითქვამს თქვენთვის...

— მოითმინეთ, მოითმინეთ, ყმაწვილებო! — მიაძახეს აქეთ-იქი-
დან.

ატყდა ყაყანი. ვინ კირილეს მხარეს იჭერდა, ვინ — ყმაწვი-
ლისას.

— დალიე ახლავე! — ისევ მიაყვირა კირილემ. — მაცალებთ ერ-
თი, თუ შეიძლება... ამას რაფა ვაპატიებ მაგ სტაქანს! მერე ტრაბა-
ხობით ყურები მაგან უნდა გამომიჭედოს?!

— შენთან რა ტრაბახობა მჭიროა... რა კაცი ხარ იმისთანა! —
მიაძახა თავის მხრივ ყმაწვილმა.

— რაც კაცი ვარ, ახლავე გაჩვენებ, მაგ გამოცალე თუ არა! —
დაუბღვირა კირილემ.

— კირილე, კირილე! — ამშვიდებდნენ აქედან.

— კოსტა, კოსტა! — აწყენარებდნენ მეორე მხრიდან ყმაწვილს.

— რა კაცია... რა კაცია! ერთი შეგვახედღვინოს შაინც! — იყვირა
კოსტამ.

— უი, შენ ცინდალო, ცინდალო! — მიაძახა კირილემ, დაავლო
სტაქანს ხელი და, რაც შიგ ღვინო იყო, სულ ერთიანად ცხვირი-
ში შეასხა ყმაწვილს.

ერთის თვალის დახამხამებაზე ვეფხვივით სუფრაზე ახტა კოს-
ტას ძმა. მის ხელში გაიპრიალა სატევარმა კირილეს დასარტყმელად
და უსათუოდ იჭვე გაათავებდა კედელს, რომ ამნაირ ჩხუბ-ინკლაო-
ბაში გამოქნილ ყმაწვილებს უცბად ხელიდან არ გამოეგლჯათ მოე-
ლვარე იარაღი.

შეიქნა ერთი ყვირილი, არევე-დარევა. ახლა ხელდახელ ეცნენ

ერთმანეთს; გახურდა მუშტების მოქნევა. გამზავებლები დიდ მეცადინეობაში იყვნენ; ჰყვიროდნენ, აცილებდნენ მანხუბართ ერთმანეთს, მაგრამ ვერას ხლებოდნენ.

VI

შეე კარგად ამოსული იყო, პლატონს, რომ გამოეღვიძა მეორედ დღეს. მიიხედ-მოახედა, ამ ოთახში მასთან მხოლოდ კირალე იწვა ტახტის მეორე ბოლოში, — სხვა არავინ იყო.

გამოღვიძებისთანავე გაახსენდა წუხანდელი ამბავი და გული უსიამოვნოდ მოეკუმშა. უცბად წამოდგა საწოლიდან, გადაიკვა ახალუხი, მივიდა ფანჯარასთან და ეზოში გადაიხედა. იქაურობას არავინარი მიმსგავსება არ ჰქონდა წუხანდელი მასპინძლის ეზო-სახლ-კარობისა. ჯერ აზრად ვერ მოვიდა, რას ნიშნავდა ეს, მერე კი მიხვდა. რომ უსათუოდ მეზობლისას გადაგვიყვანეს გაზავების შემდეგ. ბუნდოვნად ახსოვდა, რომ ის და კირალე ცხენებზე შესხეს და სადღაც განაოქანეს ახალ გათენებულზე: ახსოვდა, რომ ჩხუბი მოუხდათ, მაგრამ დაწვრილებით არაფერი აგონებოდა, — იმდენად მთვრალი იყო ამ დროს. ახლა კი გული მოსდოდა, ბრახი ურეოდა, რომ ამ გადარეულ კაცს დაუჯერა, მის სიტყვას აჰყვა და ამნაირი სამარცხენო ამბავი შეეშთხვა. რა იყო ამ უცნობ ოჯახში დაუპატა-ეებლად ქორწილში მისვლა, ჩხუბი, აყალმაყალი!.. მათი ასე გამოგდება ეზოს გადმოღმია აბა, ამ სრულიად უცნობ სახლში, ნაჩხუბართ, ნაცემ-ნატყებთ რა უნდოდათ?!

— შე ოხრიშვილს, რა მრჯიდა ქორწილში საპატიოლად?.. რა მექორწილებოდა? საწყემ არ მქონდა შე უპატრონის, აუ?!.. კმ თავი რაზე შევირცხვინე?.. სალაპარაკოდ რაეა მიწეცი ჩენი თავი ამ სულელთან იმდენ ხალხს!.. რაეა არ უნდა მომკლას ჩენსა პატრონმა? რაეა არ უნდა მომკლას? რაეა ვარ შესაბრალებელი!.. რაზე ვიმღურები ჩემისთანა ოხერი მამის შეუბრალებლობისთვის? — და ჯავრშემოწოლილი პლატონი ხან დაჯდებოდა, ხან მოუხვეწრად დიდოდა ოთახში; მერე, თითქოს რაღაც გაახსენდაო, ჩაიკვა წულეში, შეიკრა ახალუხი და ჩოხას დაავლო ხელი. გამალა — უყურა, უყურა და გულმოსულმა დააბერტყა იატაკზე. ჩოხა სამ-ოთხ ადგილას იყო გახეული.

— შენ კი გაუძრა შენს პატრონს! — წამოიქანა და კირალეს გადახედა.

ამ წამოდახებამ კირალე გამოაღვიძა.

— ადექი, პლატონ? — კირილე ცქვიტად წამოჯდა საწოლში. პლატონმა ხმა არ გასცა.

— ძალიან არ ვსდევით იმ ცინდალას, კოსტაა თუ პროსტა! ხა, ხა, ხა! შენ ნუ მომიკედები, ეყოფა ერთ ხანზე... კაი ხანია, მისი ჭინი მჭირდა და კიდევაც ევისრულე სურვილი, ვიჯერე გული მისი ტყეპით... ძალიან მარჯვეთ არ ვიყავით?.. შენ, შენ? აი და პლატონი... მტერს მოხვდა შენი მუშტი. ერთი მეც მომხვდა შეცდომით... აქამდისინ არ ვიცოდი, თუ მაგისტანა მწარე ხელის პატრონი იყავი... იცოცხლე, იმათ დღეს გვერდები აყვებოდათ... ხა, ხა, ხა! — ისე ხალისიანად ამბობდა ამას და თან იცინოდა კირილე, რომ უამისოდაც გაჯავრებულ პლატონს ამით მხოლოდ ჯავრი ემატებოდა უფრო.

მან ველარ მოითმინა სიძის ასეთი უღარდებლობა და სიტყვა გააწყვეტინა.

— ახირებულა, ღმერთს ვფიცავარ... შენ რა სიკეთე დაგაყარეს?.. დაიხვლე შენს თავზე, წარბი გაქვს გაჩეხილი...

— ძალიანაა? — ისე იკითხა კირილემ, ვითომც აქ არაფერიაო.

— გეყოფა.

— არაფერია... ამასაც ვაზღვევინებ, სადაც იქნება... თუ დღესვე არა!..

— შენ, ჩემო ბატონო, როგორც გნებადღეს ისე ქენი, და ერთი ეს ჩოხა გამიკერვინებზე ვისმე და ჩემს გზას დავადგები...

— რავე, ჩოხა შემოგახიეს?.. უყურე იმ ლაწირაკებს!.. სხვა რა შეუძლიათ, დედაკაცებივით იმწამსვე ჩოხაში უნდა გეცენ და ტანისამოსი უნდა შემოგაფხრიწონ... აი მაგათ კი დავასხა თავსლაფი!..

— ბატონო, ერთი შენ ეს სიკეთე მიქენი და რამერაგად გევეტიო...

— ახლავე. ახლავე! გვარიანათაც გვძინებია! ეჰე, რამდენზე წამოსულა მზე!

კირილე წამოდგა და აჩქარებით ჩაემა დაიწყო.

— ამ ოხრიშვილებს მარტო ჩოხების ხევა შესძლებიათ! — წამოიძახა მან, ჩოხას რომ ხელი მოჰკიდა. — სულ ერთიანად არ მოუთხლესიათ კალთა!.. აი, თქვენ კი რა გითხრათ! თქვენ კი რა გითხრათ!..

დაავლო ხელი ორსავე ჩოხას, გააღო აივანზე კარი, გაჰყო თავი და დაიძახა:

— ცაციეი, ცაციეი! — და როცა ამ დაძახილზე აივანზე გამოიჩინა ფეხშიშველა პატარა გოგომ, კირალემ გაუწვდინა ჩოხები და

უთხრა: — ბიძიკო, თუ შეიძლება, ეს ჩოხები, რავარც იქნება, ისე ვამილამბე... რავარც იქნება... ღამეში ღობეს გამოვედევით და ასეთი უბედურება მოგვივიდა. აბა ჰე, შენს გაზრდას!..

გოგომ გამოართვა ჩოხები და ფეხების ბრავუნით გადირბინა აივანი. კირილემ მიხურა კარი. პლატონი წარბებშეკრული აქეთ-იქით დადიოდა. კირილე ატყობდა, რომ ამრეზილი იყო და ხმას აღარ იღებდა. მაგრამ ცოტა ხნის შემდეგ ასე მუნჯად ყოფნა ველარ შეიძლო კირილემ და წამოიძახა:

— ახალ ჩოხებს გვიკერავენ, თუ რა დღემართათ ამ ოჯახდაქცეულულებს!.. აწი სადილათაც დაჯდებიან და არ დაგვაგვიანდეს...

ეს ნამეტანი იყო პლატონისათვის; იგი მიბრუნდა და გაკვირვებით გადახედა კირილეს.

— ღმერთმანი, კაი ძალი დღეა გასული. დროით ჯობია მაინც მისვლა...

— სად, ყმაწვილო?

— როგორ თუ სად?.. სადაც წუხელ ვიყავით!

— მართლა ამბობ მაგას, თუ ხუმრობ?

— მართლა ვამბობ... რა ხუმრობა უნდა?! აბა, არ მივიდეთ?.. რა მიზეზია?

— შენ, ჩემო ძმაო, რავარც გნებავდეს, ისე იარე, და მე კი შენი მგზავრი აღარ გახლავარს!..

— რა იქნა, შე კაცო?.. რა მოხდა ამისთანა? გინახავს, რომ ქორწილი იქნება თუ დღეობა, რამე ლაპარაკი არ მოხდეს?.. რა ვუყოთ მერე?.. მართო ჩვენს თავზე მომხდარა, რაც წუხელ საქმე მოგვიხდა, თუ როგორაა?!. ან რა იყო ასეთი რამე?.. სხვას არავის შეხედოშია თუ?

— შენ, ბატონო, რავარც გნებავდეს და მე კი დრო არ მაქვს...

— დრო არ მაქვს, თვარა გეიქცევიან შენი დედაბრები სადმე!

— გეიქცევიან თუ გაჩერდებიან, ევ სულ ერთია, მე დროზე უნდა დაებრუნდე სახლში. ასე უთავბოლოდ ყანყალი არ შემოიძლია!..

— შე კაცო, ერთი დღე რა უნდა იყოს! მე თვეობით ვრჩები ზოლმე სახლის გარეთ, მაგრამ, რომ მივბრუნებულვარ სახლში; ყოველთვის ყორაფელი ისე დამხვთომია, როგორც დამიტოვებია!

— კაცია და გუნება!..

ამ ლაპარაკში გოგომ გაკერილი ჩოხებიც შემოუტანა, მერე მართვა პირსაბანი წყალი ორსავეს, სიძე-ცოლისძმას, და მალე ორივე ჩაცმულ-დახურულნი წასასვლელად მზად იყვნენ. კირალე პევრს ეხვეწა შაფთაძისას მიბრუნებულიყვნენ ისევ, მაგრამ პლა-

ტონი ვერას გზით ვერ დაიყოლია; ის კი არა, პირდაპირ უთხრა სიძეს, რომ მათი ერთად მგზავრობა, როგორც ეტყობაო. შემდეგში აღარ უნდა იქმნეს საქმისათვის სახეირო. ამის გაგონებამ კირილე ძალიან დააფთხო; შიშს მიეცა, პლატონი არ გაჭიუტებულაო და უკან არ გაბრუნებულაო მისდა თავიდან მოსაცილებლად. სწორედ ამის შიშით კირილემ გადათქვა შაფათაძისას მიბრუნება. მზად იყო ყურმოჭრილ ყმად გახდომოდა ყველაფერში პლატონს და კიდევაც მოუხშირა ისეთ ლაპარაკს, რომელიც მათი მგზავრობის საგანს შეეხებოდა.

— პლატონ, სატირალში არ მივიდეთ?.. რომ ვითხარი — დღესაა ის ტირილი, — მიმართა მან პლატონს.

— ჩემი სატირალიც მეყოფა, სხვისაში არ ვავერიო, ჩემო ძმარო! — მიუგო პლატონმა და გავიდა აივანზე. კირილემ თან გაჰყვა. ეზოში ბიჭი დაინახა, მიიხმო, ცხენები მოითხოვა, მადლობა დააბარა მას-პინძელთან, რომელიც უკვე შაფათაძისას წასულიყო დილიდან, და ორივენი შესხდნენ ცხენებზე.

ხმაგაქმენდილი კირილე გვერდით მისდევდა პლატონს. კირილეს გაუგებრობა ჰკლავდა იმის შესახებ, თუ რას ფიქრობდა მისი გაბუტული ცოლისძმა, -- აპირობდა ახლა წასვლას მამიდა სალომესთან, თუ სახლში ბრუნდებოდა? საჭირო იყო ამ გულმოსული კაცის გახალისება. თორემ ამნაირ გუნებაზე მყოფი უსათუოდ სახლისკენ გაემართებოდა. დიდხანს ემზადა ამისათვის კირილე და ბოლოს მიმართა ცოლისძმას ღიმილით:

— პლატონს!.. კაია, შე კაცო!.. დეივიწყე თუ გიყვარდე. რაც ჩემით შეგემთხვა... მიჯავრდები კიდევ?

— სულაც არა, — ცივად მიუგო პლატონმა.

— რავე არა!.. ვერ ვატყობ თუ?.. შე კაცო, პეტრე მოციქულმა სამჯერ იუარა ქრისტეს მოწაფეობა, მაგრამ ამისათვის სამი დღე-ჩიოდ არ დასჯილა. ისევ საყვარელ მოწაფედ დარჩა და შენ ჩემით ერთი უსიამოვნება შეგემთხვა — ამას ველარ დამივიწყებ?! კაია, თუ გიყვარდე!

პლატონს უნებლიეთ გაეღიმა ამ სიტყვებზე. კირილეს იამა და ისეთნაირად დაუტრიალდა, რომ ცოტა ხნის შემდეგ მართლა ყველაფერი გადაავიწყა პლატონს. აქამდე გულამდგრეული კირილე გაახალისიანა ამ გარემოებამ, წაათამამა და სიტყვა შეაპარა მამიდა-მისის შესახებ:

— კიდევ კარგ დროს მივალთ! — თქვა მან.

— სად? — ჟივითხა პლატონში.

— მამიდაჩემთან.

— ასე შემოფხრეწილი ჩოხით მივიღე სალომესთან?..

— შემოფხრეწილი კი არაა!.. სულაც არაფერი არ ეტყობა მაგ შენს ჩოხას... ახალივითაა, თავი ნუ მომიკვდება!..

გადასახვევი ახლოს აყო და ახლა კირილე უფრო თავგამოდებით დაფაცურდა, რომ ცოლისძმა სახლისაკენ არ გაეშვა. რას არ მოჰყვია, რას არ მასხრობდა, რაჩიგად არ ცდილობდა მის უფრო გამხიარულებას, რას არ იგონებდა, რომ გაეციინებინა და ამასობაში თავის სიტყვაზე დაეყოლებინა.

აგერ გადასახვევთანაც მივიდნენ, საიდანაც მარჯვნივ უნდა გაეხვიათ, თუ კირილეს მამიდასთან იყვნენ წამსვლელნი.

კირილემ მასხრობას უფრო უმატა. პლატონი კარგად ხედავდა, რა ცეცხლშიაც იწვოდა მისი სიძე.

— პლატონ... ბიჭო, გაიხსენე პეტრე მოციქული... რა ეპატივა მას და ვისგან? მეც მეპატივოს, ბიჭო, შენგან, რა დიდი საქმე იქნება, ერთი მეპატივოს!.. ნუ გადამკიდებ დარიკოს თუ რაიმე სიბრაღული გაქვს ჩემი, ნუ გაახელებ შენს დას ჩემზე და რა გინდა ჩემგან თუ დარიკო გამიგულისდა, უნდა დაეჭდე სახლში და ხომ შემეხუთა სული და გული.. მიხედე, კაცო, ღმერთს!.. ბიჭო, ერთხელ შეგცოდე, მეტი ხომ არაა.. ბიჭო, პეტრე მოციქულის ამბავი გეიხსენე, შე უღვთო, შე უღვთო!.. წამოდი აქეთ... მარჯვნივ მიდის ჩვენი გზა, მარჯვნივ, ღმერთი გამარჯვებას მოგცემს!.. — და კირილემ გადაუხვია მამიდამისისკენ მიმავალ გზაზე.

პლატონი სიცილს ველარ იკავებდა, გაცხარებით მოლაპარაკე კირილეს რომ უყურებდა. ერთ ხანს ცხენი შეაჩერა და მერე, როცა კირილემ აღვირში მოჰკიდა ხელი და მარჯვნივ გადაახვევინა, გულიანად გადიხარხარა და გაჰყვა სიძეს.

-- ძალიან არ დოუშინებინარ დარიკოს, კირილე? ხა, ხა, ხა

— ნუ შეგეშინდება შენი.. ის რომ არ მყავდეს, ჩემო ძმავო, ჩემს ეზოში ძალს ვერ ნახავდი გამვლელს!.. ვუფროთხილდები, არ ვაჯავრო მაინც ჩემზე — სხვა რაღა სიკეთე აყრია ჩემგან? რამდენადაც შემძლია, ამას ვცდილობ, თუმცა ხშირად ესეც მავიწყდება, ჩემდა საუბედუროდ... ერთობ სულგრძელი ადამიანია, ძმობას გეფიცები!.. ღვთისნიერი ადამიანია, რომ იტყვიან... და შენც შეგატყობს კაცი, რომ მისი ნათესავი უნდა იყვე... შეგატყობს! - სიცილით დაატანა კირილემ. — თუმცა მშვენიერი სადღელი კი დამკარგვე და შენც დაჰკარგე... იმ ოხერ შაფათაძეს ძალიან მასპინძლობა ექნება დღეს... ძალიან მომზადებული იყო!.. გლახა გუნება-

ზე იყავი, თვარა არაფერი არ გვიქირდა, რომ მივბრუნებულიყავით... ერთი ამათაც თვალებს დოვუბრიალებდი... ცნობას მივცემდი... ახლა კი ასე მშიერ მუცელზედ კარგა ხანს მოგვიხდება თრევა. სანამ მამილაჩემამდი მივაწევდეთ!

— ისეე შაფათაძე გაგახსენდა? — გაიცინა პლატონმა. — მე რომ შენ ვიყო, ხმასაც აღარ ამოვიღებდი... შენც საკმაოთ გერგო, ჩემო კირილე, მუშტები, შენ ნუ მომიკვდება!..

— ჩემგანაც არ დაჰკლებიათ, ნუ გეშინია... კიდევ უფრო მივართმევდი, რომ ხელიდან არ გამოეგლიჯათ!.. — კირილემ კიდევ დიდხანს ილაპარაკა თავის ყოჩაღობაზე, ბევრი იტრაბახა თავის სიმარჯვეზე და მთელი გზა იმის ამბებში იყო, თუ სად რა ჩხუბი შესვდომია, ვისთან რითი გათავებულა და რა ვაჟკაცობა გამოუჩენია. მაგრამ ამ ლაპარაკშიაც ხშირად აგონდებოდა დაკარგული, მიტოვებული ლხინი და ეს გახსენება უფრო უცხოველებდა შიმშილას გრძნობას და, ამით აწრიალებული, თავს მით ინუგეშებდა კიდევ, რომ გზაში დუქანი ეგულებოდა, სადაც შეეძლო წინა დამეს სმით ამომწვარი ყელი დაეღბო და ცარიელი მუცელიც ორიოდ ლუკმა პურით დაეკმაყოფილებინა.

VII

მზე კარგა გადახრილი იყო, ჩვენი მგზავრები რომ იმ ჯიმშერ სალობერიძის სახლს მიუახლოვდნენ, რომელსაც ჰყავდა კირილეს მამიდა სალომე.

სალობერიძე ერთი იმ აზნაურთაგანი იყო, რომელთაც რაღაც მანქანებით დღეს კიდევ შერჩენიათ იმდენი მამული, რომ შეუძლიათ რიგიანად იცხოვრონ და გაუჭირვებლად გაუძღვნენ თავიანთ ოჯახს. მოხუცებული ჯიმშერი სწორედ გონიერი კაცი იყო, შეგნებულ; და ეგ იყო მიზეზი, რომ მის ოჯახში ყოველივე თავთავის რიგზე იყო; უსაქმურს აქ ვერ ნახავდით. რაც გაეწყობოდა, შვილებისათვისაც სწავლა არ დაუკლია. ცოცხალი გონების პატრონს ჯიმშერს საინტერესოდ ჰქონდა ყოველივე საზოგადო საქმე და მის ახლოს ყოველთვის გესმოდათ ამნაირ საქმეზე სჯა-ბაასი. თვით კარგი მოლაპარაკე, მასთან სხვადაც ენა ამოედგმებოდა ხოლმე და ლაპარაკის ხალისი ემატებოდა. შეძლებით ღონიერს, პურადს, სტუმართმოყვარე სალობერიძეს თითქმის ყოველდღე სტუმარი ჰყავდა სახლში: ვინ მოსალაპარაკებლად მოდიოდა, ვინ რჩევის საკითხავად, ვინ შემწეობის სათხოვნელად, ვინ ისე ტყუილად, სანახავად, რომ მეგობრული

კავშირი არ შეეწყვიტა ამ კაცთან. მეტადრე ყმაწვილკაცობას უყვარდა სალობერიძისას თავის მოყრა: აქ მათ ხედებოდათ მიმღება მასპინძელი, რომელმაც მათი აყოლა იცოდა, რომელთანაც ისინი თავისუფლად მასხარაობდნენ, ოხუნჯობდნენ, ენამახვილობდნენ და სიამოვნებით ატარებდნენ დროს ამ ენამახვილიან და ხალისიან მოხუცებულთან.

დღესაც თავი მოეყარათ აქ ყმაწვილებს და მოლხენილი სადილის შემდეგ ფართო აივანზე გამოფენილთ, ერთი სიცილი, ხარხარი და ყაყანი ჰქონდათ. ზალაში ისევ აულაგებელი იყო სუფრა, რადგანაც სადილიც ის იყო გათავდა.

ეზოში შემოსულ კირილეს ამათგან დანახვა და მიძახება: „კირილე! კირილე!“-ო, ერთი იყო.

კირილეს ძლიერ ესიამოვნა ამ შეკრებილობის დანახვა, ერთი დაჰკვივლა უცნაურად, გადაჰკრა ცხენს მათრახი და შურდულივით გაქანებული ცხენი, რომელმაც ერთის თვალის დახამხამებაში გადირბინა ფართო ეზო, კიბეზე შეაგდო.

— ჰაი, ჰაი! — თან დასჰეჰა კირილემ.

— მაგ შეჩვენებული უსათუოდ გაღეშილი! მარცხი არ მოუვადეს! — წამოიძახა ჯიმშერმა და სხვებთან ერთად კიბისკენ გამოიქცა.

კიბეზე შემოგდებულმა ცხენმა ფეხი ევლარ მოიმაგრა და წაფორხილებული დაეცა გვერდზე. დაეცა კირილემც, მაგრამ ისევ მარდად წამოვარდა და ახლა აქელებული იდგა ყმაწვილებით გარშემორტყმული.

— რავა აქნება, ყმაწვილო, ასეთი გაუფრთხილებლობა?! — მიმართა ჯიმშერმა კირილეს.

— ბიძიას ვახლავართი.. უკაცრავად, შენი ჰირიმე! — და კირილე ბიძამისს მიესალმა.

აივანზე ავიდა პლატონოც და ჯიმშერისადმი მისალმების შემდეგ სხვებსაც მიესალმა.

კირილემ შეიხედა ზალაში და, სუფრას რომ თვალი მოჰკრა, წამოიძახა:

— ამიტომაა სასიამოვნო აქ მოსვლა იფი.. შენი ჰირიმე, შენი, ჩემო ბიძია! — და იგი მივიდა მაგიდასთან, დაავლო ჯერ ერთ ბოთლს ხელი, მერე მეორეს, მესამეს და ცარიელები რომ შერჩა, ლანგარით ჩაის ჩამომრიგებელ ჯიმშერის ქალიშვილს მიაძახა:

— მაგ ჩაის რომ დააცუნცულე, მაგის მაგიერად, შე ქალო, ერთი ბოთლი ღვინო შემოიტანო ის სჯობია, ჩემო ვერიჩკა!

— ჯერ ეს მიიჩნევი და მერე ღვინოსაც მოგართმევ! — მიუგო ვერიჩკამ.

— თუ ჩემი სიყვარული გაქვს, ჩემო ვერიჩკა, ერთი ბოთლი ახლავე შემომიბრებენ-ნენ!

— კი, ბატონო! — უპასუხა ვერიჩკამ და სსვებს მიაწოდა ჩაი.

კირილე მთვრალი იყო და პლატონი თვალს არ აშორებდა მას. გზაზე, ღუქანში, პლატონის საუბედუროდ, მათ შეხედნენ კირილეს ვიდაც ნაცნობი ყმაწვილები და ძლივსძლივობით დააშორა მათ თავისი სიძე მისგან დატანჯულმა პლატონმა. ახლა ისე ამოიჩინა კირილემ ბოთლები და ნახვავაზე ღვინო, რომ მისი გადათქმევიანება ყოვლად შეუძლებელი იყო. რა ხერხი არ იხმარეს, რომ როგორმე ზალიდან გამოეტყუებინათ აივანზე; კპირდებოდნენ, აი, აგერ მოგიტანთ ღვინოსაო, აი აგერო. მაგრამ ბოლოს კირილემაც შეატყუა. რომ თხოვნას არაუფრო უსრულებს და აპაღბაღდა, გული მოუვიდა გაწყრა.

— რა იქნა, კირილე... ასეთი ყველას შეწუხება გაგონილა? დაწყენარდი, ყმაწვილო! — მივიდა მასთან პლატონი. — ნუ შეაწუხებ ყველა!

კირილემ ერთი თვალით გადაჰხედა და მიამბა:

— ვის ყველას გაწუხებ, ბიჭო, ვის ყველას?... თუ, ყველათ შენ? თავი მიგაჩნია?... რა მოხდა, თუ იცი? დედინაცვალს ერთს კი არა ათს გიშოვი!.. ბიძია, თუ შენ გაწუხებ, ბოდიში მომიხდია და ამას რა აწუხებს, კითხე, თუ გიყვარდე!..

— დაწყენარდი, ყმაწვილო! -- შეუტია შეშინებულმა პლატონმა, რომ კირილეს არ წამოსცდენოდა მეტი.

— ძალიან არ წუხს?! ერთ უშვილო დედაბერს დეეძებს სადედინაცვლოდ და მითხარით, ჩემგან რა შეწუხება მიჰყენებია... დაედეგ უკან მეძებარითო!.. ეგებ, ბიძია, გეგულებოდეგ სადმე უშვილო დედაბერი და ამ ყმაწვილს ეგებ გული დოუშოშმინო!..

პლატონი გაშრა, სირცხვილისაგან ცოცხლებში აღარ ერია. მზად იყო იქვე გაეგორებინა ეს გაღეშილი კაცი, რომელსაც აღარც კი ესმოდა არაფერი ამ ქვეყნისა, რომელიც სრულს გონებაზე აღარ იყო და რომლისგანაც ამდენი ვაივაგლახი გადახდა. სულ მცირე ხანში. მაგრამ შეიკავა თავი, რაღაც წაიბუტბუტა, აივანზე გავიდა და რიკულს მიეყრდნო გაწიწმატებული. კირილე კი თავისას არ იშლიდა.

— კოსტა! — მიამბა მან ზალაში შემოსულ მოსამსახურე ბიჭს. — კოსტა, ბიჭო, ღვინო! არ გესმის შენ?

— ახლავე, ბატონო! — მიუგო ბიჭმა და უცბად გავარდა ზალიდან.

ლვინო მაინც არავის მოჰქონდა.

— ვერიჩკა, ასე წახდით? — მიაძახა მამიდაშვილს კირილემ.— ლვინო გამოგელიათ?!

— ახლავე იქნება! — წამოიძახა ვერიჩკამ და ესეც საჩქაროდ ჩამოეცალა კირილეს.

კირილემ ცოტა ხანს კიდევ უყურა და ბოლოს მოთმინება დაეკარგა; ერთი მიიხედ-მოიხედა ზალაში წარბშეკმუხებით, წამოავლო ქუდს ხელი და აჩქარებული ნაბიჯით გაემართა ზალიდან, გაიარა აიენი და ეზოში ჩავიდა.

— სად მიხვალ, ყმაწვილო? — მიაძახა ჯიმშერმა.

კირილემ ხმაც არ გასცა, ჩავიდა ქვევით, შეჯდა თავის ცხენზე, წამოვიდა აიენისკენ და პლატონს შესძახა ბრძანებლობით:

— წამოდი... პლატონ!.. არ გესმის?

— ხომ არ გადარეულხარ, ყმაწვილო?.. — მიუგო პლატონმა აივნიდან.

— სად უნდა წახვიდე, ყმაწვილო?.. — მიმართა ჯიმშერმა. — სად უნდა წახვიდე?

— არ გესმის შენ ჩემი? -- ისევე შემოსძახა პლატონს. — ცხენზე შეჭექი ახლავე, თვარა!

— ნუ ირევი, ყმაწვილო! — კიდევ მიმართა ჯიმშერმა. — ჩაფით მიეყუდე ლვინო, თუკი აგრე გულთ გინდა!..

— თქვენი ლვინის მწყურვალეს თავსლაფი დაეასხი!.. შენ, ეი, პლატონ, ჩემი არ გესმის?!

ჯიმშერი გაჩერდა ამის ვაგონებაზე, პლატონი მივიდა რიკულებთან და გაჯაერებით გადასძახა:

— რა ღმერთი გიწყურება, კირილე?.. რა ღმერთი გიწყურება?! ასეთი გადარევა იქნება?!

— არ მოხვალ?

-- სად უნდა წამოვიდე, ყმაწვილო?

— არა?! — იყვირა კირილემ, მიატრიალა ცხენი და ხმალამოდებული შურღღულივით გაექანა პლატონის ცხენისაკენ.

— მოჰკლა ცხენი, ცხენი მოჰკლა! — იყვირეს აივანზე და უსათუოდ ცხენი საზარლად დაიკრებოდა, რომ აივნიდან ჩამოქანებულ პლატონს ქვა არ ესროლა ცხენისათვის და მისი დამფრთხალი ცხენი გვერდზე არ გამბტარიყო. მაგიერად ღონიერად მოქნეულმა და

ცხენს დაცილებულმა ხმალმა მთვრალი კირილე მარჯვნივ ისე გადაიტანა, რომ თავი ვეღარ შეიმაგრა და მიწაზე მძიმედ დაეცა.

კირილე კინაღამ ხმალს წამოეგო. შეიქნა ერთი წივილ-კივილი. ყველა იმისკენ მიარბოდა და მათ წინ კიდევ პლატონი.

— მიშველეთ, მიშველეთ! — გამოვარდა და მისკენ გაექანა ხნიერი ქალი, რომელსაც უკან ვერიჩკა მისდევდა.

კირილე კი წამოდგა ზეზე, აიღო ხმალი და პლატონისაკენ წამოვიდა დასარტყმელად, მაგრამ პლატონს წინ ჩამოუდგა ერთი ყმაწვილთაგანი, სწვდა ხელში კირილეს და ჩააგებინა ქარქაშში ჩმალი.

— კირილე... შეილო... რა იყო?... რა მოგივრდა, გენაცვალოს მამიდაშენი! — აღერსით ეუბნებოდა ხნიერი ქალი, მამიდამისი სალომე, მაგრამ კირილეს ამისი არა ესმოდა — რა, მეტი გაჯავრებისაგან ხმაგაკმედილი მოაქდა ცხენს, შემოპკრა მათრახი და თქრშიაღით გაექანა ჰიშკრიაკენ.

— გოულეთ... გოულეთ მაგ შეჩვენებულს ჰიშკარი... გოულეთ... მაგ თავლაფდასხმულს, მაგას! — მიაყვირა უკან ჯიმშერმა.

— რა არი, ყმაწვილო... რანეირი საქციელია?... — შეუტია ჯიმშერს სალომემ. — რა ჰქუთა ახლა მაგ?..

და შეწუხებულნი ქალი, ერთ აღვილას გამეშვებული, მისჩერებოდა ქვევითკენ მიმქროლავ ძმისწულს, რომლის ქუდიღა მოჩანდა, თითქოს ქარისაგან მოტაცებული, ღობეების სარებს ზევით.

— რა იყო? რა მოუვრდა მაგ უბედურს?... ვინ აწყენინა, აჲ რომ გადირია მაგ შავდღეზე დაბადებული! — წუწუნებდა სალომე.

პლატონი ამქვეყნად აღარ იყო ჯავრით.

— რატომ მკვდარი არა ვარ ახლა... რაზედ ფეხები არ მომტყდა და მაგას წამოყვევი? — გაიძახოდა საცოდავი.

— რა ვუყოთ, ბიძიკო... შენი რა ბრალია... მაგ შეჩვენებულმა ასე იცის ყოველთვის!.. მადლობა ღმერთს, რომ ასე ადვილად მოვრჩით კიდევ! — გაიციინა ჯიმშერმა.

— თქვენ ნუ მომიკვდებით, რაც მე ამ ორ დღეში გადამხდა მაგისაგან, არ ვიცი, თუ როდისმე კაცს ამდენი გასაჭირი ენახოს ერთი კაცის მიზეზით... — ნალვლიანად ამბობდა პლატონი და მოჰყვავდა, რაც ამბავი მოუვრდა შაფათაძისას, კირილე რანაირად დათვრა გზაზე დუქანში, საიდანაც ძლივსძლივობით წამოიყვანა აქეთ. ეს კაცი, რომელსაც წინანდელი მწუხარებაც ეყოფოდა, ამ ახლად გადახდილი უსიამოვნების შემდეგ, მეტად გამწარებული იყო. ამიტომ ისეთნაირი კილოთი ლაპარაკობდა, სწორედ შეეცოდებოდა კაცს, რომ თვით ამბავი სასაცილო არ ყოფილიყო.

— საცხა ჩეიჩხება ახლა ის უბედური და ერთი საცოდობა უნდა მოხდეს! — წაილაპარაკა მწუხარებით სალომემ.

— ჩეიჩხება კი არა... ერთი შენ, ჯავრობ კიდევ! — მიმართა ჯიმშერმა.

— აბა, რა... ო, ღმერთო, ღმერთო! — ამოიოხრა სალომემ და აივნიდან სახლში შევიდა.

პლატონის მოთხოვნილმა ამბავმა იქ მყოფთ ბევრი სხვა წინანდელი თავგადასავალი გაახსენა კირილესი და ცოტა ხნის შემდეგ აივანზე ისევ სიცილ-ხარხარი და ხმაურობა ისმოდა. ისევ კარგ გუნებაზე დადგნენ ყველანი და წინანდებურად სიამოვნებდნენ.

VIII

პლატონი კიდევ დიდხანს იყო უგუნებოდ, მარტოდ მჯდომი ზალის კუთხეში, პატარა რგვალ მაგიდასთან, ჩაით წინ და ჯერ კიდევ ვერ დაეწყინარებინა თავისი გული. რარიგად არ ლანძღავდა და ავინებდა თავისთავს, რომ გადარეულ კაცთან მგზავრობა არ დაიშალა და ამდენი უსიამოვნება და გაწვალება გამოიარა... გაწვალება გაწვალება იყო. მაგრამ მას უფრო სირცხვილი ჰკლავდა, იმ წყეულმა რომ მთელ საზოგადოებაში წამოიძახა და მისი საიდუმლო გაამჟღავნა. რასაკვირველია, ახლა სამასხაროდ იქნებოდა აგდებული ამ ყმაწვილებისაგან, რომელნიც დიდიდან საღამომდის მხოლოდ იმით არიან გართულნი, რომ საოხუნჯო, სასაცილო და სამასხარო საგანი რამ ან მოიგონონ, ან შეამჩნიონ ვისმე. ამაზე იკლავდა თავს პლატონი და იმნაირ გუნებაზე დადგა, რომ მზად იყო ხელი აეღო თავის განზრახვაზე, მიეტოვებინა თავისი საქმე, ამწამსვე უკან გაბრუნებულიყო სახლში, თავი მიენებებინა ყოველივესათვის და დაე, რაც უნდა ის მომხდარიყო.

— მშვენიერი ადგილი ამოვიჩივით, თუ კაცი ვარ!.. ამ ტკბილ სასმელთან ტკბილი მუსაიფიცი უფრო მოსახერხებელია, თავი ნუ მომიკვდება!

და ამის მთქმელი, მომღიმარე სახის, ასე ოცდაშვიდის, ოცდაცხრა წლის ყმაწვილი კაცი მოუჭდა გვერდით.

— აზნაური არისტო ქვაშავიძე გახლავარ... იმედი მაქვს ახლოს რომ გავიცნობთ ერთმანეთს, ცუდ კაცად არ დამსახავთ. ამას თამამად ვიტყვი სწორედ!.. კეთილშობილი კაცი ყოველთვის კეთილშობილი კაცისაგან უნდა იცნობებოდეს... და თუ ჯერ ჩემი ნამდვილი

კეთილშობილება მე თქვენთან არაფრით დაპიმტკიცებია, იმედ-
მაქვს, მალე თვალსაჩინოდ დაგიმტკიცოთ.. დიას!

პლატონი უხერხულ მდგომარეობაში ჩაეარდა. რა ეპასუხნა, რა
მიეგო ამ უცნაური კაცისათვის? მერე კიდევ ეს კაცი ისე სხაპასხუ-
პით ისროდა სიტყვებს, რომ ამ მოულოდნელი თავდაცემით გაფა-
ციცებული, იგი მისჩერებოდა ქვაშავიძეს და არ იცოდა, რა პასუხი
მიეცა. მის ბედზე ეს ყმაწვილი თითქოს არც კი აცლდა მაგიერ
სიტყვას, იგი თითქოს ჩქარობდა თავისი სათქმელის დათავებას, რო-
ნელიც მოკლე არ უნდა ყოფილიყო, როგორც ეტყობოდა.

ყმაწვილმა კაცმა რომ თავისი თავი დაწვრილებით წარუდგინა
პლატონს, საკმაოდ რომ გააცნო, უფრო ახლოს მიიწია მისკენ და
ხმადადაბლებით ჰკითხა:

— თქვენ მართლა ეძებთ სადღეინაცვლო ქალს?.. გკითხავ.
ამას, როგორც პატიოსან კაცს... მართლა ეძებთ?

პლატონმა თვალები მიაშტერა ამის მკითხველს. რისთვის ეკი-
თხებოდა ამას ეს კაცი? რა უნდოდა, რა ჰქონდა გუნებაში ამ კითხ-
ვის დროს? აი, კირილეს ნაწყალობები ამბავი — გაიფიქრა პლა-
ტონმა.

— ეძებთ ხომ?.. — განუმეორა კითხვა არისტომ, რადგანაც პლა-
ტონი პასუხს უგვიანებდა. — ხომ?

— ბატონო, რაღაცას უპკუო, გონებადაკარგული კაცი წამოა-
ყრანტალებს, რა გასაგონარია, თუ ღმერთი გწამთ!..

— არა, არა! — გააწყვეტინა სიტყვა არისტომ. — არა, პატიოს-
ნებას გაფიცებთ, პატიოსნებას... მითხარით!

— ბატონო!

— არა, თქვენ არ იფიქროთ, რომ მე რაიმე ცუდი აზრით და
უხეირო განზრახვით გეკითხებოდეთ... მოგახსენეთ, ვერ მიცნობ
ჭრეთ, მართალია, მაგრამ, რომ გამიცნობთ, ცუდ კაცად არ მიმი-
ღებთ-თქვა, მოგახსენებთ თამამად...

— ბატონო, შაგას რაზე...

— თვითონ ბატონი ხარ და კეთილშობილი და, როგორც კეთილ-
შობილს, ისე გკითხავ მეც, კეთილშობილი კაცი... მითხარით, მარ-
თლა ეძებთ თქვენ სადღეინაცვლოს, თუ არა?

პლატონმა ველარ შეძლო-დაეფარა თავისი საიდუმლო ამ უც-
ნაურად ჩაცივებულ კაცისათვის.

. — ვეძებ! — მიუგო მან ბოლოს.

— თქვენ ძმა გყავთ?

— არა!

— და?

— გათხოვილი

— კი დაგემართოსთ! ბედნიერი კაცი შენ ყოფილხარ!.. ახლა დედინაცვალს ეძებ, ორნაქმარებს, უშვილოს, იმიტომ რომ გეშინია, მამულში მოზიარე არ გაგიჩნდეს, — ეგ ადვილი მისახვედრია და, თუ ჩემს პატიოსნებაში ეჭვი არ შეგაქვს, ამის მიზეზი, იმედი მაქვს, არ მომიცია თქვენთვის, სანდო კაცად მიყურებთ...

— მაგას რაზე ნებულობთ! რატომ არა! — დაატანა პლატონმა.

— არა, არა! მე სხვანაირი კაცი ვარ... ოსტატობით გამოგლექილი, დაცდენილი სიტყვით მე არაოდეს არ ვისარგებლებ. ამას მე ჩემს თავს არ ვკადრებ, თქვენ არ მომიკვდეთ! თუ მენდობით, თუ დაიჭერებთ ჩემს სიტყვას, მე მიგასწავლით სწორედ იმისთანა ქალს, რომელიც ნამდვილ სათქვენოა, თქვენი ხელმოსაკიდებელია... არ წარმოიდგინოთ, რომ მე თქვენი მოტყუება მწადადეს. მაშინ ღმერთმა აქვე გამათავოს! მე მაჰანკალი არ გახლავარ ზოგიერთივით, არ იფიქროთ... არც ვეკადრებ მაგნაირ ხელობას!..

— რასაკვარველია!

— არა, ამას იმიტომ გეუბნები, რომ ეგებ შენ სხვაფერ იფიქრო რამე. ქალი კი სწორედ ზედ გამოჭრილია იმაზე, თქვენ რომ გწადიათ... ორნაქმარებია, შვილი არ ჰყოლია თავის დღეში, არც მოხუცებულა, კაცმა რომ თქვას... მშვიდობიანი, წყნარი, გულკეთილი, არც ულამაზო, — ის კი არა, ყმაწვილ ქალობაზე ირეოდნენ მისი სილამაზისთვის...

— ნამდვილ იცით ეს ყველაფერი?

— ვიცი?.. შე დალოცვილო, მამიდაჩემის ამბავი თუ აღარ ვიცი, ვილა ჯანდაბის ამბავი მეცოდინება?! აღარ დაგიმაღავ, სწორედ მამიდაჩემია ის ქალი, რომ გეუბნებოდით და თუ მე ჩაბრუნებით გესაუბრებოდით, ეგ იმიტომ, რომ პირველ შეხედვიდანვე ჩემი გული მოიგე და იმიტომ განვიზრახე შენთან დამოყვრება, დანათესავება, თვარა სხვა რომ ვინმე ყოფილიყო, ხმადაც არ გავცემდი... გამოტეხილი ვითხრა, ხლაფორთი ბევრი დამჭირდება, ქალი რომ დევნიყო, შარა კარგი კაცის გულისათვის კაცი რას არ იზამს...

— სად ცხოვრობს მამიდათქვენი? — შეეკითხა დანტერესებული პლატონი.

— ქვედურეთში

— ქვედურეთში?! — გაკვირვებით განიშეორა პლატონმა.

— ჰო!.. რამ გაგაკვირვათ? ა?

— ისე!.. ქვედურეთში მე კიდევ მითხრეს ერთ ქალზე...

-- ვინ გითხრა? — გააწყვეტინა სიტყვა არისტომ. — ვინ?

— არა... ისე, ლაპარაკში სიტყვას მოჰყვა, თვარა...

--- ვინ იყო მაინც, თუ კაცი ხარ...

— აღვოკატი რომაა, ივანე გვერდევანიძე... გეცნობებათ...

— უი, უი... და ივანეს სიტყვას უნდა აპყვეთ?! ცნობით რავე არ ვიცნობ, ბიძაჩემია ის სულწაწყმედილი, ის... იმის სიტყვის დიქრება გაგონილა? მხოლოდ მოტყუებაზედაა გამაცადინებული ყოველ წამში... ივანე რა ეშმაკად გინდა...

— არა, ყმაწვრო, გინებით არც იმას უგინებია ის ქალი, ის კი არა, ძალიან აქო... ძალიანაც აქო...

— ანე დაგეწყო, შე დალოცვილო, თავიდანვე... ტყვილა გამალანძღვიე ნათესავეი... ცეცხლი შემომეკიდა... რა ვიცი, დღეს კაცი კაცს ისე ვერ ახსენებს, რომ მისი გინება და ცუდად მოხსენება თანვე არ დაატანოს... მე ვთქვი ახლა, თუ ივანემ თავისი ნათესავე აგინა... ბრეგაძის ქვრივზე გითხრათ რამე?

— სწორედ... სწორედ.

--- პო და ეგ არის... ჩემო ძმაო, პირობა ხომ არ გვექონებია, ორავის ერთნაირად გვექო ის ადამიანი?.. ალბათ, ღვთის ნებაც ურევია ამ საქმეში, თვარა ერთნაირად მოლაპარაკე კაცი სადმე შეგხვდომია შენ ჩვენში, თუ ძმა ხარ?

— გვერდევანიძემ არც კი იცის, თუ რა საქმეზე ვარ მოსიარულე.

— პო და ეგ არის... ეგ არის, ჩემო ძმაო და კეთილო! ღმერთმა ათქმევინა მას და შენ გაგაგებინა თავისი სურვილი ივანეს პირით... სხვაგან ნურსად გადავარდებო... იქვე განიშნა შენი საქმე... ღმერთს ყვარებობხარ... თქვენი სახელი, უკაცრავად... პო, ღმერთს ყვარებობხარ, პლატონ ჩემო, ამიტომაც მეტი ლაპარაკი საქიროც აღარ არი და გადაწყვიტოთ საქმე... ძმობაზე ხელი მივცეთ ერთმანეთს. ჰა! — და არისტომ ხელი გაუწვდინა პლატონს.

პლატონი კი ახლა მეტად, აირია და გაუბედავობამ შეიპყრო. გადაწყვეტილების მიღების წინ წამდგარი. არისტოს სიტყვა ერთობ ნამდვილ სიტყვად ეჩვენებოდა. ეს ქალი მართლა და ბეკინას ბედი უნდა ყოფილიყო. აბა, რა იყო, რომ იმ წამიდანვე, თავის კიშკარს ფეხი გადმოადგა თუ არა, მხოლოდ ამ ქალზე ელაპარაკებიან ყველანი, შემხდურაც და დამხდურაც. უსათუოდ ეს უნდა იყოს მამისის ბედი. მაგრამ ამასთანავე გადაწყვეტილების მიღებაც უძნელდებოდა. ვაი თუ უფრო სანდო სხვაგან მოიხანებოდეს და ამაზე გადაწყვეტით საქმე გამიფუჭდესო?

-- ორნაქმარებია მამიდათქვენი, არა? — ჰკითხა პლატონმა, რომ უფრო დარწმუნებულიყო და ერთხელ კიდევ გაეგონა დამაჯერებელი სიტყვა.

— რასაკვირველია, ორნაქმარები... წინედ უცნობლადეს ჰყავდა, პერე — ბრეგაძეს!

— შვილი არ ჰყოლია არც ერთთან?

— გეფიცები პატიოსნებას, შვილი არ ჰყოლოდეს თავის დღეში!

-- დიდხანს ჰყავდა უცნობლადეს?..

— თუთხმეტი წელიწადი. — და არისტოს გაეცინა.

— თუთხმეტი წელიწადი.. ბრეგაძეს?

— რვა! — ისევ სიცილით მიუგო არისტომ.

— რვა.

— ჰო, რვა! ეგ ნამეტანია, ყმაწვილო! — ვეღარ იკავებდა სიცილს არისტო.

— რას იზამ კაცი, გაჭირვება ათასნაირ სისულელეს გაფიქრებებს და თან უხეიროთაც გალაპარაკებს! — ღიმილით მიუგო პლატონმა. — რვა წელიწადი... და შვილი არც ამასთან ჰყოლია?

— არა, ყმაწვილო, არა!.. — მოუთმენლად ამბობდა არისტო. — ვეუბნები, აღარაა შენი ლაპარაკი საჭირო... ავდგეთ ხვალ, შევჯდეთ ცხენებზე, მივიდეთ, ვნახოთ ის ქალი, დევეთანხმით და მორჩა, საქმე გავათავოთ!... აბა, ხელი... ხვალ ქვედურეთში მივდივართ! საქმე გათავებულია!

პლატონი გაუნძრევლად იჯდა თავის ადგილას და არისტოს შეჰყურებდა. იგი ისევ ყოყმანობდა, საბოლოოდ ვერ სწყვეტდა საქმეს.

— ჰო, ყმაწვილო!

— ცოტა მომითმინეთ!.. ასე უცბათ...

-- ე. თქვენ, როგორც გატყობთ, გაუბედავი კაცი ყოფილხართ! ვაგიგონიათ ასეთი გაუბედაობა, ამდენი ყანყალი!.. საქმე ცხადია და ნათელი — რალა მოთმინება და გადადებ-გაღმოდება საჭირო კიდევ!

— არა... არა!.. ასე სულდაულთქმელად არ შემიძლია, ცოტა ხნის შემდეგ მოგასენებ ჩემს პასუხს... ასე აჯობებს კიდევაც! — თავის სიტყვაზე იღგა პლატონი.

ბევრს ეცადა ქვაშავიძე პლატონისათვის სიტყვა დაეცდევინებინა, მაგრამ მაინც ვერას გახდა.

— მაგარი კაცი ყოფილხარ, ძმობას ვფიცავარ!.. ძალიან მაგარი. რა გაეწყობა!.. აბა, ამ ვახშობამდის გევიგებ შენს სიტყვას და მანამდის მოთმინებას ვიჭონიებ...

ამ საგანზე ლაპარაკი დამთავრებულად უნდა ჩათვლილიყო ვახშობამდის. ორივე ჩაჩუმდა, სანამ ახალ სალაპარაკო საგანს მიაგნებდნენ.

— კი არ გაყინულა ეს ჩვენი ჩაი.. — წაავლო ხელი სტაქანს არისტომ. — შენ რომ არა, უფრო თბილის დაღევა მოგვეხდებოდა ორსავეს. — ღიმილით დაატანა მან.

— ცივი კბილებს შეინახავს. — მიუგო პლატონმა.

— ეგეც მართალია — თქვა არისტომ, უცბად გამოცალა სტაქანი და ლამბაქით და კოვზით ხელში აივანზე გავიდა, რომ მოსამსახურისათვის გადაეცა.

აქ ისევ სიცილი და მხიარულება სუფევდა.

— სახლში ხომ არ ეპატივებოდი პლატონს, ასე ჩაცივებით რო მისდები მაგ კაცს? — მიმართა სიცილით ერთმა ყმაწვილთაგანმა არისტოს.

— მგონია, ძალიან უარით გამოისტუმრეს „ზნაკომობაზე!“ „ხადი დალში, ზნაკომ ბუღეშო!..“ არისტო, ხომ? — დაატანა მეორემ.

— არ ეტყობა?! ბარგიც თან თუკრავს ხა, ხა, ხა!

— რაგა? ასე სახელგატეხილია არისტო, რომ ამდენი ხვეწნა ჭირდება, სახლში რომ ვინმე მიიწვიოს? — სიცილით იკითხა ჯიმშერმა.

— მიიწვიოს კი არა, მიიტყუოს, ბატონო, მიიტყუოს! ყველა ჩემსავით სულელი კი არ არის!... — წამოიძახა ერთმა კოხტა, მაღალი ტანის, ლამაზი სახის ყმაწვალმა.

— რაგა იყო, კოტე, რაგა, შენ რომ დაგპატიე?! — მიაძახეს ამ ყმაწვილს სხვებმა და ატყდა ერთი ხითხითი.

— კაია, ნულა გამახსენებთ, თუ ღმერთი გწამთ!

— ააბრუნა ამან თავის წისქვილი! — ღიმილით მიაძახა არისტომ.

— მოჰყევი, მოჰყევი, კაცო!.. — მიაძახეს ყმაწვილს. — ჯიმშერს არ გოუგონია მაგ ამბავი!

— გავბრიყვდი, ბატონო, გავბრიყვდი და ვესტუმრე მაგ უხეიროს... არ მომეშვა, თქვენ ნუ მომიკვდებით, თვარა ჩემით რაგა წევიდოდლი.. ჯერ დიდხანს უარს ვეუბნებოდი და მერე, რომ აღარაფერი გამეწყო, მე ვთქვი, კაცი დამემღურება-თქვა, რაც იქნება, ვეწვევი-მეთქი... ავდექი და წვევდი... წვევდი. სწორედ აპრილი იყო... მე ვთქვი, ღვინო ჯერ კიდევ ექნება კაცს, სირცხვალში აღარ ჩავაგდებ-თქვა... ამის გულისათვის ტალახი ბევრი ვსრისე, ღობე ბევრი გავარღვიე, გზები ისეთი, რომ ძლივს გავატანე... რაეარც იქნა, მივედი, მივაწიე... დაღლილი, დაქანცული. მოვისვენებ ერთი, ვამბობ ჩემს გუნებაში... მივედი ახლა, გადავიხედე ეზოში — საღდაა სა-

ხლი. ფიცრები ყრია აქაც, იქაც... აგერ გამოუწყიათ ახალი სახლი, სვეტია მხოლოდ და მასხარობასავით მარტო ერთი კარი ოუკიდნით... ჩვედი ეზოში... ვუყურე, ვუყურე, მომივიდა გული, მივაფურთხე ერთი და გამოვაბრუნე ცხენი და გაცეცხლებული მივიღე ვარ უკან... ვიღაც კაცი შემხვდა, ვკითხე: ბიჭო, არისტო ქვაშავიძის სახლი სად არის-თქვა და... „ბატონო, არისტოს ფიცრების მეტი არაფერი აქვსო, სახლი სად აქვსო“... თურმე ძმები გაყოფილან, სულ ფიცარ-ფიცრად გაუტანიათ სახლი და ახლა ორსავე, რომ მთელად აღარ აქვთ მასალა, ქე არიან ისრე უბინაოთ... დაყანყალობენ იქით-აქეთ. მაგათ ღმერთმა მშვიდობა მისცეს და მე რაზე მპატიობდა, ჰკითხეთ ერთი!

— გაყოფამდი გაბატობდი... მაშინ უნდა მწვევოდი... ჩემი რა ბრალაა. არა, ბატონო ჯიმმერ?... კაი, თუ გინდ აგრე იყო, არ დამითვრიხარ იმ ღამეს მერე? — მიმართა სიცილით არისტომ კოტენს.

— ეგ კი... რომ ვბრუნდები ის არის, გევიხედე აგერ არ შემომეყარა გზაში ეს ჩემი მასპინძელი?!. აი, შენ ასეთო, აი შენ ისეთო — მივაძახე გაცეცხლებულმა... არ გრცხვენია, ასე მომატყუე. მომკალი?! გულზე ვსკდები კაცია ეს-კი იცინის... სადმე თავი მიმადებზე, შე უღმერთო, ვეხვეწები დალლილი, მკვდარი კაცი. წამიყვანე, სადაც შენ მიეთრევი-თქვა... წამიყვანა, ბატონო, ვილაცა ნათლიამა პყოლია. ვინ ოხერმა მოანათლია მაგას შეილი! წამიყვანა, მიმაყენა ყაზახისას... მოიფხანა ყაზახმა თავი, მარა რარიგად... რა არ მოგვიტანა, რა არ მოგვართვა, რა მასპინძლობა გაგვიწია... ეს შეჩვენებული კი დათერა და სულ ერთიანად სტაქნები და საინები დოუფშენა... ახლაც მრცხვენია, რომ გამახსენდება...

-- ხომ დაგათერე?... ამაზე იყავი მოსული და რაღას მემღური კიდევ, ჩემო ძმაო... დრო გაგატარებზე, ვალი გადამიხდი! -- დაატანა არისტომ. — მეტი რაღა გინდა?

— ეგ იმ კაცმა მცა პატივი, შენ კი არაი..

-- ჩემით... აბა, მარტო მიბრძანებულიყავი... მარა შენ რომ მოჰყვები მასხრობას, ხვალამდი ვერ გაათაუებ! — ხელი აუჭნია არისტომ და ოთახში შევიდა.

ბალდავადე საზოგადო სიცილში ისევ განაგრძობდა თავის მონაცოლ ამბავს, არისტო კი ამ ღროს დაეძებდა სალომეს, რომელიც ვახშმის განკარგულებაში იყო.

— ბიძი, სალომე სადაა? — ჰკითხა მან ჭიმშერის პატარა ქალი-შვილს.

— უკან ბალკონზეა, ბატონო! — მიუგო ბავშვმა.

არისტო გავარდა იქით და სალომესთან მისულმა, ხმადაბლა მიმართა:

— თუ შეიძლება, ბატონო, ერთი წამით — და თვითონ წინ წამოუძღვა სალომეს.

— უკაცრავად ვარ, საქმეს მოგაცდინეთ! — დაიწყო არისტო, როცა ორივე ერთ მივარდნილ ოთახში შევიდნენ და არისტომაც კარი მიიხურა. — თქვენს ქმარ-შვილს, კარგ ქმარ-შვილს გაფიცებთ, შემეწიეთ ერთ პაწია საქმეში... მლოცავი ბევრი გყავთ, მაგრამ ერთიც რომ მიიმატოთ, ამით არას წააგებთ... მაღლია და ღმერთი კიდევ უფრო მწყალობელი იქნება თქვენი, რაეარც ახლა არის...

სალომე განცვიფრებით შეჰყურებდა ამ უცნაურ კილოზე მოლაპარაკე კაცს, რომლის სიტყვები მისთვის სრულიად გაუგებარე იყო.

— რა იყო, არისტო?

— ახლავე მოგახსენებთ... ამ საათშივე... მამიდაჩემს გაბრალებთ... უბედურ მამიდაჩემს... ბრეგაძეს რომ ჰყავდა...

— რაა? ხომ არათფერი დამართია? ა?

— ახლა დეემართა?! ჩავარდნილია, თქვენი მტერი ჩავარდა... ცეცხლსა და გენიაში... მგლები ხელში... თქვენც გაგონილი გაქვთ; იმათი უწყსობა და თავლაფდასხმა... რა ქალი და რა ოჯახში მოემწყურა, რა ოჯახში?! რა შეჩვენებულების ხელშია თან მეცოდება... საწყალი, საბრალო მამიდაჩემი, და თანაც მერცხვინება, ვერსად ვერ გამიმხელია მათთან მოყვრობა: ღარიბი, ღატაკი, დამსილიო... რომ გაგიგონია, სწორედ ისინი არიან... ებრძვიან ერთმანეთს. ეჭიყინებიან... კაცი ვერ მიხვალ, ვერ მიგიღებენ; ვერც თავად სადმე ჩნდებიან, გდიან ისე და აქვთ ნიდაგ ერთი ჩხუბი, ერთი დავიდა... რაბა ერთმანეთში... მე რომ ახლობელი მოყვარე ვარ, მე ვერ მივდივარ, არ შემიძლია უბედური ნათესავი ვნახო წელიწადში ერთხელ მაინც... რარიგად მივიღე? მე შენ გეტყვი, მიღება შეუძლიათ, ბინა აქვთ, სახლი, კარი, სასმელი, საკმელი... ჰმ!.. ჩემს სისხლ-სორცთან ვერ მივიღე წელიწადში ერთხელ, ორხელ? ვოუგონია კაცს?! მართო მრცხვინია, ამისთანა მოყვარე რომ მყავს... მერცხვინება, შენ ნუ მომიკვდები!.. და აგერ შემთხვევა არის და თქვენს სულს დავე-

ნაცვლე... თქვენს შემწეობას ნუ მომაკლებ... სულის საცხონებელი
საქმე ქენი... შეეწიე საწყალს, გულშეწუხებულ, დამწვარ-დადავულ,
ღახრაკულ დედაკაცს... შეეწიეთ, ღმერთი თქვენც შეგეწევათ!..

— რითი, ჩემო არისტო, რითი? — ეკითხებოდა გაკვირებული
ქალი, არისტოს. მკვერმეტყველებით გულაჩვილებულა. — რით,
არისტო ჩემო?

— მხოლოდ ერთი თქვენი სიტყვა, სხვა არაფერია საჭირო. ერ-
თადერთი სიტყვა! თქვენს ძმისწულს რომ ეგერ სამანიშვილი მო-
სყვა, — დაიწყო უფრო ხმადადაბლებით არისტომ, — ის სამანიშვი-
ლი სადღედინაცვლოს ეძებს... ორნაქმარებს და უშეალოს...

სალომეს გაეღამა.

— მამა ახირებია, ცოლი უნდა შევიერთოვო და მაგას მამულის
კამყოფელიდან უნდა თავი დეიფაროს... და ეძებს დედინაცვლად
ორნაქმარევე, უშვილო ქალს. დიახს.. ჰო და მამიდაჩემი სწორედ ზედ
კამოჭრალიო რომ იტყვიან; ისეა მაგათ საქმებარზედ...

სალომე რალაცას ჩაფაქრდა.

— მართლა არ ჰყოლია მგონი ელენეს შვილი, — წაილაპარაკა
ქან.

— არა, ბატონო, არა!.. შეჩვენებული ვიყვე, თუ ვტყუოდე, თუ
როდისმე ჰყოლოდეს! რა ხანია თქვენ მას იცნობთ, თქვენ გაიგო-
ნებდით.

— კია ოცი წელიწადი!

— ჰო-და... ოცი წელიწადიც ხომ შვილი არ ჰყოლია... მერე კაი
შეგვიანებული იყო, რომ გაუთხოვებიათ... ახლა ეყოლება მაგას
შვილი? თავს დავღებ, ბატონო, ხელს მოვიჭრი... რაც გინდათ, ის
მიქენით!.. ვის გოუგონია მაგისი შვილი აწი — ცხარობდა არისტო.

— მერე მე რითი უნდა შეგეწიო, არისტო ჩემო?

— ურჩიეთ მაგ სამანიშვილს დედინაცვლად ელენე... გამოჰკი-
თხეთ აქეთ-იქით, ამბავს ჰკითხავთ და როცა სიტყვა ჩამოაგდოს...
თქვენ უსათუოდ გკითხავთ რჩევას და ამას გვედრებით, მიქენით
წყალობა, თქვენს სიტყვას ის კაცი გაჰყვება. უქეთ მამიდაჩემი,
იცხონეთ სული, შეეწიეთ გაჭირვებულს!.. მაგ ყმაწვილი ერთადერ-
თი შვილი ყოფილა ოჯახში... როგორც ვტყობა, კი, ცოტა მაგარო
კაცია, მარა რიგიანი უნდა იყვეს. ჩემთვისაც ძალიან იქნება, ბატო-
ნო, მიხვალ კაცი კაცთან, ნახავ, გნახავს. მტერ-მოყვარეობას გაგი-
წევს... შენი ჰირიმე, ჩემო ბატონო, ჩემო!.. ერთი სიტყვით... რალა
ვთქვა... — და სიტყვა რომ აღარ ეხერხებოდა, ყელმოგრეხილა
არისტო ყანყარატოში მარცხენა ხელის წაველებით, წვერებწამოშვე-

...ილი. უცნაურად ეღრციებოდა სალომეს. — შენი ჭირიმე... შენი... შენი!

— ბატონი ბრძანდები... კი, ბატონო... მაგაზე რათ გინდა მაგდენი ხვეწნა..

— შენს სულს ღმერთი გაახარებს... ჩემო ბატონო, ჩემო!

... კი, ბატონო, კი..

— რაღა ვთქვა... რითი გადავიხადოთ მაგიერა! — წამოიძახა არისტომ და ჩააფრინდა ხელებში სალომეს და კოცნა დაუწყო.

— მაგაზე, შე კაცო, რა... ნეტავი კი რამე იქნებოდეს ღა...

— კი, იქნება, კი... აწი კი იქნება ყველაფერი... და კაცი არ ვიქნები, თუ ღლე არ გავუმწარე იმ ოხრიშვილებს!.. მე ვაყურებიებ რაით თავიანთ სეირს... საქვრივოს რომ გადავაშლოქიებ!.. მაშინ ექნებათ საბუთო, ცუდი კაცი მიძახონ... აბა, ბატონო სალომე... მეტი რაველა შეგაწუხო კიდევ!..

— მოგახსენე და სწორედ ვეცდები... მეტი ხვეწნა რაღა საქობო!

— თქვენ ვაცოცხლათ ღმერთმა უკუნითი უკუნისამდე... თქვენ ვაცოცხლათ!.. — წამოიძახა გრძნობით არისტომ და უცბად დაატანა: — ახლა კი ისევ ზალაში შევალ, თვარა ეგებ ქე შემნაშნოს გამოპარვა და ექვიც ვილოს რამე იმ კაცმა... ნურას უკაცრავად, შენი ჭირიმე! უნდა შევიპარო ისე, შეუმჩნეველად...

და კმაყოფილი არისტო ოთახიდან უცბად გამოვარდა და მართოდ დატოვა გაოცებული სალომე.

ამ დროს პლატონი ერთ წყვეტებაში იყო. თუმცა მის გარშემო ბმაჟრობა და ჟრიაშული იდგა, მას არა ესმოდა-რა, — თავის აზრებში იყო წასული. იგი თითქოს ვერც ამჩნევდა, რა მხიარულება სუფევდა ამ საზოგადოებაში; ვერ ხედავდა, რარიგათ ეჭიბრებოდნენ ეს ყმაწვილები ერთმანეთს, თუ ვინ უფრო მეტ სიცილს გამოიწვევდა, ვინ უფრო აამებდა მათ საყვარელ მასპინძელს, რომელიც გულთერ ერთობოდა და ხალისობდა. პლატონი ხანდახან თუ ათხოვებდა ყურს, რაც ამბავი ხდებოდა მის მახლობლად, თორემ სულ იმას ფიქრობდა, რა ექნა, რა გადაწყვეტილებას დასდგომოდა? მიეღო ამ ქვაშავიძის წინადადება, თუ არა? გადაეწყვიტა ამ ვილაც ბრეგაძის ქვრივზე საქმე, თუ სხვაგან ეძებნა სხვა ქალი? ვაი თუ ეყოლოს შვილი?... მარა თუ მართლა ორნაქმარებია, უშვილო... შვილი რაღა ეყოლება... რა ღმერთი გაუწყრება, რა ჩინი ბომ არ ჭირს მისი? იგი ათასნაირად სწონიდა ამ საქმეს. ხან ასე ფიქრობდა, ხან ისე. ხან ვადასწყვეტდა, ხან ისევ მეტ გაფრთხილებას ურ-

ჩვედა თავისთავს... ყმაწვილი კაცი ერთ გაწამაწიაში იყო... დრო კი წიდიოდა და საჭირო იყო რაიმე გადაწყვეტილება მიეღო, საჭირო იყო პასუხი მიეცა ქვაშავაქისათვის, დაპირებისამებრ. ეძიოს სხვაგან? უარი უთხრას ქვაშავიძეს?.. თუ სალომესთან მივიდეს და დაეკითხოს? მაგრამ რარიგათ? ვინ მისცემს იმდენ თავისუფლებას ახლა სალომეს, რომ მასთან თავისუფლად მოლაპარაკება შეიძლოს?.. საწყალს, ამ გაწამაწიაში მყოფს, თავბრუ ეხმობდა. მოღალული ტვინი ხეირიანად ვერც კი მოსაზრებდა და დაღლილი პლატონი იჭდა ხანდახან გაყუჩებული, გაყუჩებულს. ამ გაწვალებაში მყოფს უცრივ არისტოს ნათქვამი გაასხენდა. ეგება მართლაც ეს ქალი მამამისის ბედი იყო?!. მართლა, რა არის, აბა, რომ თავიდანვე ამ ქალს უხსენებენ და ყოველი გარემოება ისე ეწყობა, რომ უსათუოდ ამ ქალის მხსენებელი ხვდება ყველგან, თითქოს განგებ პირი შეეკრათ ამაზე... ხომ არავინ იცოდა? მას ხომ ერთი სიტყვაც არ დასცდენია თავის საიდუმლოს შესახებ გვერდევანიძესთან — თვითონ იმან ახსენა და აქო ეს ქალი... ქორწილიდან სახლში ბრუნდებოდა, მაგრამ მაინც აქეთ წამოვიდა... აქ მოვიდა და, თითქოს განგება იყოს, ეს ქვაშავიძე დახვდა და ამავე ქალს ურჩევს და აძალებს... რა უნდა იყოს ასეთი უცნაურად მოწყობილი ამბავი?.. რას მიეწეროს?.. ასე უმნიშვნელოდ რაღა იქნება, რაღა ხდება ეს ამბავი?! ეგებ მართლა ღმერთი ანიშნებდეს და გაკირვებულს დახმარებას აძლევდეს, ეწეოდეს, საქმეს უადვილებდეს, ბედზე უთითებდეს... აბა, რატომღა ასეთი უცნაური, თითქმის შეთანხმებული, ერთპირიანი ლაპარაკი ყოველგან ამ ერთ ქალზე? და ამაზე, ამ აზრზე შეჩერებული პლატონი, რაც უფრო უკვირდებოდა გარემობას, უფრო და უფრო რწმუნდებოდა, სჯეროდა, რომ აქ სხვა არა უნდა ყოფილიყო რა. რომ ბრეგაძის ქვრივი მამამისის ბედი უნდა ყოფილიყო და მას უთითებდნენ ზედ, ანიშნებდნენ. ამ აზრმა ისე შეიპყრო პლატონი, რომ რამდენიმე წუთის შემდეგ, თითქოს მძიმე ტვირთმოსხნილივით, რაღაც გასაჭირისაგან განთავისუფლებულივით, მან მხიარულად, თავისთავად წაილაპარაკა:

„სწორედ... სწორედ... სწორედ ასე უნდა იყოს! რაც იქნება — იქნება!.. ბედს სად წაუვა, სად დევმალება კაცი?!“

და გულგახსნილი ახლა გუნებაში ღმერთს ეხვეწებოდა ისევ. რომ შეებრალეზინა მისი ცოლ-შვილი, მისი თავი და ყოველივე უბედურება თავიდან აეცილებინა.

გულმონებებული ახლა იგივე შეუერთდა საზოგადო მხიარულე-

ბას, ახლა იგიც სიამოვნებით შეჰყურებდა ამათ მასხრობას, იცინოდა ამათთან, ამ უღარღელ ყმაწვილებთან.

„იყო კაპასი... ავგულიც. რას დამაკლებს?! — გაუბნებდა ხანდახან თავში და მერე ისევ ყური ამ ყმაწვილებისაკენ ჰქონდა. — მარა, ვაი თუ დედაკაცი უარზე დადგა, მაშინ? — ისევ უბრუნდებოდა თავისას პლატონი. — მაშინ?... ეგ რავე შეიძლება!.. რაი ბეღია... უსათუოდ დათანხმდება, რავე შეიძლება!.. — ანუგეშებდა თავისთავს. — ეს არისტო რა იქნა!“

უნდოდა ახლავე შეეტყობინებინა მისთვის თავისი გადაწყვეტილება, ეთქვა, რომ ხვალ უსათუოდ წასულიყვნენ ქვედურეთში და საქმე გაეთავებინათ. დაუწყო არისტოს ძებნა თვალით და ის იყო აივნებიდან ზალის გაღებულ კარებში არისტოც გამოჩნდა.

არისტომაც მოჰკრა თვალი პლატონს და როცა შეამჩნია სახეზე რაღაც კმაყოფილება, წავიდა მისკენ.

— რას შვრები, კაცო? — ხმადაბლა ჰკითხა მან. — როგორ გადაწყვიტე?

— ხვალ წავიდეთ ქვედურეთში — უთხრა პლატონმა.

— აბა, რაღას მაწვალებდი, შე კურთხეულა! შევილო... ძმობას გეფიცები, იმდენს საქვრივოს ავალბიებ, რომ...

— არა, არა... რაში მინდა, გაკირვებულებას წანართმევი!.. საქვრივოს რას დავეძებ!..

— ერთი შენ კიდევ! — შეუტია არისტომ.

— მაგას თავი დავანებოთ... ეს მიუხარია, მამედათქვენი ულამაზო ხომ არაა?.. მტერმა არ გაგეცინოს, მოყვარესაც არ ეწყინოს...

— ულამაზო? მიარძანდით... მონახეთ მეორე მისი დასადარი ქალი... რითაც გნებავთ — სილამაზით, შეხედულობით, ჯანმრთელობით... რას ამბობთ?!. ჰმ!

— კაი დაგემართოსთ, კაი დაგემართოსთ!.. აბა ხვალ... ნულარ გადავდებთ!

— არა, არა! — მიუგო არისტომ. — ღარღი ნუ გაქვს... აწი შევიცი!

პლატონი ერთობ კარგ გუნებაზე დადგა, აღარც კი დაეძებდა მაინცდამაინც სალომესთან წინანდელ გადაწყვეტილებისამებრ მოლაპარაკებას, რჩევის კითხვას; დარწმუნებული იყო, რომ ბეკინას ბედს მიავნო და რამდენიმე ხნის შემდეგ მოსალხენად გამზადებული ვახშმის სუფრას მიუჯდა და მხიარულად ელაპარაკა სალომეს, შემდეგ ვერაჩკას სიძღვრაშიაც მხარი მისცა; შეუერთდა საზოგადო ყიუინს და ყანწს ყანწზე გულმოდგინებით სცლიდა.

— არისტო, პლატონ, აბა, ჰე, აბა, ჰე — უძახოდა მათი მოლხენით ნასიამოვნება ჯიშმერი. — არიქა, პლატონ... ჩემს პლატონს სიცოცხლე და დღეგრძელობა და ყოველივე სიკეთე! — მიაძახა მან. გადაისვა ტუჩებზე ხელსახოცი და წამომდგარმა გაუშვია ყანწი. — მოდი, ერთი მაგ შენ ლამაზ წვერებში გაეცო!

პლატონი წამოვიარდა, მივიარდა ჯიშმერთან, გადაეხვია მოხუცებულს, მხურვალედ აკოცა გულში და იქვე ღვინით აესილი სასამო სულდაუთქმელად გამოცალა.

გათენებამდის ღიღი ხანი აღარც კი რჩებოდა, სუფრიდან რომ წამოდგნენ არისტო, პლატონი და მათთან კიდევ ორიოდე ყმაწვილი. სხეებმა უფრო ადრე მიატოვეს სუფრა და ზოგი იქვე იწვა ხალაში ტახტზე გაგებულ ქვეშაგებში, ზოგი კი ოთახებში.

— ერთი ჩვენც წავდვით თავი და მერე გავსწიოთ ჩვენთვის... — თქვა არისტომ და პლატონთან ერთად ეზოში ჩავიდა. ნიგვზის ქვეშ ორივემ გაიხადეს ჩოხები, დაიდვეს თავქვეშ, შეახსნეს ახალბილილები, გაგორდნენ სახლიდან ჩამოტანილ ნოხზე და ერთი წამის შემდეგ ორივე ღვინისგან გაღეშილნი, მძიმედ-მძიმედ ქელავდნენ ძილმორეულნი.

აგერ ინათლა და ამომავალი მზის სხივები მოეფინა დედამიწას. არემარე ჩაჩუმებული იყო, ტკბილ ძილში გართული; ყოველივე მიწყნარებული, მიყუჩებული, თითქოს ნაზობდა ამ თბილ, მანებივრებელ სინათლეში.

მოუსვენრად გატარებული ღამის შემდეგ ამ მშვენიერ დღეს თითქოს სწადდა დაკარგული ძალ-ღონე დაებრუნებინა ყმაწვილებისათვის, რომელნიც მას მინდობიან და აგერ გარეთ ამწვანებულ ბალახში დაყრილან დასასვენებლად.

პლატონისა და არისტოს გარდა სხვებიც გორავდნენ ნათიბში. ღრმა ძილში წასულნი. აქვე სძოვდნენ მათი ცხენები.

მზემ კარგად წამოიწია. ჰაერიც თანდათან უფრო თბებოდა; სხივებს ძალა ემატებოდა და მათ ქვეშ მძინარის ძილიც უფრო მოუსვენარი ხდებოდა. აქამდის უძრავად მწოლარე, ახლა ხან ერთ გვერდზე გადაბრუნდებოდა, ხან მეორეზე, მოუსვენრად შლიდა ხელებს, არიდებდა პირს ზევიდან დაჩერებულ მზეს, ნიგვზის ფოთლებს შუა შემოპარულ მის გამთბარ სხივებს...

— უჰ, თავზე არ წამოგვდგომია მზე! — უცბად წამოვიარდა ზეზე არისტო და პლატონს დაუწყო ღვიძება. — ადგე, ადგე, ყმაწვილო... წავიდეთ, თვარა გაშუადღევდა ეს არის. ნულარ დევიგვიანებთ!

პლატონმა ძლივს გაახილა თვალები, ზანტად წამოდგა დაღლი-

ლი, მაგრამ აფაცურებული არისტო აჩქარებდა, ძილის ნებას აღარ აძლევდა. რამდენიმე ხნის შემდეგ ორთავემ ჩააცვეს, დაიხურეს. ცხენები დაიჭირეს, შეკაზმეს, ბიჭის პირით მადლობა შეუთვალეს. მასპინძელს, შესხდნენ ცხენებზე და გასწიეს ქველურეთისკენ.

X

სალობერიძის სახლიდან ქველურეთამდე კაი შორი გზა ჰქონდათ ჩვენს მგზავრებს. მზე იწურებოდა ისინი რომ ამ სოფელში შევიდნენ და არისტომ ცხენი გააჩერა ერთ ჩანგრეულ ღობეში დატანებულ წკნელის ჰიშკართან.

— მივაწიეთ, ღეთას მადლით! — წაშიობახა მან და ცხენიდან ჩამოხტა.

ჩამოხტა პლატონიც.

— აქაა? — იკითხა მან.

— აქ გახლავან, აქ, — რაღაც მტრულად წარმოსთქვა არისტომ, — აქ გახლავან... ე, იმ ქოხში უფროსი ძმა გევიდა დროებით... ამაში კი საშუალო და უმცროსი არიან... ეი, მასპინძლო! — დაიძახა არისტომ, ჰიშკარი რომ შეაღო და ეზოში შევიდნენ.

— მე შენ გეტყვი, ხმას ვერ გააწვდენ თავიდან ბოლომდის, იმხელა გაშლილი ეზო აქვთ ამ შეჩვენებულებს... ჩაბარდნენ პატრონს, თუ რა დეემართათ, რომ არავინ ჩანს! — წაილაპარაკა წინ მიმავალმა არისტომ.

ოდის ყურიდან თავსაფარწაყრული ქალის თავი გამოჩნდა და იმწამსვე მიიშალა; მერე იქიდანვე გამოხტა წვივებგატიტვლებული. პერანგა ბავშვი, შეჩერდა, მიტრიალდა უცბად, ამოეფარა სახლის ყურეს და იქიდან დაუწყო ცქერა მოსულებს.

— ეწყინათ ჩვენი მოსვლა ამ მუდრეგებს?! — წაილაპარაკა არისტომ და მზად იყო ერთი-ორი ასეთი გინება კიდევ მიეძღვნა მასპინძლისათვის, რომ აივანზე გამოჩნდა თმაგაჩეჩილა, ლამაზი სახის. ახალუხზე დვედშემორტყმული, გაშლილი ჩოხით ყმაწვილი კაცა და სტუმრებისაკენ წამოვიდა.

ეს იყო უმცროსი ბრეგაძე, სერაპიონი.

— პლატონ სამანიშვილი გახლავთ!.. სერაპიონ ბრეგაძე!.. — პირველი მისალმების შემდეგ გააცნო ერთმანეთი არისტომ.

— მობრძანდით, ბატონო! — მიიპატიჟა სერაპიონმა მოსულეები. — ეს ცხენები მიბოძე, არისტო!

— სერაპიონ ჩემო, აქიდანვე უნდა გამოგიტყდე, რომ ამაღან

თქვენს იქით გზა აღარა გვაქვს... ველარსად წავალთ და, თუ ძმა ხარ, ცხენებისათვის საკვები გვიშოვე, შენი კირიმე — უთხრა ბრევაძეს არისტომ.

— კი, ბატონო!.. რამდენიც გნებავთ... კი, ბატონო! ჯერ აგერ დაუბამ და მერე მე თვითონ მოვუვლი... სახლში მიბრძანდით!

— დავითი შინაა?... — იკითხა არისტომ სერაპიონის უფროსი ძმა.

— არ გახლავთ... სალამოს გიახლებათ... სხვაგან საქმე ჰქონდა...

— კაი დაგემართოს! — წაილაპარაკა არისტომ და თან გუნებაში დაუმატა: „აბა, საქმეს დაჩქარება უნდა იმ მხეცის მოსვლამდით, თვარა მერე დროსაც ველარ ვეშოვი, მამიდაჩემს სიტყვა ვუთხრა“.— მამიდაჩემი რას შერება, სერაპიონ ჩემო?

— რას იზამს... კარგადაა... აგერ თავადაც მოდის!

მართლაც, ოთახიდან აივანზე გამოვიდა ხნიერი დედაკაცი, ჩამოირბინა კიბე და კვატასავით მობაჯბაჯებდა არისტოსაკენ, თან თავსაფარს ისწორებდა და თან გაიძახოდა:

— შენი კირიმე... შენ დაგენაცვლა მამიდაშენი ელენე, შენი ჩემო გვრიტო და მალხაზო... ძლივს არ მოვესწარი კიდევ შენს ნახვას! შენი კირიმე, შენი, შენი — და სიხარულით გაცეცებული ქალი ეხვეოდა თავის ძმისწულს და მხურვალედ ჰკოცნიდა. — არ გრცხვენია, ბიჭო, ასე რომ მიმივიწყე?.. ასე უნდა მამიდას დავიწყება?.. ასე?..

— აწი ხშირად განახავ, მამიდაჩემო... უფრო ხშირად!.. სტუმარი მოგიყვანეთ, მამიდა, სტუმარი! აზნაური პლატონ სამანიშვილი, ბეკინა სამანიშვილის შვილი ძალიან სასიამოვნო სტუმარი — ეშმაკური ღიმილით დაათვა არისტომ სიტყვა.

ხნიერი დედაკაცი უცბად მიტრიალდა, თავი დაუკრა პლატონს, ხელი ჩამოართვა და თანაც მოიბოღინა:

— ღმერთო მომკალა! სიხარულმა გამომაჩერჩეტა მე უბედურა, თვალემა რაეა ამება მე უბედურს, მობრძანდით; სახლში მობრძანდით, ნუ შიძრახავთ, ჩემო ბატონო!

— რას ბრძანებთ, ბატონო — მიუგო პლატონმა, — რათ სწუხართ მაგისათვის...

— დავიწყებული ვყავარ, ჩემო ბატონო, სულ დავიწყებული ერთხელ წელიწადში რაეა არ უნდა განახოს შენიანმა?

— გამხნეველი, მამიდაჩემო! აწი უფრო ხშირად განახავ-თქვა, აკო გითხარი.

— უწინაც მპირდებოდით, მარა...

— ახლა აღარ მოგატყუებ, შენ არ მომიკვდე! — სიცილით მიუ-
გო არისტომ.

— ნეტავი მაგას მოვესწრებოდე და

— კი მოესწრები..

სერაპიონს კიდევაც გაუკვირდა არისტოსაგან ეს დაჭინებულ
სიტყვა და უნდობლად მისჩერებოდა ამის მთქმელს, რადგან ვერ
მიმხვდარიყო ნათქვამის მნიშვნელობას.

პლატონა კი დაკვირვებაში იყო გართული. ეს დედაკაცი სწო-
რედ ურიგო არ იყო. თავის ხნოვანობის მიხედვით შეხედულება
სასიამოვნო ჰქონდა. მართალია, ეტყობოდა გამოსვლის წინ უმარო-
ლი მოეწევა პირზე, თვალების უბეები სულ ამოთეთრებული ჰქონდა
ამ საცხებლით, მაგრამ მაინც მისი კაი ფერა, წითური ლოყები
თვალში ეცა პლატონს. და თქმა არ უნდოდა, რომ ბეკინა ვერ დაი-
წუნებდა ამ ქალს. რაც მეტს უკვირდებოდა პლატონი, თანდათან
რწმუნდებოდა, რომ გულკეთილი, კარგი ადამიანი უნდა ყოფილი-
ყო. ამას იგი ქალის სახეზე კითხულობდა ნათლად; და ამასთან სა-
ლომესგან ამისი ქება რომ აგონდებოდა, მისი უშვილოსნობა, რომ
ორი ქმრას ნაყოლი იყო, რომ მას შეეძლო მისი ლუკმის დაცვა გა-
ნუზიარებლად, პლატონის გული სიხარულით ივსებოდა, მეტი სია-
მოვნებისაგან აჩქარებით ტოკავდა და სიყვარულიც ეღვიძებოდა ამ
ადამიანისადმი. ამ უკანასკნელი გრძნობით, თუმცა ჯერ გამოუთქ-
მელით, მას სწადდა ამთავითვე თავისკენ მიემხრო ეს ქალი, მიე-
ხრო და ნამუსზე შეეყენებინა, რომ მასაც სიყვარულისათვის სიყვა-
რულითვე ეპასუხა და არა ბოროტებით.

— ჩანს, მართლაც ღმერთი მწყალობს! — გაიფიქრა კმაყოფილ-
მა პლატონმა.

მიპყრობილი თვალთ იგი ცდილობდა არისტო მიეხვედრებინა,
რომ მას მოსწონდა მამიდამისი, რომ იგი თანახმა იყო და სწადდა,
რაც შეიძლება მალე დაეწყნარებიათ მისი აფანცქალეზული გული
თანხმობის სიტყვის გაგონებით. იგი ისეთნაირმა მოუთმენლობამ
შეიპყრო, ისეთნაირ მოუსვენრობას მიეცა და ისეთმა აჩქარებამ
შეიპყრო, თითქოს ვისიმე შიში ჰქონდა, მოცილე არ გამოჩენოდა,
ვინმეს არ წაერთმია ეს მოხუცებული ქალი, ხელიდან არ გამოეგ-
ლიჯა მისთვის ასეთი ძვირფასი არსება.

არისტო ადვილად მიუხვდა, რასაც პლატონის თვალები ეუბნე-
ბოდნენ. მაინცდამაინც მისთვის არაფერი საჭირო იყო პლატონის
ნიშნები. კი, მართალია, ამით საქმე ადვილდებოდა, მარტივდებო-
და, თორემ მის გუნებაში საქმე გადაწყვეტილად იმ წამიდან მიაჩნ-

და, რაკი პლატონს ამ ესოში ფეხი შემოადგმევინა; იმ წამიდან, რაც უნდა უარზე დამდგარიყო პლატონი, არისტოს გადაწყვეტილებით, იგი იძულებული შეიქმნებოდა, — ამას მოახერხებდა არისტო, — უსათუოდ დედინაცვლად მიეღო მამიდამასი, მაგრამ რაკი პლატონმა ქალი მოიწონა და თანახმა ხდებოდა, მას საქმე უადვილდებოდა. ამით შეხალისებული არისტო მიზეზს ეძებდა, რომ მამიდამისი ოთახში შეეხმო და გამოეცხადებინა მისთვის მათი მოსვლის მიზეზი.

ეს მით უფრო საჭირო იყო ახლავე ექნა, რომ დავითი სახლში არ იყო და მეთვალყურე უფრო ნაკლები ეგულებოდა.

ის იყო არისტომ ამისი ასრულება დააპირა, რომ აივანზე გამოვიდა დავითის ცოლი, ნუჩია, ყმაწვილი, სახეგამხდარი ქალი, თითქმის ტიტველა, ძუძუთაბავშვით ხელში. მან სტუმრებს ხელი ჩამოართვა და ხმაამოუღებლად მიჰდა კუთხეში, პატარა, დაბალ სამფეხა სკამზე.

— ბატონი ძალიან გემდუროდათ, რომ არ ნახულობდით, — მიმართა არისტოს ნუჩიამ, ჩვეულებრივი მისალმების შემდეგ.

— ახლა საქმე ისე მაქვს, რომ აწი აღარ ვათქმევინებ მაგნაირ სამდურავს ჩემზე! — მიუგო არისტომ.

— კაი დაგემართოსთ!

— მაგასაც ვნახავთ! — თქვა ელენემ.

— აგერ ნახავ! — თქვა არისტომ და მერე უცებ დაატანა: — უკაცრავად ვარ, სერაპიონ ჩემო, ცხენებისათვის რომ გთხოვე... აწი ქე დალამდება და...

— ახლავე, პა, ახლავე! — წამოდგა სერაპიონი და ქვევით ჩავიდა:

— მამიდაჩემო, ეს ლეკურ-ხანჯალი შემინახე შენი — წამოდგა არისტო და შევიდა სახლში; მას თან შეჰყვა მამიდამისიცი.

არისტომ ჩამოიხსნა ლეკური და გადასცა ელენეს; ახლა ხანჯალს რომ იხსნიდა, კარებისაკენ თვალებდაქერილმა, დაბალი ხმით ელენეს მიახალა შემდეგი სიტყვები:

— მამიდა, იმ ყმაწვილს დედინაცვლად უნდიხარ, იცოდე, და აქედანვე მიტქვამს შენთვის, არაფრის გზით უარი არ მოხერხდება!

— ასე მასხრობაში უნდა გაატარო, შე დოუწყნარებელო, შენი წუთისოფელი?.. — მიუგო ხნიერმა ქალმა.

— შენ არ მომიკვდე, მე შენ არ გეხუმრებოდე!.. შენ არ მომიკვდე!.. კაი ოჯახი, კაი მამული... სახლი, კარი, პატროსანი აზნოუ-შვილები... ქარმაგი მოხუცებული... არც ისე მოხუცებული მაინც-დამაინც!

— სუ. შე უხეირო, სუ! გეყოფა... სხვა რამეზე იმასხრე... შენ გენაცვალე, სხვა რამეზე... ღმერთო მომკალი..

— კი არ გემასხრები, საქმეს გეუბნები და გეიგონე ჩემი ღმერთი გამიწყობს, თუ გეხუმრებოდე, შერცხვენილი ვიყო თუ პირდაპირ ამაზე არ ვაყოთ მოსული. არ დაიჯერებ კიდევ? ამ მხეცების ხელში რომ ხარ, მებრალეები და ღმერთმა ხსნა გაღირსა და ეს არის... — და არისტო. მოუყვა სამანიშვალების ამბავს ელენეს, აწონებდა მათ. თუმცა თქალითაც არ უნახავს მათი ცხოვრება; პირდებოდა, რომ სულ აღარ მოგშორდები, რაკი სამანიშვილისას მიგიყვანო, ათასნაირი ფერადებით უწერდა ახალ ოჯახში ცხოვრებას.

— გზა არ გაქვს, გზა, უარი თქვა! რას ამბობ?! კაი ოჯახი, კაი სასწელო, კაი საწმელი, ყველაფერი ბევრი... მე სულ შენთან ვიქნები, შენ რა გინდა კიდევ? არა, უარის თქმა ყოველად შეუძლებელია... ყოველად შეუძლებელი! ლაპარაკი საჭიროც აღარაა... შენ არ მომიტყუე! — გადაწყვეტით ამბობდა არისტო.

ამნაირი უცნაური, მოულოდნელი ამბის გაგონებისას ხნიერი ქალი ხან „უიმეს“ იძახდა, ხან შეჰკივლებდა გაოცებული, ხან აჩუმებდა თავის ძმისწულს, ხან რას ამბობდა, და ყოველივე ეს სიზმარივით ეჩვენებოდა საწყალს. მას სრულიად არ სჯეროდა ძმისწულის სიტყვა, ასე რომ არისტოს გულიც მოუვიდა ბოლოს, რომ ამ დედაკაცს ვერაფერი შეასმინა. ძლივს, როგორც იქნა დააჯერა, რომ მართალს ეუბნებოდა, რომ მთხოვნელი სახლში ჰყავდა მოსული და დარწმუნებულია, რომ ხუმრობა აღარ იყო, ელენემ უნებლიეთ ამოიხვეწა და უნებურად წამოსცდა:

— ვინ ვამიშვებს აქედან, შვილო?

— რატომ?

— ხარკი დაკირდებათ... თავს ვერ ირჩენენ და ამნაირ საქმისათვის რა მოეძებნებათ?

— შეშ, კბილებს!.. მაგათ ხელში. რომ მოვკვდე, მაინც არ დაგტოვებს, რაკი ამნაირი საშუალება მეძლევა... რას დავეძებ მაგათ? კისკრიც უტეხიათ!..

— რას იზამ, შვილო?.. რას მოუხერხებ?..

— რას ვიზამ? რას ვიზამ და მოგიტაცებ — ამას ვიზამ!

— უჩე... უიმე!.. — და პირზე ხელა მიიფარა ელენემ. — უიმე!.. ჩემი გამოკვინება გინდა ამ მოხუცებულობის ხანს?.. უიმე! უიმე! აჰ, არ თქვა, მაგ!.. არა, არა! შენი კირიმე!.. ასე გავატარებ გაძალღებულად ჩემს წუთისოფელს... არაფერს არ დავეძებ, შენ დაგენაცვლე! — აწრიალდა იგი.

მაგრამ არისტო თავისას არ იშლიდა. გადაწყვეტით გამოუცხადა, რომ უსათუოდ უნდა წაპყლოდა სამანიშვილს, გამოუცხადა მოტაცებაც რაგვარად უნდა მოეხერხებინათ: ელენე ესტუმრებოდა ერთ თავის ნათესავს, საიდანაც წაიყვანდნენ და ჯვარს დასწერდნენ ბეკინაზე. არისტო ხმის ამოღების ნებასაც არ აძლევდა მოხუცებულ შამიდას, რომლის გონებას რაღაც ბურანი შემოხვეოდა ყოველი ამ გაგონილისაგან.

ამასობაში კი აივანზე დარჩენილი ნუჩია და პლატონი, თუმცა თითო-ოროლა სიტყვით შეენაცვლნენ ერთმანეთს, მაგრამ მუსაიფი მაინც ვერ გამოაწყვეს და მოელოდათ მეტად სამძიმო, უხერხულა მდგომარეობა, ხმაგაკმენდით სხლოპა, როცა მათდა ბედად ბავშვი ტირილი დაიწყო და ერთი წამის შემდეგ ისეთა ყურთასმენის წაღები ჰყვირილი მორთო, რომ ნუჩია იძულებული შეიქნა ამდგარიყო და სტუმარი გაეთავისუფლებინა ბავშვის შემზარავი წივილისაგან.

მარტოდ დარჩენილმა პლატონმა პირი ეზოსაკენ მიიბრუნა და აქაურობას დაუწყო თვალიერება.

ჩამოწოლილ ბინდში ახლა კიდევ უფრო გულდამწყვეტი შეხედულება მიიღო აქაურობამ, ვიდრე პირველ დანახვაზე ჰქონდა. პატარა ხრიოკი, დაფერდებული ადგილი, აქა-იქ ჩამტვრეული ღობით შემოვლებული; ფერღობზე მიკრული, წინიდან ბარჯგებზე შეყენებული პაწაწინა ოდა, რომლის აივანზე იჯდა ახლა პლატონი; ცოტა მოშორებით გლეხური სახლი, ალბათ, უწინ სამზარეულოდ ჰპარებულნი, რომელიც უფროს ძმას გადაეტანა და რომელშიაც ახლა ცხოვრობდა თავის ცოლ-შვილით, — ეს იყო ის შენობები, რაც ამ ეზოში ჩანდა. ღობის გადაღმა მოჩანდა ისლით დახურული, ერთიმეორეზე მიკრული გლეხის სახლები; ქვევით, დავაკებულნი მოჩანდა დანარჩენი სოფელი, როგორც ეტყობოდა, ღარიბი, შეუძლებელი.

წინათ მიუხეხებელი, მიჩუმებული სოფელი თითქოს ახლა შეზალისდა, გამოიღვიძაო; ორღობებზე თავდაღმართიდან ერთი ჯლიგინით მოერკეებოდნენ საქონელს, მოისძოდა უკან მომდევარ მწყევსების ყვირილი, შეწყრომა. სახლების ერღობიდანაც აქა-იქ კვამლმა იწყო ამოფშუება.

თითქოს ამ პატარა ქოხშიაც სიცოცხლემ გაიღვიძაო. პატარა გოვომ ჩაფით წყალი მოარბენინა; მერე, ეტყობოდა ცეცხლიც დაანთეს და, რამდენიმე ხნის შემდეგ, გაღებული კარიდან მკაფიოდ მოისმა მკადის მცხობელის ხელების პარტყა-პურტყი. პატარა თავში-

შველა და ფეხშიშველა შვიდი-რვა წლის ბიჭმა, პარკით გვერდზე, სახრით ხელში, შემორეკა ეზოში რამდენიმე სული საქონელი; ამას უკან შემოჰყვა გრძელწვერა, შეხსნილი ახალხით, ძელით მხარზე. ღვედში ნაჯახგარკობილი კაცი, რომელმაც ერთი გაჯავრებით შეჰყვირა ბავშვს, როცა საქონელი ქოხნიკენ გაეშურა; ბავშვი გაიქცა და ისევე აქეთ გამორეკა პირუტყვი. მოჰკრა თვალი თუ არა აივანზე ეცხო კაცს, იმწამსვე ოდის უკან მიიძალა. ეს კაცი იყო დათია ბრეგაძე. ცოტა ხნის შემდეგ, ქოხის მახლობლად, გადასაბიჯზე გადმოაბიჯა მხარზე შეშა გადებულმა მეორე კაცმა, — ეს უფროსი ბრეგაძე იყო. მან კარებთან დააგდო ტვირთი, მოიხედა ოდისკენ, მიაჩერდა პლატონს და სახლში შევიდა.

— ის ვინაა, აივანზე რომ წამოჰკიმულა? — უსიამოვნოდ, წარბების შეხრით შეეკითხა დათია ცოლს, რომელიც ცეცხლს ანთებდა ოდის უკან გადმოხურულში, რაიც სამზარეულოს შავიერობას უსრულებდა ამ ოჯახს მის შემდეგ, რაც ანტონმა სამზარეულო სახლა გააიტანა შიგ დასადგომად, სრულს გაყოფილობაჰდის.

— რა ვიცი, ვიღაც სამანიშვილიაო... არისტომ მოათრია! — მიუგო სერაპიონმა.

— არისტომ?! მაგ ოხერი კიდევ მეფთრა?! რა მინდაო?...

— რა ვიცი, რა უნდა.. დაწანწალობს, სხვა რა ენდომება!.. რაი მევიდა, სულ იმას იძახის, რომ აწი უფრო ხშირად ვივლიო... მამიდამის არწმუნებს...

— მისმა სიცოცხლემ!.. მე იმას აქ ბინა დავადებო?! ორივეს კარში გავყრიო.. რა გვარია ის კაცი?

— სამანიშვილი, ბატონო, სამანიშვილი... რა იქნა ამდენი კითხვა? — გაჯავრებით შეუტია ნუჩიამ. — ვახშამი გვჭირია აგერ...

— რა ვახშამი უნდათ?.. — დაიწყო დათიამ.

— აჲ... შენს მომიყვები კიდევ! — გააწყვეტინა სიტყვა ცოლმა.

— აბა, რა!.. რაც მაქვს, ის ჰამონ, იმასაც კარგად გიხსლებიან!.. არა, მაგათ სიცოცხლემ, ძროხას დოვუკლავ ახლავე!

— ჰო, ხმელა ჰადი და ლობიო მიუტანეთ!.. იმ უცხო კაცის მანც უნდა მოირიდოთ, თქვე დალოცვილებო!.. ასეთი თავისმოკრა, გამოკიანურება არ გამიგონია მე!.. წადი, ბატონო, — მიუბრუნდა სერაპიონს ნუჩია: — წადი, ყმაწვილო, და ერთი ქათამი, რაეარცა იქნას, მონახე და დამიჭირე... არ შეიძლება ასე!..

— სად ჰოენახო ასლა ამ ჩამობნელებულში!.. საცხა ორიოდე წიწილია, არც კი ვიცი კარგად, რომელ სეზედ ჯდებიან!

— ეგერა კინცხაზე, ეგერ, ეპ! — ანიშნა ნუჩი:?... წადი, ღვთის გულისათვის!.. მერე უფრო გაგიკვირდება.

სერაპიონი მიბრუნდა და ხანტად, ბურტყუნით წავიდა კინცხისაკენ.

— დედა, ქალი მინდა მე! მშობი! — მივიდა დედასთან. ჭლად დაბრუნებული სამწყემსურიდან დათიას შვილი.

— შეიცა, წვილო! ვერ ხედავ აგერ რამდენი საქმე ჩაქვს? დათია, შეეშაბე ამ ცეცხლს, შე კაცო!..

— მშობი მე, რა მივიცადო!

— დაგამშობოთ გამჩენმა! — შეუტია ნუჩიამ, რომელმაც ის იყო ქადებისათვის ფქვილს წყალი დაასხა გობზე. — დაგამშობოთ გამჩენმა! ჰა! შენ თვითონ არ შეგიძლია, რომ მონახო და ქამო? აი, შევარცხვინა ღმერთმა! — და ნუჩიამ შვილს გადმოუგდო ცხვირის ქადის ნატეხი; მერე უცბად მიბრუნდა, წამოაეღო პატარა დოქს ჩელი, ვაუშვირა იგი პატარა ბიჭს, რომელიც მადიანად ილუქებოდა ცივ ქადს და უთხრა:

— მალაქიასთან გადაირბინე, ვარლამია, და უთხარი, დედა შემოგვხვეწა-თქვა, ჩემო მალაქია, ეს ერთი დოქი ღვინო გაპომიგზავნე-თქვა და მე ვიცი შენი პატივისცემა-თქვა... ჩემო მალაქია-თქვა, ძალიან შემოგვხვეწა დედა-თქვა... უთხარი, რომ უცხი სკოლარი მოუვიდა-თქვა. ჰა, დროზე ქენი, დროზე, ჩემო ვარლამია!

ბავშვმა გამოართვა დოქი და დედის დამტკბარ სიტყვებზე შეველავით მოჰკურცხლა.

— ნელა, ბიჭო, დოქი არ გატეხო — მიაძახა ნუჩიან.

არისტომ რომ მამიდამისთან გაათავა ლაპარაკი, აიგონებ გამოვიდა; ხმადაბლა და ხალისიანად უთხრა პლატონს:

— ერთ წამში მოგაკვარახვინე საქმე, ერთ წამში... ცინალამ არ გადამერია საწყალი დედაბერი! ხა, ხა, ხა! მარა იმედია, ამათსავით შენ არ შემიკრავ ნათესავთან სასიარულოდ გზას! რასაკვირველია! — და არისტო მოუყვა, თუ როგორ უნდა დაებოლოებიანთ მათ თავისი საქმე.

— საჭეროვოს მერე ბიძაჩემს ივანეს ამოვადებინებთ... ნახევარი იმან წვილოს საქმის საწარმოებელი, ნახევარი შენი.. რა გენაიღვლება... მაგათ კი არ შევარჩენ და!

— ჰქონდეთ, ჰქონდეთ!.. ცოდვაა, არაფერი გააჩნიათ!

— რას დევებიძი მე რა კარგი მახსოვს მაგათგან!

ეზოდან მოისმა რაღაც ხმაური... აგერ გაიბრინა ქალამბაც, მას

უკან მისდევდა ძალი დასაქვრად. აგერ კაცის ფეხის ხმაც მოისმა, რომ მირბოდა.

— ეს ოხრავილები, თავი ნუ მომიკვდება, ახლა დასდევენ ვახშმისათვის ქათამს.. სად იყვნენ აქამდის? ვაი თქვენს პატრონს, თქვენს პატრონს! პლატონ, სანამ ესენი ქათამს იჭერენ, ერთი ცხენებს დავებულავ ჩუქად, თვარა მე დარწმუნებული ვარ, ერთ კენიჭ ჩაღას არ აღირსებენ და სვალ, შენი მტერი იქნა ისე, ისენი რომ იქნებიან! — თქვა არისტონ, ფეხაკრებით ჩავიდა კიბეზე და მიბნელებულში გასწია იქით, სადაც ცხენები ეგულებოდა.

ქათამს ისევ დასდევდნენ დასაქვრად და ამიტომ არისტო მორიდებით მიდიოდა წინ, რომ არავინ შესუდროდა.

უეცრად რაღაცამ გაისისინა პაერში და არისტოს მძიმედ მოხვდა კოლოტი მარჯვენა კუნთში.

— არ მომკლა ამ ვირმა! — გამწარებით წამოიძახა მან და იქვე დაეცა მიწაზე გულშეწუხებული. — აი, თქვენი რჯული, აი, თქვენი.. ოოოჰ! ოოოჰ! ქე არ მომკლეს ამ ურჯულოებმა ერთი წრიპა ქათმის გულისათვის.. ამოგივარდათ ოჯახი! ოჰ, ჰო, ჰო — ტკივილისაგან მიწაზე წრიალებდა არისტო და ორივე ხელით იზელავდა კუნთს. — თქვენ დაგწყევლოთ ღმერთმა, თქვენ შეგაჩვენოთ დამბადებელმა! ვის გოუგონია ღამეში კოლოკებით ქათმის დევნა! ყველაფერში უხეიროები, ყველაფერში..

ახლა ეს ქათმის დევნა ეზოს მეორე ყურედან მოისმოდა. არისტო წამოდგა და კოქლობით მაინც ცხენისკენ წავიდა.

— თითქოს განგებ ჩემთვის ესროლოს ამ შეჩვენებულს! — გაეცინა თვით არისტოს. — ძალიან არ გოუხარდება, რომ გეიგოს!..

და მან გადაწყვიტა, რაც შეეძლო, ძალა დაეტანებინა თავისთავისათვის, დაეძლია ტკივილი და მასპინძლისათვის, მათდა სასიხარულოდ, არ გაეგებინებინა ეს ამბავი.

ცხენებს მართლა არათფერი საკმელი არ ჰქონდათ, იღვნენ საცოდავად, ხეზე მიბმულნი ბაწრით. არისტომ თავი გააქნია, გულში ჩაირტყა მუშტი დაქადნებით და უკან გამობრუნდა გინებითა და ლანძღვით მასპინძლის მიმართ.

აივანზე რომ ამოვიდა არისტო, პლატონი იქ აღარ დაუხვდა; იგი დათასთან მუსაიფობდა ოთახში. მათ შეუერთდა არისტოც. ეს უკანასკნელი, მეტად ცუდ გუნებაზე დამდგარი, ისეთ კილოზე ელაპარაკებოდა დავითს, რომ პლატონი შიშმა აიტანა, — ვაი თუ რამ კინკლაობა მოხდეს ამათ შორისო. მაგრამ რაღაც მანქანებით დავითი მოთმინებით იტანდა არისტოს გადაკრულ სიტყვებს, უყურად-

ლებოდ სტოვებდა მათ და ამის წყალობით ვახშამმაც მშვიდობიანად ჩაიარა და მშვიდობიანობაში მოსვენების დროც წამოეწიათ.

სტუმრები ცალკე დაწვინეს ოთახში; ღვეითი თავის ცოლითა და მათთან ელენეც მეორე ოთახში დაწვენენ; სერაპიონმა გარეთ, აივანზე, დაიგო ქვეშაგები.

ორსავე ჩვენს მგზავრს მალე მიეძინა, მაგრამ ისევ გამოელევიძათ ბავშვის ყვირილ-წივილზე, რაიც მეორე ოთახიდან მოისმოდა. ეტყობოდა, რომ იგი მალე არ დაწყნარდებოდა და უფრო უმატებდა: ჭყვიღს დედისა და მამის გაჯავრებით „სუ“-სა და „ჩუ“-ს მიძახებდაზე.

— გაფხრეწა!.. გაგლეჯა!.. — ეუბნებოდა აქედან მოთმინება დაკარგული არისტო. — არ გადაჩინა... ყველაში!

— კაი, კაცო! გეიგონებენ — აჩუმებდა პლატონა.

— გეიგონონ!.. ვაი და ვუი ყველას!.. რა დამაძინება, თუ გიყვარდე, ამ ქოჩოხეთში?!

მაგრამ დაღლილობამ მაინც დასძლია და ცოტა ხნის შემდეგ არისტოსაც და პლატონსაც ტკბილად ეძინათ, თუმცა ბავშვი კიდევ დიდხანს ჭირვეულობდა.

XI

შვილის მაშვლობა მეტად სასიამოვნოდ დაურჩა მოხუცებულ ბეკინას. ძალიან იამა გუნებაში ისიც, რომ ქალის მოტაცება სჭირდებოდა. ბეკინას გაახსენდა ყმაწვილკაცობა, ამისთანებს ჩვეული გიჟმყოფობა. ეს გარემოება რომ გაახსენდებოდა, რადაც შემატებულ სიცოცხლეს ჰგრძნობდა, სასიამოვნო ღიმილი ეფინებოდა სახეზე, თუმცა შვილს კი უთხრა საყვედურივით: — „ეგ მოტაცება კი, შვილო, საჩემო საქმე აღარაა!.. უხდა აგერაღებია ეს!“

ყველაფერი მოთავებული იყო, საჭირო იყო მხოლოდ შეათანა ლხინისათვის მომზადება, რომ ოჯახის დედა პირველად გაყრუებულ სახლში არ შემოეყვანათ.

პლატონმა მიიპატიჟა დანიშნულ დღისათვის ახლო მეზობლები. მივიდა სიძესთან და, როგორც იყო, შეირიგა შემომწყვრალი კირილე. რომელსაც სთხოვა ქალის მოსაყვანად წაუოლოდა, რაზედაც კირილემ სიხარულით თანხმობა გამოუცხადა.

— ახლა ისევ გულდამშვიდებით შეგვიძლია ვიყოთ. დარწმუნებული ვარ, ამ ჩემ დედინაცვალს არაფრის გზათ შვილი არ მიეცემა... ეს გათავებულია... კაი ქალიცაა, შენ ნუ მომიკედები, თვარა აგერ.

ნახავი.. შენთვისაც კაი იქნება; ცოტა რაცხა-რაცხაზედ ყურს შინც გიგდებს... წაგებმარება ხანდახან რამეში... — ეუბნებოდა გულდაწყენარებული პლატონი მელანოს.

— დახმარება მისი ის იქნება, თუ შეგვარჩენს, რაზედაც ახლა ვართ... მეტი არაფერი არ მინდა მისგან!

-- რასაკვირველია!.. მაგია, აბა დარდი ნუ გაქვს!

დადგა სანეტარო დღეც ბეკინასათვის. პლატონმა, არისტომ და კირილემ რამდენიმე სხვა ყმაწვილის თანხლებით მოიყვანეს ელენე სამანიშვილისას და მოხუცებულებს ჭვარი გადასწერეს. პატიოსანმა აზნაურმა საკადრისი ლხინი გადაიხადა. ამ სიხარულის დღეს კირილემ სწორედ დაპირებისამებრ განსხვავებით მოუღვინა თავის სიმამრს და სხვებიც მოალხინა, უჩხუბრად, უცემატყუბოდ.

პლატონის სიტყვა გამართლდა: მელანოს ძალიან მოეწონა ახალი დედამთალი, რომელმაც მალე გაათავა პატარძლობა და რძლის ხელისშემწყობი შეიქნა ყოველ საქმეში. ბეკინაც ძალიან კმაყოფილი იყო და ეს კმაყოფილება მით უფრო ახარებდა, რომ ელენემ მალე, სულ მოკლე ხანში, ოჯახის წევრთა სიყვარული დაიმსახურა და სიამტკბილობა შემატა სახლს.

პლატონი იმდენად გულდაჭერებული იყო დედინაცვალით, რომ მზად იყო ხელი აეღო მის საქვრივოს გამორთმევაზე ბრეგაძეებისაგან და არისტოს ეხვეწებოდა საქმის მოსპობას ამის თაობაზე და ძალიან სწყინდა, რომ არისტო არ თანხმდებოდა და მის თხოვნას არ იჭერებდა.

— ბევრი გაქვს ყველაფერი?.. გაწყენს, რომ შეგემატოს ცოტა რამე თუ? — ეუბნებოდა პასუხად არისტო.

— არა, მარა... იმათგან...

— ერთი გულჩვილი შენ შემხვდი კიდევ!.. შენც კარგად გამოგადგება, ჩემო ძმაო!.. რაზე უნდა დაკარგოთ?.. არ ვიცი რაც მეტი გვექნება, უფრო მეტს მოვილხენთ, პლატონ ჩემო! არა, ბატონო ბეკინა?

— რასაკვირველია, რასაკვირველია! — უპასუხა ბეკინამ, რომლის სული და გული შეიქმნა ეს კაცი და რომლის მოშორება მას ახლა სამძიმოდ დაურჩებოდა, თუმცა ღვთით, არისტოს მხრივ ამაზე შიში არ ეჭირებოდა. იგი ჭერჭერობით, როგორც ეტყობოდა, კიდევ კაი ხანს არ აპირებდა ფეხის მოცვლას ამ ახალი ბინიდან.

ასეთ საერთო სიამოვნებაში, კმაყოფილებაში, ერთმანეთის სიყვარულში მიდიოდა დრო და ჟამი სამანიშვილის ოჯახში და ერთ დრომდე კიდევაც გაგრძელდებოდა ეს ბედნიერების ჟამი, რომ ერთ დღეს მელანოს თავზარდამცემი, გულის ამრევი, ჰკუთაზე შემშლელი

ამბავი არ გადაეცა თავის ქმრისათვის, რითაც გული მოაყვანიდა პლატონს ისე, რომ ამან კიდევაც შეუბღვირა და ზიადება წყრომით:

— ნუ სულელობ ერთი შენი.. რა სახუმარო საგანი ნახე ახლა?

— კი არ გეხუმრები, საქმეს გეუბნები.. გეუბნები, ისეთ ნიშნებს ვატყობ ამ ქალს, რომ მეშინია ორსულად არ იყვეს.. შეიღებო ნუ მომიკვდება.. არ გითხრა, აბა?! მე თვითონ აგერაა გადვირევი... რა ამბავია ეს ჩვენს თავზე?! ღმერთო, შენ დაგვიფარე! — იწერდა პირჯვარს მელანო.

პლატონი სრულიად დაიბნა და ხმაგაკმენდილი მისჩერებოდა ცოლს; სრულიად არ სჯეროდა მისი ნათქვამის სინამდვილე, თუმცა გულმა მოუსვენრად ტოკვა დაუწყო.

— მოგებლანდა... აბა რაღა შეიძლება?! — წაილაპარაკა მან და ცოლს მოშორდა, თითქოს ეშინოდა, რომ უფრო დაბეჯითებულს, თავზარდამცემი რამ არ გაეგონა მელანოსაგან.

— რასაკვირველია, მოგებლანდა!.. აბა, კარგად დოუკვირდი. თუ არ ცდები, გეიგებ მაშინ!

— ნეტავი, ნეტავი, შენი კარგა ყოფნით!

— მოვკლავ მაგ უბედურს!.. ღმერთმანი, მოვკლავ! — ამბობდა თავისთვის პლატონი, ცოლის სიტყვები რომ გაახსენდებოდა ელენეს შესახებ. — ღმერთმანი, მოვკლავ! ეჰ, სისულელეა, რასაკვირველია, სისულელე... მელანოს მოეჩვენა მხოლოდ!

საღამო ეპი იყო, მელანომ რომ უთხრა თავისი ეჭვი ქმარს და ვახშამზე პლატონი იმდენად თავის საინს არ დასჩერებოდა, რამდენად თვალი დედინაცვლისკენ ჰქონდა, მაგრამ ვერაფერ ცვლილებას ვერ ამჩნევდა.

— ძალიან არ მოტყუვდი, მელანო? — ღიმილით უთხრა მან დაწოლის ხანს ცოლს.

— არა, პლატონ, არა, არ უნდა ვცდებოდე, შენ არ მომიკვდი!..

— კაი, ნუ გადამრიე კაცი!

— რა ვქნა, შენ დაგენაცვლე, მეც შიშში არ ვარ?

პლატონი გაჩუმდა. ამ საგანზე ლაპარაკიც კი არ უნდოდა. გული რაღაც სევდით ევსებოდა ამის გაგონებაზე, თუმცა დაჭერებამდის მეტად შორს იყო. მელანომ ისევ დაიწყო ამ საგანზე ლაპარაკი, მაგრამ პლატონმა სთხოვა გაჩუმებულყო, სხვა რამეზე ელაპარაკნა. მან სცადა ძილისათვის მიეცა თავი, მაგრამ ცოლის სიტყვებს ყურებში ზარივით წკრიალი გაჰქონდათ.

— ვაი თუ მართლა უბედურება მეწია?! — ფიქრობდა პლატონი. — ისეთ ნიშნებს ვატყობო... აჰ, რაღა შეიძლება?! ვინა თქვა, ვის

გოუგონია, ამგვარი ამბავი მომხდარიყვეს?! ორნაქმარევს, უშვილოს, ამ სიკვდილის წინ შეილი მიეცეს?! კჳი

და პლატონი ამშვიდებდა, აწყნარებდა თავის გულს, ცდილობდა, რომ სისხლი თავში არ ავარდნოდა, ტვინი მოესვენებინა; გვერდიდან გვერდზე ბრუნდებოდა, ცდილობდა დასძინებოდა, მაგრამ ძილი მაინც არ ეკარებოდა... ყურებში ისევ ცოლის სიტყვები ესმოდა, რომელთაც მისი ტვინი მოუსვენრად ედავებოდა, ეწინააღმდეგებოდა. დიდხანს იბორკა, დიდხანს იტრიალა ასე გაწვალებით საწყალმა პლატონმა, რომ ისევ მელანოს ხმა მოესმა:

— ე, შეხედე, შე კაცო, თუ ვცდები, თუ სისულელეს გეუბნები! ე, შეხედე! ე, თუ ვცდები... ე, რავე ეტყობა! ახლაც ვერ ხედავ?

და ფანჯრიდან ანიშნებდა პლატონს ეზოში მოსაარულე ელენეზე. პლატონი მისჩერებოდა ხმამოუღებლად, გულაფანცქალებული. დედინაცვალმა თითქოს დაინახა ფანჯარასთან მდგარი გერები და ამათკენ გამოსწია.

— ე, ე, უიმე... უიმე! — იყვირა მელანომ, — უიმე!.. ახლაც ვცდები?.. კიდევ ვცდები?.. ვაი დედაშენს, ვაი დედაშენს! — და მუშტით ემუქრებოდა იგი დედინაცვალს. — ვეღარც ახლა ატყობ?..

ატყობს და არც ატყობს. რასაკვირველია, ატყობს, რასაკვირველია. ხედავს თავის თვალთ, ცხადად ხედავს თავის უბედურებას! მომასწავებელ ნიშანს და, ამ მოულოდნელ უბედურების წინ წამდგარს, ენაც ერთმევა, გონებაც ეკარგება, სისხლიც უშრება და გაქვავებული, გრძნობა მიჩლუნგებული, გაცივებული თვალებით მისჩერებია ამ უღვთო, შეჩვენებულ, დაწყევლილ დედაკაცს, რომელთანაც არც პატივისცემა გაუვიდა, არც სიყვარული, არც სამსახური, რომელიც ასე უღვთოდ იმეტებდა მასაც, მის ცოლ-შვილსაც.

— ღმერთო, რა შეგცოდე?! რა შეგცოდე? — სასოწარკვეთილებით, ნალვლით გულავსებული კვნესის იგი. — რა შეგცოდე?

— იქით! იქით! იქით, შე წყეულო! — უყვირის დედინაცვალს პლატონი. — იქით, თვალთ მაინც ნუ დამენახებია! — მაგრამ მას თითქოს არ ესმის პლატონის ხმაო, ისევ მობაჯბაჯებს ფანჯრისკენ, მობაჯბაჯებს მძიმედ, ძლავსძლივობით.

— იქით, შე შეჩვენებულო! იქით, თორემ მოგკალი ეს არი! ღმერთო, რომ არ ესმის?!

არ ესმის თავისი ხმა არც პლატონს, თუმცა ყვირის, რაც ღონე აქვს. ხმა პირიდან არ ამოსდის, იქვე გულში რჩება უღონო, სუსტი, გაუგონარი, და ეს უმატებს გამწარებას, უფრო უკლავს გულს, უხუთავს სულს. უმწვერვალესად აღელვებული კაცის თვალწინ ყო-

ველივე აირია, აიშალა, ამოძრავდა; აცახცახებული, ათრთოლებული ძლივს დგას ფეხზე. ეს რაღა ამბავია?! რა არის ეს?! რა ამბავი ხდება დღეს ამ სახლში? ვინ შერება ამას? ღმერთო, მომკალი ვინ გაღმოავდო ეს ქათმები წრიალ-წრიალით ეზოს რომ მოფენინენ? ამათ აჰყვენენ ბატებიც, კვატებიც, ორიოდე ინდოურიც; მილიან იქით-აქეთ, ცალცალკევდებიან, ზოგი ელენეს მისდევს, ზოგი ფანჯრისკენ მორბის პლატონთან. აქვე მორბის ფენტხებ-გამობზეკილი, უკმელობით ძალზე გამხდარი სანაშენო ღორი, აუშვერია დინგი, რაღაცას ღრუტუნებს, თითქოს კითხულობდეს რაღაცას. ცხვარი ვინ გამოავდო ბელიდან, სასუქი ცხვარი? ვინ ქნა? რა ამბავია ვინ ოხერი ჩადის ამას?! რა უნდათ ამ ხარებს, ასე რომ დაზმუიან? რა ამბავი ხდება ამ ეზოში? რამ გადარია ყველა? ვინ გამოალაგა გარეთ კოდი, საცერი, სამტკიცი, ქოთნები, გობი, კოვზი, როდინი, კეცები? ვინ იშლება და ირევა ასე უცნაურად? სული ეხუთება პლატონს და აზრდაბნეული მხოლოდ უგუნურად მისჩერებია და მეტი განცვიფრებისაგან აღარ იცის, რა ქნაჰ, რა თქვას...

— შუაზე, შუაზე! — დაიძახა ვიღაცამ.

მოისმა ერთი წკრიალი და მთლად სამზარეულო შეინძრა. შეფაფალდა და დარღვევას აძირებს.

— მალე, მალე! — დაიძახა ელენემ. — მალე, ყველაფერი გაჰყავით, სულ ყველაფერი, სულ!

აქ კი მოიკრიბა პლატონმა უკანასკნელი ძალ-ღონე, რაც ხმა შესწევდა გამწარებულ კაცს, შეეცადა და მორთო ყვირილი:

— მეიცადეთ, მეიცადეთ! გაჩერდით! ნუ ჩქარობთ!.. ეგებ მკვდარი დაიბადოს! შედექით! ეგებ ღმერთმა სიცოცხლე არ აღირსოს! გაჩერდით, თქვე ოხრებო! ნუ შვებით მაგას! გაჩერდით, გაჩერდით გა-ჩერ-დით! გა, გა! — ცდილობდა პლატონი დაეყვირა, მაგრამ მისი ხმა არავის ესმოდა, ის ისევ იქვე წყდებოდა, ჰქრებოდა. სახლის კედლებს კი ლაწა-ლუწი გაჰქონდა, ყოველივე ინგრეოდა, ყოველივე იშლებოდა, ნაწილდებოდა. პლატონის ძახილი არავის ეყურებოდა. მხოლოდ ელენეს ხმასა და ბრძანებას მისდევდნენ: „მალე, მალე! ყველაფერი გაჰყავით!“ — არ წყნარდებოდა იგი. და ულონო, გულჩათუთქული, გაწიწმატებული პლატონი, როგორც იქნა, მოსხლტა თავის ადგილს, მიიჭრა ფანჯარასთან, მოინდომა იქით გადახტომა და ამ დაწყველილი დედინაცვლის იქვე ჩახჩობა, მაგრამ იქვე დაეცა უძლურივით ატირებული, ბავშვივით აღრიალებული, მწარე ცრემლებით თვალებჩამობნელებული.

— პლატონ, პლატონ! რა დაგემართა, რა დაგემართა, კაცო? — შიშისაგან გადარეული ეკითხებოდა მელანო ქმარს, რომელიც ისევ

შემზარავად ტიროდა. — გამოიღვიძე, პლატონი ნუ გადარიე, კაცო, ბოვშები!

პლატონის უცნაურ ღრიალზე გამოღვიძებულ ბავშვებს ერთი ვაი-ვაგლახი შეექნათ და თვითონაც შეშინებული მელანო ხან ემათ აწყნარებდა, ხან პლატონს უძახდა და მის გამოფხიზლებას ცდილობდა. როგორც იქნა, პლატონმაც გამოიფხიზლა, მიიხედ-მოიხედა, მაგრამ ბნელაში რას დაინახავდა.

— კინალამ არ შეგვეშალე, შე კაცო, ყველა! — უსაყვედურა მელანომ ქმარს. — ბოვშები აღარ არიან შიშით. რა სიზმარი ნახე მაინც ასეთი უცნაური?! კაი, თუ ღმერთი გწამს!

— მაშ ეს სიზმარი იყო! — და პლატონმა შუბლზე ხელი გადაისვა და მერე პირჯვარიც გადაისახა.

— რა ამბავია, მელანო? რა დეემართა პლატონს? — მოისმა ბეკინას. შეშფოთებული ხმა მეორე ოთახიდან.

— არაფერი, ბატონო... სიზმარში გახლდათ! — მიუგო მელანომ.

— სიზმარში?

— დიახ!

— ჩვენ კი აღარა ვართ და!.. ახლა დაიწყო მაგისტანა სიზმრები მაგ კაცმა?! წინათ არ იცოდა... გული დაუშოშმინე, რძალო, გულე! — და ამ სიტყვებთან ბეკინას სიცილიც მოისმა.

მელანომ კარგად ახსნა პლატონის სიზმარი: მისი სიტყვით, ყოველივე მოსალოდნელი განსაცდელი თავიდან უნდა ასცდნოდათ: სულ მოკლე ხანში უსათუოდ უნდა მოშლოდა მუცელი ელენეს. თუ ნამდვილად ორსულად იყო.

ამ უკანასკნელი გარემოების საბოლოოდ გადაწყვეტას, მის უქველობის შეტყობას ბევრი ხანი აღარც კი დასჭირვებია, თუმცა პლატონისათვის მთელმა საუკუნემ გაიარა, გაწვალების, წაშვების საუკუნემ. უქვევლი შეიქნა, რომ ელენე მიზეზობდა, რომ იგი ფეხმძიმედ იყო. მელანოც და პლატონიც აზრდაბნეულნი შეჰყურებდნენ ერთმანეთს ხმაამოუღებლად, გაშტერებულნი, გაქვავებულნი.

ბეკინამაც შეატყო ცოლს მისი მდგომარეობა და მოხუცებულს თავზარი დასცა ამ გარემოებამ. ბეკინას შერცხვა უცნაურად და ეწყინა უზომოდ. ახლა მცხვდა თუ რამ შეუცვალა გუნება პლატონს ამ უკანასკნელ ხანებში, ახლა გაიგო რძლის დასვედიანების მიზეზი. და მოხუცებულ ბეკინას ეტყინა ჯული, შეენანა თავისი ახირება... ხომ ჩააგდო საყვარელი შვილი ცეცხლსა და მღუღარებაში?! ხომ მოუსპო ხალისი და გულის მშვიდობა?! დამნაშავედ წარმოუდგა თავისი თავი შვილის წინაშე და მით უფრო წუხდა, რომ საშველ გზას ვერსად ხედავდა.

— მაინც ამ ოხრიშვილმა რაღა ჩემს ხელში გამოიჩინა თავისი ქალობა! კვი — სევდიანად ამბობდა ელენეზე გულმოსული ბეკინა. ბეკინა მხოლოდ იმით ინუგეშებდა ამ შეწუხებაში თავს, რომ ნება დართო შვილს ქალი თვითონ ამოეჩინა, რომ ელენე მისი სურვილით, მისი ამორჩევით ჰყავდა ნათხოვი.

გულდაწყვეტილი პლატონი კი მოსასვენებელ ალაგს ველარ პოულობდა; ჰკუთნებდა შერყეულივით ხან სად დადიოდა, ხან სად, მუშაობაზე გულაცრუებული, თავის მწუხარებას გადაყოლილი.

— ბიჭო, რა მიქენი? რა მიქენი, შენი ოჯახი დაიქცა... მაინც ქეა დაქცეული!.. რა დაგიშავე, შე უსინდისო — ეუბნებოდა გამწარებით არისტოს. — ბიჭო, რაზე დაგჭირდა ჩემი დალუპვა, შე უღმერთო, რაზე შემომჩაჩეჩე ეს სასიკვდილე მამიდაშენი? რა დაგაშავე, ბიჭო?

— მეიცა, მეიცა, პლატონ, საყვარელო ძმაო მე რა უსინდისობა ვქენი, შე კაცო? მაცალე, მაცალე! შენ სადედინაცვლოდ ეძებდი იმისთანა ქალს, ორნაქმარები ყოფილიყო... ასე არაა, ა?

— კი!

— უშვილოს, შვილი რომ არ ჰყოლოდა იმისთანას, არა?

— რასაკვირველია!

— ხელში მოგეცი, ჩემო ძმაო, შენი სასურველი, ძმურად დაგეხმარე; თუმცა არ გიცნობდი, მარა პირველ შეხვედრიდანვე შენი სიყვარული გულმა იგრძნო... იმიტომ წაგყვევი, საქმე გაგაყეთებიე... ცუდი რა მიქნია, ძმაო, ჩემო საყვარელო?!

— რომ დაორსულდა?

— ეგ რა ვიცი, ჩემო პლატონ!

— ეგებ წინეთაც ჰყავდა შვილი და შენ...

— რა უფიქროსი, ხატო, ჭვარი! შეჩვენებული ვიყო ასე დამეშხოს თავი! — და არისტომ მიწას დააბერტყა თავისი ლამაზი ახალი პატარა ბოხობი.

— აბა, რა არის? რატომ? — სიტყვას ველარ ამბობდა სევდამორეული ყმაწვილი კაცი. — რატომ სხვასთან არ ჰყოლია, და...

— ეგ, ჩემო ძმაო, მამაშენს დააბრალები — ღიმილით უთხრა არისტომ. — მამაშენს დააბრალები უცნაური კაცი ყოფილა...

— ვილუპები, არისტო, წმინდად ვილუპები! — წამოიძახა პლატონმა. — რითი ვარჩინო ცოლ-შვილი, რითი ვარჩინო? რაღა უდანოდ გამომჭრა ყელი მამაჩემმა... რა ვქნა, რა მეშველება? რა მეშველება?

— გული გეიმაგრე... გული გეიმაგრე, პლატონ! — უღარდელად მიიძახა არისტომ. — გული გეიმაგრე, ღმერთი მოწყალეა ყველაფერი ღვთითაა!

ღვთითაა თუ უღვთოთაა, რა დააშავა, რა აწყენია ამისთანა, რომ ასეთი სასჯელი მიესაჯა? რა ქნა ისეთი, რომ ამგვარი წყრომა დაიმსახურა? რის გულისათვის ისჯება ასე მწარედ?.. და პლატონი ყოველ თავის ნამოქმედარს, ყოველ თავის წარსულს იხსენიებდა და არჩევდა თუ რით შეეძლო განერისხა ღვთაება და გამოეწვია მისგან ისეთი მისი შეუბრალებლობა. არაფერი, სრულიად არაფერი. საამისო არ უქნია. კაცი არ მოუკლავს, არ დაუჩეხია, არ უემშაკნია ჭერეთ. ჭერეთ არც უქურდნია, არაფერი მოუპარავს, არავისთვის არაფერი არ წაურთმევია... ამ სიტყვაზე კი შედგა, შეჩერდა პლატონი. არ წაურთმევია, მაგრამ ხომ ართმევს ბრეგაძეებს... კანონიერად კი, მარა ხომ მაინც ართმევს მასზე უფრო საწყალო, მასზე უფრო გაჭირვებულთ, თითქმის მშვივრებს; შეცოდების მავიერად უკანასკნელ ლუკმას სტაცებს და ამის გამო ვის ჩაუყარა ხელში საცოდადები, ვის? კაციკამია გვერდევანიძეს, ამ შეუბრალებელ კაცს? და ღმერთი შეიბრალებდა-ღა?! რასაკვირველია, არა!—გუნებაში გაიძახოდა პლატონი და გულგახეთქილი გვერდევანიძისას გაიქცა, რომ საქმე მოესპობინა, ეთქვა, რომ გროში-კაპეიჭი არ უნდოდა ბრეგაძეების გამონართმევი. ამით აპირებდა პლატონი განრისხებულ, შემომწყურალ ზენას გულისმოგებას, თავის დანაშაულის გამოსყიდვას და იმედობდა, რომ დაუბრუნდებოდა რასაც ხელიდან აცლიდნენ, რომ შენანიებასთან ერთად მის დედინაცვალსაც მუცელი მოეშლებოდა.

გვერდევანიძემ არ შეიწყნარა პლატონის თხოვნა. ბევრიც იცინა პლატონის სიტყვაზე. ბევრი შრომა ჰქონდა გაწეული და რომ საქმე მოესპო, მოსალოდნელი გასამრჯელო ხომ დაეკარგებოდა. პლატონმა თვითონ იკისრა იმის გადახდა, ოღონდ კი საქმე მოსპობილიყო და ბრეგაძეებს არაფერი გადახდომოდათ. მან მისცა გვერდევანიძეს ვექსილი და გამობრუნდნ სახლში, ცოტათი იმედგაღვიძებული, რომლოდინე, რომ მისი მსხვერპლი მიღებული იქნებოდა და მის დედინაცვალს გაუწყალდებოდა მისთვის თავზარდამცემი მოზიარის ჩასახულობა.

XII

მაგრამ იმედი არ სრულდებოდა. ხანი გადიოდა და საზარელი არსება ზრდაში შედიოდა. კიდევ ცოტა ხანი და პლატონს თვალთაც დაენახვებოდა თვითონ და თავის ხმასაც გაავგონებდა.

ეს გარემოება შეშლილივით ხდიდა პლატონს. ამ კაცმა სრულიად გონება დაჰკარგა, გაჭირვებულდა, დაეკარგა ყოველივე მოთმინება. ისეთი ხასიათი დაჰკირა, რომ კაცი ველარ ცნობდა. ხსნას, სხვა საშველს რომ ვერას ხელაგდა თავის მაწუხებლის მოსაშორებ-

ლად, იგი უცნაური წინადადებით მივიდა თავის მამასთან. ბეკინამ იყვირა, როცა შვილის ნათქვამი გაიგონა. მოხუცებული კაცი კინალამ გადაიჩია:

— ღმერთი დღევიწყე, შე უბედურო?.. ღმერთი აღარ გაგახსენდა, მაგისტანა აზრები რომ თავში მოგივიდა? მოხუცებულ კაცს შაძალებ სულის წასაწყმედი საქმე ჩევიდინო?!.. ღვთის ჩასახული კაცი მოვკლა?.. ვაგიჟდი, შე ღმერთგამწყრალო? რაეა მეუბნები, დედაკაცს მუცელი მოვაშლევინო?! რამ გაფიქრებია ამნაირი უღვთო საქმე, რამ? — ყვიროდა ბეკინა შვილის ნათქვამით გაცეცხლებული. პლატონი კი წარბებშეხრილი, სახედაღვრემილი იდგა ერთ ადგილას გაყუჩებული ჯიუტად და დაბლა იმზირებოდა.

— რა იქნა, ღმერთმანი, რა გაქვთ ამდენი სადავიდარაბო, რომ კაცმა თქვენგან ერთი ტკბილი სიტყვა ვეღარ გეივონა ამ ბოლო დროს?! სულ მობღუშვა, სულ უსიამოვნება! — თქვა ამით შემომსწრებმა ელენემ, რომელიც იქვე მიჯდა ტახტზე, დამძიმებული. — მტრისას იქნა ასე, მტრისას!

— კაი, კაი.. შენ არაეინ გკითხავს არაფერს! — შეუტია ბეკინამ.

პლატონმა მწყრალის თვალით გადახედა დედინაცვალს და ისეე იბრუნა პირი.

— შენ არ მომიკვდე, არც მამას და არც შვილს არაეინ არ მოგიწონოსთ ეგ ამბავი!

ამის თქმა იყო და პლატონი ეცა ელენეს; მოხუცებული ქალი გაგორდა ტახტზე; ის იყო პლატონი მუცელში უპირებდა წახლის ჩარტყმას, რომ ბეკინამ ხელი ჰკრა; წიხლი ასცდა ელენეს. მხოლოდ მჩატედ მოხედა ხელზე. პლატონი უცბად მოტრიალდა და ისეე უნდა ჩაერთყა მეორედ წიხლი, მაგრამ ბეკინამ ხელი წაავლო გამხეცებულ შვილს, რომელიც გიჟივით ჰყვიროდა:

— არ მოკვდები? არ მოკვდები? ახლაც არ მოკვდები! — და ელენე მარჯვედ გამოისროლა კარებისკენ.

ფეხმძიმე ქალის ყვირილმა იქაურობა შესძრა. პლატონი ახლა სწორედ მხეცი იყო, შეუბრალებელი, სისხლისმსმელი. მას უნდოდა მოესპო ის არსება, რომელიც ახლა გაკვიოდა, მძინი სიხლო სწყუროდა, გააფთრებული იწვედა მისკენ და უსათუოდ ცოდვას დაატრიალებდა, რომ ბეკინას ძახილზე მელანო არ შემოვარდნილიყო და გამგელებული პლატონი გარეთ არ გამოეგდოთ.

— გამიღეთ, კარი გამიღეთ! — უცნაურად ღრიალებდა იგი. — კარი გამიღეთ ახლავე! მელანო, კარი, თვარა შენც მოკვალე ეს არი! მოშორდი ახლავე მაგ სასიკვდილეს!.. გეუბნები, მოშორდი-თქვა! მაგრამ მელანო ბეკინასთან ერთად გულწასულ ელენეს მოსუ-

ლიერებას ცდილობდა, თავს დასტრიალებდა საბრალო მოხუცებულ დედინაცვალს, რომლის სიცოცხლე ბეწვზე ეკიდა.

ამ დღიდან პლატონი ნამდვილ ნადირივით შეიქმნა. დღისით სადღაც დაეხეტებოდა, შინ მხოლოდ საღამოობით მოდებდა, ისიც დაწოლის ხანს. თვით მელანოსაც აღარ სცემდა ხმას, ისეთ ხასიათზე დადგა.

ბეკინა ამსოფლად აღარ იყო ჭავრისაგან.

— მოემკვდარიყავი... მარკასთან ერთად მიწას შევექაპე და ამ დღეს არ მოვსწრებოდი ნეტავი! — ნაღვლიანად ამბობდა მოხუცი.

იმედად ამ უბედურებას გამოსაკეთებლად ისღა დარჩენოდა, რომ ეგებ ელენეს ვაჟი არ მისცემოდა და ქალიშვილი დაბადებოდა; ამას შეეძლო პლატონის დამშვიდება და დაწყნარება; და ბეკინა მოუთმენლად მოელოდა ამ დღეს და ყოველ წაშში ღმერთს ამას ევედრებოდა: „ღმერთო, ელენეს გოგო აყოლეო!..“

მაგრამ მალე ეს იმედიც მოესპო საწყალ ბერიკაცს: ელენეს ვაჟი შეეძინა და ამასთან ყოველივე იმედი გაქრა წინანდელი სიამტკიბილობის ხელახლა დამყარებისა მის ოჯახში.

მეტად დაჭავრიანდა ამის გამო ბეკინა. მძი მოწყენით ყოფნა, უხალისობა შვილის შეძენის შემდეგ, მუნჯად ყოფნა ცოლთან, გულს უთუთქავდა მელიგინე ელენეს, რომლის მიმხედავი, მისი შემცოდებელი მხოლოდ ერთადერთი მელანო იყო.

— ღმერთი გადაგიხდის, შვილო, ღმერთი, შენი გულკეთალობისათვის! ღმერთი გადაგიხდის! ვენაცვალე მის ძლიერებას, წვალეებისა და უსამოვნებისათვის ვყოლივარ. გაჩენილი იმ დალოცვილს... მადლობას ვწირავ!.. რა ვქნა, რას ვიზამ? ყოველ სულიერს თავისი ბედი აქვს. რაში ეჭვირება ღმერთს ჩემი ტანჯვა-წვალება, ჩემი გაჭახირება? ვის რა დაეუშავე... ჩემით რა მიქნია ვისმესთვის ცუდი?! — გულდაწყვეტილი, გაუხარებელი თავის სიცოცხლეში, ელენე ცდილობდა დღევანდელი მწუხარებაც მოთმინებით აეტანა.

რაკი პლატონს ძმა გაუჩნდა ქვეყანაზედ, მან იმწამსვე ცალკე გასვლა აიჭინა.

— ბიჭო, მე რას მიპირობ, მე, მოხუცებულ კაცს?! ნუ მისპობ წუთისოფელს, ორიოდ დღე დამჩინია მხოლოდ სასიცოცხლოდ!.. ბიჭო, მამა ვარ შენი, რაც უნდა იყოს! სად უნდა წახვიდე?

— მე ჩემიც ბევრი მყავს მოსავლელი ჩემი ტვითიც მეყოფა... სხვას არ შევაკლა ჩემი თავი მე ჩემსას მოვეუვლი, ჩემსას დავეპატრონები! — გაჯიუტებით და გულცივად ამბობდა პლატონი.

— ბიჭო, მოხუცებულმა მამაშენმა რაღა ქნას? ხომ იცი, რომ მე მუშაობა აღარ შემიძლია? ბიჭო, შებრალება აღარ იციან თქვენში?

— მე შემობრალა ვინმემ? — წაილაპარაკა პლატონმა და პირი იქით მიიბრუნა.

— შევცდი, შევილო, შევცდი. აღარ მეპატივება?! ნუ მომიძულებ, შე კაცო, საბოლოოდ!.. მინდოდა, ასე რომ მომზდარიყო? მეგონა? შემაცდინა ეშმაკმა... შენც იმედი გქონდა, რომ ასე არ იქნებოდა... რა ვქნათ ახლა, ღმერთმა ასე ინება... ჩვენ რა გაგვეწყობა! ნუ გამიმწარებ, შევილო, ამ უკანასკნელ დღეებს, ნუ ჩამაშხამები ისევ, როგორც წინათ, ვიცხოვროთ სიამტკბილობით... ღმერთი ამისათვის მაგიერს გიზღავს, ხელს მოგიმართავს, შეგეწევა, გაჭირებას შეგიმსუბუქებს... კი, შევილო, კი, ჩემო საყვარელო! ვინ გეიგონა ჩვენი გაყრა! კი, ჩემო პლატონ, კი! შენი კეთილი გულის ამბავი არ ვიცე განა?.. რაც შენ ჩემი სიყვარული გქონდა, ასე უცებ რაღა დამეკარგება, როგორ დევიჭერო?! კი, კი, ჩემო პლატონი — ემუდარებოდა ბეკინა გულამღვრეულ შვილს, მაგრამ უკანასკნელს წინანდელი გულიც დაჰკარგოდა და გრძნობაც. იგი მტკიცედ იდგა თავის გადაწყვეტილებაზე.

პლატონს იმდენად სძულდა ახლადდაბადებული ბავშვი, რომ არც თავად უნახავს და ცოლსაც ნებას არ აძლევდა მასზე ხმა ამოეღო მასთან.

ბევრს შეეცადნენ მეზობლებიც, მამა და შვილი არ გათვისებულაყვნენ, მაგრამ პლატონი ვერას გზით ვერ დაიყოლიეს. ათასნაირ პირობებს უდებდა ბეკინა შვილს, რომ მამულის ნახევარში მოზიარეთ არავინ შეეცილებოდა, თუ განდ ათი შვილიც მისცემოდა კიდევ, მაგრამ პლატონი მაინც თავისაზე 'იდგა. მას ახლა აქნაირი პირობებისა აღარა სწამდა-რა.

რამდენიმე თვის შემდეგ მამა და შვილი გაიყარნენ. პლატონმა ძველ სამოსახლოზე დაშორებით ამოირჩია ადგილი, ჩაიტანა სამზარეულო სახლი, შეიყვანა შიგ თავისი ცოლ-შვილი და დაიწყო ისეთივე ცხოვრება, როგორც ანტონა ბრეგაძემ, რომელსაც ამ ერთი წლის წინათ ისეთი შეცოდებით მისჩერებოდა დავითის აივნიდან.

ბეკინას მეტი შვილი აღარ მისცემია. საყვარელი შვილის მიერ მოძულებამ მეტად დანაღვლიანა მოხუცებული, მეტად დაამწუხარა და ამ მწუხარებამ კიდევაც ზუთი წლის შემდეგ ამ წუთისოფელს მოაშორა. სიკვდილის წინ მან მოიხმო „თავისი პლატონი“, აცრემლებული თვალებით უკანასკნელად მიტევება სთხოვა „მისი სისულელისათვის, უჭკუობისათვის“ და „შავ-დღეზე გაჩენილი“ ძმის, უდანაშაულო ჩვილის შებრალებას ევედრებოდა. მართალია, პლატონმა აღუთქვა მომაკვდავს მისი ნების ასრულება, მაგრამ ბეკინა ადვილად ატყობდა, გრძნობდა, რომ იგი გულწრფელად არ ჰპირდებ-

ბოდა; ძმებს კეთილი განწყობილება არასოდეს არ ექნებოდათ; ატყობდა ბეკინა და საწყალ მომაკვდავს შხამად ჩაჰყვა ეს გარემოება მიწაში.

და ბეკინა არ შემცდარა, რომ ისეთი წინათგრძნობა ჰქონდა.

№-ის მომრიგებელი მოსამართლის სახლის აივანზე ძალიან ხშირად შეგხვდებათ შავებით მორთული ხნიერი დედაკაცი, რომელსაც ხან მზად დაკეცილი მისართმევი თხოვნა უჭირავს ხელში, ხან ისეა — ხელცარიელი; გვერდით უყენია ხუთი წლის პატარა შავთვალა მალხაზი ბავში, ჩითის ბლუზით, წითელი წულებით, კიზიროკიანი ქუდით თავზე, უქამროდ, და მოსამართლესთან მისვლის დროის მოწვეამდის ეს დედაკაცი გულდამწვარი უამბობს ხოლმე ნაცნობთ და გარს შემოსეულ მაყურებელთ თავის გაჭირვებას, უსაშველობას და მწუხარებას, რაც მათ ორსავე დედა-შვილს ადგიათ მისი გერის, პლატონ სამანიშვილისაგან, რომელმაც აღარც ღობე შეარჩინა, აღარც საზღვარი, აღარც ადგილი და იძულებულს ხდის საწყალ მოხუცებულ ქვრივ დედაკაცს იწანწალოს ყოველკვირა სასამართლოში.

ეს დედაკაცი გახლდათ, როგორც თვითონაც მიხვდებოდით, ბეკინა სამანიშვილის ქვრივი ელენე და პატარა ბავში — შვილი მისი. რომელმაც ჯერ არც კი იცოდა, რასაკვირველია, რამდენი უსიამოვნება მოიტანა მისმა გაჩენამ და ამიტომაც ასე ხალისიანად იცქირებოდა აქეთ-იქით და სიამოვნებით შეჰყურებდა მოფუსფუსე ხალხს.

1897 წ.

მ რ ე ვ ლ უ ი

ნაწირვები იყო. ფართოდ გაშლილ ცაცხვის ქვეშ თავშეყრილ ვლენკაცებში ჩამქდარი მალალი ტანის ახალგაზრდა მღვდელი გაცხარებით ლაპარაკობდა:

— განა მე თვითონ არ მაწუხებს ასეთი ჩემი მდგომარეობა, თქვე დალოცვილებო?! კი გეთქმისთ საყვედური, კი... ხშირად გაკლივართ... თქვენს დროზე არა გყავთ მღვდელი, მოკლებული ხართ მღვდელმსახურებას, მაგრამ რა გიყოთ, ჩემო კეთილებო, რა ვქნა, რომ ასე არ იქნეს!.. მღვდელი ახლოს გინდათ გყავდეთ, ამისათვის ბევრს ვეცადე, მაგრამ რა გზით შემოვუარო ამას, როცა მთელ სოფელში ვერსად ვერ ვიშოვე საქირავოდ სადგომი!.. თუმცა ჩემთვის მეტიმეტი გასაქირი იქნებოდა ქირის გადახდა, მაგრამ ვინ ოხერი თავს არ შეიწუხებდა, ოღონდ კი თქვენგნით საყვედური ამეცილებინა... იცის ღმერთმა, რომ ვწუხვარ, მეტად ვწუხვარ ამ ჩემი მდგომარეობისათვის, მაგრამ საღსარი ვერავითარი მიპოვნია... ვარ გაბმული ამ გზაში, დაეწანწალობ ჩემი სახლიდან ამ თქვენს სოფლამდინ, მართო გზას ვუნდები; ეკლესიაზედაც დაშორებული ვარ და მრევლზედაც... მოძღვარი მქვია — და ეს მიკლავს გულს, რომ ამნაირი სახელი მქვია და ნამღვილად კი რა მოძღვარი ვარ?! ა, წირვა გამოვიყვანე და სახლისკენ უნდა გავსწიო ახლავე, თორემ გზაში შემომალამდება... რა ვქნა, აღარ ვიცი, ღმერთმანი სულ ამაზე ვფიქრობ და იცის ღმერთმა, რომ მეტად ვწუხვარ ამგვარ ჩემს მდგომარეობისათვის...

— შეეწიეთ, შეეწიეთ... ყველა შევეწიოთ, ავუშენოთ ერთი პატარა სადგომი ამ ჩვენს ეკლესიასთან და მღვდელიც ახლოს გვეყოლება და ყოველივე უკმაყოფილება და სამღურავი მოისპობა მოძღვარსა და ჩვენს შორის!.. — თქვა მოხუცებულმა აზნაურმა, რომელიც იქვე იჯდა საფლავის ქვაზე და ამ სიტყვებზე წამოდგა.

— თქვე დალოცვილო, ჩვენთვის ვერ დაგვიდგამს სახლი, ქოხებში ვყრივართ, მღვდელს სად ვუშოვნოთ სადგომი? — წამოიძახა მოხუცებულმა გლეხმა და სხვებმაც ბუტბუტით ბანი მისცეს.

— აბა რა ქნას ამ ადამიანმა? — განაგრძო მოხუცებულმა აზნაურმა. — რა ქნას ამ ადამიანმა?..

— ბატონო, მღვდელი წინათაც გვყოლია, მაგრამ მათთვის სადგომი არ გვიშენებია. მაგ რაღა შეიქნა?!

— რომ გყოლია, ჩემო კიმოთე, ის შენი მეზობელი იყო, ამ სოფლის მცხოვრები... დღეს კი ამ შენს მეზობლებში აღარავინ გყავს იმისთანა, რომ მოძღვრად გამოსადევი იყვეს და აგერ განაგო. შენეს განათლებული ადამიანი, შესმენილი და მცოდნე... იმ შენს უწინდელ ყრულა მღვდელთან ვერ მიაღარებ ამას. უკაცრავად!..

— ეგ კაი დაგემართოსთ, ბატონო, კაი იყვეს... განათლებული მოძღვარი, რასაკვირველია, ჯობია გყავდეს, მაგრამ მეტ ტვირთად გვაწვება, ბატონო ნესტორი.. ჩვენ ჩვენი საკუთარი გაჭირვება გვეყოფა, ძლივს სული გვიდგია ტანში, ჩვენ მაგისაგან მოველით შველასა და დახმარებას, ჩვენი გაჭირვების გაადვილებას, და ამის მაგიერად ტვირთად გვაწვება... დასაბინავებლად ჩვენ გვიხდება და შესანახავად... ჩვენც ცოდვანი ვართ!

— მართალია, მართალი! — მოისმა იქით-აქედან სმები ამ სიტყვაზე.

ახალგაზრდა მღვდელს ეტყობოდა ისრებივით ესობოდა გულში განაგონი, აღელვებული ხან წვერს ისწორებდა, ხან უღვაშებს იგრესავდა ათრთოლებული ხელით.

— გთხოვთ, თავი დაანებოთ ამ ლაპარაკს! — მიმართა მან რუსულად მის მომხრე აზნაურს.

— მომითმინე, მომითმინე, მამაო.. ნუ გეწყინება, ამათ ასე იცინა კიკეინი — რუსულადვე მიუგო ნესტორმა მღვდელს და მერმე ისევ ხალხს მიმართა: — ნუ ჭიუტობთ, ნუ, ნუ... შეეუწყოთ ხელი ამ ჩვენს მოძღვარს, დავაბინავოთ ჩვენს მახლობლად, მეზობლად ვიყოლიოთ და ჩვენც უკეთ გვემსახურება... ავაგოთ პატარა სახლი ამ ეკლესიასთან და სამიდღემჩიოთ თავისუფალი ვიქნებით ყოველ უკმაყოფილებიანაგან მღვდელსა და სოფელს შორის... ჩვენი სოფლის კაცის მღვდლად ნახვას მოვესწრებით თუ არა ოდესმე, ვინ იცის!.. ჰო, და ამაზე ყოველთვის გვექნება ერთი ლაპარაკი და ყაყანი... და ბარემაც გადავსწყვიტოთ და მოვრჩეთ ამაზე ლაპარაკის განახლებას!.. ხომ ყველა ვხედავთ არ გვარგია, ასე შორს მოძღვრის ყოლა!.. ჩვენი ვალია, ყოველივე ღონე ვიღონოთ და დევიახლოვოთ იგი... ჰო, ნუ ყოყმანობთ!.. გადასწყვიტეთ და ის იქნება!..

გლეხებს შორის ყოყმანი ატყდა; ესეც ლაპარაკობდა, ისიც: ყველას უკმაყოფილების სიტყვა ადგა პირზე. მღვდელი ძლიერ უხერხულად გრძნობდა თავის თავს და გაქცევასაც აპირებდა, რომ მოხუცებული ნესტორის ხათრი არა. მის ყურთანმენას არ განობარვია თითქმის არც ერთი სიტყვა გლეხებში ნათქვამი და ეს იყო შიზეზი, რომ იგი უფრო და უფრო მოუსვენარი ხდებოდა. უეცრად იგი შეინძრა მთელი სხეულით, ისარნაკრავივით მიტრიალდა მარცხნით და აცახცახებულმა უცნაური ხმით წამოიძახა:

— მართალია, მართალი, ექვთიმე ბატონო, მართალი!

ყველანი შეჩერდნენ. ჩამოვარდა სიჩუმე. შუახნის გლეხი, რომელსაც მიმართა მღვდელმა, სახედაბნეული იდგა და დარცხენილივით იყურებოდა გაჯავრებულ მოძღვრისაკენ.

— სწორედ მიმხედარი ბრძანდები... დიახ, იმისათვის ვცდილობ თქვენთან დაახლოებას, რომ თვალეზი მაქვს გამოპრაწული თქვენს სარჩოზე ვიწყო ცხოვრება!.. ძალიან მიპიხვდი, ძალიან, ისე წენ გეშველა!.. ფუი შენს კაცობას! შენისთანა კაცთან ღირს აღამაინმა ხმა ამოიღოს?! შეგირცხვათ ნამუსი! — ერთბაშად წამოისროლა მამა ზოსიმემ, აძაგძაგებული ხელით ჩამოიფხატა შუბლზე თავისი ფართო კიდეებიანი ქუდი და გაშორდა სახტად დარჩენილ ხალხს.

მაგრამ მერე ისევ მოტრიალდა, მივიდა თავის მომხრე მოხუცებულ აზნაურთან:

— შვიდობით ბძანდებოდეთ! — უთხრა მან, ხელი ჩამოართვა და ისევ გაშორდა ამ გროვას.

სახეწამონათებული, თვალეზამღვრეული იგი შეჩერდა ერთ ადგილას და იქით-აქით იცქირებოდა, თითქოს ვილაცას ეძებდა ეკლესიის გალავანში. კარგა ხანს იდგა იგი იმავე ადგილას ბურანში გახვეული, გარეტანებულებით და სრულიად არაფერი ესმოდა, რას ეუბნებოდა მასთან მიახლოებულ ახალგაზრდა გლეხი ბიჭი და დიდხანს ვერ შენიშნავდა მას, რომ ბიჭს თავის მიმართვის გამეორებაზე შემაღლებული ხმით არ წარმოეთქვა თავისი სათქმელი.

ამ ხმამაღლა დაძახებამ გამოარკვია მამა ზოსიმე, მოიხედა და, ბიჭი რომ დანახა, კუშტად მიმართა:

— რა გინდა?

— ჩემთან უნდა წამობძანდე ახლავე, მამაო!

— რა ამბავია? — ისევ კუშტად და წარბებშეყრით შეეკითხა გულმოსული მღვდელი.

— ბიჭი გყავს, ჩემი უფროსი ძმა, მწარე გაქირვებული.

— მერე?

— ზიარება გვინდა! — თქვა ბიჭმა და თვალეზზე ცრემლები

ქოადგა. — მალე, შენი კირიმე, მალე!.. ჯაერისაგან დედაც გადამერე-
ვა, ისეა!.. ნულარ დაიგვიანებ, მამაო!

— წადი, ი სულელი პეტრია დარაჯი მონახე... ჯორი გეიყვანეთ
ქიშკართანი.. ლოცვანს გამოვიტან... მოვალ ახლავე!..

— აბა დროზე ქენი, შენი კირიმე — თქვა ბიჭმა და გაიქცა პეტ-
რიას მოსანახავად, მაგრამ ისევ მოტრიალდა და მღვდელს მიმარ-
თა: — არაფერი წამალი არ მიუდგა... ეგებ ლოცვამ უშველოს...
ლოცვაც უნდა წოუკითხო!

— კარგი, კარგი!.. რაც ვითხარი, შენ ის ქენი — მღვდელი შე-
'ედო ეკლესიაში, გამოიტანა იქიდან ლოცვანი, უბრძანა მნათეს ეკ-
ლესია დაეეცნა. ველარ მოითმინა, საყვედური არ წარმოეთქვა
ამისთან მედავითნეს შესახებ, რომელიც მისდა უკითხავად სადღაც
ვამქრალაყო და მერე აჩქარებული ნაბიჯით გალაუნის კიშკრისაკენ
გასწია.

პეტრია უკვე იქ იყო ჯორიანად.

— შენ ჩემთან უნდა წამოხვადი — მოკლედ ესროლა მღვდელმა
სიტყვა. — ეს წამოიღე შენი — და მან ლოცვანი გაუწვდინა მას.

— კი ბატონო! — ხალისიანად მიუგო პეტრიამ, ავეანდი დაუწია
მღვდელს და ჩამორთმეული ლოცვანი ამოიღო ილღიაში.

ზოსიმე მღვდელმა ერთი თვალი გადაავლო ნამალეუად ცაცხვის
ქვეშ ისევ მოლაპარაკე გროვას და გულნატკენმა, გულამღვრეულმა
გასწია შეწუხებულისაკენ.

მაშ ეგრე, მამა ზოსიმე მხოლოდ მძიმე ტვირთია თავის მრევლი-
სა? თვალები აქვს გამოპრაწული, რომ თავისი სულიერი შვილების
წანაგლეჯით გამოიტანოს თავი? იმის მაცადინია, რომ თავისი თავი
სოფელს შეაპაროს და სარჩენად გაუხადოს მას თავისი ოჯახი?!
ესაა, რაც დაიმსახურა მან ამ ხალხის თვალში ეს არის ამ ხალხის
შეხედულება მასზე... ამნაირი ურთიერთობა მოძღვარსა და სამ-
წყსოს შორის... წაგლეჯაზე თვალებგამოპრაწული მოძღვარი!.. მძი-
მე ტვირთი, რომლის შორს ყოფნას რჩეობენი — განა ამის გაგონება
გულს არ მოტკლავდა ახალგაზრდა მოძღვარს, რომელიც სულ სხვა
იმედებით მოდიოდა ამ ხალხში, რომელსაც ეგონა, ამ ხალხში შეი-
ტანდა პატივისცემას მისი წოდებისადმი, შეაყვარებდა იმათ სახელს,
ვინც მქადაგებელია სიყვარულისა მოყვასისადმი, ვინც განმანათ-
ლებელია სულისა, გამწმენდი გულისა ყოველივე მძულვარებისა და
ბოროტებისაგან.

სადაა მერე ეგ ყოველივე? სადაა რაიმე ნიშანი კეთილგანწყო-
ბილებისა მოძღვარსა და სამწყსოს შორის? სადაა სიყვარული, პა-
ტივისცემა, ნდობა, იმედი? სადაა ყოველივე ის, რაზედაც იგი ოც-

ნებობდა სემინარიაში თავის ამხანაგებთან, რომლებთან იგიც ემზადებოდა მომავალი მოღვაწეობისათვის?

უბინაო, ლატაკი, ლატაკებით გარშემოხვეული, რომელთა ნაოფლართაც თავი უნდა ერჩინა — საიდან, რა გზით უნდა დაბადებულიყო ნღობა, სიყვარული, თანაგრძნობა მათ შორის?!

თვალებგამოპრაწული მოძღვარი?! — ეს ისეთ ტკივილებს აგრძნობინებდა ახალგაზრდა მოძღვარს, ისეთნაირი სევდით უვსებდა გულს, რომ იგი მზად იყო ეტირა, ეტირა, რადგანაც ასე უნდა ყოფილიყო სიყვდილამდის, სანამ ამ ქულებაში არ დალევდა სულს და არ გამოეთხოვებოდა ამ წუთისოფელს.

და იგი სწყევლიდა თავისთავს, რომ ეგრე უგუნურად შეეჭიდა, იტვირთა ასეთი საშინელი მოვალეობა, იღვა თავზე ასეთი მძიმე საქმე, რომ მიიღო სახელწოდება, რომლისადმი მხოლოდ სიძულვილი ავრცელებს ხალხში სრულიად თავისდა უნებურად, თავისდა გულსაკლავად.

აღელვებული, გულშეწუხებული მღვდელი, რომელსაც სისხლი საშინელი სიჩქარით მიუღრბ-მოუღრბოდა ძარღვებში, მოუსვენრად სცემდა ქუსლებს პატარა ჯორს, რომელიც თანდათან უმატებდა ჩიქჩიქს და ჯორთან ერთად გაჭირვებაში ავდებდა ხნიერ პეტრისაც, რომელსაც არ უნდოდა უკან ჩამორჩენოდა თავის მოძღვარს და ამიტომაც, ლოცვანით იღლიის ქვეშ, ჩოხის კალთები ამოეყეცა და ოფლში გაწურული ჩანჩალით მისდევდა უკან.

პეტრისამ უკვე იცოდა, რაც ამბავი მოხდა, რარიგად გააპილპილეს ყმაწვილი მღვდელი და სწორედ მისდა გულის დასაშოშმინებლად, სიმწარის დასაამებლად ხმამაღლა გაიძახოდა ქლოშინით მამა ზოსიმეს გასაგონარად:

— ნამეტანი გადასხვაფერდა ეს ხალხი... ნამეტანი გადასხვაფერდა... სულ გამოიცვალა! რას იზამ ადამიანი! ნამეტანი შეუსმენელი შეიქნა!.. გვირყვნა ქვეყანა, ნამდვილად გვირყვნა, რომ ვუყურებუ მარა რას იზამ კაცი, რას იზამ?!

მაგრამ მამა ზოსიმეს ან არ ესმოდა ეს სიტყვები, ან და, თუ ესმოდა, ისინი სიმწარის შემმატებლად ხვდებოდნენ, ალბათ, იმიტომ რომ იგი ჯორს თანდათან უფრო აჩქარებდა, თითქოს პეტრისას უკან ჩამორჩენას ცდილობდა; მაგრამ ეს უკანასკნელი თავისას არ იშლიდა, თავმოქლებით, თითქმის სიბრბილეთ მისდევდა უკან მღვდელს, ხტოდა ქვებზე, როცა ტალახი შეხვდებოდა, იწურავდა ოფლს და თან თავისას გაიძახოდა, თუ როგორ გვირყვნა სოფელი, რა შეუსმენელი შეიქნა და თავიანთ სიბრბილეთში კაცის ცნობის უნარიც როგორ დაჰკარგეს.

გვარიანი გზა, აღმართ-დაღმართიანი, უკვე გაიარეს ამრიგად-
როდესაც ერთ ადგილას მათკენ მომავალი მღვდელი შეხვდათ.

— მამა ზოსიმე, მამა ზოსიმე! — შემოსძახა შემხდურმა. — მა-
შაო, გეტყობა გულნაწყენი უნდა იყვე!.. სძლიე, სძლიე, მამაო, ჯერ
ანაღვარდა კაცი ხარ... მომავლსათვის შეინახე თავი! სძლიე სა-
სულითა მამისათა და ძისათა და წმიდისა სულისათა, ამინ! პირჯვარი
გაღისახე, ფუი ეშმაკსა-თქვა და გათავდა! -- მზიარულად და სულ-
ღეთმელად მოაყოლა ამ ხანში შესულმა კლარამორეულმა
მღვდელმა, რომელმაც ჯორი შეაჩერა, ქული უკან გადაიწია და ცო-
ტით გამოაჩინა თავისი მელოტი შუბლს ზევით.

— საღ მიბრძანდები, მამაო მიხეილ? — შეეკითხა ჩვეულებრივი
მისალმების შემდეგ მამა ზოსიმე.

— ქუთაისში, აგერ ეს ვაჟბატონი მიმყავს, ეგებ გვარი დაამშვე-
ნოს თავის ჭკუითა და სწავლა-განათლებულობით — და ამ სიტყ-
ვებთან მან თავი მიიბრუნა უკან პატარა, ათი-თერთმეტი წლის
ბავშვისკენ, რომელიც უკან შემოჭენილი ჰყავდა ჯორზე, ძალე მც-
კროდა მამა მიხეილს წელზე შემობვეული ხელებით, რადგანაც
საჯდომი ადგილი უნაგირს იქით ჯორის გაჯახე მეტად პატარა დარ-
ჩენოდა; ისე მიჰკროდა, რომ მამის ანაფორაში გაჰხვეოდა თავი და
სახე სრულიად არ უჩანდა.

— სასულიერო სასწავლებელში, მამაო?

— დიახ, დიახ!.. ჩვენ ქე გვწუნობთ, თქვე დალოცვილებო! —
სიცილით თქვა მამა მიხეილმა. -- დასაწყუნიცა ვართ!.. ამ თრევაში.
ამ ხალხთან ყაყანში სულ გამომელაყა თავი... რაც რამ იყო შიგ-
სულ ერთიანად გამოიფიტა, გაფრინდა სადღაც... რავარც პური გა-
ფრინდებდა, სწორედ რომ ისე! თუ არა ჩვენს დროზე ვითომც არაც
ჩვენ გვიჭირდა!.. მეც ვიცოდი რაღაც-რაღაცეები... მახსოვს, გიშპა-
ნის ზღვას გვასწავლიდნენ, თეთრ ზღვას, პეჩორის ლავრა-ს... მარა
დღეს სადაა ეს გიშპანიის ზღვა, ან ეს თეთრი ზღვა, ან პეჩორის
ლავრა — ველარაფერი გევიგე!.. თავი მოწმონდა წინათ და ახლა ამ
თითის სიგრძე ბავშვმა მაჯობა... სადაა, ბიჭო, თეთრი ზღვა? არც
შენ იცი, შემარცხვინე კაცი? გიშპანია? ხა, ხა! — გაღიხარებარა
ხუმარა და ენაწყლიანმა ხუცესმა.

სწორედ ამ დროს უკან ჩამორჩენილი პეტრიაც, აქლოშინებუ-
ლი, მოუახლოვდა ამათ და, რა დაინახა მამა მიხეილი, დაბლა თავი
დაუჯრა და შენდობა სთხოვა.

— ა, პეტრიანთი, პეტრიანთი, პეტრიანთი — მიძახა, დაინახა
თუ არა, მამა მიხეილმა. — რასა იქ, პეტრიანთი?.. კანკიანთის ამბავი.

რავაა, პეტრიანთი?.. კანჭიანთის ამბავი... მამა ზოსიმეს! ხა, ხა, ხა!..
კაი სუქანი კანჭიანთი!..

— სუქანი კანჭიანთა ჯალა იქნება, შე დალოცვილო, ღორის
გამოსაშობი ადგილი რომ აღარ არის!.. რითი გასუქდება, ყველას
ბაწარზე უბია თავისი ღორი!.. სუქან კანჭიანთზე ჩვენც გვწყდება
გული, მამაო, მაგრამ რას იზამ კაცი, რას იზამ?!

— რატომ მერე, რატომ, პეტრიანთო! კაი სუქანი კანჭიანთი
გულს გაამხიარულებს, ხომ იცი!.. მამა ზოსიმესაც კანჭიანთი გულს
გაუხიარულებს, ხომ იცი!.. მამა ზოსიმესაც სხვანაირ გუნებაზე
მოიყვანდა... ეგებ ახლა კიდევ მოგვლოდესთ კაი ბურუხუნა კან-
ჭიანთი. ა?.. ხა, ხა, ხა!.. კანჭიანთზე მიზევალი? — სიცილით შეე-
კითხა ხალხიანი ხუცესი.

— საზიარებელი მყავს აგერ, — მიუგო ზოსიმემ.

— საზიარებელი?.. ოჰ, აბა უკაცრავად, უკაცრავად! არ მეგონა,
თორემ ამდენხანს არ გაგაჩერებდი ამ შარაში. უკაცრავად... მშვი-
დობით ბრძანდებოდეთ, მშვიდობით ბრძანდებოდეთ! — თავი დაუ-
კრა ზოსიმეს, შემოჰკრა ღეზი თავის თავის მსგავს ჯორს და მო-
პაუბრენი გაშორდნენ ერთმანეთს.

ახლაგანრდა მღვდელმა ვერ მოითმინა, ერთი არ მოეხენდა ამ
უცნაური ღვთის მსახურისაყენ, და საშინელი სევდა შემოაწვა გულ-
ზე. ნუთუ ეს მიხეილა ხუცესი მისი მომავლის გამოხატულება?
ნუთუ მასაც მოელის ასეთი ბოლო? ნუთუ მასაც გაუხდება სა-
კითხავად, არის თუ არა დღეს სადმე გიშპანიის ზღვა, ან სადაა პე-
ჩორის ლავრა და სამწუხარო გაუხდება „ბურუხუნა კანჭიანთების“
მოკლება ღორების გასაშვები ადგილების უქონლობის წყალობით?

— ოხ, ღმერთო, ღმერთო! — უნებლიეთ ხმამალა წამოიძაბა
ზოსიმემ და სწორედ იმავე დროს უკან ჩამორჩენილ პეტრიას ძა-
ხილიც მოესმა:

— შეუხვე, მამაო, მანდ შეუხვე!.. მაგ კიშკარში!

ზოსიმემ თავი აიღო და მბოლოდ ახლა დაინახა, რომ მისუღიყო
ავადმყოფისას. შეიყვანა ჯორი გაღებულ კიშკარში და, დაბალი
ისლით გადახურული სახლის დერეფანთან გადმომხტარმა, ჯორი შე-
მოგებებულ ალფეზა-ბიქს გადასცა. ამ დროს პეტრიაც გაჩნდა
ეზოში.

— ჩალა უშოვე მაგას! — უთხრა პეტრიამ ბიქს, როცა ის ჯორს
ბოძთან აბამდა.

გადმოხურულში მღვდელს შემოეგება თავმეტუთენილი მოხუ-
ცებული დედაკაცი, რომელიც მოწიწებით მივიდა ზოსიმესთან და
ხელზე ემთხვია. ეს იყო ავადმყოფის დედა, მოხუცებული ანუსია.

— აბა, სადაა ავადმყოფი? — იკითხა ზოსიმემ და სახლში შევიდა. — აქა მშვიდობა! — წარმოთქვა მან.

სახლში მეტად ბნელოდა.

— ის მეორე კარიც გააღეთ!.. ამნაირ სიბნელეში შეიძლება ყოფნა?! — დაატანა მღვდელმა უკმაყოფილოდ.

ანუსია ეცა კარებზე ბრძანების ასასრულებლად. შემოსულ სინათლეზე ახლა შესაძლებელი იყო აღამიანს გაერჩია იქაურობა. კედლის სიგრძეზე გაყოლებულ ვიწრო ტახტზე თავბოლოში ქვეშაგებებში ორი აღამიანი იწვა, როგორც ეტყობოდა. იქითა თავში მწოლარე, რომლის თვალებზეც შემკრთალივით განოიყურებოდნენ ცხვირამდის წახურული საბნის ქვეშიდან, ზოსიმემაც იცოდა, რომ აღფეხას და იყო, ელიზია, უკვე დიდი ხნის ავადმყოფი გასათხოვარი ქალი.

— ეს არის ალექსი? — მიუთითა მეორე ქვეშაგებზე ზოსიმემ. მწოლარე თავიანათ იყო გახვეული საბანში.

— ალექსი გახლავთ! — ძლივს გასაგონი, მისუსტებული ხმით, რომელშიაც ცრემლები ისმოდა, უპასუხა მოხუცებულმა ანუსიამ.

— გადახადეთ საბანი!

ანუსია თითქმის შეხტა ტახტზე და მუხლებზე წაჩოქილმა ნელა დაუწყო საბნის გადაძრობა ავადმყოფს პირიდან.

— ალექსი, შეილო!.. გამოიხედე!.. მოძღვარი მობრძანდა!

ოფლში გაწურულმა, პირზე წამოწითლებულმა ავადმყოფმა ერთი კი გამოიხედა მღვდლისაკენ და ისევ დახუჭა თვალები.

— რასა იქ. ალექსი, ა?.. რა უნდა შენთან ავადმყოფობას, შე კარგო კაცო! — შეეხუმრა ვითომ ზოსიმე ავადმყოფს.

— ვკედები. ბატონო! — ძლივს გასაგონი ხმით წამოიფუჩუნა ავადმყოფმა.

— ნუ გეშინია, ნუ!.. ასე მალე შეგაშინა ავადმყოფობამ? ჰეი, შე გლახა! შე კარგო კაცო, აღამიანი ხარ, ხან კარგად იქნები, ხან ავად, რა ვუყოთ! — ასე ანუგეშებდა ზოსიმე ალექსის, მაგრამ ნათლად ხედავდა, რომ კაცი განსაცდელში იმყოფებოდა.

ეს წყვილია, რომელიც ამ სახლში დამყარებულიყო და რომელიც ისე უსიამოვნოდ მოხვდა გულზე პირველი ფეხის შემოდგმისთანავე, ეს სიღარიბე, ეს სიღატაკე, ამ სახლის ყოველი კუთხიდან რომ გამოსჭვიოდა, ეს საწყალი ავადმყოფები, რომელთა უსანუალობაც თვალებში ეჩხირებოდა, ეს მუმიასავით შეფუთვნილი მოხუცებული დედაკაცი, ჩუმად რომ ცრემლებს ღვრიდა, თავისი უღონობა ამათი შეწვევისათვის, — ყოველივე ეს კიდევ უფრო ნალევს

უმატებდა მის ისედაც დანაღვლიანებულ გულს, მწუნარებას უმწვა-
ვებდა, უნუგეშობაში აგდებდა, ამ ცხოვრებას ყოველსავე სინათლეს
აკლებდა და ყოველსავე სასოწარკვეთილებას უკვეთავდა. სევდით
მოცული გული, ამღვრეული სული, შემოწოლილი გრძნობა გამო-
თქმას ითხოვდა, იწვევდა საღალადებლად, ხმამაღლა წარმოთქმას
თავისი უნუგეშობისას, თავისი სევდიანობისას.

— ლოცვანი! — წამოიძახა მან და ათრთოლებული ხელით დაუწ-
ყო ფურცვლა წიგნს. გადიგლო უკან შუბლზე გადმოშლილი თმა
და პირჯვრის წერით განსხვავებული ხმით გაიძახოდა, ხმით, რო-
მელშიაც მოისმოდა სიმწარე და მხურვალე ვედრება გულშეწუხე-
ბული ქმნალებისა:

— უფალო შეგვიწყალო, უფალო შეგვიწყალო, უფალო შეგვი-
წყალო მწყალო მე, ღმერთო, დიდითა წყალობითა შენითა და მრავ-
ლითა რწყალებითა შენითა, აღხოცე უსჯულოებანი ჩემნი...

— მღვდელს „ნაკუსკა“ დასპირდება, ხომ იცი, შორი გზა აქვს...
თქვენც! შეაგვიანეთ კიდევ... დილიდან უკმელია... ხომ გაქვთ რა-
მე? — გადოლაპარაკა პეტრიამ ალფეზას.

— კი მაქვს, კი — მიუგო ალფეზამ.

პეტრიამ მღვდლისკენ მიიწია.

ეს კი. გულდარაგული, გულაჩვილებული ამ უნუგეშო სურა-
თებით. რომელიც ყოველ ფეხის გადადგმაზე თვალწინ ეშლებოდა,
დამონებოლი ამდენი ტანჯვა-გაპირვებინს მხერით, მხურვალედ ევედ-
რებოდა ზეცას შევბას, მოწიწებით ითხოვდა იმედს, სიზარულსა,
რათა მას მიეღო მსხვერპლად მისი შემუსვრილი სული, გული შე-
წუხებოლი და დამდაბლებული.

— ღმერთო, ისმინე ლოცვისა ჩემისა... ყურად იხვენ სიტყვანი
პირისა ჩემისანი — გაიძახოდა იგი მუხლმოდრეკილი.

ამ დაღადებაში, ამ მხურვალე ლოცვაში მან იჭერა გული და
თითქოს რაღაც შევბა იგრძნო ამ ხმამაღლა ძახილში თავისი უნუგე-
შობისა და სასოწარკვეთილებისა: თითქოს ისევ მოიპოვა მან სუ-
ლის მშვიდობა. დაკეცა ლოცვანი, გადასცა იგი პეტრიას, უბიდან
ამოიღო პატარა ხატი, გახსნა იგი და ავადმყოფს მიაწოდა წმიდა
საიდუმლო.

კუთხეში მიკრუნჩხული პატარა გოგო თავგვივით გამოიყურე-
ბოდა და გაკვირვებული თვალებით მისჩერებოდა მაღალი ტანის
უცნაურ კაცს.

ზოსიმემ აზიარა ავადმყოფი.

— ნუ შეშინდებით. ღმერთი მოწყალება! არაფერია სამეზარი!
ნუ გაფთხალდებით! შენ რას შევები, ელიზა? — მივიდა ზოსიმე

მეორე ავადმყოფთან. — ასე უნდა იწვე, შე ქალო, აღარ აპირობ ადგომას?! — უხუმრა მას.

გაყვითლებულს, ლოყებჩაცვივნულს პირისახეზე უცნაურად მბზინავი თვალის კაკლები შეთამაშდნენ და ძალზე შეთხელებული უსისხლო ტუჩებიც შეიშმუშნენ, და მისუსტებული ხმით ნათქვამმა სიტყვებმა ძლივს მიაღწიეს ზოსიმეს ყურებამდის:

— ნეტავი ალექსის ღვეინახავდე ფეხზე და მე რა საკითხავი ვარი

— ალექსის დარდი ნუ გაქვს. შენ წამოდექი და მაშინ იქნება კარგი! — ღმილით უთხრა ზოსიმემ.

ანუსიამ ამაზე ღრმად ამოიოხრა და სიმწარის ნიშნად გააქნია თავი.

— აბა, პეტრია, ჯორი — დაიძახა მღვდელმა.

— ერთ წამს მოგვითმინე, მამაო... გზა შორი გაქვს და მშვიერი ბრძანდები. — შეაყენა კარებისკენ მიმავალი ზოსიმე ალუფნაჲ.

— არა, არა! — წამოიძახა ზოსიმემ.

— კი, ჩემო ბატონო, კი, ბატონო! — დაატანა ანუსიამაც.

— სრულიად არაა საჭირო! არაა საჭირო! — იწვედა მღვდელი.

— მოთმინე, მამაო! მშვიერი ახლა სახლში წახვედე, გზაში რა გარონიებს? ერთი სტაქანი ღვინო დალიე, ერთი ლუკმა პური მოიტეხე და წადი ისე, — ჩაერია პეტრიაც. — აბა, ნუღარ აგვიანებთ, მოიტანეთ, თუ გაქვთ რამე!

— კი, ჩემო ბატონო, კი, ახლავე იქნება! — ფუსფუსებდა ანუსია შვილთან ერთად.

ზოსიმე იტლებული იყო დარჩენილიყო საუზმენე. სუფრა მალე გაიშალა და პეტრია ერთ წაშში დაეპატრონა, რაც სუფრაზე მოართვის მღვდელს.

— ეს რა საბოდიშოა, შე კურთხეულის შვილო! მართალია, ნასწავლი მღვდელი ბრძანდები, მაგრამ ამ სოფლის პურ-მარცხზე უარი არასოდეს არ უნდა თქვა. თუ დაგაკლდება, თვარა არაფერი შეგეშატება. დიდება ღმერთსა, გაუმარჯოს მასპინძელს, ავადმყოფი მალე მოურჩინოს, ოჯახს სიკეთე და ბედნიერება! — დალოცა მან და გამოცალა ღვინიანი სტაქანი.

მოშეგებულ მღვდლისათვის სწორედ სულზე მოსწრებასავით იყო ეგ საუზმე: იგი მადიანად ილუკმებოდა. არა ნაკლები მადით შეექცეოდა სუფრას პეტრიაც, რომელიც ტოლუმბაშობასაც ვითომ ეპირებოდა, რომ მღვდელი ცოტა ხნის შემდეგ არ წამომდგარიყო და წასვლა არ დაეპირებინა.

— კმარა, კმარა, გეყოფა, პეტრია! ადექი და ჯორი მომიყვანე!

— ახლავე, მამაო, ამ წამში! — ალბათ, ენანებოდა სუფრის მიტოვება, ისე ზანტად დგებოდა.

მღვდელმა აღფეხას დარჩება მისცა ავადმყოფისათვის როგორ მოველოთ და ეზოში გავიდა. ჯორი ისევ ღობესთან იყო და ჩალასა ჰკამდა.

— პეტრია, არ გესმის რა გითხარი! — წამოიძახა ზოსიმემ.

— ახლავე მამაო, ახლავე! აწი რაღა მეჩქარება მაინცდა- მაინც! — და სახლიდან გამოსული პეტრია ჯორთან მივიდა, უნაგირზე მიბმული აბგა მოხსნა და პურებს დაუწყყო შიგ ჩალაგება.

— რას შერები მაგას, პეტრია? — მიაძახა ზოსიმემ.

— მაცალე, მამაო, მაცალე! რა გეკითხება, თუ ღმერთი გწამს!

— ნუ სულელობ, ბიჭო!

— ერთი, შე დალოცვილო, შენც უკადრისობ კიდევ!.. სოფელში ხარ, სოფლის ჩვეულებას აპყვევი... თორემ თუ დაგაკლდება, თვარა შეძენით არაფერი შეგეძინება... რა დროს მორცხვობაა!.. აწი ქე უნდა მიეჩვიო, დროა, სოფლის ადათა და ჩვეულებას...

— მე გთხოვ, ამგვარებს ამარადო, ჩემო პეტრია! — წყენით უთხრა ზოსიმემ.

— ბატონი ბრძანდები! ახლა კი შეგიძლია შენს გზას გაუდგე! აბა შებძანდი — უთხრა პეტრიამ, როცა აბგას თავი მოუქრა და უნაგირს მიაკრა თასმებით. — აწი ნულარ იგვიანებ!

ზოსიმემ თავი გააქნია და თან დაატანა:

— რატომ გაქვს მაგრე გრძელი ენა, შე უბედურო!..

— რომ ბევრი ვილაპარაკო, მამაო! — მიუგო სწრაფად პეტრიამ. ზოსიმეს უნებლეთ გაეცინა ამაზე და ამ სიცილით გაუდგა თავის გზას; პეტრია კი ანუხისიასკენ და აღფეხასკენ წამოვიდა.

— ჯერ კიდევ ეხამუშება... ყმაწვილია მერე, პურს კი არა, გახრეკნილ ძვალსაც ჩეილაგებს ხვირჯინში და სახლში წიკვას დოუწყებს... ბავშვებს თითო ნატეხი მაინც შეხვდებათ, — ღიმილით უთხრა მან დედასა და შვილს, გამოემშვიდობა მათ და თავისი სახლისკენ გასწია.

გვარიანი გზა ჰქონდა გასავლელი ზოსიმეს, მაგრამ იგი დღეს კიდევ უფრო გრძლად ეჩვენა; მთელი გზა სულ იმაზე ფიქრობდა, რაც დღეს მას გადახდა და რაც დღეს ნახა.

ვერაფერი საამური სურათი წარმოუდგა თვალწინ, როცა თავის ეზოშიაც შევიდა. სახლის წინ პერანგის ამარა ბავშვები ტალახში

ჩანგარაყენენ ტიტველა ფეხებით და სრულად გათუთხუნონი
ჯულმოდგინედ სელავდნენ მას.

— თეკლე, თეკლე!.. ამ ბავშვებს გადმოხედე ერთი! ყურის გდე-
ბა უნდა, შე ქალო, ხანდახან. — დაიძახა მან, როცა ჭორიდან ნა-
პოხტა, მიიბა იგი ბოძთან და პატარა სახლის აივანზე ავიდა.

დაძახილზე სახლიდან გამოუარდა ახალგაზრდა ქალი, თანაფარ-
წყარული, სახელოებწააპიწვებული.

— რა იყო? — გაფაციცებით იკითხა მან.

— რა და, შე ქალო, ამ ბავშვებს მიხედვა უნდა ხანდახან... შე-
ხედე, რას ჰგვანან? რარიგად ამოთითხნილან!.. კვირა დღეა, დღეს
ჩაგეცმია მაინც.

-- რა ჩავაცვა, შე კაცო?.. თითო ხელი ტანისამოსი აქვთ და
იმასაც გააოხრებენ და ეს იქნება... მალე შეესწრებიან აწლებს შე-
კრეას!.. ამ შენმა ძმისწულებმა მაინც სულ გააფუქეს ეგ გასა-
წყვეტლები!.. გიგა, გიგა... ელინკა... არ გესმისთი.. ახლავე ამოეთ-
რიეთ... ახლავე აქ ამოეთრეთ, თვარა სულს ამოგახთენთ ორი-
ვეს!.. — შეუტია ბავშვებს თეკლემ.

დამფრთხალი ბავშვები გამოიქცნენ დედისკენ. ეს კი მივიდა
ჭორთან, მოხსნა აბგა, გასინჯა ხელით, უნდოდა გაეგო, თუ რა ეწყო-
შიგ, ამოაფარა კაბის ნაკეცს, რომ არ შეეხედვიდნენა მაზღისანე-
ბისათვის, რომელნიც იმავე სახლში ცხოვრობდნენ, და აჩქარებით
შეიბრინა ოთახში.

— მე რაღაც მეგონა! — უკმაყოფილებით წარმოსთქვა მან, რო-
ცა აბგა გახსნა და პურები დაინახა.

— აბა რას ეძებდი? — ღიმილით და თან დარცხენით უთხრა
ცოლს ზოსიმემ, რომელსაც ანაფორა გაეხადნა და ახლა ტახტზე გა-
წოლილიყო.

— დედა, მომეცი-ი! — ეტაკა თეკლეს უფროსი შვილი. — მაქა-
მე-ე-ე!

ამას მეორეც აპყვა.

— მაქა-მე-ე!.. მომეცი-ი... — გაიძახოდნენ წუწუნით ბავშვები.

— მოიცადეთ, მოიცადეთ!.. მერე... მერე!

— მაქამე-ე-ე!.. მომეცი-ი! — წუწუნებდნენ ბავშვები.

— შაეი ჭირი თქვენს! — მიიძახა თეკლემ.

— მოუტეხე, შე ქალო, ნუღარ ატარებ! -- უთხრა ზოსიმემ.

— ჰა, ჰა, ცეცხლეთ, არ გასაძლომებო!.. გაგიწყდათ მიწა! გა-
გიწყდათ!

გაღუგდო თითო ნატეხი თეკლემ ორივეს და დანარჩენი აბგია-

ნად კუთხეში მაგარ დაბალ კარადაში შედგა, ოთახიდან გავიდა და ბავშვებიც თან გაიყოლია.

ზოსიმემ თვალეები გააყოლა თეკლეს და ტიტველა ბავშვებს, რომელნიც დედას ძინლევდნენ, და მისდა უნებურად ღრმად ამოაბჯნენ.

„თვალეგამოპრაწული“ — გაურბინა მას თავში და ისევ თვალწინ წარმოუდგა დღევანდელი ამბავი, ეს მისი შრეელი. შაბუტბუტე გლენკაცობა, ევთიმეს სიტყვები, მიხეილა ხუცესი და მის გულში ისევ გაიღვიძა საშინელმა სევდამ, სასოწარკვეთილებამ. ახლა ამას უნდოდა ეს შინაური სურათიც. კი, კი უნდა გამოპრაწოს, თვალეები, მართლა თვალეგამოპრაწულად უნდა იყოს, თორემ ვერც სხვაზე წაადგება და თავის თავსაც ავნებს. ყოველივე ოცნებაზე ხელი უნდა აიღოს, იცხოვროს ისე, როგორც სხვები ცხოვრობენ. დროა აწი სოფლის ადათს შეეჩვიოს, პეტრიასი არ იყოს. სხვა ყველაფერი ტყუილია და საზარალო.. და ამას რომ ეუბნებოდა თავის თავს სახელმძღვანელოდ, უეცრად ანუსიას ოჯახი მოაგონდა, სადაც ორი მომავლავი იწვა და თითქოს ვილაცამ წასჩურჩულა: შენი შემოსავალიაო. და ამ აზრის გაღვიძებამ, ამ აზრის მის ტვინში გაელეებამ სრულიად დაათავა ახალგაზრდა მოძღვარი. ნუთუ ამგვარი ფიქრების განაღვიძებლად გაუხდება მისი გაქირვება, მისი სისაწყლე? ნუთუ ამგვარი აზრების დამუშავებას მიეჩვია მისი ტვინი, მისი გონება? და ზოსიმე გულდაწყვეტილი, გადაბრუნდა მეორე გვერდზე, ჩარგო ცხვირ-პირი მუთაქაში და იწვა გაუნძრევლად.

დიდი ხანი არ დასკირებია, რომ მოღალულ-დაქანცულ ტვინს ძილი მიჰპარვოდა და სასურველ, სასიამო დავიწყებაში შეეყვანა ახალგაზრდა მოძღვარი.

ავადმყოფ ალექსიას გამობრუნებას არა თუ პირი უჩანდა, პირაქით, იგი იმ საღამოსვე საშინლად გაქირვებული შეიქნა. მოუკვდნარად წრიალებდა ქვეშაგებში, ხანდახან წამოიძახებდა რაღაც უცნაურ სიტყვებს, ბოდავდა და წუხდა საზარლად. რეტდასხმული ანუსია თავთან უჯდა შვილს, მწუხარებისაგან გამშრალი სულელურად მისჩერებოდა შეწუხებულ ავადმყოფს. არა-რა იმედი, არც საიდანძე შევლა, რამე შეწევნა!

-- ღმერთო დიდებულო!.. ღმერთო მოწყალო! — ხანდახან წამოიძახებდა მხოლოდ ალფეხა, და ანუსია კი შვილს დასჩერებოდა და უსიტყვოდ მუშტს ირტყამდა გულზე.

საზარელი ღამე დაუღამდათ საწყლებს. მთელი სახლი ბნელში იყო გახვეული, მხოლოდ კერაზე ცქრიალებდა მკრთალი ცეცხლი

და დამყარებულ მკაცრ სიჩუმეს ავადმყოფის წამოძახება თუ არ-
ღვევდა, ანდა უღონო ხმა ელიზიასი, რომელიც დედას დროგამო-
შვებით ეკითხებოდა:

— დედი, რაგაა ალექსი?

— რას იზამს, შვილო, მგონი ახლა უკეთ უნდა იყვეს! — მიუ-
ვებდა ხოლმე ანუსია და სახლში ისევ სიჩუმე ჩამოვარდებოდა.

დილაზე ავადმყოფი უარესად შეიქნა. ალფეზა სოფელში დარ-
ბოდა უთენიიდან და ხან ვინ მოჰყავდა და ხან ვინ. მაგრამ ვერავინ
ვერაფერი გაიგო ამ ბიჭის ავადმყოფობისა და ვერავინ გამოჩნდა
მშველელი. მთელი დღე უცნაურ გაჭახიროებაში გაატარა ალექსიმ,
ღამეც არა ნაკლებ მოუსვენრობაში იყო.

ანუსია, გალენჩებული მწუხარებისაგან, ისევ თავს დასჩერებო-
და შვილს.

— დედა! — წამოიძახა ავადმყოფმა და თავი მალლა წამოსწია.

-- შვილო, ალექსი, აგერ ვარ!.. რა გინდა? — მივარდა ანუსია.

— დედაუ! — გაჭავრებით და უფრო ხმამაღლა წამოიძახა ალექ-
სიამ. — დედა, დედა, დედა-ა-ა! — დაჟინებით იძახდა და თავს ატ-
რიალებდა ავადმყოფი.

— ალექსი, შვილო... აგერ ვარ, აგერ... შენს სულს ვენაცვალე...
შვილო!

მაგრამ იმას, ალბათ, არ ესმოდა დედის სიტყვები, საშინლად
აბრიალებდა თვალებს, ხან ერთ სიტყვას გაიძახოდა, ხან მეორეს.
ანუსია თავზარდაცემული ეპოტინებოდა შვილს, რაღაცას ეუბ-
ნებოდა, თვითონაც არ ესმოდა... ცრემლებმა ხმაც წაართვა და
თვალბინც აუხვია. აძიგძიგებული პირისახე, მთრთოლავი ტუჩები
სიტყვის გამოთქმას უშლიდა.

ავადმყოფმა ერთი ღონივრად წამოიგვიჰმა, წამოიწია, გააჰყიტა
თვალეები და ლოდივით დაეარდა ლოგინზე.

ანუსია ქორივით დაეძგერა შვილს, გადმოაბრუნა პირადმა და
საზარლად შეჰყვირა:

— ალექსი!.. შვილო!

საზარელი ხმა უცბად მისწყდა.

— დედა... დედა... რა ამბავია? რა ამბავია, დედა? — მოაძახა
მას შემკრთალმა ელიზიამ, რომელიც ლოგინში წამომჯდარიყო. —
რა იყო, დედა?

— არაფერი, არაფერი, შვილო! დაწვი, დაწვი!

— ტირი, დედა?..

-- აბა რა დარჩენია თქვენს შემხედვარე დედას, თქვენს ოხერ დედას! ვაიმე, ვაიმე!..

ანუსია წამოდგა, ალექსის საბანი გადააფარა, ტახტიდან ჩამოვიდა ძირს და კარებისკენ გაიძახა:

— მარიკო... მარიკო!

სახლში შემოვიდა თავგაბურძგვნილი პატარა გოგო.

— დაჯექი აქ! — მიუთითა ანუსიამ ტახტთან, სადაც ალექსი იწვა, -- დაჯექი და უყურე!.. — თქვა ეს და სახლიდან გავიდა.

— რას შევება, დედა, ალექსი? — შეეკითხა მიმავალს ელიზია.

— ძინავს, შვილო, ძინავს.

ანუსია რომ გავიდა, სახლში მკაცრი სიჩუმე დამყარდა. პატარა გოგო, დაბალ სკამზე მჯდომარე, გაუბედავად იუპრებოდა ხან ელიზიასკენ, ხან კარებისკენ, ხან კი საბანწახურულ ძმას მისჩერებოდა.

სიჩუმეში რაღაც ხმა მოისმა გარედან. ელიზიას ყურებამდისაც მიიღწია მან. რაც ხანი გადიოდა, ხმა უფრო მკაფიოდ მოისმოდა. ვიღაცა უსათუოდ ტიროდა, მოსთქვამდა, ისე ჰგავდა.

-- მარიკო... გეიხედე... ვინცხა ტირის იქ... გეიხედე! -- და ელიზია წამოჯდა საწოლში.

მარიკო ადგა, მივიდა კედელთან, მონახა ჰუჭურუტანა და კედელს მიეკრა. ტირილის ხმა ისევ მოისმა.

— ვინაა, მარიკო?

-- დედა... დედა ტირის! -- მიუგო ბავშვმა.

-- დედა ტირის?

-- ჰოი.. აღფეხა მოვიდა... ისიც ტირის!..

ელიზია შეიშმუშნა, შეინძრა, ხელებით ფათური დაიწყო, მოძებნა კაბა და თავზე გადოჯდო ჩასაცმელად.

— ბიცილა დაფინი მოვიდა... ბიძია ივანე... ბუკულო... ელენიჩკაც მოდის... ტირის ელენიჩკაც... — ტიტინებდა პატარა მარიკო და იმას კი ვერ ხედავდა, ელიზიამ რომ კაბა გადიცვა, წამოდგა საწოლიდან და ეს ცოცხალი ჩონჩხი ბანცალით წამოვიდა ალექსისკენ; აცოცდა ტახტზე და თავისი ძვლიანი ხელებით გადაძრობა დაუწყო საბანს ძმის პირინახიდან.

გადახდილ საბანს ქვეშ გამოჩნდა საზარელი შესახედავი ალექსი. თვალბგადმოკუსული, წინ წამოშვერილი მოკლე წვერით შემოსილი ნიკაბით, უცნაურად დაკრეჭილი კბილებით.

ელიზიამ ერთი შეპკივლა, რაც კი შეეძლო, და ღონემახდილი ზედ დაემხო მიცვალებულ ძმას.

მარიკომ მხოლოდ ახლა მოიხედა და, რა დაინახა ალექსიზე დამ-
სობილი ელიზია, მორთო ღრიალი.

— დედა, ელიზია ადგა... ადგა ელიზია... ალექსისთან! "

ყვირილზე მოფენილ კარებში შემოვარდა გადარეულივით ანუ-
სია და მასთან ვინც კი წინ გადმოსურულში იყვნენ.

— მომკალით, მომკალით! შვილებო, ვაი, ვაი, ვაი! — საზარელი
სმით შეჰყვირა მოსუცებულმა დედაკაცმა და ტახტზე შეხტა ელი-
ზიას მოსაშორებლად.

სახლი ერთ წამში ხალხით აივსო. შეიქნა გულის შემზარავი
ღრიალი, ტირილი, წივილ-კივილი.

გრძნობადაკარგული ელიზია გააშორეს მიცვალებულს და მი-
ცვალებულის მსგავსი თავის საწოლში დააწვინეს.

სადამოზე ელიზიაც გამოეთხოვა ამ წუთისოფელს. მთელი სო-
ფელი მოტირალი იყო საწყალ ანუსიასთან ერთად ამ ორი მიცვა-
ლებულისა.

— ღმერთო დიდებულო! ღმერთო მოწყალეო, შეგვიბრალე, შე-
გვიწყალე ჩვენც ცოდვილნი! — ყოველი მხრიდან გაიძახოდნენ თავ-
ნარდაცემული სოფლელები. ეს ორი კუბო, რომელთა შუაღ ჩამჭდა-
რიყო საცოდავი დედა და ხან ერთს ეხვეოდა, ხან მეორეს, — ეს
ორი კუბო უცნაურ შიშს ჰგვრიდა ამ გულუბრყვილო ქმნილებათ.
ზედ ეტყობოდათ, რაჩივად სჩაგრავედა მათ. მხოლოდ ერთადერთი
ღმერთიდა ეგულეობოდათ შენწედ და იმიტომაც ისე ვედრებით გაი-
ძახოდნენ მის სახელს.

და ზოსიმე მღვდელი, აკანკალებული ხმით რომ წესს უგებდა ან
საცოდავებს, ცრემლებით თვალები რომ ევსებოდა მიცვალებულთა
ურებით, თან მისი გული უფრო მეტად სწუხდა, გმინაედა, რადგა-
ნაც თავის გარშემო ხედავდა ამ მართლა და უმწეო, ღვთის ანაბა-
რად მიჩინილ ქმნილებათ, სულით დაჩაგრულთ, უსაშუალოთ, ყო-
ველ მხრივ საცოდავთ; და ეგ საერთო ტანჯვა, საერთო მწუხარება,
საერთო გაჭირვება თან უიმედობაშიაც ავდებდა და თან არიგებდა
თავეს საკუთარ გაჭირვებასთან და თავის ბედთან. ცრემლები, რო-
მელნიც თვალთაგან სცვივოდა, თან მწუხარების. ცრემლებიც იყო,
ცრემლები უიმედობისა და თან ბედთან შერიგებისა.

ამიტომ იყო, რომ დღეს ისეთი მადლობით გაისტუმრა თავისი
მღვდელი მისმა მრევლმა, რადგანაც მან, თავად გულდაწუხებულ-
მა, თავის გულდაწუხებულ სამწყოსთან მზურვალე ცრემლები და-
ღვარა, ცრემლები მწუხარებისა და უნუგეშობისა.

ქანუშაძის გაჭირვება

სწორედ დროც იყო და საჭიროებაც მოითხოვდა, რომ აზნაურ ოტია ქამუშაძეს ცოლი ეთხოვა: დედამისი ეკვირინე, აზნაურ სანიკიძის გვარის ქალი, მოხუცებულობაში შედიოდა, უჭირდა ოჯახის თავის გართმევა და შემწე ეჭირვებოდა, თუ სულ განმათვისუფლებელი არა. სურდა, რომ სიცოცხლის უკანასკნელი დღეები მაინც გაეტარებინა ისე, როგორც ეკადრებოდა მისი გვარისა და ჩამომავლობის ქალს, ღირსეულად და ბატონურად. იმ გაჭირვებულ ცხოვრების შემდეგ, რომელიც მან ოჯახში მოთმინებით გაატარა.

არა ერთხელ წამოასცდენია გულმოსულობაში ეკვირინეს:

— ვაი დედასა!.. რა ოჯახის შვილი ვის ნაცარში ვიქეპები და კიდევ ასეთ გაჭირვებაში?! —

მაგრამ სულგრძელობით ითმენდა ყველაფერს, რადგან სწამდა, რომ ბედის დანიშნულებას ასრულებდა: ამ ოჯახს დაჩემებულივით ჰქონდა, დედაკაცები კარგი ოჯახებიდან ჰყოლოდა და, ალბათ, ეკვირინეც იმეტირებდა შეახვედრა ბედმა ბესარიონ ქამუშაძეს, თუმცა, სიშართლე რომ ეთქვა კაცს, მაინცაღამაინც სანიკიძეებიც ვერაფრით უსწრებდნენ ქამუშაძეებს. მაგრამ ეკვირინეს ღრწად სწამდა თავისი ჩამომავლობის უპირატესობა და რადგანაც არ უნდოდა მოეშალა ოჯახის ჩვეულება, როცა რძლის მოყვანა განიზრახა, არჩევანი მიიტანა თავის მეზობელ აზნაურ სარდიონ ქველიძის ქალიშვილზე.

ქველიძე კარგი გვარის აზნაური იყო, წინათ მდიდარიც ჩვენს პირობაზე და დღეს კი შევიწროებულ მდგომარეობაში იმყოფებოდა. ამ ვარემოებამ უფრო გააბედვინა ქამუშაძეებს, მასთან დამოყვრების სურვილი გამოეცხადებინათ, თორემ სხვა დროს ესენი ვერ გაუბედავდნენ სარდიონს ქალიშვილის თხოვნას.

მიუხედავად ამისა, ქამუშაძეების წინადადება არ იქნა ღირსეულ-

ლად მიღებული. პირდაპირ უარი რომ არ ეთქვა, სარდიონმა ამის შესახებ ურჩია, პირადად ქალიშვილს მოლაპარაკებოდნენ და თუ იგი ისურვებდა, აღარც სარდიონი იქნებოდა უარს, მხოლოდ იმ პირობით კი, რომ მზითევზე ხელი აეღოთ.

ამგვარმა პასუხმა მეტად გააპილიძე ეკვირინე.

— ქალიშვილს დავეკითხო, რა ბრძენი გაწყდა ოჯახში, თუ როგორ არი მათი საქმე, ბავშვებთან არ მალაპარაკონ? მე რე მისი ცარიელი ქალი ვის რათ უნდას.. რა დაბრმავებულები გენახეს, თვალი მაგათ დაუდგათ და ყური!.. მაინც თვალი მაგათ ემსებათ — ვერ ხედავენ, რა მდგომარეობაში არიან? რაფა იყინებთან კადევ, შენ გენაცვალე? რა გონიათ თავისი თავი... შევარცხვინე, ვინც მაგათზე ნაკლები იყვეს! ღმერთო კი მომკალი..

ქალი სხეაც ბევრი იშოვებოდა, რასაკვირველია, მაგრამ ქველიძის უკადრისობამ ეკვირინე გააწიწმატა და მისი პასუხი საკუთრად თავისი თავმოყვარეობის შელახვად მიიღო.

— მაგათ დააკლდათ ყველაფერი, მაგათზე ნაკლებები ვყოფილვართ, რომ შემოვსულვართ ამ ოჯახში?

— არ დამიჯერე, დედა, გუბუნებოდი, სირცხვილს გვაძმევენთქვა... ხომ ახლა ჩემი სიტყვა! — ესაყვედურებოდა ოტია დედას.

— მაცალე, შვილო, მაცალე!.. სირცხვილში ვინც იქნება, ამას ყველა დაინახავს!.. იმ უბედურა, ცოლ-შვილი რომ შიმშილით უწყდება, ის ერჩია, დიდგულობაზე ხელი აეღო... ერთი შვილი მაინც მაძლარი ეყოლებოდა!..

ეკვირინე გულს იჯერებდა ქველიძის ცუდად ხსენებით. ოტია კი ხმას არ იღებდა, თუმცა გუნებაში ძლიერ სწყინდა ქველიძისაგან მისი უკადრისობა, ძლიერ ნაღვლობდა თავის შერცხვენას და მუდამ იმის ფიქრში იყო, რამენაირად, ღვთის შეწყვენით, მათ ჯიბრზე ისეთი ქალი მოეყვანა, რომ სარდიონის ქალიშვილს სჯობნებოდა. ამას ფიქრობდა ოტია დღედაღამ და ამის ფიქრებში იყო გართული დღესაც, როცა თავის ეზოში, რცხილის ჩრდილში პერანგის ამარა, თავზე ხელსახოც წაკრული, ფეხშიშველა, ნაჯახს ურტყამდა ურმის საბორბლედ გასათლელ ნამორს და იმდენად იყო გართული თავის ფიქრებში, რომ არც კი ეყურებოდა, სახელს რომ ეძახდა ღობეზე მომდგარი ევროპულად ჩაცმული ცხენოსანი. სანამ ამ უკანასკნელმა ამაღლებული ხმით არ გადმოსქახხა:

— ოტიას გაუმარჯოს, ოტიას!

ოტიამ ასწია თავი, გაიხედა იქით, საიდანაც ეძახოდნენ, და რა დაინახა ცხენოსანი, უცბად გააგლო ხელიდან ნაჯახი, მოიგლიჯა

თავიდან ჩითის ნაფლეთი, ფეხები გაუყარა იქვე დაგდებულ ქუს-
ლებჩათელილ წულეებში, წამოავლო ხელი ახალუსს და მისი ცმით
ვაექანა ამ უცხო პირისაკენ.

— გამარჯობა, ოტია ჩემო! — კვლავ გაიმეორა ცხენოსანმა.

— ღმერთმა გაგიმარჯოს, ჩემო ბატონო! — მიუგო ოტიამ.

— ერთობ გულმოდგინედ მუშაობდი, ოტია... ძლივს გაგავინე! —
ღიმილით უთხრა ცხენოსანმა. --- ხომ მშვიდობით ხართ? — და ხე-
ლი გაღმოუწვდინა ოტიას.

— გმადლობთ, ჩემო ბატონო, გახლავართ ღვთისა და თქვენის
წყალობით! შემოგვიხეიეთ, ბატონო პორფირი! — მოწიწებით შე-
თხოვა ოტიამ.

— მეჩქარება, ოტია ჩემო... საქმე მაქვს...

— ერთი მინუტით... ცოტა დაისვენეთ და წაბრძანდით ისევ!.. ამ
სიცხეში შეწუხდებით ნამეტნავად, თქვენ ნუ მომიკვდებით, შემო-
გვიხეიეთ, შემოგვიხეიეთ, შენი კირიმე!

სახლის ყურიდან გამოჩნდა მოხუცებულ ეკვირინეს თმაგაძეძი-
ლი თავი. ცხენოსანმა თვალი მოჰკრა მას და ხმამაღლა მიაძახა:

— მაშიდა ეკვირინეს ვახლავარი მაშიდას, მაშიდას!

ეკვირინე ერთი წუთით მიიშალა და ისევ გამოჩნდა; თავსაფარ-
დასურული იგი მოხუცებული ადამიანის კუნკულით გამოეჭანა
ამათყენ და, შეღმართში ამორბენით აქლოშინებული, მიესალმა სტუ-
მარს.

— მაშიდა ეკვირინეს ვახლავარი რაღა მშვიდობით გიკითხო, მა-
შიდა, ხომ ისევ ჯანზე ხარ, ა?! გეტყობა, რომ ისევ მარჯვედა ხარ! —
მხიარულად გადმოსძახა ცხენოსანმა ეკვირინეს, რომელსაც მაშიდას
ეძახოდა, თუმცა ასეთი ნათესაობის გაკვლევა მისი გამჭრიახი გო-
ნებისთვისაც მეტად ძნელი რამ იქნებოდა.

— რაღა გზაში გაგიჩერებია ბატონი პორფირი, შე კაცო! — მი-
პართა ეკვირინემ შეიღს. — შემობრძანდით, ბატონო!..

— მეჩქარება მაშიდა... სხვაგან საქმე მაქვს.

— საქმე ღმერთმა ნუ გამოგლიღოს, სასარგებლო საქმე!.. მარა
ჩვენთან შემობრძანებით არაფერი დაგიშავდებათ... ნუ აგვივლი
გვერდს!.. საქმე თქვენ ვერსად გეგეპტევათ. ნუ დაგეწყვეტთ გულს!

— სად მიიჩქარით მაინც? — შეეკითხა ოტია.

— ამ თქვენს კანცელარიაში მყავს დაბარებული ერთი კაცი...

— ოჰ, მე მეგონა, შორს მიბრძანდებოდით სადმე!.. უთქვენოდ
სად წავა, თუკი უბრძანეთ მოსვლა!.. ფეხს როგორ მოიცვლის!

— შემობრძანდით, შემობრძანდით! — ერთხმად მიაძახეს პორ-
ფირის ორივე ღედა-შეიღმა.

სტუმარმა მეტი აღარ ათხოვია თავისი თავი და ჭიშკრისაღენ აქ-
ნეენინა პირი ცხენს. ოტია იქითყენვე გავარდა შესაგებებლად.

— ასე როგორ უნდა აგვიარ-ჩაგვიარო გვერდი 'შეხისთასა კაც-
კა!.. თქვენისთანა კაცს ერთხელ თუ მოვესწრებით ოჯახში დეენინა-
ხოთ და როდი უნდა დაგვაკლოთ! თქვე დალოცვილებო, ჩვენც ვი-
ციოთ თქვენსავით მტერ-მოყვარე. თქვენისთანა კაცი ამ ჩემს ოჯახში
ფხვს რომ შემოადგამს, მტერს შიში მიეცემა, მოკეთეს გული შეუ-
შაგრდება... ასეთია, შენი ჭირიმე, ე ჩვენი სოფლის ამბავი, კი, ჩემო
ბატონო! — კაკანებდა აივანზე გაღმონდგარ სტუმარს წინ ეკვირანე,
'ანამ ოტია ოთახიდან სკამს გამოუტანდა, ხელის გადასმით მტვერს
გადასწმენდა და შესთავაზებდა პორფირის.

— დაბრძანდით, ჩემო განმანათლებლო... დაბრძანდით, ჩემო
ბატონო... დაბრძანდით!

სტუმარი ჩამოჯდა, მოიხადა კოზიროკიანი ქუდი, გადაისვა მარ-
ჯვენა ხელი თავის ხუჭუქთმიან თავზე, შეიწია პიჯაკის სახელოება
ზევით და სიამოვნებით ამოიფშვინა სიგრილეში.

ეკვირინებაც იქვე მოაკცა ბოძთან იატაკზე.

— ერთობ სიცხეები დეიჭირა ამ დალოცვილმა! — თქვა პორ-
ფირიმ.

— დევიწვით, ბატონო, დევიწვით!.. ყანები გაოხრდა, შენ გენა-
ცვალე, გაოხრდა შენი მტერი! რაღა გვეშველება ჩვენ უბედუ-
რებს! — ამოაოხრა ეკვირინემ.

— ღმერთი მოწყალეა, მამიდა, ნუ შეშინდებით!

— თქვენ არ შეგეშინდებთ ამისთანების, ჩვენითანა საწყალმა
იკითხოს, თვარა!.. რამდენი ოხერი ყრია, შენ გენაცვალე, რამ უნდა
არჩინოსი ეგერ, ე იმისი არ იყოს, შენი პირიმე! — და ქვევითყენ
რომ მოსახლეები მოჩანდნენ, ეკვირინემ იქით გაიშვირა ხელი: —
მოსავლიან წელიწადს რომ სარჩო არ ღირსებია, ამისთანა გვალვიან
წელიწადში შიმშილის მეტს რაღას უნდა მოელოდეს!

— ვინაა მაგისთანა, მამიდა?

— ბევრია. შენ გენაცვალე, ბევრია.. აი თუ გინდა, ე, ის ვაჟ-
ბატონი რომ გასლავთ, სარდიონი, ქველიძე... ეგერ, ე, ის სახლი
რომ მოჩანს, იმაშია.

— ვიცი, ვიცი, გამიგონია! აქაური ადვოკატია, გამიგონია! —
გაიცინა პორფირიმ. — რაკა, ასე ლარიბად არის?

— რა სახსენებელია, შენი პირიმე... ნეტავი იმდენი სიმინდი
ჰქონდეს უბედურს, რაც გული აქვს!.. ცარიელი გულია! — ეკვირი-
ნე გამზადებული იყო თავისებურად შეემკო ქველიძე, მაგრამ ამ-
დროს ოტიამ ოთახის კარიდან თავი გამოჰყო და დედას დაუძახა:

— დედა, შემობრძანდი!

ეკვირინემ ბოღღში მოითხოვა სტუმართან და ოთახში შევიდა. ოტიას კერაზე ცეცხლი გაელვებინა.

— უჩქარე, დედა... დიდხანს აღარც კი შოიციდის!

— ახლავე, ახლავე, შვილო! — მიუგო ეკვირინემ.

მან უცბად წამოაუღო ხელი პატარა თუჯიას, ჩაასხა შიგ წყალი და ჰვარტლის ნაფლეთებით შემოსილ საკიდელზე ჩამოჰკიდა; მერე მივარდა კუთხეში გადაბრუნებულ საბუღარს, იქიდან გამოათრია შიგ დამწყვდეული მუჭის ოდენა წიწილა და ოტიას მიაწოდა.

— აბა, გაუსვი დანა!.. რა ბედად შევამწყვრიე მაგი დღეს!..

აწრიპინებულ წიწილას ნისკარტში წაუჭირა ოტიამ ხელი, სანამ დანას მონახავდა; მერე უცბად გადაუსვა კისერზე პატარა დანა და გვერდზე ისროლა. ოდნავ ყელწაჭრილმა წიწილამ რბენა დაიწყო ოთახში და სისხლით მოსვარა მიწის იატაკი, სანამ სისხლისაგან დაწრეტილი ზედ კერასთან არ დაეცა.

— გადავარდი, შენ გენაცვალე, ი გოგო ფუსუტია მომიყვანე, ხელს მომიწყობს, შენი ჰირიმე! — უთხრა ეკვირინემ ოტიას, და ოტია იმწამსვე უკანა კართ გაეარდა.

ეკვირინემ კი ერთი ცეცხლს შეუჩუჩხურა, დაავლო ხელი წიწილას, თავით ჩარგო გაცხელებულ წყალში, მიატრიალ-მოატრიალა შიგ და თან დასძახა:

— სუქი-სუქი, სუქი-სუქი! — ვითომდა ამით გამხდარი წიწილა მსუქნად გადაიქცეოდა.

გაფაცურებით აცლიდა ეკვირინე ბუმბულს და თან შეუბრალებლად კანსაც აგლეჯდა ლურჯ წიწილას, როცა ოტიასთან ერთად ოთახში შემოვარდა ცამეტ-თოთხმეტი წლის გოგო.

— არიქა, ჩემო ფუსუტია, შენებურად დამიტრიალდი, შენ გენაცვალე!.. ცხელი ჰადები... კაი, კაი, შენ რომ იცი, იმისთანები!.. უცხო კაცია, ქალაქელია!..

გოგო ამგვარ გადმოძახებას ნაჩვევი იყო და ცქვიტად დატრიალდა: უცბად შეაგდო ცეცხლზე კეცები, კოდის თავიდან გადმოიღო გობი, გადმოყარა საცერზე ფქვილი, წაიბანა წაკაპიწებული ხელეები და თავმოძულებით დაუწყო საცრის გვერდებს პარტყაპურტყე.

— ნელა, ფუსუტია, ნელა, შვილო!.. ნუ უპარტყუნებ მაგრე ძალუმათ, ნუ გაავგონებ!.. აბა, ოტია, შვილო, შენ ღვინო ამოიდე! ხომ ვითხრა — მეჩქარებო!.. ჩენი ხათრით დარჩა, თვარა რამდენი კაცი ახლა მაგის მოსვლას უდარაჯებს! ვინ იცის რამდენს რა საქმე აქვს მაგასთან!

— ორშიშო რომ გაშიტყდა, რითი ამევილო? — აწრილდა ოტი.

— ზაპით ამეილე. შვილო, ხაპით... არაფერი არ უჭირს ოლონდ. ეცადე კი, წმინდად ამეილო, ბრკე ბევრი არ შეკყვეს. წაღი წაღი ნულა იგვიანებ!..

— თუ ჩაუწყვდინე ხაპი... — გააქნია თავი ოტიამ და წყლიანად ოქით ხელში გასწია ღვინის ამოსაღებად, რაც ძლიერ ნაკლებად ეგულებოდა ამ კვირიკობისთვის მიწურულში.

ამასობაში სტუმარი აივანზე იჯდა და ამ ბრეკიდან, რომელზედაც წამოსკუპებული იყო ოტიას პაწაწინა ორთვალის სახლი, გადაჩერებოდა მის თვალწინ გადაშლილ სურათს.

თავდაშვებული ნელმართა, რომელზედაც ოტიას სახლის გარდა კიდევ ბევრა მოსახლეები მოჩანდნენ, ქვევით ვაკდებოდა და ეს ვაკე დიდზე შორს მიჰყვებოდა. სანამ მალულ ამარჯულ მთა-გორებს არ შეეფეთებოდნენ. ამ სიურცეზე მოსახლე მოსახლეს მისდევდა, თეთრი ეკლესიები აქ-იქ მკაფიოდ მოჩანდნენ და მაკურებელს ეგონებოდა, თითქოს ერთი უზარმაზარი სოფელი მოთენილი ყოფილიყო ამოდენა მანძილზე.

უწინაც ყოფილა ამ ადგილებში პორფირი, გადაუხედავს აქედან, მაგრამ ასეთი ხშირი მოსახლეობა და გადაბმით მიყოლილი სოფლები არ ყოფილა მაშინ. თვით ეს პატარა სოფელი თამარნაშენი, რომელიც მის თვალწინ გადაშლილიყო. თვალსაჩინოდ გაზრდილიყო და შემატებულიყო. სადაც წინაო მინდვრები ახსოვდა, ახლა იმ ყანები მოჩანდა და ბევრ ადგილას სიმინდებიდან გამოიყურებოდა ისლით დახურული დაბალი სახლებიც; ეტყობოდა, მიწის ნაკლებობის გამო, საეზოოდ ველარ იმეტებდა მცხოვრები ადგილს. პატარა, უფრო ქოხების მაგვარი სახლები საცოდავად გამოიყურებოდნენ და ერთიმეორეს მისდევდნენ, არ შორდებოდნენ, თავშეყრილად იყვნენ, თითქოს ეწადათ უფრო თვალსაჩინოდ დაენახებინათ მათი პატრონების მდგომარეობა, თუ ვინმე მოიწადინებდა ამის გაგებას.

— მეც ამათსავით ვიქნებოდი უსათუოდ, დროზე რომ არ გექცეულიყავი სოფლიდან! — გაუბრინა თავში პორფირის, — რასაკვირველია, რასაკვირველია...

პორფირი ბიაშვილი სოფლიდან გაქცეულთაგანი იყო. მამამისი, აზნაური მაქსიმე ბიაშვილი, სოფელ ვაშლიანში მცხოვრები, ღარიბი აზნაური იყო. ბატონყმობის გაყრამ მას ჩამოაყალა მისი ორი კომლი გლეხი, მოაშორა მისი სულისჩამდგმელი პეტრია სებისკვერაძე და გლახუა ჩაჩიკაშვილი, რომელთაც იგი ყოველ საქმეზე დაუსვენებლივ აჩანჩალებდა. ამათი გაცლის შემდეგ მეტად გაჭირ-

ვებულის ცხოვრება შეხვდა და ერთ დღეს იმ აზრამდის მივიდა, რომ სოფელში წვალებით ცხოვრებას ამჯობინა ქალაქ №-ში გადასახლება, ეპისკოპოსის მგალობლად შესვლა, რადგან ხმა კარგი ჰქონდა, გალობაც იცოდა და ერთხელ თვით ეპისკოპოსის ყურადღებაც მიიქცია თავის გალობით, როცა იგი მათ სოფელში მიბრძანდა. მაქსიმემ ასრულა თავისი აზრი, ადგილიც იშოვა და თავისი ორი შვილი სასულიერო სასწავლებელში გამოზარდა. უფროსი შვილი ერთ-ერთი ეკლესიის დიაკვნად ეკურთხა, მეორემ კი სხვა გზა არჩია: პორფირის ცოცხალი ხასიათი, მკვირცხლი გონება, სასულიერო წოდების პირის მშვიდ ცხოვრებას ვერ შეურიგდებოდა და ამიტომ სასწავლებლის გათავების შემდეგ ის შეეცადა მოპირაგებელ მოსამართლის კანცელარიაში გადამწერის ადგილი ეშოვნა. გადამწერლობა რასაკვირველია, ბევრს ვერაფერს შესძენდა, რომ სხვა აზრი და იმედი არ ჰქონებოდა. ცოტა ხნის შემდეგ პორფირიმ კანცელარიის გარეთ დაიწყო მთხოვნელების შიღება, მათი ხელმძღვანელობა, რჩევის მიცემა და დარჩება, თუ როგორ მოქცეულიყო მასთან მიმსვლელი. აქედან პორფირის გაცნობებით მეტი ხვდებოდა, ვიდრე პირდაპირ სამსახურიდან. რასაკვირველია, ყოველივე ეს ნამალევად ხდებოდა. ბევრი ხრიკები, დიდი ოსტატობა და ჭკუის გამოყენება გამოიჩინა პორფირიმ ამასობაში. მაგრამ რამდენიმე წლის შემდეგ ამავე ხრიკებისა და ოსტატობის მსხვერპლი შეიქნა. იგი ვაება რაღაც უსიამოვნო საქმეში, მასზე უფრო ხრიკიან პირთან გადაკიდების გამო, რომელსაც ვერ ასიამოვნა შეპირებისამებრ და ამისაგან ყოველივე მისი მოქმედება-საქნარი გამოეცხადა უფროსს, რომელმაც უჩინა თავი დაენებებინა სამსახურისათვის, თუკი აპირებდა კიდევ თავის მოქმედების გამეორებას. პორფირი იძულებული შეიქმნა სამსახურისათვის თავი გაენებებინა.

მას არ დასჭირებია დიდი ხნის ფიქრი, თუ რა გზას უნდა დადგომოდა, ცხოვრებისათვის საღსარი რომ მოეპოვებინა. მან გადასწყვიტა კანტორა გაეხსნა არზების საწერად, დაეწყო სოფლებში ვეკილობა და ქალაქის ადვოკატებისა და სოფლელთა შუამდგომლობა. პორფირი არ შემცდარა თავის გადაწყვეტილებაში: საქმე კარგად წავიდა, ფული რიგაინად შემოუდიოდა. მუდამ ჰყავდა თითო სოფელი „საქმელად“. როცა ადგილი მოიქმებოდა, ანდა ხრიკიან ადვოკატს, რომელიც ორსავე მხარეზე ჰკერავდა, აბრუ გაუტყდებოდა და არავინ მიეკარებოდა, იგი ადგილს მონიაცვლებდა. სოფლის მოსიარულე ადვოკატი, დაუღალავი, ენერგიით საქმე, მუდამ პაღისიანი, მოცინარი, გონებაგამჭრიახი, მოხერხებული, უცნაური

პრიკების მომგონი, მეტად ადვილად უახლოვდებოდა ხალხს პირველ გაცნობიდანვე და ისეთნაირი მოხერხებით შეჰყვებოდა ერთხელ მის ხელში ჩაეპარდნო პირს, რომ ის ძნელად თუ დაუძვრებოდა სანამ მისგან იმდენს არ გამოორჩებოდა, რამდენის გამოორჩენაც შეიძლებოდა. მართალია, „მოკმულ ადგილებში“ ბევრი მაგინებელი და შემაჩვენებელი ჰყავდა, მაგრამ ბევრი მადლიერიც. ბევრ ადგილას ისმოდა მისი ორპირობისა და გაუტანლობის ამბები, კაცის შეუბრალებლობაც, ვიღაც-ვიღაცეებისაგან ვითომც მის გალახვასაც იტყოდნენ, მაგრამ იგი ისევე თავის ხელობას ადგა და ახალ-ახალ მუშტარასაც შოულობდა.

თამარნაშენშიაც სწორედ ამ განზრახვით შემოადგა მან ფეხი; სადღაცოდან გამონახა ქამუშაძესთან ყვავი-ჩხიკვის მაძიდობის მაგვარი ნათესაობა, რათა ბინა ჰქონებოდა მათთან, საიდანაც სურდა დაეწყო ნაფარდობა ახალ სამოვარში.

და ამ მალალ სერიდან რომ დასჩერებოდა აქაურ მოსახლეებს, იგი მხოლოდ იმას ფიქრობდა და თავის გუნებაში გარედან ზომავდა იმას, თუ რამდენ გამოსარჩენს იშოვიდა ამათგან და რამდენს საშოვარს შესძენდა ამათი გაჭირვებული, შევიწროებული და ვაგლახი ცხოვრება.

— რაც რომ იყოს, ცოტა ხნისათვის მაინც იქნება, იშოვის კაცი რამეს! — წაილაპარაკა პორფირიმ იმედიანად. — ქველიძე ხომ შოულობს, და ის ჩემი იქნება! ამ ცოტა ხანში ყველაფერს გავიგებთ!..

— უეცრავად, ბატონო... მარტოდ მიგატოვეთ! — შეუწყვიტა ფიქრი ოტიამ და პატარა დაბალი სუფრა დადგა აივანზე და რადგანაც სწორად ვერ გააჩერა, ფეხის დასამაგრებლად ნაფოტი შეუყენა კოკლ ფეხს.

— მშვენიერი გადასახედავი გქონია, ოტია!.. აქ კაცს თავის დღეში არ მოსწყინდება ყოფნა... და, უნდა გამოგიტყდე, აწი ხშირ-ხშირად უნდა ვიარო შენთან, რომ ამ სურათის მზერით დავტკბე.

— კი, ბატონო. ოღონდ კი ინებებდეთ და სახლიც თქვენია და ყველაფერი აქაურის! — მიუგო ღიმილით ოტიამ და თან სუფრას ჰიტკალი გადააფარა.

აივანზე გამოვიდა ეკვირინე ჰადებით ხელში.

— მარტოდ მიგატოვეთ, ბატონო, მარა, თავად მოგეხსენებათ სოფლური ანგარიში, ნუ დაგვძრახავთ, ჩემო ბატონო!.. მოიტა, მოიტა, გოგო, მოიტა, რაც გვაქვს! — შესძახა მან სახლში.

ცეცხლთან ტრიალისაგან ლოყებდებრიალებულმა ფუსსურტამ თეფშით გამოიტანა აქნილი წიწილა და მეორე თეფშით დათლილი ყველი და მწვანილი.

— უკაცრავად ვართ ამისთანა მცირე მასპინძლობაზე, მარა, რადგან ნაუცებებია, ვითომ ამისათვის გვეპატიება... თორემ ამისთანა პატივისცემა რა თქვენი საკადრისია — მოიბოდიშა ეკვირინემ.

— ბოდიშები რა საჭიროა, მაზიდა — წამოიძახა მზიარულად ბიკაშვილმა. — გამორტყილი ვარ, სულზე მოსწრებაა ჩემთვის ეს ხაკუსკა, მე და ჩემმა ღმერთმა!.. ძალიან მშოიდა... ეს უფრო მიმაჩქარებდა კანცელარიისაკენ — დუქანში წვეუქამდე ცოტაოდენს, თვარა იმ ყაზახს რას დავეძებდი იმდენად... უსემოდ საღ შეუძლია ფეხი გადადგას!.. — და პორფირი თან მაღიანად ილუქებოდა და თან არც ლაპარაკს აკლებდა.

ბევრი რამე ითქვა, მაგრამ ეკვირინემ ისევ ქველიძეზე მიაგლო. სიტყვა ჩვეულებისამებრ.

— თუ დამიმაღლებ, მაზიდა, ასე მოვიღუნავ მაგ შენს სარდიონ ქველიძეს — გაღიხარხარა პორფირიმ და მარჯვენა ხელის მაჩვენებელი თითი მოკაკვა. — ასე მოვკაკვავ, ასე, ა!

— ღმერთი ყოველ კარგს შეგასწრებს და რომ მოინდომებდე, შენ ეგ არ გაგიჭირდება, მისგან უფრო არ გაუჭირდა ნურათფერი შენს მომავალსა და ნათესავს — მიაძახა ეკვირინემ.

— როგორც გეტყობა, ძალიან შეგძულებია, ჩემო მამიდა, ეგ ქველიძე რატომ, რატომ, მამიდა, ა?

— ტყვილა ამოიჩემა ისე მაგ დალოცვილმა — დაასწრო სიტყვა ოტიამ, რომელსაც ეშინოდა, დედას არ გაემხილა ამ კაცთანაც მისი სირცხვილელული სიძეობა.

მაგრამ ეს ცდა უქმი გამოდგა.

— ტყვილა, კი!.. არა, შვილო, თავს ნურავის დააჩაგვრინებ, თვარა თუ ერთხელ მიგეჩვიენ დაწიხვლას, მერე სუყველა მოგინდომებს დაბრეყვებასა და დამცირებას...

— მე ჩემს კეთილშობილებას ვერავინ წამართმევს და ვერც ვერავინ რამეს დამაკლებს, დედაჩემო!..

— ეგეც მართალია, — წამოიძახა პორფირიმ. — ეგეც მართალია.

— კაი, შენი ჭირიმე! შენ რაღა დაგიმალო, და კეთილშობილებას ვერავინ ამართმევსო, ავი ჩემი ვაჟიშვილი რომ იძახის, აბა რაღაა, კაცი რომ მეტობას დაგიწყებს და ისეთნაირად მოგექცევო, ვითომდა არ გკადრულობდეს, — ღირსების ახლა არ არის, აბა რაღა იქნება?! ასე გიქნა, შვილო, იმ კაცმა... ქალიშვილი ვთხოვეთ და უარი მოგვახსენა, თითქოს ვინმე ისეთი ყოფილიყო, რომ ღირსი არ იყვე მისი სიძეობის! ღირსების დამცირებაა, აბა სხვა რაღაა?! ნეტავი მართლა რითიმე წინ იყვეს: ან სწავლით, ან გვართ და ან

ქონებით.. შენისთანა კაცთან ენასაც ვერ გაარყევს... ჩვენთან კი ისე მედიდურობს, თითქოს თავადი იყვეს ჩვენ შორის.. თვალი მაგას დოუდგა, რომ ვერ ისარგებლა შემთხვევით, თვარა მოხარულიცა ვარ, ასე რომ მოხდა საქმე და მისმა ნაშიერმა ჩემს ოჯახში ფეხი არ შემოადგა... შვილიც მამასავეთ დიდგულობას დამიწყებდა და მერე თლად ის ოჯახი ჩემი შესანახავი გამიჩნდებოდა ყოველთვის...

— ასე მოგაკავავთ, აი ასე, მამიდა, თუკი შენ გესიამოვნება, იმ შენს ქველიძეს. მენდვე ამაში.. გულს გაგიმხიარულებ, მამიდა! აი..

— აბა, რისთვის მყავხარ საიმედო?.. შენისთანა წარჩინებულ კაცთან იმისთვის გვიხარია დაახლოება, რომ მტერს, რომელსაც ჩვენ ვერ მოვერევით ჩვენით, შენით უნდა მოვერიოთ და შევაშინოთ, შევაწუხოთ...

— კი, ბატონო... ჩემს თავზე იყვეს ეგ და რაც შეეხება ქალს, ქალი ისეთი მეგულება ერთი, რომ ქველიძის შვილი იმასთან რად უნდა გამოჩნდეს... ისე ამან ეცოცხლა და როგორც პატიოსანი კაცი, ხელად ჩავაბარებ ჩემს ოტიას, ოღონდ მითხარით, თუ გსურთ... ქალაქ ადგილას გაზრდილ ქალს ჩავაბარებთ.. მიმიღებთ მაშვლად, ა?! ხა, ხა, ხა!.. — გაღიხარხარა პორფირიმ.

— ქალაქში ვაზრდილს რას დევეძებ, შენი ჭირიმე, ოღონდ ხეირიანი კი იყვეს... მოვხუცდი, შენ გენაცვალე, წინანდელი ჯანი აღარ არის... კმარა ჩემთვის, რაც მე ამ ოჯახში მიშრომია. ახლა მაგენი მოეკიდონ... ღვთის მადლით, სხვაზე მეტი თუ არა, ნაკლები არაფერი გვაქვს... მშვენიერად შეინახავენ თავს!

ეს უკანასკნელი სიტყვები განგებ დაატანა ეკვირინემ. გუნებაში მასაც და ოტიასაც ძლიერ გაუხიციანა პორფირისაგან ნათქვამმა ქალაქ ადგილას გაზრდილი ქალის მოყვანაზე. ეკვირინეს თითქოს უნდოდა ეთქვა, რომ ამისთანა ქალი ოღონდ შეხვდეს ოტიას და ოჯახი კი შეინახავს მასო.

— აბა თუკი ეგრეა, ეკვირინე ჩემო, ეგ ჩემი ძმა კაცი ხვალის ახუთმეტს ზე ში გამოგიგზავნე, ქალსაც ვაჩვენებ და თუ მოეწონება, დანიშნულს გამოგიგზავნი უკან... ის არ იფიქროთ, ეშმაკობა რამე იქნეს იმაში, მაშინ ღმერთმა დამწყველოს!.. მე მხოლოდ იმიტომ ვერევი ამ საქმეში, რომ თქვენთვის ყოველგვარი სიკეთე შესურს.. და მერწმუნე, ისეთნაირად მოგიწყობს, მოგიერთავს ოჯახს, რომ ქველიძის სახლ-კარი სათხებოდაც არ გამოჩნდება თქვენთან..

— საჩვენო არ ყოფილა იგი! — გაიციანა ოტიამ.

— ეგ ჩემზე იყვეს, ჩემო ოტიას.. კი არ გეხუმრები, შე კაცო!.. მე მართლა გეუბნები.. შენ ოღონდ ჩამოდი, სხვა რა გინდა!..

ოტია ისევ იცინოდა.

— კი გაიხლებათ, ჩემო ბატონო, კი გაიხლებათ! — იძახოდა ეკვირინე. — რაეა არ გაიხლებათ!

— მოიტა ხელი! — გაუშვირა პორფირიმ ხელი ოტიას.

ოტიას ისევ სიცილი ერეოდა, სიცილი სიხარულისა; მას არ სჯეროდა ამნაირი უცნაური ბედნიერება. ნეტავი მართლა ეგრე მოხდებოდეს და მაშინ უყუროს მას ქველიძემ!

— ხელი, კაცო! — არ ეშვებოდა პორფირი.

— მიე, შვილო, არ გესმის? — მიიძახა ეკვირინემ ოტიას.

— კარგი მაშეალი არ იშოვა ამ დედაჩემმა! — სიცილით თქვა მან.

— ხელი-მეთქი, ოტია! — იძახოდა ბიაშვილი.

— რაღასი სიცილია, არ მესმის! — შეუტია ეკვირინემ შვილს. — ე ღვთისნიერი ადამიანი საქმეს გელაპარაკება და შენ კი იცინი!

— ბატონო, სოფლის გოგომ დამიწუნა და ქალაქელი თვალებს დამათხრევენებს!..

— ხა, ხა, ხა! ძალიან არ გამფთხალებულა ეგ ჩემი ოტია! ხა, ხა, ხა! ჩემთან ნუ გეშინია, ნუ, ოტია! — სიცილით უთხრა პორფირიმ. — პატიოსან სიტყვას გაძლევ, არაფერი სირცხვილი არ შეგბვდეს... მომე ხელი..

ამ ფიცზე დარწმუნდა ოტია და გულიანი სიცილით ხელი ჩამოართვა პორფირის.

— ე მაგრე ჯობია! ხვალის თუთხმეტს უნდა ჩამოხვიდე ჩემთან! — ში. აი ნახვე, თუ მადლობა არ მითხრა მერე... ისეთნაირად მოვაკვარახვინებთ მაგ საქმეს, რომ შენი მოწონებული იქნეს!.. შენ ვერ მიცნობ კიდევ, რა კაციც ვარ!.. ღვთის მადლით, რა საქმისათვისაც ხელი მომიკიდნია, ისე წამიყვანია და დამითავებია, როგორც მღომებია... ჯერ, ღვთის მადლით, არაფერში არ წამიგია და, ჩემი ჭკუის იმედი მაქვს, არც წავაგებ რამეს... ჭკუა უნდა ყველაფერს, ჭკუა! თუ იგი ხელთა გაქვს, დარდი ნუ გაქვს, თამამად შეგიძლია იყვე!.. აი ამ ჩემ ვეჭილობაზე გეტყვით: რამდენი განათლებული ვეჭილია, კურსოვნიკი, უნივერსიტეტ დამთავრებული, ქვეყნები აქვთ მოვლილი, მარა ტყვილია, ჩემოდენა იმათ არაფერი არც შეუძლიათ, არც ეხერხებათ, მშივრები გდიან — კაცი არ ეკარებათ; მე კი, ამ ჩემც ორი კლასით იმდენი მესევა, რომ ბევრს უარს ვეუბნები; პურიც ბევრი შემომდის, ღვინოც და ფულიც... ვცხოვრობ ბატონურად!..

— ღმერთმა მოგცეს, ჩემო კეთილო, ღმერთმა მოგცეს! — სიტყვას აყოლებდა ეკვირინე.

— ჯერჯერობით ვერაფერს ვერაფერი დამაკლო, თუმცა ეს ნასწავლები ყოველ წელიწადს ათობით და ოცობით ჩამოდიან... ვერც

მტრობით მაჯობა ვინმემ... მოხერხება უნდა ყველაფერში კაცს, მოხერხება, ოტია ჩემო! ხა, ხა, ხა თუ დამჭირდა, ისეთნაირ ხრიკებს მოვლებ, ვინც იქნება, ისეთ ხრიკებს მოვლებ, რომ ადამიანი კი არა, თვითონ ეშმაკიც დებილანდება და დებიურდება შიგ!.. — და პორფირამ სიამოვნებით გადინარხარა. — კაცმა მიცნოს და მომყვეს. ჩემთან ნურაფრის შიში ნუ ექნება! დამიჯეროს ოღონდ, მომენდოს. მარა უბედურება ის არის, რომ სანამ უკანასკნელამდის არ გაუჭირდებათ, მანამდე არ შეიძლება სულ მთლად მოგენდოს და გიწამოს ვინმემ. ვერ დაარწმუნებ, რომ სასიკეთო გზაზე აყენებ; აგერ გადაგიხვევს და ხელიდან გაგისხლტება; მერე გეიხედავ და მორბის გამწარებული: ტირილით. ჟივილით გეხვეწება, მუხლებზე გეხვევა: „არიქა, მიშველე. შენ ხარ ჩემი მშველელი, მწყალობელი, ჩემი ღმერთი, ჩემი მაცოცხლებელიო“ მისაღები არაა ამისთანა კაცი, მაგრამ რაღას იზამ, გული არ გიშვება გააგდო, ნიშნი მოუგო, იბრალებ და რამდენადაც შესაძლებელი იქნება, შველი. ამის წყალობით ახლა ისე მაქვს საქმე, რომ ყველგან, სადაც წვეიდ-წამოვედი, ბინაცა მაქვს, საქმელიც და სასმელიც, ყველგან ათასი მოსიყვარულე და პარტივისმცემელი.. ამ ჩემს ხელობას თავიც რომ დავანებო და ისე ტყვილა ვიარო, იმდენი სასიკეთო საქმე მიმიძღვის ბევრთან, რომ სიკვდილამდე თავს დავიჩინებ იმათგან... ასეთი კაცი გახლავს პორფირი მაქსიმოვი ბიაშვილი და შენ გეშინია. ჩემო ოტია, სასირცხო საქმეში ჩაგაგდო.. მოგიკვდეს მაშინ ეს პორფირი, მოგიკვდეს, ჩემო ოტია! — და პორფირიმ მარჯვენა ხელი გულზე დაიკრა რამდენჯერმე.

— არა, არა... მაგას რატომ იფიქრებთ! — ერთხმად მიამახეს ორივე დედა-შვილმა.

— თქვენისთანა კაცი იკადრებს მაგისთანა საქმეს და უარზე გავდგებით?.. ღმერთო მომკალი!.. — წამოიძახა ეკვირინემ.

ოტიას გული ძალზე სცემდა იმ მოულოდნელი ბედნიერების მოახლოებით, რასაც პირდებოდნენ მას; აქამდე მას ეგონა თითქოს ბიაშვილი ეხუმრებოდა, ახლა კი დარწმუნდა, რომ ხუმრობას აქ აღდგოლი არა ჰქონდა. ეკვირინემ აღარ იცოდა რითი ესიამოვნებინა ამ მათთვის თავგამოდებული ადამიანისათვის, როგორც უსათუოდ თვით განგებამ მოუვლინა, რათა გულის ჯავრი ამოეღოთ ქველიძეზე.

— ღვინო დაუსხი. შვილო! — მიუბრუნდა იგი ოტიას.

— ხაჰაჰურები გაგეკეთებია. კაი იყო... ასე ცოტაზე!.. — წაილაპარაკა ოტიამ.

— მაგათი ბრალია, მეჩქარებაო და ველარ გავუბედე დამეგვია-

ნებია, თვარა, ღმერთო მომკალი, ამაზე გადავარონიებდი? — თქვა ეკვირინემ.

— გმადლობთ, გმადლობთ! ესეც ბევრი იყო, მამიდა!.. მეტი არაფერია საჭირო... სხვა სსომის იყოს! — სიცილით დაუმატა პორფირიმ და წამოდგა. — აწი კი დროა გზას გავუღდე...

— ნურას უკაცრავად, შენი ჰირიმე! — მოიბოდიშა ეკვირინემ.

— მეტად მადლობელი ვარ, მამიდაჩემო, ყველაფრით კმაყოფილი ვარ. შენ ნუ მომიკვდები!.. გმადლობთ! — მიუგო პორფირიმ.

მართლაც კმაყოფილი იყო იგი ამ შემთხვევით. ჭერ ერთი, რომ შიმშილი მოიკლა ამ საუზმით და იპავე დროს დაიიმედა ბინა, სანამ თამარნაშენში ივლიდა ჰავექილოზე, რაც უფრო საჭირო იყო მისთვის და მთავარი მიზეზი ქამუშაძეებთან დაახლოებისა.

— აბა ასე, ოტია... იცოდე, შოგელი დანიშნულ დროზე, — ერთხელ კიდევ გაიმეორა პორფირიმ.

ოტიამ მხოლოდ სიამოვნებით გაიღიმა, ეკვირინემ კი მის მაგიერ შისცა პასუხი:

— კი, ბატონო, კი, ჩემო განმანათლებელო, კი გიახლებათ!

— აბა ახლა ჩემ საქმეს შევუდგები... ცხენი, ჩემო ოტია!

ოტია გაიქცა ცხენის მოსაყვანად. ბიაშვილი ეკვირინეს თანხლებით ჩავიდა ეზოში, გამოეთხოვა დედა-შვილს და შეჭდა ცხენზე.

— ოტია, შვილო, ჩაჰყევი ბატონს კანცელარიამდის!.. — თქვა ეკვირინემ.

— კი, კი... შენ ერთი ჩოხა გამომიბრბენინე... ფუსუტია, ფუსუტია ჩოხა, გოგო! — დაიძახა ოტიამ.

— რატომ შვრები მაგას, ოტია? შენ არ მომიკვდე, საჭირო არ უყვეს! — წამოიძახა პორფირიმ.

— რა მიჭირს... საქმეც რომ მქონდეს, მაშინაც გიახლებოდით, ახლა თავისუფალიც ვარ.

— სიცხეა, შე კაცო!

— არაფერია, არაფერი! — უპასუხა ოტიამ.

— სიცხე რავე შეაწუხებს თქვენთან ხლებით!.. — უთხრა ეკვირინემ.

დიდი ყიჟინის შემდეგ პორფირი საბოლოოდ გამოეთხოვა ეკვირინეს, სანიკიძის სახლიშვილის ფეხ-ფეხა თანხლებით გადავიდა ეზოდან და გზას გაუღდა სოფლის კანცელარიისაკენ. მას ხალხი ეგულებოდა იქ ამ შაბათ დღეს და სურდა იქ გამოცხადებულიყო და თავისი თავი გაეცნო აქაურებისათვის, რომ შემდეგ მათში სავექილო საქმეები ეშოვა.

შაბათობით თამარნაშენის სოფლის კანცელარიაში ირჩეოდა ზოლმე სოფლელების საჩივრები და ამიტომ ამ დღეს აქ ყოველთვის საკმაოდ იყრიდა თავს ხალხი.

კანცელარიის ეზოში ჭგუფ-ჭგუფად გაბნეულ ხალხისაგან ხმაურობა და შემატებული ლაპარაკი, ყაყანი და ყიჟინი ისმოდა.

გლებკაცობის გარდა ამ დღეს აქ მოსვლა შემოიღეს, ამ ბოლო ჯანს, ამავე სოფლის ზოგიერთმა აზნაურებმაც. ესენი იყვნენ გაღარიბებული აზნაურები, რომელთაც ძნელად გაარჩევდით გლებთაგან. მათი ცხოვრება და ინტერესები მეტად გადახლართული შეიქნა მეზობელი გლებების ინტერესებსა და ცხოვრებასთან. მათ აქ ცალკე ადგილი ჰქონდათ აჩენილი, — იმ ცაცხვს, რომლის ქვეშაც ჯდომია იცოდნენ, „აზნაურების ცაცხვი“ — ს სახელიც კი დაერქვა. ისინი ყოველთვის, ჭგუფად მოვიდოდნენ ხოლმე და თუ ერთი მათგანი მუქარებს დაუწყებდა რომელსაჲმე გლებს, დანარჩენებიც ამას მხარს აძლევდნენ და საერთო მუქარით და შეტევით ცდილობდნენ თავგასულ და თავდავიწყებულ ყაზახთა დაშინებას და თავის კალაპოტში ჩაყენებას, როგორც ესენი იტყოდნენ ხოლმე.

დღესაც დიდი ლაპარაკი და ყაყანი გამოიწვია ამათმა დამუქრებამ ერთი წყება გლებების წინააღმდეგ, რომ თქვენი მიწა-ადგილიდან აგყრიოთ, რადგან ძველთაგან ეს ადგილები ეკუთვნის ერთი გვარის აზნაურებსა და ამის საბუთები და ქაღალდები ამ დღეებში ყველა ხელში გვექნებაო.

— როცა გექნებათ, მაშინ ვილაპარაკოთ, ბატონო! — შენიშნა ერთმა იმ გლებთაგანმა, რომელსაც აყრას უპირებდნენ და გაშორა და მათ.

აზნაურებმა იწყინეს ასეთი პასუხი და დამუქრებას უმატეს.

— ნახავენ, რაც მოუვათ, მალე ნახავენ! — წამოიძახა ერთმა ყმაწვილმა აზნაურმა.

— რას ნახავენ? თქვე დალოცვილებო, ასე იძახით და აშინებთ ამ ბალახაშვილებს, მაგრამ კაცმა ვერ დეინახა ვერაფერი! გირჩევნიათ ისევ მოუმდურავად იყოლიოთ მაგ კაცები... ურიგო გლებები არ არიან და კარგა მაძლარი გლებებიცაა! — თქვა ერთმა მოხუცებულმა იქ მდგომმა გლებმა.

— ბალახაშვილების დამდურების რა მცოდნია — შესძახა ყმაწვილმა აზნაურმა.

— რატომ არა, ყმაწვილო, რატომ არა! ცოტაოდენი მაგათაც ესმით და თავს არავის არ დააჩაგვრინებენ უბრალოდ!

— მოვატეხიებთ კისერს, ახლა რომ ზევით-ზევით სწევენი მაგათ-
კი ჩაეაყენებთ თავიანთ კალაპოტში... აგერ ნახვენი — გაჯავრებით
წამოიძახა მეორე აზნაურმა.

ამას სხვაც აპყვებოდა, რასაკვირველია, და უსათუოდ დიდი ლა-
პარაკიც შედგებოდა, რადგან ვილაცამ ამ უბრალო დამუქრებას
„ტრახბახობაც“ უწოდა. მაგრამ ეზოში ბიაშვილი შემოვიდა ცხენით,
ოტიას თანხლებით. ყველანი მიჩუმდნენ და უცნობ კაცს მიაჩერ-
დნენ. ოტიამ ცხენიც ჩამოართვა, მიაბა ღობეზე და ახლა აზნაუ-
რებისკენ გამოუძღვა. ბიაშვილის მიახლოვებაზე ყველანი წამოდგნენ
და თავაზიანად თავდაკერის შემდეგ, მიიპატიჟეს და დასაჯდომი აღ-
გილი დაუთმეს ცაცხვის კუნძზე.

პორფირიმ მადლობა გადაუხადა, სთხოვა ყველას დაბრძანებული-
ყვნენ, თავდაც დაჯდა და ოტიას უთხრა:

— აბა, ჩემო ოტია, ერთი თვალი გადააველე... ეგებ აქ იყვეს
სადმე, შავწვერა მაღალი ყაზახია, შავი ყაბალახი ახურავს თავზე,
წითური სახისაა...

— კი, ბატონო, ახლავე მოენახავი — თქვა ოტიამ და ხალხისკენ
გასწია.

— ვინაა, ოტია, ის კაცი? — დაუწყეს გამოკითხვა ყოველი
მხრიდან.

— ბიაშვილია, პორფირი ბიაშვილი, ადვოკატი! არ ჰგავს სარ-
დიონს! — უპასუხებდა მიმავალი ოტია.

— ვინაო?

— ბიაშვილიო! ადუქანტი ყოფილა!

— ეტყობა, კაი კაცი უნდა იყვეს!

— რაფა ჩეისკუპეს შუაში მაშინათვე!.. ვითამ და ჩვენიაო! —
ლაპარაკობდა თავიანთ შორის გლეხკაცობა, რომელსაც ცაცხვის-
კენ ეჭირა თვალი.

— რამ ამოგიყვანათ თქვენისთანა განათლებული და პატიოსანი
პირი ამ დასაქცევარში, ბატონო? — უთხრა ბიაშვილს ხნიერმა, მე-
ტად ღარიბულად ჩაცმულმა აზნაურმა, რომელიც იმ კუთხეში ხუ-
მარა კაცად იყო ცნობილი.

— დასაქცევარი კი არა, სწორედ მშვენიერი ადგილებია!.. —
მიუგო პორფირიმ. — ბევრი სოფელი მაქვს დავლილი ამ ჩემს ვე-
ჭილობაში და ამისთანა სოფელი ბევრი არ შემხვდომია, თქვენ არ
მომიკვდეთ! ჩინებული სოფელია, ეტყობა... ლამაზი ადგილებია!

— ლამაზი ადგილები კია, ჩემო ბატონო, მარა მისგან გულ-
დაწყვეტილები გახლავართ. კუქს არ გვიძღებს და მქლედ ვყვართ.
შენახული...

— ეგ შეიძლება იმისათვის, რომ არ დაგიმძიმდეთ ამ აღმართ-
დაღმართებში სიარული — სიცილით თქვა პორფირიმ და მასთან
დანარჩენებსაც გაეცინათ.

ამ დროს კანცელარიის კარებიდან გამოვიდა ერთი მაღალი ტა-
ნის, ჩამსხვილებული კაცი და მასთან ათიოდე გლეხი, რომელნიც
იქვე გარს შემოერთყნენ მას ყიჟინით და ხმაძალალი ლაპარაკით.
ცოტა ხნის შემდეგ იმავე კარებიდან გამოვიდა მეორე ჯგუფი გლე-
ხებისა და ამათაც ცალკე ხმაურიანი ლაპარაკი შეექმნათ. რამდენიმე
წუთის შემდეგ ორივე ჯგუფი შეერთდა და საშინელი ყაყანი მორ-
თეს, ასე რომ ყველას ყურადღება მიიქციეს.

— აბა თუ მიხვდებით, ბატონო, რაზე ჩხუბობენ ისინი ამ ლამაზ
ადგილებში? — მიმართა ხუმარა აზნაურმა ბიაშვილს.

— სწორედ არ ვიცი — მიუგო ღიმილით პორფირიმ.

— ეკალაზე, ბატონო, ეკალას გულისათვის თქვენ ნუ მომი-
კვლებით!

ბიაშვილს გაეცინა. გაიცინეს სხვებმაც.

— ადგილზე დაობენ, სერაფიონ! — შენიშნა ერთმა აზნაურთა-
განმა. — ეკალაზე რა ჩხუბი უნდა შედგეს!

— ერიპა! — წამოიძახა სერაფიონმა. — რავე უცხო კაცივით ლა-
პარაკობ, ჩემო ივანე! მაგ რა დასამალავია!.. ვაი ნეტავი თელი წე-
ლიწადი კი არა, ნახევარ წელიწადს მქონდეს ის დალოცვილი საქ-
მელად. გამოუღვევლა! ცუდი კაცი ვიყვე, თუ სხვა რამე ვცნატრო
კიდევ! რას მეუბნები?! ღმერთმა ნუ გაახაროს ის, ვინც ჩემს ახლო-
მახლო ეკალას ბურღი ნახოს და ამომიჩხოს!.. ამ დროებაში ოქროს
ფასი დაედვა მას ყველასაგან, აზნაურისაგანაც და გლეხისგანაც...
მაღე თავადების სანატრელიც გახდეს, მგონია.

— კი, მარა ეკალამ როგორ წაჰიდა ეს კაცები? — იკითხა სიცი-
ლით ბიაშვილმა.

— წაჰიდა კი არა, გადაამტერა! — მიუგო სერაფიონმა. — მეზო-
ბელმა თავის მხრივ საქარი გაჩეხა ადგილის გასათართობლად, შე-
სამატად. საქარი ეკლიანი იყო; გაზატხულზე მისი მხრივ რომ აღარ
იყო, ეკალას აქეთ დაუწყო პოტინი; მიდგა საქმე მისწრებაზე, ერთე
თვალის დახამხამებაში გაფუჭვინეს ეკლები, კვირტებსაც აღარ არ-
ჩენდნენ ზედ. შეექმნათ ლაპარაკი. აქითურმა მიზეზად ის დეიდვა,
რომ თხელ საქარში ღორი, ქათამი, ბატი, ცხვარი დაძვრებო და
ყანა ამომიგდესო — დაუწყო ჩხუბი კაცმაც, ქალმაც, ბავშვმაც, ყვე-
ლამ. ნამდვილად კი ეკალას დაკლებამ ააპილპილა ყველა... იმდენი
იჩხუბეს, იდავიდარაბეს, რომ აგერ ეს მეორე წელიწადია კაცმა ვე-
ღარ მოარიგა, უდავებიან ერთმანეთს. სხვა არაფერი არ გამოდის

ამის შეტი, რომ ამ ჩვენს სარდიონ ქველიძეს ხან ერთი უწიკავს ხა-
კაპურებსა და ქათმებს, ხან მეორე — რომლის ვეჭილადაც იქნება.

ეს უკანასკნელი სიტყვები სერაფიონმა სწორედ მაშინ თქვა,
როცა გლეხებს გაშორებული ქველიძე ცაცხვთან მივიდა.

— ნამეტანი ჩიუტი ხალხია... მეტისმეტისი კაცის არაფერი არ
სჯერათ არც ერთ მხარეს... რას მოუხერხებ ადამიანი?! — ხელების
ვაშლით თქვა სარდიონმა, რომელსაც ეტყობოდა საკმაოდ დაღლი-
ლიყო გლეხკაცებთან ლაპარაკით.

მან შენიშნა უცხო პირი, მიუახლოვდა წამომდგარ ბიაშვილს და
ერთმანეთს ხელი ჩამოართვეს, თავიანთ თავის გაცნობით.

— თავი დაანებე, შე დალოცვილო, მაგათ, რაზე იწუნებ თავს! —
უთხრა ქველიძეს განაკიდეთ მჯდომმა, დაკერებულ ჩოხიანმა აზ-
ნაურმა.

— ძალიან ადვილად არ ამბობ მაგას, ნიკიფორე! — წამოიძახა
ისევ სერაფიონმა. — რაეარც მე ჩემს კუსიას ვერ გაეშორდები, ისე
ვერც სარდიონი გაშორდება მაგათ... სასმელ-საჭმელს მაგენი უწი-
კავენ და მაგათ მიატოვებს?!

კუსიას ხსენებაზე მოისმა საერთო ხარხარი.

— ახსენა თავისი კუსია! — წამოიძახა ვილაცამ.

— რატომ არ ვახსენებ, შენ გენაცვალე, ღმერთმა ნუ დამავიწყ-
ყოს მისი თავი — უპასუხა სერაფიონმა.

— მონადირე ძაღლია, ბატონო სერაფიონ? — შეეკითხა ბია-
შვილი.

— მონადირე არ გახლავს, უბრალო, შავი ნაგაზია, მარა ყოველ
ჩემს კეთილს და ჩემისთანა ხელმოკლე კაცს ღმერთმა მისცეს იმის-
თანა შემბრალებ და თანამგარძნობი... ერთობ რამე სულიერია! —
თქვა სერაფიონმა. — რომ იცის ესლა ჩემო ბატონო, ჩემი გაჭირ-
ვება, ისე ვეცოდები, რომ მეტი აღარ შეიძლება, და ძალიანაც მე-
წევა...

— რაობით მერე, თუკი მონადირე არაა? — სიცილით შეეკითხა
დაინტერესებული პორფირი.

— დილას, ბატონო, რომ ადგება, კი დაკვირვებული ადამიანი-
ვით შემოირბენს სახლის ყოველ კუთხეს, ერთი წაქცეული სამზა-
რეულო მაქვს, იქაც მისუნავს-მოსუნავს და თუ შეხედა, რომ სახლ-
ში არაფერი არ კეთდება, ერთი გავარდება, გავარდება ეზოდან. შე-
მოირბენს მეზობლებს და, სად კეციდან ჰადს ააგლეჯს, გამოიტანს
და მოარბენინებს, სად ქათამს ფრთას წააგლეჯს და მოაწანწალებს.
სად კვერცხს გამონახავს, ხანდახან ჩადებულსაც არ დამიწუნებენო.
გადასწყვეტს, და აგერ, რომ გვგონია — დღეს უსადილოდ ვრჩებით,

გადაწყვეტილი გვაქვს, ეს ღეთისნიერი სულდგმული ხელად აძევს ცარიელ სუფრას ათასნაირი საკმელებით... თითქოს მეზობლებისაგან ხონჩები მომსელოდეს!..

ბიაშვილი სიცილით კვდებოდა ამის გაგონებაზე; ხარხარებდნენ სხეებიც, თუმცა ამგვარების გაგონებას სერაფიონისაგან შერვეულნი იყვნენ.

— მართლა ძვირფასი რამ ყოფილა ი თქვენი კუსია! — სიცილით თქვა პორფირიმ.

— იცოცხლეთ, ღმერთი აბა რაფა დაადგებს უსაშუალოდ მისგან გაჩენილს... რამე სახსარს აღმოუჩინს უთუოდ! — მიუგო სერაფიონმა.

— საცა იქნება, გვერდებს ჩაუმტვრევენ იმ შენს კუსიას. სერაფიონი — უთხრა ერთმა ყმაწვილმა.

— მაამჩემი, აზნაური ქაიხოსრო გორდელაძე, რომ გაცოცხლდეს და რამე აწყენიოს ჩემს კუსიას, იმას ჩავებრუნებ საფლავში, თვარა სხვა რითი გადაშირჩება. რომ ჩემს მაცხოვრებელს რამე მოსწიოს!.. ბატონო, სხვა არაფერი შემრჩენია... ძალღმერთ ვირჩენ თავს, იმ ზომამდის მივადწიე პატიოსანმა აზნაურმა, და ცოცხალი გადაშირჩება, ვინც მას ხელს მიხლებს? თქვენც არ მომიკვდეთ!

სიცილი არ წყნარდებოდა და ხალხი თანდათან მატულობდა ცაცხვის ქვეშ.

ამასობაში ოტია გულმოდგინედ დაეძებდა პორფირისაგან ნანიშნ კაცს და ყველას ეკითხებოდა, აგვარი კაცი ხომ არ დაგინახავთ დღეს აქაო; ყველასაგან ერთი და იგივე პასუხი იყო — არაო. ამ სიარულში იგი მივიდა იმ გლეხებთანაც, რომელთაც საქარის გამოდავა ჰქონდათ და საქმეს ქველიძე უწარმოებდათ.

— შე კარგო კაციო! — უთხრა მან გულგახურებულ გლეხს: -- გასაკვირველია შენი საქმე, რას ჩასციეებიხარ ამ სარდიონს!.. რომ რამე გეგებოდეს და შეეძლებოდეს. თავის თავს ვერ უშველიდა. უკანასკნელ ვაჭირვებაში რომ არის?... შენ რა უნდა წაგადგეს!..

— დამლუპა, მაგან დამლუპა... დეელუპა მაგას ოჯახი — წამოიძახა გლეხმა.

— ე, შე კაცი, თუ გინდა საქმე გაგიყეთდეს, ე, იმისთანასთან უნდა მიხვიდე!.. — ანიშნა ოტიამ ბიაშვილზე.

— აღუკანტია?

— აღუკანტია და რანაირი მერეი.. ძვირფასი რამე აღუკანტია!

— იცნობ შენ, ოტია?

— აბა რა, ძალიან კარგად!

— მიგვიძეხი, ოტია!..

— ბატონი ბრძანდები... თუკი მოიცალა... ერთობ ბევრი ხალხი ეხვევა... აქაც ყოლია დღეს დაპირებულები. დავეძებ, ოხრიშვილები ვერსად ვერ ვნახე...

— მომეხმარე, ოტია, — დაელრიჯა გლეხი, — და მერე მაგიერ პატივს მეც გცემ!

— კარგი, კარგი, ვისაც გინდათ, ყველას გაგაცნობთ!.. ეგებ აქაც ქე დეიწყოს სიარული, თუ რიგიანი საქმეები შეხვდა.

— საქმეების მეტი რა არის! — წამოიძახა რამდენიმე გლეხმა.

— ოღონდ შესმენილ კაცს შეეხედებოდეთ და!

— მაგაზე შესმენილი ვილა! — თქვა ოტიამ და გაშორდა.

— რა გვარია, შენი ჭირიმი? — მიეწია ერთი გლეხი.

— ბიაშვილია, პორფირი ბიაშვილი.

— სად ცხოვრობს?

— სადა და ჩე-ში.

დიდხანს იარა ოტიამ, მაგრამ მოსანახავი გლეხი არსად ჩანდა და სულაც არ ყოფილა. პორფირის არაფერს არ ჰყოლია აქ შეპირებული, ეგ მხოლოდ მიზეზად ჰქონდა დღევანდელ დღეს ამ ყრილობაში გამოცხადებისათვის. თუმცა ოტიამ გლეხი ვერ მოძებნა, მაგიერად ბიაშვილის შესახებ ბევრი ლაპარაკი შეხვდა და, რაც შეეძლო, ყველას გააცნო მისი თავი. ბოლოს იგიც მივიდა ცაცხვთან, საიდანაც ისევ შეუწყვეტელი სიცილი ისმოდა.

პორფირი მალე შეეთვისა ამ უცხო ხალხს და ხუმრობაში აჰყვა სერაფიონს. მან იშოვა მარჯვე შემთხვევა და მოჰყვა ათასგვარ სასაცილო შემთხვევას, რაც მას ჰქონებია თავის სავეჭილობებში. მან მოხერხებულად გადაიტანა ლაპარაკი თავის თავზე: ხან ტყუოდა, ხან ტრახახობდა, ხან რალაც უცნაურ ამბავს გამოურევდა. ყველა ახლა იმას მისჩერებოდა, მთელი შეკრებულება სმენად იყო გადაქცეული. თვით სერაფიონიც ჩაჩუმდა, ყურს უგდებდა ამ ენაწყლიანსა და ენამოხერხებულ კაცს.

როცა პორფირიმ ხალხში თვალი მოჰკრა ოტიას და მისგან პასუხად მიიღო ნაძებნი გლეხის აქ არყოფნა, მან ამოიღო სწაითი და ერთი წამოიძახა:

— მე მეტი არ შემიძლია!.. ათასი საქმე მაქვს მიტოვებული... აწი თვითონ ჩამოვიდეს ჩემთან... ესეც კმარა, ამდენი დრო რომ მისთვის დაგვარგე! — ხალისიანი სიტყვით გამოეთხოვა ყველას და მომღიმარი სახით გაშორდა ხალხს.

ოგი თვითონაც გრძნობდა, რომ თავი დაამახსოვრა ამ ხალხს და კარვის მხრივ გააცნო თავი. ეგ მართალიც იყო.

— ძალიან კაცი ყოფილა!

— ყმაწვილი კაცია მაგრამ ერთობ გამოცდილობა ეტყობა!..

— ნამდვილი სავეჭილო კაცია — გაისმოდა ხალხში.

გულკმაყოფილი ბიაშვილი შეჯდა ცხენზე, ერთხელ კიდევ თავი დაუქრა მისკენ მიჩერებულ ხალხს და ოტიას უკან მიყოლებით გადავიდა ჭიშკარ გადაღმა.

— აბა, ოტია, გახსოვდეს ჩვენი სიტყვა!.. არ მომატყუო, იცოდე გელოდები, იცოდე!..

— კი, ბატონო, გეახლებით! — გაღიმებული სახით მიუგო ოტიამ. — მარა თქვენც რომ მანამდი ამოივლიდეთ, კარგს ინებებდით... ყაზახებს უნდა თქვენთან მოსვლა, საქმეები ეგებ მიილოთო, იხვეწებიან.

— კეთილი, კეთილი — სიამოვნებით წამოიძახა პორფირიმ. — ამოვალ, მაინც ქე შაქვს ამ დღეებში აქეთ სხვა საქმეებიც!.. ნულარ ირჯები, ჩემო ოტია, ნუ! ნახვამდის!

— არაფერი მიჭირს! — მიუგო ოტიამ და ისევ უკან მისდევდა.

— კაი, კაი!.. თუ გიყვარდე!.. ნახვამდის!.. ამ სამ დღეში ამოვივლი კიდევ!.. ნახვამდის, შენი ჭირიმე! — და ახლად დამეგობრებულემა სელი ჩამოართვეს ერთმანეთს და გამოეთხოვნენ.

ოტია კარგა ხანს დარჩა იმავე ადგილას და მისჩერებოდა ბიაშვილს. მერე კანცელარიისაკენ გაბრუნებულმა ერთი წაილაპარაკა: „თუ მე შენ მათხოვრის გულა არ მოგკიდე ზურგზე, რაღა კაცი ვიქნები!.. ჩარე შენი მზეთუნახავით კარდაკარ და ზილე ტალახი!“ და თითქოს უკვე გრძნობდა ქველიძეზე გამარჯვებას, ოტია შემატებულ გულზე მყოფა შეერია ხალხში.

III

— კაი საჩუქარი კი მერგება, კაი... ძალიანი... განსხვავებული საჩუქარი, ბიცოლა პელაგი — ხითხითით და წვარწნით ეუბნებოდა პორფირი მაღალი ტანის, გამხდარ, ლოყებჩავარდნილ ხანში შესულ ქალს, რომელიც ისეთივე ბიცოლა იყო მისი, როგორც ოტია ქამუშაძის დედა, ეკვირინე -- მამიდა. — სამაგალითო საჩუქარი მერგება საკუთრად შენგან, ასეთა სიძე რომ გიშოვე სონრასთენის!.. აი ასეთი უნდა კაცი, როგორც მე გახლავარ!.. აბა ის რა კაცია, მარტო თავის თავზე ფიქრობდეს!.. არა, შენი საქმეც გეიკეთე და ქვეყნისათვისაც იყავი სასარგებლო... ასე არაა, პელაგია ჩემო? ა?.. შენი კეთილი არასოდეს არ უნდა დაივიწყო და არც მე დამივიწყებია ხომ!.. ხა, ხა, ხა!..

— ღმერთმა ნუ დაგივიწყოს, შვილო, ყოველივე სიკეთე, ღმერთ-
მა ნუ დაგივიწყოს!.. შენ და ჩემი ბეგლარი, ხომ ღმერთმაც იცის.
გაურჩევლად მიმაჩნიხართ... ძმები მგონიხართ, შვილო, ძმები... ბეგ-
ლარმა თუ იცის, შვილო, თუ გაქვს ნათქვამი?

— რასაკვირველია!

— რაო, ნეტავი რა თქვა?

— რა უნდა ეთქვას!.. თავისებურად, რავარც იცი მისი ამბავი,
ვნახოთ, ვნახოთ... ეს არაფერია, შენ თუ ფეხს არ გადადგამ!

— მე, შვილო, მე რაღა მეთქმის... თუკი ჩემი ბეგლარი თანახმ.
იქნება, წინააღმდეგი არაა...

— რატომ უნდა იქნეს წინააღმდეგი?

— მე რა გამეგება ამდენი, შვილო!.. თქვენისთანა ყმაწვილებმა
უკეთ არ იცით, ვინ შეგეფერებათ მოყვარეთ და ვინ არა? თუკი
თქვენი საკადრისია...

— რატომ არ უნდა იქნეს საკადრისი, ბატონო?.. სოფლის კაცი
რომია, იმიტომ ვითომ? შე დალოცვილო, მარტო სოფლის კაცობა-
ზე კი არაა საქმე!.. სოფლის კაციც არა და სოფლის კაციც... გარ-
ჩევა ყველგანაა...

— არა, შვილო... ისე სიტყვანე მოჰყვა, თვარა... მე რა მეთქმის...
თუკი ქალს არჩენს და შეინახავს...

— ჰმ! ქალს არჩენს? პირველი ხარისხის აზნაურია... სახლი აქვს.
კარი, მიწა-წყალი, მშენიერი ოჯახი... ორი დედა-შვილია, მეტი
არავინ! არა, იმით დამიწუნებ, პელაგია, რომ სოფლის აზნაურში-
ლია? შენც არ მომიკვდე!

— უიმე!.. — შესძახა პელაგია. — ერთხელაც მოგახსენე, თუკი
შვილს მირჩენს და ღირსეულად შემინახავს, სხვას რას დავეძებ!

— ამაში იმედი გქონდეს... ხომ გწამს ჩემი, რომ მე არ მოგა-
ტყუებ?..

— უიმე!

— ჰო, აბა ეს არის, ჩემო ბიცოლა! მეტი რაღა უნდა გინდო-
დეს, აღარ ვიცი!

— შენი კარგა ყოფნით ნეტავი კი მოხერხდებოდეს და!.. გა-
ძვირდა შენ დაგენაცვლე, ქალის მთხოვნელიც... ჩემს სონიაზე უკე-
თესები საცოდავად ბერდებიან, კაცი ხელს არ კიდებს... მაგის ასე
დარჩენით ჩემი ბეგლარიც ასე უცოლოდ მირჩება.

— ჰო და ეგ არის! — გააწყვეტინა სიტყვა პორფირიმ. — ქე გოუ-
შვი ხელიდან, შე დალოცვილო, ქალიშვილი... ნულარ გოუბრუნდებ.
ბედს!..

— ვინ ოხერი, შენ გენაცვალე, ვინ ოხერი!.. დედაშვილობამ დღე-დაღამ ღმერთს იმას შევთხოვე, ისე არ მომკლას, ჩემი ბეგლარის ცოლ-შვილისათვის რომ არ შემეხედლოს... რა ქნას, შენი ჭირიმე, ენაცვალა მას დედამისი, ჩვენც შეგვინახოს, ცოლ-შვილიც არჩინოს, სადამდი წავა ამის საქმე, — და ამასობაში ქეა ისე გაჩერებული. ჩვენთვის იკლავს თავს, თავისათვის კი არაფერი!.. თუკი მოვესწარი და ჩემი სონია პატრონს ჩავაბარე, რათ ეღირება ჩემთვის ის დღე, რათ? ჩემი გაცოცხლებს დღე იქნება!.. მაშინ ბეგლარის ბედნიერებასაც შეიძლება ერთ-ორ დღეს მაინც მამხერიოს უფალმა...

— ყველაფერი იქნება, ჩემო ბიცოლა! — სიცილით შესძახა პორფირიმ. — ყველაფერი.

— რა გვარია, შენ გენაცვალე?

— ქამუშაძე.

— შორებელია?

— სულ ახლოს... აგერაჟ, თამარნაშენში!

— აზნოუშვილი!

— ჩინებული, ჩინებული აზნაური!.. არა, არა, ბევრი აღებ-დაღება აქ აღარაა საჭირო... ბედი კარზედაა მომდგარი!.. კაცს, შენ არ მომიკვდე, სწო'-ედ ვერ დამიწუნებ... ის კი არა, უფრთხილდი, გული შეიმაგრე. თავად არ შეგიყვარდეს, ღმერთი არ გაწყრეს, ბიცოლა, ამ მოხუცებულობის ხანას! ხა, ხა, ხა! — გაღიხარხარა პორფირიმ.

პელაგიასაც გაეცინა ამ ხუმრობაზე, ხელი დაარტყა ბეჭზე და უთხრა:

— უი, შე დაუწყნარებელო, შენი

— აბა, ამდენს მალაპარაკებ ჩემს ოტიაზე?! შენ ნუ მომიკვდები, ის კაცი, რაეარც კი არ მოგიყვები, აგერ ბედს რომ მიაგნებს ადამიანიო, ისეა!.. არა, არა, ბიცოლა პელაგია, ხელიდან გასაშობი დასაკარგავი კაცი არაა ის ადამიანი, თუკი გულით გინდა შენი სონიას გათხოვება... მეც მირჩევია, დროც არის. ვინ იცის, როდის მოინახება კიდევ სხვა; ეგებ მაგისთანა ველარც იშოვოთ... ქალიც ცოლ-ვა იქნება და, შენი არ იყვეს, აწი ბეგლარსაც შელაგათი უნდა მიეცეს თავის თავზე იზრუნოს...

— კი, კი! კი, ჩემო კეთილო!

— პო და, მეც რომ ეგ ვიფიქრე, როგორც თქვენი ოჯახის ერთ-გულმა და კეთილმა, იმტომ აღარ დავკარგე სახელდახელო შემთხვევა. ერთი სიტყვით, შენზედაა დამოკიდებული ახლა ყველაფერი: თუ უარს არა ხარ, ის ყმაწვილი ჩამომივა აქ და განახებთ. ისურ-

ვებ, ხომ კარგი. — თუ არა და, ღმერთმა ყველა მშვიდობით გვამყოფოს...

— მე რა, შვილო, ყველაფერი ბეგლარმა იცის.

— არა, არა! შენ ხარ მაინც თავი, შენ ხარ დედა და სიტყვაც შენ გეკუთვნის.

— მე გთხარბი და ეს იყო, შვილო.

— ძალიან კარგი აბა ყველაფერი რიგზე მიდის! და ესეც იცოდე, ბიცოლა ჩემო, იმათთვის მე არც სახელი, არც გვარი არ მიქვამს თქვენი. არ ვუთხარ იმიტომ, რომ დეიწყებდა იქით-აქეთ ვამოკითხვას სონიაზე. ვინ იცის, მტერი სად გამოჩნდებოდა, ქალი ვისმეს გველანძლა... ხომ კარგად მიქნია, ა? ჰო, ასეთი გახლავართ!

— ყველაფერში მოხერხებულები ხართ, ღმერთმა გიწინამძღვროთ. შევიღებო, და ამიტომაც სულ შეშატებაში მიდიხართ და მიდიხართ! — მიუგო პელაგიამ.

— ერთი სიტყვის მეტი კი არ დამჭირვებია, მერე! შენ არ მოიკედე! აქ ვერ მიცნობენ კიდევ, რაც ბიჭი ვარ, თვარა იქით რომ მიყურო, იმ სოფლებში, სადაც მე დავდივარ, ვერ მიცნობ, თუ ეს პორფირიაო!.. ხელით დავყავარ!.. ჩემზე უკეთესი თუ ვინმეა, ვერა-ვის ვერ ათქმევინებ, ვერას გზით... ღმერთით. პატარა ღმერთით მიყურებენ!.. ჩემია იქოურობა... ხა, ხა, ხა!.. — სიამოვნებით ვადიხარხარა ატრახახებულმა პორფირიმ.

— ღმერთმა მოგცეს, შვილო, ღმერთმა მოგცეს!.. — ჩაურთო თავის მხრავ ზიტყვა პელაგიამ.

— ამის შესატყობინებლად შემოვირბინე. პელაგია ჩემო! — გაბაგბო პორფირიმ. — მე ვიფიქრე, შეიძლება ბეგლარი ასე დაწვრილებით არც კი მოუყვეს-თქო, იმას ხომ სახლში ბევრი და გრძელი ლაპარაკი არ უყვარს!.. ვარჩიე ისევ თავად მე მეხარებინა შენთვის...

— ღმერთმა გაგახაროს, შენი ჭირიმე, ღმერთმა გაგახაროს!.. ამაზე უკეთესს რაღას გეიგონებდა ჩემი ყურები...

— და რაკი ყველაფერი მომიხსენებია, ახლა კი მშვიდობით ბიანდებოდეთ! — თქვა პორფირიმ და ქულს დაატანა ხელი. — პატარა-პატარა საქმეები მაქვს ერთ-ორ ადგილას... ისე, ცოტა, კრიმანჭულები ეჭირვებათ, თვარა სადილად აღარ მოგშორდებოდით დღეს... შეიძლება, თუ დროზე მოვრჩი, კიდევაც მოვისწროთ!..

— მოგიცდით, შენი ჭირიმე, მოგიცდით!

— არა, არა, ცდა საჭირო არაა. რა ვიცი, სად მიმავლებს ქარი!.. თუ მოვედი — მოვედი, თვარა ცდა არ დამიწყოთ... ნახვამდის, ნახვამდის, ბიცოლა!..

პორფირი გამოეთხოვა მოხუცებულ ქალს, აჩქარებულად წავიდა, ერთი შეჩერდა კარებთან, მობრუნდა უკან და სიცილით წამოიძახა:

— ღმერთმანა, ვივარგებ მაშვლად!.. ჩინებული მაშვალიც ვიქნებოდრი და თუ, ვინცობაა, ვეჭილობამ მისუსტა, უსათუოდ მაშვლად ვივლ... სიარულს მაინც შეჩვეული ვარ!.. ვატყობ ჩემს თავს, რომ ესეც ადვილად მომყვება ხელში... ამაშიაც გამრვდგები და ვივარგებ... ხა, ხა, ხა! — გულიანად გაღიხარხარა მან.

— ყველაფერში გამოდგები... შენი ქირიმი. ყველაფერში გამოდგები, ისეთი მარჯვე კაცი ხარი — მიუგო პელაგიამ.

პორფირის თითქოს უნდოდა ეს ქება კიდევ ერთხელ გაეგონა ამ წასვლისას, უფრო ახითხითდა და საამური სიცილით ოთახიდან გავიდა; ჩაირბინა პატარა კიბე, გადაირბინა ეზო და ქიშკარს გადაღმა ქუჩაში მიმავალ ხალხში გაერია.

პელაგია რამდენიმე ხანს შერჩა აივანზე ამ გაფრენილი კაცის ნათქვამისაგან გაბრუებული; მერე მიბრუნდა და მძიმე ნაბიჯით შევიდა სახლში. ბუხრას თავზე ბეგლარის სურათი იდგა; ის მოხვდა თვალში, მივიდა მასთან, დაუწყო მზერა, დიდხანს უმზირა სასაქადულო, ძვირფას შეიღს და შემდეგ წამოიძახა:

— აწი განთავისუფლდები, შენ გენაცვალე, განთავისუფლდები და შენი საწყალი დედის გულს გაახარებ შენი კარგი იღბლით... შენ დაგენაცვლეთ ყველანი... ყველანი!

და თითქოს მოხუცებული პელაგია დღეიდანვე აპირებდა შეიღის საბედოს დასახვედრად შემზადებას, დაკვირვებული თვალი შემოაელო ოთახს, მივიდა კრიჰინა ტახტთან და კედლისკენ უფრო მისწია, — კრიჰინი ეგებ მოეშლევენებინა; დაუარა ფანჯრებს, ჩამობერტყა მტაერი ჩითის ფარდებიდან და საშინლად აამტვერა; მოუნდომა გასწორება შუა ზალაში მდგარ კოჩილა სტოლს, მაგრამ რადგან ვერაფერი მოუხერხა, ვერ დაამაგრა, იმით დაქმყოფილდა, რომ გადაბერტყა ზედ გადაფენილი გამოხუნებული ფერადიანი გადასაფარებელი, რომლის გამომყიდველსაც მუდამ წყველა ეგზავნებოდა. მაგრამ ის გამომყიდველი დღეს კი გადაჩრა ამას, ალბათ, განსხვავებული დღის წყალობით. არ დარჩენილა ხელშეუხებელი არც სტოლქვეშ დაფენილი ფარდაგი, რომლის გაწვევაზედაც დახრილმა პელაგიამ ერთმანეთისაგან დაშორებულ იატაკის ფიცრებს ქვეშ ქათმებს მოჰკრა თვალი და ფეხის ბაქუნთან ერთად „ოქში-ოქში“ დასძახა იატაკის ქვეშიდან მათ გამოსადენად, თუმცა თვითონაც ვერ იტყოდა, თუ რას უშლიდნენ ისინი იქ ყოფნით. აქაურობას რომ

მორჩა პელაგია, მეორე, თავის საწოლ ოთახში გავიდა; ანგარიშ-
მიუტეხლად გაჩერდა ხის საწოლზე დაგროვებულ, ზეწარგადაფარე-
ბულ ქვეშისაგების წინ, ერთ ხანს იდგა ასე გაშტერებული, მერე
ჩამოჯდა საწოლის ყურეში და ერთი კიდეე ამოიძახა გულის სიღრ-
მიდან: „შენ გენაცვალოს შენი დედა.. შენს შვილს დავინახავდე
და მერე რომ მოვკვდე, აღარც კი ვინაღვლი.. შენ გენაცვალე-
შენი..“ და ფიქრებში გაერთო.

ქალიშვილის მაგივრად პელაგიას ისევ თავინი ვაჟიშვილი უდგა
თვალწინ; მასზე უფრო ფიქრობდა იგი, ის ავიწყებინებდა სონიას
კარზე მომდგარ ბედსაც; ბეგლარს ეწირებოდა დედის გულში ყვე-
ლა და ყველაფერი.

ეს ბედნიერი არსება, ეს რჩეული შვილი იყო №-ის მომხრე-
ბელ მოსამართლის მდივნის უმცროსი თანაშემწე, ბეგლარ ჭინჭა-
რაძე.

ამის მამაც, ბიაშვილივით, წვრილ აზნაურთაგანი იყო, ბატონ-
ყმობის გაუქმების შემდეგ, სოფლად მოუხერხებელი ცხოვრების გა-
მო ქალაქში შემოხიზნული.

— სადაც მგეტი ხალხია, იქ მეცადინე კაცისათვისაც უფრო მგეტი
შემთხვევაც რამე იშოვოს — იტყოდა ხოლმე სოფრომ ჭინჭარაძე
და როგორც მოშივებული მელია, ისე დაძრწოდა ქალაქის ქუჩებში,
დუქნებში, ბაზრებში, რომ რამე ეშოვა, ენახა, წასდგომოდა და ამით
თავი შეენახა, ოჯახი გამოეტანა; და გასაკვირველიც იყო მისი სი-
მარჯვე ამგვარ შოვნაში: სად, როგორ შოულობდა ეს კაცი სარ-
ნოს, როგორ ახერხებდა ამას — ეგ მისი საიდუმლო იყო. გაუზიარ-
ებელი საიდუმლო. ვაჟიშვილებმაც შეითვაჯეს მამის ხასიათი და
მიმართულება. უმცროსი, ქალაქში დაბადებული ბეგლარა, პატა-
რობიდანვე გასაკვირვებლად დაიგეშა მამასთან. ის ისეთი მეცადინ-
ი ბავშვი გამოდგა, ისეთი ჩუმი, მოხერხებული, რომ საწყალ სოფ-
რომს არა ერთხელ უთქვამს სიამოვნებით:

— ეს თავიას გეიტანს.. თუ ღმერთმა დააცალა, ისეთი გამოი-
წეება, რომ კაცი იქნება.. კაცი ვერაფერს გაუგებს, ისე მოიგდებს
ხელში, რასაც ამოიჩემებს.. მაგარი კაცი დარჩება!

არ მოსწრებია მამას შვილის „კაცად“ დანახვა; იმას კი ეცადა,
რომ ბეგლარს საქალაქო სასწავლებელი გაათავებინა და სასამარ-
თლოში გადამწერად შეარგვევინა თავი.

ბეგლარს არ გაუმტყუნებია მამის იმედი. ყმაწვილი იყო, მაგრამ
ცხოვრებისათვის საკმაოდ მომზადებული. არავის არ ერიდებოდა;
პატივით. მუდამ ამხანაგებში იმყოფებოდა, მაგრამ მისი ნამდვილი

აზრი, შეხედულება, ფიქრი ამა თუ იმ საქმის, პირის შესახებ—არავინ არ იცოდა, ვერავის გაეგო მისი წადილი. იგი საკვირველი მოხერხებით ფარავდა ამგვარებს და ამავე დროს ახერხებდა ეჩვენებინა თავისი თავი გულწრფელ ადამიანად. ის იყო, რომ იტყვიან, ეშმაკი კაცი, თავით ფეხებამდე ეგოისტი, მხოლოდ პიროვნული ინტერესების მიმდევარი, რომლის გარეშე მას არაფერი სწამდა და კიდევაც გუნებაში დასცინოდა მათ, ვინც რაღაცას ეძებდა, რაღაცეებს თავს ატეხდა, ვინ იცის, რისთვის, ან ვისთვის, და ამასობაში თავს თავს აკლებდა.

უგულოდ ეპყრობოდა ყველაფერს, რისგანაც რამე სარგებლობას არ გამოელოდა თავესათვის, კაცს აფასებდა მხოლოდ იმის მიხედვით, თუ რამდენად მისგან რამე უსარგებლია, ან გამოელოდა რამე სარგებლობას. მისთვის ყველაფერი უმნიშვნელო იყო და „სისულელე“, თუკი მას პირადად არ ასარგებლებდა. არაფერს სხვა რაიმეს მის თვალში ფასი არ ედებოდა. გუნებაში ათასჯერაც წინ წაუყენებია თავისი თავი იმ „ნასწავლებზე და ნაწვალეებზე“, რომლებსაც მასავე ვერ მიუგნიათ იმ გზისათვის, რომელსაც საჭიროა ცხოვრებაში კაცი ადგეს, თუ უნდა თავისი თავის ბედნიერება. ამ გზამო, — ფიქრობდა ბეგლარი, — მე წარმატებაში შემეიყვანა, მაშინვე ჩინებული ადგილი და ამ ახლო ხანში სსსამართლოს „პრინციპობასაც“ მიმაღებინებსო.

გვარში მას ტოლი არ ჰყავდა და თავის მეგვარეებს ჯუნებაში ამაღლიდა, რომ მისი მეცადინეობით ჭინჭარაძის გვარი ყველასაგან ცნობილი შეიქნაო; თუ ფოთონ სიტყვით არ წარმოუთქვამს ეს, ხსოვნით ყოველთვის ახსოვდა, ხოლო დედამის კი პირზე ეკერა.

აქეთ იყო ნამდვილად ბეგლარ ჭინჭარაძე, თუმცა ესეკი სულ სხვა თვისების კაცად გაუცვანია თავისი თავი გარეშეთათვის. შინაურობაში კი იგი ღმერთი იყო. ალბათ, თავის აღმატებულებაში რომ იყო დარწმუნებული, იმიტომ არ ეხერხებოდა არც დედასთან და არც დასთან გრძელი ლაპარაკი, არც უყვარდა მათთან თავის გულის ნადების გაზიარება და შინ მყოფი საზოგადოდ მარტოდ იყო, დედაცა და დაც მორიდებით იყვნენ მასთან და არიდებდნენ ყოველ უსიამოვნებას ამ სასიქადულო და სათაყვანებელ ოჯახის წევრს.

ეს შეილი ავიწყებინებდა პელაგიას თავის ქალიშვილს, როგორც დაავიწყებინა უფროსი ვაჟი, თერძად გამოზრდილი და დღეს საღლაც გადაკარგული.

— გენაცვალა შენი დედა!.. ახლა კი შეიძლება მოვესწრო შენს კვირგვისს, ჩემო ცხოვრება!.. შენ გენაცვალა შენი დედა!.. რამდენ

დელას ენატრება შენისთანა შვილი, მარა ღმერთმა მხოლოდ მე მაღირსა... ვენაცვალე მის მოწყალებას!..

არ დაუთავებია კიდეც ეს გულის ამონახეტქი პელაგიას, რომ სამზარეულოდან უცნაური სმაურობა მოესმა. პელაგიამ მიაყურა. სმა მისი ქალიშვილის, სონიას სმა იყო.

პელაგია წამოვიარდა და სამზარეულოსკენ გაექანა. აქ ეს-ეს არის დაბრუნებული, სხვაგან ყოფილი სონია, შლიაპა გვერდზე მოქცეული, უცნაური სმით მოქაქანე, გაბრაზებით თავში უთაქუნებდა კედელზე მიკრულს, ნაფლეთებში გახვეულ პატარა ბიჭს, რომელსაც სელები თავზე წამოეყარა ნაცემის შესამაუბუქებლად და რომელიც გაუნძრევლად იდგა და ხმასაც არ იღებდა.

— შენ დაგეწვა ეს თავი!.. შენ დაგეწვა ეს გვერდები, ეს, ეს! — და ახლა ფერდებში ჩაპკრა, სანამ ბიჭი მოასწრებდა ფერდებზე მიეფარა ხელები. მაგრამ საცოდავი ვერ მიუხვდა, სად მოხვდებოდა სონიას ხელი, იმიტომ რომ სონიამ ერთი დასპყვილა: — თვალები... თვალები რატომ არ დაგეწვა, შე დასამიწებელო! რატომ, რატომ! — და ცხვირ-პირში იაპკრა ისე უცბად, რომ ბიჭმა ვეღარ მოასწრო თვალებზე ხელის აფარება. ახლა კი ვეღარ მოითმინა მან და კატასავით აკრუსუნდა.

— რა ქნა მაგ სასიკვდილემ, რა ქნა მაგ შავდღეზე დაბადებულმა, რა? — გაფაციცებით კითხულობდა პელაგია.

— რა ქნა? რა ქნა და სულ ერთიანად დაუთუთქავს ქადები!.. ერთიც არ ვარგას!.. ა, ნახე, შეხედე ამას... ამას შეხედე!.. ამას მიუტან ბეგლარს სადილზე? ამას? უი, უი, შენი შენი!.. შენ გაწყვი, შენ, შენი — და სონია ისეე ბიჭისაკენ გაექანა, რომელიც, ახალ ცემისათვის გამზადებული, საცოდავად მოიკაკვა და გაბურჰგენილი თავის მუხლებს შუა ჩამალვას მეცადინეობდა.

— შენ დაგეწვა სიცოცხლე, შე წყეულის შვილო, შენ დაგეწვა სული და ხორცი! — მიამახა პელაგიამ. — უიმე, ამას რას ვხედავ! — შეპკივლა პელაგიამ, დაწწვარი მქადები რომ დაინახა. — ვეღარ მიხედე, შე ცოდვილიანო?

— რას შეხედავდა, როცა, რომ არ მომესწრო, თავად ცეცხლში ის იყო ჩავარდებოდა!.. მაგ შეჩვენებულს. თავი მიედვა ბუხრის ქვაზე და ისე მიძინებოდა... ვითომც ძილი აკლდეს!.. უიმე, უიმე!.. ეს რა არის, ღმერთო მომკალი — შეპკივლა ხელახლად სონიამ. — ეს რა არის? შე დალოცვილო, რომ იცი ამის ამბავი, ერთხელ შინც ჩამოვინედავდი... ასე რავე მიატოვე ეგ სასიკვდილე!.. რას აკეთებდი, შითხარი ერთი? — მბუბრუნდა იგი დელას.

— რავე არ ჩამიხედავს, შვილო! — წაილაპარაკა პელაგიამ.

— აბა ეს რავე ვერ დეინახე!.. ეს მოუქაფავი სუფი, ღმერთო მომკალი! ამას მიუტან ბეგლარს? ამან რავე უნდა გადაგვიტანოს. ამან, ამ ლეკვმა, ამან!.. რა არის, ბიჭო, ეს?.. რა არის ეს ბიჭო?.. ამას ქათვის მორთმევეა არ უნდოდა, არ უნდოდა? არა, არა? — დ. სონიამ ისევ წაუშინა თავში, გვერდებში და კისერში სახეგაშურულ ფილიპიას.

— სონია, დატრიალდი, შვილო, შენ გენაცვალე. ერთ წამში დააჯინე ორიოდე ჭადი, თვარა საცა არის, ბეგლარიც მოვა. მალე. შენ გენაცვალე, სადილი არ ღოუგვიანდეს, თვარა, ხომ იცი. ეწყინება.

სონიამ საჩქაროდ გაიხადა კაბა, ჩაიცვა საშინაო. ჩამოვიდა სამზარეულოში, გაცრა ფქვილი და ზელა დაუწყო ცომს.

— სად იყავი, შვილო, ამდენ ხანს? — შეეკითხა პელაგია. მელიც ცეცხლთან ტრიალობდა.

— სად ვიქნებოდი? ანაბტასასთან ვიყავი.

— რა ქნეს ნეტავი იმ გოგოს საქმე, ქრისტინესი?.. მორიგებულან თუ არა?

— ხელახლად ჩაშლიათ... სასიძო აღარ აკლებს, რაც უთქვამს... და თუ ამ ერთ კვირაში ვერ მოურიგდებიან, სხვა ქალს ნათხოვ: თურქე!..

— უი, უი მტერისას ასეთი ამბავი ასეთია დაუმთავრებელი ამბავი!.. ვაი საწყალი მშობლის ბრალი, ამნაირ გასაჭირში რომ ჩავარდება!.. ვაი მისი ბრალი — წაიწუწუნა პელაგიამ.

— ჰო, მშობლის!.. მშობელს რა უჭირს, ვინც სირცხვილშია ჩავარდნილი, იმან იკითხოს, თვარა...

— არა, შვილო...

— კაი, კაი — გააწყვეტინა სიტყვა სონიამ. — უხეირო პატრონის ხელში ქალიშვილი ღმერთმა ნუ ჩააგდოს, ღმერთმა, თვარა მშობელს რა უჭირს იმდენი...

პელაგია ის იყო პასუხის გასაცემად მოემზადა, რომ ნაცნობი ფეხის ხმა მოისმა. ორივე დედა-შვილმა ხმა გაკმინდეს.

— მოვიდა! — წამოიძახა ცოტა ხნის დაყურადების შემდეგ სონიამ.

— მალე, მალე... უჩქარე, შენ გენაცვალე! მე წავალ და სტოლს გავშლი მანამდი... უი, შე არაწმინდავ, შენი!.. სულ შენი ბრალია, შენ გაქრი ბარემაც! — წაილაპარაკა პელაგიამ, კედელთან ატუზულ ფილიპიას რომ გაუარა. — დღეს ადრე მოსულხარ, შვილო, — ტყბი-

ლად მიმართა მან შვილს, რომ ამას არ სწყენოდა, მზად რომ სადილი არ უხვდებოდა.

— ადრე რამ ქნა? — მოკლედ მიუგო ბეგლარმა.

ეს იყო მაღალი ტანის ახალგაზრდა კაცი, ბალნით ძალზე შემოსილი, ისე რომ ლოყები ძლივს უჩანდა; მისი მაღალი და ბოლოში მოკაკული ცხვირი, მბზინავი შავი თვალები რაღაც ვაჟკაცურ შეხედულებას აძლევდა მის სახეს. ბეგლარს სერთუქი გაეხადნა და ეილეტის ამპრა იყო.

— არა გაქვთ მზად? — იკითხა მან.

— ახლავე იქნება, შენ გენაცვალე... ახლავე! — მიუგო სტოლთან მოფუსფუსე პელაგია. — იმ შეჩვენებულმა ბიჭმა ქალები დაგვიწვია... ისეთი ოხერი რამ შეიქმნა, რომ ერთი წამით თვალს ვერ მოაშორებ...

— თქვენ სად იყავით?

— სად ვიქნებოდით, შვილო, სახლში ვიყავით... სონია გადავიდა, ის-იყო, ერთი მინუტით მეზობლისას, თვარა სახლში ვიყავით...

სხვა დროს ბეგლარი უსათუოდ შეწუხდებოდა სონიას უდროოდროს სხვაგან სიარულისათვის, მაგრამ დღეს თავი შეიკავა, აღარაფერი უთქვამს; ერთი-ორი გაიარ-გამოიარა ოთახში და მერე ტახტზე ჩამოჯდა და მუთაქას მიაწვა.

პელაგია მის მახლობლად ტრიალებდა; მოხუცებულს უნდოდა შვილს გამოლაპარაკებოდა ამ მარტოდ ყოფნაში, სონიას შესახებ ეამბნა, მაგრამ საწყალი ვერ ბედავდა დღლილი შვილის მოსვენების დარღვევას. და ბოლოს, როგორც იქნა, სძლია თავისთავს, მიუახლოვდა ბეგლარს და ხმადაშვებით უთხრა:

— პორფირი იყო ან დილას და...

— ჰო!

— ერთი ამბავი მითხრა ჩემი სონიას შესახებ...

— ჰმ!

— რავა ფიქრობ, შვილო? მე რა ვიცი და... პორფირი ძალიან აქებს...

— მერე რაი?

— შენ არ მოგატყუებს, ძმასავით ხართ...

— ამისთანა კიდევ უფრო ადვილად მოგატყუებს, არ იცი შენ...

— ეგ შენ უკეთ გაგეგება, შვილო... ამიტომ გეძახიან ჰკვიან კაცს... შვილო, თუკი მართლა ხეირიანი ვინმეა და შენი საკადრისი იქნება, ნუ დაუქარგავ, შენ გენაცვალე, შენს დას ბედს... შენც განთავისუფლდები და შეიძლება შენი ბედის მონახეასაც; ისე ნუ მომ-

კლავ, შეილო, ერთ-ორ დღეს მაინც არ მამზერიო შენი ცოლ-შვილასათვის...

პელაგია, ეტყობოდა, პოემზადა ესარგებლა ახლა იმ გარემოებით, რომ შეილისაგან ამდენი ლაპარაკის ნება ეძლეოდა, და მოიწადინა გადაეშალა მის წინაშე თავისი გულის დარღვები.

ბეგლარმა შენიშნა ეს და უცბად მოუჭრა:

— კაი, კაი, ბატონო, მაგაზე მერეც გვექნება დრო ვილაპარაკოთ... ახლა სადილი მიწადა მე!

— კი, შეილო, კი, შენს სიცოცხლეს ვენაცეალებ! ნუ წოუყურებ ამ საქმეს, ნუ! — შეიმაგრა თავი და აღარ ეშვებოდა პელაგია... ვინ იცის, როდის მიეცემოდა ამისთანა შემთხვევა კიდევ. — თუ სულ ურიგო კაცი არაა, ნუ დააშორებ ერთმანეთს, ისე ახლოსაც არ გეყოლება... წელიწადში შეიძლება ერთხელ, ორჯერ მეტად ვერც შემოადგამს ფეხს შენს სახლში... გადაწყვიტე, შეილო... შენდა სასარგებლოდ უფრო რომაა, იმიტომ გვხვეწები!

— ჩამოვა ის კაცა და მაშინ ვნახოთ. ვაჟ-ნ! — კიდევ გააწყვეტინა სიტყვა ბეგლარმა და ამასთანავე ფილიპიაც შემოვარდა ფეხების თხლამა-თხლუშით, მაგიდაზე დადვა თეფშზე დალაგებული მჭადებო და ის იყო უკან გაქცობას აპირებდა. რომ ბეგლარი სეუწყრა და გაგდებას დაემუქრა. ბიჭმა დაღუნა თავი, ხელი გამოსვდა ცხვირქვეშ და ნელა გავიდა ოთახიდან თავჩაქინდრული.

ცოტა ხნის შემდეგ სამივე დღეა-შვილი მაგიდას შემოუსხდნენ და სადილს შეექცეოდნენ თითქმის ხმაამოუღებლად, რადგან ბეგლარს მაინცდამაინც არ უყვარდა ამ თავისიანებთან მუსააფში ვაბმა.

ნასადილევს პელაგიამ ისევ დააპირა გამოეწყო შეილთან შეწყვეტილი ლაპარაკი, მაგრამ ვერ მოახერხა. ბეგლარმა ისევ გაიმეორა თავისა: „მერეთაც გვექნება დრო ვილაპარაკოთო“ და—ახლა ძილი მიწადაო...

— შორს გადასადები საქმე არაა, შეილო! — გაბედა თქმა პელაგიამ.

პელაგიას შიში, რომ ბეგლარი არ იკადრებდა სიძედ სოფლის აზნაურს, ანდა რაიმე საწინააღმდეგოს გამონახავდა, ყოვლად უსაფუძვლო იყო. ბეგლარი არ ამხელდა, თორემ ძლიერ მოზარული იყო, რომ შემთხვევა ეძლეოდა მოეშორებინა და თავიდან და მაინცდამაინც ნამეტან ძიება-ჩხრეკით სასიძოს შესახებ თავის შეწყუხება აზრადაც არ მოსდიოდა.

— მე მინდა აწი ჩემს თავს ვერგო მთელად!—წაილაპარაკა მან და იმედმიცემულმა, რომ ასეთი დრო მალე დაუდგებოდა, თავი ზისცა ნასადილევის ძილს.

IV

დანიშნულ დღეს, დაპირებისამებრ, ოტია, გამოწყობილი ყავისფერ ჩოხაში, სატინის წითელწინწკლებიან ახალუხით, თმა-წვერ შეკრეპილი, ნათხოვარი ცხენით ჩავიდა №-ში ბიაშვილთან, რომლისათვის ცალკე ხურჯინით ცოტაოდენი ძღვენიც გაიძღვანია.

— ახლა კი კაი კაცი ხარ, ოტია ჩემო, სიტყვა გცოდნია!—მხიარულად მიეგება მას პორფარი და რადგანაც ოტიას სახეზე ერთნაირი ღიმილის თამაში შეამჩნია, მხარზე ხელი დააარტყა და უთხრა სიცილით: — ჩვენი საქმე კარგად არის, კარგად, ოტია!

ოტია უფრო დაიბნა, ღიმილიც უფრო მოერია, სიტყვა ველარ მოახერხა და მხოლოდ თავი გადააქნია.

ნასადილევის ორივემ ცოტა ხან მოისვენეს.

— ახლა ერთი გვეიგუღავოთ, ჩემო ოტია, და მერე გამოვეცხადოთ... — უთხრა პორფირიმ.

ოტია შეიშმუშნა, ერთი მიაშტერა თვალი თავის მოკეთეს და მერე დაიწყო:

— ბატონო პორფირი...—აქ სიტყვა ჩაუწყდა აღელვების გამო.

— პო... რა გინდა?

— სოფლის სასაცილოდ არ გავხდე...

— ღმერთო ჩემო! — შეჰყვირა მხიარულად პორფირიმ.

— უკაცრავად კი ვარ, მარა...

— შე კაცო, თუკი ასე არ მენდობი, რალაზე მოდიოდი აბა, ა?..

— არა, არა... ნდობა რა, ვილას უნდა ვენდო, აბა, მარა მაინც...

რა ვიცი, ისე, ჩემი სისულელით მოგახსენეთ... თავადაც კარგა მოგეხსენება სოფლის ამბავი, ჰორი, მითქმა-მოთქმა. ახლა ჩემს თავს ვებრძვი ვითომ, როცა დარწმუნებული ხარ ყოველის მხრით კაცი... პორფირის გაეცინა.

— რითი დაგარწმუნო, ჩემო კეთილო, რომ ქალი უნაკლოა? მშობლებს ვფიცავ ამაში, სხვაფერ რითი დაგაჯერო.. სიტყვას გაძღვევ ეგ არის და შენც იცი, ქალს არც აქ გაგასინჯინებენ, როგორც სოფელში, მის გარეგნობას თავადაც ნახავ... მეტი რა გიყო მაშინ ჩემის სულს ვფიცავარ, ქალი ჩინებულია. შენ, ჩემი შეჯერებით, თორემ მას ბევრს აქაურსაც არ გაატანს მისი პატრონი, მე არ მოვ-

კედე!.. და ამასაც გეტყვი, ოტია. ჩემო, თუ შიში გაქვს, რომ შეიძლება გატყუებდე, თავა დაეანებოთ, ჩემო ძმაო!.. ა? როგორც მეტყვი?

ოტიამ ისევ მოიბოდიშა და განიუმდა. მას ეძნელებოდა იმიჯარი ქალის დაკარგვა, როგორსაც ჰპირდებოდა პორფირი. იგი თავმოსაწონად უნდოდა მას და ამიტომ უკან აღარ იხედა, თუმცა შიში ჰქონდა, რომ ერთხელინდელის არ იყოს, სირცხვილი არ ენახა.

მეგობრებმა ქალაქის ქუჩებში გაისივინეს, ერთთავე იარეს და დასალამოვებულზე ჭინჭარაძისას მივიდნენ.

პელაგია დიდის ამბით შეეგება სტუმარს. ბეგლარიც ახლა უფრო ხალისიანად იყო უცხო კაცთან. პორფირიმ ყველას გააცნო შემკრთალი ოტია.

— დაბძანდით! — მიიპატიჟა იგი ბეგლარმა.

— დაბძანდით, ბატონო, დაბძანდით! — მიმართა პელაგიამაც და ხელით ანიშნა სკამზე.

მაგრამ ოტიამ უკან დაიწია და თეხებში მოხეიდრიო სკამზე დაეშვა. უეტრად ოტიას წაექცა სკამი და უსათუოდ გაიშხლართებოდა, კედელს რომ არ მიყრდნობოდა.

— ღმერთო მომკალი — წამოვარდა პელაგია. — რაღა თქვენ შეგხედათ ეს ფეხმორტენილი სკამი!.. ვინ შემოათრია ეს აქ?.. გვიტანე, შეილო, იქით!

სონიამ რომელიც ძლივს იკავებდა სიცილს, აიღო სკამი მეორე ოთახში გასატანად.

— ხომ არაფერი გტყენიათ, ჩემო ბატონო? — თანაგრძნობით შეეკათხა პელაგია სტუმარს.

— არაფერია, ბატონო, არაფერია — მიუგო ოტიამ, მარღად წამოხტა და, გაწითლებული, გაღიმებას ცდილობდა, თუმცა ამავე დროს გუნებაში ეგ დაეცემა ცუდ ნიშნად მიიღო, რაც ძალიან აწუხებდა.

პორფირი, ცუდი შთაბეჭდილების გასაქარვებლად, თავისი ცოცხალი ენით მოჰყვა ამის მსგავს შემთხვევებს, მას რომ გადაბდომია. და იმდენი მოახერხა, რომ ყველანი ოტიანად ბევრი აცინა და კარგ გუნებაზე მოიყვანა.

— როდის ჩამობძანდით სოფლიდან? — შეეკითხა ბეგლარი ოტიას.

— დღეს, ბატონო! — მიუგო მან.

— შორს არ არის...

— არა, ბატონო... სოფე გახლავსთ ამისთანა და...

— ვიცი... ვყოფილვარ მე თქვენსკენ... ერთობ ღვინო იცით... ჩუღულზე დავთვერით ერთხელ, გზად გამოვარეთ...

— ასე, ბატონო... ვენახი ავადმყოფობამ შეგვიმცირა, თვარა იყო რიგიანი და გვარიანადაც მოდიოდა...

— ახლაც ძალიანია, ბეგლარ, ახლაც ძალიანია—წამოიძახა პორფირიმ. — ისეთი მათრობელაა, რომ ჰო, ჰო, ჰო!

ლაპარაკი სოფელზე ჩამოვარდა, სოფლურ მოლხენაზე, ქეიფებზე, ღვინის სმაზე. პელაგია ხანდახან ჩაურთავდა სიტყვას, სონია კი ყურს უგდებდა ლაპარაკს, ხან მიღი-მოდიოდა ოთახებში. ოტია სარგებლობდა ამით და თვალი მისკენ ეჭირა. სონიას ერთ შემობრუნებაზე პელაგიამ თვალით მიიხმო იგი, რაღაცა წაულაპარაკა, რის შემდეგაც ყმაწვილი ქალი აჩქარებით გავიდა ზალიდან.

ოტიამ თვალი გააყოლა მას.

ქალი, მართალია, ლამაზი არ იყო, მაგრამ არც სულ ულამაზობა ეთქმებოდა. სუფთად ჩაცმული, თავისუფალი მიხერა-მოხერით ოტიას თვალში იგი ბევრად სჯობდა ქველიძის ქალიშვილს, რომელიც, მისდა უნებურად, თვალწინ ეხატებოდა, და რომელსაც ადარებდა ამ ახლად გაცნობილს. ამ უკანასკნელს, მისი შეხედულებით, რომ უპირატესობა რჩებოდა, ეგ თუ აღონებდა ოტიას, თორემ არ ახარებდა. ტყუილა კი არ წამეკეცა სკამიო, ფექრობდა იგი... თუ ქველიძემ უარით გამოისტუმრა, აქ რა უნდა გაეგონა, რისი მომლოდინე უნდა ყოფილიყო, ვითომ? და რაც უფრო აკვირდებოდა სონიას, მით უფრო სწუხდა ოტია, მით უფრო ნანობდა, რომ აქ ფეხი შემოადგა, ამჩატდა, არ გაფრთხილდა, თუმც გამოცდილიც აყო. წაქცეული სკამიც ცხადად ანიშნებდა თუ რითი გათავდებოდა დღევანდელი ამბავი. უკვე წარმოიდგინა, რომ სოფელში სასაცილოდ ამიღებენო. ერთადერთი იმედი ისევ ბიაშვილზე ურჩებოდა, რომელსაც შეეძლო მისი აქედან გაყვანა ასე, რომ ამბავი არ გამჟღავნებულყო.

ამ მდგომარეობაში მყოფი ოტია ვეღარც სიტყვას ახერხებდა, აღარც ესმოდა კარგად, რას ეკითხებოდნენ; ის იძულებულს ხდიდა პელაგიასაც და ბეგლარსაც, ემეორებინათ მასთან მიმართული კითხვები და კინალამ ჩაით სავსე ჰქია წააქცია, როცა სონიამ სინით წინ დაუდგა და ოტიას თვალებში მისი მსუქანი და მრგვალი ტიტველა მაჭები მოხვდა.

„აჰ! ამას მე არავეინ არ მომცემს... ტყვილი იმედია!“—თქვა მან გუნებაში და თათქოს გამოსათხოვრად ერთი თვალი კიდევ შეასწრო ყმაწვილ ქალს.

პორფირიმ შენიშნა მეგობარს მოუსვენრად ყოფნა, რომ იგონებანიად გრძნობდა თავს და როგორც კი იშოვა. დრო, მარტო, რომ დარჩნენ, მივიდა მასთან და ჰკითხა:

— აჰ, რას იტყვი, ოტია?

— დავანებოთ თავი, პორფირი...

— არ მოგეწონა?

— ჰმ — მწარედ ჩაიციხა ოტია. — მოწონებაზეა საქმე? თავდავანებოთ, თვარა მე აქ სირცხვილს ვკამ, შენ ნუ მომიკვდები.

— შენს მოწონებაზეა, მაშ!

— ჰმ — წამოიძახა ოტია. — სასაცილოდ მივდებ და ეგ არის... შენი ჭირამე, პატრონად გაძიყვანე აქედან... ამ ქალს მე არავინ არ მომცემს, ეგ კარგად ვიცი... ეს წყალობა მიქენი, გებგეწები, პატრონად გამიყვანე, სხვას არაფერს დევეძებ... შენს ხელში ვარ, ბატონო პორფირი!..

— კაცო, ქალს ვინ გიკავებს?! — სიცილით მიუგო პორფირი. — შენ გამაგებინე, თანახმა ხარ თუ არა?.. შენი სიტყვით გათავდება საქმე.

ოტია შეჩერდა და მაშვალს თვალი თვალში გაუყარა. ზედ ემზინოდა, რომ მას რაღაც ეპვი ეპარებოდა გუნებაში. ის სულ სხვას მოელოდა: უარით გაისტუმრებდნენ, ეგონა, და ახლა ეუბნებოდა, რომ საქმის გათავება შენზედაა დამოკიდებულიო — ეს ნამეტანი ეუცხოვა და ეპვი შევიდა. მან ველარ მოითმინა თავისი დარღის დამალვა:

— პორფირი... გაფიცებ ყველას... წაგიწყდეს დედ-მამის სული... ნუ დამიძალავ... გამაგებინე, რისგანაა ახლა ეს?.. გაფიცებ შენს მიცვალეზულ დედ-მამას, მართალი მითხარი... ნაკი ხომ არაფერი აქვს ქალს?..

— ნაკი?.. შეჩვენებული ვიყვე... დამწყველოს უფალმა! — მიუგო გაცხარებით პორფირი. — არ გრცხვენია, ოტია... ასე მიყურებ მე?!

— აბა რავა გევიგო ეს ამბავი?

— რაღა ლა ისე. რომ პეკლარს უნდოდა დის გათხოვება, დედამისსაც... მე და ის კაცი ძმებივით ვართ, თითქმის... გვინდოდა, რიგინი კაცი შეგებვედროდა სადმე... აჰ, შეგხვდი, გიცანი, მიციანი, გაგიცანი და ბასტა!.. რაღა ბევრი ჩიხინი და ლაპარაკი უნდა ამას!.. ჩვენ კაცი მოგვწონხარ ყველას, თუ შენც მოგვწონს ქალი, თქვი და საქმეც გათავებული იქნება... ქველიძესავით, შენც მიხვდები, ყყანს არ დაგიწყებენ აქ.

ოტიას ქუაში დაუჯდა ეს სიტყვა და იამა მისი კარგად ხსენებაც.

— თუ რამე ნაკი უნახო მაგ ქალს, პირში ჩამაფურთხე, ნებას ვაძლევ: უთხრა ალღოს ალიკინა.

ეგ მეტიც იყო, ოტიას კიდევაც შერცხვა ამის გაგონებაზე. იგი თანახმა იყო თავის მხრეცაც.

— ოფლი გამომადინე, შე დალოცვილო— გაიცინა პორფირიმ, — რაღას იჭიმებოდი, თუ ღმერთი გწამს!.. შენ აქ მომითმინე... ერთი იქ შევირბენ. — და პორფირი გეგარდა ზალიდან მეორე ოთახში.

მარტოდ დარჩენილი ოტია აქეთ-იქით იცქირებოდა დარცხვენილი, სახეზე აღმურმოკიდებული. მაგრამ რამდენიმე წუთის შემდეგ უარეს მდგომარეობაში ჩავარდა, როცა კარი გაიღო და ზალაში სონია შემოვიდა. ოტიამ აღარ იცოდა როგორ მოქცეულიყო, დამჯდარიყო, თუ ისევ ფეხზე მდგარი დარჩენილიყო. რომ მოეკლათ, ხმის ამოდება არ შეეძლო ამ ქალთან. და გაჩუმებული იყო. არც ქალი იღებდა ხმას; ერთი კი უთხრა, „დაბძანდითო“, რაზედაც ოტიამ მიუგო: „გახლავართო“, და ამაზე შეწყდა მათი მუსაიფი. სონია უფრო თამამად იყო და გუსუნდა: ეცინებოდა ახემაყვილან უცნაური უხერხულება. სონიას აზრით, ეს ვიღაც მთხოვნელი უნდა ყოფილიყო, მის ძმასთან მოსული, და ალბათ ძალიან სამძიმო საქმე უნდა ჰქონდეს, რომ ასე დაღონებულიყო.

მეორე ოთახში კი სამთა რჩევაც დასრულდა, რასაც დიდი ხანი არ დასჭირებია. ბეგლარმა თავის მხრივ თქვა, რომ ვერაფერი წუწნა ვერ ედებ სასიძო ახალგაზრდა ქამუშაძესო. მასთან ერთად პელაგიაც, რასაკვირველია, თანახმა შეიქნა.

— აბა რაღაზე ვაწვალებთ იმ კაცს — თქვა პორფირიმ. — შევახალისოთ ახალგაზრდები, ღმერთსაც იამებია — და მოცინარი სახით გავიდა ზალაში.

მას მიჰყვნენ ბეგლარიც და პელაგიაც. პორფირი სიცილით მივიდა სონიასთან და თავი დაუკრა.

— ნება მოგვეცით, ქალბატონო, მოგილოცოთ — დაიწყო პორფირიმ...

— რას მილოცავ? — გულუბრყვილოდ ჰკითხა სონიამ.

— ხა, ხა, ხა! — გაღიზიანებულა პორფირიმ. — ხა, ხა, ხა!.. შენი გაბედნიერება, ჩემო სონია!..

— კვი

— მოგილოცავ, ოტია ურა, ურა!.. იცოცხლეთ და იმრავლეთ — შესძახა პორფირიმ.

-- რას სულელობს -- წყენით შეუტია მას ქალიშვილმა.

-- კი, შვილო, კი, გენაცვალე! -- მიუახლოვდა პელაგია.

ქალი აირია; ერთი თვალი გადაავლო ყველას და ოთახიდან გა-
ვარდა. პორფირიც და პელაგიაც უკან დაედევნენ. ოტია გაშრა სირ-
ცხვილისაგან.

— დედა... რა ამბავია?! — უცნაური ხმით მიმართა ყმაწვილმა
ქალმა დედას.

— შენი ბედნიერება, შვილო, შენი ბედნიერება! სხვა რა გვენ-
ლომელება!..

სონია გაფითრდა.

— კაი კაცია, შვილო... თვალდაც, შეძლებითაც... გვართაც...
კაი აზნოუშვილი... ძვირფასი ხასიათის კაცი... — მოჰყვა პელაგია.

— არ მინდა!.. არ მინდა, არა, არა! — გადაწყვეტილად წამოი-
ძახა სონიამ.

— ხომ ვერ დაბერდები, შვილო, შენი ძმის ოჯახში!.. ხომ უნდა
მონახო, ერთი დღე იქნება. შენ გენაცვალე, შენი საკუთარი საზღ-
კარი?! უარს რატომ უნდა ამბობდე, როცა ამისთანა კარგი ბელი
და იღბალი მოგანიჭა უფალმა!

— გაგიგონათ ასე?! გაგიგონიათ ასე ჩემდა დაუკითხავად? --
გაცხარებით იძახდა სონია.

— კაი, კაი, შე ქალო!.. რატომ იცით ქალებმა გათხოვებაზე ამის-
თანა ამბები... ვითომ და არ უნდა გათხოვება! აჰ, შე ეშმაკო, შე-
ნა!.. — ხუმრობა დააპირა პორფირიმ, მაგრამ ამ უადგილო შეხუმ-
რებამ ქალიშვილი მხოლოდ მეტად გააწიწმატა.

— თავი დამანებეთ, თავი დამანებეთ ყველამ! — წამოიძახა სო-
ნიამ.

— თავი როგორ უნდა დავანებოთ, რას ამბობ, შვილო! — შეუ-
ტია პელაგიამ.

— ოჰ, ღმერთო! გითხარით, არ მინდა-თქვა!.. არ მინდა... არ
წავყვები... არა-თქვა, არა რა გინდათ ახლა ჩემგან?.. მომკალით...
რას ჩამცივებინართ!.. რა არის ეს, ღმერთო ჩემო!..

პორფირი გაიპარა ოთახიდან და ბეგლარი შემოგზავნა. ოტია
ატყობდა, რომ ქალის მხრავ წინააღმდეგობა უნდა ყოფილიყო და
შეწუხდა:

— ბატონო პორფირი! — მივიდა იგი პორფირთან. — ბატონო
პორფირი... ეგებ იმას არ ნებავდეს... და ძალას ნუ დაატანთ, შენი
ჭირიშე... ნუ შეაწუხებთ!..

— ეჰ, ერთი შენ კიდევ! გულჩეალობას დამიწყებ!.. ქალის ამბა-

ვი არ იცი?.. გულით რომ უნდოდეს, არ შეიძლება ერთი-ორი არ შეიკეინტრიშოს... აცალე, ძმის სიტყვას უფრო გეიგონებს ის... ხომ ჯობია ქველიძის ქალს, თუ ღმერთი გწამს?.. ა?..

— ჰმ! რა საკადრისია! — ჩაიციანა ოტიამ და ამავე დროს ოთახის კარიც გაიღო და ზალაში შემოიყვანეს დედა-შვილმა თვალბეჭით-ლებული, თავჩალუნული სონია.

— ასე არ ჯობია, შე ქალო! — მიიბრძინა მასთან პორფირიმ. — ოტია, მობძანდი მალე, შე კაცო, აწი დროცაა წითელი წვენით ღონე დევიბრუნოთ, რაც ამ თქვენს დავიდარაბაში მივალეთ!

პელაგიამ გულში ჩაიკრა სიძე და უსურვა ყოველივე ბედნიერება და დიდი ხნის სიამტკბილობით სიცოცხლე. მიულოცა ბეგლარმაც, რომელმაც გამოაცხადა, რომ რაც უნდა დამართოდა, უსათუოდ უნდა დაძვარალიყო ამ საპიამოვნო შემთხვევის გამო.

— შენ ახლავე ერთი რიგიანი ვახშამი გაგვიკეთე, ხელადი — უთხრა მან დედას.

სონია კი გარეტყანებულებით იჭდა. ვერც ოტია გრძნობდა თავისუფლად თავს, რის გამოც პორფირი დასცინოდათ, რომ მეტად აღრე ჯღებით ნეფე-დედოფლადაო.

კარგა ღამე იყო, რომ ოტია და პორფირი სახლისაკენ მიდიოდნენ, რიგიანად ღვინონასვამები.

— ჰო, ასე ვიცი მე... კაცს რომ ვიცნობ, მისთვის თავს მოვიკლავ, ჩემო ოტია! თავს შევაკლავ და არც წააგებს ჩემთან მეგობრობით!..

— იცოცხლე, იცოცხლე უკუნითი უკუნისამდე ჩვენისთანა საწყალი და მართალი გზაგოუგნებელი კაცისათვის... ხომ ამისთანა სიკეთე მიყავი, კაცი გამაცოცხლე, გამაცოცხლე კაცი, თვარა იმ ვირა ქველიძის გამო მკვდარი ვიყავი... მიწასთან გასწორებული ვიყავი!.. შენ გამაცოცხლე ახლა, სიცოცხლე დამიბრუნე ხომ, და ერთს კიდევ გთხოვ, შენი ჰირიჟე... ამასაც ნულარ დამაკლებ და მერე თქვენი ჰირი წაშილია, თუ გინდა!

— ჰო!.. რა გინდა? — შეჩერდა პორფირი.

— რომ გული მოვუკლა იმ ობრიშვილსაც და ზოგიერთებს! სხვებსაც... თქვენთვის ეგ არაფერი იქნება, ჩემთვის კი ძვირად რაღამე ეღირება, — იყოს ისე თქმულობად, ცარიელ სიტყვად, რომ ვითომც ბეგლარს დისთვის ხუთასი მანეთი მიეცეს მზითვად... ცარიელი სიტყვა ქვეყნის გასაგონად, თორემ ფულის თხოვას როგორ გოვუბედავ... ისიც არ კმარა ჩემს თავზე? ქვეყნის გასაგონად ითქვას ოლონდი!

— კა, ბატონო! მაგაზე ადვილი რაა... მე რაღაც სხვა მეგონა, ისე გრძლად მოჰყევი... ბა, ხა, ხა! — გადინარხარა პორფირიმ. — ექვსასი იყოს, შე კაცო, შეიდასი!..

— არა, არა! მეტი რაც იქნება, ეკვში შეიყვანს!... არ დეიჭვრებენ! — მიუგო ოტიამ.

— ზუთასი იყოს! იყოს სუთასი!.. — მხიარულად შესძახა პორფირიმ. — ერთი სიტყვით ჩესტიანა ბიჭები ვართ, ჩესტიანი!.. ყველაფერს მოვახერხებთ! — და ორივე მეგობარმა ხითხითით და სიცილით განაგრძეს გზა სახლისკენ.

V

ერო წამში მოედვა სოფელს ოტიასაგან ქალაქელი ქალის დანიშვნის ამბავი.

ეკვირინეს სიზარულს საზღვარი აღარ ქონდა. ორგვარი იყო მისი სიამოვნება: ერთი იმით ხარობდა, რომ ოჯახს არც ახლა მოეშალა ჩვეულება, განსხვავებული ქალი შემოდინოდა და ამასთანავე ნიშნი ეგებოდა სარდიონ ქველიძესაც და ბევრს იმათაც, ვინც მის შვილს ფასს არ სდებდა.

— გვერდში ამოუყენოს ჩემს რძალს მათი სოფლის ნაცარში ამოქიქნილი ქალბატონი!.. თავისი ტყედწასული შვილი ვოუტოლოს ბეგლარ ჯინჟარაძეს! მაგათმა სიცოცხლემ! დეესხათ მაგათ თავსლათი!

უმეტესობა მეტიჩრობაში ართნევედა ოტიას მის საქციელს და ამტყუნებდნენ — ქალაქ ადვილას გაზრდილი ქალის სოფელში მოყვანა სისულელეა, რათი უპირებს შენახვასო. ზოგიერთები კი დასცინოდნენ და ამბობდნენ, რომ უსათუოდ ვინმე ოხერი შეაჩჩჩხეხელში, თორემ რიგიანი ვინ გაიმეტებდა თავს, ქალაქს მიატოვებდა და ოტიას წამოყეებოდა სოფელშიო.

— ენახეთ, ყველაფერს მალე ენახეთ! ხომ მოიყვანს და! — ამბობდნენ დაინტერესებული მეზობლები.

ოტიამაც მალე დააკმაყოფილა ამათი ცნობისმოყვარეობა. იგი რაც შეეძლო. დატრიალდა; როგორადაც ეხერხებოდა, მოაწყო სახლი, ოჯახში, მოემზადა თავის გუნებაში საქორწილოდ და მეორე თვეზე ჯვარიც დაიწერა და ქალიც მოიყვანა სახლში. აქედანვე დაეტყო მას, რომ ქალაქელებს დაემოყვრა. სოფლად რომ იციან, ჯვარს დაიწერენ და ქალს არ წაიყვანენ, სანამ ქალის პატრონი დაპირებულ მზითვეს მთლად არ მოაგროვებს და სიძეს არ ჩააბარებს, და ამასო-

ბაში ეს უკანასკნელი წანწალშია და თრევაში სახლსა და მოყვარეს შუა — ამისთანებს აარიდა თავი ოტიამ. თუმცა ესეც უნდა ითქვას, — სიმართლეს არც სოფლელებს დავუკარგავთ და ყველაფერში არ გავამტყუნებთ, — ოტიას ამ შემთხვევაში გარემოებაც ხელს უწყობდა, რომ ჩვეულებაც უკუეგდო და საქმეც გაეადვილებინა. იმის მიღება, რაც მან იშოვა, მაინცდამაინც არც ისე საძნელო იყო: „ხმელი სიტყვით“ ხუთასი მანეთი და ქალაქელი ქალი და, კიდევ თუ მივათვლით, ასი მანეთი პელაგიამ რომ, ვითომ თავის მხრით, აჩუქა ქალიშვილს, თუ რამე დასჭირდებოდა, დასახარჯავად.

სხვის თვალში, შესაძლებელია, ეგ არაფერი ყოფილიყო, ქამუ-შაძეებმა კი დაათასეს და ისე მიეგებნენ ამ ამბავს, რომ სწორედ მათ თავზე ეგ მეტიც იყო. არაფერი არ დაუშურებიათ, სტუმარიც ბევრი მიიპატიეს, ლხინიც კარგი გადაიხადეს და მხიარულებაც სამახსოვრო იყო. ქალის მოპყობებმაც ერთობ მოილხინეს. ბეგლარი, რომელსაც მასპინძელი თავს ევლებოდა. ერთობ მხიარულად იყო და სხვებს არ რჩებოდა უკან ღვინის სმაში და თუ რამე აწუხებდა, ეგ იყო, რომ ეკვირინე წამლაუნჯუმ მორბოდა. ებოდიშებოდა ყველაფერზე, ვედრებოდა, არაფერი წყენოდა უზრდელი სოფლის კაცისაგან და ისე მოელხინა, როგორც მას სურდა. ამისთანებთ მოსვენებას არ აძლევდა მოხუცებული ქალი, თორემ კაცს რომ ეყურებია, იტყოდა, რომ იგი ერთობ აღტაცებული და მოხარულია ყველაფრით, რასაც თავის გარშემო ხედავს.

ბეგლარმა ეს კიდევაც გამოსთქვა სიტყვიერადაც თავის დასთან და ახალ მოყვრებთან, როცა მესამე დღეს, წასვლის წინ, ესენი ცალკე გაიხმო და, გამოთხოვების წინ, უთხრა:

— ერთობ მოხარული ვარ... მეტი აღარ შეიძლება, რომ ამ ოჯახთან შეგეყარა ბედმა და აწი შენ იცა. ჩემო ძვირფასო დაო... როგორც ჩვენთან იყავი გამრჩელი და ჰკვიანი, მე დარწმუნებული ვარ, ამ შენს ქმართან და ამისთანა ძვირფას დედასთან კიდევ უფრო გააორკეცებ შენს გამრჩელობას!..

— უამე! — შეჰკვილა ეკვირინემ. — ნეტავი ჩემს თავს, თუ მაგი ღვასარაჯე რამეზე და მე ქე დავბძანდი!.. მაგის მოსამსახურე უნდა ვიქნე სიკვდილამდი, მაგას ვენაცვალე!

— არა, რატომ? რატომ? მე რომ ვაცნობ მაგას, მაგიც არ იზამს, რომ თქვენ გიმსახუროთ!.. — სიტყვა ჩამოართვა ისევ ბეგლარმა. — კიდევაც ქე გეისარჯოს, ოჯახს მოეკიდოს. გეიხედ-გამოიხედე. ყველაფერს დაუკვირდი, ძვირფასო დაო, და თუ გასაჭირი შეგხედეს!..

— ვინ შეახვედრებს მაგას! ღმერთო, ნუ მომასწრებ იმ დღეს! —
ზაურთო სიტყვა ეკვირინემ.

— თუ გასაჭირი შეგხვდეს, კიდევეც მოითმინე და შენითვე შე-
ეცადე, მეორედ აღარ შეიხვედროს.. შენი კაი ქალობით ჩვენც გაგ-
ვახარებ... დედაშენსაც სიცოცხლეს შემატებ... ანჩხლი და კაპასი იქ
არ ყოფილხარ და, იმეღია, არც აქ იქნები.

— უიმე! — კიდევე წამოიძახა ეკვირინემ.

— მორჩილი იყავი ქმრისაც და ამ პატიოსანი ადამიანისაც, შე-
ნი დედამთილის... ამით სახელიც კაი გექნება და ქალობაც ამით და-
ვიშვენდება... იმეღია, ყველაფერში ასე მოიქცევი და ყველას გვა-
სიამოვნებ... ახლა კი ნახვამდის!.. — და ბეგლარი თავისი სიცოცხ-
ლეში პირველად გადაეხვია დას და გამოსათხოვებლად გადააკონცა.

სონიამ, რომელიც აქამდის ხმაგაკმენდილი იდგა, თავდახრილი,
ტირილი დაიწყო. ცრემლები წამოუვიდა ეკვირინესაც.

— რა გატირებს, შე ქალო!.. სუ!.. არ გრცხვენია!.. სატირალი რა
ვაქვს... ქმარი კაი იშოვე, დედა და ოჯახი ისეთი, რომ...

— არაფერი მას არ მოაკლდება, შენი ჭირიმე, არაფერი! —
წამოიძახა გულაჩვილებულმა მოხუცებულმა. — ვაი ქალის ბრალის!..

— სუ, ნუ ტირი, ნუ ტირი, სონია!.. შენ ნუ მომიკვდები, მე
ბშირად ვივლი, თუ თავს არ შეგაწყენთ და მიმიღებთ!.. — იხუმრა
ბეგლარმა.

— ნეტავი კი ინებებდეთ და! — ერთხმად შესძახეს ორივე დედა-
შვილმა.

— ტირის?! — წამოიძახა პორფირიმ, რომელმაც ის იყო მათთან
მოიბრძინა. — არ გრცხვენია, სონია? კაი. შე ქალო!.. შენ ნუ მომი-
კვდები, ყოველ კვირა გიწიკავ შენი სახლის ამბავს; როგორც კაი
ფაჩტალაონის!..

— მშვიდობით ბრძანდებოდეთ!.. ღმერთმა პირნათლად გვამყო-
ფოს ჩვენ თქვენთან და თქვენც ჩვენთან! — ღამილით თქვა ბეგ-
ლარმა და მიუბრუნდა ეკვირინეს: — მადლობელი ვარ პატივისცე-
მისათვის. დამათვრეთ, ღვინოში კინალამ ჩამკალით, მარა შემარ-
თოს!.. ხათრი ვეღარ გაგიტეხე, იმიტო რომ დღეიდან დედა ხართ
ჩემიც, მეორე დედა... ისეთივე ძვირფასი და საყვარელი, როგორც
მშობელი. უფალს ვთხოვ, რომ კადევე დიდხანს მენახოთ მშვიდო-
ბითა და მხიარულად!.. — და ბეგლარმა ხელზე აკოცა.

მოსუცებული ქალი ამას სრულიად არ მოელოდა და კინალამ
ქკუიდან შეიშალა გაოცებულად.

ყველანი გამოეთხოვნენ მასპინძელს და გაუდგნენ თავთავიანთ გზას. პორფირის სიცილად არ ჰყოფნიდა გზაში ბეგლარის საქციელი ჭამუშაძის მოხუცებულთან და ბეგლარიც ყოველ ამის გახსენებაზე იქით-აქეთ იპურკეებოდა და ტუჩებს იწმენდავდა ცხვირსახოცით.

— კაი, თუ ძმა ხარ, ნულა გამახსენებ, იმწამსვე გულს მეყრება!.. რა სისულელე ვქენი მეცა.. ფუ!.. — ამბობდა ბეგლარი და პორფირი ისევ ხარხარებდა და სიცილით კედებოდა.

ამასობაში კი ეკვირინე აღტაცებით ეუბნებოდა შვილს:

— ღმერთაჲ ყვარებახარ, შვილო, სწორედ ყვარებიხარ და შენთვის კაი ნდომებია, ამისთანა კეთილები რამ შეგაძენია!.. რა პატროსანი, კვეიანი, კეთილი და რა თავდაბალი თავის ღირსებასთან!.. ნეტავი თუ მეორე იყვეს ვინმე მაგის მსგავსი? ვაჰ. ნეტავი დედას. ამისთანა შვილი რომ ეყოლება, ნეტავი იმას! რარიგად მოუყვა, რა დარიგება მისცა, ვენაცვალე მას, რეები უთხრა? იმას მიეცა ყოველივე სიკეთე და სიხარული.. მე რა მიქნა, მე... ხა, ხა, ხა! ღმერთო მომკალი, რა მისა საკადრისი იყო, მისი ლამაზი ტუჩები ამ ჩემს დამპყვნარ ხელებს შეხებოდა!.. კი არ შეიზიზღა!.. ნეტავი თუ რამე ჯობდეს შესმენილსა და განათლებულ კაცს... თავისათვისაც კარგი და შენც გაგაკეთებს და გაგანათლებს, თუ მიგიახლოვა... ბედნიერი კაცო ყოფილხარ, შვილო, ნამდვილად ბედნიერი!.. აწი ნულარაფრის შიში ნუ გაქვს... არაფერი არ უნდა იდარღო, როგორც კი არ გიდარდებია ახლა კიდევ უფრო!..

— ეგ კი, მარა... ხარჯიც ბევრი მოგვევიდა, დედა! — მისდა უნებურად ამოხდა სიტყვა გულის სიღრმიდან ოტიას.

— რა ვუყოთ, შვილო?! მართალია, მარა არ უნდა ინანო... ღმერთი მოგცემს... ღმერთი მოგცემს... აბა რა გზა გქონდა მეტი, შვილო. შენი თავის შერცხვენა — შენი მოყვრების შერცხვენა იქნებოდა... არა, შვილო, ასე ჯობია, ყმაწვილ ქალსაც გული გოუკეთდება, ამ თავიდანვე მზიარულად და იმედიანად შეხედავს მომავალს... იმას რა სჯობია, რომ ყველა კმაყოფილი წვევიდ-წამოვიდა და შენ მაქებარი... არაფერია, შვილო, ღმერთი მოგცემს, ღმერთი მოგცემს!.. იმის იმედით ვართ ყველანი!.. — ანუგეშებდა ეკვირინე შვილს. — რავარც კაი ცოლს შეგყარა, ისე სხვა სიკეთესაც ბევრს შეგყარის, შვილო... ახლა მიდი, შენ ვენაცვალე, იმ შენს ცოლს ხმა გაეცი... საწყალი ჯერ კიდევ უცხოვდ არის... არ მოსწყინდეს... მე კი სადილს

პივადგები... მიდი, მიდი, შვილო, შენგან ყველაფერი იამება იმას...
პარტოდაა, ვენაცვალე მის სახელს!..

სონია მარტო იყო ოთახში და მუთაქაზე მიწოლილი მართლაც
პოწყენილი მისჩერებოდა კვამლისაგან გაშავებულ ოთახის დაბალ
კედელს. ეს ყოველ მხრით მარტოდ ყოფნა იმ სიჩუმესთან, რომე-
ლიც მის გარშემო სუფევდა, ეს დაბალი გახრიგნილი ოთახი, სანა-
ხევროდ ჩამობნელებული, ყოველივე ეს სულს უხუთავდა და გულს
უწუხებდა. იგი წამოდგა და ნელი ნაბიჯით მივიდა კარებთან, კარის
ჩარჩოს მიაწვა და ეზოში მზერა დაიწყო. კარგა ხანს იდგა ასე სო-
ნია, მაგრამ ვერც იმ სურათმა, მის თვალწინ რომ იშლებოდა, თავის
სალამაზით გული ვერ გაუხსნა და სევდა ვერ გადუყარა. ეს სიჩუმე,
ეს მიყრუებულობა-მივიარდნილობა უფრო უმძიმებდა გულს და
ალონებდა.

— ღმერთო ჩემო, ამ მიყრუებულში უნდა დავლიო ჩემი სი-
ცოცხლე? — გაიფიქრა მან და რაღაცამ თითქოს ყელში წაუჭირაო
და თანვე თვალეებში ჩამოებინდა. სცადა თავს შეებრძოლებოდა, თა-
ვი შეემთავრებინა, მაგრამ ვეღარ მოახერხა და ცრემლები ნაკადუ-
ლივით წამოსკდა თვალეებიდან. მიტრიალდა და ტახტზე მილაგებულ
ქვეშაგებში ჩაპყო თავი.

ოტია მოდგა კარებთან, დაინახა სონია თავჩარგული ბალიშებ-
ში: იფიქრა, რომ უსათუოდ სძინავსო და გაბრუნდა უკან.

— დადალულია, შვილო, დადალულია.. იძინოს, იძინოს, ვენა-
ცვალე!.. ღონეზე მოვა! — ტკბილად და სიყვარულით წარმოთქვა
ეკვირინემ და ფუსუსტიას, რომელიც ერთი თვით მოიყვანა რძლის
ხელზე მოსამსახურედ პირველ ხანებში, მიაძახა: — სუ, ჩუმად გაა-
კეთე საქნარი!

რამდენიმე ხნის შემდეგ, როცა სადილობის ალომ მოაწია, ეკვი-
რინე თვითონ შევიდა რძალთან. ის კარებთან დაუხვდა სახედალო-
ნებულო.

— გამოიღვიძე, შვილო? კარგად თუ გეძინა მაინც?

... არ მძინებია, ბატონო! — მიუგო სონიამ.

... ჩემმა ოტიამ მითხრა, ძინავსო...

... ისე ვიწვიე...

... არ მოიწყინო, შენ გენაცვალე!.. დადალული ხარ. შენი ჭი-
რბე: ერთი გუნებითი ძილი კიდევაც გამოგაბრუნებდა, შენ ნუ მო-
მიკვდები!.. არ მოიწყინო, ჩემო მალსაზო და გვრიტო!.. მოსაწყენი
არაფერი არა გაქვს... აქეთ გეიხედე, იქით გეიხედე, შენი ლამაზი
თვალი გადაავლე აქაურობას და გუნებაზე დადგები... იმას ნუ შეუ-

შინდებ, შეილო, რომ ამისთანა პატარა სახლი დაგახვედრა შენმ-
ქმარმა... ბევრს არც ამისთანა აქვს, შენი ქმრის ნათესავენს კი არა,
სწევბსაც... ღმერთი ღონეს და შეძლებას მოგცემთ და კიდევაც გა-
ადიდებთ და უკეთესად მოაწყობთ... კარგი ქალი, შეილო, — გაი-
ლიმა ეკვირინემ, — ბევრ რამეს შემატებს ოჯახს... ქმარიც. ღვთის
მადლით, კაი გამრჩელი კაცი შეგხვდა... ჩემი შეილობით არ ვაქებ
შე იმას... ყველაფერი ეს თქვენი, გაუყოფლად, საკუთრად, შეილო.
რა გიჭირთ!.. იხარეთ, ისიამტკბილეთ. იცხოვრეთ ბედნიერად!.. ასე.
ჩემო სიცოცხლე! და ახლა თუ არ გეზარება, სადილობამდის. შენ-
თვის მაინც ცოტათი აღრეც არას სადილი, გვეიარ-გამოვიაროთ იმ
ჩვენს გარშემო, ნახე ეს შენი საცხოვრებელი, გულიც გაგიხალის-
დება, გაგიმზიარულდება და მერე უფრო მადიანდაც ჭამ სადილს.

სონიამ უარი არ უთხრა ამაზე. ეკვირინემ მიიღბინა მეორე კა-
რებთან და გოგოს მიაძახა, რომ არაფერი წაახდინო ჩვენს მოსვლამ-
დისო, გაიბერტყა ნაცარში ამოსვრილი კბა და ისევ მიიღბინა
რძალთან.

— აბა, წამოდი, შენ გენაცვალე! — და წაუძღვა სონიას.

ეზოს ერთ კუთხეში მალალი და ფართო შტოებგაშლილი კეინ-
ცხა იყო. ეკვირინემ რძალი აქეთ წამოიყვანა.

— აქანაი, შეილო, ჭურება გვაქვს, — ანიშნა მან ხის ქვეშ ყა-
რებით გადაფარებულ შეყრილ მიწაზე. ამ ყაერებს უნდა დაეფარა.
რომ წვიმის დროს წყალი არ ჩასულიყო ჭურებში... — იცოცხლე,
შეილო, ამ ჭურებში შარშან ღვინოები ჩაისხა!.. საპალნე რატომ ოცრ
მანეთიც არ ღირდა, ისეთი რამ მშვენიერი იყო... აძლიეს კიდევაც
თექვსმეტი მანეთი, მეტსაც მისცემდნენ. მარა არ შეეღია... ძნელი
შესალეგია, შეილო... კაი ღვინო ოჯახის დამამშვენიებელია... წრეულ-
საც, იმედია, ღმერთი უფრო უკეთესს მოგვცემს... ღვთის მადლით,
ვენახი კარგი გვაქვს, თუ არა შენი ლამაზი თვალებით ნახავ ეხლა-
ვე... ისეთი მტევნები ასხია. თითოსაგან რატომ ბოთლი ღვინო არ
გამოაწურება...

რადგანაც აქ მეტი სანახავი აღარაფერი იყო, მოხუცებულმა პა-
ტარა, დაბალ მოღობილისაკენ წაიყვანა სონია. აქ გააღო გადასა-
ბიჯზე ღვლერჭით ჩამოკიდებული პაწია წყნელის ქიშკარი, ჭერ თვი-
თონ გადავიდა და მერე რძალი გადაიყვანა.

აქ ბოსტანი ჰქონდა ეკვირინეს. ვიწრო, გრძელ, კოლბოხებით
საესე კვლებზე მოჩანდა ზოგან ხახვი, ზოგან ნიახური. ოხრაბუში,
პრასა, ქინძი, საზამთრო, ფხალი, სალათა. და აქა-იქ გრძელი ბად-
რიჯანი.

— ბოსტანი მქონდა, შენ გენაცვალე, ისეთი ბოსტანი, რომ მართო ერთი შეხედვით გული გაგეხსნებოდა... ქალი უკეთესს ვერ დეიხებოდა, მარა რად გინდა, ვერ დევიცევი, ასე გამითხარეს ქათმებმა, — ჩემპაც და სხვისმაც!.. ვერაფრით ვერ შემოვუარე!.. იცოცხლე, ეს ხახვი, ესლა ამას რომ ხედავ, ეს რაა იმასთან, შარშან რომ იყო... გადვირია, ბატონო, გადვირია, მარა რანვირად!.. ვილამ მოლია!.. ექვსი ბათმანი სულ ამხელ-ამხელა თავები შევინახე საზამთროდ... და ეს სალათა... ჰმ, იმდენი იყო, რომ მთელი მეზობლობა გაეაჭრე მაგით... წრეულს კი ასე დაემართა. ველარც სალათაა იმისთანა და ველარც ხახვი... ამ ქლაკვმაც თავზე ლაფი დაიხსა... რუსული პატრიჯანი რომაა, მანიდორას რომ უძახიან, იგიც მქონდა, წრეულს კი, რა დაემართა. აღარ ვიცი, სულ აღარ ამოსულა... მაგივრად ნესვი, კიტრი იყო იმდონი, რომ კინალამ დევიხაშმემთ!.. შეგვეშინდა, რომ ავადმყოფობა არ გაეჩინა და სულ ავთხარეთ და გადავუყარეთ ღორებს... გაისადაც ძალიანი ბოსტანი გაკეთდება, შვილო. კიდევ უკეთესი. ცოცხალი ვიყვეთ და!.. ცხენებით ვაწიკვიებთ ოტიას შენს სახლში აქაურ მწვანელს... მათთვის ეგ არაფერი იქნება. საყიდელი საშუალება ბევრი ექნებათ, მარა აქიდან მისული მაინც იამება დედაშენს... კი, ჩემო სიცოცხლე!

დედის გახსენება სწორედ ვერ მოუვიდა დროზე ეკვირინეს. მისი რძლის გულს ვერაფრად ახალისებდა, რასაც ხედავდა ამ წამში. ნამეტურ ეს ყოველ სიტყვაზე შარშანდელი წლის ხსენება ცუდად მოქმედებდა მასზე და რაღაც ექვში შეჰყავდა აქაურ გაქირვებულ ცხოვრების შესაძლებლობაზე. თუმცა ასე აიძვებდა მისი დედამთილი. ამას ზედ დაერთო დედის გახსენება, რამაც კიდევ უფრო დაუმძიმა გული. მოხუცებული კი ისევ რაღაცეებს ლაპარაკობდა. ამ ლაპარაკით გადმოვიდა ბოსტნიდან, დაეშვა ქვევით და, ბოჭებზე შეპოლიკებულ პატარა მოწნულს რომ მიუახლოვდნენ, თქვა:

— ეს სასიმიინდეა, შვილო! ამ ცოტა ხნის შემდეგ თავამდინ ავაკსებთ მაგას ვერცხლისფერი სიმიინდეით. სულ გადენა ამ თეთრმა სიმიინდმა წინანდელი ყვითელი, — მეტ წყალს ისხამს ზელაში და უფრო ხვავიანია გამოცხობაში. იცოცხლე. შარშან მაგაში ჩეიყარა და რამდენი მოგვრჩა კიდევ, რომ ადგილი ველარ ვუშოვეთ, — სულ მოვყარეთ ოთანა თავი! წრეულსაც ასე იქნება!

მაგრამ, მიუხედავად ამისა, ეკვირინემ მაინც არ ჩაახედვინა რძალს სასიმიინდეში, ქვევით ჩაატარა და ვენახში გადაიყვანა. ეს ადგილი, სულ ცოტა რომ ვთქვათ, იქნებოდა ნახევარი ქვევა. ვენახი კარგად გამოწმენდილი და მოვლილი იყო; ფოთოლზე ეტყო-

ბოდა, რომ ნაწამლიც იყო შაბიამანი; აქა-იქ ფილოქსერის ნამოქმედარიც ეტყობოდა — ამოქმულივით იყო გამხმარი ვაზის ამონათ-
ნარ ადგილებზე. ვაზს მართლა კარგად ესხა, მარცვლიც კარგი იყო, მაგრამ ერთის კი არა, ვერც ოცი მტევნის გამონაწური გაავსებდა ბოთლსა, რადგან მტევნები პატარები იყო.

— ოჰ, რა ღვინო იცის აჰან, რა ღვინო ამას შეხედე ერთი რას ჰგავს, რას! — აღტაცებით გაიძახოდა ეკვირინე. — მე და დედაშენი ერთი ისე თავისუფალ დროს, ცალკე, უნდა დაუთვრეთ ამის ღვინოთ, ჩემო სონია! უსათუოდ, ხა, ხა, ხა! — გაღიხარბარა მოხუცებულმა. — და შენც, შენც ჩვენთან... შენც უნდა გამოიმეტო თავი!

ამ სიცილით ბოლომდის ჩაიარა ეკვირინემ და როცა მიადგა ღობეს ვენახის ბოლოში, გადაღმა გაღიხედა, სიცილიც შესწყვიტა უცებ და ერთი ღრმად ამოიოხრა და თავი გაიქნია.

— ეს ადგილიც... ამ ნაჭერს, რასაც ხედავ, შვილო, ესეც ჩვენი იყო, მარა ბიძამისმა ომანმა წაართვა შენს ქმარს. რაც იმან ილავი-დარაბა, იღლიტა — ღმერთი არ დააყრის ბარაქას მას! რა არ ჩეი-დინა, რა საშუალება არ იხმარა! დიდი ცოდვილიანი კაცია ის უბედური და კიდევაც ისე უბედურად მიღის მისი ცხოვრება... ყოველ წელიწადს ნააღდგომებიდან მშვიერი უყრია ოჯახობა. ისე გაოხრდა, რომ ყაზახებში ვერ გამოარჩევ და ნურც გაგაცნოს მისი თავი ღმერთმა... ჩვენ აღარც კი ვეკარებით ერთმანეთს. ახლა იყვეს საქმე, ნახავდა რაღა წაართმევდა ჩემს შვილს მაგას და აწი ხომ სულსაც ეღარ დაბერავს! სამი ძარი სიმიინდი მოდიოდა ხანდახან, ასეთი ადგილია! გული მეტკინება, ახლოს რომ გევიელი ამ ადგილთან... ჰაი, ჰაი, ჰაი! სად იყვნენ მაშინ ამისთანა შემწეები, ახლა რომ ჰყავს ჩემს შვილს! ვინ რას გოუბედავდა!

ახლა უკან გამობრუნდა ეკვირინე და ისევ დაიწყო რძლის გასახალისებლად იქაური ამბებისა და მდგომარეობის გაზვიადებით მოთხრობა, ასე რომ მისი ზომაზე გადამეტებული სიტყვა ნამეტანი ცხადი იყო. ერთი თითქმის გამხმარი ლეღე ისეთად გამოჰყავდა, რომ თითქოს მისთანა მთელ სოფელში არ ყოფილიყო; პანტა-ვაშლი წრეულს მოუბმელი იყო — ისეთი ვაშლის მომსხმელი. მისი სიტყვით, რომ ორ წელიწადს გაიტანდა მითი თავს კაციო... ქლიავეი, ბალი, ჭანჭური, უხაბიც კი...

— ყველაფერია, შვილო, ყველაფერია... ხილი, სულ ნარჩევი და საგანგებო რამ! ყველაფერი საქმაო გაქვთ, შვილო! გული მხიარულად იქონიე, ნურათრის დარდი ნუ გექნება! ყველაფერია, ღვთის მადლით... სხვას, ზოგიერთს, ამისი ნახევარიც არ მოეძებნება, თქვენ

კინ შეგედრებათ! ეს ხომ ასე, რასაც ამას ხელაღ შენი ბედნიერი
თვალებით, და ამას გარდა გადაღმაცა გვაქვს კიდევ ადგილები...
სარჩოს მომტანი ადგილებია. ასე, შენ გენაცვალე!

მოხუცებულის სიტყვები ახლა უსიამოვნოდ ხედებოდა სონიას
კულს, ატყობდა აშკარად გაბერვით ლაპარაკს, სწყინდა, რადგან
მაში ხელაღდა დედამთილის განზრახვას, მოეტყუებინა იგი. ნამდვი-
ლად კი ეკვირანეს ღრმად სწავდა თავისი ოჯახის კეთილშეშობა-
და და ახლა მხოლოდ ნატრულობდა, ეგვეე რწმენა ჩაენერგა რძლის
ვულშიაც. მაგრამ მეცადინეობა ამაო იყო; ყმაწვილი ქალი არამც
თუ ვერ დაარწმუნა, რომ მას არაფერი უჭირდა, არამედ უფრო და-
ლონა და ექვეში შეიყვანა.

„თუ ის გადაღმა ადგილებიც ამგვარივეა!“ — ფიქრობდა იგი და
შემაწუხებელი, გამოურკვეველი სევდა აწევებოდა მის გულს.

— ბატონურად იცხოვრებთ, შეილებო! თქვენისთანა ბედი ძვი-
რია ჩვენობაში და ბევრისათვის სანატრელია... სოფელიც თქვენია,
შვილო, და ქალაქიც — ლიკლიკებდა ეკვირინე. — აბა სხვებსაც
კი არ გაქვთ საქმე, ნახევარი წლობით უქადოთ რომ აგდიან!

„ნახევარი წლობით უქადოთ აგდიან!“ — გაიმეორა სონიამ გუ-
ნებაში...

გახალისების მაგივრად ამ გადათვალთვრებამ უარესად ჯავრში
ჩააგდო ყმაწვილი ქალი. ამ თავის შეუძლებლობის გაცნობამ მისი
კონება სულ სხვანაირად აამუშავა, ვიდრე ეს ეკვირინეს ეგონა.
სონია ახლა მხოლოდ ერთმა დარღმა გაიტაცა: თუ ეს იყო მთლად
მისი ქმრის ქონება, მხოლოდ ამის პატრონი იყო, ამაზე იდგა მარ-
ტო, რარიგად შეიძლებენ შემდეგში კმაყოფილ ცხოვრებას, რა სა-
ბით უნდა მოეხერხებინათ ოჯახის გამოტანა?

„რისი იმედი თაა? რა აქვთ კიდევ საიმედო?“ — ეკითხებოდა თა-
ვისათვის სონია გუნებაში და მთლად მისი ფიქრი ახლა იქით მი-
სართ: — ვაეგო, თავის თვალათ დაენახა ყოველივე. რაც ან ოჯახს
ლონეს აძლევდა, მას ამაგრებდა და საშუალებას აძლევდა მომავ-
ლისათვის.

„ანდა შეიძლება მომატყუეს და მოტყუებით ჩამომათრიეს“, —
კატრბინა ერთმა აზრმა ყმაწვილ ქალს.

და ეს მდგომარეობა მით უმეტეს დღიდან დღე და უფრო და
უფრო იმიტომაც მწვავე და შემაწუხებელი ხდებოდა მისთვის, რომ
ეზოს გადაღმა ფეხის გადადგმა არ შეეძლო. წირვაზე წასვლაც კი
ძოუხერხებელი იყო, სანამ, სოფლის ჩვეულებისამებრ, ვისიმე ჯვრის
წერისათვის არ აყურებიდნენ და, ამ პირობებში მყოფს, რარი-

გად შეეძლო ვისმეს დაახლოვებოდა, ვისმესაგან ცოტაოდენი მაინც მართალი სიტყვა გაეგონა ამ ოჯახზე, ამ პირებზე, რომელთა შორისაც იგი ასე მოულოდნელად ჩამოვარდა.

ოტიამ ვითომ მოიწადინა ამ დატყვევებულობისაგან ცოლის განთავისუფლება, მაგრამ მისი დედა ერთობ წინააღმდეგი იყო და ოტიამაც არჩია არ ეწყენინებინა მოხუცისათვის, მით უფრო, რომ, მისი აზრით, მომავალშიც ბევრი რამ შეხვდებრდათ ორივე ცოლქმარს მასთან სადავო, როგორც ძველი ჩვეულების ადამიანთან.

— ყოველისფერი ჩვეულება კი არ უნდა დაგმოთ, შვილებო! ამისთანაებში ყველა დაგძრახავთ და ღმერთსაც აწყენინებთ... ისე შეპყევით ამთავიდანვე, რომ ნურავის ნუ გვირისხავთ ნუ, შევიღებო... ამას უნდა ერიდოთ.. მოთმინება იქონიეთ..

კარგა ხანს დასჭირდათ ამ მოთმინებით ყოფნა და ცოლთან დარცხვნილმა ოტიამ, ის იყო, კიდევაც გადაწყვიტა მეტხანს აღარ ედარაჯებინა ჩვეულების ასასრულებლად, რომ ერთ საღამოს ამბავი მოუვიდათ, — ვიღაც ერთი იქაური გლეხი ქალიშვილს ათხოვებსო. ჯვარისწერაზე დასასწრებლად საღამოს ორივე რძალ-დედამთილი მოეწყვენ და ეკლესიისაკენ გაემართნენ.

ბნელ საყდარში უკვე ხალხი ფუსფუსებდა; შიგ ერთი ხმაურობა, ხმამალალი ლაპარაკი და სიცილ-ხითხითი ისმოდა. შემოსილნი მღვდელი უნაყოფოდ თხოულობდა დაწყნარებულებს, დამშვიდებულებს და ეცლიათ მისთვის საიდუმლოების აღსრულება. სანამ, გაგულისებულნი მათი გაუგონებლობით, არ შეუწყრა და დაემუქრა ყველას გარეთ გაყრას, თუ კიდევ ვინმე ხმის ამოღებას გაბედავდა.

— ყველას გარეთ გაგყრიეთ, ყველას, იცოდეთ — გაიმეორა მღვდელმა და ხალხს გადახედა. — უა... უკაცრავად, უკაცრავად, ბატონო! — წამოიძახა მან უცებ, რადგან თავის გვერდით მღვდონი ეკვირინე და სონია მხოლოდ ახლა შენიშნა. — უკაცრავად, ბატონო, უკაცრავად თქვენთან.. უცნაური ხალხია, ბატონო, უცნაური... ნამეტანი შეესმენელი ხალხია... დეიწიეთ, დეიწიეთ.. არ გესმით, თუ როგორაა — იძახოდა პატარა, ჩივდა მღვდელი, მაგრამ ეტყობოდა, რომ ხალხი არაფრად ეპუებოდა და მაინცდამაინც დიდ ყურადღებას არ აქცევდა მის წყრომას.

— აქეთ მობრძანდით, ბატონო, აქეთ, მანდ შეგაწუხებენი — თავაზიანად და ღიმილით მიმართა სონიას და ეკვირინეს და საკურთხეველთან ანიშნა მათ ადგილი. — აქეთ მობრძანდით, თვარა ზურგზე შეგდგებიან, ისეთი მოურიდებელი ხალხია... ღვინო დავიწყებინი

შეჩვენებულ მნათეს... გავაქციე მოსატანად... შევაჩერე საიდუმლოება... ხომ მშვიდობით ბძანდებით? ხომ არ მოგწყინდათ, ბატონო? — მიმართა მან სონიას, რომელთანაც გაცნობილი იყო მის მოყვანით. — ღვთის მადლით, არც სულ ისე ურიგო გახლავთ, მგონია, ჩვენი სოფელი, რომ კაცმა აქ ვერ გაძლოს.. მერე რაკი ბედი დაიბალი იქნება, მით უფრო ადვილი შესათვისებელია! — დაატანა მან სახეზე ღიმილმორეულმა.

ხალხი ცოტა ხნით დაწყნარდა, უფრო უცხო ქალის ხათრით, მაგრამ მალე ისევ ახმაურდა; ისევ ერთი ხითხითი და სიცილი ისმოდა. ნამეტურ როცა აქლოშინებულმა მნათემ ღვინო მოარბენინა და მღვდლისაგან მიწვდილ სასმისს დედოფალმა ოღნავ შეახო ტუჩები. მეფემ კი მთლად გამოცალა, ასე რომ მღვდელმა შენაშენა მისცა, რიგაიანად უნდა მოიქცეო.

ამ ქრამულსა და ყუიანში გათავდა ჯვარისწერაც. ნეფე-დედოფალი ახმაურებულ ხალხში ძლივს გამოიყვანეს ეკლესიიდან. შეიქნა ღამეში დამბაჩებისა და რევილვერების ბათქაბუთქი, რითაც დაშინებული ხალხი, — მარცხი რამ არ მოსელოდათ, ვინმე არ დაშავებულაიყო, — ახლა ისევ აყაყანდა.

-- ნელა, ნელა... კაცი არ მოჰკლათ!

-- დაანებეთ თავი ამ რჯულ-ძალს!.. თავი დაანებეთ, ცოდვა არ მოხდეს რამე!

მაგრამ გამგონი მაინც არავინ იყო. ამ ხმაურობით და ხრიალ-ღრიალით ნეფე-დედოფალს გაუძღვნენ სახლისკენ და კიდევ კარგახანს ესმოდათ შინისაკენ გაბრუნებულ ეკვირინეს და მის რძალს მაყრების ხმა და მათი სიმღერა.

— აი, ახლა, შვილო, ამ კვირას წირვაზედაც შეგიძლია გასვიდე და კიდევაც გავალთ, როგორც რიგი და წესია... კაცი ველარათერს იტყვის, თვარა, შვილო, სოფელი ოხერი მიმთქმელ-მომთქმელია... კი, მართალაა, შენზე ვინ რას გაბედავს თქვას ან დაგძრახოს. მარა მაინც ასე ჯობია, ასე ჯობია, შვილო.

შებათ საღამოს აღრიანად ჰამეს ვახშაძი. რადგან ბევრი რამე საქმე ჰქონდათ ხვალისათვის, ეკვირინეს სიტყვით: წირვაზე პირველად გასასვლელად უნდა მოემზადებინა რძალი. ნავახშმევს მან თავის ხელით დაუსხა წყალი სონიას და სურნელოვანი საპნით, თავისავე ხელით, შეუფუთნა თავ-პირი, რომ ღამის ასე გათვევით ლოყები გაბიჯუნებოდა და უფრო პირსუქნად ჩვენებოდა; თუმცა ისედაც გვიანობამდის არ იძინებდნენ, მაგრამ იმ დღეს ეკვირინემ ჩვეულბერივზე უფრო აღრიანად დააწვინა რძალი და თხოვა, შეევედ-

რა, ყველაფერი დააფიცა, აღრე ნუ აღგები, ძილი, რაც შეიძლება, მოასრულე, კაი გუნებაზე აღეჭი და კარგი ფერიც გექნებაო. დილას შუშით თავისი უმარული მოურბენინა პუდრის მაგიერ. ეს უმარული, — ამბობდა ეკვირინე, — საგანგებოდ მომიტანეს საჩუქრად და ერთობ ათეთრებს პირსო. წარბებზე კაკლის დამწვარი გული გადასმევიანა წარბების გასამშვენებლად და ასაბზინებლად. ზოგიერთი ამგვარები წინათაც იცოდა სონიამ, მაგრამ დედამთილმა მაინც ბევრი რამ ასწავლა და ურჩია. ერთი სიტყვით, ეკვირინემ ყველაფერი გაიხსენა, ყველაფერა მოიგონა და არ დააკლო რძალს მისი თავის გამოსაჩენად.

— ხალხს ისეთი უნდა ეჩვენო, შვილო, რომ მტერს თვალი დოუდგეს, გული მოუკლა და ენა მუცელში ჩაუგდო!.. ძალათი, რომ არ უნდოდეს, მაინც ათქმევინო შენი თავის ქება, აბა!..

ამაზე სონიასაც კი გაეცინა. ამოდენა ფუსფუსისა და მზადების შემდეგ მასაც სხვანაირად უცემდა გული და ამ გულის ფანცქალით გაემართა იგი, ყოველ მზადებას გადარჩენილი, ეკლესიისაკენ. ეკვირინეც ისე გამოეწყო და ისე გამოიყურებოდა, რომ თითქოს გაყმაწვილებულაო.

— შენ გენაცვალე, გვრიტი ხარ, გვრიტი!.. დავასხი თავსლაფი, ვინც შენ არ მოგიწონოს!.. თავსლაფი დავასხი! — იძახოდა იგი, რძალს რომ თვალს აავლებ-ჩაავლებდა.

ეს თავსლაფის მიძღვნა ვისზედაც ყოფილიყო, რასაკვირველია არ შეეხამებოდა და არ შეეფერებოდა ამგვარად გამოწყობილ კრებულს, მაგრამ ადვილი მისატყვებელი უნდა ყოფილიყო, რადგან ეკვირინეს საესე გულის ამონახეთქი იყო და ამ დროს კაცი თავს აღარ ემორჩალება ხოლმე.

ოტიაც თავმომწონედ მოჰყვებოდა უკან ცოლსა და დედას, თეთრ ჩოხაში, სატინის ახალუხით, ახალი წულა-მესტებით და დაბალი კვარაქინა ქუდით. რომ რიგიანი შეხედულება ჰქონდა, ამას თვითონაც ჰგარძნობდა, და რადგან წინაც ისეთი ცოლი მიუყვებოდა, როგორც სონია, მისი თავმომწონეობა ადვილი მისახვედრი და გასამართლებელიც იყო.

გზა სულ ორლობეებში მიდიოდა. მარჯვნივ და მარცხნივ ჩანდნენ მოსახლეება: ზოგან დაბალი, პატარა ოდები, ყაყრით დახურული; ზოგან ისლით ნახური ძელულები, იქვე მიკრუნჩხული; ხშირად, ბევრგან ჩალის სახურავით დახურული სასიმიინდეებიც მოჩანდა. დაუკვირვებელი თვალისთვისაც ადვილი შესამჩნევი იყო,

რომ ამათში გაჭირვება და შევიწროვებული ცხოვრება უნდა ყოფილიყო დაბუღებული.

რადგან მზადებას ბევრი დრო დასჭირდა, ქამუშაძეებმა მხოლოდ შუა წირვას მიუსწრეს. პატარა ეკლესია შიგნით ხალხით იყო სავსე, მაგრამ ეკვირინემ იმდენი იმეცადინა, მისწი-მოსწია ქალები იქით-აქეთ მოურიღებლად, რომ წინ გაიყვანა რძალი და თვალსა-ჩინო ადგილზე წააყენა.

მწირველი მღვდლის გაურკვეველ მეტყველებასა და დიაკვნის ხანტ ლილინზე ჩათვლემილი ქალები ამათმა მოსვლამ გამოათხიზლა. ეველა ცდილობდა პატარძლის თუ კარგად დანახვას არა, ერთი თვალი მაინც რომ მოეკრა. მოშორებით მყოფნი ცერებზე დგებოდნენ და ცდილობდნენ შეეხედნათ სონიასათვის და დაეკმაყოფილებინათ თავიანთი ცნობისმოყვარეობა. სონია გრძნობდა მასზე მიჩენილებულ მრავალ მსინჯავ თვალს და უძრავად იდგა დამორცხვებული.

ეკვირინე გულმხურვალედ ლოცულობდა, რამდენჯერმე მეტანიო გააკეთა და გულმოდგინედ პირჯვარს ისახავდა. თითქოს ამით უნდოდა ყველასათვის დაენახვებინა, უფალს მადლობა ეწირავ იმისთვის, რომ ასეთი კარგი რძალი შემახვედრაო.

გათავდა წირვა, ხალხი გალაქანში გამოეთინა. ეკვირინემ კი რძალი ეელოჯაის ასაღებად მიიყვანა მღვდელთან, რომელმაც ამის ბოძების შემდეგ მარჯვნივ ანიშნა, სადაც კანკელზე, ხატების მაგიერ, ქაღალდებზე აჭრელებულად დახატული წმინდანების სახეები იყო მიწებებული აქა-იქ და ამათ შორის ესეენა ეკლესიის მფარველი წმინდანის ძველი ხატიც, რომლის წინაშეც რძალ-დედამთილმა მუჩილები მოიყარეს, ემთხვეოდნენ და ფული მიართვეს, შეჰაწირავი. რის შემდეგ გამოვიდნენ საყდრიდან და პირდაპირ გაემართნენ ნიგვზებისაკენ, სადაც ჩრდილში, ჩვეულებისამებრ, საფლავის ქვაზე ჩამოსხნადარნი იყვნენ აქაურა აზნაურის ქალები.

რძალ-დედამთილის მიახლოებაზე, უცნობი ქალის პატივსაცემლად, თითქმის ყველანი წამოდგნენ და შეეგებნენ უცხო პატარძალს სიტყვაუთქმელად, მხოლოდ ხელის ჩამორთმევით. ხელის ჩამორთმევის შემდეგ სონიას და მის დედამთილსაც დაუთმეს ადგილი და ყველანი ისევ ჩამოსხნდნენ.

ჩამოვარდა სიჩუმე, ხმას არავინ იღებდა.

— მომილოცავს, ბატონო ეკვირინე, შვილის ვაბედნიერება! — გადასწია თავი ეკვირინესკენ პირსავსე, წითურ ლოყებიანმა, ფაქიზად ჩაცმულმა დარბაისელმა ქალმა: — დიდად სასიამოვნოა, ღვათის წინაშე!

ეს იყო სარდიონ ქველიძის ცოლი, მათათი.

— მოგვილოცავს, მოგვილოცავს! — აპყენენ ამას სხვებიც.

— მადლობელი ვარ... მადლობელი! — და იქით-აქეთ თავის დაკვირვებით მადლობას ეუბნებოდა ეკვირინე.

— ბედნიერი ქალი ყოფილხარ, ეკვირინე ჩემო! რა რძალი გიშოვნისა! — უთხრა ეკვირინეს ხმადაშვებით მის გვერდით მჯდომმა, შავებიანმა გამბდარმა ქალმა, — ბედნიერი ქალი ყოფილხარ!.. სახეზე ეტყობა ღვთისნიერი ადამიანობა, სახეზედვე!..

— ვმადლობ უფალს!.. რაც რომ იყოს, ჩვენზე დიდია და ვერც ვიფიქრებდა, თუ ამისთანა რამეს მაღირსებდა ღმერთი!.. — ხმამაღლა თქვა ეკვირინემ.

მათათის ოღნაე შესამჩნევმა ღამილმა გადაუთამაშა სახეზე და ამავე დროს მისკენ მოიწია უკან მჯდარმა გრძელკაეებიანმა, ლოყებიჩავარდნილმა ქალმა, რომლის თვალები წინ წამოწეულ წარბებქვეშ მოუსვენრად ტრიალებდნენ. მოიწია და გადმოუჩურჩულა ტუჩების აბზუებით:

— მაგას დოუდგა თვალება!.. უკეთესი არ მიძებნიაო და არ ვიფიქრებდით!.. ასე ურცხვად!.. მაგას გოუსკდა თავი!.. კაი მაგას დაემართოს, კაი მაგას მოუთრევიას!..

— მაინც არაფერი არ უჭირს, ჩემო მანანა! — თქვა ხმადაბლა იქვე მჯდომმა შუა ხნის ქალმა, რომელმაც ყური მოჰკრა მანანას ნათქვამს.

— რითი აქებ, შე ქალო? — მოუბრუნდა ამას მანანა. — თუ საქება რამ აქვს, ამას ჩვენც დავინახავთ მერე და ასე ჩაჩხარვა გამიგონისა!.. საქებია გადმოუდღლაზავს თვალები, ცხვირი ჩემხელაზე გაზღია... და ახლავე გადაამეტა ყველა!.. — გესლიანად წაულაპარაკა მანანამ.

მოსაუბრე ჩაჩუმდა. მან იცოდა ამ ადამიანის შხამიანი ენის ამბავი და გასწყვიტა სიტყვა, რომ უარესები არ ეთქმევივნებინა გამოსარჩლების დროს.

სონია იჭდა მორცხვად ამ უცნობ ქალებში, რომელნიც ერთმანეთში ფუჩუნობდნენ, ხმა დაშვებით ლაპარაკობდნენ და რომელთაც საერთო ლაპარაკი როგორც წინათ, არც დღეს ეხერხებოდათ. მხოლოდ ისევ ქველიძის ცოლი თუ რამე ორიოდ სიტყვით მიმართავდა მას და ამაზე ხმას ამოიღებდა, რაზედაც ეკვირინეს გული მოსდებოდა. მისი აზრით, მათათი სცდიდა და განგებ ალაპარაკებდა სონიას, რომ, მორცხვად მყოფს, რამე შეშლოდა და მერე სასაცალოდ აელოთ იგი. მან ველარ მოითმინა და როცა მათათიმ ჰკითხა

სონიას, როგორ მოგწონს სოფელიო, ეკვირინემ აღარ აცალა რძალს ბმის ამოღება და დაასწრო პასუხი:

— რატომ არ მოეწონება, ჩემო ბატონო, სოფელაც მაგისია და ქალაქიც!

— ფშშ — ისე წაიფრუტუნა მანანამ, რომ ეკვირინეს ადვილად შეეძლო ყურიც მოეკრა.

ამ ქალის საქციელს ადვილად შეეძლო უსიამოვნება გამოეწვია აქ. მათათი წამოდგა.

— აწი სახლში წასვლა სჯობია, ვისაც შორი გზა აქვს! — და გამომშვიდობება დაიწყო. — ნინო, სახლში მივიღივართ, შვილო! — მიუბრუნდა აგი თავის ქალაშვილს, რომელიც იქვე მზიარულად ესაუბრებოდა ქალიშვილებს.

— კი, ბატონო, გიახლებით! — მიუგო ნინომ და თავის მოსაუბრეებს რომ გამოეთხოვა, მერე სონიასთან მივიდა პირგალიმებული, იმასაც ჩამოართვა ხელი და თავისი სასიამოვნო ხმით უთხრა, მშვიდობით ბრძანდებოდეთო, და დედას გაჰყვა.

სონიამ თვალი გააყოლა.

ეს ყმაწვილი ქალი მართლა და ლამაზი იყო და ამ სილამაზესთან მიმზიდველობაც ახლდა. მან ამ პირველ დანახვისთანავე და უბრალო გაცნობისთანავე მიიზიდა სონიას გული.

ნელ-ნელა სხვებმაც იწყეს წასვლა.

-- ჩვენც წავიდეთ, სონია ჩემო! -- წამოდგა ეკვირინე. — გლახუა, გლახუა! — იხმო მან შორიახლოს მდგარი გლეხი. — ჩემო გლახუა, ოტია ნახე და უთხარა, სახლში მიდიან-თქვეა ოპ, ნინო, ნინო. მოდი, მოდი, შე ქალო! — წამოიძახა ეკვირინემ და ხელი გაუწოდა განზე მდგარ გლეხის ღედაკაცს, რომელიც სიყვარულით მისჩერებოდა სოწიას და, ეტყობოდა, ვერ უბედავდა მიახლოებას.

— მოდი, ნინო!.. ეს ჩვენი ნათლიდედაა, სონია ჩემო... ჩვენი კეთილი და მირონი.

სონიამ ხელის ჩამორთმევა მოინდომა, მაგრამ ღედაკაცი უცებ დააფრინდა ხელზე და მოწიწებით დაუწყო კოცნა. სონიას შერცხვა და უცბად გამოჰგლიჯა ხელი. ღედაკაცი კი, რაც სიტყვა შესწევდა, ხელაპყრობილი ლოცავდა მას და ღმერთს სთხოვდა მათ ბედნიერ შეილიერობასა და გამრავლებას.

ამასობაში ოტიაც მოვიდა და მათ თანამგზავრებთან მზიარული მუსაიფით, გამარჯვებულებივით, ქამუშაძეებმა ჩამოიარეს გზა და სახლში მოვიდნენ.

— სულ შენდა სანახავად იყო გამოსული ამდენი ქალი, რაც

დღეს იქ იყო, სონია ჩემო. თვარა სხომის ამის შესამედსაც ვერ
ღეინახავ წარვაზე. და მე შენ გეტყვი, ცუდი რამეც ნახესი.. იფი.. კი
შემოგხედონ და დაგაკვირდნენ, შენ გენაცვალე, ეგებ ჩაცმა მინც
შენით ისწავლონ... თვარა მოიჩანთრებიან, თითქოს ტომრებში
იყვნენ გახვეულები..

ამ ხალხში გართობამ სონიაც სხვანაირ გუნებაზე დააყენა; ამ
პირველ ხანში თითქმის სრულიად გადაავიწყვა ამასწინათ გან-
ცდილა და ნაგრძნობი უსიამოვნება.

მან გამოკითხვა დაუწყო დედამთილს იმათზე, ვინც, ასე თუ ისე.
მიიქცია მისი ყურადღება, და ეკვირინე და ოტია დაწვრილებით უამ-
ბობდნენ ყველას ამბავს. ეკვირინე ნამეტანს უბზუებდა ტუჩს უმე-
ტესობას; ამგვარადვე მოიქცა, როცა ქველიძის ცოლზე ჩამოვარდა
ლაპარაკი. და როცა სონიამ მისი ქალიშვილი სიყვარულით მოიხ-
სენია და აღტაცება გამოთქვა მისი სილამაზის შესახებ, მოხუცე-
ბულმა ქალმა ერთი ხელები გადაშალა, ქვედა ტუჩი გადმოუშვა წინ
და წაილაპარაკა:

— მარტო სილამაზემ რა გაუკეთა, შეილო? ვის რა შემატა? სი-
ლამაზე დაკლებოდა და მის პატრონს მისი გასაძღომი ქონებოდა.
ის ერჩია, ჩემო სინათლე!

— რატომ, დედა, რატომ? ეტყობათ, კარგად უნდა იყვნენ, კარ-
გად ჩაცმულები არიან დედაც და შვილიც! — წამოიძახა სონიამ.

— ზევიდან გადაცმულს ნუ დოუჯერებ, შეილო! — წაართვა სიტ-
ყვა ეკვირინემ. — შენ კიდევ არ იცი ქვეყნიური ამბავი. ვაი, შეილო.
იქ კაი კაზის ქვეშ რამდენი ძონძი აცვია და რა მშვიერი კუჭია! შენ-
სავეთ კი არ არის ყველა, შენ დაგენაცვლე! მაგენიც მასე არიან:
სახლში ტიტვლები ყრილარიან და გარეთ რომ გამოვლენ, მოგა-
ჩვენებენ თავს, თითქოს რაღაც იყვნენ! ვისი, ვისი, და მაგარი ამბავი
კი ვიცი!

სონიას აღარ მოეწონა დედამთილის ასეთი ლაპარაკი; ამჟამად
იყო, მას რაღაც ჯავრი სჭირდა ქველიძის და ამიტომ ასე აზნობდა.
მათ თავს. მაგრამ ნინომ ისეთი შთაბეჭდილება მოახდინა მასზე, რომ
ეკვირინესაგან ნათქვამი საწყენად თუ უჩრჩებოდა, თორემ დაჯერე-
ბით ვერ დაჯერებდა. რომ ეს ნათქვამი მართალი იყო. მას არ უნ-
დოდა ქველიძეებზე ელაპარაკებინა დედამთილი და უცბათ წამოი-
ძახა:

— ის ვინაა, ის. ბატონო? კინალამ გადავირიე მისი შეხედვით.
რა ამბავში ის იყო, რაც ის ცმუტურობდა და რაღაცას გულისობდა!

რა უცნაური რამაა! მეც გადმომიბღვირა ერთი... რა დაუღუშავე ნე-
ტავი — სიცილით დაათავა სონიამ მანანაზე სიტყვა.

— სეფე მარუშიძის სიდედრია! — წამოიძახა ეკვირინემ. — იმას
კი აქვს საცმუტურებელი საქმე! აზნოუშვილი ვარო, სარს ეხევა
და საცოდავი, ორ ღღეში ერთხელ თუ გეიკეთებს ცხელ საქმელს.
ხანდახან ცივი ჭადიცი ენატრება საღირღნელად!

— რავა, ბატონო? — იკითხა გაოცებულმა სონიამ.

— არაფერი აქვთ, შვილო მტერსა და ავს, არაფერი!
სონია ჩაჩუმდა. მისი გული ამ სიტყვების გაგონებაზე უცნაუ-
რად მოიკუმშა და ეტყინა. ყოველივე ხალისიანობა უეცრად დაე-
კარგა.

„ჩვენც რომ არაფერი გვაქვს, მგონი...“ — გაურბინა მას თავში
და ამის შიშმა რეტი დაასხა.

— დეილალე, შვილო, გეტყობა. გირჩევნია მაგ. კაბა გეიხადო,
დროზე სადილი ვკამოთ და მერე ერთი თავისუფლად და გულია-
ნად მოისვენე! — უთხრა ეკვირინემ. — ე, რა ფერმა გადაგკრა... დ-
ღალულობისაა მაგ, შენ გენაცვალე!

და სანამ სონია თავის ოთახში ტანისამოსს გამოიცვლიდა ეკვი-
რინემ ფუსუტეის მომზადებული სადილიც გამოიტანა და სამივენი
მიუსხდნენ სუფრას. გოგოც იქვე დასვეს კუთხეში.

VI

ამ დღიდან სონიას ცხოვრებაც გამოიცვალა. ახლა იგი თანდათან
ეცნობოდა ქმრის ნათესავებსა და მეზობლებსაც. ზოგიერთნი კიდე-
ვაც კპატიუბდნენ და პატივსაცემლად სადილით უმასპინძლდე-
ბოდნენ. მასთან ყველანი დიდი მორიდებითა და პატივისცემით იყ-
ვნენ. სადაც მიდიოდა, ყველგან მეცადინობდნენ, რაც გაეწყობოდათ,
ქალაქურ წესზე გარჯილიყვნენ და მასპინძლობა-ბოდისებს დასას-
რული არ ჰქონდა, რადგან თითქმის ყველგან ნამეტანი ხელმოკ-
ლეობა და მოუწყობლობა ჩანდა.

— სოფლურად ასე ვიციით... მეტი არ გვეხერხება, რა ვქნათ, რა
გუყვით! — თითქმის ერთნიარად ესმოდა ყველგან, სადაც კი მისუ-
ლა სონია. ზოგიერთნი კი მიპატიუებასაც ვერ ჰბედავდნენ შეუძ-
ლებლობის გამო და, სხვადასხვა მიზეზის დასახელებით ეკვირინეს-
თან, მარჯვე დროისთვის სდებდნენ მისი, რძლის პატივისცემას. ერ-
თხელ, ოტიას ბიძის ლევან ქამუშაძის ცოლი, ეფროსინე, პირდაპირ,
დაუმალავად მოუყვა სონიას თავის ამბავს:

— ჩვენ ნუ დაგვემდურები, შეილო, ნუ დაგვემდურები, რომ ვერც გაპატივობთ და უპატივეცემლოდ რომ ხარ ჩვენგან. რითი დაგ-
პატივო, შეილო, რანაირად გცე პატივი?.. შენ რომ ჩვენი ამბავი და
მდგომარეობა იცოდე, შეგვიცოდებ და შეგვიბრალებ... სირცხვი-
ლია, თავის მოჭრაა, შენ გენაცვალე, ამას რომ გეუბნები, მარა რა-
ლაზე დაგიმალე, შეილო, რაობით დეიმალება ჩვენი ამბავი? ამასაც
შევესწართ, ჩემო ანგელოზო, უფალმა ასე მოიღო ჩვენი ამბავი
უფალმა ასე მოიღო ჩვენს თავზე.. მადლობა უფალს, მადლობა
უფალს, მადლობა — და ამ სიტყვებთან მოხუცებულმა ქალმა
ამ შარა გზაში, სადაც იგი შეხვდა სონიას, აღაპყრო ხელები
ზეცისაკენ და მისი თვალებიდან ცრემლები გადმოსცვიდ-
ნენ. — მარა, შენ რომ კაი ქალი ხარ, შესმენილი და გაგებუ-
ლი, ნუ დაგვკარგავ, შენ გენაცვალე, ამ ჩვენი გაჭირვებულობისა-
თვის... შენ მაინც დაადგი შენი ბედნიერი ფეხი შენი ბიძიას ქონში...
ნახე გაჭირვებული, გაახარე, დაგლოცავს, დაგიმადლებს... საწყალი
ველარსად მიდი-მოდის... ზცხვენია ქვეყნის, ასე საწყლად და უბე-
დურად რომ ჩაყარდა... სახლის გარეთ ველარავის ეჩვენება...

სონიას გული აუჩვილა ამ უცნაური ქალის ნაამბობმა. თვითონ
ეს დედაკაცი, სახეგამბდარი, დახეულ კაბაში და დახეულ ბამბაკე-
ბით, შესაბრალისი და საცოდავი რამ იყო. სონიამ სიტყვა მისცა,
უსათუოდ მოვალე და ვნახავ ბიძასო. როცა სონიამ დედამთილს
უამბო ამ შეხვედრაზე და უთხრა, რომ მისვლას შეპირდა, ეკვირი-
ნეს არ ეამა ეს. რაც შეეძლო, სონიას არიდებდა ქმრის გაჭირვებულ
ნათესაობას და ეფროსინესთან მით უფრო საჭირო იყო, მისი ფიქ-
რით, შორს თავის დაქერა.

— მისვლა კი არა.. წაილაპარაკე მან. — რა შენი საქმეა იმასთან
ახლოს გაკარებაც კი..

— რატომ, დედა? — გაუკვირდა სონიას.

— რატომ და... რა ვაცი, შეილო, არაფერი შეგამთხვიოსა.. ჰჰი..

— რა უნდა შემამთხვიოს?.. — ეოცა სონიას მისი სიტყვები.

— ვინ იცის, შენ გენაცვალე... ცუდი სახელი აქვს ი უბედურსი..

— რა სახელი, დედა, ა?.. რა სახელი? — ჰკითხა სონიამ დედამ-
თილს.

— მკითხავია და ამასთან უცნაურ რამე უბედურ საქმეებს აბ-
რალეებენ... ვითომ კუდიანიც კი იყოს... ათასი ცოდვა აწევს კისერ-
ზე მაგ უბედურს... ეგებ ტყვილიც იყოს ყველაფერი ეს, მარა ათა-
სი რამე დაბრალებია და რა ვიცი, შეილო... ამიტომ გითხარი, ჯო-
ბია, რომ ერიდო მაგასთან დაახლოებას...

სონიას მეტად აკვირვებდა დედამთილის ეს სატყეები. რა უნდა შესძლებოდა ამ გაფიქრებულ, მოტირალ, ერთი მუქა დედაკაცს? დედამთილის ნათქვამმა გადააწყვეტინა უსათუოდ მისულიყო ლევანისას და უფრო ახლოს დაენახა ეს საკვირველი ქალიც, მისი ქმარიც და ოჯახიც...

სონიამ არ გაუმხილა ეკვირინეს, ისე გასწია შეორე დღესვე ბიძასთან.

ჩაადგა სონიამ ფეხი თუ არა ეზოში, ეფროსინემაც, სახლის წინ გადმოხურულში რომ იჯდა, დაინახა იგი, წამოვარდა, გაიბერტყა კაბა მტვერისაგან და თავსაფრის სწორებით, მომღიმარი სახით შეუკვება სტუმარს.

— ვუი, შენ კი გენაცვალე!.. შენი ქირიშე, შენო, ჩემო ანგელოზო — მოეხვია ეფროსინე სონიას და გადაკოცნა.— მობძანდი, შენი ქირიშე... მობძანდი, ჩემო თვალის სინათლევე, ჩემო!.. კი არ მუგონა, თუ აასრულებდი შენს სიტყვას! — რაღაც გულდაწყვეტით თქვა მან.

— რატომ არა, ბიცოლა? რატომ იფიქრეთ, რატომ არ ავასრულებდი?..

— შენ კი გენაცვალა შენი ბიცოლა!.. შენ სხვა ქალი ხარ, სხვა ქალი ხარ, ჩემო მალხაზო — ეხვეოდა მოხუცებული ქალი სონიას.

— ბიძია სახლში ბრძანდება? — იკითხა სონიამ.

— კი, შვილო... სახლშია, სახლშია, ჩემო მტრედო — მტირალა ხმით მიუგო ეფროსინემ.

ამ ლაპარაკში ასინი მივიდნენ სახლთანაც, რომელიც უფრო ქობს ჰგავდა. სახლის წინ მისავალი ისლით იყო გადახურული და დანარჩენი კი ყავრით; ყავარი მეტად გაშავებულიყო სიძველისაგან და ადგილ-ადგილ ჩამტვრეულიც იყო.

— როგორ უნდა მივიღო აქ, ჩემო სინათლევე... სად უნდა დიგაჯინო, სად უნდა დაგაბძანო, შენს სულს ვენაცვალე ისევე აქ ჯობია, ჩემო ბატონო! შიგნით სახლში ვერ შეგკადრებ შეყვანას, ვერა, შენო, ვერა, შენ გენაცვალე! — და აწრიალებულმა ეფროსინემ მისწია იქით სიმიინდის ფუჩიჩი, ერთი კალათა სიმიინდიც, რომლის რჩევაში ის იყო სონიამ მოუსწრო, მონახა დაბალი სამფეხა ხის დახაჯდომი და სტუმარს მიართუა.

სონია დაჯდა. ეფროსინე შევიდა სახლში და კარი მოიგდო, ასე რომ სონიამ ველარ მოასწრო შიგ შეეხედნა და დაენახა იქაურობა. მან მიიხედ-მოიხედა, მაგრამ ამ ქობას მეტი ეზოში არაფერი არ ჩანდა, სასიმიინდეც კი არსად იყო. სახლის ზემოთ შემხმარი სიმიინ-

დი იყო, ჩალა უღონო, დაბალი. იქედან ჰქონდა ეფროსინეს მოტანილი ეს სიმიწი, რომელსაც ის იყო არჩევდა.

ცოტა ხნის შემდეგ ეფროსინე ისევ გამოვიდა სტუმართან და მას გამოჰყვა მალალი ტანის, ცოტათი ბეჭებში მოხრილი მოხუცებული. ახალუხზე ყვითელი თასმის ქამარი ერტყა და ზემოდან გაშლილი, რამდენსამე ადგილას დაკერებული ჩოხა ეცვა; ახალუხის შეხსნალ საყელოდან უჩანდა ქუჭყისაგან ძალზე გაშავებული პერანგი. მოხუცებულს მეტად სასიამოვნო პირისახე ჰქონდა, ახალგაზრდობაში ლამაზი კაცი უნდა ყოფაღიყო. ეს იყო ლევან ქამუშაძე, ოტიას უფროსი ბიძა.

მან, შეშინებული კაცივით, გადმოაბიჯა ზღურბლზე, გაუბედავად მივიდა წამოშდგარ სტუმართან, უნახავ რძალთან, და ხელი ჩამოართვა; მერე თვალებზე გადაისვა მარჯვენა ხელი, მიიხედ-მოიხედდა და უცბად წამოიძახა, თითქოს მხოლოდ ახლა მოვიდა გონსაო: — დაბრძანდით... დაბრძანდით, ბატონო! — და ისევ მიუყრდა ეფროსინე მისჩერებოდა ქმარს თვალებაცრემლებული.

სონია დაჯდა. ცოლის სიტყვაზე ჩამოჯდა ლევანიც.

— შენი რძალია, ლევან... შენ რომ ნატრულობდი... — შემალღებელი ხმით მიმართა ეფროსინემ.

— ვიცი... — წყნარად ჩაილაპარაკა ლევანმა.

— შენ რომ ნატრულობდი მაგის შეხედვას... ა, თვითონ მოვიდა ახლა შენს სანახავად!..

— ღმერთმა ყოველი სიხარული და სიკეთე ანახოს... ღმერთმა, ღმერთმა — ხელები აღაპყრო მოხუცებულმა; მერე ისევ ჩაჩუმდა და გაბნეულად დაუწყო მზერა ხან ცოლს, ხან სონიას და ხმას აღარ იღებდა.

თვალცრემლიანი, მიწაზე მორთხმული ეფროსინე მისჩერებოდა ქმარს და თავსაფრის ყურით ცრემლებს იწმენდა.

— ასეა, შენ გენაცვალე, სულ ასეა... დალიდან მოკიდებულა სალამოდინ. ღამეც ერთს წვიძინებს და მერე ისევ ნათლად უნდა გაათენოს. — ათრთოლებული ხმით უთხრა სონიას და მერე მიუბრუნდა ქმარს: — ხომ გაგეხარდა, ლევან, ამის შეხედვა? ხომ გესიამოვნა?

— კმ!.. — გააქნა მან თავი ღიმილით. — კმ!.. — და ცოტა ხნის შემდეგ დაუმატა: — უკაცრავად ვარ, ბატონო შე უნდა შენახეთ... მომელოცნა, მარა... — და მან მხრები აიშმუშნა, წარბები ზევით ასწია, მარჯვენა ხელი გაშალა და ისევ ჩაჩუმდა.

ეფროსინემ ისევ ცრემლები მოაწმინდა.

— აღარ არის, აღარ არის კაცი, შენ დაგენაცვლე! რა კაცი, რომ გენახა! — ხმა დაშვებით დაიწყო ეფროსინემ, რომელსაც თვალეზი მიაშტერა ლევანმა. — გაჭირებამ ფიქრში ჩააგდო, სირცხვილმა, ყველასთან დარცხვენილად რომ გრძნობს თავის თავს, გული მოუხარჩა და რავარც ეხლა ხედავ, ასე მოაქცია. ბევრი ვებრძოლეთ სოღარიბეს, ბევრი ვითმინეთ, ბევრი ვიმატადინეთ, მარა მაინც არაფერი გაგვეწყო... რაც დრო გადიოდა, უარესი და უარესი ამბებში მოდიოდა ჩვენს თავზე... უმაცადინო კაცი არ ყოფილა, შენ გენაცვალე, მაგ საწყალი, მეც ცოტ-ცოტა შორიდან შემომდიოდა ხან ფულით, ხან ქათამი, კვერცხი, ღვინო, პური წამლის ფასად და სამკითხაოში... მეც ვუწყობდი ამით ოჯახს ხელს... მარა ოჯახს ბევრი რამ-სჭირია; ქალიშვილები გეყავდა დასათხოვრები, ცოდვა აღარ შოვიკიდეთ, თავთავისი ბედი ყველას მიუფჩინეთ ჩვენს წესზე და რიგზე... ვიგინდარას, შენი ქირი შემეყარა, ვერ ჩავუგდეთ შვილი... ამას ბევრი მოუნდა... ვფიქრობდით, მერე რამეს ვიშოვიდით, მარა კი ვეღარაფერი ვიშოვეთ... საშოვარიც რომ აღარ არის, რა უნდა გვეშოვა! შვილები ჯავრით კინალამ გადაგვერიგენ, დაპკრეს ხელო და ერთი აქეთ გადავარდა, მეორე იქით, ვითომ სოფლის გადაღმა, ეგებ ეშოვათ რამე, სახლში რომ აღარაფერი ეგულებოდათ... სად არიან, ჩვენთვის გოუგებელი შეიქნა.. მოვალეებმა რომ შეგვაწუხეს, ცოტა რიგიანი სახლი გვედგა, ის გავყიდეთ, მოვალეები ცოტაზე შევაწყენარეთ ვითომ და ჩვენ ამ ქოხში შევიხიზნეთ დროებით, ჩვენის ფიქრით; მარა ამაში უნდა დავლიოთ ჩვენი წუთისოფელი, ცხადია. ა; შვილო, შეიხედე, რა საცოდავად ვყრივართ! ჩვენთვის არც სახურავია, არც საფარავი... თითქოს გარეთ ვეყაროთ... შენ შესმენილი ოჯახის შვილი რო ხარ, შვილო, შენი ბედნიერი თვალით რომ ამ ჩვენს ამბავს შეხედავ, შენ მაინც ხანდახან შეგვიცოდებ და შეგვიბრალებ, თვარა უიმედოდ ვართ, შვილო, უიმედოდ! ქალიშვილებია და, ვერც ერთი გასახარებელ ცხოვრებას ვერ ეღირსა, იმათგან რა შემწეობას და ხელისწყობას უნდა მოველოდე! ვაჟიშვილები იყვნენ და, ორივემ ასე მოგვიძულა, რომ მშობელს კი არა, ძალღს არ მოიძულებენ, შენ გენაცვალე, ასე ძალღს არ მოიძულებენ!

ლევანი უკმაყოფილების ნიშნად ამაზე შეიმშუშნა და წყენის გამოსათქმელად წამოიძახა: „ჰმი ჰმი“

— ეგებ არც იმათ ჰქონდეთ რამე, ბიცოლა? — თქვა სონიამ.

— რა ვიცი, შვილო! აბა რითი ირჩენს თავს, ასე ცოლშვილიანად რომ გადავიარდა ჯერ უფროსი და მერე უმცროსი?!. ასე ამ-

ბის უკითხავდი.. ჩვენ რომ გვიყურო, ამას იტყვი, კაცინმკამელს უნდა შეეცოდოსო, და შეიღმა მიგვივიწყოს? ა, ვარჩევ გამხმარს მიმინდს ყანაში თითო ტარობით და მომაქვს, დაჯაკლავ და ეგებ ვინმემ სამოწყალოდ წამილოს ეს ერთი კალათა წისქვილში დასაფქვავად. მრცხვენია, თავი მოვანყინე ყველას დაფქულის თხოვით... ჩვენთვის, შეილო, არც საქმელი, არც სასმელი, არც წყალი, არც შეშა... ცხელ საქამადს ეგებ ორ-სამ დღეში ერთხელ ველირსოთ, თუ არა და ცივ ჭადზე ვაგდივართ, ჩემო შეილო — და ეფროსინემ ისევ ტირილი დაიწყო.

ლევანი გაყუჩებული იჯდა. ახლა მას თითქოს არაფერი ესმოდა ეფროსინეს ლაპარაკიდან, ისე გულგრილად იმზირებოდა წინ..

სონია, გარეგნული იმით, რაც გაიგონა და რასაც თავის თვალთ სედავდა, ძლავს იმაგრებდა ცრემლებს. ამ სურათმა გული მლოკლა. ძლივს მოახერხა პასუხი მიეცა ეფროსინესათვის, როცა მან ასევე თავისი თავი შეაბრალა და სთხოვა, ხანდახან ენახულა საცოდავი ბიძა.

— ეგებ შენთან მაინც ამოილოს ხმა... ეგებ შენი შეხედვით გონს მაინც მოვიდეს, თვარა ეს უბედური ასე დავარდა, ასე დაეცა! ჯავრობს, დარღობს, რატომ მოვიწერი ამ დღესო. ფიქრობს რაღაცას, თავის თავს რაღაცას ელაპარაკება... რა ვქნათ, ალბათ, ასეთი ზედი გექონებია უფლისაგან. ჯავრით და დარღით კაცი თუ სულ ნდება, თვარა რა საშველი ეძლევა, ჩემო გვრიტო!.. ველაპარაკები ამას, ვითომ ვამხნევებ, მაგრამ ვერაფერი ვერ შევასმინე... ამ ბოლო დროს ისე მოიქცა, რომ არ უნდა კაცს შეახედვიანოს თავის თავზე... რა უყუო, რა მოვახერხო, ჩემო სინათლე!.. მაგას მამზერალი მეც ვტირი და ვკვივი... აბა რა ვქნა, რა შავ წყალში გადავარდე! ღმერთო, რა დაგიშავეთ ამისთანა ვაიმე, ვაიმე, ვაიმე!

და მოხუცებულმა ქალმა ისევ ტირილი დაიწყო. ლევანი ისევ მიაჩერდა მტირალს, წამოდგა, მიბრუნდა, ორი ნაბიჯი გადადგასახლში შესასვლელად, მაგრამ თითქოს რაღაც გაახსენდაო, უცებ აქან დაბრუნდა და ისევ დაჯდა თავის ადგილზე.

სონიამ ველარ გაუძლო ამათ ყურებას. გულამღვრეული, სასოწარკვეთილებით წამოდგა წასასვლელად.

— მიბძანდები? — ჰკითხა ლევანმა.

— უნდა გიახლოთ, — მიუგო ათრთოლებული ხმით სონიამ.

— მადლობელი ვარ, მადლობელი ვარ! ღმერთმა ბედნიერად გამყოფოს, ბიძიკო! ღმერთმა ყოველავე მწუხარება გამოიშინოს! მადლობელი ვარ ნახვისათვის! — მოხუცებული თითქოს გამოფხიზლ-

დაო, რამდენხელმე კიდევაც გაჰყვა მიმავალ სონიას, მერე ერთი შედგა, უცებ მოტრიალდა, გაბრუნდა სახლისაკენ, წავიდა აჩქარებული ნაბიჯით, შევიდა შიგ და კარებიდან დაუწყო მხერა სონიას და ეფროსინეს.

გულმობხარშული მიბრუნდა შინ სონია. ეკვირინეს არ გამოპარვია, თუ რა გუნებაზე დაეყენებია მასთან ყოფნას მისი რძალი.

— გათხარი, შვილო, ნუ მახვალ-თქვა... აბა რა კარგს ნახავდი

— რა ვნახე, რას ვუყურე, შენ გენაცვალე, რა ამბავია — იძახოდა გულდათუთქული სონია. — რა მდგომარეობაში ჩოუგდია გაჭირვებას საცოდავები! ვაი, ვაი გაჭირვებული კაცის ბრალი! ღმერთო, რა მოგველის!

— ჰმ, გაჭირვება კი არაა — წამოიძახა ეკვირინემ. — კაცს, შვილო, შენი თავით მოგივა ყველაფერი ბედნიერებაც და უბედურებაც. თავიდანვე უწმიდურობაში და ღმერთ-გამწყრალობაში რომ გეხვევი, კარგს რაღას უნდა მოელოდე ბოლოში!.. ახლა ტირის მაგ შავდღეზე გაჩენილი თავის საქმეს? აქამდისინ სად იყო? ყველაფერი, რაც მოუვიდა, მისივე ბრალია. თუ ჩემი პატივისცემა გაქვს, შვილო, შორს დეიკავე მასთან თავი. შენ ჯერ ახალგაზრდა ხარ, გამოუცვლელი, და რაცა არ მომიწიოს შენს თავს...

სონიას გულში მეტისმეტი სიბრალული იყო აღძრული ეფროსინესადმი და ამის გამო ეკვირინეს გაფრთხილებაზე უკმაყოფილებით და თან შეცოდებით წამოიძახა:

— რა უნდა მომიწიოს იმ საპრალომ და საცოდავმა, რას ბძანებთ მაგას, დედა?!

დედაკაცმა, რომელიც მუშად ჰყავდა მოყვანილი ეკვირინეს და კეტის რტყმევით ლობიოს ფშვნიდა გამხმარი ჩენჩიდან, ჩაიციხა და თავი გააქნია.

— სალომე, სალომე! — დაუძახა ეკვირინემ. — ტყუილს ვამბობ. ჩემო სალომე, ტყუილს? არაფერი გაგიგონია შენ ეფროსინეზე?

დედაკაცმა კეტი დასდვა.

— თქვენზე მეტს მე რას გვეიგონებდი, ჩემო ბატონო! — მანკვით წაილაპარაკა მან.

— რავა არ გაგეგონება, შე ქალო? ქვეყანას მოდებული აქვს მაგის ამბავი და ნამოქმედარი დასამალავი რაღაა!.. ქმრის ასე მოქცევას, ახლა რომ იგია, ეფროსინესეე აბრალებენ... ერთხელ სულწასაწყმედ გზას რომ დაადგა, კი აღარავის ზოგავს... თავისიც და გარეშეც, ყველა შეწუხებული ჰყავს თურმე... თვარა რა უჭირდა საწყალ ლევანს? კაცური კაცი იყო, მარა მაგან აღარ გეიტანა, გული ამოაქამა, გონება დოუბნია... კაცი დასანახავად შეიძულა. ყმად

გეიხადა, რასაც უბრძანებს, ის არის, ის საწყალი!.. შვილები, ერთი ცოლშვილიანი, ვინ იცის, საით გადაადგოდ, რომ თავისუფლად ყოფილიყო შინ... ყველაფერი თავის კუდიანობით ნაქნარი და ნამოქმედარი აქვს!

სონია გაშტერებული მიაჩერდა დედამთილს, სალომემ მიატოვა მუშაობა და ეკვირინესთან გაეზა ლაპარაკში.

— ასე მოგახსენებენ, თურმე გული რომ მოუვა ქმარზედო, ფთებს გამოასხამსო და სახლის სახურავზე შეაფრენსო. ჰყავს იქ დაყუყულო, სანამ გულს არ მოიჭერებსო და ატირებული კაცი თავს არ შეაბრალებს და ისევ არ დოუთქვამს ყველაფერში მორჩილად ყოფნას... იღლიებში ამოუსვამს თურმე, რაღაც წამალი აქვსო... საწყალს თურმე ამისი ეშინია და ხმის ამოღებას ვეღარ ბედავსო, რამე არ ეწყინოსო.

— კი, კი, იმიტომ აქვს ისე ჩათელილი და მიწეულ-მოწეული სახურავის ყავარი!

— გუშანწინ ეყურებანა თურმე კიკოლას გოგოს, სურბულის რომ უძახიან, კინაღამ გადარეულიყო თურმე შიშისაგანი — საიდუმლოებით თქვა დედაკაცმა.

— მართალიც იქნება! — დაატანა ეკვირინემ. — იმიტომაც იქნებოდა ისე წყნარად და ხმის ამოღებაც ვერ გაუბედნია დღეს! მაგ რომ მართალი სულიერი იყვეს, ფარსადანა ტაბიქემ რომ შემოუთვალა, ლევანს მოვარჩენო, თუ შენ წინააღმდეგი არ გამიხდებო და მკითხაობას თავს დაანებებო, რატომ უარით გეისტუმრა ის კაცი? რატომ?

— სხვების მეშინიაო... იმწამსვე მომკლავენო, შეეთვალა, თვარა თქვენ უკეთ მოგეხსენებათ.

— კი, კი, სწორედ მასე შოუთვლია! — დააბეჯითა ეკვირინემ. — ეგ თუ გინდ ყველაფერი თავისთავზედაა, მარა ომანს რას უპირებს, ჩემს მაზლს, მაგ სულწაწყმედილი? ომანს რას უპირებს? თუ იმ საწყალ ბავშვს რამე დაემართა, ცოცხალა რაგა გადურჩება, — ხომ იცი. რა მხეცია ის ვაჟბატონი, ჩემი მაზლი!

— მაგისგანაა, ვითომ, ქალბატონო, ის შენი მაზლისწული დასნეულებულა?

— ეშმაკებმა იცის მაგათი თავი! ხომ იცი, მე მაგათ არ ვეკარები, მაგას კი აბრალებენ თურმე და ჰარში ეუბნებიან, ვითომ ეგებ ამით მაინც ააშვებინონ; მარა ვითომც არაფერი, დეიწყებს ტირილს, წამოყრის ცრემლებს, ააშვერს ხელებს და იწყებულება: ვინც ჩემს გაპირვებასთან ყოველ უბედურებას მიგონებდესო, იმას ღმერთმა

ასე და ასე გაჭირვებაც მიაყენოსო, გამწვარებაცო, და... ვის გაახსენდება მისი ენის გამონათქვამი ამით უფრო ახელებს მომღურავეებს, ბავშვიც დღე-დღეზე თუ უარესად ხდება, თვარა გამოზრუნებაში არ უდგა ფეხი.

— და მაგისაგანა კი ნამდვილად, ქალბატონო? — ისევ გაიმეორა კითხვა დედაკაცმა.

— უსათუოდ! — მიუგო ეკვირინემ. — აბა რაღა მაგას დააბრალებდნენ? სანამ მაგათ ლაპარაკი ჩამოუვარდებოდათ და რაღაც სამღურავი ერთმანეთში, ბავშვი კარგად იყო და რომ წეიჩხუბნენ, მეორე დღესვე გახდა ის ბავშვი ავად და მას აქეთია წვალობს, აღარც მორჩა, აღარც მოკვდა მაგას აბრალებენ, ბავშვზე იყრის გულის ჭავრსო, ასე ამბობენ, და მართალია თუ ტყვილი, იმათ სულზე იყვეს, ვინც აბეჯითებდეს! რაც რომ იყვეს, მაინც მოსარიდალია ამგვარი ადამიანი, ჩემო სალომე!

— კი, ბატონო, კი, შენი ჭირიმე! რაღა არაა მოსარიდალი? ვინაა, ჩემო ქალბატონო, თავის მტერი? — მიუგო სალომემ და ერთი მძიმედ ამოიოხრა.

სონია გაფაციცებით ყურს უგდებდა ამ უცნაურ ლაპარაკს, მაგრამ თანვე მისი გული საოცრად ტოკავდა; ამათი ნათქვამი საშინლად სტანჯავდა და ეს ეკვირინემ მხოლოდ ბოლოს შეატყუო მას გაფითრებულ სახეზე. ეკვირინემ შესწყვიტა სიტყვა და სალომეს მიაქანა:

— კაია, კაიი თავი დაანებე მაგათზე ლაპარაკს, სალომე! კმარა, ფუი ეშმაკს! მაგ ლობიოს დოუშინე შენ მაგ ჯოხი, ის აჯობებს, მარა ლობიო არ გააბნის, ასაბოჭი გაგვიხდება მერე, თუ ნამეტანი მიაბნის-მოაბნის იქით-აქეთ!

დედაკაცმაც, ეკვირინეს მაგივრად, სამჯერ გააფურთხა განზე და ისევ დაურთო კეტი ლობიოს ხმელ პარკებს, ისე რომ ყოველ მხრივ მიხტოდნენ გამსკდარი პარკებიდან ლობიოს მარცვლები.

სონიაც წამოდგა ღონემისდილი, მოქანცული, შევიდა ოთახში და სასოწარკვეთილებით ამოსკდა გულიდან:

— ღმერთო, ღმერთო ჩემო! სად ჩამოვვარდი?.. სადა ვარ? ღმერთო! — მორეულმა ცრემლებმა მეტი აღარ აცალეს; აქვითინებულმა ბალიშებში ჩარგო თავი და ნანახით, ნასმენით და გულზე შემოწოლილი წუხილით გაბრუებულს ლახვარივით ესობოდა, თითქოს მას ურტყამდნენ ლობიოს მრჩეველ დედაკაცის კეტს, ბრავუნნი რომ ესპოდა, და ეკვირინესაგან დროგამოშვებით შექანებდა: „ლობიო არ დამიბნისო, ლობიო არ დამიბნისო, სალომე!“

ამგვარი სურათებისა და ამბების ყურება სონიას ახლა თავის- თავზე უფრო და უფრო ძალაუვნებურად აკვირებდა, თავის მდგომარეობაზე ანიშნებდა. ყველასაგან და ყოველი მხრიდან მხოლოდ გაჭირებულ და შევიწროებულ ცხოვრებაზე ჩივილი რომ ესმოდა, იგიც შიშში ჩავარდა — ვაი თუ მეც ამათთანავე და ამგვარსავე მდგომარეობაში ვიყუევო და მხოლოდ ვერ ვამჩნევდევო. ეს შიში მით უფრო იპყრობდა, რომ რასაც ჭერ ხედავდა ამ ახალ ოჯახში, საიმედოს არაფერს უქადიდა მომავლისათვის, ვერაფერ ბედნიერებას იგემებდა მაშნე მოიმედედ დამყარებული ადამიანი.

— ნუთუ მეც გაწვალებული და გამწარებული ცხოვრება მომე- ლის?! — გაუბნენდა დროგამოშვებით ყმაწვილ ქალს ფიქრი და მაშინ აუტანელი მოუსვენრობა და გულისწუხილი ერეოდა და ერთი- მეორეზე უფრო უნუგეშო სურათები თვალწინ ეხატებოდა.

მაგრამ კარზე მომდგარმა შემოდგომამ, ცოტა არ იყოს, გადა- ვიწყა ყოველივე ეს მოსეული დარდები და ფიქრები. მთელი სო- ფელი აფუსფუსებული იყო; ყველგან სიშინლის ტეხა, მისი ზიდეა, ვენახის კრეფა. ყოველი მხრიდან მოისმოდა ურმის ჭრიალი და ხა- რების გასამხნეებლად მეურმეების შეძახილი. დილა აღრიანალ მო- კიდებული შუალამემდის, მეტადრე მთვარიანში, განუწყვეტლივ იდგა ჰაერში ეს ხმაურობა, კრიჭინი ურმებისა და მუშების მხიარუ- ლი ძახილი.

ამ საერთო მუშაობაში არც სონია დარჩენალა უსაქმოდ. იგიც გაიტაცა საზოგადო მოძრაობამ და უკან არ რჩებოდა არც დედა- მთილსა და არც ქმარს არავითარ მუშაობაში. თუმცა ეკვირინე თავს იკლავდა, რომ სიშინლის რჩევით ხელებს გაიფუჭებო, მაგრამ სონია მაინც არ იშლიდა, რჩევას არ ერიდებოდა და ქმარს ეხმარებოდა ურმით მოტანილ სიშინლიანი ძარის გადაგორებაში, ზიდავდა ვენახი- დან ყურძენს კალათებით საწნახლამდის, რომელიც უფრო როფს ჰგავდა. ხანდახან ჩაფით ტკბილიც მიჰქონდა ქურში ჩასასხმელად.

საწნახელში ჩამდგარი ოტაა ღიმილით მისჩერებოდა ამ დროს ცოლს და მეტად უხაროდა.

— აკი გეუბნებოდი, შვილო, რომ ყველაფერში მალე გეეჩვევა- თქეა! ხომ ხედავ: ოქროა, ოქრო, ოქრო, მაგას ვენაცვალე! — აღტ- ცებით იძახოდა ეკვირინე და, ყურძნის მარცვლებით რომ ითვლი- და გამოწურული ტკბილის რაოდენობას, თან უმატებდა თითო- თროლა მარცვალს, რომ ბოლოს უფრო მეტი ერევენებინა რძლისა- თვის და ამით მისი გული გაემხიარულებინა.

— ძვირფასი რამ ქალია, შვილო ძვირფასი!

— ეგ აგრეთ, დედა, მარა სირცხვილში ვართ შაინცი — თქვე-
ოტიამ.

— რა სირცხვილში, შვილო?

— ნამეტანი ხელმოკლედ ვართ და...

— ჰმ!.. — წამოიქახა ეკვირინემ.

— ჩვენ შეჩვეული რომ ვართ ამ ხელმოკლეობაში ცხოვრებას,
ჩვენ გვიჭირს და ვწუხვართ, მაგას კი... რაღა ლაპარაკი უნდა...

— სუ, სუ! — შეუტია ეკვირინემ, — სუ! აბა რაღას მოგყვებო-
და, თუ შენთან მაგანაც ყველაფერი გაჭირვება და დაღბინება ერ-
თად არ გეიზიარა? აბა, შვილო, მაგანე ფიქრს ნუ ჩეიგდებ გულ-
ში, თვარა ვინ იცის, სად არ წაგიყვანს, რას არ გაფიქრებებს..
სხვებს არც ჩვენოღენი აქეთ, მარა კი არიან დაწყნარებულად და
დამშვიდებულად.. შენ ნუ ღეიწყებ მაგისთანებზე დარღობას და
მაგ თავისთავად ყველაფერს შეურაცხდება და შვიფერებს!

ოტიამ აღარა თქვა რა, გაჩუმდა, მხოლოდ თავი გაიჭნია და მო-
ჰყვა გულმოდგინედ ყურანის ჭნესხვას. სონიაც დაბრუნდა ჩაფით-
ჭურის თავიდან.

აშკარა იყო, რომ ოტიას გულში რაღაც ხდებოდა, რომ მასში
აღბრული იყო რაღაც ახალი აზრი, რომლის გამოთქმა სრულიად ვერ
მოახერხა დედასთან, რომლის გავლენის ქვეშ მყოფი ოტიაც კი
წინანდებურად ვეღარ გრძნობდა თავის თავს, წინანდებურად მო-
სგენებით აღარ იყო, თუმცა ამისი შემჩნევა მასში არც ისე ადვილი
იყო. და ეს მაწუხებელი ფიქრი იყო სწორედ ის ხელმოკლეობა
და გაჭირვებაში ცხოვრება, რომელიც ახლა ამ ქალის ცოლად მო-
ყვანის შემდეგ უფრო თვალსაჩინო ხდებოდა მისთვის დღითი-დღე
და რაც ათასგვარ ფიქრებს ახვევდა თავზე და აქამდის უცნობ დარ-
ღებს ჰკვირდა. მისმა სინდისიერებამ რომ დააკვირვა ცოლის მდგო-
მარეობაზე თავის ოჯახში, ამ ოჯახის ამბავი სულ სხვანაირად მო-
ჩვენა, დაანახვა და, თითქოს ბრმად ყოფილს, თვალეზი აეხილა.
ამან ათქმევინა დედასთან ის სიტყვა, რაც ასე ეწყინა ეკვირინეს.
ამ თვალთა ახილვას, ეკვირინესი არ იყოს, ვინ იცის, სად არ მი-
ჰყავდა იგი და რა აზრებს არ უღვიძებდა, რომ გზა ეპოვნა თავისი
ხელმოკლეობის და გაჭირვებული ცხოვრების, სულ თუ არა, ცო-
ტათი მაინც გამოსაბრუნებლად.

ასე თვალი რომ აეხილა და ეს ფიქრი რომ დაეზაღა გულში,
სწორედ იმ წამიდან რაღაც დამნაშავედ ჩასთვალა თავისი თავი
ცოლის წინაშე და მოვალედ გრძნობდა თავის თავს, საქმე გამოე-
კეთებინა და ამ მოტყუებული ადამიანის წინაშე მაინც რამოდენადმე

პირნათლად გამოსულიყო. ოტიას რცხვენოდა ცოლის, მეტად მო-
რიღებით იყო მასთან და მუდამ რალაც საქმიანობაში, მუშაობა-
ში იყო.

წლის მონაწევმა ვერაფრად გაახარა მისი ცოლი. ახლა ოტიას-
თვისაც ცხადი იყო, რომ ბევრის არაფრის მქონებელი იყო. იგიც
იმგვარადვე ჩაფიქრებული შეიქნა, როგორც მისი ყმაწვილი ცო-
ლი, რომელიც გაფაციცებით თვალს ადევნებდა ყველაფერს, რაც
წლის სარჩოდ შემოდინოდა, რომელიც ყველაფერს მეტის დაკვირ-
ვებით სინჯავდა და რომლის გული ამ დაკვირვებამ ვერ გაამზნევა
და ვერ შეამაგრა, მხოლოდ უფრო დაამწუხარა და ააშფოთა.

როცა ორივე ცოლ-ქმრის გულში ერთნაირივე ცეცხლი ტრია-
ლებდა უჩინარად, ეკვირინე თავისებურად ისევე გულგამზნევებუ-
ლად, ისევე უდარდელად და მხიარულად იყო.

— მადლობა უფალს... მადლობა უფალს!.. მართალია, შარშან-
დელზე ნაკლები მოსავალი მოგვცა, მაინც არაფერია, სამდურავი
მაინც არ ითქმის! გაისათ ორი ამდენი მოვია — აიმედებდა იგი
რძალს.

მაგრამ ამის ნაცვლად სონიას გულს უფრო მწუხარებას უმატე-
ბდა იგი. ამნაირი ლაპარაკი გაუტეხლობას ჰგავდა, თითქმის დაუღვე-
რობას ნიშნავდა და ამით მხოლოდ თავს აბეზრებდა მოხუცებული
დედამთილი ახალგაზრდა ქალს. ყოველ სიტყვაზე წამოძახილი
„ღმერთი მოგვეცემს“-ო, მისი გულმხიარულება და ხალისიანობა,
რომელსაც ეს მოხუცებული ქალი არა ჰკარგავდა ამ სისაწყლუში და
ღარიბულ ცხოვრებაში, გულს უსერავდა ყმაწვილ ქალს და თითქ-
მის აძულებდა მის თავს. ეკვირინეს კმაყოფილება სონიასათვის გაუ-
გებარი რამ იყო, მას ვერ წარმოედგინა, თუ აღამიანს შეეძლო ასე
გულმხიარულად ყოფნა იმ მდგომარეობაში, რომელშიაც მათი ოჯა-
ხი იყო. და ამ ხალისიანი, კმაყოფილი და თავმომწონე დედამთილის
ყურება აჯავრებდა, უსიამოვნებას ჰმატებდა და გულს უქლავდა.
გულის დასამშვიდებლად და დასაწყნარებლად სონია მირბოდა
ოჯახიდან ქველიძისას, სადაც ზოგა მეგობარი, რომლის სიხლო-
ვეს ავიწყდებოდა თავისი ოჯახიც, გულშემაწუხებელი დედამთილიც
და ყოველივე უსიამოვნობაც. ნინო შეიქნა მისი მფარველი ან-
გელოზი იმ დღიდან, როცა მას დაუახლოვდა. ნინოსთან მეგობ-
რობა უადვილებდა მისთვის მძამედ ასატან ცხოვრებას ქმრის ოჯახ-
ში. ამასთან ახალგაზრდა ქალი სარდიონის ოჯახში ისევე კეთილშო-
ბილად გრძნობდა თავის თავს, ისევე დაწინაურებულად, რაც ვადა-
მეტრებით შელახული ჰქონდა თავის საკუთარ სახლში.

ეს ოჯახი, რომელიც ასე საყვარელა შეიქნა სონიასათვის, ერთ

დღეს მართლაც კარგი ოჯახი იყო. სარდიონ ქველიძე თავის კუთხეში რიგიან აზნაურებში ითვლებოდა ქონებითაც და დარბაისლობითაც; თავმომწონე აზნაურთაგანი იყო; და სწორედ ეს უკანასკნელი თვისება შეიქნა მიზეზი მისი კეთილდღეობის დარღვევისა. თავმომწონე აზნაურმა ფასი არ დასდვა ბატონყმობის გაუქმებისაგან შეცვლილ ცხოვრებას, მის ახალ პირობებს სრულიად წაუყურა ყური, თითქმის ეჯიუტებოდა მათ ისევე ძველი ცხოვრების მიყოლით, სანამ ამ შებრძოლებამ რიყეზე არ გააგდო ეს მედიდური, ჭიუტი მებატონე, რომელიც გლეხებს სიასლოვეს არ იკარებდა, როცა ესენი განთავისუფლებას სთხოვდნენ.

— მოიცადეთ, ძმობილებო, ნამეტანი აღრე მირბიხართ! — ეუბნებოდა იგი გლეხებს.

მერე კი თავისთავად იძულებული შეიქნა ხეწუნა დაეწყო მათთვის, თავი დაიხსენით და ფული მომეცითო. ცოტ-ცოტად, ნაწილ-ნაწილად აღებული ფული მალე შეიკამა, ნელ-ნელა ადგილებიც გაიყიდა და როცა, მისივე დაუდევრობით, უკანასკნელი ქონება ბანკს გააყიდვინა, მშრალზე დარჩენილმა სარდიონმა მხოლოდ მაშინ წამოცქვიტა ყურები, მაგრამ გვიანდა იყო.

რაც ახლა ცხოვრებისათვის მოუშაადებლობას უნდა დაეკლო მისთვის, მან თავისი მხრით თავისი დაუდევრობა და ჭიუტობა დაამატა და ამის წყალობით დარჩა თითქმის ულუკმაპუროდ, ყოველ საღსარს მოკლებული. ახლა კი აწრიალდა სარდიონი; საჭირო იყო რითიმე ერჩინა თავისი ცოლ-შვილი, რამე ელონა, რამე გზა ენახა, ოჯახში ცოტაოდენი რამ შემოეტანა და წლიდან-წლამდის თავი გამოეტანა. იქით ეცა ვალარიბებული აზნაური, აქეთ ეცა, ბევრი იბრუალა და ბოლოს გადასწყვიტა, რომ სოფლის სასამართლოში გექილობა დაეწყო, გლეხების საჩივრები ეწარმოებინა. ბევრს ვერაფერს მისცემდა ეს, მაგრამ მაინც სჯობდა სულ არარაობას.

გაერია წინათ ამაყი აზნაური გლეხებში, ჩარგო თავი მათ დავი-დარაბებში, მოშივებული მგელივით აღარათერს აღარ ერიდებოდა, ოღონდ კი რამე ეშოვა, რამეს გამორჩენოდა; უკან აღარ იხვედა განგებ აეტეხნა საღმე საჩივარი, რომ ერთ-ერთი გლეხი ხელში ეგდო და საპურედ გაეხანდა; ხშირად, როცა მოსახერხებელი იყო, ორივე მხარეს არიგებდა და მომჩივანისაგანაც და მოპასუხესაგანაც სარგებლობას არ ჰკარგავდა. დიდხანს არ ვაუვლია, რომ მისი ხასიათი და მოქმედება ყველასაგან გაგებული შეიქნა, მაგრამ მიუსვლელი მაინც არ შემოჰკლებია; პირიქით, უფრო და უფრო ეტანებოდნენ, რაც ერცელდებოდა მისი ახლართულ-დახლართული ნამოქმედარის ამჰები.

და, აი ამ გზით ნაშოვარათ გამოქყავდა მას თავისი ოჯახი; ამ ნაშოვარით ცდილობდა გაპყოლოდა ცხოვრებას. ცდილობდა დაე-
ჯარა ოჯახის დაქვეითება, დაემალა სიღარიბე და დაეცვა ოჯახის
კეთილშობილება, გარეგნულად მაინც.

მისდა იღბლად ოჯახიც არა ჰყოლია დიდი ჩვენებურ პირობაზე:
ორი ვაჟი ჰყავდა და ორი ქალიშვილი. ცოლი მისი მათათი იმ მხა-
რეში ნახსენებ აზნაურ კაკაბიძეების გვართაგანი იყო, და მათათი,
კრიალოსნით ხელში, ტახტზე მუხლთმოკეცილი, მუდამ ამათზე
ესაუბრებოდა შინაურებსაც და სტუმრებსაც, მუდამ იმათ ამბავში
იყო. შვილებსაც ძლიერ დასჩემდათ თავისი გვართი და ნათესავებით
თავმომწონებოდა, ესენიც თავისიანების სიმამაცისა, ვაჟკაცობისა და
გამოჩენილობის ხსენებაში იყვნენ გართულნი; ნამეტურ ეს ხასიათი
ემჩნეოდა ქველიძის უმცროს ქალიშვილს ოლიკოს, რომელიც დე-
ლის გასაოცარა მსგავსება იყო ყველაფერში.

სულ სხვა იყო უფროსი ქალიშვილი ნინო, სარდიონისაგან სხვა
შვილებში გამორჩეული საყვარელი შვილი. განსხვავებულ სილამა-
ზესთან, ბუნებას მისთვის დაძმათაგან განსხვავებული ხასიათი მიე-
ნიჭებინა: გულ-ღმობიერი, ნაზი, თავმდაბალი, ხალისიანი, გრძნო-
ბიერი, იგი გასაკვირველად იზიდავდა, სახლოვებდა და ხიბლავდა
ყველას, ვისაც კი გაეცნობოდა. მართალია, წოდებრივი სიამაყე მახ-
შიაც გამოსჰვიოდა, მაგრამ ისეთი საკვირველი მოხერხებულობით
და წინდახედულად გამოაჩენდა ხოლმე, თუ შემთხვევა იქნებოდა,
რომ სხვისი საწყენი და დამამდაბლებელი არასოდეს არ ყოფილა.
და ეგ იყო სწორედ მაზეზი, რომ გლუბკაცობაშიაც კი განსაკუთრე-
ბული სიყვარული ჰქონდა მას ამით მოპოვებული. სიღარიბემ დაარ-
პინა იგი ოცდახუთ წლამდის გაუთხოვარი, მზითვის უქონლობამ,
თორემ ბევრს კარგს მოუწადინებია მისი ცოლად შერთვა. და ამ
მიზეზის გამო მას რომ დარჩენილად ხედავდა სარდაონა, დანაშაუ-
ლად თვლიდა თავისთავს საყვარელი შვილის წინაშე, გულსა ხედე-
ბოდა, რომ მის ბედნიერებას ვერ ხედავდა, რომ ქალიშვილის ამ-
გვარი მღგომარეობა მამამისის წინდაუხედავი, გაუფრთხილებელი
წინანდელი ცხოვრების შედეგი იყო.

ცეცხლი ეკიდებოდა მის შემხედვარე მამას, მორიდებულს მას-
თან, მზადმყოფს შეესრულებინა ყოველივე მისი სურვილი და ნა-
ნატრი, რამდენადაც გაუვიდოდა. რამდენჯერ გამწარებულ სარ-
დიონს უფროსი ვაჟიშვილისათვის მიუმართინა, დახმარება უთხო-
ვნია მისგან, რომ ეგებ ორივეს ძალ-ღონით ქალიშვილისათვის მისი
საკადრისი გზა მიეცა!

— გადაადგი, შვილო, კარს გადაღმა გადაადგი, რაჟდენ, ფეხი
ეგებ შენც იშოვო რამე, კაცო, როგორც ზოგიერთება შოულობენს
გეინძერი, შე კაცო! ორივემ ეგებ რამე ვინაშევალოთ და მაგ სა-
წყლებს, ორავეს თუ არა, ერთს მაინც ვუშველოთ!.. ცოდვია და მე-
რე შენთვისაც უფრო სამძიმო შეიქნება, მე ხომ მიდღემჩი არ გე-
ყოლები! რა ვიცე, ჩემი ხნას კაცს ხვალინდელ დღეს რა მომელის!

რაჟდენი მართლა ჩაიცვამდა, გამოეწყობოდა, საღლაც კიდევაც
გასწევდა, ეზოს გადაღმა ფეხს გადაადგამდა, მაგრამ მეორე-მესამე
თვეზე შან ბრუნდებოდა ისევ მამასთან, დაღონებული, რომ საქმე
ვერაფერი იშოვა; სხვებთან კი დღლიდან საღამომდის მხოლოდ იმის
ამბებში იყო, თუ სად დალია, რამდენი და ვის აჯობა ღვინოში ამ
უკანასკნელ მოგზაურობაში, ან და ვისთან რა ლაპარაკი და ყაილა
შეხვდომია. სარდიონმა იცოდა, რომ ასე იქნებოდა, გული მოსდიო-
და, უწყრებოდა შვილს, კაცად გამოუსადეგარობასა და დაგლახავე-
ბას უჭადიდა, მაგრამ ამით არაფერი კეთდებოდა.

— ქეყანა მაინც დაინახავს, რარიგად იცხოვრებ, ვაჟბატონო,
მე რომ აღარ გეყოლება... ჰმ! უკვდავება ხომ არ მოუნაჰებია ჩემ-
თვის უფალს, შე ღმერთგამწყრალო, ჩემი იმედით რომ აპირობ შე-
ნი წუთისოფლის ვატარებას?! ეგებ მე ხვალაც აღარ გეყოლო, რა-
ლას შობი მაშინ?! რათი აპირობ გაუძღვე ოჯახს — ამას რატომ არა
ფიქრობ, შე უსინდისო ვაჟბატონო?! ოცდარვა წლის კაცს რომ
ამის გახსენება და ჩიჩინი კირდებოდეს?! ჰმ!..

სიკვდილის შიშმა ამ ბოლოს მაინც გასაოცრად ჩაიბუდა სარ-
დიონის გულში. იმისი წარმოდგენა, იმისი აზრი, თუ ვის უნდა ერ-
ჩინა, რითი უნდა ეცხოვრა ცოლ-შვილს მისი სიკვდილის შემდეგ,
საშინლად სტანჯავდა, სასოწარკვეთილებაში აგდებდა და სიციოცხლის
დღეს უმწარებდა. იგი უკვე ზედავდა უიმისოდ დარჩენილებს, უკი-
ღურეს გაჭირებაში ჩავარდნილთ, დამათხოვრებულთ, ქვეყნის შე-
საბრალისად გამხდართ; მისი ძვირფასი, უწყინარი, ანგელოზის
ჰსგავსი ნინო მშვიერი, მწყურვალი, დაკონკილი ეხატებოდა, უპატ-
რონო; მის ძარღვებში სიხსლი დგებოდა, თაებრუ ესხმებოდა და
ვაბოროტებული სარდიონი მოუსვენრად ბორგავდა, ერთ ადგილს
ვეღარ რჩებოდა და ხან იქით მირბოდა, ხან აქეთ, თითქოს უნდო-
და ამასობაში მიეფანტ-მოეფანტა შემოსეული, სულის შემწყუხებე-
ლი, გენიის ცეცხლის მომკიდებელი ფიქრები.

მისთვის ათასწილად სამჯობინარი იქნებოდა, ამ მწყუხარების ატა-
ნის გამაადვილებელი, რომ ეს შვილი სრულიად არ მისცემოდა, ან
და იმისთანა მშვენიერება არ ყოფილიყო. მისი სილამაზე, მისი

გულკეთილობა, სინაზე, ტკბილი ხასიათი, მორიდებულება დედ-მამასთანაც და სხვებთანაც, ისიც, რომ იგი ყველას უყვარდა, ყოველივე ამის პატრონი არსება თითქოს ღმერთმა განგებ გაუჩინაო ამ კაცს, რომ მისით ჩაეხედნა თავის სინდისში, დაენახა ახლა მაინც, რისიც მქნელი ხდებოდა თავის დაუდევრობის გამო, თავის ამაყობისა და გაჯიუტებით რა ცოდვაში ჰქონდა ჩადგმული ფეხი. როგორ სატანჯველს უმზადებდა თავის სისხლს-ხორცს. თავისი ცოდვის სამაგიეროს მოძღვნილად ღებულობდა სარდიონი ყოველივე ამას და როცა ამასთანავე ნინოსაგან არ სმენია არა რაიმე საყვედურის გამომთქმელი სიტყვა, მის მშვენიერ სახეზე ღიმილის მეტი რომ არა შეუმჩნევეია რა, რომ მისი წარბები არ შეყრილა უკმაყოფილების გამოსახატავად, — ყოველივე ამისაგან უფრო იჩაგრებოდა მოხუცი, უფრო სტკიოდა გული და უფრო გამწარებული იყო.

ვერაფერ ამას, რასაკვირველია, სონია ვერ ამჩნევდა ქველიძისას, ვერ ხედავდა და არც შეეძლო გაეგო აქაური ამბავი, რადგან ოჯახის ყოველივე ნამდვილი და ქეშმარიტი გარემოება, რაც შეიძლებოდა, იფარებოდა და მიმაღული იყო იქაურებისაგან. სონია უმზერდა გარეგნულ ცხოვრებას, ესმოდა თავადაზნაურობის ცხოვრების ამბები, წარჩინებულ პირებზე ლაპარაკი, სოფლამდე მოღწეული, მათი ნამოქმედარ-ნათქვამის ამბავი „შემოსული“ მოდების შესახებ და ამგვარები. რადგან კარგი კრა-კერვა იცოდა, ხშირად ეხმარებოდა ქალიშვილებს მათ საკერავში, რჩევას აძლევდა ფასონების ამორჩევაში, გულუბრყვილოდ ჰკვირობდა და იცინოდა, როცა ნინო სწყევლიდა უკანასკნელად შემოღებულ მოდებს, რომლისათვის მეტი ქსოვილი იხარჯებოდა და ისე იკვეცებოდა, რომ შემდეგ აღარაფრად გამოსადეგი აღარ რჩებოდა გამონაცვალი.

— თავს დაეანებებ ამნაირად შეკერვას!.. ორი არშინი აკლდება ორივე სახელოს... რა ვუყო ახლა? — იტყოდა ხოლმე გულდაწყვეტილ ნინო.

— ორი არშინი? — ჰკითხავდა დედა.

— აბა!

— აბა უნდა ვიყიდოთ, შეილო... — უნდა ვიყიდოთ... ვეტყვი მამაშენსა და გიყიდის.

— არა, არა... იყოს, ისე შევიკერავ... არ დევძებ ამ მოლას! — გულდაკლებით წამოიძახებდა მამინ ნინო.

— უბრალოდ როგორ შეიკერავ... საღა გამოაჩენ მერე! რაც მოდაა მოსული, შეილო, ისე უნდა გექნეს, რას იზამ!..

— არ ვიცი, ღმერთმანი!.. — წაილაპარაკებდა საკერავზე თავჩა-

დუნული ნინო. — როდის მომესწრება დასამატის ყიდვა, ვინ წავა-
ახლა მის საყიდლად?!

— გამგზავნს როგორ ვერ იშოვნე?! --- სიცილით მიუგებდა ამა-
ზე სონია, სრულიად დაშორებული იმ აზრს, რომ ნინოს სიტყვა;
მხოლოდ მიზეზი იყო; ნამდვილად კი იმაში მდგომარეობდა, რომ
ამ შემოღებული მოდისათვის საჭირო ხდებოდა ფული და ის კი,
მოდების დევნაში სახარჯავად კი არა, სხვა მიუცილებელი საჭიროე-
ბისათვისაც არ იყო. სონიას ვერ გაეგო ახალგაზრდა ქალიშვილის
ყოყმანი, არ იცოდა, რომ ყოველი ახალი მოდა ამათთვის მეტი შე-
მაწუხებელი რამ იყო, რადგან თავს ვერ არიდებდნენ დევნას რაო-
დენადმე მაინც და ამის გამო, შეეიწროებულ მდგომარეობაში
მყოფთ, მეტი სამძიმო ხარჯი მოსდიოდათ. ამიტომ სწუხდა კიდე-
ვაც ნინო და ამიტომაც იწვევდა ამდენ ლაპარაკს ეს საკერავისა-
თვის დაკლებული ორი არშინი ქსოვილი. და ამ მიუხედავობის მი-
ზეზი იყო, რომ სონია არ ეშვებოდა, თავის მხრივაც ურჩევდა სა-
ყვარელ ამხანაგს, უსათუოდ წემატებინა დანაკლისი და ამორჩეულ
ფასონზე შეეკერა „რუბაშკა“.

— ღმერთს ვფიცავარ, გასაოცრად დაგშვენდება.. მაინც კარგი
ხარ, მაგრამ ამ რუბაშკაში გასაგიებელი რამ იქნები, შენ ნუ მო-
მიკვდები, ნინო ჩემო! — აღტაცებით ეუბნებოდა სონია, ასე რომ
ოლიკოს გაცინა კიდევ და თან წამოიძახა:

— არ გადარია ამ ჩვენმა ნინამ ეს ქამუშაძეები, ცოლიც და
ქმარიც?!

მათათმ ერთი უნებურად გაიღიმა, მაგრამ მაშინვე მწყრომი სა-
ხე მიიღო და ქალიშვილს შეუტია:

— სად ისწავლე მაგნაირი ზრდილობა, შვილო? — და თავის უკ-
მაყოფილების დასანახავად თავი ვააქნია.

მაგრამ სონიას არ სწყენია ეს, როგორც კვლავაც, როცა ოლიკოს
აჯავრებდა მის დედამთილს ეკვირინეს, ბიცილა ეფროსინეს და ბი-
ძია ომანს, დათიას და მთლად იმათ კუთხის ქალებსა და კაცებს.
სონია. თავადაც გულიანად იცინოდა მაშინ, თავის მხრით ელიჩკას
მასალასაც აძლევდა ამ დასაციინისათვის მეზობლების ამბების გად-
მოცემით. აქ ამ ოჯახში, თავის მაგვარ კეთილშობილებს რომ ხე-
დავდა, ყოველ ხუმრობასაც ადვილად იტანდა, დაცივნაც საწყენად
არ ურჩებოდა ამ თავისი ტოლებისაგან და ყოველივე ხუმრობას სია-
მოვნებითაც ისმენდა. გარდა იმისა, რომ აქაურობა იზიდავდა მას
თავისი კეთილშობილური შეხედულებით, რომ ამითი კმაყოფილდე-
ბოდა მისი წოდებრივი გრძნობა და თავმოყვარეობა, მის თავში
ისეთი აზრი ტრიალებდა ამ ბოლო ხანებში, რომლის აღსრულები-

თაც იგი სამუდამოდ დაუახლოვდებოდა ამ ოჯახსაც და სიკვდილამდის არ განშორდებოდა თავის ძვირფასს საყვარელს ნინოს. ეს აზრი იყო — ნინოს სარძლოდ აჩემება და სონიამ კიდევაც ორჯერ-სამჯერ მისწერა ამაზე დედამისს და ურჩევდა, ყოველივე ღონე ელონათ და ბეგლართან ამის შესახებ მოელაპარაკნათ. საქმე მით უფრო აღვილად მოსახერხებელი უნდა ყოფილიყო, მისი აზრით, რომ ბეგლარსაც გაცნობილი ჰყავდა ქალიშვილი, როცა იგი ერთხელ დის სანახავად მოვიდა და, როგორც მაშინ ეტყობოდა, ძლიერ მოეწონა ლამაზი ნინო. ამ აზრს შეხაროდა სონია და მოუთმენლად მოელოდა ამის აღსრულების დღის შესწრებას, მანამდე კი, რამდენადაც შეეძლო, ცდილობდა განუშორებლად ყოფილიყო ამ საყვარელ არსებასთან, რომლის სიახლოვეს ავიწყდებოდა თავისი ღარიბი ოჯახი, თავისი დარღებიც, თავმომაბეზრებელი მოხუცებული დედამთილიც და ყოველივე უსიამოვნება; რაც ზედებოდა ამ ახალ ადგილას, სადაც მისი გულის გაჰხსნელს და გამაღონიერებელს თითქმის ვერას ზედავდა ჭერჭერობით და, შეიძლება, სრულიადაც ვერ დაენახა ვერც შემდეგში.

VIII

ზამთრდებოდა. ფოთოლგაცვივებული, გატიტვლებული ხეები აღარ მალავდნენ, უფრო გამოაჩინეს დაბალი, პატარ-პატარა ზოგან შერცხლის ბუდესავით ფერდებზე მიკრულ-მიკოსებული სახლები, სასურავეებიდან ამომავალი კვამლის შავ ბურთავდადგმული.

დღითი-დღე გაღონიერებული სიცივისაგან უფრო და უფრო იკრუნჩხებოდა, იკუმებოდა ყველაფერი, საღდაც იპარებოდა და დამალვას ცდილობდა, გარეთ გამოხედვას ერიდებოდა. სულიერი თბილ ბინას აღარ შორდებოდა. სოფელი მიწყნარდა, მიიღუშა; ცხოვრება თითქოს შესწყდაო. კაცსაც ძვირად თუ დაინახავდა კაცი: ხანდახან თუ გაივლიდა ორღობეში წვივებამდის ფეხტიტველი, ძველებში გამოხვეული სოფლელი, ხან ურმით, ხან ტომრით ზურგზე წისქვილისკენ მიმავალი, როცა ნამეტან ამდგარი ტალახის გამო გზები შეიკვრებოდა ურმისათვის.

ტყვიისფერ ცის ქვეშ საცოდავად გამოიყურებოდა სიცივისაგან შეშინებული არემარე; მყინავი, ნემსებივით მჩხვლეტავი ცივი ქარი უსიამოვნოდ სისინებდა გაფშოკებული ხის შტოებში.

ვისაც ჭერ კიდევ არ ჰქონდა მთლად მომარაგებული საზამთრო შეშა, ახლა კიდევ შეეძლო თითო-ოროლა გზობა მაინც მოეწლო ურმით და თუ სადმე ეგულებოდა მოსაპრელი რამე, იჩქაროდა მოე-

ტანა სახლში, სანამ თოვლი სრულიად შეუკრავდა ყოველგვარ მისვლა-მოსვლას.

ოტიამ კარგა ძალი შეშა ჩამოზიდა საიდანღაც და ჯერ ისევ ზიდავდა. საცოდავი სანახავე იყო იგი ამ დროს — გაწუწული, ტალახში ამოთითხნილი, ქუდის მაგივრად ძველ ყაბალახით ყურებიანად თავშეხვეული, სიცივისაგან აკანკალებული, სახლში რომ შემოვარდებოდა და თბუნებას დაუწყებდა დაძრულ ხელებს ცეცხლზე, რომელსაც დილიდან საღამომდის უსხდნენ ორივე რძალ-დედამთილი. ცეცხლისაგან შეხურებულ ძველ ტანისამოსს ორთქლი ასდიოდა და ბურში გახვეული ოტია ციბრუტივით ტრიალებდა, რომ კარგად გამშრალიყო; წვივებზე შემსმარი ტალახიც სცილდებოდა და იქვე იყრებოდა ცეცხლის პირას მიწაზე. სონია თვალს არიდებდა ამ დროს ქმარს, მისი თავმომწონეობა მეტისმეტად ილახებოდა, ამ სურათს რომ უყურებდა.

— აწი, შვილო, ხარებიც შემოიყვანე, ჩალა ჩოუყარე და ბარემაც სადილიც ეჭამოთ... მეორე გზობას მერე იზამ... — ეტყოდა ხოლმე ეკვირინე შვილს.

— მაცალე, მაცალე, თუ ღმერთი გწამს! ხელები წამართვა სულ სიცივემ... გვეითბობ, ძვლებს გავაგებინებ... თითებს ველარ ვხმარულობ... უცნაური ქარ-ყინვაა დალოცვილი... იმ მთებში მაინც! — მიუგებდა ოტია, რომელიც ცეცხლს ველარ შორდებოდა.

მაშინ ეკვირინე თვით წამოდგებოდა, შემოიყვანდა ხარებს სახლში, რადგან სხვა ბინის უქონლობის გამო საქონლისათვის ბაგა აქვე ჰქონდათ მოწყობილი, შემოათრევდა ორიოდე კონა ჩალას და თავის ხელით ჩაუტეხავდა ხოლმე მოწივებულ პირუტყვთ საქმელს. მერე თავიანთ სადილს უბრუნდებოდა, რომელსაც აქვე სჭამდნენ ცეცხლის პირას, საქონლის ჩალის ხრამუნში და მათი ნეხვით აქოთებულ ჰაერში. რადგან უბუხრო მეორე ოთახში ცეცხლი არ ინთებოდა, — იქ გადამეტებული სიცივე იყო. მაგრამ სადილიც დიდხანს არ გრძელდებოდა, — ლობაოსა და ჭადს ხანგრძლივი შექცევა არ სჭირდებოდა.

დაიწყო თოვა და რამდენიმე დღის განმავლობაში სპეტაკმა თოვლმა მოჰფარა არემარე. სოფლისათვის რომ შეგეხენდათ, იტყოდით, თითქოს განგებ ჩაურგავთ აქა-იქ პაწაწინა ხის კოლოფებიო, ისე მოჩანდნენ სახლები იმ დროს თოვლში. ახლა სრულიად მიწყდა ყოველივე მოძრაობა, მისვლა-მოსვლა, შეიკრა მუზობლებშიაც სავალი გზები. ყველანი დაიბუდნენ თავთავიანთ სახლებში, უსხდნენ ცეცხლს და გარეთ გამოსვლას ერიდებოდნენ. ამგვარ დატყვევებულ-დამწყვდეულ მდგომარეობაში ჩავარდნილ სონიას

სული უწუხდა; მისთვის აუტანელი ხდებოდა ქვეყნიერებასთან ეს დაშორება, თითქოს საღმე უდაბნოში იყო, თითქოს მის გარშემო სხვა სულიერი არაფერი ყოფილიყო ასეთი მოწყვეტილი და განმარტოებული ცხოვრებით, რომელითაც იძულებული იყო ეცხოვრა. ეკლესიაში წასვლასაც დიდის გასაჭირით ახერხებდა სულშეწყუხებული. არ დარიდებია ხანდახან გზის სიძნელეს, ოღონდ კი ვინმე გარეშე ენახა, ვინმესთვის ხმა გაეცა; მაგრამ აქაც მხოლოდ მამაკაცები თუ იყვნენ, თორემ ქალები ძვირად გამოდიოდნენ.

რაკი ზამთარი დაიწყო, ნინოს ნახვის საშუალება სრულიად დაეკარგა სონიას. ხანდახან გარეშეთაგანი თუ შემოვიდოდა სიცივისაგან მოკრუნჩხული, ძველ კონკებში შეფუთვნილი ფეროსინე, რომ ოტიასათვის ეთხოვნა წისქვილში წაელო დასაფქვევად მისი ორისამი ბათმანი სიმინდი, თორემ ისხდნენ ორივე დედა-შვილი და სონია ცეცხლის პირას, ფეიცხებოდნენ და დროს ამოკლებდნენ ერთმანეთში თავიანთ მოგონებათა გაზიარებით. დღეები მიიზღაწებოდნენ, მიჰყვებოდნენ ერთმანეთს ერთფეროვანად, განუსხვავებლად, გულის მომკვლელ მოსაწყენისად, განსაკუთრებით მიუჩვეველ ადამიანისათვის, რასაკვირველია. დილით ადრე ადგომა, ცეცხლის დანთება, გასათბობად კერიასთან დაჯდომა, ცოტა ხნია შემდეგ სადილის თავდარიგი, სადილი, იქვე, როგორც შებინდებოდა, ვახშმის მზადება, ვახშიმი და მაშინათვე ძილი; მეორე დღესაც იგივე, მესამესაც; ასე ატარებდნენ კვირეებსა და თვეებსაც.

ეკვირინეც და ოტიაც კარგად ხედავდნენ, რარიგად უჭირდა ახალგაზრდა ქალს ამგვარი ცხოვრების ატანა; მათთვის ეს ადვილი წარმოსადგენიც იყო, რადგან იმათაც კი, შეჩვეულებსაც, ემძიმებოდათ ამნაირი მდგომარეობა; რამდენადაც შეეძლოთ, ცდილობდნენ გაერთოთ იგი სხვადასხვა ამბებით სოფლის ცხოვრებიდან, მაგრამ ეს ამბებიც მოსაწყენი ხდებოდნენ და გამართობელ სიცხოველეს ჰკარგავდნენ ამ გულის მომკვლელ ცხოვრებაში, მსმენელის დამძიმებულ ტვინში შთაბეჭდილებას ვეღარ სტოვებდნენ.

ამ დაყრუბულებაში მყოფ ქამუშაძეებს, ერთ დღეს, ის იყო სადილი რომ გაათავეს, უეცრად მოესმათ რაღაც ყვირილი. კვილი და ხმაურობა. ყვირილის ხმა თანდათან მატულობდა, უფრო და უფრო მკაფიოდ მოისმოდა.

ოტია მივარდა კარებთან და გაიხედა, უნდოდა გაეგო, თუ საიდან მოდიოდა ხმა; იქვე დაყურებულნი იყვნენ რძალ-დედამთილიც.

— ლევანისასაა ეს ხმა, ან და ომანისას! — წამოიძახა ცოტახნის შემდეგ ოტიამ.

— ბავშვი თუ მოუკვდა ომანსი უსათუოდ!.. კი, კი უსათუოდ ასე იქნება! — წამოიძახა ეკვირინემ.

— კი, მარა, შეცხადებას რომ არ ჰგავს — თქვა ოტიამ. — რა-
ღაც სხვა ამბავია... უცნაური ამბავი უყურეთ, უყურეთ!.. ყაბალა-
ხი მომე, დედა!.. წავალ ერთი, გვეიგებ მაინც, რა არის...

— გვიგე, გვიგე, შენი ჭირიმი!.. აჰა, შეიხვიე კარგად, ყურებზე არ შეგცივდეს!.. ჩოხა შემოიხვიე კარგად, კარგად... სიცივემ არ შე-
მოგკრას, ცეცხლთან ნაჯდომი ხარ!.. — მისძახოდა ეკვირინე ოტიას,
რომელმაც თავზე მოიხვია ყაბალახი, ამოიკრა ჩოხის კალთები და,
რამდენადაც ეხერხებოდა, მუხლებამდის თოვლში აუჩქარა ზევით-
კენ, თავისი ბიძებისაკენ, საიდანაც ხმა ისმოდა.

ხმაურობა სწორედ ომან ქამუშაძის შვილის გამო იყო ატეხი-
ლი. დილიდან ცუდად შექმნილი ბავშვი, სადილობის ხანს უკანას-
კნელ მდგომარეობაში ჩაეარდა და გამწარებულმა მისმა მშობელმა,
სისხლმორეულმა, უცბად დაავლო ხელი უშველებელ კეტს და ერ-
თი დაპუქრებით და ქადილით გადაეარდა იმისკენ, ვისაც ბრალს
სდებდა შვილის სიკვდილის პირზე მიყენებაში.

ეფროსინემ ბედად თვალი მოჰკრა კეტით თოვლში მობაჯაჯუნე
თავშიშველა, თმაგაბურძგენილ მახლს და მიხედა, რომ იგი მასთან
მორბოდა გაბრაზებული, მიხურა ისევ კარი და შიგნიდან გადაარაზა.

— სად დამემალები, სად? — შორიდან მიაყვირა ომანმა. — სად
გამექცევი, შე წყეულო, შე არაწმინდავ... შე კუდიანო, უღეთო,
ურჯულო, შეჩვენებულო მოგკალი ეს-ეს არის, ოუშვი... თავი გაა-
ნებე ბავშვს, თუ არა, ეს არის გაგათავე, იცოდე! არ გესმის, შენ
ეი!.. ეი! — საზარელი ხმით შეჰყვირა გამხეცებულმა კაცმა სახლ-
თან რომ მივიდა და, რაც ღონე ჰქონდა, კარებს დაუშინა კეტი: --
ურჯულო!.. ურჯულო! ოუშვი-მეთქი, ნუ მიკლავ შვილს, ნუ მიკ-
ლავ შვილს, მითქვამს შენთვის! თავი გაანებე, თვარა ეს არის გა-
გაცხებიანე სული!.. ეი, ეი! მალე, მალე, მალე! -- და ამ თავზარდამ-
ცემ ღრიალთან იგი ისევ უმოწყალოდ სცემდა კეტს, რომ ჩაემტე-
რია კარები და ხელში ეგდო მისი გამამწარებელი დედაკაცი.

შიგნიდან არაეითარი ხმა არ ისმოდა, თითქოს სახლში არავინ
იყო. ომანი ისევ ღრიალებდა უცნაური ხმით, ისევ ცდილობდა კა-
რების ჩამტვრევას. მოირბინა მისმა ორმა ქალიშვილმაც და მამას-
თან ერთად ახლა ესენიც გაჰკიოდნენ კარებთან და უყვიროდნენ
ეფროსინეს, რომ მომაკვდავი ბავშვი აეშვა და სიცოცხლე დაებრუ-
ნებინა მისთვის.

ხმაურობაზე მოირბინა ორიოდე გლეხმაც, რომელნიც შეეცად-

ნენ ომანის დაწყნარებას, მაგრამ ვერაფერი გააწყვეს ვერც კაცთან და ვერც ქალებთან.

— მოითმინე, ომან, მოითმინე ღეთის გულისათვის! — ეხვეწებოდნენ და აწყნარებდნენ გააფთრებულ ომანს გლეხები.

— გარეთ გამოეთრეს მაგ კუდიანის თვალთ დამენახოს მაგ ურჯულო, თვალთ დამენახოს!

— ოუშვას, ოუშვას, კოწია ოუშვას!.. ნუ კლავს — ჰყვიროდნენ ქალიშვილები.

— რა ვუქენით საამისო მაგ არაწმინდას, ასე კბილი რომ ჩაასვა საწყალ ბავშვს? ლაპარაკი ვის არ მოსვლია მეზობლობაში? მოვკლავ, მოვკლავ, ამ წუთში მოვკლავ, ჩემს ცოდვაში ფეხს ნუ იდგამს!.. სად მემალება? სად მემალება მაგ დაწყევლილი, სად?.. სად?.. სა-ა-ად? — და ომანმა ისევ დაუშინა კეტი კარებს, ისე რომ ფიცრების ნატკეჩები აქეთ-იქით იფინებოდა.

ამ დროს ოტიამაც მოასწრო. რა თვალი მოჰკრა, რაც ლევანის კარებთან ხდებოდა, იგი გამოიქცა, რამდენადაც შეიძლო გამოჩქარება თოვლში, მოვარდა გადმოხურულში და ბიძას მიიძახა მწყურალოდ:

— რა ამბავია?! რას შერებით ამას, ხომ არ გადარეულხარ, ხომ არ გაგიყებულხარ, მითხარით ერთი?.. — მისწი-მოსწია ქალიშვილები და მიეფარა კარებს.

— იქით!.. იქით!.. ჩამომეტალე! — შეჰყვირა ომანმა. — იქით, თვარა შენც მიგაჰყვლტ მანდვე... გამეტალე!.. მითქვამს შენთვის!

— სად გაგეტალო?.. ადამიანს მოკვლას უპირობ და გაგეტალო?!

— თავი გამანებე-მეთქი!.. თავი, თავი!

მაგრამ ოტია ეცა ხელში და კეტის წართმევა მოინდომა. მაშინ ქალიშვილები მიაფრინდნენ მას; რამდენიმე გლეხი ჩაერია ამათში და მოინდომეს ომანის დახელცარიელება. შეიქმნა ერთი ყვირილი, ჯიგლიგი.

— ეფროსინე, ეფროსინე! — მივიდა კარებთან მოხუცებული გლეხი. — გამოიხედე ერთი... ერთი სიტყვა მაინც თქვი, დალოცვილო, კაცი დაამშვიდო ვეგებ არ გესმის? ნუ გეშინია, აგერ ვართ ამდენი ხალხი!..

რამდენიმე განმეორების შემდეგ, რომლის განმავლობაში დანარჩენები ისევ ომანთან ჯიგლიგში იყვნენ, კარი გაიღო და გამოჩნდა მიწისფერ გადაკრული ეფროსინე.

— რა გინდათ?! — გადმოიძახა ერთი წელში გამართულმა, დონჯ შემოყრილმა ლევანმა. — რა გინდათ?! — შეუყვირა წყრომით

და, მეტის ჯავრისაგან ათრთოლებული, სიტყვას რომ ვეღარ ახერხებდა, შერჩა ერთ ადგილას გაქვავებულივით.

— გამიშვით! — დაიღრიალა ომანმა. — გამიშვით, დამალევიეთ მაგისი სისხლი... მაგისი!.. ნუ მიკლავ, შე არაწმინდავ, შეიღს, ნუ, ნუ, არ გესმის, შე უღვთო?! ა, არა?! — მიაყვირა მებრძოლმა ომანმა, რომელსაც ვერას გზით ვერ მოუხერხეს ხელიდან კეტის გამოგლეჯა. ქალიშვილებმაც მოინდომეს კარებისაკენ გაწევა, რომ სცემოდნენ ეფროსინეს, მაგრამ ორმა გლეხმა გზა გადუღობა მათ, აღარ მიუშვეს და ისინი შორიდან ქაქანებდნენ.

— გაანებე თავი. ეფროსინე... თუ მართლა შენგან არის, შენი მიზეზითაა ის ბავშვი, მიუტოვე, აპატიე, ნუ ჩადგამ ფეხს ცოდვაში... რაც არ უნდა იყვის, თქვენი სისხლ-ხორცია მაინც!.. — მიმართა მოხუცებულმა გლეხმა.

— მომკალით, მომკალით ახლავე!.. — შეპყვირა ეფროსინემ.

— გაანთავისუფლე!.. იმხელა ოჯახს ორი ვაჟის მეტი არ ჰყავს!.. მუშა ხელს ნუ მოაკლებ, ეფროსინე!.. თუ შენითაა... ოუშვი!

— ოუშვი, ეფროსინე, თუ რამე შენგანაა ნუ შერები მაგას! — მიამძახა კიდევ ერთმა-ორმა გლეხმა.

ეფროსინემ გადმოაბიჯა ზღურბლზე, ალაპყრო ხელები მაღლა ზეცისკენ და გამწარებით შესძახა:

— შენ მოჰკითხე, შენ მოჰკითხე, ჩემო გამჩენო, პასუხი, შენ მოჰკითხე პასუხი, ვინც მე ათასნაირ უბედურებასა და უცნაურობას მახვევდეს და მიგონებდეს, შენ მოჰკითხე!..

ღალადი არ გაეთავებინა მას, რომ ეზოში ღობიდან გადმოსტა პატარა გოგო. რომელიც თოვლში ეფლობოდა და თან გაჰკიოდა:

— მამა, კოწია მოკვდა, კოწია მოკვდა... მამა! მოკვდა კოწია!..

ამის გაგონებაზე ერთი წუთით ყოველივე მიწყნარდა, მიყუჩდა.

— მოკვდა კოწია, მამა! — წამოიძახა თოელიდან წამომდგარმა გოგომ. ქალიშვილებმა ერთი უცნაური ხმით შეჰკივლეს და ომანიც შეინძრა ისეთი ღონით, რომ ყველანი აქეთ-იქით მიჰყარ-მოჰყარა და ეფროსინესკენ ისეუბა.

ამ უკანასკნელმა გაქცევა დააპირა, შეეპარდა თოვლში, მაგრამ ცალკე თოვლი არ უშვებდა, ცალკე კაბაც ეხვეოდა ფეხებში; ათი-ორდე ნაბიჯი კი მოასწრო გადაედგა, რომ იქვე ჩაიკეცა, წაიქრა, და ამავე დროს მიწეულ ვაბოროტებულ, გაათრებულ ომანისაგან მოქნეული კეტი მარჯვენა ბეჭზე მძიმედ დაეშვა. ერთი კი შესწივლა საცოდავმა და თავი ჩაპყო თოვლში.

— მოჰკლა, მოჰკლა! — ერთხმად წამოიკივლეს ეკვირინემ და სონიამ, რომელთაც გულმა ვეღარ მოუთმინათ, ოტიას დაბრუნე-

ბამდის ამბის გაუგებლობა, ხმაურობას ამოჰყვნენ და ის იყო ლე-
ვანის ეზოში შემოვიდნენ.

ომანმა კიდევ მოიქნია კეტი, უნდოდა მეორედ დაერთყა გრძნო-
ბამიხდილი მოხუცებულისათვის და კიდევაც უსათუოდ იქვე გაა-
თავებდა, რომ ისევ ოტიას არ ემარჯვნა და ხელეში არ სცემოდა
ბიძას და ორი გლეხის დახმარებით არ წაერთმია კეტი მისთვის.

ახლა ომანმა დაიწყო ყვირილი და გინება უშვერი სიტყვებით;
ისევ იმუქრებოდა და თან სტიროდა შვილს. ცხარე ცრემლებით.
ქალიშვილები ქაქანით და მოთქმით გაემართნენ ეზოდან. ცოცხალ-
მკვდარი ეფროსინე ამოიღეს თოვლიდან და წაიღეს სახლსაკენ.

— ომან, სულის წაწყმენდა მოინდომე?! ღმერთის აღარ გეში-
ნია?! — მივიდა ომანთან ეკვირინე.

— საწყალი ბიცილა! — ტირილში ამოსკდა გულიდან სონიას.

— მაგია საწყალი, მაგ შეჩვენებული?! — დაიყვირა ომანმა. —
მაგია საწყალი?! ოჰმე, ოჰმე... ცოცხალია კიდევ? ვერ მოვკალი,
ვერა? მაგ უნდა შეიბრალოს ქრისტიანმა?! რა მიქნა, რა მიქნა?!
ვაიმე, შვილო, შვილო, შენი ჰირიმე! შენ რა აწყენიე, შე უბედუ-
რო, შენგნით რა შეხვდა, რომ ასე მოგისპო დღე!.. წამოდი, წამოდი,
შენი ჰირიმე... რა შვილს გამომათხოვა, რა საიმედო შვილს გამა-
შორა მაგ ურჯულომ, მაგანი.. საღ წამივა, რითი გადაშირჩება, სით
აპირობს გაქცევას, სით?! — მან მოჰკიდა ხელი სონიას და გასწია
თავისი სახლისკენ.

შესაბრალების შესახედავი იყო ეს მართლა დათვის მსგავსი უშ-
ველებელი კაცი, ბავშვივით რომ ღრიალებდა და მოსთქვამდა. სო-
ნია მორჩილად მიჰყვებოდა; უკან ეკვირინეც მისდევდა და რამდენ-
იმე გლებთავანიც. ოტია და ორიოდ სხვა ეფროსინესთან დარჩნენ.

ომანის სახლიდან ერთი ღრიალი მოისმოდა. ამათ მისვლაზე
ღრიალმა უფრო იმატა.

ცეცხლის პირას სკამ-ლოგინზე მდებარე ახლად მიცვალბულ ათი-
თორმეტი წლის ბავშვს გარს შემოსეოდნენ დედა და დები და
გულშემზარი ხმით დაჰკიოდნენ და დასწიოდნენ თავზე. ამათ ზრი-
ალს ახლად მოსულების ტირილიც შეემატა.

— ადექი, ადექი, შვილო!.. შენი ჯერეთ გაუცნობელი რძალი
მოგივიდა, ხმა გეეცი, შე უბედურო! ხმა გეეცი, შვილო!.. ვაიმე,
ვაიმე, ვაიმე, აღარაფერი ესმის, აღარაფერი! — შეჰყვირა გამწარე-
ზულმა დედამ და თავს ურტყამდა გაცივებულ გვამს.

სონიამაც და ეკვირინემაც მიუტირეს ჰირისუფალთ, ცოტა ხანს
დარჩნენ და შინისკენ გაბრუნდნენ. გზაში კიდევ კარგა ხანს ესმო-
დათ ტირილის ხმა.

— რა საცოდავად ყოფილა, ბეჩა, ეს უბედური ომანი! — მის-
და უნებურად წამოიძახა სონიამ.

— საცოდავად არიან, აბა!.. მარა მაინც არ წყნარდებიან, ყო-
ველთვის ერთს შფოთსა და უბედურებაში არიან. ვერაფერმა ვერ
დაამშვიდა... ვერც სიღარიბემ და ვერც სიღატაკემ. ისევ ეგებ სიმ-
დიდრეში შევლებოდით რამე, მარა მდიდარი არც წინათ ყოფილან
და აწი რაღა უბედურობამ უნდა გაამდიდროს!..

ეს დაცინვასავეით ნათქვამი ეკვირინესაგან უსიამოვნოდ მოხვდა
სონიას გულზე და ლაპარაკი ეფროსინეზე გადაიტანა.

— ამ უბედურ ბიეოლა ეფროსინეს რაღას ერჩოდნენ, მისი რა-
ბრალია, საწყლის? რა შეუძლია საცოდავს, რომ მისით ან მოკვდეს
ან გაცოცხლდეს ადამიანი!.. ღმერთო ჩემო, ეს უგუნურობაა, მეტი
არაფერი! — თქვა გულაჩვილებულმა სონიამ.

— ვინ იცის, შეილო, ვინ იცის!.. რავარც კი არ გითხარი, ათას-
წანი უბედურებას სწამებენ მაგ შევლდეზე გაჩენილს და მაგ კერპი,
გაუტეხელი, მაინც არაფერს არ ერიდება და არ იშლის... მაინც
ჰკითხაობს, რაღაც წამლებს არიგებს. ვის რას არ ელაპარაკება,
ჩითი არ ამინებს ზოგიერთებს. შეიძლება ყველაფერი ტყუილიც
იყოს, განგებ სჩადიოდეს, რომ ხან რამე იშოვოს, ხან ვინმე შეაში-
ნოს და მორიდებაში იყოლიოს. საწყენი მისთვის ვერავის გაუბედ-
ნიო... შეიძლება ასედაც იყოს, მარა მთლად სოველს ასე აქვს ჩა-
გონებული მაგისი ამბავი, რომ ველაოკის ათქმევიანებ, თუ ყველა-
ფერი, რასაც კი მაგაზე ამბობენ. მართალი არაა... თავისთავს დააბ-
რალოს... ხომ ნახე, რა დღე დააყენეს? ყველაფერი თავისთავს და-
აბრალოს! შენ კარგად მყავდნი და მაგათ თავი უტეხიათ, ერთმანე-
თიც ამოუწყვეტიათ... წყდებიან ხომ მაინც! ღმერთო, ნუ მიწყენ
და იმ პაეშვის სიკვდილი, კაცმა რომ თქვას, მადლიცაა — რა ცხოვ-
რება მოელოდა საწყალს, რომ გაზრდილიყო... იმდენ სულში, რაც
იმ ოჯახშია, რა უნდა რგებოდა მას, რა შეხვდებოდა საწილოში?
მადლიცაა, ცხონდა ჩემი სული, მადლიცაა, რომ ასე უმანკოდ გა-
შორდა ამ სოფელს — სასუფეველი მაინც არ დაეკარგება მის ანგე-
ლოზად წასულ სულს, თვარა, რომ დაცლოდა და გაზრდილიყო,
ვინ იცის, რა გზას დაადგებოდა... სიღარიბე და შიმშილი კუქს გო-
უხუხრებდა... ცოტაა ამის მაგალითი ახლა ჩვენში!

სონია, რომელიც ძლივს ადგამდა ფეხს თოვლში და სიცივისა-
გან კანკალებდა, ეკვირინეს ამგვარმა ლაპარაკმა სრულიად მოღა-
ლა, მოქანცა და განძრევის ღონე წაართვა; გულდაღონებულმა სია-
რული ველარ შეიძლო და ბოლოს კიდევაც შედგა და ერთი ღრმად
ამოისუნთქა... ამ მოხუცებული ქალის წინდაუხედავი ლაპარაკი,

მისგან ამ ბოლოს ნათქვამი ახალგაზრდა ქალს საკუთარ მდგომარეობას აგონებდა და მისი შეხედულებით, მისი დაკვირვებით ეს მდგომარეობა ბევრით ვერაფრით განირჩეოდა სხვების მდგომარეობისაგან, რომელზედაც ისე უყვარდა შებრალებით ლაპარაკი ეკვირინეს. სონია თავისთაჟს ხედავდა იმნიირსავე ყოფაში, რანაირშიც, ეკვირინეს სიტყვით, მისი ქმრის ნათესაევი და მეზობლები იყვნენ; თავზარდაცემული, შიშმეპყრობილი სონია განძრევასაც ვეღარ ახერხებდა; გონება ეკარგებოდა, სიცივისაგან სხეული უცახცახებდა და გული უწუხდა უნუგეშო მომავლის წარმოდგენით. ამგვარ ყოფაში მოუსვენრად იმეორებდა:

„აბა რალა ვქნა? რალა ვქნა? რალა ვქნათ, ღმერთო, ღმერთო!..“ — მას სრულიად მოესპო განძრევის ღონე.

— გამოიარე, გამოიარე, შენ გენაცვალე!.. გამოიარე, ნულა შეჩერდები, თვარა ეს სიცივე უარესად შეგაწუხებს... უიმიე, რავე კანკალობ, შენი ჭირი შემეყაროს! მოერიე თავს და მალე თბილ ცეცხლთან ისევე გამობრუნდები... ნეტავი სულაც არ წამომეყვანე... კისერი უტეხიათ მაგათ — შენ რა გასარევი ხარ მაგათში, რომ მათი ამბავით თავი შეიწუხო.. ა, შენ დეიბიჭვე ეს ჭოხი, გზას გაგიაღვილებს... ა, შენი ჭირიმიე — და ეკვირინემ, ხელში რომ გრძელი ჭოხი ჰქონდა, სონიას გადასცა.

სითბომ. ცეცხლმა სიცივე დაავიწყებინა სონიას, მართალია, მაგრამ წარსული და გაგონილი ზედ დაერთვნენ წინანდელ განაგონს, ნანახ უხალისო სურათებს და ამ კარჩაკეტილი სოფლის ზამთრულ ცხოვრებაში მუდამ მის-გონებას ეხვეოდნენ, მასთან განუშორებლად იყვნენ, ესეოდნენ და თითქოს მისი ჟინი სჭირდათო, უცნაურად იშლებოდნენ, იმგვარად უხატავდნენ ყველაფერს, რაც მის გარშემო იყო, რომ მათგან დაჩაგრულს, გული უკვდებოდა და სული ეხუთებოდა. მასში იღვიძებდა შიში აქაური ცხოვრების წინაშე, და ყოველსავე ამას ხელს უწყობდა ეს მოსაწყენი, დამტანჯველი, სოფლის კაცისათვის დამატყვევებელი, კარის ჩამკეტავი, ქვეყანას გამაშორებელი სოფლის ზამთარი, რომელიც არა თუ სონიას, შეჩვეულ ეკვირინეს და ოტიასთვისაც მძიმე ასატანი ხდებოდა, და რომლის მალე დათავებას თავმობეზრებულნი, ცეცხლის პირას გდებულნი, დღე მუდამ ღმერთს შესთხოვდნენ.

IX

როგორც იქნა დასასრული მიეცა სულის შემხუთველ ზამთარსაც. გაზაფხულის დღეებიდანვე შემთბარ ბუნებასთან ერთად იღვიძებდა, სიცოცხლეს უბრუნდებოდა ყოველივე სულდგმული.

წელში იმართებოდა ტყვეობისაგან განთავისუფლებული და მხიარულად გამოიყურებოდა. განახლებული ბუნება იმოსებოდა, ირთებოდა და იკაზმებოდა; მაყურებელს გულს უხალისებდა; განოყიერებული მიწა, მზის თბილი სხივების ქვეშ შემშრალი, სამუშაოდ იწვევდა ადამიანს და გულს უესებდა მომავალი შესაძენის ათასნაირი იმედით. ეს საერთო გამოფხიზლება, გაფურჩქვნა, სითბო, სინაზე, ატეხილი ჟრიაშული ფრინველთა, მათი ჰიკჰიკი, ეს საყოველთაო სიმხიარულე და ხალისიანობა ადამიანის გულსაც ახალისებდა, იერთებდა მას, ამას წინათ ტყვედ ყოფილს, და თითქოს რაღაცას ჰპირდებოდა მომავალშდ, ამხნევებდა, თითქოს უკეთეს მომავალს უქადიდა.

გულშედონიერებული მუშა, შეხალისებული ამ იმედით, სამუშეერისკენ მიეშურებოდა — დროით დაეხნა და დაეთესა.

ოტიამაც გაიტანა ყანაში თავისი სახნისი. დილა აღრიანად იგი მისდევდა უკან ხარებს და აღარაფერი ახსოვდა რა ამ თავისი საქმის გარდა, ისე გულმოდგინედ მუშაობდა. მიწა რბილი იყო, კარგად იხვნებოდა, სახნისი თითქოს დასცურავდა მიწაში, მისრიალებდა და ფშენიდა მიწას. ოტიას თითქმის ენანებოდა, როცა შემოსწრებული სადამო იძულებულს ხდიდა მუშაობა შეეწყვიტა და გადაედო დილადის. დაღლილი, დაქანცული, ოფლში გაწურული, ამ დაღალვას მხოლოდ მაშინ გრძნობდა, როცა სახლში ბრუნდებოდა, სადაც მას ელოდებოდა აღრიანი ვახშამი — ცხელი ჰადი და ამოლესილი ლობიო, ხშირად უმწვანილო, რადგან ბოსტანი ის იყო ითვისებოდა მხოლოდ, და ვახშმის შემდეგ იქვე ძილი, რომ დილით გათენებამდის ამდგარიყო და განეგრძო თავისი შეწყვეტილი მუშაობა.

მუშაობდა ოტია სწორედ თავდაუზოგავად. სხვებსავეით მისი გულიც მხოლოდ იმედით იყო სავსე. მუშა იგი წინათაც კარგი იყო, დაუზარებელი, მაგრამ ახლა აორკეცებდა თავის გამარჯლობას, რადგან თვითონ ხედავდა, რომ ახლა მეტი ეკირვებოდა, მეტი მოთხოვნილება ემატებოდა. მას იმედიც ჰქონდა, რომ გაუძღვებოდა ამ შემატებულ საჭიროებას თავისი დაუზარებლობითა და ხელშეუშვებელი მუშაობა-მუყაითობით.

გარემოება ითხოვდა მეტას შეძენას და ოტია ამას ეძებდა მიწაში; ამიტომაც რაც ძალა და ღონე ჰქონდა აწვებოდა სახნისს, რომ ღრმად გადმოებრუნებინა მიწა და ამოეღო იქიდან თავისი საკეთილდღეო. იმედით სავსე გულიდან ამომავალი ხმით დაღლილ ხარებს ამხნევებდა მაღალი შეძახილით „ხი-ხი-ხიო გასწი, გასწი..“ ეს მისი ძახილი გადაღმა გადადიოდა და უერთდებოდა მის მეზობ-

ლად, მისგვარადვე მომუშავე აზნაურთა და გლეხთა ამგვარსავე შეძახილებს. ამ დროს მას ყველაფერი დაეიწყებოდა ჰქონდა: თავისი წოდებაც, გვარიშვილობაც, სიამაყეც — იგი იყო მუშა, გულმოდგინე, თავდაუზოგველი მუშა.

და სწორედ ამგვარ მუშაობაში იყო გართული, — სერკელი გაიტანა, ღონივრად ამოკვლიჯა სახნისი მიწიდან, ხარები შემოაბრუნა და მძიმე ხე შემოატრიალა, რომ უკან გამობრუნებულიყო, — როცა ამ დროს ხმა მოესმა: ვიღაც ეძახდა. ოტიამ არ შეაჩერა მუშაობა და მხოლოდ თვალი ქნა იქით, საიდანაც დედამისის ხმა ისმოდა. მაგრამ როცა ეკვირინესთან ერთად სონაც დაინახა, იგი შეჩერდა ცოტა ხნით. მას შერცხვა, რომ ამ სახით უნდა ჩვენებოდა თავის ცოლს.

— ოუშვი, ოუშვი, შვილო, ხარები და სადილი ჭამე, — მიძახა ეკვირინემ ხის ქვეშედან, სადაც პაწია მოლზე მას კალათი ედგა, რომელშიაც ჩაწყობილი იყო სადილი. — არ გესმის?.. ოუშვი, ჰო!.. დაჯექი, შვილო! — მიუბრუნდა ახლა იგი რძალს. — ახლავე მოვა... გეყოფა, შვილო ოტია!

— ახლავე, ახლავე! — მიუგო ოტიამ, რომელმაც ისევ განაგრძო მუშაობა, მიიტანა სერკელი ბოლომდის, ახსნა ხარები, მირეკა ისინი ეკლიან ბურდამდის და მხოლოდ მაშინ წამოვიდა ქალები საკენ.

— შენ რამ ჩამოგეყვანა?! — ღიმილით უთხრა მან ცოლს, რომლის მიშტერებული თვალების ქვეშ უხერხულად გრძნობდა თავის თავს; ოტიას ცხებენოდა, რომ სონია ხედავდა მას პერანგისა და მისი ამხანაგის ამარა, რომ ტიტველი წვივებით ტალახივით ახელილი მიწით შეთითხნელს, ხელებმოსვრილს.

— ჩამოვეყევი დედას, — მიუგო სონიამ. მის ხმაში რაღაც გულდაწყვეტილობა შეიმჩნეოდა.

— ჩამოვიდა!.. რა საკითხავია... ცოლი აბა არ ინახულებს ქმარს, რომლის წყალობითაც შემოდის ყოველი ნამუშევარი ოჯახში?! რა საკითხავია ეგ?.. დაჯექი, დაჯექი, შვილო... საკმელს ნუ გააცივებ... ჩვენც შენთან ვჭამთ, ჯერ არც ჩვენ გვისადილნია... იამება აქ შენთან, ყანაში, სადილი-მეთქი და იმიტომ აღარ ვაჭამე შინ.

ოტიამ წაიბანა ხელი და, მოშვივებული, დიდი ნატეხებით გლეჯდა თბილ ჰაერს, ამოუსვამდა ლობიოს, მადიანად იღებდა პირში დიდ ლუქმას და, მოწყურებული, სვლიდა სტაქანს სტაქანზე წყალმაჭარას. სონია მისჩერებოდა მას და ცოტ-ცოტას ჭამდა.

— რატომ არ ჭამ? — მიმართა ოტიამ ცოლს, რაკი შეამჩნია

რომ იგი უგუნებოდ ეკიდებოდა სადილს. — ჰამე, შე ქალო, არ გშია თუ?

— ვჰამ... რაც შემიძლია, — მიუგო სონიამ.

— სულ არ იციის ჰამა — წამოიძახა ეკვირინემ, — არ ვიცი, რა მოეუხერხოს... ჭავრი მკლავს, სხვა არაფერი; რომ გამიხდეს და გამხდარი ნახონ დედამ და ძმამ, რას იტყვიან? რას არ იტყვიან, რას! ჰამე, შენი ჰირიმე, ნუ ჩაკვავდებ სირცხვილში. ასე ეგონებათ, ვერაფერი ვერ უშოვეს, რომ ეჭმიათო ეგებ ეს არ გაიმება და აბა მითხარი და შენს საამურს გაგიკეთებ... ოღონდ კი ერთი დავინახო მადა მოსული, სხვა არაფერი მინდა... მე მეგონა, აქ უფრო შეხალისდებოდი, უფრო გამხიარულდებოდი და მადაც გაგელვიძებოდა, შენ კი... ეი აღარ ვიცი; რა ვიფიქრო ამას თუ აღარ ჰამს კაცი ამ შწვანზე, ყანაში, აღარ ვიცი ასე რომ მგონებოდა, აღარც კი გამოგარონიებდი ამხელა გზას. ეგებ მართლა გზამ დაგლალა და დავიკარგა მადა? ასე მგონებოდა, ღმერთმანი, არც კი წამოგიყვანდი... გაეახალისებ-თქვა, ვიფიქრე!

გამახალისებელი ვერაფერი დაინახა სონიამ და სწორედ ამის გამო მადაც დაკარგული ჰქონდა და გულმობხარეული იქდა. გამახალისებელს რას ხედავდა? როგორც იგი თავისი თვალით ხედავდა, ამ წამში, ამხანად, მისი ჰმარი, სახელად ოტია, გვარად ჰამუშაძე, წოდებით აზნაური, იყო ნამდვილი გლეხი, მუშა გლეხი, ყოველი მხრივ ისეთივე გლეხი, როგორც აი ვადალმა ყანაში მომუშავე მათი მეზობელი პეტრია დინარაძე, სრული მისი მსგავსი, გარდა იმისა, რომ აზნაურიშვილად იწოდებოდა, აზნაურობისათვის სასაცილო ხასიათი ეძლეოდა და თითქმის უფრო ამცირებდა ოტიას ამ გარემოებაში. ამას ხედავდა, ამას გრძნობდა სონია და შელახული მისი თავმოყვარეობა უცნაურად ამუშავებდა მის გონებას. პირველ დღიდანვე, რაც მან ფეხი შემოდგა ამ ოჯახში, ამჩნევდა ამას იგი, მერე თანდათან უფრო რწმუნდებოდა ამაში, რაც უფრო აკვირდებოდა, და დღეს კი, დღეს იგი უფრო თვალსაჩინოდ ხედავდა, რა გარემოებაშიც იყო ჩავარდნილი, ვისთან შეჰყარა ბედმა. თავს დაჩაგრულად გრძნობდა და თავის თანდათან გაღვიძებულ თავმოყვარეობას — შელახულად. გულნატკენს ცრემლები ყელში ებჭინებოდა.

გულმოკლული, დაღონებული, გარეტიანებული დაბრუნდა სონია სახლში და თვალწინ მოუშორებლად ედგა მისი ჰმარი — გლეხი, ყაზახი გარეგნობით, წესედულებით, საქციელით, მოქმედებით და შეძლებით... შეძლებითაც.

ეს უკანასკნელი გარემოება დღითი-დღე უფრო თვალსაჩინოდ ხდებოდა მისთვის. და თუ ჰმარის გარეგნობა თავმოყვარეობას უჩაგ-

რავდა, მისი სიღარიბე კი შიშის ზარსა სცემდა, სასოწარკვეთილებაში აგდებდა, ყოველ ნუგეშს უქარგავდა და თითქოს ჩასჩინებდა, რომ თუ მდგომარეობა ამ მხრივ არ გამოიცვალა, უბედურების მეტი არა მოგველის რაო მომავალში. ამგვარმა მდგომარეობამ გასაოცრად იმოქმედა ყმაწვილ ქალზე, გასაკვირლად გამოათხიზლა მისი გონება, დაკვირვებულად. შეახედდინა მომავლისათვის, გაათვალისწინებინა საწინაო, და აქამდე მოსვენებული სონია მოუსვენრად შეიქნა და თითქმის მეტროლ აღამიანად გახდა თავის აწყყოსთან.

სონიას გულს უწყალავდა და თანაც აშინებდა ის მომავალი, რომელიც თვალწინ ეხატებოდა. გაჩუმება აღარ შეიძლებოდა. მისი აზრით, მას ხმა უნდა ამოელო და ქმრისათვის დაენახებინა თავიანთი მდგომარეობა, თუკი იგი თავად ვერ ხედავდა. ეს უსათუოდ საჭირო იყო მათი მომავალი კეთილდღეობისათვის.

სონიამ შეარჩია ისეთი დრო, როცა თავის მდგომარეობით კმაყოფილი ეკვირინე სხვაგან იყო წასული და არ შეუშლიდა ქმართან მოლაპარაკებას. მან გადასწყვიტა, მოელაპარაკა ოტიასთან, ეთქვა მისთვის, რომ ეზრუნა მათი ცხოვრების გაუმჯობესების საჭიროებისათვის, მათი პატიოსნების დაცვისათვის; მიელო ყოველივე ღონე, რომ მათი შვილი ყაზახად არ გაზრდილიყო, სამარცხვინოდ არ ჰქონებოდა მიკერებული აზნაურიშვილობის სახელწოდება, აეცილებინა მისთვის გაჭირვება, უკიდურესი გაჭირვება, რომელიც მას უსათუოდ მოელოდა. მერე ეს საზრუნავები — ერთი ეყოლებათ, ორი ან სამი...

სონია გაცხარებით ელაპარაკებოდა ამას და ეკითხებოდა ქმარს, რას აპირებ, რა აზრს ადგენხარო, რა ღონეს იღონებო.

— ჰო, ჰო, რას აპირებ, რას?.. რას უპირობ ამას, აგერ რომ შემოგვემატება?..

ოტიას უხაროდა იმის გაგონება, რომ მალე მამა შევიქნებო, რომ შვილს დავინახავო, მაგრამ სინამოვნების, სიხარულის ღიმილი მოუსპო ცოლის სიტყვებმა.

— ჰო, რას უპირობ?

— რას უნდა ვუპირობდე, შე ქალო — მიუგო მან წყნარად.

— შენ თვითონ ვერ ატყობ, რომ ის, რაზედაც ახლა ვდგევართ, ჩვენთვის ვერაა სამყოფი? ვერ ატყობ?

— ვატყობ... რავე არ ვატყობ — წაილაპარაკა დამნაშავესავით ოტიამ.

— ჰოდა, ვინც ჩვენ მოგვეყვება, იმათ რა ცეცხლში უპირობ ჩაგდებას? მე შენ გეკითხები და, ოტია, პასუხი უნდა მომცე ამაზე!

— არ ვმუშაობ თუ? რომ ვხედავ ყველაფერს, იმიტომ თავს არ ვიზოგავ... თავს აღარ ვიბრალებ... ასე არაა, შენ თავად არ ხედავ ამას, სონია?!

ეს ისეთი უწყინარი და გრძნობიერი კილოთი თქვა ოტიამ, რომ სონიას უფრო აუღულდა გული. რასაკვირველია, იგი ხედავდა ოტიას მეცადინეობას, ამჩნევდა, რომ ეს კაცი მიხვედრილია თავის მდგომარეობას, ხედავდა, რომ იგი მართლა თავს არ იზოგავდა, არაერთარ მუშაობას არ ერიდებოდა, ოღონდ კი შეეძინა რამ, ხედავდა მის სინდისიანობას და კაცობას და როცა ყოველი ამის მიუხედავად, არა ემატებოდათ რა ოჯახში, თუ არ აკლდებოდათ, მით უფრო აშინებდა მომავალი. მით უფრო აწუხებდა მომავლის წარმოდგენა. აი ახლაც ამგვარად იმოქმედეს ოტიას სიტყვებში მასზე — ოტია თითქოს უნდა დარწმუნებულიყო, რომ ამ ნიადაგზე მათი კეთილდღეობა შეუძლებელი და მოუხერხებელი რამ იყო.

— ყიდევ უფრო მეტს ვიმუშავებ, თავს შევაკლავ! — გაიმეორა ოტიამ იმავე კილოთი. — უფრო ვეცდები კიდევ!

— რას ეცდები, ოტია? რას შეაკლავ თავს? მაგით რომ არაფერი გამოდის?!

— აბა, სხვა რა ვქნა, შენ გენაცვალე! შენ მითხარი, მირჩიე... მიმახვედრე და ისე გვეირჩები, ისე მოვიტყევი, მირჩიე...

— მე რა გირჩიო? მე რა გირჩიო, ღმერთო ჩემო! — წამოიძახა სონიამ და გულადუღებული იქვე ჩაიკეცა, უღონოდ ჩადო მუხლებში თავი და ტირილი დაიწყო.

პირველ წამში ოტია სახტად დარჩა სონიას ასეთი მოქცევით; შემდეგ გონებადაბნეული მივიდა მასთან, მიუჯდა გვერდით, მოხვია მარჯვენა ხელი, მარცხენათი კი ხელში მოჰკიდა და სიყვარულით სავსე სიტყვებით დაუწყო ხეწნა, დამშვიდდისო, გული გაიმთავრეო, აღარ იფიქრო ამგვარებზეო; ჰპირდებოდა, ყოველ ღონეს ვიღონებ და საშველ გზას გამოვნახავო, გამოვაკეთებ ჩვენს მდგომარეობასო.

— ოღონდ შენ ნუ მოიტყევი აგრე... შენ ნუ შემახედვიებ, რომ სატირლად გაქვს ჩემს ოჯახში ფეხის შემოღგმა, ჩემთან ცხოვრება.. ყველაფერს ვცდი... ყველაფერს ვიღონებ... თავს გვეიტეხავ და საცხა იქნება, მოვნახავ სახიერო გზას... რაც რომ დამემართოს... ოღონდ შენ ნუ წუხარ... ჭერჭერობით მაცალე, მადროვე კი... შენი ჰირიმე, ჩემო სონია, ჩემო მართალია, ღარიბი კაცი ვარ... მოტრუებულები დარჩი ჩემით... მაგრამ ენდვე ჩემს კაცობას, ჩემს პატიოსნებას... რითაც იქნება, კი მოვნახავ გზას უკეთეს ცხოვრებისაკენ... ღმერთი მოწყალეა, არ დაგვაგდებს, სულ არ მოგვიძულებს... რავა დევიჭერო!.. ვიქონიოთ მისი იმედი... კი, ჩემო სონია, კი, კი ჩვენი

შვილები ღმერთმა ნუ აცხოვროს ისე, როგორც ჩვენ ვცხოვრობთ. რაღა კაცი ვიქნები მაშინ არა, არა, შენ არ მომიკვდე, შენ! — დამან გადაუწია პირზე მიფარებული ხელი და სიყვარულით აკოცა სახეზე, ჭერ მოუხერხებლად, გაუბედავად, რადგან ეს პირველად იყო, რომ იგი ესიყვარულებოდა ქალს, პირველად ეალერსებოდა თავის ცოლს.

ოტიამ თითქოს დაუმშვიდა გული ცოლს, თუ სამუდამოდ არა, დროებით მაინც; დაამედა, მაგრამ თვითონ კი ამ დღიდან ძალიან შეფიქრებული შეიქნა. რაც ცოლისაგან მან გაიგონა, თავადაც ხედავდა, მაგრამ რადგან ხმამაღლა არ იყო გამოთქმული, ოტია თავს არიდებდა. ახლა კი საქმე და მდგომარეობა იცვლებოდა, აღარ იფარებოდა მათი ამბავი, მოსაფიქრებელი ხდებოდა და საჭირო იყო ღონისძიების მიღება.

ოტია ხარობდა, რომ რამდენიმე თვის შემდეგ შვილს დაინახავდა, მაგრამ თან ისიც ახსოვდა, რა ლაპარაკი ჰქონდა ცოლთან და რა უთხრა სონიას. ის ახლა ცდილობდა გემართლებინა თავისი დანაპირები — ოჯახის შემმატი გზა ეპოვნა, გამაუმჯობესებელი, — და რომ ვერას ახერხებდა, ვერას იგონებდა, მოხუცებულ დედასთან დადონებული ამბობდა:

— რა მოვაგვარო, რას მოვეკიდო, არ ვიცი... აწი ხომ უფრო მეტი დაგვკვირდება ყველაფერი...

შვილიშვილის მოლოდინით გულმხიარული ეკვირინე ამხნევებდა შვილს:

— ღმერთი. მოგცემს, შვილო, ღმერთი მოგცემს! თავის გაჩენილს თავის ლუკმას გაუჩინს კიდეც. რაზე წუხნარ, შენი ჭირიმე! გულგახსნილად იყავი. ღმერთი მოგცემს ყველაფერს! ყველაფერი გვექნება... ბევრიც გვექნება... ბარე ათი დედალი მყავს დამჭდარი; ისე რავა გაოხრდებიან, რომ ერთი ასი ფრთა მაინც არ გაზარდონ... ბატიც ოთხი ზის, ათ-ათი კვერცხი უდევთ. ინდოურია სამი... გულმაგრად იყავი.. ღვთის წყალობით არაფერში არ შევრცხვებით და უკლებლად ვიქნებით. კი, შვილო, კი..

ასე ამედეებდა მოხუცებული ეკვირინე ოტიას, მაგრამ უკანასკნელი ხედავდა, რომ ეგ ის არ იყო; ქათამ-ბატ-ინდოური შვილების მომავალს არა თუ უზრუნველს ვერ ყოფდა, ერთ წელსაც ვერ გაუძლებდა. საჭირო იყო სხვა რამე საშუალება, უფრო საიმედო, უფრო საფუძვლიანი, იმისთანა, რომელზე დანდობაც შეეძლო.

ბევრი ფიქრისა და მოსაზრების შემდეგ ოტია იმაზე შეჩერდა, რომ თავისი შვილი მოენათვლინებინა მათივე სოფლის მცხოვრებ მდიდარ გლეხ სვიმონ სამადაძისათვის. ოტიას აზრით, ეს პარტივის-

ცემა აზნაურისაგან გლეხისათვის მოვალეობად გადაიქცეოდა, ნათლულისათვის ეზრუნა და არ მოაკლებდა, უსათუოდ, თავის სიცოცხლეში თავის ღონიერ ლუკმიდან შეწევნას.

რასაკვირველია, სათაკილო იყო აზნაურისათვის თავის შვილის ყაზახის ხელში მოსანათლავად ჩაგორება, მაგრამ აქ ანგარიში იყო და საფუძვლიანი ანგარიშიც. ამასთანავე ოტია მით უფრო ჩერდებოდა ამ მოსაზრებაზე, რომ ამ ბოლო ხანს ამგვარი მაგალითი არა ერთი და ორი ყოფილა, სწორედ იმავე განზრახვით, რაც ამასაც ჰქონდა. საკირო იყო მხოლოდ სონიას დათანხმება ამაზე.

X

სონიას ვაჟი ეყოლა. ეკვირინე იმ ზომამდის იყო გახარებული, რომ თავის ხელით დასცალა ორჯერ თუ სამჯერ ოტიას დაქანგებული ძველებური დამბაჩა, რაზედაც შეშინებულმა პელაგიამ, რომელიც შვილის მორჩენაზე დასასწრებლად იყო მოსული, კიდევაც უთხრა მძანას:

— არაფერი მოიწიოთ, ბატონო ეკვირინე!.. არ გასკდეს მან დალოცვილი!

— აწი რას დევნებ ჩემს თავს... მაგას ენაცვალა მისი ბებია, რაკი მაგ ჩემი თვალთ დევინახე, აწი რაც რომ დამემართოს, არაფრად არ მივიძინე!.. აბა ერთი კიდევ, ერთი კიდევ გამიტენე... ჩემი ხელით ვისროლო!.. აბა, ქვეყანამ არ გვიგოს, რომ პაწაწინა ქამუშაძე ქვეყნად დეიბადა?! მაგას კი ენაცვალა მთელი ქვეყნიერება, მაგას! — და სიხარულისაგან გარეტიანებულმა ეკვირინემ არც კი აცალა ოტიას ხეირიანად გატენა დამბაჩისა, ხელიდან გამოთხლიშა და აივანზე გამოსვლისთანავე დასცალა.

— შეიტყონ, ყველამ შეიტყოს ოჯახის შვილის მობრძანება! — წამოიძახა მან ამაყად.

ოტიაც მეტად გახარებული იყო ვაჟის შექმნით, მაგრამ ამასთანავე იმას ფიქრობდა, თუ როგორ გამოეცხადებინა თავისი ნაწილი სონიასთვის. რამდენიმე ხნის შემდეგ ბავშვის ნათლობაზედაც ჩამოვარდა სიტყვა, რადგანაც პელაგიას ეჩქარებოდა თავის სახლისკენ. ერთხმად ნახსენები იყო ბიაშვილი, მაგრამ რადგან ერთი ნათლია ეცოტავებოდა ეკვირინეს, მეორეზე შეიქნა რჩევა. ამით ისარგებლა ოტიამ და დედას გადაულაპარაკა, რაც გულში ჰქონდა იმის შესახებ. სამადაძის ხსენებაზე თავდაპირველად ეკვირინემ ტუჩები მოკუმბა და ხელები გადაშალა, მაგრამ მალე დაეთანხმა შვილს. მალე დარწმუნდა, რომ ეგ კარგი მონათქარი იყო: მისი

აზრითაც ამ ნათლიაში მისი შვილიშვილი, რასაკვირველია, თავის მოსამსახურეს იშოვიდა მხოლოდ.

— უთხარი სონიას... შენებურად მოუყევი... შენ ადვილად დააჯერებ... მე ლაპარაკი არ შემძლია და ვერც კი გაკავებინებ კარგად... მოელაპარაკე! — სთხოვა ოტიამ დედას.

სონია კინალამ გადირია, როცა დედამთილისაგან სამადაძის ნათლიობა გაიგონა.

— ამათ უყურე, ამათ უყურე!.. შენი ჭირიმე!.. ესლა მაკლია, რომ ყაზახს მოვაკიდინო ხელი შვილისათვის! ღმერთო ჩემო, რას მოვესწარი ამას, რას, რას?! დედა, უთხარი რამე, ნუ გვარცხვენენ, ნუ ოხრობენ... საბოლოოდ ნუ მუღრეგდებიანი.. მიშველე, შენ გენაცვალე!

პელაგიასაც ეწყინა და სონიას შეჰპირდა, რომ ამის შესახებ მოილაპარაკებდა ეკვირინესთან და ოტიასთანაც.

— ყაზახი ქვია, თქვენ გენაცვალეთ, თვარა რომელი აზნოური გოუტოლდება, ჩემო ბატონო! — მიუგო ეკვირინემ, როცა პელაგიამ ამ საგნის თაობაზე სიტყვა ჩამოუგდო. — მდიდარი, თქვენი ჭირი შემეყაროს, ზრდილობიანი, ისეთი შეხედულება აქვს, თავადიშვილი გეგონებათ, უბრალო კი არა, ჩემო ბატონო! ჩვენ არაფერი მოგვაკლდება ამ მირონობით და ჩემს პატარა ბიჭუნიას კი მოსამსახურედ გოუხდება... თავმოსაწონად ექნება, რომ აზნოურიშვილი ნათლული მყავსო და, რასაც დაასაქმებ, ყველაფერს იმწამსვე გაგიკეთებს. ეს ხერხია, ჩემო სინათლე, და პარტიოსან ადგილას ვერც კი ვერავინ გეიგებს, თუ ყაზახს ეკიდა ფეხში ხელი მონათვლაზე... შენც არ მომიკვდე!.. მოსახსენებლად მეორე ნათლია ეყოლება, და ამ მოსამსახურეს კი ნუ დოუკარგავთ ჩვენს ანგელოზს!

პელაგიამ არ დაიწუნა ეს აზრი; იგიც მიემხრო ქამუშაძეებს და ამათთან ერთად მეცადინეობდა სონიაც დაეყოლებინა, შეეჯერებინა, რომ ბავშვისათვის გამოსადეგი იქნებოდა სამადაძის ნათლიად ყოლა. სონია თუმცა ძლიერ უხარობდა, რადგან ამაში ხედავდა შვილის ღირსების დამცირებას, დაბადებისთანავე მისი პარტიოსნების შელახვას, მაგრამ დედისა და დედამთილის შეჯერებამ, როგორც იქნა, მის წინააღმდეგობასაც ბოლო მოუღო. დათანხმდა იგიც ბოლოს. ოტიას ძლიერ უხარობდა; მას სწამდა, რომ შვილს ამ თავიდანვე კარგად გაუძღვია, ისე თუ ასე მოჭირნახულე მოუპოვა მისივე მახლობლად. ამავე დროს კი სონიას გული ნაღვლით ევსებოდა, რადგან ფიქრობდა, რომ ის დახმარება, რომელიც გლეხმა სამადაძემ ჩვენს შვილს უნდა გაუწიოს, ჩვენი თავის დამცირებით უნდა

შევიძინოთო. რომ რამე რიგათ აეცილებინა ეს თავის დამცირება, მან საბოლოოდ ბიაშვილზე მიიტანა სიტყვა.

— თქვენ კი გადასწყვეტეთ, მაგრამ ეგებ იმ კაცმა არ ისურვოს სამადაძესთან ერთად ბავშვის მონათვლა. ჭერ ჰკითხეთ იმ კაცს! — თქვა სონიამ.

მაგრამ მისი იმედი ფუჭი გამოდგა. როცა პორფირის დაეკითხნენ ამის შესახებ, უთხრეს, რომ სამადაძე მდიდარი, შეძლებული გლეხთაგანიაო, მან რიხიანად წამოიძახა:

— დიდი სიამოვნებითი ნეტავი მეც მომნათლავდეს ის ოჯახ-დაქცეული, თუკი მართლა მდიდარია! ცოტა რამეს მაინც გამორჩე-ბოდა კაცი!

ბიაშვილმა არა თუ იწყინა წინადადება, პირიქით, მას კიდევაც გუნებაში ესიამოვნა, რადგან მისი გამჭრიახი გონება ეუბნებოდა, რომ მდიდარ ყაზახთან ამ დაახლოებით მას შეეძლო კიდევ თავისე-ბურად ესარგებლნა.

თავი რომ არ შეერცხვინათ არც მოყვრებთან და არც მეზობ-ლებთან, ნათვლა სამაგალითო გადაიხადეს. რადგან ბევრი ჰყავდათ დაპატიჟებულნი და მათ სახლში დატევა ყოვლად მოუხერხებელი იქნებოდა, ამის გამო ეზოში გააკეთეს პატარა ფანჯარა, რომ-ლისკენ სიამოვნებით გამოეშურნენ სტუმრები, გაჰიანურებულ საი-ღუმლოების აღსრულების შემდეგ ჩია მღვდლისგან, რომელსაც, ალბათ, ამით უნდოდა თავი მოეწონებინა ქალაქელებთან.

— კი არ მოგვკლა ამ უღეთომ?! — წამოიძახა სერაპიონ გორ-დელაძემ, რომელიც ერია სტუმრებში. — რა დროს ამდენი ბურ-ტყულია, ნერწყვი მიშრება, ათასი რამე სხვადასხვანაირი საჭმელი მომელის ამ ჩვენი კურთხეული მასპინძლისაგან დამზადებული... დამაჩინე, შენ გენაცვალე, ოტია ჩემო... თუ შეიძლებოდეს მღვდელ-თან ახლოს — ვიცი, კაი-კაი ნაჭრები მიუყა; თავს რავე შეირცხვენს. მეც არ მარგოს რამე თავის ულუფისაგან!.. შენ არ მომიკვდე, სახლში წასადებად არაფერი დავატოვებინო!

გარშემო იცინოდნენ ამაზე. ოტია, ეკვირინე და ორიოდე ყმა-წვილი დაფუსფუსებდნენ, სთხოვდნენ დაბრძანებას სტუმრებს და თან მოჰქონდათ სხვადასხვა ნამზადი.

პორფირი და სამადაძე ერთად დასხდნენ 'იმ თავისკენ, სადაც ქალები ისხდნენ და მათ შორის ბეგლარაც ქველიძის ქალიშვილებ-თან. ესენი იყვნენ სონიას სურვილით მოწვეულნი და იგი განსხვა-ვებული ყურადღებით ექცეოდა მათ.

--- შენ აგერ დაბრძანდი, ბესარიონ, სერაპიონთან! — ანიშნა ოტიამ თავის ბიძაშვილს, ლევანის შვილს, რომელიც, ის იყო, რა-

მოდენიძე დღის წინათ მოსულიყო სახლში იმდენი ხნის გადაკარგვის შემდეგ; მოსულიყო დროებით, რადგანაც სადღაც ადგილთ ეშოვა და მსახურობდა.

— მოდი, მოდი, ბიძიკო, ამბავს მაინც მომიყვები, სად იწანწაღე ამდენი ხანი — უთხრა სერაპიონმა. — მარა ამ ხუცესს ნუ დოუწყებ ლაპარაკს, თვარა იმწამსვე დარიგებას დაგიწყებს, წირვა უნდა გადაიხადო, რადგან მშვიდობით დაბრუნებულხარო...

— მართლაც სადა ხართ ახლა, ყმაწვილო? — შეეკითხა ბესარიონს მღვდელი. — სამშობლო მოიძულეთ!

— რა ვქნა, ბატონო, აქ წელში გაეწყდი, ვერაფერს ვეწიე, ახლა ცოტ-ცოტას რაიმეს ვშოულობ... თავი გამომაქვს მაინც.

— თქვენი ძმაც თქვენთან არის?

— არა. ვერ გევიგე, სადაა ახლა... ამას წინათ კი რკინიგზაზე იყო, ბუტკაში იღგა... ახლა არ ვიცი, გადაიყვანეს სადმე, თუ სამსახური გამოიცვალა...

— კაი დაგემართოთ, მარა ოჯახს მაინც არ უნდა ივიწყებდეთ. თქვენს სამშობლოს, სალოცავს.

— რავე ვქნათ, ოჯახმა ველარ დაგვარჩინა...

— კარგია, მამაო, კარგი, სული გიცხოვრება გაშაგრდი, ბიძიკო, ახლავე წირვას დაგაკისრებს, არ მოგატყუოს, არ გაბრიყვდეს! მაგათ მიეცეთ დღეგრძელობა, მაგათ მე კაი საქმე დამმართეს! შემომჩიოდნენ, სალოცავი გყავს დავიწყებულიო, იმიტომ მიგდის საქმე ცუდათო, არაფერი გაბადია, წირვა გადაიხადეო, — ათასად შეიმატებო. დოვუჭერე, გადაიხადე წირვა, რაც რომ მქონდა, სულ გამოვუტანე. ვინც მეწვია, შესვეს-შეთანთქლეს და შენს მტერს ისე შეემატა, რაც მე შევიმატე მერე! უიმისოდაც მუცელს ფაყა-ფუყა გაჰქონდა, ახლა კანი ხერხემლის ძვალს მიეკრა, ეს საქმელი რომ ჩეეტკეპნება შუაში და დააცილებს ერთმანეთს! არა, ბიძიკო, შენ შენს საქმეს მისდიე, ამათ სიტყვას ნუ აპყვები, თვარა ჩვენისთანა ღარიბ აზნოუშვილს წირვა ვერაფერს უშველის... მე არ მოგიკვდე!

— შენ არ მომიკვდე, ღარიბი აზნოუშვილი, რატომ?.. შევარცხვინე ღარიბი აზნოუშვილი, შევარცხვინე, ვინც ღარიბი იყვეს!.. — წამოიძახა იქვე ახლოს მჭდომარე, ხანში შესულმა აზნაურმა, დაცრეცილი ძველი ჩოხითა და ჭუჭყიან ყაბალახით თავზე მობურვილმა, რომელიც დაჯდომისთანავე ისე მიეხალისა ღვინოს, რომ იქვე შეთვრა და რაც ლაპარაკი იყო მის გარშემო, კანტიკუნტად ესმოდა. — შევარცხვინე, ვინც ღარიბი იყვეს! შენ არ მომიკვდე, თქვენს ნიკოლოზს ყოველთვის გამოუღეველად ჰქონებია წუ-

ლაც და მისი კალოშიც, ყოველთვის გამოუღეველად, გამოუღეველად — და თანაც პირში იტენიდა ზორბა-ზორბად მოთლილ ხორცის ნაჭრებს.

ამასობაში სუფრის მეორე თავში სიმღერა ისმოდა; ტოლუმბაშად დაყენებული პორთირი გულმოდგინედ აძალებდა ყველას ღვინოს და იმდენს ეცადა, რომ ერთი ყიფინი ასტეხა ღვინოში შესულ სტუმრებს შორის. შეზარხოშებული ბეგლარი აღარ ეშვებოდა ქალიშვილებს, სიმღერას სიმღერაზე ათქმევინებდა და იმ ზომამდის მივიდა, რომ თვითონაც დააპირა სიმღერა ნინოსთან და ოლიკოსთან. პელაგია აღტაცებით შეჭყურებდა თავის ვაჟიშვილს და ერთობ მოსწონდა მის გვერდით მჯდარი ქალიშვილიც.

— უფრო რომ გეცნობ. უფრო მოგეწონება, ისეთი რამე! ანგელოზია, დედა, ანგელოზი! — ყურში ჩასჩურჩულებდა სონია დედას.

— ნეტავი კი ისურვებდეს და მაგაზედაც ნაკლები იყვეს, შვილო, ნეტავი კი ისურვებდეს, მაგას ვენაცუვალე! ერთობ კი ევლება, ეგებ ღმერთმა ჩაუღვას გუნებაში, ნეტავი მაგას მომასწრობდეს შამა-ზეციერი!

მთვრალეები თანდათან ემატებოდნენ. ატყდა ხმაურობა, ყაყანი; ყველანი აირივნენ. ქალები ადგნენ და ნელ-ნელა ეზოს კუთხეში გაეფინენ დაირითა და მუსიკით. ამათყენ გამოემართა ბეგლარიც ნინოსთან და ოლიკოსთან ხელიხელ გაყრილი.

— მაზურკა! — წამოიძახა მან, როცა მიუახლოვდა ქალებს. — მაზურკა! — და ნინოს ხელი წაავლო მაზურკის სათამაშოდ. — მაზურკა! — მიაძახა მან ქალიშვილს, გარჰონიკას რომ აწრიპინებდა.

ქალიშვილმა ვერ გაიგო, რას სთხოვდნენ და შეკითხვის ნიშნად ვადახედა მის გვერდით მდგარ ქალებს.

— მაზურკა! — გაიმეორა ბეგლარმა. — მაზურკა დოუკარით! — და რადგან დამკვრელი არავინ იყო, იგი გახტა წინ, კინტებით ისროდა ფეხებს და მიათრევდა დარცხვენილ ნინოს, რომელსაც უფრო და უფრო ერეოდა სიწითლე პირისახეზე, რადგანაც ესმორდა გარშემო ქალების შეკაეებული სიცილი და ფრუტუნის, გამოწვეული მისი კავალერის უცნაური კენტრუშით.

კარგა ხანს აპროწიალა ბეგლარმა ქალიშვილი, ხან იქით გაარბენინა, ხან აქეთ გამოარბენინა. წელზე ხელის შემოხვევით რამდენჯერმე შემოატრიალა, ბოლოს ცალი მუხლი მოიდრიაკა, თავზე შემოივლო, რამაც ერთი ხითხითი გამოიწვია, მერე კოხტად წამოხტა, თავი დაუქრა და თანაც დაატანა:

— მერსი მერსი..

ნინო დარცხვენილად იღიმებოდა, ქალები კი მეტად გაართო ამ ამბის ყურებამ. ბეგლარმა ისევ ხელი ხელში გაუყარა ნინოს და განშორდა ჯგუფს. ფანჩატურიდან კი ერთი ხმაურობა ისმოდა, — დამთვრალი კაცების ხრინწიანი ხმები, არეული სიმღერა. პორფირი ჩამჯდარიყო ყმაწვილებში და ერთი ამბავი ჰქონდა, აცინებდა, ხან ღვინოს აძალებდა, ხან მათთან მღეროდა, კოცნიდა და ამგვარ თავმდაბლობით შეხალისებელი ყმაწვილები თავზე ევლებოდნენ და თავიანთ სიყვარულს და პატივისცემას უცხადებდნენ მას.

ღვინოსაგან გაბრუებული მღვდელი, თითქოს ვისმეს დაეჭვდა, ისე იჭდა უძრავად თავის ადგილზე, ხმასაც ვეღარ იღებდა და ხანდახან თვალებს გადმოაბრიალებდა. სერაპიონი ამ ქვეყანას აღარ იყო: წამომქეხებულ პირისახეზე ეტყობოდა, რომ ზომაზე გაცილებით მეტი დაეღია, მაგრამ მაინც კიდევ სვამდა და კიდევ ჭამდა გაუმადლრად. ოტიას ბიძაშვილი, ბესარიონი, უკვე ვილაყას წალაპარაკებოდა და წკაპზე იყო შემდგარი — ჩხუბის დაწყებას ეპირებოდა. „წულაკალომ გამოულეველი“ ნიკოლოზი სტოლზე დამხობილიყო, გონებადაკარგულივით რაღაცას ბურტყულებდა თავისთავად და გონს მორიოდა მხოლოდ მაშინ, როცა ღვინით სავსე სასასმოს მიაწოდებდნენ და ჩასძახებდნენ, თუ რა სადღეგრძელო ისმებოდა. იგი თავს წამოსწევდა, გამოკლიდა ღვინოს ხმაამოუღებლად და ისევ ჩაემხოზოდა ახალ სადღეგრძელომდის.

ნათლია სამადაძე დიდხანს იმაგრებდა თავს და ღვინოს ერიდებოდა, მაგრამ პორფირე ეცადა და ბოლოს დაათრო; ადგილზე ვეღარ დგებოდა და, ზორბად მოსული ყაზახი, აქეთ-იქით დაბანცალობდა. ბესარიონმა ის იყო უშოვა თავის გამაჯავრებელს საკბილავი, შეება და ატეხილ ყაყანში მოულოდნელად უნდა ეთხლიშნა. მოპირდაპირესათვის, როცა აბანცალეებული სამადაძე შუაში მოექცათ.

— სუთ, სუთი გაყუჩდით! რა ამბავია? ეი, შენ, ბესარიონ ქამუშაძე, სუთი — და მან ხელი დაარტყა მხარზე ბესარიონს.

ბესარიონი აინთო.

— გაწყინა პატივისცემამ, ყაზახო?! — შეუბღვირა მან და მისკენ გამოწეულ სამადაძეს ისე ღონივრად წაჰკრა ბლიქვი გულმოსულმა, რომ ეს კაცი საცოდავად დაენარცხა მიწაზე.

დაცემული უცბად წამოაყენეს; ამან იგი თითქოს გამოათხიზლო, ათრთოლებული, გაბრაზებული, მთელი სხეულით ცახცახებდა და თავდაპირველში სიტყვის წარმოთქმას ვერ ახერხებდა.

— ყაზახი ვარ! — შეჰყვირა მან, წელში გამართულმა. — ყაზახი ვარ, მარა შენისთანა შემოდგომის აზნოუშვილს კიდევ ვკობივარ!...

თუ ძალზე ხარ, მობრძანდი, ახლო მობრძანდი, ისე დაგებუნო, რომ ღობემდისაც ვერ მიგყვეს შენი დამშეული სული.. შენისთანა შემოდგომის აზნოუშვილებს რა მკოდნია?! ძალიან გულზე არაა, ჰმ! შეიქნა ერთი ყვირილი. ამ „შემოდგომის აზნაურობის“ ხსენებამ ბევრი ააპილპილა.

— გაავდეთ მაგ... გაავდეთ მაგ ქინქლიანი ყაზახი!..

— მაგას ვაყურებიებ შემოდგომის აზნაურს!..

— რაც რომ იყვეს, უზრდელ ყაზახს მაინც სჯობია! რავე ბედავს მაგ მხეცი, მერე სად? — ყვიროდნენ აქეთ-იქიდან.

გაბრაზებულმა ბესარიონმა იშოვა, მისი აზრით, მარჯვე დრო და კატასავით მიეპარა, ეცა სამადაძეს და წაქცევა მოუნდომა, რომ შემდეგ უფრო გაადვილებოდა მისი ცემა. მაგრამ გლეხმა დროზე შეასწრო თვალი, გაუმაგრდა, დაავლო ხელი და ის იყო შეაგდო მალა, რომ ღონიერად მიწაზე დაებერტყნა, როცა გარს შემოეხვიენენ, ბესარიონი ხელიდან გამოსტაცეს, შეერთებული ძალით მიაწვნენ მოწინააღმდეგეს და მუშტები დაუშინეს.

შეიქნა ერთი ჭყვილი, ღრიანცელი; აკივლდნენ ქალები. გამოუბიზლდა მღვდელიც. ძლივს წამოდგა და მოჩხუბრებისკენ გასწია, დამშვიდება მოინდომა. რალაც შეესმა ნიკოლოზსაც, რომელსაც სერაპიონმა ურჩია, ამდენი მოსვენების შემდეგ ძვალრბილი გაენძრია სამადაძის წინააღმდეგ „შემოდგომის აზნაურთან“ ხელის გამოღებით. მაგრამ ნიკოლოზი ისევ თავის ადგილას დარჩა და, ღვინისაგან გარეტყანებული, ბრიყვულად იმეორებდა:

— შევარცხვინე... შევარცხვინე შემოდგომის აზნაურიცა და ყველა!.. შემოდგომის აზნაური... ყველა... ყველა... შემოდგომის აზნაურიც და ყველა!..

ამავე დროს ამ საერთო არეულობაში ბეგლარს მაგრად ჩაუკიდნა ხელი ნინოსთვის და თითქოს ყველაფერი დაევიწყნა, თითქოს ამ ქვეყნიერებისა არა ესმოდა რა, აღტაცებული სიტყვებით უცხადებდა თავის გრძნობას მია სიტყვებზე შემკრთალ, გაფაციცებულ ქალს. ბეგლარი იმ ზომამდის მისულიყო, რომ სხვების მოურთღებლად კიდევაც წაეძრო ხელიდან ბეჭედი, ძალათი ნინოსთვის წამოეცმევინა თითზე და ემუდარებოდა, — გამაბედნიერე შენი სიყვარულით და გამიშუქე ჩემი მომავალი ოჯახი შენის ნაზის სხივებითაო.

— ხომ კი... ხომ კი?... მითხარით... მიპასუხეთ!.. რას გაჩუმებულხართ? ღმერთო ჩემო!.. — ემუდარებოდა ბეგლარი.

— მე რა უნდა გიპასუხოთ? — სიტყვაგაწყვეტით მიუგო ათახთახებულმა ყმაწვილმა ქალმა.

— არა, თქვენ უარს ვერ მეტყვიით... ვერა!.. არა!.. რასაკვირველია, არა!.. — ალტაცებით შესძახა ბეგლარმა.

მათკენ მოდიოდა პელაგია, მოჩხუბართა ცქერით შემკრთალი.

— მოდი აქ! — მიადახა მას ბეგლარმა. — აქ მო...

— შეილო, რომ აღარაფერი ეშველათ!..

— თავი უტენიათ, რას დავეძებ! მოდი აქ! — ბეგლარმა მოჰკიოდა ხელი, მიიყვანა ახლოს, დააყენა ნინოს პირდაპირ და უთხრა:— ღამე მოგწონს. შე საწყალო, აქ მოგწონს ხომ?!

პელაგია შეიშშუშნა რალაც სასიხარულო ამბის მოლოდინით.

— ანგელოზია, ანგელოზი! ნეტავი. მაგის პატრონსი — წაჰოიძახა მან. — ანგელოზია, გენაცვალე!

— შენი მფარველი ანგელოზია... შე საწყალო, ა! — და ბეგლარმა ნინოს ხელი ასწია და დედას აჩვენა ქალიშვილის თითზე წამოცმული მისი ბეჭედი.

პელაგიამ კინაღამ შეჰკივლა სიხარულისაგან.

ნინომ მოინდომა ბეჭედის წაძრობა, ხელის განთავისუფლება, მაგრამ ბეგლარი არ ანებებდა. აქეთ პელაგიამაც ჩაიხუტა გულში და კოცნა დაუპირა, მაგრამ მოაგონდა, რომ გარშემო ბევრი მაყურებელი იყო და ცოტათი შენვლდა. ნინოს მაგივრად უცბად ოლიკოს დაუწყო ხვევნა. აღურსიანობა, თითქო ცდილობდა, სხვებს არ შეემჩნიათ და არ გაეგოთ მისი შვილისაგან ნინოს დანიშვნა.

ფანჩატურის იქით კი ისევ ერთი ალიაქოთი იყო, ცხევ ჩხუბი და აყალმაყალი, ცემა-ტყეპა, ლანძღვა-გინება და ჭოსების ტრიალი.

XI

ბეგლარისაგან ნინოს დანიშვნამ ყველაფერი უსიამოვნება დაავიწყა სონიას. გადაავიწყა ის საწყენი სახელიც, რომელსაც გულმოსული სამადაძე ისე დაურიღებლად იმეორებდა — ეს „შემოდგომის აზნაური“ ტყვიასავით ხვდებოდა გულს, მაგრამ ახლა ამისთვის აღარ ეცალა.

პელაგია თითქმის მიწას ფეხს აღარ აკარებდა, სიხარულისაგან ზეზე დაფრინავდა. სულმა აღარ მოუთმინა და ქველიძისას მისვლა გადასწყვიტა, ოჯახად გაცნობა, მათთან სიხარულის გაზიარება. ეკვირინეს არაფრად იამა ეს ამბავი, მაგრამ უკმაყოფილებას გუნებაში მალავდა და არ აცხადებდა, პირიქით, ისე ლაპარაკობდა მძახალთან, თითქოს ძლიერ მოხარულიც ყოფილიყო.

— ასე რომ დანიშნა ბატონმა ბეგლარმა... მზითევზე არ გამოელაპარაკებით, პელაგია ჩემო? — ველარ მოითმინა ეკვირინემ, რომ არ ეკითხნა.

— ეგ, შენი ჰირიშე, ჩემმა შვილმა იცის.. რა ვიცი... ეგები, შენ გენაცვალე, არც კი თხოვოს რამე...

— ჰში უმზითოდ?! კი, ქალი კარგია, მარა ბატონი ბეგლარი ყოველთვის იშოვიდა კარგ ქალსაც და მზითვიანსაც. ვინ დაუკავებდა?..

— იმან იცის... იმან იცის, ეკვირინე ჩემო.. ერთობ გულის კაცია... როგორც შენედავს გარემოებას, ისე მოიქცევა.

ქველიძეების გაცნობით ერთობ კმაყოფილი დარჩა პელაგია. მათმა მიღებამ ერთობ ასიამოვნა და კარგი შთაბეჭდილება მოახდინა მასზე.

— მშვენიერი ოჯახი ქონებით, კარგად ყოფილან, შეილო, და მეტად პატიოსნები... ნამდვილი კეთილშობილები, ნამდვილი — ალტაცებით ამბობდა სახლისკენ მიმავალი პელაგია. — ნამდვილი კეთილშობილები, შენ ნუ მომიკვლე!..

— ვმადლობ უფალს, ვმადლობ, ვმადლობ!.. ორივეს თქვენ გენაცვალა თქვენი დედა, ორივეს კაი ბედი გქონებიათ... კი, შეილებო, კი, კი!

„შემოდგომის აზნაურის ცოლი!“ უნებლიეთ გაურბინა თავში სონიას, მაგრამ ამხანად ამას წინანდელი სიმწვავე აღარ ეტყობოდა.

პელაგიამ თავის სახლისკენ, №-ში აიჩქარა წასვლა. მან მოიბოდიშა ქველიძეებთან, რომ ჩემი ბეგლარი სამსახურის გამო დაბრუნდა მეორე დღეს და ამის გამო ველარ ინახულა თქვენი ოჯახიო, ვერ მოგელაპარაკათ წესისამებრო; მეც იმიტომ მივეჩქარები, რომ ამ მოკლე ხანში შევილიც გამოვგზავნო და ყველაფერი საბოლოოდ ვადაწყდეს და საქმე აღარ გაგრძელდესო.

ამის გამო აღარც სონიამ დააკავა იგი; მასაც ეჩქარებოდა ნინოს თავზე გვირგვინი დაენახა ბეგლართან ერთად.

დედისაგან დაჩქარებაზე ბეგლარმა მხოლოდ მიუგო, რომ სიჩქარით ქალაქი არ აშენდებაო.

— პასუხი, შეილო, უნდა მისცე, შენ გენაცვალე! ქალი დანიშნე, ხმის ამოუღებლობა, ასე გაჩუმება აღარ შეიძლება, ჰირისუფალს უნდა გააგებინო რამე! — უთხრა პელაგიამ.

— თავად მოიკითხავენ და პასუხსაც მაშინ მიიღებენ — მოკლედ მიუგო ბეგლარმა.

მართლაც, ამბავის მიუღებლობით შეწუხებულმა ქველიძეებმა კაცი მოუგზავნეს ბეგლარს, გაეგოთ მისგან თუ რას ფიქრობდა. ჭინჭარაძემ თავის მხრივ მოიბოდიშა დაგვიანება, გამოუცხადა, რომ იგი მზადაა ყოველ წაშში ჭვარსაწერად, თუ რომ ქველიძე

მზად არისო; ამისათვის კი საჭირო იყო სარდიონს ქალიშვილისათვის მზითვად მიეცა ფულად რვაასი მანეთი.

ამ პასუხმა საოცრად არია მათათი და სარდიონიც. მათი წარმოდგენით, ბედნიერი შემთხვევა ქალიშვილს ხელიდან აცლიდა იოლად; ახლა კი სულ სხვა გამოდიოდა. რვაასი მანეთი სად უნდა ეშოვა მას? რა მადანი უნდა გამოეთხარა ამისათვის? ასე რომ გონებოდა, მეორე დღესვე უკან გაუბრუნებდა ბექედს მის პატრონს და თავის შეუძლებლობას მისი დაწუნებით, მისი სიძელ უკადრისობით დაფარავდა. ახლა კი, ამდენი ხნის გავლის შემდეგ, ამ შემონათელის შემდეგ, რარბგად მოახერხოს პატიოსნურად უკან დახევა, რომ ქვეყნის სალაპარაკოდ არ გახადოს თავისი ოჯახის საქმე, და სამუდამოდ არ დააფრახოს სხვა სამტერმოყვაროდ. პირველი გაცხარების შემდეგ, სარდიონმა არჩია სხვა გზას დასდგომოდა ყმაწვილთან მოლაპარაკებაში. მისი გადაწყვეტილებით, ბეგლარი ვალდებული იყო თავისი მოქმედება დაემთავრებინა ისე, როგორც დაიწყო: ქალი მისთვის არავის შეუძლევიდა, თავისი სურვილით დანიშნული ჰყავდა, წინდაწინ არავითარი მოლაპარაკება არა ჰქონია, არ უკითხავს არაფერი მზითევზე; არავისთან სიტყვაც არა ჰქონია ნათქვამი, ისე დანიშნა ქალი და ახლა პატიოსნება და წესიერება მოითხოვს, რომ უვაკრობოდ, უკან დაუხველად აასრულოს თავისი სიტყვა ქალთან; ასე გვიან გამოკიდება, ასე გვიან გახსენება სამზითვო ფულისა ნამეტან ურიგობად მიაჩნდა და უწესობად. თავის აზრით, სარდიონს შეეძლო ამის გამო მოეთხოვა ჯინჯარაძისაგან ჯვარი დაეწერა დანიშნულ ქალზე. ყოველივე დაფიწყებულის უკან გამოკიდება კი უადგილო და სრულიად უნაყოფო იქნებოდა. ასე ფიქრობდა ქველიძე და ეს კიდევაც შეუთვალა სასიძოს.

მაგრამ ბეგლარისათვის ეს სრულიად უმნიშვნელო და უსაფუძელო ლაპარაკი იყო. იგი ამაში ხედავდა მხოლოდ სარდიონის მხრივ ხრიკს, რომ ქალიშვილი იოლად გაეთხოვებინა. პატიოსნებისა და წესიერების ხსენება სიტყვების რახარუხი იყო მის თვალში. მან უკეთესად იცოდა თავისი საქმე, რომ ქველიძეს არ დაებრიყვებინა მისი თავი. უგუნურად არც იგი შებმია ამ საქმეს, მასაც მოსაზრებული ჰქონდა ყოველივე, როცა ქალს ნიშანს აძლევდა. ახლა გამაგრება იყო მხოლოდ საჭირო და ლამაზი ქალიც მისი იქნება და რვაასი მანეთიც! მეტი რა გზა ჰქონდა, მისი წარმოდგენით, ქველიძეს, თუ არ უნდოდა ქვეყანას დაეწყო ლაპარაკი, რომ ჯინჯარაძემ ქალიშვილი მიუტოვა, რადგან მზითვის მიცემა ვერ შეიძლოვო!

— არც ჩვენ გვაკლია მოხერხებულობა — თავის თავს ეუბნებოდა ბეგლარი.

საქმე იწეწებოდა, არ ეწყობოდა. სონია ისეთ მწუხარებაში ჩააგდო ამან, რომ ველარ მოითმინა თვითონ არ მისუღიყო ძმასთან და არ შეხვეწნოდა ამ უსიამოვნო მდგომარეობის გათავება. იგი ემუდარებოდა ძმას, დაუკელი ცოტა რამ მაინც, გაუადვილე სარდიონს ქალიშვილის გამზითვებაო; მაგრამ ყოველივე ამას იყო, ბეგლარი თავისაზე იდგა.

— გვაცალეთ... გვაცალეთ!.. კი მოახერხებს ქველიძე ფულის შოვას... ნუ გეშინიათ!.. იმას ისე უყვარს თავისი ქალიშვილი, რომ თავს გაიხეთქავს და მოახერხებს... თქვენ ოღონდ გვაცალეთ... ნუ ერევით საქმეში!..

— რეაას მანათს, შენ გენაცვალე, ვიგინდარები თხოულობენ და შენმა ძმამ ესეც აღარ აიღოს?! სამართალი სადაა! — მხარს უჭერდა შვილს პელაგია.

სონიამ შესწყვიტა მოლაპარაკება. შეატყო, აქ არაფერი გარიგდებოდა. ეგრეც იყო. ბეგლარს უკვე გამოანგარიშებული ჰქონდა, თუ როგორ მოიხმარდა ამ ფულს: განაწილებული ჰქონდა, რამდენს რა სარგებელს შემოატანინებდა, როგორ აამუშავებდა, რამდენად გაზრდიდა ამ თავნს ოთხ-ხუთ წელიწადში, რამდენად აცეცედა; მისი შემციირება კი გამოიწვევდა, დაკლებასთან ერთად, ამ ანგარიშების გადაკეთებასაც, მათ გადასინჯვას, გადაცვლას და... რისთვის, ვისთვის?!

სოფელში დაბრუნებულმა სონიამ ახლა ქველიძეებთან დაიწყო მეცადინეობა, რომ ესენი დაეყოლებინა, დაეთანხმებინა, მიეცათ მისი ძმისათვის, რასაც იგი თხოულობდა: ხომ უნდა მიეცათ მაინც ნინოსათვის თავისი მზითვეი. მაგრამ აქეთ ესენი ჯიუტობდნენ: ქალი ისე დაინიშნა, რომ მზითვეზე სიტყვაც არ თქმულაო და თუ საქმე ხელახლა დავიწყეთ, ეგ ვინ იცის სადამდის მიგვიყვანს, მით უფრო, თუ ამგვარები შეუსრულეთო.

— და გამოტეხით უნდა მოგახსენოთ, რომ სწორედ მოვალე ბრძანდებით ყოველივე ეს ოუხსნათ, ყოველივე ამას მიახვედროთ თქვენი ძმა და დაიყოლიოთ; თქვენს ოჯახში მოხდა ეს ამბავი და ახლა თქვენვე უნდა გამოიყვანოთ ჩემი შვილი მწუხარებიდან, რომელშიაც იგი ჩავარდნილია ამის გამო. დაახ, დიახ, ეგ თქვენი ვალია!..

უამისოდაც გულდამწვარ სონიას სარდიონის ეს სიტყვები ლახვარივით ხედებოდა გულში. იგი თვითონაც სთელიდა თავისთავს დამნაშავედ ნინოს წინაშე. გული უდუღდა, რომ მისი საყვარელი,

უძვირფასესი ნინო აუტანელ, სამარცხვინო მდგომარეობაში იყო ჩავარდნილი მისი ძმისაგან, მის ოჯახში მომხდარი შემთხვევით; ნანობდა, იწყევლიდა თავს, რომ მისმა ენამ გამოსთქვა მისი რძლო-ბა, ამტყუნებდა თავისთავს, რომ ასე წინდაუხედავად მიუთითა ძმას ამ ქალზე და ამით ჩაავდო თავისი საუკეთესო ამხანაგი ქარ-ცეცხლში. და გულადულებული სონია ეხვეოდა ნინოს, უკოცნიდა პირისახეს, გულს. ამხნევებდა, აიძვებდა, რომ ყველაფერი მალე გადაწყდებოდა, რომ გაჩიურებულნი მალე შეთანხმდებოდნენ, მო-რიგდებოდნენ და სასიხარულოდ დათვდებოდა მისი დღევანდელი მწუხარება. სთხოვდა, მასზე გული არ აეყარა, არ შეეძულებინა მისი თავი, რომ ბრალი მისთვის არ დაედვა.

— შენი ჰირიმე, შენი, შენი... ჩემო გვრიტო, ჩემო მალხაზო. ჩემო ანგელოზო, ჩემო მაცოცხლებლო, ჩემო — კოცნიდა და ეხვევოდა სონია ნინოს, რომელიც თავისი ჩვეულებრივი სინაზით, სიმშვიდით, ტკბილი ხმით და ღიმილით ამ სიტყვებზე შემდეგს მიუგებდა:

— შენი რა ბრალია, ჩემო სონია. შენი რა ბრალია? შენ რად უნდა შეგიძულო?.. შენზე გული რად უნდა გამოვიცვალო?! ალ-ბათ, ასეთი ბედის ეყოფილვარს.. შენ რა?..

ეს სიმშვიდე. ეს გულში შეკავებული, გამოუჩინელი მწუხარება ანინოსი უფრო გულს უწყვალებდა სონიას; ცრემლები მოაწვა თვა-ლებს და უბეებს და შადრევანივით გადმოხეტია.

ნინომ დაინახა ეს ცრემლები, მისი გულიც მოწადინებული აყო მომბალიყო იმნაირივე ცრემლებით, მაგრამ ეშინოდა, რომ ამ დროს მას არ შემოსწრებოდა ან დედა, ან მამა, ეშინოდა, რომ მათთვის მწუხარება არ გაეორკეცებინა თავისი სასოწარკვეთილე-ბის დანახვით და ამიტომ ყოველსავე ძალ-ღონეს ხმარობდა, რომ თავი შეემაგრებინა და გულის სისუსტე არ გამოეჩინა, სონიას ცრემლებთან თავისი ცრემლები არ შეემატებინა.

— კარგია, შე ქალო! არა გრცხვენია!.. სონია, სონია!.. თუ გი-ყვარდე, დაწყნარდი!.. რა გატირებს?.. ხომ არ მოვმკვდარვარ, შე ქალო? რაზე მტირი ცოცხალს?! — და ნინომ აქ კიდევაც გაიცინა.

— მკვდარი მე ვარ, მე!.. მე, შენ გენაცვალოს ჩემი თავი!.. მა-რა ცოტა კიდევ მოითმინე... ცოტა ხანს კიდევ გოუძელი ჩვენს უგრძობლობას, ჩვენს გულქვაობას!

და იგი განმეორებით სიტყვას აძლევდა, რომ არ მოისვენებდა, ყველაფერს დაივიწყებდა და ამ მოკლე ხანში ორივე მხარეს მოა-რიგებდა, შეთანხმებდა და მას ააცილებდა მწუხარებას და ტანჯ-ვაწვალებიდან გამოიყვანდა.

მართლაც ყველაფერი დაივიწყა სონიამ ამ გახიხებულ სიქმის გამო; სხვას ველარაფერს უღებდა გულს, სხვაზე არაფერზე აღარ ფიქრობდა, ველარაფერს ვერ ამჩნევდა, რაც მის გარშემო ხდებოდა, რაც ამბავი იყო.

ამგვარობაში სრულდებოდა მეორე წელიწადი და ამ ხნის განმავლობაში სონია თითქმის გარეტიანებული იყო. წინანდებურად იგი აღარაფერს უკვირდებოდა, აღარაფერს აღევნებდა თვალყურს და სწორედ ამის გამო ვერც ატყობდა, თუ რა მდგომარეობაში იმყოფებოდა მისი ოჯახი და ამასთანავე მისი ქმარიც რა გაწამაწიაში იყო.

ბევრი რამ იმეცადინა საწყალმა ოტიამ, ბევრ რამეს მოჰკიდა ხელი საშოვრის საპოვნელად, რომ რამე ოჯახში შემოეტანა, მაგრამ ყოველივე მეცადინეობა ამოიხლებოდა. ერთ წელიწადს მან მოინდომა ხარებით ვაჭრობა: ყიდულობდა იაფად, ასუქებდა და მერე მიჰყავდა იარმუქებზე მოგებით გასაყიდლად, მაგრამ აქედან ისე ცოტა რჩებოდა, რომ პირუტყვის გასასუქებლად უნდებოდა თითქმის, და იძულებული იყო ამისათვის თავი დაენებებინა. მოინდომა სიმინდით ვაჭრობა — მოსავლიან ადგილებზე ყიდულობდა და მოჰქონდა სოფელში გასაყიდად, რადგან ამ უკანასკნელ წლებში თამარნაშენში მოსავლის ნაკლებობა იყო. მაგრამ გაცდენა, მისვლამოსვლა, შრომა თითქმის უქმი რჩებოდა, ისეთ ნაკლებ ფასს იღებდნენ ხელმოკლე სოფლელები. სხვაგანაც მოინდომა ოტიამ წასვლა, სოფლის გარეთ, ეგებ ამით მაინც შემოეტანა რამე, მაგრამ ვერც ამ გზით ეძლეოდა საშველი; ისეთ საქმეს ვერ ხედავდა, რომლისთვისაც მას შეეძლო გარეთ მოეკიდნა ხელი. ერთ ხანაზე, რამდენიმე თავის მეგვარესთან ერთად, ამხანაგობა გააწყო, ხეებს ყიდულობდნენ, ფიცრებად ხერხედნენ და გასაყიდად მიჰქონდათ მახლობელ დაბაში; მაგრამ ვერც ამ ამხანაგობამ ასარგებლა რამე: უგზოობის გამო საქონელი წყდებოდა მთიდან ხეების ჩამოტანით და დაბაში ფიცრების გატანის დროს. იმდენად გასაჭირი შეიქნა საქმის წარმოება, რომ ნახევარი წლის შემდეგ ამხანაგობაც დაიშალა.

სხვაც ბევრი რამ იყო ამგვარი, რასაც ხელს უწვდენდა ოტია, მაგრამ ხეირს ვერაფერს ხედავდა, თუმცა ყოველთვის თვითონ საქმე არ ყოფილა ისეთი, რომ კაცისათვის უსარგებლო ყოფილიყო — ოღონდ მის ხელში კი გამოუყენებელი ხდებოდა.

ეს უნაყოფობა ყოველივე მისი მეცადინეობისა, მისი მუყაითო-

ბისა, გულზე ხეთქავდა საწყალს. იგი აშკარად ხედავდა თავის უღონობას წარმატებაში ჩაყენებისათვის. ხედავდა თავის უძლურებას, მოუხერხებლობას ოჯახის ფეხზე დაყენებისათვის და აღარ იცოდა, რა ექნა, რა მოესაზრებინა კიდევ.

მით უფრო ცეცხლი ეკიდებოდა საწყალ ოტიას, რომ მისი ცოლის სიახლოვეს საკმაოდ აეხილა თვალები. მისთვის ახლა თვალსაჩინო იყო, რომ ძველ გზაზე დარჩენა მეტ ხანს არ შეიძლებოდა, რომ მარტო მიწა ვერ დააკმაყოფილებდა მისი ოჯახის მთელ საჭიროებას; რომ საჭირო იყო განსხვავებული გარჯა, განსხვავებული შრომა და მას კი ეს არ ეხერხებოდა, არ ემარჯვებოდა, და აღარ იცოდა, რა ექნა.

სინათლეზე უფრო ნათელი შეიქნა მისთვის, რომ მარტო მიწა, ის მიწა, რომელზედაც იგი იდგა, ვერას გზით მას ვერ დააკმაყოფილებდა, რომ აქ შეჩერება მხოლოდ სამუდამოდ დალუპავდა მასაც, მის ცოლ-შვილსაც და შომავალსაც...

— გადვიკარგები, სადღაც გადვიკარგები! მარა სად? სად? — გამწარებით ეკითხებოდა ოტია თავის თავს.

გული უტყდებოდა ოტიას იმაზე, რაც აქამდე დიდ განძად და საიმედოდ მიაჩნდა. ამ განძზე და იმედზე ფიქრი ახლა კი შიშსა ჰგვრიდა, დალუპვას უქადიდა და ისე შეებოჭა იგი, რომ განთავისუფლება მისი უმოწყალო კლანჭებისაგან საძნელო ხდებოდა. ოტია გრძნობდა, რომ გაუკეთხავად მიექანებოდა ძნელი განსაცდელისაკენ.

ამ უკანასკნელი წლების დაკლებულმა მოსაველმა და ბოლონდელმა მოუსაველობამ მეტად გააძლიერეს ოტიას გულში მისი გრძნობები. იმოდენა დაკარგულმა, ფუჭად გავლილმა შრომამ, რაც მან მიწაში ჩასდო, მეტად გამოუცვალა გუნება. წლევეანდელმა მოუსაველობამ ხომ სრულიად წელი მოსწყვიტა. ამ მოუსაველობის დროს ოტიას ის გარემოებაც უმატებდა დარდს, რომ მისი ცოლი ფეხმძიმედ იყო.

ახლა სონია გართული იყო სხვა საქმეში და იმიტომ ხმას არ იღებდა, წინანდებურად თავიანთ გაჭირვებაზე აღარ შფოთავდა. მაგრამ ოტიამ იცოდა, რომ, როცა იგი ისევ ოჯახისკენ მოაველებდა თვალს, მაშინ წინანდელზე უფრო, რასაკვირველია, აღშფოთდებოდა და გამწარდებოდა.

მთელი სოფელი შეწუხებული იყო, შიმშილობა კარზე მომდგარი იყო. ყოველი მხრიდან გულის ამრევი ამბები ისმოდა. ჰირნახულის ფასი დღე-დღეზე მატულობდა, ხელმოკლე სოფლელებსათვის მიუწვდომელი ხდებოდა სარჩოს ყიდვა. ერთ დღეს ხმა

გავარდა, რომ თამარნაშენის ზემო კუთხის გლეხი, პავლია მერაბიძე, ისე გამწარდა, რომ თავის ჩამოხრჩობა მოინდომა შიმშილის გამო, და ცოცხალმკვდარი ბაწრიდან ჩამოიღესო, — დროზე მიესწროთ. რამდენიმე კაცი, — კიდევაც ასახელებდნენ, — სოფლიდან წასულაყო სამათხოვროდ ქალებით და ბავშვებით.

— წადი, წადი, შვილო, შენს ცოლის ძმასთან წადი! შეეხვეწე... გასესხებს ცოტაოდენ ფულს და გაისამდის თავს როგორც იქნება გავიტანთ. ნუ გრცხვენია, ნუა რა დროს სირცხვილია! დამიჯერე, შვილო! — ჩასჩიჩინებდა ეკვირინე ოტიას.

— არა, დედა, მოკვდები და იმასთან ვერ მივალ, ვერა, ვერა! — უპასუხებდა იგი.

მაშინ, შვილისგან ნამალევად, ეკვირინემ გასწია სამადაძისკენ შემწეობის სათხოვნელად. უკანასკნელმა უარი არ უთხრა ნათლულის მოხუცებულ ბებიას; დამით, რომ სხვას არ დაენახა, თავის ურმით გადმოუტანა ორი ტომარა სიმინდი და ბელელში ჩაუყარა. ეკვირინემ გული დაიმშვიდა — ერთ-ორ თვეს მაინც ოჯახს ექნებოდა ქაღი, თუ გასაძლომი არა, კუჭის დასამშვიდებელი მაინც; შემდეგ კი ისევ ღმერთზე რჩებოდა იმედი, რომ რამეს გამოუჩინდათ.

მაგრამ რა საშინელი, თავზარდამცემი შეიქნა მათთვისაც, სხვებთან ერთად, როცა ხმა გავარდა, რომ სოფელში ბოქაული მოვიდა საადგილ-მამულო გადასახადის მოსაკრებად და, ვისაც არ შეჰქონდა ფული, ბელელს უბეჭდავენო.

ეკვირინე და ოტია ეცნენ სამადაძისაგან მოტანილ სიმინდის ამოლაგებას ბელლიდან სხვა ადგილას გადასამალავად. გაკვირვებით შეჰყურებდა სონია დედა-შვილის კალათებით იქით-აქეთ რბენას და ვერ ხვდებოდა, აზრში ვერ მოდიოდა, თუ რას ნიშნავდა ეს ამბავი.

ერთი ათიოდე კალათის გადმოტანა თუ მოასწრეს, როცა ეზოში რამდენიმე ცხენოსანი შემოვიდა.

ეკვირინეცა და ოტიაც გაქვავდნენ.

— მობრძანდით, ოტია! — წაშოვიდა მასკენ ცხენიდან ჩამომხტარა მამასახლსა.

ცოცხალმკვდარი ოტია მიუახლოვდა ბოქაულს.

— ფული რომ ითვლება თქვენზე, სახელმწიფო გადასახადი, რატომ არ შემოგაქვთ, ყმაწვილო?... ორჯერ დაბარებულია იყავით ამის თაობაზე, ორჯერ გადაგადევით, მაგრამ მაინც არაფერა გეშველათ... რატომ ნებულობთ ამას?... თქვენს თავსაც იჭირვებთ და ჩვენც პასუხისგებაში გვაგდებთ! — საყვედურით დაუხვდა ცხენიდან ჩამომხტარი პოლიციას მოხელე.

— უკაცრავად, ბატონო!..

— უკაცრავად კი ბრძანდებით, ეგ მეც ვაცი... ეს ცოტაა... ფულ-
ლო წარმოადგინეთ!..

ოტია გაქვადა.

— არ გესმით თუ? ფული წარმოადგინეთ 'ახლავე-მეთქი!..

ოტია ისევ ხმაფოულდებლად იდგა.

— არა გაქვთ?

— არ მაქვს!.. გთხოვთ, ცოტა ხნით...

— გადროვოთ... არა? კმ, არა, არა, უკაცრავად!.. ჩვენც მწარე
დღე გვადგია ამის გულისათვის... აჰა, რა მოწერილობებს ვღებუ-
ლობთ და რარიგად გვემუქრებიან!.. დრო გქონდათ... მეტი აღარ
შეიძლება... დაკეტე ბედელი, მამასახლისო! — დაიძახა ბოქაულმა.
მამასახლისა გაეჭანა ბრძანების აღსასრულდებლად.

ოტია ამქვეყნად აღარ იყო. სონია გაფითრებული, სულგანაბუ-
ლი, ოთახის კარებს ამოფარებულა მისჩერებოდა იმას, რაც მის
თვალწინ ხდებოდა.

— ლუქი და ბექედი, ფილაჟე! — უბრძანა მოხელემ მწერალს. —
ეგებ ამ გზით მაინც დაგატანოთ ძალა!.. — წაილაპარაკა მან.

ბედელის დასაბეჭდავად მისულმა მწერალმა. სანამ დაკეტადნენ
ბედელს, კარი შეაღო, ჩაიხედა შიგ, გადმოიხედა ბოქაულისაკენ.
მომღიპარი სახით და შეჩერდა. ბოქაული მიხედა, რასაც ნიშნავდა
ეს ღიმილი ხელქვეითის სახეზე:

--- სულ ერთია... სულ ერთია! მიაკარი ბექედი, მიაკარა! — დაუ-
ძახა მან.

მწერალი შეუდგა ბრძანების აღსრულებას.

— შიმშილით გვწყვეტთ, ბატონო?.. შიმშილით გვწყვეტთ-
ჩემო თვალის სინათლევ? — მიუახლოვდა ბოქაულს გარეტიანებუ-
ლი ეკვირინე.

— მეც ძალა მადგია, ჩემო ბატონო!

— ნუ ინებებთ! ნუ ინებებთ! — ძლივს ხმას იღებდა მოხუცე-
ბული ქალი.

— ფული, ფული წარმოადგინეთ და თავისუფალი იქნებით! არ
შემიძლიან, ნაბრძანები მაქვს ყოველგვარი ზომა ვიხმარო ამ გადა-
სახადის გადახდევინებისათვის. ჩვენი ბრალი არაა გაათავეთ! აბა
ახლა ვინაა აქ მახლობლად კიდევ?

მწერალმა სია გაშალა.

— ლევან ქამუშაძე! — წაიკითხა მან შემდეგ.

— აბა ამ ლევანისას ჯერი — წამოიძახა მოხელემ და ცხენოს-

ნებმა ხმაამოუღებლად გადაიარეს ეზო. მხოლოდ ცხენების ფეხების თხლაშა-თხლუში ისმოდა.

ოტიაც და ეკვრინეც მიკრულებივით თავ-თავიანთ ადგილებიდან არ იძვროდნენ. აივანზე ოთახიდან ბავშვი გამოვარდა და მის უკან გამოჰყვა სონიაც, რომელიც შეჩერდა და მათ მიაჩერდა გოცებულნი.

მიწა გასკდომოდა და შიგ ჩავარდნილიყო, ათასწილად ერჩია ოტიას ამ წამში, ისე გრძნობდა თავის თავს.

— რა ამბავია ეს? — დაბალი, უცნაური ხმით გადმოიძახა სონიამ.

— სიკვდილი მაგათი სიკვდილი, შეილო — ამოსკდა გულიდან ეკვრინეს. — მაგათი სიკვდილი!

ოტიამ ვედარც კი მოახერხა ცოლის თვალწინ დარჩენა; მიწასთან გასწორებულმა, დარცხვენილმა, თავსლაფდასხმულმა ერთი მწარედ ამოიოხრა და გარეტიანებული წაბანცალდა.

სონიამ გაიგო, რაც მომხდარიყო, გაიგო ყველაფერი, რაც მათ ოჯახში ამბავი იყო და რაც მისთვის შეუძმჩნეველი რჩებოდა მისი ძმისა და ნინოს გამოისობით. დღევანდელი გაჭირვება უკანასკნელი გაჭირვება იყო, უკიდურესი გაჭირვება. აქ სად იყო დრო, რომ ადამიანს ეფიქრა თავისი ღირსების დაცვაზე, როცა კუჭის გამოსაქლომზე უნდა შეეღია მთლად თავისი ძალ-ღონე...

ქალი ეძებდა ოტიას, ეძებდა, რომ ისევ წინანდებურად შეჰკითხოდა, გაეგო მისგან, თუ რას ფიქრობდა იგი ამგვარი გაჭირვების ასაცილებლად, ამგვარ საშინელი მდგომარეობისაგან გასანთავისუფლებლად, რა გზას ადგებოდა, რომ შემდეგში კიდევ უარესი არ შემთხვევოდათ? ეს იყო, რომ გამოვაკეთებ ოჯახსო? გამოკეთდა!

კარგა შებინდებული იყო, როცა ოტია შემოიპარა სახლში. მან ეგონა, რომ ყველას ეძანებოდა და ცოლთან ლაპარაკი აღარ შეხვდებოდა, ისევ თავის თავთან დარჩებოდა, თავის აზრებს მიეცემოდა. სონია კი მის მოლოდინში იყო.

— ოტია, შენ ხარ? — შეეკითხა ოთახში შემოსულს.

— მე ვარ! — მიღონებული ხმით მიუგო ოტიამ.

სონიამ ბალიშის ქვეშიდან გამოაძრო მომარაგებული ასანთი, რაც მას მუდამ ეგულებოდა ბავშვის ღამე დასახედავად, მოუკიდა სანთლის ნაწმწვავს და გაანათა ოთახი.

მის წინ იდგა სრულიად სახეგამოცვლილი ქმარი. ოტიას კიდევაც რცხვენოდა და კიდევაც გული უკვდებოდა, რომ ასეთნაირ გაჭირვებაში იყო ჩავარდნილი, მიუხედავად თავისი მუყაითობისა და მეტადინეობისა.

ქალმა ის იყო დააპირა კითხვით მიემართნა, გაემეორებინა თანისი „რას აპირობ? რას გვიპირობო?“ მაგრამ იგრძნო, რომ ამგვარი მიმართვით იგი მხოლოდ უარესად დაჩაგრავდა მას, უამისოდაც დაჩაგრულს. ეს მხოლოდ შეუბრალებლობა იქნებოდა ქმრისა, რომელსაც ვერასოდეს ვერ უსაყვედურებდა გაურჯელობას, ვერ უსაყვედურებდა უპატრონობას ოჯახის წინაშე. სონიამ შესცვალა ის კილო, რომელზედაც მომზადებული იყო მასთან ლაპარაკი დაეწყო.

— ოტია! ჩვენი აქ დარჩენა სიკვდილია, ოტია... სიკვდილი, ოტია! ამდენი ხანია გიციდი, გითხრა ეს... ჩვენ კიდე უარესი თუ მოგველის აქ, თორემ უკეთესი არაფერი. ჩვენ უნდა წავიდეთ, უნდა გავშორდეთ აქაურობას, ოტია, უთუოდ, უსათუოდ, ოტია! ამას ოტიაც გრძნობდა, იგიც ატყობდა.

— სად, შე ქალო? სად შემიძლია მე წასვლა?

— სადაც საშოვარი უფრო მეტია, ქალაქ ადგილას, №-ში ოტია მწარედ გაიღიმა.

— ჰმ, ჩემისთანამ რა უნდა იშოვოს ქალაქ ადგილას?

— რატომ არა... რატომ არა, ყველაფერს იშოვი!

— მაგასაც გაჩვევა უნდა! მე კი ფეხი არსად გამიდგამს... არსად ვყოფილვარ, ხალხიც არ მინახავს ერთად ბევრი. ქვეყანაში გაუსვლელმა რა უნდა გაეაკეთო უცხო ადგილას?.. თორემ ვინ ოხერი, ვინ მუდრევი!

— უსათუოდ, უსათუოდი ამას ლაპარაკიც აღარ უნდა, ოტია! ეს გადაწყვეტილია, იცოდე! — მტკიცედ წარმოსთქვა სონიამ. — გესმის?

— ვნახოთ, ვნახოთ, შენი ჭირიშვილი მაგასაც მოსაზრება უნდა, ასე ადვილი საქმეა განა? მაცალე ცოტა ხანი, შენი ჭირიშვილი, შენის თუ ცოტაოდენი სიბრალოლი გაქვს ჩემში ოხ, ღმერთო, ღმერთო ჩემო! — წამოიძახა გულსაკლავად ოტიამ, გაიხადა ჩოხა, წაღები და მიეგდო ტახტის ბოლოში.

სონიას შეეცოდა ქმარი, აღარ დაუწყო მეტი ლაპარაკი, მაგრამ გუნებაში კი გადასწყვიტა, აღარ შემდგარიყო და ყველაფერი ღონე ეხმარა, რაც გაუეილოდა, ქმრისათვის გაეხედვინებინა სოფლის მიტოვება, სოფლიდან გასვლა, სადაც მათ არავითარი სიკეთე არ მოელოდათ, მათივე აზრით.

XIII

ეკვირინეც ველარ იყო თავის გუნებაზე ახლა. იმასაც დაეკარგა ხალისიანი სიტყვა და რაღაც ჭაერს შეეპყრო. ეტყობოდა, მან გაიგონა რძლის ნალაპარაკევი იმ ღამეს და ახლა ოტიასაგან უნდოდა

უფრო დაწვრილებით, ხელმეორედ მოესმინა, რასაც მას უმა-
ლავდნენ.

— სად წავიდეთ, სადა?

— კაია, შენი ჭირიმე, თავი დამანებე!..

— შეილო, არ ამჩატდე! ფრთხილად იყავი, დამირიგებინარ...
ფრთხილად იყავ... არ გაგაბრიყვონ!..

— თუ გიყვარდე, მაცალე, დედა, თუ ჩემი სიბრალული გაქვს...
მე შენზე უკეთ ვიცი, რა ამბავიცაა ჩემს თავზე!.. ვინ უნდა გამა-
ბრიყვოს, შენც ლაპარაკობ კიდევ!.. გაბრიყვებაზე კი არაა აქ საქ-
მე... იმდენად უგუნურებიც არა ვართ, ღვთის მადლით!..

ეკვირინეს არ მოეწონა შეილის ასეთი კილო. იგი ამაში ატყობ-
და ოტიას, რომ მას ცოლის მხარი ეჭირა და მეტად ეწყინა ეს
გარემოება. ის იყო უნდოდა ისეთი ლაპარაკი გამოეწყო შეილთან,
რომ უსათუოდ ეთქმევინებინა მისთვის, რასაც გულში ფიქრობდა
აგი, რასაც ორივე აწყობდნენ, როცა ეზოში შემოვარდა პატარა
ფეხშიშველი გოგო და ამათ მიაძახა:

— ბატონი კვდება, ბატონი.... გთხოვეს, მობრძანდითო!

— ვინ ბატონი, გოგო? — ჰკითხა ოტიამ.

— ლევანი, ლევანი! ყველას გთხოვეს...

— არიქა, მიშველეთ! — წამოიძახა ეკვირინემ. — შეილო, სო-
ნიას შეატყობინე, ოთახშია... მალე, მალე!.. შენ, ცუცუკა, ჩვენ
მოსვლამდის აქ იყავი... სახლს მიხედე, ჩემო ცუცუკა... ბავშვმა
არაფერი მოიწიოს!.. გამეიარეთ... გამეიარეთ! — მიაძახა მან რძალს
და შეილს, რომელნიც უკან დაედევნენ მას, ლევანისაკენ ფეხჩი-
ქარებით მიმავალს.

საწყალი „ბატონი“ უკანასკნელ მდგომარეობაში იყო. სკამ-ლო-
გინზე მწოლიარე, აღარც კი ჩანდა საბნის ქვეშ გაფითრებულ-
აბურძგვნილი თავის მეტი. ღრმად ჩავარდნილი თვალები ხანდახან
გამოიხედავდნენ, მოევლებოდნენ გარშემო მდგომთ და ისევ დაი-
ხუქებოდნენ.

— ლევან, ლევან, გამოიხედე, ეკვირინე მოვიდა, სონია, ოტია,
გამოიხედე! — ჩასძახა ტირილისაგან თვალებდაწითლებულმა ეფ-
როსიანემ.

ლევანმა გაახილა თვალები; ჯერ ერთს შეხედა, მერე მეორეს
და შემდეგ მესამეს.

— რას შვები, ბატონო?.. რას შვები, ლევან?.. ნუ შეშინდები,
ნუ შეშინდები! — უთხრა ეკვირინემ, რომელსაც ცრემლები ერეო-
და თვალებში. — ნუ შეშინდები!

მომაკვდავმა ოღნავ თავი გააქნია.

— სიკვდილი ჯობია, რძალო.. სიკვდილი.. — ძლივს გასაგონი ხმით წაილაპარაკა მან. — ყველა მშვიდობით იყავით... ყველა... ყველა.. — გაახილა თვალები, თითქოს რაღაც მოაგონდაო, თვალი მიმოავლო იქ მყოფთ და, რა შენიშნა სონია, ანუშნა მას მოახლოებულყო. თვალებაცრემლებული იგი მიუახლოვდა; ლევანმა სიყვარულით მიაპყრო თვალი.

— ღმერთმა შვილი გაგიზარდოს... ღმერთმა.. შეუწუხებლად... თქვენდა სასიამოვნოდ... აგაშორეთ უფალმა უბედურება... უბედურება... ბიძიკო!..

მისი ტუჩები კიდევ ცმაცურებდნენ, ალბათ რაღაცას ამბობდა კიდევ, მაგრამ სრულიად მისუსტებული ხმა აღარ ისმოდა და ამასთანავე თვალები ისევ მიხუჭა.

ისევ სიჩუმე, ისევ შეკავებული ქვითინი ისმოდა მხოლოდ.

— ნეტავი მალე მაინც სული გეყურებოდეს... წვალობს, სხვა არაფერი! — გამწარებით წაილაპარაკა ეფროსინემ, რომელსაც გამხდარ ლოყებზე ცრემლები ჩამოსდიოდა.

ამ სიტყვებმა ხმაურდანი ტირილი გამოიწვია. ლევანმა ისევ გაახილა თვალები.

— არ მოვიდა? — იკითხა მან.

— რაღაცას კითხულობს!

— ომანის ნახვა უნდა — თქვა ვიღაც დედაკაცმა. — კაცია გაზაენილი... რატომ დეიგვიანა, აღარ ვიცი!.. ისე რაღა გეიქვავებს გულს, რომ არ მოეკარება... რაღა დევიჭერო!..

ამ ლაპარაკზე კარების ზღურბლზე ომანმაც გადმოაბიჯა. იგი მიუახლოვდა მომავლად, მოიგლიჯა თავიდან ქუდი და ათრთოლებული ხმით ჩასძახა ძმას:

— ლევან!.. ლევან!.. რას შერები, კაცო?.. რაღა ხარ?

ლევანმა გაახილა თვალები და ხმაამოუღებლად მიაშტერდა თავზე მდგომ ძმას.

— რას შვები, კაცო? — გაიმეორა ომანმა.

— ვკვდები, ძმაო!.. მადლობელი ვარ... მადლობელი — ცოტა ხნის გაჩუმების შემდეგ დაუმატა მან.

ომანი შერჩა თავის ადგილს ხმაგაკმენდილი.

— მშვიდობით... მშვიდობით, ავო კაცო!.. აწი მაინც ტკბილად... ტკბილად იყავით... ეფროსინე!.. უბედურო... ომან... თუ ძმა ხარ... თქვენ იცით... სირცხვილია... კმარა, რაც გვინახავს. თქვენ იცით... კმარა... კმარა!..

ომანის აყვავებულ ცრემლებზე ბრწყინავდნენ. ეშინოდა ხმის

ამოღება, რომ იქაურობა არ გაეყრუებინა თავისი ძლიერი, ვულ-
შკერდიდან ამოხეთქილი ხმით.

სახლში კიდევ შემოვიდა რამდენიმე ქალი და კაცი; მომსვლე-
ლები თანდათან ემატებოდნენ. ამ გამომშვიდობებაში ისე ამოხდა
სული მოხუცებულს, რომ ვერც კი გაიგეს. იგი მიიცვალა წყნარად,
მშვიდობიანად, უშფოთველად.

ყველანი თავს დასტიროდნენ, დასჩხაოდნენ მიცვალებულს.
ეფროსინეს დიდი ხნიდან გამოტირებული ჰყავდა იგი და ახლა
უკანასკნელ ცრემლსლა სწირავდა თავის უბედურ ქმარს.

ოტია მწარე ცრემლით დასტიროდა ბიძას. ამ მიცვალებულში
იგი რაღაც თავის მომავალს ხედავდა.

სონია მწარედ ქვითინებდა დანარჩენ ქალებთან ერთად. ეკი-
რინემ შენიშნა მას გადამეტებული შეწუხება, მოკიდა ხელი, გაი-
ყვანა სახლიდან და დააფიცა ყველაფერი, აქაურობას მოშორებოდა
და შინ გაბრუნებულიყო.

— აწი რაღა გინდა აქ, შენ გენაცვალე?.. შენთვის არ ვარგა და
იეტავეი სულაც არ წამოჰყვანე... რა საყურებელია ფეხშიძი ქა-
ლისათვის ამგვარები... დევიბენი, ველარ ვიფიქრე მე უბედურმა...
წადი, თუ გიყვარდე, წადი, წადი — და მან კარებამდის მიაცილა
რძალი, რომ იგი არ გამობრუნებულიყო და არ დარჩენილიყო იქ.

„მშვიერი... მშვიერი მოკვდა, შიმშილმა მოჰკლა! — ეუბნებოდა
თავის თავს გზაში მიმავალი სონია. — შიმშილმა მოჰკლა, უსადს-
რობამ... მშველელი კი არსაით, არსადაა!.. ყველა გაჭირვებულია,
ყველა გაწვალებული... ყველა უბედურებაშია ჩავარდნილი!.. ოჰ,
ღმერთო, ყველა ამას უნდა მოველოდეთ, ყველას ეს დღე უნდა
დაგვადგეს!.. არა, შვილებო, არა, გვრიტებო!.. არა, არა, თქვენნი
ჭირიმეთ... არა, არა!..“

მან ველარც კი გაიგო ამ გულის წუხილში, რომ სახლისაკენ
აღარ მიდიოდა, გზას გადაეხვია, ქვევით დაჰყოლოდა. რაღაც
ხმამალალი ლაპარაკი, თითქმის ყვირილი მოესმა და ამან ცოტათი
გამოაფხიზლა და გონებაზე მოიყვანა. სონია შეჩერდა. გაცეხით
თვალი შემოავლო, გაუკვირდა, თუ სად მოსულიყო სახლისკენ მი-
მავალი. მაგრამ ვერც კი მოასწრო ანგარიში მიეცა თავის თავისთ-
ვის, რომ ვიღაც ქალის ქაჭანი, წყევლა და გინება იქაურობას
იკლებდა.

ჩაფოხვილ დაბალი სახლის კარებთან, ღობეს გადაღმა რომ მო-
ჩანდა, იდგა გაფითრებული სახით ავადმყოფი, ტანმორჩილი, გამ-
ზმარი ყმაწვილი ქალი და შიგნით მოქაჭანე ქალს დაწყენარებას
ევედრებოდა.

— კაია, დედა, კაია, თუ ღმერთი გწამს!.. ქვეყანა მიღი-მოდის... სირცხვილია!..

მაგრამ ქაქანი არ წყნარდებოდა. სონიამ ხმაზე იცნო მანანა, სეფე მარუშიძის სიღედრი.

— ის დღე რატომ არ დაიქცა, ის დღე რატომ არ ჩამობნელდა, მაგ რომ მე ზემს ოჯახში შემოვთარიე!.. კაცი მეგონა მაგ დაგლახა-კავებული!.. კაცი მეგონა მაგ ოხერი, ოხერი, ნამდვილი ოხერი!.. ოჯახი თლათ მაგან გამიოხრა!.. მაგას რავე მოუთმენ, ასე რომ მიყრილი ვყვეართ, ასე უპატრონონი! მაგ დამშეულს ოჯახი ხელში ჩაებაარე, ამის მოხმარებაც აღარ შემიძლიაო?!. გავაგდებ, ერთ მკამელს მაინც მოვიშორებ!..

თავის სიძეზე იყრიდა ჯავრს გაცოფებული მანანა. თავიანთ უსაღარობას და ხელმოკლეობას აბრალებდა თავის სიძეს, რომელსაც ქალიშვილთან ერთად თავისი ქონებაც ჩააბარა. ჩამოსიძებულმა ვერ გაუმართლა იმედი სიღედრს, ვერ შეიყვანა კეთილდღეობაში და მოხუცებული, ხშირად გამწარებული კუჭკაუმამღრობით, საზარელ ამბავს აწევდა სიძეს და შეუბრალებლად ეხებოდა მის თავმოყვარეობას. ამათი ერთმანეთის ლანძღვა-გინებით მთელი ის კუთხე დღემუდამ გაყრუებული იყო.

— აი, შენი სახელი გაწყდებოდეს ბარემაც, შენი!.. ღმერთი მომასწრებდეს, სიკვდილი დაგიდუმებდეს მაგ პილწენას, ღმერთი მომასწრებდეს! — მოესმა ქვევიდან სონიას.

ამ სიტყვებთან მისი მთქმელიც გამოჩნდა მოხვეული გზის ყურიდან. ფეხშიშველას, მხარზე შემდგარა ჩაფით წყალი მოჰქონდა და უკან ფეხშიშველავე პერანგის ამარა ორი ბავშვი მოსდევდა ფიჩხებით მხარზე.

ეს იყო სეფე მარუშიძე თავისი ბავშვებით. მას შერცხვა სონიას დანახვაზე, დარცხვენულად თავი დაუკრა და ნაღვლიანად წაილაპარაკა:

— ამ ურცხვ დედაბერს რომ აღარათფერი ეშველა... რომ აღარათრის მორიდება აქვს! გამოიარეთ, გამოიარეთ! — მოუბრუნდა იგი და ბავშვებს გადმოსძახა, უცნობი ქალის დანახვაზე შემფრთხალი თავგებივით რომ ღობეს გაეკრნენ. ამ შეძახილზე ბავშვებმა უცბად მოკურცხლეს და, ტიტველი ფეხის ტყაპა-ტყუპით ხმელ მიწაზე, გაქანდნენ მამისკენ.

„არა, შეილებო, არა... თქვენ ამათსავეთ არ დაგარჩინთ თქვენი დედა, არა, არა!“ — განწირულებით წამოიძახა სონიამ და ქვევითკენ დაეშვა.

უკან კიდევ ისმოდა მანანას ქაქანი, წყევლა და კრულვა. ანგა-

რიშმიუცემლად სონია მიადგა ქველიძის მოცრეცილ კიშკარს. მან ყოველთვის, ყოველ უსიამოვნებაზე აქეთ იცოდა გამოქცევა და დღესაც ჩვეულებამ აქეთ მოიყვანა, თუმცა ეს მას სრულიადაც არ უფიქრია. ძმის გამოისობით ამ ბოლო ხანს მან შესწყვიტა წინანდებურად ხშირი სიარული აქ, ახლაც ერთმა გულმა უკან გაბრუნება ურჩია. მაგრამ შემდეგ ისევ შესვლა გადასწყვიტა.

მას წინანდებურადვე შეეგებნენ. სახლში მხოლოდ ქალები იყვნენ. მისმა გაფითრებულმა სახემ და აღლევებამ ქალიშვილებს თავზარი დასცა; სამივეს ერთნაირმა აზრმა გაურბინა და შეწუხებულთ ხმის ამოდება ედარ ეხერხებოდათ, სანამ სონიამ არ უამბო მათ ლევანის სიკვდილი და რაც გზაში ნახა. მაშინ ყველამ თავისუფლად ამოისუნთქა.

ახლად მიცვალებულზე ლაპარაკში იყვნენ, როცა ოლიკომ ფანჯარაში გაიხედა და წამოიძახა:

— მამა მოვიდა, მამა!

ყველანი წამოცვივდნენ ზეზე. მათათი გარეთ გავიდა ქმართან და შვილთან, რომელნიც ის იყო ცხენებიდან ჩამოხტნენ.

დღეს უნდა მოეტანათ ორივეს, მამა-შვილს, უკანასკნელი პასუხი ჯინჯარაძისაგან. სარდიონს გაჯავრებულ სახეზე ეტყობოდა, სასიკეთო არა იყო რა.

— მოუარე მაგ ცხენებს და გადუყვანე მერე! — გადასძახა სარდიონმა შვილს.

კრიჭაშვიტარული იგი შევიდა ზალაში და, რა დანახა სონია, ხელიც არ ჩამოურთმევია, უთხრა:

— სტუმარი მიბრძანდებოდა თქვენსკენ... ბატონი ბიაშვილი..

სონია მიხვდა, რომ აქ რალაც ცუდი ამბავი იყო ძმისგან და უნდოდან მისი თავიდან მოშორება.

იგი წამოდგა, ასწია თავი და გაუბედავი ხმით სცადა გაეგო რამე სახლში მისვლამდის.

— ჩემი ძმა ხომ არ გინახავთ? — დამნაშავესავით იკითხა სონიამ გაუბედავი ხმით.

სარდიონმა ჯერ ხმა არ ამოიღო, მერე ერთბაშად აენტო და ბრაზმორეულმა წამოიძახა:

— ნეტავი ჩემს დღეშიაც არ მენახა ბევრი მინახავს უსინდისო, უპატიოსნო ყმაწვილი, მაგრამ თქვენი ძმისთანა... თქვენი ძმისთანა ჯერ არა არა ჯერ, მერწმუნეთ!

— სარდიონ! სარდიონ! — მოინდომა მათათიმ ქმრის დაწყინარება.

— მე წავალ... მე ვერთყვი, მე ვერთყვი... — ენის ბორძიკით ამბობდა სონია.

— ახლა ყველაფერი გათავებულა, ყველაფერი!.. მადლობელი გახლავართ, მადლობელი გახლავართ ყველაფერზე, რაც თქვენი ოჯახის წყალობით მე გადამხდა გმადლობთ, მეტს ნულა ირჯებით!.. კმარა!.. კმარა!.. მიჩივლეო ჰმ, გაგივონათ?.. მიჩივლეო მე ჩემს შვილს უსინდისოს ხელში არ ჩაუფდებ... არა და მადლობა უფაღს, რომ იმისთანა საქაგელი და უზნეო კაცი, როგორც თქვენი ძმა ბრძანებულა, სიძედ არ შემოვიყვანე ჩემს სახლში ახლა, რომ დამიჩოქოს, ამის ახლოს სულსაც არ დაეაბერვინებ!.. გარყენილსა და გაფუჭებულს რა უნდა ამისთანა ანგელოზთან? ლაწირაკი!

სონიას თავს რეტი ესხმოდა ამ სიტყვებზე და ამ უცნაურად გახელებული კაცის ყვირილისაგან. ბევრს ეცადა მათათი ქმრის დაწყნარებას, მაგრამ ვერაფრის ღონით ვერ ახერხებდა. დღეს რომ იგი იყო, აქამდის არავის ასე არ უნახავს სარდიონი; ეს კაცი კი აღარ იყო, მხეცი იყო, ნამდვილი ბრაზმორეული მხეცი.

მიზეზიც ჰქონდა. თავიდან შერყეული კეთილდღეობა, ათასგვარი გაჭირვება, ახლა საყვარელი შვილის ამბავი, ქვეყანას რომ მოედებოდა და ვინც როგორც ისურვებდა, ისე რომ დაუწყებდა ტრიალს; რამდენი მტერი გამოჩენილი და უჩინარი ამ შემთხვევას გამოიყენებდა და მის ოჯახს, შვილს, სათრევად გახდიდა; და ყოველ ამას ზედ ისიც ემატებოდა, რომ ბიაშვილმა ულუკმაპუროდ დასტოვა; ეს არ იქმარა და რამდენიმე გლეხი განებრაზებინა მასზე საჩივარი შეეტანათ, რომ იგი მუდამ კანცელარიაში გდია და თავის გამოსარჩენად ერთმანეთში გლეხებს ჰკიდებდნენ, რის გამო თხოულობდნენ მთავრობის წინაშე აეკრძალათ მისთვის სოფლის სასამართლოში სიარული. ეს ხომ მისი ოჯახის ამოწყვეტას ნიშნავდა, მისი ცოლ-შვილის საბოლოოდ გაუბედურებას, და როგორ შეეძლო დამშვიდებულად ყოფნა, დაწყნარება; როგორ შეიძლებოდა, რომ ამას მხეცად არ გარდაეკმნა იგი.

საწყალ სონიას არც კი გაუგია როგორ გამოიარა გზა ქველიძიდან, სახლამდი როგორ მოვიდა, ისე გონებააბნეული იყო. ბიაშვილის დანახვაზე მას ცრემლები მოაწვა თვალებზე და ათრთოლებული ხმით მიმართა მას:

— პორფირი, რატომ შვება ბეგლარი მაგ საქმეს? რატომ შვება? კარგია ახლა მაგ? — ქალს ტირილი მოერიო.

— ხა, ხა, ხა! შენ რა გატირებს მერე? მისცეს ფული და გათავდება საქმე უყურეთ ამას!..

— რვაასი მანათი?!

— პო!

— ვის აქვს, შე კაცო, მაგოდენის საშუალება? კმი შიმშილისაგან კვდებით, ვინოცებით! რეასი მანათი!.. ღმერთო ჩემო!..

— არა, ჩემო დაო, უფულოდ ტყვილა იფიქრა იმ თქვენმა სარდლიონმა... უფულოდ ქალიშვილს ხელს არავეინ მოუკიდებს, შენც არ შომიკვდე!..

— თხოვდა, აძლებდა მერე?.. თავად არ დანიშნა, ა?

— ეგ რა ვუყოთ!

— როგორ, თუ რა ვუყოთ? ქალი ჯავრით უნდა ჩაკვდეს?

— ხა, ხა, ხა!.. არ ჩაკვდება, არა!.. ეგ ოინებია, სარდლიონის ოინები! მაგრამ რა სულელია: ქალაქელებს მოგვინდომა სოფლის კაცმა ვაცუცურაკება?! ძალიან შემცდარია, ნამეტან ძნელ საქმეს მოჰკიდებია და წაგებულა, და იქნება კიდევაც სხვაშიაც! ხა, ხა, ხა, ბა! არა, ჩვენთან აქაური კრიმანჭულები არ არგია, არა! ხა, ხა, ხა! ჩვენ რავე გვაჯობებს!

პორფირი სიამოვნებით ხითხითებდა და ხარხარებდა... ამის პირით თითქოს თავმომწონე, უფრო ღონიერი ქალაქი დასცინოდა მისუსტებულ სოფელს, დასცინოდა, თავის გამარჯვებას აქადნიდა და ემუქრებოდა მეტ დაჩაგვრას მასთან ბრძოლაში.

„ამათია ყველაფერი!“ — გაურბინა თავში მტერალ სონიას.

„ამათ უნდა გავსდიოთ, ჩემისთანებმა მაინც, თუ ქვეყანაზე სიცოცხლე გვინდა!“ — თავის თავს ეუბნებოდა გულდაღონებული ოტია, რომელიც ის იყო ლევანისაგან დაბრუნებულყო.

მთელი ღამე ძილი არ გაჰკარებია არც ცოლსა და არც ქმარს. სონიას თვალწინ ედგა ლევანი, საწყალი ეფროსინე, სეფე მარუშიქე ჩაფით მხარზე, ტიტველა მისი შვილები, გადარეული სარდლიონი, მოხითხითე პორფირი, გაჯიუტებული მისი ძმა ბეგლარი და მისი ქმარი ოტიაც. ესენი ირეოდნენ ერთმანეთში, ფუსფუსებდნენ მის წინაშე, ხმაურობდნენ, ვინ რას არ ჩასჩიჩინებდა, ჩასძახოდა და მოსვენებას არ აძლევდა ღონემიხდილ ქალს.

ამავე დროს გარეთ, აცვანზე გაშხლართული ოტია, ძილგამფრთხალი, მიცვალბულ ლევანზე ფიქრში იყო გართული. ამ ფიქრში თავისი თავი ეხატებოდა მომავალში: თუ იგი დროზე აქაურობას არ გაეცლებოდა, თუ სხვაგან, უფრო მოსახერხებელ ადგილს არ შეაფარებდა თავს, მასაც ასეთივე ბოლო ექნებოდა, ისიც გააქცევდა შვილებს აქეთ-იქით და თავის ბიძასაებრ მშვიერი, მწყურვალი, უპატრონო, ასეთ საცოდაობაში დაღევედა თავის გაჯახირებულ სულს.

— არა... მეტი საშველი არაა, მეც უნდა ავიბარგო! მეც უნდა

შევეხიზნო იქ, სადაც ყოველი კაცი საშველს პოულობს... სადაც იმოდენა საშოვარია და საშუალება... მეტი გზა აღარ არის..

ამ გადაწყვეტილების მიღებასთან მას გულში თითქოს რაღაცამ გაურბინა; ოტია ჯერ წამოჯდა, მაგრამ ჯდომაც აღარ ეხერხებოდა, წამოდგა, გადმოვიდა აივნიდან და მიიარ-მოიარა ეზო. რაღაც უცნაური სევდით შეკუყრებდა ამ ღამეში ყოველ საგანს, რაც წინ შეხვდებოდა, რაღაც სიყვარულით აჩერდებოდა სათითაოდ ყველაფერს, რაც მის საკუთრებას შეადგენდა. მისი გული საკვირვლად დუღდა, გმინავდა.

ამ ღამეში, ამ ბნელაში, გაჭირვებული ოტია ემშვიდობებოდა აქაურობას, ესალმებოდა ამ მიდამოს, რომელიც დევნიდა და იძულებულს ხდიდა, თავისი კეთილდღეობა სხვაგან ეძებნა.

XIV

ოტია ახლა იმის რჩევაში იყო, თუ როგორ გამოეცხადებინა დედისათვის თავისი განზრახვა, თავის გადაწყვეტილება, რა რიგად დაეჭერებინა მოხუცებული ამის საჭიროებასა და საფუძვლიანობაში; როგორ გამოტეხილიყო, რომ თავზე საზარელი ამბავი დაატყდა; როგორ ეთქვა, რომ სამუდამოდ აეყარა გული სოფელზე და უნდა დაეჩქარებინა მასთან განშორება.

ეკვირინეს სრულიად უბრალო წალაპარაკებას მარუშიძეს სიღერთან, მანანასთან, საზარელი ბოლო მიეცა. ეს შხამიანი დედაკაცი დიდი ხნიდან ილესავდა კბილებს ეკვირინეზედაც, რომელიც სძულდა მისი ტრაბახობის გამო, და სონიაზედაც. ამ უკანასკნელს თუმცა მისთვის არა დაუშავებია რა, მაგრამ მას სიამპარტავენეს აბრალებდა, მედიდურებას, სხვებზე მეტობას და ეს საკმაო იყო მანანასათვის, სონია შეეძულებინა სამუდამოდ და დაუზოგავად. მანანას გული აეყარა სონიაზე იმ დღიდან განსაკუთრებით, როცა მას თვალის მოკპრა გზიდან მოყურებულს, სიძეს რომ ეჩხუბებოდა. იგი იმ დღიდანვე ეძებდა შემთხვევას, გული ეჭერებინა მისი საკადრისი ხსენებით და ახლა რომ შემთხვევა იშოვა, აღარაფრით აღარ ზოგავდა არც დედამთილსა და არც მის „განათლებულ“ რძალს.

— კაი შენ დაგემართოს, კაი რამე შენ მოათრიე სულელმა, ჩერჩეტმა! შარა-შარა რომ დაძვრება და ვინ რას ლაპარაკობს, რომ ბოჭავს!.. ასაბოჭი ნალაპარაკები კი გაქვთ, იცოცხლეთ!.. იცოცხლეთ, ბლომად გაქვთ!.. მარა ის ბოჭვთ, რაც თქვენ შეგეხებათ!.. ისიც გეყოფათ, სხვასთან რა ხელი გაქვთ! გამომიდგებიან და ჭკუის დარიგებას დამიწყებენ! შენ თუ ჭკვიანი და გონიერი ბრძანდებოდი, ჩემო ქალბატონო, იმისთანასაც არ შემოათრევიდი ოჯახში!..

ეკვირინე გაფითრებული იდგა ღობესთან და გაფართოებული თვალებით შესჩერებოდა შორიდან მოქაქანე მანანას, რომლის უკან ფეხშიშველა, პერანგის ამარა, თავზე რალაც ქულის მაგვარით, ბავშვი, — ვერ გაარჩევდით გოგო იყო თუ ბიჭი, — გამტერებული იდგა და ცხვირს თითით იცირტნიდა.

— ვინ შემოვათრიე, მანანა? ვინ შემოვათრიე შენგან ავად სახსენებელი? შენს უზნეობას თავი დაანებე!.. ჩვენთან გასავალი არ ექნება!..

— ვისი იმედით ბრძანდებით, ვისი იმედით? შენი რძლის საყვარლის იმედით? დაგიდგა თვალი! რა მალლა მოგაქვთ თავი! იმით იწვევით ზევით, რომ ვილაცა ოხერმა ხასა რძლათ შემოგატყუათ და თქვენი სიბრიყვეით გათამამებული ურცხვად დაწინწალობს, ასე გგონიათ, ქვეყანა ვერაფერს ხედავდეს და მიხვდებოდეს? და თქვენგანაა კიდევ ვინმე სხვა საკილავი და ავად სახსენებელი? თავად გარყვნილებო და გაოხრებულეხო!.. ბუშებით ოჯახს რომ ავსებთ, თქვენ უნდა ლაქლაქობდეთ სხვებზე? აი, ბეჩა!

ეკვირინე ამქვეყნად აღარ იყო ამისი გამგონი.

— ვინ ამბობს მაგას? ვინ? ვინ?.. — ძლივს მოახერხა მან. — ვინაა მაგის მოლაპარაკე? — იყვირა მან და ერთი უკან მოიხედა სახლისაკენ, სონიას ხომ არ ეყურებოა ჩვენი ლაპარაკი და ამბავი.

— ვინა და თელი სოფელი!.. თელი სოფელი!..

— ტყუი!.. ტყუი, შე უსინდისო, შე უკულმართო... გესლიანო! გესლიანო!

— გული გეიკეთე მაგით!.. არ გაიმა?!

— გაჩუმდი, გაჩუმდი, შე უსირცხვილო, თვარა არ ვიცი, არ ვიცი, რას არ გიზამ!.. გესმის?.. ახლავე აქედან წვეთრიე... წვეთრიე, მე შენ გეუბნები!.. — იყვირა ეკვირინემ და უცბად ღობიდან ჯობი გამოაძრო. — შეილები არ მომიკვდება, აქვე სულს გაგაცხებივ... მაგ მყარალ ენას სამიდღემჩიოდ დაგიდღუმებ ეს არის, გასწი... გასწი შენთვის, მითხრობია!

მაგრამ ამით მანანა არ შინდებოდა. პირიქით, მან უარესები წამოულაგა ეკვირინეს; რაც რამ ჰკორი, ცუდი თქმულა მის ოჯახზე, ყველაფერი პირში ახალა და, რაც უარესი იყო, ამათ ხმაურობაზე მთლად კუთხე-მეზობელი მოაწყდა. გააფთრებული დედაკაცები ძლივს დააშორეს ერთმანეთს.

სონია კი გულწასული ეგდო ტახტზე, უგრძნობლად. ეგ მეტად შეუბრალებლობა იყო, ეს ადამიანის გამეტება, მიწაში ჩამარხვა იყო, რაც მან თავის თავზე გაიგონა.

— ოტია... ოტია! მე ხვალვე მივდივარ... იცოდე, ხვალვე უნდა

წავიდე... აქ მე ერთ წამსაც აღარ მოვიციდი... თუ არ წავიყვანივარ, გავიქცევი... ღმერთო, ათასნაირ გაჭირვებასთან, უთვალავ უსიამოვნებასთან ესეც უნდა გაეგონა ჩემს ყურებს?.. რატომ, რატომ, მითხარი? კაცის შებრალება აღარ ციან? რამ ათქმევინათ, რამ აფიქრებინათ ამისთანა საქაგლობანი? ოტია, მომაშორე, მომაშორე... მეტის ატანა აღარ შემიძლია, არ შემიძლია, შე კაცო..

ცხარე ცრემლით მტრალი ეუბნებოდა სონია შინ დაბრუნებულ ოტეას, რომელიც ამ ალიაქოთის დროს სხვაგან იყო.

— შემძრალე, შე კაცო მოვშორდეთ აქაურობას, მოვშორდეთ!.. დროზე!.. თუ მეტი გინდა კიდევ?

— კი... კი!.. — გადაწყვეტით მიუგო ოტიამ. — ვისგანაა ერთი მაცოდინა, ეგ ყველაფერი?.. ვისგანაა შემზადებული, მანახა, რომ ამ ხელებით სული გავაცხებინო... წითლად შევლებო... ენა ამოვგლიჯო ძირიანად!.. ოხ მე, ოხ შე!.. — გამწარებით გაიძახოდა ოტია.

— ყველა ერთნაირია, ყველა... ყველანი ცოფიანივით არიან — ოტია მიხვედრილი იყო, საიდანაც გამომდინარეობდა ეს ამბავი, ვისგანაც იქნებოდა ნათქვამი პირველად და ეგ იყო, რომ სიმწარეს მატებდა და გულს უხარშავდა.

ეკვირინემ კიდევაც კვერი დაუკრა, ოტიამ რომ უთხრა სონიას ლე-ში წავიყვანო.

— წაიყვანე, წაიყვანე, შვილო... გულს გადააყოლებს, გეიხედავს-გამოიხედავს, გადაავიწყდება!.. საწყალს მართლა ბევრი უსიამოვნობა შეხვდა ბოლო ხანს... კი, შვილო, ეგრე ქენი!.. მერე უფრო გულს დაუდებს ოჯახსაც და აქაურობასაც.

მესამე დღეს ოტიამ ჩაიყვანა ურმით ცოლ-შვილი ლე-ში ცოლის ძმასთან. გამობრუნებული, ახლა იგი შეუდგა გადასახლები სათვის მზადებას.

რამდენიმე კვირის შემდეგ ეკვირინემ გაახსენა შვილს, ცოლი მოეკითხნა და მოეყვანა, რადგან დრო ახლოვდებოდა ლოგინად დაწოლისა.

რარიგად გაოცდა მოხუცებული ეკვირინე, როცა ამაზე შეილისაგან პასუხად გაიგონა, რომ სონია არა თუ აღარ დაბრუნდება თამარნაშენში, პირიქით, ესენი უნდა შემზადებულიყვნენ სამუდამოდ იქ დასასახლებლად.

— რატომ, რატომ? — კითხულობდა გაფაციცებული, აზრშერყეულივით, ეკვირინე. — რა მიზეზია?.. რამ გაფიქრებიათ ამგვარი ამბავი? გამაგებინეთ!

— თავს ველარ ვრჩენულობთ, დედა... თავს ველარ ვრჩენულობთ!.. წელში ვწყდებით მუშაობით, მარა არა გამოდის რა... უქ-

მად მიღის ყოველად მეცადინეობა, ჯაფას ნაყოფი აღარ აქვს, ვეწვალებით მხოლოდ... საბოლოოდ ვილა ამბობს, გასაძღომს ვეღარ ვშოულობთ... ყველა გამწარებულია, შიმშილისაგან გონება არეული... აქ აღარაფერი სიკეთეა, ათასნაირი გაჭირვებისა და უბედურების მეტი.. ეგებ იქ მაინც ეშველოს კაცს. ბევრი იქით იწევა... ქე შოულობენ რალაცას, თავს ირჩენენ... აქაურობას რომ მივიჩიერდე, რა გამოდის გაჯახირების მეტი? იქ მაინც ვცდი თავს. თუ დავიღუპები, სულ ერთია, აქაც ხომ მეტი ხეირი არ მომელის. ეს გადაწყვეტილია, დედი, გადაწყვეტილი!

ეკვირინეს გონება ეკარგებოდა ამის გაგონებაზე. მას საწინააღმდეგო სიტყვაც არ ეხერხებოდა, ისე დაიბნა, ისე აირია შვილის ნალაპარაკებზე. ბოლოს, როგორც იქნა, მოისაზრა და გაპარული ხმით უთხრა ოტიას:

— ახლა შეიქმნა ამისთანა ამბავი?

— ახლა, ახლა... დედა! — ამოოხვრით მიუგო ოტიამ.

ეკვირინემ ბრალი რძალს დასდო ამ საქმეში. კიდევაც ჩავიდა №-ში, ინახულა სონია და თვალცრემლიანი ემუდარა ოჯახი არ დაენგრია, ისევ დაბრუნებულყო, შვილები გზაში არ გამოეყარა, ბუდე არ აენგრია მათთვის. მაგრამ ყოველივე ამის დარჩა. მისდა გასაოცებლად, მეტი მოუდრეკელი მისივე შვილი ოტია აღმოჩნდა. მისი სიტყვითაც ეს ქალაქში შეხაზნება ერთადერთი საშუალება იყო, რაც მათ რჩებოდათ თავიანთი ცხოვრების გამოსაკეთებლად. არ მოელოდა საწყალი ეკვირინე, თუ როდისმე გამოეთხოვებოდა თავის საცხოვრებელს, მიატოვებდა თავის ეზო-მიდამოს, დაქდებოდა ურემზე თამარნაშენიდან წამსვლელი გასაქალაქებლად.

რამდენიმე თვის შემდეგ ოტიამ გაყიდა სახლის გარდა მთლად თავისი ქონება თამარნაშენში და №-ის განაპირაზე იყიდა პატარა ადგილი, ჩაიტანა თავისი სახლი და შეემატა მის გვარადვე გამოქცეულ სოფლელებს, რომელთა პატარა სახლების რიცხვიც თანდათან მატულობს და სარტყელივით ერთყმევა №-ს გარშემო. ესენი ჯერჯერობით არც ქალაქში სწერიან და სოფლურ ჩვეულებებზე მცხოვრებნი უდარაჯებენ დროს, რომელმაც სრულიად უნდა გაქჟნას ისინი ქალაქელებში და დაგეშოს ახალი ცხოვრებისათვის.

ჯერ კიდევ ვერ მოეწყვნენ, შართალია, მაგრამ იმედი აქვთ ორივე ცოლ-ქმარს, რომ მოკლე ხანში ამ ახალ ნიადაგზე სოფლისაზე უკეთესად წაიყვანენ საქმეს. მათთვის დიდი იმედია ბეგლარი და ბააშვილი, რომელთაც ხშირად ოტია აცოდებს თავსა და თავის ცოლ-შვილს და ეუბნება ხოლმე:

— თქვენ იცით, თქვენი იმედით ვარ... თქვენისთანა განათლე-

ბულები და გავლენიანების იმედი თუ არ მოგვეშალა, ეგებ რა-
ღაც გამოვეყოდეთ, გამოვიდეთ სინათლეზე... თქვენ იცით!..

ამის პასუხად პეგლარი ბერ სიტყვასაც არ იმეტებს, ბიაშვილი
კი თავისებურად იცინის და, მუდამ ხალისიანი, იმედს აქლევს, ამ-
ანეებს, მაგრამ ისიც უფრო, რასაკვირველია, სიტყვით მხოლოდ.

ოციას სამოახლოზე სხვა დასახლდა, ახლად გამოყოფილი,
რომელიც შემთხვევას ელოდა, სადმე ადგილი დაცარიელებულაყო
მოსახლეობის გასამართავად, რომელსაც ეზო საყანედ გადაუქ-
ცევია, ცალ ყურეში კი ქოხი ჩაუდგამს.

ამგვარსავე გარემოებაში მყოფმა გლენმა იყიდა ლევან ქამუშა-
ძის ეზოც, რადგან მისმა შვილებმა მამის საკედლის შემდეგ სო-
ფელი აღარ დაეძიეს. ეფროსინე უფროსმა შეიღმა წაიყვანა: რე-
ნიგზახე ბუღაში დგანან, და სშირად ნწვანე დროშაკით ხელში,
პირზე თავსათარ ჩამოთარებულე, გამვლელ მატარებელს ანიშნებს
ვზის აკვარგაანობას. სარდლიონ ქველიძემ. როგორც იქნა, გაიმართ-
ლა თავი მმართველობის წინაშე, ისევე ეექილობას მიჰყო ხელი და
ვლენებიც მასვე დაუბრუნდნენ, რადგან ბიაშვილმა მიატოვა თა-
მარნაშენი, როგორც მოკმული ადგილი და სხვაგან გადავიდა. მაგ-
რამ ქალიშვილის ჯანვრმა ერთობ მოაბერა და მოტეხა სარდლიონი,
ასე რომ ვეღარ ეკიდება წინანდებურად თავის მარჩენალ საქმეს.
ამის გამო ვლადიმერიც იძულებული შეიქნა, სახლიდან ფეხი გა-
დაედგა. რამე ეშოვა, ოჯახს წადგომოდა, მაგრამ ტყუილა დაენე-
ტება სან შავქეაში, ბან რეინ-გნაზე, — ვერსად შოულობს სა-
მუშაოს.

ერთობ ნწუხარებაშია ქალიშვილების შეწყურე მათათიც, მაგ-
რამ მაინც ვითომ გულს არ იტებს, გულშიაგრად არის და ჩვეულე-
ბისამებრ მუდამ თავის სახელოვან ნათესაებზე ლაპარაკობს, მათ
პოწიწებით ხსენებაშია და მათით თავმოწრონეობს.

მ ი ქ ე ლ ა

უბედურ მოხუცებულობას შეესწრო მიქელა გიორგაძე. სულ მოკლე ხნის განმავლობაში მიწას მიაბარა თავისი სამი ვაჟი, ერთი ცოლშვილიანად. მრავალრიცხოვან ოჯახიდან მას შერჩა მხოლოდ ორი შვილიშვილი და დაქვრივებული რძალი მათა.

— მადლობა უფალს!.. ყველაფერი მისი ნებით ხდება! ყველა მისი ნების ქვეშ ვიმყოფები! — ამბობდა მიქელა, როცა მწუხარება გულს მოაწვეებოდა ხოლმე.

მოხუცებული ერიდებოდა რაიმე საყვედური წამოსცდნოდა ღვთაების მიმართ. არც შავები ჩაუყვამს, არც თმა და წვერი მოუშვია; არავის ამჩნევინებდა თავის მგლოვიარობას. მორჩილებით და მოთმინებით უზენაესის ნების წინაშე იმედოვნებდა მიქელა ღვთაების გულისმოგებას, მისგან შებრალებასა და შეწყალებას. და სწამდა კიდევ, რომ აგრე იყო; შერჩენილი, ცოცხლად მყოფი ორი შვილიშვილი. ღვთისაგან საჩუქრად ჰქონდა მიჩნეული მისი მორჩილად მყოფობისა და მოთმინებისათვის. ღრმად სწამდა ეს მიქელას, მადლობას სწირავდა უფალს და მზად იყო დაევიწყნა უბედურება, რაკი ამათში ხედავდა ოჯახის მომავალ მშვიდობიანობას და თავისი გამწარებული სულის მომვლელთ მისი სიკვდილის შემდეგ.

და სწორედ მაშინ, როცა მიქელა იმედს მიეცა, ამ რწმენით დამშვიდებული იყო, რომ მისი სიკვდილის შემდეგ ესენი ეყოლებოდნენ მისი სულისთვის მზრუნველებად, სწორედ ამ დროს, მოულოდნელად, ავად გახდა უფროსი შვილიშვილი, ოცი წლის ბიჭი, სპიდონა. მოხუცებულს თავზარი დაეცა. მაიამ ხელი დაავლო თავის პატარა ნესტორას და იმავე ღღესვე, რა ღღესაც ავად გახდა მისი მახლისწული, მახლობელ სოფელში თავის სახლს გადახიზნა.

ავადმყოფი სპიდონა დღითი დღე უარესად ხდებოდა. ერთ

დღეს იგი ისე მოიქცა, რომ მიქელას ეგონა მოკვდაო. გონება არეული მოხუცი მზადებას შეუდგა, ესეც ისე გაეტანა ურმით, როგორც წინანდელი მიცვალებულები. მალე სპიდონამ მოხუცის სასინხარულოდ, ისევე ამოისუნთქა და თვალიც გაახილა, მაგრამ სინხარული მეტად ხანმოკლე იყო: შვილიშვილმა მიქელას გამოუცხადა, რომ საიქიოს ვიყავიო, მაგრამ რადგან ჩემი იქ წასვლის ბორჯი არ მოსულა, ერთი წლით გამომამბრუნეს უკანაო.

ახლა კი ვეღარ გაუძლო მოხუცებულმა მიქელამ ჭავრს. ყოველივე იმედი, ყოველივე რწმენა, მორჩილებით და მოთმინებით ნაპოვნი ვითომ მშვიდობიანობა, კეთილი მომავალი გაჰქრა, გაქარწყალდა, მოიხსო. მოხუცებული აირია, მოუსვენრობას მიეცა.

ჩუმი, ყუჩი, შეხედულებით ბუს მსგავსი მიქელა, რომლისაგანაც ძლივს ორ სიტყვას გაიგონებდა კაცი, რომელიც გულგრილად ეკიდებოდა ყველაფერს, რაც მის გარშემო ხდებოდა, გარდა სამუშაოსი, ეს მოხუცებული ახლა სრულიად გამოიცვალა, სრულიად გადასხვაფერდა. მასში თითქოს გაიღვიძა შიგნით დამალულმა ადამიანმა თავისი გრძნობებითა და წადილებით.

მისი ოჯახის ამომავალი ახლა ისეთ სუსტ ძაფზე ეკიდა, როგორაც იყო მისი უმცროსი შვილიშვილი, პატარა ათი წლის ნესტორა; ამდენი სულის მომვლელ-პატრონად, როგორიც ესაჭიროებოდა ოჯახის მიცვალებულთ და თვითონ მიქელასაც მისი სიკვდილის შემდეგ, რჩებოდა პატარა, უსუსური ბავშვი, ნორჩი, ჭერ კიდევ გასაზრდელი ნესტორა — სუსტი იმედი.

ამოკვეთის, ამოწყვეტის შიშმა, ოჯახის ამოვარდნის შიშმა, შიშმა, რომ ამდენ მიცვალებულთა სულის მოსამსახურედ აღარავინ დარჩება ოჯახში, გაუბრძინა თავში მიქელას და მოხუცებულს უცნაურად დაეცხლა. იგი მოისხლიტა, გული ველარაფერს საქმეს ვეღარ დაუდგა; მუშაობაზედაც ხელი აიღო. სარჩოს მოყვანა კვირივ მაიას დააწვა კისერზე და ჯანიანი დედაკაცი მამაკაცივით ეკიდა თოხსა და ურგმს. მიქელა კი ეზოს აღარ სცილდებოდა; მორთხმული იქნა რომელიმე ხის ძირში და დაღონებით იმზირებოდა გაყუჩებული, დადუმებული, ხშირად ოცნებით მოალერსე თავის საიმედო შვილიშვილის, პატარა ნესტორასი, რომლის გამოხატულება თითქმის მუდამ თვალწინ ედგა მოხუცებულს; და მიქელას ხანდახან უცნაურად შეიპყრობდა სურვილი ამ პაწაწინას ცხადად დანახვის, მისი ხმის გაგონების და მასთან ახლოს ყოფნისა.

საიქიოდან დაბრუნებულ სპიდონას კი მთლად იმ კუთხის დედაკაცები შემოედგნენ. ესენი თვალცრემლიანები ეკითხებოდნენ თავიანთ მიცვალებულს ამბავს, ეკითხებოდნენ იმათ იქაურ ყო-

ფაზე, კითხულობდნენ, ეგებ რამეს ითვლევინებოდნენ — ან თუ სამსახური მეტი ეჭირვებოდეთ, ან წირვა-ლოცვა, ან აკლდეთ შესაწირი, აკლდეთ აქედან ხელისწყობა და მათი სული წუხდეს და გასაჭირში იმყოფებოდეს უგუნურ და მიუხდომელ ამქვეყნად დარჩენილ მათ პატრონთა გამოისობით.

ბევრი ვერავინ გაახარა სპიდონამ საიჭიოდან ჩამოტანილი ამბით. უმეტესობა გულდაწყვეტილი გაბრუნდა, რადგან, სპიდონას თქმით, მოკლე ხანს იქ მყოფობაში ბევრი ვერავინ ენახა და ვინც ნახა, მასთან ლაპარაკი არ დასცალდა.

— წლის ვადით გამომაბრუნეს... ისევ უნდა გავბრუნდე... რასაც დამაბარებთ, რომ მივალ, გადავცემ... — ერთნაირად პირდებოდა იგი ამ მოტირალ, შავებით შემოსილ დედაკაცებს.

ესენი მადლობას სწირავდნენ და დაიმედებულნი მიდიოდნენ, მაგრამ მიქელას კი თითო გამეორება სპიდონასი მის საიჭიოს უკან გაბრუნებაზე ლახვარივით გულში ხვდებოდა და მწუხარებას უორკეტებდა. სწორედ ამ დროს სურვილი შორს მყოფ ნესტორას ნახვისა უფრო უცხოველდებოდა, უფრო მეტი სიმძლავრით შემოენთებოდა ხოლმე მიქელას.

ერთ დღეს ამგვარი სურვილი უცნაური სიმძლავრით შემოეკიდა მოხუცებულს, რომ იგი ერთნაირად შეინძრა. იგი თითქოს გამოცოცხლდაო, გამოფხიზლდაო. უძლეველმა სურვილმა პაწაწინა ნესტორას დანახვისამ მოხუცებული ფეხზე წამოაყენა. აჩქარებით შევიდა იგი სახლში, არც კი გადახედა ყურეში ქვეშაგებთან მიწოლილ, სახეჩაყვითლებულ სპიდონას, გამოიტანა თავისი დაძველებული ჩოხა, შეიკონა თავი ყაბალახით, აიღო თავისი საბიჯი გრძელი ჯოხი, გადაიარა ჩამოვარდნილ წყნელის კიშკრის გადაღმა და დაეშვა შარავნით.

— მაია!.. მივდივარ მე... ბავშვი უნდა ენახო! — უთხრა მიქელამ რძალს, როცა ყანაში ჩაუარა.

მცხუნავ მზის სხივების ქვეშ გულგაღელილმა, თავსაფრის ყურებგახსნილმა, ოფლში გაწურულმა მაიამ თოხი შეაჩერა და მამამთილს თვალი მიაპყრო.

— ბავშვთან მივალ! — გაიმეორა მიქელამ.

— რა ამბავია ეს?.. — წარმოსთქვა შიშით ქალმა.

— არაფერი... არა... არა!.. ისევ... მინდა ენახო.

მაია უფრო მიაჩერდა მოხუცებულს.

— ნუ მიმალავთ!.. — მოკლედ წამოიძახა მაიამ.

— მომენატრა, შე ქალო... მომესურვილა ნახვა... ნესტორა ნუ მომიკვდება!.. გადვირბენ ერთ წამში და ამ საღამოსვე გადმოვალ

ისევ... ყანაში ნუ დაიგვიანებ... სახლში იმ ბიკის მეტი არავინაა... ახლავე გადმოვალ ისევ... — თქვა ეს მიქელამ და გაუდგა თავის ვზას.

მაიამ უკან თვალი გააყოლა.

— ტანისამოსი დაგვებერტყათ, ბატონო!.. არაფერი ვაგყვეთ! — შიდაძხა ქალმა.

— კი, კი, გავებერტყავ, გავებერტყავ! — მიუგო მიქელამ, აჩქარებული ფეხით მიმავალმა.

მოხუცებული, შვილიშვილის ნახვის სურვილით გატაცებული, თითქმის მირბოდა ამ სიციხე-პაპანაქებაში და არავითარ დაღლილობას არა გრძნობდა. მისი აზრი და გონება მიმართული იყო იმ პატარა არსებისაკენ. იგი მასზე ფიქრობდა და, რაც წინ იწეოდა, ნესტორაც თითქოს უახლოვდებოდა, ეგებებოდა, და ერთ ხანზე მოხუცებული კიდევ თავის გვერდით გრძნობდა მას, ემუსიაფებოდა, ეალერსებოდა, თავისებურად უცინოდა. მიქელას უხაროდა ეს, მოხუცებული ხარობდა ბავშვის ტიტინით, რომელიც მას ესმოდა, და, გამბნევებული, თითქმის მირბოდა წინ მომღიმარი სახით, სანამ რალაც ბმურობამ იგი არ გამოათხიზლა. გონს არ მოიყვანა. მიქელამ მიიხედ-მოიხედა იქით-აქეთ გაცობით და რა ვერ დაინახა ეს-ეს იყო მასთან მოტიტინე ნესტორა. შეკრთა და შეშინებულმა პირჯვარი გადისახა. ცუდ ნიშნად მიიღო ეს აზბავი მოხუცებულმა, გულწაწყვეტილი შეჩერდა. გაათურთხა მარჯვნივ და მარცხნივ, ისევ ვადისახა პირჯვარი და განაგრძო გზა.

მძახლის კიშკართან მისულ მიქელას გაახსენდა რძლის დანაბარები — ტანისამოსის დაბერტყვა. შეჩერდა. გაიხადა ჩოხა, მოიხსნა ყაბალახი, გაიხადა ქალამნები, გაბერტყა ესენი. ჩაიცვა ხელახლა და მხოლოდ მაშინ შედგა ფეხი მოყვარის ეზოში.

რამდენიმე თითქმის ტიტველა ბავშვი, ტალახში ჩამდგარ გვერდზე გადაწეულ საღორესთან, გარს შემოხვეოდა წელში აბზუკულ, გამხდარ ღორს, რომელიც მათ ხითხითში საცოდავად ჭყვიროდა, მოგრეხილი დაშენილი წკებლების ქვეშ. დაინახეს უცხო კაცი თუ არა ბავშვებმა იმწამს დააგდეს წკებლები და შიშველა ჟეხების ტკაცუნით დაემუნენ სახლისკენ, გადავარდნენ დაბალ ღობეს გადაღმა და სახლს ამოთარებულებმა დაუწყეს მზერა მოსულს.

მიქელამ ამათში შეამჩნია პატარა ნესტორა, რომელმაც, ალბათ, ვერ იცნო თავისი ბაბუა.

ბავშვების ხმაურობაზე ჯერ წყრომის ხმა მოისმა სახლიდან, მერე კი კარებში გამოჩნდა მოხუცებული დედაკაცი, რომელმაც თავ-

დაპირველად ვერ გაარჩია მომსვლელში თვისი მძახალი, სანამ დაკვირვებით არ მიაპყრო მას თვისი სუსტი თვალები.

— ღმერთო მომკალი! — წამოიძახა მან და გამოემართა მიქელასკენ. — ველარ ვიხედები მე უბედურიო.. მობრძანდით, ჩემო ბატონო! მობრძანდით, თქვენი ჭირიმე!

დედაკაცი შეუძღვა მოხუცებულს სახლში. მიქელა ჩამოჯდა მოწოდებულ დაბალ სამფეხა სკამზე.

— ბავშვის ნახვა მომენატრა... ტუფია ჩემო!.. — ხანმოკლე სიჩუმის შემდეგ თქვა მიქელამ და მძიმედ ამოიხვნეშა.

— კენჭივითაა, ენაცვალა მას ბებიაშისი... კენჭივითაა!.. ერთობ მაგარი ბავშვია!.. ტყვილა ფჩხილი არ წამოსტკივებია, რაი აქ არი... ნესტორა, ბებია --- გასძახა კარებიდან ტუფიამ ეზოში, საიდანაც ბავშვების ხმა მოისმოდა. — ნესტორა, მოდი აქ, შეილო! აქ მოდი, შენ გენაცვალე! შეშოდი, ბიჭო, შეშოდი! — და ტუფიამ თითქმის შემოათრია კისერმოქცეული, დაგრეხილი, დარცხვენილობისაგან თავჩაჭინდრული ბავშვი. — მიდი, შეილო, ბაბუსადანს!.. გასწორდი, შენ გენაცვალე! — და დედაკაცმა ძალით მიუთრია ბავშვი მიქელას.

მიქელამ მოხვია შეილიშვილს ათრთოლებული ხელები, მიიწოდა, ჩაიკრა გულში და ჩააშტერა აცრემლებული თვალები.

— რაა ხარ, ბიჭო? ა?.. შენ იცი! — სიტყვებგანცალკევებით წაულაპრავა მიქელამ და ისევ ჩაჩუმდა. — ვწყდებით, ტუფია ჩემო! ვწყდებით!.. თუ ამანაც... მიმტყუნა... ამოვწყდებით...

მოხუცებულმა სიტყვის დათავება ვერ შესძლო, ხელახლა ჩაჩუმდა.

— უიმე!.. რატომ ნებულობთ... მტერი ამოგიწყდათ!.. — მიაძახა ტუფიამ. — ღმერთს ნუ აწყენინებთ?..

— აბა, რაა ჩემს თავზე?!

— ყველა ღვთის განგების ქვეშ ვართ, ჩემო ბატონო!.. ვინ მიუხვდება მის განკარგულებას, მის სიბრძნე-სიმართლეს!.. მოთმენა გვჭირია და მორჩილად ყოფნა, ჩემო ბატონო!

— ვითმინე... რა გამივიდა?.. ეს მყავს კიდევ... თუ ამანაც მილატა... მირჩიეთ რამე... ბიჭო, ნესტორა... ოჯახი არ გამიცვიო, ბაბუა ა?

ცრემლებმორეულმა მიქელამ მაგრა ჩაიხუტა გულში ბავშვი; ეს კი ყოველ ღონეს ხმარობდა, თავი გაენთავისუფლებინა რამენაირად და ხელიდან დასძრომოდა მოხუცებულს.

მიქელაც მიუხვდა, რაც სწაღდა ბავშვს.

— წადი, შეილო... ითამაშე, ბაბუ! — უთხრა მან, გაუშვა იგი

და სიამოვნებით გააყოლა თვალი, როცა განთავისუფლებულმა ბავშვმა მარდად დაჰკრა ფეხი მიწას, გადახტა და შეუერთდა მის მოდარაჟე ამხანაგებს, რომელნიც ახლა ქრიაშულით გარშემოებ-ვივნენ მას და გაიტაცეს ეზოში.

— ჯვარი სწერია ავი თვალისაგან... და ერთობ მაგარი ბავშ-ვია, საიმედო ბავშვია — თქვა ტუფიამ და მოჰყვა დაწერილებით, თუ როგორ თამაშობდა ნესტორა მეზობლის ბავშვებთან, როგორ ერთობოდა, როგორ ატარებდა დღეს დილიდან საღამომდის ხან სირბილში, ხან ჭიდაობაში, ხან მუშაობაშიაც კი.

ამ ამბებმა და თვით ბავშვის ნახვამაც მიქელას გული დაუშოშ-მინეს, დაუწყნარეს, დაუმშვიდეს. იგი უკან გამომგზავრებას ები-რებოდა, როცა სამუშაოდან დაბრუნებულმა მძახალმაც მოუხსწრო. მიქელა საიჭიოდან დაბრუნებულ სპიდონას ამბავში იყო.

— გამოცდილი კაცი ხარ თვითონ, მიქელა ჩემო, მაგრამ ერთ რამეს გეტყვი, — უთხრა გაბრიელმა. — ტყვილა მიატოვე შენი წინანდელი ნამოსახლი... კარგად იყავით იქ... ამ ახალ სამოსახლო-ზე ბევრი უბედურება გეიარე... შეიძლება სახლის გადატანაზედაც რამე მავნებლობა შეგეპარათ და დაბუდებული იყვეს შიგ... სახ-ლის გაწმენდა გაგანთავისუფლებს... შენს ადგილზე სახლს გადავ-დგამდი, თუ არა გავწმენდდი მაინც... დავარღვევდი და ისე გავწ-მენდდი... უსათუოდ სახლში შეგყვებოდათ, რო გადადიოდით იმ ახალ სამოსახლოზე, რამე მავნეული... აბა რა, კუდიანი თქვენს გვარშიაც არავინ ყოფილა და ბოროტი სული... საიდანაა ამდენი ცოდვა თქვენს თავზე?!

— კუდიანი ვინ გვყოლია... დაწყევლილი?... არავინ — წაილა-პარაკა მიქელამ.

— ეგებ ჩემს სახლიკაცსაც თედორეს ასე შენსავით ემართე-ბოდა, მოინაცვლა სამოსახლო, გაწმინდა, გაასუფთავა სახლი — ახლა ქე არის კარგად...

— მესამე წელიწადია არავინ მოკვდომია, — დაატანა ტუფიამ. მიქელამ ამოიოხრა.

— მეც ასე უნდა ვქნა — წაილაპარაკა მან. — ჰკუაზე აღარ ვარ... ველარ მოვისაზრე... ასე უნდა ვქნა უსათუოდ...

რალაც იმედმოცემული დაბრუნდა მიქელა შინ.

— მანა, სახლი უნდა გავწმინდო და გადავდგა ძველ ნამოსახლ-ზე, — უთხრა მიქელამ რძალს, როცა ნესტორას ამბავი მოუთავა. — თქვენებმაც ასე მირჩიეს.

— თქვენი ნებაა, — მიუგო მამამ. მას თვითონაც უნდოდა ამ-

ნაირი რჩევა მიეცა მამამთილისათვის, მაგრამ ვერ უბედავდა, ეშინოდა, მოხუცებულს არ სწყენოდა.

— კი, მარა... სანამ ეს ერთი წელიწადი არ გვივლის, რავე მოხერხდება?

— ახლავე უნდა შევუდგე!.. ერთი წელიწადი რას ვუყურო?— წამოიძახა მიქელამ.

— სპიდონას რას უშვები?

— სპიდონას კარავში გვივიყვან, კარავს გოვუკეთებ და გვივიყვან შიგ...

— სახლის გამწმენდი დაგვჭირდება, ბატონო!.. მეზობლები ახლაც არ გვეკარებებიან... გასაწმენდად ვინ გამოიმეტებს თავს...

— ვიცი მე იმისთანა კაცი... ხვალვე გადავალ. საჩხერეში ყოფილა ეამგამოვლილი ალექსი ბოჭორიძე, იმას გავაწმენდინებ... ეს გათავებული საქმეა! — წამოიძახა მიქელამ.

— კაი დაგემართოთ! — დაატანა სიტყვა მიაიმ.

მიქელამ მეორე დღესვე მოიარა საჩხერე, ინახულა ნანიშნი კაცი და დაუსვენებლივ გასწია მთაში ურმით წნელის ჩამოსატანად კარვისათვის. საღამომდის ორჯელ მოიარა მიქელამ შორი მთა, ზიდა შემდეგი დღის განმავლობაშიაც და, როცა საკმაო წნელი ჩამოზიდა, შეუდგა კარვის კეთებას ღობესთან, ეზოს ყურეში. მოწნა პატარა კარავი, ზევიდან ქოვრები გაუდგა, ზედ ნეშოიანი შტოები გადახლართა სახურავად, შეიტანა შიგ ორი მოკლე ფიცარი, რომელზედაც უნდა დაეწვინა სპიდონა და, რა მოაწყო მის გუნებაში აქაურობა, შეილიშვილთან მივიდა:

— სპიდონა, შენ კარავში უნდა გახვიდე! — რაღაც განსხვავებული კილოთი, გულცივად მემართა მან ყმაწვილს. — სახლი უნდა გავწმინდო!

სპიდონმა გაოცებით მიაპყრო თავისი ჩავარდნილი თვალები მოხუცებულს.

— კარავში?! — წაილაპარაკა მან.

— ჰო!.. ეგერ გაგიკეთე!.. ადექი... ადექი!.. — ისევ გულცივად ჩასძახა მიქელამ.

ავადმყოფმა წამოიწია, მოაფოთიარა გვერდით დაგდებული ჯოხი, წამოდგა მასზე დანდობილი და გაჩერდა წელში მოხრილი. მიქელამ შეხვია მისი ქვეშაგებელი, ამოიღო ილღიაში და გასწია კარებისაკენ.

— გამომყევი! — უთხრა მან.

სპიდონა იდგა ისევ იმავე ადგილას; მერე უღონოდ მიატრიალ-შოატრიალა თავის გაწვრილებულ კისერზე თავი, სევდიანი თვალი

შემოავლო იქაურობას და დასუსტებული ნაბიჯით გაჰყვა ბაბუას; როგორც იქნა, გადაიარა ეზო და მივიდა კარავთან.

მიქელამ შეიტანა კარავში ქვეშაგებელი, გაშალა გდებულ ფიცრებზე იგი და მიმართა კარვის შესავალზე მიყუდებულ სპიდონას:

— აჰა!.. დაწვევი ამაზე!.. წყალი აგერ იქნება დოქში!.. თუ რამე დაგჭირდეს, დამიძახე და მოვალ... გესმის?..

ბიჭი ხმას არ იღებდა. როცა მიქელამ მიატოვა იგი, შეფორთხდა შიგნით კარავში და მუხლებმოკვეთილივით მოიკეცა თავის ახალ საწოლზე, სახეშწუნარემ, დაღონებულმა. თავად იცოდა, რომ აღარ იყო ამა სოფლისა, მაგრამ მაინც გული ეჩაგრებოდა, რომ უკვე ხელს იღებდნენ მასზე, რომ ოჯახიდან რიცნავდნენ. დაწვა, მაგრამ ცოტა ხნის შემდეგ ისევ წამოიწია, — სული უწუხდა. წამოდგა, გამოვიდა გარეთ და კარავის შესავალთან ჩაკეცილი, ზურგით მიენდო კარავს. ასე იყო სპიდონა საღამომდის. როცა მიქელამ ვანშმად ცოტა ლობიო და ჰადის ნატეხი მოუტანა, ორიოდღე ლუკმა გადაყლაპა და, რადგან ის იყო კიდევ ჩამოღამდა, შევიდა ისევ კარავში, დაწვა ფიცრებზე და დიდი ხნის ტრიალის შემდეგ, როგორც იქნა, გაეხვია თავიან-ფეხებიანად თავის თხელ საბანში.

მიქელა ახლა ერთ მოუსვენრობაში იყო. იგი გამოცოცხლდა, გამხნევედა, მოლონიერდა, გაჰარმაგდა იმედმოცემული, რომ ამოწვევებისაგან ოჯახის ხსნა შესაძლებელი ხდებოდა. მან კიდევ ჩამოიტანა რამდენიმე ურემი წნელი და სახლს იქით ამართა მალალი რაგვი.

რამდენიმე დღის შემდეგ მოვიდა უამგამოვლილი ალექსი, სახე ნაყვავილევი, ცალთვალ წამხდარი კაცი.

— მზათა მაქვს, რაც მითხარი, ალექსი — უთხრა მიქელამ.

ალექსიმ დაათვალიერა სახლი, გარშემო შემოუარა, გაზომა გაკეთებული რაგვის სიმაღლე და ერთი კარვისკენაც გადაიხვდა.

— მომხმარე დამჭირდება, მიქელა!

— მე მოგეხმარები — წამოიძახა მიქელამ.

— ჰმ!.. შენ რავე შეიძლება! — ჩაიციხა ალექსიმ. — ამ ძელების გადაზიდვა სად შეგიძლია, შე კაცი!

— კი შეგიძლება!.. რავე ვერ შეგიძლება!.. — გამხნევებულად წამოიძახა მოხუცებულმა; — შენ ოღონდ კარგად გამიწმინდე, არაფერი ჩარჩეს შიგ და ჩემი თავი ნუ გებრალება ამათ გადასაზიდვად! — გულიანად დაატანა მიქელამ.

— შენ იცი!.. სახლს კი ისე ვაგვიწმენდ, რაღა გითხრა!.. ხიდან ამოვფხეკ, რაც რომ გინდ შიგ იყვეს... არაფერს არ დავერიდები!.. ათას ჰირში ვარ გამოვლილი... არაფრის არ მეშინია! — დაჩემებით

წარმოსთქვა ალექსიმ. — აბა, რაკი მზად გაქვს ყველაფერი, ხვალ მოვალ და შევეუდგეთ საქმეს... წყალი დაგვპირდება ბევრი სამდულრავედ... ახლოს თუა?

— ახლოს არაა, მარა მე მოვიტან!... ყველაფერი იქნება, ხელს არ შეგიშლი. შენ ოღონდ მიშველე!.. ნულა გამიჩერებ საქმეს!

სპიდონას რომ დილას კარავში გამოეღვიძა, მან იმწამსვე იგრძნო რაღაც ხრაკის სუნე; თვით კარავშიაც რაღაც შავი ბოლივით იღვა. წამოდგა, მივიდა გამოსავალთან და სახლისკენ გამოიხედა. ისლის სახურავგადახდილი სახლი შავ ბურუსში იყო გახვეული. შვედ მოჩანდა ზედ მდგარი კაცი, რომელიც ძირს ყრიდა შავ ისლს, რომლისაგან მთელ ეზოში და ეზოს გადაღმა ეფინებოდა დიდრონი შავი, ქვარტლის ნაფლეთები. მთლად იქაურობა გამურული იყო ამ შერყეული ქვარტლით, რომელიც უფრო გაძლიერდა, როცა ალექსი შეუდგა გადასაკიდლებს აყრას. იგი რაღაცას ლაპარაკობდა, მაგრამ მიქელას არა ესმოდა რა. ისე იყო გართული მუშაობაში, როცა აწყობდა ერთ ადგილას სახლის ხეებს. დღე ნახევარი მოუნდა ორივე სახლის საძირკვლებამდის სრულიად დარღვევას. როცა აფორიაქებული ქვარტლი ჩადგა, მომუშავეთ დაიბერტყეს, რაც გაეწყობოდათ, ტანსაცმელი და ალექსი შეუდგა ძელების წმენდას. ღეროიანი შტოებისაგან გაკეთებული ცოცხით იგი სწმენდა სათითაოდ ძელს, ფხეკდა დანით, შემდეგ გადაჰქონდა რაგვს იქით, სადაც დიდ ქვაბში აცხელებდნენ წყალს, მდულრავედა მდულრით ამ ძელს, რის შემდეგაც მიქელა შეიგდებდა მას ზურგზე და მიაჩიქჩიქებდა თავის ძველ ნამოსახლზე. წელში იზნიქებოდა მიქელა ამ მძიმე ტვირთის ქვეშ, მაგრამ მოხუცებული არაფრად იმჩნევდა ამას. ალექსის უნებურად ეცინებოდა მის შემხედვარეს და ერთხელ კიდევაც უთხრა ღიმილით:

— წელში. გაგწყვეტს, მიქელა, რომელიმე ძელი!.. ნამეტან ექიდები!..

— შენ მაგ გამიწმინდე, მაგ, და ეს მე ვიცი! — მიუგო მიქელამ და თავდაუზოგველად განაგრძობდა, ოფლით გაღვარული, სახლის გაწმენდილი ხეების გადაზიდვას.

ამ მუშაობამ თითქმის სრულიად მიაფიწყებინა მიქელას კარავში გაყვანილი შვილიშვილი. თანდათან უკლებდა მიხედვას, თვალყურის დევნას; ხშირად მშვიერსაც სტოვებდა. თავდაპირველად სპიდონა ითმენდა ასეთ უპატრონობას, მაგრამ ბოლოს და ბოლოს მეტად უპირდებოდა ხოლმე; იმდენად უსაქმელობა არ აწყუხებდა. რამდენადაც უსმელ-უწყლობა. ერთ დღეს მიქელამ სრულიად უწყლოდ დატოვა იგი. ბევრი უძახა კარვის კართან გაჩერებულმა სპი-

ღონამ ბაბუას, მაგრამ თავისი სუსტი, ძლივს გასაგონი ხმა ვერ მიაწვდინა მოხუცებულის ყურებამდის. წყურვილისაგან მეტად შეწუხებულმა, აიღო თუნგულა ხელში და ჯოხის ბიჯგებით წამოვიდა თავისი სუსტი ნაბიჯით რაგვისკენ, რომლის იქიდან მოისმოდა ალექსისა და მიქელას ხმა.

— ბაბუა! — დაუძახა სპიდონამ, რაგვს რომ მიაღვა.—ბაბუა! — გაიმეორა მან.

მიქელამ, რომელსაც ის იყო მხარზე გაუწყო ალექსიმ კედლის ძელი, მოიხედა და, რა დაინახა სპიდონა, დააგდო უცბად მიწაზე ხე და გაჩაგრებით გამოექანა შვილიშვილისაკენ.

— რა გინდა შენ აქ? — მიაძახა მას, — რა გინდა აქ? წადი..

— წყალი აღარ მაქვს!.. — და სპიდონამ გამოაწოდა თუნგულა.

— დევიძახებდი და მე მოგიტანდი!

— ვიძახე... მაგრამ ვერ გაგაგონე...

— ვერ გაგაგონე... მოვითმენდი ერთ წამს!.. აქ რა გინდოდა? წადი... წადი... წადი შენთვის... მოგიტან ახლავე!.. — მან გამოგლიჯა თუნგულა ხელიდან და ბუტბუტით წავიდა წყლის მოსატანად.

სპიდონა მორჩილად გაბრუნდა და წაფორთხდა თავის კარვისკენ ბანცალთ.

ხანგრძლივი მუშაობის შემდეგ ალექსიმ მოათავა სახლის გაწვენდა და მისი აწყობა მიქელას ნამოსახლზე. მოხუცებულმა თავისუფლად ამოისუნთქა მძიმე მუშაობის შემდეგ, მაგრამ სპიდონას ამით არა თუ მომატებია მისგან მზრუნველობა, ბერმა კაცმა უცნაური საქციელი დაიჭირა ფარღალალა კარავში მარტოდ დარჩენილ ყმაწვილთან. რაკი გადადგმულ სახლში შევიდა მიქელა, მან მორიდება დაუწყო სპიდონას, ახლოს აღარ ეკარებოდა შვილიშვილს. საკმელს რომ მიუტანდა, გადასაცემად მან გაიკეთა გრძელი ჯოხი, წამოაგებდა ზედ კაღს, პაწია ქოთანს, რომელშიაც გადუსხამდა სხვა ქოთნით მოტანილ ლობიოს და ისე მიაწოდებდა ხოლმე; წყლის თუნგულასაც წამოაგებინებდა ხელით ამ ჯოხზე, ჩაუსხამდა მოტანილ წყალს შიგ და ისე გაუწვდენდა; ჯოხი ცალკე ინახებოდა ხეზე იმავე ეზოში.

თავდაპირველად ძლიერ ეოცა ყმაწვილს ასეთი საქციელი ბაბუასი, გული ეჩაგრებოდა — თითქოს იგი ჰირიანი ყოფილიყო; მაგრამ მერე ამასაც შეურიგდა; იგი მიხვდა, რომ მიქელას ეშინოდა, მისგან რამე არ გაპყოლოდა და გაწმენდილ სახლში ცუდი რამე არ შეეტანა, და მან კიდევ გააძარტლა თავის გუნებაში მოხუცი, რომელიც ასეთ შეუბრალებლობის გზას დაადგა იმისათვის, რომ ოჯახი ამოწყვეტისაგან ეხსნა. ყველაფერს ითმენდა სპიდონა,

რადგან დარწმუნებული იყო, რომ წლის თავზე საიქიოს გაბრუნდებოდა, ითმენდა ყველაფერს და თან დღითი დღე ღნებოდა, ქრებოდა. იგი ზეზე მდგარი მკვდარს უფრო მიემსგავსებოდა, ვიდრე ცოცხალს. მიქელაც ამჩნევდა ამას, მაგრამ არ წუხდა, რადგან იცოდა, — ბიჭი წლის გასულს უსათუოდ საიქიოს გასაბრუნებელი იყო და ვერას უშველიდა, მისი ფიქრით.

შემოდგომა განახევრებული იყო, წვიმებმაც მოუხშირა და სიცივეც თანდათან მატულობდა. წნელის კარავში ყოფნა მეტად ავი გასაძლისი ხდებოდა. წვიმიანში წყალი ზევიდან თავისუფლად ჩამოდიოდა და სპიდონა ეგდო ფიცრებზე თავფეხებიანად გახვეული სველ საბანში. ღამღამობით სიცივე უმოწყალოდ უვლიდა მარტოდ კანგადაკრულ ძვლებამდის; საწყალი იკრუნჩხებოდა, იგრიხებოდა, იშმუშნებოდა სასურავის ქვეშ, მაგრამ გათბობას მაინც ვერ ეღირსებოდა. ერთხელ მიქელამ ფიჩხი შემოუყარა, ნიგუზალიც შეუგდო, რომ ცეცხლი დაენთო, მაგრამ სპიდონმა, რამდენი არ ეწველა, ვერ მოახერხა ცეცხლის გაღვივება, მოხუცებული კი ახლოს არ ეკარებოდა.

ავადმყოფი ძიგძივებდა კარავში და ხანდახან ცდილობდა გამოეანგარღვებინა, თუ რამდენი დრო რჩებოდა კიდევ საიქიოს გაბრუნების ვადის მოსვლამდის.

უამინდობა მატულობდა. წვიმიანმა ღლეებმა მოუხშირეს. წვიმაც უფრო და უფრო ღონიერი მოდიოდა. მთიან ადგილებში ამ ღროს ჩვეული ნიაღვრები თანდათან მეტი ძლიერებით ჩამოდიოდა ქვევითკენ და შემატებული ღონით ხვეტავდა წინ მდებარე ქვებს, ლბეებს, მიწას და მიაგორებდა დაბლისკენ ერთი შხუილითა და ხმაურობით.

ერთ საღამოს ნამეტანი ჩამოღრუბლა და ერთბაშად მძლავრმა წვიმამაც დაუშვა. მათა ვახშმისათვის ქადებს აცხობდა.

— ძალიან წვიმა მოვა ამაღამ, ეტყობა — თქვა მან შეწუხებული ხმით. — სპიდონას კარავში რა გააძლებინებს!..

— რა ეუყო ახლა მე!.. — წაილაპარაკა ცეცხლის პირას მჯდომმა მიქელამ. — ეგებ გადიკაროს! — ცოტა ხნის შემდეგ დაატანა მან. — სულ რაღვა გოუწყრება ღმერთი... სულ წვიმა რაღა იქნება!

წვიმა კი მატულობდა, თორემ არ კლებულობდა. გარედან საშინელი ხმა ისმოდა წყლისა.

— მიქელა!.. მიქელა! — დაიძახა ვიღაცამ გარედან.

— ვინ ხარ? ეი! — მიიძახა მიქელამ წამოუღვრამლად.

— მიქელა!.. ანთიმოზა ვარ, ანთიმოზა!.. იმ თქვენ კარავთან ჩამოვიარე ეს არის და წყალ... ვადის ზევიდან... ნამეტანი დიდი წყა-

ლი აწვევა გზის ნაპირს, კარვისკენ არ გახეთქოს... მიეშველე რაცსა რიგათს..

ხმა შეწყდა. მიქელა გაუნძრევლად იდგა კარებთან.

— რა ვუყო ახლა მეი — წაილაპარაკა მან.

— გოუკეთეთ წყალს საეალი... მართლა არ გადვიდეს კარვის-კენი — უთხრა მორიდებით რძალმა.

— გოუკეთე!.. ქე გოუკეთე ამას წინათი — წაიბუტბუტა მიქელამ, მერე ამოიკაპიწა შარვლის ბოლოები, წამოიხურა თავზე ცალი ყურით ტომარა, ზედ ძველი ჩოხა, მონახა თოხი და გავიდა სახლიდან.

წვიმა საოცრად ასხამდა. ატეხილი ნიაღვრები ერთი მხელით მიექანებოდნენ ყოველი მხრიდან. გზებში მთელი მდინარეები მოქუხავდნენ. მიქელა ძლივს იმაგრებდა ფეხს, ისე ღონივრად სცემდა მას წყალი. კარავთან, ღობის დაყოლება, თავშეყრილ ნიაღვრებს წყალსავალი გაეთხარა და ხმაურობით მომდინარეს მოეყარა ქვა, ფიჩხი, მიწის ნაგლეჯები, წაქეუულ ღობის სარები და გიჟურად ეხეთქებოდა და ძალას ატანდა, რომ რამე რიგად წინ გაეგორებინა ისინი და თავისუფალი გზა ეშოვნა ქვევითკენ დასაშვებად. მიქელა მივიდა, როგორც იქნა, ბნელაში მიაგნო ამოყორებულ ადგილს და თოხათ დაუწყო ქვებს იქით-აქეთ მიყრა-მოყრა; დაგუბებული წყალი გიჟურად გაექანა ქვევით და აახრიალა თან წაღებული წვრილი ქვები.

მიქელა მივიდა ღობესთან და, რაც ხმა პქონდა, აქედან გასძახა:

— ბიჭო.. სპიდონა.. არ შეგეშინდეს, ბიჭო... არ შეგეშინდეს!.. მაღე გადიკარებს... არ შეგეშინდეს, ბიჭო..

კარვიდან არაფერი ისმოდა. სპიდონა, საბანში გახვეული, მორგვივით იღვა ფიცრებზე და ზევიდან უმოწყალოდ ესხმებოდა სახურავიდან ჩამომავალი წვიმა. მას არც კი შეეძლო გაეგონა მიქელას ძახილი.

დასველებული მოხუცებული, სიცივისაგან მოკაკული, სახლისკენ გაემართა. შინ მისული ცეცხლს მიეცხუნა, რომ გამთბარიყო და თან სველი, გაწუწული ტანისამოსიც შეემშრალებინა.

წვიმა უფრო ღონიერდებოდა; თითქოს წარღვნას ეპირებოდა, ისეთი სხმა იწყო. შემკრთალი მათა ვახშამსაც არ მიჰკარებია, პირკვარს იწერდა და თან ამბობდა:

— ღმერთო, შეგვიწყალე!.. ღმერთო, შეგვიწყალე!.. ღმერთო, ნუ შეგვრისხავს!..

— ბატონო, იმ ბოვშეს დახედვა უნდა კიდევ... არაფერი ცოდვა დაგვედვას!—ველარ მოუთმინა მაიას გულმა და უთხრა მამამთილს.

— რა ცოდვა უნდა დაგვედვას? ამ ღამის წერა ყოფილა, თუ რამ მოუვიდა და ისაა — უკმაყოფილოდ წაიბუტბუტა მოხუცებულმა.

— წავალ მე... მე დავხედავ! — გადაწყვეტით თქვა მიაამ.

— შენ სად წახვალ? — წამოიძახა მიქელამ. — მაცალე ერთი, თუ ღმერთი გწამს! — და ცოტა ხნის შემდეგ მიქელამ ჩამოიციო თავზე სველი ტომარა და ჩოხა და გასწია კარვისკენ.

აქ, ამ თავდაღმართში, თითქმის კარვის სწორა, უშველებელი კედელი ამართულიყო ჩამოგორებული ქვებისა და ჩამოტანილი მიწისაგან. ბეტრს ეწვალა მიქელა თოხით იმის გარღვევას და იქითაქეთ გადაყრა-გადმოყრას, მაგრამ ბერმა კაცმა ვერა გააწყო რა, ზევიდან ქვები თანდათან ემატებოდა და უფრო ამაგრებდა ამართულ წყლის საკავს, რომელსაც გამძვინვარებით ეხეთქებოდა წყალი და გაგიჟებით სცემდა, რომ როგორმე გაერღვია იგი და თავისუფლად სავალი გზა ეშოვნა. დაგუბებული წყალი ირეოდა, ბობოქრობდა. გარშემო ისმოდა მხოლოდ წვიმის თხლეშა, ზევიდან წყალთან მომგორავი ქვების ხმა და ჩამოხეთქილი წყლის ბრძოლა მისგანვე ამართულ ყორესთან.

მოღალულმა, მოქანტულმა მიქელამ რომ ვერა გააწყო რა თავის მეცადინეობით და წყალს სავალი ვერ მისცა, მიანება თავი ყორეს, მივიდა ისევ ღობესთან და გადაიძახა კიდევ:

— სპიდონა!.. ეი, ბიჭო!.. სპიდონა! არ შეგეშინდეს, ბიჭო!.. ახლავე მოვალ კიდევ... ახლავე, ბიჭო-ო!.. — გადაიძახა და თოხით მხარზე წათხლაშუნდა სახლისკენ.

წყალი კი ისევ მოქროდა ზევიდან, მოთხლიშინებდა და გაგრეებით სცემდა ყორეს, გადარევით ასკდებოდა, ზედ ეხეთქებოდა. გულმოსულმა რომ ვერა დააკლო რა მას, ვერ გაარღვია, ვერ მოერიო თავისგანვე ამართულ მოწინააღმდეგეს — ერთი იღრიალა უეცრად და ამოდენა წყალი ვაებითა და შხუილით გადაეშვა ღობისკენ, ეძგერა მას საოცარი ძალით, ჩაამტვრია იგი და მიებდღვნა კარავს; მოისმა მხლოდ ლაწა-ლუწი და წყლის ჩხრიალი ქვევითისკენ.

კარგა გათენებული არ იყო კიდევ, მიქელა რომ მივიდა კარვის დასახედავად. კარავი აღარსად იყო; აქა-იქ ეყარა კარვის ბორჯგები, არეული ღობის ნამტვრევებთან. ქვის კედელი ამაყად იდგა; შემწყდარი წვიმის წყალი უღონოდ ეცემოდა მას და გატეხილ ღობისკენ მოიწრიტებოდა. მოხუცებულმა შეილიშვილს დაუწყო ძებნა. სადაც კარავი იყო, იმის ქვევით რაღაც შავად დარგვალეზულს

მოჰკრა თვალი მიქელამ. მივიდა. ეს საბანი იყო სპიდონასი, რომელსაც მხოლოდ თავი შერჩენოდა შიგ.

— ბიჭო!.. სპიდონა!.. სპიდონა!.. ბაბუა — ჩასძახა მიქელამ. ხმას არავინ იღებდა.

— სპიდონა... ბაბუა!.. გესმის?.. — აკანკალებული ხმით ჩასძახა უფრო ხმაძაღლა მოხუცებულმა. მაგრამ სპიდონა ეგდო გაუნძრევლად.

იგი მკვდარი იყო.

პირჯვარი გაღისახა მოხუცებულმა და კარგა ხანს ადგა თავს მიცვალებულს ხმაგაკმენდილი. მერე გადააფარა სველი საბანი მკვდარს და აჩქარებით გადაიარა ნაეზოვარი.

— ი ბიჭი... სპიდონა... მომკვდარა... — უთხრა მან მაიას და ორი კურცხალი თვალთავან გადმოუვარდა.

— მომკვდარა?! — გაოცებით შესძახა მაიამ. — წელიწადი რომ არ შესრულებულა?

— ალბათ შემცდარი იყო... კარგად ვერ გაუგონია, რა ვადა დაუნიშნეს...

— ღმერთო, ნუ შეგვრისხავს.. ნუ გვიწყენს — პირჯვრის წერით გაიძახოდა შიშს მიცემული მაია.

იმავე დღეს მეზობლებმა კუბო შეუქრეს დამსკდარი ფიცრები-საგან და მღვდელსაც შეატყობინეს ბიჭის გარდაცვალების ამბავი. მღვდელი ძლიერ შეუწყრა მიქელას შვილიშვილის დატანჯვისათვის და ემუქრებოდა პასუხისგებაში მიცემას.

— თავათ ამბობდა, რომ ვადით იყო გამობრუნებული, შენი ჭირიმე... მაინც ეს დღე მოელოდა ამ მოკლე ხანში... ხელიდან წასული იყო... ამოწყვეტის კარზე ვარ მიყენებული — ერთი ბაღანა დამრჩა, ის უნდა იყვეს ჩემი პატრონიც და სულის მაცხოვრებელიც... გოუწმენდელ სახლში რაღა შემომეყვანა... რა ვიცო, იმასაც რომ შემთხვეოდა რამე!.. ცხრამთას იქით მყავს ვადაძალული შიშით, არაფერი ვადადებოდა და ისიც არ დამეკარგვიყო!.. რა ხანია, თვალთ არ დამინახავს! შედით ჩემს მდგომარეობაში!.. — მიუგო პასუხად მიქელამ.

წესის აგების შემდეგ მოხუცებულმა კუბო ურემზე დაუდო და დიდი წვალებით, მარტოდმარტომ, მიაბარა მიწას სპიდონაც. სასაფლაოდან ჩამობრუნებულმა ნაეზოვარში გადააგდო კუბოს ნაღამი ურმის ზესადგარი, გამოიცივალა ახალუხი და შარვალი, დაბანა ბარები და მხოლოდ მაშინ შევიდა სახლში.

ახლა იგი უფრო მოსვენებულსა ჰგავდა, გულდამშვიდებულს.

იქდა ცეცხლის პირას და სულ თავის პაწია ნესტორაზე ჰქონდა მიმართული აზრი და ფიქრი.

— მაია! — მიმართა მან ერთხელ რძალს. — მაია! — გადმოვიყვანოთ ი ბავში... აწი აღარაფერი უჭირს... თვალწინ გვეყოლება.

— მოითმინეთ, ბატონო! — მიუგო მაიამ. — იყოს იქ... ამ ზამთარში ყველაფერი გეიწმინდება, გასუფთავდება... გაზაფხულზე საშიშარი აღარაფერი იქნება, ღვთის მადლით, მაშინ გადმოვიყვანოთ... კი ბატონო, ასე აჯობებს!

მიქელამ ჭერ არაფერი თქვა ამაზე, მერე ღრმად ამოიოხრა და დაატანა დამძიმებული ხმით:

— იყვეს!.. იყვეს!.. ის კარგად მეყოლოს და მე მისი ჭირი წამილია!.. მისი ჭირი წამილია!.. ჩემი სულის მაცხოვნების... იყვეს! — და მოხუცებულმა ისევ ღრმად ამოიოხრა. — მისი ჭირის სანაცვლო ვიყვე, ჩვენი სულის მაცხოვნების!..

თ ა ვ ა დ ი კ ე ტ რ ე

— არა, ბატონო, — გვეუბნებოდა ამასწინათ ცნობილი საზოგადო მოღვაწე თავადი პეტრე. — შაპატიეთ გულახდილობა და მოგახსენებთ, გულში ნურაფერს ჩამარჩინეთ, გულს ნუ მატკენთ, თორემ სადაც მომიხერხდება, რითაც მომიხერხდება, როცა აზრათაც შეიძლება არ გექნეთ, მაშინ ვიყური ჩემს გულის ჭავრს; ამოვიყრი ჩემს გულის ჭავრს უსათუოდ, თუნდაც რომ ეს სიცოცხლის ფასად დამიჭდეს! რა ვქნა... რომ არ მინდოდეს, ასე უნდა ვქნა, რადგან ასე გვჩვევია ძველთაგან. მოგვხსენებთ, ჩვეულება რჭულზე უმტკიცესიაო; და რომ გვჩვევია — ამისი ათასი მაგალითია; მაგრამ მე ერთს მოგახსენებთ, რომელიც ჩვენს გვარში მომხდარა და რომელიც, როგორც გამიგონია, ვილაც ფრანგ მოგზაურს თავის მოგზაურობის აღწერაშიაც შეუტანია თურმე...

მეფესთან — აღარ მახსოვს სახელდობრ რომელთან — ერთხელ ყოფილა ჩვენი წინაპარი ბატონიშვილი მანუჩარ. ამავე დროს მეფეს სწვევია მეზობელ სამთავროდან მთავრის ძმა სვიმონი, ჩვენივე ნათესავი. მეფეს მეტად გახარებია ამათი სტუმრობა და მათდა პატივსაცემად უმართია ლხინი ლხინზე, ჭიდაობა, ნადირობა, ჭირითი, ბურთაობა და ათასი სხვა გასართობი.

ნამეტნავად შეჰხარებია მეფე სვიმონ ბატონიშვილს. ეს ბატონიშვილი ცნობილი ყოფილა როგორც ვაჟკაცი, გულადი მეომარი, შეხედულებით თვალსაჩინო და ენამეტყველი. მანუჩარი კი არც შეხედულებით, არც ვაჟკაცობით, არც ენაწყლიანობით არავის ყურადღებას არ იქცევდა, მაგრამ ამაყი და ძლიერ თავმოყვარე ყოფილა.

მეფე თურმე გვერდიდან არ იშორებდა სვიმონს, მუდამ გაცემებით ისმენდა მის გმირულ თავგადასავალს და აღტაცებაში მოდიოდა მისი ნაამბობით. მეფესთან ერთად მუდამ მის ქებაში იყო მთელი სასახლე. ეს ამბავი მანუჩარს ძლიერ სწყინდა გუნებაში, მაგ-

რამ გულწყენობას გულშივე იმარხავდა და არავის ამჩნევინებდა.

ბოლოს მოთმინებამ უღალატა მანუჩარს და ერთხელ, როცა სვიმონ ბატონიშვილი თავისებურად მოუთხრობდა მეფეს იმ ცხარე შეტაკების ამბავს, უკანასკნელ ხანებში სამთავროდან თათრების განდევნის დროს რომ მოუხდა მას, მოუთხრობდა, თუ რა გაჭირვებაში ჩავარდა ერთხელ, მაგრამ როგორ სასწაულებრივ გადაურჩა განსაცდელს. გადაარჩინა ჯარი, თავზარი დასცა მტერსაც და ერთიანად შემუსრა იგი, რის გაგონებაზე მეფე უზომო აღტაცებაში მოვიდა, მანუჩარს გულმა ვეღარ მოუთმინა და უნებურად სახეზე ღიმილმა გადაუთამაშა. ღიმილის დასამალავად მანუჩარმა უღვაშებს ქვეშ ტუჩებზე ორი თითი გადისვა.

სვიმონმა ამას თვალი მოჰკრა. ერთიანად აინთო... შეიერდა და მანუჩარს სიტყვა ესროლა:

— ღიმილი მოგგვარეთ, ბატონიშვილო, ჩემი მონათხრობით?..

— რასა ბრძანებთ, ბატონიშვილო!.. — წამოიძახა მანუჩარმა, — განაგრძეთ!.. ღვთის გულსათვის, განაგრძეთ ამბავი!..

სვიმონი კი მიუბრუნდა მეფეს და სიცილით თქვა:

— რა ვუყოთ, ბატონო! ვისაც ვაუკაცობისა არა სცხია—რა, სხვისიც ძნელად დაეჭვრება... ეპატიება, ბატონო! — კვლავ გაიციინა სვიმონმა...

— ტყუილა ნებულობთ, ბატონიშვილო, ტყუილა ნებულობთ! — მიუგო მანუჩარმა მხოლოდ.

— მეტისმეტი ტრაბახა კაცი კია ეს ჩვენი ნათესავი ბატონიშვილი, — წაილაპარაკა მანუჩარმა, ისიც მაშინ, როცა მხოლოდ თავის მხლებლებში მოხვდა. სვიმონის დაცინება ლახვარით ჩაესო მას გულში.

სვიმონიც თავის გულს აპყვა და შემთხვევას არა ჰკარგავდა, გადაკრული სიტყვით მიემართნა მანუჩარისათვის. ყველანი შეწუხდნენ სასახლეში ბატონიშვილებს შორის მომხდარ უსიამოვნების გამო და ყველანი შიშობდნენ, ცუდად არ დაბოლოვებულყო ამათა შეტაკება.

მეფეც მეტად შეწუხდა და სვიმონს თხოვნით მიმართა:

— სვიმონ, თუ გიყვარდეს, აკმარე მანუჩარს, აკმარე, თუ გიყვარდეს!

მანუჩარი კი გარინდდა, ისე დაიკავა თავი, თითქოს არაფერი წყენოდეს სვიმონისაგან, და რამდენსამე დღის შემდეგ, ბინისაყენ გამგზავრება რომ დააპირა, მეფეს უღრმესი მადლობა უძღვნა პატივისცემისათვის, სვიმონს სიყვარულობით გამოეთხოვა და ისე წავიდა.

ნამდვილად კი მის გულში ცეცხლი ენთო და, რაც უფრო უახლოვდებოდა თავის სამფლობელოს, საბრძანებელს, უფრო და უფრო ემწვავებოდა სვიმონისაგან ყოველივე განაგონი, სვიმონისაგან მისი ავად ხსენება, სვიმონის დაცინვა; და როცა მან ფეხი შედგა თავის მიდამოში, სადაც ყველაფერი მისი ნების ქვეშ იყო, ყველა მისი მორჩილი იყო, სადაც მის წინ ყველანი თრთოდნენ, სიტყვის შებრუნებას ვერაფერს ბედავდა და მას უბრალოდ წარბის შეხრაზე შიშს ეძლეოდნენ და თახთახებდნენ, — აქ უმეტესად ემწვავა სვიმონის დაცინვა და, შურისძიებით შეპყრობილმა, გიჟურად წამოიძახა:

— განანებიებ, თავხედო!.. თუ კაცი ვყოფილვარ, განანებიებ.. განანებიები!

დღედაღამ მანუჩარი მუდამ იმის ფიქრში იყო, თუ როგორ და რა გზით ამოეყარა თავის გულისჩაფერი სვიმონზე.

ერთხელ სასახლეში ვიღამაც ახსენა სვიმონ ბატონიშვილის შვილის სახელი, რომელიც მახლობელ მონასტერში იზრდებოდა ბერებთან.

— მერე, — წამოიძახა მანუჩარმა, — მერე, რატომ ერთხელ არავინ გამახსენეთ ეგ ამბავი? დაგვემდუროს ჩვენი ნათესავი, რომ გვერდით გვყოლია მისი შვილი და ერთხელაც კი არ მოგვიკითხავს და არ მოგვინახულებია?.. საყვედურს ამაცდინეთ... ერთი დღით მაინც მომგვარეთ ბავშვი... ესეც ნათესაური პატივი!..

ბავშვი მოიყვანეს სასახლეში. მანუჩარი დიდი სიხარულით მიეგება მას. დილითვე, ალიონზე, კაცი აფრინა სვიმონთან შვილის ამბის მისატანად და თან საჩუქარიც გაუგზავნა მშვენიერი პატარა კოლოფით.

დიდად გაიხარა სვიმონმა მანუჩარის ძღვნის დანახვით და მოტანილი ამბით.

— ეტყობა, ყველაფერი დავიწყებას მიუცია, — იტიქრა სვიმონმა, — ბარაქალა მანუჩარ!

ბევრი ეხვეწნენ ყმაწვილ აზნაურს დარჩენილიყო, რათა შესაფერი პატივი ეცათ მისთვის, მაგრამ ვერაფრით ვერ დაიყოლიეს, ვერ დაარჩინეს, — ჯერ დაბარებული ჰქონდა მაშინვე გამობრუნებულიყო და მერე ძლიერ საკერო საქმეზე სხვაგანაც იგზავნებოდა, მისი სიტყვით.

— აბა, ვნახოთ, ბატონიშვილო, — მიმართა სვიმონმა თავის მეუღლეს, — ვნახოთ, რა საჩუქარი გვიძღვნა ჩვენმა მანუჩარმა! გახსენს კოლოფი... მტერსაც არ ენახოს ის, რაც იმათ ნახეს კოლოფში მათი შვილის მოჭრილი თავი იდგა.

ამის დანახვა — ერთი კვილი, წივილი, ზრიალი, ტირილი და ვაი-ვაგლახი.

მთლად სასახლე შეინძრა.

— ვინ ხართ კაცი?.. ვის ვებრალეები?.. ვის ვეცოდები?.. დღეს დამეცნახეთო.. დღეს მიშველეთი — შესძახა სვიმონმა.

ქვეყანა აღუღდა ბატონიშვილის საცოდაობით.

თვალის დახამხამებაზე მოგროვდა უთვალავი ჯარი და გამწარებული სვიმონი გამოემართა მანუჩარისკენ. მიწასთან გაასწორა მისი ავლა-დიდება; ცეცხლს მისცა მანუჩარის სამფლობელო; ვერც იმისმა მაგარმა ციხემ უძლო სვიმონს.

— უგვანო!.. მხეცო!.. ჩემზე ჯავრით ჰღელავდი... უმანკოს, ნორჩ სიცოცხლეს რას ერჩოდი?.. ბოროტო!.. — და გაათურებული სვიმონი ეძგერა ხმლით მანუჩარს.

— ხომ გაგანწარე!.. სიკვდილამდის გაგამწარე!.. სიცოცხლე აღარ მენანება! — კიდევ მოასწრო მანუჩარმა წამოეძახა სულის ამოსვლამდის...

აი, ბატონებო, ასეთი ამბავი მომხდარა და ვიმეორებ — ჩვეულება რჯულზე უმტკიცესია, რაც გვჩვევია, იმას ვერ გადაგვარებთ — სიცილით დაათვა მან და ყველას თვალი შემოგვაელო.

1910 წ.

როსტომ მანველიძე

მანველიძეები იმერეთის აზნაურთა გვარს ეკუთვნიან. იმ გარემოებით, რომ არც ერთ მანველიძეთაგანს გადათქმული გვარი არ რქმევია, რაც ხშირად იციან იმერეთში მომრავლებულ მოგვარეთა გასარჩევად, დიდად იწონებდნენ თავს და ამ შემთხვევას ისე ხსნიდნენ, თითქოს მათთან მორიდებისა და შიშის გამო ვერ უბედავდნენ გვარის გადარქმევას.

თავიანთ გვარის წარჩინებულებაზე სიტყვა მუდამ ენაზე ეკერათ და ამ წარჩინებულების დასასაბუთებლად მოჰყავდათ ამბავი, ვითომ ერთ მეფეს, რომელს — ბაგრატს, თარნაოზს თუ ალექსანდრეს — ამას გვარში დაცული ზეპირგადმოცემა გარკვევით არ აღნიშნავდა, ერთი მანველიძეთაგანი კარის კაცად ჰყოლია: ისე დაწინაურებულა, რომ მეფეს მისთვის სახლთუხუცესობაც კი უბოძებია. თუმცა მოკლე ხნით შერჩენია ეს საპატიო თანამდებობა, რადგან ჩვეულებრივი არეულობა მომხდარა, მეფე გადაუგლიათ, მოუკლავთ და ამასთან ერთად დაღუპულა მისი მსახური, ისე რომ მისი სახელიც კი დაკარგულა.

ამ ზღაპრული სახლთუხუცესის შემდეგ მანველიძეთა გვარი მაინცდამაინც არავის უსახელებია, თუ სათვალავში არ მივიღებთ რამდენიმე ყმაწვილს, რომელთაც მათმა არა საკადრისმა საქციელმა ციმბირში ამოაყოფინა თავი. მაგრამ მანველიძეებს მაინც დიდად მოჰქონდათ თავი, ძვირად თუ ვისმეს იტოლებდნენ და სხვა აზნაურებში არჩევდნენ თავიანთ თავს.

რადგან მანველიძეთა დიდება ბუნდოვანი წარსულის ამბებზე იყო დამყარებული, იგი ადვილად დაეიწყებას ეძლეოდა და საჭირო ხდებოდა ხშირხშირად ამ შორეული ამბების გახსენება და ჩაგონება სხვებისათვის, ნამეტურ იმ ვიგინდარებისათვის, რომლებმაც ამ ბოლო დროს თავი წამოჰყვეს და ტუტუტურად ტუჩს უბზუებდ-

ნენ წარსულისაგან ნაანდერძევ დიდებულებას და დასცინოდნენ ზღაპრულ ამბებზე აშენებულ ამაყობას. ამგვარ ჩაგონებას არა ერთხელ გამოუწვევია აყალმაყალი, ბევრი უსიამოვნება შეუხვედრებია მანველიძეთათვის, მაგრამ ესენი მაინც თავისას არ იშლიდნენ და არავითარ შფოთს არ ერიდებოდნენ. ამგვარმა დაურიდებლობამ ამას წინათ, მაგალითად, მხიარული ქორწილი გააუგემურა და კინამ ლამ სისხლითაც შეღება.

ერთი მანველიძეთაგანი საკმარისად ჩამოქვეითებული თავადის ქალზე იწერდა ჭეკარს. სიძის სახლკაცმა სახელდახლო შემთხვევად შიინია აეხსნა შეკრებილ საზოგადოებისათვის, თუ რა ღირსშესანიშნავი ამბავი ხდებოდა, აეხსნა, რომ დიდებულ სახლთუხუცესის და სხვათა გამოჩენილ მანველიძეთა შთამომავალი ანახლებდა კავშირს მათსავით დიდებულ თავადის ოჯახთან, რომლის წინაშე ერთ დროს თრთოდა მთელი ქვემო მხარე, და ამ განახლებული კავშირით ვითომ საფუძველი ეყრებოდა ქვემო და ზემო მხართა აღორძინებას და აყვავებას ამ ორ გვართა გავლენის ქვეშ იმავე დიდებით, როგორც ეს წინათ ყოფილა.

რასაკვირველია, მკვევრმეტყველის განჰარტება გაზვიადებული იყო, ახსნა სრულიად უსაჭირო და უმნიშვნელო. სამაგიეროდ ზოგიერთთათვის საოხუნჯო მასალად გამოსადეგი აღმოჩნდა, რამაც გულზვიადი ორატორი ისე გააბრაზა, რომ გულმოსულმა თავი ვედარ შეიკავა, მთელ საზოგადოებას უშევრი სიტყვებით მიმართა, და, რაც სრულიად საჭირო აღარ იყო, სიტყვას ფურთხი მიაყოლა. შეგინების მაგივრად — ერთი ყვირილი, მიწვევ-მოწევა და ჩვეულებრივი ხანჯლებზე ხელის გასმა.

ამგვარი ჩხუბი-დავიდარაპით ცდილობდნენ მანველიძეები თავიანთი გვარის დიდებულებისა და წარჩინებულების დაცვას. სხვა გზა ვერ გამოენახათ. ცხოვრება კი თავისას შერებოდა: გვარი შეუბრალებელ კლებამი შეჰყავდა, გადაქაჩულ აზნაურებს უკან-უკან წევდა, დღედაღლე გაკირვებას უმეტებდა. ყველას ხანიათა გამოუცვალა. ზოგი ისე გაამწარა, რომ ბზიკს დაამსგავსა, ზოგი ისე გაწყვიტა წელში, რომ ყველაფერზე გული გაუგრილა და თვით დიდებულ სახლთუხუცესის ხსენებასაც ავიწყებინებდა.

როსტომ მანველიძე თავის დროზე თავმოწონე მანველიძე იყო. ყმაწვილობისას გული საგმირო საქმეებისათვის უძგერდა; სხვებსავით შემთხვევაზე იგიც გამოწყობილა თოფ-იარაღით, შემჯდარა ცხენზე, ჭარიანობაში მონაწილეობა მიიღია და ჩხუბსაც დასწრებია, გულადობა და ვაჟკაცობა გამოუჩენია, რისთვისაც იუნკრის ჩინითაც ყოფილა დაჯილდოებული. თავის დროზე იუნკრობაც ხა-

რისხი და ჩინი იყო, მრავალთათვის სახარბიელო და სანატრელი და საძებარი, როგორც წარმატებისათვის ერთი საფეხური. მაგრამ ბედმა ამ საფეხურს როსტომი აღარ გადააშორა. დროთა ვითარებამ კი ხარისხი ისე გაახუნა, რომ ამ ბოლო დროს როსტომს საწყენადაც ურჩებოდა, თუ ვინმე გაუხსენებდა მის იუნკრობას. თუ რამ შერჩა-როსტომს მისი ვაჟკაცობისა და გულადობის მოსაგონებლად — ეს წითელ კანტჩაყოლებული ლურჯი შარვალი, რომელსაც იგი ატარებდა, როგორც ცხენოსან ჯარში ნამსახური პირი.

ბატონყმობის გაყრიდან ბედნიერად გამოვიდა როსტომი. რაღაც მისდა იღბლად შერჩა ერთი ნაყმევი, დღეს მასავით მოხუცებულადათია, რომელმაც აღარც თავისუფლება დაეძინა, აღარც ცოლი, აღარც შვილი, აღარც საკუთარი ოჯახი და როსტომს შეეკედლა გონუშორებლად. თავისნება კაცი იყო დათია, მაგრამ მისგან ყველაფერი მოსათმენი იყო, რადგან როსტომის ოჯახში იგი მოურავიც იყო, მზარეულიც, ხაბაზიც, თავიცა და ბოლოც. ძალიან უწყობდა ხელს თავის გუნებაში დათია თავის ნაბატონარს. მეტად მეცადინეობდა იგი, რომ მანველაძეთა საკადრისი ცხოვრებით ეცხოვრებინა, მაგრამ ყოველივე ამას ხდებოდა. შემოსწრებულ ცხოვრებას შეუბრალებელი პირობები თავისას შერებოდნენ — მანველიძის ოჯახი უკან-უკან მიდიოდა, უკან-უკან მიჩოჩავდა, მუდამ დღე კლებასი იყო.

კეთილშობილება და მასთან შეკავშირებული სხვადასხვა უფლება უკანასკნელ ხანამდის განუყრელ და განუშორებელ საკუთრებად მიანდა როსტომს. კეთილშობილ აზნაურს პატივი ედებოდა, საქვეყნო საქმეებში ხმა ჰქონდა: არჩევნებში, — მარშლებისა იქნებოდა თუ ბანკისა, — მონაწილეობის მიღების უფლება ჰქონდა და კიდევ სარგებლობდა ამ უფლებით. მართალია, მოლაპარაკე კაცი არასოდეს არ ყოფილა, მაგრამ მეკენვე იყო და მის მიმხრობას ცდილობდნენ და ხშირად „პრაგონი“ შინ მოსვლია ქუთაისში ჩასასვლელად. ბევრი პატივისცემა ახსოვს იმათგან, ვისაც მიემხრობოდა როსტომი. გასაოცარი მასპინძლობით შეგებებიან, დადად უსიამოვნებით და შინ დაბრუნებულს ბევრი საინტერესო ამბები მოუტანია ქვეყნის გასაბედნიერებლად გარდახდილი ბრძოლის შესახებ.

მაგრამ ამ უკანასკნელ ხანებში ზოგიერთ მყვირალათა წყალობით, ჯერ ბანკში მოესპო ხმა და გავლენა, შემდეგ, თვითონ კეთილშობილება ჩამორთმეოდა; მარშლების არჩევნებშიაც აღარ მიუშვეს და ქუთაისში აღარ იზარებდნენ, რასაც იგი გაფაციცებით უმაღავდა დათიას. თავადაზნაურთა მიწა-წყალზე შემოღებულმა გადასახადმა ხომ სულ დაათავა ყოველგვარი დაკლება და ჩამოთლა.

ისე რომ წამოსწრებულმა არეულობამ მხოლოდ ტყუილი შიში გამოაცდევინა, თორემ ჩამოსართმევი, ჩამოსათლელი და ჩამოსაკლები ველარაფერი მოუნახა როსტომს.

— გაგვაგლებკაცონ ბარემც დალოცვილებმა და ის იქნება! — წამოიძახებდა ზოლმე გულნატკენი როსტომი. — რაღა შეგვრჩენია: ყოველივე უფლება ჩამოგვერთვა, წაგვერთვა და ეგ არის!.. რილათი გაირჩეს კეთილშობილი ადამიანი ამ ჩემ დათიასაგან, არ ვიცი!.. შადლობა ღმერთს, ქონდეს! მოვიხვეწებთ შაინც!.. მეტი რაღა დავკემართება?

ალბათ, ვერ ამჩნევდა როსტომი, თორემ ყველაფერზე უარესი იყო ის, რომ მისი ოჯახი ნიავედებოდა, ცივდებოდა, ინგრეოდა.

ერთი ვაჟი ჰყავდა როსტომს და მისი ასაველ-დასავეალი არავინ იცოდა, ისე გადაიკარგა ჰადლაც. მეუღლე იყო მისი, მარიამი, და როგორც ის, ისე როსტომთან შეურცხვენელ მეუღლეობაში ნაყოლი ოახი ქალიშვილი ოჯახს სრულიად გულს არ უღებდნენ, სრულიად არ დაეძებდნენ, მუდამ საკუთარ ოჯახს გარეთ იყვნენ, გაურბოდნენ თავიანთ უხალისო ბუდეს, მისვლა-მოსვლას უნდებოდნენ: ხან ნათესავეებში იყვნენ, ხან კეთილებში, ხან ნაცნობებში, თვითონაც დროს ატარებდნენ და სხვებსაც ეზმარებოდნენ დროს ტარებაში. ამაში კი ზედმიწევნით დახელოვნდნენ: ზოგმა დაირა იცოდა შესანიშნავად, ზოგმა სიმღერა, ზოგმა ცეკვა — ლეკური, უზუნდარა, ბაღდადური და, ხანდახან მახლობლებთან, კეკ-უოკიც ქალიშვილები თამაშნი, ლამაზნი და მოხდენილი შეხედულებისანი იყვნენ.

როსტომი ხმას არ იღებდა ქალებისაგან ოჯახის ამგვარ მივიწყებაზე, შეიძლება იმ მოსაზრებითაც, რომ წლიდან წლამდის მათი შინ ყოფნა უფრო გაუჭირვებდა ისედაც გაჭირვებულ ცხოვრებას. სრულიად არ ეწინააღმდეგებოდა როსტომი ქალებს ასეთ მათ წანწალზე და ესენიც შემოიხედავდნენ თუ არა ოჯახში, იქვე იმ ფიქრს და დარდს ეძლეოდნენ, თუ სად და როდის წასულ იყვნენ.

ამასწინათ, რაღაც შემთხვევით, დედამაც, და ქალიშვილებმაც თავი მოიყარეს ოჯახში. რამდენიმე დღის შემდეგ კი ისევ აწრიალდნენ წასასვლელად და ამისათვის მთელი დღე არბენიეს სოფლად დათია, რომ ურემი სადმე ენათხოვრებინა სადგურამდის ჩასასვლელად.

საღამო იყო, დათია რომ დაბრუნდა.

— რა ქენი, ბიჭო?.. — შემოეხვივნენ ქალიშვილები...

— ვერსად ვერ ვიშოვე... არავინ არ გვათხოვა! — თქვა დათიამ.

ქალიშვილებმა თავი მიანებეს ფუთების კერას და შეზრიალდნენ.

— მძულს აქ მოსვლა — წამოიძახა უფროსმა ქალიშვილმა თალიკომ. — სიკვდილს უნდა ეღირსო, სანამ აქედან ფეხის გადადგმას მოახერხებდე ადამიანი! დასწყევლოს ღმერთმა აქაურობა!

— მე რომ ზეგ ქუთაისში არ ვიქნე, მომკალით და ის იქნება! — გამწარებით გაიძახოდა ლამაზი ნატალია. — ზეგ ნუციკო დღეობას იხდის... სიტყვა მივეცი, უსათუოდ ჩამოვალ-თქვა და დათიას წყალობით ყოველგვარ სიამოვნებას უნდა ჩამოვჭრიე!

— რა დაგემართათ?.. რა მოგივიდათ? არაფერი საშფოთავეი არა გაქვთ — დინჯად წარმოთქვა ქალიშვილების ახმაურებაზე ოთახში შემოსულმა მარიაიმმა: — თქვენ თქვენი საქმე ქენით, რაც წასაღები გაქვთ, არაფერი დაგრჩეთ... ხვალ ყველანი ერთად წავალთ!.. ბიჭო, მთელი დღე იარე და ერთი ურმის შოვნა გაგიჭირდა?.. — მიუბრუნდა იგი დათიას.

— ყოველთვის კი აღარ გვახოვეს, შე დალოცვილო! ყველას თავისი საქონელი საქნარისათვის კირდება... ტყვილა კი არავენ ზის სახლში! — მაუგო დაღლილმა დათიამ.

— როსტომ, ეგებ შენ იშოვო საღმე ურემი! — მიმართა მარიამმა ტახტზე წამოწოლილ ქმარს.

როსტომს თითქოს არ გაეგონოს ნათქვამი, პირველად არც კი განძრეულა.

— ადექი... ადექი... ნუ გეზარება! — არ ეშვებოდა მარიამი.

როსტომი ზანტად წაწოდგა, მოითხოვა ჯოხი და როგორც იყო ახალუხის ამბრა გასწია ამ შედამებულში ურმის საძებრად.

— ტყვილა მიდიხარ... არავენ არ გაათხოვეს! — გააყოლა სიტყვა დათიამ.

— გაწყვა შენი ენა! — შეუტია მას უმცროსმა ქალიშვილმა პელომ.

— არავენ არ გათხოვებთ! — ჯიუტად გაიმეორა დათიამ.

— რატომ, ბიჭო? — მიეჭრა მარიამი.

— იმიტომ, რომ ბევრი მიდიხართ ერთად... ორ წყებად წასულიყავით, გერჩიათ... თქვენთვის საქონელს არავენ დაღლის ამისთანა საქნარიან დროს! — არ იშლიდა თავისას დათია.

— რჩევას არავენ გკითხავს! — გულმოსულად შეუტია მარიამმა და გაშორდა.

დათიას სიტყვა გამართლდა: ხარ-ურემი ვერც როსტომმა იშოვა. ქალიშვილებმა შექნეს ერთი ალიაქოთი. ყოველივე მათი დაწყებულება იშლებოდა. მარიამის და თალიკოს დამხვედური — დედუ-

ლიდან სადგურზე გამოგზავნილი — უსათუოდ უკან გაბრუნდებოდა, რაკი მათ დანიშნულ დღეს ჩასულს ვერ ნახავდა, ამგვარივე საქმე მოუვიდოდა პელოსაც და კატულიასაც, რომელნიც მამიდი-სას მიდიოდნენ. ნატალიას ყველაზე უკეთ ჰქონდა საქმე — ერთი დღე რომ დაგვიანებოდა, ზეგ მაინც ჩავიდოდა ქუთაისში და ამხანაგის დღეობას არ დააკლდებოდა; მაგრამ რა: იმ დღის ნამგზავრს, დაღლილს, სად შეეძლო ისეთი მონაწილეობა მიეღო მოლხენაში, როგორც წინა დღით მისულს და დასვენებულს! ქალიწვილების გამწარებას საზღვარი არა ჰქონდა. მარიამიც მეტად გაჭირვებული იყო. ბევრი ჩაქცევა და ჩანგრევა უნატრეს სოფელ ადგილებს და განსაკუთრებით თავისას. ბევრი იწრაალეს, ბევრი იქაქანეს, ბევრი იკაპასეს და ბოლოს დედის რჩევაზე შეჩერდნენ: დილა აღრიანად აღდებოდნენ, ფუთებს დათიას აკვიდებდნენ, ფეხით ივლიდნენ რკინიგზის სადგურისაკენ მიშავალ გზაზე მცხოვრებ პელოს ნათლიის სახლამდის, იქ გამოართმევდნენ ურემს და მატარებელს ჩაუსწრებდნენ თავის დროზე.

გადაწყვიტეს და კიდევაც ასე მოიქცნენ მეორე დღეს.

შელამებული იყო, დათია, რომ სადგურიდან დაბრუნდა. მარტოდმარტო დარჩენილი როსტომი მოწყენით უჯდა ბუხარს და ნაქურჩელის ცეცხლს ეფიცებოდა.

— ჩაიყვანე? — უხალისოდ შეეკითხა იგი დათიას და თან, ჩიბუხის ტარის პირიდან გამოუღებლად, ზანტად გააპურქყა განზე.

— ჩაიყვანე... — მიუგო დაღლილ-დაქანცულმა დათიამ, რომელიც ბუხარის გვერდზე მიეყუდა და გაცივებულ ხელებს თბობა დაუწყო.

— კარგი ქნეს, ფეხით რომ წავიდნენ, თორემ ბევრს გვარბენინებდნენ, ბიჭო, სანამ გავისტუმრებდით! — თქვა როსტომმა.

— აბა რა... მოგვეშობოდნენ თუ!

ორთავე მიჩუმდა.

— ხომ არა დაუბარებია რა, ბიჭო? — რამდენიმე ხნის სიჩუმის შემდეგ იკითხა როსტომმა უფრო იმისთვის, რომ დათიასთან ლაპარაკში გაბმულიყო, თორემ მისთვის სულ ერთი იყო, დაბარებულის ასრულებისათვის თავს არ გაიტეხდა.

— შენთან არაფერი დოუბარებიათ, — მიუგო დათიამ.

— აბა ვისთან, ბიჭო?

— მე დამიბარა ქალბატონმა.

— რაო?

— შეიძლება დამაგვიანდესო და საბუდრები დაბწენიო და თა-

ვის დროზე ქათმები დააჩინო... შეიძლება ზაფხულზე სტუმრია-
ნობა შეგვხვდესო... ქათმები ბლომად დაგვკვირდებო.

— დიდხანს დამაგვიანდებო?

— რა ვიცი!.. შეიძლება დამაგვიანდესო... დააგვიანდება უთუ-
ოდ, აბა რა!

— ჰოდა ისე ქენი, როგორც დაგიბარა! — და როსტომმა ისევ
ხანკად გადააპურკყა.

მუსაიფი შეწყდა. დათიამ მიიტანა დაბალი ხის საჯდომი და ბა-
ტონი და მოსამსახურეც ხმაამოუღებლად ეთობობდნენ მბჟუტავ
ნაქურჩელის ცეცხლს. მალე ორივეს ყვინთიც მოერია.

— უვანშმოდ ვრჩებით, ბიჭო?! — იკითხა რამდენიმე ხნის შემ-
დეგ, ალბათ. შიმშილისაგან გამოფხიზლებულმა როსტომმა.

— აბა გამკეთებელი ვინ იყო?! მე თელი დღე გზაში ვიყავი გა-
კრული, — მიუგო დათიამ.

— აბა რაღას ვუყუარებთ!.. დაწვეთ ბარემაც და ის იქნება...
დილით კი, თუ კაცი ხარ, ცოტა რამ ზაკუსკა მომიხერხე...

როსტომი წამოდგა, გაიზმორა, ერთხელ კიდევ მიუშვირა ზურგი
ბუხარს და, რა იგრძნო სითბო, ერთი შეხვანხვალდა. შეინძრა და
მძიმე, ზანტი ნაბიჯით გასწია ტახტიასაკენ, რომელზედაც დათიამ
ქვეშაგებელი დაუწყო, და მოსასვენებლად მიეგდო.

გდებაში ამოკლებდა უხალისოდ მიმდინარე სიცოცხლის დღე-
ებს პატიოსანი აზნაური, დიდებული სახლთუხუცესის მანველიძის
შთამომავალი. თითქმის კარგადაც შეეჩვია იგი ამგვარ გდებას, მაგ-
რამ ხანდახან მაინც ისევ გაიღვიძებდა მასში წინანდელი მანვე-
ლიძე და მაშინ შესაბრალისად მიმართავდა თავის დაბიას:

— სულ ასე ვეგდოთ, ბიჭო, პა?!

— აბა რას იზამ? — მიუგებდა ერთგული მოსამსახურე, ერთად-
ერთი არსება, რომელიც მისთვის ზრუნავდა და რომელსაც სულით
და გულით მისთვის კეთილი სურდა.

— ჯორი შემიკაზმე, თუ კაცი ხარ... გვეავლი ერთი საღმე... მეც
მომეწყინა, ბიჭო!

— გეიარე მერე... გიშლის ვინმე თუ!

შეჯდებოდა როსტომი თავის გამხდარ, ბებერ ჯორზე, მიაღვე-
ბოდა მახლობლად მცხოვრებ რომელიმე ნათესავს ან მეგობარს,
რომ, მწარე გულით მონდომებულს, ძველებურად მოეღბინა და
ყმაწვილებთან სმაში შებმულიყო. მაგრამ მეორე-მესამე ჭიქაზე
უკვე მთვრალი იყო ხოლმე, მეოთხეზე კი ძილი მოეკიდებოდა და
სუფრაზე ხვრინავდა. დაბრუნდებოდა შინ და ისევ მიეგდებოდა
თავის გამოყრუებულ სახლში.

ასეთ ცხოვრებას ატარებს დღეს საწყალი როსტომ მანველიძე, რომელსაც აღარც სახლუხუცესის ქაერი აქვს, აღარც მარშლებნის, აღარც ბანკისა, აღარც ოჯახიშა; რომელიც აღარც ცოლის ამბავს კითხულობს, აღარც შვილებისას, — კარგად არიან, ავად არიან, სად არიან, ვისთან არიან? თხოვდებიან თუ ისევ ქალიშვილობაშივე ბერდებიან?

თუ ვინმე საქვეყნო საქმეებზე ჩამოაგდებს მასთან სიტყვას — ერთი გაჯავრებით ხელს ჩააქნევს, გესლიანად კარგად შეუკურთხებს და ყველაზე გულგატეხილი, ყველაფერზე გულდაწყვეტილი, ყველასა და ყველაფერს ჭანდაბამდის გზას დაულოცავს, მიყუჩდება და ისევ თავისებურად მიეგდება.

1910 წ.

მშობლის ნუგეზი

იმ აუარებელ მსხვერპლთა შორის, რაც განმათავისუფლებელ ხანას შეეწირა, დიდებული მსხვერპლი შეეწირა მოხუცებული ელენესგანაც. მისი „ბიჭი“ — როგორც იგი ეძახდა თავის შვილს, ახალგაზრდა მეცნიერს — სიცოცხლით სავსეს, კაცთმოყვარეობით: გულადესილი, სწორედ იმ დროს გამოასალმეს წუთისოფელს, ვით აუაზაკს ტყვიით შუბლი სწორედ იმ დროს გაუგმირეს, როცა მისი გული დელავდა სიბრალულით იმ საცოდავთა და ბედშავთა მიმართ, რომელთაც მის თვალწინ შეუბრალებლად სრესავდნენ ქუჩაში, როგორც პირუტყვთ, და რომელთა მიშველებას იგი ლამობდა.

საშინელ მდგომარეობაში ჩავარდა ძვირფასი შვილის დამკარგველი მოხუცებული დედა. დადუმებული, გაშტერებული, თვალბეგამომშრალი მთელი დღეები მკვდარივით ესვენა საწოლში. ყველას გადაწყვეტილი ჰქონდა, რომ უსაზღვრო მწუხარებაში მყოფი მოხუცი ვერ გაუძლებდა თავზე დამტყდარ უბედურებას: ყველანი მისი აღსასრულის დღის მოლოდინში იყვნენ. მაგრამ გაიარა დღეებმა, განვლო ხანა. მოხუცი ელენე არ მომკვდარა. თავდაპირველში განუზომელ მწუხარებისაგან დაჩლუნგებულმა, მიდუნებულმა, დასუსტებულმა გონებამ კვლავ იწყო მუშაობა, ამოძრავდა და, როცა ცოტაოდენი ძალა მოიკრიფა, დღისით და ძილგატეხილ დამეგებშიაც მხოლოდ მისი „ბიჭის“ გარშემო ტრიალებდა მისი გონება, მოხუცებულის თვალწინ იშლებოდა მისი „ბიჭის“ მთელი სიცოცხლე ათასი წვრილმანებით, — მისი ბავშვობა, გაჭირვებაში გატარებული მისი სწავლის დღენი, მისი დავაუკაცება, დაბრძენება, მეცნიერების გატაცებულ მსახურად შექმნა. თვალწინ ედგა მისი შნოიანი „ბიჭი“, ადამიანის უსაზღვროდ მოსიყვარულე, რომელიც წინ დაუდგებოდა ხოლმე მას, მის საყვარელ დედას, და დაუწყებდა ტკბილ მუსაიფს თავისი საამური ხმით; ხალისიანი კილოთი უშლიდა თავის

გულს, უზიარებდა თავის ოცნებებს. გატაცებით მოლაპარაკეს ოცნებებში მოკყავდა საყვარელი მშობელი... ეს ხმა ახლაც რომ ესმის, რომ ესმის მისი ლაპარაკი, მისი სიტყვები, მოხუცებულის გული ღელავს სიამოვნებით, ნეტარებით... მისი „ბიჭი“ თითქოს ცოცხალი იყოს, მაგრამ ამას შეუბრალებლად სცვლის საზარელი, თავზრუდამხვევი სურათი... ზღვა ხალხი... მისი „ბიჭის“ კუბო, რომელსაც მისდევს ეს უთვალავი ადამიანთა გროვა, აღელვებული, აზობოქრებული... მისდევს გოდებით, გამწარებული... ფიცს სდებენ მის კუბოსთან... ესმის იმედებთ სავსე ცხარე მიმართვა, რომ მალე, მალე გათენდება ნათელი, ბრწყინვალე დღე და რომ იმ ბრწყინვალედღეს მივლენ მასთან ყველა წამებულნი, წვალებულნი, ტანჯულნი, რომელთათვისაც მუდამ თრთოდა მისი გული; მივლენ სალაპიათ, მივლენ და მიახარებენ სასურველი დღის გათენებას და მადლობას მრუძდენიან მას, მათთვის თავდადებულს, მათთვის თავის შექმნიველს.

როდის, როდის გათენდება ის დღე? მაშინ აღსრულდება ჩიტი, რაზედაც ოცნებობდა მისი ძვირფასი „ბიჭი“, მაშინ ნახავს შეებას ყოველი შეწუხებული ამქვეყნად, მაშინ ჩხილავს მისი დამწუხრებული გული მისი „ბიჭის“ დიდებულებას. იგი დღე იქნება ყველასათვის და ყველასთან ერთად მისი ბედნიერების დღეც...

და მოხუცებული მშობელი, იმედით შემოსილი, გამხნევებული, კვლავ დაუბრუნდა ამ ქვეყანას. იგი გაფაციცებით ყურს უგდებდა ყოველივეს, რაც გარშემო ხდებოდა, გაფაციცებით თვალს ადევნებდა, რაც ქვეყნად ისმოდა. მუდამ ჩარგული იყო გაზეთებში, რომ ამოეკითხა სანატრელ, ბრწყინვალე დღის მოახლოების ნიშნები. და როცა რაიმე არა სასიამოვნო, უსუგეშო ამბავს ყურს მოჰკრავდა, ან ამოიკითხავდა, გულამღვრეული მოხუცი აღელვებული წამოიძახებდა ხოლმე:

— ო, საზიზღრები!.. საზიზღრები!.. თავისას მაინც არ იშლიან... არ იშლიან!.. როდემდის, როდემდის?.. ნუთუ საშველი არ არის?.. არ არის საშველი?!

და გულმეწუხებული, აღელვებული მიაშურებდა თავის ოთახს. აქ მის საწოლთან მაგიდაზე შავ ჩარჩოში ჩასვულ თავის „ბიჭის“ სურათის წინ დადგებოდა და თვალტრემლიანი, უცნაური გამწარებით, სასოწარკვეთილებით მიმართავდა: „შვილო, რათ დამეღუპე, რათ?.. თუკი არაფერი საშველი იქნებოდა... თუკი ასე იქნებოდა... რათ გასწირე შენი სიცოცხლე?.. რათ არ მოითმინე?.. რათ დამეღუპე, შვილო?..“

და გულამოქლარი, აქვითინებული, გამწარებული მოხუცი

მშობელი დაემხოზოდა ძვირფასი შვილის სურათის წინ, გარეტიანებული, მწუხარებისაგან გრძნობა დაკარგული და დიდხანს, დიდხანს იყო ხოლმე ასე დამხოზილი, სანამ, ბურანში მყოფს, ისეე მისი შვილისაგან შეცოდებულს არ გამოაფხიზლებდა მისი ხმა, რომელიც ეხვეოდა და მისებურად ტკბილად, ხალისიანად ეუბნებოდა:

„ნუ სწუხარ, დედიკო, ნუ სწუხარ! მართალია, ქვეყანაზე ადამიანი კიდევ ბევრ უბედურებას განიცდის, ბევრ სიმწარეს შეხვდება, მართალია, დღეს ადამიანი ადამიანს კიდევ მტრულად უხვდება, მაგრამ ბედნიერების დღე მაინც არ ასცდება მას, მიუხედავად ყოველივე დაბრკოლებისა... ბუნება, საკვირველებით მოცული ბუნება, ადამიანისაგან ჭერ სრულიად უცნობი, საიდუმლოებით მოცული ბუნება თავისუფალ პირობებში ამუშავებულ ადამიანის გონებას გაღუშლის მასში, დაფარულ საკვირველ ძალას და მაშინ ადამიანი უკუაგდება სასტიკ მცნებას „ოფლითა პირისა შენისათა სქამდე პურსა შენსაო“, მაშინ მოისპობა ქიშპობა ადამიანთა შორის, ადამიანი იქნება განმავითარებელი მასში ჩანერგილი ნიჭისა და არა მისი მოკაჭრე, იქნება თვისი ნიჭის მიძღვევარი, მისით დამტკბარი, მისით ბედნიერი და მის გარეშე მყოფთა მოსარგებლე... კი, დედიკო, ბედნიერება მოვა ქვეყნად, მოვა! ბნელ ღამეს შესცვლის ნათელი დღე... ეს კანონია ბუნებისა და ვერავითარი ძალა, ვერაფერი მას ვერ მოშლის, ვერ შესცვლის, და ყოველივე ცდა ამის საწინააღმდეგოდ სამწუხარო უგუნურებაა! კი, დედიკო, კი, კი!..“

მკაფიოდ ესმოდა ყოველივე ეს მოხუცებულს, და როცა სურვილი წასძლეოდა, რომ ერთი თვალი მაინც შეესწრო, შეესწრო მის მანუგეშებლის, მისი ტკბილი მოსაუბრისათვის, და თავს ასწევდა თუ არა, მისი „ბიჭი“ ისეე ხმაგაკმენდილი, გაჩუმებული გამოიყურებოდა თავის შავ ჩარჩოდან. დიდხანს, დიდხანს თითქოს საყვედურით მიაჩერდებოდა მას, შეუბრალებლად, დადუმებული დადუმებულს, მაგრამ მისგანვე მისი სიტყვებით გამხნევებული მოხუცი ბრუნდებოდა ოთახიდან და ისეე ბრწყინვალე დღის გათენების მოლოდინში იყო, ქვეყნად ბედნიერი დღის შესაგებებლად ემზადებოდა...

ბატულას ღორები

ის იყო შარაგზით მომავალმა ზენათიმ გზის შესამოკლებლად ლობეზე გადარება დააპირა და ზედ შედგა ფეხი, რომ გამწარებით წამოიძახა:

— ღმერთო მომკალი.. ღმერთო მომკალი—ჩახტა ეზოში და ქანით გაენტო ეზოს ყურეში ყოფილ პატარა ბოსტნისაკენ.

— უიმე, უიმე!.. ღმერთო მომკალი.. პიტია!.. სასიკვდილე პიტია... კიკილო კიკილო.. თქვენ მოუკვდით თქვენ დედას, თქვენ... პიტია, კიკილო! კი-კი-ლო-ო!—უცნაური ხმით გაჰკიოდა და თან მირბოდა ზენათი.

ამ ყვირილზე დაბლაივნიან სახლიდან გამოვარდა თხუთმეტ-თექვსმეტი წლის ქალიშვილი, რომელსაც უკან გამოსდია თმაგაბურძგვნილმა, ფეხშიშველა პერანგის ამარა პატარა ბიჭმა.

— რა ამბავია, დედა, რა? — იკითხა ქალიშვილმა.

— რა და თქვენი სიკვდილი!.. თქვენი არ გადარჩენა, შვილო, თქვენი არ გადარჩენა!.. თქვენ გოუწყდით თქვენ პატრონს, თქვენ!.. ველარ ხედავთ. თქვე გასაწყვეტლებო, რომ ამოგვაგდეს... რომ ერთიანათ ამოგვაგდეს?!.. თქვენ გაგიწყდათ მიწა... მოისპო თქვენი სახელი.. დაგიდგათ თვალები!.. მიწა დაგეყარათ გასაწყვეტლებს, მიწა!— და ამ წყველის წარმოთქმაზე შეჩერებული ზენათი ისევ ბოსტნისაკენ გაიქცა; უკან დეედევნა პიტიაც.

— ჰა ტრუბია! ჰა ტრუბია!—აყვარდა პატარა ბიჭიც და ამ ძახილზე სახლის ყურიდან გამოვარდა შავი, ბანჯგვლიანი ნაგაზი და ისევ ყეფით გავარდა ბოსტნისაკენ.

-- ჰა ტრუბია, ჰა, ჰა! — ყვიროდა ბავშვი და თან მისდევდა ძაღლს.

ბოსტანში მყოფმა ძაღვმა გამსდარმა ორმა ღორმა და ცხვარმა, ალბათ, კარგად იცოდნენ რა დღესაც დააყენებდა მათ ტრუბია, გა-

ფაციცებით უცმაცურებდნენ პირს პრასას, ჭლაკვს, ნიანურს, ოხრახუშს — რაც კი პირს მოხედებოდა. — შემდეგ ეცნენ ბოსტინის დაბალ რაგვს, ტრუბიას შიშით გაღონიერებულებმა შეამტერიეს რაგვის ხმელი წინელი და გასაქცევად გამზადებულები სამივე შეუდგა შეღმართს. ტრუბია ყვფით დაედევნა უკან, დაეწია ერთს, სწვლა გამხდარ კანკში; ღორი აჭყვირდა, წაიქცა და კოტრიალ-კოტრიალით ჩამოგორდა ქვევით; ნაგაზი ახლა გაეკილა მეორეს, დაეწია, ამასაც ჩაასო თავისი ბასრი კბილები კანკში და ესეც აჭყვირებული წააქცია და კოტრიალით გადმოშუშვა ქვევით; დამფთხალი ცხვარი კი საცოდავად ხან იქით მირბოდა, ხან აქეთ, შეშინებული, რომ ძალს არ ჩაეარდნოდა საკბილავად. ტრუბია კი ღორების წვალეებით ჭმაცოფილდებოდა. დაბოლოს ამასაც მოსწყინდა მათი წვალემა, გაანება თავი, შესდგა და თავაწეული მისჩერებოდა კანკებ დასისხლიანებულ პირუტყვეებს, რომლებიც აღმართს შეუდგნენ.

ზენათი კი ბოსტანში ჩამდგარი დაუტხრომლად ქაქანობდა და გაპკიოდა რაც ხნა ქონდა გულგახეთქილი, რომ ხედავდა ასე შეუბრალებლად მოსრცხლს თავის ნამუშევარს.

— ასე კაცის ამოცდება გაგონილა ქვეყანაზე? თქვენ ამოგვივართათ თქვენი პატრონი... თქვენ ამოგვივართათ თქვენი პატრონი ძირიან ღესიანიანად, რაეარც თქვენ ეს ჩემი ბოსტანი ამომიგდეთი.. აონრდა თქვენი პატრონი, რაეარც თქვენ აქაურობა ააონრეთი.. მოისპო თქვენი პატრონი ისე, რაეარც ეს ჩემი ნაშრომი მოსპეთ და გააქრეთი.. ისე გაქრა თქვენი პატრონი... გაქრა ქვეყნის პირიდან.. თქვენი პატრონი დასწყევლა ჩემმა გამჩენმა... დასწყევლა და მოსპო მამა ზეციერმა! — ყვიროდა ზენათი რაც ძალა და ღონე ქონდა, რომ შელმართის წვერზე წამოსკუბებულ ქონში გაეგონათ მისი გულსწყრომა.

რასაცვირველია, იქ ესმოდათ მისი ქაქანი, მისი ლანძლია. წყევლა, მატრამ პასუხს არავინ აძლევდა და არც არავინ ჩნდებოდა. ეს კიდევ უფრო აბრაზებდა ბრაზმორეულ ადამიანს და მის ლანძლავინებას დაპასრული არ ეძლეოდა.

— ასე არ შეიძლება, გალაქტიონ, არ შეიძლება, მითქემს შენთვის! — გაალმასებული დაუხვდა ზენათი სამუშევრიდან სალაძოს შინ დაბრუნებულ ქმარს.

— არ შეიძლება გეუბნები! რაცხა უნდა იღონო, თვარა ამოგვაგდეს და ეს არის!.. ამოგვაგდეს ერთიანად!.. ხმა უნდა ამოიღო.. თუ არა და მითხარი და აღარ შევაკლავ თავს არც ყანას და არც ბოსტანს... ყველაფერს მივატოვებ!.. იმისთვის ვეწვალო, რომ ოხერ ბაკულას ღორებს შევაჭამო ჩემი ნაცოდვილარი?! ბაკულას ღორე-

ბის გამოძღომისათვის ვიკლა თავი?! მითხარი, ბატონო, თუ არაჟე-
რი გვეშველება, მითხარი და აღარ ვიცოდვილები ყველაფერს თავს
დავანებებ, თუ ბაკულას ღორების საოხრებლად უნდა გახდეს ჩემი
ნამუშევარი!.. მივატოვებ ყველაფერს და მოსვენებულად ვიქნები..
გულის ხეთქას მაინც გადავრჩები არა, რატომ, რატომ კუჭკამხმარ
ბაკულას ღორებს უნდა შევაჭამო ჩემი ნაცოდვილარი?! გაუჩუმდი,
გაუჩუმდი... ნუ გაცემ ხმას!..

— ახირებული ხარ ერთი შენც—წყენით მიუგო გალაქტიონ-
მა. — ვინ გოუჩუმდა, მარა იმ ოხერთან რომ არაფერი გამეწყო?!
პირადად წავეციდე, კაცებიც მიეუგზავნე, დავემუქრე ასე გიზამ,
ისე გიზამ-თქვა, მარა სინდის დაკარგულთან რა გაგივია დასწყევლოს
ღმერთმა ის დღე, როცა მაგ ოხერი იმ ჩაგებში დასახლდა.. რა მო-
სვენებულად ვიყავით!..

— დასწყევლა ღმერთმა, დასწყევლა ღმერთმა ვიძახოთ!.. რაიმე
საშეალება უნდა ვიხმაროთ, თვარა მარტო დასწყევლა ღმერთმას
ძახილით ბევრი გაგიკეთდება... მე გეტყვი საშველი დაგადგება!..
ამით არაფერი გვეშველება, ადამიანო, არა, არა!

— მაცალე, ბატონო, ეგებ რამე ვიღონო... მაცალე!

— მაცალე, მაცალე... ამას კაი ხანია იძახი და საქმე თუ ხდება
თვარა საშველი არაფერი გვეძლევა!.. როდემდი უნდა იყვეს ასე?
ასე რაჟა უნდა გადაათელიო კაცმა თავი იმ წუნკლიანს!.. სულ შენი
ბრალია, შენი ბრალი.. თითქოს ერიდები იმ გასაწყვეტლებს!..

— ვინ ერიდება, ერთი შენ კიდევ! — გაჯავრებით წამოიძახა გა-
ლაქტიონმა. — ვინ ერიდება?.. რაში უნდა მოვერიდო, მითხარი
ერთი?!

— აბა რაა? სამართალი რაჟა ვერ ვიშოვო, თუკი კაცი მოვინ-
დოკები!

— ჰო, სულში ვიჩივლო?

— ვიჩივლებ, აბა!.. მიერთრე ოხერს და მუდრეგს... არაფრით
არ დავზოგავს!..

— დიახ, სულში მიათრევე და დაიმედებული იყავი, რომ შენი
სიმართლე გაგამარჯვებინებს, დიახ!.. ვიცი მე სულის საქმე!.. უნდა
გადაჰყვე საჩივარს და ბოლოს, ვინ იცის, რაჟა შეგიტრიალებენ ნა-
თელ საქმეს!.. არა, შენ გენაცვალე, თელათ რომ ყველაფერი ამიოხ-
როს, სულში ფეხს ვერავენ შემადგმევიანებს, ვერა! — გადაწყვეტი-
ლებით წარმოთქვა გალაქტიონმა.—ვიცი მე სულის აშბავი!.. არა,
საქმეს სხვა გზით უნდა შემოუაროთ!—დაატანა მან.

— სადაა მერე ეს ჭევა გზა?—ცხარობდა ზენათი.

— გეუბნები მაკალე-თქვა... მოვიფიქრებ... ჯერ ვერ გამოვნახე... მაკალე და გამოვნახე...

— ა, ბატონო, გვიცლია და ვნახავთ! მარა ეს მითქვამს შენთვის. გალაქტიონ, თუ ასე გაგრძელდა, მე ხელს აღარაფერს მოგვიღებ, იცოდე... რაზე ვიწვალო... რისთვის ვაკლა ჩემი თავი?! ბაკულას ღორების საძლომის მოსაყვანად ვიშრომო?..

— რაცხას ვიღონებ, შე ქალო! ვიღონებ, ოღონდ მაკალე!.. საიმედო გზას გამოვნახავ და გადაერჩები მაგ დაწყევლილ მეზობელსაც და შენს წყრომასაც! — ღიმილით დაათვა გალაქტიონმა. — კი, შენ ნუ მომიკვლები!

რამდენიმე დღის შემდეგ გალაქტიონი დაბა №-ს გაემგზავრა თავის ცოლის ნათესავეთან, ალექსანდრე შარაქაძესთან, რომელიც თარჯიმნად მსახურობდა მაზრის სამართველოში.

დილა იყო, როცა იგი ჩავიდა დაბაში და რადგან ალექსანდრე შინ აღარ დაუხვდა, სამართველოში მივიდა მასთან.

— ოჰ, გალაქტიონს გაუმარჯოს! გაუმარჯოს გალაქტიონს! — მხიარულად შეეგება ყმაწვილი კაცი გალაქტიონს! — საიდან? რა ამბავია, რამ გაგსარჯა?.. ხომ მშვიდობით, კარგად...

— გმადლობთ, შენი ჰირიმე!.. ვართ ღმერთით ერთგვარად. თქვენგან დავიწყებული, დაკარგული.. ვართ რავარც მოგესხენება საწყალი კაცის ამბავი! — მიუგო თავის შებრალებით გალაქტიონმა.

— ზენათი ხომ კარგადაა?..

— გმადლობ... არის ისე!

— რა ხანია არ მინახავს!

— მერე ასე უნდა.. ნამეტანი დაგვივიწყე, შაშა ჩემო!.. სულ აღარ გაგვიხსენე... მართალია, პატარა კაცები ვართ, მარა რაც რომ იყოს, რაც უღირსნი გყავდეთ, მაინც ნათესავეები გყავართ... საწყლები ვართ, მარა ამიტომ კი არ უნდა მოგვიძულოთ თქვენისთანებმა... უფრო უნდა შეგვიბრალოთ და შეგვიწყალოთ ხოლმე!

— ღმერთმა ნუ დაგივიწყოსთ, რას ამბობ შე კაცო!.. აბა კარგად ხართ?

— გასლავართ!.. ვებრძვით საწყლები ცხოვრებას რაც ვაგვიწყობა, მარა რაი, მაინც საწყლად ვართ და ვიქნებით ჩვენს დღეში.

— რამ გაგასაწყლად, შე კაი კაცო! — მხიარულად მიაძახა ალექსანდრემ და მხარზე ხელი დაადო.

— საწყლები ვართ. შენი ჰირი შემეყაროს, უსაშვალონი, აბა რა ვართ! ვისაც უნდა, ჩვენ გვაწუხებს და ჩვენ გვჯობის!.. შემთარე არავინ გყავს! — ნაღვლიანად წარმოთქვა გალაქტიონმა.

— ვილაცას შეუწუხებიხარ, გალაქტიონ, გეტყობა!.. და ძალიანაც შეუწუხებიხარ, გეტყობა!

— სწორედ მასეა და იმიტომაც მოგაშურე, შენი ჰირომე!.. აგერ მობრძანდი და მოგახსენებ ყველაფერს!— გაიწვია ოთახის თავისუფალ ყურეში ალექსანდრე.

— მართალია, უჩემოთაც ბევრი მაწუხებელი გყავს, შაშა, — დაიწყო გალაქტიონმა, როცა ორივენი დასხდნენ. ისე რომ მათ მუსაიფს ვერავინ შეუშლიდა, — მარა ჩვენთვისაც უნდა შეიწუხო თავი... ღმერთი მოიძაღლიერე, ყურადღება მოგვაქციე... შეგვეწიე! არც ისე შორებლები ვართ, შენი ჰირო შემეყაროს, რომ ჩვენი გასაჭირი არაფრად მიიჩნიოს!.. მე თუ არა, შენი ნათესავი ქალი, შენი სისხლ-ხორცი მინც შეიბრალები.. ერთობ შეწუხებულა, შაშა ჩემო, მეტრისმეტად შეწუხებულა და იმიტომ მოგაშურე!

— თუკი რაზე შემიძლია!..

— კი შეგიძლია!.. რაეა არ შეგიძლია!.. შენ თუ არ შეგიძლია, აბა ვილას შეუძლია!

— თუკი მასეა, კი ბატონო... ვინ ოსერი!.. რაშია საქმე?

— სულ უბრალო საქმე შენთვის...

— ჰო!

— ერთი კაცი უნდა შემიშინო...

— რაეა?! კაცი შეგიშინო?! — შეეკითხა გაოცებული ალექსანდრე.

— დიახ!.. ერთი ოხერი, ყოვლად გაფუჭებული მეზობელი გამიჩნდა, ის უნდა შემიშინოს!

— რარიგად, გალაქტიონ?.. შეეშინდება ჩემი?.. — სიცილით ეკითხებოდა ალექსანდრე.

— კი შეეშინდება! და უნდა შემიშინო, შაშა!.. შენთვის ეს არაფერი იქნება, ჩვენთვის კი დიდი რამე! ერთი დღე დაკარგო ჩვენთვის — რა უნდა იყოს შენთვის?.. ესეც ისე, რომ იმ დღეს ტკბილად გაატარებ და ისიამოვნებ!.. მართალია, ჩვენისთანა საწყალი ნათესავი მაწუხებელია, ჩვენზე უკეთესებს სცნობ და მათთან ხარ გართული, მარა ღმერთი შეგეწევა, ჩვენისთანა საწყალს და გაჭირვებულს რომ გადმოხედავ ხანდისხანს!.. ჰოდა იმას გთხოვ, მიკადრო შენი ღარიბი ნათესავი, მეწვიო. ჩემს ღარიბ ოჯახში... ერთი დღე გაატარო ჩემს ქონში.. შენთვის ეს არაფერი იქნება, ჩემთვის კი დიდად ეღირება, დიდად დაფასდება. კუთხე-მეზობელი გეიგებს, რომ სულ უპატრონო არ ვყოფილვართ... რომ ჩვენც გვეოლია შემწე და მფარველი... რად ეღირება ეს ჩვენთვის, ჩემო შაშა?! ერთხელ მაინც

ხომ უნდა ნახო შენი ნათესაეი... მოხვალ, ისიამოვნებ, დროს გაატარებ და წამობრძანდები... მე კი ამით ძალიან შემეწევი!

— კი, ბატონო, დიდი სიამოვნებით!.. თუ ამაზე მეტი არაფერია. ეს რა!—სიცილით თქვა ალექსანდრემ.—სულ ადვილი საქმე ყოფილა!

— შენ არ მომიკვდე სხვა არაფერი... მარა შენთან ერთად თქვენი სეკრეტარიც მაწვიე, შაშა!

— ჩვენი სეკრეტარი?!— გაიკვირვა ალექსანდრემ.

— სეკრეტარი!.. უსათუოდ შენთან ერთად უნდა მაწვიო!

— რუსია, კაცო! ქართული ინჩი-ბინჩი არ იცის!

— უსათუოდ უნდა მაწვიო!—მუდარით მიმართა გალაქტიონმა. — შენთან ისიც დეინახოს ჩემმა კუთხე-მეზობელმა ჩემს ეზონილაგზე!.. გეფიცებით, სიამოვნების მეტი არა შეგხვდებათ რა... სადილს მიირთმევთ, ისიამოვნებთ და წამობრძანდებით და ეს იქნება!

— კი მარა აქ რალაც ამბავია!—ველარ მოითმინა და ღიმილით უთხრა ალექსანდრემ.—შენ რალაც სხვა განზრახვა გაქვს!

— არ მოგიკვდეს ჩემი თავი, თუ დამიჭერებ, არაფერი სხვა გარდა იმისა, რომ თქვენისთანა თვალსაჩინო პირებით თავი დევიფარო მაწუხებელ მეზობლისაგან!.. თქვენისთანა პირებს რომ ჩემს ქოხში დაგინახვენ, იტყვიან, რომ სულ უპატრონოდ აო ვყოფილვართ და მტერი შეშინდება, მოგვერიდება, ისე თამამად ველარ მოგვხედავს!..

— ეს ჩვენი შესაშინებელი კაცი ვინ არი, გამაგებინე ერთი? ეგებ ისეთი იყოს, რომ თავათ შეგვაშინოს იმის მაგივრად, რომ ჩვენ შევაშინოთ! — იცინოდა ალექსანდრე.

— კაცმა რომ შეხედოს მართლდაც შეეშინდება, ისეთი შეხედულობისაა!

— ვინაა, რა კაცია, გალაქტიონ?

— მეზობელია ჩემი... ჩემი მოგვარე... ვიყავი ამდენი ხანი, შენ გენაცვალე. ჩემს პაწია კარ-მიდამოზე მოსვენებით... ახლო არავინ მყავდა მეზობლად... არავინ ვაწუხებდი, არავინ მაწუხებდა... ვცხოვრობდი ჩემთვის... მიხაროდა!.. მოგესხენება რა სარიდალია ახლო მეზობელი, და თუ ნამუსსდაშორებული გაგიჩნდა, ხომ გაგიმწარდება ადამიანს სიცოცხლე და ეს არი!.. ასეთი უბედურება მეწია მეც... გამიჩნდა მეზობელი ყოვლად გაფუჭებული, სინდისდაკარგული ადამიანი... ამიკლო, შაშა ჩემო... ამიკლო, აღარა ვართ მისგან!

— ვინაა?

— ისევე ჩემი მოგვარე!.. ამას წინათ გამოეყო ძმას... წამოცლო

რალაც ქობი რგებოდა, ჩადგა ჩემს ზევით ჯაგებში, ისეთ ადგილას რავა იფიქრებდი თუ იქ როდისმე ადამიანი დასახლდებოდა... ეგ, რასაკვირველია, მისი საქმეა, ღმერთმა მშვიდობა მისცეს, ჯანდაბაში წასულა, კისერი უტეხია, უარეს ადგილსაც გადაკარგულა—მე არ შევწუხდები ამისთვის, მარა მისმა მეზობლობამ ამომადლო კაცი, ნამეტან ზარალს მაყენებს, შაშაი.. არა აქვს საქმელი, არა აქვს სასმელი, ყრიან საცოდავად... ოჯახში, როგორც იცი, ყავს წვრილფეხი, მარა რომ არ ყოლებოდა ერჩია... თავისათვის საქმელი რომ არა აქვს, პირუტყვის რაჩიგად შემოუაროს?! უყრია მშვიერი, შეწუხებულ, შიმშილისაგან გამწარებული... ჰყავს დამწყვრეული და ეს მშვიერი პირუტყვები, კუჭი რომ ეეწვისთ ხოლმე, ისე ჰყვირიან და წყნაიან, რომ იქ დაბლა ჩვენ ვიწვით მათი საცოდაობით, ისეთი ხმა მოდის.. გული შეგიწუხდება ადამიანს.. მარა ეს რაა, უბედურება ის არის, ამ შიმშილისაგან გამწარებულებს რომ გამოუშვებენ სამწყვრევიდან... მაშინ არი ჩვენი შეწუხება... თავის მახლობლად რას ნახავენ, ეკლისა და ბარძგების მეტი არაფერია... დაეშვებიან ჩვენკენ... ეზოს ყურეში პაწია გვარიანი ბოსტანი გვაქვს... ზენათის ნაკეთებია... მოაშურებენ პირდაპირ აქეთკენ უსათუოდ! მოვარდებიან და, ერთი თვალის დახამხამებაში, სულ ერთიან გადაჰამენ, გადასისნიან, აღარაფერს დატოვებენი კეტი რომ უბრაფუნო, ვერ მოაშორებ ისეთი რალაც დაწყევლილებია—ალბათ, შიმშილისაგან რომ გამწარებული არიან. ძალი მყავს ბედათ იმისთანა, რომ სისხლით შეღებავს ხოლმე მათ და იმისი შიში აქვთ კიდევ, თვარა ჩვენი საშველი არ იქნებოდა.. ვებეწუე, ვემულარე ნუ ამომავდებთ—თქვა, ჩამომაშორე ეს შენი ღორები და ცხვრები—თქვა, კაცებიც მივუგზავნე, ეკლესიაზე ხალხში შევჩივლე, მარა არ იქნა, არაფერი არ გამოვიდა; სულში ვერ წეველი საჩივლეღად.... მეშინია ჯერ საქმეს დასასრული არ მიეცემა, მერე მოწმეების თრევა, მათი ჰმევა-სმევა, ხარჯი, გაცდენა და ბოლოს შეიძლება საქმე ისე შემოგიტრიალონ, რომ ბრალი მე დამდვან, რომ პატარა ბოსტანი მქონებია და საკმარისად ვერ ძლებიან შიგ იმ ჩემი მეზობლის ღორები!

ალექსანდრემ ამაზე გულიანად გადიხარხარა.

— კი, ადვილი შესაძლებელია.. სულში სწორედ ვერ შევალ... ცეცხლივით მეშინია. ამიტომ მოგაშურე ახლა შენ... მეტი გზა არ მაქვს! სხვანაირად უნდა შემოვუარო საქმეს... თქვენი ერთი ფეხის დაბაკუნება ათასწილად მიჩივნია სასამართლოში თრევას და წოწიალს... ერთს თვალებს გადმოუბრიალებთ, ხმამაღლა შესძახებთ ისე, რომ კანკალს დააწყებინებთ ქე რომ იცით, და საქმეც მოგვარ-

დება... ჰოდა იმიტომ ვთხოვთ, რომ თქვენებურად შემეშინოთ ის ჩემი მაწუხებელი!

— კი, მარა, რარიგად შევაშინოთ მაინც?.. უჩივლებ და დავი-
ბაროთ, თუ როგორ?—იციხოდა ალექსანდრე.

— არა, შენი ჰირიმე, არა!.. მაგდენზე რაღა გავრჯით!.. თქვენ
ოღონდ მობრძანდით ჩემსას, სადილი მიირთვით — დაგინახონ ჩემ-
სას, დაგინახონ რომ თქვენისთანა კეთილები მყავს მფარველად და
სხვა არაფერი!

— შეშინდება მერე ამით ის შენი მეზობელი?

— კი შეშინდება.. რას ბრძანებთ—თქვენ დაგინახავსთ და სუ-
ლი კოჭებში არ ჩოუვა?!. რას ბრძანებ!

— აბა კარგი... რაკი მასეა—სიცილით წამოიძახა ალექსან-
დრემ. — ეგ მართლაც სულ იოლი საქმე ყოფილა!

— მომავალი კვირისათვის უნდა დამავალოთ!.. გზის ნუ შეგე-
შინდებათ... შორი არ არის, გზა კარგია... კრეულაზე ხილია ჩატე-
ხილი, მარა ახლა ყველგან მშვენიერი ფონია... სულ არ შეწუხდე-
ბით, სულ!.. სეკრეტარი უსათუოდ უნდა მაწვიო, შენს სულს და-
ვენაცვლე... უსათუოდ!

— აი, ბატონო, წამობრძანდი... ვუთხრათ!

გაიარეს ხალხით გაქედილი სამართველოს რამდენიმე ოთახი და
შევიდნენ ოთახში, სადაც განიერ მაგიდას უჯდა შუახნის გრძელ-
წვერა, თვალმდებერილი მოხელე, სამაზრო სამართველოს კანცე-
ლარიის უფროსი.

— რა ამბავია?—ქართულად ჰკითხა მან ალექსანდრეს და თვა-
ლი გალაქტიონს გადაავლო.

— ვასილ ივანიჩ, ეს გახლავთ ჩვენებური აზნაური გალაქტიონ
ხოსოლიანი... გთხოვს პატივი სცეთ და კვირას ეწვიოთ სადილად
ოჯახში—რუსულად უთხრა მას ალექსანდრემ.

ვასილ ივანიჩი გაკვირვებით მიაშტერდა ალექსანდრეს.

— ჩტო ეტო ზნაჩიტ?!.—იკეთხა მან.

— გთხოვთ ეწვიოთ სადილად. სხვა მეტი არაფერი!—მიუგო
ალექსანდრემ.

— საიდან!.. მე მაგ თვალითაც არასოდეს არ მინახავს!.. აჲ ხრი-
კი იქნება რაღაც... დაიკარგოს იქით!—წაილაპარაკა ვასილ ივა-
ნიჩმა და ისევ განაგრძო შეწყვეტილი წერა.

— არაფერი ხრაკი არაა, ვასილ ივანიჩ!.. მაგას უნდა, რომ ჩვენ
შევუშინოთ ერთი მისი მაწუხებელი მეზობელი!

— შევეუშინოთ?..—გაოცდა სეკრეტარი.

— ჰო — სიცილით უთხრა ალექსანდრემ.

— მერე მე რა საფრთხობელა მნახა?! რას მიედ-მოედებით! — წამოიძახა მან.

გალაქტიონი შეშმა შეიბურო: ეს კაცი ისე ლაპარაკობდა, რომ ეტყობოდა უარს ამბობდა. მაგრამ ალექსანდრემ ერთი გადახედა მას და მერე თავისი მოქნილი ენით დაწვრილებით მოუყვა ვასილ ივანის გალაქტიონის ამბავი იმგვარად, რომ ის კიდეც გააცინა გულიანად.

— ნუ ნაპუგაემ, ჩორტ ვოზში, ესლი ტაკი — სიცილით წამოიძახა მან.

გალაქტიონი შეინძმუნა.

— რაო, შაშა... შენი ჰირიმე? — გაუბედავად შეჰკითხა ალექსანდრეს.

— თანახმაა... მოდის — მიუგო მან.

— ცაუდით.. ცაუდით! — მხარულად უთხრა ვასილ ივანისმაც. გახარებულმა გალაქტიონმა დაბლა : თავი დაუკრა მადლობის ნიშნად და განალისებულმა ისევ ალექსანდრეს მიმართა:

— აბა, შაშას ჰირი შემეყაროს!.. კვირას მოგელით უსათუოდ, მიერთმევთ სადილს და წამობრძანდებით გინდ იმ სალამოსეე, გინდ აღრიანად... საქმე არ დაგიბრკოლდებია! — ხვანხვალობდა გალაქტიონი.

— ნაპუგაიმ, ნაპუგაიმ — იცინოდა მდივანი, — ოღონდ ღვინო კარგი იქნეს, თორემ ისე ვერ შევაშინებთ!.. ხომ აქვს კარგი ღვინო?

— რაო, შენი ჰირიმე, რას ბრძანებს? — იკითხა გალაქტიონმა.

— ღვინო თუ გაქვს კარგიო?

— იცოცხლეთ.. საუკეთესო ღვინოს მოგართმევთ!.. რომ არ მქონდეს, ვიშოვი... თქვენისთანა პირებს ჩემს ოჯახში დავინახავ და ცუდ რამეს მოგართმევთ, რაეა გეკადრებათ!.. აბა, შაშა, შენი ჰირიმე, კვირას უსათუოდი!..

— კარკი, კარკი!.. მოუდის, მოუდის! — მხარზე ხელის დარტყმით უთხრა ვასილ ივანისმა გალაქტიონს, რამაც ის კიდეც უჯრო გააზარა.

გალაქტიონმა რამოდენიმეჯერ თავი დაბლა დაუკრა, სახეგანაუბრებელი ოთახიდან გამოყვა ალექსანდრეს და ისევ მიმართა მას მუდარით:

— შენ სულს ვენაცვალე, შაშა!.. თუ ჩემი ოჯახის სიკეთე გასურს, ა... ახლა დევინახავ!.. არ გადამითქვით დანაპირები!.. გამზადე შენი ჩაუკუნო მონა-მოსამსახურედ!

— კი ბატონო, კი... გადაწყვეტილია... კვირას უსათუოდ შენთან ვართ... შენსას ვქეიფობთ!

— თუ შეგხვდესთ იმისთანა ვინმე, რომ მხარი დაგიმშვენოსთ და თქვენი სასიამოვნო იყვეს, ნუ დამირიდებთ, წამოიყვანეთ ისიც!.. ერთი სიტყვით ისე მოდით, რომ თქვენდა გულისაჩერად დრო გაატაროთ, მასპინძლობა კი ჩემს კისერზე იყოს!... ისეთი დრო უნდა გავატარებინოთ, რომ სამახსოვროთ გექნესთ!.. კი!..

— აბა ჰე, აბა ჰე!.. ჩვენც მაგისათვის მოვემზადებით!— მხიარულად უთხრა ალექსანდრემ.

— აბა ახლა მე გავსწევ და აქედანვე შევუდგები თადარიგს, რომ თქვენდა საკადრისად დაგიხვდეთ, როგორც თქვენისთანა პატრონსან პირებს შეეფერება!.. აბა ჰე, შაშას კირიმე. ასე შენ გენაცვალე! — დასასრული აღარ ეძლეოდა გალაქტიონის მუდარას და ხეფუნას. დაბოლოს როგორც იქნა გამოემშვიდობა უმაწვალ კაცს და სიხარულისაგან აფრენილმა, რომ საქმე სასურველად ეწყობოდა, გასწია შინისაკენ.

სახლში დაბრუნებული გალაქტიონი მეორე დღიდანვე შეუდგა სტუმრების მიღებისათვის თადარიგს. ოჯახში დილიდან საღამომდი მხოლოდ იმის შესახებ იყო ლაპარაკი თუ რა მოემზადებინათ და როგორ მოეწყობათ ყველაფერი ისე; რომ სტუმრებს სიამოვნებოდათ. არც გალაქტიონს. არც ზენათის არაფერი არ ეშურებოდ თ ამათთვის, რა კი მათგან დიდ სიკეთეს გამოელოდნენ. მეზობლებშიაც გაიგეს, რომ ხოსოლიანებისას უცხო სტუმრებს მოელოდნენ კვირისათვის და ყველა დაინტერესდა მათი დანახვით. მხოლოდ პაქულ სლორები და ცხვარი თავისას მაინც არ იშლიდნენ და იმ კვირამდე ბარე ორჯერ მოინახულეს მათი საყვარელი ზენათის ბოსტანი.

— მაცალეთ, მალე ყველას გაგიჩინოთ მუსსლებში კანკალს, მალე! — იმუქრებოდა გალაქტიონი. — მალე სულ სხვა გუნებზე შეყოლებით ყველა!.. დაგიდგებათ თვალები! — დაიმედებულად ამბობდა იგი.

სანატრელი კვირაც გათენდა. ზენათის ყველაფერი დამზადებული ჰქონდა სტუმრებისათვის: ცხვარი, ინდაური, ქათმები, აუარებელი ხაჭაპური, გომიჯები, ნაშონი იყო მშვენიერი წითელი ღვინო. დილიდანვე მომყოლი კაცი აახლეს დაბაში და კიკილო გზაზე დააყენეს მოდარაჯედ, რომ დროზე ეცნობებია ცხენოსან სტუმრების მოახლოება.

დღე საგანგებო კარგი გათენდა.

ჯერ აღრიანი იყო კიდეც, სტუმრები რომ გალაქტიონის ეზოში

ჩამოხტნენ, სადაც მათ დიდი მოწიწებით შეეგებნენ გალაქტიონი და ზენათი თავიანთი შვილებით.

რადგან ჯერ წირვა გამოსული არ იყო და ეკლესიაც ახლოს იყო, სტუმრებმა უარი არა თქვეს ეკლესიაში წასვლაზე, რამაც დიდად გაახარა მასპინძელი. გალაქტიონი ეახლა თავის სტუმრებს და მის სიხარულს საზღვარი არ ქონებია, როცა ხედავდა თუ რა მოწიწებით აძლევდა სალამს მის სტუმრებს ნაწირვებს ეკლესიის გალავანში გამოფენილი ხალხი.

— ნუ ჩტო, პუგაიტსა? — დიმილით, ხმადაბლა წაულაპარაკა ვასილ ივანიჩმა ალექსანდრეს.

— ალბათ! — სიცილითვე მიუგო მან. — ჩვენი მასპინძელი ერთობ მხიარულადაა... ალბათ, ატყობს! — ეშმაკურად დაატანა მან.

ეკლესიიდან შემატებული კამპანია ჩამოვიდა გალაქტიონისას. უცხო სტუმრებს მიემატა ახალგაზრდა მღვდელი და გალაქტიონის რამდენიმე მეზობელი.

რადგან დღეც ხელს უწყობდა, ეზოშიც ფართოდ შტოგაშლილი ცაცხვი იყო, გადაწყვიტეს სუფრა ამ ცაცხვის სასიამოვნო ჩრდილში გაეშალათ.

ერთ წამში სუფრა აივსო ათასნაირი ნამზადებულობით, ღვინიანი ბოთლებით, პატარ-პატარა ნიტრებით და ქიქებით. პატარა საზოგადოება მხიარულად შემოუსხდა სუფრას; ამ მხიარულობას ხელს უწყობდა გალაქტიონის გულუხეობა, ზენათის თავგადადებული მსაპურება და განსაკუთრებით ის მშვენიერი, მართლაც და სანაქებო ღვინო, გალაქტიონმა რომ სტუმრებს მიუტანა. სადღეგრძელო სადღეგრძელოზე ისმებოდა ძალდაუტანებლად, სიამოვნებით; ყველანი უსურვებდნენ მასპინძლებს სიკეთეს, ბედნიერებას, მშვიდობიან ცხოვრებას, მტრის აშორებას და ყველა მათ შემწუხებლის დამხობას.

ზენათიც და გალაქტიონიც სიხარულისაგან, რომ ასეთი შნოიანი ნადიმი ჰქონდათ, ცაში დაფრინავდნენ. სიხარულმა უფრო იმატა, როცა მეტისმეტად გამხიარულებულმა ვასილ ივანიჩმა, რომელიც უპრაგონოდ სცილიდა სტაქანს სტაქანზე, ზენათისთან, თუმცა ბანცალით, მაგრამ შაინც იცეკვა ლეკური და შემდეგ ჩააცვიდა მის გვერდით მჯდომ. მოძღვარს და საშველი არ მისცა სანამ ზეზე არ წამოაგდო ლეკურის საცეკვაოდ.

— პლიაში, პოპინა, ჩორტ ტებია პობერიი ნუ! — იძახოდა იგი და ამასთანავე მუშტებს ურტყამდა კისერში მეორე გვერდით მჯდომარე ალექსანდრეს, ხან გულში იკრავდა და უშვერ სიტყვებს თავაზობდა. მღვდელმა შემოიკრა თავისი ანაფორის კალთები და ერთი

ორი ჩამოუარა. საერთო სიცილს და მხიარულებას დასასრული არ ჰქონდა. მადლიერა გალაქტიონი მადლობის ნიშნად ხელზე ემთხვია მოძღვარს, მერე გადაეხვია ალექსანდრეს და გულმხურვალედ გადაეკოცნა.

სწორედ ამ დროს მოესმა ტრუბიას გამწარებული ყეფა. ზენათი, რომელიც ალექსანდრეს ფეხით იყო მორთხმული და ესიყვარულებოდა, ამის გაგონებაზე წამოეარდა ზეზე და ბოსტნისკენ გადიხება; აქეთკენ გავარდა კიკილო და, რადგან ყეფა არ წყნარდებოდა, აქეთკენვე გაიქცა პიტია, რომელსაც შემოფოთებულმა ზენათიმ გადაულაპარაკა:

— პიტია გადიხედე. შვილო, რა ამბავია

მაგრამ გადახედვა საჭირო აღარ იყო ამბის გასაგებად. ცხადად ჩანდა რაც ამბავი იყო. ბოსტნიდან ცაცხვისაკენ გიჟურად მორბოდა ორი ღორი, მათ უკან ორი ცხვარი, მორბოდნენ შურდულივით, სადაც სუფრა იყო გაშლილი, უტიფრად ეცნენ და შევარდნენ სუფრის ქვეშ და თუმცა ყოველი მხრიდან რტყმევით და ცემით უმასპინძლებოდნენ, მაინც არ იცვლიდნენ ფეხს და ფაცურობდნენ, რომ რაც შეიძლებოდა მეტი რამესათვის მოედვით ტუჩი. ალბათ, საქმელების სუნმა გააბრუა და თავდავწყებამდის მიიყვანა დამშეული ოთხფეხი და აღარ ერიდებოდნენ აღარც ტრუბიას კბილებს, აღარც იმ ჭოხებს, რომელსაც გალაქტიონთან ერთად თავაზობდნენ სტუმრებიც.

ამგვარი ამათი საქციელი თან აკვირვებდა ყველას, თან უზომო სიცილს იწვევდა.

ალექსანდრე იცინოდა ისე გულიანად, რომ იქაურობას აყრუებდა.

— ა, ბატონო, ა!.. შეიძლება ამისთანა ამბავი? — იძახოდა გამწარებული გალაქტიონი. — შეიძლება ამისთანა ამბავი?.. მიშველეთ რამე... ყველას გეხვეწებით, დამიხსენით იმ კაცისაგანი.. მეზობელი კი არა, ამოხრებელი მტერია ჩემი.. მიხსენით იმ არაწმინდისაგანი! — შესჩიოდა იგი ყველას და უმეტესად ვასილ ივანიჩს და ალექსანდრეს.

ამგვარადვე წაიქობდა ზენათიც. ალექსანდრე კი ისევ ხითხითებდა, ხითხითებდა გულიანად.

— ვასილ ივანიჩ, სვინი, ვასილ ივანიჩი ხა, ხა,ხა! სვინი, სვინი — ჩასძახოდა იგი ვასილ ივანიჩს.

მაგრამ ვასილ ივანიჩს ამ ქვეყნის აღარაფერი ესმოდა, ისე იყო მთვრალი და მხოლოდ ლულულულობდა.

— ნუ ტებია... სამ სვინია კ ჩორტუ!

— მიშველეთ, ერთი ახლა შეუტუცხუნოს საკადრისად... მიშველეთი — ეხვეწებოდა გალაქტიონი ალექსანდრეს.

— რაღას შეუტუცხუნებს, ვერ ხედავ, შე დალოცვილო, კაცი საიქიოს მიემგზავრება! — იცინოდა ალექსანდრე.

— შენ აბა, შენ... მიქენი წყალობა!.. თუ ჩემი სიკეთე გსურს, დაუფთხე ანგელოზები იმ უსინდისოს, მაგ ნამუს დაკარგულს! შაშა, მიშველეთი — ემუდარებოდა გალაქტიონი.

— გვიშველეთ, შენ სულს დავენაცვლეთ!.. აღარა ვართ მაგისაგან... გვიშველეთ, შენი ჰირი შემეყაროს! — ევლებოდა თავის ნათესავს ზენათი.

— გამოფხიზლდება აგერ და მაშინ, მაშინ!.. რა ყოფილა, რა ამბავია ეს... მართლა უცნაურობა რამე არაა?! რა ნახეს ჩემმა თვალებმა! — შეუჩერებლად ხითხითებდა ალექსანდრე.

ლორები ერთი ვაი-ვაგლახით გადადენეს ეზოს გადაღმა, უგრძობლად მთვრალი ვასილ ივანიჩი იქვე ცაცხვექვეშ გაშლილ ნოხზე დააწვინეს მოწიწებით, იმის იმედით, რომ ტკბილი ძილის შემდეგ გამოფხიზლებული დაიბარებდა ბაკულას. და ცოლ-ქმარის გულის საჭეროთ შეტუქსავდა.

მაგრამ როცა საღამოს ვასილ ივანიჩმა გამოიღვიძა და ალექსანდრეც მოუყვა თუ რა ამბავი დააწიეს გალაქტიონის ეზოში ბაკულას ღორებმა, მან, ბურანში მყოფმა; ხელის გაქნევით წამოიძახა — ანუ იხ კ ჩორტუ! და წასვლა აიჩქარა. და რადგან დაჯინებით მოითხოვდა გამგზავრებას, ცხენებიც მოართვეს. და უცხო სტუმრები ისე გამოეთხოვნენ მასპინძელს, რომ მათი მაწუხებელი მეზობელი თვალითაც არ დაუხნახავთ და სიტყვაც არ გაუციათ მისთვის.

თუმცა ამან ცოტა არ იყოს გული დასწყვიტა ცოლ-ქმარს, მაგრამ ორივე დიდად კმაყოფილნი იყვნენ, რომ სტუმრებს სანაქებოდ დაუხვდნენ, ასიამოვნეს და იმ იმედით რჩებოდნენ, რომ დღევანდელი დღე თავის ვავლენას იქონიებდა წინათ დაუერიდებელ მეზობლებზე.

ამის გამო, თუ სხვა მიზეზით, მართლაც ერთ ხანზე ზენათის ბოსტანს შეღავათი მიეცა, შიგ ბაკულას ღორებს ფეხი აღარ შეუღვამთ, შესწყდა წინანდელი ზენათის ქაქანი; ტრუბიას ყეფა, ლანძღვა, გინება, რაც ბოსტანიდან მაღლა სერზე მცხოვრებთ ეგზავნებოდათ. თითქოს სასურველი მშვიდობიანობა ჩამოეარდა, იმედი გამართლებულიყოს და ნახმარ საშუალებას გაეჭრას, ისე ჰგავდა.

ცოლ-ქმარი ხოსოლიანები დიდად მოხარულნი იყვნენ: მაგრამ სიხარული ხანმოკლე გამოდგა. ორიოდვე კვირის შემდეგ ღორებმა ისევ განაახლეს თავისი ჩვეულება, ისევ იწყეს ზენათის ბოსტნის

აწიოკება და რაც ხანი გადიოდა, თითქოს ჯინაზე, მეტსა და მეტს-
ზარალს აყენებდნენ, მეტად და მეტად ჯიჯინდნენ იქაურობას.

გამწარებულმა გალაქტიონმა თავის მფარველებს მიაშურა.

— რას შეება შენი მეზობლის ღორები? — სიცილით ჰკითხა
ალექსანდრემ გალაქტიონი რომ დაინახა. — შეშინებულია თუ
არა?.. კაცო, რა ღორები ჰყოლია... რა ჯიშისაა თუ ღმერთი გწამს?!
ხა, ხა, ხა!

— იცოცხლე იმას თავისი მოუვიდა... და აქამდისინ თქვენი წყა-
ლობით ერთობ მოსვენებული ვიყავით... მარა ახლა ისევ...

— ჰო!

— ისევ წინანდებურად დეიწყეს... ამომიგდეს ნოფლარის ვე-
რასგზით ვერ მოვიშორე! ნამეტან ზარალს მაყენებენ, შაშა ჩემო!

— გადუარა შიშმა აბა! — გაიცინა ალექსანდრემ.

— უნდა მიშველოთ, შაშა!.. მარა ისე უნდა შემეწიოთ, რომ
სამიღღმჩიოდ ჩამომშორდეს... მაგისთანას სხვანაირად უნდა მოექ-
ცეთ... რომ გონება დეებნას!

— აბა კიდევ შევაშინოთ... მარა უფრო მაგრად!

ამ დროს ოთახში ვასილ ივანიჩიც შემოვიდა.

— ნუ ჩტო, — მიმართა მან გალაქტიონს, — ისპუგალის?

— გადუვლია შიშს! — რუსულად მიუგო ალექსანდრემ.

— აბა არ შენაგვძლებია შეშინება! — გაიცინა ვასილ ივანიჩმა.

— ახლა ის უნდა, რომ სხვანაირად, უფრო მაგრად შევაშინოთ!..
უფრო კარგი ღვინით!..

— აბა მაგის მეტი საქმე აღარ გვექონია... მაგის მეზობლები ვა-
შინოთ! — წაილაპარაკა ვასილ ივანიჩმა და გაშორდა.

მეტად გულდაწყვეტილი დაჭრუნდა გალაქტიონი შინ, რომ
არაფრად მიიჩნის მისი შეწუხება მისმა საიმედო პირებმა.

— აბა იმისთვის გაეწიეთ ამდენი ხარჯი, რომ მარტო შეესვათ,
შეეთხვლიპათ ყველაფერი და არაფერში გამოგვედგომოდნენ?.. —
წამოიძახა ზენათიმ, როცა გალაქტიონი მოუყვა თუ როგორ შეხვ-
დნენ მას დაბაში. — იმისათვის გაგვაწიევის ამდენი ხარჯი, რომ
თხერ ბაკულასაგან ვერ დაგვიფარონ?! აბა რაღა შეუძლიათ მაგათ-
თანა ოხრებს?!.

გალაქტიონი კიდევ იმედით იყო მათზე და ორჯელ-სამჯერ კიდევ
მოიარა დაბა და ინახულა ვასილ ივანიჩიც და ალექსანდრეც; მაგ-
რამ მისთვის არავინ სცალოდა, მისთვის თავს არავინ იწუხებდა და,
როგორც ეტყობოდა, მისი პურ-მარილიც დაიწყებას ეძლეოდა.

ახლა ბაკულასთან ერთად მათზედაც გული ჭავრით ეგვებოდა
გალაქტიონსაც და ზენათისაც.

— მოგიკვდეს ჩემი თავი თუ მაგაზე, მაგ უნამუსოებზე ჯავრ-
არ ვიყარე! რამე არ დაემართე! — გულმოსულად წამოიძახა გალაქ-
ტიონმა ერთ დღეს ზენათისთან.

— რა უნდა დამართო, ერთი შენი — შეუტია ზენათიმ.

— იმ ჩემ პურ-მარილს წავამწარებ! წავამწარებ ორივეს, თუ
კაცი ვყოფილვარ!.. მეგონა კაცები იყვნენ!

— არაფერი ისულელო კიდო... არასფერში გეეხვიო, თუ ღმერთი
გწამს!.. კმარა ისიც რაც ჩვენს თავზედაა! — უთხრა ზენათიმ.

— ჩემს პურ-მარილს წავამწარებ! — დაჯინებით განიმეორა გა-
ლაქტიონმა. — კი!

გულნატყენმა გალაქტიონმა უკანასკნელ ხანებში რამოდენიმე-
ჯერ მოიარა დაბა და ერთ დღეს მაზრის სამართველოშიაც მივიდა
ალექსანდრესთან.

— რაღა მშვიდობით ბრძანდები, შაშა? — მიმართა გალაქტიონ-
მა მას.

— ვართ, შენი ჰირიმე!

— ბატონი ვასილ ივანიჩი? ხომ კარგად არის?

— კარგად არი... მარა გალაქტიონ, გირჩეენია ნუ დაენახებები! —
ღიმილით მიუგო ალექსანდრემ.

— რატომ. შენი ჰირიმე?.. საწყენი ჩემგან რა შეხვდა?

— შენგან არა პირადად... მარა შენი გამოისობით კი!

— რაღა. რაღა შენი ჰირიმე?.. გამაგებინე, შენ გენაცვალე! ღმერ-
თო მომკალი! — შეწუხდა გალაქტიონი. — გამაგებინე, შენ გენა-
ცვალე... რა იყო, რის თაობაზე?..

— რის თაობაზე და, შენსას რომ ვიყავით, ვილაცას დანოსი მოუ-
წერია მაზრის უფროსისათვის... უწერია უცნაურად თუ როგორ
დავთვერით. ნამეტურ ვასილ ივანიჩი, როგორ დაგვერია ღორები,
ვეჩირეთ ღორებში... რომ მთელი სოფლის სასაცილო გავხდით ვი-
თომ... რომ უგრძობელი ჩამოათრიეს სახლში... რა ვიცი რამდენი
რამე აპისთანები... ერთი სიტყვით, რაც იყო, რაც არა... ათასი სისა-
ძაგლე. გადარეული იყო მაზრის უფროსი, დეიბარა ვასილ ივანი-
ჩი და ისეთი დღე დააყენა, რომ შენი მოწონებული... სამსახურიდან
დათხოვას დაემუქრა, თუ კიდევ ამგვარი რამე განმეორდებაო... აბა!

— ღმერთო მომკალი ღმერთო მომკალი! — გულში მუშტის
ცემით ამბობდა გალაქტიონი.

— ჰოდა ეს მოხდა შენი მეზობლის შეშინებისათვის! მარა ის
კი არ შეგვიშინებია, ჩვენ შეგვაშინეს უფრო, შენ გენაცვალე! —
სიცილით თქვა ალექსანდრემ. — სამსახურიდან კაცი დაგიტხოვონ,
ეხუმრები შენ?..

— ღმერთო მომკალი! — წუხდა გალაქტიონი. — რა ხალხი ვართ, რა ხალხი ვართ.. ყველგან შური!.. ახლა რაი და, ამისთანა კეთილები გოუჩნდაო, და აღარაფერს ერიდებიან, რომ თქვენი თავი დამიკარგონ!.. ჰმ! რა უნდა ქნა კაცმა, რაობით უნდა იცხოვრო? ვიცი ვისიცი ნამოქმედარია ეს საქმე!.. რაობით დაუმტყიცებ, თვარა რაღა ლაპარაკი უნდა, რომ იმ ვაჟბატონის, ჩემი მეზობლის, ბაკულის ეშმაკობაა... რა ლაპარაკი უნდა! მეტი ვინ იზამდა... ვის რა ენაღვლებოდა თქვენ მყოლებოდით! ქვეყანაზე მეორე არ მოიძებნება იმდაგვარი ყოვლად წამზდარი, გაფუჭებული, ზნედაცემული ადამიანი თავს დავდებ თუ ეს მისი შტუკა არ არის!.. რაი და ჩემს ჭინაზე ვითომ!.. ღმერთო მომკალი, თქვენ რატომ შეგხვდათ ჩემი გულისათვის ასეთი უსიამოვნება, თვარა ის რაც კაცია, კი ვიცი!.. შაშა, ენახავ ერთი ვასილ ივანიჩს!

— რათ გინდა?

— ბოდიშს მაინც მოვიხდი, რომ ჩემი გულისათვის ასეთი უსიამოვნება შეუხვედრებიათ!

— აჰ, თავი დანებე! ისეთი გაჯავრებულია, რომ ყველა ჩვენებურს უშვერი სიტყვებით იხსენიებს!.. შენც უცნაურს რაცხას გეტყვისი ტყვილა გაალანძღვინებ თავს... ამ ერთ ხანზე მაინც ეერიდე! — ურჩია ალექსანდრემ.

— ღმერთო მომკალი! — შეწუხებით იმეორებდა გალაქტიონი. — ღმერთო მომკალი!.. რა ვქნა!.. მომსპო იმ კაცმა ყოველნაირად და ეს არის!.. ნეტავი კაცი მაინც იყოს!

ამ დროს ოთახში ვასილ ივანიჩიც შემოვიდა ქაღალდებით ხელში და რაღაც საქმე მოსთხოვა ალექსანდრეს. გალაქტიონმა მოწიწებით თავი დაბლა დაუკრა, მაგრამ ვასილ ივანიჩს არავითარი ყურადღება არ მიუქცევია და როცა მიუხედავად ამისა გალაქტიონმა მაინც მშვიდობა და კარგად ყოფნა უსურვა, მან წარბებშეკვრით წაილაპარაკა:

— ნუ ვას ვსებ კ ჩორტუ!..—და რაკი მოთხოვნილი საქმეც მიიღო, ოთახიდან გავიდა.

გალაქტიონმა მას თვალები გააყოლა და ისევ ალექსანდრეს მიმართა:

— შაშა, ოხერი კაცის გულისათვის ნუ გამრისხავთ თქვენი პირიმი!.. ყოველგვარად ნუ დააჯანბნებთ ჩემს თავს, ჩემს ოჯახს იმ არაწმინდას!.. ამომიგდო, ამომიგდო ნამუშევარი. მადლობა ღმერთს ქონდეს, გოუძლებთ კიდეც, მარა იმ წყეულის წყალობით თქვენისთანა კეთილები რავა უნდა შეკარგებოდეს!.. ქვენი იმედით ვიყავი გაღონიერებული და მედგა სული!.. ნუ გამიმეტებთ, შაშა, ნუ დამ-

დუპავთ, ნუ გამაგდებთ განზე უპატრონოდა.. გაფიცებთ ყველა-
ფერს!

და ამას ისეთ კილოთი ეუბნებოდა გალაქტიონი, რომ ალექსან-
დრესაც კი შეეცოდა იგი და არწმუნებდა, თავის მზიარული
სიტყვით ანუგეშებდა, რომ იგი კვლავაც მისი შემწე და დამხმარე-
იქნებოდა სადაც კი გაუვიდოდა.

სალამოს შინ დაბრუნებული გალაქტიონი კი სიამოვნებით ეუბ-
ნებოდა ზენათის:

— იცოცხლე ერთავეს სიმწრის დღე მიჰყენებიათ!.. კი!.. ის რუ-
სი კილამ სამსახურიდანაც დაუთხოვიათ... გამშრალია, ხმას არ
იღებს... იმ შენს ნათესავსაც ეტყობა კარგად მოხვედრია... არ ამ-
ხელს თელათ, თუ არა, იცოცხლე!.. ამით მაინც ვიჭერე გულის!.. არ
შეარგოთ ჩემი პურ-მარილი ჩემმა გამჩენმა!.. ხომ წავამწარე!..

— არ გაგიგონ, შე უბედურო, თვარა წამწარებას მაშინ იტყვი
შენი — უთხრა ზენათიმ.

— გამიგონ, აბა!.. იმათმა სიცოცხლემი საიდან გამიგებენ? იმის
დამწერი ამ ნიადაგზე აღარ არის — ისეთი კაცი ვიშოვე!.. ნეტავი
მეტა რამე შეიძლებოდეს მე ისინი არ დავზოგო და ვერც გამიგებ-
დნენ ვერაფერს!.. ოხრები, ქვეყნის მძარცველები, თავისა თავის მე-
ტი არავინ ახსოვთ, არავის ჭავრი აქვთ! დასწყევლა ღმერთმა ყველა.
არავისაგან საშველი არ არის! ყველა გამლღეტია. ყველა მძარცვე-
ლია! — გამწარებით ამბობდა გალაქტიონი. — ამათზე ხომ ვიყარე
გულის ჭავრი... მოუხდებათ!.. ერთ დღესაც გაწყვეტილან ყველა,
ვისაც არ ვებრალებით! ყველა ერთ დღესაც გაწყვეტილან!

ს ა რ ჩ ე მ ი

ნ ე მ ი ც ხო ვ რ ე ბ ა ს გ ზ ა ზ ე

თავი პირველი	7
თავი მეორე	17
თავი მესამე	26
თავი მეოთხე	35
თავი მეხუთე	47
თავი მეექვსე	65
თავი მეშვიდე	80
თავი მერვე	100
თავი მეცხრე	143
თავი მათე	155
თავი მეთერთმეტე	190
თავი მეთორმეტე	211
თავი მეცამეტე	226
თავი მეთოთხმეტე	237

მ ო თ ხ რ ო ბ ე ბ ა

შერისხვა	247
მსხვერპლი	259
სოლომან მორბელიძე	292
წრფელი გული	323
სამანიშვილის დედინაცვალი	355
მრევლში	428
ქამუშაძის გაკვირება	444
მიქელა	559
თავადი პეტრე	574
როსტომ მანველიძე	578
მწობლის ნუგეში	586
ბაკულას ღორები	589

რედაქტორი ს. კლდიაშვილი
გამომც. რედაქტორი ილ. ხოშტარია
მხატვარი ბ. კაკაბაძე
მხატვრული რედაქტორი გ. გორდეღაძე
ტექნიკური რედაქტორი ზ. ხუნდაძე
კორექტორები: ლ. არეშიძე, ნ. თავაძე

ბელმოწერილია დასაბეჭდად 25/XI-61 წ.
ქაღალდის ზომა 60×90¹/₁₆.
საილრ.-საგამომც. თაბახი 32,7.
ნაბეჭდი თაბახი 38. საავტორო თაბახი 32,05.
ტირაჟი 20.000. შეკვ. № 599.
ფასი 1 მან. 50 კაპ.

საქ. სსრ კულტურის სმინისტროს
მთავარპოლიგრაფგამომცემლობის სტამბა № 1-ლი,
თბილისი, ორჯონიკიძის ქ. № 50.

1-я типография Главполлиграфиздата
Министерства культуры Грузинской ССР.
Тбилиси, ул. Орджоникидзе, 50.